








John Carter Brown.






















20:11

G. 149—VL.

~~G. VIII-12.~~

Relief of . Vignette only.



IOANNIS  
GENESII  
SEPVLVEDÆ  
CORDVBENSIS

Sacrofanctæ Theologiæ Doctoris, Caroli V.  
Imperatoris, Historici.


1449

OPERA,  
quæ reperiri potuerunt  
OMNIA.

Quorum elenchum vide lector pagina quinta.


NUNC PRIMVM SINGVLARI STUDIO  
*in Hispania, Italia, & Gallia ad publicam utilitatem  
conquisita, & iam simul in lucem  
edita.*

Adiectus est copiosus rerum memorabilium index.



COLONIAE AGRIPPINAE,  
In Officina Birckmannica, sumptibus Arnoldi Mylij.  
ANNO clo. lccii.  
*Cum gratia & priuilegio Sac. Cas. Maestatis.*







AMPLISSIMO, DO-  
CTISSIMOQUE VIRO,  
MARCO VELSERO  
DVVMVIRO AVGVSTANO

Salutem.



Hilosophandirationem, utte omnium  
minime fugit, ampliss. ac doctiss. VEL-  
SERE, cum ab Hebræis discesseris,  
Græci primum tractarunt, post, serius  
tamen, Romani Ciceronis ætate, usque  
ad Boethium Seuerinum, indeque Ara-  
bes eam, ut rerum est omnium vicissitu-  
do, cum Mathematicis disciplinis arri-  
puerunt, denique in Europam penitus

Philosophia peruasit: & quis credat, ab ultimis ferè Septemtrio-  
nis oris Lutetiam, indeque porro in Italiam, cum Scholastica  
quam vocant, Theologia, denique in Hispaniam delata est: quæ  
gens hodie in his ipsis disciplinis sic regnat, ut, absit verbo  
inuidia, familiam ducere, qua subtilitate ingenij, qua laboris  
constantia videatur. In his si qui forte iudicio cæteris ante-  
celluerunt, Eloquentiam Philosophiæ arctissimo vinculo col-  
ligatam adiunxerunt: rati quod est, sensa eloqui commodè  
non posse, sed rusticè & inquinatè proferre, id demum esse,  
ut in Tusculanis disputationibus M. Tullius ait, hominis  
intemperanter abutentis & otio & litteris. Equidem duos præ-  
cipuè gentis huius, parentum memoria, hac in re claruisse ob-  
seruaui, ex quo libro tractare cœpi IOANNEM GE-  
NESIVM SEPVLVEDAM Cordubensem, cuius  
tibi scripta lubens merito offero dedicoque, & SEBASTIA-  
NUM FOXIVM MORZILLVM Hispalensem, Bæti-  
cum vtrumque, id est acutum ac disertum. Hunc quidem in  
Belgio floruisse memini, familiaritate vsum Pet. Nannij, ac Cor-



## P R A E F A T I O.

nelij Valerij Eloquentiæ Doctorum Louanij in Collegio Trilingui Buſſidiano: Ille vero in Italia clarus, Bononiæ ac Romæ quæ didicerat Ciceronianæ in primis dictionis ſtudioſus, litteris conſignauit, teſtantur id ad eruditos epistolæ, quas hic damus. FO-  
 X I V S Peripateticam ac Platoniam Philoſophiam Latinis litteris conſignauit, & orbem diſciplinarum, quem Græci ἐν κύκλῳ παιδεί-  
 ας nominant, tradidit, domumque accitus à regijs, vt Principis iuuentutis Hiſpanicæ ſtudijs præſſet, naufragio, pro dolor, periit, & niſi iuuenis diligenter à ſe cogitata euulgaſſet, idem ſane Oceanus nomen, qui corpus obruiſſet. G E N E S I V S Hiſpanorum in Bononiienſi Academia Gymnaſium hiſtorico ſtylo in vita AEgidij Albornotij Card. deſcripſit, & Ariſtotelem potiſſimum admiratus P O L I T I C O R V M libros octo & vertit & Commentario illuſtrauit. Cum iam *parua*, vt vocant, *Naturalia* opuscula Latinè reddidiſſet, & Petrum Alcyonium ſpecioſè magis quam verè reddentem, longè ſuperaiſſet. Alexandri quoque Aphrodiſiei interpretum omnium principis Commentarios εἰς μετὰ τὰ φυσικά, hoc eſt in primam Philoſophiam conuerſos Clementi VII. Pontif. Maxi. obtuliſſet. His nos P O L I T I C O R V M libros duos adiungendos Kyriaci Strozæ hominis Græcè doctiſſimi, coronidis vice curauimus, quibus quæ deerant, ſupplere conatus eſt. huius quoque *Geneſij* opera valde adiutos, vel ipſorum conſeſſione animaduertas, qui poſt eadem Stagirita Politica Latinè facta ſcholijs illuſtrarunt: Ioachimi quidem duo: Gallus alter, alter Germanus, vt & Mart. Borraus, Ludouicus Strebæus, & Nic. Gruchius, Lambinus, Galli, & Ioannes Caſius Anglus, & de Italis Petrus Victoriuſ vir vndecunque doctiſſimus. Reliqua verò SEPVLVEDAE monumenta, quæ σποράδην edita in Hiſpania, Italia, Gallia, ac Germania circumferebantur, quæq; in vltimis Hiſpaniæ finibus reperiabantur, à ſingulari amico, tuique imprimis ſtudioſo And. Schotto veluti naufragij tabulas collecta, ad noſque in Vbios miſſa, & vno faſce colligata nominis tui auſpicio damus: cum quod à ſacris, vt pius, minimè abhorreas, quæ & hic grauiter diſerteque tractat; tum quod vnus propemodum in Germania litteras litteratoſque foueas.

*Solus enim tristes hac tempeſtate Camænas  
 Reſpicis*

Equi-



P R A E F A T I O.

Equidem si hæc tibi grata accidisse cognouero, erit cur maiora tibi me debere ingenuè profitear, domique adornem. Vale. nosque amare perge. Coloniae Vbiorum, ipsis IDIB. Ianuar. noui anni. c15. 15 c11. qui, ut tibi feliciter eueniat, opto.

D. T.

deditissimus

Arnoldus Mylius

ELENCHVS OPERVM

IOANNIS GENESII SE-

PVLVEDAE.

*De vita & rebus gestis Aegidij Albornotij Card. lib. tres  
pag. 1.*

*Descriptio collegij Hispanorum Bononiensis p. 63.*

*De regno & regis officio lib. tres p. 71.*

*Epistolarum lib. septem pag. 119.*

*De correctione anni & mensium Romanorum pag. 289.*

*Dialogus de appetenda gloria, qui inscribitur Gonsalus pa. 310.*

*De honestate rei militaris qui inscribitur Democrates, libri  
tres pag. 339.*

*Apologia pro libro de iustis belli causis, suscepti contra Indos,  
pag. 423.*

*Oratio ad Carloum V. ut bellum suscipiat in Turcas pag. 446.*

*Dialogus de ratione dicendi testimonium in causis occultorum  
criminum, qui inscribitur Theophilus p. 460.*

*De ritu nuptiarum & dispensatione lib. tres pag. 492.*

*De fato & libero arbitrio contra Lutherum lib. tres pag. 536.*

*Antapologia pro Alberto Pio comite Carpeni in Erasmus  
pag. 594.*



# DE VITA SCRIPTISQ.

IOAN. GENESII SEPVLVEDAE  
CORDVBENSIS.

*Scriptis eius & epistolis collecta.*



IOAN. GENESIUS SEPVLVEDA Cordubæ honestis parentibus, antiqua Christianorum apud suos genere natus, Anno Christi opinor cIo. cccc. xci. puer liberaliter institutus, primisque literis in patria est imbutus, ad quas rapi se natura, genioque videbat. Est autem Corduba vltioris Hispaniæ in Bætica, vrbs celebris, & non modo frugum, optimorumque equorum feracissima, sed & ingeniorum parens, & militarium virorum vt astutorum copia felix: in his olim Fernandus Gonsalvus fuit, Dux Regum Catholicorum, qui rerum gestarum gloria Magni cognomentum retulit. Genesius verò, Complutum, Carpetanorum frequentem Academiam, (hodie *Alcala de Henares* à flumine nominatur,) à parentibus ad vberiore ingenij cultum, tanquam ad mercatum mittitur: deditque operam in Dialecticis & Physicis Xantho Mirandæ, egregio eius ætatis Philosopho ac Theologo, & acerrimo disputatori, vt solus pæne in scholis regnare putaretur. Decursis iam triennio Philosophiæ humanæ spatijs, ad sacram illam scientiarum dominam, animum conuertit, vt Ecclesiæ Dei vtilem nauare operam posset. Ne verò parentibus oneri amplius esset, vacaretque Bononiæ alumni Hispaniæ locus, eò se non inuitus Sepulveda contulit, quo vt Philosophiæ, sic & Theologiæ culmen superare, Deo beneiuuante, aliquando posset. Cuius de Collegij Bononiensis fundatoris, Aegidij Carilli Albornotij vita, rebusque domi, militiæ gestis, Latinè & eleganter, rogatus à sodalibus, eò postea scripsit libentius, quo grati animi testificationem apud posteros exstare cupiebat ardentius. Adiecit & Collegij illius Hispaniensis originem, doctosque homines recenset, qui ad eum diem, tan-



## IOA. GENESII SEPVLVEDAE VITA

em, tanquam ex equo Troiano, inde prodijissent. Totum hic se Theologicis studijs ac S. Scripturæ, qua disputando, qua lucubrando sic tradidit, vt & Philosophica interdum retractaret & horis subsecuius Græcas litteras, (quas iam inde à puero adamauerat, & eloquentiæ Ciceronianæ iungendas arbitrabatur,) respiceret: confectoque iam sacrarum literarum curriculo, Romam vltro honoris gratia est euocatus in familiam Alberti Pij Carporum Principis, viri non modo natalium splendore, sed & Philosophiæ ac Theologiæ scientia adeo excellentis, vt æqualium cederet fortasse nemini. Huic libenter studiorum sese socium Genesius adiunxit, qui, vt in Apologia aduersus Erasmus testatum ipse reliquit, tam honorificè semper, tamque amanter, multos annos eum tractauit, nihil vt honoris, vel benignitatis, vel denique fauoris, cuiquam suorum tribuerit, quod illi non fuerit sane libens impertitus. Erat in docta illa familia; seu Athenæum appellare libet, doctorum hominum, non assentatorum copia: Aldus Manutius Romanus, & Marcus Musurus Cretensis: quo quidem Græcæ linguæ, vt illo Latinæ vsus doctore Albertus fuerat, Triphon Byzantius vtriusque peritus linguæ, Petrus quoque Pomponatius, & Ioannes Monsdocus Hispalensis: qui post Philosophiæ magistri publicè inclaruerunt: ille Bononiæ, hic Pisis, & Patauii. Theologi quoque complures alij hic cernebantur. Igitur otium nactus, liberaliter Genesius ad commentandum, litterisque mandandum, quæ pridem meditata haberet, animum appulit. Cumque magnam esse oratoris laudem in interpretando didicisset, & penes Græcos Philosophiam esse, quæ muta adhuc apud Latinos iaceret, careretque litterarum lumine, Aristotelis Peripateticæ scholæ principis libros quosdam, Bononiæ primum, post etiam Romæ in illa viginti duorum annorum Italica peregrinatione, Latinitate donauit. Animaduenterat enim elegantius quosdam quam verius, sensa Philosophi reddere, & Ciceronianos quam Aristoteleos, videri se maluisse, vt Alcyonium, vt Perionium. Conuertit enim duos *de Ortu, & Interitu* libros, & quattuor *Meteorologia*: quorum alteros Adriano VI. Pont. Max. alteros Carolo V. Cæsari obtulit. Libellos quoque ad animantiū naturā pertinētes, qui vulgo *parui Naturales* nominantur. *de sensu & sensibilibus, de memoria ac recordatione, de somno ac vigilia, de insomnijs, de diuinatione per somniū, de vitæ lōgitudine ac breuitate, de iuuetate ac senectate, de spiratione, de motu animalium, de eorum denique incessu.*



## IO. GENESII SEPULVEDAE VITA

*cessu*: quos ad Albertum Pium Principem misit: Græcorum scholijs in ijs adiutus Alexandri, Simplicij, Philoponi, ac Michaelis Ephesij. *De mundo* quoque libellum aureum ad Alexandrum, quisquis tandem auctor est, Latinum etiam fecit, in gratiam Herculis Gonzagæ Mantuani Principis. Præterea Clementis VII. P. M. voluntate ac iussu, doctissimam Alexandri Aphrodisieci enarrationem, in duodecim Aristotelis libros *περί τῆς φυσικῆς φιλοσοφίας* *de prima Philosophia* Latinè reddidit: nam duos qui restant, Alexandri libros Græcè extare audio Patauij, apud nobilem iuxta atque eruditum virum Vincentium Pinellum; post Aristotelis *de optimo reip. statu* libros VIII. non solum è Græco in latinum sermonem, veterum & castigatorum exemplarium fidem secutus conuertit, sed eorum difficiles quoque locos breuibus scholijs explanauit. Ethica quoque *Νικομάχεια* maiorum vigiliarum opus Paraphrasi, quæ tamen lucem non aspexit, illustrasse videtur, & Argyropoli versionem castigasse hortante Io. Matthæo Giberto, Veronensi Episcopo, *apparet ex epistola VI. & VII.* Qua commentatione natam sibi scribit illam Quæstionem, quam & profligauit, ad exitum quæ adduxit, *De conuenientia militiæ cum Christiana religione*, & *Democrates* inscribitur Dialogus: nam altera huic affinis, & longe difficilis quæstio accessit, cui titulus, *Democrates alter*, siue *de iustis belli causis*. Quæsitum enim, *iurè ne an iniuria Barbari apud Indos in Hispanorum ditionem redigerentur*. Asserebat nimirum Genesius, noui orbis incolæ, quos Indos vocamus, in Christianorum ditionem armis redigi ius fasque esse. Non in seruitutem tamen, sed ditionem abducendos: non bonis spoliandos, sed sine iniuria conseruandos: non heriliter eis, sed regiè ac ciuilitè, ad illorum vtilitatem esse imperandum. Editusque olim hac dere Romæ libellus, paucis admodum exemplaribus, curante Antonio Augustino V.C. Pontificij tum tribunalis, quam *Rotam* à forma vocat, auditore, *ut ait epistola LXIX. & LXX.* verum quod constanter à reliquis contradici videret, premi & interciderè passus est. Apologiâ tamen eius, quæ rationes sententiæ suæ apertius reddebat, in Italia nacti sumus, *vide Epist. LXVII. & LXXXI.* Disputauit & ipse hac ipsa dere coram iudicibus, cum Dominicæ familiæ Theologis, qui & ipsi de hoc iure sententiam suam copiose explicarunt, Franciscus Victoria, Dominicus Soto, & Bartholomæus Chapæ in India Episcopus. Sed & Complutensis Academiæ doctores, à Sepulveda dissenisse, didici lib. VIII. Aluari Gometij



## IO. GENESII SEPULVEDAE VITA

Gometij de vita Francisci Ximenij Cardinalis. Cōsulebatur autem ut præstans eius ætatis Theologus frequenter, difficilesque ad eum nodi ac scrupuli reijciebantur, quos disertè ipse dissoluit, & quidem ferè Dialogorum ritu, Platonis, & quem studiosè sectabatur, M. Tullij exemplo. *Sic de gloria appetenda, de fato, & libero arbitrio: de nuptiarum ritu, ac dispensatione: denique de testimonij dicendi in occultis criminibus ratione.* qui sunt in manibus libelli, citanturque & in rem præsentem adferuntur, à summo Iureconsulto Martino doctore Nauarro. Cæterum cum Erasmo, nouis rebus studente, & ambiguè atque occulte Ecclesiam oppugnante, sic edita Apologia contendit, ut & modestiæ nunquam suæ oblitus, & veritas altercando quæsitã videretur. Iactarat ille eius libri auctorem (quem Albertus Pius Carporum Princeps, pro Catholica religione in eius errores euulgarat) Sepuluedam esse, *ut epistola XLIII.* refert: quodque frigide illum in Ciceroniano suo Batauus, ac veluti spei bonæ iuuenem prædicasset, cum grandis iam natus esset, editisque libris clarus, in alia omnia Genesius discessit, & Ciceronem vnum, ut eloquentiæ parentem, non quosuis imitandos esse, rectè censuit, *epistola X. & XXXIX.* Quemadmodum vero in anni mensiumque correctione (de qua pauci tunc egerant, hodie verò plurimi, instaurato à Gregorio XIII. P. M.) dissensit à nostro Gaspar Contarenus Card. Venetus, Mathematicus & Philosophus egregius, *epistola XXV. XXVI. XXVII.* Sic & ille à Fredenando, Nonio Pinciano discrepat, in saltus Pyrenæi terminis apud Plinium, motuque Solis per signiferum, *epistola XLVI. XLVII. XLVIII.* & ne quid dissimulem, in Aeræ Hispanorum etymo, hallucinari Genesium docuit, doctus Lusitanus Andreas Resendius *epistola ad Io. Vassæum Brugensem data, indeque Didacus Couasruuias, variarum Resolutionum Lib. IIII, & in Anni emendatione Scaliger.* Sed hæc hæc haftenus. Post cum annos amplius viginti ἀποδημίᾳ per Italiam peregrinatus esset, qua in re Vlysses illum Homericum superauit, tandem aliquando, magna suorum, ciuiumque expectatione in patriam reuertit Genesius, collecta iam ingenti gloriæ adorea foris parta. Multi enim, inquit ille, extra patriam bene rem gessere, domi obscuri atque inglorij futuri. Patriam enim suos Prophetas honorare solitam negat Christus. Cæsar illum Carolus V. verè Augustus, ex Italia per Germaniam sponte adductum, nihilque tale ambientem, ultro in domesticorum numerum

retulit,



## IO. GENESII SEPVLVEDAE VITA

retulit, & Historici titulo cohonestauit: *epistola VIII. IX. & XXIX.* Cuius etiam Imperatoris, res præclare domi, forisq; gestas, vt summa fide diligentiaq;, sic & elegãtia pari, litteris prodidit: asseruariq; aiunt, eos Commentarios à Regibus Catholicis, qui inanis gloriæ contemptum, ijs hæctenus latere iussis, declarant, dum tempore vt fit inuidia decedat: posterì enim incorruptius ferè iudicant. Clima-  
tericum agens annum tertium & sexagesimum, plerisq; fatalè, gra-  
ui morbo, ad medicorũ desperationem conflictatus, Dei benignita-  
te, qui ad maiora eũ reseruaret, incolumis euasit vt ait *epist. XXCVII.* Grauis iam annis, octogenario enim maior erat, atq; in affecta, fes-  
saq; studijs ætate, è Carpetanis Vaccaëisq; Cordubam rursum seces-  
sit, vt vbi spiritum primo hauserat, ibidẽ redderet. Igitur in prædio  
Mariano vt animum defatigatum relaxaret, rusticabatur: in quo &  
otij, & studiorum gratia perinde versabatur, atq; in Tusculana sua  
villa disputationibus nobilitata M. Tullius. Is eius fundus erat ad  
conuallem Mariani montis, qua Cordubæ imminet, Galli q; cogno-  
mentum habet, disertè descriptus *epist. LXIV. LXVII. & LXXXIV.* Fra-  
trem habuit Bartholomæum Sepuluedam, qui multis & ipse annis  
Cæsari militauit, fratrisque alterius filium, Petrum Sepuluedam  
Cordubensis Ecclesiæ Sacerdotem: cœlebs perpetuo vixit & conti-  
nenter, sacerdotia minimè ambiuit, in studijs acquiescens, suoq; suc-  
co, ac Cæsaris liberalitate priuatus viuens: qua & priscos Philoso-  
phos beatam metiri vitam non ignorabat. Ad stylum quod attinet,  
poetica leuiter tinctus fuit, soluta oratione Ciceronem semper emu-  
latus, Hispanos inter excelluit, cõiuncta cum sapientia vera eloquẽ-  
di facultate, vt & apud Lusitanos Hieronymus Osorius præstitit.  
Oratio eius suavis, diserta, ac grauis, vt iudicio Philosophum excel-  
luisse, vel hinc agnoscas, vberior tamen est ac venustior, quam Phi-  
losophorum aut Theologorum nostri temporis. Epitaphium in-  
scripto marmoreo lapide, sepulchro suo, hoc sibi viuens fecit, (ex-  
statque *epist. LXXXVI.*) Quod in Putalbani Municipij æde sacrorum  
maxima, & primario sacello Antistitis, & Presbyterorum concessu,  
sibi fratrique ac posteris designauit.

D. X. S.

IO. GENESIVS SEPVLVEDA  
QVI SE ITA GERERE STVDEBAT  
VT IPSIVS ET MORES PROBIS

PLISQ.



IOA. GENESII SEPVLVEDAE VITA  
PIISQ. VIRIS ET DOCTRINA SCRIPTIQ.  
DE THEOLOGIA ET PHILOSOPHIA  
HISTORIARVMQ. LIBRI  
DOCTIS ET AEQVIS PROBARENTVR

S. V. F.

VIXIT ANNOS LXXI.  
OBIIT ANNO cIo. Io LXXII.

ELOGIA DOCTORVM VIRORVM.

*De Ioa. Genesio Sepulveda.*

*Paulus Iouius in elogijs doctrina illustrium.*

**H**Odie proculdubio IO. SEPVLVEDA Cordubensis, ipsam  
eximiae laudis arcem obtinet, qui Graecæ peritus linguæ &  
scientiarum propè omnium validis instructus præsidijs, dum assi-  
duè atque adeo feliciter stylum exercet, eloquentissimus euasit.

*Idem in Petro Alcyonio Cap. CXIII.*

**C**Um aliqua ex Aristotele perperam insolenterque Petrus ver-  
tisset, in eum SEPVLVEDA vir Hispanus, egregiè de litteris  
meritus, edito volumine, iacula contorsit, non Hercule indigna tãti  
Philosophi vulneribus, si vindictæ nomine merita poena mulctare-  
tur, tanto quidem eruditorum applausu, vt Alcyonius ignominiae  
dolore, misere consternatus, Hispani hostis libros in tabernis vt cõ-  
cremaret, graui pretio coemere cogeretur.

*Francis. Floridus Sabinus in Apologia Latinae  
linguae.*

**I**Oan. Sepulvedam Hispaniae, seculique nostri decus, Philosophũ  
Theologumq; egregium, prout par esset celebrare, maius est o-  
pus, quam vt à nobis commode præstari posset. Siquidem eius scri-  
pta exactam rerum cognitionem, mirumque in Latinitate candorẽ  
præferunt.



*Petrus Curtius in Apologia pro Italis aduersus  
Erasmum.*

**Q**uid tu GENESIVM SEPVLVEDAM Hispanū, qui Philo-  
phiā ac Theologiam, Græcis Latinisq̃ litteris, gnauiter per-  
secutus, vtramque etiam orationis vbertate, & vitæ grauitate deco-  
rauit, ad scribendum contra te, traxisse cogitas, nisi officium? nisi  
pietatem?

*L. Gregorius Gyraldus Dial. II. De poëtis sui temporis.*

GENESIVS Sepulueda Græcè ac Latinè, & bonis omnibus arti-  
bus est eruditus, in primisq̃ Philosophia ac Theologia, &c.

*Alfonsus Garfias Matamoros Hispalensis lib. de asserenda  
Hispanorum eruditione.*

**I**OA. GENESIVS SEPVLVEDA Cordubensis natura fuit ad-  
mirabili, exquisita doctrina, & singulari industria: qui cum mul-  
tis rebus excelleret, sic in omnibus tamen eminuit, ac si totum otium  
in singulis reposuisset. Latine vertit Aristotelem, & Alex. Aphro-  
diseum in libros x i i. *Ἐν μὲν ἀπὸ τῶν ποσειδῶν*: & quæ à doctis Græcis ac-  
cepit, si digna existimauit in quibus elaboraret, multo quam in ipsis  
fuerant explicata autoribus meliora reddidit. Genus orationis illi  
fufum, tractum, & cum lenitate quadam profluens, quale Historia,  
auctore Cicerone, postulare videtur. Quo factum, vt in tam admi-  
rabili aureoque Eloquentiæ flumine, quantum in *Genesio Sepulueda*  
attoniti intuemur, spiritum aliquem amplio-rem desiderent, calorē  
intensio-rem quærant, & flammæ maioris incendij postulent: non  
intelligentes fusioribus numeris placidam, quietamq̃ orationem  
reddi. Sit igitur hoc GENESII proprium, perpetuumq̃ elogium,  
celebratum encomijs à Paulo Iouio, sublatum in celum à Lilio Gy-  
raldo Ferrariensi: neminemque vnum esse ex his qui *de clavis doctri-  
na viris* ætate nostra conscripserunt, qui non Hispanorum primum  
GENESIVM Sepuluedam nominet: satiusq̃ foret de aucta eius  
dignitate Historici Cæsaris Caroli V. loqui, quam de ar-  
tibus & studijs, de quibus nemo paullo eruditi-  
or vnquam dubitauit.

(::)

AD IL.



# AD ILLUSTRUM ET

MAGNIFICVM. D. D. LVDOVICVM

CARILLVM ALBORNOTIVM, IN

AEGIDII ALBORNOTII

gestorum Librum

IOANNIS GENESII SEPVLVEDAE

CORDBENSIS.

PRAEFATIO.



*Um illustrium Virorum res gestas, et fortuna, omnibus reb. dominantis, temeritatem, considero, ut praeclarè in primis cum his actum esse videri solet, quibus illustrium factorum suorum illustres scriptores contigere, sic eorum conditio mihi quadamtenus videtur miseratu digna, quorum gloria post praeclara ab ipsis viuentibus edita facinora, obruta, obliuione in obscuro iacet. Quam calamitatem maioribus nostris, id est, Hispanis, scriptorum inopia contigisse, satis*

*scitè Mena contraneus meus suo carmine deplorauit. Quid enim miserabilius, quam post plurimos labores, ingentiaq; exhausta pericula, summam virtutem suo praemio fraudari? Est verò cum aliarum virtutum commune praemium honor, tum magnitudinis animi, teste Aristotele, maxime proprium. Qui honor eo cuiq; vberior defertur, quo ad plurimum hominum, plurimumq; aetatum memoriam eius laudes monimentis litterarum propagantur. Senserat hanc iniuriam multos annos AEGIDIUS ALBORNOTIVS Vir sine cōtrouersia suae memoriae decus, & gloria. Qui cum pacis belliq; artibus viuēs summam claritatem adeptus esset, nemo tamen eius praeclarè gesta, nisi aua-rè, & dum alias res agit, memoria tradiderat. Donec prouenire grati homines in collegio Hispaniensi, quod eius auspicijs Bononae honestus generis nostri iuuenibus litterarum studia emulantibus conditum est. Qui, ut tantum virum deq; se optinè meritum ab ea iniuria vendicarent, perlectis, ac consideratis epistolis Pontificum, ac AEGIDII vtrò citroq; missis, quarum maxima copia in collegij scrinijs etiā nunc asseruantur, quosdam velut Cōmentarios eius rerum gestarum, summo, ut credibile est, labore confecere. Et ut in historiae formam redigeret, cuidam Ioanni Garzoni Boniensi, cuius eloquentia, erat tunc*



non mediocris opinio in hac ciuitate, prouinciam oblat a satis honesta conditio-  
 ne delegarunt. Ita horum opera effectum est, ut AEGIDIUM nomen, quod diu-  
 tina obliuione velut oppressum tenebatur, è maligna luce in apertum emerge-  
 ret, hominumq; notitiam prodiret. Sed scriptor ille disertus, vt putabatur, in-  
 iunctum munus tam negligenter obiuit, vt difficile dictu sit, industriane, an  
 eloquentia minorem laudem meruerit. Qui nulla saepe nec temporum, nec lo-  
 corū habit a ratione, vt quæ quæ in manus venerāt, scribebat. Quo factū est, vt  
 quædam non satis sibi constantia, nonnulla eadem haud vno in loco confusa,  
 inculcataq; reliquerit. Nam quod ad stilum attinet, tantum abest, vt histori-  
 cum characterem tenuerit, vt nunquam, dicam enim quod sentio, historiam  
 legisse videatur, atque adeo vtinam quæ voluit, satis latine, dixisset. Quæ nō  
 ob id hercle à me commemorantur, vt homini probo alioquin, vt accepimus,  
 nec inerudito, cui vel eo nomine habenda gratia est, quod plerasq; res tam dif-  
 fusas, tamq; dispersas in vnum velut corpus vtcunq; congesit, inuidiam fa-  
 ciamus, cum mortuis laruarum more luctantes, sed vt interim constet, nō te-  
 merè hunc laborem à nobis fuisse susceptum. Huiusmodi namq; vitia non ferē-  
 tes crudit iuuenes mei sodales in Aegidiano collegio, qui dum, vt ego inter-  
 pretor, mutua inter nos beneuolentia indulgent, ingenio meo, quod equidem  
 intelligo quam sit mediocre, tantum tribuunt, quantum ego nec agnosco, nec  
 postulo, à me familiariter petiuerunt, vt rudem & barbaram historiam in  
 mitiorem cultum, & humaniorem, sic enim aiebant, formam redigerem. E-  
 go verò & meæ tarditatis conscius, nec ignarus, quod Cicero testatus est, hi-  
 storiam nec institui nisi preparato otio, nec exiguo tempore absolui posse, diu  
 equidem repugnaui. sacrarum literarum, & Aristotelica doctrina studio se-  
 ueriores, quod me multos iam annos teret, occupatus. Sed cum tanto illi ma-  
 gis vrgerent, & mihi velut ingratitudinem exprobrantes AEGIDIUM erga nos  
 merita comemorarent, accessit summi et grauissimi viri authoritas Bernar-  
 di Caruial Cardinalis, qui Sanctæ Crucis inscribitur, qui, vt est, cum illustri-  
 um virorum suiq; similium, tum in primis AEGIDIUM Albornoij laudum (vt  
 ita dicam) amator, id mihi munus missis litteris iniungere tanti putauit.  
 Prouinciam ergo non tam perficiundi spe, quam negandi verecundia suscepi.  
 Et succursuas horas, quas literarum Græcarum studio in quo aliquandiu ver-  
 satus sum, impendere solebam, huic operi destinaui. Quod Ludouice Carille  
 Albornoie tibi potissimum iustis de causis dicamus. Non ob id tantum, quod  
 quidem magnum est, quod inter Principes Hispanos ita generis claritate, et  
 omni virtute, nulli cessurus excellis, vt ad illustranda scripta nostra nomen tu-  
 um per se satis fore videatur, sed quia cū tuis Albornoie familie Princeps,  
 ac proinde glorie, ac laudem AEGIDIUM legitimus haeres, nefas duxi, quidquid  
 à me



à me rerum gestarum huius diuini Viri memoria prodi, quin sub tuo patrocini-  
 nio in lucem emitteretur: vt dum te hoc officio colimus, quod quantulumcun-  
 que est certè Principes & honestum sibi, & gloriosum putare solent, ipsi quo-  
 que AEGIDIO, cui ob ingentia eius in nos merita, hoc officium prestamus,  
 hac quoque parte gratificemur. Quem nemini suorum gestorum historiam  
 nuncupari, quam tibi malle credibile est. Suspice igitur opus grato animo &  
 maiorum tuorum illustria facta recognosce, vt hac legendo, simul tui generis  
 gloria fruaris, simul ad æmulandam illam uirtutem (quod facis) tanto magis  
 exciteris. Ita te quamlibet rudis et nuda narratio iuuare, et opus quoquo  
 modo scriptum aliqua ex parte delectare poterit, cum se tibi parum labore  
 nostro commendabit. Quanquam mehercule testari possum multum me in id  
 opera posuisse: non modo vt orationi Latinae aliquem nitorem adderem, licet  
 ne hanc quidem partem, quantum in me fuit neglectam reliquerim, ignarus  
 quantum ea opera fuerim consecutus, sed multo magis in reuoluendis illis scri-  
 ptis quorum fidem, sed praeposterè secutum fuisse Ioannem Garzonem supra  
 memorauimus: vt aliqua saltem locorum, ac temporum ratio constaret, & plera-  
 que quæ desiderabantur exciperem. Qua mihi parte hærenti, ac diu laboran-  
 ti dum implorata auxilia comparantur, opus intermititur, Et quod otium  
 huic impendebam: vertendis è Græco in Latinum exponendisq; quibusdam  
 Aristotelis voluminibus tradidi, quæ propediem edere cogitamus. Donec Go-  
 metius Carillus frater tuus, Vir præclarus et qui magno animo magnaq; sa-  
 pientia Conchensem Ecclesiam Thesaurarius moderatur, quoque alunino col-  
 legium nostrum merito gloriatur, à me literis consultus multa è fidelibus mo-  
 nimentis excerpta suppeditauit, quæ me magnopere iuuerunt: qua occasione  
 inuitatus, cum quæ intermiseram, reuocassem, absoluta vt recognoscerem, ac  
 edere inciperem me hortati sunt cum alij mei sodales AEGIDII eiusq; gloriæ  
 amantiissimi, tum in primis Iacobus Pontus de Leon nostri collegij Rector, Vir  
 integer, et grauisissimus; qui, vt de eius multiplici doctrina taceam, cū priuatus,  
 tū maxime in eo magistratu constitutus suo se nomine, suaq; clarissima fami-  
 lia perquam dignum exhibere perseuerat. Horum igitur auctoritatem secu-  
 ti, vt obiter immatura forsitan editionis inuidiam authoribus leuemus, li-  
 brum quem ipsi nondum maturuisse putabamus, ac iusto fortasse cru-  
 diorem emisimus. Hac tamen fiducia, quod tibi dicatur, tutio-  
 rem ab iniurijs in manus hominum proditu-  
 rum. Vale.



4  
RERVM GESTARVM.  
ÆGIDII ALBORNOTII  
CARILLI, CONCHENSIS  
S. R. E. CARDINALIS ET  
ARCHIEPISCOPI TOLETANI,  
DVCIS CLARISSIMI  
LIBRI TRES.

*In quibus, quæ ratione tyrannica oppressam seruitute ITALI-  
AM in libertatem asseruit, Ecclesiæq; restituit, & Ponti-  
fices Auenione velut exulantes, ROMAM  
reduxit, legisse opera & precium  
fuerit.*

A IOANNE GENESIO SEPVLVEDA  
CORDVBENSI conscripti.

LIBER PRIMVS.

Natales Æ-  
gidij Albor-  
notij.



ÆGIDIVS ALBORNOTIVS natione Hispanus, patria Conchenfis, ex clarissima Albornotiorum familia, patrem habuit Garfiam Aluarum Albornotium principem virum, & multis populis dominantem, qui genus ab Alphonso quinto Legionensium Rege perpetua stemmatis claritate repetebat. Matrem Teresiam de Luna, quæ eadē summo loco nata genus ducebat à Iaimo, seu Iacobo, rege Arragonum. Is cum iam inde ab ineuntibus annis literarum studio deditus, magna futuri profectus præbuisset documenta, ætate adultior in Tolosanum, florentissimum id temporis gymnasium, à patre, optima spe concepta, mittitur. Vbi ingenij felicitate, pertinaci erga literas studio, eo processit eruditionis, vt breui inter paucos iuris pontificij peritissimos, nec extremo loco numeraretur, quam doctrinam cum eximia morū sanctitate & singulari religionis obseruantia illustrasset, in patriam reuocatus nactusq; familiaritatem Alphonsi Castellanorum Regis, qui Algeziras vrbes quondam nobilissimas haud procul sitas à freto Herculeo à Mauris recepit, summis virtutibus hominum de se vicit opinionem:  
Rei



Regi adeo charus & sanctimonia venerandus, vt interfuturus ille Regi Alpho-  
 sacrificijs à nemine mallet, quàm ab AEGIDIO iam sacris initia- so Castellæ  
 to rem diuinam peragi. Quibus artibus cum à Rege summam grati- fuit à sacris.  
 am iniuisset, haud ita longo interiecto tempore, Archiepiscopatu To- Donatur Ar  
 letano, amplissima dignitate, ab eodem auctus est: non multò antè præ- chiepiscopa-  
 liū illud nobilissimum, quo ab hoc Alphonso victus est & fugatus Be- tu Toletano.  
 namarinus Rex Maurorum potentissimus, qui bellum Hispanis illatu-  
 rus, innumerabilem penè exercitum in Bæticam traiecerat. Quod præ-  
 lium Rex initurus AEGIDIO rem diuinam facienti religiosissimè  
 interfuit, & cum CHRISTI corpus adorasset & venerabundus ab  
 eius manibus sumpisset, ab eodem sese arma indui poposcit: cuius  
 ille precatus, vt res feliciter eueniret, non modo corpus ferro, sed a-  
 nimum etiam summa spe ac ingenti fiducia armavit, dum fortiter ge-  
 storum, inuictæque ipsius maiorum virtutis admonet, & multa non in-  
 ultæ impietatis in Deum CHRISTVM exempla commemorat. Et  
 commisso certamine, Regem alios hortantem, ipse lateri proximus  
 adhortationibus incendebat. Sed parta victoria, receptisque Algeziris, Regis Alpho-  
 quæ fugato Benamarino, paruo negotio victori cesserunt, dum Gibral- si obitus.  
 tare obsideret, morbo correptus Alphonsus diem suum obiit. Regnum- Anno Chri-  
 que dissimillimus filius, atque adeò pestis humani generis, Petrus ille sti 1351.  
 excepit, cui facta Crudelis cognomen merito peperere. Hic initio rerum  
 nondum ferina sauitia sese efferente, AEGIDIVM, vt par erat, eo-  
 dem familiaritatis loco recepit, quem apud Alphonsum obtinuerat:  
 eiusque adhortationes & monita admittere visus est: adeò, vt hoc ma-  
 gistro morum non paruum spem de se hominibus principio rerum ex-  
 hiberet. Sed cum se paulatim pestis detexisset, cum virtutibus coepit  
 odisse magistrum. nam cum primum castigationis dolorem animo  
 repugnante, tamen altius suppressisset, paulo post victus infita ferita-  
 te, iusta consilia detrectabat; & cum cætera grauissimè pateretur, illud  
 ferre non potuit ab AEGIDIO sibi toties exprobari. Quod fastidi- Regis Alpho-  
 ta Blanca vxore pudicissima, cuidam Mariæ de Padilla effrenata li- si F. Petro  
 bidine assuesceret. Erat enim AEGIDIVS cum omnis generis viti- Crudeli inui-  
 orum acerrimus insectator, tum libidinis vel maximè, à qua tantum sus, quod i-  
 abhorruit, vt fama constet, nunquam eum hoc crimine, quoad vixit, psus libidi-  
 fuisse pollutum. Rex ergo dissimillimum hominem sua spontè palam nē reprehē-  
 exosus, pellicis quoque, quæ grauem censorem capitaliter oderat, deret.  
 precibus incensus, necem AEGIDIO molitur. Ille verò cognitis in-  
 fidijs, quæ gratiosum in primis hominem diulaterne nequiuerunt, cau- Concha Aue-  
 sa simulata, missionem efflagitat. quam cum vix ad tempus impetra- nionem ad  
 set, Concham urbem patriam peruenit. Vbi parumper commoratus, Clementem  
 comparataque profectione, ad Clementem VI. P. M. Auenionem, VI. P. M.  
 sedem id temporis Ecclesiæ Romanæ, contendit. A quo libentissi- proficiscitur.



*Ab eodem  
Card. crea-  
tur.*

*Italia à Ty-  
rannis oppres-  
sa.*

*Ab Innocen-  
tio VI. Card.  
Alborn. pon-  
tificij exerci-  
tus dux eli-  
gitur.*

mè exceptus summoque in honore habitus, paruo interiecto tempore, Cardinalis factus est. Clementi successit in Pontificatu Innocentius VI. Vir integerrimus, singularis constantiæ & seueritatis. Apud hunc AEGIDIUS sanctitate & moribus persimilis, multò etiam magis gratia & authoritate valuit. Quandoquidem iam non sapientia tantum, & pacis artibus censebatur, sed magnis etiam virtutis indicijis spem concitauerat, non minus præsentis se animo ad bella gerenda futurum, quam acris ingenio fuisset ad litteras capeffendas. Opprimebatur eo tempore à tyrannis magna pars Italiæ, quæ Ecclesiasticæ ditionis erat, instimulante ad id, non modo fauente, Ludouico Bauaro Imperatore, quem propter ipsius scelera, Innocentius quoque post superiores Pontifices anathemate reuinxerat. Quippè cum occupasset cum multis alijs oppidis Viterbium, Ioannes Vicus: Ariminum, Pisaurum, Fanum Malatesta de Malatestis: Vrbinum, Antonius Philaretus. Ac ne singulos persequar: quæ pars erat Imperij Ecclesiastici, quæ à tyrannis non teneretur? Ad eas igitur ciuitates recipiendas, quæ superiorum Pontificum negligentia magna ex parte amissæ fuerant, etsi quædam alia Innocentium stimularent, polcentibus nonnullis earum idipsum per legatos, multum tamen AEGIDIUS virtutem consiliumque inuitasse creditum est. Plerisque igitur rebus opportunè congruentibus, Pontifex nihil cunctandum ratus, AEGIDIUM ad se vocat, consilium suum exponit: multos esse in Italia populos ab Ecclesia per vim tyrannicam alienatos, cum magna rei Ecclesiasticæ iactura & Pontificum dedecore, fore, nisi serpenti indies malo quàm primum occurratur, ut cæteri eorum exempla secuti, ab Ecclesia propediem desciscant: tanto magis, cum Ludouicus Imperator Ecclesiæ infestissimus hostis, eas ad defectionem sollicitare nunquam desistat. Commemorat deinde quantam ipse & Cardinalium collegium spem & præsidium in eius sapientia, fide, ac virtute collocauerint. Summam eius belli contra Tyrannos administrandi ad eum communi omnium sententia ac consilio deferri. Proinde se honestissimæ simul & honorificæ rei accingat, quàm peractum non se credere tantæ virtuti & industriæ difficilem fore, nonnullis iam ciuitatibus Tyrannorum sæuitiam deprecantibus. Quæ sint ad expeditionem necessaria, dispiceret, milites omnis generis, pecunias, commeatus, abundè se suggesturum pollicetur, quibus rebus ille amissas Ecclesiæ opes valeat restituere, & sibi immortalem gloriam comparare. Hac oratione delectatus AEGIDIUS, quod videret oblatam sibi occasionem in difficili quidem, honestissima tamen causa, virtutem suam & consilium ostentandi, prouinciam libenti animo suscepit. Quin etiam gratias se habere respondit Pontifici, quod sibi potissimum eas partes iniungeret. Nam etsi rei onus sentire, nihil tamen sibi potius



eius, nihil antiquius esse, quam Ecclesiae ac Pontifici suum officium im-  
 partiri: cuius rei causa nullos labores, nulla discrimina, deprecari si-  
 bi iam pridem indixisset. Bonam spem conciperet, daturum se ope-  
 ram, sperareque, ut debellatis tyrannis, omnes ciuitates, quae vnquam  
 Ecclesiae paruissent in eiusdem redigerentur potestatem. In habendo <sup>Milium de-</sup>  
 igitur delectu vix mense absumpto, iustum exercitum diuersarum <sup>et</sup>  
 nationum Gallorum, Teutonum, Cimbrorum, Britannorumque A E-  
 dices. <sup>G I D I V S</sup> comparauit. Vfus ad hoc magna ex parte opera Gomecij  
 Albornotij, nepotis ex fratre Aluaro Garfia Albornotio, viri & fire-  
 nui & rei militaris bene periti. Proficiscenti addit se Comitem Lupus <sup>Episco Ca-</sup>  
 Archiepiscopus Caesaraugustanus, vir sapiens & alto consilio. Quem <sup>saraugusta-</sup>  
 A E G I D I V S multis magnisque beneficijs deuinxerat, suorumque <sup>us & Pa-</sup>  
 consiliorum arbitrum adhibebat. Secutus est, & Aphonsus Toletanus <sup>ensis belli</sup>  
 Pacensis Episcopus, auctus ea dignitate à Pontifice A E G I D I I pre-  
 cibus exorato: erat enim ei veteri fidaque familiaritate coniunctus.  
 Quin etiam ab Hispania huius expeditionis fama celerissima nonnul-  
 los exciuit. In primis Blascum Fernandum, & Garfiam Albornotium  
 A E G I D I O consanguinitate propinquos. Qui iam sub Aphonso  
 Rege Castellae militantes, suae virtutis praeium, amplos honores fue-  
 rant consecuti, & post A E G I D I O operam egregiam, ut suis locis  
 referemus, in bello gerendo nauauerunt. Erat ea tempestate Archie-  
 piscopus, princepsque idem Mediolanensis Ioannes Matthaei filius,  
 in huius fauore conciliando magnum fore momentum ratus A E G I-  
 D I V S, Mediolanum iter suscepit. Quo cum appropinquare nun-  
 ciaretur, Archiepiscopus, multis honestissimis viris, ac ferme nobi-  
 lissimo quoque longius praemissis, ipse obuiam cum magno comitatu  
 ad duo millia ab vrbe passuum officij gratia procedit, ac demum splen-  
 didè magnificèq; hospitio accepit: edicto per urbem, ut A E G I D I O  
 eiusque vniuerso exercitui cibaria abundè sine vlllo pretio suppedita-  
 rentur. A E G I D I V S literas, quas à Pontifice attulerat principi  
 reddit: harum summa fuit A E G I D I V M Legatum, quem à latere suo  
 in Italiam cum exercitu mitteret, ad recipiendas à tyrannis vrbes, quae  
 conditionis essent Ecclesiasticae, ipsi etiam atque etiam commendare,  
 quidquid fauoris & auxilij in eum contulisset, sibi fore quam gra-  
 tissimum: non se solere acceptorum beneficiorum memoriam depo-  
 nere, aut esse in referenda, vel cum scenore gratia paratiorem. Po-  
 stero die, qui fuit decimus septimus Calend. Octob. cum lecta Epi-  
 stola princeps adesset, A E G I D I V S insuper Pontificis manda-  
 ta exponit, quanta, quanque iusta esset Pontificis indignatio in  
 tyrannos, qui nullo, nec Christianae religionis, nec legum huma-  
 narum respectu, Ecclesiasticas vrbes occupassent. Ad hos depellen-  
 dos magnam in ipsius Archiepiscopi fide spem Pontificem, cum eam <sup>implorati</sup>  
 expe-



expeditionem moliretur, collocasse. Proinde obtestari, vt Christi vicario, omnia de ipso sibi promittenti, ne deesset: Ecclesie, cuius ipse bona pars esset, laboranti, & in ruinam precipiti succurreret. Quibus auditis, princeps multa simul animo agitans, pugnante videlicet cum petitione honesta, eo timore, ne debellatis tyrannis, ipse quoque Bononiam, quæ itidem ab ipso occupata ad Ecclesiam pertinebat, amitteret, semper se, respondit Pontificis voluntati fuisse obsequētissimum, quia tamen ea res ardua pergrauisque esset, ad deliberandum se diem sumpturum. Postridiē reuersus incertum, an rei honestate victus, an quod à Pontificis voluntate non auderet dissentire, respōdit. Bellum quidem, quod contra multos simul & potentes tyrannos, quique partim iam in armis cum manu non contemnenda essent, iniretur difficilimum videri, se tamen, quæcumque euentum fortuna tulerit, quidquid in se opis et auxilij fuerit, in Ecclesie dignitatem libenti animo esse collocaturum. Pergrata fuit AEGIDIO principis responsio, eo magis, quod intellexerat, paucis antè diebus Francisci Estensis & Malatestarum ad Archiepiscopum Legatos Mediolano discesse, & proximè à Ioanne Vico et à tyrannis Foriliuij, Rauennæ, Fauentiæ aduenisse. quid Legati cum Archiepiscopo egissent, valde metuebat. Nec enim dubitabat à tyrānis suo aduentu commotis, ad captandum principis fauorem, hos fuisse dimissos: licet Archiepiscopus interrogatus aliam cæterorum aduentus causam simulatè reddiderit: nam Principum Fauentiæ et Foriliuij Legati, ex consilio, vt creditum est, Archiepiscopi, alijs fortasse recusantib. AEGIDIUM conuenerunt, quasi ad ipsum fuissent Legati, renunciantes, Principes suos paratos esse imperata facere, si modo æqua conditio, citraque detrimentum offeratur. Quibus AEGIDIVS haud ignarus, quo animo dicerentur, pro tempore quæ uisa sunt, spe pacis interiecta, respondit. Triduo ibi commoratus facilè intellexit, Archiepiscopum vereri, ne si ipse per Flaminiam iter faceret, Bononia, quæ nullo, aut paruo præsidio tenebatur, in discrimen traheretur. Hanc vt ei sollicitudinem explicaret, simul quod allatum erat Malatestam, qui bellū tunc gerebat cum Gentile Moliano, cum mille quingentis equitibus, haud procul à Ferraria castra posuisse, qui cum ad præsens configere, nō erat consilium, iter se in agrum Pisanum carpturum, Archiepiscopo id ipsum suadenti, secretò affirmauit. Petitque ab eo duos viros auctoritate graues, consilio præstantes sibi dari. quorum opera in legatione mittenda ad Ioannem Vicum vteretur, quique simul ipsum de Archiepiscopi voluntate erga Summum Pontificem edocerent, vt intelligeret nullam sibi ad resistendum spem esse debere à Principe Mediolanensi. Datus est cum Occino à secretis. Guilielmus Iuris legumque scientia clarus: ambo consilio ac virtute præstantes. Proficiscentem Archiepiscopus muneris ergo duobus poculis argenteis, tertio aureo, magni pretij pro-

*Iter exercitus Aegidij.*



ij profecutus est. Cum ad oppidum qui Sāctus Dominicus appellatur, peruenisset, legatos à Marchione Estensi obuios habuit, qui omne eius studium operamque polliciti, ita excusarunt, quod promissa auxilia Hugoni misso rogatum suppetias non præstitisset, ut iusto eum metu exclusum, non voluntate defuisse ostenderent. Nam præterquam, quod Malatesta propius Ferrariam castrametatus esset, multos etiam ciues in ipsius caput conspirasse: daturum tamen operam, ut quod verbis professus esset, re aliquando declararet. Accepta ÆGIDIVS excusatione, respondit, gratiam se habere Marchioni Estensi, quod eo animo esset erga se Summumque Pontificem, fore, ut eum instituti consilij nunquam poeniteret. Hoc responso legatis redeuntibus. Legati quoque à Malatesta Ariminensi ad Furnum nouum, quod oppidum est in agro Parmensi, agmen consecuti, cum huiusmodi mandatis adsunt: Aegro animo sese tulisse, quod ÆGIDIVS à Flaminia iter auertisset. Qua id ratione fecisset magnoperè mirari, tantò magis cum ipsius studium animusque in Ecclesiam nunquam fuisset dubitabilis: quibus tamen verbis cū iniqua postulata addidissent, re infecta, sed cū pacis futuræ spe, redierunt, tandem itinere non intermisso quinis denis castris Florentiam peruenit, fuitque à Florentinis splendide ac magnificè exceptus, nulloque officio sociæ & amicæ ciuitatis prætermisso, centū quinquaginta equites ei auxiliij causa, hæc ciuitas decreuit. Iam hinc ÆGIDIO, quos viros ab Archiepiscopo Mediolanensi accepisse, demonstrauius, legatos ad Ioannem Vicum mittere placet, quibus mandat, ut exposita Archiepiscopi voluntate, ac consilio erga susceptam expeditionem, Pontificis suisque verbis ei renuntient, oppida, vicos, castella, quidquid demum occupasset, quod iure ad Ecclesiam pertineret, Pontifici sine vlla mora restitueret. Habiturus si ita fecisset, omnium præteritorum malorum à Summo Pontifice veniam. Sin recusaret, aut quouis modo tergiuersaretur, ut Ecclesiæ Pontificisque hosti bellum indicerent, & minis conterrèrent. A Florentia ÆGIDIVS magnis itineribus Senas ire contendit, huius enim ciuitatis primores cognouerat, vehementer tumultuare, dum alteri Ioanni Vico, alteri Pontifici Maximo studerent: cuius aduentu, operaque & prudentia Episcopi Senensis celerrimè effectum est, ut composita seditione omnes in Ecclesiæ partes adducerentur, & communi consilio centum auxiliares equites ÆGIDIO ea ciuitas daret. Interea allatum est hostiles copias non longè abesse à Meuania & Monte Falscorum, quare ea oppida non contemnendis præfidijs muniri placuit. Influxerat Italiæ temporibus illis perditorum multitudo, qui à Germania non domicilium, aut nouas sedes captandi gratia, ut Cimbro olim fecisse legimus, sed bellandi prædandique studio conati, Montem Regalem & Comitem Laudinum duces sequebantur.

Legati Marchionis Estensis.

Florentiam Aegidius aduenit & subsidium accipit. Legati ad Ioannem Vicum.

Senam Aegidius venit.



His belli gerendi ea ratio erat, ut singularum ciuitatum agros haecenus infestarent, ociumque earum sollicitarent, donec populi magno precio ab eis pacem redimere, cogerentur: qua immanitate cum in populos Ecclesiasticae ditionis potissimum usus constaret, non tamen AEGIDIUS ad praesens eos bello laceffere in rem fore, ducebat: ne se Ioanni Vico id ipsum magnis praemijs pollicitationibusque suadenti socia arma iunxissent, hostium numerus magna multitudine augeretur. Erat enim ea societas, nam sic vulgo dicebatur, armatorum octo admodum millia, quorum tria tantum pedibus, ceteri omnes equis militabant: quin potius in suas partes adducere omni ratione enitendum ratus, Carolo Aduadulae, & Ioanni Alberto, viris magna, & authoritate & prudentia, negotium dat, uti Germanos adeant, eorum animos tentent, quid consilij coepissent explorato, conentur à Ioanne Vico ad exercitum Ecclesiasticum auertere. De conditionibus verò pacis & societatis nihil se inconsulto paciscantur. Sub hac Perusini, exorta inter ciues magna seditione, Legatos publice ad AEGIDIUM mittunt, qui ipsum edocerent, quanta in dissensione populus ille versaretur. Quae cum accedentibus odiorum, ut fit, in dies nouis causis, magis ac magis aleretur, positum esse in eius aduentu ac authoritate, ne ciues cum ciuibus confligant: propterea comprecari, iter ad ipsos quantum maxime posset acceleraret. Fore eam rem populo Perusino magnopere salutem, AEGIDIO non mediocri fortasse usui ad bellum gerendum. Cui petitioni, cum AEGIDIUS libenter acquievisset, magna cum celeritate Perusium contendit, exceptusque cum ingenti latitia pacem breui inter ciues composuit, atque omnium animos in Ecclesiae, & Pontificis studium conuertit. Interea legati, qui fuerant ad societatem missi, re infecta redeunt, hoc tantum responsi à Germanis attulerunt. Statuisse se liberè vagari, nec cuiusquam Imperio, aut voluntati se addicere. Quod responsum cum AEGIDIUS ad concilium retulisset, cui adhibuit primos quosque Perusinae ciuitatis, omnes in eam sententiam venerunt. In primis habendam esse rationem, ne Germanorum societas sese hostibus aggregaret. ad hoc vnam potissimam viam patere, si cum tota adduci non potuerit, aliqua saltem eius pars cum Duce Monte Regali magnis pollicitationibus, & qualibet grandi mercede conduceretur, ut altero Ducum conciliato, alterius opes non forent extimescendae. Sed de his rebus legatione missa, responsum est à Germanis: Se fide data acceptaque & iureiurando sanxisse, nulla societatis partitione facta, omnes eandem semper belli fortunam experiri: quibus responsis Legatis redeuntibus, tertio AEGIDIUS ad Montem Regalem legatos cum his mandatis mittit. Quando societati nullis praemijs persuaderi posset, ut aut tota, aut aliqua ipsius pars sub signis Ecclesiae militaret, dum liberè vagari, ac neuiquam se iungi

*Perusia tumultum sedat  
Albernotinus.*

*Germanorum  
responsio.*

*Germano non  
altera sessio.*



iungi iureiurando statuisse, profiteatur, ab eo postulare primū, vt copias quę agrum Tudertinū infestarent, inde quamprimū abduceret, deinde ciuitates ditionis Ecclesiasticę, ne bello, neue alia iniuria lacefferet. Postremò rogare, ne hostib. suis Pontificisq; præsertim Ioanni Vico præstaret auxilium. Quæ si ita fecisset, magnam illi secum et cum Pontifice Maximo, gratiam futuram, acturumq; se pollicetur cum Summo Pontifice, vt fratrem eius, hominē Ecclesiasticum & vtriusq; iuris non Imperitum cum honestis redditibus Episcopali dignitate augeret: sin minus hæc impetraret, quæ tam iusta & honesta essent, cum non minus hostes Ecclesię vlciscendi, quàm amicos & clientes conseruandi curam suscepisset, non sese commissurum, vt horum iniurias neglexisse, videretur.

Ad hæc Mons Regalis paucis respondit. Iusta esse AEGIDI postulata, & accepta conditione, nihil se deinceps acturum pollicetur, quod intellexerit, AEGIDIO Summoque Pontifici molestiam, aut incommodum allaturum, statimq; exercitum à Tuderto promotum in Picenum perduxit. Hæc eodem tempore AEGIDIO responsa factaque referebantur, et legati, quos ad Ioannem Vicum miserat, redibant: qui hæc responsa ab ipso reportarunt, AEGIDI postulata graua se, & periniqua censere, et in quæ sine magna opum suarum iactura, suoque dedecore descendere nequiret. Pacem tamen cum eo, ac Summo Pontifice, certis conditionibus libentissimè esse facturum. Quibus conditionibus cum eas periniquas esse constaret, minimè acceptis, AEGIDIVS, cum primum per anni tempus posset, eum bello persequi statuit, tunc verò affecto autumno parte exercitus Romam missa, quæ populum in officio contineret, locum hybernis deligendum, in omnia quæ vsui belli futura videretur, comparanda existimauit. Abolita igitur inter Perusinos discordia, sua præsentia, animisque in Pontificem confirmatis, populum eo nomine liberali oratione collaudatum hortatur, vt in ea sententia, & fide persisteret, tum quod in se tam officiosi extitissent, gratias egit. Postremo Florentinorum, ac Senensium exemplo cōmemorato, petit, vt ipsi quoque se aliquo auxilio iuuare officij ducerent. Tunc Perusini per primores ciuium omnem suam operā fidemque polliciti, equites ei ducentos dant, quibus loco prætorię cohortis vteretur. His copijs AEGIDIVS auctus necdum tamen Ioanni Vico militum numero par, in Montem Faliscorum, quod oppidum, quia nec ab hoste longè aberat, & erat in edito colle situm, hybernis opportunum censebatur, hyemandi causa XVII. die antè Calendas Decembris contendit. Tribus ibi mensibus traductis, cum nec pecunię à Pontifice submitterentur, nec commeatus conuecti suppeterent, cœpit exercitus fame laborare, nec enim ab AEGIDIO in maius tempus rei frumentarię potuerat prouideri: quandoquidem ad nummorum inopiam, ea quoque mala acciderant, vt Patriarcha

*Legati à Ioanne Vico redeunt.*

*Exercitus Pontificis fame laborat.*



Aquilegiensis, & Episcopus Tudertinus, cum reliquis, qui exercitui commeatus supportare, fuerat polliciti, fidem metu hostium exclusi fallerent. Naues etiam quæ à Corsica & à Sardinia frumentandi causa missæ redibant, interciperentur. Quo malo cum multi milites discedere cogerentur, Ecclesiasticus exercitus indies minuebatur. In tanta omnium rerum iniquitate, AEGIDIUS Pontificem de cunctis certiore facendum ratus, Episcopum Pacensem cum mandatis & literis mittit: Vt ipsum edoceret, quàm in angusto res esset, & quanta non commeatus modò, sed militum etiam indigentia exercitus versaretur. Quibus malis ni subueniretur maturè, timorem esse, ne deficiente Ecclesiastico exercitu, atq; indies decrescente, hostibus contra, ex his rebus maiorem audaciam, maioresq; spiritus sumētibus, eæ quoq; ciuitates, quæ hactenus Ecclesiæ sine controuersia paruissent, discrimen adirent. Se verò eo semper animo persistere, scribit, vt pro Pontifice, & Ecclesia nullum laborem, nullum discrimen esset deprecaturus. Sed nec Imperatorem sine exercitu bellum gerere, nec exercitum sine stipendio, aut contineri, aut reparari posse. In eam se necessitatē esse compulsum, vt cæteris absumptis ex instrumenti sui vasis argenteis aureisq; nihil sibi reliquum fecerit, omnia aut distraxisse, aut oppignorasse. Multum præterea æris alieni contraxisse, vt milites in officio contineret, et parum profecisse. Magnam etenim partem ex hybernis, cibariisq; inopia discessisse. At sibi à Monte Faliscorum copias idcirco non esse promotas, quod dubium non esset in tanta militum paucitate, si inde discesserit, hostem, qui quotidie infestus adesset, oppido potiturum, quod ad ducendum bellum, natura situs magnam faceret occasionem: cuncta tamen damna posse resarciri, si ab ipso pecuniarum, quantum satis esset, suppeditaretur. Iam enim se in Aethruriā, ac Galliam Cisalpinam dimississe, qui militum delectum haberent. Paucis interiectis diebus allatum est, Vrbeuetanos, quæ ciuitas, cum tota Pontifici pareret, tamen in duas factiones Muffatam & Marchulinam scindebatur, intestino bello acriter agitari. Nam extra multa data, acceptaq; vulnera, plurimos ciues interfectos fuisse, nunciabatur. Ad quas discordias sedandas, virum auctoritate grauē, & rebus gestis insignem mittit, qui ciues graui oratione castigatos, ad concordiam omnibus rationibus hortatus est. Et cum perpetuam pacem impetrare, difficile esset, factis in annum inducijs, obsides vtriusque factionis principibus imperauit, accepitq; Domesticis seditionibus leuati Vrbeuetani, bellum omnes Ioanni Vico inferendi, consilium inire cœperunt. Quo cognito, Ioannes Vicus adeò commotus est, vt collatis omnibus viribus, in Vrbeuetanos totum bellum conuerterit. Quibus superatis expugnataq; vrbe, multis promiscuè necatis, in primos quosque ciuitatis multifariam sæuitum est. Postremò magna vi pecuniarum

*Vrbeuetanos  
Ioannes vi-  
a' oppugna'*

vniuer-



vniuersis imperata, quosdam secum captiuos duxit. Qui postea libertatem ab eo octo millibus ducatorum redemerunt. Quo tempore Vrbeuetani bellum aduersus Ioannem Vicum moliebantur, eodem Viterbij, cui Petrus Vicus Ioannis frater præerat, ingens animorum commotio facta est. Quidam enim ex primoribus ciuitatis, conspiratione in Tyrannum facta, cum trecentorum armatorum manu, quam occultè coëgerant magno clamore excitato, populum ad libertatem vocare coeperunt. Quo cognito, Petrus Vicus ex templo amicorum cohorte, quos satis paratos habuit, comparata, forum occupauit. Vbi acre prælium commissum est, ac demum populares in fugam coniecti. Quorum multi comprehensi, & supplicio affecti sunt. inter quos quattuor ex nobilitate securi percussi: alij verò timore perterriti fuga mortem vitauerunt, quorum omnium bonis publicatis, magnum inde Ioannes Vicus pecuniarum numerum congeffit. His rebus fiebat, vt eius indies authoritas ac opinio cresceret, & exercitus augeretur. Quæ cum AEGIDIO non sine ingenti eius dolore nunciarentur, nondum tamen cum hoste prælio decernere, à quo tã longè numero militum superabatur, ex usu esse ratus, sese hybernis continebat: expectans, dum auxilia, quæ à Pontifice mittenda erant, se cum cætero exercitu coniungerent. Sed cum diutius hæc morarentur, longumque videretur expectare, nec suam pati dignitatem, vt impune Ioannes Vicus agrum Faliscorum crebris incursionibus quotidie vastaret, fluctuans animo, ac tota mente agitans, si qua ratione æquari posset, quod viribus deerat, hoc cunctis consilijs præferendum statuit. Intellexerat robur exercitus Ioannis Vici in equitatu esse. Cum huius primoribus magno præmio, ac magnis pollicitationibus, per occulta colloquia pacisci conatur, vt copias ad se traducerent: quod horum plerisque persuadere, tanto minus fuit difficile, quod multorum populorum tyrannum ac hostem Ecclesiæ deserentium defectio, non magni facinoris inuidiam, sed pietatis potius speciosum titulum, apud honestissimos quosque & Christianos homines habitura videbatur. Quingenti igitur equites, signis repente sublati, ad AEGIDIUM transierunt. Quorum defectio Ioannis Vici audaciam vsque adeò fregit, vt Vrbeueteri contentus, nullam deinceps incursionem facere auderet. AEGIDIUS verò cum iam virium non poeniteret, relicto in Monte Faliscorum firmo præsidio, cui Carolum Aduadulam præfecit, milites ex hybernis educit. Coepitq; hostem bello prouocare. Templum erat Laurentio dicatum haud procul ab Vrbeueteri, opere ac natura ita munitum, vt arcis locum, speciemque præberet. Hoc, quia Ioannes Vicus alta fossa circumducta, valido militum præsidio firmauerat, AEGIDIUS in primis expugnare statuit. Ac Iordanus cum parte copiarum id negotium dat. Is properè ad motis machinis, ac tormentis dispositis, se ita strenuè gessit, vt quo die oppugnari

Viterbij tu-  
multus exci-  
tatur.

Defectio e-  
quitum Io-  
annis Vici  
ad Aegidiū.

Templum  
S. Laurentij  
captum.



coeptum ab eo est, eodem quoque fuerit expugnatum. His autem, qui templum custodiebant, venia data, & abeundi facta facultate, Concharatum, & Albertatium Richasulum, ac Benedictum Ormarium cum centum quinquaginta militibus custodia loco relinquens, ipse cum reliqua manu Vulsinum oppidum proficiscitur. Quæ cum Ioanni Vico renunciata essent, cum peditibus nonnullis sed omni equitatu vrbe egreditur, experiundi gratia, an templum sicut celeriter fuerat amissum, ita properè posset recuperari. Templum prætergressus cum nemo se illi obiecisset speculatores mittit, qui cognoscerent, ecquid propè lateret insidiarum. Qui renuntiarunt, haud inde procul hostium visa quinque signa, quo metu subsistere agmen iubet, nec est ausus ultra progredi. Ecclesiastici verò nunciato, quo loco Ioannes Vicus extra oppidum vagaretur, ei se celeriter ostendunt: & commissio prælio, cum acriter vtrunque pugnaretur, qui templum tenebant, hostes à tergo adorti, tantum eis terrorem incussere, vt turbato ordine, multis occisis, pluribus vulneratis, & vno signo amisso, cæteri in fugam verterentur. Cum quibus Ioannes equo saucio in oppidum sese recepit. Corsidium deinde oppugnari placet, quoniam ex eo oppido Ecclesiasticos com meatu prohibere facultas erat. Ergo à circumiecta manu vbi tela iaci coepta sunt, & propugnatoribus nudatus murus, ad motis scalis milites conscendunt, & vi oppido celerrimè potiuntur. Qua oppugnatione oppidanorum nonnullis occisis, cæteros nulla affectos iniuria AEGIDIVS in suam fidem recepit. Paulo post urbem Toscanellam cum arce, oppidanis ad deditiorem oppugnationem, & Corsidiensium exemplo compulsis, recepit. Interea pecuniarum à Pontifice præmissis subsidijs, equites etiam trecenti peruenere. Missa sunt itidem auxilia à Ioanne Archiepiscopo Mediolanensi, quæ prætereunti AEGIDIO fuerat pollicitus. Quæ res vt exercitum Ecclesiasticum numero viribusque auxerunt, ita hostibus magnum iniecere terrorem. Prorsus, vt multi tyrannorum auxilijs, quæ Ioanni Vico subiniserant, reuocatis, in suas quisque res omnes curas intendere coeperint, & necessaria ad sui defensionem comparare. Cum septingentis equitibus, peditibusque pro numero equitum Ioannes Vicus in oppidum, quod Aquāpendentem appellant, ab Vrbeueteri profectus est, reparandi exercitus gratia, & quod locus ille opportunior ad trahendum bellum videbatur. Quo cognito AEGIDIVS Andreæ Salamoncello, viri magni animi & consilij, cuius in bello gerendo singulari opera sæpe vtilius est, imperat, cum equitatu, & parte copiarum eum anteuertat, ac itinere prohibere contendat. Qui celerius omni opinione, quod iussus erat, executus, viam occupat, & procedere pergenti hosti sese acie directa opponit. Quam pugnam cum Ioannes minimè detrectasset, infestis signis acriter vtrunque concursus est: pugnatumque diu est æqu

marto

*Corsidium  
ab Aegidio  
capitur.*

*Toscanella  
Aegidio  
dis.*

*Ioannes Vi-  
cus Aquam  
pendentem  
proficiscitur.*



marte, hos cladis nuper acceptæ indignatione, illos pristinae victoriæ  
 gloria accedente. Postremò Ioannes multis suorum amissis, cum reli-  
 quis funditur fugaturque; coactusque est iterum in Vrbem ueterem sese  
 recipere. Posterò die ad Arcem abbatia producto exercitu, ubi oppug-  
 nare frustra tentasset, visumque esset oppidum inexpugnabile, obsidione  
 cinxit. Quam cum diutinâ fore, oppidani intelligerēt, & sibi pernicio-  
 sam, desperatis Ioannis Vici rebus, sese Andream dediderūt. Quorū ex-  
 emplum secuta multa oppida finitima, quæ sita in montibus, fuerant à Io-  
 anne Vico præsijs munita, admoto tantum sibi exercitu Ecclesiastico,  
 se AEGIDIO dediderunt. Tunc verò multarum ciuitatum, quæ ty-  
 rannis seruebant, Legati ad AEGIDIUM venerunt. Gratissimum si-  
 bi primò fuisse nuntium, quando AEGIDIVS cum exercitu in Itali-  
 am aduentare, nunciatus esset. Nam tunc demum suæ libertatis spem ali-  
 quam concipere ausos fuisse. Victorias deinde ab eo de hostibus partas  
 vehementer gratulari. Nam & si pleraque vrbes Ecclesiæ amissas à ty-  
 rannis bello recepisset. magis tamen ex suo, quam vel Pontificis usu e-  
 uenisse, sese non ignorare. Cum ille amissas vrbes, ipsi libertatem, quo  
 nihil melius esse in rebus humanis, recuperassent. Proinde suis malis e-  
 doctos, quam sit calamitosum tyrannis seruire, se suaque AEGIDII  
 Pontificisq; fidei ac potestati tradere. Quidquid imperasset, libentissi-  
 mè se esse facturos, tantum se à violentia ac iniuria tyrannorum tuere-  
 tur. AEGIDIVS liberali oratione Legatos prosecutus, eorum ani-  
 mos sermone sic confirmavit. Pontificem ut id bellum susciperet, non  
 magis amissæ partis Ecclesiastici Imperij indignationem, quam in foeli-  
 cium ciuitatum, in quas scelestissimi homines tyrannidem exercerent,  
 miserationem impulisse. Sperare sese quam maximè à facinorosis ho-  
 minibus, hostibus Ecclesiæ, qui omnia iura diuina, humanaq; violassēt,  
 tantorum scelerum poenas quam primum sumpturum: ac omnes ciuita-  
 tes, quæ aut vi tyrannica inuitæ suppressæ fuissent, aut sponte hætenus  
 seruientes, aliquando resipiscerent, in libertatem vindicaturum. Satis  
 enim liberos esse, qui Ecclesiæ tantum ac summi Pontificis legibus in-  
 seruirent. Quod si qua ciuitas eo stultitiæ ac dementiæ procederet,  
 ut oblatam libertatem recusaret, ei non impunè, non magis quam i-  
 psis tyrannis fore. His responsis Legati lætabundi discedunt. A quo-  
 rum sententia Cornetani tam longè aberant, ut pro Ioanne Vico se  
 Pontificis hostes esse haud obscure profiterentur. Quorū cognito AEG-  
 IDIVS, ne eius ciuitatis pertinacia exemplo quoq; nocere posset,  
 hos omnium maximè bello persequi, & prima quaque temporis op-  
 portunitate agrum Cornetanum vastare statuit. Quare Iordanē & Blas-  
 cum nepotem suum Romam properare iubet, & copias quæ hybernandi  
 ac præsidij gratia eo missæ fuerāt, in agrum Viterbiensem deducere.  
 Quod consilium ubi Ioanni Vico nuntiatus est, Reuerium Victorium  
 quem



*fidie Ioan  
Vici ad  
montem Fa-  
liscum non  
cesserunt o-  
rato.*

*Cornetum op-  
pugnat Al-  
bornotius.*

*ditio in  
tris.*

quem vnice diligebat, & quod erat ad neſtendos dolos mirus artifex, magni faciebat, cum centum quinquaginta equitibus Cornetanis ſubſidio mittit. Is non ignarus quantam Eccleſiaſticis ad bellum gerendu, opportunitatem Mons Falifcorum faceret, conſilium inire cepit, vt Carolo, quem oppido præfectum ab AEGIDIO diximus, cum præſidio circumuento, interfectoque oppido potiretur. Ratio hæc fuit. Arx erat munitiffima, quæ à Monte Falifcorum circiter tria millia paſſuum ab-erat, Arx Caſtellacij appellata, cum huius arcis præfecto conſilium cõ-municat, monetque, vt literas, nunciumque ſecreto per ſpeciem pro-ditionis ad Carolum mittat, quibus polliceatur in arcem ipſum cum armatis accipere, ſi ad diem dictam magno cum ſilentio paulo ante lu-cem præſto fuerit. Quibus cum Carolus, magnæ ſibi gloriæ oblatam occaſionem, quam diu captauerat, ratus, reſcripto annuiſſet, præſtitu-to die, qui fuit vndecimus ante Calendas Maïas, Reuerius Victorius i-pte cum magno equitatu peditatuque proxima ſilua occultatus, Caro-lum expectabat, vt prætergreſſum à tergo adoriretur. At Carolus, qui hoſtis pollicitis fidem non ſine ſuſpicionem infidiarum habebat, conſi-lia ad omnes caſus comparabat. Nam militibus paucis ad tutelam op-pidi relictis, cum ceteris omnibus benè inſtructis, ac ordine ſeruato, de-tertia vigilia proficiſcitur. Signo accepto, equites decem cum centum & quinquaginta peditibus præmittit, qui fidem arcis præſidis pericli-tarentur. Ipſe cum reliquo agmine haud ita longo interuallo, in via ſu-bſiſtit. Præfectus antecurſores propè arcem conſpicatus cœpit magna voce *Eccleſiam Eccleſiam* inſclamare, ſimulque ab arce in eos tela conijcie-bantur. Quo ſigno hoſtes ſubitò è ſilua exorti concurrunt, nec multis paucos circunſilire, & compræhendere fuit perdifficile. At Carolus, qui auribus animoque intentus euentum rei ſubueritus, expectabat, ex-audito clamore, & hoſtium inſidijs intellectis, aduolat, & impetu fa-cto hoſtem in ſe conuertit, & cum diu fuiſſet acriter dimicatum, tandè inſidiatores proſtigati ſe fugæ mandarunt, quos Eccleſiaſtici inſectati, multis interfectis, equites viginti, cumque his arcis præfectum, cœpe-runt. Reuerius accepto vulnere cum paucis euasit. Carolus his geſtis, ac ſuorum paucis amiſſis in Montem Falifcorum ſe recepit. Hac clade AEGIDIVS Cornetum deſenſoribus multum exhaustum fuiſſe arbitra-tus, conſeſtim eo rapit agmen, cœpitque magno impetu oppidum op-pugnare, vt iniecto terrore, oppidanos ad deditiõem compelleret: quod cum parum procederet, erat enim oppidum militibus diſſeſtum miſſo iterum auxilio à Ioanne Vico, cui præerat Ludouicus eius frater, peruaſtato agro, copias inde abducit, & in Celenum, Vetralam, & reli-qua oppida, quæ circa Montem Falifcorum Ioanni parebant, conuertit: magna itidem his populatione incommoda inferendo. Cum præſidiũ Romanum ſe cum reliquo Eccleſiaſtico exercitu coniunxiſſet, inter du-



os viros nobiles alterum Romanum, Germanum alterum, tanta seditione in castris exorta est, ut à Romanis Germanisque, dum suo quisque fauere, ad arma conclamato, aliquandiu fuerit pertinaciter praelio dimicatum. quod nullius oratione commonitioneue ante dirimi valuit, quàm nonnullis interfectis, pluribus vulneratis, reliquæ copiae ex AEGIDI imperio se extransuerso inter volantia tela, facto impetu, intulissent. Ad hunc modum seditione sedata, moxque facta pace, & gratia inter utrosque reconciliata, AEGIDIVS copias propius Viterbium mouet, & crebris incursionibus magnum hostibus timorem inferebat. Interea Ioannes Vicus urbem repetit, cum nullo eam Ecclesiastico praesidio teneri, intellexisset, ac nemine prohibente ingressus magnam in locupletes auaritiam, & crudelitatem exercebat: nam qui imperatam magno numero pecuniam denegassent, omnia in eos exempla cruciatus edebat. Cuius immanitatis latius fama dissipata, quarundam ciuitatum animos ab ipso multum auertit: Viterbiensium in primis. Horum enim plerique (quorum fuerunt qui arcem custodiebant) auxilio AEGIDI, qui propè aderat, freti, die quodam sub solis exortum; ingenti clamore sublato, Ecclesiam incoeperunt conclamare. Quo audito AEGIDIVS properè arma sumere, machinas admoueri, scalis arcem conscendere iubet. Omnia tamen tyranni promptitudo ac diligentia, irrita fecit qui antequàm ceteri oppidani conuenirent, qui clamorem excitarent, ex templo compræhensis, & magno supplicio affectis, cæteros ab instituto deterruit, & qui arcem tenebant animis consternati, eam tyranno reddiderunt. Simulque milites disposuerat, qui subeuntes Ecclesiasticos à muris repellerent. At AEGIDIVS cum Viterbium, nisi longiore obsidione, haud facile expugnari posse, intelligeret, ne dum ibi tēpus terit, alia oppida in discrimen traherentur, populabundos agros, exercitum propius Germanorum societatem, de qua supra dictum est, promouit. At ex itinere cum Urbem Veterem oppugnare, si forte resisteret, moliretur, portis patefactis, omnes oppidani obuiam ei procedunt, Urbemque tradunt. Ingressum, cum oppidum vacuum habitatoribus reperisset, magna eius ciuitatis miseratio incessisse fertur. Nam ex numerosa multitidine, qua oppidum illud non pridem abundabat, vix trecenti homines, qui arma ferre possent, numerabantur. Postridie re diuina ritè perpetrata, cum omnibus benedixisset, pacem perpetuam inter Mussatos & Marculinos, factiones, ut diximus, contrarias fecit. Iubetque omnes ciues, qui à Ioanne Vico eiectioni fuerant, suæ ciuitati restitui. Vrbanorum exemplum Tusculani secuti, mox legatione missa se AEGIDIO dederunt. Ioannes Alerianus Ameriae tum temporis Tyrānus erat, qui licet amicitiam cum Ioanne Vico confirmasset, non tamē ab AEGIDIO palam audebat desciscere. Huic igitur AEGIDIVS

*Ioannes Alerianus Ameriae tyrannus.*



paulisper in Vrbe veteri commoratus, denunciatum mittit, ad se quàm primum venire properaret : habere, quæ cum eo de re communi colloqui vellet, qui si renuisset, sibi eodem loco, quo Ioannem Vicum futurum. Ille verò, cum se humiliorem sciret, quàm vt AEGIDIO resistere posset, & Ioannis. Viciopes afflictas videret, dicto audiens Urbem veterem peruenit, multa meditatus, quibus dum AEGIDIO frustra persuadere conatur, vt se ministro in populo Amerino gubernando vteretur, Ioannes, Albertus & Magnus Præfectus Legati clam missi Ameriam perueniunt. qui populum omnibus rationibus hortati, vt se Pontificis imperio redderent, adduxerunt. Tunc AEGIDIVS magna proposita poena, interdicit Ioanni Aleriano, imperatque, ne mille omnino passibus propius Ameriam de cætero appropinquaret. Interea societas in agro Tudertino vagari ab exploratoribus renuntiatur. quæ rem ægrè ferens AEGIDIVS Legatos ad principes eius mittit. Quod in eum locum copias cum magna Ecclesiæ clientum iactura deduxissent, iniquè eos agerè. Qua id ratione fecissent, mirari sese. Postremò rogare, agmen inde sine ciuitatum ditionis Ecclesiasticæ iniuria submouerent. Ad hæc Germani pauca, sed insolenter responderunt. Nemi- ni suæ vitæ rationem in Italia ignotam esse debere, quibus cum cætera desint vectigalia, præda ac rebus bello partis vitam ducere necesse esset. Multas ciuitates pacem ac suorum agrorum incolumitatem magna vi pecuniarum à se redemisse. Proinde, si vellet AEGIDIVS se sollicitudine, populos Ecclesiasticos ea molestia subleuare, earum ciuitatum sequeretur exemplum, quæ pecunias numerassent. Et magnam vim pecuniarum petunt. Hanc Germanorum insolentiam grauiter admodum tulit AEGIDIVS, præsertim quia suspicabatur, Germanos Ioannis Vici voluntatem secutos, in id audaciæ ac improbitatis aduersum se processisse. Cum ille victus necessitatibus, vnâ ex filiabus suis Anibaldo Montis Regalis fratri cum grandi dote spondidisset, existimans sic vniuersam societatem posse in partes suas adduci. Ergo Legatos iterum ad societatem cum his mandatis mittit. Mirari sese quæ causa ipsos sua Ecclesiæq; Romanæ amicitia repudiata, eo iniuriarum & in tam iniqua postulata compulisset, cum se hoste non contemnendo, amico fortasse nō inuiti, eis liceret vti. Tantò magis cum Mons Regalis superiore anno, fide data, pollicitus fuisset, societatem se ab inferenda iniuria ciuitatibus Ecclesiasticis contenturum. Nam quod sibi pecuniarum vim extorqueri posse putarent, non modo iniuste eos facere, sed etiâ imprudenter. Neq; enim earum ciuitatum, quas pacem à se magno precio redemisse iactarēt, & suam conditionem simile esse. Illas namq; multò plus si resistere vellent, in nouū exercitū conficiendū, fuisse collatas, & cum magno, tum vniuersi populi, tum singulorum incommodo, à pacis negotijs auocandas: se verò in armis esse, & ea pecunia honestè,

liberè.

*Germani  
grassantes  
rebellant.*

*Ad Germanorum  
petitionem respon-  
det.*



libentiusq; nouum militem, ad propulsandas iniurias, si opus esset, conducturum, quam ad id satis superq; roboris, ac virium sibi esse in veteri & exercitato milite sperare. Se ita esse, semperq; fuisse animatum, ut vltro nunquam nouum hostem esset quæsiturus: lacessitus autem dignitatis suæ ac ciuitatum, quarum patrocinium à pontifice suscepisset, commoditatis rationem haud segniter habiturus. Proinde iterum iterumq; rogare, monereq; per Deum iusti belli semper fautorem, vltorēque iniusti, Ecclesiasticis finibus nulla amplius illata iniuria, cedere maturent. quæ si fecissent magnam se illis gratiam habiturum, & quæ Monti Regali superiore anno fuisset pollicitus, quàm primum opere præstiturum: sin minus impetraret, ita sibi persuaderent, rebus se suis & Ecclesiæ clientibus, socijsq; gnauiter esse consulturū. Quibus auditis Germani, partim rei honestate, partim timore victi, per Ecclesiasticos terminos à maleficio temperantes in agrū Senensē iter suscipiūt. A quibus exorta pecunia, deinde à Florentinis, in Pisanos terminos peruenerunt. Paulò post Germanorū discessum AEGIDIUS Eugubium, cui Ioannes Cancutius imperitabat, legatos mittit: qui omnibus modis oppidanos, ut pontificis fidē sequantur, cohortentur. Quibus responsum est ab Eugubiensibus, sese paratos esse imperata facere, & prima quaque occasione oppidum AEGIDIO tradituros. At cum interiecto tēpore, diem de die proferentes, à promissis discedere viderentur, iterum AEGIDIUS legationem, subsequētib; copijs mittit. Tunc verò Eugubienses, nulla facta mora, patefactis portis oppidum arcemq; Legato tradunt. Omanum quoq; ditionis Ecclesiasticæ Stephanus occupat. is, ut iusti imperij titulum Tyrannidi prætenderet, cum AEGIDIUS quæstorem nummorum inopia premi intellexisset, cum eo mille nummum aureorum pactus est, ut oppidi redditibus, in mutui compensationem, sibi frui liceret quadriennio: existimans scilicet id conuentum AEGIDIO ratum fore. qui tamē cum pactum rescivit, improbatam re, Stephano, ut intra sex dies oppido cederet, denunciatum mittit. Ille dicto audiens cum imperatum fecisset, nummos coepit instanter à quæstore repetere. Tunc verò AEGIDIUS dimidium ei reddere censuit: reliquos, quia satis cōstabat ex vectigalibus Pontificijs plus etiam ab eo fuisse perceptum, non item. His gestis in Montem Faliscorum versus ab Vrbeueteri promouit, relicto illi, custodis loco, & cum potestate oppidanis etiam iuris dicendi Alborno Richasulo, cui ducentos equites & quadringentos pedites attribuit. Harum rerum fama diuagata, complures ciuitates, quæ principio Ioanni Vico coniurauerant, de deditioe ad AEGIDIUM Legatos mittunt. Quarum defectione Ioannes Vicius vehementer fractus animo, cum nec ab his, nec à Germanorum societate spes esset, tot continuis acceptis in commodis, rebus denique desperatis, legationem & ipse, de se dedēdo, nē cogitaret.



& quaecumq; occupasset, ad A E C I D I V M mittit. Et in fidei testimonium, alterum dare filium obsidis loco pollicetur. Preces addit magis quam pacta. Quoniam ita tulisset fortuna, ut imperio & opibus amissis, ad quas res non dolo irrepisset, aut prorupisset vi, sed aut iubente Ludouico Bauaro quam si suo iure posset, aut ipsorum populorum voluntate, & superioribus Pontificibus quadamtenus consentientibus, euectus esset, in summam omnium rerum inopiam redigeretur, ab eo petere, nisi forte Ioannem Vicum, post omnia vitali quoque aura interdicens statuisset, deposita sua clementia & mansuetudine, quam in aliorum malis cognouisset, tantisper, dum in ipsum sauiet, si tamen conseruandum decreuisset, obsecrare, aliquam saltem misero vitam trahendi, alendiq; infelices cum coniuge liberos, reliquam faceret facultatem. Oppidulum permetteret cuius pensuncula ad priuata vitæ necessitates parca mediocritate suppeteret. Accepit conditionem A E G I D I V S, & precibus acquieuit. Acceptoque obside, Ligerium Androtum ciuem Perusinum, cuius fidem summam coniunctam pari prudentiæ erga se perspexerat, qui Viterbij præturam gereret, cum ducentis equitibus præmittit. Postero die Luppum Archiepiscopum Casaraugustanum, & Alphonsum Episcopum Patensem, cum equitum duobus millibus, & multis peditibus, qui oppidum reciperent, submittit. Qui portis patentibus ingressi, clauis portarum, turrium, arcisq; traditas acceperunt. Postridie Ligerius Androtus, ut iussus ab A E C I D I O fuerat, aduocata oppidanorum concione populum, qui frequens conuenerat, in hunc modum ad pacem hortatus est. Non se dubitare, quanta eo die cum expectatione populus Viterbienfis ad indictam sibi concionem conuenisset. Nam præter multa ac propè innumerabilia incommoda quæ cunctis, qui bellum gerunt accidere necessum esset, duo esse maxima mala, quæ homines potissimum urgere soleant. Quoniam, ut bello pendente, illam cunctis inesse perpetuam curam summumque timorem, ne quomodo, aut à quouis hoste tandem superentur, sic postremo victis illum testare timorem difficillimum, atque haud scire, an omnium maximum, quali victoria in victos dedititiosque victor sit usus. Cuius cum iure belli summa sit facultas in eos animaduertendi, quos iusto bello deuicerit, neminem laterè à multis, in eos etiam, quos iniuria debellassent, ita fuisse atrociter sauitum, ut meritò omnes victi euentum victoriæ deberent exhorrere. Viterbienfes autem si nulla antiquorum exempla, quorum esse plena omnia, mouerent, at certè recentia supplicia, quæ ille Ioānes Vicus, (præstò enim aderat) de Vrbeuetanis superioribus diebus à se victis sumpsisset, conterrere debuisset. Qui Ioannes vicus ex his, quos expugnato oppido in potestate ipsius

*Ad viterbienses Aegidij de pace oratio.*



ipſius veniſſet, alios ſecuri percuti iuſſet, alios egreſſet in exilium, omnibus magna vi pecuniarum imperata, quorundam bona prorſus diripiſſet. Et ea quidem omnia iure belli ipſum ſibi licere putaſſe, quæ Viterbienſibus, quàm Vrbeuetanis tantò magis fuiſſe extimeſcenda, quantò iuſtius bellum AEGIDIVS gereret, quam Ioannes Vicus. Tibi enim, inquit, Ioannes Vice, quoniam huic concioni, quam nos ad populum Viterbienſem AEGIDIVS habere iuſſit, intereſſe, nec nobis inuitis, voluiſti, aliqua ſunt audienda minimè quidem fortalſe auribus tuis iucunda, ſed vera uſque adeò, vt ne tu quidem poſſis inficiari. Si tu enim qui de miſeris Vrbeuetanis, quod urbem ſuam tibi non proderent, dum ſibi eam, ac ſummo Pontifici conſeruare conarentur, quod facere omni iure tenebantur, tam graues poenas ſumere, non graue putaſti, qui tot in ciues Romanos dudum cruciatus edebas, quicunq; imperatam à te pecuniam dare, aut poſſe, aut velle negaſſent, aut quidquam facere ad nutum tuum renuiſſent, ſi tu, inquam, qui modo deorũ ope, quibus aduerſis bellum gerebas, & AEGIDIUS virtute ac prudentia victus iaces, hanc urbem deuiciſſes, victorq; ingreſſus, concionem aduocaſſes: quo animo, credimus, hos omnes fuiſſe conuenturos? Certè alios cum bonorum publicatione exilia, alios capiti metuentes, minimè autem conſcios, relegationes tantum ſperantes, aut quantamuis pecuniarum mulctam. Vos autem viri Viterbiẽſes, AEGIDIUS victor pro ſua clementia ac manſuetudine omnem metum gaudio lætitiæque iubet hodierno die commutare. Et hanc victoriam non tam ipſi Pontificique, quàm vobis partam putare. Libertatem modo veſtram vobis, otiumque perpetuum, ſi bona veſtra cognoueritis, reſtitui, exiſtimare. Nullam vobis pecuniarum imperat vim, nulla iniqua tributa imponere veſtræ ciuitati cogitat. Tantum à vobis petit, quod vos cunctis votis, ſi ſapitis, exoptare debetis, pacem ametis perpetuam, otium quietum diligatis. Quas res hoc vno aſſequi poteſtis, ſi fidem Eccleſiæ, ac ſummo Põtifici debitam perpetua conſtantia obſeruabitis. Et eos patriæ iudicabitis hoſtes, quos rebus nouis ſtudere cognoscetis. Quæ vt faciatis viri Viterbienſes, non magis vobis fides ipſa, quæ eſt omnium virtutum fundamentum, & diuina humanaque iura, quibus eſtis obligati, quàm propria veſtra, ac peculiaria commoda perſuadere debent. Ea verò quot, quantaque ſint in pace degentibus, tunc magis perſpicietis, quum incommoda & detrimenta, quæ bellum comitantur, alta mente, & intentis oculis fueritis contemplati. De quibus multa mihi hoc in loco eſſent: fortalſe dicenda, niſi ſatis ſuperq; veſtra vos mala hoc tempore docuiſſent, quàm ſit miſerum bellum ſuſtinere. Quod eſt enim calamitatis genus, quod veſtra hoc tempore ciuitas non perſenſerit? Pecora veſtra hoſtibus prædæ fuerunt, Villæ incenſæ, Pagi diruti, Agri funditus deuſtati. Quibus detrimentis ad quam omnes inopiam redacti ſitis, ipſi videtis.



detis. Iam verò quotus quisque vestrum numerabitur, cuius pater, filiusue, aut frater, aut ex his quæ horum loco sunt, aliquis prælio non fuerit desideratus. Omitto negotiorum intermissionem vrbano-  
 & rusticorum, quæ vel sola & opulenti indigentiam parere potest. Nihil dico de laboribus, fame, solitudine, quæ omnia comites bellorū sunt. Atque hæc quidem infortunia, quanquam per se grauissima sunt, & quæ nullam non ciuitatem debeant à suscipiendo bello deter-  
 rere, sed quia temporalia intelliguntur, possunt quodam modo leuiora videri. Illos verò cruciatus æternos, quis non exhorrescit? quis non cogitando contremescit? quibus apud inferos torquentur, ac sine fine tor-  
 quebuntur eorum animæ, qui in huiusmodi bello ac perfidia interem-  
 pti sunt. Formidandis summi Pontificis, Christi vices gerentis, execra-  
 tionib. ad loca damnatorum spirituum deuoti. Nisi fortè vos, quod ab-  
 sit, Christiani nomine tenus, adeò estis stupidi, & ab omni humanitate  
 abhorretis, vt nullum esse Deum credatis, nec bonos gloria, nocentes  
 poena affici putetis; Ac demum Christi loco Pontificem esse negetis. Si  
 tamen Deus est, vt est, si Deus curat mortalia, si Christus in coelum ad-  
 uolans, Pontificem maximum Ecclesiæ suæ præfecit, quid tandem eos  
 expectare conuenit, qui Ecclesiam quam ille construxit, labefactare co-  
 nantur, aut conantibus auxilium præbent? Hæc & illa ciues Viterbien-  
 ses ante oculos ponite; hæc tota mente versate, quæ vos seu victores, seu  
 victos futuros, indubitata manent, quoties de rebellionē aduersus sum-  
 mum Pontificem faciendā, cogitabitis. Nec speretis cum iterum victi  
 essetis, vt certè essetis, nemo enim aduersus Deum sine sua perniciē pu-  
 gnauit, tam mansuetum victorem esse experturos, quàm modo A E-  
 G I D I V M. Quin potius timendum est, ne præsentis victoris clemen-  
 tia, vestram tunc inuidiam & futuri indignationem adaugeat. Siquidō  
 quanto modo huius mansuetudo maior in vos est, tanto illius erit tunc  
 in ingratos, iustior indignatio. Quæ oratio magno populi assensu gau-  
 dioque excepta est. Et à Ioanne Vico, qui præfess, vt dictum est, aderat  
 cum fratribus, & vultu & sermone comprobata. Huius ciuitatis sta-  
 tum deinde sic A E G I D I V S disposuit. In primis Ioannem Vi-  
 cum cum tota ipsius familia Viterbio eiusque finibus in duodecim an-  
 nos interdicat. Poenam addit quinque millium ducatorum, quoties  
 contra imperium fecisset. Quinque præterea factiosis hominibus, &  
 quos fuisse intellexerat, semperq; fore rerum nouarum cupidos suspi-  
 cabatur, ne in posterum ciuitatis fidem, otiumque sollicitarent, ex vr-  
 be eiectis, cæteris omnibus dat veniam, & expulsos à Ioanne Vico iu-  
 bet restitui. Tum omni curā in populi gubernationem statuendam con-  
 uersa, Cons. nouem æquo imperio, senatores ducentos creat. Qui  
 ius dicerent quot satis visum est, constituit. Cohortem prætoriam, quæ  
 Præfecti ciuitatis latus clauderet, & magistratus cæteros tutaretur,  
 tercen-

*Viterbiensium  
res cōpositæ.*



tercentum armatorum esse voluit. Et, quia Viterbium totius Vmbriæ velut caput esse videbatur, operæ pretium id fore ratus, arcem præmunitam erigendam curauit, quæ mediocri præsidio firmata, eam ciuitatem posset in fide continere. Hæc cum summo Pontifici nunciata essent, ingens Auenione gratulatio facta est. Quando Ioanne Vico tyrannorum maximè formidabili deuictò, spes cunctos incessit, cæteros omnes facilè posse ÆGIDIÏ virtute debellari. Tunc Pontifex ad ÆGIDIÏ V M literas mittit, laudibus, gratulatione, ac exhortatione plenas. Paulò post ÆGIDIÏ V S ab Arnaldo eiusque fratre Ioanne Sutrium recepit, cum arce, quam ipsi ibi de suo ædificauerant, Iussis oppidanis eos sumptus illis rependere. Deinde Interamna vrbs, à situ sic appellata, deditione facta in ÆGIDIÏ potestatem peruenit. Tunc Narnienses legatos de se dedendo miserunt. Item Celerium & Cipignanum oppida in agro Viterbiensi. Spoletani quoque, missa legatione, eo pacto ne in quenquam animaduenteretur, se dedunt. Oppidi arcem ÆGIDIÏ V S triplici muro cinxit, medio crebris turribus munito: arcem deinde cum aduerso monte, qui non longe aberat ponte commisit: & per superinstructum aquæ ductum fontem qui in monte scaturiebat, ad arcem deriuauit. Fontem ipsum lapideo propugnaculo muniuit, ac præsidio firmavit, quo tutius opus ab iniurijs redderetur. Afsisium deinde Episcopus Afsisiensis legatus publicè tradit, idem est tunc à Nucerinis factum. Veientana vrbs, quam nunc Castellanam ciuitatem appellant, editissimo colle præruptis vndique saxis sita, adeò est natura munita, vt absque vllò humano opere satis per se reddatur inexpugnabilis. Hanc occupauerat Petrus Vicus, qui perterritis exemplo fraterno, ne contra ÆGIDIÏ V M sibi quoque pugnandum esset, urbem Lucæ Sabellio vendidit. Sed quia solutio differebatur, deposita est apud Iulianum ciuem, donec precium solueretur. Hæc cum ÆGIDIÏ O nunciarentur, literis nuncioque Lucam ad se accersuit. Qui cum se ad imperatum venturum negasset, nec vllum oppidani deditionis præberent indicium, ÆGIDIÏ V S detestatus conceptis execrationibus Petrum Vicum, & Lucam cum toto populo Veientano vicis incensis, ac deuastatis agris, oppidum obsidione cinxit, ac demum ad deditionem, desperato auxilio, compulit. Bartholotius Hispellum diu tyrannide oppressum tenuerat: aliquando tamen oppidani, fauitiâ tyranni pertesi, eum vrbe eiecerunt, seque ÆGIDIÏ O dedunt. Ille verò coacta manu, ab vico quodam, quod aberat ab Hispello duo milia, crebris incursionibus agrum Hispelli reddebat infestum. Quod cum esset ad ÆGIDIÏ V M delatum, equitum peditumque præsidio summisso, tyrannum longè summouit. Eodè tempore alatū est, in plerisque Campaniæ, atque eius ore maritimæ, ditionis Ecclesiasticæ ciuitatibus quosdam imperandi cupiditate reb. nouis studere, & nonnulla oppida

*Sutrium deditur.*

*Interamna vnde dicta.*

*Afsisium occupatum.*

*Petrus Vicus deuictus.*

vulgo



*Ioannes vi-  
cus Corneti  
vicarius.*

*Clementia  
principum  
exempla.*

vulgo à tyrannis occupari, eaq; incommoda culpa, atque ignavia prætoris euenisse. Quibus malis, cum ignauo & imperito, strenuus & prudens prætor, cum armatorum præsidio, ab AEGIDIO subrogatus fuisset, facile fuit obuiatum. Interim Ioannem Vicum Corneti Vicarium in duodecim annos AEGIDIUS creauit. Nō tantū vt fidem instanter repenti præstaret, sed multo etiam magis, vt suæ liberalitatis ac mansuetudinis fama per Italiam dissipata, reliquos tyrannos, spe tutioris conditionis, ad pacem & deditiōem alliceret. At summus Pontifex, vt erat paulo seuerior, & Ioannem Vicum vehementer oderat, nuncio ac literis AEGIDIUS factus certior, rem periniquē tulit, eumq; per literas monuit, vt primo quoq; tempore Ioannem Vicum Corneti præfectura submouere curaret. Nec enim par esse, vt ei aliquis honos haberetur, qui Ecclesiam tam diu, tantisq; incommodis pertinaciter vexasset: nec verum esse, eius fidem sanctam fore, qui semper infidus extitisset. Ad quæ AEGIDIUS in hunc maximè modum respondit. Siquidem odio suo, quo Ioannem Vicum prosequeretur, indulgere, quàm imminentibus difficultatibus consulere maluisset, non modo Ioannē Vicum nulla dignitate ornaturum se fuisse, sed grauissima de eo supplicia sumptarum, nec enim ignorare, quàm malè semper ille de Ecclesia Romana meritus fuisset. Sed cum supplicium de eo sumptum, qui se suaq; in deditiōem fidei ac potestati Ecclesiæ permisisset, cæterorum tyrannorum animos à Pontifice auersurum, honor habitus ad pacem impulsurus visus esset, omne odium & indignationem publicæ ac maiori vtilitati posthabendum putasse. Imperatores clarissimos magno vsu id consilium vsurpasse, commemorat. Annibalem imprimis, hominem alioquin crudelissimum, de quo sic Liuius scriberet, in captiuos ex tradito præsidio, vt fama clementiæ in principio rerum colligeretur, nihil seuitum est: & qui, post victoriam ad Trasimenum de Romanis partam, captiuos nominis Latini sine precio dimisisset. Cæsarem in bello Gallico, Alexandrum Macedonem in subiuganda Asia multo plus clemētia in dedititiis, quàm pugnando, si vera essent historiarum monimenta, profecisse. Præterea Ioannem Vicum multum affinitatibus, consanguinitatibusq; valere, quippè cuius affines ac propinqui plusquam triginta oppidis multarum virium imperarent, præsentis eius conditione quiescentes. Quos tamen, si quicquam grauius Ioanni Vicō contra fidem datam statueretur, omnes suas opes aduersus Ecclesiam collatum ire, nemini dubium esse debere. Cum in propinqui simul atque amici vltionem, tum verò vt se à simili iniuria tuerentur. Non esse committendum, vt ea hostibus imponatur necessitas, vt desperationem in virtutem conuertant. Huc accedere periculum, ne Cornetum, & multa alia oppida, quæ factionis Gibellinæ, & summi in Ioannem Vicum studiij, eius voluntate fuissent recepta, non seruata ipsi fide sibi in Ecclesi-

rebel-



rebellare licere putarent. Nam quod de Ioannis fide timeret, non esse dubitandum, datis obsidum loco charissimis liberis, quin ille ultro nihil vnquam esset moturus. Atque eas potissimum esse rationes, quibus initio Ioannem Vicum indulgenter habendum putasset, & tunc nihil aduersus id factum innouandum censere. Quæ si Pontifici non tanti essent, vt Ioannem Vicum eo statu viuere, equo animo pateretur, ab eo petere, ac per Deum obsecrare, ne se ministro ad eum vlciscendum vteretur, qui suam fidem secutus, se suaque Romanæ Ecclesiæ commisisset.

ÆGIDII ALBORNOTII  
CONCHENSIS DVCIS CLARISSIMI,  
VITAE, AC RE RVM PER  
E VNDEM GESTARVM,  
LIBER SECVNDVS.



IC Umbria recepta, ÆGIDIVS omnes suas curas & consilia coepit in bellum Malatestæ inferendum intendere. Satis enim constabat, illo superato, facilem fore de cæteris tyrannis victoriam. Sed dum ad hoc necessaria compararet, ex literis Pontificis cognouit, se apud ipsum fuisse ab Archidiacono Anconitano insimulatum, quod cū Malatestis inita gratia foedera percussisset. Adeo viros optimos, qui calumniaretur,

*Malatesta  
Tyrannus op  
pugnatur.*

*Albornotius  
à calumnia  
se purgat.*

nunquam defuit. Quam calumniam ÆGIDIVS tanto iniquiore animo tulit, quāto longius aberat à crimine, quod ipsi obijciebatur. Ergo Pontifici rationem consilij reposcenti ita respondit. Non se mirari, si, cum tot hominum inimicitias Ecclesiæ causa suscepisset, non desissent qui se, factaque sua criminarentur. Illud molestè ferre, quod propter quam rem magnam à cæteris hominibus laudem, à summo Pontifice gratiam quoque non parvam sperasset, eam apud ipsum ÆGIDIO pro crimine obijcere quisquam sibi licere putasset. Non quod pacem vllam fecisset cum Malatestis, nec enim vnquam tantam auctoritatem fuisse sumpturum, vt hoc integrum sibi esse putaret. sed quod ab hoste minimè contemnendo, per speciem spemque pacis bellum tamdiu vitare non imprudenter sciuisset, dum Ioannem Vicum satis per se potentem hostem debellare posset. Cui rei nisi à se maturè fuisset prouisum, & vterque tyrannus opes coniunxisset, quod maximè timendum fuisse, non esse dubitandum, quin aut neuter eorum vnquam superaretur, aut bellum difficilimum aut diuturnum esset futurum. Sæpe ad se legatos à

D

Malate-



*Malatestae  
pauci volum  
in Aegidio.*

*Gentilis Mo  
liani cū Ae-  
gidio socie-  
tas.*

Malatestis bellum precescentes venisse, pacem cum eis fecisse nunquam, spem pacis semper præbuisse. Tunc id agere, ut Malatestas omni auxilio & spe à Ioanne Vico destitutos aggrediretur. Quasi culpanda essent, si digna censura videretur, nihil se habere, quod pro se posset respondere. Hæc responsa Pontifici allata comprobataque multum, ut par erat, apud ipsum AEGIDIUM opinionem auxerunt. Ince-rea Malatesta cognito AEGIDIUM consilio, vel quia bellum sibi inferendum, superato Io. Vico, coniectura prospicere facile erat, duo de vigesimo mense, quam fuerat bellum initum, legatos ad AEGIDIUM mittit, qui sic cum ipso egerunt. Si pacem secum summus Pontifex faceret, & vrbes quas obtinerent, relinquendas statueret, decem ducatorum millia in singulos annos Apostolico fisco dare pacisci, & ad bellum gerendum AEGIDIUM ducentis equitibus duobus mensibus auxilio esse. Negante illo licere sibi in ea pacta descendere, duodecim millia ducatorum in annos singulos, equitum trecentum auxilium in tres menses pollicentur. Ad quod AEGIDIUS respondit: Nullas sibi à Malatestis conditiones pacis accipere dicere, Pontifice inconsulto, integrum esse. Si velint bellum deprecari, legatos ad Pontificem mittant, seque intercessore utantur, non se dubitare pro eius iustitia, quin quæ honestè poscerent, sint impetraturi. Tunc legati, immò id ipsum ab eo petere, obsecrareque, ut ipse de his conditionibus Pontificem certiores literis & nuncio faceret, suumque consilium & auctoritatem interponeret, ac interim bello supersederet. Id cum impetrassent, discedunt. Quod cum esset ad Pontificem ab eo relatum, nullas esse leges pacis respondit, ciuitatibus in tyrannorum potestate relictis. Proinde Malatestas & cæteros Flaminiae vel Piceni tyrannos bello insectari pergeret. Qua renunciatione accepta AEGIDIUS, nihil cunctatus ad bellum, ineunte vere, capescendum, pro rei magnitudine pergit necessaria comparare. In primisque, cum intellexisset inter Gentilem Molianum, qui Firmianæ ciuitati imperabat, & Malatestam continenter bella superiori tempore intercessisse, rationem coepit inire, ut alterius opibus alterum debellandum vteretur. Et ad Gentilem Molianum legatos mittit, qui in Malatestarum inuidiam eius amicitiam captarent: darentque operam, ut inter se ac Gentilem pax non iniquis conditionibus fieret, & societas coiretur. Ille vero conditionem amplectitur, suæ infirmitatis conscius, simulque ut occasionem arriperet vlciscendi Malatestas, à quibus multa magnaque acceperat detrimenta. Pacem ergo his conditionibus accepit, ut paucis suo iuri permisis castellis, nec ijs magnis, cætera omnia redderet Pontifici, ac obsides daret. Quod factum cum Malatesta rescuisset, hostis iam Ecclesiae iudicatus, cæterorum omnium inimicitias odiaque instanti discrimini posthabendas ratus, pro magnitudine periculi coepit in-  
re con



Te consilia: ac legationibus quoquo versus dimissis ad omnes Flaminiae & Piceni tyrannos, novos amicos conciliare, confirmare veteres. Ille verò & hostes reconciliare communi periculo omnibus proposito, à cunctis auxilium petere: suam inuicem opem aduersus Ecclesiasticos polliceri. In primis habendam sibi rationem statuens, vt Gentilis Molianus ab amicitia AEGIDII auerteretur, atque ad suas reuocaretur partes, triginta ei ducatorum millia per legatos mitti. Omnia oppida agri Firminani se illi reddere, & per liberorum connubia affinitatem paciscitur, si datis acceptisque obsidibus, sese mutuo auxilio aduersus communem hostem iuuarent. Et cum vtriusque eadem esset causa, eundem belli euentum experirentur, commune esse periculum docet, vtiliorem magisque fidam suam Gentili amicitiam fore quam AEGIDII. Qui cum bellum pro Pontifice suscepisset, neminem eorum qui oppida Ecclesiasticae ditionis occupassent, hostem non esset indicaturus. Nam & si ad praesens amicitiam cum eo gerere simularet, vt facilius contra ceteros bellum gereret, fore, vt alij superatis ipsum postremo excogitata causa, vel etiam non quaesita, omnibus bonis sine repugnantia expoliaret. Quibus auditis, Gentilis vehementer est perturbatus. Nec quid consilij caperet, satis sciebat. Turpè videbatur fidem AEGIDIO datam fallere, sed magna erant & munera & promissa Malatestae, consiliumque eius longè tutius reputabat. Et hæc quidem pars proculdubio vicerat, nisi quidam ex Firmianis ciuibz quibus Malatestae summo erant, odio restitissent. qui cum ex populi sententia legati publicè ad AEGIDIUM missi de ancipiti Gentilis animo docuissent, AEGIDIVS ad Gentilem legatos misit, qui partim pollicitationibz partim territando, eius animum ab incepto reuocarunt. Qui in fidei testimonium filium atque nepotem obsides dedit, & duo castella Morosium, & Sanctum Benedictum tradidit. Tandem legati missi à Malatesta re infecta redierunt. Nec ea tantum res fecit, vt rei benè gerendæ, & Malatestam desperatio non parua, & AEGIDIVM magna spes incesse-  
ret, sed illud multò magis quod superiore tempore idem Malatesta à Germanorum societate, de qua supra demonstratum est, triginta milibus ducatorum pacem emerat: magnaque præterea stipendia erogauerat militibus, quos ex eo conduxerat, qui fuerant supra mille quingentos equites, multiq; pedites, cum bellum aduersus Gentilem Molianum gerebat: quibus sumptibus maximè exhaustum nūmis esse Malatestam nemini videbatur dubitabile. Quum tamen nihilo secius abundare ipsum numero militum constaret, augendum sibi exercitum AEGIDIVS censebat, etiam reclamantibus, eam diligentiam nimiam esse, nonnullis, qui multum in rei militaris scientia

*Malatesta  
conatur Molē  
an̄ abduce-  
re à societate  
cū Aegidio.*

*sibi*



*Tudertum  
deditur.*

*Rodolphus  
Camerinas  
& Ismedi-  
cius Seueri-  
nas se de-  
dunt.*

sibi tribuebant, dum ad hostis indigentię suspitionem illud adijcerent, eius exercitum necessario ineunte bello esse minuendum, deductis ad oppidorum custodiam militum præsijs. Quibus rationibus AEGIDIUS respondere solebat. Stulti esse Imperatoris ex dubio hostis consilio, aut futura infirmitate pendere, dum posset ipsum multitudine militum superare. Nam cum fortuna belli nimis esset anceps, difficilius esse victo bellum reparare, quàm cedentibus suis aut laborantibus, fessisq; integros & recentes ex multitudine submittere. His accedere, quod expugnatis oppidis præsidia imponi ex paucitate subducta sine magno incommodo non possent. Denique temeritatis esse in hostem excitatum, consilio fortasse non inferiorem, qualem esse Malatestam, victoria velut explorata, irruere, si militum numero supereris. Hoc inito consilio, per Umbriam Latiumq; delectum haberi iubet, ut omnia, ineunte vere, ad bellum in Picenum transferendum essent comparata. Interea Tudertini per legatos imperata facturos polliciti, centum equites cum pari numero peditum subsidio mittunt. His rebus aucto numero ex hibernis copias deducit: quarum parua parte sibi relicta, reliquis Blascum Fernandum præficit. Iubetque in Flaminiam Picenumque inferre signa, & quæ fieri vellet docet. Hunc ut Petrus Farnesius, Bonifacius Vrbeuetanns, Henricus Fessa, Viri nobiles & armis exercitati subsequantur, imperat. Huius protectionis fama cum celerrimè Picenum & Flaminiam permanasset, multi ex tyrannis per occultas legationes, aut litteras pacem, alij alijs conditionibus ab AEGIDIO petierunt. Quorum duo maximè opulenti Rodolphus Camerinas, & Ismedius Seuerinas, etiàm si societatem inierant cum Malatestis, metu tamen perterriti indubitati periculi de deditioe occultum miserunt nuncium. Cum Camerino Blascus appropinquaret, Rodolphus, Ioanne fratre longius præmisso, ipse ad duo millia passuum obuiam progreditur, atque in urbem eum cum exercitu introducit, ipsumque cum oppidis ac castellis subiacentibus eius potestati permittit. Paulo post Gentilis quoque Molianus, Blascum Fernandum cum exercitu Firmum admittit, ei que oppidum tradidit. Arce tamen in aduentum AEGIDII sibi reseruata. His rebus gestis, necdum tamen Auenioni nunciatis, allatae sunt à Pontifice litteræ, ne AEGIDIUS ab Umbria promoueret, quo minus Ioannes Vicus ceteriq; eius regionis tyranni inuitante occasione rebus nouis studerent. Quamobrem consulenti Blasco per litteras an Malatestas iam bello laceffendos censeret: AEGIDIUS respondit. Abstineret à bello in vigesimum diem, tantisper videlicet, dum de Pontificis voluntate quicquā certius afferreretur. Inter hanc sollicitudinem, qua AEGIDIUS nimium angebatur, ut qui amplissimam & exploratam victoriam è manibus emittere iuberetur, superuenerè literæ ab eodem Pontifice,



tifice, qui rerum in Piceno gestarum certior iam factus fuerat, quibus litteris, laudato consilio AEGIDI, & Blaschi virtute, ut pergeret bellum Malatestis inferre, hortabatur: daret modo operam, ne Umbria interea in discrimen traheretur. qua re delectatus AEGIDIVS Blaschum Fernandum per literas monet, uti oppida inuadat agri Firmiani, quæ occupata erant à Malatestis. Ille nihil moratus & de tertia vigilia Firmum egressus in Phalatonem oppidum contendit. & primo impetu tradito simul & expugnato potitur. Sancti quoque Angeli castellum deinde simili modo recepit. Morus etiam, id oppidi nomen est, eiecto præsidio sibi imposito à Malatesta, deditiorem fecit. Tria præterea oppida, quæ ab Ancona non longè absunt, à Malatestis deficientia in Blaschi potestatem peruenere. Interea AEGIDIVS profecturus in Picenū sic Umbriæ statum cōstituit. Iordanem & Angelum quæstorem, quorum in populo Viterbiensi summa erat gratia, ei potissimum ciuitati præficit: sed & totius Umbriæ Latijque curam & gubernationem iniungit. His quadringentos equites, pedites ducentos, attribuit. Arci Montis Faliscorum Ioannem Vrbeuetanum præesse iubet. In arce Tuscanella veterem probatæ fidei præsidem confirmat cum militum supplemento. Ioannem Albertum Florentinum cum centum equitibus & peditum pari numero in Vrbeueteri custodis loco relinquit. Et ne esset interea, qui aliorum animos ad rebellionem sollicitare posset, per honoris & amicitiae speciem proficiscens iubet, nobilissimum quemque se in bellum subsequi. Ut autem Ioannem Vicum, si minus fides data, at certè cara pignora in officio continerent, Franciscum eius filium viginti equitibus præpositum secum adducit: relicto fratre, qui datus erat obses, in arce Montis Faliscorum. Fulgineum modo peruenerat AEGIDIVS, & se, cum reliquo exercitu coniunxerat, cum Episcopus Vicentinus & Senitius Comes Palatinus à Carolo quarto legati adsunt uti Romam veniret, impositurus ex more coronam auream Imperatoris capiti, qui ad compescendam Ludouici Bauari insolentiam autore Clemente VI. P. M. creatus erat. Qua de re non erit hoc in loco ab instituto nostro alienum, pauca verba facere, quoniam & in superioribus de Ludouico Bauaro facta est mentio, & fiet in sequentibus de Carolo. Mortuo Henrico Imperatore, magna fuit inter electores Imperatoris controuersia, quibusdam Federico Austriæ, alijs Ludouico Bauariæ ducibus suffragantibus. In tanta igitur electorum dissensione candidati ipsi concurrunt ad arma. qua in pugna cum Ludouici res superior fuisset, maiore exercitu confecto, inuito Ioanne XXI. qui tunc erat Pontifex Maximus, in Italiam irruere parat, ius fore ratus quidquid per violentiam rapuisset. Primum ergo accepta, ex more, corona ferrea Mediolani, cui ciuitati Vicecomites tunc temporis auxilio eius imperabant, Romam peruenit. Cui duo ex nobilitate Romana Stepha-

*Umbriam custodiri mandauit Pontifex*

*Carolus IV. Imperator à Clemente creatus.*

*Ludouici Bauari de imperio contentio, cū Papa.*



*Petrus Cor-  
bariensis Frä-  
ciscanus An-  
tipapa con-  
tra Ioannem  
XXII &  
eius mors  
infr. lib. 3.*

*Carolus re-  
gis Vngariæ  
filius. Caesar  
creatur con-  
tra Ludoni-  
cū Bavarū.*

*Gentilis Mo-  
liani defe-  
ctio.*

nus Columna & Nicolaus Comes tunc moderabantur, qui magistra-  
tus Vicarij Imperatoris Romani nuncupabantur. Absente itaque  
collega ab Stephano Corona aurea insignitus est ad ædes Laterani,  
iubente clero P. Q. R. Tunc verò magna sumptaa udatia, per  
contemptum non hominum tantum, sed Dei etiam immortalis  
Antipapam creat, in æmulationem Ioannis. XXII. quendam Pe-  
trum Corbariensem ordinis minorum, humili loco natum, non  
indoctum illum quidem, nec ignauum, sed scelestum & nefarium  
hominem, & qui contra iura diuina humanaque, reclamante vxore, re-  
ligionem, quam pessimè prophanaret, professus fuerat: sed relictus  
Pisis, abeunte Ludouico in Germaniam, capitur à Bonifacio Comite  
Pisano, & Auenionem perductus, & Pontifici traditus, in carcere mi-  
ferrimè obiit. Ludouicus autem ipse, qui nullam occasionem præter-  
mittens, omnes suas cogitationes in Pontificis Maximi & rei Ecclesia-  
sticæ perniciem conferebat, multos tyrannos in ciuitatibus Ecclesiasti-  
cis aut veteres confirmauit, aut denuo præposuit. Cuius hominis im-  
pietatem non ferens Clemens sextus, qui fuit tertius à Ioanne XXII.  
author fit, uti Carolus Ioannis Regis Vngariæ filius, designaretur Cæ-  
sar, qui virtute & opibus suis Ludouici conatibus obstaret. Is igitur le-  
gationem ad A E G I D I V M mittit, cupiens ab ipso potissimum co-  
ronari. At summus Pontifex, ne A E G I D I V S cum incommodo re-  
Ecclesiasticæ à tantis negotijs anocaretur, tres Cardinales cum potestati  
te eo nomine miserat, qui paulo post Carolum consecuti, peruenere in  
urbem, ipsumque authoritate Apostolica coronauerunt. Ea igitur res A E-  
G I D I O iam antea cognita, pro responso legationis fuit. Cumque nun-  
ciaretur Carolus Senas appropinquare, A E G I D I V S officij gratia,  
simul si posset ab eo quiddam auxilij impetrare obuiâ procedit. A quo  
liberaliter, indulgenterque exceptus, cum ducentos equites auxiliares  
obtinuisset, Fulgineum vnde venerat rediit. Paucis ibi diebus tradu-  
ctis, dum finitima quædam oppida reciperet, quorum fuere Nuce-  
ria, Gualdum, Casarium, Carolus in Germaniam regreditur. Percusso  
foedere cum Principe Mediolanensi: qui cum arma deposuisset, mul-  
tosque tum equites, tum pedites dimisisset. Malatestæ ac Franciscus Or-  
delaphus, cæteri que eius belli focij duo millia equitum, milleque pedi-  
tes ex illis mercede conduxerunt. Adeoque tyrannorum exercitus au-  
ctus est, ut præterquam quod multitudine peditum abundaret, quattuor  
millium numerum equitatum excedere constaret. Qua occasione fidu-  
ciaque persuasus Gentilis Molianus, quem antea non tã fides quam metus  
in officio continuerat, ab A E G I D I O defecit, seque tyrannis aggrega-  
uit: qui coactis viribus magna que sumpta audacia, non dubitauere se-  
se Ecclesiastico exercitui opponere & sponte ad pugnam prouocare.  
Prorsus, ut cum Nicolaus Acciaolus vii reb. gestis insignis & summa au-  
thori-



thoritate grauis, quem vulgo magnum Architriclinum Regis Siciliae appellabant, conaretur inter utrosque bellum dirimere. Malatesta, qui nuper omnibus precibus bellum deprecabantur, tunc velut explorata victoria, magno fastu pacem repudiarent. Quo cognito AEGIDIUS, etiam si nummorum inopia premeretur, qui nimis parca Pontifice suppeditabantur, ex hausto, ut ipse dicebat, aërio, tamen vel proprio sumptu nouum militem conducere statuit. Et quidem satis opportunè accidit, ut sexcenti equites, qui Bononiae praesidij gratia hyemauerant, paulò autè à Principe Mediolanensi dimissi, & conductorem expectantes in eadem vrbe commorarentur. His itaque conductis, peditem etiam habito delectu, suppleuit quidem exercitum, sed adhuc hostibus numero militum impar conandum statuit, si qua ratione hostium copiae possent destineri. Ipse igitur suas partitur. Maiori parti Alphonsum Toletanum praeficit, & in agrum Ariminensem ducere, omniaque ferro flammaque vastare imperat. Ille non segnus, ac iussus fuerat imperata executus, & obuia quaeque populatus, duobus ab vrbe millibus castra metatus est. Indeque crebris incursionibus agros infestabat: nec quenquam urbem ingredi, egrediue patiebatur. Quod cum esset tyrannis perlatum, resque ad consilium referretur, omnes in hanc sententiam iere: primò quoque tempore subueniendum esse Ariminensibus, sed habendam esse rationem, ne interea reliqua pars exercitus Ecclesiastici liberè vagaretur, & ceterae ciuitates in discrimen traherentur. Quare placet copias bifariam partiri, ut minor pars finitimis oppidis praesidio esset, alteram Galeotus Malatesta in agrum Ariminensem duceret, urbemque obsidione solueret. Nec hostibus, si poposcissent, pugnandi copiam facere, recusaret. Cognito AEGIDIUS Galeoti discessu, iubet properè cum silentio castra moueri, & ut se reliquo exercitu coniungeret, summa celeritate contendit prorsus: ut non prius hostis in agrum Ariminensem peruenisset, quam copiae Ecclesiasticae congregaretur. Cùm se exercitus in mutuū conspectum dedere, uterque pugna capeffere paratus, instruunt, educuntque acies duces strenuè, ut quidem par est credere, sed quo potissimum modo, non est traditum. Tunc AEGIDIUS cohortandos militum animos oratione premiorumque pollicitationibus accedendos ratus, in hunc maximè modum aduocata cōciōne, locutus est. *Iustissimi pijque belli Viri fortes, quod pro Repub. Ecclesiastica, proque religione Christiana, quae nobis patriae longè charior esse debet, aethore Deo Christo contra tyrannos, Christiani nominis hostes, gerimus, bona pars diuina ope vestraque virtute nobis confecta est. Recepimus Latium, Umbriam subegimus, Aethruscorum dubios animos in fide ac officio confirmauimus. Nec solū ceteri eius tractus tyranni vobis succubere, sed Ioannis etiam Vici tyranno, & potētissimi & maximè formidolosi opes vestrae virtuti cesserunt. Id verò ut pijssimo sacroque bello finis imponatur, ut pax sit rebus, ut Ecclesiae status vestra opera à perfidorum violentia vindicetur, vosque vestra virtute digna praemia faciatis, tan-*

Alphonsus  
Toletanus  
Ariminensem agrum  
populatur.

Aegidij Al-  
bornotij ad  
milites ora-  
tio.



Iosue. 10.

Altera ora-  
tio Malate-  
ste.

tum superest, ut Piceni Flaminieque tyrannos debelletis: quæ victoria quam sit nobis in expeditio numine diuino posita, si eâ hodie virtutē præstatis, quam superiorib. præliis præstistis, vel me tacente vobis satis exploratum esse debet. Mihi enim principio, cum hanc expeditionem comparabam, rei magnitudinem reputanti, multi labores hauriendi, aut magna discrimina subeunda occurrebant. Quippè si tyranni muris fossisque contenti, nobis sigillatim forent expugnandi, longa duraque obsidionum fastidia, malaque animo præciebam. Sin cum vniuersis, coactis viribus, quod magis fore putabam, prælio esset decernendum, vestræ quidem virtuti, mihi multis magnisque periculis cognita, summo perere confidebam, ac strenuitate recreabar, anceps tamen fortuna belli, dubiusque euentus, indubitatam multitudinem hostium animo præcipientem me anxium habebat. Nunc cum res eo deducta sit, ut tyranni, qui vniuersas opes non inuiti consilio contulerant, satis gnari, haud aliter suis viribus nostrum exercitum esse tolerandum, diuisis copiis pugnare cogantur, quid tandem existimandum est, nisi Deum CHRISTVM, pro cuius Ecclesia bellum gerimus, vindicem adesse? & suorum hostium animis tenebras obfudisse? ut de regibus Ammoreorum sacris literis proditum est. quos turbauit Dominus à facie Israel, & contriuit plaga magna in Gabaon. Qui cum parte copiarum nostrarum configere rati, solidum exercitum adesse, tunc demum sentient, cum sera pugnae penitentia subeunte, non nisi fugæ locus erit: quam tamen plerosque eorum non inuitos arreptam ire certum habeo. Nec enim genus belli nobis ignotum est, aut hostis ignoratur. Cum his est vobis milites dimicandum, qui tyrannos exosi duces: ut hominum fert natura, trahuntur magis ad execrandum bellum, quam ducuntur, nihil magis quam fugere, si id impune liceat, parati. Taceo quod veterani milites, cum tyrone exercitu pugnaturi estis. Religiosi & animis spiritibusque ob honestatem causæ pleni & confirmati, cum sceleratis, & suæ impietatis conscientia profligatis. Sed, ut intelligatis milites CHRISTI, quanta animi contentione pugnam capeßere debeatis, ponite ante oculos quanta rerum momenta discrimine huius certaminis vertantur, Vobis enim hodierno die CHRISTVS Ecclesiam suam, sibi suo, & innumerabilium Martyrum sanguine partem committit, ut eam vestra virtute è nefariorum hominum impiorumque latronum manibus asseratis. qui si superiores, quod abominor, euassent, frustra, credite mihi, superioribus præliis vicissetis. Siquidem cum inexplabilem sitim nostro priorumque sanguine satiassent, erectis sceleris focis, qui vestra virtute iacent, non dubium est, quin Ecclesiam, ac religionem Christianam, ipsorum scelere labefactam funditus essent euersuri. At si victi erunt, ut erunt, noui enim vestram virtutem, & præsens numen adesse sentio, laceratam Ecclesiam reficietis, captiuam in libertatem asseretis, & Christianam religionem vltimum discrimen aduentem, pristinae dignitati restituetis. Cum Deo ergo bene iuuante Viri fortes arma capite, vestri laboris certissima præmia capturi. quibus enim hoc sacratissimo prælio oppetere continget, hi paratos habebunt angelos Dei, qui ipsius militum beatas animas cum gloriosis martyrij coronis excipiant: qui verò pugnae victores superfuerint, pro suis quidem quisque facinoribus editis, quæ latere minime possunt, digna præmia reportabit omnibus tamen sine discrimine pro hac victoria duplex militiæ stipendium. Sed nec Galeotus Malatesta in cohortandis militibus sibi defuit: quem huiuscemodi habuisse orationem accepimus. Captam iam pridem nobis facultatem milites cum hoste aperto Marte decernendi, en vltro hodie nescio quæ bona fortuna attulit non sperantibus. Video enim hostes educta acie, pugnam capeßere paratos: quam cum diu, nobis poscentibus, iunctis viribus suis, totoque exercitu turpiter detrectauerint, certum habeo, nunc partitis copiis, necessitatis non ani-

morum



morum hoc esse consilium. Atque equidem mea sententia institutum ducis, si militum a-  
 nimos haberet consentientes, non esset admodum improbandum, qui cum locus effugij mi-  
 nus adesse intelligat, quo se tuto possit recipere, mauult suum exercitum quantulacunque  
 spe præter ignominiam vinci, quam inter fugam & trepidationem turpiter occidi, sed  
 parum animaduertit, quo genere militum, & contra quos difficillimam pugnam sit initu-  
 rus. Opponere molitur mercenarios milites, milites autem, immò verò latronum collu-  
 niem, qui nulla gloria accensi, nulla, præterquam prædæ, aut mercedis spe ducti, bellum  
 gerunt, qui cum neque pro sua dignitate, nec pro libertate patria dimicare cogantur, de-  
 serunt potius signa, quam nisi exploratam habuerint victoriam, vllum Martis discrimen  
 sustinere inducant animos. Hoc genus, inquam, militum educit in aciem contra vos, qui-  
 bus utinam pro gloria tantum & decore, non etiam pro opibus, pro libertate, pro salute  
 antè mœnia vestra esset dimicandum. Nec enim timeo, ne nobis, qui vestræ libertatis du-  
 ces sumus, fraudi, aut vobis errori sit, quod in nostram inuidiam callida improbitate exco-  
 gitauit, iactatque versutus hostis, dum nobis tyrannidis nomen obiecit. qui vobis volen-  
 tibus, atq; adeo magno consensu petentibus, vestrarum ciuitatum patrocinium, contra im-  
 proborum hominum auariciam notasque fraudes suscepimus, contra eorum dolos, & cõ-  
 pilationes, quos religionis, quam omni turpitudine profanant, specioso nomine suas sordes  
 & scelera prætexentes, non pudet honestis viris, ac suæ libidini obsistentibus tyrannidis  
 (quam ipsi affectant, exercentque) nomine inuidiam facere, & vanis execrationibus  
 detestari. Quasi Deum immortalem, quem nos sanctius ac religioſius reueremur, colimus-  
 que, suis sordibus ac criminibus consentientem, & conspirantem habeant, & non potius  
 iratum, quod videat, suam religionem, & Ecclesiam, quæ sanctimonia, frugalitate, terre-  
 ni imperij opumque despectu, ex exemplo CHRISTI ac beati Petri tuenda erat, in ambi-  
 tionem & auaritiâ conuersam scelere eorum, quibus commissâ esse videtur. qui sacer-  
 doti, virtutum olim & sanctitatis non tam præmia, quàm exercitamenta, nunc ab ipsis in-  
 mercuraturæ formam coacta, quo carius emunt, eo turpius ad colligendam pecuniam ab-  
 utuntur. Et si quis imperatam pecuniam pendere renuerit, aut ipsorum libidini parere ius-  
 sus, ut est hoc genus hominum imperiosum, minus obtemperauerit, hunc protinus sacris in-  
 terdicunt, horrendis deuotionibus detestantur, quibus ignauos homines & superstitio-  
 sas mulierculas, deterreri compererunt. idem cum erga viros fortes, prudentesque, nec  
 ignaros quam vana sint ista territamenta, nisi iustissima sint, intellexerunt, terras maria-  
 que miscent, & non tam Marte quam Plutone agitante bellum inferunt: scilicet, ut bea-  
 tum Petrum, cuius clauibus se imperare iactant, imitentur, qui in suæ posteritatis exem-  
 plum piscatorium instrumentum, quo solo suam paupertatem tolerabat, iubente CHRI-  
 STO, abiecit, ut doceret, præter virtutem & Religionem, omnes res humanas futu-  
 ro CHRISTI vicario, non modo non esse appetendas, sed etiam abiiciendas. Atque e-  
 quidem horum & habendi, & dominandi inexplebilem auiditatem utique tole-  
 randam esse censerem, si vllum modum seruare scirent. Atque adeo legatos, præ hac no-  
 stra modestia, sæpe ad eos de pace misimus, multa de iure nostro, multa etiam de liber-  
 tate remittentes, ea offerentes annua tributa, quibus, si scirent auaritiæ temperare, sa-  
 tis superque debuerunt esse contenti. Sed dii immortales, quo fastu, qua insolentia respon-  
 dere! Deditionem sine conditione volumus. Cedite patria, relinquite opes, manus date,  
 misericordiam supplices implorate, nostrum sit in captiuos summum ius, nostra sit sum-  
 ma in deditionis necis iuxta, & vitæ potestas. Quid turpius erat a Mancipia ab importu-  
 nissimis Dominis audire, quid grauius expectare solent? Ita cum sit aut pugnandum, aut  
 miserè seruiendum, vel mortem fortibus viris ante seruitutem ponendam statuimus.



*Pugna com-  
mittitur.*

*Aegidij in  
pugna offici-  
um.*

Ergo viri fortes memores vestrae libertatis, sic hodie pugnate; ut memineritis huius praelij discrimine, vestra, patrieque libertatem, opes, salutem denique verti. Reputantes qualem virtutem hodie praestiteritis, talem impostero statum, fortunamque vos, ac ciuitates vestras habiturum. Sic utrinque accensis militibus, committendi praelium signum datur, magno impetu initur certamen, diuque peruicaciter ancipiti victoria pugnatum est. Donec Galeotus, ut laborantibus suis subueniret, admissio equo, in hostes irruens & ab his fortissimè exceptus, vulnerato lethaliter equo prostermitur, capiturque. Quod, cum esset passim diuulgatum, fecit, ut Ecclesiastici pro victoribus essent, hostes pro victis, qui metu dissipati fugam capebant. Ecclesiastici, fugientes confecti, magnas strages ediderunt. Quo in praelio Blasius Fernandi militis simul, & ducis munera exequētis, virtus & strenuitas summopere emicuit, dum hostem repellit, laborantibus suis subuenit, & opportuna appellatione militem cohortatur. Nec minor fuit in Rodolpho Camerinate, nec industria, nec animi promptitudo, quin & Alphonsus Toletanus & Carolus Aduadula praecipuam eo die laudem meruere. Nanque AEGIDIUS ipse non pugnando, sed imperando vincebat, & instructa acie, magis suam censebat decere dignitatem, Deum immortalem interea cunctis precibus obtestari, ut res foeliciter eueniret, quam ut ipse inter tela versaretur. Hac parta victoria, pleraque omnia oppida, quae circum Ariminum sita sunt, partim facile expugnata, partim spontanea deditio in AEGIDIUM potestatem peruenire. Inter quae Aesim urbem expugnauit Blasius, Maceratam Fedus tradidit sponte, qui ei haecenus imperitauerat: quem oppidanis petentibus, AEGIDIUS eidem oppido praefecit. At Galeotus Malatesta, quem a militibus captum fuisse demonstraui-mus, adhuc in eorum potestate permanebat. Nec, ut eum traderent AEGIDIUS ulli ratione adduci poterant, donec sibi, ut promissum erat, duplex stipendium, quae summa erat, quadraginta millia ducatorum exolueretur. Non quod de praestandis pollicitis dubitarent, sed impatientes morae, ne solutio in longum traheretur, verebantur. plerisque enim nota erat AEGIDIUS indigentia, quem superiore solutione decem millia ducatorum de suo erogasse constabat. Quae res cum AEGIDIUS suam auctoritatem minui videretur, in hac pacta descendit, ut milites apud Rodolphum Camerinatem in vigesimum diem deponerent Galeotum, haberentque obsides pro eo Blasium Fernandum: Vngarum Saxoferratum: Ioannem Albertum: Albertatum Ricasulum, quibus militibus, si citra praestitutum diem satisfactum esset, traderetur Galeotus AEGIDIUS, sin aliter, redderetur ipsis, essetque eorum in captiuum summum ius summaque potestas. Ergo AEGIDIUS, omni cura in conquirenda pecunia conuersa, a Perusinis octo millia ducatorum mutuatus est, ab Eugubienibus tria. Quaestorem praeterea



terea Florentiam properare iubet, & pecuniam sibi longo tempore debitam à Florentinis exigere. Ipse verò quidquid habuit vasorum aureorum, argenteorumque & annulorum Albergotio Fabriensi viro id temporis valde hummoſo oppignorauit, accepta pecunia quæ summæ deerat, qua militibus numerata Galeotus Eugubium, vbi AEGIDIVS commorabatur, iuſſu eius deportatur, daturque custodiæ. Tanta clade fractus Malateſta, optimum factu eſſe ſtatuit ad Pontificis Aegidijque miſericordiam confugere, & quorum erga vtrumque summam eſſe gratiam, aut authoritatem intelligeret, horum maximè precibus ad componendam pacem vti. Ergo paucis interiectis diebus, Nicolaus Acciaolus, de quo ſuprà mentionem fecimus, à Carolo Cæſare, & Cardinale Hoſtienſi nuncius adest cum litteris, quibus ab AEGIDIO magnoperè contendunt, vti cum Malateſtis, futuris in poſterum Eccleſiæ tributarijs, fidiſſimisque clientibus, fœdus tolerandis conditionibus feriret. Nec vellet antiquam, nobiliſſimamque familiam, & ſibi amicitia coniunctam funditus abolere. Nec grauaretur, ſi Malateſta ad ipſum venire vellet, tutam colloquij facere facultatem. fore eā rē ſibi gratiſſimam, & à dignitate ipſius, cōmodoque rei Eccleſiaſticae minimè alienam. Inquam ſententiā cum multa Nicolaus addidiſſet, ab AEGIDIO impetrat, vti ſua voluntate liceat Malateſtæ ad colloquium venire: qui poſtridie eius diei, literis Nicolai accitus adest, & introductus ad AEGIDIUM, ad cuius pedes obuolutus crimen fatetur, ad ipſius clementiam cōfugere, quam nemo nunquā frustra imploraſſet. Erratorū veniā, & pacē petere. Cuius ſermone interpellato, Nicolaus: Hōc, ait, à te Malateſta petit, clementiſſime Imperator, in quo & Carolo Cæſari & Cardinali Hoſtienſi nimiū gratificaberis, vti ea oppida, quæ in Flaminia obtinet ſibi liceat tua voluntate retinere, nec id quidē vt domino, ſed vt Pōtificis, Eccleſiæque tributario clienti. Reliqua omnia ſummi Pontificis tuæque poteſtati permittit, quibus AEGIDIVS reſpondit. De graui re nō ſe, ni poſt maturā deliberationē reſponſurū. Poſtero die cū rem ad conſiliū referens, quid Malateſta poſtularet, expoſuiſſet, cæterorum huic congruere ſententiæ, nullas conditiones pacis à Malateſtis eſſe accipiendas, eiſue dicendas. Nam qui nuper tam ſuperbè pacem renuiſſent, neceſſitate eos non potentia ad pacta deſcendere. Non eſſe ambigendum, tanta clade accepta fractos animis viribuſque omnino ſuis rebus diffidere vt qui minimè valeant bellum reparare. Vecordis eſſe aſpiranti deeſſe fortunæ. Ad hæc tyrannorum fidem cū fortuna commutari: quippè quorum nihil interſit, quibus artibus dominantur. Ergo optimum eſſe, Malateſtarum familiam ab Eccleſiaſticis finibus exterminare. Ad quod ni occaſio præſens prætermittatur, nihil negotij ſuper eſſe. Hæc & pleraque alia in hanc ſententiā dictu ſatis ſpecioſa iacta-

*Galeotus enim  
ſtodie traditur.*

*Malateſta  
cum Aegidio  
colloquium.*

*Vrbes retine  
re Malateſta  
poſtulat.*



*Aegidio. con  
filium potius  
clementie.  
quam seueri-  
tatis placet.*

*Clem. VI. ad  
Aegidium e-  
pistola.*

*Pacis. fide-  
ra.*

sa iactabantur, quæ tamen AEGIDIUM animum haud satis explebant, multa variaque simul agitantem. Quippè ne Cæsaris animum offende-  
ret, & Cardinalis Hostiensis amicitiam parui facere videretur metue-  
bat, si vterque tanto studio, pacem fieri, ab ipso frustra contendissent. Præterea nunciatum erat Patauinos, Perusinos, & Mantuanos cum Ma-  
latestis amicitiam cōiunxisse. Huc accedebat nummorum penuria, quæ  
exhausto Pontificio ærario ad ducendum bellum minus suppetebant,  
quod si Malatestæ æqua inopia laborarent, ac certè difficile fore reputa-  
bat, expugnare Ariminum, Anconiam vrbes munitissimas, & congestis  
commeatibus abundantes, & quorum oppidanos tyrānis studentes, cū  
ipsi Ecclesiasticæ factionis homines è proprijs sedibus expulissent, totis  
viribus, priuatifq; opibus restituros, non erat dubitabile: metuentes  
scilicet posse, ad ipsos simile malum recidere. Nec parū mouebat, quod  
cæteros tyrannos, qui collatis cum Malatestis viribus ad summam bel-  
li non parui erant momenti, horum opibus destitutos infirmos fore,  
certum erat. His igitur persuasus, simulq; ne tantis precibus, rem hone-  
stam denegare videretur, pacem cum Malatestis faciendam statuit, sed  
quoniam de ea re consulendus erat Pontifex, quanquam à se dissensurū  
non verebatur, duorum mensium concedit iuducias. Quarum tertius a-  
gebatur dies, cum à Pontifice, non alienas à voluntate AEGIDIUM li-  
teras Petrus Episcopus Turiasonensis defert: quarum hoc fuit exemplū.

In eam sumus inopiam redacti, adeoque ærarium exhaustum est, ut minimè ducendo bel-  
lo sufficiamus. quin etiam, ut tandiu suffecerimus tuæ, magna ex parte, prudentiæ, atque  
industriæ ferimus. acceptum proinde bello Italico finem aliquando imponere censemus.  
quod etiam si rebus tuis gestis comparatum, breuè admodum possit videri, nobis tamen  
qui summa inopia premimur longum est, sed nec finiendi deest occasio. Malatestæ omni-  
bus precibus bellum à nobis deprecantur. Pacem cum his facito quibus conditionibus, mo-  
do Ancona vrbe cedant, nihil præscribimus. Tu quid rei Ecclesiasticæ expediat, quidque à  
nostra dignitate non abhorreat, ut soles, dispicies. Galeotus, quem captiuum ducis, redi-  
mat, censemus libertatem medietate stipendij militibus duplicati. Pace facta cum Mala-  
testis cætera tuæ virtuti ac prudentiæ in expedito erunt. Ac cæteris quidem tyrannis, qui  
supplices pacem orauerint, æquiores te præbeas licebit. Gentili Moliano, ut sit non inultæ  
perfidie, atq; inconstantie exemplum, nullas conditiones pacis, nisi ut finibus Ecclesiasti-  
cis omnino cedat, dicas. Finito bello, ita tibi proxima cura sit, uti vrribus oppidisque  
viros & prudentes, & probatæ fidei præficias, postremo, ut arces murosq; dirutos reficiē-  
dos cures. Hæc ubi feceris ad nos venire properato, tua opera atque consilio indigentes.  
His literis lectis, quæ nullo modo pacem morabantur, pax his con-  
ditionibus facta est. Ut Malatestæ Ariminum, Fanum, Pisaurum,  
Forum Sempronij, in decem duntaxat annos retinerent, singulisque  
fena millia ducatorum Pontifici duabus pensionibus. VIII. Ca-  
lend. Ianua. & III. Calend. Iulias, tribuerent, Reliqua omnia oppi-  
da Flaminiae, Piceni, Massæ Trebariæ, Sanctæ Agathæ, quicquid  
deni-



denique præterea ditionis Ecclesiasticæ occupassent, restituerent. Quod si qua ciuitas earum in Ecclesiam interim rebellasset, Malatestæ cætum equitum auxilio Ecclesiasticos tribus mensibus iuuare tenerentur, & ad præsens tres itidem menses eodem equitum numero auxiliarentur. Galeotus ad hæc, cum triginta millia ducatorum exoluisset, tum demum liber esset. Has conditiones pacis sic constitutas, & sanctissimo iurando firmatas, ubi Episcopus Turiasonensis et Albertius Ricafusus ad Pontificem detulissent, non modo ipse ratas habuit, sed AEGIDIUS consilium in pace facienda, nihilo se minoris, quam virtutem in bello gerendo, facere, non semel in concilio Cardinalium professus est. Finito bello cum Malatestis, oppidisque ab ipsis receptis, AEGIDIUS optimum factu fore statuit, copias partiri. ut vno tempore pluribus tyrannis, haud breui abiunctis intervallo, bellum inferretur, quos non putabat prælio dimicatuuros, ut qui per se infirmiores essent, sed urbibus contentos, muris se, & vallo à violentia tutatuuros. Ergo cum res non vno impetu sed agrorum, populationibus, obsidioneque gerenda videretur, copias in tres partes distribuit, vni Blascum Fernandum præfecit, et contra Gentilem Molianum mittit: alteram Alphonsum Toletanum in fines Cæsenatium inducere, iubet, eosque vastare, et urbi infestum adesse: tertiæ Bonifacium Vrbeuetanum præesse placet. Et quia summus Pontifex, qui inextinguibili odio in Ioannem Vicum ardebat, multis sæpè literis AEGIDIUM commonuerat, uti eum Corneto, cui ab ipso fuerat præfectus, expellendum curaret, Bonifacio imperat, Cornetum proficiscatur, & quidquid Pontifex iusserit in Ioannem Vicum, exequatur. Se verò his rebus, quas Ioanni Vico fide data concessisset, hominem expoliandi nequaquam authorem, quod sæpe testatus esset, futurum. At Blascus nulla interposita mora in agrum Firmianum rapit a-

*Ecclesiasticus exercitus in tres partes diuiditur.*

*Firmum oppugnatum & captum.*

*Moliano Ecclesiæ finibus, interdictum.*

gmen, quem cum decem continuis diebus populatus esset, dispositis machinis, coepit magno impetu urbem impugnare. In cuius murum, cum partim deiecisset, cæterum progugnatoribus nudasset, iubet milites, qua murus patebat, ingredi, & qua facilior videbatur ascensus, scalis conscendere. Illi nihil sibi reliqui ad celeritatem facientes, imperata faciunt, quos cum vidissent oppidani intra urbem admissos, Ecclesiam vna voce sapius conclamant. At præsidium nihilo segnius intra urbem redintegrato prælio fortissimè repugnat, & in tertiam horam certamen trahit: sed tandem victi hostes in arcem confugiunt. quam cum Blascus duodecimo iam die obsideret, Gentilis expertus victoriæ, desperatoque auxilio, cum ne fugæ quidem locus esset, se suosque dedit, & Blasci misericordiæ permittit. A quo non modo seruatus est incolumis, sed ipso deprecatore impunitatem ab AEGIDIO impetrauit: qui cum nunciata victoria, ac deditone Firmum peruenisset, ut erat singularis in dedititios clementiæ, iussu modo finibus Ecclesiasticis excedere. Gentilem,



*Cesenatun-  
sus Alphen-  
sus Toletan-  
inredit.*

*Rauēna &  
Cervia rece-  
pta.*

*in Aprusiam  
exercitum mi-  
litum.*

lem, munusculis etiam & viatico profecutus est. Huius urbis mu-  
ros dirutos refici statim iubet AEGIDIUS, arcemque reparari, quæ  
non mediocriter tormentorum ictibus concussa fuerat. Cum statui ci-  
uitatis huius prospexisset, Blasium qui imperata administraret, cum de-  
stinato præsidio reliquit, ipse vero Anconam ire contendit. Interea Al-  
phonso Toletano fines Cesenates populatus, Sanctum Archangelum,  
et Saignanum, haud ignobilia oppida, receperat. Paulo post AEGIDIO  
ab expolatoribus, quos occultè per omnes tyrannorum vr-  
bes disposuerat, nunciatur, Bernardinum Poletanum quem Rauennam  
obtinuisse demonstrauimus, audita victoria de tantis tyrannis, maxi-  
mo metu trepidare, ac proinde posse facile ad deditiōem compelli.  
Ergo Patriarcham Aquilegiensem cum exercitu Rauennam proficisci  
iubet, portis urbis insistere, ac omni ratione tyranno metum iniicere.  
Qui cum strenuè imperata administrasset, tyrannus deditiōem face-  
re parat: qui hac duntaxat excepta conditione, ne vrbe pelleretur, ma-  
gnam vim auri in præsentia dare profiteretur, & dum cæteri tyranni  
pacarentur, centum quinquaginta equitibus Ecclesiasticos iuuare. Qua  
de re consilius AEGIDIUS conditiones accepit non grauatè,  
quibus firmatis Rauenna recepta est, & Cervia, quæ eidem tyranno  
iubiacebat. At Franciscus Ordelaphus et Ioannes Manfredus, quorum  
hunc Faentia, illum Forilini, et Cesenæ tyrannos esse, supra de-  
monstrauimus, reliquum bellum sibi potissimum impendere intel-  
ligentes, milites undique omni studio conquirunt, & auxilia summis  
precibus implorant. Itaque societatem illam Germanorum, de qua su-  
pra mentionem fecimus, cum duce Laudino magna mercede condu-  
cere nituntur. quod cum minus processisset, magno precio eos addu-  
cunt, ut Picenum incursionibus prædarentur, eo scilicet consilio, ut Ec-  
clesiastici à Flaminia auerterentur, & ad Regem Pannoniæ, et ad Bar-  
nabouem, eiusque fratrem, qui in principatu Mediolanensi Ioanni Ar-  
chiepiscopo inde mortuo successerant, subsidia comprecatum mit-  
tunt. quibus rebus cognitis AEGIDIUS Pontificem per litteras de  
statu rei certiores facit, hortaturque, uti primo quoque tempore  
Regem Pannoniæ & Principes Mediolanenses dimissis literis roget,  
obtesteturque, ne improbi tyrannis, & Ecclesiæ Christi que hosti-  
bus præstent auxilium. Porro ipse dispersas copias cogit, & relictis Al-  
phonso Toletano centum equitibus & ducentis peditibus cætero  
exercitui Blasium Fernandum præfecit, iubetque in Aprucium ac-  
cellerare, & Germanos, qui transitum in Picenum parabant itinere  
prohibere. s, cum eo magnis itineribus contendisset, oportuno loco  
castrametatus, se Germanis opponit, qui cum, ne tunc quidem incepto  
desistere, animos inducerent, sed ulterius progredi, coactis viribus pu-  
erum. nisi quod sine imperio AEGIDII



GIDII non licebat, ex usu rei putabat. At ÆGIDIUS factus ab eo sui exprimorum exercitus consilij certior litteris, consultusque respondit. Abstineret prorsus à pugna, sed occupatis superioribus locis Germanos sua præsentia deterreret, & factis pro re & tempore incursionibus, longius vagari ne pateretur. Neque enim cum his esse incipitem pugnam, nisi necessariò descendendum, qui si superentur, victorem nullum, aut certè minimum emolumentum sit consecutum, si victores euaserint, maximam iacturam sint illaturi. At qui si Germanos deuicerimus, vlciscemur quidem flagitiosos homines, sed post cruentam victoriam exercitu nostro (quod euenire necesse est) minuto, quæ oppida? quos populos propterea Ecclesiæ, quo nomine bellum gerimus, recipiemus? Nam si ab ipsis victi essemus, timendum esset, ne sumptis ex infirmitate nostra & spiritu & viribus, iacentes tyranni excitarentur, & longo labore parva momento temporis amitterentur. Setamen supplementum missurum scribit, vt aucto exercitu multitudinis terrore hostem auertat, aut si pugnare fuerit necesse, non sit victoria dubitabilis. Tunc euocari præsidia iubet, superioribus diebus per oppida disposita. paucis admodum ad arcium custodiam relictis, quæ celerrimè ad Blascum peruenire. Simulque legatos ad Germanos mittit conquestum de fœdere violato, quod secum percussissent, quibus mandat, minas precibus addant, & omni ratione nitantur, ab eo consilio detertere. Interea Franciscus Ordolphus arrepta occasione, quod videbat Flaminiam Ecclesiastico milite vacuam, coepit Ecclesiastica oppida crebris incursionibus infestare. Quo intellecto ÆGIDIUS iubet Alphonsum Toletanum cum coacta vndecunque manu tyranni violentiam compescere. Malatestis scribit, pacta subsidia suppeditet. ad cuius imperatû Galeotus cû centû equitibus mittitur. qui cum ad Alphonsum peruenisset, alia oppida circumuagari & eis præsidio esse iubetur: ipse verò Quilianum contendit, quippè cui oppido maius periculum à Francisco Ordolpho imminere constabat. At Franciscus despecta etiam tunc paucitate, non contentus incursionibus coepit Quilianum oppugnare, illi verò eruptione facta inopinantes adorti turbant, cædunt & in fugam conijciunt, Franciscus cum his qui stragi superfuere, se in Forum liuij recepit. Hac parva victoria, manuque non contemnenda coacta, Galeotus se, cû Alphonso Toletano cõiunxit, & communi sententia placet Modianam, quod oppidum Francisco subiacebat, oppugnare, cum à primoribus Montis Velij, oppido id nomen est, conditio offertur Alphonso, si octingenti ducati sibi cõferantur, oppidum sese ipsi tradituros. Simul igitur & de oppugnando Modianâ, & de emendo Môte Velio ad

Prudens Ægidij consilium.

non temerè cum latronibus confligendum.

Franciscus Ordolphus agros populatur.

Modianam oppugnare parat.



*Germanorū  
cum Aegidio  
fœdus.*

*Bellum in Io-  
annem Man-  
fredum.  
Fauentia bis  
oppugnata  
& c. pta.*

AE G I D I V M referre, satius est visum: qui respondit, Nec esse tē-  
pus conterendum in oppugnatione oppiduli, quod in Eoroliuij posset  
expugnari, nec in venalis oppidi emptionem pecuniam profundendā,  
quippe oppida pecunia facile parta, facile pecunia amitti solere. Eam  
curam deponerent, & relicto Galeoto cum parte confectæ manus ad  
præsidium partorum oppidorum, Alphonfus cum reliquis militibus  
ad Blascum properaret. Quod eo consilio fieri voluit AE G I D I V S,  
quo supra euocasse præsidia diximus, cum inter ipsum & Germanos de  
conditionibus pacis parum conueniret. Nam societas, perditorum ho-  
num colluie crescebat indies, & tyrannorum studijs efferebatur. Sed  
tandem aucto Ecclesiastico exercitu in hæc pacta AE G I D I O peten-  
te descenderunt, vt ipse quinque millia ducatorum Germanis nume-  
raret, illi verò citra duodecimum diem fines Ecclesiasticos, temperan-  
tes à maleficio excederent, nec ante sex menses cuiquam ex hostibus Ec-  
clesiæ quacunque ratione auxilio essent, ac fœdere non violando de-  
positis decem ducatorum millibus, adiuratusque Comes Laudimus ca-  
ueret. Quibus ita constitutis, Germani Flaminiam versus profiscun-  
tur, præcedēte cum sexcentis equitibus Perucio Pepo, subsequenti Al-  
phonso cum cætero Ecclesiastico exercitu, qui ipsos ab iniuria & male-  
ficio prohiberent, donec finibus Ecclesiasticis excessissent. quo itinere  
comes Laudimus cum Alphonso colloquutus profitetur, si æqua offe-  
ratur conditio Ecclesiastica stipendia mereri. Quod cum esset AE G I-  
D I O delatum, non censuit flagitioso & notæ perfidiæ homini habe-  
re fidem. Ea cura AE G I D I V S solutus totum bellum in Ioannem Mā-  
fredum conuertit, & quia Blascus Fernandus Firmum redire atque ea  
loca tutari iussus fuerat, Alphonfus Episcopus cum exercitu ad oppu-  
gnandam Fauentiam mittitur. Ille verò adiunctis sibi cum milite auxi-  
liari Galeoto Malatesta & Bernardino Bolentino Fauentinum agrum  
populatus oppido infestus adest. At Ioannes Māfredus, qui nec animo  
defecerat, & numero militum abundabat, indignum duxit in prospe-  
ctu vrbis agros ab hoste se vidente agi ferrique, & oppidum iam propē  
obsidione cingi, se verò, velut muris tantum fidentem, intra mœnia cō-  
tineri. Ergo milites hortatus aciem educit, & Ecclesiasticis pugnae po-  
testatem facit. Alphonfus verò hostem extra mœnia conspicatus, para-  
tum prælio decernere, vix oculis habita fide, suos & ipse hortatus,  
partarum victoriarum, & pristinae ipsorum virtutis admonens, in ho-  
stem fiducia plenus irruit: pugnatumque est diu, summa contentione,  
sed demum hostes terga vertēre, & se in oppidum recepēre. Quo in præ-  
lio non paucis Ecclesiasticis, pluribus ex hostibus desideratis, captus  
est inter cæteros vir quidam non obscuro loco natus, sed eius nomen  
non est traditum, cuius consilio maximè uti solitum esse Ioannem Mā-  
fredum constabat. Hunc ad se AE G I D I V S, nunciata victoria, adduci  
iubet,



iubet, nec hominis cōueniēdi cuiuspiam facultatem fieri, eum verò, qui ipsum cepisset, centum ducatis donari. Eo prælio fractus Ioannes Manfredus ad Episcopū huiusmodi legationem mittit. Si liceat sibi, saluis opibus priuatis, ab omni publico munere Fauentiaē abdicatum, vitam ducere priuatam, oppidum se ÆGIDIO dediturum. Quam legationem cum ad ÆGIDIUM retulisset Episcopus, hoc ab eo responsum tulit. Qui talia retulissent, eos putare se, per speciem legationis exploratum in castra venisse. Eadem enim Ioannem Manfredum ante illam victoriam frustra contendisse. Proinde Legatos iuberet quàm primum castris excedere. Et si qui præterea venerint, ne pateretur diu commorari. interimque suorum fidelissimum quemque eorum lateri adhærere iubet, qui occulta, & pernicioſa colloquia fieri prohiberet. Ipse verò Fauentiam oppugnare pergeret. Legatis itaque infecta redeuntibus, Episcopus cœpit Fauentiam oppugnare. Cuius cum partem muri tormentorum ictibus dirutam conspexisset Ioannes Manfredus, & propè esse, ut Ecclesiastici subirent, quibus ipse cum paucis militibus resistere non poterat, legationē mittit de se dedendo, et pacem his conditionibus impetrauit: ut ipse Fauentiam, & cætera oppida, vicosque, et castella ditionis Ecclesiasticæ, qui ab ipso fuissent occupati statim ÆGIDIO traderet, & intra duos menses proximos, compositis rebus suis, tota Manfredorum familia nunquàm reuersura, Fauentia, & eius finibus excederet. Interea obside filio dato de excedendo intra præstitutum tempus, caueret: & ad hunc modum Fauentia in ÆGIDII potestatem peruenit. Interea à Iordane Perfecto Umbria, et à Bonifacio, quem contra Ioannem Vicum missum fuisse demonstrauimus, ÆGIDIO literæ afferuntur, vastato agro Cornetano, atque obſesso oppido Ioannem Vicum paratum esse deditionem facere, nisi admodum iniquæ conditiones dentur. Proinde quid agendum esset, imperaret. Quibus ÆGIDIUS respondit, se verò illius belli inferendi nunquam authorem extitisse, quin dissuasorem potius, multò minus igitur gerendi futurum. Proinde Pontificem consulerent aut si longum videretur, quod illi gratum fore existimarent, id efficerent. Victo Ioanne Manfredo, & cum familia de oppido eiecto, ne per occasionem ab officio discederet proxima curauerat, Franciscum Ordelaphium debellare. His igitur rebus Ecclesiastico exercitu in Flaminia occupato, Gentilis Molianus cum Rogero filio, adiuncto sibi cum latronum cohorte Guarelino latrone, id temporis famosissimo, crebris incursionibus, aut grassationibus potius per occasionem factis, cœpit Picenum infestare. Quo nunc commotus ÆGIDIUS partem copiarum contra eos mittit, à qua compræhensi, & ad ÆGIDIUM adducti, capite poenas dedere: et sic tandem notissimus ille tyrannus Gentilis Molianus, qui scelus scelerum addiderat, tanta perfidia, tantis

*Molianus Picenum agrum infestat. Moliani mors.*



Ordelaphius  
pugnauit?

Aegidij ad  
Barnabouē  
litera.

que flagitijs condigna morte miserrimè obijt. Dum hæc apud AEGIDI-  
D I V M geruntur, Alphonsus Toletanus, qui exercitum Foroliuij ad-  
mouerat, coepit vsque ad portas incursiones facere, si posset Franciscū  
Ordelaphium, vt superioribus diebus Ioannem Manfredum ad pu-  
gnam elicere, qui se hætenus intra oppidum continuerat. Ille verò, ne  
exemplo quidem illius perterritus, pugnam detrectauit, & pugnatum  
est summa contentione, postremò victus Franciscus est, & in Forumli-  
uij sese recepit multis vtrique interfectis, captis nonnullis inter quos  
Ioannes Lazarus ex Francisci Ordelaphij intimis familiaribus capitur  
& ad AEGIDIUM deferitur. Qui, cum ab eo AEGIDIVS sciscita-  
retur, quid cōsiliij Franciscus cepisset: quibus opibus fretus, cuiusue au-  
xilij spe molem belli sustinere speraret, incertis responsis, nec sibi sa-  
tis constantibus percontantem illudebat, tandem, cum AEGIDIVS  
tormenta minaciter intentaret respondit. Omnem spem Francisci Or-  
delaphij positam esse in Principibus Mediolanensibus, qua si destitue-  
retur, nihil esse, quod posset eius deditionem morari, quin & magnam  
partem militum, quorum opera ad præsens vteretur, magis Ecclesiasti-  
corum, qui exitu eos interclusissent, metu, quàm officio continere. Qui-  
bus responsis, congruere literæ à nonnullis ciuibus Bononiensibus rei  
Ecclesiasticæ studiosis, quibus nunciabatur AEGIDIO, appropin-  
quare auxilia missa à Barnaboue Francisco Ordelaphio, quin & ipse  
Barnabos AEGIDIO scripserat deprecatus, vt se aduersus Franciscum  
Ordelaphium mitiorem gereret. His igitur malis AEGIDIVS ratus  
occurrendum, ad Barnabouem huiusmodi literas conscribit. *Audite*  
*uos Ioannis Manfredi, Ecclesie Christi que hostis, qui cum bellum gerimus, tyrannidem*  
*fouere, iamque missa ipsi à vobis auxilia iter ingressi appropinquare. Et quidem non tan-*  
*tum mea causa moleste fero, quod affectum iam auxilio diuino bellum mihi ad alias res*  
*properanti diuturnius facere paratis, sed vestro etiam nomine non mediocriter moleor.*  
*Nam cum Luchini patris vestri, Ioannisque Archiepiscopi fratris eius summa semper in*  
*Romana Ecclesia fides, summum studium stetit, nec minor inter Archiepiscopum*  
*meque amicitia, multis vtrique firmata beneficijs intercessisset, putabam, sperabamque,*  
*vos illorum non minus virtutum atque amicitiarum fore successores, quàm principum,*  
*fortunarumque hereditatem adituros, tanto magis cum omnes opes vestras & imperi-*  
*um, ac demum quidquid estis, Pontificibus acceptum referre debeatis, si principia requiri-*  
*tis à memoria nostra non ita remota, quandoquidem Benedictus XII principatum Me-*  
*diolani Luchino patri, & Ioanni patruo vestro, nullo successionis iure debitum prius*  
*detulit, existimans eos, eorumque posteros tanti beneficii memores summo semper studio*  
*erga Ecclesiam futuros, nec ea eum spes hætenus falsum habuit. Nam vt vetustiora ta-*  
*ceamus, nuper Ioannes Archiepiscopus ineunti mihi bellum Italicum aduersus hostes Ec-*  
*clesie magno opitulatus est auxilio, quem Mediolano transeuntem gratissimis preciosis-*  
*que muneribus profecutus fuerat. Atque adeo post ipsius mortem reputanti mihi fortune*  
*bellicæ vicissitudines, si quid detrimenti acceptum esset id resarciendi, vel etiam agendi*  
*spes nihilominus in Principibus Mediolanensium reponebatur. Nunc verò quod tantum*  
*vos ab eorum moribus, & institutis desciscatis, vt ipsorum hostes pro amicis, & amicos*  
*pro ho-*



pro hostibus habere subfineatis, magnoperè doleo. Quid enim aliud his factis assequimini, nisi ut simul & maiorum vestrorum lententiam damnare, aut vestram inconstantiam turpiter profiteri, & Deum spernere videamini: quorum altero insignem vobis inter homines infamiam paritis, altero diuinam iram concitatis, quæ solet inimicos suos non leui iactura vlcisci. Vos igitur pro mutua benevolentia quæ nobis cum patre patruoque vestro coniunctissima fuit, hortor, & per Deum immortalem obtestor, turpes conatus reprimatis. Nec vnius tyranni, eiusdemque infirmissimi amicitiam Pontificis de vobis meritis, ac nostræ necessitudini præponatis. Quæ si feceritis, gratissimo utrumque nostrum beneficio demerueritis, sin aliter, mementote hominum, ac Dei simul iram vobis esse extimejendam. Alphonso quoque Toletano scribit, laxaret oppidum obsidione, ut militibus Francisci Ordellaphij, si discedere vellent, facultas esset, & Ariminum versus agmen reduceret, ibique se iubet expectare. His litteris dimissis iussisque nuncijs aduolare, AEGIDIUS summam spem in celeritate ponens si res accellerando, antequam auxilia conuenirent, confici posset, cum prætorum cohorte, & manu, quæ tumultuario delectu confici potuit, Ancona profectus, magnis itineribus Ancona profectus, magnis itineribus Ariminum venit, ubi Alphonsum Toletanum cum exercitu obuium habuit, inde Fauentiam peruenit, & firmo præsidio oppidum firmat, cui Episcopum præesse voluit. Ipse nihil moratus in agrum Cæsensem rapit agmen, ut eo oppido expugnato, quod minus firmo præsidio tenebatur, facilius esset Foriluij expugnatio, socia ciuitate amissa, & adiecta dubijs militum animis desperatione. Vastato igitur agro, & oppido pluribus partibus simul cœpto impugnari, oppidani ne quid grauius paterentur, se dedunt. Accepta in deditionem Cæsena, AEGIDIUS Abbatem Cluniacensem custodis loco ibi reliquit, cui firmum præsidium attribuit, ipse exercitum Foriluij admouet, quod oppidum cum oppugnare cœpisset, oppidani vel inuito Francisco Ordellaphio deditionem facere parant, is tamē desperatis reb. & auxilijs retardatis haud magnoperè repugnauit. Missa igitur legatione, imperata se facturos, urbemque tradituros profitentur, ea cōditione, ut nullū nec capitis, exilijue supplicium de quopiā oppidanorū sumeretur, opūue irrogaretur multa. Quib. cum AEGIDIUS respondisset. Ceteros facile sepasturū, nullo accepto incōmodo, in oppido permanere, modo Franciscus Ordellaphius vrbe statim excederet, accepta conditio est, & oppidum traditū. At Franciscus Ordellaphius Mediolanū ad Barnabouē cōfugit & sortē suā miseratus ab eo cōtendit, ut agat cū AEGIDIO, aliquam sibi facultatem relinqueret, qua posset vitam tolerare. Cuius misertus Barnabos, et Galeatii fratres huiusmodi ad AEGIDIUM epistolam mittunt, Venit nuper ad nos Franciscus Ordellaphius, patria Barnabouis pulsus, luctu, & mœrore plenus; qui, multa de sua infœlicissima sorte miserādū in modum & Galeatii questus, ita nos affecit, ut non secus ac eiusdem calamitatis socij cum eo doleremus. ad Aegidiū Demūque; cū se à tātō dolore paulū recepisset, nos obsecrauit, quanaoquidē auxilio nostro, epistola, in quo summā spem posuisset, caussa vestra destitutū, principatū amisso, eo infœlicitatis venisset,

Cæsena oppu-  
gnata & Fo-  
rum liuij  
mox capitur.



nisset, ut præter miseram animam, nihil sibi relictum esset, tecum ageremus, precaremur-  
 que, uti sibi, quem nuper cum deuicisses viuum excedere passus esses, aliquam vitam du-  
 cendi rationem reliquam faceres. Quod & propter mutuam amicitiam, et pro cetera tua  
 humanitate à te impetratum iri non dubitabat. Quippè rem non sine exemplo fore. Nam  
 superioribus diebus in Iohannem Vicum, Malatestas, Bernardinum Poletanum, &  
 plerosque alios à te deuictos, quos ob eandem causam hostes habuisses, summa te usum cle-  
 mentia demonstrabat. Quibus rationibus, quaque fiducia ducti has ad te literas scripsimus,  
 tibi que eum summe commendamus, nec iniqua poscentem, & nobis magnis studiis con-  
 iunctum. Ne homo claro loco natus, nuper potens & opulentus, à quo si tyranni nomen  
 abstuleris, nihil vel in præteritum, quod magnoperè culpæ possis, inuenias, nunc in op-  
 probrium fortune mendicare cogatur. In què si quo præter ceteros priuato odio vtereris,  
 id uti nostræ amicitie condonares precaremur, relaturi cum reposceris, vel etiam si non  
 reposces gratiam, quodcumque beneficium in Franciscum Ordelaphium contuleris.  
 Quibus lectis AEGIDIUS, & consuetudine sua & vicecomitum  
 precibus ductus duo oppida Ioanni Manfredo permisit, quæ Ecclesiæ  
 nomine teneret, ac eorum redditibus aleretur. Sic confecto bello Ita-  
 lico, cum singulis ciuitatibus probatæ fidei viros præfecisset, necessa-  
 riaque adhibuisset præsidia suffecto sibi Androino Abbate Cluniacen-  
 si, Auenionem contendit. Exceptusque est honorificentissime, ingenti  
 omnium lætitia. Appropinquant enim Summus Pontifex cum vniuer-  
 so Cardinalium collegio ad duo millia ab Vrbe passuum obuiam offi-  
 cij gratia procedunt. Vbi in palatium Pontificium deductus est, locu-  
 plete oratione rerum gestarum AEGIDIUS summam complexus Pon-  
 tifex, ipsum pro suggestu magnoperè laudauit, & Ecclesiæ Patrem cum  
 magno omnium assensu appellauit: & tandem iubet eum omnium re-  
 rum Italicarum curam cum summa potestate habere, & Androinum,  
 quem successorem habuisse demonstrauius AEGIDIO in cunctis  
 quæ imperasset obtemperare, siquidem dignum esse eo honore qui tot  
 laboribus susceptis tam benè de Ecclesia meritis esset, & si quid  
 consulto, factouè opus esset, per eum maximè Italiam  
 optimeque retineri posse, per quem rece-  
 pta fuisset.

*Aegidius  
 magna pom-  
 pa Auenio-  
 nis a Clemen-  
 te.  
 Pontifex ac-  
 ceptus.*

*Androinus  
 abbas Clunia-  
 censis Aegid-  
 io succedit.*



ÆGIDII ALBORNOTII,  
CONCHENSIS DVCIS CLARISSIMI,  
VITAE, AC REVM PER  
EVDEM GESTARVM,  
LIBER TERTIVS.



VINTVM decimum iam mensem AEGIDI-  
VS Auenione apud Pontificem morabatur, cū  
domesticis cognatorum seditionibus euocatus  
easq; sedare cupiens, profectiōem in Hispani-  
am comparabat. Qui quo tempore à Pontifice  
missionem efflagitabat, eo potissimum crebri  
rumores afferuntur, plerasque ciuitates Italiae  
vehementer tumultuare, quibusdam homini-  
bus nouis imperijs studentibus, alijs veteribus

inhiantibus. Quibus rumoribus cum litteræ nuncijsq; ab studiosis rei  
Ecclesiasticæ eadem nunciantibus consentirent, causam huius mali  
perquirens Pontifex, ignauiam potissimum esse reperiēbat Androini,  
qui parum administrandis publicis rebus idoneus esset. Vnumque esse  
AEGIDIVM, cuius vel sola præsentia tyrannorum violentia cohibe-  
ri, ac populorum inconstantiam stabiliri nullo negotio possēt: quip-  
pè quem tyranni summopere formidarent, ciuitates diligerent, simul  
& vererentur. Cum igitur de mittendo Androino successore Pontifex  
ad patres retulisset, vna fuit omnium sententia, remittendū esse AEGI-  
DIVM, cuius prudētia, virtusq; multis maximisq; periculis sibi æque,  
atque hostibus nota esset, e cuius harum rerum opinio ad continendos  
in officio populos satis esset per se potens, modo AEGIDIVS more  
suo, ne grauaretur priuatis negocijs publicam vtilitatem anteferre.  
Porro in alio deligendo inexpertæ, aut industriæ, aut strenuitatis peri-  
culosissimè in ea rerū perturbatione peccari posse, At AEGIDIVS,  
qui ab officioso itinere comparata iam profectiōe abstrahi iniquo a-  
nimo ferebat, cum res suas gestas efferētibus gratias egisset, & sua ipse  
facta extenuasset, quidquid gessisset Dei auxilio acceptum referens, qui  
tyrannis hostibusq; Ecclesiæ impunè esse non fuisset passus. Multos esse  
ostendit sapientia, simulque virtute præstantes, quibus summa eius ex-  
peditionis optimè, ac tutissimè deferri possēt. Se verò, si nullo magno  
negotio distineretur, tamen post tot laborum discriminumque cursum  
hominem affecta ætate, velut militem veteranum, eius muneris vaca-  
tionem emeritum videri posse. Quamquam, cuiusmodi esset in Eccle-  
siam animi studijq; ne has quidem causas obstituras fuisse, quo minus

*Androini gu-  
bernatio ig-  
nauior.*

*Ægidij feli-  
citas & for-  
titud.*



*In Hispaniā  
cogitat ut  
cognatos dis-  
sidentes com-  
ponat.*

*Aegidij no-  
men Tyran-  
nis formido-  
losum.*

*De offic. lib.  
1.*

*Aegidius de  
nuo belli cu-  
ram suscipit.*

id quod superesset ætatis bono publico, & Ecclesiasticæ dignitati im-  
partiretur, si ipsius opera utilis fore Pontifici patribusque visa fuisset,  
non, si eosdem labores remeare, totiesque cum hostibus iterum depug-  
nare iuberetur. Tunc verò necessario se in fratres & cognatos officio  
euocari, qui cum magno & pertinaci diffidio ad vulnera usque proces-  
sissent, ipseque solus tantis malis occurrere ac mederi posse credere-  
tur, non esse committendum, ut ea cura deposita, cognatos ac fratres  
deseruisse videretur, qui ipsius aduentum expectatione operirentur.  
Proinde Pontificem patresque etiam atque etiam deprecari, ut cum  
multi ex patribus essent, quibus plurimum rerum usum, & magnitudi-  
nem animi longè præsentiozem ad id munus obeundum concederet,  
paterentur, se in summa necessitate propinquis, ac fratribus suum of-  
ficiū impartiri, quod Ecclesiæ, cum licuisset sine insigni criminis no-  
ta, libentissimè præstitisset. At summus Pontifex, qui in tantis difficul-  
tatibus summam spem in AEGIDIO collocauerat, quantò ille con-  
stantius negotium recusabat, tanto ipse magis desiderio accendebatur,  
causasque AEGIDIUM potissimum mittendi inueniebat. Neque enim  
modo præsentiam eius animi, foelicitatemque in certaminibus reputa-  
bat, sed meminerat etiam multo maiora bella consilio eius fuisse con-  
fecta, quam alter magnis viribus pugnando confecisset. Sed nec illud  
parum mouebat, reputare in quantà sæpe omnium rerum indigentia  
milites continuisset, sustinuissetque graua bella, tum com meatib. par-  
cendo, tum de suo sine cunctatione suggerendo, tum demum iniecta sa-  
pienter spe animos militum fouendo. His accedebat, quod ab omnibus  
iactabatur, AEGIDIUM nomen tyrannis esse formidolosum, & in gra-  
tia summa apud omnes ciuitates Ecclesiasticas. Omni ergo ratione co-  
natur in suam sententiam adducere, ostendit denique, ac multis confir-  
mat exemplis, si necessitas optionem dederit, cognatos potius, quàm aut  
patriam, aut religionem esse deferendos. Porro Ecclesiam cunctorum  
piorum patriam esse, & religionem, aut certè patria multo cariorē  
esse debere, quæ si sacrilegis & sceleratis hominibus per contemptum  
agenda ferendaque permitteretur impunè, non esse dubitandum, quin  
breui religio Christiana summum detrimentum esset acceptura. Atqui  
à sapientibus illud Ciceronis laudari. *Qui non defendit aut obstitit, si potest in-  
iurie, hunc tam esse in vicin, quàm si parentes, aut amicos, aut patriam deserat.*  
Quod si fratres & cognati intestina discordia agitarentur, posse eam  
seditionem, & per litteras, & per amicos, principes viros sedari, eamque  
curam sibi ipse deposcit, & suam se gratiam, & authoritatem ad rem  
conficiendam collaturum pollicetur. Tot rationibus, tantisque preci-  
bus AEGIDIUM, admodum alioquin exorabilis, & summi in Ec-  
clesiam, Pontificemque, studij victus, prouinciam suscepit, & profectio-  
ne comparata, magnis itineribus in Italiam contendit. Cuius aduentu  
adeo



adeo omnes, qui rebus nouis studuerant, perterriti sunt, ut non iam de imperijs occupadis, sed magis de capitib. suis, proprijsq; fortunis retinendis solliciti esset; Admiss<sup>o</sup> itaq; sine repugnãtia in singula Ecclesiastica oppida, sũptō supplicio de his, qui tyrãnidẽ affectarãt, collaudatisq; ciuitatibus, quod eorum conatibus obstitissent, omnium populorum animos in Ecclesiã magnoperẽ confirmauit. His rebus gestis AEGIDIUS, qui nullam Ecclesiã iuuãdã occasionem pratermittebat, totũ animũ, omnesq; curas ad religionẽ conuertit, si quomodo abolere posset nefarium illud scelus, quod multũ ea tempestate vocati Fraticelli inter facinorosos homines, & credulas fatuasq; mulierculas per speciẽ religionis dissipauerãt. Quãdoquidẽ, mortuo miserrimẽ in vinculis Petro Colutio, quẽ à Ludouico Bauaro in æmulationem Ioannis XXI. Põtif. Maximi Antipapã Romã creatũ fuisse, supra demonstrauimus, non defuere scelesti homines, qui Ioannẽ XXI. eiusq; successores, nec iure, nec sanctẽ Pontifices factos fuisse cõtenderent, & in contemptũ religionis Christianẽ flagitiosam quandã, simul & turpissimam sectã excogitarent. Nã conuenientib. in antris, locisq; abditis, quos in eã turpitudinẽ allexerant, Viris foeminisq;, qui inter ipsos sacerdotes habebantur, ut crimen honestate prætexerẽt, diuinas laudes Christiano more præcinebant. Quib. intẽpesta noctẽ peractis, sacerdos pro concione quẽdã præfatus ad confirmandos in nefario errore hominum animos, in eo maximẽ erat occupatus colendam esse ante omnia charitatẽ, quã esse omniũ virtutũ caput sacrã literã testarentur. Porro potissimum hanc inter homines authore Deo cõciliari posse, Si spiritus sancto inuocato bini mascul<sup>o</sup> foeminaq; Venereo cõplexu iũgerentur. Cũ ergo quã quisq; oculis prænotarat, extinctis luminibus viciasset, tunc demũ peracta sacra censebantur, quo cõpresso si quã concepisset, deportari ad se partum sacerdotes iubebant, qui solemni more in loco sacrificijs dicato conuenientes, infantulum subiecto igne ad cineres vsq; comburebant, quos urna exceptos ceu rẽ sacram reponebant, cumq; erat aliquis collegio sacerdotum cooptandus, illis cineribus cum vino epotis initiabatur. Credo ut poenitẽtiã nullus locus relinqueretur, & quem religionis persuasio continere nõ posset, criminis saltẽ societas retineret. Quod si Pontificem eorũ Maximũ mori contigisset, ut omnis abesset inuidia, & res non humano, sed diuino consilio agi videretur, hic erat in demortui alterius subrogãdi, statutus modus. Infantẽ illo flagitio conceptum ad locum sceleribus destinatũ iussa mater haud inuita deportabat, & vbi vulgo astante, sacerdotes confederant, tã diu illum per comprimentes manus in orbem tradebant, donec miserrimus infans perneccatur, & cuius in manibus animam exhalasset, is Pontifex Maximus diuino numine factus esse censebatur. Quo in loco admirari succurrit, quo procedat improbitas cordis humani pudoris semel atque honesti fines egressa. Tã

Fraticellorũ

in Italia

heresis.

Lib. II. p. 27.

30.

Fraticellorũ  
impietas.

Modus eligendi pontificẽ inter i. p. 25.

tam



*Neapolim  
proficiscitur  
Aegidius ut  
sectam istam  
reprimeret.  
Ioannam Re-  
ginam cum  
principibus  
conciliat.*

*Fraticelli pu-  
blice puni.*

*Bononia Ae-  
gidij opem  
implorat.*

tam ne feritatem in mortales cecidisse, ut quemadmodum in homines  
fœuissent, non modo peccati, sed etiam intellectus expertes, excogita-  
rent? Et si ceteros nullus humani generis amor tangebatur, nulla huma-  
nitas à tanta fœuicia retardabat, non saltem matres, vel feras multo iã  
mitiores imitantes, visceribus suis pepercisse, quarum plerasque non  
ficcistantum oculis, sed hilari etiam vultu, filiorum cruciatus, necesq;  
spectasse constat. His ergo quæ non dubio multorum sermone affere-  
bantur, commotus A E G I D I V S, cupiensque tanta infamia non mo-  
do Christianam religionem, sed genus etiã humanum vindicare, Nea-  
polim cum exercitu proficiscitur, qua in regione potissimum ea pestis  
homines inuasisse nunciabatur. Sed & eo proficiscendi causis illa quoq;  
acceserat, quod multi viri principes eius regi in Ioannam Reginam  
palam conspirauerant, contra quos cum Regina à Pontifice auxilium  
implorasset, datum est A E G I D I O negotium, uti pacem inter ipsos  
faceret gratiamque reconciliaret. Quo cum peruenisset, precibus ad-  
dendo minas facile principes in Reginae sententiam traduxit, pacem-  
que firmavit. Tunc conquisitis ubique Fraticellis, sic enim sacerdotes  
illi nefarii vulgò appellabantur, eorumque complicibus, factaque de  
quibusdam quæstione ac socijs proditis, magna turba comprehenditur  
virorum mulierumque qui omnes ingenti rogo combusti tanti facino-  
ris poenas dedere, & Presbyteros qui parum flagitijs istorum obstitisse  
comperiebantur, dignitatibus ac sacerdotijs eis abrogatis, muneribus,  
si quibus publice fungebantur, sese cogeant abdicare. His rebus gestis,  
A E G I D I V S cum in Flaminiam iter conuertisset, obuios habuit  
legatos à Ioanne Olegio, Bononiæ id temporis imperitante. Qui cum  
initio huic urbi à Barnaboue fuisset præfectus, quæ sita paulo post cau-  
sa, Vicecomitis imperata spernere coepit: ac ciuitatem suo arbitrati,  
suoque nomine non tam moderabatur, quam diripiebat. Hic igitur bel-  
lo à Barnaboue agitato, ad A E G I D I V M huiusmodi legationem  
mittit. Bononiam se cum magno ciuium consensu ipsius potestati per-  
missurum, modo suis militibus superioris temporis mercedem nume-  
raret, quæ summa satis magna erat, seque vni cuiuspiam Piceni ciuitati  
præficeret, quod se facere dicebat Barnabouis tyrannidem pertasum,  
& Bononiensis ciuitatis misericordia tactum, quæ multa indigna, ma-  
gnaque detrimenta, auaritia atque improbitate Barnabouis, se inuito  
perferret. Tum etiam adduci se religione, & studio quo Ecclesiam pro-  
sequeretur, ad quam iure Bononiam pertinere non ignoraret. Audita  
legatione A E G I D I V S, ne quid vel cupidè, vel iniuste fecisse videre-  
tur, non putauit quidquam iniussu Pontificis sibi esse conandum. Nam  
& si sciret Bononiam esse iuris Ecclesiastici, tamen quo minus repe-  
teretur, obstabat fœdus non pridem factum inter Clementem sextum, &  
Ioannem Archiepiscopum simul, & Principem Mediolanensem. Cum  
enim



enim superioribus diebus Bononia ab Ecclesia ad hunc Ioannem defecisset. Clemens sextus, qui tunc rerum potiebatur, misso in Italiam oratore, Florentinos & Mastinum Scalam in Mediolanensem concitavit. At mortuo Mastino, qui Vicecomitum Mediolanensium conatibus nimium obstabat, Ioannes captata amicitia huius filij, qui patrem nomine tenus referebat, Canis Grandis appellatus, omnes Gibilinae factionis homines in Flaminia & Hetruria cum eo ad suam amicitiam societatemque traduxit. Ac misso Barnaboue ex fratre nepote Bononiam, qui cum magno praesidio oppidanos in officio contineret, recipiendae urbis Pontifici spem multum ademittit. Ioannes verò cum successu rerum Florentinos bello persequi perrexisset, ipsi adiunctis sibi Senensibus, & Aretinis Perusinisque, Vicecomitum tamē eiusque sociorum coactis opibus, & potentiae minimē pares externa auxilia in Italiam convocabat. Quo cognito Pontifex Maximus, qui eius belli ineundi author extiterat, cum parum esset in rebus spei, atroxque bellum imminere intelligeret, nisi malis serpentibus occurreretur, ut Italiae quieti consuleret, Vicecomiti Bononiam in duodecim annos ea lege permittit, ut ille annua tributa duodecim millia ducatorum Pontifici penderet, sic facta est pax inter Florentinos, & Vicecomites, & utriusque partis socios. Hæc cum AEGIDIUS animo repetisset, collaudato Ioanne Olegio, pro ea pietate, cuius se in Ecclesia esse profiteretur, nulla se respondit mandata de rebus Bononiensibus à Pontifice accepisse, eam tamen legationem se ad Pontificem primo quoque tempore relaturum, & quæ imperasset, administraturum. His responsis redeuntes legatos AEGIDIUS suo more amplis muneribus prosecutus est Protinusque Pontificem literis, nuncioque de Ioannis Olegij voluntate, & civitatis Bononiensis, simulque de immanitate & avaritia Barnabonis certiolem facit, & quid fieri velit, ut se doceat, perquirat. Quod cum Pontifex ad concilium retulisset, multum est sententijs inter patres discrepatum. Quidam enim servare fidem Vicecomitibus censebant, quibus Bononia in duodecim annos permissa esset, nec longam esse peractis iam octo, quatuor expectare: post quod tempus sine cuiuspiam perfidia nota, & sine repugnantia ea civitas ad Ecclesiam esset reditura. Cui sententiae alij adiciebant, Vicecomitum potentiam ad opibus, & clientelis increvisse, ut difficilē videretur, traditum oppidum posse retineri, in quod recipiendum illos, omnes suas, amicorumque vires collaturos, non esset dubitandum: his accedere, quod ærarium Ecclesiae adeo superioribus bellis exhaustum esset, ut huic ducendo, quod diutinum fore videretur, sustenturum non esset. Sed potior apud Pontificem eorum fuit sententia, qui foedus foedifrago servare non censuerunt. Porro Vicecomites præterquam quod primò contra ius fasque alienam urbem rapuissent, post in irapacta, in qua Pontifex magis necessitate,

G

quàm

*Qua ratione  
Bononia ad  
Mediolanenses  
deven-  
rit.*

*Aegidij ad  
Pontif. Cle-  
mentem li-  
tera.*

*Deliberatio  
facta de Bo-  
nonia.*



quā consilio descendisset, pactum tributum pendere intermisisset, ac idcirco foedus eum violasse videri, quæ causæ si minus subessent, tamen Barnabouis tyrannidem non esse ferendam, qui ciuitatem Bononiensem nullo æqui bonique respectu quotidie compilaret. Nam qui putarent oppidum non posse retineri, timidè eos id temporis Ecclesiasticas vires metiri, parumque A E G I D I I exercitus Ecclesiasticus Imperatoris inuicti virtutes intelligere, deque eo nimium ingrater sentire, quem, contra præpotentes hostes tot ac tantis oppidis ab ipso nuper expugnatis, non putarent Bononiam aduersus quancunque potentiam, cū fuisset admissus, tutaturum, Quod verò de numerorum indigentia iactarent, posse id malum mutuata pecunia, vel oppignoratis alijs oppidis, refarciri, nihil enim oportere inexpertum relinqui, ut Bononia Flaminiae opulētissima nobilissimaq; ciuitas reciperetur. Quæ recepta non modo ad imperij Ecclesiastici vires, sed multo etiam magis ad opinionem qua maximè possent cæteræ ciuitates contineri, esset, adiectura. Cū hæc itaque sententia vicisset, Pontifex ad A E G I D I V M scribit. Si Ioannes Olegius Bononiam sibi tradere voluerit, ne recuset, cumq; eo, ut sibi ex usu rei Ecclesiasticæ visū fuerit, paciscatur. Stipendijs verè militaribus, quæ Ioannes Olegius pacisceretur erogandis, & si quid Barnabos mouisset, conducendo nouo militi, quamuis oppida oppignorandi potestatem tribuit. Quibus literis allatis, A E G I D I V S ita pepigit cum Ioanne Olegio, ut inuicem suæ potestati permittendæ Bononiæ militibus Ioannis Olegij stipendia ipse persolueret, atque illum Firmo præficeret. Omni ergo cura ad conquirendam pecuniam conuersa, opportunè accidit, ut eo potissimum tempore triginta ducatorum millia A E G I D I O ex suis vectigalibus ab Hispania portarentur. Quibus numis, & quod potuit, oppignorato instrumento congerere, Ecclesiæ mutuatis, cum stipendia militaria numerasset, exercitus Ecclesiasticus duce Gometio Albornotio in urbem admissus est. Hæc cum essent Barnaboui nunciata ægerrimo animo tulit, Missaque legatione multa de iniuria in se ab A E G I D I O illata conquestus, urbem iure sibi debitam ex pactis à Clemente sexto cum Ioanne Archiepiscopo patruo suo reddi postulat. Quæ nisi impetrasset, iam tunc graue bellum indicere. Quibus A E G I D I V S respondit. Se verò nullam iniuriam in Barnabouem intulisse. Nam & se Pontificis imperata administrasse, & Pontificem suo iure imperare potuisse. Siquidem cum multa ipsius crudeliter atque auare facta in ciuitatem Bononiensem commemorasset, quam ob rem imperium abrogandum ei videretur, Perperam ait percussa fœdera Barnabouem allegare, quæ toties ipse violasset, multifariam quidem, sed vel eo maximè, quod pacta tributa aliquot annis pendere intermisisset. Quare si iure agere vellet, iudices eligen-

Pontificis responsum de occupanda Bononia.

Bononia occupata.



gerentur, iuris ac legum periti, qui si iudicassent, Barnabouem iniuriam accepisse Bononiam ei se absque mora redditurum. Sin aliter, æquo animo contentus esset. Nec putaret licere sibi aliena retinere, Pontificem sua repetere iniquum esse. Re igitur permessa honestorū virorum, illiusq; memoriæ iuris peritissimorum arbitrio pronūciatum est: Barnabouem iure ab imperio Bononiensi fuisse submotum. Ac tunc demum ÆGIDIUS Bononiam inuisere constituit quod ante hac facere, ad suæ iustitiæ opinionem non putarat interesse. Ne si non expectato iudicio, oppidum fuisset ingressus, adeo rebus Bononiensibus incumbere videretur, quasi iure vel iniuria imperium retinere statuisset. Appropinquāti, cum Senatu totus fermè Populus Bononiensis summo cum gaudio, summaq; gratulatione obuiam procedit, à quibus ad eò splendidè exceptus est, vt nihil ad summam magnificentiam ea ciuitas reliqui fecerit, cum ad ædem Petronij deductus est. Gollinum Gallutium, Iacobum Ramponem, Gerardum Confortū, Albertum Gallutium accinctos ensibus solenni more à Galeoto Malatesta, equites auratos esse iubet, ac demum magno cum populi plausu ad Pontificias ædes deducitur. Pergratum fuit ÆGIDIO officium sibi præstitum à Bononiensib. ex quorum ingenti gaudio & vultu tyrānorum improbitatem non fuit factu difficilè agnoscere, de quorum administratione perquirens, ita reperiēbat, nullam ab his tyrānicam immanitatē fuisse prætermittam. Nam præter ingentem pecuniam sæpe imperatam ciuitati, singulorum etiam multa bona publicata, insidiarum aut criminis causis excogitatis. Ad hæc ex nobilitate honestissimum quenque & eos præcipue, quorum virtutes tyrannicæ libidini obstinuræ videbantur, in exilium missos: & ne quid huic ciuitati malorum abesset, ex contagione tyrannica morum etiam noxam non paruum traxisse, nec enim tantum lenonibus, scortis, latronibus, iuuentutis corruptoribus refertam esse, sed etiam iniquis fœneratoribus redundare. Tantorum ergo malorū iniquitate laboranti Bononię vt subueniret, non solum innatus æqui honestique amor, & miseræ ciuitatis lachrymæ ÆGIDIUM adduxerunt, sed illud magnoperè compulit, quod iam tunc collegium scolasticorum Hispanorum in ea vrbe, ob florentissimum omnium disciplinarum Gymnasium condere cogitabat, quod esset sui nominis insigne monimentum, occasionemque arripiebat demerendi multis beneficijs populum Bononiensem, vt si quando id collegium quapiam difficultate affectum eius patrociniū implorasset, ipsius in se meritorum memores ab omni iniuria tutarentur. Omnes igitur qui iniuria proscripti, vel in exilium missi fuerant, iubet in patriam reuocari. Quorum fuisse accepimus Tonium Paschalem, Nerium Pilatum, Porinellum Suzolinum, Berturellum

*Ægidius letè à Bononiensibus excipitur.*

*Collegiū Hispanorum Bononiæ condere cogitat Ægidius.*

*Quicuid in ciuitate antea à Tyrannis male actum est, emendat.*



Lapum, Guilielmum Pilatum, Belttandum Guandonem, Ramponem Magardum, Alexium Buellam, Scarabellum Donducium, Iacobellum Lantpasium, nobiles omnes & de patria optimè meritos. Bona præterea publicata dominis in integrum præcipit restitui. Foeneratores, quicumque soluendo essent, rusticis etiam aut urbanis prædijs distractis, exacta foenera cogit plenè restituere, constituta exilij poena, si quis in posterum crimen repetisset. Sed quoniam inueterata iam possessione aliena reddere plerique grauissime ferebant, quidam etiam in summam inopiam redigebantur, ut vtrisque & creditoribus & debitoribus, quoad fieri posset satisfaceret, per summam liberalitatem magnum numerum pecuniarum de suo largitus est. Edicit tandem, ut scortatores, ganeones, sicarii & cæteri id genus homines cuncti oppido euestigio cederent, capitis poena constituta, si quis deinde repertus esset, cuius honestæ vitæ ratio non constaret.

Ad hunc modum reddita sibi Bononia, receptaque A E G I D I I beneficio pristina dignitate, magno tamen bono carebat, non solum ad pulchritudinem & ornamentum, sed etiam ad quotidianos usus necessario. nullo siquidem fluuiio interlabente Bononiam, sed ne præterfluente quidem propius passuum tribus millibus, assiduo dispendio longius ab vrbe oppidanos excedere ad conficiendum frumentum necesse erat. Res non modo grauis, sed bellum gerentibus minimè tuta. Quo animaduerso A E G I D I V S, ut Bononienses suo beneficio à tanto incommodo liberaret, utque vrbs honestior simul, & munitior redderetur, partem Rheni, qui Bononiam à tertio lapide præterlabitur, magno labore magnisque suis impensis per mediam urbem deriuauit: qui fluuius in plurimos magnosque usus ciuitatis cessit, nam molæ æquariæ frequentes intra moenia ædificatæ, pistrinorum necessitatem, & longius excedendæ molitionis causa incommodum substulerunt. Machinæ præterea constructæ sunt ad secandam mira celeritate materiam ferræ trusatili, quæ aqua vi sursum deorsumque agitata vna multorum hominum operas adæquaret. Quo nec minus utile, & maiore etiam admiratione dignum est frequens Bononiæ machinamentum ad polienda concinnandaque textui fila serica, quo machinamento aquæ impulsu circumacta supra quatuor millia fusorum interdum miro ordine & incredibili artificio simul versantur. Quin ad salutem loci plurimum contulisse flumen indubitato experimento didicerunt Bononienses. Nullis enim fontium riuis urbem discurrentibus, putealis tantum aquæ copia & usus erat, quæ fluuiatilis tanto dulcior est, tantoque salubrior, ut huic comparata putealis humano potui damnetur à Medicis. Nam quod merces onerarijs cymbis Ferrariam usque secundo flumine deportentur reportenturque aduerso, commune id & Bononiæ & Ferrariæ emolumentum est. Quibus rebus occupa-

*Rhenus fluuius Bononiam induit.*

*Machinæ varie constructæ sunt in ciuium commodum.*



occupatus AEGIDIUS dum Bononiæ commoratur, Barnabos, apud quæ iura, quatenus modo conatib. ipsius subscriberet, sancta erāt, iniquo animo ferens deiici se ab spe retinendæ perpetuo opulentissimæ ciuitatis, spreto arbitrorum iudicio, ad arma recurrit, & quam iure nō poterat, bello repetere constituit: sed quia AEGIDIO in ea commorante difficile admodum reputabat urbem expugnari, inito consilio Anchinum Bongarbum cum exercitu in Picenum mittit. Iussu ciuitates Ecclesiasticas bello laceßere, vt hoc irritamento AEGIDIUS à Bononia eliceretur. Anchinus celerius omni opinione in Picenum rapit agmen, à nullo temperans maleficio, ac tria oppida Corialtum, Buscharetum, Montem nouum oppidanis haud admodum repugnantibus prius suæ ditionis fecit, quàm planè AEGIDIO de aduentu eius enunciari potuisset. Tantusque terror inopinato bello Picentibus incussus est, vt urbibus contenti, vix satis ipsarum fiderent muris, quā obrem Epistolas ad AEGIDIUM dimittunt timoris & sollicitudinis plenas, multa etiam vero periculo adijcentes, quæ rumoribus metus affinxerat: quo nuncio AEGIDIUS accepto, & si Barnabois consilium virum prudentissimum non lateret, tamen laborantibus ciuitatibus subueniendum ratus, cum populum Bononiensem aduocata concione ad fidem & officium longa oratione cohortatus esset, Gometium Albornotium Bononiæ firmo attributo præsidio, iubet præesse: ipse cum reliquo exercitu in Picenum eo consilio proficiscitur, vt si Barnabos, quod fore non dubitabat, Bononiensibus bellum intulisset, liberius commodiusque posset suis atque oppidanis auxilium submittere. Magnis itaq; nocturnis diurnisq; itinerib. ad ea oppida, quæ capta nunciabantur, peruenit: cuius aduentu Anchinus perterritus, vel quia sic fuerat ipsi à Barnaboue imperatum, dum AEGIDIUS in recipiendis oppidis, ne hostibus, quos bello persequi instituerat perfugium essent, est occupatus, comparata fuga silentio noctis aufugit. AEGIDIUS verò oppidis sine repugnantia receptis, in nonnullos oppidanorum animaduertit, quos dedendi oppida authores fuisse reperiēbat. Interea Barnabos de abcessu AEGIDIUS à Bononia certior per exploratores factus, cum latis magno exercitu superioribus diebus comparato in agrum Bononiensem, peruenit, qui cum Vicos aliquot et Castella suæ ditionis fecisset, paucis post diebus motibus Gallorum euocatus Mediolanum reuertitur, permissa huius belli summa Ioanni Bizaulo. is ad Rhēni ripam locatis castris quotidie portis vrbs infestus obequirabat, dum Ecclesiastici numero militum inferiores se vrbe continebant. Quibus rebus nunciatis, AEGIDIUS Galeotum Malatestam & Petrum Farnensem cum duobus equitum millibus, & quingentis pedibus laboranti ciuitati properè subsidio mittit, qui secunda vigilia in urbem hostibus ignorantibus accepti, tantum roboris oppidanis præ-

*Bellū à Barnaboue in agro Piceno excitatū vt ita Aegidius Bononia excederet.*



*Cometij Al-  
bornotij ad  
Bononienses  
concio.*

*Acies ad pu-  
gnam instru-  
ta.*

fidioque addiderunt, ut statim Gometius de conferendis cum hoste  
cominus signis cogitauerit, Prius tamen non alienum ratus Bono-  
niensium animos in fide oratione confirmare, & excitare ad pugnam:  
Concionem ipsis in posterum diem indicit, quæ cum frequens conue-  
nisset, ipse pro suggestu, cum multa & magna beneficia AEGIDI-  
i in ipsos commemorasset, illudque omnium maximum, quod Bononi-  
ensem civitatem à tyrannica & inmani servitute vindicasset, tyranno-  
rum crudelitatem & inexplebilem avaritiam, quæ mala non pridem  
tanto cum suo dolore non semel experti essent, iubet ad memoriam  
reuocari, iniurias sibi illatas, accepta incommoda perpendere. Quæ  
mala cum multa, indignaque fuisse demonstrasset, multo tamen gra-  
uiora impendere, ni viri fuerint, docet. nam qui nulla laceßiti iniuria,  
sed summa cum indulgentia in urbem accepti, sua sponte ac suo pte in-  
genio se tales præbuisent in eos, qui imperium ipsis nullo iure debi-  
tum detulerant, quid ab his sperandum esse defectione ac rebellione  
exasperatis, denique multifariam irritatis? si urbem, qua exacti essent,  
ut & armis recepissent, an non eos hostili more urbem direpturos? &  
nobilitate è medio sublata plebem, si qua gladio superfuisset, in man-  
cipiorum formam redacturos? Porro vinci utcumque miserrimum esse,  
at non pugna sed obsidione superari multo esse turpius. Nam strenuè  
pugnare virtutis esse, superare fortunæ. at fossa murisque hostem disti-  
nerenisi longè paucioribus non esse virile. Se verò superioribus  
diebus non sine maximo suo dolore tulisse eam indignitatem, ut ho-  
stes per agros libere ac impune populabundi vagarentur, ac vrbi in-  
festi adessent. ipse verò, auxilia indies expectans, se intra muros  
contineret, quæ cum aduentassent, ac spem dedissent, satis superque  
virium esse ad prælio decernendum, statuisse se postero die acie di-  
micare. Proinde se Bononienses pro sua salute, proque sua libertate  
ad pugnam compararent, ac postridie armati & instructi in forum ac-  
cepto signo conuenirent, qui si suam fidem ac virtutem præstitissent,  
satis scire victoriam in expedito esse de hostibus, qui non tam suæ  
virtuti confiderent, quam sperarent inter Bononienses discordiam fo-  
re, quos cum viderint suæ libertatis memores concordie acie pugna-  
re paratos, inscissa spe animis defecturos. Qua oratione erecti Bo-  
nonienses, indignatione simul & spe accendentes animos, discedunt.  
Postridie omnes, qui arma ferre poterant, accepto signo in forum  
armati conueniunt, quorum parte ad urbis præsidium relicta, cæ-  
teri cum Auxilijs Gometium sequuntur, qui cum eo deduxisset agmen,  
ubi Rhenus ponte maiore committitur, seque in mutuum hostium de-  
disset conspectum, ad hunc modum aciem instruxit. Veteranos milites  
in fronte collocat. Ad utrumque cornu equites consistere iubet. Laeuum  
attribuit Blasco Fernando, ipse sibi dextrum assumit, & levis armaturæ  
milites



milites in medio locat. Galeotus Malatesta, cuius potissimum consilio Gometicus utebatur, cum oppidanis subsistere iubetur, nec primo impetu inuadere, sed laborantibus subuenire, aut fessis succedere. Equitatus partem iubet extra ordinem vagari, ut quid facerent molirentur, ut hostes ab editioribus locis specularentur, & si quid opus esset facto non turbato ordine in expedito essent. Sed nec hostes detrectauere pugnam, cuius dux erat, ut supra memorauimus, Franciscus Estensis. Qui veteranus ipse quoque in fronte pugnacissimum quemque militem opposuit. Gometio Vincentius Laudensis, Garfia Fernando, Ludouicus Albenis cum equitatu obijciuntur. Signo utrinque dato magnis animis concurritur. Initium certaminis equitum, fuit, Læuum cornu hostium tantisper Ecclesiasticorum impetum tulit, donec Vincentius Laudensis cum plerisque alijs obtruncatur. Deinde ea parte acies inclinari coepit. Gometius accepto vulnere non prius destitit à prælio, quam largius manante sanguine viribus destitui coepisset. tunc verò milites hortatus, ne victorian iam penè partam è manibus emitterent, pugna excessit. Iusso Petro Farnesio in suum locum succedere, cui & ipsi protinus vulnus illatum est. Hæc cum essent passim per aciem divulgata, inclinata hostium acies spiritum recepisse visa est, maioreque animo prælium redintegratur. Tū Ferdinandus, qui in læuo cornu strenuè pugna ciebat, suos hortatus magno impetu in confertissimos hostes irruit, & à sua parte reuulit ille quidem hostem, sed dum audus Ludonicum Albensem sequitur, telis obrutus occiditur. Tunc Franciscus Estensis, fessis ac cedentibus suis integros summittit. contra quos Galeotus, haud amplius expectandum ratus, procedere iubet Bononienses. Qui magnis animis irruentes hostes in fugam vertunt. & dux ipse Franciscus Estensis inter fugam, cum in Ecclesiasticos, qui vias obsederant, incidisset viuis capitur. Quo in prælio cecidere ex hostibus septingenti; mille centum vulnerati sunt; capti nongenti quadraginta. Ex Ecclesiasticis circiter ducenti desiderati, arque omnibus sepulturæ datæ, ex quibus Ferdinandus Hispanus in æde Francisci conditur. Galeotus inter paucos vulnus accepit. In captiuos nihil est sæuitum, quin imò cunctis libertas, primoribus & arma reddita sunt. Huius belli præmium cum Bononienses, qui diu tyrannica seruitute pressi fuerant, libertatem esse statuissent tanta victoriæ partæ lætitiis animis eorum incescit, ut placuerit publico decreto diem, quo hostem superassent posteritati celebrem fieri. Statutumque est, id quod etiam nunc perpetua celebritate usurpatur, ut xij. Calendas Iulias magno proposito præmio equorum pernecitate contendatur. Inter hæc ÆGIDIVS longis laboribus curisque fatigatus febre ardentissima implicatur. Quæ cum ægritudine animi ingrauesceret, tyrannos non lætos modo fecit, sed plenos etiam spe posse reci-

*Pugna ad Bononiā commissa.*

*Cæsorū numerus.*

*Quando victoria parta.*

*Ægidius ægrotat.*



*Clemens VI.  
Pont. Max.  
morigitur.*

*Suffectus Vr-  
banus V.*

*Barnabos bel-  
lum instaurat.*

se recipi, quæ industria & strenuitate illius amiserant: cœptumque est à nonnullis nouis rebus studere. Hoc ubi nunciatum est, AEGIDI-  
VS vix dum morbo explicitus, nec planè viribus receptis, consenso  
equo in conspectum suorum venit, quo nuncio tyrannorum motus fa-  
cilè supprimitur, & ipse paucis post diebus vigori redditus plerasque  
ciuitates obiuit, vt animos sua præsentia atque verbis in fide confirma-  
ret. Per id tempus de Pontificis obitu nuncius affertur. Simulque multo-  
rum amicorum literæ redditæ sunt AEGIDIVM ad comitia ponti-  
ficialia reuocantium. Tanta enim erat AEGIDI apud omnes cun-  
ctarum virtutum opinio, vt plerisq; omnibus visum fuerit haud dubi-  
tabile, eum, si Auenione adesset, fore candidatorum maximè gratiosum.  
Quibus ipse in hunc maximè modum respondit. Se verò illorum bene-  
uolentiæ ingentes gratias habere. Ceterum si tunc temporis relicta Ita-  
lia Auenionem ire pergat, pleraque oppida scelere et inconstantia ty-  
rannorum magnorum magnum discrimen aditura. At qui non esse tã-  
ti se pontificatu maximo: qui melius fortasse iustiusque ad alium de-  
ferretur, augeri, vt quæ longo tempore multoque & labore & sangui-  
ne parta, sua potissimum præsentia retinerentur, discedendo hostibus  
tradere videretur, qui huiusmodi occasionibus imminerent: darent mo-  
do ipsi operam, vt summo virò & omnium maximè digno summa di-  
gnitas defereretur. Se Ecclesiasticæ reipublicæ suum officium præsti-  
turum. Delatus itaque fuit pontificatus Guiljelmo Chrysauro, qui muta-  
to de more vocabulo Urbanus est dictus, huius nominis Quintus, vir  
summæ virtutis, & integritatis. Qui accepto imperio statim ad AEGIDIVM  
literas misit laudi & adhortationis plenas, ac multis ver-  
bis suo & Ecclesiæ nomine gratias agens, iubet se expectare cupientem,  
parantemque Italiam, quod iam ipsius beneficio pontificibus liceret,  
inuisere, & Romanam sedem antiquam repetere. Quo magis miror quos-  
dam memoriæ tradidisse ab hoc Pontifice AEGIDIVM Italiam fu-  
isse missum: sed & in quibusdam alijs parum his rationem illorum tem-  
porum fuisse exploratâ, indubitato testimonio depræhendimus. quip-  
pè multis breuibus literis à Pontificibus ad AEGIDIVM missis,  
quas ipsi perlegimus, sed narratio redeat eo vnde digressi sumus.  
Interea Barnabos Vicecomes acceptam nuper ad Bononiam cladem æ-  
gerrimo ferens animo, & tantæ vr̃bis recipiendæ desiderio flagrantior  
effectus, bellum omni ope reparare nunciatur. Quare AEGIDI-  
VS Francisci Estensis amicitiam, et quarundâ ciuitatum societatem oc-  
cupare in rem fore statuens, Lupo de Luna auunculo hanc prouinci-  
am delegauit. Cuius industria operaque effectum est, vt cum hoc  
principe viro, et cum Patavinis, Veronensibus, Florentinis amicitia &  
societas iniretur. Sollicitato Francisco Estensi eo præmio, vt in decenniũ  
Nonatula & Bozano agri Bononiensis oppidis iure dominaretur. A qui-  
bus



bus missis auxilijs, par hostium copijs exercitus comparatur, huic Lupus de Luna præficitur. Cui, cum aduentare Barnabouem exploratores retulissent, in occursum ducit agmen, & ad oppidum, cui nomen est Salatolo, qua hostibus iter erat, castra metatur. Barnabos haud prælium detrectaturus castra castris opponit. Sed quia interfluente amne ne incursiones quidem faciendi facultas erat, aliquantisper prælio abstinent, utriusque tamen in alteros irruendi occasionem expectantes: ut si fortè hostes vado traicere coepissent, diuisos & impeditos adorirentur. Hac cunctatione paucis traiectis diebus, speculatores referunt, impedimenta castris hostium egressa longo agmine retrocedere. Quod factum cum timentium hostium fugamque parantium indicium, ab Ecclesiasticis interpretatum esset, placet Lupo amnem, quanta maxima posset celeritate, ponte committi. Quo sine periculo traiectis copijs, coepit hostes prælio laceßere. Castra oppugnaturus si se intra continuissent. Illi verò & si timentibus quod audierant Ecclesiasticum exercitum multum inualuisse, illud quoque timorem adiecerat, quod tanta fiducia flumen traiecissent, prælio tamen decernere cunctis consilijs anteponunt: quippe cum fuga non modo turpis, sed instantibus hostibus plena periculi videretur: ac ut castris contenti fossa valloque obiectis bellum traherent, præmissis impedimentis, ac com meatibus erepta facultas esset. Eductis ergo copijs prælium committitur. sed non diu Ecclesiasticorum impetum ferentes hostes in fugam vertuntur, quos illi insecuti magnam stragem edidere. Multos beneficio noctis interuenientis fuga subtrahit. Ex Ecclesiasticis pauci vulnerati sunt: interfectus vnus tantum, sed qui pro multis fuit, Garfias Albornotius AEGIDIUS nepos ex fratre, vir manu forti, promptoque animo, & qui multa suæ virtutis iam antè præbuerat documenta, & tunc cum in confertissimos hostes irruisset, non antè spiritum emisit, quam multos ex his qui promptius resistebant, trucidasset. Tam præstanti animo commilitonem in flore iuuentæ sublatum, non sine magno dolore tulit totus exercitus. Illo quoque adiiciente molestiam, quod non ambigebatur patruo, qui ipsum, cum ob generis propinquitatem, tum ob eximias virtutes loco filij amabat, grauissimum nuncium futurum. Et profectò constat AEGIDIUM nihil vnquã grauius ea morte tulisse. Siquidẽcũ perrepto superiore prælio Blasco Fernãdo, quẽ summoperẽ diligebat, maximã ac penẽ vnica posteritatis spẽ in hoc summæ indolis adolescente collocasset, nõ poterat non ægro animo ferre, hac se quoque spe iniquitate fortunę fuisse defraudatũ & in hoc ictu fortunæ, illud quoque vulnus recrudescere. Hæc ubi sunt ad Põtificẽ delata, casum amici miseratus, huiusmodi quoque literis eũ cõsolari officij duxit. *Victum tuis auspicijs, tuorumque virtute ac industria, fugatumque magna accepta clade cum exercitu suo Barnabouem, non sine magna voluptate accepimus, & tuorum in Ecclesiam meritorum*

*Pugna iterum commissa.*

*Garfias Albornotius interfectus.*

*Aegidius Pont per literas consolatur.*



*Androinū  
Abbas Clu-  
niacensis,  
Cardinalis  
factus, mitti-  
tur ad Bar-  
nabouem, ut  
cedat iure  
Bononiæ.  
Bononiensem  
legationem  
relinquit  
Ægidius.*

*Gometio do-  
num à Bono-  
niensibus of-  
fertur.*

perpetuam seriem non ingrato animo recolimus. Verum enimvero illud nobis fuit per-  
molestum, ac victorie letitiam quodammodo suppressit, quod simul intelleximus Gar-  
si- am Albornotium fortissimum adolescentem nepotem tum eo prælio concidisse. Cuius  
mortem te agro animo ferre non miramur. Summa enim virtus cum florente iuuentute  
extincta affectis animis merito miseranda videtur: sed te fortissimum sapientissi-  
mumque virum minimè decet dolori succumbere, quo accepta damna gliscere so-  
lent, non resarciri. Adde quod in hoc casu multa sunt, nec ea mediocria solatia,  
quæ meritò possint omnem molestiam abolere. Primum quod pro Ecclesia, quæ no-  
bis, id est, Christianis patria antiquior esse debet, fortissimè dimicans, & ut audio,  
egregiè ultus occubuit, Deinde quod victor suo sanguine victoriam suis peperisse videri  
potest. Qui ut vnus omnium trucidatus est, ita omnium maximè hostem propulisse  
constanti voce nunciatur. Postremò quod honestissimam vitam summæ spei plenam,  
quam nulla deformi nota coinquinauerat, pulcherrimam morte, velut firmissimo quo-  
dam sigillo, conclusit, obsignauitque. Sunt enim ut rerum, ita morum quoque vicissitudi-  
nes, ac interdum qui optimè vixerit, vno vicio totam obfuscet, debonestatque vitam.  
Prorsus, ut qui vitam cum laude clausere, n̄ soli valeant sine fuci suspitione laudari.  
Duobus prælijs fractum Barnabouem facilè ad pacem adduci posse  
Pontifex ratus, Androinum iam Cardinalem factum ad ipsum, tunc  
quoque bellum reparantem, legatum mittit, à quo paruo negotio per-  
suasus est, ut iure cederet vrbis Bononiæ, quod se habere iactabat. Hac  
ab ipso excepta conditione, ut legatione Bononiensi se A E G I-  
D I V S abdicaret: scilicet ingratorum rem huic se facturum arbitra-  
tus, si quam ciuitatem impense amare, & multis beneficijs demeru-  
isse constaret, ea se authore cogeretur excedere: quod cum esset A E-  
G I D I O, non sine præfatione, denunciatur, hoc adiecto, daret  
id quoque Ecclesiæ, ne amata ciuitatis grauatè deponeret administra-  
tionem: Sibi verò respondit, minimè id fore molestum, quod si aliqua  
sua merita in eam ciuitatem extarent, hoc quoque fieri cumulatiora  
velle, ut pro ipsius libertate, ac pace nihil ferret agro animo: &  
ad Gometium Albornotium præfectum Bononiæ conscribit, ut tradita  
successori vrbe, ad se quam primum veniret. Quem proficisci pa-  
rantem ciuitas non immemor beneficiorum ab ipso acceptorum com-  
muni consilio pulchro simul, & præcioso munere profecuta est: quod  
esset grati erga ipsum animi testimonium. Hæc corona fuit gemmis in  
orbem ambientibus frequens, imposita galeæ serico intectæ, in cuius  
cono crista erat, à qua imaguncula argentea prominebat similis ange-  
lo, dextra gladium, sinistra aureum pomum tenenti: velut testata  
Bononia libertatem, facultates, ac demum preciosissima quæ-  
que bona reddita sibi fuisse gladio, ac virtute Gometij. Quo potissimum  
ministro A E G I D I V S res Bononienses pace belloque administraue-  
rat. Tam gratū fuit Gometio Bononiensium donū, ut eius imagine insignia  
sua perpetuo decorari gloriosum duxerit qualia modo visuntur Bono-  
niæ in



niæ in ædibus collegij Hispanorum auspicijs AEGIDI conditi, in lapide incisa supra valuas, quæ introeuntibus secundo loco obijciuntur. Interea AEGIDIVS, qui Italiæ prospiciendi omnifarias occasiones captabat, quod à curis bellicis dabatur ocij, id omne in conseruandam, augendamque pacem conferebat. Itaque vt ciuitates, quas à tyrannis iniuria asseruerat, bonis etiam legibus, ac moribus formaret, sumpta à Pontificibus autoritate, neque enim paucorum dierum id opus fuit, leges condidit, quæ constitutiones Aegidianæ appellantur, tanta sapientia, vt cum magno populorum consensu receptæ, parem Pontificijs, & Canonicis institutis vim & auctoritatem vsque in hodiernum diem obtinuerint. His rebus gestis finis iam bello Italico impositus esse videri poterat, cum à tyrannis nihil moueretur. Ecce nuntius affertur latronum exercitum. quem Ambrosius quidam Vitecomes ductabat, Flaminiam, & finitima loca depopulari, deprædarique, à quibus Ecclesiasticis oppidis non mediocrè periculum atque damnum immineret. His malis vt occurreret AEGIDIVS magnis itineribus ea versus loca contendit, quæ latrocinijs infestabantur: & se cum Gometio, quem obuium habuit coniunxit. Hoc vbi Ambrosio allatum est, à finibus Ecclesiasticis agmen abduxit. Qui nuntius non tam gratus AEGIDIO fuit, quam ille molestus; alterum exercitum longè maiorem, qui sub Florentinis meruerat pari furore prædabundū circa agrum Camerinatem debacchari. Britanni erant isti, & Pannonij, mixta perditorum hominum Italorum turba. Quibus vel per se satis potentibus, Ambrosium, quem scilicet suarum virium poenitebat, velle suam legionem aggregare, rumor afferebatur. Huic pesti omni ope occurrere AEGIDIVS antè omnia statuit. Quippè non erat dubitabile, eos pro sanis nihil esse facturos, & à nullo maleficio, modo vires suppeterent, esse temperaturos. In rem itaque fore ratus, ad hos legatos mittit, qui magnis pollicitationibus ac iusta mercede conducendos curarent: sed frustra auidos prædæ animos ad sanitatem reuocare tentauit, qui obuia quæque populati, per Camerinatem agrum Fulginatemque, superatis montibus, fines Montis Regalis pertinuerunt. Hic legati iterum ab AEGIDIO missi, qui nihil voluit intantum relinqui, agmen consecuti, & si maioribus præmijs maioribusque pollicitationibus negotium tentassent, re tamen infecta redierunt. At illi ad Aquilam, oppido id nomen est, castra poluere, & ingenti abacta præda cœperunt frustra oppidum impugnare. Nam præsidium paucis ante diebus ab AEGIDIO missum tam promptè cum oppidanis restitit, vt non mediocrè damnum fuerit ab hostibus acceptum. Tunc AEGIDIVS, qui omnia prius experiri, quam armis rem gerere constituerat, cum intellexisset magnam gratiam Gometio cum plerisque Britannorum intercedere, in eadem militia su-

*Eiusdem insignia in Hispanorū collegio.*

*Constitutiones ab Aegidio factæ, quæ hinc Aegidianæ dicuntur.*

*Latronum exercitus.*

*Britannorum & Pannonum copie in agrum Camerinatem debacchati.*

*Gometij ad Britannos illos legatio.*

perio-



*Gometius  
Anichinum  
Ambrosium  
que tyrannos  
ad Urbem  
ueterem bello  
persequitur.*

*Pax inter ipsos  
quomodo inita.*

*Perfidia Britannorum  
consilium.*

perioribus annis, conciliatam, ipsi imperat eos adeat, coneturque omni ratione adducere in partes Ecclesiæ, ac Ioannæ Neapolitanorum Reginae quæ suorum inconstantiam verita, firmo præsidio regnum tutari statuerat ad continendos in officio principes, quorum conatus paulò antè repressos fuisse ab A E G I D I O commemorauimus. Ille verò cum in castra peruenisset, amicos agnoscit, omnes ferè, qui ordines ducebant, vicissimque agnoscitur ab ipsis: ac post multa dicta factaque, ut solet, amicè, priuatim singulis quorum summam esse inter ipsos auctoritatem intellexerat, quid venisset, exposuit, suavitè, precatus est, quos demum cum persuasos intelligit, concilium poscit. Quod cum frequè conuenisset, quæ priuatim singulis dixerat publicè vniuersis elocutus facilè in sententia animos eorum confirmauit. Ad summam pax & societas his conditionibus conuenit. Ut A E G I D I O Reginaeque sex menses hæc copiarum auxilio essent, atque imperata facerent, acciperentque pro mercede ducatorum centum quinquaginta millia duabus solutionibus. Quod ubi A E G I D I V S rescivit Gometio imperat, uti primo quoque tempore agmen illud cæteris copijs coniungeret, & ad Urbem ueterem promoueret, & Anichinum Ambrosiumque, (qui paribus copijs coniunctis eum tractum latrocinijs infestabant, & nonnullis oppidis oppugnatis, quosdam tyrannos patria exules se secutos spe vana erigebant,) bello persequeretur. Ille nihil moratus ad ea loca perduxit agmen, ubi statim hostes habebant: iubetque protinus suos hostilia castra obequitare, eo consilio, ut nisi possent hostes ad pugnam elicere, castra oppugnare adoriatur. Tunc verò Anichinus suas vires æqua æstimatione metitus, nihilque temerè agendum ratus, communi consilio legationem de pace mittit. Quæ his conditionibus data est. Ut oppida Ecclesiastica, quæ occuparat statim A E G I D I O redderet: utque se copiasque suas iure iurando obstringeret, ne intra triennium auxilium hostibus, aut Pontificis aut Neapolitanorum Reginae præstarent. neque horum clientibus quoquo modo iniuriam inferrent. Tunc verò iusta mercede his ipsis auxilio futuri Gometium ducem sequerentur. Inuicem ipsis, qui summa inopia laborabant, ne deprædari cogerentur, pecuniarum certa summa pacta est. Sed hac paucis post diebus numerata, Britannorum ac Pannoniorum animos suspitio incessit, ne hæc solutio suam cuius tempus instabat, moraretur. Itaque non expectato die, amicitia fideique obliti temerarium simul & scelestum consilium inire cæperunt, ut Gometium in custodiam conijcerent, tam diuque coercerent, donec pactum stipedium sibi numeraretur. Quod ubi est Gometio enunciatum, per quendam à Britannis arcta & veteri amicitia ipsi coniunctum, multis ipsorum dictis factisque nuntio consentientibus, indubitata initi consilij signa conspicatus, per speciem commeatus qui parçè suppetebat, prospiciendi, in Urbem ueterem sese recepit, ut præ-



praesentem barbarorum feritatem vitaret: quem sui admoniti consilij  
 subsecuti sunt. Hoc cognito Barbari se deceptos arbitrati tanto furore *Pœnas dant*  
 correpti sunt, ut coeperint non modo undique prædas agere, sed agrum *perfidie.*  
 Vrbeuetanum & finitima loca igne ferroque vastare. Tantam immani-  
 tatem non ferens Gometius coactis undique auxilijs ipsis quoque Ani-  
 chino Ambrosioque accitis, partem barbari exercitus comparauit, at-  
 que eos persequi contendit: qui accepto nuncio in agrum Perusinum di-  
 uerterant, ibique castra munierant. Quo cum ventum est, Ecclesiastici  
 castris adequitando hostes ad pugnam prouocabant. Illi cum diu cun-  
 ctantes, quod numero iam, non modo causa Ecclesiasticos superiores ef-  
 fectos cognouerant, se intra castra continuissent, coeptumque esset fa-  
 me laborare, silentio noctis castris elabuntur. Hoc ubi est Gometio ab  
 exploratoribus renunciatum, ipse cum equitatu prægressus, ut fugien-  
 tes moraretur, cæterum agmen summa celeritate subsequi iubet, nec  
 longe progressos assecuti à nouissimo agmine lacescunt. Illi verò mul-  
 tis suorum amissis, continenti fuga in quoddam agri Perusini castellum  
 se recipiunt: Frumento cæterisque com meatibus adeò vacuum, ut ob-  
 fessi vix biduo potuerint famem tolerare. Tandem rebus desperatis  
 permiserunt se Gometio. Qui sumpto capitali supplicio de his qui ca-  
 put, authoresque tantorum malorum extiterant, ut essent latrocinij ac  
 perfidia non inultæ documentum, cæteros accepta fide, se primo quoque  
 tempore finibus Italicis sine iniuria excessuros, impunè abire permit-  
 tit. His ita debellatis nihil superesse videbatur, quod posset ocium pa-  
 cemque sociorum & clientum Ecclesiæ sollicitare, præter Perusinos *Perusinum*  
 qui quorundam ex primoribus impulsu rebus nouis studebant. Iamque *Affissium bel-*  
 Affissium ditionis suæ fecerant. Horum igitur ut motus inhiheret A E- *lo vexata*  
 G I D I V S præfecto Blasco nepote, qui Piceni & Flaminia curam gere- *ab Aegidio*  
 ret, in Umbriam proficiscitur. Et ubi Affissium peruenit, Perusinorum *liberantur.*  
 eiecto præsidio ciuitatem suæ reddidit libertati. In qua, æde Francisci  
 restaurata sacellum intus iussit ædificari, & in eo monimentum quo  
 mortuus conderetur, extrui. Tantisque beneficijs monachorum colle- *Aegidius fi-*  
 gium profecutus est, ut se ipsi sanctissimo statuto constrinxerint, singu- *bi mortuo*  
 lis mensibus quarta & vicesima quaque die eius animæ iusta se in perpe- *monimentum*  
 tuum celebraturos quod officium pari de causa Bononiæ anniuersario *in quo conde-*  
 sacro præstant eidem in æde Ioannis in Monte, XXV. Augusti religiosi *retur, ex-*  
 Monachi, qui Augustini regulam profitentur. Sed dum Affissij A E G I - *truit.*  
 D I V S, commoratur, cupido incessisse animum fertur corporis sanctif- *S. Francis-*  
 simi Francisci visendi: quod cum venerabundus conspexisset, & im- *ci corpus vi-*  
 pressa Christi vulnera norasset: exclamasse dicitur. Vel solum Francis- *lit Aegidius.*  
 cum ad confirmandam Christi religionem satis fuisse. Post hæc Perusi-  
 um peruenit acceptusque in urbem cum authores malorum partim ca-  
 pitali supplicio multasset, partim in exilium misisset, cæteris collauda-



Romam Aegidius Pontificem inuitat pacata Italia.

Romam pontifex proficiscitur.

Viterbij testamentum condit & moritur Aegidius Anno 1367.

tis ac liberali oratione confirmatis, Viterbium peruenit. Tunc verò cum vniuersam Italiam sua opera pacatam considerasset, nullumque nec à tyrannis nec à latronibus periculum imminere, intelligeret, Gometium ad Pontificem cum quatuor nauibus proficisci iubet. Et quo in statu Italia esset nunciare, omnia tranquilla pace frui. Si vellet Romam, quod ante significauerat, inuisere, tuto secureque iam inde licere. Gratissimum sibi fuisse nuncium aduentumque Gometij Pontifex non verbis tantum, quib. AEGIDIUS virtuti ac industriæ gratias egit, sed multis etiam beneficijs declarauit. Siquidem inter cætera ipsi Gometio Esculi, quod oppidum est in Piceno, ius & vectigalia in decennium tribuit. Fratres AEGIDIUS literis & nuncio ab Hispania iubet accersiri, nō alijs professus velle se præfectis administratoribus, quàm his Italiam tueri ac gubernare: statimque discessu comparato, in Italiam proficiscitur. Cum ad Viterbium ventum est, vbi AEGIDIUS eius aduentum expectabat, paulisper hic commoratus, quindecim annorum administrationis & vectigalium rationem quorundam inuidia & impulsu, reposcenti Pontifici clauis vrbium arciumque à se receptarum vix capiente curru AEGIDIUS pro ratione obtulisse fertur. Cui Pontifex, admiratus eius magnitudinem ac constantiam, *Et hercle, inquit, AEGIDIUS amissam rem Ecclesiasticam haud magno impendio nobis receptam esse fatemur, & tue pietati gratias habemus.* Paucis post diebus AEGIDIUS ad urbem Romam Pontificem comitatus, longi muneris vacatione impetrata, Viterbium redijt: vbi mortalitatis memor, ac velut instantem mortem animo præfagiens posteritatique consulens, testamentum rarissimi exempli sanctissimè ac religiosissimè condidit. & conuocatis amicis, collegij in vrbe Bononia Hispanis condendi, de quo mox separatim dicemus, præcipuam curam delegauit, & tribus mensibus quàm Viterbium redierat exactis, vitam cum morte commutauit. Anno gratiæ Millesimo Trecentesimo Sexagesimo septimo. Tanti viri mortem Pontifex tam acerbè tulit, vt accepto nuncio continuum biduum nihil aliud, quam moerori indulserit, nec sui conueniendi copiam cuiquam fecerit: corpuseius vt ipse iusserat, Assisium elatum, & in æde Francisci depositum est. Inde Toletum vbi modo ossa eius iacent, paruulo admodum impendio humeris deportatus est. Nam Summus Pontifex hoc tribuit eius meritis, vt quicumque lecticam quantulocumque spatio supportaret, peccatorum remissionem perinde consequeretur, ac si Anno Iubilei Apostolorum Petri & Pauli ædem inuississet: quod officium AEGIDIUS cum locupletissimo ipsius meritorum testimonio ab Henrico Rege, qui Petro fratri à se interfecto succellerat, suisque purpuratis præstitum accepimus.



63

# BREVIS BONONIENSIS

## COLLEGII HISPANORVM DESCRI-

### PTIO, ET QVORVNDAM QVAE

ad ipsum pertinent, commemo-  
ratio.



**S**ED, vt pollicitus in calce historiae gestorū AEGIDI I dicere separatim de Bononiēsi Hispanorū Collegio, promissū exoluā, pauca hoc in loco de eo verba mihi faciēda sunt. Si prius de nobili, & memorabili eius testamēto, quo constat, collegiū eōdi ab AEGIDIO fuisse iussū, non nihil attigero. Resignato Testamento quod Collegij or-  
conditum est, anno gratiae Millesimo trecente- 30.

fimo sexagesimo quarto, multa, quae eius sancti-

tatis, religionis, ac summae iustitiae documento esse possunt, reperta sunt. Ex quibus quae memoratu dignissima sunt visa, & monumentis prodenda, silentio praeterire non putavi ex officio fore: caetera qui desiderabunt, petant licet ab eodem Testamento, quod iam pridem editum, impressumque circumfertur. Principio iubet sibi quinquaginta missarum millibus primo quoque tempore parentari. Centum virginibus maritandis Toletanae & Conchenfis dioecesis trece-  
nos Marapetinos distribui. Qui nummus, vt accepimus, id temporis in Castella tanti erat, quanti nunc regalis nummus, aut in Italia Marcellus. Redimendis captiuis Christianis e dominatu Mahumetaeorum triginta eorundem nummorum millia legauit. Porro cum sex sacerdotia, quas Capellanas appellant, in Ecclesia Toletana statuisset, duabus dotandis, quas indotatas relinquebat, huic Ecclesiae triginta millia. Praeterea Conchenfi plerasque possessiones, praedia suburbana, pascuaque instituendis in eo templo duabus capellarijs in sacello, vbi parentes ipsius iacent Cui sacello calicem argenteum auratum, ac preciosa & decora sacerdotalia vestimenta legauit. Adhuc multa eidem Ecclesiae preciosa, ac in primis pluuiiale suum margaritis distinctum. Item monasterio Francisci in Assisio tres tapetes magni precij, ac aedificationi eius aedis mille florenos. Item Ancona in Ecclesia cathedralitia, statuit vnum sacellum dicendum Clementi martyri. In eadem vrbe, in aede Magdalenae duas capellanas: ibidem Monachis praedicatoribus ad aedificandum centum florenos legauit. Heremitis totidem: Monachis, quos minores dicunt, ducentos item ad aedificandum. Iam domesticos singulos quanta, pro cuiusque conditione, liberalitate profe-

*Testamentū  
Aegidij pie-  
tatis plenū*

*Assisio quid  
legauerit.*



*Collegiū hæ-  
redē ex asse  
instituit.*

*Ædificiū  
firmissimū.*

*Area & ho-  
rologium.*

*Triclinium.*

prosecutus fuerit, longum est enarrare. Hoc quoque magnificum, quod a suo obitu nouem continuos dies iubet, quicumque iustis soluendis interfuissent ipsius sumptibus ali. Et duo millia pauperum panno ipso- rum ordini conueniente vestiri, sed de his hætenus. Nam ingentia le- gata, quæ propinquis ac consanguineis, præsertim Gometio Alborno- tio nepoti reliquit, referri non est operæ. Venio ad Collegium quod ex residuo bonorum suorum magnificè cōdi iubet Bononiæ, ob florentis- simum omnium disciplinarum Gymnasium, & suum vniuersalem hæ- redem instituit. Et moriens inuictissimo Hispaniarum Regi, & Cardi- naliū Hispanorum Romæ degentium antiquissimo cuique commen- dauit: à quibus suscepto patrocinio, vt solet esse religiosum huiusmo- di officium à defunctis iniunctum negligere, in magnis sæpè necessita- tibus ipso- rum authoritate seruatum est, sæpè etiam beneficio auctum. Aedes autem ædificandi, & prædia emendi negotium datum est Fer- nando Aluaro Abbati Valladoliti, & Alphonso Fernando cubiculario. A quibus in ea parte vrbs conditæ sunt, quæ meridiei ac occidentis medium spectat, non longè à porta, quam AEGIDIUS, mutato vo- cabulo Cæsaraugustæ à nomine amatae vrbs appellauit, cum prius Vil- lianæ diceretur, & eam viam, quæ à collegio pertinet ad hanc portam, quadrato lapide strauerat: qui post inde translatus est ad Rheni urbem interfluentis alueum muniendum Consulto Senatus Bononiensis, qui pro eo lapide laterib. coctis eam viam strauit, professus vt accepimus, publica fide eandem perpetuo sternendo reficere. Sed in his ædibus æ- dificandis qui negocium susceperant, non tam decoris, quàm firmitatis videntur habuisse rationem. Constant enim parietes omnes coctis la- teribus, qui vt in altitudinem haud admodum sublimes exsurgunt, sic in latitudinem patent latissimè. Opus est vbique concameratum, vbi- que itidem latericium, ea demum firmitudine stabilitum, quæ citra re- sarcionem videatur immortalitatem polliceri. Forma ædium si ad in- sulam spectes, quam cum binis hortis, & domibus, quas collegium sibi contiguas possidet, efficiunt, in orbem potissimum excurrere dicas, ni- si quod paucis angulis interpellatur, si ad ipsum velut corpus collegij scholasticorum vsui accommodatum, quadrata figura est. In huius me- dio cauedium patet raris consitum arboribus lauris, buxis, & tessimi- nis vulgò dictis. Hoc breuiusculo pariete omni ex parte infra supraq; peristyllo committitur. Sacellum quod Clementi dicatum est, cæteris ædibus altius exsurgit, quod à Septentrione commodè pro ipsarum ra- tione ædificatum, ingredientibus domum obijcitur è regione. In hu- ius eminentiore turricula horologium nuper est fabricatum, quod per singulas horas & tintinabulo, & gnomone labentis temporis schola- sticos non modo, sed viciniam quoque latiusculè admonet. Triclinium contra sacellum in parte superiore ante sexdecim annos in vsu erat di- scum-



scumbendi, meridiem spectans, à quo per tres fenestras quamdiu virent agri in Apenninum montem amœnissimus prospectus est : qui confitus omnis generis arboribus se molliter ab ipsa protinus vrbe incipit attollere. Sed vt incommodum per longiusculos anfractus à coquina, quæ ab Oriente iacet parte inferiore, in hoc cœnaculum, in quod per viginti sex gradus conscenditur, cibaria efferendi tolleretur, hoc in alios cessit vsus, & alterum anno gratiæ Millesimo ducentesimo sexto, ab eadem parte, sed paululum in dextram ingredientibus subductum, eadem ferè forma, & iusta magnitudine loco inferiore ædificatum est. Quod lumen à meridiè duabus fenestris admittit: ab Oriente focum habet, qui assiduo igne tota hyeme triclinium ingenio regionis humens, frigansque temperat. Reliquum dispositis mensis vndique ambitur, nisi qua cœlla promptuaria nuper facta recedit. Sub hoc triclinium superioribus diebus aptissima simul & pulcherri-  
ma cella vinaria subterraneo loco, sed latericia testudine intecta multis operis, magnoque impendio constructa est: ducta cloaca, per viam Cæsaraugustæ, qua exsudans aqua, quæ hæctenus optatum opus morabatur, effunditur, sordesque doliorum egeruntur. Cubicula omnia infra supraque concamerata angustioribus, sed latericijs parietibus distinguuntur. Quæ theologis ascripta sunt, Orientem spectant vno excepto, quod vergit ad Septentrionem : Medicorum Occidentem: qui verò Pontificio, ciuilique Iuri student, vt sunt numero longè plures, sic cubicula infra & supra in omnem partem dispersa tenent, eadem que vulgo ratione librorum capaciora. Communis bibliotheca, quæ ab Oriente sacellum parte superiore contingit, referta est libris non tam pulchris, quam emendatis. Sunt enim vetustissimi magna ex parte, & manuscripti, & quorum nonnullis ipsum AEGIDIUM dum in humanis ageret, vsus fuisse constat. Extra id quod Collegij velut corpus appellauimus, horreum est capacissimum, quo frumentum, & cæteræ fruges conduntur. Huic par cella altera vinaria subdita est. Tum lignorum repositorium, iuxtaque equorum stabulum. Deinde penè sacellum ambientibus occurrit aptissimum Spheristerium : quo in studi-  
diorum inducijs, licet feriatís sodalibus tuendæ valetudinis gratia exerceri, vt honesto ludo corpore exercito, & animis relaxatis integriores vigetioresque ad studia redeant. Ab hoc horti alteri proximè excuriunt, dispositis arboribus confiti, viribusque ita ambientibus, vt amœna dum virent arbores, efficiant deambulatoria. Sed omnes hæ arbores nouellæ sunt, & locus ipse ædib. Hispaniensib. adiunctus ante quatuor annos, area publica erat inutilis alioquin, & parum decora. Hæc itaque à Senatu Bononiensi impetrata domui nostræ accessio facta, ducto pulcher-  
rimo muro, qui distinguentibus pinnis viam publicam honestat : quæ vt pulchrior aspectu redderetur, aliorum hortorum, qui à meridiè a-

*Cubicula.**Bibliotheca  
communis.**Spheristerium.**Horti.*



trio pariete medio committuntur particula pacto nobis adempta est. Hæc igitur forma est, hæc ferè partes ædium, quas hoc in loco à nobis quamlibet crassa Minerva describi, haud ita videatur importunum, si quis doctissimos, & eos summa gravitate viros meminerit, non dico urbana palatia, sed rustica prædia, villasque suas, affectatè descripsisse, idq; memoriæ proderet tanti putasse. Constat autem conditum fuisse Collegium, circiter annum à redempto orbe, Millesimo trecentesimo sexagesimo quinto, quod vix dici potest, quanto semper vsui, quantoque ornamento nostris hominibus fuerit. Ex hoc enim viri, quos enumerare longum esset, sapientia clari nulla nō memoria prouenire, qui tum singulas ciuitates, tum vniuersam Hispaniam doctrina & consilio summopere iuuarent. Et viuunt hodie haud ita pauci (ne quis putet effætam huius Collegij feracitatem consenuisse, qui partim docendo, partim monumentis literarum, alij maximarum rerum administratione secula nostra exornant. Quorum sunt Antonius Nebriffensis, qui expugnata suo Marte Barbarie, quæ ab Hispania Latini sermonis exterminato nitore, regnum longè lateque obtinebat, nunc Regum Hispaniæ historiam fœlici, & antiquitatem prouocaturō stilo mandat monumentis. Et Fortunius Garfias Cantaber vtriusque Iuris peritissimus. Regius nunc, vt audio consiliarius, & qui in Regno Nauarræ magistratu fungitur, qui Regens appellatur: de cuius doctrina & virtutibus quid sentirem iam pridem quadam epistola ad Iacobum Arrheagam sodalem meum, virum quoque vtriusque Iuris doctissimum testatus sum: quæ (vt video) edita in vulgus est, cum illis Commentarijs quæ ipse in l. Gallus, de li. & posth. ff. composuit. Adhæc Antonius de Burgis Salmanticens. I. C. cui doctorum consensus primas in iure Pontificij cognitione defert. Cuius discessum mirum est, quàm ægrè tulerit Academia Bononiensis, vbi honestissima conditione Ius Pontificium publicè docebat, cum est à Leone decimo Pontifice Maximo huiusmodi opinionis fama commoto Romam accersitus, vt eius doctrina, ac iudicio in maximis rebus vteretur. Dignissimus quoque qui inter præcipuos numeretur Ioannes Montesdoca Hispalensis: qui vt taceam, quàm in Theologia ad Scoticā subtilitatem, quam potissimū æmulatur, proximè accedat, cum huius memoriæ philosophorum principibus æquo Marte certat de primo loco: quique nunc in celeberrimo Gymnasio Patauino Philosophorum facile princeps annuo sexcentorum ducatorum salario naturalem doctrinam docet. Noster quoque est vir Theologica doctrina clarus Martinus Garfias, Episcopus Barcinonensis: qui (vt rei summam complectar) nulla maiorum suorum claritate adiutus, ex fortuna perquam mediocri ad magnos processit honores, & ingenti ac multiplici virtute coniuncta pari sapientiæ, id est assequutus, vt Episcopali dignitati, quam suis sibi meritis, pepererat, non minus decori esse putaretur

vt Plini<sup>9</sup> mi  
nor lib. V. e  
pist VI. Sta  
tius Papini<sup>9</sup>  
Vitruuius.  
Conditum  
collegium an  
no 1365

Qui potissimū  
viri doctissi  
mi inde pro  
derint.

Antonius  
Nebriffensis  
Grammatic<sup>9</sup>.

Fortunius  
Garfias. I. C.

Antonius de  
Burgis Sal  
manticens. I. C.

Ioannes Mōtes  
doca philoso  
phus.

Martinus  
Garfias Epif  
cop<sup>9</sup> Barcino  
nensis.



retur, quàm ab eadem ipse honestaretur : quæ multorum qui virum familiarius cognouerunt, constanti nobis sermone relata, spem dederūt, posse hunc mihi fama tantum notum inter viuentes sine inuidia nominari: Nam de quibus ante hunc mentionem feci, eos vt nominatim referrem, duæ me causæ potissimum impulere, altera quod alij viri eruditissimi, & memoratu dignissimi, quanti sint, audiui tantum, hos diuersis quidem & locis, & temporibus præsens tamen colui, & ijs partim præceptoribus sum vñus. Altera quod ijdem tum docendo in celeberrimis Gymnasijs magno publicè proposito præmio, tum editis suis operibus singularem suam doctrinam cunctis hominibus notam fecerunt, vt timor non sit, ne dum horum excellentem doctrinam commemoramus, nostris indulgenter fauisse videamur. Sed cum cæteros, qui ante hanc memoriam florere ex industria taceam, ne tot virtutes & præclaram sapientiam tanta breuitate, tamque iniquis spatijs coerendo in plurimos, eosdemque summos viros iniuriam videar intulisse, vnum sine flagitio præterire nō posse videor: qui non doctrina tantum, & sanctitate viuens excelluit, sed mortuus etiā magnis multisque miraculis claruit. Petrus Arueus hic est, qui vulgo Magister Epillæ usurpatur, quia fuit sacræ doctrinæ Magister, & Epillæ, castello id nomen est in agro Cæsaraugustano, natus: qui cum ob sapientiæ opinionem, & parem morum sanctitatem in ea ciuitate iudex, vindexque hæreticæ prauitatis factus esset: tam constanter, tam seuerè, tam denique religiosè crimen hoc scrutabatur, & vindicabat, vt summam in se hæreticorum inuidiam concitauerit. Eumque ipsis timorem iniecerit, vt illi satis sibi persuasissent, hoc viuente, nihil sibi esse de sua salute sperandum. Itaque desperatis rebus, insidias ei magnis studijs tendebant. Quod cum esset eidem renunciatum ab amicis, vt parcius ageret admonentibus, respondisse fertur: Nihil se, quid ab hominibus sibi posset accidere sollicitum esse, modo Deo immortalis & Christianæ religioni suum officium præstaret. Ita cum aliquando intempesta nocte templum esset ingressus nocturnis sacris interfuturus, quo officio sine intermissu Canonicusungebatur, duo armati ab hæreticis summissi hominem genibus flexis Deo more suo supplican-tem adorti, trucidant. Qui, cum in Regno Arragoniæ nullum effugij locum sibi fore satis tutum intelligentes, in Galliam transfugere statuerant, finibus tamen Aragoniæ, quo sæpius fugientes peruenerūt, omni studio conatib. excedere nō fuit vlla ratione possibile, diuinitus sēper, vt ferūt, in ipso regnorum cōfinio torpentibus, & in vestigio hæretib. quod ipsi paulo post comprehensi cum crimine falsi sunt, quum ad supplicium traherentur. Multos dies sanguinem interfecti ferbuisset, & si conclamatis morbis fuisse explicitos, constanti voce

*Petrus Arueus vulgò Magister Epillæ Theologus & Hæ-*

*Aruei martyrium.*



*Seguntinum  
collegium cu  
ius Sepulue  
da alumnus.*

*Complutense  
Vallis ole  
tanū collegi  
um qui con  
diderint.*

*Petrus Fri<sup>9</sup>  
in collegium  
Bononiense  
beneficus.*

ti voce fertur, Ergo cum hominum opinio in diuos ipsum refertur non dubitasset, tumulus ei ex pario marmore in honoratissimo templi loco, Senatus Populiq̃ue consensu positus est : qui lampadum perpetuo igne illustratur, & magna populi pietate colitur. Ad quod multiplexque venerabundi accedentes, fufis precibus, hoc intercessore honesta optata à Deo impetrasse crediti sunt. Ne singula persequar eius miracula, quæ plurima Cæsaraugustana ciuitas testis locupletissima prædicare solet. Et profectò si gratissimis nec inuidè merita libeat interpretari, quod tot collegia splendide ac magnificè in Hispania condita fuerint, in quibus studiosis scholasticis omnia ad præclaram sapientiam gratis, & abundè suppeditantur. AEGIDIÏ Albornoij beneficium videri possit, qui primus hoc collegium in florentissimo Gymnasio condidit, cuius exempla cætera in Hispania condita fuisse non potest dubitari. Certè Ioannem Luppum de Mitina, virum summum & nunquam satis laudatum qui in Ecclesia Saguntina Archidiaconus fuit de Almazan, hoc spectato collegio, cum legatus à Rege Hispaniæ ad Pontificem Bononiam diuertisset, ad eius formam constat collegium commodissimè ternis denis scholasticis studia Theologiæ æmulantibus statuiffe in suburbano Seguntinæ loco ab hominum cœtu omniq̃ue turba, vt Philosophos decet, seposito : cuius nos adolescentes aliquam partem fuisse non modo non pœnitet, sed etiam gloriamur. Iam Petrū Gonlū Mendociū, Franciscū Ximeniū Cardinales & Archiepiscopos Toletanos, quem nisi Aegidium æquè Archiepiscopum Toletanum & Cardinalem, qua parte vel religionem vel mortalitatem iuuerè, imitatos fuisse credimus? quorum alter Vallisoleti, alter nouissimè Compluti magnifica Collegia ad huius exemplum construxerunt, vt ante hos Salmanticæ vir inclytus Iacobus Anaia Archiepiscopus Hispalensis. Ex quibus complures viri eruditissimi, qui Reipub. Hispaniæ multifariam prodesse, extitere, cum magna eorum gloria, quorum beneficio, eruditione, pariter & authoritate aucti essent. Quare sic existimo cum multiplex hominibus ad homines cum sua laude demerendos, aliaque alijs via pateat: nullam esse tamen ad immortalitatem magis compendiarium ea, quâ summi illi viri ingressi sunt, qui studia literarū, & mortui tãtopere fouet: si mortui dicēdi sunt, & nō potius immortalitate donati, quorū rectè facta doctorū virorū sermo quotidie vlurpat, & nomina circūsonāt aures sapientū, ita nūquā ex eorū animis discedit tantorū virorū recordatio. Neq; verò eos solū veneratur, ac loco numinis colūt, qui sui quorūq; Collegij authores fuerūt. Sed eos quoq; suspiciūt, qui vel industria, vel benignitate cōmodo, aut dignitati Collegij cōsulere. Vt nos Bononiæ Petrū de Frias, Cardinalē virū sanctissimū, & de Collegio nostro optimè meritū: qui cū ei<sup>9</sup> patrocinium antiqua lege suscepisset, idq̃ue improbitate & auaritia quorundam



rundam scholasticorum labefactatum & penè profligatum offendisset, omni cura & diligentia, summaq; liberalitate duobus millibus ducatorum de suo erogatis, in pristinum statum restituit. Cuius beneficii memores instituto maiorum anniuersario sacro quotannis ei pridie Calendas Ianuarias libentissimè parentamus: vt Bernadinum Caruaial Cardinalem, qui sanctæ Crucis inscribitur, qui huius quoque Collegij patronus in multis sæpè necessitatibus ei laboranti subuenit: & iniuriis laceffitum indentidem vendicauit, omniq; autoritate etiam nunc tueri perseuerat. Vt denique (ne singulos persequar) Aluarum Carrillum Albornotium summæ virtutis virum, & in cuius iuuenili ætate canam prudentiam & senilem constantiam, grauitatemq; merito demereris, Et Xanthum Mirandam canonicum Ralaguritanum artiũ & theologiæ doctorem eruditissimum, qui multos annos Compluti, vbi nos ei præceptori triennium philosophantes operam dedimus, publico salario Dialecticam & Physicam doctrinam, deinde Theologiam docuit, cum magna sua gloria: acerrimus omnium, quos ego vnquam viderim disputator, & qui in sophistarum & physicorũ scholasticis congressibus, quo tempore hæc studia curabat, regnare dicebatur. Sed illā tantam gloriam audio iam ab eodem maioribus suis virtutibus & opinionione Theologicæ sapientiæ superatam. De cuius virtutibus acriq; & flebili ingenio parcius agere illi timor admonet, ne amantissimo præceptori, & cuius in me reciproca beneuolentia multis extat testata documentis, quidquam me indulsisse, inuidia possit interpretari. Qui duo viri cum superiore anno ab vniuersa Hispaniarum Ecclesia ob ipsorũ præstantiam ad pontificem legati Bononia transfirent, Collegium nostrum libentissimè inuiserunt, & alter parentis A E G I D I I monimentum celebre, & suæ familiæ magnum ornamentum cum ingenti gaudio præsens considerauit: alter discipulos amantissimos sui lætabundus agnoscit, & vicissim agnoscitur. Quibus nec ipsi honori debito habendo, nec officio nostro præstando defuimus. Ad summam suscepta illi huius collegij cura Romæ omni studio à Leone. X. P. Maximo, autoritate & nomine Hispaniæ Ecclesiæ contenderunt, impetraueruntq; illud nobis optatissimum simul & æquissimum Priuilegium, vt quisquis ritè ascriptus huic Collegio Hispanorum, & ab Hispano condito iuxta eius statuta doctore, aut magistri dignitate Bononiæ auctus esset, perinde ad Ecclesiastica sacerdotia, & ceteras dignitates in Hispania obtinendas idoneus censeretur, ac si Salmaticensi, aut alio quouis celebri Castellæ Gymnasio doctore, aut magister factus esset. Cæterũ satis sumus diuagati. Venio ad præcipuas collegij constitutiones, quæ merito in huiusmodi narratione suam partem vindicabunt. Primum omnium quatuor sacerdotes, qui præsent rebus diuinis & sacra procurent, instituti sunt ijbini singulis hebdomadis quotidie rem diuinam faciunt. Alter cum primum illucet, alter cum vulgo reditur ab vltimis lectionibus publicis.

*Bernardinus  
Caruaial  
Card. S. Cru-  
cis.*

*Aluarus Ca-  
rillus Albor-  
notius.*

*Xanthus  
Miranda  
Sepulveda  
Compluti præ-  
ceptor.*

*Priuilegiũ  
huius Colle-  
gij.*

*Res diuina i-  
bidem pera-  
gitur.*



*Sodalium  
numerus.*

*habitus.*

*Reſtoris ha-  
bitus ſplen-  
didior.*

publicis. Vt ſodalium qui alteris ſacris minus vacauerit, pro ratione ſtudiorum ſuoq; arbitrato valeat alteris intereſſe. Quæ nemo impunè negligit, præter Rectorem & œconomum, qui ſapè hoc officio fungendo negocijs tum externis, tum familiaribus excluduntur. Veſpertinis autem & nocturnis ſeu matutinis ſacris omnes quatuor ſacerdotes interſunt. Sodales ſuo verò arbitrato aut impunè abſunt, aut non ſine præmio interſunt. Quod ad ſcholasticos pertinet ſodalium, triginta vnus ad ſummum Collegium eſſe placuit. Qui tres omninò Arragones eſſent, vnus Portugalenſis, cæteri omnes Caſtellani. Prorſus, vt præter Hiſpanos, niſi in extrema noſtrorum inopia, qualis hætenus nunquam fuit, cæteris aditus ad collegium ſit interdictus. Quorum item octo, Theologiam quatuor, tres Medicinam, cæteri Ius Pontificium profiteantur. Horum veſtitus cætera doctorum Bononiensium ſimilis eſt. Caputio tamen appellato inſigniuntur, quali Salmaticenſes, qui à noſtris acceperunt, & Complutenſes ſodales vtuntur: niſi quod noſtrum tenui filo Amethiſtinum, illorum craſſiore, & colore natiuo, fulco pallio concolor eſt. Patientia item, quæ dicitur, ſtaminea nunc peculiare noſtrum geſtamen eſt, quondam commune Bononièſium ſcholasticorum erat. Sed ab illis vt ingratum & inutile impedimentum antiquatum, in nobis pertinacius reſedit. Qua nempe moleſtia, vt dicam quod ſentio, citra incommodum & indignitatem carere poteramus, & iam diu caruiſſemus, niſi quorundam moleſtè antiquariorum importunitas obſtiſſet. Rectoris veſtitus non diſcrepat à cæteris, niſi quod ſplendidior eſt, & magnificentior, vt ſericeis ac coccineis veſtibus dignitatem honeſtet, & præ ſe ferat. Nobili ac certè antiquo Chriſtianorum genere ortis duntaxat Collegium patet. Aliter nemo vlla ratione aſciſcitur: aut ſi quis dolo fortassis irreperit, quod diu latere non poteſt, fide & diligentia conquiſitoris, qui, cum reſ poſcit, in Hiſpaniam mittitur, turpiter exigitur, & crimen magnis pœnis vindicatur.

IOANNIS



IOANNIS GENESII SE-  
PVLVEDAE CORDVBENSIS  
DE REGNO ET REGIS  
OFFICIO.

LIBER PRIMVS.

AD PHILIPPVM HISP. REGEM.



Vamquam de regno, & regis officio scribere, & quæstioni pro rei magnitudine satisfacere opus est vt maximum, sic ad præstandum difficillimum, & quod facile possit in varias reprehensiones incurrere, Philippe rex inuidiissimè, & humanissime: tamen nō alienū studijs, officioq; meo fore putavi, si quæ à sūmis viris, qui in hac philosophiæ parte diligenter elaborarunt, conueniētia huic loco tradita, & per multos libros

sparsa sunt ad te mittenda colligerē, & in pauca conferre; quædā etiam adderem, quæ me lōgi tēporis, multarumq; rerū vñs, ac diligens obseruatio docuit; dū patris tui Caroli Maximi Imperatoris, tuasq; & gentis nostræ res hac ætate gestas latinis litteris potissimū mandarē, & superiorē regū, temporūq; memoriā cognoscendi gratia replicarem. Quarū rerū occasionem mihi haud minimā præbuit diuturna Romæ primū ad pōtificiā, deinde in Hispania ad vestrā aulā cōmoratio. Nam vtramq; vt diu colerē, & frequentarē me meorū studiorū ratio, & pontificum, ac eiusdē Imperatoris, tuaq; volūtas induxit, quo in opere hoc mihi maiore curā, & diligentia adhibendam statui, quod ad te tantum regē scribo. Quāquam enim nihil est, vt arbitror, quod pro tua plane regia sapientia cōsequi nequeas; tamē te multū iuuare poterunt præcepta, & monita veterum sapientiū, quæ ipse vñdq; diligētē collecta in hūc librū, quem ad te mitto, conieci. Sed quoniā omnis de regno disputatio cū ceterorū reipub. generū cōmentatione coniuncta est, aliqua nobis erunt tū vniuerse de rep. tum de singulis eius generib. differenda. Qua in quæstione ex Græcis philosophis Arist. maxime sequar, summū virū, & cuius doctrina in ciuili, omniq; morali facultate, aut nihil, aut perparum differt à Christiana philosophia. Nā vtraq; disciplina morū honestatē, atq; iustitiā, ordine naturali cōueniente legi æternæ metitur. Sequemur aut non vt interpretes, vt pridē cū eiusdē philosophi opus de repub. ex Græco in latinum sermonē à nobis conuersum, & scholijs enarratū ad eundē Carolū patrem tuū misimus; sed ex fontib. eius iudicio, & arbitrio nostro, quatenus videbitur haurientes.

*Genesius Caroli V. historicum.*

*Aristotelis lam.*



*Varia impe-  
randi ratio.*

*Herile et ci-  
uile imperiū.*

*Ciuile.*

*Herile.*

*Hominum  
inter ipsos  
imperium.*

*Dominus  
quis & ser-  
uus.*

VT igitur initium paulo altius repetamus, imperandi, parendique ratio, quam natura, cuius moderator summus DEVS est, ad rerum salutem molita est, tam late patet in omni genere; vt nihil vnum, & commune ex pluribus rebus, siue continentibus, siue diuisis constitutū sit, quin in eo sit aliquid quod imperet, quiddam etiam quod imperio iure naturæ pareat, non solum in animantibus, sed etiam in rebus inanimatis. Quoniam vbiq; quod perfectius est, & maioris dignitatis imperium tenet, minus autem perfectum imperio paret lege naturæ, vt etiam in rebus simplicioribus, quæ vocantur elementa, notare licet. Nā in igne, & item aqua formā præesse, materiam esse subiectam lege naturæ, ex eo facile intelligitur, quod cū omnium nascentium, & intereuntium rerum eadē sit, hoc est eiusdem generis materia, tamē in igne materia ad imperium formæ in sublimē fertur, eadē; si aquæ vel terræ formā induat, ipsam sequitur ad inferiora ducentē, & in cæteris eodē modo, quæ ratio in animantibus multo etiā apertius apparet, in hoc vero vtriusque etiam imperij exemplū animaduertere licet. Anima enim in corpus herile imperium, vt domina in seruum exercet, intellectus, siue ratio in appetitum, ciuile. Nam cum multiplex sit imperandi ratio, aliter enim pater imperat filiis, aliter maritus uxori, aliter magistratus ciuib; aut princeps popularib; aliter dominus seruis; cuncti tamē imperandi modi in duo genera cōtrahūtur, ciuile, & herile, quæ Græci πολιτικόν, καὶ δεσποτικόν ἀρχὴν appellant. Ciuile imperium intelligitur, quod in liberos homines ad ipsorū vtilitatem exercetur, herile aut, quod in seruos ad cōmoditatem imperantis. Eadem ratione, eodemque iure inter animantes homini datum est imperium, quippe cum homo probus in genere animantium sit perfectissimus, nam improbus & iustitia vacans omnium pessimus habetur, in luxu, & venere nequissimus: ex hominibus autem quo quisque perfectior est, id est virtute ac prudentia instructior, hoc magis est ad imperandum aptus, contraq; ad seruiendum magis idoneus, quo hebetior & minoris intelligentiæ. Ita fit, vt quidam homines ad imperandū, quidam ad seruiendum nati sint, quorum imperandi, parendiq; munus, idcirco naturale esse declaratur, quia non solum iustē, sed etiam vtriq; parenti, & imperanti vtiliter obitur, vnde ipsis mutuus quidam amor ingeneratur. Est autē natura dominus, qui virib; animi intelligentiaq; præstat, corporis autem robore minus valet, seruus natura, qui corpore validus est ad obeunda munera necessaria, sed hebes intelligentia, & ingenio tardus. Nam ceteri homines his duobus generibus interiecti, qui nec prudentia, ingenioq; præstant, nec rursus valde deficiunt, quæ magna multitudo est, nec natura domini sunt, nec natura serui.

Ceterum vt in vno populo, vnaq; ciuitate, hæc hominum tria genera

notantur.



notantur, sic inter aliquas totas, vniuersasq; nationes discrimen magnū existit, quarum quædam humaniores, & prudentiores habentur, quædam barbaræ, & inhumanæ, quæ scilicet vita, & morib. publicè probatis à ratione, longeq; naturali discedunt. Quarū gentiū ea conditio est, vt barbari humaniorū, & cultiorū imperio parere debeāt iure naturæ: vt melioribus legibus, & institutis ab ijs, pro ipsorum iustitia, & prudentia gubernentur: qui si imperium iustū, & sibi vtile recusent, bello possunt iure naturæ, si facultas adsit, ad parendi officium, & iustitiā cōpelli. Hoc iure Romani gens humanissima, & virtute præstās nationes barbaras in suā ditionē redegerūt, vt noster Augustinus his verbis testatur, *Romanis Deus concessit maximum & illustrissimum imperium ad domandum grauiora mala multarum gentium.* Vt intelligas proauis tuis optimis, & religiosiss. principibus Fernando, & Isabellæ Hispanorum humanitate, ac omni genere virtutis præstantis nationis regibus, vobisq; posteris nouum orbem debellare, non modo per Christianos, sed etiam per naturales leges licuisse. Nā illud proauorum tuorum barbaros in ditionem redigendi consilium, Alexander sextus summus sacerdos, & Christi vicari⁹ non modo probauit, sed & laudib. per rescriptum extulit, vtq; ab instituto nullo nec labore, nec periculo deterrentur, adhortatus est eos, quo scilicet Christi nomen per subditas gētes fidei prædicatione circumquaq; discurreret: vt verbis vtar diui Gregorij, cuius auctoritatem secutus est Alexander, & talia bella iure naturæ suscipi summi philosophi declarant ab humanissima videlicet natione in gentes supra quam credi posset incultas, & barbaras, quæ litterarum nullam prorsus notitiam, nullum nummorum vsum habebant, nudi magna ex parte degebant; etiam fœminæ, idemq; onera iumentorum vice ad quamlibet longa spatia humeris, dorsoq; portabant. Sed hæc agrestis vitæ, belluarumq; similis documēta sunt: illa prodigiosa, & execranda, quod humanas victimas dæmonijs immolabant, humanis carnibus vesciebantur, vxores cū principibus maritis demortuis viuas sepeliebant, & hæc, similiaq; flagitia naturali ratione damnata, quæq; audita respuunt aures humanarum gentium, atque animus exhorrescit, quasi piè facta publica approbatione patrabant, Itaq; huiusmodi prodigiosa flagitia tollendi, & innocentes ab iniurijs prohibendi ratio vel sola poterat vobis ius à Deo, naturaq; ductū tribuere barbaros in ditionem redigendi. Nam vt est in Ecclesiastico *mandauit Deus unicuique de proximo suo. per legē scilicet naturalem.* His accedit multarum vtilissimarum, maximeq; necessariarum rerū facultas, quæ barbaris, cum ante nulla fuisset, magno nostræ gentis, regumq; beneficio contigit. Etenim equos, mulos, boues, asinos, oues, capras, arborum, leguminū, olerum multa genera ne fama quidem ante nostrorum aduentum nouerant, quarum rerum copia iam beneficio nostrorum hominum abundant. Tot igitur bonis contributis, tot por-

*Gentes partim ciuiles, partim barbaræ.*

*Barbari an armis cogendi.*

*de ciuit. Dei lib. 5.*

*Indiam iure debellata.*

*23. q. 4. c. Si non.*

*Indorum barbaries.*

*Eccl. 17.*

*Quæ in Indiam ab Hispanis allata.*



*Ciuitatibus  
necessariū  
est imperi-  
um.  
Ciuitatum  
origo.*

*Ciuitatis fi-  
nis vt recte  
viuatur.  
Ciuium di-  
uisio.*

*Ciuium duæ  
potissimum  
partes.*

*Reipublicæ  
formæ duæ.*

*Nobilitatis  
quatuor ge-  
nera.  
Plebis diui-  
sio.*

*Quis propriè  
ciuis.  
Iudicare qui  
dicti.*

tentis auctoritate vestra, nostræque gentis opera, industria, & virtute sublati, & pro impietate prodigiosa, Christiana religione optimisque legibus inductis; quibus officiis illæ nationes, quibus obsequiis tantum, tam varium, tamque immortale beneficium exaquabitur? Sed vt redeat, vnde digressa est oratio, cum iusta imperandi, & parendi rationibus vbique salutem affert: tum ciuitatibus, earumque partibus est maximè salutaris: rursus iniustum imperium perniciosum, & exitiale. Sūt autem ciuitatis partes primum domus, quæ vt sit perfecta, marito, & vxore, filiis, & cætera familia cōstat, deinde vicus, qui quasi colonia est ex domo deducta. Nam plurimorum vicorum perfecta consociatio ciuitas est: quæ consociatio tunc perfecta esse censetur, cum ipsa sibi sufficit, habetque adiumentorum, quantum satis est ad vsus non modo necessarios, sed etiam liberales. Quamquam enim homo natura gregalis est, & homines, vel ob hoc ipsum, vt simul viuerent, in vnum locum conuenirent: ciuitas tamen non viuendi, sed rectè viuendi gratia constituta est: neque verò solum domibus & vicis, sed etiam alijs partibus, ex hominum generibus ciuitas consistit. Est enim vna pars eorum, qui agros cuiusque generis colunt, multitudo, quos vno vocabulo agricolas appellamus, altera opificum, tertia mercatorum, tabernariorum, institorum, qui vno nomine forēsēs dicuntur, quarta mercenariorum, quinta militarium hominum, sexta iudicum, septima locupletum, octaua eorum, qui publicis muneribus, magistratibusque funguntur. Cæterum hæ partes huiusmodi sunt vt idem possit in multis partibus numerari: fieri enim potest, vt agricola sit aliquis, & idem miles, idem iudex, & magistratus: vt autem pauper sit idem, & idem locuples, fieri nō potest, itaque ciuitas in duas potissimum partes, & eas contrarias diuiditur; in diuites, qui pauci esse solent, & pauperes, qui multi, ex quorum alternis excessibus, & præstantia varia genera rerum publicarum existunt: quæ tamen in duo à quibuidam rediguntur in paucorum potentiā: & statū popularē. Alio modo ciuitas diuiditur in nobilitatē, & plebē: quarum vtriusque multæ partes numerantur: quatuor enim sunt genera nobilitatis. Nam quosdam diuitiæ, alios, generis honestas, alios virtus, & res virtute gestæ, alios egregia doctrina nobilitat. Plebis autem partes sunt agricolæ, opifices, forēses, nautæ, mercenarij, & cætera id genus turba; veruntamen non si quis in parte aliqua ciuitatis numeratur, protinus ciuis est habendus in quaque rep. Nam propriè ciuis in sua quisque ciuitate seu rep. intelligitur, qui iudicandi, aut deliberandi particeps est. Iudicare autē dicuntur, non solū qui cōtrouersias, litesque minuūt, sed etiam quorū suffragio mandantur magistratus. Nā ferendis suffragiis de candidatorum dignitate, & meritis iudicatur. eodemque modo de virtute boni ciuis statuendum est, non eandē esse in omni genere reip. Alia. n. virtute ciuis bonus in rep. populari censetur, alia in statu optimatū, a-



lia in paucorum potentia. Nam bonus ciuis appellatur, qui pro sua virili parte ciuitatis salutis rectè cōsulit, bonus autem non nisi virtute aliqua bonus esse dicitur. Itaq; facultas qualiscunq; ea sit, communi salutis reip. consulendi virtus boni ciuis esse dicitur: sed in rebusp. deprauatis, alieno nomine per veræ virtutis similitudinem, cum re vera sit vitium & immane flagitium, vt virtus, quæ bonum archipiratam facit, nefaria scilicet astutia, & diligens, & execrabilis audacia, quæ in malis, & iniurijs iusti, prudentisq; ducis in bello iusto virtutem, & officiū emulatur, vis enim seu facultas insita ad finē, qualēcumq; propositū perueniendi, virtus solet appellari. Nā in rectis rebusp. præsertim in statu optimatum bonum ciuem eadem virtus facit, quæ bonum virum, prudentia scilicet, iustitia, fortitudo, & temperantia, & cæteræ virtutes, quæ ad hos velut cardines, quibus tota viuendi ratio, & quasi machina vertitur, referuntur: sed cum alia sit recte imperantis ciuis virtus, alia rectè parentis, cæteræ cōmunes videri possunt. Prudentia vero propria virtus est rectè imperantis, quæ eadē facultas ciuilis appellatur. Nā idē habitus prudentia est, & ciuilis facultas, ratio tamen diuersa. Prudentia enim dicitur, vt est habitus verus cum ratione actiuosus in ijs, quæ homini bona, vel mala sunt: facultas vero ciuilis, quatenus idem habitus ad ciuitatē, eiusq; partes moderandum refertur, *Est igitur ciuitas communio rectè viuendi, domib. atq; generib. perfectæ, & copiosæ vitæ gratia constituta.* Cū ergo iusto imperio, rectaq; administratione salus ciuitatis, & gentis cōtineatur, multiplexq; sit administrandi, & imperandi ratio, sequitur, vt de generib. ipsi differamus, vt quæ sit optima gubernandi ciuitates ratio intelligatur. Ciuitas, vt vnius, vel paucorū, vel multorū hominū imperio, summaq; potestate gubernetur, necesse est, ex qua diuersitate varia genera rerum publicarū existunt; rectarū, si ad publicū subiectorū bonū; prauarū, si ad imperantiū vtilitatē, & libidinem omnis administratio referatur. Tria sunt igitur rectarū rerū publicarū genera, regnum, status optimatū, quæ græcè dicitur ἀριστοκρατία & quæ resp. cōmuni vocabulo, eademq; Timocratia nominatur. Regnū est ciuitatis aut gentis administratio, quæ vnius hominis virtute præstatis arbitrio ad subiectorū cōmoditatē gubernatur; status optimatū, vbi res cōmunis paucorū optimorū virorū publicum bonū spectantiū cōsilio cū sūma potestate geritur; resp. vero, siue Timocratia, vbi populus rem communē ad communem vtilitatem administrat. Deprauatæ resp. quæ aberrationes potius rerumpub. sunt, in totidem genera secantur, tyrannidem, paucorum potentia, quæ Græcè est ὀλιγαρχία, & popularē, quæ δειμοκρατία, & omnes hac maxima, & communi differentia à rectis differunt: quod rectarum omnis administratio ad publicā subiectorum commoditatē refertur, deprauatarum ad imperantium commodum, & libidinem spectat. Sunt & alia di-

*Ciuis bonus  
virtute præ-  
ditus.*

*Prudentia  
imperantis  
virtus.*

*Ciuitatis de-  
finitio.*

*Optima gu-  
bernandi for-  
ma.*

*Tres reipu-  
blicæ for-  
mæ.*

*Contrariæ  
his formæ.*



*De regno &  
tyrannide.*

*Regnorum  
duo genera.*

*Rex proprie  
dictus.*

*Discrimē re-  
gis & tyranni.*

*Glorie defi-  
nitio*

*Cic. Tusc.  
quest 3.*

*Finis homi-  
nis vita æ-  
terna.*

scrimina, quibus quæque priuatim à sibi opposita, cuius deprauatio, & aberratio est, discernitur: de quibus post hac summam differemus, & primum de primis, hoc est, de regno, & tyrannide. Nam ut rectarum dignitate regnum, sic deprauatarum tyrannis improbitate principatum tenet, ut optimæ rei. deterrimam oppositam esse necesse est. loquor autem de regno, quod propriè intelligitur. Nam regnorum multa genera numerantur, quæ tamē cūcta in duo rediguntur. Horum alterū est, in quo rex summam habet rerū omniū potestatem, Græcè *παυβασίλεια* dictū; alterum, ubi certis in rebus imperium tenet, quod Laconicū idcirco appellatur, quoniam Lacones id est Lacedæmonij hoc regni genere utebantur; quorū reges in bello imperij summā obtinebant, vitæq; & necis potestatem habebant, & erat regnū hæreditariū. Ceterū in pace legib. erant subiecti, eratq; ab ipsis ad Ephoros prouocatio. Huiusmodi autē reges, quoniam alij alijs maiorem potestatem in suis ciuitatib. & gentib. habent, idcirco eorū multa genera memorantur, sed quia cæteris in rebus sunt oēs legib. subiecti, ideo legitimi reges appellantur, omniaq; huiusmodi regna ad Laconicū referuntur. Sed quoniam Laconicū, & cætera id genus imperia, & ciuiles administrationes, ut magni philosophi tradiderūt, non tā regna sunt, quā alia rei. genera, nā in quaq; rep. perpetua, & hæreditaria exercit<sup>o</sup> præfectura constitui potest, idcirco cū de rege differitur, eum propriè intelligere oportet, qui summā habet, & sine prouocatione rerū omniū potestatem; ut rex Castellæ, rex Francorū, Rex Portugaliæ. Multa sunt igitur, quib. rex à tyranno discernitur, primū quod tota regis administratio ad subiectorū bonū publicū refertur; tyrānica vero ad priuatā ipsius tyranni comoditatem, sed hoc discrimē commune est: ut diximus, quo rectæ resp. à deprauatis differunt. Deinde quod rex, qui quidē iure nominetur, est vir optimus, & prudentissimus, ad summā omniū virtutū genere præstās, tyrānus pessimus, & versutus. Nā ut plurimis prodesse optimū est, & diuinū beneficiū, sic iniuria plurimos afficere, impiū, & sceleratū. Tū quod rex honestatem sequitur, & pro virtutis proximo præmio gloriā sibi proponit, nō vanā, & inanē, sed verā, & solidā. Hæc autē est, ut à viris prudentib. definitur, *consentiens laus bonorum, incorrupta vox bene iudicantium de eccellente virtute*: qua gloria qui ducitur, is virtutē, vnde ipsa efflorescit, maxime colit, rectaq; via graditur ad felicitatem æternā; quæ finis vltimus est, quo gloria, & virtus à bonis & Christianis hominibus est referenda: tyrānus vero voluptate ducitur, & pecunia, qua res voluptatis efficiētes cōparantur, & præsidium necessariū alitur. Præterea rex suorū populariū præsidio custoditur, tyrānus exter-  
norum, propterea quod rex volentibus imperat, tyrānus inuitis; quæ est alia, & maxima differentia. Rex igitur fidū suorū præsidium habet, tū ad infidias, & iniurias repellendas, tū ad ciues improbos, & potentiores in officio continendos. Tyrannus se contra iustum odium suorum popularium,



pularium, ciuiumque munit. Adhæc rex amicis, & ijs, quibus familiariter utitur, maximè fidit, seq; rectissime cōmittit: tyrāna ab his maximū periculum impendet. Nam cū omnes tyrānum de medio sublatū velint, amici, & familiares maximā habent tollēdi facultatem. Item in regno egregia virtute, aut facultate præstantib. viris honores, magistratus, ac dignitates præmia sunt proposita, quibus homines ad bonarum artium cultum excitantur: tyranno quo quisq; melior est, prudentior, bonis artib. & maiore ad res gerendas facultate instructior, quo maiore ingenio, & industria, hoc magis suspectus est, & formidolosus. Rex nobilium, & opulencorum consuetudine gaudet: tyrannus hos maxime odit, quasi æmulos artis, ut *figulus figulum. faber fabrum*, ut est in proverbio. Itaque commentum tyrannicum est, hos in primis tum latenter, tum palam necare, vel in exiliū mittere, constat enim ab his potissimū tyrannidis licentiam impediri: rex ut suorum saluti, & commoditatibus consulit, sic eis carus est, & tutus, securusque degit, & præter hostem neminē veretur: tyrānus sollicitudine, & angoribus excedentibus animum, cum omnia timeat, omnia cauet. Itaque ciuium colloquia, & congressus fieri, ne qua detur occasio in ipsum cōspirandi vetat; & ciuiū inter se concordia suam esse pestē ratus, discordia inter eos ferere non desistit. Doctrinarū studio, & doctis hominib. idcirco infēsus est, quoniam harū præsertim philosophiæ sciētia animos extollit, odiū seruitutis, libertatis amorē, cōtemptūq; mortis maximè, quæ miseriarū finē afferat, ingenerat, magno Dionis Syracusani, Brutiq; Romani documēto: quorū ille Platonis auditor Dionysium, à quo fuerat ob timorem in exiliū missus, inducta Græcorū adolescentiū manu vrbe cedere cogit; hic diu in Platonis scriptis versatus conspirandi, ac Cæsaris opprimendi princeps, & auctor fuit. A qua suspicione Cæsar ipse nō abhorrebat, qui ab amicis, ut à Marco Antonio, & Dolabella caueret admonitus, *non metuo*, inquit, *hos obesos, & cincinnatos, sed illos pallidos, & macilentos* Brutum scilicet ostēdens, & Cassiū. Ad summā rex patrem familias imitatur. Nam ut hic domus, domesticorūq; sic rex ciuitatis, ac ciuium cōmodis, & dignitati consulit. Tyrannus autē publicus hostis est, & bellū cū ciuib. cō-

*An Philosophia mortem timere doceat.*

*Tyrannus quare ciues extenuet.*



*Tyrannicida  
apud Græcos  
laudati.*

*Reges hære-  
ditarij.*

*Cur Deus per  
reges punit  
populos.*

*Genes. 32.*

*1. Pet. 2.  
Quousque  
Tyrannus to-  
lerandus.*

*Regis nomen  
Rom. olim  
inuisum.  
Hispani re-  
ges amant.*

tem habeāt, quo pertinent delatorum calūniæ, locupletū spoliationes & frequentes tributorū exactiōes. Atq; his quidē rebus tyrannus à rege differt: his artibus contrarijsq; rationib. alter regnū fidum, & stabile conseruat, & subiectos mortales sibi mutua caritate deuinctos diuinis, naturalibusq; legib. cōuenienter cū sua magna laude, & gloria felicissi-  
me moderatur. Alter tyrānidē per summū dedecus, & flagitiū calamito-  
sē tueri nititur, animum subinde scelerū cōscientia, & timore velut  
furijs exagitāte, nec id quidē temere. Nā tales tyrānos nulla data fides,  
nullum iusiurandū tuetur: quin eos de medio tollēdi, opprimendiq;  
auctores in magna gloria sint, & tanquā publici hostis, ac tacitis totius  
ciuitatis, singulorūq; ciuiū sententijs, publica; auctoritate dānati oc-  
cifores, & cōmunis salutis, ac libertatis assertores sūmis laudib. efferā-  
tur. Itaq; Athenienses statuas etiā Harmodio, & Aristogitoni tyrānici-  
dis publicē posuerūt. Alia ratio est eorū. qui regnū iustū à patrib. tradi-  
tum auare, & crudeliter administrant. Interdū nāq; in regnis hæredita-  
rijs reges existūt natura superbi, & insolētes, imperiosi, & ad tyrānidē  
proclines, qui cæcitare quadā, & ignoratione victi, quæ origo est omniū  
malorū, herile imperiū ciuili, regioq; preferunt, seq; pro regib. tyrānos  
gerere gaudent: quorū importunitas patiēter est, christianis tolerāda,  
exspectandaq; emendatio, & pie, recteq; factis ira diuina placanda. Sæ-  
pe enim Deus populorū peccata per reges iniustos vindicauit, ignaros  
scilicet volūtatis diuinæ. Nam si sciētes se vindices præberēt diuinæ iu-  
stitiæ, iusto pioq; ministerio fūgerētur, nec ea crudelitas esset, & auari-  
tia: sed iuste, pieq; factū, quale illud Moysi, de quo est in historia sacra, v-  
bi strages viginti triū milliū populariū per Leuitas propinquos, & ami-  
cos, Moīse auctore, edita memoratur. Reges igitur, qui se tyrānicē gerūt,  
ac idcirco tyrāni nominātur, patienter ferendi sunt, tanquā domini dy-  
scoli, vt est in epistola Petri, in quos nihil esse conādū, præterquā aucto-  
ritate publica, ac ne sic quidem, nisi cum est eorum importunitas intole-  
rabilis; grauiissimi auctores, & in his Thomas prodiderunt, vt sententia  
illa de tyrāno impune necādo in quā partē à Concilio Constatīensi ses-  
sione. 15. accepta, damnataq; sit intelligatur. Nam tyrannus propriē di-  
ctus, de quo primo loco memorauimus, qui libertate ciuitatis, aut gen-  
tis oppressa, vi aut dolo tyrānidē inuasit & inuitis heriliter imperat, vt  
est, sic loco publici hostis philosophorū cōsensu, & more gentiū habe-  
tur. Ergo malorū regū culpa factum est, vt regis nomen odiosum, atq;  
suspectum esset nonnullis nationibus, maxime Romanis, qui post Tar-  
quinium superbum, exactosq; reges pro tyrāno regem, & regnare dice-  
bant, si quis tyrannidem exerceret. Hispanis contra regis nomē semper  
magnum fuit, ac venerabile. Vtriusque exemplum eodem loco intueri  
licet in historia Romana vbi P. Scipio magnis rebus in Hispania gestis  
multisq; maximi, & optimi viri documētis editis, recepta noua Cartha-  
gine memoratur maximis beneficijs Hispanos cum affecisset, & à circū-  
fusis



fusis Hispanis virtutum eius magnitudinem in omni genere demiranti  
 bus ingenti consensu rex appellari cœpisset, ille silentio per præconē  
 factō sibi maximū nomē imperatoris esse dixisse, quo se milites sui ap-  
 pellassent, regium nomen alibi magnū, Romæ intolerabile esse, regalē  
 animum in se esse, si id hominis ingenio amplissimū ducerēt, taciti iu-  
 dicarēt, vocis vsurpatione abstinerent. Eandem rationem secuta esse vi-  
 detur scriptura sacra in iure regio commemorando, cum ait: *Agros quo-  
 que vestros, & vineas, & oliuetas tollit, & dabit seruis suis, sed & segetes vestras, &  
 vinearum redditus addecimabit. ut det eunuchis, & famulis suis, seruos etiam vestros,  
 & ancillas, & iuvenes optimos, & asinos auferet, & ponet in opere suo; greges quoque vestros  
 addecimabit, vosque eritis ei serui.* Hæc igitur nō quasi probi regis officia pro-  
 ponit historia sacra, sed vt improbi & tyrannici peccata. Itaque licen-  
 tiam, quam mali Reges sibi sumunt, ius regis appellauit, vt ius tyrānicū  
 dicitur & ius paucor. potētia, quod ad cōseruadas huiusmodi rerū pub.  
 corruptiones cōducit. Ceterū vt rex per abusū nōnūquā dicitur, qui re-  
 vera tyrānus est; sic Græcorū veteres scriptores probos etiā reges tyrā-  
 nos sæpe nominabāt, quod Isocratē oratorē plerūq; factitasse cernim⁹.  
 Nos aut Arist. philosophor. facile principis morem sequimur, qui pro-  
 priè his nominib. vititur, & regem a tyrāno, quib. notis diximus discer-  
 nit. Nōnunquā igitur Reges existūt, qui se pro tyrānis gerere malūt, & si-  
 mile faciūt vt si quis cū liceat in otio, & pace cū gloria, & laude lātā, &  
 securā vitā feliciter agere, bellū quærat periculōsū, & infame; aut si quis  
 cū in portu tutissimō, & cōmodissimō nauigare vel se cōtinere possit,  
 spōte se in fœdā tēpestatē coniiciat, quod furoris est, & extremę demē-  
 tiæ. Nā Reges tyrānici, vt vitā turpē sollicitā, deoq; & hominib. odiōsā  
 degunt; sic exitus sæpe simillimos tyrannicis sortiuntur. vt ex Romanis  
 Tarquinius superbus, & Nero; ex nostris Petrus, qui & ipse superbi co-  
 gnomen ex factis inuenit. Quorū Tarquinius magno ciuitatis consensu  
 autore Bruto vrbe pulsus est. Nero vt turpissimam mortem, qua fuerat  
 è senatu damnatus effugeret, in suburbana villa, quo latitādi gratia con-  
 fugerat, sibi mortem miserrimā consciuit. Petrus cum multæ ciuitates  
 Hispaniæ ab eo defecissent, inops ab amicis, ab Henrico fratre, qui in re-  
 gnum successit, occisus est. Quanto prudēt⁹ tyranni quidā sibi consulu-  
 erūt, qui vt incōmoda, & pericula, in quæ isti sese spōte coniiciūt, evita-  
 rēt, tyrānidē vltro deposuerūt, vt Sylla Roman⁹, qui se spōte dictatura  
 perpetua, quo nomine tyrānidē prætixerat, abdicauit, & Pittac⁹ Mityle-  
 ne⁹, quē tyrānū fuisse quid (vt refert Aristoteles) prodiderūt. Nam prin-  
 cipatū deposuisse, inter oēs, cōstat, de cuius consilij causā idem rogatus  
 illud Hesiodi respondit, quia *dimidium plus est, quam totum*. Alij vero cum  
 tyrannidem omnino deponere vel nōllent, vel ne priuati ab inimicis  
 opprimerentur, nō auderēt; commodiorem imperandi, humaniorem  
 que rationem, quam quæ supra explicata est inierunt, vt & ipsi tutio-  
 res, se-

1 Reg. 8.

Regis & Ty-  
rāni nomine  
olim abute-  
bantur.Infelix Ty-  
rannorū exit-  
us.Qui se vltro  
Tyrannide  
abdicarunt.

1. ἑπὶ τὸν

Tyranni quī  
dā facti sunt  
humaniores.



*Pietatis stu-  
dium Re-  
gibus necessa-  
rium.*

*Mulieres se-  
pe belli caus-  
sa fuerunt.*

*Quale regnū  
di Principiū  
Augusti.*

*Differentia  
aristocratiae  
& oligar-  
chiae.*

res, securioresque degerent, & imperiū redderent diuturnius, hæc autē fuit, ut iustos reges, quatenus fieri posset, imitarentur. Nam ut regno, Regi; periculosa, sæpeque perniciofa est tyrannica imperandi ratio; sic tyranno, tyrannidi; regis administrationis imitatio salutaris, cogendi tamē facultate, si ciuitas imperium detrectet, retenta: hac enim sublata, tyrānis stare non potest. Ut igitur reges pie Deum venerari, sacris interesse, religionis primā curā habere, & debent, & solēt: sic huiusmodi tyrāni religionis studiū, Dei; cultū simulare solent, ut boni viri, & religiosi esse videantur; tales deniq; a quib. nihil metuendū, & quib. laborantib. Deus affuturus esse videatur. Nā ut Deum recte veneretur, vereq; religionē colat, qui contra leges diuinas, & naturales liberos homines seruire cogit, & in eo persistit, ut inuitis imperet, quod est tyrannidis propriū, fieri non potest. Item ut reges patresfamilias, qui omnia ad suæ familiæ cōmoditatem referunt, imitantur; sic huius generis tyrāni re cōmuni administranda, & tributis exigendis ita se gerunt, ut cuncta ad cōmoditatē ciuitatis, & externorū iniurias, vimq; hostilē, si forte ingruat, repellendū referre videātur, viros probos honorāt, donantq; virtutis causa, ab iniurijs subiectorū & ipsi abstinēt, & suos abstinere cōpellūt: mulieres etiā, ne sint in alias cōtumeliosæ coercent, constat enim magnis auctorib. muliebres cōtumelias causā, & originē fuisse, multas tyrānides euertēdi. In his autē rebus, & cæteris omnib. quæ regiā administrationē imitantur, huiusmodi viā tuendæ tyrānidis ingressi bonā mentē aut præstare debent, aut simulare. Sed præstare multo satius est, & ad tuendū principatū accōmodatius, sit enim lōge, & meli⁹ & cōstantius, ac fieri potest, ut sic regnū ex tyrannide fiat, mutata scilicet voluntate ciuiū, ut iam volentes imperio pareant, qui prius inuiti parebāt, quod Romanis accidit Augusti Cæsaris principatu, qui cum Iulij Cæsaris tyrannidem excepisset, & triūuiratus dynastieq; socios summouisset, ita se gessit sublati æmulis ut libēte populo Romano monarchiam obtineret, quod genus imperij in societate ciuilem si in inuitos seruiliter exerceatur, tyrannis: sin autem ciuilitate in volentes, ut est, sic regnum appellatur.

Diximus de regni, & tyrānidis differentia, sequitur, ut de statu optimatū, & paucorū potentia Græce ἀριστοκρατία & ολιγαρχία dictis eodem modo differamus, quamquā horū reip. generū eadem pæne differentia est, quæ regni, atq; tyrannidis. Est enim status optimatū, ut supra memorauimus, resp. in qua pauci viri optimi ad publicā ciuitatis vtilitatē re cōmunē administrant, ad quod genus ceteræ resp. referūtur, in quib. virtus etiā cū alijs facultatibus ad honores, & magistratus suffragatur, ut Carthaginiensū vetus resp. in qua diuitiarū, ac virtutis, & populi ratio ducebatur, & Lacedæmoniorū, in qua ratio popularis cū virtute mīsciebatur, nam hæc status optimatū genera dicuntur. Paucorū vero potētia est,



tia est, in qua pauci diuites imperium ad suā commoditatē referētes dominantur. Post commune igitur rectæ prauæq; reipub. discrimen, quod in altera communis populi, in altera priuata suaq; commoditas imperantibus est proposita, proxima differentia est, quod in statu optimatū viri optimi, & prudentissimi imperium tenent, in paucorum potentia homines improbi, & astuti, utrobique scilicet pauci, utriusque exemplum petere licet ē Romana rep. Nam regibus exactis, cum consulum, & senatus delectorum scilicet, & virtute præstantium virorum consilio, & auctoritate res communis gerebatur, nondum plebi per tribunos imperio communicato, Romana resp. status erat optimatum. Tunc verò paucorum potentia cum Cæsaris, & Pompeij, Crassique & post eos Augusti, Lepidi, & Antonij libido dominabatur. Nam vterque triumviratus mera dynastia, hoc est extremum, & pessimum paucorum potentia genus fuit. Ad summam optimatibus id est propositum; quod regibus ut tum ciuitati vniuersæ, tum singulorum ciuium saluti, dignitati, & commodis cunctis rationibus prospiciant. Atque eadem pæne officia ab his, quæ à regibus exspectantur, de quibus suo loco accuratius differemus. Paucorum potentiam communis constituendi ratio est, ut magistratus, ex magnis censibus non habita virtutis ratione mandentur, sic enim lege pauperes à rep. gerendisque magistratibus excludentur; qui census, quo maiores sunt, hoc imperantium numerum minorem faciunt, & varia paucorum potentia genera constituunt. quorum eo quodque peius est, minusque legibus temperatur, quo magis accedit ad monarchiam. Itaque illud pessimum est, & proximum tyrannidi, & dynastia seu dominatus dicitur, quod à perpaucis magnas opes, magnasque clientelas habentibus geritur, qui iam non legibus, sed suo arbitratu, & libidine ciuitatem dilacerant potius, quam moderantur. Paucorum autem potentia resp. popularis opposita est, sed ut extremum extremo, quemadmodum prodigalitas auaritiæ, audacia timiditati. Nam ut virtuti, & medio reip. timocratiaue, cōtraria est, eiusque digressio siue aberratio, & tanquam peccatum. Popularis ergo resp. contrarijs ac paucorum potentia rationibus constituitur & conseruatur. Est enim resp. popularis, in qua pauperes, qui multi numero sunt, imperium tenent, quæ quominus legibus vtitur, hoc deterior est, & illa pessima, quæ non legibus, sed arbitrio multitudinis, decretisque de singulis scilicet negotijs administratur, estque similis dynastia, & ipsa quoque tyrannidem æmulatur. Timocratia verò temperatio quædam est, & mixtura paucorum potentia, & reip. popularis, ac ut virtus duobus extremis vitijs interiecta, in qua imperium diuitibus, iuxta, & pauperibus communicatur. Est autem triplex temperandi ratio, prima, ut utriusque reip. instituta sumantur. Exempli gratia, ut iudicibus egenis merces proponatur iudicia obeuntibus, quod est reip. popularis, diuitibus, nisi obe-

*Oliarchie  
resp. popula-  
ris opposita  
est.*

*Resp. popula-  
ris quæ.*

*Timocratia  
quæ.*



ant, sit poena constituta, quod paucorum potentia. Altera, ut mediū ex vtriusq; institutis accipiatur, exēpli gratia, ut ius in cōcione, vel senatu deliberādi, nec ex tenui, nulloue censu more reip. popularis, nec ex magno, ut in paucorū potentia; sed ex mediocribus facultatibus tribuatur tertia ut aliquid ex utroq; sumatur, ut in mandandis magistratibus paucorum potentia est, ut suffragio & ex censu mandentur: popolare, ut fortibus, nec habita diuitiarum ratione, ex vtraq; fumetur, si magistrat<sup>9</sup> alij suffragio, & ex censu, in quibus scilicet maior rerū scientia, & ob morum probitatem dignitas obseruetur; alij fortib. nulla census habita ratione deferantur. Ac genera quidem, & discrimina rerum pulicarum explicuimus. Sequitur ut pauca de legibus memoremus.

*Legum vtilitas.*

*Leges duplices.*

*Ius gentium.*

*Contra Faustum 22. cap. 27.*

*In optimis legibus ciui-  
tatis felicitas*

*1. Cor. 10. Virtus duplex*

Legum ea vis est, ut harū auctoritate, & imperio de ciuitate sublato, resp. nulla sit, sed inane nomen, & reipub. peccatum: sunt autē leges duplices, alterae proprię, quę ciuiles quoq; idcirco nominantur, quia ciuitates suis quaq; legibus gubernantur; alterae cōmunes, quę quoniā iure naturali innitūtur, & sunt hominib. naturaliter insitę, idcirco naturale quoq; ius vocantur: quippe quas non legūlatoris volūtas, vel opinio instituit, sed Deus, & natura cordibus hominum impressit. Itaq; his legib. hoc iure gentes oēs paulō modo humaniores vtūtur, & idcirco ius quoque gentiū nominantur, eoq; iure decalogi pręcepta continētur: ad quę velut capita, & principia referuntur leges omnes naturales, quę ob eā causam in numero diuinarum habentur, quoniam ab æterna lege per rationem humanā, lumēq; diuinū cordib. nostris impressum deriuātur. Est enim lex æterna, ut definit Augustin<sup>9</sup> voluntas Dei, quę ordinē naturalē conseruari iubet, perturbari vetat. Cum igitur duo genera sint iustarum legū, vtriusq; bonam remp. sic esse munitā oportet, ut nulla naturalis excludatur, esset enim barbarum, & humanę naturę, quę ratione potissimū cēsetur alienū: ut quę ciuiles sint bono publico ad rectę rationis normā pro ingenio scilicet hominū, & natura regionis accommodatę. Ad summam hoc propositū esse debet legumlatori, ut cum ciues singulos, tum ciuitatem vniuersam per optimas leges ad felicitatem perducatur, eadē est enim ciuitatis felicitas, quę singulorum. Loquor autem de felicitate ut in hanc mortalem vitam cadere potest, quę in vsu virtutis non impedita posita, aditus est ad illam æternam, quę iustis animis aspiciendo, & contemplando Deo contingit, qui vltimus finis est, quo vita omnis christianorum spectare debet. Sine manducatis, inquit Paulus siue bibitis, vel aliud quid facitis, omnia in gloriam Dei facite. Sed cum duplex sit virtus, altera, quę ad mores, altera, quę ad mentis cognitionem pertinet; vtriusq; ratio legumlatori habenda est, & vtriusq; impedimenta per leges, quatenus fieri possit, summouenda, cuncta, quę ad rerum, locorumq; salubritatem, & ciuium vtilitatem pertinere videbuntur prouidendo. Nā virtutis vsus sæpe corporis imbecillitate, vel inopia externorum bonorū,



in vtraque vita impeditur, præsertim in ea, quæ in actione consistit, quæ  
 quanquam inferior dignitate est, tamen fructuosior, tum ciuitati, tum  
 singulis habetur, quæ contemplantiû vita, auctore Gregorio, qui in li-  
 bro sexto moraliû ex duabus sororibus Liæ maiori natu Lippæ quidem,  
 sed fæcundæ vitæ actiuam, Racheli vero pulchræ, sed sterili cõtẽplantiû  
 similẽ esse tradit. Vt igitur pax bello, otium negotio præstat. Nam bel-  
 lû, & negotia gerimus, vt in pace, & otio viuamus; sic contemplantiû vi-  
 ta, quæ res gerentiû potior est, & pluris faciẽda. Ceterum qui bella iu-  
 sta pro patriæ salute, & libertate, aut etiã pro religione strenuè gerunt,  
 periculis, multisq; miserijs subeundis plus laudis, & gratiæ à suo prin-  
 cipe ferunt, quæ qui pace, otioq; etiam honesto fruuntur. Vtrû vero ea-  
 dẽ ratione, qui in reb. agendis, & virtutib. morû versantur, quæ qui con-  
 tẽplationi vacât, & intelligentiæ virtutib. seruiunt, plus mereatur apud  
 Deum, viderint doctiores, ego rē in medio relinquo. Cõtẽplantes e-  
 nim in otio, & vmbra frui magis virtutis præmio videntur, quod maius  
 est, & optabilius, quæ præmiû mereri. Nā quod Gregorius idem magna  
 esset dicit vitæ actiuæ merita, sed cõtẽplatiuæ potiora, & merito ma-  
 iorẽ esse contemplatiuā; in eā sententiã dictû esse videri potest, vt meri-  
 to, id est dignitate contẽplatio potior esse intelligatur, nō aut quod pl<sup>9</sup>  
 præmij mereatur. Quanquā enim caritas principẽ locum tenet in ratio-  
 ne merẽdi vitæ æternæ, proximus tamẽ tribuitur volūtatis conatui, qui  
 maior in reb. arduis, vnde labores, pericula, variæq; difficultates deter-  
 rent, quæ in otio contẽplationis, quæ ipsa per se, suaq; honestate & pul-  
 chritudine animos hominû allicit ad se magna cū iucunditate fruendû  
 Caritas autẽ in Deum, cur minor esse dicatur in eo, qui propter Deû ma-  
 gnos labores, & ærûnas, certaq; pericula, in aliorû vtilitatem perfert,  
 subitq; quam in eo, qui in sola Dei veritatilq; contemplatione adquie-  
 scit. Nam quod aiunt Deum diligere maius esse, quam proximum, ve-  
 rum est, si fiat separatim: sed si quis proximum diligit propter Deum,  
 is vtrumque diligit, sed multo magis Deum ex trito illo philosopho-  
 rum præcepto *propter quod existit quodq; id magis existit*, itaq; duplici carita-  
 te censetur. Cui sententiæ Apostolorum quoque vita videtur suffragari,  
 qui Christi magistri vestigia sequentes, euangelicæ prædicationis  
 laboribus & periculis vsque ad mortem ob eandem rem oppetitam  
 perseuerarunt, & his meritis ad æternæ beatitudinis præmium perue-  
 nerunt. De quo Paulus *bonum*, inquit, *certamen certavi, cursum consumma-  
 ui, fidem seruaui, in reliquo reposita mihi est corona iustitiæ, quam reddet mihi dominus  
 in illa die*. Cuius Apostolorû vitæ labores & pericula vno certaminis vo-  
 cabulo complexus est. Et alio in loco, *si in hac vita inquit tantû sperantes su-  
 mus in Christo, miserabiliores sumus omnibus hominibus*. Nam munus prædican-  
 di Euangelium ad vitam actiuam pertinere Gregorius, hanc Liæ simi-  
 lem esse ipse declarat his verbis. *Liæ* (inquit) *lippa est; & fæcunda, quia ni-*

*De vita a-  
ctiua & con-  
templatiua  
v. eius epist.*

80.  
cap 18.

*Caritas Dei.*

2. Tim. 4.

1. Cor. 15.

6. moral. ca.

18.



mirum mens, cum contemplando otia appetit, plus videt, sed minus Deo filios generat, cū  
 verò ad laborem prædicationis se dirigit, minus videt sed amplius parit. Videndum  
 est igitur num vita cōtēplatiua non tām meritis cōmendari videatur, quā  
 dignitate. Est. n. imitatio quædā vitæ diuinæ, certè in beatiudinibus euā-  
 gelicis auctore Thoma; quæ vt merita memoratur, ad actiuā vitā, quæ,  
 vt præmia ad cōtēplatiuā pertinet, & sunt vel ipsa beatitudo æterna, vel  
 aliqua eius inchoatio. Quo intelligitur vitā contemplatiuā ijs tantum  
 conuenire, qui prius vitia per virtutum moralium actiones extirpaue-  
 rint. Prius (inquit Gregorius) ab appetitu gloriæ temporalis, atque ab omni carna-  
 lis concupiscentiæ delectatione detergenda mens est, & tunc ad arcem contemplationis  
 erigenda. Contemplatio igitur potior est, & maioris dignitatis, actio ma-  
 gis necessaria, ac proinde sæpè, & multis magis expetenda, & capeffen-  
 da: vt vitiosis, & incōtinentibus quos prius oportet, per labores, & mo-  
 lestias virtutibus moralibus colendis prauos habitus, moresque dele-  
 re, ac exuere, vicissimque contrarios induere, quam contemplationi,  
 quæ plurimum malis moribus impeditur, & tanquam inquinatur, se-  
 dedant. Cæterum fieri vix potest, & rarissimum est, vt quisquam etiam  
 vir optimus, & virtutib. moralib. percultus sic se intra fines cōtēplatiuæ  
 vitæ contineat vt non sæpe ad actiuæ munera necessitate, & officio re-  
 uocetur. Nam in periculo patriæ, exempli gratia, & difficili aliquo suo,  
 vel propinquorum, amicorumue tempore officiosum, aut etiam neces-  
 sarium laborem, & salutarem actionem otiosæ contemplationi non  
 antepondere, contra officium esset. Non enim vt res quæque melior est,  
 & præstantior; sic semper, & omnibus magis eligenda, vt exemplo phi-  
 losophiæ Aristoteles docet. Philosophari, inquit, res melior est, & præstantior,  
 quam pecuniam quærere: non tamen magis eligenda, siue expetenda rebus necessariis in-  
 digenti, præstantius est enim, quod rebus necessariis suppetentibus ex pulchris, & hone-  
 stis rebus quæritur; fortasse tamen necessarium fere semper est eligendum. Quæ philo-  
 sophi verba declarant, tunc contemplantium vitæ excellentioribus  
 muneribus vacandum esse, cum actiuæ necessarijs officijs satisfeceris.  
 Sed in vtraque vita, qui virtutem sublati impedimentis colunt, felices  
 sunt; feliciores tamen, qui contemplationi vacant. Hoc igitur maxime  
 legumlatori prouidendum est, & considerandum, qua ratione, quibus  
 studijs, & exercitationibus homines ad virtutum cultum, non modo  
 moralium, sed etiam intellectualium per leges inducantur, & vtrique  
 animæ parti consulendum. Est enim duplex facultas animæ, altera ra-  
 tionis compos, altera per se quidem rationis expers, sed quæ valeat ra-  
 tionis obtemperare; ad quam excolendam, & moderandam, vt rationi  
 libenter parere assuescat, virtutes morales pertinet. Quarum omnium  
 eadem animæ pars rationis expers, vt lib. primo magnorum moraliū  
 habetur, subiectum est, vt philosophi loquuntur, & quasi sedes. Ratio  
 vero, quæ intellectus quoque, & mens dicitur, quam virtutes intelle-  
 ctuales

12. q. 69.  
 art. 5.

Philosophia  
 an actiue vi-  
 tue præstet.

Top. 3.

Animæ du-  
 plex facul-  
 tas.



etiales informant, duplex est, contemplatiua, & actiua; quarum illa in *Ratio duplex.*  
 veri consideratione, hæc in rebus agendis versatur, & prudentia virtu-  
 tum moralium magistra, & moderatrice maximè cēsetur. Quamquam  
 enim virtutes morales eius partis habitus sunt, quæ ratione vacat, qua-  
 que irasci solemus, & concupiscere; tamen earum actiones, sine ratione  
 moderante non obeunt, ut equus sit licet domitus, & assuefactus, equi-  
 tis tamen arte impellendus, ac vicissim cohibendus est, & in gyrum du-  
 cendus.

Cum autem omnis humana vita in negotium, & otium, bellum, &  
 pacem diuidatur, & rerum agendarum quedam necessaria, & vtilis sint,  
 quedam honesta; bellum pacis, negotium otij: necessaria vero, & vti-  
 lia honestorum causa suscipi debent. Ad hæc igitur omnia spectanti vi-  
 ro civili, legisq; latori ferendæ leges sunt, tum per animæ partes, tum  
 per ipsarum actiones, sed ad meliora, & fines magis spectare debet, co-  
 demq; modo vitæ, ac rerum partitiones considerare. Nam negotia, bel- *Pax bello*  
 laq; gerendi magna, maior tamen pace atq; otio fruendi facultas ciui- *ante ferenda.*  
 tati adesse debet: item necessaria, commodaq; gerendi, maior tamen,  
 quæ honesta sunt, obeundi, & ad hos fines puerorum educatio, & cæte-  
 rarum ætatum, quæ disciplina indigent, institutio per leges dirigenda  
 est. Cuius educationis, ac disciplinæ summa est ut ciues à pueris bonis, *De liberorū*  
 honestisque rebus assuescant, & contrarias deuitent: consuetudo enim *educatione.*  
 habitum ingenerat; habitus verò facit, ut cum voluptate operemur: *Consuetudi-*  
 quæ autem delectant, hæc ferè homines sequuntur probi perinde, atq; *nis vis.*  
 improbi, sed interest, quod alteri rebus honestis, alteri turpibus oble-  
 ctantur. Leges igitur ferendæ sunt, quæ bonarum rerum consuetudine,  
 virtutis amorem, ac vicissim odium turpitudinis ingenerent, Lycurgi- *Leges quales*  
 que vitandus error, viri alioquin optimi, & prudentissimi, qui Lace- *ferendæ.*  
 monios, quibus leges scripsit, ad negotia, bellaque gerenda optimis le- *Lycurgi er-*  
 gibus instituit, sed pacis vique adeo negligenter rationem duxit, ut hi, *ror.*  
 cum cæteros Græcos bellicis virtutibus anteirent, tamen potiti rerum  
 quia pacis artibus, bonisque vti nesciebant, imperium amitterent. Sunt  
 autem virtutes propriæ belli fortitudo, & tolerantia, pacis philoso- *Belli pacis*  
 phia, & veritatis contemplatio. Communes verò vtriusque temporis *virtutes.*  
 iustitia & temperantia, sed otiosis, & in pace degentibus magis neces-  
 sariæ. Nam in bello necessitas ipsa iustos esse cogit, & temperantes, in  
 otio vero, & pace, secundaque fortuna licentia desides, & contumelio-  
 sos facit, & voluptatibus multifariam seruiens; nisi iustitiæ, & tempe-  
 rantia præsidio his malis occurratur, & philosophiæ, ac doctrinarum  
 studium occupatos animos habeat, qui honestissima, eademque iucun-  
 dissima rerum optimarum contemplatione fruentes, nullam præterea  
 voluptatem ex ijs; quarum vel ipsarum, vel rerum, vnde comparantur,  
 cupiditate homines ad facinus impelluntur, requirunt. Cæterum hæc



*Diuitibus esse philosophandum.*

*Fortuna inopum & diuitem.*

*Virtuti praemia proponenda.*

*Rerum singularium non sunt leges.*

*Ex equo & bono multa iudicanda.*

*Lex ferrea normam emulatur.*

*Arist. 4. Polit. c. 4.*

praecepta in eos maximè conueniunt, qui rebus necessarijs suppetentibus arbitrato suo viuere possunt, & suam, filiorumq; vità, vt libet, instituere. Pauperes, n. rerum necessariarum inopia, quasi bellū operi addictos in officio continet, ab iniurijsq; & voluptatib. refrēnat, eadēq; tenuitas filijs, quasi seruis vti cogit, nec latis otij, & facultatis relinquit ad munera quarundā virtutū obeūda. Cæterū in neutra fortuna occasiones desunt rectè viuendi: nā inopes egestas à voluptatib. cohibet, diuites copia rerū ad ceteros multifariā iuuandos, benignitatemq; inducit vicissimq; sapē vtrosq; cupiditas exagitat, & ad peccatū, & iniuriā impellit. Pauperes dum pecuniā cupiunt, vt egestati medeātur, diuites propter licentiā, voluptates quēunt nō necessarias, quē cupiditas, ceteriq; animorum morbi per leges ad virtutum omnium cultū inducentes, & à reb. contrarijs deterrentes cohibenda est, primū honestarum rerum exercitatione, quæ facile bonæ indoli amorem virtutis ingenerat, deinde præmijs egregiæ virtuti proponendis, quo boni magis alliciantur vicissimq; poenis iniuriæ constituendis, vt improbi metu coërceantur, & emendentur, vel si fuerint insanabiles, & reip. perniciosi, de medio tollantur. Hæc igitur omnia intuentes, & bonum publicum spectantes viri ciuiles, & sapientes, quib. id munus fuerit delegatū, de quamplurimis reb. fieri possit leges ferre debent, ea duntaxat, de quibus leges sanciri nequeunt, prætermittentes, & principum, aut summorum magistratum arbitrio, & prudentibus, vt est necesse, relinquentes.

Rerum enim agendarum varia & inconstans natura nullā de ipsis legē ferri permittit, quæ cunctis hominib. temporib. & locis cōueniat. Nā leges vniuersæ præcipiunt communē quandā rationem spectātes. Quæ vt in plures cōuenit, sic interd. locis, & temporib. hominūq; & rerum singulariū conditionib. & qualitatib. nō aptatur. Ita cū de his, cæterisq; reb. singularib. quæ infinite numero sunt, non satis possit legib. constitui, efficitur, vt multa necessario hominum arbitrio, & consilio delibenda & iudicanda relinquātur. Veruntamen omnis cōsultatio in bona rep. omneq; de reb. dubijs iudicium, ad bonum publicū referri debet, omniaq; sunt ad iusti, & æqui quasi normā Lesbiam dirigēda. Lex enim ferream normam, quæ flecti nescit æmulatur, Ratio vero boni, & æqui, quæ ab ordine naturali lege æterna sancito nunquā discedit, similis est plūbæ, Lesbicæq; normæ, quæ pro lapidum perficienda figura flectendo mutabatur. Quod vbi fit, non homines, humanūq; arbitrium in rep. sed Deus, & leges imperium tenēt propter legē æternā, quæ summa lex summaq; ratio solet à philosophis nuncupari. Hæc enim in bona rep. omni ciuili administrationi per rationem humanā à se manantē præest, & moderatur. Ita fit, quod philosophus censet vt leges in omni bonæ reip. parte dominantur, magistratus autem, & resp. de rebus singulis decernant. Nam ipsa iudicia, & decreta, quæ de rebus singulis præter le-



ges scriptas iudicando, & deliberando fiunt, ad ius naturę, & legis ęternę, ac summę rationis normam dirigi debent.

Non sunt igitur audiendi, qui propter diuturnas molestias, impęsasq; *Litium cal-*  
litiam, quę ex legib. & legū calūnia, malitiosaq; iuris interpretatione *sa non sub-*  
nascuntur, ministrorūq; fraudē, & auaritiā, leges a rep. summouēdas pu *mouenda le-*  
tant. Nulla est enim ratio tam fera, & inhumana, quę legib. omnino ca- *ges.*  
reat. Mores enim publicę probati, quib. incolę noui orbis mortalium  
scilicet barbarissimi, qui nullū prorsus litterarū vsum habebant, vtebā-  
tur; quid aliud erant, quam leges? Et profectō, qui leges ex humana vitā  
tollit, rationem tollit, quę legum proxima norma est, & origo, quā ra- *Qui leges tol-*  
tionem si sustuleris, qui potest humanitas ex hominib. non esse sublata *lit rationem*  
Cum ipsos viros probos, quorū isti arbitrio omnem reip. administra- *tollit.*  
tionem iudiciūq; cōmittere censent, nisi lumē aternę legis, & cōmu-  
nia legū pręscripta sequantur, in magna iusti, & recti ignoratione ver-  
fari sit necesse: contraq; iuuarī plurimū, si proba ipsorum voluntas luce  
non modo naturalium, sed etiā ciuiliū, & scriptarū, rei q; publicę ac-  
commodatarū legum illustretur. Iam vero si quā ira, vel cupiditas ma-  
gistratus, vt sępe solet, transuersos agat, quomodo peccatū cōuinci, aut  
prauitas emendari queat; sublata legū norma, ad quam tōta reip. admi-  
nistratio, iudiciorumq; ratio est dirigenda? Propter aduocatorum autē  
procuratorumq; calumniam, & malitiam, interdum etiā prauaricatio- *Aduocatorū*  
nem, tabellionumq; auaritiā, & fraudē, leges, vnde horum malorū oc- *& procura-*  
casio nasci videtur, accusare iniquum est, nec aliud, quam hominum vi- *torū fraudes*  
tia, & peccata in res optimas per se, atq; salutes conferre. Cūr enim *Cūr Afri li-*  
Mauris, Numidisq; in Africa, cum legibus vtantur, paucissimę tamen li- *tibus carent.*  
tes sunt, & hęc breuissimo tempore terminantur? Nisi, quia, vt est eorum  
inuictu & cultu dura, & stricta parsimonia, a furtis, rapinis, fraudatio-  
nibus, maleficijs extra bellū, multum abhorrent. Quib. sceleribus ple-  
riq; in Europa non suppetentibus opib. vbi se desidie dediderunt; gu-  
lę & lautitię seruiētes implicantur: qui vt pęnas legitimas effugiāt,  
neue ad iustitiam compellantur, ad calumniosas defensiones, dolosq;  
confugiunt, & ducēdis litib. quoquo modo possunt, tergiuersantur. Sed  
horū malorū maxime culpę pars est in quorundā iuris peritorū, nullā  
quālibet turpē causam repudiantū, perversitate; qui, cū eos scelerati,  
& fraudulentī aduocatos adhibent; iuris scientia, re sua sponte reip. sa-  
lutari, & ad bonorū pręsidiū nata, ad malorū impunitatē, & iniurias a-  
lēdas, extrahendasq; lites cōpendij sui causa per calūnias, & malitiosas  
iuris interpretationes sine culpa legū turpiter abutuntur, ipsasq; leges  
frustrari, & iudices eludere captionibus, pręstigijsq; nituntur. Quib. *Iudicis prę-*  
calumnijs, & fraudib. omni ratione, quatenus fieri possit, occurrere iu- *dentis offi-*  
sti, & sapientis iudicis est. In qua cura, & officio prętermittendo, quod *ciūm.*  
vtinā paucis iudicib. accideret, nō minor culpa inest, quā in dolis aduo-  
cator.



*1. offic.*

*22 q. 2. c. Qui  
potest.*

*Litium pro-  
rogatio ex  
culpa legum  
latoris.*

*Legum ver-  
bis non sem-  
per inheren-  
dum.*

*Summo iuri  
aquitas est  
anteponenda.*

catorum. Nam, qui non obest, cum potest iniuriæ, tam est in vitio, quam qui facit, Cicerone, Ambrosioque auctoribus. Et ut est in Damasi rescripto, non caret scrupulo societatis occultæ, qui manifesto facinori desinit obuiare. Quod si nulla nec istorum, nec iudicum fraude, vel malitia, seu negligentia interueniente, lites in longum tempus, quod non fit sine iactura litigantium, producantur; nulla rectarum legum culpa est, sed legumlatoris incuria, cui hoc vel in primis prouidendum fuit, legibusque cauendum, ut omnes aditus ad ducendas lites essent, quatenus fieri posset, obstructi. quod plurimum valet, ut omnis calumnia, omnis veri inficiatio, præsertim dato iureiurando, grauib; poenis in controuersijs quidem ciuilibus sanciantur. Alia est enim ratio causarum capitalium. Contra verò statuere, quod alijs placet, ut leges in omni reipublicæ parte sic dominantur, ut ab ipsorum scripto non discedatur, nec quidquam humano arbitrio relinquatur, hominum est pertinacium, & rerum agendarum naturam ignorantium, quæ tam varia est, & inconstans, quemadmodum supra diximus, ut plurima negotia in locos communes, vniuersaliaque præcepta, quæ aptè rebus omnibus, temporibus, & personis accommodentur, conferri nequeant. Sed pleraque necessario sint eorum, qui reipub. cum summa potestate præsent, prudentiæ ac iudicio relinquenda, qui pace belloque de rebus dubijs consultent, ac prout ratio boni publici postulare videatur, constituent. In iudicijs autem summo iuri, in quo sæpè iniuria est, æquitatem anteponant, quæ origo est iustorum priuilegiolorum, & decretorum, præsertim eorum, quæ vulgo theologi *dispensationes* appellant. Ac de legum quidem ferendarum ratione, & quæ potissimum debent legumlatores spectare, differuimus, & multa arbitrio principum, vel summorum magistratuum necessario relinqui declarauimus.



## IOANNIS GENESII SE

PVLVEDAE CORDVBENSIS

DE REGNO ET REGIS

OFFICIO.

LIBER SECVNDVS.



EINCEPS de regia, ciuilique administratio-  
ne, vtrum vnus hominis arbitrio, & auctori-  
tati, quæ legibus aut omnino, aut recte consti-  
tui non possunt, an plurium consilio, & pru-  
dentia sint in bona rep. relinquenda, disputan-  
dum est. Nec enim res vacat controuersia, si-  
quidem de regib. non heroica, sed vsitata vir-  
tutis, de quibus nunc quæritur, disputetur. Nā

*Regnum ce-  
teris Reip.  
formis pre-  
stantius.*

illud dubium non est, quin regnum ceteris re-  
bus, longo interuallo præferatur, si rex ad formam Aristotelicam cō-  
tingat, hoc est si prudentia, & virtute, ac omni ciuili facultate cæteros  
oēs antecellat, quod optari magis potest, quā sperari, præterquā in gen-  
te aliqua inculta, agresti, & barbara, quales multæ priscis tēporib. fuisse  
se memoratur. Idcirco enim circa rerū initia homines fere imperio re-  
gio parebant, quia in illa hominum paucitate vicatim, & pagatim ha-  
bitantium perpauci existerant, qui essent, virtute, atque prudentia, quæ  
facultas ciuilis dicitur, magnopere ad imperandum instructi. Postea  
vero ciuitatibus constitutis, & auctis, cum multi essent, quorum virtu-  
tes pariter emerent, non æquo animo regna tolerabant, ita ne par in-  
pares perpetuum imperium obtineret; remp. constituerunt, vbi paren-  
di, & imperandi vicissitudo æquales æquali iure contineret. Hoc igitur  
in controuersia venit, si copia sit in magna ciuitate, aut gente virorum  
pari virtute, & sapientia præstantium, vtrū cōmodius, & magis è bono  
publico sit, vnus, an pluriū arbitrio rep. tēperari. Nec enim defuerunt  
quib. iniustum, & præter natura videretur, vt in ea ciuitate, quæ ex mul-  
tis similib. cōstaret, vnus in oēs perpetuo imperio fungeretur. Nam qui  
sunt, ingenio, & virtute pares, hos eodē iure, eademq; dignitate esse le-  
ge naturæ. Iuris autē æqualitatem ita demum inter pares seruari, si per an-  
nos, aut alia tēporum spatia ciues iidem nunc magistratus gerant, & ce-  
teris imperent, nunc vicissim pareant imperio, donec ea vicissitudo ad  
pares oēs perueniat. Præterea multorum hominū virtutē, atq; prudentiā  
maiorē esse dicunt, quā vni, & facilius vnū ira, vel cupiditate, quā plu-  
res corrumpi. Itaq; nō solum iustius esse, sed etiā cōmodius ciuitati pau-

*Vnus an plu-  
riū arbitrio  
melius resp.  
regatur.*

*Paritas natu-  
re in conditio-  
ne.*

*Optimatus  
statim quare  
melior vide-  
ri queat.*

M

corum



Regium im-  
perium cur-  
re stantius.

Probatum ra-  
tionibus.

Hiad. B.

Primogenit-  
us ius Bono-  
niæ & in  
Hispania.

corum optimorum, ut in statu optimatum, aut promiscue multorum, ut in timocratia, quam vnus imperio ciuitatem administrari. In qua sententia multos, & magnos viros fuisse video, tū ex Cræcis, tū etiā ex Latinis, quorū auctoritati concedere haud equidē dubitare, nisi me certissimæ rationes, & ipse rerū vsus doctrinarū omniū magister dehortaretur, & in oppositā sententiā reuocaret. Sic enim existimo, regiū imperium cæteris omnib. rebus p. longe præferendū esse, nō solū si rex cæteris omnib. virtute, ac omni ciuili facultate præstet, sed etiā si alij in ciuitate, aut gente sint, qui cū ipso virtute, & consilio cōferri valeāt, dūmodo ipse vir prob. sit, & vsitate prudentiæ, regiū animū gerens, nō tyrannicū, quæ sententia multis rationib. cōfirmatur. Primum quoniā regia administratio antiquissima omnium est, ut non tā consilio, quā duce natura inducta esse videatur. Nā in teris, ut Sallustius ait, *nomen imperij id primū fuit*. Certe Troianis tēporib. nullam dum alterius generis remp. fuisse constitutam, fidem facit carmen Homericum,

Ὀὐκ ἀγαθὸν πολὺ κοίραν ἔχεις καὶ πολλὰ ἔσθλ'.

Quo multi reges illius memoriæ commemorantur; de alia republica nullam mentionem fieri videmus, quod idem animaduertere licet in historia sacra, & illorum, ac superiorum temporum commemoratione. Regnum igitur, ut est imperiorum vetustissimum, sic maxime naturale; quippe cum non solum domesticam administrationem æmuletur, sed etiam ab ipsa primam originem traxerit. Nam ut hac memoria in quibusdā regionib. sic olim vulgo multitudo domestica, vbi tātopere creuerat, ut eam domos vna capere nō posset, in alias domos velut in colonias deducebatur, & sic vicus paulatim fiebat, imperiū totius familiæ adhuc maximo natu retinēte, quod Bononiæ, & in reliqua circūpadana Italia etiā nunc factitari cernim⁹. Eo quidē tēpore, cū ipse Bononiæ in Hispanor. collegio studia litterar. adolescens æmulabar, vn⁹ erat ex agricolis, qui nostros āgros in ita ex more Bononiensi societate, prædiāq; colebat. Memini enim, & nō sine admiratione quadā animaduerti, qui totius familiæ in quattuor, aut quinq; villas propter magnitudinē partitæ, quia maxim⁹ natu erat, imperiū domesticū obtinebat; nō aliter, quā si oēs vna domo cōtinerentur. Eadēq; tēpestare in vicino erat alter agricola ex familia, quæ sartorū dicebatur, qui eodē ætatis iure à maiorib. deinceps tradito trecentis amplius hominib. in multas domos, villasq; deductis, eodē scilicet modo imperitabat, & quod magis miremur, libentes oēs, sūmaq; cōcordia eidē, ut patri obtēperabant. Quanquā ea familia paulo post, cū sua magnitudine laboraret, de cōmuni cōsilio multis patribus familias distributa fuit. Idē igitur circa rerū initia duce natura fiebat, sed cū homines in vacua venissēt, quæ iure naturæ sūt occupantium, multis domib. ex vna deductis natu maximus, ex patrefamilias rex fiebat, & sic parū regnū constituebat, quod cū iure hæreditario posteris deinceps traderetur, crescēte multitudine, donec



ex vicis ciuitas cōstitueretur, ipsa quoq; regna dilatabātur, & ex paruis ad iustam magnitudinem perueniebant..

Fuit, & alia iustissima reges constituendi ratio, quam vetustas interdum vsurpabat, quippe regna nonnunquā viris optimis non etatis iure, vt illis alteris, sed iustitiæ, ac virtutis opinione deferrebantur, qua de re offic. lib. 2. Cicero his verbis memorat. *Mihi quidem, non apud Medos solum, vt ait Herodotus, sed etiam apud maiores nostros fruēda iustitiæ causa videntur olim bene morati reges constituti, nā cū premeretur initio multitudo ab ijs qui maiores opes habebāt, ad vñ iustitiam aliquem confugiebant virtute præstantem; qui, cum prohiberet iniuria tenuiores, equitate constituenda, summos cum infimis pari iure retinebat.* Ad vnum igitur vetustissimi mortales, ducti scilicet ratione naturali, cuius ductu, & auctoritate tuti essēt, cōfugiebāt, nō ad plures, ne qua esset inter ipsos dissensio. Quā publicā hominū de regno cæteris imperijs præferēdo persuaſionē infitā fuisse veterib. mortalib. ea quoq; ratione cōfirmat Arist. quod Deos immortales regio imperio gubernari persuaſū habebāt, minime scilicet diuinæ sapientiæ regiā rēp. tributuri, nisi hāc cæteris omnib. potiorē, & augustiorē esse existimarēt. Nobis aut fabulis omissis, quāquā harū inuolucro veteres poetæ, qui theologi dicebantur, sæpe de maximis reb. sapiēter philosophabātur, verissimis, & sacratissimis historiæ diuinæ vtriusq; testamēti testimonijs, & exemplis vti licet. Nā Hebræi quōdā genus electū, regale sacerdotiū, gens sancta, populus acquisitionis, vt Petrus ait, qui peculiari Dei cura, & quotidianis oraculis gubernabātur, à libertate post Aegyptiā seruitutē recepta ad Christi tēpora cū suæ gētis reges amiserūt, semper regiā rēp. habuerūt. Moses enim, & Iosue, & qui huic successit Iudas, ac cæteri populi ductores, & gubernatores, quid aliter erāt, nisi reges? quāuis tū sacerdotes, tū iudices, tū prophetæ, vt simul erant, nominarētur. Rex enim est, qui cūq; vnus in ciuitatē, aut gentē perpetuū imperiū cū sūma potestate gerit ad bonū publicū spectans. Itaq; Eli, quē annis quadraginta Israel iudicasse legim⁹, & qui huic successit, Samuel nō solū sacerdotes, & prophetæ fuerunt, sed reges etiā Hebræorum, licet nomine regis abstinerēt. Cæterū quoniā hi, & ceteri huiusmodi sacerdotes, per ea quidē tempora, licet imperij summā obtinerēt: bella tamē non per se, sed per duces, & præfectos gerebant, Israelitica gēs, non quod imperiū vnus recusaret, sed eā imperādi rationē pertæsa regē à Samuele postulauit, qui nō solū cōtrouersias indicaret, sed bella etiā ipse gereret, & exercitum in hostes more regum ceterarū gentiū duceret. Rex inquit, erit super nos, & erimus nos quoque sicut omnes gentes, & indicabit nos rex noster, & egredietur ante nos, & pugnabit bella nostra pro nobis. Atque hæc quidē ex veteri testamēto. venio, ad nouū, & Euangelica tempora, quorū inito Christus ipse Deus suā Ecclesiā ita constituit in Apostolis: nō vt paucorum, vt status optimatum, nec multor. vt resp. seu timocratia, sed vnus summa potestate, & arbitrio tēperaretur; Petri scilicet Apostolorū principis initio, deinde summorū, qui in locum eius succedunt

Reges etiam electi, quia

Exemplagē-  
tis Hebrææ.  
1. Pet. 2.

Reges olim  
etiam sacer-  
dotes.  
Rex defini-  
tur.

Israelitæ re-  
gem à Samu-  
ele postulāt.  
1. Reg. 8.

Noui testa-  
menti ratio  
gubernandi  
Ecclesiam.



*Ambitio va-  
ria reip. gene-  
ra excogita-  
uit.*

*Obiectionib.  
respondet.*

*1. Cor. 7.*

*Arist.  
Eth. 1.*

*Comparatio  
formarū rei-  
publicae.*

dunt sacerdotum singulorum. Episcopi enim, & antistites alij, qui cæte-  
ris Apostolis, & discipulis successerunt sūmi pōtificis administri sūt ad  
Ecclesiasticā remp. regio more administrandā. Quibus exemplis decla-  
ratur, ipsius Dei iudicio regnū cunctar. rerumpub. facile principem lo-  
cum augustissimum, & sacratissimū obtinere. Itaq; ambitio, & multorū  
imperādi cupiditas, magis, quā vel necessitas naturalis, vel boni publi-  
ci ratio, causa fuisse videri potest, vt omisso regio imperio, varia reip.  
genera cōstituerētur; nō quia illa altera duo genera iusta sint, & suo mo-  
do naturali quoq; iuri cōsentanea; sed quia regnū multo plures cōmo-  
ditates habet, multoq; minus est corruptioni, & alijs malis opportunū.  
Nā quod obijcitur iure naturæ cōsentaneum esse, vt qui prudētia pares  
sunt, hi paris iuris æqualitate per imperandi, & parendi vicissitudinē  
cōtineantur; nō si quid iustum est lege naturæ, statim eius prætermissio  
iniusta, & præter naturā videri debet. Fieri enim potest, vt huic aliud  
natura itē iustū melius, & cōmodius præferatur. Quod rectissime fit au-  
ctore Paulo, sic ad Corinth. scribente. *Qui matrimonio iungit virginem suam,  
bene facit, & qui non iungit, melius facit.* Vt igitur Paulus nuptias rem hone-  
stam, honestiori virginitati postponit: sic nos reip. siue timocratiae, &  
statui optimatum, bonis, & iustis rebusp. meliorem, & iustiore, regnū  
præferimus. Iustum est enim & commodum, vt virtute pares nunc im-  
perent, nunc vicissim imperio pareant: iustius tamen, vt vnus probus,  
& prudens perpetuo imperio in omnes fungatur, propter maiorem  
reip. commoditatem quæ paucorum ambitioni, atque etiam vtilitati  
præferri debet. Quippe *bonum, quo pertinet ad plures, hoc sanctius, & diuinius  
habetur.* At, inquis, plures melius cuncta perspicient, & prudentius de re-  
bus dubijs iudicabunt, constituentque quam vnus. Hoc quidem dubium  
non est: ceterum rex non solus, vel debet, vel solet deliberare, seu iu-  
dicare: sed multis viris optimis, & prudentissimis adhibitis, qui pro se  
quisq; quid factu optimum, & maxime eē republica sit, considerare, &  
pronuntiare solent: tum, si quis recte sentiat, & salutarem reip. senten-  
tiam dixerit, nemo per odium, & contentionem consulto refragari au-  
det, vt sæpe fit in alijs reb. publicis. Nam tacitum de se quisq; iudicium  
regis veretur, qui sententias ponderare solet, non numerare. Verum ta-  
men regnum inter cæteras respub. quantopere emineat, etiam in rege  
virtutis nō heroicæ, probo tamē, atq; prudente, nō erit intellectu diffi-  
cile, si cum pluriū imperio, qui modo imperent, modo priuati pareant,  
regnum, & vtriusq; cōmoda inter se, atq; incomoda cōferantur. Multis  
igitur rationib. regnum præ alijs rebusp. cōmendatur. Primum quoniā  
qui annuis imperijs funguntur, vt fere fit in imperandi vicissitudine,  
prius abeunt magistratu, quam plane possint, quid muneris sui sit intel-  
ligere. Rex propter imperij diuturnitatē plurimarū rerū. vsu indies, &  
annos prudētior fit, magnisq; ciuilibus, ac regia facultatis adiumentis in-  
stru-



structior, tū ad suos in officio cōtinendos; tū ad externorū cōmercia, siue bellum gerendum sit, siue amicitia, pacisq; cōditiones per se, vel legatos agitādē. Deinde quod in magistratuū multitudine sēpē, dū alterū exspectat; res cōmunes per negligētiam dilabūtur. Rex oēm rēp. suā vni<sup>9</sup> fidei cōmissam esse memor, neminē esse intelligit, in quē, si quid offēsum fuerit, suā culpā transferre possit. Præterea illi in publicis consultationib. sēpē cōsulato dissentiūt, variantq; sentētijs, nō vt reip. cōsulāt, sed vt alijs rectē fortasse sentientib. per odiū, aut inuidiā refragētur: vel contra, vt potentiores cuiuspiā, cui se addixerunt, libidini seruiāt. Rex nullum æmulum cū habeat, nemini vel inuideat, vel addictus sit; optimis, & prudentissimis viris in consilium adhibitis, eam sententiam, neminem scilicet respiciens, omnib. anteponis, quæ plurimum ex omnibus iustitiæ, & grauitatis habere, maximeq; ad bonum publicum pertinere videatur. Ad hæc magistratus in paucorum, aut multorum rep. suis interdum rebus familiarib. impediti; tunc demum in locum consilij destinatum conueniunt, cum occasio rerum deliberandarum effluxit: rex cum nullum deliberandi, nec locum, nec tempus certum, & definitū habeat; sed dies, & noctes, cum res postulat, in ea cura cōsumat, nullā patitur rei bene constituendæ, siue gerendæ occasionem elabi. Item illorum quidam ambitioni seruiētes, ne suæ, quam affectant glorię, laus aliena tanquam obsistere videatur, collegis domi nonnunquam, sēpius in bello impedimento sunt, aut ipsos etiā deserunt, ne qua facultas adsit rei bene, & cum gloriā gerendæ, vel materiā præripiunt, negotiū temere, & importunē in reip. perniciem occupando. Regi, cum solus tota vita rerum potiatur, nulla talis causa interuenire potest, in æmulum simul, & remp. peccandi. Præsertim cum intelligat, non ea solum quæ ipse per se gesserit, sed etiam, quæ per dūces, & præfectos confecerit, ad suā laudē, & gloriā pertinere. Quod autē cōpilationes attingit, quæ mala sēpē grauiter populos exagitant, illi res cōmunes vt alienas, non solum negligenter curant, sed quidā etiā sordidiores animaduertentes breuis tēporis esse diripiendī facultatem, nullam occasionem prætermittunt, remp. compilandi; quin etiam publica potestate quandoq; in bona priuatorum per fraudes, & calumnias abutuntur. Rex ob imperij perpetuitatem rebus communibus sic parcat, vt suis: sic prospicit, vt non solum ad se, quoad vixerit, sed etiam ad filios, & posteros pertinentib. His rationibus Isocrates vir prudentissimus, qui scite admodum hunc locum attigit, duarum clarissimarum rerumpub. testimonium addit, Carthaginensium, & Lacedæmoniorum, qui cum domi summum imperium optimates obtinerent; belli tamen summam ad vnum regem deferrebant; publicis videlicet periculis publicam per facta confessionem exprimentibus, vnius, quam plurium imperium cōtibus hominum commodius, ac tutius esse ad summā multo magis salutare. Atheniensium



Imperatores  
Athenien-  
ses.

Seditio inte-  
riū adfert  
rebus.

Exemplo est  
Romanorum  
reipub.  
Lib. 5. de ci-  
uit. Dei.

Tarquinius  
Roma tyrā-  
nidem exer-  
cuit.

An. Bruti  
exemplo re-  
gno præstet  
timocratia.

nienſium quoq; remp. quib. maximè monarchia omnis eſſet odioſa, do- cumēto eſſe, qui cū belli ſummā, nunc plurib. ſimul ducib. nunc vni tra- derent, ſæpè res ipſa declarauit, vnius viri præſtātis imperium longe ſa- lutarius eſſe reip. quā plurium. Quo in loco nō eſt ſilentio prætereundū clariffimum Milciadis, Ariſtidis, Themiftoclis, & cæterorū ducum ex- emplum; qui Perſico bello, prælioq; Marathonio præfuerunt. Nā primū cum decem numero eſſent: ſinguli tamen publico ciuitatis Athenienſis decreto per ſingulos dies imperij ſummā viciffim obtinebant, deinde duces ipſi, publici periculi ratione, & cōmunis ſalutis cauſa, ambitionē ſuperāte, omnes, dierum omnium imperandi ius, auctore Ariſtide viro optimo & cognomine Iuſti claro, in Milciadem, cuius virtutis, atq; pru- dentia prima laus erat, trāſtulerunt. Parum ſcilicet eſſe putantes, vt v- n° partitis dieb. imperaret, niſi omnium dierum imperij ſumma penes vnum, eundemq; virum optimum, & prudentiſſimum eſſet.

Vltima differentia rerūpub. & maxima regni præſtātia eſt, quod in ce- teris facile diſſidia exiſtūt, & ciuiles armorū cōtentiones. Quæ nō ſolū calamitates, ciuitatib. & populis afferunt; cū plurimorū ciuiū cede pro- ſcriptione, & direptione; ſed florētes etiā reip. fundit⁹ euertūt. Multarū rerūpub. maximas calamitates ex diſſidijs ortas cōmemore poſſē. Sed vtar potiſſimū Romanorum exēplis, qui, vt opulētiffimā, ſic iuſtiſſimā répub. habuiſſe putātur, Auguſtino noſtro auctore, qui, Romanis propter ipſo- rū iuſtitia pulcherrimū, & opulentiffimū imperiū ad prauos multarū gentiū mores corrigēdos à Deo tributū eſſe teſtificatur. Romani ergo, quā diu regib. paruerunt, magna cōcordia vixere, paucis & exiguis in- iurijs, & calamitab. agitati. Cōſtat. n. præter Tarquiniū Superbū, qui nō rex fuit, ſed cunctis rationib. tyrānus, cæteros oēs reges iuſtos fuiſſe & moderatos. Nā quod Tarquini⁹ idē Seruium Tullium regem interfecit, & iniuſſu ſenatus, inuitoq; populo imperium inuaſit, nulla culpa regni eſt, ſed iniuſtiſſimi, & importuniſſimi hominis flagitium, qui in ea ciuitate, quæ iuſtiſſimo, & honeſtiſſimo ſtatu, imperioq; fruebatur, ſub- lato rege tyrānidē occupauit. Nā iuſto principe necato, ad ſuā libidinē inuitis imperare, ciuiūq; timore corp⁹ armatis circūſepire, cognitiones rerū capitaliū per ſe ſine cōſilio. ſ. obire, vt per eā occaſionē occidere, in exiliū mittere, & bonis multare poſſet, & ſic optimatum numerū im- minuere, quod Tarquinius, vt Liui⁹ refert, faciebat; quid erat aliud quā mera tyrānis? Nihil igitur afferunt, qui Bruti, Collatini, Lucretij, & Va- lerij præclaro facinore, & teſtimonio répub. regno præferēdā cōtendunt; quod viri optimi, & prudētiffimi imperiū Romanum ex regno in répub. mutandi auctores fuerunt. Horum nāq; maximè Bruti, qui princeps cō- ſpirationis fuit, iuſtiſſima laus eſt, quod deiecto Tarquinio ſuperbiſſi- mo tyrāno, patriā ſeruitute liberarunt, & remp. ex peſſimo ſtatu in for- mā iuſtam, & commodā mutauerunt. Quod autē ex tyrānide remp. qua pluri-



plurib. imperium cōmunicaretur, constituerunt, potius quā in pristinā regni formā restituerunt; ut vnus vir optimus, & prudentissimus populi suffragio, aut iurē hāreditario perpetuo imperio praefereretur, nihil habet, quod sit magnoperē gloriādum. Nā suā quisq; dignitatis rationē habuisse videri possunt, quippe ad quōs summi magistratus facillē deferrentur, ut factum est. Nā primi consules Brutus, & Collatinus fuerunt, tamen reip. inulto melius restituēdo regno ob rationes supra expositas cōsuluissent: sed ob eā maximē, quē vltimo loco posita est, ciuiliū dissensionum, quae nunquā pānē in Romana rep. defuerunt; iā inde ab initio, antequā plebs patrib. infesta in sacrum montē tria ab vrbe passuum millia, anno sextodecimo post exactos reges secederet. Quae discordia ea potissimum cōditione sedata est, ut plebi sui magistratus essent sacrosancti, quib. auxiliij latio aduersus cōsules essent, neūc cui patrum capere eum magistratum liceret. Itaq; tūc primū tribuni plebis creati sunt, qui sic erant apud Romanos cōsulib. oppositi, ut Ephori regib. apud Lacedaemonios. Ceterum ijdē tribuni plebis tot seditionū deinceps auctores fuerunt, ut cum ab alijs quies esset, ab his resp. pāne continenter agigaretur, plebe contra patres, hoc est senatores, & nobilitatem à tribunis cōcitata. Quorum quidā, cum se intolerantissimē gererēt, perniciosissimis legib. agrarijs, & frumentarijs potissimum ferendis, non sine magno tumultu à nobilitate cæsi sunt. Sēpronius Gracchus in capitolio auctore P. Cornelio Nasica. C. Gracchus frater cum Auentinum montē armata multitudo occupasset, à L. Opimio consule ex S. C. populo ad arma vocato pulsus, & interfectus est, Apuleius Saturnius cum Glaucia praetore, & alijs eiusdem furoris socijs ab armata manū concisus. Nam Marcus Liuius Drusus Tribunus, & ipse plebis, incertum à quo, domi necatus est, propterea, quod auctor esset belli socialis. Sulpitius autem Tribunorum nequissimus, qui tria millia satellitum alebat, & magnam equestris ordinis audacissimorū iuuenum manū, quā antisenatum vocabat, ad custodiam sui corporis habebat, post multa patrata scelera à Sylla damnatus in senatu est, deinde necatus. Quid illa reip. perturbatio, quanta fuit, cum Decēviri ad ferēdas leges in annum creati, eo peractō imperium, quod sine prouocatione acceperant, inuitis patrib. plebemq; Romana continuare conantes magnas turbas ciuere, sic ut ob eā causam plebs iterum, in sacrum montem secederet, nec ante reuocari posset, qui Decemviri magistratu sese abdicarent, & plebi facultas redderetur suos Tribunos, itemq; Consules, (neutri enim tempore illo Decemviratus erant,) pristino more creandi.

*Romae seditioni plerique cæsi sunt.*

*Decemvirorum imperium.*

Coniurationes à prauis, & seditiosis hominib. ut in magistratus, ipsa quae remp. saepe fiunt: sic etiam in reges nōnunquam fieri, dubium nō est. Ceterum si qua ratione cōpertum fuerit, facillimē sumpto de cōiuratis supplicio per regē, apud quē nulla est tergiuersādi facultas, extinguatur. In

*In regno seditiones ciuium extinguuntur.*



*Catilina &  
sociorum cō-  
iuratio*

*Bella ciuilia  
Romæ.*

*Plutarchi de  
bellis ciuili-  
bus iudici-  
um.*

tur. In rep. verò etiā conuicti nonnunquam impunè reluctantur, sum-  
mis etiam magistratibus inuidiam, & calumniam, si quid in reos graui-  
us statuerint, metuētibus propter magnas scilicet eorum cognationes,  
& clientelas, quarum iniurijs, & fraudibus, ne non facile, cum abierint  
magistratu, priuati obsistere possint, reformidant. Vt est magno docu-  
mento Catilinæ, Lentuli, Cethegi, & sociorum conspiratio, qui de cō-  
sulibus, & senatu necandis, & vrbe incendenda coniurasse multifariā,  
cum essent conuicti: tamen impune, & impudenter in curiam ventita-  
bant, & reclamanti Marco Tullio consuli, eorumque scelera coram se-  
natu, ipsiſq; prædicanti princeps coniurationis Catilina non sine con-  
uictijs, & maledictis impudenter obstrepebat, idq; impunè in magno,  
non solum patrum, sed totius etiam ciuitatis timore, & trepidatione  
faciebat, donec ipse non vi pulsus, sed sua voluntate minitabundus vr-  
be ad castra coniuratorum, quæ in patriam duce Manlio comparabant,  
egressus est. nec his maximis malis, & publico timori finis ante imposi-  
tus fuit, & vrbs, atque Italia magno metu liberata, quam socij coniura-  
tionis viri genere nobilissimi in vrbe ad eius incendium relictī, tādē  
aliquando in carcerem coniecti, ibique strangulati poenas cogitati sce-  
leris dederunt, & Catilina ipse, qui totam Italiam vsq; in Galliam trās-  
alpinam, & Allobroges sollicitauerat, difficili bello prælioque ab C.  
Antonio consule altero vinceretur, & egregiè sese vltus occumberet.  
Verum hæ, cæteræque tot, tantæq; calamitates supra à nobis memora-  
tæ, ludus, iocusq; videri possunt, si cum bellis ciuilibus conferatur, quæ  
non solum urbem Romam, sed totam etiam Italiam, multasq; prouin-  
cias reipub. tempore concusserunt, & affligerunt: quorum primum Ma-  
rio, & Sylla, secundum Cæsare, & Pompeio factionum principibus, du-  
cibusq; gestum est, tertium duo consules Hircius, & Pansa, qui eodē præ-  
lio conciderunt, & Augustus cum Marco Antonio, quartum ijdem Au-  
gustus & Antonius cum Bruto, & alijs Cæsaris interfectores gesserūt.  
Sed horum omnium maximum fuit, quod Cæsar per se & præfectos,  
cum Pompeio, eiusq; ducibus, & filijs in Italia, Gallia, Hispania, Græcia  
Macedonia, Sicilia, Africa, rursusq; in Hispania gessit. Mediocre, quod  
Marius cum Sylla; ex cuius belli calamitatibus, quæ certius traditæ  
sunt, cæteras æstimare licebit. Hæc enim ciuilis contentio, siquidem  
Plutarcho auctori grauissimo credimus, tantum malorum, & calamita-  
tum Romanis inuexit, quantum non omnes ante id tempus hostes in-  
uexerant. Ab alijs autem supra centum quinquaginta Romanorum, so-  
ciorumq; millia sociali, & hoc, quod successit, Mariano bella cæsa esse  
memorantur: his, eorum, qui cæteris bellis ciuilibus mutuis vulnerib.  
conciderunt, infinita multitudo, si connumeretur, quæ tādē erit sum-  
ma? Cunctorū profecto regnorum, quæ post hominum memoriam fuē-  
re intestinæ cædes, mutuaq; popularium iniuriæ, si in vnum congeran-  
tur,



tur, multo me quidem iudice, vnius reip. non longi temporis calamitatibus leuiore esse censentur. Tarquini, & Neronis inter Romanos, Petri inter nostros Hispanos, trium scilicet regum crudelitas, vt intolerabilis, & execranda, in regibusq; rarissima celebratur. Horum tamen omnium omnia crudeliter facta, tolerabilia putes, si cum vno exemplo Lucij Syllæ cõferas in rep. Romana, qui sex millia dedititiorum ex partibus Marianis contra fidem datam in via publica trucidauit. Tabulam proscriptionis posuit, urbem & vniuersam Italiam cædibus repleuit, & in his Prænestinos omnes inermes interimi iussit.

*Tarquini  
Neronis  
Petri regis  
Hispan. im-  
manitas, mi-  
nor Syllæ  
crudelitate.*

At ista dicet aliquis non integræ reip. sed corruptæ, & deprauatæ, exempla sunt, hoc est paucorum potentia vel tyrannidis. Nam decemviro- rum inuito senatu, populoq; Romano dominatus, & duo triumvira- tus, alter Crassi Cæsaris, & Pompeij, alter Augusti, Antonij, & Lepidi, quid aliud erant, quã paucorum potentia; Syllæ verò, & postremò Cæsaris perpetua dictatura, quid aliud quã tyrānis? Nos autem de iustis, & integris rebusp. differimus, nō de iniustis, & deprauatis. Hæc igitur, quæ fateor esse verissima, si quis obijciat, & ob ea nostram sententiã minus probandã esse putat, longè fallitur opinione: nã hoc ipsum magno argu- mento est, cæteras bonas resp. nō esse cū regno cõparandas. Quod nō so- lùm cæteris incõmodis, & ærūnis opportuniore sunt, sed multo etiã facilius in pessimas reip. formas transeunt, & lōgè difficilius in pristi- nū statum rediguntur. Nã si quis furore quopiã, vel errore inductus ex rege tyrānus fiat, is timore ab eis quib. ipse timori est, cruciatu, sollicitu- dine, scelerumq; cõsciētia, tanquã furiarū ardentib. tædis, vt fere fit, mi- serabiliter agitur: qui tædio miserrimæ vitæ, si resipiscat, protinus re- cepta sanitate, in pristinū statū, & sacrosanctā regij imperij dignitatem per seipsum nemine repugnante, sed cunctis popularibus libētissimis restituitur. Quib. rationib. ducti, & tot suis, tantisq; malis Romani, quã- topere Regnū reip. præstet edocti, è rep. ad monarchiã redacta, libenter in ea præstiterūt. Sæpè enim post Cæsarem dictatorem facultatem habue- runt, rempub. in quacūq; formã vellent cõmutandi: nunquã tamē in e- um statū reuerti placuit, in quo fuissent tot seditionib. & calamitatib. cõflictati, cõtenti vnius imperio; qui cū rex esset, *imperator* dicebatur: vo- cabulo scilicet min⁹ apud eos inuidioso. quippe quo duces belli summā obtinentes, reip. tēpore nominabātur, ac statū quidē ciuitatis, aut gētis, quæ ab vno viro probo, & prudente, etiã citra virtutē heroicā gubernā- tur, quod regnū dicitur, ceteris omnib. rebusp. longo interuallo præsta- re docuimus. Sequitur vt de regis cõstitutione, creationeq; differam⁹.

*Monarchiam  
Romani reti-  
nerunt.*

*Imperatoris  
nomen.*

*De regis  
creatione.*

Dupliciter regna deferuntur, vno modo hæreditario iure, cū regi de- mortuo filius, aut proximus quisq; cognatione ex eadē familia, quæ ini- tio populi cõcordi voce, vel tacito cõsensu cæteris omnib. prælatā fue- rit, succedit; altero eiusdē populi suffragio, ipsius viri, qui regno quæri-  
tur,



*Arbitrariū-  
né ius an he-  
reditarium  
sit potius.*

*Pueri à regi-  
bus Hispa-  
niæ heredes  
relictī.*

*Cineæ Pyr-  
rho regis le-  
gi de Roma  
non dictum.*

*Cur non eli-  
gantur poti-  
us Reges.*

tur, virtutib. spectatis. Harum vtra ratio sit potior, & magis è bono pu-  
blico, non vacat controuersia. Quidā posteriorē magis probant, à quib.  
hæ rationes esse videtur. Primum, quā iam cognita, perspectaq; virtus,  
exspectata, & incertā iure optimo præfertur: cū sæpè videamus in eadē  
familia filios, & posteros à parentū, & maiorū præstantiū virorū virtu-  
tibus degenerare. Deinde quia regi defuncto nō nunquā filius puer, aut  
infans succedit, aut etiā posthumus relinquitur; vt Lacedæmone Chari-  
laus Lycurgi fratris filius: quorum dum maturitas exspectatur, regnum  
solet multis incōmodis, & seditionibus laborare. Quod malū sæpè Hi-  
spania nostra sensit, in qua Ranimirus tertius quinq; annos natus San-  
ctio, Alfonsus quintus eadem ætate Veremundo, Alfonsus nonus San-  
ctio quadrimus, Alfonsus vndecimus vix, dum egressus primū ætatis  
annū Fernando, Ioannes secundus mensem vigesimū agens Henrico pa-  
tribus in regnū successerūt; vt cæteros, qui ætate paulo prouectiore, sed  
puerili etiā nunc regnum iniuerūt prætereā. Quib. temporib. quot, quā-  
tisq; malorū fluctib. per tutorū, regnumq; procuratium ambitiosas cō-  
tentiones, & procerum nouarum rerum, & imperiorum studium, vici-  
norumq; regum huiusmodi occasionib. abutentium cupiditatem Hispa-  
nia iactata sit, longum esset recensere. Tum illud huic sententiæ suffra-  
gatur, quod, si regnum summæ virtuti præmium sit propositum, magna  
erit inter primarios ciues de principatu virtutū omnium concertatio,  
quo fiet, vt multi sint in ciuitate vel gente regio principatu digni, quod  
de priscis illis Romanis Cineas dixisse memoratur: qui Pyrrho regi, à  
quo legatus de pace missus fuerat, qualem Romā cōperisset percōtanti,  
*ciuitatem se, patriamque regum conspexisse*, respondit; innuens scilicet tales es-  
se primarios omnes ciues Romæ, qualis Pyrrhus in Epiro, & reliqua  
Græcia putaretur. Atq; his quidē potissimum rationib. ducuntur, qui  
nō familiæ, sed hominis præstantiā in regno deferēdo spectare cēsant:  
quæ rationes tantam vim habent, vt eis obfisti nō possit, si res ipsa per  
se consideretur, & legi bona fide pareatur. Cæterum tāta est hominum  
peruersitas, tanta impe. andi, & habendi cupiditas; vt sæpè viri sapien-  
tes in rep. constituenda, legibusq; formāda, non quod optimum esset,  
spectare soleant: maximeq; optā dum, sed quo maximè obuiā iri possit  
iniustorū, & cupidorū hominū prauitati. Itaq; si viri principes, ex quo-  
rum grege, suffragio populariū rex deligeretur, essēt oēs, vt esse debe-  
bant, ea iustitia, & moderatione, qua fuisse olim accepimus Curium,  
& Fabritium inter Romanos, Aristidem inter Athenienses, cuius factū  
supra memorauimus, vt communē salutem, publicumq; bonū omni lo-  
co priuatis, suisq; rationib. anteferrent, ipsiq; populares semper incor-  
rupti, quod optimū esset, & bono publico conueniēs sequerentur; haud  
erant sanè, quod quisquam dubitaret, quin optimā ratio regnum defe-  
rēdi esset, vt regi demortuo optimus, & prudētissimus quisq; suffragio  
populi



populi sufficeretur. Nūc multis sæculis vix vnus, aut alter Aristides, vel Fabritius in qua; ciuitate, aut gente cōtingit, & vulgo procures ambitioni seruiunt, & nouis imperijs per occasionē student: populares autē facile, odio, aut gratia, & munerib. abstrahuntur. Itaq; magna, & certissima incōmoda, quæ hanc rationē cōsequuntur, vitandi, necessitas facit, vt illa altera ratio, quæ regnum facit eidē familiæ hæreditariū, prudēte consilio à plerisq; mortalibus præferatur: vt necessaria plerūq; reb. meliorib. optimo iure à quibusdā, auctore philosopho, præferuntur. Incōmodorū autē consequentium vnum est, quod ex ambitione cōpetitorum facile largitiones existūt, quæ primū auaritiā in ciuitatē, pestē scilicet maximam inducunt. Semper enim suffragatores ad accipiendū paratiores fiunt; deinde cādidos ipsos exhauriunt, aut etiā maximo ære alieno grauant, ad quas iacturas sarcindas, qui pretio vicerit, cogitur idem empto imperio ad quæstum per multorum iniuriam, & direptionem abuti.

*Cur hæreditarium ius sit melius ac tutius.*

*Primum incommodum.*

Alterum incōmodum huic proximū est, quod licet nullę largitiones antecesserint: cura tamē posteritatis, ne filios priuatos, pauperesq; relinquat, huiusmodi regem, & ipsos liberos exagitat. Quod malū iniustarū exactionū, interdū etiam tyrānidis origo est. Tertiū, quod in taliū regum capita cōspirare procliue est; nunc populariū auaritia: quorum quidā cū semel iustitiæ, modestiēq; fines hoc in genere trāsierint, suffragiū, fidemq; venalē habent: nūc eius flagitio, qui regnū aut etiā tyrannidem occupare cogitat. Plena est ciuitas, historiaq; Romana, quæ quidē de regum, qui imperatores dicebantur, temporib. scripta est, huiusmodi malorum exemplis. Ab Aelio enim Pertinace, qui octogesimo imperij die à militib. Iuliano auctore necatus est, qui, & ipse septimo occupati imperij mense à Septimio Seuerō obtruncatus fuit, vsq; ad Numerianum Cari filiū nonaginta circiter annorum spatio, viginti vnū imperatores, cū memoriā tēporū illorū replicarē, numeravi, & nescio, an aliquē prætermiserim, qui suorū insidijs, & cōspiratione perierunt. Confer nunc regū horū suffragio populi delectorum statū cum Hispanorum, qui iure hæreditario ex eadē Pelagidarum familia in regnū succedunt, cōditione, fortasse nihil præterea ad hanc causam deiudicandā desiderabis. Octingenti quadraginta circiter anni sunt, cū rege Roderico ex Gothorum gente prælio deuictō, atq; necatō, & à barbaris Mahumetanis ex Africa, & Arabia, Hispaniæ maxima parte scelere, & auxilio quorundam nostrorū occupata; regnū maiores nostri, qui se in Asturias, Cantabriamq; receperant, Pelagio Fauilæ Cantabriæ ducis filio detulerūt, eoq; ductore amissā Hispaniā recipere cœperūt, ab eo prorsus, qui cū multis alijs regnis nunc rerū Hispanarum potitur, perpetua eiusdē familiæ successionē quadragesimus quartus numeratur, nec tot sæculis regū omniū quisquā fuit, qui suorū cōspiratione, & insidijs necatur,

*Alterum incommodum.*

*Tertium.*

*Pelagidarū regum in Hispania stirps ad Philip. II.*



*Hispania  
Reges occisi.*

retur, nisi quod ex regib. Froilas Vimarantum fratrē magnæ indolis adolescentem pulchritudine, liberalitate, affabilitateq; præstantem, populoq; acceptissimum, ne quid in se tanto populi favore moliretur, cū occidisset, ob eā rem ipse à popularibus factō impetu cōcisus est. Et Sanctius cum Gallecos tumultuantes per quorundā supplicium cōpescuisset, & Gonfalum ex proceribus, armis, quæ in se sumpserat, depositis, supplicem in suam fidem recepisset, eodē per pomum venenatum, quod manu porrexit, sublatus est. Sanctiusq; secundus Vrracam sororē ad Zamoram urbem, cuius ciuitatis imperium ei Fernandus pater testamento reliquerat, cum obsideret, à Bellidolfo, qui egressus vrbe se protransfuga gerebat, vt ab Vrraca gratiā iniret, venabulo traiectus est. Petrus autem, qui ex factis crudelis cognomen inuenit, nō solum multis procerum, sed etiā vxore, & trib. fratrib. crudelissime necatis, ab Henrico fratre notho bello est appetitus, postremoq; iuuantib. Gallis ab eodē prælio victus; deinde pugione confossus nostris scilicet popularibus libentissimis, qui Petrum, non vt regem verebantur, sed vt tyrannū exhorrebant. Itaq; duo Sanctij non multitudinis, sed duorum perfidorum hominum flagitio perierunt, dum Froilas vnus optimi fratris, Petrus trium, & vxoris parricidij, multorumq; optimatum cædis poenas darent; alter irato, iustoq; dolore concitato populo, alter fratri suas, & fratrum, amicorumq; iniurias persequenti. Non igitur otio, & dignitati reip. regniq; cōsulitur ea lege, vt citra ius hæreditarium in demortui regis locum optimus quisq; suffragio popularium sufficiatur. Perraro enim huic instituto paretur, sed eius occasione cōtentiones sapē, & tumultus oriuntur, nec semper optimus, sed plerumq; ambitiosissimus quisq; procerum cum magna reip. regniq; corruptione sufficitur. Nec procures regnandi cupidi virtutem maximē colunt, quo se multitudinī cōmendent, sed congerendis opib. student, vt largitionibus à populo, qui sit accipiendi consuetudine venalis, quod volunt consequantur.

Hæc cum sint maxima mala, & quib. interdum via munitur ad tyrannidem, illa regulorum, tutorumq; & cætera hæreditariæ successionis, quæ obijciuntur incommoda, leuissima his collata videri debent, nec recusanda, sed amplectenda potius condicio, quæ per parua, & tolerabilia incommoda, morum corruptiones, principum contentiones, & necesse, interdum etiam tyrānides pernitiōsa mala, & maximas reip. pestes euitat: vt appareat, non temerē, sed magna ratione, magistraq; natura comparatum esse, vt gentes tum barbaræ, tum etiam humaniores, non solum imperio regio libenter pareant, sed etiam id velint posteris hæreditaria successione tradi. Sed de ratione regnum deferendi hæ-

tenus. Sequitur, vt de regis officio paulo accuratius differamus.

IOANNIS



IOANNIS GENESII SE-  
PVLVEDAE CORDVBENSIS  
DE REGNO ET REGIS  
OFFICIO.

LIBER TERTIVS.



Præcepta regibus multa dantur à viris sapienti-  
bus cuncta tamen vnum exitum spectantia, vt rex  
tota mente, omnique ope in eam curam incum-  
bat, vt à regno suscepto, calamitatem, si qua la-  
borat, depellat: felicitatem partam rebus om-  
nibus conseruet. Est autem regni felicitas, vt cū  
rerum ad vsus, non modo necessarios, sed etiam  
liberales pertinentium copia, quæ Græcè *ἀν-  
τάρχεια* dicitur, tum pace fruatur: non solum

*Quis Regi  
propositus fi-  
nis.*

ab hostibus externis, sed etiam à seditiosis, & improbis ciuibus, vt absit  
omnis iniuria, ciues ad omne virtutum gen<sup>9</sup>, quoad fieri possit exerce-  
antur; sic, vt per vsus, & ingentium habitum recte factis oblectentur,  
quæ his contraria sunt, odio prosequatur: quod rex duplici ratione præ-  
stabit, primum ferendis legibus optimis, quæ virtuti egregiæ præmia  
consonant, improbitati pœnas constituent, auctore Solone viro sapi-  
entissimo: cuius non sine magna causa prudentium præconio senten-  
tia illa commendatur, *duobus rebus remp. contineri præmio, & pœna*, deinde  
exemplo ciues ad rectam viuendi rationem cohortando. Sic enim na-  
tura comparatum est, vt procures regis, populares autem procerum mo-  
res libenter imitentur. Itaq; regibus prudentissime præcipitur, dent o-  
peram, vt quanto sunt honore, & dignitate cæteris superiores, tanto o-  
mni genere virtutis excellant, summos cum infimis pari iure contine-  
ant, nemini iniuriam inferri patiantur. Sic enim fiet, vt rex pariter om-  
nibus carus habeatur, ciuium autem caritas maximum est præsidium  
non solum ad corporis tutelam, sed etiam ad imperij perpetuitatem,  
cuius caritatis primum, & firmissimum fundamentum est iustitia, qua  
maxime popularium, & bonorum omnium animi ad regis beneuolen-  
tiam alliciuntur, si viderint tenuiores cum potentioribus pari iuris æ-  
quabilitate contineri, & vtrosq; ab iniurijs, tum internis, tum externis  
prohiberi: quarum rerum causa reges initio sunt constituti. Deinde li-  
beralitate, & magnificentia multitudinis caritas conciliatur; quarum  
virtutum præceptis pleni sunt philosophorum libri. Sed hoc in genere  
cauendum regibus est, ne largitionibus maxime perpetuis remp. exte-

*Premio &  
pœna conti-  
netur resp. iux-  
ta Solonē.  
Cicero epist.  
ad Brutū.  
Regis exem-  
plum tota  
resp. imita-  
tur.*

*Virtutes prin-  
cipi necessa-  
riæ.*



*Qui Hispanie reges nimis liberales.*

*Largitio non est satis tuta.*

*Aliud est premium dare bene meritis.*

*Sui conueniendi potestatem faciat.*

*A superbia cauendum regibus.*

nuent, & publica, regiaq; vestigalia magnopere minuant. Posse enim liberalitate uti, ut viri prudentissimi tradiderunt, non spoliantem se patrimonio, nimirum est pecuniæ fructus maximus, cuius cautionis Henrici duo, secundus, & quartus, Ioannesq; secundus reges nostri immemores, alienando per donationes regio patrimonio plurimū Hispanæ reip. & posteritati nocuerunt. Itaq; non temerè viri sapiētes largitionibus, quas corruptelas appellant, sermonis affabilitatē in rege prætulerūt, quæ scilicet grauitatem, regiamq; maiestatem retineat, ad multitudinis animos conciliandos. Qua de re Philippi ad Alexandrum, Antipatri ad Cassandrum, Antigoni ad Philippum trium prudentissimorum regū epistolæ memorantur, quib. eis præcipiunt, ut oratione benigna multitudinis animos ad beneuolentiam alliciant, militesq; blando sermone appellantes deliniant. Quorum Philippus Alexandrum filiū accusans, quod largitione Macedonum beneuolentiam consecraretur: *quæ te, malum, inquit, ratio, in istam spem induxit, ut eos tibi fideles putares fore, quos pecunia corrupisses: an tu id agis, ut Macedones, non te regem suum sed ad ministrum, & præbitorem, putent? quo quid sordidius regi?*

Ceterum aliud est largitione popularium beneuolentiam consecrari, quod est rege indignum; aliud egregiam virtutem meritis præmijs non fraudare, quod est officium regis, pertinetq; ad iustitiam, magis etiam, quam ad liberalitatē, quæ nisi fiat cum delectu, & quemadmodum oportet, liberalitatis nomen amittit. Ad quam vtramq; virtutem referenda est illa Titi Vespasiani imperatoris à multis laudata sententia, qui oportere negabat, *quenquam à sermone principis tristem discedere.* ut illud quoq; iustitiæ est, & humanitatis, ut se adiri rex certis temporib. facile patiat, & sui conueniendi potestatem faciat. Ne miseris, & potentiorū iniuriā passis, qui in præsidū fortasse negligētia, vel ob alias necessarias causas regis officium imploratū lōgo itinere, & labore suscepto venerint, malum malo addatur, si vel re infecta moestissimi, & desperatione pleni discedere, vel multorū dierū, aut etiā mensū sollicitudinē, & impensam perpeti cogantur. Quod interdū etiā fit insciētib. regib. regionū administror. ad quos negotia reijciuntur culpa: quorū quoddam iā vidimus, ad quos difficilior, quā ad ipsum regem aditus erat. Quod ne accidat, iusti, ac prudentis regis est, diligenter prouidere, ne alienæ superbix, vel negligētix ratio ab ipso seuerius adeo, & hominib. tacito iudicio repositur. Ad summā regib. est etiā atq; etiā cauendum, ne auarē, neue superbē, aut crudeliter imperare videantur. Ex his enim reb. odiū, & timor popularib. innascitur, quib. malis nihil est alienius ad opes, regnumq; tuendum. Nā ut Ennius præclare cecinit: *quem metuant, oderunt: quē quisq; odit, perisse expetit.* Præterea quib. rex propter sauitiā est timori, hos ut ipse timeat, necesse est: qui mutuus timor origo plerumque est maximarum in rep. calamitatū. Cæterū auarē rex imperare, nō ideo dicitur,

sibo-



si bonum publicum spectans tributa, quæ tum ad publicam dignitatē, & imperium tuendum, aut etiā augendum, & populares in officio continēdos, tū ad bella iusta gerenda, & externorum iniurias repellendas sint necessaria: huiusmodi enim exactiones iure, moreq; gentiū introductæ sunt, & ratione naturali, rem Paulo apostolo in primis commendante. Sed tunc demum auarē imperare intelligitur, si tributis inusitatis, aut non necessarijs, nec ad remp. pertinentibus populares grauet, aut singulorum facultates per iniuriam more tyrannorum inuadat. Nec superbē, & crudeliter regnare dicendus est, qui malos, & facinorosos homines legitimis pœnis, & capitalibus coercet: cuius rei vt Paulus idem ait, *gladium portat*. sed si odio, vel iræ indulgens, aliove malo indutus in viros probos, & innocentes sæuiat, siue insuspectos, aut etiam criminis conuictos grauiorib. pœnis, quā leges permittūt, vel delicti magnitudo poscit, animaduertat, ad summam si se tyrannice gerat. Nā cum ceteros, qui reip. iudicijsq; præsumt, tū maxime reges decet, ad absolendum, quam ad condemnandum, ad misericordiam, quam ad seueritatē procliuiiores esse, & æquitatem vbiq; summo iuri, quatenus res patitur, præferre. Qua æquitate introductum est, vt in delicto ad plurimos pertinente multitudinē parcatur, in auctores, principesq; sceleris vindicetur. Qua moderatione Carol<sup>9</sup> Cæsar pater tu<sup>9</sup> optimus, & humanissimus princeps cum magna sua laude vsus est in seditionibus Hispaniæ popularibus, & post aliquot annos in Gandauenſium defectione punienda.

Quo in genere sapientis, & humani regis est; vt beneficia, virtutisq; præmia, sic erratorum, cum oportet veniā per seipsum tribuere, pœnas autē legitimas, & supplicia non nisi per magistrat<sup>9</sup>, & iudices rerū capitaliū irrogare; vt boni à rege honestari, & augeri, improbi autē à legū custodib. pœnis legitimis plecti videantur: ita fiet, vt rex benign<sup>9</sup> & idē iustus citra sæuitiæ suspiciōē habeatur. Est enim magna pars iustitiæ, & reip. in primis salutaris scelera, & fraudes; ad summam, genus omne maleficijs legitimis pœnis coercere. Nam malis hominib. parcere & mitē esse in facinorosos, & fraudulētos, nihil aliud est, quā in bonos sæuere, quorū illi pacē, ot. umq; sollicitare, aut etiā saluti insidiari soliti, facilitate veniæ ad facinus inuitantur. Quo magis improbāda est præfidū, ac iudicum quorundam, seu leuitas, seu ignauia vocari debet, qui precib. victi, vel animi mollitia improbis, & scelestis hominib. cū magna bonorū, & reip. malo gratiam delictorum faciunt. Ad quod crimen proximē accedit quorundam bonorum alioquin, humanorumq; virorū error importunus, qui humanitatis, ac pietatis officium esse putāt, propeſsimis, & sceleratis, & impijs hominibus precibus ambitiosis quotidiana consuetudine supplices esse magistratibus, quod nihil aliud est, quam leges non modo ciuiles, sed etiam diuinas, & naturales, quantum

*Tributa sūt  
principi, pen  
denda.*

*Rom. 13.*

*Rom. 13.*

*Non minus in  
reus seuien  
dum est.*

*Decimatio  
Caroli V. Cæ  
saris in ex  
emplum.*

*Veniā inter  
dum danda.*

*Iniuriā fa  
cit bonis quā  
parcit malis*

*An pro ma  
lis orandum.*

*est in*



*Dolus malus  
fugiendus.*

*Fides à rege  
data seruanda*

*Consiliarij  
sunt adhi-  
bendi.*

est in ipsis, frustrari, quarum legum praesidio bonorum, & reip. otium nititur, & salus. Cultus autem veritatis ex omnibus regem plurimum decet, non dico ut fidem praestet, & iusiurandum, si quod in susceptione regni de priuilegijs, & immunitatibus populis, aut singulis ciuib. irrogatis, caeterisque institutis, & moribus seruandis dederit: quod officium sine magna iniustitia, & animi ad tyrānidem spectantis suspicione praeteriri non potest; nec ut à vanitate, & inutilibus mēdacijs abhorreat; in quo peccare futilis hominis est, & summā leuitatis: sed ut nemi nem inani spe iniecta deludat, neminem fallaci oratione circumueniat. Nam sententiam occultare remp. administrantem, saepe est magnae prudentiae, praesertim in bello, vbi etiam utili simulatione in insidias hostem praecipitare, laudi datur, & more gentium, ac iure diuino, & naturali permittitur. Ceterum dolo malo neminem circumueniet.

Sed nec à fide temporis gratia, vel hostibus, vel improbis, & seditiosis ciuib. data rex iustus, & prudens numquam discedet, ne si aliter fecerit, violato iure gentium omnem viam pacificationis cum hostibus intercludat; aut vno ciue per insidias capto, caeteros periculoso exemplo deterreat, cogatque suae salutis, & rebus non suspecta pactio; sed per fraudem, aut vim inita cum hostibus societate consulere, ut magno, claroque documento accidit Alfonsi vndecimi Regis nostri principatu; qui cum esset adolescens, nec satis usu rerum peritus, occiso Ioanne propinquo suo, quem ad se fide publica venire iusserat, sic caeteros proceres, & consanguineos ciuiliū dissensionum auctores conterruit; ut saepe ab ipso data venia, & bona fide pacificationis, quam omnes cupiebant, causa vocati, venire, seque suspectae regis fidei committere non audentes, multis iacturis, calamitatibus & indignitatibus implorato finitimorum regum auxilio Castellam diu, atque regem ipsum affecerunt. Praeterea quia regnis, quae haereditaria successione administrantur, non semper ea felicitas contingit, ut optimi, & prudentissimi reges succedant, qui per sese omnia norint, ut ait Hesiodus poeta;

Ὅτος μὲν παναριστός, ὃς αὐτῷ πάντα νοεῖται  
φρασσάμεν, τὰ κ' ἐπειτα, καὶ εἰς τέλος εἶπεν ἀμείνω

Sed quidā interdū, cū quib. praclare agitur, si recte consulētium monita sequantur, illud talib. regib. etiā atq; etiā cauendū est, ne se vnus etiā ingeniosi, & rerum periti consilio, voluntatiq; addicant; sed complurium grauium, sapientiumque virorum prudentia ducatur, multos consilio, & virtute praestantes deliberationibus, de magnis quidem rebus adhibeant. Non solum quia multorum maior est prudentia, grauior auctoritas, & incorruptior integritas quam vnus; sed etiam quia minus vel inuidiae, vel indignationis in caeterorum animis existit; quae mala



mala sæpe ambitiosos sollicitant, & nouarum rerum studium, magnâ-  
 que perturbationem inducunt, quod Ioanni secundo, & Henrico filio  
 Castellæ regnum obtinentibus accidisse, in regum nostrorum monu-  
 mentis legimus. Adhæc, quia regno paulo quidem ampliore non vna  
 tantum, sed multæ ciuitates, municipia, & castella continentur, & suis  
 quisq; populus magistratibus gubernatur; prouidendum regi est, vt ea-  
 rum communitatum administratio remp. optimatum emuletur. Huius  
 enim cognatum, atq; æmulum esse regnum, & res ipsa docet, & philo-  
 sophus testatur. Est autem proprium status optimatum, vt magistratus  
 viris ingenuis, probis, & prudentibus mandetur: ingenui verò propriè  
 nominantur, qui nec serui sunt, nec libertini. Seruorum autem nomine  
 quod ad magistratus pertinet, mercenarios etiam, & sordidarum arti-  
 um opifices, quasi seruos publicos intelligi volunt philosophi: quibus  
 philosophis ne forenses quidem magistratibus præfici placet propter  
 auaritiæ, & vanitatis suspicionē; quæ institorū, & minutarū mercium  
 mercatorū comites esse solent: quo in loco Thebanis testibus vtūtur a-  
 pud quos ob eas causas, qui intra decem annos mercaturam exercuisset  
 magistratum gerere lege vetabatur. In regno igitur magistratus supre-  
 mos quidem per vrbes regio, aut eorum iudicio probatis, quorum pru-  
 dentia rex in rebus summis administrandis vti consuevit; cæteros vero  
 per minora oppida, seu vicos, vnde ad vrbes est prouocatio, populari-  
 um suffragio delectis, sed ex aliquo censu deferri conuenit, vt primum  
 virtutis, atq; prudentiæ; deinde etiam diuitiarum ratio ducatur. Paupe-  
 ribus enim nisi alantur ex publico, nec otium superpetit, quo possint re-  
 bus communibus vacare, & à cæteris tum ipsi, tum eorum iussa contem-  
 nuntur, præsertim à diuitibus, quibus ne audent quidem imperare. Sor-  
 titō vero deferre magistratus, præter quam si fiat inter iam suffragio  
 delectos, aut de quorum virtutibus sit anceps iudicium; ad statum po-  
 pularem pertinet, genus reip. deprauatum; multifariamq; bono publi-  
 co nocet: cum sæpe improbos, stultos, pudendosq; homines optimis,  
 prudentibus, honoratisq; viris sorte prælatos videamus, natura repu-  
 gnante; quæ eadem nos, vsusque rerum docet, summæ vel dementiæ,  
 vel prauitatis etiam rationi, & cōsilio casum, & temeritatem per legē  
 anteferre. Licet enim populares nonnunquam largitione, aut alio malo  
 corrupti ineptis posthabeant meliores; plerumque tamen si non opti-  
 mis, certe mediocribus suffragantur. Leges autem, in bona rep. quod  
 plerumque suapte natura iustum est, & bono publico accommodatum  
 spectare, sancireque & debent, & solent; non si quid casu, & præter cō-  
 munem hominum consuetudinem possit accidere. Qua de re, vt pluri-  
 bus fortasse, quam opus erat differerem, me lex popularis de huiusmo-  
 di sortitionibus hortata est; quæ nuper in quædam municipia, & vicos  
 Hispaniæ, nescio quo pacto per quorundam immoderatam cupiditatē,  
 & stu-

Optimatum  
ratio habenda.

Arist. polit. 3

Opifices phi-  
losophis præ  
seruis.

Mercatores  
magistratū  
ne gerant.

Sortiri ma-  
gistratus de-  
mocratice est.

Sortitio in  
quibusdā Hi-  
spanorū pagis



*De mandan-  
dis in Hispa-  
nia honoribus.*

*Gesti magi-  
stratus exi-  
genda est ra-  
tio.*

*Arist. lib. 2.  
Polit.*

*Prætores si-  
ne prouoca-  
tione.*

& studium rerum nouarum in malum, & dedecus populorum, vt res ipsa docet, irrepsit; per speciem largitioni, ambitioni; occurrēdi, falsam videlicet, impetrata. Quis enim locus his malis extra vrbes relinquatur, vbi magistratus sine mercede geruntur, ab ijs fere, quos rei familiaris angustē sine labore quotidiano suppetentis cura sollicitat, & à publicis negotijs dehortatur? Cæterum ea lex vt contra regiæ, optima tumq; reip. rationem, & bonum publicum est introducta; sic fore spes est, vt iam vsu damnata breui tempore repudietur, & antiquetur. Verū tamen de magistratibus non solum mandandis, sed etiam corrigendis, & ratione gesti muneris reposcenda reges Hispaniæ parum præceptis philosophorum indigent; modo placeat, vt placet, morem maiorum, & publicam Hispaniæ cōsuetudinem tenere: adiecta præsertim ea prouisione, qua pater idem tuus, cum magno popularium applausu ciuitatibus consulere sese velle, ostenderat: vt non solum ab annuis & temporarijs magistratibus; sed etiam à perpetuis, vt senatoribus, ratio gestorū munerum reposcatur; ne impunitate, atq; licentia improborū audacia, & auaritia crescat, mediocres autem esse illorum exemplo ad peccandum inuitentur. Sed ne hoc prudentissimē cogitatum, & alia similia ad pacem pertinentia perficeret, bellis necessarijs primum, postremò morbis inde contractis, immaturaq; morte exclusus: fecit, quā senatores corrigendi prouisionem à Lycurgo in Lacedæmoniorum instituenda rep. prætermisam esse, philosophus reprehendit, his verbis: *cum muneribus corrumpi senatores, & multa de rebus communibus largiri cernantur, utique commodius erat, ut is, magistratus correctione liber, atque solutus non esset, quod nunc abest.* Quæ ratione ductis quibusdam prætores aulicos, qui quatuor numero regem, consiliaq; regia per Hispaniam sequuntur, esse, vt sunt, utiq; in rebus capitalibus sine prouocatione, & correctione, non placet: nam periculosum esse, & tyrannidi simile in rebus maximis ad famam, & salutem ciuium pertinentibus hominum arbitrium libere, & impune, ac non potius leges dominari, sapientib. viris reclamantib. Sed horum ita differentium ratio est illa quidem speciosa, atq; adeo iusta, & recta, si homines iniusti patrato scelere, legibus vellent iudicari. Sed tanta est multorum peruersitas, & iniquitas, vt non quid moribus, & legibus constitutum sit, laborent; sed toti in eam curam infillant, vt admissio facinore, & iniurijs illatis, per calumniam, & dolos instituta legum, & iudicium officium frustrentur: qui iudices sæpe magnis indicijs, certa; ratione veritate cognita; tamen quia reorum malitia, & astutia legitimæ probationes desunt, constantiores redduntur, seueritatem correctionis à superioribus iudicib. metuentes: quibus multa probari nequeunt, de quibus præsens iudex omnia circumspiciens non dubitauit. Cum hoc igitur timore sæpe iudices deterreantur, sæpius etiam iniustis prouocationibus, & calumnijs ab officij executione prohibeantur



beantur, summa ratione, maximaque regum prudentia prouisum est, ut prætores quidam sine prouocatione, & correctione constituerentur, qui non solum circa regiam aulam, quam seditionibus, aut tumultibus sollicitare scelus est, imminutæ maiestati simile, facinorosis hominibus terrori essent; sed rei magnitudine poscente quoquo versus missi capitales causas cognoscerent, & nullis fraudibus, & calumnijs impedi-entibus pro sua prudentia in flagitiosos vindicarent: ne callido legum præsidio per versutias, & dolos magna flagitia cum grandi reip. incommodo impunita manerent. Curandum tamen est, in primisq; cauendum, ne huiusmodi officio quisquam, nisi prudens, grauis, integer, iustitiæ cultor, iuris, rerumque peritus præficiatur. Quamquam enim multa horum prudentiæ permittuntur: ipsi tamen & debent, & solent legibus, & moribus, quoad fieri possit seruire.

De liberorū procreatione non placet Philosophis, nec nimis adole-scentes in matrimonium, nec seniores copulari, cum in vtraq; ætate fi-lios, & corpore, & animo inualidos gigni constet. Itaq; viris circa an-num ætatis trigesimum sextum, foeminis circa decimum octauum tem-pestiuas esse nuptias, Aristoteles decernit. Nam Plato vigesimum foe-minæ, viro trigesimum nuptijs aptissimum esse lib. 5 de rep. prodidit, & mulieribus ad quadragesimum, viris ad quinquagesimū circiter ætatis annum filios procreare, tempestiuum esse. Quæ cura si cæteris homini-bus adhibenda est, quanto magis regibus, quibus apud Lacedæmonios vxores etiam proceriore statura ducere legitimum erat, ut liberos, qui maternam corporaturam plus etiam, quam paternam referre so-lent, grandiores procrearent. Quamquam in mediocri, aut etiam parua statura magnitudini, tum animi, tum etiam consilij locus est, ut de Iy-deo prodidit Homerus: & item viribus ingenuis, quæ viros principes maximè decent, nec enim in his athletarum habitus, & robur desidera-tur. Veruntamen corporis proceritate, sine qua pulchritudo non con-stat, multum accedit maiestati, unde nota est Indorum, Aethiopumq; consuetudo; de qua meminit Arist. maximā cuiq; statura regnum popu-larium suffragio deferendi, cui sententiæ, & consuetudini conuenit, plurimumq; auctoritatis addit Saulis exemplum, qui primus omnium regis nomine Hebræorum genti præfuit. Is enim adeo per Samuelem prophetam, spectata non solum animi, sed etiam corporis præstantia, delectus fuisse, sacra historia memoratur, de quo sic scriptum videmus. *Erat Saul electus & bonus, & non erat vir de filijs Israel melior illo, ab humero, & sur-sum eminebat super omnem populum.* Quod vero pertinet ad educationem, il-la summa est omnium præceptorum consentiente sapientissimorum iudicio probata, ut pueri ab ineunte ætate, virtutē, ut rebus pro-bis oblectari, turpes odio habere consuescant, quam curam olim in quibusdam ciuitatibus puerorum præfecti παιδονόμοι

*De libero-  
rum procrea-  
tione.*

*Quando vx-  
or ducenda.  
Polit. 7.*

*Procera  
vxor regi du-  
cenda.*

*In paruis cor-  
poribus ma-  
ior animi  
vis.*

*Reg. 1. cap. 10*

*Liberorum  
educatio  
qualis.*



*Virtutibus  
& literis  
pueri imbu-  
endi.*

*De militia  
ac venatio-  
ne.*

*Perse ciuiū  
optimū elige-  
bant qui Re-  
gis heredis  
pædagogus  
esset.*

*Non temere  
belligerādū  
sed ut in pa-  
ce viuatur.*

*Arist. polit.  
7 c 14.  
Iustæ belli  
causæ.*

Græcè nuncupati publicè gerebant. Est autem virtus duplex, quo pue-  
rorum educatio spectare debet. Nam vt viri non eadem virtus est, quæ  
mulieris: quoniam si vir ita fortis esset, vt fortis mulier timidus esset;  
sic alia est imperantis virtus, alia parentis, non solum quoniam impe-  
rantis propria virtus est prudentia, sed etiam quia cæteræ virtutes, quæ  
vtriq; sunt communes inter sese specie differunt: exempli gratia impe-  
rantis temperantia à temperantia obsequentis, & iustitia eodem modo  
Poli. 3. Honoratorum igitur ciuium filij vtraq; virtute excolendi sunt,  
vt habeant, non modo parendi, sed etiam ciuilitate, si magistratui præ-  
fuerint imperandi facultatem; quæ rectè vel togæ, vel militiæ impera-  
tibus parendo discitur, & comparatur. Futuri autem regis educatio to-  
ta ad virtutes imperantis, perfectas scilicet & heroicas, de quibus est in  
libro de moribus septimo, dirigi debet, & per viros, tum sapientia, tum  
cæteris virtutibus præstantes tenerior ætas studijs litterarum imbuen-  
da est; firmior autem equestribus, & bellicis meditationibus, & item  
venationibus quod belli genus est, exercenda, & partim sapientium  
præceptis, partim summorum, & clarorum virorum, ac principum ex-  
emplis ad omne virtutum genus instituenda, sed religione, & pietate  
in Deum primum omnium, & per omne tempus imbuen-da. Quarum re-  
rum causa Persarum reges consueuisse refert Plato, in Alcibiade maio-  
re, quatuor viros in suo quemque genere summos ad filium stirpis ma-  
ximum & maximi regni hæredem instituendum ex omni ciuium, po-  
pulariumq; copia sapientissimum, iustissimum, temperantissimum, &  
fortissimum deligere.

Neque vero solum rex futurus, ita vt diximus pædagogorum, pater  
nisque monitis instituendus est; sed ipse accepto regno per omnem æ-  
tatem ita se gerere, vt omnes intelligant, ipsum magno excellentium  
virtutum præsidio instructum esse; tum ad otium, & pacem cum regni,  
suaque felicitate fruendum, & retinendum; tum ad bellum, si qua ne-  
cessitas impulerit gerendum. Nam bellum temere per auaritiam vel  
regnandi cupiditatem, ad summam sine iusta causa suscipere, impium  
habetur, & nefarium. Quoniam bella, vt est sapientium consensus, à Ci-  
cerone in libro de officijs primo eleganter, vt solet, explicatus, suscipi-  
enda sunt, vt sine iniuria in pace viuatur. Nec vllum bellum iustum est,  
nisi quod aut rebus repetitis geratur, aut denuntiatum ante sit, & indi-  
ctum, etiam si subsit, vt primum omnium subesse debet, auctore phi-  
losopho iusta causa. Iustæ vero causæ belli triplici genere continentur  
Nam bello iusto propulsantur iniuriæ, ne ciuitas seruire cogatur, quæ  
grauissima ex omnibus causa est, & maximè naturalis, ad quam repeti-  
tio rerum ablatarum, & iniuriarum persecutio refertur. Nam se, suos-  
que defendere, & vim vi repellere censetur, qui hostes illatæ iniuriæ  
auctores poena sumpta, rebusque cum primum potest, receptis, exte-  
nuat,



nuat, cunctatioresque, & infirmiores reddit ad contumelias; ut Innocentij pontificis maximi rescripto declaratur. c. *olim*, & primo. §. *intelligentes de rest. sp.* & innuit Augustinus cum iusta bella definiri solita esse testatur, quæ iniurias vlciscuntur, propulsationem, & vindicationem iniuriarum verbo vno complexus. Oportet enim, ut philosophus ait, hostibus, non solum cum fines inuadunt, sed etiam cum abierint, esse formidabiles. Bello item iusto imperium quæritur in eos, quorum com- *Bellum cum*  
moditati consulitur, ut peccandi licentia priuati barbari, & à lege na- *barbaris ge-*  
turali aduersis moribus exuti primum, deinde pijs exhortationibus at- *tibus.*  
que doctrina in cultum humaniorem, aut etiam veram religionem re-  
uocati per ciuile, siue regium imperium cunctis rationibus in officio  
contineantur, quam rationem Gennadius exarchus Africæ vir opti- *Gennadij ex-*  
mus, & catholicæ fidei ac religionis colentissimus sequebatur, cum ge- *archi Africa-*  
tes paganas interiorem Africam incolentes bello in ditionem redige- *factum.*  
re, coeptis fauente Deo nitebatur, ob eam dumtaxat causam, ut Christi-  
anorum imperio subiectæ commodius euangelica prædicatione, & do-  
ctrina in Christi fidem inducerentur, ut Gregorius pontifex maximus,  
& idem Ecclesiæ doctor sanctissimus, & grauissimus in epistola, quæ est  
ad eundem Gennadium lib. primi. 73. memorat: eius generis bella ma-  
ximè commendans, quæ Deo Christo gratissima esse testificatur. Ea *Romani an-*  
dem causa veteribus Romanis auctore Augustino suffragatur, ut iure *orbem iure*  
terrarum orbem in suam ditionem rede gisse videantur, ad graua mul- *subegerint.*  
tarum gentium, ut idem Augustinus ait, domanda mala His tertiam iu-  
sti belli causam addit philosophus, ut herili imperio, qui ea condicio-  
ne digni sunt, subiiciantur, cuius generis sunt nationes, ubi homines  
improbi natura proueniunt, & ad maleficia procliues, qui virga ferrea  
regendi sunt, & ab iniurijs coercendi, vel tales, ut herile imperium æ-  
quo animo ferant; ut quædam gentes in Europa, sed multo plures in *Seruius quo-*  
Asia, quarum populares non recusant, quominus honorum expertes à *rūdā in Asia.*  
regibus, & nobilitate loco seruorum habeantur: à qua demissione ani- *Europa.*  
mi longissimè nostri homines abhorrent, quibus gentibus hoc ipsum  
utile est, & iustum, ut non vicissim, sed semper melioribus, & humanio-  
ribus pareant, ut horum virtute, atque prudentia per vim, & timorem,  
si aliter non datur, ipsorum improbitas coerceatur, feritas in humani-  
orem cultum, & veram religionem reuocetur, & vita, quam quidam  
ferarum similem degunt, à desidia, vel iniurijs ad iustum, & vtrisque v-  
tilem laborem retrahatur. Quæ causa Lusitanis suffragari videri potest *Lusitani an-*  
ut ex Nigritis Aethiopibusque & cæteris ad oram Africæ, quam lon- *recte Aethio-*  
gissimo circuitu legunt, barbaris, agrestibus, & incultis veræ religio- *pes in serui-*  
nis, ac pane humanitatis expertibus multos bello, vel per aliam occa- *tutem redi-*  
sionem non iniuria in seruitutem Christianorum abstrahant, sub quo- *gant.*  
rum etiam herili imperio tum in præsens, tum in futurum, siue corpo-



Mat. 7.

Tob. 4.

Velle & nol-  
le in sacris  
litteris pro  
probare &  
improbare.  
Rom. 7.

Bellum an à  
rege an à du-  
cibus geren-  
dum.

Carolus V.  
Germanicū  
bellum per  
se gessit.

ris, siue animi commoditates spectes, vitam degunt multo optabilio-  
rem, quam in patria, exusta solis ardoribus regione, vbi nudi ab omni  
virtute, & humanitate alieni ritu belluarum vagantur, vt non iniuriā à  
cipientibus, sed beneficium accipere videantur: quod beneficium licet  
inuitis cōferatur, tū iure diuino, & naturali cōferri mihi videatur ad il-  
lud euangelicum, idemque naturale praeceptum intuenti; *omnia quaecun-  
que vultis, vt vobis faciant homines, hæc & vos facite illis* Non enim quid homi-  
nes perperam velint, sed quid recta ratione velle debeāt, intueri oportet,  
vt theologi declarant. Nam velle, & nolle sãpe, vt apud historicos,  
& cæteros profanos scriptores, sic in scriptura sacra ad approbandi, &  
improbandi sensum transferuntur. *Non quod volo*, inquit Paulus, *bonum*  
*hoc facio, sed quod nolo malum*, id est, non bonum quod approbo, sed malum  
quod improbo, iudicio scilicet rectæ rationis. Si hæc igitur humana  
seruitus illi ferinæ libertati iudicio rectæ rationis antefertur, eandē  
seruitutem barbari malle censendi sunt. Sed hæc viderint doctiores, e-  
go nihil statuo pro certo & definito. Cæterum in bellis quamlibet iu-  
stis, non tamen ita necessarijs, id est quæ non ad vim, & præsentem in-  
iuriam propulsandam referuntur, suscipiendis, prima cautio sapientis  
regis, primaque prouisio est, ne opibus, & viribus maius negotium per  
ambitionem, aut cupiditatem sulcipiat; ne vel frustra, & cum temeri-  
tatis nota innitatur; vel per magnas ciuium, clientumque, & pacatorum  
populorum iniurias, & intolerabiles exactiones inopiæ, & infirmitati  
mederi cogatur. Deinde vt sit commodorum, & incommodorum dili-  
gens ratiocinator, vt addendo, & deducendo, quæ reliqui summa fiat,  
intelligatur. Paruas enim, aut mediocres commoditates magnis iactu-  
ris, periculis, laboribusque petere, extremæ dementiæ est. Iusto autem  
bello ex qua umque honesta causa suscepto, vtrum id ab ipso per se re-  
ge, an per duces administrari satius sit, in controuersiam venire potest,  
quæ deliberatio magnorum, & opulentorum regum est, apud exiguos  
enim, tenuisque fortunæ regulos, ea res non est consilij. Cum autem per  
opulentiam, & magnitudinem vtrumque licet, sæpe magnæ prudentiæ  
est, vtrum magis è rep. regiaque dignitate, & existimatione sit, consti-  
tuere. Cæterum in popularibus dissensionibus, quibus regis dignitas,  
& auctoritas, aut etiam salus scelere seditiosorum, perfidorumque ci-  
uium in discrimen vocatur, quia regis præsentia, & bonis, fidisque ci-  
uibz animus accedit, & improbis, & perfidiosus timor iniicitur, tum  
ob hanc causam eiusmodi bella à rege ipso administrari conuenit, tum  
ne qua suspicio ignauitæ, & timoris oriatur, quæ opinio regis contem-  
ptum parit, & nouarum rerum cupidis, & male cogitantibus animos  
addit. Cuius præcepti clarissimum exemplum pater tuus nuper edi-  
dit in Germanica defectione, quam summa vigilantia, prudentia,  
vir-



virtute, & constantia compescuit. Germania, quæ Io. Federico duce Saxoniae, & Philippo Hesse Lantgrauio auctoribus imperium eius detrectans maximo exercitu coacto tumultuabatur, bello difficillimo pacata.

Quæ vero bella extra regni fines, in prouincijs iustis ex causis suscipiuntur, his gerendis idoneos duces cum summa imperij præficere, commodius est, quàm regem per se administrare, idque expeditius esse, & magis è dignitate, & grauitate regia notius est, quam ut exemplis, quæ plurima suppetunt, confirmari debeat. Quis enim non videat, sic bellum grauius, & minore tum periculo, tum etiam sumptu, & quod plurimū refert, minore cunctatione administrari? In consilijs enim, quæ in bello prudentissimis præfectis, & rei militaris peritissimis adhibitis, more prudentium imperatorum coguntur; sæpe magna pars consultorum in rebus periculosis decernendis ore parum libero apud regem loquuntur, dum omnes regiae salutis maxime consulere videri volunt, & nemo ei auctor esse vult periculosi consilij. Itaque consultorum dehortatione sæpe rex cunctantior efficitur, & belli tempora, magnæque rei bene gerendæ occasiones elabuntur, quod nostra memoria non semel vfu venisse exploratum habeo. Itemque accidisset ad Tunetum patri tuo, si consultores audisset; quibus fere omnibus dehortantibus in hostes mouens maximo Turcarum, Afiorumque cum ductore Caradino exercitu fuso, urbem expugnauit: in cuius olim obsidione Gallorum rex Ludouicus extinctus fuerat; ut nostra memoria Franciscus ad Papiam cum magno exercitu à nostris ducibus & militibus victus, & cum multis viris principibus captus fuit. Qui nostri duces gloriæ, & prædæ cupiditate regem cum magno procerum numero, ipsum, ut fieri solet, affectantium deuicerunt, incensi studio naturam, ac difficultates omnes superantes nullum periculum recusarunt. Nam hæc quoque ratio magnis regibus bellum administrantibus est aduersaria. Atque hæc quidem de bellis inferendis.

In defendendo autem si externi hostes fines regiones inuaserint, summa, & utilissima cautio est, & quæ prætermissa maximas, & regibus magnis, & præclaris rebus publicis calamitates attulit; ut coacto delectorum hominum exercitu, ne temere agatur, neue summis copijs prælio cum hostibus decernatur. Nam milites in aliena regione, cum intelligant, sibi aut vincendum esse, aut mortem oppetendam, necessitatem in virtutem conuertunt: ciues autem, & regni populares cum sibi fuga elapsis multa perfugia parata esse videant, non ita cōstater in periculis persistunt. Quo factum est, ut Romani in Italia ab Annibale ad Trebiam, ad Transymenum, ad Canas, denique quotiescumque signa cum eo cōtulerunt, vincerentur. Cuius rei, & causæ memor Annibal, ipse Antiocho regi, (ad quē in Africa à P. Scipione victus profugerat) dicitur.

*Bella extra  
fines melius  
ab alijs geri.*

*Tunetum à  
Carolo V ex  
pugnatum.*

*Defendendi  
sui ratio.*

*In patria ra-  
ro feliciter  
pugnari ex  
emplis ostē-  
ditur.*



*Arces præstidij muniente.*

*Cunctandū interdū exēplo Q. Fabij Maximi.*

*Ennius: Unus homo nobis cunctando restituit rem.*

*Non ponebat enim rumores ante salutem.*

*Iusta belli gerēdi causa Deut. 20.*

*Bello non esse Christianis interdīctum.*

gerat) suadebat, vt bellum à Romanis impendens ex Syria in Italiam transferret, quo consilio rex contempto victus est à Romanis in sua Syria, & maxima regni parte spoliatus; victo enim & supplici partem regni concesserunt. Idem ac peius etiam accidit Roderico regi nostro Gothorum vltimo, qui copijs omnibus cum Mauris Hispaniam inuadentibus pugnans, & ipse occubuit, & Hispaniam rege orbatam hostibus occupandam, & diripiendam reliquit. Hæc igitur temeritas regi vitanda inprimis est, suisque bonis, & facultatibus vtendum, vt vim hostilem ab vrbibus, & municipijs, castellisque non armis solum impositorum præsidiorum; sed muris etiam, & munitionibus, tormentisque repellat, simulque cum exercitu superioribus, & munitioribus locis, tum per se, tum per duces occupatis, castrisque munitis hostes impune vagari ne patiatur, & agrorum populationibus, quoad fieri possit, prohibeat, & com meatibus excludat, & oppidis obfessis subsidium mittat vt sic hostes difficultatibus affecti, vel finibus excedere cogatur, vel ad iniquam pugnandi conditionem descendere. Huius vtilissimi, ac regno regi que, & reip. maximè salutaris consilij auctorem habemus. Q. Fabiū Maximū virū, maximi tū animi, tū etiam consilij, cui *Cunctatori* ex ea re cognomen fuit, quod cunctando, & prælijs, præterquam per occasionē, abstinendo, euagandi modo licentiam, & libertatem populandi hostibus minuendo Annibalem exultantem molliuit, suaque patientia fregit, publicæ salutis rumoribus popularibus posthabitis; ea que ratione remp. Romanam aliorum ducum malis pugnis pæne amissam & deletam restituit.

Quod vero pertinet ad iusti belli gerendi rationem, hæc in lege quadam diuina Deuteronomij ad mores pertinente, ac proinde à Christo non abrogata, summatim continetur; quæ lex cum gentium more, id est cum iure naturali congruens, si quando, inquit, accesseris ad expugnandam ciuitatem, offerens ei primum pacem, si receperit, & aperuerit tibi portas, cunctus populus, qui in ea est, saluabitur, & seruiet tibi sub tributo: sin autem fœdus inire noluerit, & ceperit contra te bellum, oppugnabis eam. Cumque tradiderit dominus Deus tuus illam in manu tua, percuties omne, quod in ea generis masculini est, in ore gladij absque mulieribus, & infantibus, iumentis, & cæteris, quæ in ciuitate sunt. Omnem prædam exercitui diuides, & comedes de spolijs hostium tuorum, quæ dominus Deus dedit tibi. Qua lege declaratur, iustum bellum gerentibus more gentium, iureque diuino, & naturali permissum esse, hostem occidere, in seruitutem redigere, bonis spoliare, vrbes, oppidaque diripere, agros vastare, & populari, & modis omnibus hostes male habere, donec victoria potiantur, dummodo hæc bono animo fiant, & ad pacem spectante. Ergo qui horum malorum vitandi causa Christianis omne belli genus vetitum esse contendunt, hi quidem in magna iuris diuini, & naturalis ignoratione versantur, reclamante Augustino, *Quid culpatur, inquit, in bello*

*an quia*



du qui moriuntur aliquando morituri, ut regnent in pace victuri: hoc reprehendere ti-  
 midorum est, non religiosorum. Nocendi cupiditas, vlciscendi crudelitas, impacatus  
 atque implacabilis animus, feritas rebellandi, libido dominandi, & si qua similis, hæc  
 sunt, quæ in bellis iure culpantur. Hæc Augustinus. Bello autem iusto confecto  
 victori principi, si summo iure innitatur, eodem modo licet hostem in-  
 terficere, seruitute, & bonis multare. Sed quia interdum summum ius est  
 summa iniuria, & multa licent, quæ non expediunt, auctore Paulo; iusti, & huma-  
 ni principis est parta victoria, æquitatem summo iuri præferre, & ho-  
 stium causam in vtramque partem considerare, mores, crudelitatem, mā-  
 fuetudinem, pugnandi causas, facilitatem, & vicissim pertinaciam per-  
 pendere, non odio indulgere, non auaritiæ, cuncta ad bonum publicum  
 referre. Ad summam, nihil amplius vel appetere, vel scire, quam ra-  
 tio postulet illatæ iniuriæ, & publicæ quietis, stabilisquæ pacis, quæ ni-  
 hil sit insidiarum habitura. Hunc enim esse iusti belli finem, communis  
 est hominum consensus, id est naturæ decretum, de quo magni viri me-  
 minerunt Arist. eth. 10. & 7. Pol. Cice. off. 1. Augustinus in epistola ad Bo-  
 nif. & hunc morem gentes humanissimas tenuisse legimus, Macedones,  
 Athenienses, Lacedæmonios, inprimisque veteres Romanos, qui habiti  
 sunt in bellis gerendis, ut testatur Augustinus, moderatissimi. Quasdam  
 enim ciuitates à se deuictas leuibus incommodis afficiebant, & æquis  
 condicionibus in prouincias redactas, stipendiarias efficiebant, non-  
 nullas relinquebant etiam liberas, & suis quamque legibus vti permit-  
 tebant, sed cum hostium grauissima culpa, seu peruersa natura postula-  
 bat, oppidis, agrisque multabant, quosdam etiam funditus debebant,  
 ut Carthaginem. Prudentes igitur, iusti quæque mortales ea ratione ius in  
 hostes victos temperabant; quod temperamentum principes Christia-  
 ni, & solent, & debent imitari, sed ita, ut Ethnicos etiam moderatissi-  
 mos ut religione, & vera in Deum pietate; sic etiam clementia, & hu-  
 manitate vincant, tum in bellis gerendis, tum in hostibus victoria par-  
 ta puniendis. Ceterum hæc monita ad regis officium pertinentia, de  
 quibus hætenus partim rerum usu, & clarorum virorum exemplis,  
 partim sapientium solertia, & diligente obseruatione docti disserui-  
 mus; non ut leges perpetuas, quæ numquam sine culpa prætereantur,  
 accipere oportet. In maxima enim rerum agendarum varietate, & in-  
 constantia, ut supra diximus, nulla lex, nullum præceptum perpetuum  
 esse potest, maximis philosophis auctoribus. Platone in libro de regno,  
 & Arist. eth. 5. c. 10. præter quædam latissimè statuentia, quale illud est;  
*declina à malo, & fac bonum* & illud eiusdem fere sententiæ; *ab ordine naturali*  
*ne discedas.* Quæ lege æterna, ut docet Augustinus contra Faust. 22. conti-  
 nentur. Cæterum his præceptis, quæ plerumque salutariter seruantur  
 cognitis, eorumque memor, regis, & regiorum consultorum pruden-  
 tia, non cōtēendis adiumentis, instructior erit ad consilia de rebus sin-  
 gulis

contra Fau-  
 stum lib. 22.

cap. 4.

1. Cor. 6.

Parta victo-  
 ria modera-  
 tio est adhi-  
 benda.

5 de ciuit.  
 Dei.

Poena hos-  
 tes multandi.

Leges perpe-  
 tuo seruan-  
 das. philo-  
 sphi docent.

psal. 36.



*Leges prora-  
tione tempo-  
ris moderari  
possunt.*

*Condendari  
urbium sit  
& ratio.*

*Fontibus &  
syluis abun-  
dent.*

*Septentrionis  
incolae ani-  
mo praestant  
ingenio reli-  
quis nationi-  
bus minus  
valent.*

*Tribus reb.  
probi viri  
evadunt.*

gulis ineunda. Leges enim, & praecepta vniuerse scribi necesse est. Actiones autem in singulis versantur, de quibus rex, & qui reip. praesunt, decernere, & iudicare debent. Quae leges, dum locorum, temporum, personarum aliaue iusta, & honesta ratione obsidente ob vniuersale deficiunt, decreto ab aequitate ducto, per reges, aut magistratus, qui reip. cum summa potestate praesunt, auctore philosopho, corrigendae sunt; eodemque modo monita sapientium per eosdem ob easdem causas consilijs prudenter ineundis, quae ad bonum publicum referantur, moderanda. Quibus reb. explicatis ad reliqua instituti nostri pergamus.

Urbem loco idoneo condere, quae imperij sedes sit, & regni quasi caput munus ciuilis, ac regiae facultatis est. Quod interdum facere coguntur, qui ob aliquam necessitatem patria cedentes, in alienas, sed vacuas regiones cum hominum multitudine ad nouas sedes quaerendas profiscuntur. Quamobrem hanc quoque partem attingere, non erit alienum instituto nostro. Ergo qui vrbi condendae potest locum ex animi sententia deligere (nec enim omnibus ea felicitas contingit) is primum omnium regionem considerabit, ut dulcium aquarum perennibus fontibus scaturientibus, & fluminibus interfluentibus rerum ad victum hominum, & pecorum; armentorumque pastum necessariarum ferax sit, & syluis, unde materia aedificijs, & ligna necessarijs vsibus petantur, abundans. Praeterea ut nec frigoribus rigeat; nec solis ardoribus infestetur, sed salubri temperatura commendetur; quod ita demum fiet, si medium locorum sortita sit, in quarta, vel quinta caeli declinatione, quae Graece climata nuncupantur, qualem situm tota ferme Hispania, Italia, Graeciaeque obtinent.

Nam quae gentes frigidas regiones incolunt, cuius modi sunt Septentrionibus adiacentes, ut Scythiae, & Sarmatae, haec animo praestant, ingenio minus valent; quae vero calidas, ingenio excellunt, nec sunt satis animosae, ut Asiani plerique, & Afri. Qui vero mortales temperatas regiones tenent, hi animi, & ingenij temperamento vigent, & vtrisque facultatis officijs sunt accommodati. Natura enim tractabiles, & dociles generantur ad omne virtutum genus, quibus per leges excolendi sunt. Nam cum principis, legumque latoris in bona rep. officium, propositumque sit, ciues probos viros efficere hoc tribus rebus contingit, natura, moribus, atque ratione. Virtutes enim morales, quae per consuetudinem recte factorum ingenerantur, haud ita valide animis inhaerent, & conseruantur, nisi virtutibus naturalibus innitantur, id est, igniculis quibusdam a natura datis, qui reddunt ad virtutes aptos, atque proclines; ut vitia naturalia dicuntur, ineptitudines, & tarditates, & ad malum propensiones; illis igniculis contrariae. Haec tamen, tum consuetudine bonarum rerum tum ratione superantur: quae ratio pietatem sceleri, honestatem turpitudini, laudem infamiae praefendam esse docet, & poenarum le-



rum legibus constitutarum admonet. Locus autem ipsi vrbi deligendus est; primum omnium saluberrimus, qualis esse traditur, cerniturque excelsus, non nebulis, nec pruinis obnoxius, quique cæli regiones spectet, nec nimium frigidas, nec æstuosas valde; sed temperatas inter septentrionem maxime, & solis exortum. Nam locus in meridiem, occasumue solis vergens, minime probatur: cælum enim meridianum, ut Vitruuius ait, & res ipsa docet, per æstatem exoriente sole calefcit, meridie ardet: quod vero occasum spectat, ortu sole tepescit, meridie calet, vespere feruet. Itaque nimio calore corpora non modo laborant, sed etiam vitiantur. Nam calor excoquens vires naturales exsugit, dissoluitque & corpora reddit imbecilla, & macilenta, qualia sunt pleraque Aethiophum, & Afrorum si locus in septentrionem vergat, est ille quidem salubris, sed per hyemem frigore flantibus Aquilonibus riget, vitanda est etiam palustris vicinitas: nam auræ matutinæ, & nebulae, quæ inde afflantur, exoriente sole, cum per se corporibus humanis noceant, putrescentium aquarum, cœni que tetro foetore, aut etiam palustrium bestiarum venenatis spiritibus infectæ locum pestilentem reddunt. Hæc est enim, ut arbitror, potissima causa, cur Hispania multo salubrior sit, quam Italia, quod hæc lacubus, & paludibus referta est: per omnem autem Hispaniam salubritas cæli, ut Trogus ait, æqualisque aeris spiritus nulla paludum graui nebula inficitur. Aquarum quoque commoditas plurimum facit ad salutem animantium. Nam quibus rebus sæpe & multum vtimur, hæc salubres sint, an secus, plurimum interest ad valetudinem, cuiusmodi sunt aquæ: quippe quæ non solum potui, sed etiam cibis excoquendis, & multis alijs vsibus aptantur. Eadem est aeris ratio, quem spiritu continenter ducimus ad cordis calorem temperandum.

Proxima salubritati cura est, ut sit locus natura munitus, & ad hostiles iniurias repellendas accommodatus, qualem esse constat locum editum magno aliquo flumine circumfluente, & præruptis saxis vallatum; cuiusmodi est Toleti situs, ad Carpetaniâ circumfluente Tago, & Conchæ in Celtiberia inter Sucronem, & flumen alterum, urbium Hispaniæ locum munitissimarum. Ad quas Sepulveda vnde genus nostrum firmitudine, & munitione naturali proxime accedit, circumfluente Duratone flumine, cuius alueus crepidinibus utrinque continetur, saxis, eisdemque præaltis, & in sublime instar muri directis. Qua vero flumen intermittit, altero item, sed paruo flumine, & præruptorum saxorum nativo munimento Sepulveda vallatur, quod oppidum olim Segobrigam fuisse suspicor, tum ex loco, & regione Celtiberiæ, tum ex vocabulo coniecturam faciens. Nam quæ nunc Sepulveda corruptiore vocabulo dicitur, hanc in veteribus ipsius legibus *Seoulnegam* vocitari animaduerti, nomine scilicet, non ita multum

*Quis locus vrbi deligendus.*

*Calor reddit corpora debilia.*

*Hispania quare Italia salubrior. Iustinus.*

*Locus sit naturaliter munitus.*

*Sepulveda oppidum olim Segobriga dictum.*



*His municipi  
ij situs.*

*Fontes & flu  
mina.*

*Toletum pu  
teis caret.*

*Cisterne To  
leti*

*Eius soli bo  
nitas.*

*Toletum re  
gia sedes Hi  
spanie.*

*Cordubæ sit  
& soli boni  
tas.*

à primo illo discrepante. Est autem Sepulveda municipium nobilissi  
mum ad Orospedæ montis, qua septétrionem spectat, radices, loco sa  
lubri simul, & æquali: qua commoditate Toletum, & Concham vincit  
vrbes ad inambulandum, & equitandū propter soli inæqualitatem ine  
ptissimas: in cuius municipij finibus, & clientela vici trecenti amplius  
cum sint, ut ipsum ex magna frequētia ad nimiam hominū paucitatem  
peruenerit, sterilitatem montuosi agri, & pacis diuturnitate factum es  
se reor. Nā ut in periculo, & vicinitate hostium, homines ad munitiora  
loca etiam sterilia confugiunt; sic in otio, & securitate ad frumentari  
as, frugumq; feraces regiones facile demigrant. Vtrumque igitur cum  
salubritate adesse oportet vrbi ratione condendæ; his enim congruen  
tibus in regione temperata, nihil est præterea, quod ad vrbis commo  
dum situm desideretur; si ciuitas sit probis legib. fundata, & rectæ reip.  
conuenienter administretur. Facit etiam vel plurimum ad naturalem  
loci munitionem, & commoditatem, ut non solum fluuius præterfluat,  
aut interlabatur moenia; sed etiam intra dulcium aquarum fontes per  
ennes scateant, aut putei largiter manantes suppetant: tum ut res omni  
tempore ad plurimos vsus necessaria, nunquam desideretur: tum ne si  
forte hostes in obsidione fluuium auerterint, ciuitas aquarum inopia  
deditionē facere cogatur: quæ fontium, aut puteorum commoditas, si Tole  
to adesset, nihil erat quod ad firmissimā loci naturalē munitionem in  
ea vrbe desideraretur: sed ea facultas Toletum tantopere abest ut nullus a  
quæ dulcis fons intra moenia, aut iugis puteus scateat. Itaque Tago, si  
qua ratio iniri posset, ut fortasse non longe ab vrbe, magno licet sum  
ptu, & labore posset auerso, ne paucorum quidem dierum obsidionem  
Toletum à magna multitudine interclusis cōmeatib. sustineret; nisi plu  
rimis, & capacibus cisternis huic malo prospexisset; sed ut ea caret, sic  
alias multas, & magnas habet cōmoditates. Quippe cuius regio tēpera  
ta est in quinto climate, quo Roma sita est: ager late patens frumenta  
rius, & vini optimi, mellis, olei, aliarūq; frugū ferax, & in proximo ad  
Tagi annis siluestre, & hortis irriguis frequentē ripā amœnus; locus i  
pse vrbis quanquā omnib. ventis propter magnitudinē per partes expo  
sit; saluber tamē est, ac, ut dixi, munitissimus: ut nō sine magna causa hæc  
vrbs à Gothis regib. ad sedē, vnde regno moderarentur, cæteris præla  
ta fuisse videatur: accedente ad memoratas causa, quod mediū Hispan  
iæ tenent. Ceterū Corduba, ut Toletum naturali munitione, quā asperi  
tas & celsitudo loci, circumuectusq; Tagus, præstat, & quibusdā alijs ob  
similes causas cedit; sic ceteris fere in reb. & hanc, & alias oēs mediter  
raneas quidē Hispaniæ vrbes situs bonitate vincit, tēperatura, fertilita  
te, salubritate, & amœnitate regionis præstans: sita est enim in quarto  
climate, quod philosophorū, & mathematicorū cōsensu tēperatissimū  
omniū habetur: ex qua tēperie magna ingenia ad studia literarum, & a  
nimi



nimi fortes simul, & solertes ad bella gerenda Cordubæ proueniunt. Vt magno documento sunt in litteris duo Senecæ philosophus, & Tragicus, Gallio orator, Lucanusq; poëta; & Saracenorum tēpore Auerrones, & Auempaces summi philosophi: in armis autem Gonsalus magnus, & Alfonsus Aguilarius frater, & multi præterea clari bellorum duces; quorum bellicis laudib. posterī Prigenſes, Comarenſesq; marchiones, & item Cabrenſis, & Alcaudetenſes comites gloriantur, nihil ipſi à maiorum virtute degenerātes. Quod verò pertinet ad ipſius vr̄bis ſedem, loco commodiſſimo partim pleno, partim molliter in ſolis ortum declinui, & ſaluberrimo Bætis magni, nobiliſq; fluminis ripæ imposita eſt, & agrum habet vndiq; feraciſſimū, ſed maximè ab Aquilone, & Auſtro: hinc enim ager nudus quidem magna ex parte, præter loca vitibus, & oliuis circa vicos conſita; ſed totius Hiſpaniæ maximè frumentarius, ab ipſo ſtatim Bæte longè, lateq; patet. A ſeptētrione vero parua interiecta planitie ſaltus Marianus exſurgit, oleis omniſq; generis citreis, & præcipua bonitate ficibus, cæteriſq; frugiferis arboribus conſitus, & paſſim, largeq; manantib. fontib. irriguus, quorum fontium prædulces aquæ partim arbores, & hortos amaniſſimos in latere montis rigant: quosdam etiam in ſubiecta, & ſuburbana planitie diuino quodam odore, qui ex citrearum floribus aſſatur verè fragrantēs, partim per ſubterraneos meatus in vr̄bem illatæ quoquo verſus, tum in publica loca ad communem ciuitatis vſum, tum in arcem, nobiliumq; domos, & ſacras ædes deriuantur. In parte verò montis auerſa, quæ latiſſimè patet in ſeptentrionem, vineta longiſſimo ſpatio diffunduntur, totuſq; mons in multa paſſuum millia longè, lateq; procurrens nuſquam non fruticibus, & arboribus veſtitus eſt; vnde mellis magna copia, & magna venandi, & aucupādi, & herboſis interiectis locis pecus, præſertim capras, quæ virgultis gaudent, paſcendi, & indeficiēs lignandi facultas. Ad eas enim generoſas, quæ in Bætica feliciffimè proueniunt, & pretioſarum lanarum oues, tum indigenas, tum earum bonam partem, quæ plurimis, magniſq; gregibus in Bæturias hyemandi cauſa ex remotiſſimis Hiſpaniæ locis quotannis coguntur paſcendas, eiufdem Bætis ripa, & multa præterea in finibus Cordubenſibus paſcua loca ſuppeditant, vnde macello optimorum arietum, & reliqui pecoris magna copia.

*Cordubenſium ingenia & ars militaris.*

*Vr̄bis ſitus de quo & Ambroſius Moral.*

*Equæ & oves Bæticae.*

Cæterum mari impositarum vr̄bium cum portu naturali, vel manu factioſitus propter multas commoditates, quæ per nauigationē contingunt, prudentium iudicio maximè commendatur. Nam & hoſtibus nocendi, & ſubſidium clientium, aut amicorum ad repellendas iniurias recipiendi maritimæ vr̄bes maiorem facultatem habent, & item rerum neceſſariarum, quæ deſunt ex longinquo inuehendi, & quæ de proueniētib. in ipſa regione ſuperſunt, exportādi. Accedit piſcationum oc-

*Vr̄bes maritimæ.*



1. Tim. 6.  
Nauigatio  
commodior  
fit an contra

Oppida flu-  
minum nauiga-  
bili apposita

Quæ natura  
locis negauit  
ingenio sup-  
plenda sunt  
de leg. 2.  
185.

casio, quæ tum pacis, tum belli temporibus potest terrestrium animalium vicem explere, ac ut mensas lautiores instruere, sic popularium famem in inopia subleuare. Sed hæ commoditates ad rerum necessariarum, & utilium copiam referendæ sunt; non ad mercaturam quæstus gratia cum alijs exercendam; ne auaritia mercaturæ comes, & pestis maxima ciuitatum; ad summam *cunctorum malorum*, ut Paulus testatur, *radix*, & origo ciuium animos inuadat. Quamquam maritimis urbibus nauigandi facultas, ut eas, de quibus diximus, commoditates suggerit; sic interdum non parua incommoda, & difficultates affert: non solum quia peregrinorum, turbæque naualis commercio, & consuetudine probi mores recte institutæ ciuitatis corrumpuntur; sed quoniam ager, & villæ vicique cum sint iniurijs opportuni, sæpè hostium, aut piratarum improviso aduentu opprimuntur, & aguntur omnia, ferunturque; & homines sine ætatis, aut sexus discrimine, vel necantur, vel in seruitutem abstrahuntur. Quæ incommoda retentis fere, quas dixi, facultatibus vitantur; si vrbs non mari, sed nauigabili flumini non procul mari, & portu imposita sit; quo vel mediocria nauigia compelli possent, ut Roma Antuerpia & Hispalis. Cæterum ubi absunt adiumenta naturæ, & necessitas aliqua, vel aliquæ commoditates loco parum idoneo condere urbem adhortantur, *secunda*, ut aiunt, *nauigatio* est, ut incommodis, ac difficultatibus ratione medeamur. Nam agri sterilitati, maris, uti dixi, vicinitas medetur, & item nauigabilia flumina, quibus commeatus ex feracioribus regionibus importare queant, fontium, & iugium puteorum inopia, multis, & capacibus cisternis, quibus aqua pluuia per hyemem excepta in totum annum suppetat, sarcitur; immunitum natura locum oppetere & manu munire licet, non solum muris egregia firmitudine circumdatis, & frequentibus turribus interiectis, & quibusdam etiam à latere paululum excurrentibus, vnde maior est hostes muris succedentes lædendi facultas; sed etiā præaltis fossis, quæ aqua, si facultas adsit, inducta plus etiam munitioni addunt, circumductis.



IOAN. GENESII

SEPVLVEDAE  
CORDVBENSIS AR-

TIVM ET SACRAE THEO-

LOGIAE DOCTORIS, HI-

STORICAE

SAREI,

EPISTOLARVM

LIBRI SEPTM.

IN QVIBVS CVM ALIA MVL-

ta, quæ legantur dignissima traduntur, tum

varij loci grauiorum doctrinarum et

ruditissime, & elegantissi-

me tractan-

tur.



AD ILLVSTRISSIMVM  
DOMINVM LVDOVICVM MENDO-  
ZAM MONDEIARAE MAR-  
CHIONEM.

IOANNIS GENESII SEPVLVEDAE  
in Librum Epistolarum.

PRAEFATIO.



Epistolarum genera complura esse, tam verè traditum est à Cicerone, vt nullum sit scriptiois genus, in quo locus epistolis apud viros eruditos non relinquatur. Epistolis saepe res non solum priuatim, sed etiam publicè gestae sic comprehenduntur, vt earum historia non admodum desideretur, quod in eiusdem Ciceronis epistolis animaduertere licet. Epistolis ins quandoq; dicitur, & leges sanciantur. Principū enim rescripta pro legibus habentur, vt indicant multa principum Romanorum rescripta, & item leges Pontificiae, quae vt sunt, sic epistolae decretales nominantur. Per epistolas Hippocrates de medicina, Plato, & Heraclitus, & Seneca noster, & pleriq; alij de rebus tum ad naturam, tum ad mores pertinentibus philosophati sunt, & vt Basilium, & ceteros Graecos Theologos omittam, Hieronymus, Augustinus, Gregorius, Ambrosius quatuor ecclesiae Latinae velut columna de rebus sacris, & religionem attinentibus per epistolas disseruerunt, & plerosque diuinarum scripturarum locos grauissimè, & diligentissimè tractauerunt, & libros epistolarum confecerunt. Ad summam, vt coram voce, sic cum absentibus amicis sermones de rebus omnibus per literas conferimus. In quibus generib. cum pro sua quisque facultate versetur, more doctorum hominum comparatum esse videmus, vt epistolas à se paulò accuratius scriptas in vnum quasi corpus conserant, & in codices digestas in manus hominum emittant, idq; ad officium, & humanitatem pertinere putent, si qua ex parte hominum studia suis laboribus, & lucubrationib. iuuare queant. Ego verò, qui in vario genere versatus sum, prout me scilicet res ad doctos amicos latine scribere cohortabatur, non eas modò causas, quas ceteri vulgò solent, secutus sum; epistolas meas praesertim de rebus litterarijs recognoscendi, & in libros digerendi, & emittendi, si quid mea industria, & lucubratiuncula curiosis studiosisq; hominibus ad rerum vel memoriam, vel cognitionem prodesse possent: & quod me complures amici docti & gra-



& graues ad editionem hortabantur, sed ea quoque ratione priuatim impulsus, quoddam multarum mearum epistolarum exempla ab studiosis, meique amantibus adolescentibus collecta, & quaedam parum fideliter descripta ferri cognoueram. Cui malo, ne latius serperet, per publicam, et incorruptam impressionem fuit occurrendum: & simul eadem opera providendum, ne locus fraudi fieret, illius simili, quae libros alienos ab improbis, & maleuolis cum insigni auctorum infamia corruptos fuisse constat, per occasionem priuatim libros manu describendi, nondum scilicet inuenta imprimendi ratione, cui commodissima solertia cum publica auctoritas accedat, & fidelis examinandorum librorum diligentia, facile est priuatas fraudes publico testimonio deprehendere, & redarguere, quam providendi curam quo minus mihi negligendam putarem, fecit falsorum criminum molestissima recordatio, quibus multis & impudentissimis, per rumores à quibusdam meorum iniquorum in vulgus dissipatos sum lacesitus. Atque his quidem ex causis Epistolarum librum concinnavi, & typis excusum euulgandum curavi, quem librum ad te mitto Ludouice Mendoza Mondeiara clarissime Marchio, tenue quidem munusculum, sed vtriusque nostrum persona conueniens, quod sit mea in te colendum proposita voluntatis, & tuorum in me magnorum meritorum memoris animi testimonium. Quam ego necessitudinem non nuper, sed olim constitutam habui cum domo vestra, iam tum ab eo tempore, cum fratres tuos, viros optimos, & Illustres, Franciscum, & Iacobum Roma colere coepi, quorum alter Episcopus Gienensis fuit, alter Caroli Caesaris Orator ad Pontificem Maximum amplissima diu legatione functus. Deinde Bernardinum, qui cum Hispana classis praefectus esset, Turcis hostibus, quos praclaro nauali certamine deuicit, ceterisque piratis magno terrori erat, quique ea praefectura Ioanni filio tradita, nunc Philippo Regi gratum officium familiariter praestat, & ad consilium de maximis rebus adhibetur. Antonium enim idcirco familiariter colere non potui, quia paulo antea, quam ego ex Italica longissima peregrinatione in Hispaniam remeassem, ipse in nouum orbem cum imperio, & summa potestate à Carolo Cesare missus est, ut pro sua iustitia, & prudentia illarum gentium imperium pro Rege procuraret, antequam ipse in aulam regiam vocatus venires: ad quam non solum regio consilio summa eiusdem noui orbis administrationi dicato praes, sed etiam ad consultationes de summis Hispaniae rebus, & Reipublicae statum, siue pax, quiesque sit, siue bellum impendeat, attingentibus pro tua sapientia, & grauitate imprimis adhiberis, quae magna est, & memorabilis domus vestra gloria, quinque fratres in summis ab optimo, & sapientissimo Principe propter singularem virtutum vestrarum opinionem delatis honoribus eodem tempore Remp. cum egregia laude gerere. sed de vestris virtutibus, quanquam



hic locum attingere non fuit alienum, tamen in huius memoria nostraq; gentis historia, cuius ipsi bonam partem vobis vestro iure vendicatis commodius memoratur. Librum igitur accipies hoc animo missum, quo tenues, sed additissimi clientes in magnos amicos & patronos solent per parua munuscula magnam gratificandi, & quacunq; ratione possint, colendi voluntatem declarare, quem librum si per otium legere non grauaberis, inuenies fortasse non pauca, quae te scire delectet, & multa literarum studiosis non inutilia, quae longioribus epistolis sum persecutus. Hieronymum, & Augustinum imitatus, cum quorum multis epistolis si mearum longissimas, quibus varios locos de Christiana philosophia, alijsque grauib; doctrinis ab amicis prouocatus, atque consultus tractari, contuleris, & cuiusque argumentum spectaueris, breues existimabis, si quis autem longiores de rebus literatis commentationes, Epistolas inepte nominari contendat, is poterit equidem per me eosdem libros epistolares, ut à quibusdam Hieronymi epistola inscribuntur, appellare. Vale.

IOANNIS



## IOANNIS GENESII

SEPVLEDÆ CORDV.

BENSIS EPISTO-

LARVM.

LIBER I.

ARGVMENTVM.

*Obstitit antapologiam pro Alberto Pio.*

I. Genesius Sepulveda, DES. E. R.

S. P. D.

EPISTOLA I.



NTAPOLOGIAM pro Alberto Pio, quam Ro-  
mæ iam pridem excusam, cum his ad te literis de-  
di: statueram tibi primo quoque tempore mittere  
vt mea potissimum opera, factus eius compos, in-  
telligeres me, qui eam operam scribendi, non in-  
fenso animo, sed officij gratia suscepi, minimè ab-  
uti velle ignoratione tua, quo liber posset interea  
latius, ac liberiùs diuagari. Sed obstitit huic voluntati, meumq; institu-  
tum retardauit honestissimorù quorundam, & vtriusque nostrum stu-  
diosorù, sed nimis cautorum hominum diligentia, qui cupiètes omnes  
inter nos simultatis causas submouere, lecto libello, temperanda, aut e-  
tiam expungenda verba quædam censuerunt, quibus ipsi contra meam  
sententiam, qui nihil magis toto in libro, quàm vt modestissimè tecum  
agerem elaborauit, animum tuum exasperari posse existimabant. Quan-  
quam vno, aut altero loco Italorum potius stomacho fuit inferuitum,  
quos iidem mihi, nisi ad eum modum prouisum fuisset, iratos fore de-  
nunciabant, sic horum studio factum est, vt liber iam impressus, non  
prius euulgaretur, quàm esset certis in locis ex ipsorum sententia,  
quemadmodum videbis, emendatus. Quod te volui non ignorare, ne,  
visis lituris, rei nouitate n, aut discrimen de nineris, si locis integris,  
ex impressione Parisiensi, liber ad manus tuas peruenerit. Quod verò  
attinet ad Observationes Stunica, de quibus in eodem opusculo men-  
tionem feci: scito eas esse penes Franciscum Quignonium, sanctæ Cru-  
cis Cardinalem, non abhorrentem ab illius voluntate, qui moriens,  
non, vt liber ipse inchoatus, & impolitus, sed summatim decerptæ sen-  
tentia tibi mitterentur, mandauit. Quod decerpenti munus, ego eius-



dem Præfulis voluntate libenter obiissem, si mihi per ingentes meas occupationes licuisset, quas tamen, si tibi rem fore gratam intellexero omnes, huic officio posthabebo, daboque operam, ut exemplum ad te primo quoque tempore transmittatur. Sunt autem, si tibi hoc scire cordi est, octoginta omnino Adnotationes in scolia tua in Hieronymi opera ex editione secunda, & plus centum in noui testamenti conuersionem, Adnotationesque tuas ex quarta. Vale. Roma. Calend. Aprilis. 1532..

## ARGVMENTVM.

*Mortatur Erasmus ut scripta sua purget, ne alijs offendiculo sit.*

Ioannes Genesius Sepulveda DES. E. R.

S. P. D.

## EPISTOLA II.

**A**CC EPI literas tuas Romæ pridie Idus Octobris, Friburgi decimo sexto Calendas Septembris datas, quo minùs videlicet demirarer, meum libellum tam serò ad te fuisse perlatum; in quibus quod scribis, te consultius arbitrari, ad eum non respondere, ne inter nos dissidium excitetur, præ te ferè egregiam quandam humanitatem, & sapientiam, qui nolis otium nostrum ab studijs utilioribus auocatum, molestis contentionibus conteri, eisdemque parum fructuosum. Quæ tui consilij ingenua professio, dici non potest quàm grata mihi fuerit, atque iucunda. Quid enim mihi aut grauius poterat, aut molestius accidere, quam eò detrudi, ut cogerer cum Erasmo, quem velut ætatis nostræ lumen suspicio, simultates inuitissimus exercere? Quamquam istius æquitatis animi tui spem certam nobis fecerat, non modò perspecta prudentia tua, cuius non erat meum officiosè factum in diuersum interpretari, sed etiam epistola, qua nuper Thomæ Caietani Cardinali scripsisti, te sponte quidem tua, sed ipsius auctoritate confirmatum, in eam potissimum curam incumbere, ut omnibus tuis libris recognitis, hominum etiam morosorum de te querimonijs, sine contentione satisfaceres. Quod opus ut vrgeas, quanquam ut video, hortatore non eges, tamen pro mea in te singulari beneuolentia, & obseruatia, ego quoque te iterum, atque iterum oro, & precibus omnibus obtestor, vno siquidem facto (crede mihi) silentium impones obtrectatoribus tuis, & a bonis omnibus egregiam laudem assequeris, & quod maxime conuenit tuæ pietati, firmior ipse iuxta Pauli præceptum infirmorum imbecillitates sustinebis. Quod verò pertinet ad Stunicæ annotationes, iam Inachi Mendoza Cardinalis iussu decerptas omnes, & tibi missas, ad tuas manus petuenisse puto. Huic enim, cum Romam peruenisset, ipsarum commentarios, recto exemplo, tradidit Quigno-



nus Cardinalis cum cæteris Latinis libris, eidem ab Stunica legatis. Itaq; præful optimus, & tui percupidus, meo labori consuluit, quem ipse tamen, ut tibi morem gererem, perquam lubens obijssim. Vale mi Erasme, tibi que persuade, me tui esse studiosissimum, & si quid mea opera, studium, ac diligentia præstare poterit, me tua causa nihil non esse conaturum. Vale. Roma Idibus Octobris. Anno Christi nati 1532.

## A R G V M E N T V M.

*Versionem noui Testamenti Erasmi deprauatam ostendit ex Vaticana Bibliotheca exemplari græco; locum item Pauli ad Gal IV. Sina mons est in Arabia. &c. explicat.*

Ioannes Gencsius Sepulveda DES. E. R.

S. P. D.

## E P I S T O L A III.

**I**AM pridem quid agas ignoramus, ac ne illud quidem exploratum habemus, num ad tuas manus peruenerit libellus Stunicæ, aduersus tuas obseruationes in nouum testamentum, quem superioribus diebus ad te ex vrbe Bononia misimus. Sed quoniam perlatum esse non dubito, & te suspicor ob eius admonitiones, in illis tuis vigilijs accuratius recognoscendis, occupatum esse: contra officium, atque adeo pietatem fore putavi, te id celare, quod ad hanc rem etiam atque etiam pertinere arbitror. Scito exemplaria Græca, quæ tu secutus es in nouo testamento, plerisque mendis esse deprauata, iam singulis verbis, iam solidis orationibus sublatis, aut vicissim redundantibus. Quod factum esse reor culpa librariorum, quibus errandi occasionem præbuerint scholia quædam importune, ut sæpè solet, à quibusdam studiosis in librorum marginibus adscripta. Itaque id malum, semel per errorem à nonnullis admissum, tam late, ut video, permanuit, ut non solum excusi omnes libri cum eis erratis circumferantur, sed quædam etiam manu scripta exemplaria ab his mendis non abhorreant. Quo minus debet mirum videri cuipiam, te, dum cæcos sequeris, ad eandem salebras offendisse. Est enim Græcum exemplar antiquissimum in bibliotheca Vaticana, in quo diligentissimè, & accuratissimè literis maiusculis cōscriptum, utrumq; testamentum continetur, longè diuersum à vulgatis exemplaribus. Mihi enim cum ab Stunica fuisset admonitus, rem perspicere, & libros conferre curæ fuit. Hoc autem exemplar omnium esse emendatissimum, cum eius antiquitas declarat, & librarij diligentia, tum quod multum conuenit cum vetere nostra translatione, quæ dubitari non debet, quin ex emendatissimo quoq; exemplari conuersa, & tradita nobis sit à maioribus. Cum igitur ad illius exemplaris fidem, & quasi normā cæteri libri sint emendandi, ac dirigendi, quid opus facto



fit, ipse considerabis: sic enim habeto, rarò vulgatam Græcorū editionē à veteri translatione nostra discrepare, discrepat aut, vt nosti sepius, vt à Vaticano illo exemplari non dissentiat, ac ne teneam, trecentis sexaginta quinque locis scripturæ diuersitatē adnotauimus. Cæterum, qui me animus impulit, vt ista te in vniuersum admonerem, dum tuæ laudi hoc faueo libentius, quo mihi cum bono publico coniūctior esse videtur, idem tacere non patitur, quod in epistola Pauli, quæ est ad Galatas capite quarto, iam pridem animaduerti. Legebam epistolas Pauli, vt sæpè, iam Græcè, interdū Latine soleo, prout liber venerit in manus, nō equidem, vt Latina cum Græcis conferendo, in cuiusquā inuidiam ingenium periclitarer, sed vt altius memoriæ sensa illarum inhærescerent. Cum ergo in locum illum incidissem, vbi sic habet vetus translatio, *Sina mons est in Arabia, qui coniunctus est ei, quæ nunc est Hierusalem*, re diligentius inspecta, non potui non demirari, locorum rationem tantoperè à Pauli verbis dissidere. Constat enim montem hunc, qui coniunctus esse dicitur Hierosolymis, ab eadem vrbe itinere multorū dierum abesse. Quē mihi scrupulum multum etiam adauxit enarratio Thomæ, qui prefatus hæc inter se loca viginti dierum itinere distare, eadem tamē propter itineris Iudæorum continuationem coniuncta dici interpretatur. Tunc igitur mihi id, quod erat suspicanti, codicem Græcum consulere placuit, qui mihi facile omnem dubitationem ademit: sic enim habet, τὸ γὰρ, ἃ, ἀρσινὰ ὄρος ἐστὶ ἐν τῇ ἀραβίᾳ συσσιχῇ ἐκ τῆ νῦν ἱερουσαλὴμ. Quorum verborū germanus intellectus, aut ego fallor, aut longè diuersus est, tum à veteri, tum à tua translatione, quam itidem me videre non piguit. Nam verbum συσσιχῇ neque coniuncta esse significat, neque confinia, quemadmodum te miror conuertisse. σύσσιχα enim, vt multis in locis docet Aristoteles, sunt, quæ quandam inter se proportionem, ordinemue habent: & talis ordo συσσιχίᾳ passim ab eodem Philosopho nuncupatur, vt in primo & tertio libro de physico auditur: & item in primo τῶν κινήσων τῶν φυσικῶν. & alijs plerisque locis. Sed quanquam nemo, vt arbitror, his verbis frequētius vtitur, quàm Aristoteles, tamen Suidas ipsorū vim apertissimè declarat. σύσσιχα γὰρ φησὶ λέγειν ἀλλήλοις τὰ ὁμοίως ἔχοντα πρόστιναι, ἢ καὶ τὰ ἀναλογίαν εἶναι ἄν καὶ τὰ λοιπὰ vt mihi loc⁹ in hūc modū verti cōmodius posse videatur. *Agar enim Sina mons est in Arabia. Est autem eiusdem rationis, atque ea, quæ nunc est Hierusalem.* Est enim sensus. Sina, quò per figuram refertur Agar, mons est in Arabia, qui eiusdem rationis, eiusdemq; proportionis est, atque vrbs Hierusalem, quam nunc oculis corporeis cernimus, nam vt hæc, sic ille terrestris est, eodemq; modo ambo se habent ad supernam, hoc est cœlestem Hierusalem. Hæc igitur vt ad te scriberem, me, & officij ratio, & tui studium induxit. Tuum erit, ad nos vicissim quid sentias, quid egeris, quid moliaris rescribere. Vale. Roma decimo Calend. Nouemb. Anno Christi nati. 1533.



## ARGVMENTVM.

*Erasmus in Geographia reprehenditur, græcosque codic. s. Rome in Vaticano fidei afferuatos ostendit.*

Ioannes Genesius Sepulveda, DES. E. R.

S. P. D.

## EPISTOLA IV.

**M**Iror tibi meam epistolam cum Stunicæ Annotationibus non fuisse redditam, intellexisses, nihil me separatim misisse, sed curasse tamen diligenter, ut tibi primo quoque tempore chartæ illæ Bononiæ ab Inacho Cardinali receptæ rursus mitteretur. Quod rescribis ex literis ipsius intellexisse, morientē Stunicā mādasse, ne quidquā earū ederetur in vulgus, sed ad tuos vsus in bonum publicum referuarentur: hoc ego non ignorabam, qui idem tibi fuerā in Antapologia testatus. Expedire porrò ad famā Stunicæ, ne emittatur, propterea quod multa sint in eis friuola, & perperam reprehensa; tibi haud difficulter assentiar: sed tu vicissim intelligis, hoc nihilo magis ad tuam laudem pertinere, qui fateris eundem multa bene perspexisse. Quanquam igitur neminē puto commissurū, ut quidquam edat præter demortui voluntatem postremis vocibus testatam, erit tamen tuæ humanitatis per occasionem facere, ut homines intelligant, Stunicam à te non prorsus laude sua fuisse fraudatam, ut simul tuo more fungaris officio boni viri, simul ansam tollas editionis, quam posset quispiam arripere ingratitude prætenta. Nihil est autem, quod specimen (quemadmodū, si velim, polliceris) aliquorum perperam ab Stunica reprehensorum mittas ad me, cui nihil minus est propositum, quàm Stunicæ in omni causa patrocinari, præsertim contra te aduersarium potentissimum, & quē summis ipse viris parem semper iudicaui, & ob eam rem obseruo, amanterque colo: nec dubito pro tua prudentia, quin iam sublata contentione, ingenuè sis admonitiones defuncti, quascunque rectas putaueris, admissurus. De verbo Pauli *συσκοιχῆν*, sit satis admonuisse, mihi tamē certissima ratio semper erit pluris, quā omnes enarratores, vel interpretes, quorum neminem probabo, qui translatis, dubijsque vocabulis vertet, quod auctor proprijs, atque certis prodiderit. Thomam non accuso, quod loca disiectissima coniungat: nam qui possum, iter viginti dierum interponentem? Sed quod vir alioqui doctissimus parum aptè Iudæorum itineris continuationem excogitauerit præter mentem Pauli: ut taceam, quod nullum vnquam iter fuit minus continuatum, quàm illud Iudæorum, qui tot annos in Arabiæ solitudine consumpserunt. Cæterum me hic locus admonet, ut pro mea in te singulari bencvolentia, & obseruantia illud te hortor, ne cum tibi est



bi est de oppidorum situ differendum, oscitanter agas, sed Strabonem, Melam, Plinium, aut Ptolemæum reuifas. Nam his paucis diebus, dum Hieronymi epistolas euoluerem, incidi in quædā scholia tua, vbi multo etiam magis tuam diligentiam desideravi. Scribis enim in epistolā ad Euagriū, Rhegium esse oppidum in Græcia, Constantinopolim in Macedonia, cum hæc haud dubie, quæ prius Byzantium dicebatur, sit in parte Thraciæ à Macedonia prorsus auersa, Rhegium in Brutia, quo paruo freto Italia disiungitur à Sicilia. Quod si ad magnæ Græciæ Ciceronis quoque vetus vocabulum spectasti, tamen meminisse debebas, qui Græciam simpliciter dicit, hunc non partem Italiæ videri, sed Articam, & finitima loca designare. Memini etiam (sed locus excidit) me legere in alio tuo scholio, urbem Nicopolim ex Augusti victoria nuncupatam, urbem esse in Thracia, quam esse constat in Epiro prope Actium, ad quod Antonius fuit prælio nauali superatus, sed tibi videlicet imposuit, quod altera est *ἡ πόλις ἡ νικηφόρος ἐν τῇ θράκῃ*. In libello Ciceronis de Senectute adscriptum à te notavi, Capuam esse urbem in Apulia, quæ tamen caput est Campaniæ, & olim præter Romam Italiæ nobilissima. Nec est absimile huic incuriæ, quod in Ciceroniano me, quem Cordubensem esse sciebas, Lusitanis annumerasti, vt te admonui in meo, quem supra dixi libello. Ac de his quidem, quæ tum leuissima sunt, tum tibi duntaxat non dormitanti facillima, sed magnam securitatem indicantia, te, amicitia, vt dixi officijque gratia admonendum putavi, admonitus ipse dicto Pauli, locorum rationem animaduersa, parum à quibusdam intellecto. Tuum erit omnia in bonam partem accipere. Quod si à te secus factum intellexero, non amplius tibi officijs ingratis ero molestus. Quod pertinet ad librum Pontificium, Græcos codices noui testamenti Græcorum quorundam, vel malitia, vel leuitate fuisse deprauatos, id ipsum, quod scribis, fides esse debet indubitata, quod in Græcorum ad sanitatem redeuntium foedere inito cum ecclesia Romana, cautum fuerit, vt Græci codices ad Romanam lectionem emendarentur, quomodo enim poterat clarius vtrique contestari, exemplaria Romana lectionem veram & Germanam retinere, Græcorum esse vitiata? Nam quod ais, Græcam lectionem ex Græcis authoribus esse petendam, diceres aliquid, si rationem Græci sermonis affirmares à Græcis commodius, quàm à Latinis explicari, at libros archetypos fundamenta nostræ religionis continentes, qui Græcè fuerunt à suis auctoribus scripti, cur non credamus, sanctius, grauius, & incorruptius asseruatos esse in scrinijs, ac bibliothecis Ecclesiæ Romanæ, quæ caput est Christianorum, & semper fuit norma Catholice pietatis, quàm in Græcia, quæ sæpe fuit hæreticorum, & leuissimorum hominum fraudibus, & motu rerum nouarum agitata? Quod accidisse certum est in LXX. decreta Concilij Nicæni, quæ



quæ cum integra in scrinijs Ecclesiæ Romanæ asseruarentur, tamen ad orientem in quibusdam Ecclesijs ab hæreticis incensa sunt, in alijs ad minorem numerum redacta, sublati videlicet, quæ ipsorum consilijs, aut conatibus obstitura videbantur, ut Athanasius, & cæteri Episcopi ex Alexandrina Synodo in Epistola ad Marcum Papam conqueruntur, à quo exemplum decretorum ipsorum, quod petebant, receperunt. Adde quod libri tutiores ab iniurijs esse solent, & minus à parû doctis scholia sæpè cū scriptura cōfundētib. vitari, vbi à pauciorib. vel leguntur, vel intelligūtur, nisi fortè hoc dicis, placuisse in fœdere, ut dictio Græca emēdaretur ad Latinam, quod nec est probabile, præterquā in certo aliquo loco, & nunquam factum fuisse certum habeo; nam articulum, quem citas ex aurea bulla, licet duas aureas bullas in libro conciliorum perlegerim, inuenire nusquam potui. Quam igitur dicas, & vnde nobis petenda sit, obsecro te, ne graueris ad nos perscribere. Vale Roma decimo Calend. Iunij, Anno à Christo nato. 1534.

ARGVMENTVM.

*Locus Marci 7. Moyses dixit Honora patrem &c. exponitur, & Matthæi 15.*

I. Genesius Sepulveda DES. E. R.

S. P. D.

EPISTOLA V.

**Q**uam me valde delectent nostra per literas colloquia de negotijs præsertim literatis, vel ex eo tibi licet intelligere, quod leues etiam quæstiunculas argumenta mearum ad te literarum facio, si quid tamen potest esse leue, quod faciat ad intelligentiam ancipitis, & obscuri loci scripturæ sacræ. Quam tu pro tua pietate, atque doctrina non solum interpretatione noua, sed scholijs etiam, ac iustis potiùs commentarijs exponendam curasti, ac ut video, curare nunquam desistis, mutandis, siue augendis locis, si quid nactus sis vel per te partum, vel à doctis amicis, si quando id fortè accidit, suggestum, quod melius, aut commodius tibi esse videatur. Scripseram ad te ancipitem illum locum Epistolæ ad Galatas, de monte Syna, & Hierusalem, quemadmodum interpretandum, exponendumque putarem: tuque meam sententiam non solum rescripta Epistola, probasti, sed etiam editis proximè commentarijs, cæteris omnibus, quod nuper non sine iucunditate perspexi, prætulisti, ut Sina, intelligamus à Paulo dici, *συνοικῆν τῇ ἰερουσαλὴμ*, non quasi coniuncta sint ea loca, quæ

R

constat



constat inter se longo intervallo distare, sed quod sint eiusdem ordinis atque rationis. Qui verbi Græci germanus est, atque proprius intellectus. Sed illud miror, quid causæ fuerit, cur qui hanc sententiam auctis scholijs libenter amplecteris, non idem in vertendo latinam orationem ad ipsum sensum accommodaueris, maluerisq; verbum, confinis est, anceps, & translatum retinere, quam vti proprio, & quod nihil haberet ambiguitatis, præsertim cum ipse non timidissime soleas à veteri translatione discedere, ac potius cum iam ibidem mutato verbo discessisses. Quemadmodum igitur tunc Pauli verbum mihi præbuit scribendi materiam, sic nunc locus alter ex Euangelio argumentum Epistolæ suppeditauit, vt exposita mea sententia, ab omnibus, tum veteribus, tum etiam iunioribus, quod equidem sciam, diuersa, tuum exactissimum iudicium exquiram. sic enim scriptum est in Euangelij Marci Capite septimo, *Moyſes dixit, Honora patrem tuum, & matrem tuam, & qui maledixerit patri, vel matri, morte moriatur. Vos autem dicitis, Si dixerit homo patri, vel matri, Corban, quod est donum, quodcunque ex me, tibi proderit.* Sunt autem verba Christi, taxantis Phariseorum auariciam, quod Dei præceptum auara interpretatione molliendo deprauarent. Qui locus, vt nosti, tam obscurus est, & tanta caligine cæcus, vt Hieronymi, Augustini, Theophylacti, aliorumq; maximorum virorum ingenia mirabiliter torserit, varijs quoq; sensib; excogitatis, ingeniosis illis, quidē & à vera pietate profectis, sed partim abhorrentibus à proposita re, partim dictioni Euangelicæ minimè conuenientibus. Quas expositiones referre superuacaneum puto, præsertim apud te, cui nota sunt omnia, quique in commentarijs tuis id, quod verissimum est, solerter adnotasti, principale verbum, vt sit locus eis enarrationibus, in Euangelica dictione desiderari: quod est magnum argumentum, eas loco non satis facere. Hæc ego nuper cum animo voluarem, coepissemq; anxius, & totus in hanc cogitationem incumbere, in quandam suspicionem veni, quæ si vera est, vt esse arbitror (habet enim magnam ex antecedentibus, relatisq; verbis probabilitatem) sensus orationis planus erit, propositoque sermoni accommodatissimus. Suspicor enim verba illa, *si dixerit homo patri, vel matri*, hanc habere vim, si dixerit homo in patrem, vel in matrem, hoc est, si maledixerit patri, vel matri; quam Phrasim non abhorere à sermonis Hebraici consuetudine, declarat illud ex Psal. septuagesimo. *quia dixerunt inimici mei mihi, id est, maledixerunt,* vt sint ea verba repetitio illius orationis, quæ pars prior est diuinæ legis, quam Pharisei pervertebant, hoc enim constituit, facillimè sequentium verborum intellectus prioribus accommodabitur, vt pro illa posteriore legis parte, *morte moriatur*, suppositum sit à Phariseis *Corban ex me tibi proderit*, id est, quodcunque donum obtuleris in templo, me sacerdote intercessore tibi proderit, vt veniam contemptus paterni consequaris, supplicium videlicet



videlicet capitale, quam poenam huic flagitio lex diuina constituerat. Phariseorum auaritia quocunque munusculo sacerdotibus tributo exorari posse interpretabatur. Nam Corban nomine, vt Marcus ipse interpretatur, quodcunque munus templo, aut sacerdotibus collatum intelligitur. Quo vocabulo vtitur etiam nunc Hebraica lingua in eodem intellectu. Itaque Phariseis auctoribus fiebat, vt prauis filij metu poenae legis diuinæ liberati, parentum reuerentiam, curamque contemnerent. Hoc est enim, quod subiicit Marcus, *et ultra non dimittit is eum quidquam facere patri suo, aut matri*, vt Matthæus, qui eadem ferme capite decimo quinto prodiderat, apertius explicauit, his verbis, *et non honorificabit patrem suum, aut matrem suam*. Erit igitur sensus totius orationis, Lex diuina sanxit, vt quicunque maledixerit patri suo, aut matri, morte moriatur. Vos autem Pharisei hanc legem peruercentes dicitis, si dixerit homo in patrem vel in matrem, hoc est si maledixerit eis, quodcunque munus obtulerit in templo, me sacerdote apud Deum intercedente, proderit ei, scilicet, vt criminis veniam, ac impunitatem assequatur. Deus enim filiorum in parentes officium tam sanctum esse voluit, vt hoc negligentibus, non solum poena præsens à magistratibus, quos latere possent, timenda esset, sed lentior etiam ira Dei, quam fallere nemo possit, metuenda. Nam cum honor parentibus tributis longitudine vitæ per legem diuinam, quæ habetur Exodi 20. cap. remuneretur, contumelia vicissim in eisdem illata, vitæ breuitate vindicari iure videlicet existimatur: qui metus ad filios in officio continendos accommodatissimus, peruersa legis interpretatione à Phariseis tollebatur. Atque hæc quidem mihi venerunt in mentem, quibus locus obscurissimus, & impeditißimus, vt putabatur, illustrari, expediri que posse videatur. Superest, vt ipse accuratius dispecto loco, & hac nostra diuinatione cum cæteris collata, quid sentias, & quantum ei tribuendum putes, pro tua humanitate, ingenijque candore ad nos rescribere ne graueris. Quanquam enim hanc meam sententiam facile quibusdam prudentibus doctisque viris probaui, plurimum tamen apud nos auctoritas tua valebit in vtramque partem, vt te auctore, grauissimoque iudice vel perstemus in sententia vel aliquid commodius quærendum etiam nunc intelligamus. Vale.

Roma Idibus Februarijs à Christo nato. 1536.

Anno.



*De politicis Aristotelis à se conuersis, & Ethicis in Latinum conuertendis tractat.*

I. Genesius Sepulveda Io. Matthæo  
Giberto Episcopo Ve-  
ronensi.

EPISTOLA VI.

**E**pistola tua hoc sum vehementius delectatus, quo maiorem mihi nuper dolorem attulerat, tristissimus quidam de te nuncius, qui per urbem cum magno mœrore nostro, id est tuorum omnium increbuerat. Itaque tibi gratulor primum, nobisq; gaudio, deinde venio ad eam partem epistolæ tuæ, qua me ex Clementis Pontificis Maximi voluntate, cuius ipse te interpretem esse voluit, dum me in huiusmodi scriptionibus amplius cessare vetaret, adhortaris, ut paraphrasim potius Ethicorum Aristotelis conscribam, quam ut eiusdem de Republica libros, de quibus ego in meis literis memineram, conuertam, & illud pro tua summa modestia adijcis, modo mea nihil intersit, hic mihi, an ille labor iniungatur. Ego verò in minimo discrimine pono, cui nulla est alia ratio negotium suscipiendi, quam si posset mea industria, dum Pontifici, tibiq; morem gero, studia Latinorum philosophorum, aliqua ex parte iuuare, à quibus quoniam librorum Aristotelis de Republica commodiorem interpretationem multum sciebam desiderari, sperabamque illis meam operam, & in eo præstando diligentiam, nec inutilem fore, nec ingratham, de hoc ipse te celandum non putavi. Tu tamen (ut video) morum doctrinam quæstioni præfers de Repub. & merito præfers. Nam summo bono constituto, maior esse debet cura, quo modo rectè vitā instituamus, quā ut sciamus, quæ sit optima Reip. forma. Licet utraq; disciplina dignissima sit ingenuo viro, & maximas habeat comoditates, multaq; præcepta ad eandē facultatē, hoc est ad moralem Philosophiā pertinentia. Atq; equidē peruelim, si quid in mea industria positū est, mihi tempus & otium dari, quo possim utriq; cū aliqua publica commoditate seruire, quā occasionem nec despero, nec si mihi contingat, in animo est perire pati. Faciā igitur quod iubes, teque auctore laborem longum licet, & operosum, suscipiā tamē libentissimè. Et quanquā difficile est eo in loco non vulgariter versari, in quo multi diligenter elaborauerint, dabo tamen operam, ut neq; ego temerè suscepisse, nec vos sine causa mihi negotiū iniūxisse videamini. Quod eo cōfidentius aggrediar, quoniā tria de moribus opera, hoc est *ἠθικὰ νικομάχεια, ἠθικὰ μεγάλα, & ἠθικὰ εὐδαιμια*, in quib. Aristoteles easdem res vario sermone tractauit, ipse mihi lectitando reddidi superiorib. diebus paulò familiariora, dum libellū scriberem, qui iā nobis peractus



peractus sancitur, de conuenientia militiæ cum Christiana religione, in quo, ad Theologos cum Peripateticis in doctrina morum conciliandos, & multas vtrisque communes, variasque quæstiones è re natas accuratiùs disserendas, necesse fuit hinc sacras scripturas, inde Aristotelis omnes velut arculas diligenter perscrutari. Sed quò res commodius fiat, tuæ partes erunt, per literas agere cum Pontifice Maximo, vt nobis liceat ipsius voluntate Eustratii horum librorum enarrationem, ex bibliotheca Vaticana mutuari. Vale. Roma, Idibus Februarij. Anno Christi. 1534.

## ARGUMENTVM.

*Petit se excusari à paraphrasi Ethicorum Aristotelis non perfecta, quod iussu magnorum amicorū libellum ediderit de conuenientia discipline militaris cum Christiana religione.*

I. Genesius Sepulveda Io. Matthæo Giberto Episcopo Veronensi S. P. D.

## EPISTOLA VII.

**B**INVS tuus, & idem noster, ex tuis literis mihi nuntiavit, gratum tibi fore, si Latina Ethicorum Aristotelis Argyropoli, vt opinor, translatio, opera mea castigaretur. Ab eo tibi, quid esset mei consilij rescriptum puto. Nam de animo nihil arbitror esse necesse. Magnitudo enim tuorum erga me meritorum facit, vt nihil sit tā difficile, quod tua causa non sim libenter suscepturus, adsit modò perficiendi facultas. Nam quod pertinet ad eorundem librorum Paraphrasim, quam Pontificis Maximi voluntate, hortatuque tuo susceperam, scito mihi eam cōfecto secundo libro è manibus excussam esse necessitate quadam parendi studio magnorum amicorum, qui à me contendebant, vt libellum ederem, De Conuenientia discipline militaris cum Christiana religione: qui iam mihi confectus sanciebatur, quorum voluntati cum obsistere non possem, coactus sum primum id opusculum paulò diligentius retractare, deinde opera non tam assidua, quam meum animum sollicitante, nec aliud agere permittente, excusationem Librariorum dirigere, in quo tamen parum profecimam meam curam, illorum negligentia superauit, vt ipse cernes, si libellum, quem tibi mitto, per otium legere non grauaberis. Sed ea cura mihi iam nunc liberato nihil potius erit, quam vt tuæ voluntati morem geram, siue me Paraphrasim vrgere malis, opera continente, siue hac intermissa interpretationem aliquam Ethicorum Aristotelis è Græco castigare, adiutore Bino, qui mihi vltro, & liberaliter suam operam non solum gratam, sed propemodum etiam necessariam detulit, vt vno tempore alter Græcum exemplar, alter Latinam interpretationem intueatur. Quid igitur iubeas, expectamus. Vale. Roma, 10. Cal. Mar. 1535.

R

ARGVMENTVM.



*Excusat suam in scribendo moram seq; à Carol' V. Cesare vt res ipsius gestas describeret historicum creatum, quem cum sequeretur iussu Cardinalis Sanctæ Crucis Bononiense Hispanorum Collegiam se lustrasse scribit.*

Io. Genesius Sepulveda, Io. Matthæo Episcopo  
Veronensi.

S. P. D.

EPISTOLA VIII.

**Q**VOD tam longo interuallo ad te scribam, noli mea vel obliuione, vel negligentia commissum existimare, sed quòd diu mihi ad scribendum nullum satis idoneum argumentum in mentē venit. Nūc cū Roma post diuturnā peregrinationem relicta, Carolū Cæsarem affectari constituerim, officij esse duxi, te per litteras huius mei consilij institutiq; certiore facere, vt si quid erit in mea cura, vel diligentia, siue industria, quod tibi à me pro tuo iure præstari velis, vbi gentiū agā, non ignores. Scito enim me, & prius absentem, ac nihil tale cogitantē in albū Caroli Cæsaris domesticorū esse relatū, & cū ipse Romā peruenit, vt se sequeretur ab eodē fuisse iussū, dato negotio, vt res ab ipso, ipsiusq; auspicijs gestas conscriberē, nec id ambizioso eius consilio, quo nihil est (vti scis) φιλοτιμότερον, sed more maiorū. Nam Regibus Hispaniæ legitimū est, doctos homines habere, qui suorum temporū historiam diligenter, ac fideliter persequantur. Quam conditionē hoc ego libentiùs accepi, quòd planē intelligebam non id mihi, quod quibusdam scriptoribus accidit, esse verendum, ne me vel rerum tenuitas inopem orationis, vel Principis, cuius gloriæ cupidus essem, socordia, vel morum prauitas mendacem, & assentatorem faceret, quorum vitiōrum odium mihi natura insitum esse profiteor, cū illud sit potius metuendum, ne ingenium materia, virtutibus illius mea scribentis oratio inferior esse videatur. Cū huius rei gratia ex vrbe proficiscerer, iussit patronus meus Sanctæ Crucis Cardinalis, vt obiter Collegium Hispanorum Bononiense ipsius fidei patrocinioque creditum, & cuius me fuisse alumnum gloriari soleo, reuiderem, & cū in vitam, moresque singulorum sodalium, vt fieri consuevit, inquisiuissem, censorem, ac si res posceret, etiam legumlatorem agerem, Pontificia videlicet, seu magis Apostolicam vocare oportet, auctoritate, & facultate mihi proficiscenti tradita, quo munere præstando, cū hæc scriberem eram occupatus, ne quis me posthac contemnendum putet Solonis, atque Lycurgi æmulum. Sed ridicula missa faciamus. Huic ego muneri cū satisfecero, me in Castra CAROLI Cæsaris conferre cogitabam, vt experiar quanta philosophandi sit occasio inter tormentorum tonitrua, clangoresque tubarum. Quanquam si leges, quæ clamore fo-

rensi



rensi delectantur, inter arma, ut est in Prouerbio, silent, quantum in Castris silentium esse debet mularum? quæ solitudines in primis amant, & præter murmur aquarum, auicularumque concentus omnem strepitum exhorrescunt. Seueriores igitur musas cum Philosophia, dum se fragor iste, ac tempestas remittat, valere, & ad vos potissimum nota via, vestrumque museum properare iubebimus: unde nouos quotidie foetus cum publica studiosorum commoditate, tuaque egregia laude prodire in manus hominum vehementer gaudeo, me tamen in Castris molestis studiorumque iactura, illa cogitatio non nihil solabitur, atque iuuabit, quod quæ memoriæ posteritatis tradenda suscepisti, hæc eo commodius, & cum maiore fide proditurus esse videor, si me posteri rerum gestarum non scriptorem tantum, sed testem etiam fuisse cognouerint. Vale Bononia, decimo Calen. Iulias. Anno Christi. 1536.

## ARGUMENTVM.

*De scribenda historia officiosa epistola Io. Mathæi episcopi Veronensis.*

**Io. Mathæus Episcopus Veronensis**

**Gen. Sepuluedæ.**

S. P. D.

## EPISTOLA IX.

**E**T SI ex amicorum literis de noua ista tua profectio, atque consilio certior antea factus fueram, non negabo tamen, iucundissimum accidisse, me ex tuis potissimum etiam literis idem postea cognouisse. Etenim ea res magno mihi argumento fuit, me ex animo abs te semper fuisse dilectum, cum hoc tempore in istis occupationibus, atque ista adeo noua Cæsaris familiaritate animaduertim, te neutiquam passum esse, mei memoriæ ex animo tuo excidere. Ac quod tu quidem tanti Principis iudicio dignus habitus sis, qui in ipsis domesticorum numerum ascitus, eius res gestas, gerendaque monumentis literarum mandes, ad posteritatis memoriæ tradas: sanè hic haud facile videor mihi posse explicare, utrum tibi ne magis, an illi gratulandum putem. Siquidem, quod ad te attinet, non possum dubitare, si tu in hoc scribendi genere historiæ accommodato, quemadmodum in cæteris, quibus adhuc animum applicuisti, elaborare volueris, futurum, quin pro egregia opera egregium etiam præmiū appareat: quanquā, ut nihil aliud esset, satis magna sæper laborum atque ingenij tui merces esse posset, eaque ingenuo viro maxime digna, quod tanti Principis iudicio vnus tu præcipue ex omnibus literatis delectus dicereris, cuius ingenio, atque eloquentiæ, adde etiam in se beneuolentiæ, res ille suas, alioqui per se clarissimas semper futuras, illustrandas committeret. Quamuis neque ille credo non prudentissimè, ut omnia sua, hac in re, hoc suo consilio usus est, quod intelligeret, ad egregi-



gregiā, quam ad istam rem facultatem es apportaturus, ut res eius exornes, beneuolentiam etiam quandam necessario quasi esse adhibiturum, quippe cum facere non possis, quin ad eius præcipuas laudes communes etiam nationis tuæ adiungas. Quocirca utriusque magnoperè gratulator, tibi quod in id solum incideris, ex cuius diligenti cultura non nisi vberriimos fructus meo iudicio sperare possis, & illi item rursum, quod industriū adeo, ac diligentem, ac beneuolum, sibi agricolam nactus sit, qui quæ egregia in eius fundo nata viderit, ea non modo non deperire passurus sit, sed longè plura, si fieri possit, ac certè nitidiora effecturus. Quod autem de seuerioribus musis scribis, te videlicet iussurum illas, ut interea dum tu inter medios armorum strepitus, & tormetorum fragores versaberis, huc ad nos adproperent, nobiscumque maneāt, est sanè istud etiam tui erga nos amoris signum vel præcipuum, cum videlicet, quæ charissima habes, ea te apud nullos melius depositurum putes, quam apud nos: sed ea metuo ego, ne tui desiderio minùs libenter sint apud nos permansuræ, ne tandem nobis relictis, te in castra potius prosequantur, ibique tecum molestijs illis perferendis malint consuescere, quam hîc in pacatissima quiete nobiscum viuere. Vale Veronæ. 8. Calend. Sexti. 1536.

Scripta iam epistola, neque dum tamen obsignata, redijt ad me Flaminus meus, qui mirabilia quædam mihi de opera tua narrauit, quam tu apud se mihi, vnquam vsu veniret, liberalissimè pollicitus sis. Ego mihi Sepulveda, etsi nullum in ista pollicitatione noui amoris signum video quod natiuo illo tuo ingenui animi candore confusus, meique item in te contra optima conscientia, cui non ita fortasse facta respondere potuerunt; nunquam potui dubitare, me abs te non vehementer diligi, ac propterea, quicquid istius modi inter nos fieret, non debere mirum videri, tamen non secus, atque si id mihi permissu tuo facere licet, gratias ago, petoque, ut quam hætenus in me tam gratam, tamque liberalem voluntatem præ te tulisti, & præ te ferre quotidie non desistis, mihi posthac in perpetuo conserues, de meque vicissim tibi ea pollicearis, quæ de viro tibi amicissimo vnquam posses polliceri. Iterum cura, ut valeas.

## ARGVMENTVM.

*Ostendit quanto cum desiderio Ciceronianum Erasmi legerit, eiusque frigidum nimis de se iudicium culpat.*

I. Genesius Sepulveda Alf. Valdesio.

S. P. D.

EPISTOLA X.

**E**Rasmi tui Ciceronianum tandem aliquando nactus cupidissimè perlegi, accenderat enim meam cupiditatem eius operis videndi, non



non solum commendatio tua, qui Erasmus in cæteris operibus cunctis æqualibus, in Ciceroniano ipsum sibi præferre videbaris, sed etiam longioris temporis expectatio. Nam quo magis homines nostri, id est, Hispani, quam Itali Erasmi eruditionem, & facundiam demirantur, hoc eius scripta tardius ad hos, quam ad illos perferuntur. Ita factum est, ut prius in Hispania Ciceronianus consenesceret, iam iterum, ut video, regeneratus, quam planè primòs in Italia vagitus ederet. Cum nuper igitur in eum Bononiæ peregrinantem apud Adrianum Brandum Germanum hominem, utriusque linguæ peritum incidissem, arctè completens desideratissimum libellum libenter perlegi, non quidem, quòd ea gloria magnoperè fruerer, quam nostrorum quidam, qui Erasmi scriptis utcunque celebrari, optabilius, quam inaurari putant; mihi fuerant ex honorifico testimonio polliciti, qui Genesium Romæ nuper edito libello præclaram spem de se præbuisse, in eodem Ciceroniano testatur, nam huiusmodi testimonium, præsertim tanti viri etsi non est omnino contemnendum, friget tamen in causa hominis hac ætate in senium scilicet vergente, & cuius extant non pauca opera ab ipso, vel elucubrata, vel ex Græcis philosophis conuersa, ex quibus quid iam esset, non quid esset futurus, æstimari debuit, præsertim ab eo, qui, cum libet, vel ex vnica edita epistola iudicium facere solet. Ergo me in Ciceroniano non tam mentio de me non in honorifica delectauit, quàm quòd Erasmi ingenium per libenter agnoui, festinum, argutum, urbanum, & ne Africæ quidem, ut se frequentius aliquid noui afferat concessurum, qui mihi visus est in eo libro omnes huius memoriæ doctos ad cõuiuium magis copiosum, & sumptuosum, quàm lautum inuitasse, quorum cum sciret nonnullos esse fastidientis stomachi, atque gulæ nimis ingenuæ, quibus nihil placeat, quod non sit condimentis Ciceronianis apparatus; hos arguta sanè oratione, & planè Erasmiæ nititur ad sanitatem reuocare, ut improbum delicatioris, magnoque emendi cibi amorem exuentes, robustiore eodemque parabili contenti sint, nimirum ne suam mensam magnificè cunctis dapibus, præterquam Ciceronianis epulis instructam aspernentur. Vale.

## ARGUMENTVM.

*Alf. Valdesij in scribendo raritatem ignoscit, fratre nūque eius summe sibi curæ esse significat.*

Ioannes Genesius Sepulveda Alfonso Valdesio.

S. P. D.

## EPISTOLA XI.

**A**ccepi tandem literas tuas erudissime Valdesi, quæ mihi, quo fuerunt optatæ magis, hoc iucundiores cõtigere. Quòd reicribendi officiũ longiore tempore prætermisũ excusas, & te negas in eo præstan-



præstando solitum esse amicos negligere, tibi facile assentior, non solum quia, quod ad me attinet, me non penitus tibi negligendū putabā sed quia te semper, vt humaniorib. disciplinis excultum noui, sic egregia quadam prudentia, & humanitate præditum esse existimaui, in eos præsertim amicos, quos tibi communitas studiorum, & aliqua non vulgaris eruditionis, nec à virtute abhorrens opinio conciliaffet. Illud potius suspicabar, te grauissimorum negotiorum, vel copia implicitum, vel magnitudine pressum leuioribus his officijs non vacare. Sed quæcunque ea causa fuerit, superioris temporis cessationem facile condonabimus, si eam, quemadmodum ostendis, in posterum frequentioribus epistolis aliqua ex parte refarcies. Id autem in primis à te certior fieri cupio, num epistola, quam tibi ad Erasmum misi, ad manus eius peruenierit. Quod meas nugas videre cupis, de quibus Narcisum nostrum nescio quid tibi narrasse scribis, libellum fratri tuo ad te mittendum dedi, eumq. tibi diligenter commendarem, nisi erraret, vt Poeta ille ait, *qui commendandum se putet esse suis*. Rogas porro, vt ipsum fratrem tuū, si ad me venerit, non secus, ac te ipsum recipiam. An ego possum aliter eum recipere, quem cum video, siue stet, siue incedat, siue taceat, siue loquatur, quidquid denique agat, vel non agat, te ipsum videre puto? & quod est non minore admiratione dignum, non solum facie, sed etiam doctrina, ingenio, moribus, studijs ipsis te vsque adeo refert, vt tu ipse, non frater tuus esse etiam atque etiam videatur. Faciam igitur quod scribis. Ego verò antequam scriberes, faciebam, iam enim fueramus sapius de te primū, deinde de studijs nostris collocuti. Egoq. libeter ei, ac liberaliter, si quid in me opis esset, cuncta pollicitus sum, & quoties permissum reposcet, præstabo. Vale 7. Calend. Septemb.

## ARGVMENTVM.

*Scribit Alberto, principi Carpenfi, quod Meteorologica Aristotelis in latinū conuertērit, & Carolo Cæsari dedicauerit, eundemq. ad bellum contra Turcas Viennam obsidentes, suscipiendum oratione incitauerit, cuius transmissæ censuram postulat, præterea de scriptis Alberti pij contra Erasmum.*

Io. Genesius Sepulveda Alberto Pio Principi Carpenfi.

S. P. D.

## EPISTOLA XII.

**P**ropediem fore spero, Illustrissime Princeps, vt tibi per literas in tanta Cæsaris indulgentia, & liberalitate gratulemur, interea meæ nugæ erunt mihi pro argumento. Meteorologiam Aristotelis, quam scis à me in latinum fuisse conuersam, Carolo Cæsari dicaui, & Placentiæ dedi. Paulò post eundem ad bellum in Turcas, Viennam obsidentes, oratione sum adhortatus, quam amicorum hortatu impressam ad te mitto: quam vellem, vt ante editionem censuram tuam subiisset



subijisset. Sed quoniam id non licuit, illud saltem delectabit, qualis tibi, cum legeris, visa fuerit, intelligere. Audio te nescio quid in Erasmus parare, noui tuam, & prudentiam, & grauitatem, sed tamen ille tam incunctanter, nolo enim dicere impudenter, quæ ipsi verè scilicet, & vt Stunica clamat, verissimè obieceras, inficiatur, vt sit difficile calumum continere. Si Alpes non intercederent, crede mihi, iā ad te aduolasssem, vt fruerer tuo desideratissimo, & iucundissimo colloquio, sed temporum difficultate, & locorum distantia deterreor. Noui, quod ad te ab alijs non putem perscriptum, nihil habeo. Vale.

# IOANNIS GENESII SEPULVEDAE CORDV-

BENSIS EPISTO-  
LARVM.

LIBER II.

ARGVMENTVM.

*Deslet obitum Iacobi Stunicae, in cuius obitum epigramma à se Conscripsum, Episcopo Burgenfi transmittit.*

Io. Genesius Sepulveda, Inacho Mendozæ  
Episcopo Burgenfi.

S. P. D.

EPISTOLA XIII.



RAVISSIMVS mihi, peracerbusq; fuit nuntius, pater Ampliss. qui nuper ad nos allatus est de obitu Iacobi Stunicae, in quo iacturam magnam literæ fecerunt, virtutesque omnes. Nam cum moriens omnibus, qui hominem familiari consuetudine nouerant, ingens sui desiderium ob humanissimos, iucundissimosq; mores reliquerit, meus tamen dolor ob eam rem fuit præcipuus, quòd redamari me ab eo viro intellige-

bam, cuius virtutes, hoc cæteris altius perspexeram, quò diutiùs ipsū, familiariùsq; coluerā. Ita cū alij doctrinā modò illi⁹ & vrbanitatem amplecteretur, ego multas pariter, magnasq; virtutes in eo demirabar, ingenij candorem, & cū libertate quadā ingenua, morū atq; verborū honestatē ac pudorem inatū, vitæ singularem innocentiam, mentis religio-



nem præcipuam, & cum his omnibus incredibilem quandam consuetudinis suauitatem. Quæ cum nuper, sedato dolore, altiore cogitatione reuoluere coepissem, venit mihi in mentem, breui quodam Epigrammate mores, atque ingenium illius describere tentare. Quod cum his literis tibi mitto, cui Iacobi Stunicae nomen curæ esse certum habeo, ut si inscripto Marmore tumulum eius de more prænotare tanti putaueris, quod ut facias, te etiam atque etiam oro, habeas incultum fortasse Carmen, sed tamen eiusdem ingenio, & moribus cum certissimo testimonio accommodatissimum. Vale.

## EPIGRAMMA IN OBITVM IACOBI STVNICAE

*FLETE virum Charites, iacet hic virtutis alumnus:  
Stunica laus seculi, deliciaq; sui.  
Vos quoq; lugete heu Musæ, nam vtrunq; colebat:  
Ille chorum sanctè, gratus vtriq; fuit.  
Virtutumq; gregi charus, languere videntur  
Doctrina, & probitas, cumq; pudore iocus*

### ARGVMENTVM.

*Inacho Mendoza de incolumi in Ecclesiam suam reditu gratulatur, eiusque vitæ commoditatem & studiorum occasionem prædicat, adiuncto suo in patriam remeandi proposito.*

Io. Genesius Sepulveda Inacho Mendozae Cardinali Romano, & Episcopo Burgenſi  
S. P. D.

### EPISTOLA XIV.

**I**NCOLVMEM te grauiſſime præſul in tuam eccleſiam perueniſſe, quod ſcire mihi magnæ curæ fuit, vehementer gratulor, tibi que & precor, & cupio ex ſententia res omnes euenire, ut ipſe, quemadmodum optabas, otio fruaris honeſtiſſimo, & tuæ fidei commiſſum populum optimis inſtitutis, & vitæ ſimilis exemplo ſanctè, & iuſtè modereris, quo munere nihil eſſe arbitror, nec gratius Deo, nec hominibus fructuoſius: credendum eſt enim Paulo, qui regnum Dei iuſtitiam eſſe tradit, pacemque, & gaudium in ſpiritu ſancto, in hoc enim ait, qui ſeruit Chriſto, placet Deo, & probatus eſt hominibus. Ad has vitæ commoditates cum accedat ſumma in altiſſimo iſto reſeſſu ſtudiorum occaſio, quid tibi deerit ad eam felicitatem, quæ maxima poteſt hominibus in



bus in mortali vita contingere? præsertim urbanas molestias recordā-  
ri, quæ plerisque libertatem, non solum studendi, sed etiam liberaliter  
viuendi tollunt. Quanquam enim Romæ magna est optimorū, & vetu-  
rissimorum librorum copia, frequens doctorum hominum cōcursus,  
quib. reb. studia literarū alūtur, difficile tamen est in fortunæ quasi of-  
ficina, vel suis, vel alienis cupiditatibus non inservire, atque alijs ex  
alijs nascentibus negotijs inextricabilibus non implicari. Quarum re-  
rum tædium impatienter ferens, statuo equidem vrbe relicta, in patriā  
longo post tēpore, hoc est, decimo octauo meæ peregrinationis anno,  
cū tricus me quibusdam explicauero, remeare, vt in otium, ac liberta-  
tem assertus, aliquando musarum liberiore, secretioreque commercio  
fruar. Noui, quod ad te non putem plenius, certiusque aliorum literis  
perscribi, nihil est. Erasmus quid agat ignoro. Num Stunica adnotatio-  
nes in nouum testamentum à te missas acceperit, ad tuamque epistolam  
responderit, scire peruellem. De studijs meis, erat enim nonnihil in  
manibus, scribam cū erit tempestinius. Vale Roma Idibus Augusti  
Anno Christi. 1533.

## ARGVMENTVM.

*Narratio admirabilis quinque facinorum Romæ patratorum post Clementis Pontifi-  
cis in Galliam discessum.*

I. Genesius Sepulveda Inacho Mendozae Burgen.  
Episcopo, & Ecclesiæ R. Cardinali.

S. P. D.

## EPISTOLA XV.

**N**E meum officium in scribendo requiras, qui operam petis, argu-  
menti genus non perscribis, atcipe Tragœdias, non quas poeta  
quispiam sit ingeniosè commentus, sed quæ Romæ his paucis die-  
bus post Clementis Pont. in Galliam discessum patratae sunt. Pessima  
quædam mulier, Cassandra nomine, iuuenis amore capta, vt sublato de  
medio sene marito, expeditius adultero commodiusque vacaret, cui  
etiam se nupturam sperabat, adolescentem sibi notum adit egenum, &  
audacem, cupiens eius manu ad mariti necem abuti, pretium sceleris  
proponit decem aureos numos. Adolescens conditionem haud pror-  
sus aspernatus, quinque accepit statim, totidem accepturus, cū necem  
patrasset. Postridie mulierculæ domum adit, maritum inuitat ad animi  
causa urbem peruagandum (erat enim vtrique cōiugi familiaris) egres-  
sumque domo per loca ducit inhabitata. Cū ventum esset ad amphi-  
theatrum, locum insolentem, & sceleri peropportunum, adolescens  
marito insidias vxoris, & conditionem sibi oblatam exponit, mo-  
netque, vt ad tempus vrbe decedens, vxoris conatus deuiter, &  
quid



quid optimum factu sit, interiecto tēpore consideret, simulq; acceptos numos ad viaticum peregrinationis tradit, sed vt sceleratæ (inquit) foeminae fidem peractæ necis faciamus, & reliquum propositæ mercedis ad præsentem meam indigentiam alleuandam eliciamus, terram hîc in secretiore loco suffodiamus, & hac leuiter, fruticumque ramusculis, te mortuo similem, sed ore libero ad spirandum supersterni tantisper patere, dum ego vxori tuæ gladio meo te confossum, & hîc semisepultum esse renuntiem, & dubitantem, vt par est, adducam. Quæ cum placuissent, rebus sic conpositis adolescens ad mulierem reuertitur, mercedis reliquum petit necati mariti, quem semiobrutum terra fruticibusque sub amphitheatro reliquisset. Fide non satis habita verbis, eadem in locum sepulturæ ducitur, maritum agnoscit, mortuum credit. Dum reuertitur, ad forum boarium prætores officiales cum satellitib, occurrunt. Hîc mulier furore cæca, & sceleris conscientia exagitata, inclamare coepit, & fidē militum implorans, Hunc, inquit, (monstrabat aut adolescentem) hunc sceleratum cōprehendite, qui meū hodie maritū interemit. Adolescens verò captus mulierculā magis capiendā esse clamat, totū crimen in eā reijciens, & illa capta, rē hic ordine officiali narrat, missisq; satellitib. senex ab amphitheatro, nondum enim recesserat, adducitur, omnibusq; custodiæ traditis, & re per quæstionem cognita, viri dimittuntur, foemina plectitur poena capitali, Mulier altera pellicatus impatiens, sæpe maritum incusabat, iam precibus, & lacrymis, interdum agens liberioribus querelis, ille verò tantò magis incēdebatur ad adulteria. Quod vxor animaduertēs, nec se ludibrio, contēptuiq; haberi ferens, dormientem obseruat, atq; tonsorio cultro membrum genitale cum testiculis abscondit, quo vulnere miser paulò post expirauit, ipsa dum hæc scriberem, è vinculis causam dicebat.

Pharmacopolæ duo Valentini Romam aduecti, magnam ex suo artificio pecuniā cōmuniter confecerant, magnaq; concordia vixerant, ita, vt vterq; alteri factō testamento hæredem scriberent. Horum alter natus minor monstrum sceleris, & ingratitude sola hæreditatis cupiditate ductus, eidem amico & socio cognomine Vræ, cui omnia debebat, necem moliebatur. Ad quod perficiendum duos milites Hispanos, vel potiùs Sicarios denis aureis numis, quos in hoc ipsum ab eodem amico fuerat mutuatus, cōduxit. Hi quo res facilius perficeretur, tertium pari pretio ad societatem sceleris inuitant, cui neganti se temerè conditionem accepturum, ne fortè imprudens in amicum incideret, nisi priùs se, cui, & à quo malum paretur, edocerent, Alphonsum Petrum Castillegium ciuem meum virum domi nobilem, qui tunc fortè præteribat, digito monstrarunt, atque eum esse, cui insidiæ pararentur, confirmauerunt, tum pro sceleris auctore alterum ipsis notum hominem nominarunt, qui cum ipso prætereunte litigaret, scilicet, vt personis falso



falsò nominatis, rectius, tutiusque Tragoedia perageretur. Erat autem Alfonsus Petrus militi, cui pro ignoto monstrabatur, ex castris notus, & amicus; cuius ille, ut saluti consuleret, conditionem militibus se se accipere dixit, & tempore, si vocatus esset, praesto futurum ostendit. Sed ab his digressus, amicum adit, periculum, quod ipsi à duobus mercede conductis militibus Hispanis impendeat, proponit, ut caueat hortatur, seque domi diligenter, sed maxime noctibus contineat. Ille, qui nullius iniuriæ tanto odio dignæ sibi conscius erat, dolum, & auaritiam in indice paupere subesse suspicatus, tamen propter iniectum scrupulum gratias agit pro indicio, rogatque ne se anxium, suspensumque relinquat, sed cæca sollicitudine liberet, & ex duabus penulis, quæ sibi suppetât, alteram sibi sumat. Index animaduersa suspitione, & suis verbis fidem derogari molestè ferens, donum repudiat, & amicè se, ac syncerè rem detulisse confirmat, & quò magis fidem faceret, milites, & insidiarum auctorem nominauit, & ubi diuersarentur, exposuit. Hoc Alfonsus audito, quanquam litis, aut simultatis nihil ei cum auctore nominato intercedebat, tamen denuntiati periculi magnitudine commotus, indice digresso, rem cum amico, & contubernali communicat, qui sibi negotiû auctorem adeundi, ac de simultate, odijque causa percunctandi suscepit. Sed ubi domum peruenit, ipsum ad ianuam sedentem, pedes, manusque morbo articulari implicitum offendit hominem, ut exornatu, & familia cõijcere licuit, grauem, & horratû, ex quo rē per se suspectam, falsam omnino, atque fictam esse iudicans, apud eum de insidijs mentionem facere leuitatis esse existimauit. Quo renuntiato Alfonsus temperare sibi in tanta sollicitudine nō potuit, quin sumpto gladio, accito eodem amico & focio, milites adiret, & de insidijs ad se perlatis cum ipsis expostularet. Seque sollicitudine, quacunque ratione daretur, explicaret. Sed cum diu quæritos non inuenissent, Deo scilicet flagitium nec peragi, nec impunitum relinqui volente, se se domum appetente nocte receperunt. Postridie manè ex amicorum sententia Præsidentem de rebus omnibus certiolem facit. Quo iubente primùm auctor sceleris commentitius, & index, deinde sicarij, postremò verus auctor Tragoediæ à sicarijs proditus cum fratre conscio capiuntur. Omnibusque in vincula coniectis, non diuturna fuit, nec difficilis causæ cognitio, nemo enim factum negauit, omnes citra quætionem initum consilium confessi sunt. Itaque cæteris dimissis, in sicarios, & auctorem cogitati facinoris capitaliter animaduersum est. Huius frater ad triremes damnatus.

Nec silentio prætereundum est eisdem ferè diebus duos honestos, & bene numatos homines à suis seruis occisos esse, & spoliatos. Audisti immania, execrandaque flagitia, nunc audi casum miserabilem. Scortum Hispani generis lepidum, ut ferebatur, & formosum, mula, ut Ro-

mæ me-



ma meretrices cum amatoribus solent, animi gratia gestabatur. Hæc cum venisset ad Thermas Diocletianas, viuarium ferarum ingressa, nec contenta cicures vagantes spectasse, precibus contendit, atque egrè impetrat à belluarum magistro, vt ingenti vrso cauea separatim incluso, sed quem constabat in neminem antea desæuisse, exitum aperiret. Facta potestate vrso erumpit, mulam terrefacit, excussam mulierculam, cæteris, qui aderant, diffugientibus, inuadit, dicto que citius strangulat, & contrito capite, primum auulsa vbera, deinde natem alteram deuorat, vnguibus & dentibus laceratam. Efferatam bestiam existimo colore coccinæ vestis, quam induerat misella, speciem sanguinis præferentem. Hæc omnia Romæ patrata sunt paucis post Pont. discessum diebus. Sed boni consulimus, quod Italia nullo infestatur bello, quo nomine iam video publica etiam atrocinitia nuncupari. Vale Præsul grauissimè, cui omnia læta feliciaque precor. Roma, pridie Nonas Nouembris. Anno Christi nati. 1533.

## ARGVMENTVM.

*Gratias agit Ludo. Auilæ pro commentarijs rerum à Carolo Cæsare in Africa gestarum, ad se missis, multumque se ijs iuuari in bello Africo conscribendo.*

## I. Genesius Sepulveda Ludo. Auilæ

S. P. D.

## EPISTOLA XVI.

**C**ommentarios rerum à Carolo Cæsare in Africa gestarum, quos à te magna diligentia, parique ingenio confectos Garfiae Lasso ad me mittendos dedisti, libentissimè perlegi, & vtriq; vestrum pro magno, & mihi maximè optato munere, ingentem habeo gratiam. Quamquam vos pro talibus officijs gratiarum actionem non expectatis, quibus video propositum esse gloriam bellicam laude literarum cumulare, & huiusmodi studia cunctis rationibus fouere, vt laudare magis debeant homines institutum vestrum, quam pro eo vobis agere gratias. Sic igitur habeto, nihil mihi hoc tempore gratius his tuis monumentis euenire potuisse. Nam etsi ex duplicibus commentarijs aliorum, & multorum præterea, qui rebus interfuerunt, sermone, historiam huius Africi belli conscripseram, tua tamen diligentia multum me iuuari posse video, fide porro, & auctoritate in ijs, de quibus ambigebam vehementer confirmari. Quibus adiumentis instructus, libenter scripta mea de sacro bello recognoscam, aduersus Christiani nominis hostes pie à Carolo Cæsare Rege nostro suscepto, cui, debellato Caradino, debetur etiam de Solymano Turcarum Rege in eodem suo duce deuicto triumphus. Vale. Roma, Pridie Idus Ianuarij.

ARGV.



## ARGUMENTVM.

*Io. Genesio se ad omne officium præstandum offert Alphonſus Valdeſius, eiusque literis ad Erasmum miſſis reſpondet.*

Alphon. Valdeſius Io. Genesio Sepuluedæ

S. P. D.

## EPISTOLA XVII.

**L**ITERAS tuas vir ornatissime summa cum voluptate legi, in quibus tuam erga me voluntatem, atque beneuolentiam, de qua certè nunquam dubitavi, facile perspexi. Perspiceres & tu vicissim meam erga te, si aut sermone, aut (quod longè esset gratius) re ipsa id tibi probare possem. Attamen nunc, cum nec opere, nec sermone quidquam valeam, superest, ut aut tu pro tuo candore mihi credas, aut occasionem suppedites, qua, quis sit meus erga te animus aperire valeam. Quas ad Erasmum dedisti literas, an ad eum peruenerint, nescio, certè ex his, quas ex Augusta illi scripsi, periēre. Lucubrationes tuas, quas summa auiditate perlegi, propterea non laudabo, quòd magis illis detrudere, quàm conferre meum encomium posse videatur, nec vacet illas pro meritis laudare. Fratrem meum tibi commendavi, nimirum eruditissimo viro literarum studiosum, sed video tuam erga me beneuolentiam meę commendationi locum præoccupasse. Vale. & me, quod mutuò facies, amare perge. Bruxellis. 18. Calend. Nouemb. 1531.

## ARGUMENTVM.

*Carpit tacitè Alphonsum Valdeſium quod nimis Erasmo tribuat; eosque qui contra Erasmum scripserunt, defendit, & se ut amicum in Erasmum scripsisse apologiam, non ut obrectatorem.*

Ioannes Genesius Sepulueda Alphonſo  
Valdeſio.

S. P. D.

## EPISTOLA XVIII.

**A**CCEPI literas tuas, seras illas quidem, & cum Erasmi responsum ad antapologiam pro ipsius in conficiendis libris celeritatem expectarem, sed quibus molestiam, quā ex meo libello maximam te cepisse profitebaris, vigentem adhuc, nec se spatio temporis remittentem præteferebas. Itaque vehementer eos incusas velut ingratos, & importunos, qui Erasmum, de bonis literis, ac religione quotidie benè merentem, libellis omnino inutilibus à tergo confodiunt. Quod qualecunque sit, ignoscendum est dolori tuo, propter nimium amorem, quo tātò operè prosequeris Erasmum, tamq̃ sollicitè studeſ  
T  
ipſius



ipsius gloriæ, vt in aliena eius causa plus penè tu, quàm ipse in sua, labo-  
 rare videaris. Cæterùm, qui scribunt in Erasmus, primùm de bono o-  
 pere (vt est in Euangelio) non lapidant ipsum, deinde quâquam tibi vi-  
 deantur errare, sic tamè existimant, libellos suos non inutiles esse, sed  
 commodissimos potiùs, aut etiam necessarios, partim bonis literis, par-  
 tim religioni, cuius nomen libenter omnes vsurpamus, & nostris insti-  
 tutis prætendimus. Quod verò ad me attinet, quem non prorsus sano  
 consilio, sed ingrato animo illam scribendi operam suscepisse confir-  
 mas, non mihi tam molestum fuit meum institutum parum probari à te  
 iudice in Erasmi causa per quàm suspecto, quàm illud iucundum, quod  
 affectum animi mei in virum optimè de me meritum non potuisse te  
 non laudare conscribis. Quod porrò te ais egisse cum Erasmo, vt omisso  
 libello ad literas tantùm meas responderet, (in quo vereor, ne tibi nō  
 sit morem gesturus) meq; amicū potiùs, quàm inimicum habere curaret,  
 facis tu quidem & amicè, & perhumaniter, vt te pacis auctorem præbe-  
 as, & amicos tuos ad mutuam inter ipsos concordiam cunctis rationi-  
 bus adhorteris. Cæterùm ego, qui officij duntaxat gratia causam egi  
 Alberti pij, vt amicus admonitor, non vt infensus obrectator in Eras-  
 mum scripsi, vt quod idem ex religione, dignitateq; sua tacturus mihi  
 videretur exponerem, non vt ipsum ad dicendi certamen prouocarem.  
 Parebo igitur libenter tuis monitis, nec vltèriùs vt ipse admones, nisi  
 me itidem officium, etiam atque etiam adhortabitur, progrediar equi-  
 dem, vt teneam meam consuetudinem, neminem sine causa necessaria,  
 vt iniuriam repellam, ledendi, non vt ei occurrā suspicioni, à qua me  
 tantoperè dehortaris, ne gloriæ studio voluisse videar cum Erasmo cō-  
 tēdere. Nam ex alterius iniuria famam aucupari, miserrimi ingenij est,  
 & nulla sua virtute freti, qualis ille fuisse traditur, qui Dianæ Ephesiæ  
 templum incendit, de quo vide, ne non satis opportunè memineris. Il-  
 lud enim in eos duntaxat conuenit, qui cum nulla ipsis adsit industria,  
 nulla denique vel ingenij, vel animi virtus, qua possint nomen suum il-  
 lustrare, per omne facinus præposteram nobilitatem quærunt. At ego,  
 neque ambitioni seruiō, nec si vel quàm maximè seruiam, sum adeò i-  
 gnauix, aut infirmitatis conscius (quod sine arrogancia dictum acci-  
 pi velim) vt quærenda mihi esse putem flagitiosa compendia, quo poste-  
 ris me vixisse testatum relinquam, aut ex tali certamine temerè susce-  
 pto gloriam posse mihi tantoperè contingere, quàm ipse putas, qui E-  
 rasnum, quasi numen par Dianæ, Mineræque suspicis, & eius scripta,  
 dictataque velut oracula, legis. At ego in ea regione multos annos cum  
 viris doctissimis, & eloquentissimis, quorum laudem æmulari soleo,  
 vixi, vbi longè aliter, certè non tam magnificè de Erasmo docti homi-  
 nes, quàm tu, multiq; nostræ gentis vel sentiunt, vel loquuntur, vt  
 intelligas, me Erasmus, vt non contemno, sed potiùs magnifacio, sic  
 non



non tantoperè demirari, vt quemadmodum ipse videris innuere, gloriosum putem cum eo certare, cuius scripta, qua parte Christianam philosophiam attingunt, quaque versatur meus libellus, theologi, fortasse non rectè, plurimi tamen, contemnunt, & sic aspernantur, vt quod ipse non ignoras, multis in locis minimè ferenda esse contédant. Tu igitur hoc tribuis Erasmo, quod ipse fortasse non agnosceret, nec omnium in se scribentium consilium tam magnificis verbis damnaret, præsertim post illam disputationem, qua vsus in eum sum in hoc, qui te tantoperè offendit libello, ad similem, quam de Alberto Pio idem mouerat suspicionem minuendam, Vale.

## A R G V M E N T V M.

*Recenset ostenta Romæ, mense Augusto visa, eorumque causas & effecta, & Plinij locum reprehendit lib. 2. Arcus noctu non fit.*

## I. Genesius Sepulveda Io. Valdesio.

S, P, D,

## E P I S T O L A XIX.

**E**GO ne vt meminerim, tibi me de portentis commentatiunculam promississe? Portentum id esset, meminisse quod non fuerit. De cometis vt aliquid scriberem, à quibusdam me rogatum esse, tibi hoc ipsum mecum nuper agere incipienti, ac de ostentis, quæ his paucis diebus visa sunt, aliquid ex me, vt aiebas, audire cupienti, dixi, scripturum nemini, propter ingentes meas occupationes, promisi. Sed tu videlicet quod non apertè negatur, id promissum statim interpretaris. Nec tamè te miror, & insolètiarum rerum commoueri, & placita de his Philosophorum velle cognoscere. Nam quæ singula, & longissimo interuallo cum admiratione mortalium solent existere, hæc multa vno Augusto mense nuper accidisse notauimus: nam septimo Idus, Cometa duabus amplius horis solis exortum antecedens flagrare coepit. Pridie Idus, tertia fermè diei hora ad Troiam Apuliæ tres soles visi sunt. Idibus ipsis, prima nocte, alter Cometa, qui solem duarum circiter horarum interuallo sequebatur, eadem forma visus est, sed minor, & subobscurior, & alijs stellis vicinus: nam matutinus cum Venere exoriebatur, à qua vespertinus longè distabat, magno argumento errare, qui negant hos fuisse diuersos. Quarto Cal. Septembris, Iridem noctu (quod est omnium rarissimū) secunda post solis occasum hora supra Romam cōspeximus. Quoniā igitur te video non sine causa cupere de his ostentis, quid viri doctissimi sentiant, intelligere, auctores, locaq; indicabo, vbi quæstionē accuratiùs disputatam inuenies. Lege primum, & tertium Aristotelis Meteorologicorum librum; Plinij naturalis historiæ secundum; Se-



necæ quæstionum naturalium primum, & septimum, nihil fortasse prætereà desiderabis. Si summam quæris, quod non promisi, præstabo. Quæ res Cometa dicitur, eadem variata figura, varijs nominibus appellatur, quem nuper vidimus vterque à promissa velut iuba in speciem barba, *ωωγώνιας* à Græcis dicitur. Ignis id genus, quacunque figura frequentiores conspiciantur, Aristoteli siccitates, ventosq; portentunt, velut abundante calido, siccoq; halitu, qui ventis iuxta & cometis pro materia est, nisi quòd cometæ in loco ignis appellati fiunt, cum ea materia compactior, & ad ignem ex motu cœli concipiendum opportuna facta fuerit. Venti infra montes altissimos ex hac eadem, sed rariore, & fluida, dum à terra subit, generantur: quanquam eis principium motus supernè adest. Plinius maiorum malorum prænuntium cometam facit, & rem, magnis bellorum ciuiliū, & Principum occasum exemplis confirmat. Cui Lucanus astipulatus ait,

*Crinemque timendi*

*Sideris, & terris mutæ regna cometæ.*

Seneca temperat hanc sententiam vno duntaxat exemplo, nec à Plinio præterito, eius cometæ, qui Cæsare Augusto principatum ineunte, orbi salutaris apparuit. Geminati solis, qui *ωαρηλιος* à Græcis appellatus causa eadem est propemodum, quæ cælestis arcus. Nam cum radii solares in nubem densiorem incidentes ita replicantur, ut colores duntaxat quosdam nubes ostendet, arcus efficitur, aut virgæ nuncupata, cum porrò figuram etiam reddit, & equali densitate tanquam speculum efficitur, sol geminatus videtur, & pluuiam imminentem Aristoteli portendit. Arcum fieri posse noctu, veteres ante Aristotelem negauerant, nondum erat videlicet ob eius raritatem tunc à viris doctis animaduersus. Itaque solis tantum, non etiam lunæ replicatos in nube radios posse illam arcus speciem ostentare putabant. Quorum errorem Aristoteles in tertio Meteorologicorum libro refellens, sua memoria bis visum testatur, spatio tamen annorum supra quinquaginta. Nam rarissimè fieri, ipse quoque confitetur, nec vnquam nisi vno die mensis, hoc est, in plenilunio, cum luna plena lumine, frequentiores, vehementioresq; radios emittit. Itaq; Plinium auctorem alioquin grauissimum magnoperè miror, quid ei venerit in mētem, ut nihil veritus tanti Philolophi auctoritatem, sic in secundo Naturalis historię libro scriptum reliquerit: *Arcus noctu non fit, quamuis Aristoteles prodar aliquando visum. Quod tamen fateretur idē non nisi tricesima luna posse* Paucis verbis multa peccata. Primum negat noctu fieri posse Iridem. At nos ipsi nuper Romæ cum multis conspeximus, partem circuli quarta maiorem absoluentem, qui à Vaticano monte, quæ Septentrionem spectat, meridiem versus assurgebat. Deinde summi Philosophi testimoni-



um nulla certa ratione reiicit. Tum eundem non nisi tricesima luna arcum noctu fieri posse professum esse tradit. At ille in plenilunio duntaxat, hoc est, luna quarta decima prodidit. Quanquam is, quē nuper Romæ vidimus, non in ipso die plenilunii, sed postridie apparuit, atque adeo quadragesima octaua circiter hora ab ipso temporis puncto, quo sol aduersus plenē lunam illustrauerat. Sed hæc hæc tunc, quæ si tibi breuiora, quam pro rei magnitudine, & difficultate videbuntur, meminisse debebis, nos rei summam epistola perstringendam, non quæstionem libro accuratiùs disputandam suscepisse. Vale Romæ, Nonis Septem. Anno Christi nati. 1531.

## ARGUMENTVM.

*Suam cum Roderico Manrico amicitiam confirmat, eiq; mittit commentaria Alexandri Aphrodisiensis in libr. Aristotelis ἡδὲ τῶν μετὰ τὸ Φυσικὸν à se conuersa & Romæ edita, eumq; vt eadem accurate Parisijs recudi procuret, hortatur.*

Io. Genesius Sepulveda Roderico Manrico.

S. P. D.

## EPISTOLA XX.

**E**X literis, quas proximè ad Pontium tuum, vel nostrum potiùs misisti, quo in me animo esses, quanti q; faceres meas nugas, intellexi, simulq; tuam indolem, studiaq; perspexi. In quo enim ab eo petis, vt auctor interpresq; fiat amicitiae inter nos conciliandæ, prætefers cū egregia humanitate magnum quendam virtutis, ac literarum amorem. Nam licet ipse nihil in me agnoscam ista opinione tantoperè dignum, tamē, qui absentem, & ignotum ob nullam aliam causam diligit, quàm quòd eū, & probum, & eruditū arbitrat, hic nihil aliud amat, quàm virtutem, & doctrinam, quod magnum est insitæ virtutis & honestissimorum studiorum argumētum. Tibi ergo magnā habeo gratiam, quòd me tua beneuolentia non indignum existimaueris, me verò ad te diligendum, & amanter colendum multa cohortantur. Primum ipsarū, de quibus dico, virtutum, & literarum studium, virtus enim ipsa sui lena est, atq; blanda conciliatrix; deinde generis tui claritas, tandem quòd à te prouocatus in amore vinci, turpissimum esse magnis auctoribus existimo. Cuius mei animi, vt te per literas facerem certiores, eidem Pontio viro optimo, & grauissimo me diligenter adhortanti, libenter sum obsecutus, dedi q; has literas ad te, quæ fœderis instar magis habeant, quam epistola, vt me iam scias, ita esse animatum, vt in te colendo, & si quid in me facultatis erit, ornando, nusquam sim officio defuturus.

Alexandri Aphrodisiensis commentaria in duodecim Aristotelis li-



broc περὶ τῶν μετὰ τα φυσικὰ à nobis ante aliquot annos è Græco in latinum conuersa, Romæq; impressa, ad te, quemadmodū iussisti, mitimus. Quæ, si me audies, sæpè, ac diligēter lectitabis, nihil est enim eis eruditius, nihil ipsorum auctore vel grauius, vel subtilius, teste non solum Auerroë ciue meo, qui ipsum est plerisq; in locis secutus sed etiam Hieronymo, qui se commentarios eius vertisse in epistola quadam gloriatur, siue quoniam eos è Græco in Latinum sermonem conuerterit, siue, quod magis puto, quia sæpe euoluerit lectitando. Illud autem à te peto, vehementerq; rogo, vt si hoc opus Lutetiæ, quemadmodum te facturum ostendis, excudendum curaueris, des operam, vt id accuratè, diligenterq; fiat, ad cætera enim mala, quibus fama interpretis est oppor- tuna, accedit librariorum negligentia: qua si quid peccatum fuerit, hoc quoque plerunq; solent obrectatores interpretibus assignare. Vale, & me, quòd mutuò facis, ama. Romæ Idib. Iul. An. Chr. nati 1534.

## ARGVMENTVM.

*Se excusat quod rariùs scribat, gratulaturq; F. Florido ob felicem Bononiam aduentum, & eum, vt in studia grauiora incumbat, admonet, humaniores autem literas animi tantum gratia recolat.*

Io. Genesius Sepulveda Francisco Florido

S. P. D.

## EPISTOLA XXI.

**A**Ccepi literas tuas erudite Francisce, plenas vt ingenij, sic officij, & beneuolentiæ, ad quas quominus ante rescripserim, non obliuio tui, cuius mihi esse solet perquā grata recordatio, sed partim multæ meæ occupationes fuerunt in causa, partim quòd, cui literas ad te darè, nemo erat. Hoc epistolum ne diutius meum officium desideres Ioanni Scobari misi, homini Hispano, & in collegio Hispanorū diuersanti, qui tibi reddat, inuestigato. Quod scribis tibi aduentum tuum Bononiam ex voto, ac sententia successisse, etiam atque etiam gratulor, optoq; & precor, vt cuncta tibi feliciter eueniant. Tu modò da operam, vt ingenium tuum agnoscas, ne in tanta studiorum occasione tempus nequicquā teras. Vrge tuum institutum, totusq; in doctrinæ genus incumbe, quod vberiore tum fructum, tum honorem non temerè pollicetur. Amoenitates humaniorum literarum, in quibus diu non sine laude versatus es, ijs duntaxat horis sectaberis, si me audies, cum animus fessus à seuerioribus studijs est recreandus, illis in ocio frui semper licebit, horum magistros audiendi non semper est occasio. Hoc tua fortuna in primis desiderat, hoc tibi commodissimum erit, hoc patri gratius nihil facere potes. Hoc igitur cura, & Vale.

ARGVMEN-



## ARGUMENTVM.

*Io. Toletus gratias agit nomine Francisci Toleti, quem ære alieno liberauerat, eumque certiores facit de sua cum illo in Hispaniam post XX annos redeundi cupiditate.*

## I. Genesius Sepulveda Ioan. Toletus Episcopo Cordub.

S. P. D.

## EPISTOLA XXII.

**I**NGENTES gratias tibi nuper egit apud me Franciscus noster Toletus, cum ipsum magno ære alieno liberaffes. Nam se tuo beneficio subleuaturn esse dicebat onere, quod sibi grauius Aetna sustinere videretur. Ergo te, quem dominum solet omni sermone vocare, tunc patrem etiam suum appellabat, qui multa, & magna in se beneficia, tanta, tamque oportuna liberalitate cumulaffes. Nec aliud iam vel cogitat, vel expetit, nisi vt te primo quoque tempore reuifat, & tua grauiissima simul & iucundissima consuetudine fruatur, quem adhuc honestæ rationes, prudensque consilium distinuit, ne si à Clemente P. M. cuius animum in se ornandum procliuem sentiebat, præpropere quadam festinatione discessisset, videri posset, non satis consultè, neque tuis negotijs, neque suis commoditatibus prospexisse. Sed hac cunctatione per obitum Pontificis sublata, & negotijs, quæ propter diuturnum eius morbum conficere nequiuert, extricatis, statuit, cum primùm per tempus anni licebit, hoc est ineunte vere, in Hispaniam proficisci, & me, quo sui colendissimo, postquam Romam venit, semper est libenter, & familiariter vsus, comitem etiam itineris habere vellet, non solum vt habeat cum quo possit confabulando tedium itineris leuare, & familiares conferre sermones, sed etiam quoniam se putat, vt ipse ait, rem tibi gratam facturum, si hominem secum ad te duxerit, quem tu propter nescio quam doctrinæ, & studiorum opinionem, aliquid esse putare soles, & certè tuarum virtutum, gloriæque vestræ clarissimæ familiæ studiosissimum. Quo circa me iam de reditu in patriam in proximum autumnum cogitantem diligenter hortatus est, & rogauit, vt maturem profectionem, sibi que in Calend. Aprilis pollicerer. Ego verò quanquam nondum satis, quid mihi faciendum esset, constitueram, tamen omnia mea consilia studio, & voluntati eius pro mea in ipsum singulari beneuolentia, & obseruantia posthabui. Sed dubium, & labantem animum meum hoc impulit facilius, quod se statuisse affirmavit apud te æstiuare ad Salmanticam, vel Albam, consilio videlicet salutari. Ne si Cordubam rectā contenderimus longo post tempore reuersi, protinus cogamur in calidiore regione caniculæ ardore experiri cum



cum vtriusque quidem graui periculo, sed meo longè maiore post annum vigesimum in patriam ex Italica peregrinatione redeuntis, velut ex industria fuerim moram Homerici Vlyssis imitatus. Nos igitur Pater amplissime ducente Deo ante Calendas Iunias expectabis, & locum parari iubebis idoneum, tum ad æstiuandum, tum ad philosophandum. Vale, & primo quoque tempore, volente Deo profecturis bene precaberis.

## ARGVMENTVM.

*Respondet iocis Francisci Toleti, & de voluntate animoq; in se ducis Albani & Card. Quignonii.*

Io. Genesius Sepulveda Francisco Toleto.

S. P. D.

## EPISTOLA XXIII.

**L**iteras à te Romæ datas postridie nonarum Octobris, ipse Genuæ tertio nonas Nouembris accepi, sed huiusmodi, vt facile tarditatē iucunditate compensarent. Erant enim officij, benevolentia, ac humanitatis plenæ. Nam quid ego de vrbānitate dicam? Quæ tibi tam penitus insedit, vt nihil, nisi aspersum aliquo sale, nec dicere possis, nec scribere. Haud enim sum tam hebes, vt te cuius ingenium, & libertatem noui, blanditum mihi esse putem, in eo, quod scribis, Trebatium à me, non solum cæteris in rebus, sed laude quoque bellica fuisse superatum. Quem tu mihi Trebatium narras? aut quid tibi venit in mentem, in meo facto, Trebatij potissimum mentionem facere, qui non magis philosophus est habitus, quàm ego iuriconsultus? Illud igitur haud dubiè (nec enim me fallis) significare voluisti homo vafer, me nihilo magis in Ligustico mari nuper natare voluisse, quàm illum olim in Oceano Britannico, quod per iocum in epistola obijcit ei Cicero, velut iners, & ignauum. Sed heus tu, dum talia ludis, memento etiam in iocis retinere aliquam æquitatem, nisi fortè eandem fuisse putas meam, & Trebatij causam, at Trebatio licuit commodè in classe octingentarum nauium in Britanniam breuissimo traiectu nauigare, mihi erat infesto mari cymba cum magna rerū omnium difficultate multò longior in Galliam præter amicorum sententiam, & manantium rumorū rationem suscipienda nauigatio. Qui si vos censores audiuisse, non modò natationem eo tempore vitassem, sed omnino maris conspectum, nec me, dum officij rationem sequor, ante tempus in urbem coniecissem, omnium, quas ego, aut viderim, aut legerim, maximè & in hospitalem, & ab omni genere, ac studio literarum abhorrentem, & quæ sola in Italia extremum belli discrimen adiuit. Sed ad tuum dictum redeo, quod mihi risum mouit, hoc etiam iucundiorem, quod iā pridem



pridem vix aliquem nactus fueram, qui cum possem aliquantisper ride-  
re doctè. Nam quòd hostem gratularis ab vrbis oppugnatione fortiter  
à nobis fuisse reiectum, id non per iocum à te, sed seriò dictum acci-  
pio, strenuè namq; repulsus est à nobis, à militibus quidem manu, & te-  
lis, à me verò, mei q; ordinis hominibus, id est à clericis, lacrymis, & o-  
rationibus, sic enim sollicita vota, piasque preces appellare solemus,  
quoniam arma nostra (vt auctor est Paulus) non carnalia sunt, nec san-  
guinolenta, sed potentia Deo ad destructionem munitionum. Sed de  
his haftenus.

Voluntatem optimi, ac humanissimi viri Principis Albani tui pro-  
pinqui, mei q; patroni, quam tu mihi per literas, conscius videlicet eius  
in me animi, liberaliter polliceris, iam ego cum epistolam accepi, re-  
fueram expertus, eiusdem q; singularem humanitatem, ac beneuolen-  
tiam perspexeram. In quo verò meam consuetudinem te tantoperè de-  
siderare confirmas, prætefers singularem amorem tuum, non ignotum  
illum mihi quidem, sed suauissimum, & peroptatum. Eodemque modo  
iudico de animo in me præsulis amplissimi Cardinalis Quignonij pa-  
troni mei, de cuius volūtate in me, ac humanitate eadē ex aliorū literis  
libenter intellexeram, quæ proximè ex tuis libentissimè cognoui. Va-  
le. Genua. quarto Idus Nouembr. 1536.

## ARGUMENTVM.

*Deplorat improbitatem sui temporis, & iuste Deum iratum esse, vt autem facilius e-  
mendari possit, Sacerdotum vitia prius corrigenda admonet.*

## I. Genesius Sepulueda Gaspari Contareno.

S. R. E. Cardinali.

S. P. D.

## EPISTOLA XXIV.

**C**Um ex moribus nostris, & cultu Christianæ pietatis neglecto con-  
iecturam facio, cum ad tempora nostra, quorum ipse calamitatē  
epistola tua paucis quidē, sed prudentissimè deploras, specto, tibi  
equidem vehementer assentior, Deum nobis etiam atq; etiam iratum  
esse. Reuelatur enim ira Dei de cælo super omnem impietatem homi-  
num eorum, qui veritatem Dei in iniustitia detinent. Quæ verba olim  
à Paulo in Ethnicos philosophos potissimum dicta non possum nō ve-  
hementer dolere, tantoperè in nostri ordinis, hoc est sacerdotum mo-  
res iam pridem conuenire. Qui cum morum, ac religionis magistros a-  
gamus, Deum q; plus cæteris nouisse profiteamur, non tamen sicut Deū  
glorificamus, nec gratias agimus, sed euauim⁹ in cogitationib: nostris,  
& obscuratum est insipiens cor nostrum, & pro sapientibus stulti facti  
sumus



sumus. Ergo iam diu benignitate Dei, atque patientia, quæ nos ad poenitentiam inducit, abutentes, duritia nostra, & corde impoenitente iram nobis, vt Paulus ait, thesaurizamus, quam cum adhuc mediocribus in rebus experti simus, verèdum est etiam atq; etiam, quod ipse scribis, ne nisi resipiscamus, iustissima eadem ira Dei grauius in nos pro nostrorum criminum magnitudine, & ratione desæuiat. Iam enim irascentis Dei non obscura indicia, sed manifesta documenta videmus, quæ ipse commemoras, schismata, hæreses, Christianorumq; principum dissidia, & intestina bella, quibus malis iam pridem Ecclesia, ac omnino Christianus orbis continenter afflicatur. Quo diligentius nobis, qui in partem sollicitudinis, vt ipse ais, atq; curæ pascendi gregem Christianum vocati sumus, enitendum est, vt Deum nobis, nostræq; fidei commissio populo placatum reddamus. Quod non tam verbis, aut precibus, quam pietate, sanctitateq; hominum effici certum est: quas artes frustra, & impudenter postulabimus in alijs, si curam ipsarum in nobis recusauerimus. Prius enim vitam nostram pie, sancteq; instituamus oportet, quæ prauos popularium mores castigare aggrediamur, si velimus cum fide, & auctoritate, agenda, vicissimq; fugienda alijs præscribere, eodē Paulo auctore, qui sic nos in Tito cohortatur, *in omnibus, inquit, te ipsum præbe exemplum bonorum operum in doctrina, integritate, & grauitate.* Sic enim fiet, quod Christus præcipit in Euangelio, vt nostra lux, hoc est splendor eius doctrinæ, quam ad aliorum mores instituendos, atq; formandos adhibeamus, sic luceat coram hominibus, vt videant opera nostra bona, & glorificent patrem nostrum, qui in coelis est. Verba enim cum discrepant à vita, & moribus præipientis, fide carent, & grauitate, ac, vt tuus philosophus ait, non sunt nisi verba, id est gloriola, ac venditationes. Sed longius prouectus sum fortasse, quam erat necesse, non tui docendi causa (quis enim Miueruā doceat?) nec admonendi, quem nullo loco Reipub. Christianæ, quantum est in te, deesse scio, ac vt religionis, omnisq; virtutis exēplo, sic oratione, cura & diligētia paratum esse certum habeo, tuum officium Ecclesiæ præstare, sed vt spontē currenti adderem (vt dicitur) calcaria, simulq; fruerer iucundissimo tuo colloquio. Mihi enim suauissimum est tecum viro doctissimo, grauiissimoq; & Antistite religiosissimo per literas, quando coram negatur, huiusmodi conferre sermones, nec illiteratos videlicet, nec à bono publico abhorrentes, & apud eundem te, quid mei iudicij sit, quæ ratio subueniendi rebus lapsis ineunda mihi esse videatur, quid demū maximè cuipiam testificari. Cuius summa est, vt primū omnium sacerdotum vitia, quæ causam dedere nostris malis, locumq; hæreticorum fraudibus, atq; calumnijs fecerunt, tum publicè, tum etiam priuatim emendentur. Sed ita emendentur, non vt vestium, fimbriarumq; lasciuia edictis coërcere proceres Ecclesiæ contenti sitis, sed vt veteres sanctorum patrū leges, quæ mores



attingunt, iam diu iacentis excitetes, ac pristinæ auctoritati, quæ licentia temporum iam propemodum aboleuit, restituatis, idq; nō senatusconsultis, aut nouis decretis, quorum sunt omnia referta, sed factis, & exemplis, vsq; virtutis faciatis, vt omnes intelligant, rem Ecclesiasticam, non sacerdotum arbitrio, ne libidinem dicam, vt quidem loquuntur & iactant, sed pijs sanctorum patrum institutis administrari. Quod factum iri nostra tempestate, vt sperem, quædam me rationes cohortantur, sed maximè omnium P. pontificis maximi sapientia, & animus, quē in bonum publicum esse procliuē, vt ipse testaris, maximis, & illustrib. documentis mihi videtur declarasse. Primū quod te, & quosdam alios tui similes singulari doctrinā, ac religione, & omni virtutū genere præstātes viros in collegiū Cardinaliū, cū magna & sua, & vestra laude cooptauerit. Deinde quod vniuersale sacerdotum Concilium indixerit tempore maximè necessario. Postremò, quod gratiæ inter Principes Christianos reconciliandæ, constituendæq; pacis auctor fuerit, nullo nec labore longi itineris, nec valetudinis incommodo, atque periculo in ea ætate recusato. Quæ res non modò mihi, sed cunctis Christianis magnam expectationem, & spem melioris rerum status, ac conditionis attulere. Vos igitur pergite, & Pont. incitatum sponte sua ad corruptas, & vitiosas consuetudines emendandas, ad optimam rerum Ecclesiasticarum administrationem recipiendam adhortamini, ne rei benè gerendæ præsentem occasionem amittatis. Qua in re si adesset, me vestrorū consiliorum, atq; conatum admonitorem ineptum fortasse, fidum tamen, ac diligentem, & boni publici studiosum haberetis. Vale pater grauissime, tibiq; persuade, me tui, tuarumq; excellentium virtutum esse studiosissimum.

## ARGUMENTVM.

*Iudicium suum fert Cardinalis Contarenus de Io. Genes. Sepuluedæ opusculo De anno: cur annus cum à Bruma sumat initium, octauo post Brumam die incipiat.*

Gaspar Cardinalis Contarenus Io. Sepuluedæ.

S. P. D.

## EPISTOLA XXV.

**A**Ccepi opusculum tuum de ratione anni, simul cum epistola mihi scripta plena singularis cuiusdā erga me beneuolentiæ, & eximie humanitatis, quandoquidē seriò iudiciū meū de tuo hoc opere requiris, nec ludis, vt pleriq; nostra hac tempestate facere consueuerunt, qui post libros publicatos, & editos, laudari potius volunt, quā fidum consilium habere. Quamobrem meas partes esse duxi (quamuis parum peritus, ac propterea minùs idoneus sim adferre iudiciū de  
V 2  
operi-



operibus præclarorum hominum, qualem te esse pleriq; omnes nouerunt) si non doctum, saltem tibi fidum me amicum præstare. Mihi visum est opusculum tuum hoc, multis in partibus illustre. Ea quoq; quæ in calce dicis de Aera, mihi valde verisimilia visa sunt, ac diligenter notata, causa etiam illa prior, cur annus noster euariet, verissima est, quam nullus negare queat. Altera verò, quam addis, ac miraris præteritam fuisse ab alijs, non mihi videtur satis constans. Ego olim sæpenu-merò dubitavi hoc in loco, in quo video te hæere, cur scilicet annus, cū à bruma sumat initium, non etiam cœperit à die brumæ, sed octaua post brumam die; iam à temporibus Augusti, rebar ego id, quod tu re-  
ris, erratum fuisse, nec scio qua ratione, nec tamen cōijcere poteram, quæ fuisset errandi causa. Post nonnullos annos tandem deprehendi id, quod Forosempronien-  
sis Episcopus Astrologiæ peritissimus mihi illustre fecit. Iulius Cæsar, Genesi, in anno constituendo habuit rationem solis, in mensibus verò putauit habendam rationem lunæ, à qua etiam dicti sunt menses, aureumq; numerum decemnouem annorum collo-  
candum putauit in mensibus sui anni. Idcirco post brumam nouam lu-  
nam expectauit, à qua primum mensem inchoaret, quæ fuit octaua die post brumam. Sicque in suis Fastis seu Calendario (vt loquar nostro mo-  
re) constituit aureum numerum, vnum inquam post viginti dies Ianua-  
rij ad diem pridie Calendas Februarias. Sicque secundum aureum nu-  
merum, vnum, inquam, post vigintinouem dies mense imperfecto, seu octauo Calend. scilicet Martij. Hæc ergo ratio fuit, cur Calendæ Ianua-  
rij fuerint protractæ octo diebus post brumam. Tuum erit iudicium. Ego cum Forosempronien-  
si Episcopo sentio hac in re. Id verò, quod affers de anno corrigendo, vt scilicet statim, ac simul tot diebus annum vnum minorem faciamus, quot errauimus; cū non vulgaris turbatio tum fastorum, tum negotiorum videri posset, si id fiat, minùs mihi pro-  
batur, quam si dimissa diei intercalatione, totidem annis, quot suffici-  
ant refarciendis diebus illis, quibus anteuertimus, sensim ratio anni, vel instituta à Iulio Cæsare, vel quæ extabat Nicæni Concilij tempore, restituatur, longè minori turbatione hoc pacto, vt reor, res tota proces-  
sura est, verum non ita tueor hanc sententiam, quin facile sim conces-  
surus tuæ. Hæc notanda visa sunt in tuo præclaro hoc opere. Tu

pro tua singulari eruditione rectiùs omnia & iu-  
dicabis, & statues. Vale. Romæ, septi-

mo Calend. Maij.

An. 1539.

ARGVMEN-



## ARGUMENTVM.

*Confirmat Contarenus suam sententiam de initio anni in superiore epistola, & respondet locis ex Galeno & primo fastorum Ouidij allatis à Io. Genesio Sepulveda.*

Gaspar Cardinalis Contarenus I. Genesio  
Sepulveda

S. P. D.

## EPISTOLA XXVI.

**N**ULLO pacto tibi persuadeas velim, Sepulveda doctissime, vlla negligentia, aut obliuione tui factum esse, vt tam diu responderē distulerim tuis literis amoris & officij erga me plenis, verū cū nonnulli amici mei, tui nominis studiosi, à me legendas petijssent, ac habuissent, easque per manus traditas, cū mihi redditas esse arbitrarer, sedulo inter meas schedas inquirens, nusquam reperiēbam, qua in re dum ego, & mei diligentiam adhiberemus, demum ad hanc diem res est protracta, nec tamen literæ inuentæ. Quamobrē duxi non ampliùs mihi differendum esse, ne dum vellem officiosus esse, & singulis earum partibus respondere, tibi iure videri possem parum officio satisfaciens. Legi igitur & Galeni locum, quem citas in primo Epidemiarum, & Ouidij in primo Fastorum. In Græco codice Galeni res est magis expressa, quàm in Latino, ibi enim Februarius *δεύτερος μῆνας* τὰς χ' *καὶ ἐπὶ τῷ α' μηνὶ* dictus est, & Ianuarius primus, vbi planē videre poteris nostræ sententiæ locum illum nihil obstare. Etenim nos quoque putamus prima post brumam luna fuisse Calen. Ianuar. In Ouidij verò versu, *quod sol nouus, & annus nouus eat Calend. Ianuar.* non fuisse seruatum exactum illud, quod Græci dicunt, vt scilicet propterea velimus eam fuisse diem brumæ, cū sol Capricornum attingit, perspicuē ostendit auctor idem inferiùs, qui scribit *secundo post Carmentalia die XVI.* scilicet, Calen. Februa. ingressum solis in Aquarium, qui utique esse nulla ratione posset, si ipsis Calen. sol primū attigisset Capricornū. Columella grauis auctor, qui floruit tempore Augusti, non multò post Iulium Cæsarem, lib. IX. de Re rustica. Cap. 14. inquit. *Ab occasu vergiliarum brumam, quæ ferè conficitur circa VIII. Calen. Ian. in octaua parte Capricorni, condito melle vtuntur examina* Dicit, octaua parte Capricorni octauæ sphaeræ, quæ processerat Orientem versus. XI. libro eiusdem operis Cap. 2. versus finem. Idem dicit iuxta obseruationem Chaldæorum, licet in codice impresso scriptum sit *XI. Calen. Ianuar. brumam esse:* quem locum puto legendum VIII. Calen. Verū vtro modo legatur, nihil refert, constat brumā fuisse ante Calen. Ianua. Plinius libro XVIII. Cap. 25. de quatuor cardinibus anni loquens, cū dixisset fieri illos in octauis partibus signorum,



rum, ea de causa, quam suprà tetigimus, subdit, *Bruma Capricorni octaua scilicet parte ab VIII Calend. Ianua.* Mihi certè loci hi, præter ea, quæ priori epistola ad te scripsi, magnoperè persuadent, Iulium Cæsarem non inchoasse annum à bruma, sed à prima luna post brumam. Poteris tu, & peritiores meliùs totam hanc rem dijudicare. Forosempronienfis Episcopus non citat auctorem quempiam antiquum. Hæc pro iure amicitiae nostræ volui tibi afferre, vt tota causa diligenter perspecta, statuas, quid tibi sit sentiendum, & agendum de opusculo illo tuo eruditionis pleno, quo me honestare, quæ tua est humanitas, voluisti. Nos bene valeamus, ac tibi omnia bona optamus. vale. Romæ, Nonis Febr. 1540.

## ARGVMENTVM.

*Excusat se de intermissione literarum, & anni corrigendi silentio, accusat vero negligentiam Rom. Sacerdotum in cogendo concilio: Respondet deinde ad ea quæ ob stare ius sententiae videbantur.*

Io: Genesius Sepulveda Gaspari Contareno  
S. R. E. Presb. Cardinali.

S. P. D.

## EPISTOLA XXVII.

**Q**UOD tam longum fuerit mearum literarum interuallum, & de quæstione corrigendi anni silentium, mallem equidem aliqua mea desidia, vel obliuione commissum fuisset, & in eo culpā agnoscere, sollicitèq; deprecari, quàm ex vestra, hoc est sacerdotum Romanorum (vt liberè loquar) negligentia, veram causam afferre, quos nimirum frigere, & nihil minus, quàm de cogendo Concilio cogitare video, cui⁹, vt spes me priùs acuebat, & incitabat, sic desperatio iā pridem hebetat, atq; retardat: quos enim maximè in publicā Ecclesiæ salutē excubare, atq; eius dignitatis augendæ nullā occasionem prætermittere oportebat, ab ijs Concilij rei salutaris, etsi vnquā aliàs, nunc maximè necessariæ mentionem fieri nō alio tempore video, quā cum bellū, aut geritur inter Principes Christianos, aut impendet. Ad summā cum certa spes est, horum discordia ipsum impediri posse. Nam cū pax redijt, & firma concordia, de nulla re maius est silentium, vt quid intempestiuus edictis alieno tempore captent, neminē quālibet tardū ad intelligendū dubitare patiantur. Sed quoniā in tanta multorū desidia, tua mihi singularis rei ecclesiasticæ cura explorata est, & studiū boni publici perspectū, redibo ad quæstionē de ratione mensium, & anni, quam ad te misso libello complexus sum, respondeboq; ad ea, quæ ob stare meæ sententiæ tibi visa esse proximis literis scripsisti, vel hoc ipso nauaturus operam, quod tecū viro doctissimo, religionis Antistite grauissimo de reb. honestis



neffissimis, literatis, & ad bonum publicum pertinentib. tantisper colloquar. Scio quod scribis, & admones traditum esse, tum à Columella, tum à Plinio brumale solstitiū in octaua parte capricorni confici ad octauū Calend. Ianuar. Sed illud nō ignoro, quod te quoq; meminisse oportet, hæc eos nō à Iulio Cæsare, aut Iuliano Sosigene sumpsisse, sed vt ipse Columella declarat, ab Eudoxo, & Metone veterib. Astrologis, hoc est, à Græcis auctorib. apud quos diuersa ratio erat, tū anni, quem à solstitio æstiuo inchoabant, tū mensium, quos ad lunæ motum accommodabant, vt hi sine magno errore, & inconstantiā ad Romanorum, Cæsarisq; menses interpretando referri nequaquā possint. Vnde Ouidij quoq; manauit inconstantia, qui planè testatus (id, quod erat consuetudine Romanorū indubitatum) initium anni sumi à solstitio brumali, & (vt par erat) Calen. Ianuarij, in cuius mensis principio de fastis scribens, cum hæc traderet, versabatur, paulò post ad Græcorum obseruationes redit, de transitu solis in Sagittarium, sextodecimo Calen. Februar. in quo, vt Columella docet, secutus est Hipparchū, cui placuisse refert solstitia, & æquinoctia non in octauis, vt Eudoxo, & Metoni, sed in primis partib. signorum confici, & brumale solstitium in sextumdecimum Calend. Ian. incidere, tanta est Græcorum varietas, atque dissensio.

Hæc cum ita sint, video tamen difficile factu fuisse, septem illos dies brumæ & Cal. Ianuar. interiectos, publico mortalium errore latenter obrepisse. Itaque admonitu tuo, re diligentius & accuratius inspecta, venit mihi in mentem suspicari, id quod ipse initio tibi placere cōscripseras, Iulium Cæsarem, vel potius Sosigenem principium anno solstitium brumale fecisse, Ianuario verò nouam lunam, quæ proximè secuta est, octauo scilicet post die, idq; non ob eam causam, quam ipse prior tua epistola auctore Forosempronienſi Episcopo proposueras, quòd Cæsari oportere visum fuerit, vt mensium initium ad motum lunæ, vnde scilicet nomen acceperunt, accommodaret, quemadmodum anni ad solis circumactū. Hæc enim causa, quod ad menses attinet, inanis prorsus (quod pace Forosempronienſis Episcopi dixerim) mihi semper visa est, & ab instituto Cæsaris abhorre, qui varietatem superioris rationis, & inconstantiam pertæsus, quæ in mensibus constituendis Lunæ cursum sequebatur, vt annum, item menses ad solis motum referri voluit, vt annus intelligatur spatium temporis, quo sol totum signiferum peruagatur, mensis verò vnus signi solis eiusdem peragratio. Non igitur hanc causam, quæ nulla est, secutus esse Cæsar, vel Sosigenes videri potest, sed illam, quam solam mihi venit in mentem suspicari, quòd tum ad fastorum sibi conficiendam rationem accommodatius, tum in ueteratæ sacrificiorum consuetudini conuenientiùs Cæsari visum est, à noua luna Ianuarium mensē inchoari, saltem eo anno, vnde decemno-



cem nouē annorum circuli ab ipso traditi principium sumendum, ac repetendum erat, cui consuetudini, quantumperē soleant auctores interdū seruire, docet Columella, qui libro de re rustica. IX. cū Hipparchi sententiam solstitia, & æquinoctia in primis signorum partibus confici docentis probaret, se tamen profiteretur idcirco fastos Eudoxi, atque Metonis vetustiorum astrologorum in octauis tradentium sequi, quod hi publicis sacrificijs essent aptati, & notior illa vetus agricolis concepta opinio. Itaque Cæsari vel maximè fuit optandum, vt lunæ cum sole congressus eo anno in brumale solstitium incideret, ne scilicet quæ natura indiscreta sunt, distraherentur, vtque annus naturalis, & ciuilis, eiusque primus mensis ab eodem principio repeterentur. Sed aliter cadente, nō putauit prorsus sibi esse à more maiorum, & sacrificiorum temporibus recedendum. Erat enim vetus Romanorum consuetudo, vt satis me puto in meo libello, ex Ouidio, Simplicio, & alijs bonis auctoribus docuisse, vt à brumali solstitio annum inchoarent, primum verò mensem, hoc est Ianuarium à noua luna, quæ proximè brumam sequeretur. Febr. à secunda, & cæteros eodem modo, vt Hebræi mensem primum à noua luna post æquinoctium vernum, quod eis erat initium anni, & Athenienses à noua luna post solstitium æstiuum, vnde principium anni capiebant, quo fieri necesse erat etiam in maxima sacerdotum fide, ac diligentia, vt non semper in octauum post brumam diem, aut alio certo numero Calendæ Ianuarij, sed plerumq; citius, aut tardius pro varietate temporis lunę silentis inciderent. Cū igitur accidisset eo anno, quo noua ratio est à Cæsare constituta, vt octauo post brumam die esset noua luna, quo die superiore consuetudine Ianuarius hoc anno erat inchoandus, itidem sibi Cæsar faciendum ob eam quam dixi causam putauit, quæ vt illi commentitiorū Deorum Pontifici Maximo propter vanæ religionis iam abolitos fastos grauis est visa, sic apud verę pietatis antistites nullius debet esse ponderis, cū nihil faciat ad Christianorum fastos, aut, siquid facit, leue incommodum maxima commoditate pensetur, vt ob stare non debeat, quominus in correctione anni, Calend. Ianuarij ad anni naturale principium, & diem Christi natalem, & hæc omnia ad brumale solstitium reuocentur, plana, luculenta, & plena dignitatis ratione inita, quæ nec à summa veteris Romanorum instituti abhorreat, & sit piæ Christianorum consuetudini à natali Christi, quæ natum constat in ipsa bruma caput anni repetentium aptissima, sublata quorundam errorum occasione. De quo quid sentias, erit humanitatis tuæ, & mihi gratissimum, vt rescribas. Nam si tibi probabiles causas, cur illud dierum, ex quacunque, certè parum, aut nihil ad nos pertinente causa interiectorum interuallum multifariam importunum tolli debeat, attulisse videbor, poterit fortasse non inutiliter libellus edi, paucis mutatis de spatij temporis interiecti causa, de qua nobis fuit ad-

huc,



huc, nec erit amplius dissensio. Sequar enim te quocunque duxeris hac in parte, modò ipse mihi in summa causâ ne refrageris. Vale.

## ARGUMENTVM.

*A Cardinale Contareno certior fieri cepit, quid cum Carolo Cæsare in religionis causa agat, & de concilio ad hereses excutiendas & damnandas conuocando.*

Io. Genesius Sepulveda, Gaspari Contareno. S. R. E. Presb. Cardinali.

S. P. D.

## EPISTOLA XXVIII.

**S**CRIPSERAM ad te, pater grauissime, cum Madritium ex meis Corduben. hybernis reuerti, quò soledò quotannis ad patriam temperiem frigora vitandi gratia secedere, quæ sunt meæ tenui valetudini tam inimica, vt eorum timore prohibitus sim, quominus Carolum Cæsarem in istas rigentes plagas proficiscentem sequerer, atque eas literas, quibus modum faciens quæstiunculæ de anni correctione ad proximas tuas respondebam, Romam proficiscenti tabellario dederam. Nondum enim de tuo in Germaniam aduentu quidquam certi cognoueram, quo factum est, vt Petrus Martinus meus domesticus sine meis ad te literis proficisceretur, cui modò per literas, vt te adiret, supplexque meis verbis saluaret mandauit. Ab eo de mearum rerum, studiorumque ratione, si scire tibi tanti erit, edoceri poteris, quem ego istuc, vt cum cætera memoratu digna, tum quid vos religionis patroni geratis, quid moliamini, diligenter obseruet, & ad me perscribat, exploratorem misi. Suspectum (inquis) vocabulum, & insidiosum, fateor, si calumniam socijs, malumque moliat, non si spectat (vt solet) interdum ad officium. Cæterum vos quid faciatis, etiam atque etiam videte, nam exploratorum omnia sunt plena, à quibus ad nihil non intentis, quicquid exceptum est, statim per omnem Christianum orbem dimissis literis perfertur, sed alij alio, ego hoc animo consilia, & facta vestra, id est, Caroli Cæsaris, & tua, qui Pontifici Maximo in hac publica religionis causa vicariam operam impendis, explorata mihi esse velim, vt eadem cupiam multis ex causis, & precer exitu felicissimo concludi, vel quia Christianus sum, & sacerdos catholicæ pietatis non obscure studiosus, editis etiã in hæreticos libellis, vel quia nihil tam libenter soleo literis mandare, quã si quid ab ijs, quorum virtutibus, & gloriæ faueo, gestum sit, quod posteritati gratum, & bonis pijsque viris probatum fore videatur. Sic enim cū magna mea voluptate fungor officio, cui me Carolus non ambitiosè, sed more maiorum, suas & gentis nostræ res gestas monumentis mandandi præfecit. Quo me magis sollicitum habet ea cura, quò tandem sit euasurus vester iste conatus, qui (vt vos quoque homi-



nū de vobis sermonē exploratū habeatis) eiusmodi esse plerisque videtur, vt vota magis facienda sint, quā inito consilio fidendū: à quorū ipse sensu non multū interdum abhorreo. Constat enim (vt optimē nostri) maioribus nostris, sanctisque patribus, eam rationem hæreticos conuincendi, ac eorum fraudes detegendi certissimam, commodissimam, & grauissimam viam esse, vt sacerdotum vniuersali Concilio ritē conuocato, in eo de publicis controuersijs religionem attingentibus ad Antistites referatur, vt res multū ac diligenter agitata, eorundem patrū sententijs, ac suffragio permittatur: ipsorum decreta Spiritu sancto, quem huiusmodi concilijs interesse, ac potius præesse credimus, comprobantē. Sed in his pijs deliberationibus, illud peruetustum, & iustissimum decretum in primis vsurpari, renouariq; solet, ne qua hæresis in aliquo ritē coacto Concilio priorum sententijs damnata, in dubium, ac disputationem reuocetur. Cuius sacrosancti decreti ea vis est, vt hoc vno cuncta dogmata Lutheranorum corruant. Quid enim noui excogitarunt ingeniosi artifices? quid verò afferunt, quod non hauerint ex veterum hæreticorum damnata sentina? Hæc cum ita sint religionis, morumq; summam in huiusmodi controuersia paucorum doctorum hominum disputationi, & quasi certamini, equatis vtrinq; classibus, & quidem loco nostrorum iniquiore Pontificis Maximi voluntate permitti, nonne simile est, ac si quos capitalium, & manifestorum scelerum reos, quos liceat iustissimis legibus grauissimē, & cum summa auctoritate damnare, summus magistratus sic suam causam agentes audiat, vt crimina planē confessi, in leges receptas, sacrosanctasq; argutē disputent, & cum iustitia, & innocentia virtutes omnes in discrimen vocent? easdemq; de vetere sua, paternaq; possessione, iudiciibus quoque damnatis, pellerē nitantur? Cum igitur publicæ viæ, & sanctorum patrum auctoritate munitæ, & frequentatæ trames quidam salebrofus, & penē præcepis prælatus esse videatur, meritò publicæ causæ à pijs hominibus, & vestrarum laudum cupidis timetur. Quanquam ea est hominum opinio, vt si res ceciderit quemadmodum optamus magis quàm speramus, id totum admirandum beneficium fore credatur, quod Deus Ecclesiæ suæ, & optimæ, ac piæ menti Caroli Cæsaris, tuæque inuinita ratione tribuerit, sin aliquid fuerit offensum, maxima pars inuidiæ in eos conferatur, à quibus nullis Caroli iustis pijsq; precibus impetrari potuit, vt in tantis rerū angustijs Ecclesiæ catholicæ suū officiū, quemadmodū oportebat, præstarent. Carolo enim quis iure obtreteat si negligentia, & culpa eorundā à recta, & tutissima via interclusus in dubia diuerticu a descendit, dū piē cupit religioni laboranti, & à quibus minimē oportebat, pene desertæ, quacunque aditus ostendatur, vel cum aliquo discrimine subuenire? Sed nos fortassis inepti sumus, nec ad altissimæ mentis vestræ recessum, & consiliorum intima, nostra tarditas



tas penetrauit, aut res aliter quàm sit, ad nos fama perfertur. Mihi enim Pontificis Maximi, Carolique, actuum prudentiam recordanti, vtrumque sæpe venit in mentem suspicari. Erit igitur humanitatis tuæ, quæ suprà scripsi, qualiacunque sunt, in bonam partem accipere, & vt sunt, sic ab optimo in catholicam religionem, vosque patronos eius animo profecta esse existimare. Vale Amplissime Præsul, cui omnia læta, feliciaque precor. Ex Madritio, pridie Idus Iunij. An. Christ. 1541.

# IOANNIS GENESII SEPULVEDAE CORDVBENSIS EPISTOLARVM.

LIBER III.

ARGVMENTVM.

*Explicat Marchesie Zeneti, rationem suorum studiorum, quomodoque mandato Caroli Caesaris, in ipsius, Hispanorumque rebus gestis describendis laborauerit.*

Io: Genesius Sepulveda Marchesie Zeneti. S. P. D.

EPISTOLA XXIX.



VE Princeps Illustrissima. Ex verbis Gironis tui, vel nostri potius, qui mecum solet non inuitus sermones tum literatos, tum etiam familiares cōferre, multa de tuis excellentibus virtutibus, egregia doctrina, & singulari humanitate cognouerā, quæ meum animum in tui admirationem, obseruantiaque traduxerant. Nuper ex literis, quas ad eundem proxime misisti, hoc, quod humanissimè innuis, intellexi, tibi, quando coram negatur, non ingratum fore, vt per literas colloqueremur. Erat in eadē epistola, scire te velle, quid agam, & quib. in studijs nunc maxime verfer, cū significatione quadā opinionis tuæ à meis literarijs rationib. nō auersa, quæ cura, & existimatio mihi est instar immortalitatis. Scito igitur, quādo hæc cognoscere pro tua humanitate tanti putas, me illa studia grauiora sacrarū literarū, ac philosophiæ, quæ ab ineunte ætate Græcè, atq; Latinè colui, nō deseruisse, vt indicio tibi esse potuerunt mei libelli, quorū lectionē, cū scilicet in eos incidisses, haud iniucundā tibi fuisse scribis. Nihil enim ad hoc tēpus edidi, edidi aut opuscula cōplura, quin ex illis quasi fontibus argumētum hauserim, qui ne ad illud quidem adduci vnquā potui, vt extra libros Aristotelis de philosophia, & eius Græcè enarratorū interpretis officioungerer. Sed posteaquā mihi Carolus Cæsar suas, Hispanorumque res hac memoria gestas conscribendi negotium iniunxit, necesse fuit, aliquid de seuerioribus illis sed mihi gratioribus studijs remittere. Quippe id muneris serio mihi



à tanto principe mandatum esse, vt par est, semper existimaui, non ioco, vt quidam ante me putasse videntur. Quorum si officij ratio constaret, multò minùs mihi esset in hac suscepta prouincia laborandum, quam nunc sic subire cogor, quasi nulla cuiquam eius cura ante me fuisset iniuncta. Itaque omnia multò etiam ante præterita magno labore conquirenda mihi sunt disponenda, & illustranda. Nec tamen difficultatib. cedendum putauì. Sed cùm ad eas expediendas, & vtrique studio partitis temporibus satisfaciendum, curæ ac diligentia præsidium, non inuita Minerva mihi comparauerim, perpetuam historiam à bello Pannonico, quo Princeps Turcarum Solymanus à Carolo fugatus est, vsque ad Caroli eiusdem postremum hunc ex Hispania discessum deduxi: Vnde ad superiora tempora, & initium principatus ipsius regressus, in eam curam incumbo, vt quibusdam altius, sed summatim, quo sint omnia ad cognoscendum illustriora, repetitis, principium conueniens rerum tantarum enarrationi sumatur, & in quem temporum, atque rerum statum Caroli regnum inciderit, non ignoretur. Vale sceminarum decus, tibi que persuade, me tuarum laudum, & gloriæ studiosissimum esse. Ex Madritio septimo Calend. Septemb. Anno Christi. 1540

## ARGVMENTVM.

*Excusat suam apud Petrum Mesiam in scribendo raritatem, eumque laudat pro animo & officio sibi præstito in Indice sui libri vertendo & cura imprimendi suscipienda.*

I. Genesius Sepulveda Petro  
Messia

S. P. D.

## EPISTOLA XXX.

**E**PISTOLA tua, quam ipse decimo Calendas Aprilis dederas, redita mihi est cum indice libelli ad nonum Calendas Maias, ne qua fortè mea negligentia factum putes, vt ferò ad eam rescriberem, qui vltro etiam paulò antè ad te nescio quid literarum dederam, priùs daturus, nisi me discedentem ipse cum indice Hispanè verso tuas expectare iussisses, quas tandem, optatissimas officij ac humanitatis, ac etiam singularis beneuolentiæ plenas accepi. Cui scilicet indulgens earum rerum me laudib. onerasti, quarum in me vix adumbratam effigiem agnosco. Sed hoc quoque humanitatis, & amoris est, gloriolæ vel falsæ blandis stimulis ad virtutis studium euntem fortassis adhortari. Quòd aut mihi omnia defers, ac liberaliter cū hac duntaxat exceptione polliceris, quantū valeas, & quantū possis, ingentē tibi gratiam habeo pro isto in me animo, qui licet se omnib. in locis & ex cūctis partib. ostendat, nuper tamen mihi planè perspectus est, & exploratus, cū me Hispali peregrinantem comiter admodum omnibus officijs exprose-



profecutus, ac discedentis operosum negotium libenter suscepisti. Quarum omnium rerum erit apud me memoria sempiterna, nec committam, ut in charitate, & beneuolentia prouocatus, tibi non respondisse, aut à te victus fuisse videar. Index à te aptè, & luculèter versus mihi visus est, eum ad te per paucis mutatis remitto. Superest, ut ipse pro tua humanitate incoëptum beneficium absoluas, curesq; ut libellus primo quoq; tempore in manus hominum emendatè, ac diligenter excusus exeat. Mohedano nostro canonico Hispalensi, à quo mihi per te gratissima salus missa est, plurimam salutem referes. Vale, & me, quid facis, mutuò dilige.

## ARGUMENTVM.

*Maio vicecancellario Arragonie commendat Ioannem Soram.*

## I. Genesius Sepulveda Maio Vicecancellario Arragoniæ.

S. P. D.

## EPISTOLA XXXI.

**V**EREOR ne me parum memorem, gratumue putes, qui postquam à te liberaliter, ac magnificè potius habitus, multis deniq; tuis officijs deuinctus discessi, nihil ad te literarum dederim, sed me rursus confirmat, quòd te nouisse arbitror consuetudinem ingeniumque meum; qui libentiùs soleo re, si quid præstare possum ijs, quos colo, & obseruo, quàm verbis, aut literis meum animum declarare. Quod si fortè parum habes notum, perspicies idem, si quid positum in meo studio, opera, vel diligentia tibi gratum fore, me admonere tanti putabis. Ioannem Soram Cæsaraugustanum multis mihi officijs, & magnis amicitiae vinculis coniunctum, tibi (si meministi) tum inter nauigandum, tum Barcinonæ absentem præsens accuratissimè commendavi, ut te auctore magistratum quendam in vrbe patria consequeretur, & quantum eius causa laborarem, exposui, tuq; tibi rem curæ fore liberaliter nobis recepisti. Is nuper cum in patriam ex Gymnasio Bononiensi doctor vtriusq; iuris rediisset, ad me scripsit, rogauitq; ut eam commendationem diligenter renouarem, nec enim se dubitare pro singulari mea in te tibi non ingrata obseruantia, quin ea commendatio multum apud te ponderis esset habitura. Illius voluntati, hoc ego libentiùs annui, quo mihi notiores sunt virtutes eius, singularisque grauitas, atq; doctrina. Quapropter te maiorem in modum oro, atque iterum & sæpiùs contèdo, ut eum in tuā fidem recipias, in tuis habeas, & sic ornes tua benignitate, ut intelligat meam commendationem apud te magno sibi adiumento fuisse. Spondeo enim, in meq; recipio, ea prudentia, ea probitate Io-



annem Soram esse, vt quoduis eius generis munus eius fidei rectè possis cōmittere: quod ipse, cū ille ad te venerit, facilè pro singulari tua prudētia breui poteris iudicare. Vale. Valdolito, vndecimo Calend. Octobris. Anno Christi. 1537.

## ARGVMENTVM.

*Causam reddit, quare Rodolpho Pio S. R. E. Card. ob dignitatem adeptam, citius non sit gratulatus, sed ita postea per Bernardinum Episcopum Venafranum fieri mandauit, lataturq; Isidorum Neilam Rodolpho Card. commendatum esse.*

I. Genesius Sepulveda Rodolpho  
Pio Cardinali R.

S. P. D.

## EPISTOLA XXXII.

**Q**uod tibi pater Amplissime non antè fuerim per literas gratulatus de honore nouo, tibi tamen iam pridem debito, deque gradu dignitatis, in quo te tui generis dignitas, sed multò magis excellentium virtutum ornamenta collocarunt, non est, quòd vlla mea negligentia factum esse putes, qui meum in te animum nosti, atq; studium, & obseruantiam perspexisti. Huius igitur officij differendi nulla, crede mihi, fuit alia causa, quam quòd ego, donec ex Gallia in Italiam remeasses, ad te scribere opportunum non putabam, nec tamen interea tacitus sum mecum ipse lætatus, sed gaudium, quo me gratissimus ille nuntius compleuerat, sæpè apud magnos amicos præ me tuli, & cū tuarum virtutum laude prædicaui, simul professus, vt res est, non mihi satis esse constitutum, vtrum tibi magis gratulandum sit, quòd in locum ascenderis, vnde clariora possis tuarum virtutum cum bono publico præbere documenta, an amplissimo Cardinalium, in quod fuisti cooptatus, collegio, quòd eum virum nactum sit, cuius non modò oratione, & prudēti consilio, sed etiam vitæ, atq; morum exemplo possit magnoperè iuuari. Cæterum vtrique gratulari non desisto, vtrique rem feliciter euenire cupio, precor, & spero.

Perquam Reuerendo patri Bernardino Episcopo Venafrano, quem iustis ex causis vnicè diligo, & obseruo, per literas mandaueram, vt cū primum in urbem rediisses, te supplex meis verbis salutaret, quòd factum esse, teq; recordatione meæ singularis in te beneuolentiæ, & obseruantia non parum delectatum, fuit mihi gratissimum ex literis eius intelligere, simulque cognoscere Isidorum Neilam meum, vel iam potius nostrum, qui me multis, & longi temporis officijs demeruerat, à te fuisse mea causa in tuorum domesticorum numerum receptum. Itaque tibi pro tanta benignitate, & humanitate magnam habeo gratiam, tibi



biq; Isidorum maiorem in modum commendo, quem eius ingenij, atq; morum esse confirmo, vt nihil debeas de ipsius fidelitate dubitare. Nā sedulitatē, & industriam in muneribus sibi commissis exequendis, ipse perspicies, si quid ei paulò grauius cōmendabis, aut iam potius perspexisti. Vale patrone mihi maximè colende, & me, quod mutuo facis, ama. Ex Valdolito, tertio Nonas Septemb. 1537.

## ARGUMENTVM.

*Miratur Honoratum suis literis non respondere, quibus certior fieri cupiebat de rebus Caroli Cæsaris & Philippi principis. & suæ, dum ab illis abest, vitæ, rationem explicat.*

## I. Genesius Sepulveda Honorato Ioanni.

S. P. D.

## EPISTOLA XXXIII.

**D**Ederam ad te iam pridem literas circiter Calendas Decemb. opinor, simulque miseram epistolam latinè scriptam, quam Philippo Principi nostro redderes, sed nec à te, nec ab alio quopiā amicorum remissas literas accepi. Nam te certè acceptis literis nihil rescripsisse adduci non possum, noui enim humanitatem, officiumque tuum, sed aut meas tibi non esse redditas, aut tuas ad me non esse perlatas, hyemis forsitan magnitudine interclusis itineribus, tantas enim aquas, tamque diu continuatos imbres in his regionibus nemo est, vt arbitror, qui viderit. Itaque in magna rerum aulicarum ignoratione iam pridem versor, quod me vehementer anxium habet, scire cupientem res Caroli Cæsaris, quo in statu sint, bellum ne gerat anni durissimo tempore, qui nullas difficultates solet exhorrescere, aut magnoperè vitare, an sibi, militibusq; parcat in hyberna deductis, quid agat Philippus Princeps, redierit ne in gratiam cum Musis, à quibus studio Hymenai non nihil alienatus esse videbatur. Nam si partium causa perstat in similitate, nihil est, quod studij literarum administri properemus, præsertim in tanta itinerum difficultate, altissimis vbiq; fluminibus, rapidissimis torrētibus, & vt reor, ad Orospedā, iugaque Segouiensia altissimis niuib; impeditorum. Suspenso igitur animo tuas literas expecto, ex quibus valeam consilij mei rationem moderari. Si quæris quid interim agam, nihil certè minus, quam quod putaueram, præter studiorum quasi legitimum pēsū. Mihi erat in animo ædificia cœpta perducere, ferere arbores, ac ex plantarijs semina radicata transferre, nihil horum permittit pluuijs durissima hyems. Ego verò, quod pertinet ad ædificia, absolutis etiam timere cogor, vt constant magna ex parte more nostræ gentis antiquo, parietibus formaceis,



maceis, quos sine magna sanè causa magnoperè demiratur Plinius secundus, multum scilicet, de sua admiratione remissurus, si ei accidisset, ut tali quopiam anno imbribus eos peruictos passim ruere conspiceret. Pōtifici Carthaginensi, quem nuper missis literis pro mea singulari in ipsum obseruantia salutandum curaueram, tu quoq; meis verbis dices plurimam salutem. Vale. Pridie Non. Febr.

## ARGVMENTVM.

*Philippo Hispaniarum principi, quid, dum Episcopum Carthaginensem, in interiorem Lusitaniam ad Mariam Ioannis Portugalliae regis filiam, sponsam ipsius excipiendam sequeretur, in itinere rerum vetustarum & memoria dignarum viderit, transcribit.*

## I. Genesius Sepulveda Philippo Hispaniarum Principi.

S. P. D.

## EPISTOLA XXXIV.

**Q**Voniam tibi rerum vetustarum notitiam gratam in primis esse perspexi, non alienum, nec iniucundum tibi me facturum existimaui, si paucis ad te, quaedam memoratu digna scriberem, quae in itinere notavi, dum Episcopum Carthaginensem tuum legatum, viam in interiorem Lusitaniam habentem, sequeretur tua voluntate, cum is ad Mariam Ioannis Portugalliae Regis filiam, sponsam tuam in confinio regnorum excipiendam, deducendamq; cum magno nobilium, doctorumq; virorum comitatu contenderet. Ex Vaccæis profecti, in qua regione situm est (ut nosti) Valdolitum regium oppidum, Vettonib. transmissis, quorum est Metina Campestris, Salmanticam primam urbem Lusitaniae doctrinarum omnium Gymnasio celeberrimam venimus, hinc egressos via militaris excepit, quae emeritam Augustam ducit, Romanorum quondam nobilissimam Lusitaniae coloniam, deductis militibus emeritis ab Augusto Caesare, vnde nomen, cognomenq; urbi; via haec olim munita, strataq; lapidibus erat, & columnis, paulò statura humana proceriorib. per singula passuum millia, distincta. Quarum ego rerum vestigia magna cum voluptate perspexi. Nam etsi eius munitiones iniuria temporum magna ex parte, disiectae, deletaeque sunt, tamen quibusdam in locis extant etiam nunc ipsarum clara vestigia, & columnae, quae quinque, atq; senae ad intervalla, ut dixi, milliariorum signanda erigebantur, inscriptae nonnullae literis latinis, sed deletis magna ex parte, & quae vix ob vetustatem dignosci queant, praeter admodum paucas, quarum una est duo millia passuum ante Carcabosum, qui vicus ab Emerita Augusta viginti quinque leucis nostris abest, cuius inscriptionis exemplum infra scripsi. Ex eo viam hanc militarem à priorib. Romanis munitam,



nitam, deinde usu, & vetustate disiectam, postremò ab Hadriano Imperatore instauratâ, restitutâq; fuisse cognosces. Horum ego intervallo rû sex, septemue, comparato ad id certæ mensuræ filo metienda curavi, eaq; omnia reperi inter ipsa paruo discrimine congruentia, scilicet prout nos maiore, minoreue dispêdio per nouam viam à vetere rectissima nonnihil discrepantē, columnarû intervalla cōficiebamus. Patent igitur intervalla singula mille passus, hoc est pedum quina millia, ratione ad veterē Romanorû consuetudinē pedisq; mensurâ reuocata, q̄ pedis mensurâ ipse notâ habes ex ea ferrea, quâ anno superiore tibi ostēdi, dedi; ad duas lapideas, quæ Romæ sunt in hortis Angeli Colotij p̄ me ipsum emensam, & perfectē cœquatâ. Itaq; mihi per iucundū fuit animaduertere illam pedis mensuram horum milliariorum rationi respondere. Illud etiam gratissimum, quòd spatium à nostris leucam appellatum passuum non tribus, vt vulgo docti etiam homines opinantur, sed quatuor millibus constare, cum leucis milliaria non semel, nec vno loco conferens, manifestò deprehendi. Quod ipsum apertē inscriptio colūnæ indicat, in cuius extremo, vt in plerisq; alijs, numerus milliariorum sumpto initio ab ipsa Emerita Augusta notatur, scilicet CII, qui numerus ad amissim cum leucis quadrat, collatis in singulas quaternis milliarijs. Illud quoque in eodem itinere non sine admiratione quadam animaduerti, nobis, vt Pacem Augustam perueniremus, Anam fluuium, qui Baticam dirimit à Lusitania, necessariò fuisse traijciendū, ita eandem urbem, quæ Romanorum colonia fuit, ad Anæ quidem ripam, sed in parte Baticæ sitam esse, cum tamen Lusitaniæ veterum auctorum consensu tribuatur, cuius rei causa, cum accuratius omnia perpendissem, non aliunde profecta mihi tandem visa est, quàm ex Lusitanorum finium inconstantia, qui pro ratione iurisdictionis, sæpe, vt Strabo refert, mutati sunt. Sic enim factum esse reor, vt in iurisdictione Baticæ, Lusitaniæque præsidibus finienda, Pax Augusta Lusitaniæ, à qua fluminis ibi ponte commissi alueo duntaxat excluditur, contribueretur, ac proinde Lusitana colonia populari Romanorum consuetudine diceretur. Quam consuetudinem auctores rem ad viuum non resercentes exactæ rationi, velut æquitatem summo iuri prætulerint. Idemque iudico de Metellinensi colonia, quæ & ipsa in parte Baticæ Anæ apposita, Lusitanis tamen colonijs ab geographis connumeratur. Hanc enim urbem, quæ nunc Badajoz corrupto vocabulo nominatur, olim fuisse Pacem Augustam, consensus est eruditorum. Nam cum pleraque urbium & oppidorum Hispaniæ Latina nomina vel prorsus abolita sint, vel admodum deprauata Barbarorum, qui Hispaniam inuaserunt, iniuria, Pax Augusta in Baxagus primum Maurorum corruptione, deinde in Badajoz degenerauit, vt ex Astygi in ripa Singilis Ecijs, & vt cætera omittam, ex Segobriga ad radices Orospedæ montis Duratonij flu-



dio apposita, loco munitissimo, Sepuluega primum facta est, quò nomine id municipium, quod quondam amplissimum & maximæ auctoritatis fuit, in sui fori legibus appellatur, postremò in Sepulueda m. abiit. Erat autem antiquitus Pax Augusta non solum Romanorum colonia, sed etiam conuentus, vt Emerita Augusta, & vtraq; ciuitas iuris Italici, ex quo iure Italici, vocabulo ad immunitatem pertinente, dicebantur, vnde Italci, deinde Idalgi, & hidalgui paulatim corrupta voce nominati sunt. Vale princeps humanissime, cui omnia læta, feliciaq; precor. Ex Pace Augusta sexto Calend. Nouembr. An. Christi 1543.

## Inscriptio columnæ.

IMP. CAESAR  
DIVI TRAIANI PARTHICI. F.  
DIVI NERVAE NEPOS TRA-  
IANVS HADRIANVS AVG.  
PONTIF. MAX. TRIB. POT. V.  
COS. III. RESTITVIT.  
CII.

## ARGVMENTVM.

*Petrus Auila Geresio Sepulueda probat, apud veteres in more fuisse, vt broeeres historias scriberent, simulq; transmittit, Ioannis Auila fratris, commentaria, de rebus Caroli Caesaris in Germania contra fidei desertores gestis.*

Petrus Auila Nauarum Marchio I. Gen.  
Sepul. Cæsareo historico

S. P. D.

## EPISTOLA XXXV.

**V**etustissimus, vt nosti, mos fuit, atque vtinam temporis prauitas eum non aboleuisset, vt proceres, ac magni viri historiam scriberent. Nam vt regem Iubam omittamus, scis enim quantus vir fuerit Ptolemæus, qui in Aegypto regnavit, quantus Aristobulus, ambo magni Alexandri purpurati, quis Thucidides, quis Xenophon, quis Tacitus, & Sallustius, & non absque reuerentia nominandus Titus Liuius, sed vt numerosissimam classem istorum omittamus, veniendum est ad illum, qui solus rationi meæ patrocinari potest, D. Iulium Cæsarem iudicio meo hominum vltimum. Et cum sic se res habeat, videbatur inter nos hic mos iam propemodum euanescere, cum subito ex-  
ortus



ortus est Cæsar noster Carolus Quintus, tertium belli fulmen, qui rerū à se gestarum mole, magnitudine, ac pulchritudine omnium scribentium calamos occupat, inter quos est Ludouicus Auila Stunica frater meus, qui commentaria de rebus in Germania gestis contra fidei desertores vernacula lingua conscripsit, ac mihi ea lege misit, vt ad te quàm citissimè exemplar mitterem. Accipe igitur munus fratris mei, qui te vehementer amat, atq; in pretio habet, & tibi erit curæ, illi rescribere à me eius commentaria recepisse. Cæterum te rogo, vt me inter amicos tuos annumeres, & meis facultatibus perinde ac tuis vtaris. Vale. Ex arce Nauarum, Idib. Iul.

## ARGVMENTVM.

*Respondet Petri Auilæ literis, cum quibus fratris ipsius commentaria de bello Germanico acceperat, multumque se illis iuuari in perficienda Caroli Cæsaris historia.*

Io. Genesius Sepulveda Petro Auilæ  
Nauarum Marchioni  
S. P. D.

## EPISTOLA XXXVI.

**A**CC EPI tuam epistolam Illustrissime, ac doctissime Marchio, simulque Ludouici Auilæ fratris de Germanico bello Commē-  
tarios, vtrumq; mihi fuit gratissimum, vtrumq; loco magni beneficij. Itaque epistolam libentissimè legi, vt latinè sic eleganter scriptā plenam officij, & humanitatis, qua fratris optatissimum mihi munus humanissimè persequeris, deque ipsius in me voluntate multis quidem officijs, atque adeò meritis mihi iam diu cognita, sed quæ quotidie sese magis ostendit, commemoras. Ipsos verò Commentarios prudentissimè, ac diligentissimè confectos, quos statim cupidissimè perlegi, tanti facio, vt nihil mihi potuerit hoc quidem tempore, nec optatius contingere, nec gratius. Nam cum me valetudinis, ætatisque iam ingrauescentis ratio intra Hispaniæ fines contineat, quo minùs valeam, vt maximè vellem, Carolum Cæsarem affectari, vnaque ratio supersit, res ipsius in locis remotissimis gestas historiæ causa cognoscendi, vt vtar aliorum, qui rebus gerendis interfuerint, opera, & notandi, scribendiq; diligentia, quid mihi vel ad fidē grauius, vel ad cognitionem accommodatè accidere potuit diligentissimis Commentarijs ab eo viro conscriptis, qui sit nō solum illustri loco natus, & ab ineunte ætate studijs literarū deditus, sed qui ab Imperatoris latere ferè nunquam discedat? vt rebus ipsis non interfuisse modò, sed etiam præfuisse videatur? Nā vt ipse



in tua epistola prudentissimè innuis, multum addit historiarum grauitati & fidei, si ad auctoris diligentiam, & doctrinam, etiam personæ dignitas accedat. Quod igitur scribis, ut ipsum de perlatis ad me Cōmentarijs certior faciam, hoc equidem officio primo quoque tempore libenter fungar, atque eo magis, quòd id sine crimine, & ingrati animi nota præterire non possum. Quod verò tuam voluntatem mihi tam liberaliter defers, etsi iam pridem tuum in me propensum animum claris documentis perspexeram, tamen eius rei mihi, ut recordatio solet esse periucunda, sic commemoratio fuit gratissima, cui voluntati, ut pari, aut etiam cumulatione studio respondeam, dabo equidem, ut huc usque feci, operam, nec committam, ut in vos, in te, inquam, & fratrem humanissimos, & de me bene meritos patronos, vllum memoris, & amantissimi clientis officium à me prætermisum esse videatur: vos ex animo colendo, & obseruando, atq; etiam loco, si quid erit in me facultatis, iustis laudibus ornando. Vale.

## ARGVMENTVM.

*A Io Martino Silicæo petit librum sibi promissum.*

Io. Genesius Sepulveda Io. Martino Silicæo, Philippi Principis Magistro

S. P. D.

## EPISTOLA XXXVII.

**T**V me fortasse doctissime Silicæ nuper iussisse putas, cum te libellum poscerem, vnum è tribus, quos ipse domi te habere dixeras, captiuos scilicet, custodiæque datos, velut nouæ religionis interpretes, per eam precandi rationē, quæ nuper Romæ  $\alpha' \mu \beta \sigma \omega \omega \epsilon \rho \gamma \epsilon \nu \rho \varsigma$  inita est, de qua id temporis disserabamus. Ego verò egi ferio, & quam non grauātē adqueueris roganti, quamque fueris liberaliter pollicitus, memoria teneo. Quòd si tu temerè fortasse promissorum  $\mu \nu \alpha \mu \nu \alpha \varsigma \mu \iota \sigma \epsilon \iota \varsigma$ , vitium Græcorum vetere Prouerbio notatū meminisse debes, hæc non in conuiuio esse acta, sed in congressu familiaris, eodemque literario. Erit igitur officij, fideique tuæ, manumissum libellum, incolumemque nobis mittere, cuius culpam visus mihi es amicitie nostræ condonare, si culpa vocari debet vetus sanctorum patrum institutum magna ex parte in consuetudinem reuocare, idque nō priuato consilio, sed iussu, & auctoritate Pontificis Maximi, & communi sacerdotum, atque Præsulum Romanorum approbatione, quorum iudicio grauissimæ quæque Christianorum & religionis causæ dijudicantur. Non igitur modò ut meis commodis seruiam, libellum mihi à te mitti cupio, sed tua causa multò etiam magis, quin eos omnes libellos



los à te, cuius laudi pietatiq̃ faueo, procul abductos peruelim, ne si quid grauius in eos statueris, dum odio indulges, vt rumor est, plusquā Vatiniano, aliquid te indignū admittas, teq̃ obstringas sacrilegio. Sed extra iocum mihi feceris pergratum, si libellum miseris, quem tibi nō tantoperè displicere, quā quidam ad nos detulerant, gratissimum mihi fuit nuper intelligere. Sed si me amas, quamprimū mitte, vt habeā quem possim in alterius locum sufficere, iam vsu confecti, & penè demortui, qui quasi miles veteranus fractus laboribus, & plagis, quas tum naualibus, tum pedestribus pugnis acceperit, confossus missionem pridem, vacationemq̃ suo iure quotidie flagitat, & vix abstinere conuiuijs. Quod si impetrabimus, erit, quod vterq̃ nostrum gratias etiam atque etiam agamus tuæ liberalitati. Vale.

## ARGUMENTVM.

*Rogat Simonem Colinaum librarium Parisiensem, vt Aristotelis libros de repub. à se in Latinum conuersos, in vulgus edat.*

## I. Genesius Sepulveda Simoni Colinao Librario Parisiensi.

S. P. D.

## EPISTOLA XXXVIII.

**S**cripsi nuper ad te, libros Aristotelis de Repub. quos è Græco in Latinum conuertissem, & breuibus scholijs enarrassem, velle me tuis typis, vt cetera mea scripta, diligenter excusos, si tibi nec incommodum nec ingratum esset, in manus hominum emittere, nihil scilicet deterritum occupata à nouis interpretibus editione, quorum vtriusque magnam negligentiam vel cecitatem potius deprehendissem. Eam epistolam tabellarius à se tibi fuisse redditam affirmavit, sed responsum idcirco eundem à te non petiuisse, quod tu Lutetia cum ipse paucis post diebus rediret, abesses. Quid igitur ad ea rescribas expecto. Quade re Iacobo Carnaiali viro nobili, & mihi amicissimo modò per literas mandauit, is te de mea voluntate pluribus verbis edocebit. Ergo tuum erit, vt quid statueris me primo quoque tempore certior facias, vt tibi archetypum, si conditio placuerit mittam, sin aliter, ipse quoque de meis rebus consilium capiam. Vale Madritio Cal.

Septemb.

Y 3

ARGV-



*Sebastiani Leonis munusculum cum epistola sibi gratum fuisse scribit, eiq; suadet ut per ceteris Ciceronem sibi exercendi ergo legat.*

Io. Genesius Sepulveda Sebastiano Leoni.

S. P. D.

EPISTOLA XXXIX.

**P**ER GRATVM mihi fuit munusculum tuum, quod mensas secundas, etiam lautissimas decorare poterat, pergrata epistola doctè, & accuratè scripta, sed utroq; multò gratior tua in me propensa voluntas, quæ ex omnibus partibus cum magna ingenij, animiq; optimæ indolis significatione sese ostendit. Quod scribis, tibi esse in animo meis monitis parere, qui te per amanter hortatus sum, ut in studijs literarum, stylique ratione tibi optimum quemque, id est Ciceronem, Ciceronisque æquales ad imitandum proponeres, consilium tuum, cum ex meo manet, non possum non probare. Nec me poenitet eius esse sententiæ, in qua Marcus Tullius, & Fabius Quintilianus fuere, cum quibus errare expetibilius esse videri potest, ut idem Cicero de Platone ait, quam cum istis recentioribus, quibus leui, & prapostero consilio notissima quæque maxime placent, rectè sentire. Cuius enim prudentiæ est, riuulos, & hos interdum turbidos consecretari, cui licet ex purissimo fonte haurire? Sed sunt, ut video, quidam camelorum similes, qui non aliter potu gaudent, quam si prius aqua fuerit conculcando turbata. Vale, & me, quod mutuo facis ama. Ex meis Putalbanis hybernis Calend. Aprilis An. Christi nati. 1546.

ARGVMENTVM.

*Pedrosæ videndi studio teneri se scribit, modesteque de propria estimatione loquitur.*

Genesius Sepulveda Pedrosæ suo

S. P. D.

EPISTOLA XL.

**P**ERGRATA mihi perq; iucunda fuit epistola tua, peroptato enim accidit mihi per literas tecum, quando locis distinemur, colloqui, quem iam olim videre & affari cupio, de facie quidem ignotum sed fama notissimum, quæ te virum probum esse prædicat, & omni humanitate perpolitum. Illud autem fuit iucundum, quod interim non sine voluptate tuæ de me probæ opinionis vsura fruebar, teq; errare in meorum studiorum existimatione facilè patiebar. Itaque planè intellexi, veris me laudibus indignum esse, cui etiam falsæ proborum virorum, non



non callidè blandientium, sed amanter errantium laudationes non displiceant, te ipso teste, qui à laudibus suis audiendis abhorre con- scribis qui veras merentur. Sed ego fortasse non tam falsæ laudis cupiditate ducor, quàm cognita præstantium virorum benevolentia de- lector. Quod autem mihi tuam voluntatem liberaliter defers, & in me propensum animum partibus omnibus ostendis, agnosco singularem tuam humanitatem, daboque operam, ut à te nec officio, si facultas erit, nec certè amore victus fuisse videar, quando id à viris probis, ut animaduerti in rebus turpibus habetur. Vale sexto Calendas Maij.

## ARGUMENTVM.

*Alphonso Porticello officiose respondet, ac gratas fuisse literas Francisci Cordubæ nomine ad se missas significat.*

## I. Genesius Alphonso Porticello.

S. P. D.

## EPISTOLA XLI.

**E**PISTOLAM tuam libenter perlegi, eruditam, officij beneuo- lentiaque plenam, ut faciliè egregiam tum ingenij, tum virtutis in- dolem, de qua mihi relatum erat, ostendas, & singulare in me stu- dium, de quo scribis, præ te feras. Dabo igitur operam, si qua erit occa- sio, ut meæ in te benevolentia officia consent, neque in amore me vi- cisse videaris. Quod scribis, Franciscum Cordubam Guadalcazaren- sem Principem patronum tuum, vel potius nostrum tibi mandasse, ut literas, quas humanissimè & amantissimè ad me scriptas discedenti, & me ut putabat conuenturo dederat, liberali oratione quod per literas fecisti, prosequeris, hac quoque in parte gratissima mihi fuit epi- stola tua. Quanquàm ego iam pridem eam opinionem, ac spem ex ser- mone, & singulari eius humanitate conceperam, ut officium mihi ex ipsius in me voluntate, ac liberalitate nullum non polli- cerer. Qua in re coniecturam quoque de ipsius ani- mo ex meo faciebam. Vale, & me, quod mutuò facis, ama, Nono Ca- lend, Febr. An. Chr.

1547.

ARGV-



*Chirographum Francisci Guzmanni se recepisse scribit, eumque ad studia literarum excitat, simulque suam illi operam promittit.*

I. Genesius Sepulveda Alphonso Guzmanno

S. P. D.

EPISTOLA XLII.

**C**Hirographum tuum elegans & perhumanum libenter perlegi, gratissimumque mihi fuit in eo clarum documentum ingenij & amabilium morum tuorum perspicere, de quibus mihi meus Petrus Sepulveda diligenter exposuit, tui, tuarumque laudum studiosissimus adolescens. Quo te magis hortor, ut quod facis, in studia literarum incumbas, & virtutis via gradi pergas. Ego verò, cuius ipse studiis hoc tribuis, quod ego nec agnosco nec postulo, sic faueo coeptis, honestissimisque tuis conatibus, ut si quid positum erit in mea facultate, libenter sim omnem curam & diligentiam in tua commoda collaturus, & voluntati morem gesturus. Vale nonis Ianuarijs,

ARGVMENTVM.

*Affirmat Fernando Pinciano, se ipsius monitioni paritutum, & obiectionem Ludouici Auila, se non admittere donec veriore audiat. Denique Pincianum hortatur ad prosequendum, in castigando Pomponio Mela.*

Io. Genesius Sepulveda Fer. Pinciano

S. P. D.

EPISTOLA XLIII.

**P**ERIVCUNDA mihi perque optata fuit epistola tua, quam proximè accepi longo intervallo, in quo excusando, te frequentius, atque libentius hoc officio fungi posse scribis, si essent in foro Epistolæ venales, nec scribendi labore, sed pecunia pararentur. Quod cum dicis, hoc, ut opinor, dicis, te minus parcere sumptui, quam operæ. Vbi sunt igitur qui tuam parsimoniam accusant? Sed quid facias inuidis istis, & obrectatoribus? quorum est tanta perversitas, ut non recensent interdum, quo minus ipsis approbantibus cæci homines viris oculatissimis præferantur. Sed extra iocum, epistola tua mihi fuit non solum lepore iucunda, sed etiam officio pergrata. Cæterum quod mones, ut me temporì accomodem, faciã quod præcipis, sed ita te, ut opinor, exceptionem approbante, si saluo id officio, atque fide licebit, quæ non minus læditur nonnunquam occultanda sententia, qua prodesse queas, quàm si quid commentitium afferas nocendi causa. Et tacere quandoque flagitiosè blandientis est, non minus, quàm ficta loqui, cui vitio si mihi



mihi seruiendum esset, à natura & instituto meo discedendum esset, mihi enim odio est, semperque fuit quisquis *ἐρεπον μὲν καὶ οὐδὲν ἐνὶ φρεσὶ καὶ ἄλλο δ' ἔπαι*. Quod verò scribis, tibi de meis laudibus, ut scilicet soles pro tua humanitate, & mutua inter nos beneuolentia, prædicanti, vnam dumtaxat pertinaciæ in disputando exceptionem à viro nobilissimo & humanissimo Ludouico Auila obiectam fuisse, vitium agnosco, si vitium est, sententiam, quam ductus certa vel probabili ratione dixeris, libera oratione constanterque tueri, atque in ea, donec veriora aut probabiliora à dissentientibus afferantur, manere. Quòd in castigando Pomponio Mela te occupatum esse conscribis, gaudeo, consiliumque probò, si quantoperè scribis, is consuetudine, & vitio librariorum corruptus, à paterna virtute degenerauit. Sed ut hominem non modò Hispanum, sed etiam Bæticū, & mihi à puero familiarem humaniter, quantum res patietur, tractes, te vehementer rogo, idque non illius solū, sed etiam tui causa, utque in eo castigando auctorem adhibeas Ciceronem, qui docet, omnem castigationem contumelia vacare debere: quod vereor equidem ut præstare possis in tanta seueritate, qui te sexcenta loca in opere tam paruo, vixque tot verba continente corrigere profiteris. Erit igitur tuæ prudentiæ, & grauitatis cauere, ne quid cupidius, ne quid ambitiosius fecisse videaris, atque eo magis, quòd iniustæ castigationis contumelia solet in castigantem nonnunquam recidere. Vale.

## ARGUMENTVM.

*Pinciani iudicium, quo se à Theologia studio ad humaniores literas renouare conabatur, varijs rationibus improbat.*

I. Genesius Sepulveda Fernando  
Pinciano S. D.

## EPISTOLA XLIIII.

**L**IBENTISSIME perlegi suauissimas tuas literas beneuolentiæ plenas, & humanitatis: sed cum cætera pergrata mihi fuerint, & periucunda, illud tamen non perinde probaui, quod me videris non obscure cohortari, ut omisso studio Theologiæ, cui me non poenitet multos iam annos impendisse, Poëtis, Rhetoribus, Oratoribus, Historicis, Medicis, Geographis vtriusque linguæ, atque item Philosophis (nam totidem verba sunt in epistola tua) me totum traderem, cui consilio longè aliena mihi mens est, & institutum, non quòd humaniorum literarum, & vtriusque linguæ studia negligenda putem, quæ me magnoperè delectant, aut Philosophorum consuetudinem reiiciendam, cum quibus quàm familiariter vixerim,



xerim, documento sunt multa ipsorum scripta diligenter à me è Græ-  
 co in Latinum conuersa, quam viuam etiam nunc, te docere possunt A-  
 ristotelis atque Platonis, quos ipse in primis nominasti, testimonia in  
 meis libellis frequentius etiam vsurpata, quàm quibusdam Theologis  
 satis esse videatur, sed quoniam Principi doctrinæ non primum ho-  
 norem deferre, nec operæ plurimum conferre contra officium esse du-  
 co. Poëtas igitur vtriusq; linguæ legere interdum non desisto, sed cum  
 animum placet à feueriorib. studijs relaxare. Oratores porro, & Histo-  
 ricos, in quibus adolescens intentiore cura elaborauī, hoc animo nunc  
 voluo, non vt illustrem, vel emendem obscura, aut etiam deprauata  
 loca, hanc enim laudem tibi relinquo, tuique similibus magnis viris,  
 quibus datum est nonnunquam etiam diuinare, sed vt horum facun-  
 dia instructior discedam ad eas cogitationes, quas literis mandare  
 moliar, ornandas, & illustrandas, quæ vtinam in solo Theologiæ, si-  
 mul ac Philosophiæ studio versarentur, nec me aliorum tam sæpe  
 detruderet officium necessarium, iniunctumque negotium C A R O-  
 L I Cæsarī & nostrorum hominum res gestas proeundi memoriæ  
 posteritatis. Non igitur doctrinarum, quibus me à puero dederam, cu-  
 ram deposui, aut magnoperè remisi, sed me ita comparauī, vt ceteras  
 esse velim velut ancillas, & administras Theologiæ, quæ mores etiam  
 (vt nosti) non modò religionem moderatur, vtilissimam Philosophiæ  
 partem, cui ab illis est nomen complexa. Sed tu fortasse iam dudum ri-  
 des, meque ineptum vocas, qui tam seriò ad ea, quæ tu forsitan more  
 tuo iocatus es. At ego tanti facio iudicium tuum, vt tibi etiam iocanti  
 causam meam probari velim, noui enim ingenium tuum festiuum, &  
 vafrum, quanquam ipse nulla tali solitudine ductus, libenter vsus  
 fuissē occasione tibi meorum studiorum rationes explicandi, sed re-  
 deo ad studium Theologiæ, quod ipse non tam mihi videris epistola  
 tua improbare, quàm damnare meum consilium, qui cum tibi aliquid  
 in doctrinis esse videar, nec abhorre a poliori literatura, Barbaros  
 tamen Theologos in honore habeam, & legam, cum disertos liceat  
 Poëtas, & Rhetores honestius scilicet lectitare. At hoc ipsum etiam at-  
 que etiam vide, ne non rectè, nec pro tua prudentia & ingenio statue-  
 re videaris, vt qui optimarum & grauissimarum rerum multis in locis  
 auctores sunt, hos propterea, quòd parum ornatè loquantur, Rhetori-  
 bus atque Poëtis, hoc est dicendi, & fabulandi artificibus posthaben-  
 dos putes: quos ego, vt sæpe quosdam legi, sic mihi sapius etiam legen-  
 dos puto, sed ita, vt æquiore animò sim verborum artificio, quàm sci-  
 entiam rerum cariturus. Nec tamen te purissimis aquis Castalij fontis  
 affuetum has palustres Gandauenses, & Gersonicas tantoperè, vt scri-  
 bis, aspernari, & abhorre miror, non magis quam quòd ille noster a-  
 micus aëre libelli mei, paulò scilicet sereniore, & illustriore offenda-  
 tur, so-



tur, solitus haurire longè crassiorē, & totam vitam in cœlo caliginoso versatus. scio enim, quanta sit moris vis, & quàm proxima naturæ. Ita cum is cætera elementa, totumque libelli quasi corpus, quod erat ipsius iudicij, atque item stylum probet, nihil est, quod ei de improbatō aëre succenseamus: qui si stylum quoque aërea poena condemnaret, me tamen nihilo magis moueret, quàm Apellem quondam ineptus ille futor, qui locum fecit veteri Prouerbio, cū vltra calceos iudicasset. Vale.

## ARGVMENTVM.

*Laudat Pinciani operam in Plinio corrigendo, hortaturq; eum, vt opus inchoatum perficiat, præterea tres locos in Plinio emendat.*

Genesius Pinciano. S. D.

## EPISTOLA XLV.

**P**Linianæ tuæ castigationis tantoperè mihi probantur, vt non pos-  
sim non vehementer Plinio, tibi que simul gratulari: illi, quod in-  
numerabilibus quasi vulneribus per indoctorum hominum iniu-  
riam iam pridem confossus, tua opera, qua parte hucusque curandum  
eum suscepisti, penè ad sanitatem perductus mihi esse videtur, qui mul-  
tis ante medicis, & quibusdam magni nominis adhibitis parum profe-  
cerat: tibi, quòd ingenij atque doctrinæ magnum fructum, laudemque  
tulisti, addo etiam industriæ & officij, quibus non desinis rem commu-  
nem, literariamque cum egregia tua laude iuuare. Quamobrem te mi  
Pinciane hortor, & pro iure veteris nostræ amicitie moneo, & obtestor  
vt quod in præfatione polliceris, opus inchoatum vrgeas, ad finem-  
que perducas, *ὅτι καὶ ἡ γυνὴ ἐστέρχεται μοι τὸ τῷ ποιήσαντος εἰπεῖν.*  
*βάλλ' οὕτως αἰχέντι φόως ἱσθῆσι γένῃαι.* nec patiaris tantam & tuæ glo-  
riæ & publicæ vtilitatis occasionem cum magnò doctorum hominum  
desiderio perire. *ἀλλὰ τί σε πένδοντα καὶ αὐτὸν ὀτρύνω;* vt Agamem-  
non Teucrum illum sponte sua ad gloriam properantem, qui cæteros  
etiam doctos viros tum clara voce, tum magno exemplo ad istam in-  
dustriam æmulandam adhortaris, *ἀλλ' οὐ πάντεσσι θεοὶ χαρίεντα δι-  
δῶσι.* nec omnibus paria tuis suppetunt vel doctrinæ & ingenij, vel  
probata fidei & veterum Codicum adiumenta. Quod verò ad me atti-  
net, quem tu pro tua beneuolentia & humanitate aliquid in literis esse  
putare, & certè prædicare soles, non solum earum, de quibus modò di-  
xi, rerum inopiam, sed multa etiam, & necessaria, quibus obru-  
or, impedimenta excusare possum. Cæterum ne tibi publici boni causa  
laborem



laborem planè Herculeū obeunti nulli vsui, prorsusq; tanto in opere cessator fuisse videar, non desinam, si quis in hoc opere dignus vindice nodus inciderit, vt Horatius ait, te velut Pythium Apollinem consule-  
re, hoc est te admonere, ac velut sagacissimum coniectorem adhibe-  
re, cum in locum incidero difficilem mihi, & inextricabilem, vt me ad-  
monente, accuratiùs impedita illa loca dispicias, expediasque, & dum  
mihi hærenti fers opem, eadem opera cæteris tardioribus, meique si-  
milibus cōsulas, quale illud est, quod nuper offendi, dum roboris natu-  
ram cognoscere cupiens, Plinium consulerem in historia naturali.  
Nam cum hybernorum, studiorumq; causa in fines Cordubenses patri-  
amq; Bæturiam, eam dico, quæ finitima est Hispaniæ Tarraconensi, quæ-  
que Petrochæ, nunc ex petrarum frequētia magna ex parte nominatur,  
inq; Putalbanum municipium annua consuetudine secedam, penè fa-  
ctus sum agricola, cuius studiū mihi videtur proximè ad Philosophiā  
accedere. Itaq; latum fundum septendum, ac vitibus plurimū, sed mul-  
tis varij generis frugiferis arborib. permistis conferendū curauī, cuius  
rei causa conficiendis cupis roboris materiā circa brumā luna decre-  
scente ex præceptis Philosophorum cædendā mādauerā, vt optimū vi-  
nū, & Hispaniæ nobilissimis ( crede mihi anno superiore cū multis ex-  
perto) cōparandum, in cupas optimas cōderetur, quales esse dicuntur ex  
roboris materia, hanc enim abieti, & larici, cæterisq; cognatis arbori-  
bus, quas nostri, vt video, vno Pinus nomine vocant, longo interuallo  
præferunt. Roboris igitur naturā cognoscendi gratia Plinij locū mihi  
paulò accuratiùs legēti, occurrit perdifficilis salebra, quā mihi à te  
maximè velim expediri. Nam lib. sextodecimo c. 6. cum de glāde disse-  
ruisset, omnesq; glādiferas arbores nominatim proposuisset, vt idē face-  
ret de galla, *quæ glandē* (inquit) *ferunt, omnes & gallā, alternisq; annis glandē, nā*  
*glandiferas oēs arbores gallā quoq; ferre, planè translatitium est, ilicis*  
*.n. quā Græci πρῖνον vocāt, genus vtrūq; glandē ferre, & Theophra-*  
*stus docet, & Plinius ei⁹, dū quidē stirpiū persequitur historiā, penè in-*  
*terpres fatetur. At quis vnquā probatorū auctorū meminit insignis gal-*  
*læ, quisue hominū in ilice arbore notissima, & passim proueniēte gal-*  
*lā vidit? cuius arboris, vt nosti, Plinius idē duo genera facit, alterū quod*  
*fert puniceum coccum, & communi duntaxat, πρῖνον ilicisq; voca-*  
*cabulo à Græcis Latinisq; notatur. à nostris enim coccogia à quisquilio sci-*  
*licet corrupto vocabulo nominatur, alterū quod folijs speciem Oliuæ*  
*præfert Aquifolia Latinè nominata. nam Græcè varia per nationes no-*  
*mina sortita est, auctore Theophrasto. Arcades enim tum σμύλαχα-*  
*tum φελμόδριον, Diores & γύλαρ appellant, nostri homines Enziram di-*  
*cunt, magno quorundā errore, qui Quercū Latinè huic nostrati vocabu-*  
*lo respōdere tradidēre, & vt video, plerisq; persuaserunt. Quercus. n. q̄*  
Græcè



Grece tū *ιμερίς* dicitur tū *μόδιον*, genus est roboris, & folium amittit Theophrasti ac Plinii testimonio, quod huic alteri abest. Cum igitur *ilex* utraque glandem, neutra gallam ferat, quid venit in mentem Plinio glandiferas omnes arbores gallam quoque ferre asseuerare? an quia fructus ilicis non tam *βάλανον*, hoc est, glandem, quam *αυλον* nominari iisdem Homero auctore prodiderunt? At interdum Theophrastus *βάλανον, & βαλανώδη καρπὸν*. Et Plinius sæpe, & quidem eodem capite ilicis glandem appellat, quam propriè intelligi declarat his verbis *Glandē* (inquit) *quæ propriè intelligitur, ferūt robur, quercus, escuius, cerrus, ilex, suber*. Tuum igitur erit exemplaria vetusta consulere, quæ si cum cæteris congruunt, nodus hic ipso Gordiano cæcior, & inexplicabilior mihi quidem esse videtur, quem nisi tu mihi pro tua solertia, & sagacitate expedieris, certū est Alexandrum auctorem adhibere, & quem soluerè non possum, abscindere, quod ita demum fiet, si Plinium hoc in loco, quod bonus Homerus interdum facere Proverbio vetere memoratur, dormitasse dicemus, cuius oscitantis negligentia, si quid tale Plinio, cætera magno & vigilantissimo auctori accidit, occasio non aliunde nata mihi esse videtur, quā ex Theophrasti verbis ex tertio de stirpib. libro, quo in loco cū de quinque roboris generib. differuisset, & eorū differentias cum ex alijs rebus tum ex glandibus explicuisset, hæc verba subiecit, *κικιδέας δὲ πάντα φέρει τὰ γένη* quod de roboris duntaxat generibus à Theophrasto dictum Plinius errore (ut suspicor) inductus, transtulit ad omnia glandiferarū arborum genera, qui ut omnia ferè superiora penè ad verbū, ordine tamē nō nihil immutato, Latine reddiderat, sic cū his, quæ modò scripsi, continenter est persecutus subiecta illa, & coherentia verba, *μόνη δὲ εἰς τὰ δέρματα χρησίμη ἡμερίς, ἡ δὲ τῆς αἰγίλοπος & τῆς πλατυφύλλου τῇ μὲν ὀψὲ παρομύια, τῇ δὲ τῆς ἡμερίδος πᾶσι λφοτέρα, ἀχρεῖος δὲ, φέρει δὲ & τὴν μέλανα, ἢ τὰ ἔρια βάπτισσι*. Quæ postrema verba declarant, in codicibus Plinianis vulgatis in fine huius Capituli verbum *lanis* desiderari, ut sit scribendum, *hæc tingendis lanis utilis* or.

Sed nec illud satis expedire possum, quod idem Plinius in Hispaniæ descriptione tradit libro tertio, Capite primo. *Tarraconensis* (inquit) *Solorio monte, & Oretanis iugis, Carpelanisque, & Asturum, à Bætica, atque Lusitania distinguitur*. nisi forte mendum inest librariorum, qui pro Vettonum, Asturum supposuerunt. Nam post Carperana iuga, quæ Tagus interfluit, Vettonum montes, quorum sunt fauces Balneorum dictæ iuxta Capparam, & Placentiam in Durium amnem porriguntur. Asturum verò montes ante Durium esse nequeunt, auctore Plinio,



nec constanter ab eo possunt ad Lusitaniæ, & Tarraconensis distinctionem accommodari, si pro Asturum Vettonum reponeretur, nihil esset offensionis, Vettones enim Plinio, & Strabone auctoribus, non Vergaones, ut corruptè vulgò legitur in exemplaribus Ptolemæi, nuncupantur populi, quos dixi montes ultra citraque accolentes, quorum iuga cum Lusitaniâ à Tarraconensi distinguant, non dubium est, quin vetere, & commodiore Hispaniarum partitione, quam sequitur Plinius, Salmantica, & cætera oppida citra horum montium iuga, quæ Lusitaniæ Ptolemæus adscribit, Tarraconensi potius annumerarentur, ut Bætici tota Bæturia Turdulorum, licet eius partem attingentem Oretana iuga ratio Ptolemæi interiecta linea transferat ad Tarraconensem.

Nam illud ex quarto libro Capite vigesimo te non leuius, ut video, quam me offendit, ubi de saltu Pyrenæo verba faciens, *Immensum*, inquit, *quantum hinc Oceano, illinc Iberico mari comprimentibus*. cui tu commodius fortassis ita mederis, ut pro quantum cuneata reponas, mihi si pro immensum, immisum reponeretur, planus, rectusque sensus fore videbatur in hunc modum, & intelligentiam, immisum montem, quantum hinc Oceano, tantum illinc Iberico mari comprimentibus. Immittitur enim Pyrenæus in utrunque mare duobus apposis promontorijs, & ad immensum facilis est lapsus ab immisso, quo vocabulo Mela utitur in eundem sensum de Hispania, atque eodem Pyrenæo saltu differens his verbis, *Donec per omnem provinciam longo limite immissus* & in Asiæ descriptione, *Pelagus*, inquit, *quod inter ambas immisum est*. Sequitur in eodem loco: *Ipsa Pyrenæi iuga ab exortu æquinoctiali ad occasum brumalem fusa*, quæ oratio te tantopere offendit, ut in diuersam commutandam putes. Cæterum haud scio, an nihil ea verborum inuersione proficiamus: quanquam locum imeditum esse fateor, & mihi suspectum. Cui expediendo Mathematicorū præceptum adhibere oportet, qui ad verbis, aut provinciam, cuiusvis denique loci partes pro discriminibus cælestium regionum distinguendum, primum omnium certum aliquem locum constituere iubent, quo ratio tota referatur. Nam si quis diuersa, & disiuncta loca respiciat, licebit huic eundem montem, aut urbem à diuersis cæli plagis sitam esse memorare, ita cum nullus locus huic rei accommodatior sit, quam medius, hunc auctores, quasi centrum in huiusmodi rationibus constituere solent, unde lineæ ad diuersas cæli partes deducantur, quam consuetudinem, ut cæteris in regionibus, sic in Hispania tenuisse Plinium certum habeo. Cum ergo in Hispaniæ descriptione Plinius Pyrenæi iuga ab ortu æquinoctiali proficisci tradit, quid aliud intelligi oportet, quàm huius saltus initium repeti ab ea parte, qua linea transit à medio Hispaniæ in ortum solis æquinoctialem producta. Quam rationem secutus Ptolemæus, hoc Hispaniæ latus æstiuum ortum spectare dicit, dum medij lateris non extremorum rationem habet. Nam quod in eiusdem Hispaniæ de-



niæ descriptione, lib. tertio Cap. primo de Bæturiā laborās consentien-  
tibus exemplaribus, vide ne cū Plinius Bæturiā tradit in duas partes  
esse diuisā, duas esse Bæturias innuat, alterā Celticorum, Turdulorum  
alterā, vt Hispaniā quidā bipartitā esse aiunt, alij duas Hispani-  
as dicunt citeriorem, & vltiorem. Quod si ita est, vt esse videtur, non  
est, quod culpā Librariū incusemus, atque eo minū, quod oppi-  
da, quæ postremò memorentur, sunt haud dubiè in ea, quā Turdulorū  
Bæturiā dixerat, Lusitanīæ, & Tarraconensi finitima, vt Mirobriga, in  
cuius vestigijs duo lapides nuper reperti sunt, quorū ego inscriptiones  
legi, oppidum illud Mirobrigensum fuisse declarantes non longè ab  
eo, quod Capillā nunc appellant in finibus Comitatus Bellalcaza-  
rensis. Vale.

ARGUMENTVM.

*Fern. Pinciani sententiam quam de Saltu Pyrenæo habebat, emendat: ipsumque temeritatis arguit.*

I. Genesius Pinciano suo.


S. D.

EPISTOLA XLVI.

**E**GO te Pinciane pro iure nostræ amicitiae superioribus diebus ad-  
monui, vt tuarum in Plinium obseruationum locum illum, qui  
saltus Pyrenæi situm attingit, diligentius recognoscere, perstri-  
ctis causis, cur verborum mutatio, quā tu vulnere medendum putabas,  
mihi non satis probaretur. Tu tamen vt video, nondum scilicet inuen-  
tionis, quā tibi magnoperè placueras, amore refrigerato, vt ex mei Vil-  
lasicci literis, deinde scriptis tuis cognoui, non solum in sententia per-  
stas, sed meam admonitionem, velut inanem, & ab Astrologiæ exigua  
fortassis cognitione profectam aspernas, nec audiendam putas. Ego  
quantum operæ in astrologicis theorematibus adolescens posuerim, re-  
ferre nihil attinet, sed quoniā ἐλευθερία ἔστι δὲ μὴ χρὴ, πρὸς τοὺς πλάγους  
vel te auctore, quod exploratum habeo, te non celabo. Illud igitur dico  
Plinij verbis contra fidem omnium exemplarium periculoso exēplo,  
& à magnorū, tuīq; similium virorū consuetudine multū abhorrente, in-  
vertendis non solum nihil ingenioso isto commento proficere, sed  
in falsum sensum, & quem tueri nulla ratione possis, orationem repu-  
gnantem detorquere, & qui constare nullo modo possit, nisi Pyrenæis  
montibus, quos ipse ab ortu Brumali ad occasum æquinoctialem ducis,  
ē regione Dianj inter Toletum, & Cordubam Vlyssipponem versus  
deductis. Hispania enim, vt cum exteri Geographi, tum omnium di-  
gentissimus Claudius Ptolemæus testatur, sic locata est, vt ab ortu  
æstiuo mediam Pyrenæi saltus partem spectet, à brumali verò  
insulas



insulas Baleares. Quoniam igitur vna parte constituta, constitutæ sunt omnes, describatur circulus vetusta mathematicorum ratione, cuius centrum sit in media Hispania, ducaturque meridiana linea, & item altera transuersa, quæ secet hanc ad angulos rectos, & duæ præterea per idem centrum inter illas paribus interuallis decussatim in hunc modum.



Hæc figura Aristot. (Met. 2.) & Plinio libro historiae naturalis decimo octauo, & Vitruvio libro de Architectura primo, Ortus, & Occasus æquinoctiales & solstitiales in quaque regione indicat. Duc igitur lineam, quæ Pyrenæum signet, ab ortu brumali in Occasum æquinoctialem, & cum omnia paulò diligentius consideraueris, quàm rectè verba Plinij commutaueris, non poteris ignorare, simulque cognolces, si quid mutandum est in Plinio, vt omnino esse videtur, pro occasu brumali, Occasum æstiuum esse reponendum in verum & commodum intellectum. Hunc enim esse montis situm exploratum nobis & perspectum est. Nam quòd Ptolemæus Pyrenæum esse tradit ab ortu æstiuo, dum medijs rationem ducit, non discrepat à Plinio, qui de initio montis ab Austro sumpto memorat. Illud igitur pro iure nostræ amicitiae te hortor, & moneo, vt in alienis scriptis castigandi temperantiùs agas, nec auctoris verba sine certissima ratione præter omnium exemplarium fidem inuertere, aut quoquo modo mutare animum inducas.



eas. hoc enim periculosum habetur. Ad illud nō cuius in promptu est,  
 nec caret egregia iudicij, & eruditionis laude dissentientibus exempla  
 ribus, veram & germanam lectionē asserere. Nec id, quod veteres ma-  
 gnos viros factitasse constat, existimationem minuere solet, non ante  
 libros emittere, quam fuerint doctorum amicorum iudicio probati,  
 hoc certē Plinium, hoc Ciceronē fecisse legimus, nec erat alia honesta  
 causa libros conuocatis amicis, quod olim passim fiebat, recitandi. Ego  
 verò non solum doctissimos, si quos nactus sum, sed etiam semidoctos  
 adhibere soleo. Nam πολλὰ καὶ τὰ καὶ μικρὰ ἀνὴρ μάλα καίριον εἶπε,  
 οὐχ ὅπως οἱ τὰ μέτρια πεπαυμένοι ἄνδρες, & ut virtus in quoque co-  
 lenda est, sic veritas à quouis accipienda, gratiæq; agenda. Quid igitur  
 sentiam, quid probare, quid vicissim damnare soleam, exposui: quæ si  
 tibi non probabuntur, erit tamen humanitatis tuæ cuncta in bonā par-  
 tem accipere, & ab optimo, fido, amicissimoq; animo profecta esse exi-  
 stimare. ἀρετῶς γὰρ καὶ φίλως, εὐ ἰσθί, ὅτι, ὅπως δὲ κατὰ φιλόσοφον ἔγρα-  
 ψα πάντα. Vale Valdolito.

## ARGUMENTVM.

*Contra Pincianum, admodum ex hac sententiarum de saltu Pyreneæ contentione co-  
 motum, circuli sui, in superiori epistola, rationem defendit.*

Genesius Pinciano suo.

S. P. D.

## EPISTOLA XXXVII.

**Q**Uoniam contentiones etiam literarias ab amicorum consuetu-  
 dine submouendas censes, & rectē censes, ne (quod interdum ef-  
 fititur) coniunctorum animorum alienationem pariant, faciam,  
 quod præcipis, & tibi, quem propter ingentem tuam doctrinam, singu-  
 larem humanitatem, & suauissimos mores iam inde ab ineunte mea æ-  
 tate colo, & obseruo, morem geram, quanquam ego quod scripsi, non  
 ut tecum certarem, crede mihi, scripsi, sed ut te admonerem, ineptē for-  
 tassis, optimo tamen, & amicissimo animo, quod meum factum quan-  
 do ipse, ut video, aliorum acceperis, non committam post hac, ut te ad-  
 monendo bis stultē ὥς κομικός φησι facere dicar, laborem ipse in  
 meis maximis occupationibus inanem capiam, & tibi, cui placere ma-  
 ximè cupio, molestus sim, sed ita legam scripta tua, cum per otium lice-  
 bit, ut quæ mihi maximè probabuntur, ut multa probantur, hæc sin  
 meritis laudibus libenter affecturus: si qua verò dubia, aut minùs pro-  
 babilia esse videbuntur, ut esse aliqua necesse est in opere longo & ma-  
 gno, ea tamen tacitus putem fundamentis inniti altius à te iactis, quam  
 Aa quò



quò valeat ingenij mei acies intenta penetrare. Nam licet adhuc pauca legerim, hoc est, ea duntaxat, quæ pertinent ad Hispaniæ descriptionem, in qua tunc temporis scriptorum meorum causa versabar, ita tamen captus sum quibusdam à te optimè castigatis locis, vt totum opus mihi per otium perlegendum putem. Semel igitur disputatione de Plinianis castigationibus tuis omissa, respondebo tamen sed paucis ad eum epistolæ locum, in quo te meam vel doctrinam, vel intelligentiam maximè desiderare scribis, quòd sic tibi figura quadam Hispaniæ partes pro ratione coelestium regionum designauerim, vt linea recta paulò supra Toletum ab Oriente in Occidentem ducta, quæ alteram à Septentrione in meridem contendentem transuersa fecerit ad angulos rectos, Ortum & Occasum æquinoctialem suis extremis demonstrare dicerem. Nam si hoc verum est (inquis) efficitur, vt Toletana regio circulo æquinoctiali sit ad perpendiculū subiecta, vnde tamē constat eam partes amplius quadraginta Septentrionem versus recessisse. Addis præterea tertiam & quartam lineas, quæ in decusses obliquæ Ortus & Occasus æstiuos ac brumales ostendunt, perperam in eadem figura per partium nonagenarum medios arcus fuisse ductos arcubus, quos in portiones longè impares partitos oportebat, in prorsus æquales diuisis, quorum vtrumque per magnum videlicet errorem commissum esse à me homine in literarum studio tandiu versato, vehementer te demirari conscribis. Atque hæc quidem summa est (vt arbitror) accusationis, admonitionisque tuæ, quæ tantum abest, vt mihi molesta, aut grauis acciderit, vt fuerit etiam grata, & periucunda. Quid enim mihi philosopho, id est discendi cupido, optatius accidere potest, quam si quis me doctorum amicorum officiosè velit labentem sustinere, prolapsū me erigere, aut erranti viam, vt est apud Ennium, comiter monstrare? Cæterum ego excusationem afferō non modò probabilem, vt spero, sed legitimā etiam, & qua iure possim culpam omnem deprecari, quod me non temeritas, aut nouus & insolens quasi trames abstulit, sed ratio, & publica via veteribus ac doctissimis pertrita in eam, quæ tibi tantoperè improbatur, sententiam induxit. Rationem enim secutus sum, quam vt alios magnos Philosophos, & Mathematicos omittam, Plinius tuus Aristotelesque tradiderunt, aut hos igitur mecum erroris & inscitiae damnare debes, aut cum eis me culpa omni liberare, qui mihi auctores fuerunt ortus & occasus solis in quaque regione ad illum, quem damnas modum, per descriptam figuram designandi, alter (vt scis) in Naturalis historiæ libro decimo octauo, Cap. trigesimo tertio, & trigesimo quarto, alter in Meteorologiæ secundo libro: quod, vt cætera Aristotelis opera te legisse, & relegisse, nunquam equidem, vt tibi, nescio qua ex causa, suspicari in mentem venit, dubitavi, sed profectò quò sapius te Plinium Aristotelem



um Aristotelemque legisse puto, qui non obscuris aut ancipitibus, sed perspicuis planisque verbis de hac quaestione differuerunt, hoc magis miror, te nunquam antè commotum fuisse præcepti huius absurditate, qua tantoperè nunc offenderis, postquam cum descriptione literas meas cum clarissimorum auctorum præceptis ad amussim congruentes accepisti, quanquam non miror te ad eam salebram offēdisse, quò multos incurrere video, diutiùs etiam in studijs Astrologiæ versatos, itidem illam figuræ describendæ rationem, ad regiones duntaxat æquinoctiali circulo subiectas rectè accommodari posse existimantes. Quade re nescio quid nugarum his paucis diebus rudioribus fortasse non inutile futurum meditabar, scriptoq; mandabam. certissimis enim argumentis, quæ persequi epistola longum & ineptum esset, declaravi nihil ad illam certissimam & verissimam rationem interesse, sub æquinoctiali circulo regio sita sit, an vltra citraue, etiam sub ipso mundi cardine, qui *πóλος ἀρκτικός* à Grecis nominatur. Quòd si nec Plinio credis, nec Aristoteli, ipse te rerum vsus in iam appetente æquinoctio poterit edocere, si periculum facere libuerit, & ratio, si rem cum doctissimis Mathematicis contuleris, si quem fortè nactus eris, nec enim passim reperies, qui planè possit causas, & initia rationis huius explicare, his enim expositis, atque perspectis, & ad instrumenta Astrologica præsertim globola examinatis, facile intelliges, illam rationem ortus & occasus æquinoctialis inuestigandi omnibus terræ regionibus rectissimè accommodari, nec cum Plinio errasse me putabis obliquis lineis ita ducendis, vt in æquas portiones interualla illa partium nonagenarum diuidant, non quòd sic vsu veniat vbiq; terrarum, sed quia id medium est, nec procul abest à norma Hispaniæ nostræ, & Italiæ, vbi Plinius ea prodebat conueniente, non enim si sol viginti tres gradus & semis circiter declinat ab æquinoctiali circulo, protinus idem Cancræ primam partem obtinens, eadem distantia supra finitorem ascendit in quaq; regione, cum id in recta duntaxat sphaera contingat, hoc est, sub æquinoctiali sita, nam obliquis ita variat, vt interdum per locum plus etiam quinquaginta gradibus ab æquinoctiali circulo remotum supra finitorem emergat, & oriatur ratione mirabili quidem non expertis, sed Mathematicis διὰ τῆς

αστρολογικῶν θεωρημάτων explorata.

Vale. Ex oppido Valdolitò,  
septimo Cal.

Aug 1544.



EPISTOLARVM  
ARGVMENTVM.

*Miratur Pincianus pertinaciam in tuenda sententia sua: De motu solis per signiferum ad terram relato, de ratione coelestes regiones designandi, & de Orospe de montis situ. Summāq; opinionem Quignonio explicat, à quo se contra calumniatores defendi cupit.*

I. Genesius Sepulveda I. Quignonio gymnasij  
Salmanticensis praefecto.

S. P. D.

EPISTOLA XLVIII.

**V**IDISTI ne quenquam pertinaciorē, quā fuit Fernandus Pincianus in illa Salmanticensi disputatione, cui tu, Neylaque noster, & Oliuarius vir astrologia, cæterisque mathematicis disciplinis eruditissimus interfuisti? cum ille non à me solum, sed à vobis etiam omnibus, quibus meam sententiam certissimis rationibus probaueram, obstinatissimè propter inueteratam in ipso, & plerisque alijs opinionem dissentiret: de motu scilicet solis per signiferum ad terram relato, de quæ coelestes regiones designandi ratione, & Orospe de montis situ. his enim de rebus disceptabamus. Erat autem meæ sententiæ, orationisquæ summa, de progressu quidem solis, omnem ab eo terram tum ad Meridiem, tum ad Septentrionem longissimo intervallo relinqui. Ita vt terræ duntaxat rotunditas obftet, quo minus umbræ omnes Europæ incolentium statim post vernum AEquinoctium sole cæli medium obtinente, in meridiem iactentur, quod, si terra plana esset, vñ veniret. Quanquam enim sol per signiferum incedens, nec solstitia transit, nec radijs ad perpendicularum iactis Torridam terrestrem zonam, & Syenem urbem prægreditur, tamen postridie verni AEquinoctij omnem terram à meridie relinquit, quā terram coelesti globo, cui sol affixus conuoluitur, comparatam pro puncto esse, inter mathematicos constat. De regionibus autem coelestibus, si per lineam meridianam linea recta, quæ illam secet ad angulos rectos, ducatur, huius altera parte ortum solis æquinoctialem, altera occasum in quaq; parte orbis terræ monstrari confirmabam, in quo theoremate nō ab Aristotele solum, sed etiā à veteribus mathematicis magno cōsensu tradito pleriq; iuniorū hallucinabatur, id regioni dūtaxat æquinoctiali circulo subiectæ accommodari existimantes. De Orospe de verò hūc esse montem asseuerabam, qui ex media ferè Idubeda circa Saguntiam urbem profectus in occasum excurrit, Segobrigenses, & Segobienes, Auelensesque fines à Carpetanis determinas, deinde in Meridiem flexus Lusitanos à Toletanis dirimit, tum Spartarium campum, & ex altera parte Bæturiam prætergressus, Carthaginensibus montibus coniungitur, & per oram interni maris vsque ad fretum Herculeum excurrit, cuius sententiæ auctor Strabo est, qui libro de situ orbis tertio Hispaniæ mediterraneas regiones, quæ inter Pyrenæum saltum, & la-



tus Septentrionale usque ad Astures continentur, duob. maximè montibus determinari testatur. Idubeda, & Orospea, deinde utrumq; describens ex media Idubeda à Cantabris ad mare nostrum non procul Iberi Ostio pertinente ortam Orospeam, per quas dixi regiones, ad Calpem usque deducit. Quo planè publicus error, in quo Pincianus erat, conuincitur omnem Orospeam existimantium ora maris nostri contineri, & maximum Hispaniæ, maximeque in oculis hominum positum montem esse nominis expertem. Quarum rerum memoriam faciendum putavi, ut tibi per epistolam renouarem, ut in isto clarissimo & doctissimis hominibus frequentissimo gymnasio Salmanticensi, cui ipse scholarchus ecclesiastica dignitate præes, & cum egregia tua laude pro tua singulari, & hæreditaria prudentia, virtute, & grauitate moderaris, si quis apud te de meo his de rebus iudicio perperam, ut passim quosdam factitasse exploratum habeo, memorauit, calumniam possis pro tua in me beneuolentia, meaue in te obseruantia tum ex tuo grauiissimo testimonio, tum ex meis literis refellere. Quanquam de solis per signiferum motu, & terræ transitu libello huic quæstioni dicato, de ratione verò cœlestes regiones in quaque terrarum parte demonstrandi, cum in vtraque quæstione non modò Pincianum, sed multos præterea aduersarios habuissem, in epistolis ad eundem Pincianum missis accuratiùs disputavi. Quo in loco mons idem Orospea me cuiusdā publici item erroris admonet, de quo te celatum nolo: ex Orospea enim Bætis fluuius in Oretania non procul capite Mariani montis, qui & ipse ab Orospea proficiscitur, exoritur, diuq; Mariano *παράλληλος* in occasum delapsus, & non procul Hispali in Meridiem deflexus duobus ostijs in Oceanum Atlanticum emitti à veteribus scriptoribus cum memoretur, iuniorum tamē communis sed falsa persuasio iam pridem inualuit, alterum Bætis ostium paulatim euanuisse, cuius aluei clara vestigia circa Rotam littorale Castellum extare, quidā ex nostris scriptoribus, dum cæteris diligentiores, nec temerè publicam persuasionē secuti esse videri vellent, literis mandare non dubitarunt, magna scilicet securitate. Bætis enim ut olim, sic hoc tempore duobus ostijs in Atlanticum Oceanum emittitur. A quo flumine quatuor insulas infra Hispalim effici constat, sed duas, quas memorare non pigeat, alteram sexdecim, alteram vigintiocto circiter milia passuum longitudine patētes, minorem, & maiorem appellatas, quarum inferiorem Bætis, duobus quasi brachijs complexus alluit, donec Oceano breui sinu terras usque ad insulam intranti occurrat, quæ duo brachia Oceanum dextra, lauaueque influenza veteres duo Bætis Ostia, ut sunt, sic esse dixerūt, ut Strabo grauis auctor declarat, his verbis, *Bætis bifariam partitus in Oceanum exit, inter cuius Ostia intercepta insula centum, vel ut quidam tradunt, amplius stadijs à litore distat*; cum hac enim Strabonis oratione nunc quoque res quadrat



ad amussim. Nam fr̄s insulæ huius tribus nostratibus Lencis, quæ summa fere est cētum stadiorum, abest à Salucare, quod castellum primum est in Oceani littore extra finem ori tamen ipsius appositum, quem finem non annis in vnum corpus redeuntis, sed maris partem esse veteres magna ratione propter aquarum tum salsedinē perpetuam, tum latitudinem statuerunt. Nam si interceptam insulam accipias spatium Salucari, & Rotę interiectū, quod iuniorū scriptis est consentaneum, insula nō stadijs cētū à littore aberat, vt Strabo tradidit, sed ipsa litus efficiebat, & Oceani fluctibus alluebatur. Vale Corduba Nonis Decēbris.

IOANNIS GENESII  
SEPVLEDAE CORDVBENSIS  
EPISTOLARVM

LIBER IIII.

ARGVMENTVM.

*Ramirum Nugnum Gusmanum salutat, eumque ad literarum scriptiōem prouocat.*

Io. Genesius Sepulveda Ramiro Nugno Gusmano.

S. P. D.

EPISTOLA XLIX.



Ioannes tuus, seu noster potius dicendus est, quē tu genuisti, ego doctrina literarū excolui, ad me nuper scripsit, te propter quādā de studijs meis opinionē nescio quib. meis nugis legēdis perceptā animū à me gerere nō alienū, ac proinde rē fore tibi nō ingrātā, si te, quādo aliter nō datur, missis literis salutarē: quod officiū tātū abest, vt ipse recusarē, vt iā pridē nihil libentiūsusceperim. Nā mihi crede homini ab assentationis crimine alienissimo, paucissimos esse ex Hispana nobilitate, quos meus animus pari obseruantia, & quasi religione cōplectatur, ac te, quem maiore, certē neminem. Nam te optimum virum & sapientissimum esse, non tam mihi persuasit consentiens omniū, qui propiūsus virtutes tuas perspexerunt, testimoniū, quā probatissimi, suauissimi que mores tuorum filiorum, Alfonsi & Ioannis, quos ego familiari longioris temporis cōsuetudine cum magna non modò iucunditate colui, sed etiam admiratione tam humanam & comitate conditam grauitatē, tam pertinax omniū vitiorum odium in adolescentes ea ætate potuisse cadere. Sic enim statui nullis posse hanc morum felicitatem contingere, prāter eos, qui dome-



domestica disciplina, & singulari paternarum virtutum exemplo liberaliter sanctèque fuerint educati. Accedit ad causas meæ in te singularis obseruantia, quod tu præter morem gentis nostræ bellicam laudem doctrina politicorum literarum cumulasti: in qua senex, & quidem ætate quod perpauci, & hi per summam vitæ superioris continentiam perueniunt, tam libenter versaris, vt in ea duntaxat adquiescas, ac eius consuetudine interuenientes molestias lenias, & curas etiam asperiores depellas. Hæc igitur ad te scripsi simul vt morem gererem Ioanni filio tuo, quem ob egregias eius virtutes & amo & suspicio, simul vt tantisper optatissimo colloquio tuo, quacunque ratione datur, si uerer. Quod si mihi hoc epistolio aliquid à te literarum elicere contigerit, iam me putabo nunquam operam nauasse fructuosius. Vale. Roma Cal. August. An. Christi nati. 1533.

## ARGVMENTVM.

*Genesis literis respondet, quas sibi pergratas fuisse scribit, earumque studio se iam dedere non posse, propter ætatem grandæuam: hortaturque eundem vt Hispanorum res gestas in lucem proferat*

Ramirus Nugnus Gusmanus Io. Genesio Sepuluedæ  
S. P. D.

## EPISTOLA.

**M**AGNO equidem gaudio affectus sum ijs literis, quas proximè à Ioanne filio, abs te recepi, fuissemque multò maiore, si eas mihi accipere contigisset eo tempore, quum otium atque ætas tulit, vt ad amicos Latine scriberem. Nunc autem quid commercij cum literis homini octogenario, ac tot malis morbisque obnoxio? Cui nihil magis curæ esse debet, quam vt animum veteribus piaculis grauatum, assidua meditatione atque poenitudine, in rerum diuinarum cogitatione exerceat, Deoque placando quam maximo possit affectu studeat. Vnum interim mihi reliquum est, vt semper doctissimorum hominum scriptis, si quando ad manus meas peruenere, maximè oblecter. Quod si filius meus te præceptorem sortitus sit, gaudeo maiorem in modum neque dubito, quin doctrinæ tuæ iactis fundamentis ad altiora propediem te ducente securus euadat. Is mihi nuper significauit, te Hispanorum regum hystoriæ expoliendæ, atque à barbarie vindicandæ prouinciā suscepisse, quo mihi nihil gratius afferri potuit. Scio enim qua eloquentia atque prudentia es, neque ad styllum, neque ad rerum gestarum fidem tibi quicquam defuturum. Age igitur, & nostratium Principum gloriā, quæ vel temporum culpa, vel scriptorum ignoratione tam diu latuit, in lucem profer. Vale, & me inter intimos tibi annumera. Datum duodecimo Calen. Nouembris. 1533.

ARGV.



## ARGVMENTVM.

*Ioannis Taueræ Pontificis Toletani literis respondet de Caroli Cæsaris rebus bellicis & infausta ad Argeliam Mauritanie nauigatione, deque suo ob continuos Aquilones & hyemis siccitatem ex Batia in Vacceorum fines discessu.*

I. Genesius Sepulveda Io. Taueræ Pontifici Toletano, & Eccl. Rom Cardina.

S. P. D.

## EPISTOLA II.

**S**VAVISSIMAS tuas literas Præsul grauiissime, & simul exempla Sepistolarum, quæ ad te de rebus bellicis, & infausta illa nostrorum ad Argeliam Mauritanie nauigatione, à Carolo Cæsare missæ fuerunt, accepi. vtræque mihi optatissimæ contigere, & fuerunt instar magni beneficij, sed vario diuersoque modo legentem affecerunt, haud enim facile dixerim, vtrum mihi gratius iucundiusque fuerit humanissimum tuum colloquium, quo tuam in me voluntatem perspectam mihi quidem multis documentis, sed suauissimam & peroptatam per literas declarasti, an tristior contemplatio naufragij, & à nostris acceptæ calamitatis, de qua in suis literis Carolus memorabat, indignus profecto, cuius tam pios conatus iniquitas fortunæ frustraretur. Cæterum sit nescio qua Dei occulta rerum administratione, vt scelera populorum obsint interdum bonorum Principum pietati, vt vicissim peccatis regum nonnunquam commoda populorum impediuntur. Quam valde iam pridem in nos & hæc tempora conuenit dictum illud Hieremiæ oraculumque diuinum, *Ab Aquilone pandetur omne malum!* Nam ab Aquilone Lutherus eiusque discipuli longè iam magistro nocentiores non cessat ecclesiæ quietem conturbare, cuius nitorem ac puritatem foedissimis maculis inficere conantur. Ad Aquilonem vergentes nationes ferè solent reliqui nostri orbis pacem publicam sollicitare. Aquilonij flatus ad oram Mauritanie in hostium conspectu autumno superiore nostrâ, Imperatoriamque classem affligerunt. Aquilonibus eisdem ab eo tempore penè continenter flantibus, perpetua totius hyemis inducta serenitate bona pars Hispaniæ, sed maximè Batia nostra reddita est consimilis AEgypto, quæ pluuijs rarissimè madescit, sed hoc sumus nos, quâ AEgyptij durior conditione, quòd nullum habemus Nilum, qui restagnantibus aquis statò tempore nostros, vt illorum agros foecundet. Itaque frumenta sub ipsa hyeme sitiunt humore destituta, pecora fame cōficiuntur pabulo non suppetente, vel ob hanc igitur causam nobis hinc migrandum est, & ad vos & feliciores nunc, vt opinor quidem, Vacceorum



rum fines redire maturandum, cuius rei & hospitij parandi causa meum Petrum Martinum, ut soleo præmisi. Cuius expectavi discessum, ut has ad te literas darem, huic, ut in mea causa faueas, eandemque pro tua singulari humanitate, & consuetudine suscipias, te etiam atque etiam oro. Vale.

ARGUMENTVM.

*Ad eundem Io. Taueram scribit, se nouo patriæ desiderio teneri, ut commodum res gestas Caroli Caesaris percipiat.*

I. Genesius, I. Taueræ Archiepiscopo Toletano.  
S. R. Eccl. Cardinali.

S. P. D.

EPISTOLA LII.

CVM essem apud vos, hyberna patria desiderabam, nunc in hybernis eisdem vestram, hoc est aulicam consuetudinem requiro, vtrum magis ratione faciam haud facile dixerim. Nam fortasse fit vtrunque vitio quodam naturæ, ut nos rerum præsentium satietas, absentium desiderium celeriter capiat, sed me nunc nihil æquè sollicitat, ac ignoratio rerum, quæ in hoc pio bello à Carolo rege nostro Imperatoreque geruntur. quippe serò ad nos perferuntur, & per magnos anfractus. Itaque boni consului, nuper literas à meo Petro Martino ex maioribus balearibus sexdecim diebus, quibus datæ fuerant accepisse. Tunc cognoui de obitu Compostellani præsulis. Mirum est, Italia quam inclementer iampridem cum nostræ nationis Cardinalibus se gerat. Quo igitur animo nunc eum esse putemus, qui anno superiore inuitus & reluctans illuc tæquam ad Anthropophagorum regionem iussus peruenerat, nunc socijs omnibus aut absumptis, aut fuga subtraçtis, solus relictus est velut Achæmenides Vergilianus in patria Cyclopum. Hæc ad te scripsi pater amplissime, qui pro tua humanitate soles meas literas præsertim Latinas non inuitus legere, ut tantisper tuo suauissimo colloquio fruerer.

Vale.

Bb

ARGVMEN.



## ARGVMENTVM.

*Petro Fer. Velasco Friarum Duci, duarum columnarum ad Ferrariam, inscriptiones explicat, & soluit controuersiam Sorie Zamoræque urbium inter se, de Numantie situm, demum locum Orosii interpretatur, quo se Zamorani Numantinos probant.*

Io. Gen. Sepulveda Petro Fer. Velasco Friarum Duci,  
& Castellæ Comestabili.

S. P. D.

## EPISTOLA LIII.

**C**OLUMNARVM quas non procul à Pisoraca flumine ad Ferrariam tuæ ditionis castellum, tibi repertas esse proximis ad me literis scripsisti, inscriptiones libenter, ut iusseras, consideraui, deque his cum viris doctis communicaui. Erant autem huiusmodi.

TI. R. DIVI. AVG. F.  
DIVI. IVL. N. AVG. PONT. MAX.  
TRIB. POT. XXXV. IMP. IIX.  
COS. V. A. PISORACA.  
M. I.

In altera columna.

NERO. CLAVDIVS. DIVI.  
CLAVDI.

AVG. F. GER. CAES. AVG. N.  
TI. CAES. AVG. PRO. N. DIVI.  
AVG. AB. N. CAES. AVG. GER.  
PONT. MAX. TR. POT. IMP. COS.  
A. PISOR. M. I.

Post longam igitur disputationem in eam opinionem discessimus, hos lapides ad milliariorum interualla more veterum Romanorum notanda fuisse constitutos, principio scilicet à Pisoraca flumine sumpto, unde, ut scribis, mille circiter passibus absunt. nam illæ literæ. M. I. milliarium vnum signant. Quamquam enim in vijs militaribus, quæ à magnis urbibus proficiscerentur, nec urbis, nec milliariorum mentio nominatim fiebat, sed numerum tantum adscribere mos erat, ut indicant ij, qui in via ab Emerita Augusta Salmanticam ferente dispositi sunt, cum tamen de initio dubitari poterat, nomen eius non prætermittatur, ut in duabus item marmoreis columnis animaduertere licet, quæ  
non



non ita pridem Cordubę ad eđdem sacrarum maximam repertę ac effos-  
sę sunt, Aug. Cęs. Iiberioque dicatę, cum inscriptionibus huius modi.

IMP. CAESAR. DIVI. F. AVGV-  
STVS. COS. XIII. TRIB. POTES-  
T. XXI. PONTIF. MAX. ABAETE.  
ET. IANO AVGVST. ADOCEA-  
NVM. LXIII.

TI. CAE. DIVI AVGVSTI. F. DIVI  
IVLII NEPOS AVGVSTVS PO.  
MAX. XXI. COS. VI. TRI. P.  
XXXV II.

ABIANO AVGVSTO.  
QUI EST AD BAETEM  
VSQVE ADOCEANVM.  
LXIII.

Quod de Numantia quęris, vnde nata sit Sorię Zamoręque tam distan-  
tium inter se vrbium de situ illius controuersia, dum vtraque veterum  
Numantinorum velut maiorum glorię sibi vendicaret, haud parua  
quęstio est, quam tibi tamen breuiter explicare tentabo. Veteres au-  
ctores, qui de situ orbis scripserunt, tum Romani, tum etiam Gręci Nu-  
mantiam circa Durij fontes collocarunt, & horum consensu Soriani,  
qui non procul ab eius fluminis capite absunt, nituntur. Cęterum Oro-  
sius scriptor natione Hispanus, qui diui Augustini æqualis, & auditor  
fuit, Numantiam in capite Gallecię sitam fuisse prodidit, cuius testi-  
monium sic interpretantur Zamorani, vt urbem suam ab Orosio desi-  
gnari confirmet. Zamoram enim caput esse Gallecię, quippe quę in  
publicis Castellānorum concilijs pro se Gallecisque suffragium init.  
Quod verò ad auctores pertinet, Hispanum scriptorem de locis & vr-  
bibus Hispanię differentem omnibus Gręcis & Latinis præferendum  
esse contendūt. hę sunt igitur causę, hęc contentionis origo. Quod verò  
iudicium meum exquiris, cognitis rebus facilis est iudicandi ratio. Nam  
a veterum tum Romanorum, tum etiam Gręcorum scriptorum consen-  
su dissentire temerarium puto, atque eò magis, quòd Strabo grauis au-  
ctor & diligentissimus, interuallum etiam prodit octingentorum scili-  
cet stadiorū, id est, leucarū nostrarum vigintiquinq;, quo Numantia di-  
stat à Cęlaraugusta. Hęc autem in Hispanię descriptione, & locorū cō-



memoratione Polybium Græcum Historicum, quem sæpe citat, maximè sequitur magnæ virum auctoritatis, Africani Scipionis comitem, quiq̃ bello Numantino interfuit, idq̃ à perpetua historia, vt Cicero testatur, separauit. Numantia igitur, vt est publica eruditorum persuasio, non in Soriæ solo, nec tamen longè à Soria sita fuit, ita cùm regio talium virorum procreatrix Soriæ sit cum Numantia communis, iure Soriani veterum Numantinorum vicinæ ciuitatis gloriam sibi possunt bona ex parte vendicare. Superest vt rationem, quam Orosius sequutus est, paucis explicemus, huius enim ignoratione Zamorani lapsi sunt. Trium Hispaniarum, & earum cuiusque fines sæpe à Romanis, sub quorum imperio erant, fuisse mutatos, cùm alij Geographiæ auctores, tum maximè Strabo libro tertio De situ orbis testatur, idq̃ pro iurisdictionis ratione factum fuisse declarat. Cæterum Agrippæ Augustiq̃ Cæsaris, qui de situ orbis cum summa etiam statuendi potestate conscripserunt, institutum atque rationem veteres & grauissimos auctores secutos fuisse constat. Horum consensu Gallecia propriè intelligitur ea regio, quæ à Durio flumine per Oceani oram ad Asturiam vsque procurrit. Hanc prouinciam Tiberij principatu legatus vnus præsidij gratia cum duabus legionibus obtinebat, postea verò, Pauliq̃ Orosij ætate huius legati prouincia ab Oceano Callaico ad Celtiberos vsque cùm esset protracta, cœpit totus ille tractus vsque ad fontes Durij propter communem legatum Galleciæ nomine vocari. Ita cùm Numantia in confinio Celtiberiæ & eius regionis, quæ Gallecia tunc vulgò dicebatur, sita fuisset, factum est, vt eadem in capite Galleciæ ab Orosio sita fuisse diceretur. Quo planè intelligitur, Orosij testimonium nihil Zamoranis suffragari. Cuius tamen ciuitatis ac regionis *ἐξωμίον*, si quis adornaret, non deesset aliunde larga virtutis laudisq̃ materia, vt tibi in primis notum esse certum habeo, qui vt Hispanorum procerum opibus & auctoritate primus es, aut certè nulli secundus, sic omnibus nostris non dico proceribus, sed hominibus historiarum nostræ gentis notitia & vetustatis, vt equidem mihi persuasi, cognitione præstas. Nam de cætera tua prudentia & singulari humanitate, & in omni genere virtutis præstantia non est huius loci commemorare. Vale. Val-  
dolito, Idibus Iul. Anno 1545.

## ARGVMENTVM.

*Laudat Alphonsum Guaiardum, illumq̃ inter alia negocia versantem, ad studia literarum excitat.*

I. Genesius Sepulveda Alfonso Guajardo.

S. P. D.

EPISTOL.



## EPISTOLA LIIII.

**A**ccepi literas tuas plenas beneuolentiæ & humanitatis, quod enim me ijs laudibus oneras, quas ego nec agnosco, nec postulo, quid aliud quam indulges veteri nostræ amicitiae & mutuo amori, qui solet interdum homines in amicorum causa ad errorem inducere, ut quæ parua humiliaque sunt, magna putent & sublimia. Quod verò peracre ingenium tuum & non vulgarem literarum Latinarum eruditionem, quæ certè vicit opinionem meam, tantoperè extenuas, prætefers egregiam quandam humanitatem & moderationem, quæ omnia, quanquam mihi erant iam pridem cognita & perspecta, tamen hoc nouum documentum persuaue perque optatum fuit. Illud quoque gratissimum, quod te licet negotijs familiaribus iam pridem implicitum, non tamen ab studio literarum abhorreere animaduerti, & ijs potissimum, quæ ingenuo ac libero homine dignissima sunt, animum oblectare. Perge igitur, & ut instituisti, studia intermissa reuoca, & diligenter cole. Nam mihi crede, magnitudine ingenij tui per curam & laborem vel mediocrem quicquid voles consequeris. Vale, & me, quod mutuo facis, ama.

## ARGVMENTVM.

*Alphonso Guaiardo, cum pro ratione anni, locorum mutationem, liberamque peregrinandi licentiam, Genesis inuideret, varia peregrinantium incommoda transcribit, eiusque vitæ statum in matrimonio, suo in cælibatu multas ob causas anteposit.*

I. Genesis Sepulveda Alfonso  
Guajardo suo.

S. P. D.

## EPISTOLA LV.

**I**NVIDERE tibi scribis viuendi libertatem, qui nulli loco addictus, nulla nec vxoris, nec liberorum cura sollicitante regiam aulam in Carpetania, & frigidiorē etiam nunc Vaccæorum regione magna ex parte commorantem, pro iniuncto mihi munere æstate sequar, frigoribus autem appetentibus patriam repetam, meque in Bæturiam commodissimam hybernis regionem conijciam, nullam nec locorum commoditatem, nec studiorum occasionem prætermittens more Gruum & cæterarum auium, quæ locorum opportunitates annua migratione consecretantur. Quod igitur sedes pro temporum anni ratione & vicissitudine mutaret & in diuersas plagas migrare utilem quandam iucunditatem afferre putas, facilè tibi assentior: valet enim non

Bb 3

solum



solum ad incommoda, & iniurias frigoris & caloris vitandas, sed non  
 nihil etiam ad valetudinem tuendam. Veruntamen si vitam hanc irre-  
 quietam & laboriosam ob eam causam, eorum otio, qui se domi cū suis  
 continent. & raro molestias variaq; peregrinationis incommoda expe-  
 riuntur, preferendā censēs, vehementer erras, præsertim in ætate ingra-  
 uescente, & senectute, quæ laborem, quo gaudet interdum firmior ætas,  
 imbecillitate refugit, quietem amat captatq; *ad focum si frigus erit, si mes-  
 sis in umbra*, ut ait Poëta. Quod si nobis datum esset, quod volucris. quas  
 memoras, natura tribuit, ut breui tempore, paruo labore, nulla impesa  
 longa spatia volando transmitteremus, & confecto itinere gratuita  
 cibaria, & domus ad diuersandum sine molestia contingeret, haud e-  
 quidem erat, quod magnoperè huiusmodi peregrinationem recusa-  
 remus. Nunc magno labore, & impendio iter faciendum nobis est, &  
 cum peruentum fuerit, frumentum, & iumentorum pabulum, quod  
 quieti solent in annum recondere, magnis impensis in diem quæritan-  
 dum, & quod omnes labores, molestiasque vincit, hospitium, ut iam si-  
 ne pretio propter regie familie priuilegium contingat, multis preci-  
 bus à metatoribus poscendum, conuiuijs efflagitandum, ad summam,  
 ferè non nisi post diuturnam pugnam vel extorquendum, vel impetrā-  
 dum. Alia ratio est, si pretio hic labor redimatur, quam conditionem  
 libenter equidem tantis molestijs & indignitatibus anteferrem, si res  
 simpliciter ageretur, nec munus timore legitimæ poenæ recusantium  
 simulatio, & versutia artificio quodam esset & occultis precibus expu-  
 gnanda, quod ipsū, nec molestia vacat, nec indignitate. Quib. malis atq;  
 molestijs sæpe hospitum ipsorum querimoniæ, iurgia, & nonnullorū li-  
 res etiam accedunt. Quod autem de vxore & liberorum, famulorūq; cu-  
 ra memoras, fateor in his non nihil esse impedimenti auctore Paulo  
 ad Christianè & Apostolicè philosophandum, sed crede mihi, cle-  
 ricorum vita non quidem eorum, qui viuunt in diem, sed quibus pars  
 Ecclesiasticarum facultatum ad se, & familiam pro suæ cuiusque  
 dignitatis gradu honestè alendum, & pauperum indigentiam,  
 quatenus res patitur, subleuandum commissa est, multò maioribus mo-  
 lestijs, quam vestra profanorum implicatur. Vos enim vxor & filij  
 piè sancteque colunt, & venerantur, in vos ut in omnium bo-  
 norum suorum secundum Deum auctores intuentur, vestræ dignita-  
 tis primam rationem ducunt, vestris commodis, ut suis diligenter ser-  
 uiūt, in custodiā rei familiaris, ne ab exteris inuadatur, excubantes. Nos  
 in famulorum, ministrorumque potestate sumus, in quos (paucis exce-  
 ptis, si quis fortè syncerè amicus, fidelisq; seruus Dei munere contin-  
 gat) maximè conuenit illud euangelicum, *inimici hominis domestici eius*, qui  
 furandi, diripiendi, fraudandi omnes occasiones, quas apud vos vxoris  
 cuncta recondentis, habentisque in sua potestate, cura & diligentia tol-  
 lit, vi-



lit, vigilanter captant, ne desit facultas veneri, & gulæ, & item alex (his enim ferè se addixerunt) seruiendi: à quibus imperiosis dominis sæpe, ne domi præstò sint, néue, cū res postulat, nobis officium præstare possint, prohibentur: quæ quotidiana flagitia & indignitates quis animo ingenuo, & libero sine magna molestia, & cruciatu ferre valeat? Itaque expertis res fidem facit veteris fabellæ, qua traditur, quidam animi tranquillitatis amator, ne ministrorum molestias ferret, ad monachatum confugisse, in quadam videlicet frugum copia & annorum, qualis nunc est, vbertate. id enim bonum hoc, vt res docet, importat malū, non quidem suo, sed hominum sæpe bonitate rerum abutentium, vitio, vt infimi ordinis improborum arrogantia, & licentia, operarumque sine immoderata mercede laboris detrectatio existat: quod nescio an magis reip. noceat, quàm annonæ caritas, sit modò tolerabilis, quæ solet multorum auaram, & copia insolescentem pauperiem in officio continere. Sed longius me hac in parte indignatio, & duorum quorundam pedissequorum molesta recordatio prouexit, qui nuper ex hac *ἐὐεργεία*, & temporis conditione, cui me cessurum existimabant, arrogantia sumpta, cum ea libertate, ea laboris & curæ vacuitate, quam, vt opinor, nunquam antè ausi fuerant optare, apud nos in hoc Putalbano secessu abuterentur, leuissima & æquissima iussa detrectantes, iubendi leges mihi imponere tentarunt, quam ipse impudentiam non ferendam ratus, statim eos missos feci, longiusque facefcere iussi, vel meram solitudinem talium ministrorum frequentia non grauati prælaturus, nec recusaturus, si res poscat, quo minùs *τῇ αὐταρχείᾳ* facilitateque naturæ utar, quæ natura ipsa sibi sufficit, paruoque & parabili non in victu solùm, sed etiam in reliquo vitæ cultu contenta est, illius philosophi documento, qui cum ex omni patrimonio & instrumento, poculum modò vt necessarium sibi reseruasset, animaduertens homini cuidam rustico ex fonte haurienti cauam manum cyathi vicem expleuisse, ipsum quoque poculum vt superuacaneum abijciendum existimauit. Vale pridie nonas Octobris. 1552.

## ARGUMENTVM.

*Laudat argutum & elegans, eiusdem Guaiardi ingenium, eumq; monet, vt cautim agat se suo dialogo aliorum in se animos concitet.*

Genesius Sepulueda Alfonso  
Guajardo.

S. P. D.

EPISTOLA LVL

GRATIS.



**G**RATISSIMA mihi fuit epistola tua plena beneuolentiæ & humanitatis: iucundissimus dialogus, in quo libenter ingenium tuum agnoui argutum, & elegans, & tibi sum vehementer gratulatus, quod tantoperè cum musis in gratiam redieris. Quo si te Enquiniæ nostri compulit æmulatio, est quod illi gratiam etiam atque etiam habeas, quod te tam vtiliter ad certamen literarium prouocauerit, quem si tuum dialogum elegantem, acutum, & ingeniosum perlegit, ut perlegisse probabile est, suspicor hac in parte desperata victoria, ad coelestia theoremata confugisse, ut te, quem eloquentia æquare non potest, fulgetrorum, tonitruumque denuntiatione, atque minis oppugnet. Tu verò, si te bene noui, ne pluuiam quidem extimesces ab eo, qui sapè largos imbres minatus vix potuit tenues, & infœcundas nubes obstentare. Cæterum tu vide, ne quum hunc aduersarium submoueris non admodum pertinacem, alios prouoces, cum quibus tibi sit longè difficilior concertatio. An ignoras, quos aduersarios irriter, qui monachorum in se quacunque ratione concitat inuidiam? Præsertim si quis refricet ea vulnera, vnde bellum exarsit in Erasimum, quem eo nomine nonnulli capitaliter oderunt, nec desinunt manes eius tanquam impios omnibus conuijs & execrationibus lacerare. Lude igitur, sed ita, ne ludus emanet extra domesticos parietes, sed intra familiariū cōsuetudinem contineatur. Vale. Ex Madritio.

## ARGUMENTVM.

*Excusat se de longo literarum intervallo, & Alphonsum Guaiardum laudat, de eius in se propensa voluntate, mittitque cum epistola, carmen, quod luserat in aduentu Maxiliani Archiducis Valdolitum.*

## I. Genesius Sepulveda Alfonso Guajardo.

S. P. D.

## EPISTOLA LVII.

**Q**UOD ad tuas literas tam longo intervallo respondeam, non obliuione tui factum est, aut aliqua mea negligentia. Quis est enim me magis vel amicorum memor, vel impiger in scribendo? Sed tot impedimenta, tantæque curæ, & hæ magna ex parte molestæ superiore æstate meum animum occuparunt, ut his officijs, quæ vacuum & hilarem animum desiderant, satisfaciendi locum non relinquerent. Nunc quando in hunc optatissimum secessum reuersus, me magna ex parte molestijs exolui, respondebo epistolæ tuæ non solum officij gratia, sed etiam ut qua ratione datur, tantisper colloquio tuo & iucundissima consuetudine fruam. Quod ergo mihi per literas de literarij certaminis victoria gratularis, agnosco tuam in me voluntatem & propensum animum,

qui



qui de victoria sperata quasi parta gratularis, quanquam si victoria est meliorem causam in iudicio tueri, vicimus. Sed quid facias turbulentis, importunis, ac inuidis hominibus, qui suam & amicorum libidinem iustitiæ ac veritati pertinaciter præferunt? & hoc demum laudem esse ducunt alienis inuentis obstrepere, & laudibus obtrectare? Sed hæc commodius, & pluribus coram nec ita multo post, ut spero. De veteribus sodalibus perpaucos reperi Compluti, plurimos longitudo temporis absumpserat. Caterum vereor ne partium, quæ post meum in Italiam discessum leuitate quorundam extiterant, & vigent etiam nunc, studium innocenti mihi nocuerit. Castillus noster valet, sed iam pristino magistratu abiit, & pro aulico prætore factus est regius consiliarius. Maximilianum patruelem Philippo nostro in regni procuracionem successisse nosti. Carmen, quod in eius aduentu lusi, ad te cum his literis mitto, ne te lateat me cum Musis mansuetioribus in gratiam rediisse. Vale ex meis hybernis Putalbanis, pridie Calend. Nouembris.

1548.

In Maximilianum Archiducem Austriæ, quo Valdo-  
litum ingresso, mox imber optatissimus  
flante Aquilone decedit, Epi-  
gramma Genesij Se-  
puluedæ.

**T**ERRA dehiscibat sitiens, fontesq; perennes  
Aruerant: mæror cuncta premebat iners.

Te veniente redit facies latissima rerum,  
Imber & optatus flante Aquilone cadit.

Arridensq; tibi vires natura remittit,  
Et pluuias infert, quo prohibere solet.

Ergo tuus faustum Boreas dulcissime Princeps  
Aduentum signat, cunctaq; lata fore.

Vnde venit Boreas, hac te regione profectum  
Excipimus lati, tempora lata dabis.

Longaq; felici per ages cum coniuge felix  
Tempora, sed socero cum seniore senex.

Sospite Philippo, quo discedente feremus  
Mærorem grauius, te remanente minus.

ARGV.

Cc



*Apud eundem Guajardum se excusat, quod ruri delitescat, eum ob solitudinem musis amicam, tum ob vrbis patrie quotidiana flagitia.*

I. Genesius Sepulveda Alphonso Guajardo.

S. P. D.

EPISTOLA LVIII.

**M**iraris accusasq; per epistolam consilium meum, quod in vico, aut etiam ruri malim, quam in vrbe, & commodissimis meis edibus hybernare, & solitudinem praeferam magnae hominū frequentiae. Quid si scires me in hac ipsa infrequentia excursus ad vicinam villam, & item ad proximas sylvas, saepe colloquiorum non contemnendorum occasionibus, quum animus est à feuerioribus studijs remittendus, anteferre? Quod me igitur ut rhetoricè ac ingeniosè, sic amicè in vrbem vocas, facile ac libentissimè tuum & acre ingenium & in me propensum animum agnosco, est tamen quo me possim aduersus accusationem tuam, quae plus habet beneuolentiae, quam equitatis, tueri. Non enim Scipioni solum, ut arbitror, datum fuit id, quod à multis memoratur, ut nūquam minùs solus esset, quam quum solus. Idem omnibus, qui rectè, nec inuiti philosophantur, contingit. Quomodo enim solus esse potest, qui cum viris optimis & sapientibus, quorum scripta lectitat, quotidie colloquitur? Quod igitur ad me attinet, qui nulla re magis, quam studio literarum oblector, equidem in hac, quae cum vrbe collata solitudo tibi esse videtur, tamè cum Hieronymo, Ambrosio, Augustino, & cæteris Christianae religionis magistris: item cum Aristotele & Platone, adde etiam Ciceronem & cæteros Philosophos & Oratores, quorū libros partitis temporibus lectito, viuere mihi videor. Non semper (inquis) est cum mortuis colloquendum, nec viuorum consuetudo more Timonis *μὴ ἀνδρῶν* fugienda, fateor, sed cum aetatem in Principis aula, & magna nobilissimorum virorum frequentia transegerim, mihi annua consuetudine ad Cordubensia hyberna redeunti, pergratus est non sine causa temporis accommodatissimus Petrochientis, Putalbanusque secessus. Age verò quid est hoc tempore, quod me magis possit in vrbe delectare? an magnificarum aedium incendia spectare? an nocturna latrocinia, quae ut mare piratica solet, sic ipsa nuper, ut audio Cordubam infestam reddiderāt, sollicitè cauere? an sacerdotum meiq; ordinis hominum intestinas discordias, quae paucorum inhumana crudelitate & peruicacia plusquam hostiliter cum magna infamia totius ciuitatis exercentur, videre? Quas indignitates ne audire quidem sine maximo dolore possum. Hæc cum ita sint, teneor tamen vrbis patrie desi-



desiderio, nec me tam deterret quorundam importunitas, quàm allicit tua cæterorumq; tui similium ciuium & amicorum virtus & humanitas. Itaque propediem domum redire cogito, me igitur quum se primū frigora remiserint, id est, circa Idus Ianuarias expectabis, tu interim vale, & me quod mutuò facis, ama. 4. Calend. Ianuar.

## ARGUMENTVM.

*Alphonsus Guaiardus Io. Genesio Sepuluedæ narrat agri sui delicias, & sub finem vici & aulicæ incommoda recenjet.*

## Alf. Guajar. I. Genesio Sepuluedæ

S. P. D.

## EPISTOLA LIX.

**C**VM mihi in mentem venit te toties hyberna tua Petrochientia meritò magni facere, quod rigidum brumæ tempus varijs loci cōmoditatibus possis superare, ager meus veris amœnitate decoratus, bellus mihi interdum visus est, & certè dignus, quem mihi inuidere incipias, qui nulli inuidere consueuisti, atque eò magis, quòd patria profugus aulam sequeris, quo tempore pecus omne sub vlmo est, & coquit insana canicula messes. Ager itaque noster octo ferme passuum millibus ab vrbe distat, vico proximus, ac potiùs contiguus, quo domus est non prorsus contemnenda, sed quæ dominum valeat honestare. Hæc egressus animi gratia mollibus passibus agrum meum inuisere soleo, bone Deus quot delicijs affluētē, placidus in primis est soli planicie miroq; situ gratissimus, qua itur breuiuscula via floribus scatet, varijsque eorum coloribus, quasi penicillo depicta est, hæc me venientem latissimus auicularum coetus festiuissimè excipit, ac multilouis vocibus, cantusque suauissima modulatione salutat. Ingredior tandem limites meos oculos circumquaque diuertens. Nunc me violæ, nunc lilia detinent, sed rosarum fragrantia spiritus reficit, & aura temperatissima præcordijs arridet. progredior passim singula lustrans, hîc satas arbores placida iuuentute crescentes longiuscula quadam tarditate contemplor, hîc pullulantium fructuum varia fertilitate recreor; illic me nouellæ vites vuarum pendentibus botris, nec inuitum remorantur, tum nouellas moros ramis, & foliorum viriditate formosas miratus vix gressum moueo, qua me vi singula ad se trahunt. Cæterum vbi ad aquarum riuulos perennemq; fontem, ex quo deriuantur, accedo, & ζῆν & θεός quàm mihi beatus videor, confideo tantisper, & lotis manibus faciem etiam lauo, dum me aquarum impetus leni iulurro demulcet, denique villicum meum cuncta immisis aquis irrigantem placido sermone saluto, nunc hæc, nunc illa, familiariter rogans, sole verò altius ascendente sub opaca ficu, aut pa-



tula moro à proxima domo mihi prandium ministratur: adfistit famulus, & remota mensa, pallioq; herbis imposito tantillum incubans mebris indulgeo, & placidum somnum lætus expectare incipio. Videas interdum aquarū murmure, ramorumq; motu concitatas auiculas varijs clamoribus modulantes, & raucos turtures querula simplicitate languentes, sed inter oēs Philomela est, quæ sopito mihi mollius gratissima voce blanditur. Venit tandem optatus somnus, qui tacito sopore artus reficit, etiā humanæ necessitati succurrit, quo citius expergefactus, graues oculos lenta caligine studeo liberare, & Ciceronem nostrū frequentius, sed interdum Liuium, aut Curtium intētus lectito, dum solis æstus deferuet, quo in occasum declināte, relicta lectione, iterum atq; iterum vniuersa cōtemplor, & noctis crepusculo me domum recipio. Age tu, qui aulicus es, & cui præ cæteris Cæsaris negotia magis curæ sunt, quiq; ipso Cæsaris colloquio interdum vteris, & tanti Principis gratia propria virtute dignus haberis, & prædicaris, tetrica illa magnatum supercilia, superbasq; familias & elatas, quasq; postulant adorationes, ruri meo præferenda censebis? nōne illa putida sunt, & libero homine prorsus indigna? Quid referam labores, sollicitudines, molestias, sumptus, incommoda, (& quod grauioris iacturæ est) seruā libertatem, quæ omnia cæca nescio qua expectatione delusi patiuntur aulici, grande aliquid egisse putantes, si Cæsarem importunissimè secuti, miseram & ignobilem seruitutem ingenuæ libertati prætulisse videantur. Tu verò (si te bene noui) vnicum seruitutis osorem tristitia hæc omnia & omnino misera, sat scio, molestissimè sustines, sed tui officij memor, vel sufferre cogeris, vel dissimulare contendis, mihi verò fallaci fortunæ prorsus diffidenti, & vtriusque vitæ non ignaro longè diuersus est animus. Cum Aglao Arcade tutius sentiendū existimo, quem Gygi Lydiæ Regi iure prætulit consultus Apollo. Vale pridie Calen. Maias.

## ARGVMENTVM.

*Gratulatur Alphonso Guaiardo Genesius, quod feliciter Oscam peruenierit, hortaturq; ut ciuitatis expectationi de ipso conceptæ, satisfaciatur, rei q; lenè administrandæ modum laue deducit.*

## I. Genesius Sepulveda Alf. Guaiardo.

S. P. D.

## EPISTOLA LX.

**P**ergratum mihi est quod scribis Oscam te, quo anni per se suspecti alieno tempore profectus fueras, incolumem peruenisse, & magnam cum ciuitatis gratulatione tuum aduentum equestribus ludis fuisse ce-



se celebratum, optima scilicet spe publicè concepta, fore ut te præside & correctore, bonis otio & pace frui, suumq; negotium agere, improborum iniurijs non interpellantibus liceat, quam spem non solum antecedens tuarum virtutum fama, sed etiam præsentis corporis dignitas dedisse videri potest. Nā corporis dignitas quæ sine proceritate, ut philosophus testatur, non contingit, spem animi pulchritudinis, quæ virtutibus constat, plerumque solet inijcere. Quæ tibi maior est adhibenda cura, ut quam expectationem tui fecisti, hanc non inodò sustineas, sed etiam vincas, & officio satisfacias. Quod ita demū fiet, primū si te in adeundo facilem præbueris, nec tamen nimia provincialium familiaritate contemni patiaris. Deinde si Ciceronem auctorem adhibueris, sic in libro primo officiorum differentem, *caput est in omni procuratore negotij, & muneris publici, ut auaritiæ pellatur etiam minima suspicio* & paulo post, *nullum, inquit, vitium est tetrus, quàm auaritia. præsertim in principibus, & reip. gubernantibus* tum si probis hominibus affabilem te, & humanum præbueris, sceleratis autem, & flagitiosis formidabilem. ut exemplo præceptum Pauli comprobēs, qui ad Corinthios scribens, *Vis, inquit, non timere potestatem? fac bonum, & habebis laudem ab illa si autem malum facis, time, nō enim sine causa gladium portat.* Nec verò hoc dico, ut aduersus eos, quos improbos putes, ex candescas. Hoc enim non est constantis & recti iudicis, non magis, quàm precibus calamitosorum illacrymari, ut Callistratus Iurecōsultus prudentissimè tradidit, sed ut bonos pro virtute collaudes, facinoris convictis, aut etiam confessis gratiam criminis ne facias. In hos enim misericordem esse, quid aliud est, quàm in bonos læuire, & Reipub. nocere? cuius interest ne crimina maneant impunita, & violare leges, quibus salus Reipub. continetur, easdemq; suo fine fraudare. Leges enim Iudoro auctore factæ sunt, ut earum metu humana coerceatur audacia, cutaq; sit inter improbos innocentia, & in ipsis improbis formidato supplicio refrænatur audacia & nocendi facultas. Quo magnus quorundā & legib. ac Reip. religioniq; inimicus error conuincitur, qui humanitatis & pietatis officium esse putant pro improbis & sceleratis hominibus supplices esse prætoribus, non animaduertentes fontium impunitatem innocentium esse perniciem. Neq; verò te nolo propensiores esse ad absolvendum, quam ad condemnandum in causa dubia, præferim eorum, qui non fraude ex insidijsue aut consuetudine, sed impetu quodam, & perturbatione animi deliquerunt. Nam minore vel culpa, vel infamia fontem absolueris, quam innocentem condemnaueris, & sic animatum esse nec scientem & volentem à iustitia & æquitate, quæ semper est sūmo iuri præferenda, discedere, boni viri est, boniq; prætoris. Eadē est enim vtriusq; virtus. Nam Reipub. præsentem metu potentiorū animiue mollitia, vel amicorū ambitiosis precibus culpas poenasq; remittere, aut causæ cognitionē in longum ducere, aut etiā



successori tradere, legesq; violari conniuentem pati, qui boni viri esse dicunt, boni præsidis præfectiq; negant, hi magno in errore, & Reipub. perniciosissimo imprudentissimè versantur. Nam qui munus suæ fidei publicè commissum negligit, inutiliterue, & cum magno Reipu. detrimento gerit, hunc ego nō bonum virum, sed ignaum, inertem, & datæ fidei iurisq; iurandi violatorem, & in bonos & innocentes, ipsamque Remp. iniuriosum esse dico. Hæc ad te scripsi, non tui docendi causa, cui ea domi nascuntur, sed vt rebus his commemorandis, quarum recordatio nec inutilis tibi sit, nec iniucunda, te tua spontè incitatum, ad laudē & officium cohortarer. Vale.

## ARGVMENTVM.

*Ludico Caruajali Franciscanorum ad Baticam prouinciali, ipsius Cordubam aduentum sibi gratum esse scribit, simulque noua, quæ pro anni tempore, ruri accidebant transcribit, cupiens ab eodem certior fieri quid rerum nouarum agatur foris.*

I. Genesius Sepulveda Lud. Caruajali Franciscanorum Monachorum ad Baticam præfecto Prouinciali

S. P. D.

## EPISTOLA LXI.

**P**ER GRATVM mihi est, te Cordubam hoc animo rediuisse, vt diutius apud nos, quàm superiore anno sis commoraturus. Illud miror, quid tibi in mentem venerit, ad me in prædio meo Mariano otij studiorumq; gratia rusticantem mittere, & per literas nunciosque monachos petere, vt te de rebus nouis certiolem faciam. Quid enim noui esse potest rebus quietis in montibus & conuallibus? stirpibus exceptis, quæ à terra feracissima nouo germine procreantur? Nisi forte scire vis, iam Turdos, qui hanc regionem, cui nomen dederunt, hyeme complere solent, cibo deficiente demigrasse, quippe vnedonis, oleastri, lentisci, & myrti spontè passimque in saltu Cordubensi prouentium fruticum baccis, quarum iam tempestiuitas effluxit, pascuntur. Et apes, quæ bruma conduntur, & perpetua multorum dierum quiete delitescunt, iam tempore inuitante, thymoq; & rore marino, & cæterorum generum herbis florentibus nouam foeturam vrgentes pabulum prodire; quarum solertiam curamq; Reipub. cui partita officia cupidissimè ac mirabiliter impendunt, & cætera magna miracula, quæ in paruo insecto Aristoteles cæterique rei rusticæ auctores persequuntur contemplari me magnoperè delectat. Nam hoc quoq; iucundissimum spectaculum, & hanc philosophandi occasionem nobis nostrum Mariam suppeditat. Cuius Citrei variij generis, cæterasque frugiferas arbores



borea superioribus diebus excoluimus, vites putauimus, ablaqueauimus, atque mergis propagauimus, fruticibus extirpatis multa mitiorum arborum semina radicata suffecimus. Hæ igitur res nouæ sunt apud nos quibus de studio fessus animum soleo magna iucunditate relaxare, & item noua villa, quam æstate superiore, vt tecto commodiore uteremur, ædificandam curauimus. Quid Carolus Cæsar, quid frater Fernandus agat, quid Henricus Gallorum Rex, qui Mediolanensibus furijs exagitatus non potest quiescere, moliatur, iam pridem ignoro, nec equidem scire, si saluo officio id facere possem, magnoperè curarem. Nuper amicorum literis certior factus sum, Carolum ex Germania Inspruchum venisse, vt à bello Parmensi, & Tridentino concilio propius abesset, Fernandum Transyluaniam Pannoniæ interioris regionem, Georgio Monacho auctore, inuitissimis Turcis recepisse. Vale. Postridie Id. Feb. An. Christi 1552.

## ARGUMENTVM.

*Premissa officiorum suorum commendatione, Manrico Laræ duci Naiarensi, de splendida Barcinonensi cœna, à Petro Fer. Velasco instructa, habitisque in ea sermonibus narrat.*

## I. Genesius Sepulveda Manrico Laræ Duci Naiarensi.

S. P. D.

## EPISTOLA LXII.

**V**olebam te Dux clarissime per epistolam longiore scilicet intervallo salutare, ne parum hoc in genere officiosus cliens esse viderer in maximum & optimè de me meritum patronum, sed cum nihil esset quod scriberem, nisi me tuarum laudum esse studiosissimū, & tuorum in me magnorum meritorum semper memorem fore, mihi venit in mentem cœnæ illius Barcinonensis, ad quam Petrus Fernandus Velascus Castellæ Comestabilis te fratremque Io. Manricum, & Fernandum Raimundum Cardonæ Ducem, & item Cortensem Marchionem, quatuor viros Principes vocauerat, qui ad Carolum Cæsarem regem nostrum post Gallos à Perpignani obsidione nostrorum virtute depulso conueneratis: vnde argumentum epistolę nasci posse existimaui, tibi nec ingratum, nec iniucundum. Nam mihi cœna digna visa est, quę non minùs, quam Platonium illud conuiuium, si qua facultas esset, celebraretur. De qua & habitis in ea sermonibus non Aristodemum aliquem referentem, vt Apollodorus apud Platonem, audiui, sed ipse interfui, vt nosti. Nam me quoque Velascus idem pro singulari sua humanitate



manitate adesse, & vobis pro vestra in doctrinarum studiosos indulgentia non indignantibus, iussit *mensis accumbere diuini*. vt verbis vtar poetæ. Quod conuiuium à veterum Romanorum, & Atheniensium, laudata consuetudine non abhoruisse, testis est Marcus Varro, qui de ipsa consuetudine memorans, aptum conuiuarum numerum definit, vt à gratijs profectus mularum multitudinem non excedat, id est, vt nec pauciores sint, quàm tres, nec plures, quàm nouem, ne conuiuium sit vel paucitate & silentio subtriste, vel multitudine & strepitu turbulentum, quorum numerorum coena illa Barcinonensis medium tenuit. Nā quinque sine me accumbebatis, nec muti, nec loquaces, quales idē Varro conuiuias esse oportere tradit, qui conuiuium ita demum suis omnibus numeris absolutum fore docet, vt Gellius refert, *si belli homunculi collecti sint, si lectus locus, si tempus lectum si apparatus non neglectus*, quarum rerum nihil, vt opinor, absuit conuiuium vestro, nisi quod non belli homunculi conuenistis, sed magni viri, & proceres opulenti, multisq; populis imperitantes, grauissimi quidem, sed morum suauitate, & sermonis lepore iucundi, & quod apparatus modum excessisse videri poterat, nisi mensæ fuissent tantis principibus instructæ. Nec mirum, nam vestre, id est procerum Hispaniæ quotidianæ quoque mensæ, & familiaria conuiuià eò luxus processere, vt non iniuria à frugi, & antiquarijs hominibus improbari videantur, utpote longè à veterum parsimonia degenerantes. Nam maiores nostri necessario, aut paulò etiam liberaliore victu & cultu contenti, Lacedæmoniorum frugalissimæ nationis morem æmulari, & tenuiorum amicorum, non gulæ exquisitis dapibus indulgere, sed inopiam rebus necessarijs suggerendis subleuare, id demum procerum officium, & egregiam laudem existimabant. Nam illa erat communis Hispanorum laus, auctore Trogo, quod eis essent corpora ad inediam laboremque, animi ad mortem parati, duraque omnibus, & stricta parsimonia. Nostra verò ætas, externorum, vt opinor, consuetudine, & peregrinis moribus deprauata, accedente diuturnæ ad Hispaniam Caroli Imperatoris Regisque nostri beneficio pacis licentia, tantoperè in diuersum deflexit, vt principum virorum mensæ, pro Lacedæmonica parsimonia Syracusanum luxum graui Platonis censura notatū imitentur. Sed redeo ad cenam Barcinonensem, in qua me sermones habitī de administranda rep. in primis delectarunt: quibus initium, occasionemque mentio dedit, nescio quo pacto, de seditionibus popularibus exorta, ad quas seditiones compescendas Velasco eodem belli summam obtinente, ipse puer à patre cum manu militari missus, magna generosæ indolis documenta præstitisti, sed in ea disputatione cum multa libenter audirem, illud non perinde placebat, quod tu, dum in statū reip. popularem vehementius inuehereris, in paucorum potentiam, quæ parum abest à tyrannide, inclinare videbaris. Quanquā non dubito,



bito, quin ea à te non ex animi sententia, sed disceptandi gratia, & in-  
dium reipub. popularis dicta sint, & harum trium reip. depravationum  
nullam non damnes, ex tribus rectis regiam, ut plerique omnes sapien-  
tes, maximè probes, qui regibus nostris pace belloque tam non graua-  
tè, tamque libenter operam, & industriam, studium que more maiorum  
tuorum nauare soles. Sed ea contemplatio ex omnibus gratissima mihi  
fuit, quod primæ classis Hispaniæ procures opibus, auctoritate, & cli-  
entelis præpotentes, magnarum olim, & hostiliter dissidentium factio-  
num principes omni similitudine deposita, mutua consuetudine frequen-  
ter frui, multum simul esse, simul epulari (quod sæpe antè animaduerte-  
ram) gauderetis. Quo nomine tacitus Hispaniæ, seculoque nostro ve-  
hementer gratulabar, & Carolo Cæsari regi nostro tantæ felicitatis  
pro sua iustitia, & animi magnitudine auctori apud animum meum in-  
gentes gratias agebam. Vale.

## IOANNIS GENESII

SEPULVEDAE CORDV-

BENSIS EPSTO-

LARVM

LIBER V.

ARGVMENTVM.

*Ad Martinum Oliuanum Inquisitorem Apostolicum scribit, pergratum sibi fuisse com-  
mentarium eius, de fraterna correptione, paucisque disputat, de puniendis hæreticis as-  
culis.*

I. Genesius Sepulveda M. Oliuano Inquisitori  
Apostolico.

S. P. D.

EPISTOLA LXIII.



COMMENTARIVM de fraterna corre-  
ptione, quod mihi redditum est cum tuis huma-  
nissimis literis, libentissimè perlegi, pergra-  
tumque fuit in eo magnum ingenium tuum, &  
singularem eruditionem, copiam, & facultatem  
agnoscere. Nam multa mihi visa sunt à te, & sub-  
tiliter ex media iuris vtriusque doctrina depro-  
ta, & prudenter disputata, ut accuratiùs nequi-  
uerit locus de ratione hæresis occultæ, de quæ i-  
psius denunciatione tractari, quem ego ex industria vobis, qui officio,

Dd

quod



quod vt est, sic sanctum nupatur, præfati estis, dijudicandum in meo Theophilo reliqui. In quo mihi propositum fuit de morum magis peccatis, quam de mentis erroribus, quas hæreses appellamus, vt ad te nuper scripseram, differere. Sed quauis tua mihi sententia in primis probetur, nec possim, aut debeam à vestro grauissimo decreto dissentire, quædam tamen inter legendum mihi venerunt in mentem, quæ si libellum edere cogitas, non erit fortassis ab re, paulò latius explicare, vt nò solum æquis hominibus, sed contentiosis etiam satisfacias. Quibus de rebus cum Cordubam rediero, quod propediem facere cogitabam, coram, nisi tibi molestum fuerit, commodius differemus. Nam quòd ais hæreticos etiam occultissimos esse iure excommunicatos, tibi etiam atque etiam assentio, nec probari mihi vnquam potuit illa mentis duntaxat assensus, & actus exterioris quamlibet arcani, à iunioribus induta distinctio, sed semper est visa commentitia (Caiet. 22. q. 11. art. 3 & 4.) nec dubito quin in foro conscientie ecclesia militans iurisdictionem habeat in crimina etiam occultissima. Sacerdos enim, qui pars est ecclesie, & eiusdem Dei que administer, in confessione sacra de mentis quoque cogitationibus inquirat, & poenas imponit, & si quis occultissime clericum percusserit, iure ecclesie excommunicatus est (c. non dubium. de sentent. excom.) eodemque modo, si quis vel sola cogitatione mentis & assensu, qui per se valet absolutum hæreticum reddere, fiat hæreticus (c. excommunicamus. de hæreti.) cum Ecclesie non magis hoc incognitum, occultumque sit, quam illud, & vtrumque penitus ignoretur, sed in foro exteriori Ecclesia ius non habet nominatim in quemquam inquirendi, aut puniendi morum peccata penitus occulta, etiam si fuerint opere patrata, nec qui propter tale crimen fuerit excommunicatus, hunc habet Ecclesia in foro exteriori pro excommunicato, nec iudex conscius posset ipsum, aut deberet palam prohibere sacris (glos. c. multorum. §. verum. de hæreti. in Clem.) Cæterum de crimine hæresis vtrum aliter sit statuendum, nihil definio, sed integram causam vobis, quorum officium hoc magis attingit, vestroque iudicio relinquo, quos huius generis quæstiones cunctas diligenter excussas, & pie sacrisque legibus conuenienter constitutis, ac dijudicatis habere conuenit. Vale. Toletò, postridie idus Decembris. An. 1538.

## ARGVMENTVM.

*Eidem Oliuano, locum Catonis, & C. Marii quo videntur literas græcas continere, explicat, easque contra obstrictatores defendit.*

Io. Genesius Sepulveda Mart. Oliuano Inquisitori  
Apostolico.

S. P. D.

EPISTO.



## EPISTOLA XLIV.

**S**CRIBIS ad me, petisque Oliuane doctissime, quidnam causæ fu-  
sisse putem, cur M. Cato, qui vir optimus habitus est, & omni ciuili  
facultate præstantissimus, literas Græcastantoperè damnaret, vt  
de Græcis commemorans ad Marcum filium, illud multorum ore cele-  
bratum scribere non dubitaret, *Hoc puta Marce fili vatem dixisse, Quandocunq;  
ista gens suas literas dabit, omnia corrumpet.* Quod vaticinium non in veteres  
Romanos magis, quàm in nostræ memoriæ Germanos editum esse vide-  
ri tibi profiteris. Nam vt Romanis olim morum magnam corruptelam,  
sic nuper Germanis religionis labem insignem literarum Græcarum e-  
loquentiæque studium & scientiam attulisse, vt iure querela peruetusta  
nouis exemplis renouari posse videatur. His addis Caij Marij testimo-  
nium ex illa nobili oratione, qua est in optimates inuectus, vbi literas  
Græcas non obscurè vir magnus & suis virtutibus clarus contēnere at-  
que improbare visus est. Hæc est, vt arbitror, summa tuæ non sententiæ,  
sed quæstionis, nec enim adduci possum, te virum pergrauem, & præ-  
stante tum ingenio, tum etiam doctrina falsæ & iniustæ Catonis accu-  
sationi, vt huic parti primùm respondeam, suffragari: ne tamen miror  
eundem te cum multis viris eruditissimis tanti viri auctoritate com-  
moueri, & de facti causa dubitare. Sed crede mihi, periniqua est Ca-  
tonis literarum Græcarum criminatio, quæ non aliunde nata mihi esse  
videtur, quàm ex errore quodam & odio. Accidit enim nescio quo pa-  
cto tetricis hominibus, vt quos oderint propter vitia, in his etiam si qua  
probanda sunt, affectu impediti nō agnoscant, ac potius vitio vertant.  
Quod Catoni homini seuerissimo in hac causa vsu venisse certum ha-  
beo, qui cum Græcos propter insitam multis eorū leuitatē, vanitatemq;  
& alia vitia, quæ vulgò huic nationi tribuuntur, magnoperè, vt res ipsa  
docet, odisset ac improbaret, omnes eorū artes suspectas habebat, vitu-  
perandasq; putabat magno medicinæ argumento, quā facultatem neces-  
sariā & salutarem, cum in Græcis vel doctissimis cōdemnaret, eius tamē  
commentariū sese habere profitebatur, quo sibi, filio, seruis, & familia-  
ribus mederetur. Quod si quis Græcarum literarum ignarus (*sunt enim  
quidā, vt ait Hieronym⁹, qui optima quæque contemnere videri malunt, quàm disce-  
re*) Catonis testatam opinionem non errorem esse asserat, sed rectum iu-  
diciū, & ratione destitutus intanti viri authoritate satis esse pon-  
deris ad fidem faciendam contendat, possumus & nos eiusdem Cato-  
nis iudiciū, & multò quidem incorruptius opponere, qui cum vir  
probus esset, nec in errore pertinax, literas Græcas, quas iunior teme-  
rè damnauerat, senex prudentissimè didicit, dignasque putauit, in



quibus opera & tempus etiam à grauiſſimis viris poneretur. Quæ res multò plus ponderis habet ad Catoniani iudicij declarationem, non ſolùm propter prudentiorem ætatem, ſed etiam quia magnis Philoſophis auctoribus, ad cognoscendam proborum hominum de rebus bonis ac malis ſententiam, non tam dicta ipſorum ſpectare oportet, quam facta, ſi vita ſcilicet ab oratione aliqua in parte diſſentiat. At euenit Catonis vaticinium, nec priùs vitia Romanos penitus inuaſerunt, quæ Græcorum literæ, & artes in urbem reciperentur: fateor, ſed nec priùs, quàm hoſtibus longiſſimè ſubmotis, optatiſſima pace frueretur. Nam in bello & negotijs per parum loci relinquitur ſtudijs literarum, quæ pacis comites ſunt otijque ſociæ, vt pacem eodem modo condemnare liceat, ſine qua tamen ciuitatibus felicitas non contingit. Vt igitur pacis nulla culpa eſt, quòd quietis potiſſimum temporibus voluptati eiusque miniſtratricibus artibus ſeſe homines tradunt, ſic ea mala Romanis non literarum ſtudia, in quibus maximum eſt ad virtutes colendas præſidiũ, ſed prauitas hominum. libertate & otio turpiter abutentium inuexit. Nam in rerum difficultatibus, bellicisque laboribus atque periculis homines ferè incommoda calamitatesque patienter ferre, pericula ſubire, voluptatibus abſtinere coguntur, qua conſuetudine virtutes quædam ingenerantur, ſed pace reddita, & confirmata, vt iam mores, & ſtudia, non neceſſitas & timor, ſed conſilium, & voluntas moderetur, multi nullis honeſtatis adminiculis ſuppulentibus ſe inertię ac turpitudini per licentiam dedunt, pauci vel bonitate naturæ, quæ quosdam finxit ad honeſtatem & officia procliuioreſ, vel bonarum artium, quas ab ineunte ætate coluerunt, exercitatione ſubleuati, & ope ſummi Dei, qui rectè agere conantibus vires liberaliter ſubminiſtrat adiuti, virtutem libenter colunt, & via, quæ proxima eſt ad felicitatem, gradiuntur. Sed cùm vtrique hominum generi per bonas leges conſulendum ſit, & vtriuſque temporis habenda ratio, tamen vna eſt communis prouiſio ſapientium conſenſu, vt homines ab ineunte ætate honeſtis actionibus delectari conſueſcant. Sic enim natura comparatum eſt, quemadmodum non philoſophi ſolùm ſed rerum vſus declarat, vt homines, quibus vitam licet arbitratu ſuo traducere, magna ex parte in ijs rebus verſentur, quibus maximè gaudent. Sed intereſt, quòd boni rebus honeſtis, mali turpibus delectantur. Cæterùm cùm aliæ virtutes alij parti vitæ ſint aptiores, fortitudo, & laborum calamitatumque tolerantia, vt ijdem philoſophi docent, propriè negotijs atque bellis vtiliſſimæ ſunt, paci verò, & otio philoſophia, ytriuſque autem temporis communes iuſtitia, & temperantia, quæ tamen otium, & pacem agitantibus magis conducunt. Itaque philoſophiæ, & doctrinarum ſtudium, quas Cato in literis Græcis, quibus potiſſimum continentur, damnabat, tantum abeſt, vt probis moribus officiat, vt ſit præcipuum virtu-



virtutum in pace præsidium, & maximum ad bene beateque viuen-  
dum adiumentum, quod studium sapientium testimonio, vt pueris  
pro Archite crepitaculo est, sic viris optimis optima ratio fruendi o-  
tio, & vitam honestè, iucundè, ac liberaliter degendi, præse. tim philo-  
sophiæ impensum, quæ non solum est vitæ, morumque magistra, sed  
ingenerat etiam quendam virtutis, & rerum honestarum amorem in  
ijs quidem, qui rectè philosophantur, nec doctrinarum studio more so-  
phistarum ad quæstum, aut ostentationem abutuntur. Non enim quid  
virtus sit sciendi, sed rectè & ex virtute viuendi causa doctrina morum  
inuenta est. Itaque philosophia, quæ latissimè patet, & omnes libera-  
les doctrinas complectitur, animos hominum, qui semel vitijs, & pra-  
uis opinionibus extirpatis, paulò familiarius se per longam consuetu-  
dinem in eius amicitiam insinuarunt, ea dulcedine complet per opti-  
marum rerum scientiam, & contemplationem, vt facillè cæteras omnes  
voluptates contemnant. Quæ res si ad Deum referantur, & ex præceptis  
Christianæ philosophiæ administrentur, fiet, quod fieri non posse cui-  
piam fortasse videatur, vt sapiens tum in hoc seculo, tum in futuro vi-  
tam beatam cum maxima iucunditate degat, quam alij per huius vitæ  
calamitates, & supplicia post mortem duntaxat assequuntur. Nam mul-  
tis vijs, sed quarum vnus est exitus finisque Christus, ad æternam vitam  
peruenitur. hoc enim illud est, quod Paulus ait, *Vnusquisque proprium  
donum habet ex Deo, alius quidem sic, alius verò sic.* Scilicet quia virtus  
egregia in vtraque fortuna nitet, & viros præstantes non solum probis  
hominibus ad laudem, sed multò etiam magis Deo ad æternam felici-  
tatem commendat. Vt paucis igitur summam complectar, vitiorum ma-  
la, quæ per orium & securitatem ex prauitate hominum oriuntur, pa-  
ci, aut doctrinarum studijs accepta ferre, simile est, ac si quis felicibus  
annis, cum inutiles herbe, quibus vites, & reliquæ arbores sterilescunt,  
& iacta optima semina obruuntur, atque necantur, in agris malè cultis  
vberius proueniunt, agricolarum culpam in rusticarum rerum utilissi-  
mam & honestissimam artem, aut temporum felicitatem conferat. At-  
que hæc quidem ad Romanorum exemplum, quod quidam iniustæ Ca-  
tonis literarum Græcarum vituperationi suffragari putant. Venio ad  
Germanorum calamitates, & religionis corruptelam, quas si ab homi-  
nibus Græcarum literarum, & eloquentiæ studiosis inuectas esse con-  
tendis, nihil pugno: sed si ob eam rem eloquentiam, & Græcarum disci-  
plinarum notitiam vituperandas putas, quod eis interdum ad scelus  
prauis homines abutantur, vide ne iniustam, & periculosam iudicandi  
rationem inducas, qua liceat eodem modo non solum vires, & pulchri-  
tudinem, facultates, & gloriâ condemnare, sed & solertiam, & eos  
habitus, quos in viris probis prudentiam, & virtutes nuncupamus. Qui-



bus rebus, cum optima sint, & magna Dei munera, tamen prauī homines nonnunquam ad magnas iniurias abutuntur. Qua de re sic memorat Aristoteles philosophorum Princeps in libro primo de Repub. *Homo (inquit) ut perfectus siue probus omnium animalium est optimus, sic lege, iustitiaeque vacans, cunctorum pessimus habetur, perniciosissima est enim armata iniustitia, homo autem prudentia, & virtute armatus est, quibus uti potest in contraria.* Igitur eloquendi facultas, & Graecarum Latinarumque literarum scientia honestissimis facultatibus iure optimo annumerantur. Quibus Gregorius Nazianzenus, Ioannes Chrysostomus, Basilus ex Graecis, ex nostris Gregorius, Hieronymus, Ambrosius, Augustinus, ceterique optimi, & sanctissimi viri instructi, magnas religioni Christianae commoditates attulerunt. Germanis autem, ut eadem hac memoria magnopere nocerent, non ipsarum culpa factum est, sed scelere, & impietate quorundam, qui optimas sua natura facultates ad euentendam Christianam religionem in fraudem & malitiam conuerterunt. Non enim, ut apud nos pia principum, & utilissima Reip. prouisione per vrbes viri doctrina, virtute, ac religione praestantes, officio, quo tu iam pridem cum magna tua laude fungeris, praeficiuntur, haereticorum temeritatem, ac scelus vindicandi, sic apud Germanos, aut certe non ea auctoritate & potestate vindices erant impietatis, qui turbulentorum & flagitiosorum hominum in religione rebus nouis studentium, scelus & audaciam coercerent. Quod verò pertinet ad Caij Marij testimonium viri militari tolerantia & bellicis artibus, quā innocentia & iustitia pacis virtutibus clarioris, qui in cōcione populari sic de Graecis literis differuit, ut easdem cum nobilitate iure contemnere videretur, idque Romanae plebi, cuius suffragio consul factus est, persuasit, quid habet argumenti, nisi hominibus inertibus, aut improbis in generis claritate, aut literarum notitiam parum esse praesidij ad laudem egregiam, sed praestante virtute opus esse ad res maximas gerendas. At viris probis, & honestatis amatoribus, quis sanus neget plurimum esse adiumenti ad colendas virtutes, tum in paterna maiorumque virtute & gloria, tum in rerum optimarum scientia? Cum hac virtutis viam ostendat, illae ad ingrediendum domesticis exemplis adhortentur. Praeclara igitur ornamenta, quorum expers erat Marius, contemnere se magis, quā requirere callida oratione iactabat, ut se indoctae plebi hac quoque ratione commendaret. Hae mihi in mentem venerunt, quibus ad literarum Graecarum vituperationem, tuamque quaestionem responderi posse videbatur. Quae si tibi probabuntur, facile omnes omnium tetricorum inuidorumque calumnias contemnam, sin aliter, tuum erit, ut me refellas hominem minimè pertinacem, & prudentioribus tuis monitis & auctoritati facile concessurum. Quanquam enim literas graecas, quibus



me a puero dedi, nihil habeo, quod accusem, quin potius eis magnam habeo gratiam, quod ipsarum beneficio tum in Græcorum Philosophorum libris, tum in sacris præsertim noui testamenti literis, ita sum versatus, ut mihi liceret ex fontibus potius haurire, quam interpretum riuulos consectari, tamen te auctore & prudentius admonente literarum Græcarum studio vel omnino desistam, vel si hoc propter diuturnam consuetudinem nimis erit difficile, temperatius utar. Vale, & me, quod mutuo facis, ama. Ex meis hybernis Putalbanis, Idib. Decembris. Anno Christi. 1547.

## ARGVMENTVM.

*Oliuanus Genesio Sepuluedæ, à monachis Dominicanis Cordubæ palæstram literariam septem diebus quæstionibus Theologicis exercitam, scribit: eamque epistolam quam in defensionem literarum Græcarum miserat esse approbatam: denique quod ab Hieronymo Garzia Francorum Regina à secretis, duo volumina operum Genesij, sibi transmitti postulauerit.*

Martinus Oliuanus Iu. vtriusque P. I. Genesio  
Sepuluedæ sacre Theologiæ Doctori.

S. D.

## EPISTOLA LXV.

**P**osteaquam literas tuas accepi, nihil omnino fuit noui, de quo te certiores facerem. Nunc autem est quod scribam. Superioribus diebus in hac vrbe in monasterio D. Pauli monachi Dominici Baticæ prouinciæ, quorum multi erant scientia & dignitate præstâtes, cum conuentum agerent, quod ipsi capitulum prouinciale vocât, septem cõtinuis diebus palæstram literariam theologicis quæstionibus exercuerunt. Quorum fuit & inter se & cum alijs cæterorum ordinum monachis non minima cõcertatio, dum suam quisque tueri conaretur opinionem: fuerunt autem inter alias quæstiones duæ præcipuæ, quarum altera circa ea versabatur, quæ tu in Dialogo, cui titulum Democratem secundum fecisti, accuratissime pertractasti, vtrum barbaris noui orbis, quos Indos Hispana consuetudo vocat, liceat bellum inferre, & cætera, quæ in eodem libro elegantissime persequeris. Altera vtrum Romanus Pontifex potestatem habeat supra id, quod œcumenica Synodus statuerit, definiendi, aut ipsa per se etiam contra voluntatem Pontificis quidquam statuere possit. De qua quæstione spero citò te librum magnam cum studiosorum utilitate in lucem emissurum, & vtrunque opus ut, quamprimum in lucem prodeat, vehementer exopto: erunt enim mihi gratissima, ut cætera scripta tua, quæ nescio doctrina, an elegantia magis



magis eruditorum præconio commendentur. Vellem itidem, ut in secunda tui Theophili editione illud quoque adderes, quod ad hæresis crimē occultum de fraterna correptione attinet, de qua ipse in eodem libro disputasti. Quod negotium si obiter ac breuiter percurreris, aliorum periculis & erroribus occurre, præsertim cum ad id ipsum nemo non alioquin teneatur: Quoddam exemplar illius eruditissimæ & elegantissimæ epistolæ, quam ad me iam pridem scripseras, ut in eo mihi satisfaceres, quod hîc sæpè familiariter sumus collocti, posteaquam tibi literis significauî, vtrum Græcarum literarum studium hac nostra ætate Germanis ad religionem Christianam offecisset, misi ad Ioannem Oliuanum fratris filium, qui non sine aliquo bonarum literarum tanquam fundamento iuri ciuili Salmaticæ incumbit, qui cū nō ignoraret epistolam propter eruditionem & doctrinam, qua vbiq; scatebat, magno in pretio habendam, gymnasiarchæ, & Doctori Neylæ tibi amicitia coniunctis, alijsque illius Academiæ scientiarum omnium peritis eius copiam fecit. Quam epistolam mihi per proximum tabellarium remittens, negat per literas se satis dignè referre posse, quanto applausu, quantisque laudum generibus eam susceperint. Iam verò quid mihi responderint Vreniæ Comes, Marchio Comariensis, alijsque bonarum literarum studiosi viri, quibus eam feci etiam communem, quid refert commemorare? Omnes vno ore prædicant, te nunquam non debere calamo operam dare, ut & te & patriam ea gloria famaue illustres, qua vix alius quisquam antiquorum vnquā condecorauerit. Quod non dubium est, quin facile consequaris, data videlicet occasione, ac monachorum molestijs & controuersijs, alijsque familiaribus, quæ se, ut necesse est, præter spem quotidie offerunt, omnino expulis. Ad Hieronymum Garfiam Francorum reginæ à secretis Parisijs commorantem nuper dedi literas, quibus postulabam, ut tuorum operum, quæ hætenus in lucem prodierunt, duo ad me volumina transmittat, ac prætereâ ut quantum in se fuerit, Chalcographum, cui curæ est tua politica prælis committere, identidem inuisat, horteturque, ut quam citissimè optimâ fide in lucem emittat. Hoc genere scribendi meum ingenium alij studio deditum nunc exercere volui Latino sermone potius, quam Hispano, non quòd nostram vernaculam linguam facundam atque suauem parui faciendam censeam, sed ut à te in omni genere literarum consummato viro Latinam etiam epistolam cæteris tuis similem eliciam, doctè scilicet, grauitè, & eleganter scriptam, quæ mihi erit summæ voluptati. Vale, & me, quod mutuo facis, ama. Cordubæ Calend. August. Anno.

1548.

ARGV.



## ARGVMENTVM.

*Respondet Martino Oliuano ad literas præcedentes, sibi eodem tempore certamen fuisse acerrimum cum summis theologis, utrum bellum, Barbaris sit inferendum, probatque partem aientem summorum virorum autoritate.*

Genesius Sepulveda Martino Oliuano Inqui-  
sitori Apostolico.

S. D.

## EPISTOLA LXVI.

**P**ergrata mihi fuit epistola tua, erudita, humana, & beneuolentiæ plena, in qua quod scribis monachos Dominicanos, qui Cordubæ conuentus prouincialis agendi causa ex more frequentes conue-  
nerant, palæstra literaria sese exercentes vobis spectaculo non iniu-  
cundo scilicet fuisse, gratulor vobis, quibus extra teli iactum pugnae si-  
mulachrum spectare licuit. At mihi eisdem dieb. cum alijs doctis sed  
pertinacibus theologis non ludicra palæstra, sed verum certamen fuit,  
atque vtinam æquo, & aperto Marte, pariq; pugnandi conditione fuif-  
semus congressi, nec ipse verlutissimi ducis arte fraudeq; circumuen-  
tus fuifsem, ijs copijs ad defectionem per dolum, & figmenta sollicita-  
tis, & abductis, quarum præsidio ipse mihi certam victoriam pollice-  
bar. Itaque non victi iudiciali pugna excessimus, sed elusi, & destituti,  
quippe in optima nostra causa paucorum iudicio à Gymnasijs bona fi-  
de commissa, eosdem magna ex parte iudices habuimus, & eosdem  
per quorundam artificium pertinacissimos aduersarios. Quibus re-  
iectis ad sanctius tribunal prouocauimus, firmioribus, & constantio-  
ribus auxilijs vsuri, & his partim ex ipsorum aduersariorum grege.  
Nam paucorum vel potius vnius iniquitate, & quorundam cæcitate  
perspecta, optimus, & doctissimus quisque causæ nostræ fauet, quam  
tibi & grauissimo, atque doctissimo, tuique simili collegæ non impro-  
bari mihi fuit gratissimum ex tuis literis intelligere. Nec miror vos  
grauissimos, & integerrimos iudices, qui religionis, & catholicæ  
Ecclesiæ contemptores, coërcendi officio cum summa potestate  
præestis, ab ea sententia non abhorre, quæ vt cætera fundamenta,  
quibus præaltis nititur, taceam, summum pontificem, & qui nobis in  
Ecclesia pro Christo est, vnum & alterum auctorem habet, & ipsi-  
us Ecclesiæ auctoritate fulcitur. Quod vt habeas exploratius, ex-  
emplum ad te mitto literarum, quas Alexander sextus Pontifex ma-  
ximus Fernando, & Isabellæ regibus nostris rescripsit, quibus non so-

Ee

lūm



lūm bellum Barbaricum probat, sed ad id suscipiendum, & obeūdum, Barbarosq; in ditionem tradendæ pietatis causâ redigendos, magnopere religiosos principes cohortatur, qua de re Fernandus Valdesius sanctissimi tribunalis vestri omnis Hispaniæ præfectus, & idem præsul Hispalensis, quem virum grauißimum, & iuris consultißimum nosti, nuper cū viri multi grauitate & doctrina præstantes adessent, sic mecū est collocutus. Cur (inquit) Genesi libri tui editionem quidam viri alioquin docti, & graues tantopere impediunt? Et ego, Quid tu (inquam) præsul amplissime me de negotio percontaris, quod melius nosti, quā ego? Causa (inquit ille) quam ipsi iactant, perleuis est, & mihi nunquam probata, qui cauendum esse dicunt, ne milites nostri per occasionem libri grauius sauiant in Barbaros, at hoc ne fiat, ipsorum muneris est, quantum res patitur, providere. Nam bellum, vt sine aliqua iniuria, & maleficio geratur, aut fieri non potest, aut est difficillimum: & cū parumper siluisset, adiecit illud. Dicam equidem quod sentio, melius ijdem suæ famæ consulerent, si potius librum hunc ipsi grandioribus literis excudendum, & per omnem Hispaniam exsuggeris ad publicam commoditatem prædicandum curarent. Sed de his hætenus. De commentatiuncula à me de Pontif. Maxim. & concilij vniuersalis potestate, & comparatione in libro, quem de regno inscripsi, elucubrata, argumentum est lubricum, & sic à quibusdam viris doctissimis tractatum, vt in eis partium studium magis extet, quā sinceræ veritatis amor. Ego vt vtrique parti satisfacerem, suūque ius ac dignitatem tribuerem, etiam atque etiam elaborauī, an sim assecutus, tuum erit iudicium, perlecto libello, cuius tibi copiam libenter faciam, sed cū vos reuifero Cordubam reuersus, vt eum tunc maximè legas, cū erit colloquendi facultas, & coram perpensis in vtranque partem rationibus disputandi. Quod meam sententiam exquiris de ratione in hæresi occulta testificandi, ego quid in occultis criminibus faciendum putarem, edito, quod scis, libello quā potui diligenter exposui, tu si quid in eo desiderari putas, & hæreticorum causam à cæteris criminibus separandam censes, docere me magis debes, qui hanc quæstionem propriè ad tuum officium pertinentem doctissimo commentario persecutus es, quā vt quid sentiam, explicem postulare. Vale ex nostris Putalbanis hybernis Calend. Nouembr.

## ARGVMENTVM.

*Eundem Oliuanum inuitat ad prædij sui amœnitatem narratque successum reportatæ sententiæ suæ de gerendo contra Barbaros bello.*

Genesius



## Genesius Sepulveda Martino Oliuano

I. V. D. Inquisitori Apostolico.

S. P. D.

## EPISTOLA LXVII.

**E** Pistola tua Oliuane plena officij & beneuolentiæ reddita mihi fuit ad meum prædium Marianum, quò & otij, & studiorum gratia non minùs libenter secedere soleo, quàm Cicero quondam ad illud suum, quod doctissimis, & eloquentissimis scriptis nobilitauit, Tusculanum, cui hoc nostrum ad conuallem Mariani montis, quæ Cordubæ nostræ imminet, situm, obscurum adhuc, & Galli cognomine contentum, quantum fama cedit, tantò amœnitate superius esse certum habeo, siue arborum frugiferarum varia genera perpetua viriditate vernantia, siue dulcissimarum aquarum copiam spectes, quæ ex duobus perennibus fontibus manantes, cum iucundissimo murmure delabuntur. Sed de his hætenus. Malo enim te oculis, cum ad nos grauiissimarum rerum, & ad pietatem Christianam, hæreticosque coercendos pertinentium cura relaxatus in rem præsentem veneris, ut te facturum ostenderas, quàm auribus de fundi nostri amœnitate constituere. Quod quæris de iudicio doctissimorum grauiissimorumque virorum, quos ex omnibus regijs consilijs delectos cum quatuor Theologis eruditissimis Carolus Cæsar causam de bello barbarico cognoscere voluit, quam ego causam libello persecutus eram, cui titulus est Democrates secundus, siue de iustis belli causis, longum esset præstigijs, artes, & machinamenta commemorare, quibus me deprimere, & veritatem atque iustitiam obscurare conatus est artifex ille versutissimus & idem vigilantissimus, & loquacissimus, cui Vlysses Homericus collatus iners erat, & balbus. Huius enim artificio, & quorundam amicorum pertinacia haud procul ab eo fuimus, ut periculo nostro iudices abstraherentur, suumque iudicium iure periti suspectorum theologorum auctoritati posthaberent, ut aliqui fecerant in eadem causa eisdem præstigijs ludificati. Quod præiudicium eisdem artibus eisdemque auctoribus extortum aduersarij passim citabant, & iudicibus ostentabant, Cui præiudicio nos Doctorum Romanorum consensum, & Vicarij P. Max. & Magistrj sacri palatij, itemque doctissimi viri ex Rotæ grauiissimo tribunali, qui tres nominatim in excuso libello memorantur, ipsiusque vrbis Romæ, vbi meus libellus ab his comprobatus, & impulsionem euulgatus erat, multò & grauiorē & angustiore auctoritatem & maiestatem opponebamus. Quod verò pertinet ad rationes, his quoque ipsi longè superiores eramus. Cæ-



rerum aduersarij, vt erant valentes Dialectici, diuque in scholasticis palæstris exercitati, ingeniosis & callidis interpretationibus sic scripturarum, & sanctorum patrum testimonia in suum sensum detorquebant, vt illustrissimæ veritati tenebras offunderent. Quas ipse cum excutere, ac diluere via & ratione conarer, hoc minus auctoritate valebam, quod me magis ambitionis nomine suspectum quorundam artificiosa versutia reddiderat. Qui me non publicum negotium, quamquam id principes, & nationem nostram plurimum attingat, sed meam causam agitare cauillabantur, iactabantque vt meo nomini, existimationique consulerem, ne vnde gloriam assertæ in lucem veritatis, multis doctissimis alioquin viris non animaduersæ, & ignoratæ perueram, inde contumeliam ferrem, si meam sententiam datis iudicibus non probassem, victusque discessissem. Sed in tanta rerum iniquitate, dum quorundam ingenijs vnius artificio appeteremur, Bernardinus Areualus monachus Fraciscanus, vir vt sacrarum literarum & Ecclesiasticorum doctorum cognitione, solidaque doctrina, sic sanctitate morum, & pietatis, ac religionis opinione præstans, opportunissimo præsidio venit, qui nostram velut aciem non quidem profligatam, vt aduersarij per litteras & nuntios falso & præpostero encomio quoquo versus diuulgarent, at certè primo congressu, quibus artibus diximus, inclinatam, non tam orationis seu rationum nouitate, quam auctoritatis pondere restituit. Quanquā enim causam ille grauissimè tractauit, & libellum à se in eandem sententiam doctissimè confectum cæteris iudicibus recitauit, grauissimæ tamen, & efficacissimæ rationes, quibus & ipse, & cæteri, qui eandem sententiam post me libellis confirmarunt, qui octo numero fuerunt nostræ nationis viri eruditissimi, in meo libro de iustis belli causis iam pridem multis exemplis vulgato, vel ipsæ, vel fundamenta ipsarum continentur. Erat scilicet Bernardinus ex numero iudicum, sed vulneribus primū à sodali, monacho furente illatis, deinde pedum doloribus impeditus, nec nostris disputationibus, nec iudicum inter se consilia conferentium disceptationibus interesse valuerat. Ita nemine respondente captiosa aduersariorum Theologorum oratio in conuentu iudicum inualescebat, & recentiores iureperitos conturbabat. Nam veterani & doctissimi, quibus à initio nostram causam probaueramus, in sententia constantissimè permanserunt. Sed cum interiecto multorum dierum spatio, ad rationes, quas alij ab alijs in consiliorum & sententiarum collatione audierant, diligentius considerandas, dato rursus ad negotium conficiendum, & quid cuique placeret constituendum conuenissent, Bernardinus nondum satis recepta valetudine, cum adesset, primo loco sententiam rogatus grauissima, & cum meo libello, quem in manibus habuerat, nec oscitanter perlegerat, congruente ad amussim oratione tæ-

roperè



roperè commouit eorum animos, quos sermo aduersariorum theologorum abstraxerat, vt rationes, quibus in diuersum deducti essent, suspectas sese habere non obscure significarent. Quippe omnes ad vnum eius causę iudicium ad Theologos reijciendum esse censere se dixerunt, qui scilicet facilius possent decipulas captiosorum Theologorum, quibus decipulis ipsi Iureperiti opportuniore essent, vitare. Sed horum cunctationem, & superius consilium seniores grauissimis verbis castigarunt, indignum esse confirmantes illorum granitate in causa iudiciali, & legibus atque rationibus à iure, cuius scientiam ijdem profiterentur, petendis dijudicanda obmurescere, & cum haberent ex suis doctores grauissimos, qui eandem causam sapientissimè tractassent, & quorum auctoritatem grauissimè sequerentur, præsidium petere ab externis, & damnato suo suorumque iudicio, alienorum arbitrium confectari. Qua oratione iuniores officij sui admoniti, & Bernardini auctoritate permoti pristinam sui quisque iudicij libertatem, quam illorum Theologorum auctoritati addixerat, recipere cœperunt, atque eò magis, quòd cum illis dissentientibus in confesso iudicium, me non iam scriptis, sed voce disceptare cupiente, vt theologicis rationibus accuratiùs vtrunque collatis, quid religionis ratio postularer, appareret, idque per libellum eodem loco palam recitatur, postridie quam Bernardinus perorauerat, postulante, eosdem theologos certamè detrectasse perspexerant. Quam recusationem in doctissimis & acerrimis disputatoribus, quis à causæ diffidentia profectam esse nò suspicaretur? Ab eo igitur tempore cæteri iudices aures, quas ad meas admonitiones, ac disputationes, quasi ad Sirenum mortiferos cantus obturauerant, mihi singulos adeunti, & veterem cantilenam, quasi nouam recinenti, aperire, & rationes admittere cœperunt, & quibus difficultatibus afficerentur indicantes, explicari à me facillè patiebantur. Ita breui factum est, vt iudicibus ijs, quos error abstulerat, in viam redeuntibus, omnes eam sententiam probarent, in qua ipse tuenda iam multos annos fueram occupatus, vt barbaros noui orbis, quos Indos vocamus, in Christianorum ditionem redigi ius, & fas esse censerent. Vno duntaxat Theologo contradicente, nam ex duobus reliquis vnus Tridentum concilij causa iam pridem discesserat, alter vt sententiam suam aperiret, pronuntiaretque, adduci non potuit, scilicet, vt quidem multorum opinio fuit, ne vel contra mentem nostris rationibus victam impiè iudicium ferret, vel contra amicorum voluntatem, quorum animos offendere nolebat, statuissè videretur. Nam iure periti ex quatuor rationibus, quibus ipsi singulis confici negotium conscripseramus, cum aliis aliis magis duceretur, & in quibusdam pertinaciores tergiuersarentur, illam tamen, quæ ad cultum Idolorum prohibendum, & asserendam legem naturæ pertinet, omnes post eam, de qua dixi grauissimorum ca-



stigationem, incunctanter probauerunt. Hæc ad te pluribus verbis scripsi, ut te, qui pro tua in me singulari & mutua beneuolentia de mea estimatione æquè ac de tua laborare soles, solitudine, si qua superesset liberarem. Nam te in magna tunc fuisse, cum falsus rumor de nostræ causæ iudicio, & quasi mala pugna à barbarum architecto dissipatus ad tuas aures peruenisset, non solum ex tuis, sed etiam aliorum literis intellexeram. De pingui sacerdotio, quo Caroli Cæsaris beneficio auctus es, tibi etiam atque etiam gratulor, idque gradum ad maiora fieri, & opto, & spero, ut magnæ ciuitatis antistes ex archimandrita factus, hominibus tuarum virtutum lumen fructuosius ostendas. Vale. Calend. Octob. 1551.

## ARGVMENTVM.

*Martino Oliuano S. Ioannis ad Petram Abbati, reditum in patriam, & negocium à Philippo Principe commissum, gratulatur, laudemque suam extenuat, quam contra Zoilos defendit.*

I. Gencius Sepulveda Mar. Oliuano sancti Io.  
ad Petram Abbati.

S. P. D.

## EPISTOLA LXVIII.

**I**N COLVME te Cæsaraugustam urbem patriam post longam peregrinationem remeantem peruenisse, & in magni, & honorifici sacerdotij iam pridem tuis virtutibus debiti possessionem deiectis aduersarijs inductum fuisse, pergratum mihi fuit ex tuis literis intelligere. Illud quoque me delectauit, quod de Philippi principis, quem ad Valdolitum venerabundus salutaueris, humanitate in te, iudicioque memoras. Qui negotium, quod singularem tum rerum iurisque prudentiam, tum iustitiam, & integritatem requirit, tibi rectè committi existimauit, nec mandare dubitauit. Quod verò te multis cum doctis hominibus collocutum, animaduertisse scribis, mihi primas in philosophia conceiliu eruditorum inter Hispanos deferri, haud equidem me meæ tenuitatis conscium tali dignor honore. Nam in latissima, & ingeniorum feracissima regione cum in quaque scientia excellere magnum est, tum in philosophia maximum, & certè longè mea facultate maius, in ea dico, non quam huius temporis sophistæ profitentur, in nouo quodam philosophandi genere, id est in nugis & puerilibus tricis tempus infelicitè terentes, sed quam viri grauissimi & sapientes tradiderunt, maximè Aristoteles, siue in natura rerum explicanda, siue in tradendis morum præceptis versetur. Quanquam me in huius philosophi cuiusque generis scriptis lectitando, è Græco in Latinum conuertendo, quædam



quædam etiam scholijs enarrando multum temporis consumpsisse non in eo inficias οὐ γὰρ εἰρηνεύειν χρὴ. Sed non defuerūt videlicet placidi homines, qui vt tuo mearum laudum singulari, quod præ te fers, studio morem gererent, apud te mihi de philosophiæ non vulgari cognitione blandirentur. Nisi fortè, quod magis suspicor, in aliquos meos iniquos, & æmulos incidisti, quorum quosdam, exploratum habeo, de meis in philosophia studijs liberaliter prædicare solitos, non vt in hac superiorum doctrinarum parte meam existimationem, cui minimè fauent, augeant, sed vt meis Theologicorum argumentorum scriptis auctoritatem minuant, quæ ipsis inuitissimis, & contradicentibus confeci, & doctissimis grauisissimisque Theologis approbantibus edidi. Nam primum iisdem vtriusque linguæ, eloquentiæ diuturnum studium mihi obijciebant. Deinde cum id parum procederet, cunctisque constare videretur, me quicquid huius facultatis nactus sum, id totum partim in Aristotelem conuertendum, & enarrandum, partim in grauiorum doctrinarum locos tractandos, & quæstiones explicandas conferre, & Romæ publico salario moralem philosophiam docuisse, ad hoc artificium ingeniosè, vt sibi videbantur, descenderunt, ne quid intactum relinquerent, quo eorum scriptorum meorum, quibus ipsi offendeabantur, auctoritas minui posse videretur, dum sibi persuadent, quantum mihi in philosophiæ studijs tribuitur, tantum in Theologicis detrahi, in quibus consenui, quoniam pigri homines ceteros ex sese metientes, nec fieri nec persuaderi cuiquam posse putabant, vt quisquam in utroque genere elaborasset, quos vtinam tam facile esset liuoris morbo, & obtrectandi libidine sanare, quàm erroris conuincere, testibus maximis auctoribus, & veteris memoriæ sapientibus, quorum nemo in aliqua doctrina principatum est consecutus sine eloquentiæ præsidio, & reliquarum disciplinarum, quæ omnes inter se cognatæ sunt, adiumento, quanquàm ea laus sine magnitudine ingenij, indefesso studio, & ætatis longitudine non contingit. Quorum præstantium virorum industriam imitari me conatum fuisse profiteor, assecutum fuisse, mihi non arrogo, longè enim abest. Cæterum hoc, quantulumcūq; ingenij est, quod certè vel mediocre mihi contigisse boni consulerem, & ea diligentia, quam mihi præsidio comparavi, quantum in longa ætate profecerim, si quid profeci, æquiorum iudicium esse velim, non eorum, qui ex alienæ laudis obtrectatione, vel sibi famam ambitione præposterâ, vel suis erratis patrociniū per superbam pertinaciam quærunt.

Vale.

ARGV.



## ARGVMENTVM.

*Anton. Augustino sacri palatii Auditori mittit libellum à se conscriptum : iurène an iniuria Barbari in Christianorum potestatem redigantur, eiusque iudicium expectat, num libellus edendus sit an secus.*

Io. Genesius Sepulveda Antonio Augustino sacri  
Palatii causarum auditori

S. D.

## EPISTOLA LXIX.

**I**VRÈ an iniuria barbari, quos Indos vocamus, pagani, idolorumque cultores in Christianorum Hispanorum ditionem redacti sint, rediganturque, ut sublato idolorum cultu, paratioribus animis prædicationem euangelicam audire cogantur, dubitatum est à nostrorum doctis quibusdam hominibus, & non sine contentione in utramque partem disputatum. Quam ego controuersiam dirimere cupiens, quæstionem dicato libello accuratius sum persecutus, & quid sentirem, testatus, rectè an secus, maximè vellem tuo tuique similium eruditissimorum virorum, qui Romam ex omni orbe Christiano confluere solent, grauissimo iudicio declarari. Causa pergrauis est, nec indigna, quæ talium virorum sapientia & auctoritate dijudicetur. Pertinet enim ad vniuersalem ecclesiam, & iustam rationem gentes paganas ad Christi fidem inducendi. Cuius quæstionis summam in morem scholasticum rationibus vtriusque partis explicatis redactam tibi mitto. Erit igitur humanitatis officijque tui, ut primum per te causam collatis rationibus pro tua singulari eruditione diligenter consideres, deinde viros aliquot, quorum tibi grauitas, & doctrina, iudiciumque maximè probeatur, tum Theologos, tum iuris Pontificij peritos adhibeas, præsertim ex vestro Rotæ collegio, cuius est in toto orbe Christiano auctoritas grauissima, ut sententijs communicatis, quid hac in causa verum iustumque sit, & num libellus edendus esse videatur, constituatis, ut ego vestram auctoritatem secutus libellum vel vanum & inutile, si vobis ita visum fuerit, supprimam, vel incutanter primo quoque tempore emittendum curem, si eisdem vobis (ut spero) ad publicum commodum, & declarandam in re grauissima veritatem pertinere iudicabitur. Vale. Ex Valdolito, septimo Calen. Septembris. 1549.

## ARGVMENTVM.

*Antonius Augustinus ad præscriptas literas respondet.*

Antonius Augustinus Io. Genesio Sepul.

S. D.

EPISTO-



## EPISTOLA LXX.

**S**UMMA illius quæstionis de bello Indico, quæ à te de iustis belli causis pluribus verbis perdoctè perque eleganter disputatur, cum optimo Antistite Philippo Archinto P.M. Vicario, & cum religiosissimo viro Aegidio Foscarario sacri palatii Magistro, atque alijs grauissimis & doctissimis Theologis, ac iureconsultis communicauimus, sic enim mihi per literas mandaueras. Omnes singularem in omni genere literarum eruditionem, & acre ingenium tuum semper admirati sumus atque coluimus. Hæc etiam nobis quæstio digna visa est, quæ in omnium hominum theatro tractaretur. res enim maxima est, & ad plurimos homines nostræ nationis ac gentis pertinet, neque est à Rep. Christiana aliena. Itaque libellum ipsum pluribus exemplis describi, ediq; permisimus, te fortasse non inuito, qui quamuis hæc non eo animo scripseris, ut in vulgus manarent, tamen comprimi ea abs te & abscondi oportuerat, si non te digna euolutura fuisse putaueras. Tu nos ama, & Vale. Roma, Calen. Apr.

## ARGUMENTVM.

*Apud Antonium Honcalam se excusat: quare apologiam scripserit in Erasmus.*

**Io. Genesius Sepulveda Antonio Honcalæ Doctori  
Theologo Canonico Auelensi  
S. P. D.**

## EPISTOLA LXXI.

**E**PISTOLAM tuam libenter legi, ex eaque cognoscere, tibi optimo viro, & Theologo primario meam in amicum illum nostrum (scis quem dico) apologiam probari, mihi fuit pergratum. Quod autem me dehortaris, ne asperius agam in ordinem maximis præfidijs munitum, id cuiusmodi sit, nō satis intelligo. Nam quem ordinem, seu familiam significare videris, hanc ego semper suspexi, & magna veneratione colui. Quod si iniuriam, quæ mihi ab vno vel altero monacho infertur, paulò liberius propulsare nitor, quod mihi leges omnes omniaque iura concedunt, cuius æquitatis est, hoc vel iniustum esse, vel ad totius familiæ iniuriam pertinere interpretari? Non improbo, inquis, defensionem, sed temperamentum requiro. At ego Hieronymum auctorem oppono, qui oportere negat in suspitione hæresis quenquam esse patientem. Et rursus dico, vnius hominis aut alterius causam cum toto ordine communicare iniquum esse. Præsertim cum à nobis sint plerique eiusdem familiæ monachi doctissimi & grauissimi. Loquor autem de causa belli barbarici, nam de loco Pauli, quem mihi monachus ille obiecit, dissentire puto præterea neminem. Quæ à me idcirco



dicta sunt, non solum, vt me tibi purgarem, sed multò etiam magis, vt si hæc ex aliorum sermone & querimonia scripsisti, habeas quo me possis ab iniquorum calumnia vindicare. Atq; eò magis, quod res tota sine vilo conuitio peracta est, nec quidquam asperius in quenquam priuatim dictum, licet quædam vniuersè iactauerim. Quæ si quis in suam contumeliam interpretabitur, is non à me, sed à seipso magis accusari videntus erit. Vale.

## ARGVMENTVM.

*Ludoci Lucenæ consilium probat, quo literarum gratia in urbem profectus est, multaque addit de inuidorum calumnijs, à quibus se varijs modis vindicare conatur.*

I. Genesius Sepulveda Ludouico Lucenæ Artium  
& Medicinæ Doctori

S. P. D.

## EPISTOLA LXXII.

**Q**UOTIDIE magis magisq; probo consilium tuum optime atque doctissime Lucena, qui ex Hispania, vbi natus & ad multam ætatē educatus fueras, quam longo post tempore reuiseras, Romā quasi ad sedem patriamq; communē eo consilio, vt mihi discedens indicaeraras, remigrasti, non vt ambitioni, & cupiditati seruires, vt tibi affirmāti facile credidi, noui enim modestiam tuam, & singularem in omni genere continētiam, sed vt otio literario, & honesta libertatē in ea regione atque vrbe fruereris, vbi magna est tum studendi occasio, tum facultas simpliciter & sine fuco fallacijsq; degendi. Nam cum viris optimis, & doctissimis viuere, ac sine inuidia, & obtreptione philosophari, nihil fingentem, nihil fictum audientem, nihil ad falsam virtutis sanctimonięque ostentationem simulantem, non calumnias, non sycophantias metuentem, id demum mihi non modò libertas, sed instar etiam beatæ vitæ videri solet. Quanquam enim in Hispania multi viri optimi sunt, & iidem grauissimi, quidam etiam doctrina præstantes, & animo candido, nullatamen Roma est, quò tales homines confluentes, & commorantes tantarum commoditatum occasionem præbeant, nec de sunt alij, & hi non pauci ex literarum studiosis, qui ambitione quadam præpostera famam sibi ex aliorum obtreptione quærendam putent, præsertim si quis non nihil nominis inter eruditos consecutus esse videatur. Quod mihi si non ingenio, at industria, & pertinaci studio, & diligentia in longa ætate contigisse, quanquam nemini offensum, aut inuidiosum esse debuit, quosdam tamen sic exagitat, quasi mea existimationē non nihil extante, ipsorum fama emergere nequeat. Qui vt duplici genere sunt (pars enim linguarum & eloquentiæ, alij scientiarum studia separatim æmulantur) sic duabus sed contrarijs rationibus



nibus opinionem, nomenq; meum minuere conantur. Nam qui disertum videri volunt, & in utriusque linguae cognitione aetate consumpserunt, hi mihi grauiorum doctrinarum, quas ab adolescentia colui, longi temporis studium, illi alteri opera in politiore literatura diu posita obijciunt. Vtrique fieri posse negantes, ut quisquam simul in ambobus generibus magnopere profecerit, in quorum altero sit difficillimum excellere. Quos utinam mihi tam facile esset inuidiae, arrogantiaeq; morbo sanare, meq; magnorum virorum diligentiam non frustra aemulatum fuisse probare, quam mendacii ab inertia vel tarditate profecti conuincere. Quotus enim quisque Graecorum vel Latinorum olim principem locum in doctrinis liberalibus, philosophiaq; tenuit, qui non idem facultate valeret suas cogitationes, atque praecipua culta oratione disponendi, & illustrandi? Ceterum ego, qui quo in me quisque animo praeter meam culpam sit, praestare nequeo, de obrectatorum meorum inuidia haud equidem laborarem, si periculosis saltem calumnijs temperarent. Nunc quidam eo liuoris processerunt, ut occasionibus immineat mea vel dicta, vel scripta calumniandi, non solum in eo genere, ubi mendum litura tollitur, sed etiam ubi error infami palinodia more nostro vindicatur. Quod periculum nuper quidam nostrorum Theologorum mihi, tanquam in insidias per imprudentiam praecipitato, diuersi magnificis verbis cum denuntiassent, sic meam causam libellis, & apologijs editis egi, ut eos fregisse viderer, ac doctis hominibus probasse eisdem, dum alienam inscitiam inlectarentur, suam prodidisse, & meos iniquos intemperantiae suae poeniteret. De quorum inuidia, dum iusto dolore impulsus paulo concitatius memorarem, illud in apologia quadam adieci, me longe aequiores externos homines expertum fuisse, quique candidius de meis studiis tum voce tum scriptis praedicarent, quam meorum Hispanorum quosdam. Et testimonio aetatis non frustra in studio literarum consumptae mihi a viris doctissimis dato usus sum, in primisque ex Italia a Paulo Iouio episcopo Nucerino, & Francisco Florido Sabino, & utriusque verba sine locis & librorum titulis, ut mihi a te fuerant ex vrbe Roma missa, subieci. Nam libri nondum ad meas manus peruenerunt. Feceris igitur mihi pergratum, si ut verba, item loca, titulosq; librorum mihi primo quoque tempore, ne quis me finxisse putet, mittere non grauaberis. Ceterum quod pertinet ad iniquorum meorum inuidiam, hi fortasse non gentis nouae priuato vitio, sed communi hominum vtuntur, hoc est enim τὸ τὰ ἑωκταυτοῦ, καὶ κεραμεὺς κεραμεῖ κοτέει, καὶ τέκτονι τέκτεται. Quid his maximè, qui eiusdem nationis, aut etiā ciuitatis sunt, usu venire declarat illud eiusdem poetæ ἑλλοὶ δὲ γείτονα γείτομαι. Ceterum quod ait ἀγαθὴ δὲ ἐστὶς id in eos haud dubiè cōuenit, qui suis virtutibus sine alterius iniuria p̄stare vo-



lunt, non in ieiuna, exiliaque ingenia, quæ laudis alienæ obrectatione, & calumnijs nituntur, quorum est *ἐπὶ κακόχαρτος καὶ ἐπιμαμνῆ*  
Vale Calend. Ianuarij. 1549.

## ARGVMENTVM.

*Ludouicus Lucena gaudet consilium suum quo Romam migrauerat Genesio probari, mittitque ad eum Pauli Iouij, Francisci Floridi & Petri Curtij de ipso elogia, & monet ne propter paucorum zoilorum temeritatem, multis succenseat,*

Ludouicus Lucena I. Genesio Sepul.

S. P. D.

## EPISTOLA LXXIII.

**P**ER GRATVM mihi est probari à te tali tantoque viro consilium meum remigrandi Romam. Nam quòd te ex meo sermone intellexisse ais, me non cupiditatem, aut ambitionem secutum esse, sed officium, & studiorum, ac honestæ libertatis rationem, verissimum est. Adde, quòd me locus ipse delectat, qui quasi theatrum est orbis Christiani, & in quo parietes ipsi, & vrbs ruine eruditionem quandam præbere videntur, & nusquam est maior doctorum hominum vndique còcursus, cum quibus, vt ais, viuere & philosophari iucundissimum est, quod tunc etiam mihi gratius erat, cum tuo, cuique similium Iacobi Neylæ nostri, Ortisijque optimorum, doctissimorumque virorum consuetudine frui licebat. Quæ de inuidis, & tuæ laudis obrectatoribus scribis, molesta mihi, non tamen miranda acciderunt. Nam vt fulmina montes, ac æditiora loca tangere magis solent, quàm deiecta, sic magni viri, quàm parui magis patent iniquorum inuidiæ.

Pauli Iouij, & Francisci Floridi elogia, quæ ad te descripta locis non citatis miseram, nunc vt iubes locis, & librorum titulis adscriptis remitto, adiuncto etiam Petri Curtij honorifico testimonio.

Paulus Iouius Episcopus Nucerinus in libro de clarorum virorum imaginibus in Hispanorum mentione.

*Sed hodie procul dubio Io. Sepulveda Cordub. ipsam eximia laudis arcem tenet, qui Græce peritus linguæ, & scientiarum propè omnium validis instructus præfidijs, dum assidue, atque ideo jeliciter stylum exercet, eloquentissimus euadit. Franciscus Floridus Sabinus in apologia in linguæ latinæ calumniatorem. Ioannem Sepulveda Hispaniæ seculiq; nostri decus, philosophum, Theologumque egregium, prout par esset, celebrare, maius est opus, quàm vt à nobis commodè præstari possit, siquidem eius scripta exactam rerum cognitionem, mirumq; in latinitate candorem præferunt. Petrus Curtius in libro apologetico pro Italis in Erasmus. Quid in Gen. Sepulveda Hispanum, qui Philosophiam, ac Theologiam Græcis Latinisq; literis gnauiter persecutus vtramque etiam orationis vbertate & vitæ grauitate decorauit, ad scribendum contra te traxisse cogites, nisi officium? nisi pietatem?*

Hæc Italorum tuarum virtutum & doctrinæ prædicatio hoc plus ponde-



ponderis habere mihi videtur, quod quamuis hæc natio studijs literarum maximè dedita sit, ac eruditorum dignitati faueat, tamen ita sibi placeat interdum, ut suos tantum Musas ritè colere videri velit.

Quod verò pertinet ad nostros Hispanos, nolo te propter paucorum, qui tibi negotium faceffunt, temeritatem multis succensere, cum maior pars, & in hac doctissimus quisque tuam doctrinam & eloquentiam magni faciant, nec verbis solum, sed etiam scriptura prædicent. Sed in magna turba & ingeniorum varietate necesse est tale aliquid accidere. Vale. Roma. Calend. Aprilis. An. Christi 1549.

## ARGUMENTVM.

*Letatur de Laurentij Caruajali bona valetudine, eumq; incitat ad studia literarum alacriter prosequenda.*

Io. Genesius Sepulveda Laurentio Caruajali.

S. P. D.

## EPISTOLA LXXIV.

**E**X literis, quas ad me proximè misisti, te & rectè valere, & libenter in studio literarum versari didici. Vtrumque mihi fuit pergratum. Nam solet Salamantica adolescentium studia literarum æmulantium valetudinem tentare, eorum præsertim, qui cælo elementiori nostræ regionis ab ineunte ætate sint assueti siue aquarum id vitium est, siue plagæ rigidioris intemperies. Quod verò pertinet ad literas, multum te in eis profecisse declarat studendi voluptas, quæ magnum est ingenerati habitus, unde manat, argumentum. Quippe id sine multa in quoque genere nauata opera non contingit. Perge igitur, totoque animo in hanc curam incumbe, ut quâ ratione cepisti, ad virtutis doctrinæque summam peruenias. Huc autem ducentem viam optimè, voluptatibus, quæ istam ætatem sollicitare solent, prætermittendis, & liberalium doctrinarum assidua meditatione munies. Quod ut diligenter facias, te domestica exempla, maiorumque tuorum spectata virtus adhortari debet, qui, quam partem virtutis sibi colendam statuerunt, in ea cum egregia sua laude plurimum elaborarunt. Nam viros generosos aliud decet belli tempore, cum cines ad arma ratio Reipub. vocat, aliud populo longam pacem agitante. Et patriæ, diuersis belli pacisque artibus, vel manu, vel consilio rem gerentem consulere licet, & vtrumq; pulcherrimum habetur, Vale.

## ARGUMENTVM.

*Vascofano librario Parisiensi scribit sibi gratum fuisse, Aristotelis politica à se conuersa, ab ipso esse edita, cupitque ut propter errata quæ propediem missurus est, recudat accuratius.*

E f 3

Ioannes



Io. Genesius Sepulveda Vascosano Librario  
Parisiensi

S. P. D.

EPISTOLA LXXV.

**O**PVS Aristotelis de Rep. Vascosane, quod ipse è Græco in Latinem sermonem vertendum, ac scholijs enarrandum curavi, à te potissimum viro docto, & diligēte excusum fuisse mihi fuit pergratum. Nam & characteres mihi probantur, nec tuam vigilantiam magnoperè desiderarem, nisi inter initia nonnihil dormitasses. Itaq; menda, quæ non pauca librum percurrendo videre contigit, adnotaui, nec dubito, quin me aliqua præterierint. Ex literis amicorum intellexi opus in Gallia, Italia, & Germania, Belgioque exceptum fuisse non sine doctorum approbatione, & vt scribunt, applausu, & tibi esse in animo rursus propediem excudere. Quod si ita est, tuum erit, vt me certiolem facias, vt tibi errata, de quibus dixi, descripta, mittam, quæ nisi fuerint emendata, & noua vt fieri solet, accesserint, rationibus tuis & opinioni nonnihil decedat necesse est. Vt igitur res procedat, multum te iuuabit diligentia mihi in emendatione libri adhibita, & quæ fortassis maior adhibebitur. Vale. Valdolito, Calend. August. An. 1549.

ARGVMENTVM.

*Recognitionem suorum opusculorum mittit Vascosano, quam ab eodem separatim edidit,*

Io. Genesius Sepulveda Vascosano librario  
Parisiensi

S. D.

EPISTOLA LXXVI.

**C**HARTAM recognitionis meorum opusculorum, quam Gaspari Trechfello proficiscenti ad te dederam, sed auctiorem, mitto, quã vt sic imprimendam mandes, peruelim, ea forma & characteribus, qui mea opuscula, vt à Colinæo anno Christi. 1541. excusa sunt, imitentur. Quod vt primo quoque tempore facias, te etiam atque etiam rogo, etiam si Trechsellus alteram impresserit. Res est paucarum horarum, & minimæ impensæ, & hanc ipsam faciet Orator Cæsareus patronus meus. Ego tamen pro re exigua tibi magnam habebo gratiam. Centum exempla mihi satis erunt, quæ tradi volo hæredibus Colinæi, vt singula totidem meorum opusculorum codicibus addantur, præter sex aut septem, quæ ad nos per trāseuntes à Cæsare tabellarios mitti volo, quam curam



curam idem Orator, ut beneficium absoluat, suscipiet. Hoc cum effeceris, erit diligentiae tuae, ut Trechsellum, ne forte laborem inanem capiat, certiores facias. Vale. Ex Valdolito Nonis Iulij. An. Christi. 1550.

## ARGUMENTVM.

*Laudat Antonium Cordubam quod in ista aetate, relictis voluptatum illecebris literis animum adplicet, ei que hanc quaestionem determinat:  
Vtrum ars theoria praestet practica?*

Io. Genesius Sepulveda Antonio Cordubæ,

S. P. D.

## EPISTOLA LXXVII.

**G**RATVLO R tibi Antoni Corduba, qui adolescens ista fortuna, isto familiae splendore, tot undique illecebris auocantibus, sic in studia literarum incumbis, ut hac cæteris omnibus iucunditatibus anteferre videaris, quod cum antea tuorum familiarium consentiente voce ad nos perferretur, proximè tamen ex tuis literis magno documento libentissimè cognoui. De rebus enim eiusmodi per eas me consulis, ac edoceri poscis, quibus nemo nisi philosophiæ, & optimarum doctrinarum per studiosus sollicitari solet. Quæris enim, qua ratione inductus Cicero civilem, hoc est eorum, qui in ciuitatum Reipublicæque administratione versantur, contemplantium vitæ, quæ cæterorum ferè sapientium iudicio potior, & præstantior habetur, præferendam esse in opere de officiis, ut persuadeat, contendit. Nam de veritate, ut video, non ambigis, & quidem magna ratione, quod enim Christi verbis in Maria, & Martha iudicatum est, de hoc nefas fuerit Christianum hominem dubitare. Quamobrem hac quaestione, quæ, si quis in vtramque partem disputare vellet, epistolæ modum excederet, omissa, quæ mihi ut quaestioni tuæ responderem in mentem venerunt, paucis explicabo. Cum duæ viæ ad colendam virtutem pateant, altera qua qui Remp. administrant, & rebus gerendis sunt occupati, altera, qua philosophi, & qui se rerum contemplationi dedunt, ingrediuntur, in vtrauis satis esse præsidij ad bene beateque viuendum, Peripateticorum dogma est, à quo nostri, id est qui Christianè philosophantur, parum, aut nihil abhorrent. Nisi quòd nostri felicitatem in hac mortali vita, quam peregrinationem potius, & exilium vocant, in spe duntaxat agnoscunt, Peripatetici rebus etiam felices esse tradunt, qui alterutro genere virtutis, modò non impeditæ fungantur, virtutis enim vsum nunc egestate, nunc aduersa valetudine impediri docent. Cæterum potiore facilioremque esse otiosorum, & contemplantium vitam, quàm eorum, qui negotijs & rebus gerendis implicantur, cū Peripateticis nobis conuenit



uenit magno consensu qua tamen in parte magni viri, quorum, ut scribis, Marcus Tullius fuit, non defuerunt, qui ab utrisque dissentientes, eorum qui in Rep. militiæ aut togæ administranda versantur, vitam potiore beatiorēq; putarent, quam qui ætatem in doctrinis, rerumq; contemplatione degunt. Dissentiendi causa duplex mihi esse videtur, altera quod qua quisque in re vel excellit vel excellēdi facultatem habet, hanc cæteris præstare, & potiore haberi, ut cupit, sic interdum sibi persuadet, ita sit, ut tum oratores, qui vel in senatu, vel in foro & cōcionibus quasi dominantur, tum viri strenui, qui in rebus domi forisq; gerendis cum laude versantur, cæteros præ se quasi desides, ignauos, & nihil agentes contemnant. Altera causa est, quod in hac disputatione quidam rationibus speciosis magis quam veris, hoc est, paralogismis abstrahuntur, qualis illa ratio est, qua Cicero utitur in libro de officiis primo, *quis, inquit, tam cupidus est in perspicienda, cognoscendaque rerum natura, ut si ei tractanti, contemplantiue res cognitione dignissimas, subito sit allatum periculum, discrimenque patriæ, cui subuenire, opitulariue possit, non illa omnia relinquat, atque abijciat, etiam si dinumerare se stellas, aut metiri mundi magnitudinem posse arbitraretur, atque hoc idem in parentis, in amici re aut periculo fecerit.* Fallitur igitur paralogismo, vir alioquin doctissimus, non enim si qua res alicui, aut aliquo tempore magis expetenda, siue deligenda est, protinus eadem potior & melior habetur. Quod exēplo cōmodissimo Topic. lib. 3. docet Arist. *Philosophiæ, inquit, quam rei familiari operam dare melius, & præstantius habetur, si quis tamen rebus necessariis indigeat, huic cura potius rei familiari adhibenda est, quam philosophiæ vacandum.* Sic igitur in Ciceronis exemplo, optimarum cœlestiumque rerum contemplatio omni reip. administratione melior, & præstantior est, tamen in ciuitatis, parentis, aut amicorum periculo omitterenda contemplatio est, & Reip. aut amicis vel cum indignitate feruendum, non quod hæc meliora sint, sed quia magis necessaria. Quo mihi pertinere euangelicum illud videri solet, *unum est necessarium.* Maria optimam partem elegit. Nam audire verba Christi, & contemplationi vacare, optima vitæ pars erat, longeq; melior, quam mensam, & res accipiendo hospitibus necessarias parare, at nisi Martha eā curā, qua nō sine laude fungebatur, suscepisset, cōtra officium forsitan erat Mariā munus necessarium contemplationi tantisper non anteferre. Item rei diuinæ, ac sacrificijs interesse res optima est, multoq; melior, quam texere, vel nere; at si qua materfamilias, quæ non aliunde possit, quam ex huiusmodi artificio liberos alere, hoc omisso, sacrificiorum causa manē & vespere diebus etiam profestis, in suorum fame & nuditate, & grandiore fortasse filia per occasionem matris absentis malè cogitante, tēpla per speciem pietatis frequentet, quis prudens consilium eius laudet? quæ ut munere, quod sine peccato præteriri potest, fungatur, officium necessa-



cessarium negligit, contra legem diuinam & naturalem, reclamante ipso Deo, *Obedientiam volo, non sacrificium.* & Paulo, *Qui non habet curam suorum, & maxime domesticorum, fidem negauit, & est infideli æterior.* Simpliciter igitur auctore philosopho vt res quæque optima est, sic maxime deligenda, alicui tamen vel aliquo tempore vt necessaria meliori præferatur, ordo naturalis, id est lex æterna postulat, quam voluntatem esse Dei Augustinus interpretatur. Sed redeo ad Ciceronem, qui alia quoque ratione dum laudem, & popularem gloriam cupidius sequitur, in errorem lapsus esse videri potest. Nam vt philosophi, & his vita similes viri moderati gloriam, & res humanas magno animo contemnunt, paruoque sunt, & parabili contenti, sic ferè, qui naturæ adiumentis instructi, se rebus gerendis dedunt, vtrumque maxime consecretantur. Quæquam enim melior, & vt Cicero ipse ait, facilior & tutior, minusque alijs grauis, aut molesta vita est otiosorum, tamen fructuosior hominum generi, & ad claritatem amplitudinemque aptior eorum, qui se ad Rempub. & magnas res gerendas accommodarunt. Cæterum in magnarum rerum & facultatum dignitate, & natiua perfectione æstimanda, vtilitatem nihil momenti addere, doctrinarum & artium inter ipsas comparatio magnoperè declarat, quarum, vt quæque maxime seipsa contenta est, & sponte sua, ipsiusque cognitionis duntaxat gratia, nõ propter aliud aduentitium expetitur, hoc maioris dignitatis ac potior habetur. Quo argumento Philosophus primæ philosophiæ, quam eandem Theologiam vocat, principatum in doctrinis tribuere non dubitauit, quia & de reb. optimis & diuinis est, & Dei scientiam æmulatur. Quæ omnia vt contemplationis propria sunt, sic vitæ actiuæ, eiusque rationibus aliena: quanquam neminem esse idem Philosophus docet, qui perpetuam vitam in contemplatione ducat. Sæpe namque homines tum suis, tum patriæ, vel cognatorum & amicorum temporibus atque rationibus, à contemplatione, in qua maxime adquiescunt, ad officia necessaria, & res vel publicè, vel priuatim gerendas auocari. Itaque solius Dei esse, nullis in contemplatione negotijs externis, nullis curis, aut molestijs interpellari. Vale. Corduba. postridie Non. Maij. 1552.

## ARGVMENTVM.

*Gaspari Villalpando rationibus ostendit, sibi non probari eorum opinionem, qui putant Aristotelē à Pythagorica παλινγενεσις non abhorruisse nonnullorumque sententias adfert, de animæ creatione & æternitate, manet que in suo de libris exotericis iudicio.*

Io. Genesius Sepulveda Gaspari Villalpando

S. P. D.

EPISTOLA LXXVIII.

Gg

IMPRO.



**I**Mprobari tibi eorum persuasionem si qui putant Aristotelem à Pythagorica illa *παλιγγενεσία* non abhorruisse, nihil miror, cum idem Aristoteles in libro de Anima primo, hanc Pythagoricorum non opinionem vocet, sed fabulam. Cæterum mea, de qua te Sebastiani Leonis mei familiaris literis intellexisse scribis, non persuasio est, sed suspicio: quanquam ne suspicari quidem mihi vnquam in mentem venit, placuisse Philosopho humanas animas in aliorum animalium corpora migrare. hoc est enim, quod ille planè fabulosum esse certissima ratione confirmat, à quacunque anima quoduis corpus sine discrimine formari posse & animari, cum propriam quodque animal speciem & formam habere cernatur. Alia ratio est, Si hominis defuncti anima in alterius nascentis hominis corpus migrare, ipsumque animare existimetur. Quod licet sit, vt est, commentitium, non tamen Aristotelica illa ratione redarguitur. Magni enim refert, duo corpora alterum elephantis, exempli gratia, alterum hominis, quorum habitus & constitutio plurimum differunt, eadem anima deinceps informari, an in duo corpora humana eandem animam rationis compotem diuersis temporibus recipi dicas: quorum vtrumque quia non modò Pythagore, sed etiam Platoni placuisse constat, suspicari mihi in mentem venit, Aristotelem magistri sententiam vna parte reiecta, in altera secutum fuisse, vt hac ratione in æternitate mundi, quam ipse asserit, animarum rationis compotum infinitum numerum, cum morte non deleantur, effugeret. Animas enim humanas immortales esse Aristotelis etiam sententia, certum habeo, quod ipse erudito Commentario, quod nuper libenter perlegi, magno ingenio, & egregia doctrinæ Aristotelicæ cognitione collegisse mihi visus es. Hanc enim animarum migrationis plagam accipere, leuius puto, quam illam alteram de vnitatem cunctorum hominum intellectus, quam Themistium, Alexandrum Aphrodisiensem, nostrumque Auerroem conuenienter, vt ipsi sibi videbantur, Aristotelis sententiæ probasse videmus: Quod eis accidit, dum explicare aliter non possent, quomodo non pugnet cum reliqua Aristotelis doctrina, animam rationis compotem, quam intellectum agentem ipse nominat, suam cuiusque hominis haberi, & eandem incorruptibilem esse & immortalē, quod idem sæpe in libris de Anima testatur, sed apertissimè libro primo (tex. 65.) vbi intellectum agentem substantiam quandam esse, nec interire testatur. & in tertio (tex. 10.) eundem separatum, immortalem, & sempiternum esse, idque præfatus, hoc quod mihi suspicionem mouet, adiecit, *Sed non meminimus, inquit, quoniam hic intellectus perpetuus est immutabilis, passivus autem sine quo nihil intelligit, mortalis est.* Hoc enim dicere videri potest, intellectum, qui nunc per migrationem est, exempli gratia, Iulius, & prius fuerat Alexander, non meminisse eorum, quæ ab Alexandro visa, auditaue fuerunt, propterea quod intellectus passivus, id est, phantasia,



tasia, seu facultas imaginandi, sine qua nec intelligere datur, nec meminisse, cum corpore extinguitur, & impressa per sensum phantasmata, id est, rerum imagines, quarum contemplatio intelligere est, & meminisse, simul delentur, & alia imaginandi facultas nascenti homini ingeneratur. Atq; hæc quidem de Aristotelis opinione, qui mundum æternum, & species rerum mundo coæuas esse putauit: non enim de veritate querimus, quæ nobis, id est, Christianis oracula diuina patefecerunt, Mundum à Deo creatum esse, animas rationis compotes aliquando non fuisse, nec tamen interituras, quanquam de ipsarum initio inter pios etiã & catholicos controuersia fuit, nec defuerunt, qui eas initio rerum cum angelis simul creatas à Deo fuisse existimarent, & in prima corporum generatione in luum quamque semel scilicet è cœlo demitti: quibus de rebus si legere libuerit, Augustinus in epistola, quæ est ad Marcellinum (epistola. 7.) Gregorius Epistolarum libro septimo (epistola. 53.) & Hieronymus contra Rufinum (libro. 2.) pluribus verbis differuerunt, nec eorum iudicio hæc opinio damnata est. Cæterum posteriorum Theologorum consensus est (sentent. 2. distinct. 17.) animas in sui quamque corporis generatione creari, & ipsum informare. De libris exotericis quid sentirem in scholijs à me in opus Aristotelis de Republica editis, vt nosti, testatus, sum, non ignarus magnos viros tum Græcos, tum etiam Latinos aliter prodidisse. Sed certam rationem, quam secutus mihi fuisse videor, omnibus omnium coniecturis, & opinionibus potiore habui, & semper habebo, auctore Augustino (de ciuit. lib. 1. cap. 23.) donec me certior alia, si qua erit, in diuersum reuocauerit. Nec meum animum offendet, si quis meam opinionem non ambitiosè & leuiter, sed veritatis gratia grauib, & doctis rationibus refellere curabit. Ego verò cuiuscunque ingenio, & industria fuero errore, si errorem esse conuicerit, liberatus, huic ingentem habebo gratiam. Antonio

Cordubæ nostro meis verbis plurimam salutem  
renunciabis. Vale. Corduba, nono

Cal. April. 1552.



## IOANNIS GENESII

SEPVLVEDAE CORDV-

BENSIS EPISTO-

LARVM

LIBER VI.

ARGVMENTVM.

*Alphonso Stunica Marchioni explicat suam opinionem de ista questione:  
Vtrum columbas educare, quæ non condititijs cibarijs alantur, sed agrestibus seminibus  
se se ipsæ pascant, sit contra iustitiam.*

I. Genes. Sep. Alfonso Stunicæ Gibræleonis Mar-  
chioni & Bellalcazaris Comiti

S. P. D.

EPISTOLA LXXIX.



**X**LITERIS, quas ad me proximè tuus Franciscus Metina misit, sollicitari te cognoui quæstione quadam, de parvis quidem rebus, publica tamen & magna, utique si ad Theologorum controuersiam spectes, à quibus nondum est satis dijudicata, num columbas educare, quæ nō condititijs cibarijs alantur, sed agrestibus seminibus sese ipsæ pascant, sit contra iustitiam, sic ut domini damnum præstare debeant, si quod ab illis fuerit alienis segetibus datum. Quoniam igitur rem non ingrati me tibi facturum scripsit, si quid mei iudicij esset, paucis explicarem, obsequar voluntati tuæ, ne te longiore oratione tenebo. Damna non solum quæ per se quisque, sed etiam quæ per animalia sua dederit, sarciri oportere ius naturale est lege pontificia explicatum (c. si culpa. de iniurijs & dam. dat.) sed hæc lex cū iusta sit, & à iure diuino, ac ut dixi, naturali ducta, sæpe tamen æquitate quadam item naturali temperatur, si damnum exiguum sit, & publicam utilitatem attingat. Ab agro alieno pascuo confito, vel frumentario pecora sua continere, ius est, & hanc curam qui negligit, aliena inuadit. At iusta lege cautum est, & moribus inualuit, ut post conditam messem alienum agrum depascere liceat impune, quid ita? nempe quia damnum priuatum est paruum, & pertinet ad bonum publicum, quo minore impendio alantur pecora ad victum, & vestitum Reip. necessaria, ac proinde minore pretio vèdantur. Itē fera animalia, ut lepores, & cuniculi priuatis possessionib. multo etiā magis, quā columbæ nocere solēt, at hoc priuatorum damnum principes,



cipes, quique Reip. cum summa potestate præfunt, sine vlla culpa cum prohibere possint, tamen propter publicam vtilitatem negligunt. Nec solum huiusmodi paruarum ferarum saluti, ne penitus absumantur, capi eas procreandi ac niuium tempore vetantes, consulunt, sed etiam ceruos, & capreas toxico venatorio interfici prohibent, ne huiusmodi animalia, quæ natura in publicam hominum vtilitatem cibi, & aliorum vsuum gratia procreauit, magnoperè minuantur. Nec tamen damna ab eis priuatis hominibus data ex publico sarciantur. Quæ ratio eodem modo conuenit in columbas, quæ agrestibus seminibus magna ex parte pascuntur. Harum enim viuaria, quæ columbaria nominantur, idcirco publico more permittuntur, poena etiam insidiantibus constituta, quia paruum damnum est, & bonum publicum attingit. Itaque principis, qui totius populi, ac Reip. personam gerit, voluntas per morem & legem non scriptam parua damna à columbis data dominis condonare videtur, vt poena damni dati non teneantur, non magis quàm domini pecorum alienum agrum post menses conditas depascētium. Neutrū enim fit inuitis agrorum dominis, qui in Principis voluntate, in quem populus suam potestatem transtulit, consensisse intelliguntur, ac proinde datum damnum condonare videntur. Hæ autem leges & mores legem illam diuinam, & rationem eius imitantur, quæ messem ad solum vsque secari, & remanentes spicas colligi vetabat (Leuit. 23.) vt ex sua quisque segete aliquid ad publicos pauperum, quæ maxima populi pars est, vsus relinqueret. Hoc enim sine agricolarum damno non fiebat. Sed quia id erat exiguum, & ad multorum vsum pertinebat, ferre agricolæ iisdem lege à Deo lata iubeantur, qui nullam vnquam ad suam, sed omnes leges ad publicam hominum vtilitatem ferre consuevit. Illud quoque quod est in sacris prouerbijs, *Per me reges regnant, & legunt conditores iusta decernunt*, declarat iusta Principum decreta, siue tacita ea sint, vt mores populi silentio Principis firmati, siue scripta auctoritatem à lege æterna ipsoque Deo fortiri. Iustum autem intelligitur, quod ad bonum publicum refertur, auctore philosopho libro. 3. de repub. & Thoma primi libri parte prima quæstione nonagesimasexta (ar. 4.) quo in loco de vniuerso genere iacturæ, quam populares legibus aut moribus propter bonum publicum subire coguntur, prudentissimè differit. Alia ratio est, si quis cuiuscunque generis animalia non ad vsum, qui ad multos peruenire possit, sed animi sui causa, gratiaq; voluptatis alat, ab his enim illata damna dubium non est, quin tum diuino, tum etiam humano iure sint sarcienda. Vale.

## ARGVMENTVM.

*Gonsalo Peresio Matheseos studioso, explicat locum Plinii lib. 2. cap. II. Immensum esse &c. quare per solem vmbræ parallelæ iaciantur, & quomodo sol per æquinoctium omnibus in meridiana plaga habitantibus vmbras absumat.*



## I. Genesius Sepulveda Gonsalo Perefio.

S. P. D.

## EPISTOLA LXXX.

**G**Ratissima mihi fuit epistola, quam ad me proximè misisti, non solum propter opinionem, quam de meis studijs tua consuetudine præfers, qui libenter de his soles, dum scilicet tuæ in me tuæ beneuolentiæ indulges, cum egregia mea laude prædicare, sed etiam quia simul ex eisdem literis intellexi, te in tuis maximis occupationibus assiduaque opera, quam principibus nostris in secretioribus epistolis impendis, Philosophiæ, & Mathematicum studijs, si quid temporis a negotijs vacuum contingit, tribuere, ut non modò vtriusque linguæ notitia, sed etiam doctrinarum cognitione valeas. Itaq; Astrologici & libris & instrumentis comparatis, libenter in erudito Mathematicorum puluere versaris, ut indicat illud quod scribis, sollicitari te quæstione quadam ad solis magnitudinem, & umbrarum rationem pertinente, quæ nuper à nobis disputari cœpta est, nec tamen satis dijudicata, quamq; tibi à me velis per rescriptam epistolam explicari. Nata est aut quæstio ex verbis illis, quæ Plinius libro secundo capite vndecimo naturalis historiæ de solis magnitudine memorās, scripta reliquit, *Immensum, inquit, esse constat, quia arborum in limitibus porrectarum in quotlibet passuum millia umbras paribus iaciat interuallis, & quia per æquinoctium omnibus in meridiana plaga habitantibus simul fiat à vertice.* Quæris enim, & quidem magna ratione, quid fieri possit, ut solis terra centum sexaginta octo circiter partibus, auctore Ptolemæo, maioris immensitas faciat, ut arborum in longissimum spatium porrectarum umbræ *παράλληλοι* ab eo iaciantur, cum luna, quam vinci constat terræ magnitudine, idem efficiat, ut ipse quoque meo monitu notasles. Prætereà si sol æquinoctij die ob eandem vastitatem omnibus habitantibus in meridiana plaga umbras absument, ut necesse est, si omnib. fiat à vertice, cur cum sit quàm tota terra tot partibus amplior, nō idem facit per totum spatium, quod simul illustrat? Faciam igitur quod iubes, & quidem libenter, eoq; expeditius, quod me non imparatum offendis. Nam me idem scrupulus, eadem cogitatio multos dies sollicitauerat, impuleratq; ut rem accuratius intentioreq; animo pertractarem.

Arborum in longissimum spatium porrectarum umbras paribus interuallis à sole iaci, vsque adeò verum est, ut omnes omnium arborum corporumque umbræ vbique terrarum, quicquid eodem tempore radijs solaribus illustratur, paribus interuallis iaciantur, quod ad medias umbrarum lineas referendum est, quæ nusquam concurrent, etiam si in infinitum



infinitum recta ex utraque parte protendantur. Cuius rei causam non  
 esse in tanta solis vastitate, certissimo argumento est, quod scribis de  
 luna, qua lucente umbræ eodem modo parallelæ iaciuntur. Nec enim  
 sol materias, unde umbræ iaciuntur, per sui partes illustrat, sed ad sin-  
 gulas etiam minimas umbras iaciendas totus in pyramidem, ut necessa-  
 ria ratione docemur, rotundatur, cuius pyramidis basis est pars solis  
 quasi tympanum diametris æquale: quod tympanum per singulas py-  
 ramides ita variat, ut nullæ duæ umbræ eodem temporis puncto pos-  
 sint à duabus pyramidibus in plano dirigi paribus intervallis. Quippe  
 quarum ea ratio est, ut quò longius ducuntur, eò magis earum cuspides  
 inter se discedant, quæ descriptis in plano figuris facillè perspicias,  
 duabus scilicet, aut pluribus pyramidibus, à circulo qui solem referat,  
 ad materias opacas minùs etiam inter se distantes quàm diameter cir-  
 culi pateat, ductis. Non igitur vastitas solis, sed ipsius terræq; rotundi-  
 tas facit, ut umbræ parallelæ iaciantur. Idem enim faceret stella multò  
 etià quàm luna minor infra lunam collocata, quæ omnia planè deprehen-  
 des, si animù à planicie, quam terra oculis præferens nonnunquam pa-  
 rum intentos in errorem inducit, ad terræ veram & Mathematicis cõ-  
 fessam rotunditatem reuoces, sic enim omnes umbræ inter se paribus  
 intervallis necessariò iactari deprehendes, pyramidibus solarium ra-  
 diorum ad latera rotunditatis ut materiæ collocatæ sunt, deductis, eo-  
 demq; modo exploratum erit, quod Aristoteles Mathematiciq; tradit,  
 omnes lineas rectas rectam meridianā ad angulos rectos ubicunq; ter-  
 rarum secantes, ortum æquinoctialem ostendere. Ad quā quæstionē ex-  
 plicandam, theoremaq; mōstrandū, cum frustra viros doctissimos con-  
 suluissē, aptissimū instrumentū cōmodamq; rationē reperisse mihi vi-  
 sus sū, quā paucis explicabo. Describatur in plana charta linea meridia-  
 na, cuius inueniendæ cōmodissimā rationē Vitruuius lib. i. de Archite-  
 ctura tradit, deinde aliæ rectæ itidem, quotquot libuerit, trāsuersæ per  
 hanc ad angulos rectos paribus intervallis perducantur. Tum faciamus  
 pro sole corpus sphericum luminosum amplius tota charta ad capita  
 linearum collocari, atq; inde pyramides ad media linearū arborib. cō-  
 fita deduci. Hoc enim si fiat in plano, apparebit fieri non posse, ut um-  
 bræ paribus intervallis iaciantur. Cæterum si charta eadem cylindro  
 circundetur, sic, ut terram cum lineis contingentibus solem spectanti-  
 bus imiteretur, umbras parallelas per eas lineas pro ratione pyramidum  
 iaci, non poterit dubitari, easdemq; omnes in corpus solis æquatorem  
 centro suo possidentis sic spectare, ut circuli cuiusdam idem centrum  
 ambientis terræ diametro paris circumferentia terminentur. Quod ve-  
 rò Plinius idē, solē per æquinoctiū omnibus in meridiana plaga habi-  
 tantibus simul à vertice fieri tradit, id si ad viuum refeces, defendi om-  
 nino non potest, nō dico si meridianā plagā omnem torridā Zonam ap-  
 pellet, in



pellet, in qua per æquinoctiū meridiani temporis pūcto (hoc enim sine controuersia spectatur) cum paululum ab æquinoctiali circulo discesseris, vbiq̃ue vmbra aliæ ad Septētrionem, aliæ ad Austrum, vt libellus de Sphæra docet, iaciuntur, sed etiam si mediam regionem duos omnino gradus patentem plagæ meridianæ vocabulo signet. Non enim vt gnomonis sub ipso æquatore siti sol meridie vmbra absumit, sic item alterius vno gradu ab æquinoctiali remoti, quoniam si ita esset, eius gradus differentia per solem, & astrolabium percipi non posset, cui ratio Mathematicorum aduersatur. Cleomedes quidem Theorię libro secundo ad Syenem sole Cancrum obtinente meridiano diei articulo vmbra absumi in orbem refert, cuius diameter quadringenta stadia, hoc est, passuum quinquaginta millia pateat, quod si verum est, meridianam illam plagam, de qua Plinius memorat, ad easdem angustias reuocari necesse est. Vale.

## ARGVMENTVM.

*Disputat cum Francisco Argoti de Barbaris in Hispanorum ditionem redigendis.*

## I. Genesius Sepulveda Francisco Argoti.

S. P. D.

## EPISTOLA LXXXI.

**E**P I S T O L A tua, per cuius omnes partes cum egregia quadam humanitate mirificum in me studium, & amorem præfers, reddita mihi est ad meum prædium Marianum, quò multis ante diebus studiorum animique causa, amoenissimi per se loci verna iucunditate multipliciter inuitante, secesseram, simulque doctissimam tuam commentationem accepi, & disceptationem cum homine docto habitam libenter perlegi. Quanquam facilius erat calumniam refellere, quam orationem falsitatis conuincere. Nam Barbaros istos noui orbis, quos Indos vocamus, bonis spoliare, & in seruitutem redigere, ius non esse verum est. Sed mihi hanc seueritatem, à qua longè absum, obijcere, hominis est, qui causæ iam mea opera, & magno doctorum assensu damnatæ diffidens à mendacijs, & calumnijs præsidium petit. Non ego Barbaros illos in seruitutem abstrahendos esse dico, sed in ditionem redigendos, non bonis spoliandos, sed sine iniuria conseruandos, nec heriliter eis, sed regiè ac ciuilitè ad ipsorum scilicet vtilitatem imperandum: vt primum Barbaricis moribus sublatis, humanè, & ex lege naturæ viuere cogantur, deinde præparatis ad Christianam religionem excipiendam animis, in veri Dei cultum per Apostolicam mansuetudinē pijs, blandisque verbis inducantur. Quod verò ais, iustum esse fortiores, ac



res, ac potētiores infirmioribus imperare, id à te sic dictum accipio, dñ- modo subfit iusta causa debellandi. Nam imperium iniuria quæsitum iustum esse non posse, ipse quem citasti, auctor est Aristoteles, qui hanc ipsam sentētiam in libris de Rep. si purè & simpliciter accipiat, refellit. Alia est prudentium, & humaniorum in dissimiles causa. Nā gentes humanæ suo naturali iure imperium in Barbaros sibi deposcunt, nō ad iniuriam, & herilem dominatum, sed ad officiū, & humanitatem: vt bar- bari ex moribus natura damnatis in melioris, mitiorisq; vitæ cultū per iustas, & naturæ consentaneas leges traducantur, & vtriq; , clientes & princeps, natio vicissim ope mutua, mutuisq; officijs subleuentur. Iacobum Argotem propinquum tuum, cuius eximias virtutes commemo- ras, & propensam in me voluntatem exponis, vtroq; nomine charissi- mum habeo, & dignum duco, quem omnes diligant, egoq; in primis & colam, & obseruem. Vale.

## ARGUMENTVM.

*Respondet Francisci Argotis petitioni, de columbis per agrestia semina educandis, & refutat cuiusdam Iuris consulti obiectionem contrariam.*

## I. Genesius Sepulveda Francisco Argoti.

S. D.

## EPISTOLA LXXXII.

**P**ERGRATA perq; iucunda mihi fuit epistola tua, qua tuum in me propensum animum, ac mei nominis studiosum liberali ora- tione & humanissimis verbis declarasti. Quam in re quoniam prouo- catum pari voluntate non respondere, turpe habetur & inhumanum, haud equidem committam, vt ipse mutuum meum officium in eo ge- nere iure possis accusare. Quod quæris de colūbarum educatione, ego feras columbas, quæ se agrestibus seminibus pascant, erectis columba- rijs educare, non esse contra iustitiam, nec ab eis illata damna sarcieda, probabile mihi videri, magno amico iudicium meum exquirenti sub- iectis causis per epistolam respondi. Qua tu, cum forte in eius exemplū incidisses, perlecta, me eisdem de rebus, quid sentiam per literas per- cunctaris. Hoc videlicet, vt opinor, innuens, moueri te oratione acuti hominis, & iuris peritissimi, qui aduersus meam sententiam, quam ipse perdoctè defendebas, magna, vt scribis, contentione, incertum per am- bitionem, an ex animi sententia differebat. Ego verò in ea disputatio- ne, quam mihi perscripsisti, nihil ab illo allatum puto, quod in epistola mea fuerit prætermisum, nihil obiectum, quod non facile possit ex no- stris fundamentis refelli. Nam quòd lege ciuili sancitum esse ait,  
Hh vt damna,



vt damna, quæ per se quisque, vel per animalia sua intulerit, sarciantur, & iustam legem etiam civilem non sine peccato violari libenter ipsi omnem hanc sollicitudinem remissemus externa & civili lege confirmandi, quæ à nobis posita sunt, & lege pontificia firmata, quam eandem diuino & naturali iure niti fatemur. Non igitur actum agere, sed de iustitia inductæ à nobis exceptionis disputare docti hominis erat, & perspicacis. Num parua priuatorum damna, quæ ad publicum bonum referentur, à communi lege excipienda sint, vt nobis æquitatem quandam naturalem, & publico gentium more probatam sequentibus videtur, & in eo si aliter sentiret, nostram opinionem nō tam hominum doctorū, quos interdum videmus, vt necesse est, in longis operibus dormire, quàm certioribus rationibus refellere. Quid igitur ego sentiam, quibus rationibus, & quasi fundamentis nitatur, illa mea epistola te facile docebit, nec erit difficile tibi viro docto & acuto ex eisdē, si accuratius consideres, dissidentium cauillationes confutare. Si quid præterea desiderabis, fieri enim potest vt nos pro nostra imbecillitate præsertim in tātis tenebris allucinemur, & ad latentem aliquam salebram imprudentes offendamus, tuum erit oculatiores intelligentioresq; ac minus occupatos consulere. Vale Corduba postridie Non. Aprilis. 1552.

## ARGVMENTVM.

*Laudat eiusdem Argoti in patriam amorem eumque dum ab ipso quedam encomia Cordubæ communis patriæ colligi cupiebat, remittit ad libellum à se de appetenda gloria conscriptum.*

## I. Genesius Sepulveda Francisco Argoti.

S. P. D.

## EPISTOLA LXXXIII.

**P**ATRIAM tibi esse charissimam, teq; Cordubæ, vbi honestissimo loco natus es, singulari quodam amore teneri, quod omnibus partibus epistolæ, quam ad me misisti, profiteris, laetor equidem, & laudo. Nam qui patriæ amore ducitur, is si quidem sibi constare velit, enixè dabit operam, vt eidem, quantum in ipso fuerit, vbique laudi sit & ornamento. Quod cum ab omnibus probis ciuibus postulandum & sperandum est, tum ab eis maximè, qui domesticis exemplis ad gloriam, quod tibi accidit, excitantur. Neque verò mirum est, te patriam ad amare, urbem iam olim præclaram, alumnorum bellica virtute, & doctrinarum scientia in primis nobilitatam, præterea regionis felicitate, siue vbertatem spectes, siue agri amoenitatem & coeli temperaturam quæras, nulli terrarum posthabendam, cum Homericus ille Vlysses vir



ses vir sapientissimus Ithacam patriam suam in asperrimis saxis, ut Cicero ait, tanquam nidulum affixam immortalitati prætulisse memoratur. Quod autem hortaris, ut quæ in auctoribus ad laudem Cordubæ communis patriæ pertinentia notauerim, in vnum quasi encomium congeram, non est quod vacui scriptoris, & scribendi argumenta querantis onus mihi homini occupatissimo, & mole necessariorum studiorum pressio imponas. Cæterum adolescens ista ætate, qua tu nunc es, & isto animi feruore libellum scripsi de gloria appetenda, in quem aliqua congesti isti tuæ voluntati non aliena, unde ea petere licebit, editus est enim libellus, & cum cæteris meis opusculis fertur. De conditore nihil, quod equidem legere meminerim, traditum est, nisi quod Strabo Cordubam Marcelli opus esse scripsit, non, ut opinor, quod ab eo condita sit, quam esse multò antiquiorem certum habeo, sed quod Patricios Romanos cum selectis indigenis in eam coloniam, quæ idcirco Patricia cognominata est, Marcellus deduxerit. Nam ante bellum secundum Punicum nondum imperio Romanorum in Hispaniam vltiorem progressu, Cordubam Bætici principatum obtinuisse declarat Siliij Italici carmen, qui de gentibus Hispaniæ, quæ Anibalem in Italiam infestis signis proficiscentem secutæ sunt, memorans ait.

*Nec decus aurifera cessauit Corduba terra.*

De cœli regione non dubium est, quin quarto climate Corduba contineatur, quod medium locorum tenet, ac proinde cœlo utitur ex omnibus temperatissimo. Guajardus noster, quod ipsi per literas mandaueras, mecum egit diligenter, ut est in omni genere officiosus: sed ad cætera iam suprâ respondi. Errata, quibus Librarij opus Aristotelis de Repub. à me conuersum & enarratum multis in locis deprauarunt & emendationes, cum his ad te literis mitto: quas cum scribebam, paucis diebus in prædium meum Marianum, inde in urbem cogitabam. Vale. Ex hybernis meis Putalbanis, quinto Idus Februar.

1554.

#### ARGUMENTVM.

*Prædium suum Marianum cum Leopoldi Austrij Episcopi Cordubensis latifundio comparat & vtrumque pulcherrimè describit.*

### I. Genesius Sepulveda Leopoldo Austriæ Episcopo Cordubensi.

S. P. D.

#### EPISTOLA LXXXIIII.

Hh 2

AGELLVM



**A**GELLVM cum latifundio, villam cum pratorio conferre leuitatis est; me tamen meum pradium Marianum, quò nuper ex more, studiorum gratia secessi, non minùs delectat, quàm te Præsul amplissime ager iste tuus, cui alneta dedere nomen. Magna res est, fateor, & quæ possit regios animos sollicitare, cum tectis magnificis latissimè patètem fundum habere, qui binos hortos irriguos complectatur, & Neronianis vastiora prata, quæ bouum, ouium, & generosarum equarum gregibus pascendis sufficiant, idq; ad ripam Bætis nobilis amnis, ad quem oues olim aureis velleribus indui solitæ fuisse memorantur, ac ut verbis utar Martialis lib. 9. epigr. 62.

*Vellera natiuo pallent ubi flaua metallo,*

*Et linit Hesperium bractea viua pecus.*

Et hæc omnia in suburbano loco possidere, ad quem tibi Corduba post prandium profecto, diu commorari, & occidente sole domum redire liceat, quod ipse tum valetudinis animique gratia, tum ut ineptorum hominum molestias, interpellationesque deuities, tertio quoque die facere consueuisti. At me paruus, si cum tuo conferatur, & meæ tenuitati conueniens ager hoc magis delectat, quò longiùs abest ab urbano tumultu, & me magis potest ab interuentorum inutilibus congressibus vindicare. Non quòd me *μικροβουλία* Timonis illius Atheniensis imbuerim, nec quòd mores hominum ferre nequeam, ut quidam, quos ob eam causam in agris vixisse testatur Cicero, contentos re sua familiarum. Inhumanum est enim hominem natum gregale animal de comuni hominum conditione recusare. Sed quoniam studiorum, in quibus maximè acquiesco, magnam occasionem solitudo præbet, quam sæpe cogor inter aulicos & urbanos strepitus desiderare. Quod si magnitudine vincimur, num etiam amoenitate? Non hæc magnus aliquis fluuius præterfluit: at fontes duo perennes aqua dulcissima largiter manant, quorum alter citrearum omnis generis opacam syluam sedibus, & quasi gradibus instar theatri in montis latere distinctam rigat, a quo per euripos non sine iucundo murmure delabentibus, & subinde per opportuna præcipitia maiore strepitu gradatim desilientibus. Alter, qui coelestia aqua ex montibus confluenta augeri solet, illam vallem interfluit, quæ syluam, de qua dixi, & alios prætereâ undique impendentes montes partim vitibus, ficis, oliuis, cupressis, amygdalis, pinisque, & ilicibus, partim vnedonibus, myrtis, & lentiscis, cæterisque spontè nascentibus fruticibus vestitos excipit, exigua quidem, sed multis varij generis frugiferis arboribus, cydoneis, punicis, persicis, cerasis, pomis, pyrisque confita: his adde prunas, & nuces tum auellanas, tum etiam iuglandes, alnos ad interfluentis riuicrepidinè spontè nascentes, & salices gallicas, itemq; vimineas, & arundines



dines prætereo, ne hac quoque parte, qua sumus longè inferiores, temere vobiscum certare, & de paruis rebus leuiter blandiri nobis videamur. Aluearium memorare idcirco me nec piget, nec pudet, quoniam mihi de regno ciuiliq̃ue administratione hoc temporis commentanti illud regiae Reipub. in paruis insectis simulachrum contemplari gratissimum est. Quis enim cum voluptate quadam apum in suis regibus educandis, deinde ex copia deligendis, & sublata seditionis occasione officijs omnibus colendis, curam & quasi pietatem non demiretur? præterea in muneribus, quæ partitis prouincijs suscipiuntur, flores & nectarum humorem comportandi, & congerendi, fauos, mella, cerasque cōficiendi & figurandi, obeuntis solertiam & studium? Ad hæc mirificam in paranda re familiari diligentiam, in vtēda parcitatē, & in colonijs tempore deducendis, denique in omni parte Reip. in communem utilitatem gerenda, industriam, atque prudentiam? quarum rerum contemplatione non solum oblectari, sed interdum etiam, quid naturæ ratio in coetu hominum, & ciuilibus administrationibus poscat, utiliter admoneri licet. Itaque hanc ego philosophandi operam ab studijs literarijs non serungo. Sed video te aluearium facile posse auariorum magno cōpensare, quod tibi multis & domi & ruri generibus constat, Cygnorum, Gruum, Phœnicopterorum, Ciconiarum, Tardarum alium, ac vt cæteras præteream, quas pro nouitate, & pulchritudine demirari magis possum, quàm Latinis nominibus appellare, Pauonū magno numero, quos idcirco tibi maximè ex omnibus inuideo, quoniam Tusculanum illud Ciceronis, cuius hoc nostrum Marianum pro nostra tenuitate æmulum esse peruellem, hoc genere abundasse constat, vnde Cicero idem ad Papyrium Poetum scribens, *Plures inquit iam ego pauones confeci, quàm tu pullos columbinos*, atque eò magis, quòd pauones, vt aspectus sunt pulcherrimi, sic cibo gratissimi, & ad magnos amicos, si fortè accidat, accipiendos mens aptissimi, cum vos autem opulenti, & magno animo Principes speciosa, tenuiores utilia magis consecretentur, quod re vtraque commendatur, omnibus solet esse cordi, vt intelligas, quàm grato animo tuum de pauonum noua foetura promissum expectemus. Accedit, quòd villatici pauones hoc sunt à ferarum maleficio tutiores, quod noctu, cum illæ maximè grassantur, tectorum cacumina, aut transuersos in sublimi pallos cubandi gratia, quod ad tuum prætorium animaduerti, sponte conscendere, ac aduolare solent, cum gallinæ, quæ cum paucis columbis, summa est auariorum nostri, & cæteræ cohortales non solum interdum pascendi gratia vagantes, sed noctu etiam, si curam villicus concludendi remittat, vulpecularum insidijs apud nos quidem in hac nemorosa regione sint opportunæ, nisi essemus contra maleficorum animalium iniurias vigilantissimorum canum præsidio muniti. Quorum partitis locis in villæ, agrique custodiam excubantium nocturni latratus, præ-



ferim cum feram insequuntur, nobis interdum non minus grati sunt, quam matutini lulciniarum, & reliquarum auicularum cantus iucundi, quæ huc frequentissimæ confluere solitæ, aures nostras tunc maxime certatim concinentes demulcent, cum lucente die cubitu surgentes per tramites arborib. interiectos officio fungimur horariarum precû, dumque res diuina, quam festis, & tertio quoque die patrare quasi legitimum nobis est, paratur, inambulamus, aut cum de studio fessi ad easdem semitas animi relaxandi gratia inclinato iam die remeamus, & opaca consecretantes inter aquarum susurros & suauissimos odores, qui ex arborum præsertim citrearum, quas *Narangios* patrio vocabulo nuncupamus, floribus afflantur, capita fontium & proximam piscinam inuisimus. Quæ largioris superiorisque fontis aqua excepta colligitur, ut copiosior inde per riuos deducta, commodius ablaqueatarum arborum radicibus infundatur. Atque hanc quidem philosophandi vicissimque honestissimis oblectamentis animum ab studiorum fatigatione recreandi facultatem nobis nostrum Marianum, hoc quidem verno tempore suppeditat, nemini iniuriam aut negotium faceissentibus, nullius pacem sollicitantibus. Itaque Marianenies hi dies, & cum mansuetioribus musis consuetudo mihi tantoperè placent, ut libenter sim omnibus omnes opes concessurus, dum mihi saluo officio liceat hoc modo vivere. Quam vitam si quis morum tetricus magister, & censor homine Theologo parum dignam esse putat, Paulum audiat sic Romanos alloquentem, *Regnum Dei non est esca, neque potus sed iustitia & pax, & gaudium in spiritu sancto.* Non enim iucundè viuere turpe est, sed turpibus rebus delectari. Nam honestis rebus gaudere, id demum est virum probum esse, & virtutis alumnum, quod genus vno iustitiæ nomine Paulus, ut sæpe solet scriptura sacra, nuncupauit. Nam gaudium in spiritu sancto quid aliud est, quam iucunditas, quæ ex habitu, vsuque virtutum, & rerum optimarum contemplatione contingit? Hæc ut ad te scriberem illustrissime præsul, ea me ratio hortata est, non solum quod huiusmodi res ut sentire suaue, sic animo retractare pergratum est, sed etiam quod argumentum epistolæ non iniucundum id fore putavi, qua te fossitan ad alnetæ tuæ ineptas interuentiones vitantem citra molestiam salutarem, simulque gratias agerem pro artocrearum xenio, quod cum ipsum per se mihi gratum fuit, qui cæteras omnes venationes cum apro non confesso, poëtæ iudicium, pacatumque ridere solitus, qui sæpe apro degustato, lepori tamen potuit primam gloriam inter quadrupedes tribuere, tum eo nomine gratissimum, quod te tui Genesij non immemorem agere, libenter animaduerti. Vale ex eodem Mariano ad vndecim. Calen. Maias. An. Ch. 1554.

## ARGVMENTVM.

*Eid. inscribit de quinque mensium imbribus continuis, varijsque propterea incommodis, &*



*dis, & quod moerentem ideo animum ad alia auocarit, occasione epistolæ cum Breuiario ad se missæ.*

I. Genesius Sepulue. Leopoldo Austrio episcopo  
Cordubensi.

S. P. D.

EPISTOLA LXXXV.

**P**AVCI santè diebus in Marianum veneram, cum reddita mihi epistola tua, veneram autem otij studiorumque causa, amœni simul & arbitris remoti loci opportunitatem secutus, quod me serena bidui tempestas subinuitauerat, falsa scilicet spe iniecta, exacto æquinoctio verno, optatissimum tempus aduenisse, quo se cœlum mortalibus aperiret, imbresque remitterent, qui iam quintum mensem præter morem naturæ penè continuati sæuire, & magna variaque incommoda omnis generis animantibus importare non desistunt, dum cultum agrorum impediunt, segetes corrumpunt, afflictarum pecudum foeturam supplemento necessariam labefactant, apum pabulo, & mellificationi ob sunt. Nam me hoc quoque mouet, qui alueario intra fundum disposito, philosophando & regiæ Reipub. simulachrum contemplando non mediocriter oblectari soleo. Adde vias luto impeditas, itinera non solum torrentibus & fluminibus, sed etiam interruptis locis obseffa, ut comatus necessarios nec inuehere liceat, nec vicissim exportare. Iam illud detrimentum quantum est, passim macerias diruere, ædificia demoliri, hominum animos tristitia cōtrahere, corpora per desidiam remittere. Nam hi quoque, quibus est inimica quies, duram egestatem quotidiana opera sustentare solitis, intrastillantia tecta compulsi otio ingrato quasi veterno torpent, multi etiam ex eorum madentiumque parietum ruinam metuentes, duabus quasi furijs, timore, & fame exagitantur. Quorum malorum, & publicæ vastitatis, difficillimi que temporis cogitatione moerentem animum meum exhilarauit epistola tua perhumaniter scripta, & ab ea molestia ad iucundiores considerationes reuocauit, per occasionē libri, qui simul redditus mihi est de ratione Deum per preces diei temporibus accommodatas ritu Cordubensi placandi, quod clerici more nostro Breuiarium appellamus. Quanquam enim vna est ecclesia catholica, vnaque fides, tamen piorum eidem ecclesiæ probata consuetudo inualuit, ut Deum Christum varijs ritibus per prouincias & dioeceses veneremur. De quo libro, & precandi modo per clericos diligentes, & eius generis formularum peritos tua voluntate nuper correcto, & cōcinnato nō paucos te cōsuluisse scribis prudente scilicet cōsilio, ut res, quæ ad multorum vsū pertinet, multorum iudicio cōprobetur, sed ut multi multa loquuntur, varias fuisse cōsultorum sententias, quocirca me rem tibi gratā facturū, si librū legerē, sententias tuis literis explicatas perpenderem, & ad te, quid mei iudicij esset, perscribere.



scriberem. Faciam igitur quod iubes, et ad te quid sentiam separa-  
tim perscribam. Vale. Pridie Calend. April. An. Christi. 1555.

## ARGVMENTVM.

*Petro Sepulveda fratri S. F. mandat, ut marmoreum lapidem, cui epitaphium, quod sibi  
ipse fecerat, inscriptum erat, ad se mittat & quid velint hæc literæ S. V. F. ipsi explicat, si-  
bi quæ & fratri Barth. sepultura locum destinat, eò magis memor mortis, quò grauius anno  
p. æ. edenti decubuerat.*

Io. Genesius Sepulveda Petro Sepulvedæ Portio-  
nario Ecclesiæ Cordubensis

S. P. D.

## EPISTOLA LXXXVI.

**S**cripseram ad te, dares operam, ut Epitaphium, quod meo tumulo  
confeceram, in lapide marmoreo incidendum curares, id autem e-  
rat huiusmodi.

D. X. S.

I. Genesius Sepulveda, qui se ita gerere studebat, ut i-  
psius & mores probis pijsque viris, & doctrina, scripti-  
que de Theologia, & Philosophia, historiarumque libri  
doctis, & æquis probarentur.

S. V. F. Vix. An.

Tu inscriptum iam esse lapidem rescripsisti, sed obscuram inscriptionē  
ex parte tibi & amicis, quibus eam legisses, videri, notæ illæ punctis di-  
stinctæ quid signent ignorantibus, atque quærentibus, de quo velis e-  
doceri. In qua scilicet hæretis antiqui moris ignoratione. Solebāt enim  
veteres Romani, quos imitari mihi placuit, studentes breuitati, pro ver-  
bis verborum primas literas, præsertim in sepulchrorum lapidibus ad-  
scribere. Si quis ergo sibi cum inscripto lapide sepulchrum parauerat,  
pro his verbis *sibi viuens fecit*, eisdem illis notis, quæ vos perturbant,  
per puncta distinctis utebatur. Hæc igitur amicis dubitantib. dicere po-  
teris, & lapidem ad nos primo quoque tempore mittes. In huius enim  
nostri Putalbanî municipij æde sacrarum maxima, & primario sacello,  
Presbyterorum primum, deinde etiam Antistitis concessu duabus se-  
pulturis loca designaui: quarum alteram mihi in pariete inclusam con-  
struere molior, quæ isto inscripto lapide claudatur: alteram in proxi-  
mo, Bartholomæo fratri, & posteris destinaui, viro ut nosti optimo &  
grauissimo: ut qui post diuturnam peregrinationem, ille ex bellis, in  
quibus



quibus diu non sine sua laude versatus fuerat, ego ex gymnasijs literarū in patriam reuersi, summa concordia & charitate annos iam circiter viginti simul viximus, & vt spero viuemus, ijdem post mortem eodem facello iaceamus. Me namque mortalitatis vehementer admonuit grauiissimus ille periculosusque morbus, quo diu anno superiore, quem suspicor mihi fuisse climactericum, medicis iam, vt nosti, de mea salute desperantibus, conflictatus fui. Quo in morbo si quid mihi accidisset, illud me in primis solabatur, quod talem fratrem nominis bonorumque meorum heredem, quibus se ipse aleret, & sacrificulo impartiretur, qui statis in perpetuum diebus re diuina facienda iram Dei nobis, nostrisque corpore exutis animis placaret, & te non ab similem alterius olim defuncti fratris filium, superstites relinquerem, qui communi consilio, opeque mutua vobis ipsis & familiae prospiceretis, & mea vice propinquorum indigentiam pro vestra facultate aliqua ex parte leuaretis. Nam te quoque vehementer gaudeo virum probum & esse, & ab ijs, qui tuos mores longa consuetudine perspexerunt, existimari, id est, à cæteris Ecclesiae Cordubensis sacerdotibus viris grauiissimis & prudentissimis, quibus ita probatus es, vt quæ munera singularem fidem, integritatem, ac diligentiam requirunt, ea nulli omnium nec frequentius quam tibi, nec incunctantius mandare soleant. Quo te magis hortor, vt quam expectationem de te concitasti, quam tui opinionem hominibus dedisti, hanc non tuearis modò, sed officijs etiam vincas, & cumulatè satisfacias. Nam virtutis & industriæ sola via est, quæ ad veram laudem ducit, & quæ proximè itur ad felicitatem sempiternam. Hoc institutæ vitæ tuæ ratio postulat, hoc presbyterum decet, id est, Christi ministrum, & dispensatorem mysteriorum Dei. Hoc mihi, quo auctore loco isto collocatus es, nec viuo, nec mortuo gratius quidquam facere, maioremue gratiam referre potes. Vale.

## ARGUMENTVM.

*Purgat se Fernando Valdesio Pontifici Hispalensi, quod morbo impeditus, & amicis annum climactericum timentibus, iam pridem literarum nihil dederit.*

I. Genesius Sepulveda Fernando Valdesio Pontifici Hispalensi. Inquisitori generali.

S. P. D.

## EPISTOLA LXXXVII.

**N**VLUA mea negligetia factum est, praesul amplissime, vt nihil iam pridem ad te literarum dederim, qui te libentissimè soleo, cum locorum interuallo distinemur, per epistolas pro meo in te studio,  
li & obier-



& obseruantia salutare. Sed me diu grauiſſimi & periculofſi morbi viſ ſic afflixit æſtate ſuperiore, medicis iam de mea ſalute deſperantibus, ſic vires extenuauit, vt eas, quamuis valetudini diligenter ſeruſerim, & & iã ab initio morbi nouus hic mēſis agatur, ſatis recipere nequiuſerim, ſcilicet vt ſolent ſenes paulatim, nimisq̃ tardè conualeſcere. Hunc ego annum ætatis meæ ſexageſimumquartum numerabam, tamen nō defuerunt ex amicis meæ ſaluti metuentibus, qui ſuſpicionē ad ſexageſimumtertium reuocarent, vt eſſet is annus climactericus traditione medicorum infamis. De quo Gellius noctium atticarum lib. 16. *Obſeruatum inquit, in multa hominum memoria, expertumq̃ eſt in ſenioribus pleriq̃ omnibus ſexageſimumtertium vitæ annum cum periculo, & clade aliqua venire, aut corporis morbiq̃ grauioris, aut vitæ imeritus, aut animi ægritudinis.* Idemq̃ ex epiſtola Auguſti Cæſaris ad Caium citat hæc verba, *Spero te lætum & bene valentem celebrare quartum & ſexageſimum natalem meum.* Nam vt vides κλιμακτηρᾶ cōmunem ſeniorum omnium tertium & ſexageſimum euafimus. Talia igitur amici mente agitantes hoc magis meæ ſaluti metuebant. Ego verò, fuerit ne hic annus meus κλιμακτηρικὸς, pro certo affirmare nihil poſſum, illud certò ſcio, multis me grauioribus & corporis, & animi ægritudinibus, & moleſtijs, itemq̃ rei familiaris iacturis laboraſſe, hinc morbo, illinc iniquorum meorum calumnijs conſtictantibus. Illud me ſolicitat etiam nunc, quòd cum ætate ingraueſcente magis indies à peregrinationibus, vt natura fert, abhorrerem, hæc aduerſa valetudo ſic me extenuauit, vt verear, ne mihi non liceat ſine periculo hoc anno me in viam dare, vt ad vos perueniam. Quod multis ex cauſis maximè vellem, præſertim ſi Carolus Cæſar rex noſter in Hiſpaniam, vt eū parare rumor eſt, omnibus quidem ſed mihi inprimis optatiſſimus, longò ſcilicet poſt tempore remeauerit. Hæc ad te pontifex grauiſſime, & mihi maximè colende patrone, cui res meas, nomen & dignitatem pro tua humanitate, mea q̃ue in te ſingulari obſeruantia curæ eſſe magnis documentis perſpexi, ſcribenda putauī, ſimul vt apud me quomodo eſſet, intelligeres, ſimul vt me tibi purgarem, ſi fortè meum officiū vel ad te ſcribendi, vel in aulam regiam muneris mei cauſa redeundi deſideraſſes, accuſandum ūe putaſſes. Vale pridie nonas Martij Anno Chriſti. 1555.

## ARGVMENTVM.

*Laudat Iacobum Fernandum Græcarum literarum Salmanticæ profeſſorem & ad maiores progreſſus excitat.*

I. Geneſius Sepulveda Iacobo Fernando Græcarum  
literarum in Academia Salmanticenſi  
Profeſſori.

S. P. D.

EPISTO.



## EPISTOLA LXXXVIII.

**Q**VAE meus Neyla vir optimus, ac ut ipse scribis, grauissimus simul, & humanissimus ad me de tuis moribus, & doctrina summam scripserat, hæc tuæ literæ perhumaniter scriptæ abundè declararunt. Quippe quarum partibus omnibus singularem quandam modestiam, & virtutis, ac optimarum artium, & doctrinarum studium prætefers. Quod vel ex eo intelligi poterat, quòd eos tantoperè colendos, & obseruandos putes, quos harum rerum opinio non vulgaris, & hominum eruditorum fama commendat, quod mihi pro tua scilicet humanitate, & animo in meam laudem propenso accidisse, conscribis. Quantos autem progressus in literis tum Græcis, tum etià Latinis feceris, & quantum de te sperare liceat, eiusdem epistolæ elegantia & prudentia demonstrat. Perge igitur, & quam expectationem de te concitasti, eam fac ut tuearis atq; sustineas, meq; diligas, id enim mutuo facies, nec committam, ut illa seueritate, de qua legenti mihi risum mouit locus epistolæ tuæ, iure ab scribendo deterritus, retardatusue fuisse videaris Vale.

## ARGUMENTVM.

*Apud Iacobum Neylam conqueritur de inuidorum suorum calumnijs, miscetque hinc inde sententias morales.*

I. Genesius Sepulveda Iacobo Neylæ. I. Pont. Doctori,  
Canonico Salmanticensi.

S. P. D.

## EPISTOLA LXXXIX.

**Π**Ερὶ σὺ δὲ, inquis, οὐδέ τις λόγος. *Infere nūc Melibæe pyros, pone ordine vites.* Ergone inimicorum calumnia perijt labor irritus anni? imò annorum multorum? *sepe malum hoc nobis si mens non leua fuisset.* Quid enim oportuit spretis veterum ac fidorum, vsuque rerum peritorum amicorum monitis, crabrones irritare? Talia scilicet tibi in mentem venisse, & talibus pro tua in me singulari, & multis in rebus perspecta beneuolentia te vicem meam sollicitari solitum, nec ego dubito, & tuæ literæ significabāt. At [*θαροῦμαι χρὴ φίλε βάρη, τὰχ' ἀγριοῦ ἔσται ἀμφοῖν.*] Ego verò neminem laceSSIUI, sed cum meum, ac potius publicum nationis negotiū agerem, quorundam animos inuitus offendi, nec cum crabronibus mihi rem futuram esse existimaui, sed cum mitioribus apib. & hoc illi erant fortasse, nisi ducem hac in parte mirificè & inusitatè aculeatū habuissent, versutia scilicet plusquam vulpina, scorpione nocentiorē. Cui tamē illud obijcere nō possū, me nō indicto bello ab eo fuisse suis armis oppugnatum. Qui mihi inter initia contentionis periculum apertè per amicos denunciauerat, meminisseque iusserat, neminem cum ea fami-  
lia si-



lia sine sua perniciē contēdisse. Quasi verò mihi cum tota familia, quam veneror & suspicio, certamen fuerit, & non cum paucissimis ex ea, quorum tamen nemo fuit, præter hunc, qui ad calumnias descenderet, nemo qui à nobis pertinaciter & acerbè dissentiret, ut solent probi & religiosi animi à callidis & calumniosis consilijs, quibus dissimiles quidam pascuntur, abhorrere: & turbulentorum ingeniorum imitationem & societatem, ut impiam & sceleratam sibi quē probrosam aspēnari. Nisi quòd illam verborum iactationem ipse ad errores literarios, quos eò diligentius mihi cauendos esse intelligebam, non ad calumnias, & falsa crimina, quęque mihi in illo altero genere nocere possent, referebam, quod tamen damnum hoc ego patientius fero, quòd memini, semper quē meminero, virorum sapientium iudicio felicitatem, quę mortalibus potest in hac vita contingere, & quam vsu virtutis non impeditæ metiuntur, non tam ad publica negotia, & magnos honores, qui rarò sine periculis & laboribus suscipiuntur, quàm ad otium honestum referri, quod sit cum literis, & optimarum rerum contemplatione coniunctum, & mediocritatem ubique optimo iure commendari. Itaque non sine magna causa Hesiodum illud laudatur, *ἔναι πλεοῦν ἡμῖν οὐ τὸ πάντος*. quod Pittacus Mitylenæus ex septem Sapientibus vnus, in reddenda tyrannidis depositæ causa vsurpasse memoratur. Nolo igitur te earum rerum cura de me sollicitari, quibus ipse minimè angor, utpote quę nec meliorem me fortasse facerent, nec doctiorem, nec ad vitam vel trāquilliorē, vel minùs laboriosam traducerent. Sed quędam, inquis, non ad opes, quarum mediocritate, quę nobis ope diuina, nostra quē industria contigit, contenti esse debemus, expetuntur, sed ne officia, studia quē nostra sordere, cui minimè vellemus, vel contemptui esse videantur. Fateor me non nihil interdum istiusmodi cogitatione commoueri. Sed quid agas, si quis te calumniandi versutissim⁹ artifex, erroris, quo se insolentius iactabat, & religiosorum principū fidei, ut verbis vtar Pauli, dominari volebat, per te cōuicti dolorē impatientissimè ferens, apud eosdē principes, quo tuā auctoritatē, gratiam quē minuat falsis criminib. circūueniat? oppugnet quē; quę nominatim diuinare, & refellere nequeas? Quę est iniquissima cōditio, ut indicta causa tacito iudicio cōdemneris, id quē notissimæ versutię ac vanitatis inimici testimonio. Sed nos fortasse vaticinamur, & longè diuersa ratio in fontibus obfuit, ambitionis suspicionem ambitiosa cautione vitandi, quę parum fortassis habeat æquitatis, si pariter in impares habeatur, ne fortè res per se honesta maioribus officijs atque virtutibus obstat. In tãta igitur maleuolorum iniquitate, cū nihil sit sapientis præstare præter culpam, stultum est, Fortunę temeritati succensere, ac potius à Dei volūtate frustrà & impiè discrepare, qui occultis rationib. per summā sapientiam mortalib. consulit, sæpe optatis meliora tribuendo.

Quid



Quid si etiam reb. maioribus indigni sumus? ut certè sumus. Hoc enim fortassis verè obijciat ex obrectatoribus quispiam, cum quibus mihi de religionis, & virtutis possessione pugnare, non est consilium, facile melioribus concessuro, modò ne nobis utramque ipsis fortasse non negligentius colentibus vitio det quisquam, quòd id sine fuce fallacijsque, & cum ingenua quadam & honesta libertate facimus. Néue quis nobis succenseat, aut crimini vertat, quòd utimur ingenio nostro paulo scilicet liberiore. Est autem proprium ingenij liberi, nullius gratiam mendacijs, vel assentationibus aucupari, offensionem animorum, ne ab officio discedas, non magnoperè vereri, in amicis, si res poscat, admonendis, & in viam, si fortè deflexisse videantur, reducendis, non esse timidum. Ut nihil fingere, sic nihil fictum libenter audire, nihil ad voluntatem, ad veritatem omnia loqui, cognitæ veritatis susceptum patrocinium deferere, prauaricationis instar esse putare. Neque verò ignoro, facilitas obsequendi quantum animos hominum alliciat, veritas quantum alienet, sed & illud scio, quosdam per seueriores, & liberiore mores duce natura summam, & iustissimam laudem fuisse cōsecutos. Quis igitur iure nobis obrectet, si magnorum virorum exemplo & præcepto in eam partem, quo igniculi naturales sine crimine vocant, non inuiti sequamur? Nam suo quemque ingenio, modò ne vitioso, seruire censent viri sapientes, nec quidquam facere inuita Minerua, id est, natura repugnante. Quæ omnia hoc liberiùs apud te virum optimum & doctissimum, libenterque commemoro, quoniam cum ab adolescentia Compluti, Bononiæ, Romæque tecum simul familiarissimè vixerim, & postea quàm in Hispaniam reuertimus, ad hanc ætatem coniunctissimè viuamus, quotidie per literas, quando coram non datur, colloquentes, meam naturam, studia, mores, & instituta tu ex omnibus optimè perspexisti, & quas persecutiones, ut verbis utar Euangelij, propter iustitiam & veritatem passus sim, quibus dolis & machinis, nisi has strenuè dissipassem, appetitus fuero, tu optimus testis es, qui particeps etiam molestiarum fuisti, & in iniurijs propulsandis adiutor. Ut igitur ad propositum redeamus, sic iucundè securèque, & ex Christiana Philosophia viuere licebit, si quado rectè viuendi instrumentis a re familiari non usquequaq; destituimur, ita nos comparabimus, ut extrinsecus ne pendeamus, néue dolendi, & gaudendi rationes aliudè suspensas habeamus, sed officiorum fructum satis magnum in rectè factorum conscientia situm esse existimemus, qui gradus est, & proxima via ad ciuitatem illam permanentem, de qua semper quidem, sed in hac maximè iam propè decursa ætate nobis cogitandum est, & fluxa hæc, & caduca pro nihilo ducenda. Ne quæ alij minoribus fulti præsidij delata magno animo contemnunt, hæc ipsi exiguo, expectata duntaxat opinione hominū magnifacere videamur. vale.



*Reginaldum Polum S. R. E. Cardin. laudat, quod per ipsum Britanni ad fidem Catholicam redierint, & addit difficultatem conscribendæ historiæ suamque de principibus Hispanis, & rebus Britannicis ipsi emendandam transmittit.*

I. Genesius Sepulveda Reginaldo Polo S. Romanæ Ecclesiæ Cardinali

S. P. D.

EPISTOLA XC.

**P**ost optatissimum, & bonis pijsq; omnibus gratissimum nuntium, quo tui Britanni, te potissimum, secundum Regem, & reginam optimos & religiosissimos Principes, auctore ad sanitatem, fidemq; catholicam rediisse nuntiati sunt, sepe mihi in mentem venit illius diei, quo mihi ad te, coenamq; Toleti vocato cum alijs quibusdam meæ gentis studiosis literarum hominibus humanissima simul & iucundissima consuetudine tua, doctissimoq; sermone frui datum est: cum ipse nihil nisi de religione, de studio literarum, & doctis hominibus loquereris. Itaq; multus nobis colloquentibus sermo, si meministi, de Alberto pio Principe Carpenfi patrono meo, deq; Erasmo Roterodamo eorumq; literaria contentione habitus est. Nam cum res in Britannia post obitum Heduardi Regis gestas, quarum tu magna pars fuisti, memoriæ mandare pro iniuncto mihi à Carolo Cæsare munere instituissem, & res ad tuam mentionem peruenisset, pergrata recordatione mihi ante oculos obuersabatur nostrum illud Toletanum colloquiū, ex quo te propter perspectas mihi excellentes tuas virtutes, singularemq; doctrinam, & eloquentiam, diligere, atq; etiam absentem memoria colere cœpi. Quo mihi leuior erat scribendi labor, ut esse solet, cum oratio in eorum recte factis, quorum dignitas mihi chara est, commemorandis versatur. Alias enim huius generis scriptio hoc mihi grauior esse consuevit, quo magis auocor à studijs doctrinarum, in quibus orsus à puero consenui, quæq; tum sua dignitate, tum propter diuturnam consuetudinē ad se me magis alliciunt. Quanquam ei muneri satisfacere, nemini non est, ut opinor, laboriosum. Est enim magni negotij, & magnæ tum diligentiae, tum in dicendo facultatis historiam scribere, quod cum eruditi omnes fateantur, plerisq; tamen vel ratione cognitum est, vel quia sic ab expertis acceperunt, ego verò multis meis laboribus, cura, & sollicitudine didici. Sollicitum autem me habere solet ea cura, non tam, ut historiam optimi, & maximi Principis orationis ornamentis illustrem, (stultum est enim ultra vires nitendo inani labore se fatigare) quam ne in rerum gestarum, quas ab alijs acceperim, commemoratione fallar, neue parū ei legi seruasse videar, de qua Cicero in libro de Oratore secundo memorans,



morans, *Prima*, inquit, *historiae lex est, ne quid falsi dicere audeat, deinde ne quid verè non audeat: ne qua suspicio gratiae sit, ne qua simultas.* In qua lege violanda hoc meum esset maius peccatum, quod me ad officium non ratio solùm, & institutum, sed natura etiam adhortatur, quæ mihi mentem à mētendi, & blandiēdi vitio plus etiam quàm amici vellent, qui meis commodis fauēt, alienam ingenerauit. Mea igitur maxima cura est, vt auctores inueniam viros probos & graues; qui me de rebus gestis, quibus interfuerint ipsi, aut etiam præsuerint, bona fide doceant. Sed quoniam aliqua interdū silentio non prætereunda, scribentibus & singula intētiore curarimantibus, in quibus hareant, occurrunt, quæ percunctantibus, aut referentibus in mentem non venerint, commodissima perquirendi ratio semper mihi visa est, & qua ipse, cū licet, diligenter vti soleo, quod scripserim ex prima manu, per partes cū viris grauib. Latinè doctis, quibus facta, & consilia nota sint, communicare. Eam igitur partem historiae, quæ Principes nostros, & communiter rem Britanniam attingit, ex commentarijs quibusdam, quæ ad manus meas peruenerūt, & tum aliorum grauium virorum, tum ipsius Philippi Regis epistolis ad Ioannem sororem missis, à me proximè prima manu confectam tibi mitto, precorq; & oro, quod sine tua molestia fiat, vt libellum bona cū venia legas, & tum orationis vitia, si qua erunt, vt erunt fortasse multa, quæ tuas castigatissimas aures offendant, pro tua humanitate & sapientia corrigas, tum in rerum gestarū narratione, quæ desunt, adijcias, quæ perperam posita fuerint, emendes: in primisq; hominū, regionum, oppidorum, fluminumq; nomina, à nobis non per incuriam, sed per ignorantem prætermissa marginibus adscribas, deprauata corrigas. Quæ si per te facere grauaberis, hoc est, si quæ te maxima, & maximarum rerum occupationes, vt solent, impediuerint (non enim vereor, ne rem tuamq; nationem, & reges attingentem, & ad vestram iustam laudem celebrandam pertinentem contempnas) erit humanitatis tuæ, vt negotium totum, aut per partes alicui tuorum, vel aliquib. idoneis hominib. committas. Quorum diligentia, & cura emēdatus in margine libellus, aut etiam emendationum, admonitionumq; chartis adiectis, ad me primò quoq; tempore remittatur. Illud autem mihi feceris gratissimum, si earum concionum, quas prudentia, ac pietatis, vt ferunt, & facile mihi persuadent plenas, ad tuorum Britannorum concilium habuisti, exempla cum libello ad me mittenda curaueris.

Vale Corduba Ca-

len. Octobris.

1555.

IOANNIS



# IOANNIS GENESII

## SEPULVEDAE CORDV-

### BENSIS EPISTO-

LARVM

LIBER VII.

ARGVMENTVM.

*Perlegerat partem commentarij Serrani, in lib. primum Aristotelis de moribus, totum enim non licuerat: in quo reprehendit ipsius seueritatem, qua aut neminem asserere posse: Ethnicos philosophos salutem consecutos fuisse, multisque argumentis probat sententiam contrariam, aliorumque rationes refellit, & conatur ostendere Aristotelem, quia legi naturae conuenienter vixit, beatum esse: eumque defendit à veterum aliquot Graecorum calumnijs.*

L. Genesius Sepulveda Petro Serrano  
Doctori Theologo.

S. P. D.

EPISTOLA XCI.



Commentarium tuum in primum Aristotelis de moribus librum, quod mihi cum epistola misisti, ex parte legi, & quidem libenter. nam vt perlegerem, me partim ipsius longitudo, partim meae magnae occupationes prohibuerunt. Cæterum vt ex vngue Phidias leonem aestimasse fertur, sic ego ex primo capite, in quo magnum ingenium, magnamque doctrinam praefers, nec abhorres à moderato dicendi genere, & politioribus Philosophis conueniente charactere, de toto opere coniecturam feci, accuratè id scriptum esse, & varia eruditione plenum, tibi que de optima studiorum indole gratulatus sum, quæ nihil aridum, nihil ieiunum praefert, sed omnia copiosa, & exuberantia: ita vt multis etiam scitu dignis refecatis, & in alium locum, aliudque scriptiois genus reiectis, iusta & legitima enarratio relinqui posse videatur. Sed vt liberè tecum pro iure nostrae amicitiae, & quia sic ipse per epistolam hortaris, agam, in eo tuam vel diligentiam, vel æquitatem non nihil desideravi, quòd te nimis seperum, & acerbum praebuisse visus es in Philosophos etiam probatissimae vitae, id est, in viros optimos & sapientes in causa ipsorum capitali, quam extra ordinem cognoscendam, & iudicandam amicorum rogatu, vt scribis, suscepisti.

Sic enim



Sic enim ais, Primum hoc indubitatum apud catholicos supponitur, neminem asserere posse, salutē eos Philosophos (Ethnicos scilicet & sapientes mundi) consecutos fuisse, & causas deinde subijcis, & testes, auctoresq; producis. De quo tuo dogmate ut nominatim memorarem, & in id summam nonnihil differerem, ea maximē ratio me hortata est, quod ego in libro de iustis belli causis à me nondum impressione edito, sed regij consilij iussu multis descriptis exemplis, Complutum, Salmanticamque missis euulgato, eundem locum obiter cum tractarem, sententiam à tua diuersam secutus fueram, quam nunc tuis rationibus victus damnare videri poteram, si tuum Commentarium, in quo mihi multa probantur, sine vlla exceptione commendarem. Itaque faciendum putavi, ut earum, quas secutus sum rationum summam complecterer, & tibi meum iudicium in vniuersum exquirenti de hac parte proponerē, ut intelligas me non sine magna causa in illā opinionē discessisse. Quarum rationum caput est, nullum fuisse genus hominum, cui Deus Optimus Maximus & idem Clementissimus, qui vult omnes homines saluos fieri, & ad veritatis agnitionem, ut Paulus ait, venire (1. Timoth. 2.) non aliquod iuris, legumque præsidium præberet, quo salui esse possent, Deū venerando, & iussis eius obsequendo. Cuius præcepti auctore habemus Petrum Apostolū, ita differentē in Actis Apostolorū (c. 10.) *Nō est personarum acceptor Deus, sed in omni gente, qui timet Deū, & operatur iustitiam, acceptus est illi* Quam sententiam explicans Augustinus in epistola, quæ est ad Deo gratias Presbyterum, numero quadragesima nona, in responsione ad secundam quæstionem. *Ab exordio, inquit, generis humani quicumque in Deum crediderunt, eumque utcumque intellexerūt, & secundum eius præcepta pie & iuste vixerunt, quandolibet & vbilibet fuerint, per eam proculdubio salui facti sunt.* Constat autem ab orbe condito ad Christi aduentum duo duntaxat iura à Deo mortalibus esse data, vnum quod moribus cōstaret ad normam rectæ rationis, quæ imago est æternæ legis mentibus hominū naturaliter consignata, directis, quod ius naturale dicitur, perpetuum, & immutabile, quo mortales omnes vterētur. Alterum scriptum, quod ius Mosaicum nominatur, propterea quod der Mosen datum est ad naturale ius cæremoniis quibusdam, & præceptis iudicialijs, & quasi ciuilibus additis, quo iure gens tantum Iudaica, cui datum est, teneretur. Nam ut est in epistola ad Romanos (c. 7.) *Quæcumq; lex loquitur, ijs, qui in lege sunt, loquitur.* & in Psalmo 147. *Non fecit taliter omni nationi, & iudicia sua nō manifestauit illis.* In Deuteronomio quoque scriptum est (c. 33.) *Legem præcepit nobis Moyses hereditatem multitudinis Iacob.* Itaque ceteræ gentes nec Mosaico, nec alio diuino iure, quam naturali tenebantur, eiusque præceptis seruandis salutem animarum consequebantur, ut Paulus in eadem ad Romanos epistola (cap. 2.) declarat his verbis, *Non enim auditores legis iusti sunt apud Deum, sed factores legis iustificabuntur, Cū enim gentes, quæ legem non habent,*



*naturaliter ea, quæ legis sunt, faciunt, hi legem non habentes ipsi sibi sunt lex, qui ostendunt opus legis scriptum in cordibus suis.* Naturaliter enim dixit Paulus, id est, vt Thomas exponit, ad præscriptum legis naturæ, quæ petenda, fugiendaq; docet. in eundemq; sensum paulò post ait, *Si igitur præputium iustitiæ legis custodiat, nonne præputium illius in circumcissionem reputabitur? & præputium ex natura legem consummans iudicabit te, qui per litteram, & circumcissionem præuicator legis es.* Quam Pauli sententiam, & auctoritatem Thomas idem secutus (in summa secundi libri parte prima. q. 98. artic. 5.) Gentiles ante Christi aduentum sola lege naturali obligatos, & eius præceptis faciendis saluos fieri solitos fuisse confirmat, quamuis auxilio legis Mosaicæ faciliùs seruarentur. idemque testatur secunda parte quæstione secunda art. 7. Alfonso autem Tostatus noster auctor grauissimus, in libro, quæ de Paradoxis inscripsit, non solum incunctanter probauit hanc sententiam, sed multis etiam verbis multisque capitibus rationem explicauit (Paradoxa quinta, articu. 107. ad c. 134.) qua Gentiles à Deo peccatorum veniam impetrarent. Cuius orationis summa est, Gentilibus vsq; ad Christi passionem, & promulgatum Euangelium peccatum originale deleri solitum, in pueris quidem per fidem parentum, si quis fideles parentes haberet, id est, qui de Deo rectè sentirent, quæ naturaliter sentiri possunt, & idolorum immunditias cauere; in adultis autem per primum actum bonum, quem in Deum dirigerent, Mortalia verò peccata per contritionem eisdem Gentilibus, vt nunc Christianis remitti. Atque hos quidem auctores, has rationes secutus, Ethnicorum Philosophorum, qui ex præceptis legis naturæ vixerunt, causam defendi posse existimaui. Nisi fortè putamus cæteris Ethnicis hominibus per legem naturæ viam ad salutem patuisse, eandem philosophis fuisse interclusam, qui in Deo ex rebus creatis intelligendo cæteris erant perspicaciores, & in virtute non solum voce, sed vita etiam & factis docenda ætatem consumpserunt. Superest, vt ad rationes, & testimonia, quæ te in oppositam persuasionem induxerunt, paucis respondeamus, & quam vim habeant, explicemus. Quarum rationum summa, nisi fallor, triplici capite continetur. Primum, quod seruandis naturalibus præceptis non faciebant, quod erat in se, vt à Deo de via salutis edocerentur. Deinde quod cum eius naturalia præcepta cognoscerent, ipsis tamen non parebāt. Postremò quia Christi fidem, sine qua nulla est ad salutem via non habebant. De primo igitur capite primum differamus. Non faciebant, inquis, quod erat in se philosophi, quo digni essent, vt de via salutis diuinitus edocerentur, nec enim ad hoc satis erat præcepta legis naturæ seruare. Quid opus factò sit, vt homo quod erat in se, fecisse intelligatur ad bonum aliquod impetrandum à Deo, non est huius loci disputare. Nam siue id positum est in libero hominis arbitrio, siue in auxilio Dei, siue quod verius est in vtroque, & sine hoc conatu saluus fieri nemo



fieri nemo potest; hūc ijs omnib. affuisse, quib. salus contigit in lege naturæ, non potest dubitari, nisi fortè nemini contigisse putas, quod perspicuè historia sacra conuincitur, vt docet Augustinus in ea de qua dixi epistola (Ep. 49.) de his ipsis rebus edisserens, cuius verba infra scripta sunt: *Cum enim nonnulli commemorantur in sanctis Hebraicis libris iam ex tempore Abrahamæ, nec de stirpe carnis eius, nec ex populo Israel, nec ex aduentitia societate in populo Israel, qui tamen huius sacramenti participes fuerunt, cur non credamus etiā in cæteris hac atque illa gentibus alias alios fuisse, quantum eos commemoratos in eisdem auctoritatibus non legamus. Ita salus religionis huius, per quam solam veram salus vera, veraciterque promittitur, nulli vnquam defuit, qui dignus fuit, & cui defuit, dignus non fuit.* Hæc Augustinus. Adde quòd ille conatus, qualiscunque est, quocunque iure diuino homines vterentur, & quibuscunque sacramentis essent initiati, etiam euangelicis, semper ab eo postulatus est, qui ex odio peccati à se commissi ad Dei gratiam saluti necessariam aspiraret. De hac enim præparatione ad gratiam, quæ latius patet, & fuit omnibus omni tempore necessaria, differendum magis erat, quàm de illa altera hominem dignum, seu idoneum faciente, qui de Christi mysterijs diuinitus extra ordinem doceretur, quod paucis singulari Dei beneficio contigit. Nos enim & vt arbitror ij, qui tuam sententiam sciscitabantur, non de priuilegio, sed de communipriscarum gentium conditione laboramus. Quod secundo loco Ethnicos Philosophos à Paulo in epistola ad Romanos (cap. i.) damnatos esse dicis, scis eo loco Paulum de improbis, & vitiosis, idolorumque cultoribus memorare, qui cum Deum cognouissent, non sicut Deum glorificauerunt. quorum hominum conditio in omni religione damnatur: nobis autem de viris sapientibus, & optimis sermo est, qui vnum Deum agnoscebant, & venerabantur, eiusque præceptis ad iuris naturalis præscriptum obtemperabant. De quibus Paulus idem non ita multis verbis interiectis differens, non quòd auditores, sed quòd factores legis essent, iustificatos esse testatur, quippe qui sine doctrina Mosaicæ legis naturaliter, id est naturali ratione docti, præcepta legis eiusdem ad mores scilicet pertinentia facerent. Hæc enim eadem sunt vtriusque legis veteris, & item euangelicæ communia, & omnia diuina. Quod obijcis postremò de fide Christi, quo præsidio ad salutem omni tempore necessario veteres philosophos instructos fuisse negas, si claram & expressam fidem in philosophis postulas, idem argumentum valebit in Hebræos. Quotus enim quisque veterum Iudæorum claram habuit Christi, eiusque mysteriorum notitiam, aut fidem? Non igitur aperta, & explicata Christi fides priscis vel Hebræis, vel Gentilibus necessaria erat ad salutem, sed in tecta, & complicata satis fuisse præsidij, Theologi, magno contentu declarant, auctorem adhibentes Paulum, qui ad Hebræos scribens (cap. ii.) *Oportet (inquit) accedentem ad Deum credere, quia est, & inquirentibus*



*Se remunerator existit. Quem locum enarrans Thomas, Gentilibus, inquit, qui salui facti sunt, sufficiebat credere, Deum esse remuneratorem, quæ remuneratio non fit, nisi per Christum. Quam eandem sententiam in summa Theologiæ repetit (22. q. 2. ar. 7.) præfatus paulò antè (q. 1. ar. 7.) illis Pauli verbis omnium articulorum fidem implicitam contineri. Quæ igitur obiecisti, ea parû aut nihil videntur obstare, quo minus Ethnici Philosophi, qui Deum esse, & curam gerere rerum humanarum, præmium & poenam pro cuiusque merito retribuente, credentes, rectè ex naturæ legibus vixerunt, salui fuisse censeantur, quo in numero vel in primis fuisse Aristotelem non tam ex aliorum sermone, quàm ex ipsius scriptis licet existimare. Nam vnum esse Deum optimum maximum, quanuis multis nominibus appelletur, multis in locis confirmat, vt in libr. 12. de prima Philosophia. & lib. de mundo ad Alex. itemq; in lib. de motu animalium. in quo de ipsius immobilitate, & summa potentia Iouis nomine memorauit. Eundemque curam gerere rerum humanarum, & sapientes maximè diligere & remunerari, Eth. lib. 10. (cap. 8.) testatur. Quod verò pertinet ad Aristotelis mores, scio ab eius iniquis, & inuidis Stoicis, Epicureisq; finistros quosdam de ipso sermones factos fuisse ad Aristotelicæ doctrinæ de moribus auctoritatem minuendam, vt cui ingenio & rationibus pares esse non poterant, hunc mendacijs, & calumnijs oppugnarent, vulgoque persuaderent, Aristotelis vitam ab oratione discrepasse, ab eodemque sua dogmata contrarijs factis, quorum est maius quàm orationis testimonium, fuisse damnata. Aristoteles enim qui omnem de moribus doctrinam ad communem hominum sensum, qui vim habet legis naturalis, & proborum hominum cõsuetudinem prudentissimè accommodauit, summum bonum, de quo est omnis Philosophorum dissensio, in vfu virtutis nō impedire collocauit. Hanc enim partim aduersa valetudine & calamitatibus, partim inopia earum rerum impediri docuit, quæ res ad umenta sunt ad vsum vitæ, tum necessarios, tum etiam liberales. Itaque virtutem in summo bono, quæ felicitas quoque nominatur, principem locum obtinere, bona tamen corporis, & externa adesse oportere, ne virtus vtilibus, aut etiam necessarijs adminiculis, & quasi instrumentis destituta, infirmior sit ad officia, & res præclaras gerendas. Sed nec sine voluptate vitam beatam contingere scripsit, non quauis, sed ea, quæ ex vfu, & ingenerato habitu virtutis existit, iramque, & cupiditatem, & ceteros affectus, si modum teneant, non esse à virtute & conditione sapientis alienos, cum in his moderandis virtus moralis sit occupata. Epicurei voluptatem summum bonum esse contendebant, Stoici verò sola virtute vitam beatam metiebantur, etiam, si quis vir optimus extrema inopia & maximis calamitatibus vigeatur, reclamante Paulo, qui ad calamitates, quibus Christiani initio nascentis Ecclesiæ conflictabantur, intuens, in hanc vocem prorupit,*



*Si in hac vita tantum sperantes sumus in Christo, miserabiliores sumus omnibus hominibus.* Præterea nec iram, nec cupiditatem in sapientem, quales se videri volebant, cadere contendebant, ut tacita contemptus rerum humanarum, & diuinæ cuiusdam constantiæ, & integritatis professione sese vulgò, & suam disciplinam commendarent. Ita cum Aristotelis doctrina, & eius præceptis à natura ductis, ut Epicureorum libido & dissolutio, sic Stoicorum ineptiæ, & venditatio cum eorum existimationis iactura à Peripaticis conuincerentur, factum est, ut multi ex his duabus disciplinis, quæ post mortem Aristotelis inualescere coeperunt, æmuli & obrectatores eius existerent. Quorum vanitatem & petulantiam Suidas diligentissimus auctor, & idem prudentissimus paucis verbis adnotauit in verbo, Aristoteles, qui cum de calumnijs Timæi cuiusdam in Aristotelem petulanter iactis memorasset, *Sed is, inquit, dum talia iactat, vix hominum numero mihi habendus esse videtur, circulator, petulans, & rabula loquacissimus.* Aristoteles enim notarius nature fuit, cui scilicet natura ipsa scribenda dictabat, & qui calamo intellectum irrigabat, qui nihil fortasse rebus utilibus indigebat: quanquam figmentum resellere maioris artificij est, & superuacaneum. Cæterum inuidendi calumniandi que occasio inde primum Græculis quibusdam leuiculis, & famelicis hominibus data est, quod Aristoteles à Philippo Rege Macedoniæ vocatus, Lyceo relicto in aulam venisset, ibique pro virtutis, & doctrinæ magnitudine indulgenter fuisset habitus, quasi literarum studio, in quo solum acquiescebat, & in quo dies ac noctes, ut res ipsa docet, ad extremum spiritum consumens extinctus est, contempto inertiae sese, atque desidiæ, & desidiosorum voluptatibus tradidisset. Quorum omnium leuitas, & impudentissima mendacia valido scriptorum eius argumento redarguuntur: tot enim libros Aristotelem in omni doctrinarum genere sapientissimè, & cum magna & consentiente hominum approbatione confecisse constat, ut miremur eis elucubrandis vnius hominis ætatem suffecisse. Quo declaratur Aristoteles in studio literarum, & optimarum rerum contemplatione, id est, in optima virtute, & diuinæ felicitatis æmula omnem ætatem consumpsisse, iucunditate scilicet laborem minuente, quæ, ut periti nouerunt, & ipse expertus testatur Ethicorum libro decimo, maxima capitur, cum ex omni virtutis habitu, & usu, tum maximè intellectiue, ut nec corporeas, turpesque voluptates desideraret, nec locum, tempusue relinqueret ad eas fruendas, & more desidiosorum confectandas. Nam ut eodem auctore (Ethic. 10, c. 4.) & usu rerum didicimus, ut res maximè placent, sic in eas quisque, & ex eis maximè operatur, voluptate opera perficiente, & absolvente, & philosophia voluptates præbet tum puritate, tum firmitudine mirabiles. Cuius Philosophiæ, quæ & sapientia dicitur, amor in animos rebus virtuti contrarijs occupatos, & criminibus contaminatos non cadit: *quoniam in maleuolam animam non intrabit sapientia, nec habitabit in*



bitabit in corpore subdito peccatis. Quod non solum de diuina illa sapientia, quæ virtutes omnes, in primisque theologales dictas complectitur, & suggerit, sed etiam de humanitùs inuenta Philosophia, & maximè morali verissimè dicitur. Moralis enim Philosophia, quæ latissimè patet, pertinetque ad omnes vitæ partes, & rerum publicarum, legumque ferendorum rationem, & moralium dogmatum, quæ à recta ratione æternæ legis imagine proficiuntur, cognitio, & inuentio in vitiosum, & intemperantem hominem cadere non potest, cum sit inquinata eius & mens, & conscientia, vt Paulus ait, hoc est corrupta ratio, & intellectus obæcatus, ita vt mala pro bonis iudicet, & bona pro malis virtute destitutus. Quæ virtus causa est rectè de principio, vt ipse Aristoteles docet, existimandi. Principium autem in rebus agendis est finis, vt suppositiones in Mathematicis. Quo fit, vt vitiosus malè iudicet de fine, qui non solum voluptates corporeas infrænis consecratur, sed etiam maximè consecrandas esse corrupta ratione iudicat (Ethic. 7. ca. 8) quo morbo qui laborat, is quomodo potest conuenienter rectæ rationi à qua ipsius vtraque animæ pars appetitus, & ratio longè abhorret, philosophari? & de bonis malisque rebus, quarum norma virtus & vir probus est (Eth. 10. c. 5. & 6.) rectè constituere, & præcepta dare? præsertim si quis, vt Aristoteles maximè fecit, non alienis vestigijs insistant, sed suo ingenio, & iudicio nitatur, & alienos errores conuincat, cui ex suo de cæterorum bonorum sensu, ad quem omnia moralia præcepta accommodantur, iudicandū est & statuendū, quæ omnia cū Aristoteles ex omnibus mortalibus qui via & ratione naturali philosophati sunt, rectissimè & prudentissimè præstiterit, non modò non vitiosus, sed vir optimus & temperantissimus fuisse certissima ratione declaratur, auctore item Augustino, qui in libro de vtilitate credendi, *Honestissimè*, inquit, *vir bonus fuisse creditur, cuius literis generi humano, posteritatiq; consultum est* Quòd si Aristoteles affectibus humanis, vt homo erat, nonnunquam celsit, vt sæpe celsisse certum habeo, in multis enim delinquimus omnes, septiesque in die cadit iustus, & optimus est, qui minimis vrgetur, ijs tamen qui longo vsu virtutis habitum induerunt, post peccatum poenitentia statim animum subeunte, facilis est ad insitam virtutem receptus, & expeditior in gratiam cum Deo redeundi conatus. Qua in causa si quis validis argumentis non contentus, testes etiam requirit, vnum scilicet qui pro multis sit, producamus Philippum regem Macedonum, de quo supra mentionem feci, Principem, vt inter auctores constat, grauissimum & prudentissimum, cuius auctoritate, quæ omni pondere grauior est habenda quam omnia malorum testimonio, facile ipsorum calumnia conuincuntur. Extrat eius ad Aristotelem epistola, qua se Alexandro filio auctum esse certiore cum facit, seque dijs immortalibus gratias agere profitetur, non tam quòd sibi

natus



natus sit filius, quàm quòd Aristotelis tempore natus, à quo educatum eum, & doctum se regniq̃ue successione dignum euasurum speraret. Qua in re non solùm ad ingentem doctrinam, sed multò etiam magis ad probatissimos Aristotelis, & publica fama commendatos mores regem sapientissimum spectasse, ipse suis verbis perspicuè declarat. Accedit Plutarchi auctoris grauissimi testimonium, qui de hac ipsa re in Alexandri vita memorans, *Philippus cernens ingenium Alexandri tale esse, quod cogi omnino nollet, facile autem sermone ad officium faciendum pertraheretur, ipse etiam suadere potius quam mandare ei instituit: musicesque & encyclicorum doctoribus hauri satis institutionem eius credens, quam rem maioris negotij futuram arbitraretur, (ut est apud Sophoclem) quod frenam multa, multa que gubernacula desideraret, Aristotelem Philosophorum clarissimum & sapientissimum accersuit, ut filij scilicet mores à turpitudine cohibendo, ad virtutem & honestatem incitando formaret. Quod à magistris non solùm ratione & verbis sed multò magis vita, & exemplo rectè factorum præstatur: verba enim cum discrepant à vita, ut idem Philosophus ait Eth. 10. non sunt nisi verba, id est inanis, & infirma ad fidem faciendam ostentatio. Qualis erat eorum, de quibus Paulus ait, *Constituentur se nosse Deum, facti autem negant*. Sed hæc hæc haec, de quibus libenter feci, ut paulò verbosius loco non alieno memorarem, ut optimo & sapientissimo viro optimeque de moralibus præsertim nostri ordinis merito, apud te virum probum & doctum, eiusque philosophi in primis studiosum iusto aduersus inuidorum, & maleuolorum obtrectiones patrocinio gratiam aliquam referrem. Vale. Ex Mariano Sexto Idus Maij. 1554.*

## ARGVMENTVM.

*Petro Serrano, à quo monitus erat ut istis temporibus vitaret paradoxas opiniones, respondet, falsoque de se dissipatum rumorem, quod dogma illud probaret simplicem seruationem non esse peccatum. qua occasione verbosius agit de iurum inuidorum calumnijs.*

Ioannes Genesius Sepulveda Petro Serrano Doctori Theologo.

S. P. D.

## EPISTOLA XCII.

**S**cribis ad me Serrane doctissime, & pro iure nostræ amicitiae mones, ut cautiùs agam, diligenterque his periculosis temporibus vitem paradoxas opiniones. Admonitio nimirum prudentissima, & ab optimo, & amicissimo animo profecta, sed mihi tantoperè probata sponte mea, ut iam pridem in hoc maxime sim occupatus, ut dogmata paradoxa refellam, & ea tuear, quæ communi hominum sensui, qui sapientibus est pro lege naturæ, ac proinde diuina, sint consentanea, & qui-



quibus omnes homines probi, & religiosi, cum res vsu venit, factis suffragantur. Quod est multò certius, & efficacius cuiusque sententiæ testimonium in rebus agendis, quàm verborum: verba enim cum à vita dissentiunt, vt philosophus ait, non sunt nisi verba (Ethicor. 10.) Quod pertinet illud Pauli ad Titum (cap. 1.) *Consistentur se nosse Deum, factis autem negant.* Tu igitur vide, ne quas in meis scriptis opiniones paradoxas vocas hæc insitæ sint omnibus hominibus, & publicæ mortalium persuasioni, id est legi naturæ congruentes, cuius tanta vis est, vt euangelica præcepta ad mores pertinentia, quæ dura esse & paradoxa videntur, à sacris doctoribus interpretatione molliantur, & in eum sensum reuocentur, qui communi hominum persuasioni & cæteris moralibus præceptis, quæ ad naturæ normam diriguntur, nihil repugnet. Non enim nobis de fide eiusque vocatis articulis sermo est, in quibus oportet, vt verbis vtar Pauli, omnem intellectum in captiuitatem redigere in obsequium Christi (2. Cor. 10.) Quod igitur pertinet ad morum præcepta, vter magis in paradoxis versari dicendus est, qui ea præcipit, quæ mens humana respuit, nullis ingeniosorum hominum acugis, quàm probabilibus inuentis præoccupata, quæque pugnant cum proborum hominum communi consuetudine, an qui publicum bonorum morem, qui pro lege naturæ est, vt dixi, maximè tuetur? & suam sententiam tum magnis auctoribus defendit, tum ijs rationibus confirmat, quas contradicentes potentissimas, & vrgentissimas esse confiteantur? quòd amico illi nostro, viro alioquin doctissimo in eas accidit, quibus ipsi nostram sententiam in causa illa matrimonij citra tamen asserendi temeritatem confirmabamus. Qui se non videbat ea confessione, dum aliud ageret, nostram opinionem veram esse, & à nobis demonstratam testificari, quid est enim suam sententiam in causa morali veram esse demonstrare, si hoc non est? eandem potentissimis, & vrgentissimis rationibus confirmare? cui confessioni simillimum illud est, quod erat in eadem epistola tua, huiusmodi esse probationes per me in illa altera huic causæ finitima quæstione allatas, vt eis nullis nisi commentitijs rationibus possit obsisti.

Quod autem ad te fama perlatum esse addis, dogma illud Theologorum cōsensu damnatum mihi probari, simplicem fornicationē nō esse peccatum, nihil miror, hunc rumorē ab eis auctoribus sparsum esse, à quibus alter multò periculosior, multòq; latius patens, vnde hic emanauit, dissipatus fuerat, de quo non est hic locus disputandi. Neq; verò hæc prima fuit istorū calumnia, sed ex alia superiore, & impudentiore manauit. Nam cum ego de causa matrimonij difficillima, scis quam dico, Compluti consultus, & me nihil pro certo in responsione asseueraturum profatus, Eustratij dictum anceps, & suspectum, sed parum discrepans à facto Iudith sacra historia celebrato, & ab eo, quod



ab Augustino de muliere Antiochenſi lib. i. de ſermone Domini in mō-  
te traditur, retuliſſem, iſti de meo ſermone, & reſponſo cū reſciuiſſent,  
pro ſuo candore & æquitate, quod ego auctori nominatim citato pla-  
cuiſſe dixeram, id ex animi ſententia à me dictum eſſe iactauerunt, ex  
eodem quoq; periculum mihi, niſi eis negotium faceſſere deſiſterem,  
per amicos denuntiantes, loco ſcilicet iniuriæ ponebant, quòd ego in  
mea ſententia de iuſtitia belli barbarici tuenda conſtanter perſeuera-  
rem: quam iſſis inuitiſſimis non ſolùm Romæ, & per omnem Hiſpani-  
am, ſed etiam per omnem Chriſtianum orbem doctis omnibus, nō per-  
tinacibus probaui. Itaque cū veris rationibus me nec per ſe, nec per  
amicos calumniarum artifex refellere poſſet, ibi quoque ad mendacia  
deſcendit. Scripſeram ego in libro de iuſtis belli cauſis, & certiffima  
ratione à legibus diuinis, & naturalibus, decretisq; Eccleſiaſticis du-  
cta, docueram, ius eſſe & fas Barbaros noui orbis in Chriſtianorum di-  
tionem à noſtris principibus redigi, non vt bonis, & libertate, quod eſ-  
ſet iniurioſum, ſpolientur, ſed vt barbaris moribus ſublatis, & obſiſtē-  
di Euangelicæ prædicationi facultate dempta, paratiores fierent ad  
Chriſtianam religionem excipiendam: iſti me improborum quorun-  
dā militum, qui dedititiorum Barbarorum bonis per iniuriam, & aua-  
ritiam direptis, ipſos in duriffimam ſeruitutem redigebant, patrocini-  
um ſuſcepiffe, non voce modò, ſed excuſis etiam libris impudentiſ-  
ſimis, & turbulentis, vt de infana, ne dicam impia doctrina taccam,  
prodiderunt, vt meum ſcilicet librum infamarent, in quo ipſe clariſſi-  
mis verbis cenſere me conſcripſeram, in eoſdem milites ſeueriſſimè,  
vt in latrones, & plagiarios eſſe vindicandum. Quinetiam contentio-  
nis initio, ne quem calumniæ lapidem immotum relinquerent, per o-  
mnem regiam aulam, & apud omnes regionum conſiliorum ſenatores  
ſingulos adeuntes, & appellantes rumorem diſſiparunt, me ad eum li-  
brum conſiciendum animum appuliſſe, non quòd ita ſentirem, vt ſcri-  
bebam, nec officio & pietate ductum, quemadmodum prædicarem,  
vt gentis noſtræ, noſtrorumq; Principum, quos ipſi non malitia, ty-  
rannidis nomine, ſed per errorem, & ipſorum optimi iuris ignora-  
tionem infamauerant, exiſtimationis in ſua iuſtiſſima cauſa patrocini-  
um ſuſciperem, ſed mercede conductum, vt venalem ſcribendi ope-  
ram quinque aut ſex ducatorum aureorum millibus locatam latronum  
ducibus præſtarem. Deinde cū parum proficerent, & flagitioſum im-  
pudentiſſimumq; mendacium, vt erat tum per ſe improbabile, tum  
auctoris notiſſima verſutia, & vanitate ſuſpectum, nemini perſuade-  
ri animaduenterent, hoc omiſſo, ad alias artes, aliaq; ſigmenta confuge-  
runt. Sed hæc vetuſtiora. Illud recens, quod tibi notū eſſe oportet, &  
mihi nuper ab amico viro graui & docto perſcriptum eſt, rumorem  
Compluti à meis obtrectatoribus ſparſum increbuiſſe, me à vindicibus



hereticorum, quos Inquisitores nominamus, vocatum retentumque fuisse, ut rationem redderem quorundam locorum in meis scriptis suspectorum. At me nulla ex parte huiusmodi suspicionibus obnoxium sciunt omnes, non solum Cordubæ, cum adsum, ab Inquisitoribus viris doctissimis & gravissimis, sed etiam cum ad aulam regiam commoratur, ab ipsis regij tribunalis summæ auctoritatis iudicibus ad dubias hæreticorum causas cognoscendas cum alijs probatæ fidei, atque doctrinæ Theologis adhiberi solitum, tantum abest, ut de me meisque scriptis sinistrum aliquid viri gravissimi & sapientissimi suspicentur. Sed de meorum iniquorum calumnijs hætenus, de quibus ut paulo verbosius tibi rescribens commemorarem, me impulit locus epistolæ tuæ, de simplicis fornicationis calumnia, ut his rebus omnibus cognitis, etsi bonam partem tibi aliunde cognitam esse non dubitabam, & imple intelligas, & pro tua in me mutua benevolentia cæteros admoneas, si quid tale de me iactatum fuerit, nec temerè rumoribus esse credendum, & de mea sententia, non ex maleuolorum per calumniam facto sermone, sed ex meis incorruptis scriptis statui oportere. Cæterum quod maleuolorum & iniquorum meorum sæpè mentionem feci, nolo te putare meam querimoniam ad plurimos pertinere. Nam ut in causa belli barbarici pauci, & hi forsitan non ex animi sententia, certè sine acerbitate à me de veritate dissentiant, sic ad calumnias paucissimi descendunt, hoc est, vnus aut alter, sed qui pro multis sit versutia & loquacissima vanitate. Vale.

## ARGVMENTVM.

*Michaeli Metinæ Franciscano ostendit, locum illum Aristotelis. Laudabile est inimicum vlcisci potius, quam reconciliari, contra aliquorum opinionem, non abhorere à Christianis institutis, & in fine de loco anime rationalis differit.*

I. Genesius Sepulveda Michaeli Metinæ monacho Franciscano

S. P. D.

## EPISTOLA XCIII.

**N**IHIL miror, venerande pater, te, qui monastica vita, & instituto religioso morum perfectionem, & iniuriarum tolerantiam proficis, verbis Aristotelis offendi, quibus laudabilius esse tradit iniurias persequi, quam in gratiā cum inimicis redire, idque viri fortis officij rationem postulare. Quo præcepto Aristotelē nullum veniæ, ac misericordiæ locum apud virum fortem relinquere, tibi videri scribis, & quid de hoc sentiam, per epistolam percunctaris. Ad quam questionem non ex tempore, quæ in mentē venerint, sed meditata respondebo, ea



debo, ea scilicet, quæ iam pridem respondi cū Alexius Venegas vir non solum humaniorib. literis in primis eruditus, sed etiam in studio Theologiae versatus Madritij apud me in colloquio familiari, & eodem literario, cui Honoratus Ioannes vir nobilis & doctissimus aderat, id ipsum Aristoteli me quoque eadem oratione perstringens obiecit: is enim cum in Aristotelis mentionem incidissemus, me huiusmodi oratione compellauit, Quid tu, inquit, qui Aristotelis præcepta, vel ut naturæ ipsius oracula proferre soles, perstas ne in sententia, ut Aristotelicam doctrinam, cum de virtutibus agitur, & contrarijs vitijs, maximè cōuenire putes cum Christiana philosophia? At ego multa in eo philosopho præcepta notavi, quæ longissimè abhorrent à Christianis institutis, quale illud in primis est, quod primo de Rhet. ad Theodectem libro scriptum reliquit. *Laudabile est inquit, inimicos vlcisci potius, quàm reconciliari. Nam malum pro malo reddere iustum est, & omne iustum laudabile. Præterea fortis est, iniustum esse.* Et addit, Evangelica Christi doctrina inimicos diligere nos iubet, Petri, Paulique præcepto malum pro malo reddere vetamur, Aristoteles tuus simultatem alere, iniuriasq; persequi iubet, & malum pro malo reddere, magnæ virtutis opus esse confirmat. Hæc igitur doctrina, quæ impia sibi, & nefaria esse videretur, quomodo cum vera & Christiana philosophia non pugnet, me, si possem, docere iubebat, aut temperantiùs agere in studio Ethnici Philosophi, ne falsis, & impijs eius dogmatis, per Philosophiam scilicet, & inanem fallaciam, quod Paulus monet, decipiamur. Ad hæc ego summatim voce, quæ mihi visa sunt, postridiè autem scripto latius explicatis rationibus respondi. Cuius meæ disputationis summa paucis repetenda tibi ad eandem quæstionem respondebo. Nec ibo inficias, me Aristotelem tantifacere, ut eum naturæ interpretem mortalium omnium sagacissimum, id est philosophorum facile Principem fuisse putem, sed ita, ut eum hominem fuisse meminerim, quem multa ignorasse sit necesse: illud tamen affirmo, quæ Aristoteles non viderit, in quibus rebus elaborauit, hæc ut acie ingenij à natura tributa quisquam videat, lynceum esse, & omnium oculatissimum oportere. Hoc autem quod à vobis obijcitur refellere, & doctrinā, quæ vobis à dogmatis Christianistatope- re videtur abhorrere, tueri, si æqui esse volumus, non erit fortasse difficile. In qua quæstione illud in primis meminisse oportet, præcepta de iniurijs patienter ferendis, & inimicis diligendis, quæ Evangelicis, & Apostolicis scriptis traduntur, & cætera id genus, non ad communem vitam, & morem popularem, sed ad sapientium perfectionem, vel ad cuiusvis animi præparationem, ut Augustinus docet, pertinere. Sic enim Christianum animatum esse oportet, ut si hoc ratio charitatis poscat, iniurias patientissimè ferre non sit reculaturus: hoc autem si absit, nec pietatis ratio, ac humanitatis adhortetur, iniurias persequi, &



auctores vlcisci, nec à Christianis institutis abhorret, nec æternæ legi est alienum. Illorum igitur Aristotelis verborum non ea vis est, vt eo auctore laudi detur, si quis odium aut iram explendi causa, inimicum vlciscatur, eidemq; illatæ iniuriæ poenitēti, & veniā suppliciter poscēti sese præbeat inexorabilem: hæc enim longè aliena sunt ab eiusdem philosophi doctrina, & magnanimi, fortisque hominis officio, quem ipse Ethicorum libro quarto facilè iniuriarum obliuisci docet his verbis, οὐ δὲ μνησικαχὸς οὐ γὰρ μεγαλοφύχῃ, τὸ ἀπομνημονεύειν, ἀλλὰ κακὰ, ἀλλὰ μᾶλλον παρορᾶν. Non igitur trucem, & inexorabilem animum gerere, quod barbarum est, & inhumanum, Aristotelis approbatione commendatur, sed fortem, & constantem esse in hominum superbiorum, & violentorum iniurijs tum in se, tum in cæteros bonos, aut etiam in Rēpublicam illatis vindicandis, & coërcendis. Nam vt poenitentibus, & supplicibus veniam pernegare pusilli animi est, & à Christiana philosophia, & humanitate penitus auersi, sic illud iustitiæ, magnæq; virtutis iniurias persequi potius, quàm iniustis, & insolentibus hominibus remittere, quorum importunitas, nisi coërceatur, eisdem, quos semel læserint, periculosa sit, aut etiam spectet ad Reipub. malum. Talibus enim hominibus malum pro malo reddere, iustum est, & Reipub. salutare, cū impunitas, ac indulgentia prauis hominibus, vt ait Ambrosius, inuitamentum sit peccati tales enim propriè inimici dicuntur, aut hostes, non qui poenitente animo parati sunt de iniurijs satisfacere. Nec interest, ciues sint, an externi, nisi quod in alteros legib. in alteros iustis armis vindicatur. Nam iusta bella, vt ait Augustinus, definiri solent, quæ iniurias vlciscuntur. Cæterum iniurias aliter Princeps seu magistratus, aliter priuatus persequitur, ille, qui, vt verbis vtar Pauli, *minister Dei est, vindex in iram ei, qui malum agit, per se, & sua*, quæ eadem est Reipub. auctoritate, priuatus autem præsidio legum, & Principis officium implorando, vterque ex lege diuina, & naturali, qua iniustorum, superbiorumq; crimina, ne bonis amplius & Reipub. noceant, iustissimè vindicatur. Itaq; huiusmodi vindicationes ad inimici non malum, præterquàm ex accidente, sed emendationem, & coërtionem, nec ad explendam iram inferendo dolore, sed magis ad suum, suorumue aut etiam Reipub. periculum depellendum, denique ad impendentium iniuriarum propulsationem, & iure naturali concessam defensionem spectant, vt prauis homines, & violenti, qui ferè venia & facilitate, vt dixi, quam sæpe ignauiam esse interpretantur, ad nouas iniurias inuitari solent, timore deterreantur, aut eisdem per iustam necem peccandi potestate sublata, bonorum & Reipub. saluti, otio & tranquillitati prospiciatur. In quam sententiam à Thoma secundi libri secunda parte (quæst. 108. art. 1.) prudentissimè, vt solet, disputatur.

Tunc



Tunc igitur inimicos constanter vlcisci Aristoteles probare censendus est, cum iniurias negligere, & cum superbo inimico in gratiam redire, turpe esset, ac vitiosum, ut est, si temere fiat & ignauè, & cum certo bonorum, aut etiam Reip. periculo. Nam odium non quidem iniustitiæ, & criminis, prauorumque morum, sed hominis animo deponere, semper ratio postulat non religionis Christianæ solum, sed etiam humanitatis. Quod deinde quæris de loco animæ rationalis quid sentiam, num eam putem totam singulis corporis partibus adesse, an corde duntaxat, ut Aristoteles innuere videtur, contineri, ego à Thomæ, hanc quæstionem primæ partis. q. 76. arti. 8. differentis sententia non abhorreo: qui non modo rationalem, sed etiam cuiusuis perfecti animalis animam totam esse docet in toto corpore, & totam in quauis parte, totam autem, id est, secundum omnem sui perfectionem, & essentiam: non autem secundum omnem dimensionem, cum sit expers quantitatis, nec secundum omnem virtutem & potentiam: sic enim tota est in toto, & pars in parte, in oculo exempli gratia, secundum videndi virtutem, in auribus secundum virtutem audiendi. Ceterum in corde, ut in principe instrumento non mouendi solum, sed etiam sentiendi. Quapropter idem Philosophus in libro de motu animalium in corde animæ sedem esse dicit, scilicet ut in primo & communi sensorio, primoque instrumento cætera membra, totumque animal mouendi. Vale.

## A R G V M E N T V M.

*Eidem Michaeli Metinæ respondet, quid sentiat de ista quæstione quæ Compluti magna contentione disputata fuerat. Num fas sit homini Christiano, ut amici salutem consulat, mortem, quam vitare possit, oppetere.*

I. Genesius Sepulveda Michaeli Metinæ Monacho Franciscano.

S. P. D.

## E P I S T O L A XCIV.

**M**AGNA nuper contentione Compluti disputatum fuisse scribis inter viros eruditissimos, & Theologiæ procures; Num fas sit homini Christiano, ut amici salutem consulat, mortem, quam vitare possit, oppetere. Alijs ius naturæ urgentibus, quæ non patitur, ut cuiquæ alter charior sit, quam ipse sibi, alijs contra hæc doctrinam euangelicam, & Christi exemplum allegantibus. Nam Euangelio Ioannis (c. 15.) ea charitas maximè commendatur, si quis animam suam ponat pro amicis suis, & Christus pro genere humano spontè mortem subiuit; *oblatus est enim, quia ipse voluit* (Esaia. 53.) Cuius exemplum sequendum nobis esse, docet Ioannes idem, alio in loco (1. Ioan. 3.) cum ait, *Deus animam suam pro nobis posuit, & nos debemus pro fratribus nostris animas ponere.* atque hæc quidem



scribis, & vtra mihi sententia magis probetur, exquiris. Obsequar igitur voluntati tuæ, atque eo minùs grauatè quod licet magni negotij sit, doctissimorum hominum controuersiam vero statuendo dirimere, tamen vtro mihi sententia magis placeat, subiectis rationibus explicare, non fuerit ita difficile, nec te longiore sermone tenebo, quàm modus epistolæ patiatur. Illud autem in primis constitutum esse debet, nullam legem euangelicam, quæ quidem mores attingat, à iure naturali discrepare. Nam, vt omnia vera inter se cōcinunt (Ethico. 1.) sic omnium iustarum legum magna quædam est inter ipsas conuenientia, quo fit, vt lex nulla possit esse iusta, quæ discrepet à iure naturali. Nam etiam in temporali lege, vt ait Augustinus (libro. 1. de libero arbit.) Nihil est iustum, ac legitimum, quod non ex lege æterna homines deriuauerint, per legem scilicet naturalem, quæ ipsius imago est in cordibus hominum impressa. Cæterum multas esse causas, cur vir fortis certum mortis periculum piè pro alijs, & cum laude subeat, nemo ignorat: nam pro patria & Repub. quo pertinet exemplum Christi, qui pro genere humano mortem oppetiuit, & pro religione vir probus, & fortis, si officium poscat, mori non recusabit, vt plerique pro patria pugnantes, & plurimi martyres, pro religione fecerunt. nam bonum hoc maius est, & magis asciscendum, quo pertinet ad plures (Ethico. 1.) item pro parentibus, qui iure naturæ chariores nobis esse debent, quàm nos ipsi, vt docent Philosophi (Ethi. 9. c. 2.) Eos quoque vel cum periculo vitæ nostræ temporalis defendere fas est, qui nostræ fidei commissi sunt, præsertim in ipsorum animæ periculo. Nam socij, siue proximi animæ salutem salutis sui corporis anteferre, pietatis esse, consensus est Theologorum, & Euangelico præcepto de boni pastōris officio docemur, nec id minus potest sine scelere præteriri. Quin etiam ignotum hominem armis ab iniuria tueri, si possis (quod plerunque non sine periculo fit) ad officium pertinere, Ambrosius docet exemplo Moysi (Officio. libro. 1.) Alia ratio est, si quis amicitia duntaxat gratia nullis alijs grauioribus rationibus adhortantibus, mortem subeat, quo alterius salutem consulat, vt de Pylade & Oreste Tragici Poëtæ, vt est apud Ciceronem in libro de Amicitia, memorant, quorum amicissimè facta cum in scena proferuntur, admirationem magis imperitæ multitudini mouent, quàm à viris grauib; id vnquam in homines sanos cecidisse creditur aut iusta laude dignum esse existimatur, cum fieri non possit sine ordinis naturalis perturbatione, quæ vetatur æterna lege, vt docet Augustinus, estque ab ordine charitatis auersum, vt alterum plus animo, vel opere diligas, quàm te ipsum. Nobis enim nostra vita, & ius, nostraque commoda, quàm aliena, chariora esse debent iure naturæ, exceptis Deo, & parentibus, quorum charitas latè patet, & est cum religionis patriæque

& Rei-



& Reipub. dilectione coniuncta. Nam suas facultates minuere, & alterius commodis liberaliter, cum res poscit, servare, non est alterum opere plus, quam se diligere, nec idcirco vacat culpa, quod de rebus, quorum domini sumus, liceat nobis arbitrati nostro constituere, cum id fiat sine alterius iniuria, ut nuper quidam magni nominis Theologi non solum de pecunia temere profusa, sed etiam de fama sua a se consulto laesa, fallò prodiderunt: idque Ambrosij perperam, ut equidem certum habeo, & in ipsius magnam iniuriam confecto exemplo confirmare nituntur, quem ascitis domum meretricibus, seipsum infamare conatum esse imprudentissimè, nescio quis, si non etiam calumniosè commentus est, ne Mediolanensis Episcopus propter bonam famam inuitus constitueretur. Non animadvertentes in exemplo, quod probant, & similibus infamiam per falsa crimina, & perniciofa, non verborum, sed factorum mendacia stultissimè, ne dicam impiè, & contra charitatem sui, & Reipub. quæri. At licet cuique reb. suis, ut velit uti, fateor, non tamen temere prodigorum & amentium more, sed ad normam virtutis, ut faciunt liberales, & intra fines honestatis, & prudentiæ, quos non sine culpa, & delicto transferis. Nam quod aiunt, si quis volens suam pecuniam profundat, vel famam violet, facto omnem iniuriam abesse, quippe quæ volenti non inferitur (Ethic. 5.) ac proinde peccatum, dupliciter opinione falluntur. Primum sine iniuria fieri putant, quod fit cum iniuria Reipub. cuius interest, ne quis re sua male utatur (Qui sint sui, vel alieni iuris inst.) deinde neminem peccare existimant sine alterius iniuria, quod tamen sæpe intemperantes faciunt, & incontinentes. Dilapidator igitur rerum suarum, aut etiam famæ violator, sibi iniuriam non facit, tamen sibi temere, nocet, ac magnarum virtutum instrumenta adiumentaque stultissimè profundit, ita cum faciat contra charitatem graviter peccat, à qua temeritate & iactura procul abest liberalis, qui rei familiaris detrimentum cum longè maiore commodo humanitatis, pietatisque, & bonæ famæ compenlat. Pro altero igitur mortem oppetere amicitia duntaxat gratia, contra iura humanitatis esse opinor, & legem tum Evangelicam, quæ iubet proximum tanquam seipsum diligere, id est secundum se, & æternam, quæ ordinis naturalis perturbatione violatur. Cuius sententiæ auctore habemus Augustinum, qui in libro de mendacio (cap. 5.) pro vita inquit, *temporalis proximi, si quis suam ipsius temporalem perdat, non est tam diligere sicut seipsum, sed plusquam seipsum*, quod sanæ doctrinæ regulam excedit, hoc autem sic accipiendum est, nisi forte amicus is esset, in cuius discrimine Reip. salus ageretur, ut rex, vel exercitus ductor: tunc enim officium non tam amico, quam toti Reipub. præstaretur.



*Ioannem Cordubam Ecclesie Cordubensis Decanum laudat, quod ædes, quas in Iesuitarum coenobium & publicos studiosorum vsus dicauerat, nouis ornamentis, decorarit, et, que instruit de patria Aristotelis & Quintiliani, quos Cordubenses putabat.*

I. Genesius Sepulveda Ioanni Cordubæ ecclesiæ  
Cordubensis Decano, & Abbati  
Rutensi.

S. P. D.

EPISTOLA XCV.

**N**UPER amicorum literis certior factus sum, te magnificas ædes, & magnis à te impensis Cordubæ ædificatas, quas in Iesuitarum optimorum, & religiosorum hominum Coenobium, & publicos studiosorum adolescentium vsus pro tua insita liberalitate, & magnificètia dicaueras, nouis ornamentis decorare, & eam partem, quam tibi habitandam reseruasti, virorum scientia clarorum, quos Corduba tulit, imaginibus cum elogijs illustrare, scilicet ut eorundem adolescentium animi propositis exemplis ad maiorum suorum industriam, & gloriam æmulandam magis excitentur, qui nuntius pergratus, perque iucundus mihi fuit. Nam me cum omnia virtutis documenta delectant, tum ea maximè, si qua in patriæ decus à meis ciuibus eduntur. Nam ego quoque me φιλόπατρις esse profiteor, sed ut hoc tuum factum, institutumque laudo, & amplector, sic officij mei esse duco, ut te hortor, id quod est grauitatis & prudentiæ tuæ, ut in congerendis talibus viris nostræ ciuitatis alumnis ne cupidius agas, neue committas, ut studio, & nimia patriæ charitate inductus, aliena inuadere videaris. Audio enim te testimonia nescio quorum haud prorsus repudiare, qui Aristotelem etiam, non modò Quintilianum, Cordubensem fuisse somniarunt, idque memorie prodiderunt. Quanquam de Quintiliano, si erratum est in eo, facilius fuerit veniam ab æquis iudicibus impetrare, quippe cuius & patria ignoratur, & de natione non satis constat inter eruditos. De quo Hieronymus aduersus Vigilantium Calagurritanum scribens, ipsum quoque Quintilianum Calagurritanum fuisse innuit. Laurentius Valla, ut erat Romanus, & Quintiliani studiosissimus, Italum eundem, & ciuem suum fuisse contendit, publica tamen persuasio nostræ nationi Quintilianum attribuit, cui persuasione Eusebius Cæsariensis suffragatur, dum Quintilianum ab Imperatore Galba ex Hispania scilicet, ubi fuerat imperium adeptus, Romam perductum fuisse in libro de temporibus memorat. Nihil igitur mirum est, extitisse ex nostra ciuitate, qui communem opinionem secuti, Quintilianum per Hispaniam in certis sedibus vagan-



vagantem in suam urbem Senecarum, Lucani, Gallionis illius æqualium, & multorum præterea superioris, & inferioris ætatis doctissimorum virorum patriam recipiendum, & Cordubensi ciuitate donandum putarent, cum de Homeri poetæ natali solo septem vrbes contendant, Smyrna, Rhodos, Colophon, Salamin, Ios, Argos, Athenæ, quarum vrbum sibi quamque cæteris repugnantibus Homerum pro suo ciue vendicasse constat. Aristotelem autem Stagiritam fuisse, quæ vrbs, auctore Suida, Thraciæ est, omnes eruditi consentiunt, & vulgatissima ipsius operum inscriptio declarat. Vt enim Apelles Cous, Democritus Abderita, Thales Milesius à patria, sic Aristoteles Stagirita vetustissima, & constantissima doctorum consuetudine nominatur. Aristotelem igitur cum bona gratia dimittamus, & in Thraciam Græciamque mandemus: aut si retineri placeat, vt sapientium à te institutum chorum illustret sua claritate, vel eo nomine, quod philosophi Cordubenses ferè hoc duce tantos in philosophia fecere progressus, vt hospes erit, non vt ciuis, sed in locum honoratissimum, qualis Coryphæo philosophorumque Principi conuenit, recipiendus. Quod verò ad me attinet, quæ ipse dum tuæ in me ornandum, meamque dignitatem augendam propensæ voluntati indulges, in tantorum virorum numerum & chorum pro tua largitate retulisti, tibi gratiam etiam atque etiam habeo, hoc enim maior est tua in me ornando liberalitas, quo minùs meo merito hoc mihi tribuis, quod ego nec agnosco, nec postulo, nec equidè tali me dignor honore. Tu igitur vide, ne dum in augenda vnius amici, atque clientis fama, idque ante mortem, quæ solet inuidiam extinguere, prodigus es, restrictior in alios esse videaris, & multorum animos offendas. Sunt enim non pauci, qui aliorum laudibus suas minui putant, & alienæ virtutis, & industriæ commendatione ita cruciantur, quasi eadem sit ipsorum ignauia, & vitiorum exprobratio. Vale. Ex nostro Putalbano recessu. septimo Calend. Octobris. 1555.

## ARGUMENTVM.

*Ioānes Corduba Genesio Sepuluedæ gratias agit quod se de Aristotelis patria instruxerit, & reddit causam quare ipsum adhuc viuum reliquis virorum clarorum Cordubensium imaginibus præposuerit.*

Ioan. Corduba Ecclesiæ Cordubensis Decanus, &  
Ruti Abbas Io. Genesio Sepuluedæ

S. P. D.

## EPISTOLA XCVI.

**L**itteras tuas, vir vndecunque doctissime, non minùs beneuolentiæ, quam eruditionis, & humanitatis plenas maxima cum lætitiâ accepi.

M m



cepi, quibus ita sum delectatus, ut nostræ necessitudini, cui nullam posse fieri accessionem arbitrabar, hoc tui amoris tum in me, tum etiam in patriam testimonio maximum cumulum accessisse confitear, quod te tantum virum amplissimis & Caesaris Inuictissimi, & Christianæ Reipub. negotijs occupatum, mearum & patriæ rerum ita satagere videam, ut inter hæc ipsa tanti ponderis negotia, me quoque eorum, quæ aut quorundam auctoritate ductus, aut nimio patriæ illectus amore forsitan errassem, humaniter admonendum curares. Quam quidem amantissimam admonitionem eo animo accipio, ut vel hoc nomine me plurimum tibi debere sentiam, & patriæ nostræ, quæ te tanta sapientia clarum veluti ducem nobis tribuit, vehementer gratulandum censeam. Tuis autem literis responsurus, etsi me longè imparem cognosco, tamen ne inhumanus videar, si à tanto viro prouocatus prorsus obticero, illis, ut potero, ordine respondebo. Quod nostram erga societatem Iesu liberalitatem iucundam tibi fuisse dicis, valde lætor: nam etsi erga illius religionis viros propter eximiam ipsorum pietatem eum affectum indui, ut nunquam me huius facti poenitudine capiendum putem, tamen confirmantur nostra consilia, cum sentimus prudentibus, fideliterque suadentibus idem videri. Quod autem in accumulandis viris, quorum imagines in huius nostræ domus penetralibus depingendas curauimus, tum ut tantos viros nostræ Cordubæ amplissimum ornamentum ab obliuionis iniuria, quoad eius fieri posset, liberaremus, tum etiam ut iuuentuti nostræ ad consimilia studia amplectenda stimulos adderemus, erratum à nobis scribis, sic habeto, nos veterum historiarum aliquantum rudes, utpote qui in alijs studijs vitam confuentes, parum huic inuigilauius, quorundam virorum alioqui doctissimorum auctoritate persuasos Philosophorum principem Aristotelem inter Cordubensium imagines, ut Cordubæ prolem depinxisse, nulli iniuriam fieri ratos. Tantum namque omnium scientiarum torrentem ex vberissimo ingeniorum fonte, Corduba matre nostra manasse non improbabile videbatur. Nunc autem quando has opiniones minimè tibi probari video, in melius sententiam mutare statui. Tanti enim est apud me tua auctoritas, ut te auctore non dubitem Quintiliano, qui dubius de paterno solo per alienas sedes errabat, in hospitium ciuitatemque recepto, peregrinum Aristotelem in sua Stagira remittere. Nihil enim necesse habemus, Cordubæ suo splendore satis illustratam, luce lucere aliena. Præsertim cum facta iactura in eius imagine citra magnum negotium, & cum lucro rescari possit, elogio, quod Aristotelem falso indicabat, in laudem Auempaces mutato, ut quæ figura antea Stagiritam Aristotelem adulterino titulo Cordubensem faciebat, ea nunc errore expulso nostrum Auempacem, quem propter rei ignorationem humi iacere patiebamur, veris literis



literis representet. Ita fiet, ut tua admonitione Stagira, quæ per errorem à nobis spoliata erat, suum retineat alumnum, & patria nostra iam pridem temporum iniuria amissam recuperet prolem, amplissimumq; filiorum chorum feliciter foueat. Cui choro quòd te viuentem adhuc tanquam agonothesam præposuimus, id non immeritò, nec sine exemplo fecimus, sed Asinium Pollionem principem Oratorem, & principem ciuem Romanum, ut Plinius septimo Historiæ naturalis libro ait, secuti, qui in bibliotheca, quæ prima in orbe ab ipso de Manubijs publicata Romæ est, Marci Varronis vnius viuentis imaginem, inter veterum scilicet sapientium statuas posuit. Non est igitur, quòd inuidorum tuorum sermonem, de quo pro tua modestia scripsisti, extimescamus. Nam tu inuidiam magnitudine doctrinæ, & eloquentiæ, ut de cæteris tuis singularibus virtutibus, & vitæ honestate & grauitate taceam, vicisti. Inuidia enim aut inter æquales, aut inter eos, qui se exiguo discrimine superant, suam potentiam extendere solet. Tu verò tantum inter cæteros tuæ professionis viros caput extulisti, quantum lenta solent inter viburna cupressi. Ita scilicet, ut ex magno huius ætatis prouentu, & omnis generis doctissimorum virorum frequentia ipse in Theologia paucissimos, in reliqua philosophia, & eloquentia parem haberas neminem. Itaque si Marcus Varro, ut Quintilianus testatur, habitus est Romanorum doctissimus, tu non solum Cordubensium, sed etiam Hispanorum constante eruditorum ex omni natione virorum, qui de claris huius ætatis viris scripserunt, testimonio, eruditissimus & eloquentissimus, & seculi nostri decus esse prædicaris. Quapropter tantum abest, ut me tua modestia ab incepto deterreas, ut confirmes potius vehementer gaudentem, & Cordubæ nostræ gratulantem, quæ ut quondam viros fama quidem & doctrina claros, sed veri Christianique luminis claritate priuatos produxerat, sic te doctrinæ, & eloquentiæ nomine clarissimum, simulque veri luminis splendore illustratum & tum Peripatetica, tum Christiana philosophia præstantem nostra ætate pepererit, qui tuæ doctrinæ splendore Ethnicorum nebulas expelleres, & veræ luci lucem adderes, id est hæreticorum errores conuinceret, fraudes detegeret, multa obscura loca in vtraque Philosophia illustraret, nodos difficiles explicaret, & multas veritates doctissimos etiam latentes, & ad publicam vtilitatem pertinentes ex ignorantia tenebris in lucem erueret, & idē Latina & luculenta oratione historiā regū nostrorū scriberet, & Hispanorū res strenuè nostris temporib. gestas, & memoria dignissimas illustraret, quæ omnia doctissimis, & elegantissimis libris cū magna tua laude præstitisti, & præstare nō desistis. Sed hæc hæc ten⁹, quæ à me paulò latiùs explicata sunt, nō ut tuas aures blanda oratione mulcerē, sed ut hac epistola meū factū aduers⁹ vel tuā modestā incusationē, siue dehortationē, vel aliorū iniustā obtrectionem, si qua



fortè fuerit, excusare. Vale. vir eruditissime, & nos quod in tuò facis, dilige.

## ARGVMENTVM.

*Petitioni Gasparis Castri de studijs suis, de ratione viuendi, de familia satisfacit, iuens, quomodo tribus sacerdotijs, cum nulli præsens sit, præesse possit.*

I. Genesius Sepulveda Gaspari Castro suo.

S. P. D.

## EPISTOLA XCVII.

**M**AGNAS nuper Andreas meus apud me tibi gratias egit, quòd Ledesmae hospitio receptus, & indulgenter à te habitus, atque in negotio de Archipresbyteratu, in quod missus à me fuerat, conficiendo, & expediendo, ope & consilio fuerit adiutus. Nam quæ officia tu nostræ veteri necessitudini præstitisti, ijs optimæ in dolis adolescens se tibi non minùs, quàm me obligatum esse constituit. Idem de tuis virtutibus, & religione mihi non ignaro quidem, sed libenter audienti commemorauit. Nec silentio præteriiuit, te curiosius non modò de meis studijs, sed etiam de viuendi ratione ex se conquissuisse, quàm essem assiduus in re diuina, quæ missa dicitur facienda, quantam familiam alerè, & quomodo me cæteris in rebus officijsque gererem. Illud etiam liberiorius exquisuisse, cuius à me rationem idem tu per literas quoque pro cætera ingenij tui libertate, & iure nostræ veteris amicitia poscis, qua securitate faciam, vt cum tribus sacerdotijs cum animarum cura præfectorus sim, nulli tanten præsens assiduam operam impendam. Quibus ille percunctationibus idcirco satisfacere non poterat, quia nondum ei per ætatem primùm, deinde per studia literarum, quorum causa diutiùs abfuerat, meam domum frequentare licuerat, nec mihi eodem familiariter vti, qui paucis ante diebus, quam ad vos proficisceretur, domum redierat. Quæ me res hortatur, vt tibi non ad epistolam solùm, sed etiam ad interrogata respondeam, atq; eò magis, quòd vt ex eodem accepi, simul adiecasti, te quominus ille ad me tuum de his rebus sermonem perferret, nihil impedire. Cæterùm quod de studijs quæris, nihil noui est quod ad te scribam, in eisdem enim non inuitus versor etiam nunc, quæ me Romæ libenter tractare iam pridem, id est ante annos viginti videbas (tam diu enim qui multos annos officijs, & consuetudine coniunctissimi simul vixeramus, locorum interuallo distinemur) nisi quòd grauioribus doctrinis aliquid temporis subducere cogor, vt conscribendæ historiæ muneri, mihi à Carolo Cæsare iniuncto satisfaciam. De re diuina, hanc mihi Mercurij, & Veneris, festisque diebus facere quasi legitimum est, nisi fortè impediatur aduersa valetudine. De familia quod quæ-



his hæc mihi viginti amplius domesticis cōstat, partim ad vsus vel necessarios, vel liberales ministris, partim propinquis, quorū quidē in sacerdotiorū ipsis à me traditorū ministerio sunt occupati, alij studia literarū amulantur, quibus alendis, & officijs, quæ pauperib. debētur, præsertim consanguineis, qui etiam ab inuitis ea sacerdotibus extorquere solent & cæteris necessarijs, & personæ conuenientibus sumptibus cū satisfeci, crede mihi, parum ex annuis fructibus fit reliquum: quo non ad ambitionem, sed ad humanitatem & pietatem uti cogito, ut moriēs pio & optimè de me merito fratri aliquid relinquam, quo se cōmodiùs alat, & sacrificulo Deum certis dieb. perpetuo munere nostris animis placaturo impartiat. Quòd autem sacerdotiorum multitudine offēderis, nō ego tribus cum animarum cura, ut perperam tibi persuaseras, sed vni duntaxat præeram, antequam mihi nuper iste Archipresbyteratus obueniret, & illo me propediē abdicare moliebar, cuius rei gratia literas cum mandatis, diebus superioribus Romam miseram. Quòd verò meam præsentis assiduam in loco sacerdotij curam requiris, eius muneris vacatio mihi per Pōtificis maximi priuilegium data est, dum modo officio per vicarium idoneum satisfaciam. Qua libertate non ad inertiam & socordiam abutor, scis enim, quam iniques mihi animus sit à natura tributus, quamque opere pascatur, nec ad venationem, aut ludum, ut quidam, negotiāne secularia, quibus Paulus clericos implicari vetat, obeunda, sed ut ad studia literarum à bono publico non abhorrentia, in quibus solis acquiesco. Quæ immunitas si ijs iure Pontificio conceditur, qui ad publica Gymnasia discendi gratia conueniunt, quātō causatius cōcessa ijs videri debet, qui in studijs ad publicam commoditatem pertinentibus dies noctesque non inuiti consumunt, & ob eam rem secessus ab interuentoribus vacuos studiosè consecretantur. Hæc tuis seuerioribus, sed ab optimo, & ut certum habeo, amantissimo animo profectis monitis, & literis prouocatus ad te scripsi, & vitæ instituti que mei rationem tibi pœscenti non grauatè reddidi. Est enim mihi pergratum, tibi que ingentem habeo gratiam, quòd me liberè, ut amicos decet, mei officij adimones, ne qua fortè obrepat obliuio, vel negligentia, & res meas, æstimationem, & vtramq; salutem tibi esse curæ præ te fers, & certo documento declaras. Vale.

## ARGUMENTVM.

*Iacobi Symanchij I. C. librum de catholicis Institutionibus commendat, quem nalli inuidie aut obnoxium, cupitque ab eo sepius ad se literas scribi.*

**I. Genesius Sepulveda Iacobo Symanchio iureconsulto ex Valdolitani conuentus iudicibus.**

S. P. D.

Mm 3

EPISTO.



## EPISTOLA XCVIII.

**L**IBRVM tuum de catholicis Institutionibus libenter legi, meque multa in eo scitu dignissima diligenter à te, & prudentissimè collecta, & doctissimè disputata videre delectauit. Quibus non solum tui iure periti, qui errata, & delicta in hæreticis & impijs emendandi, & vindicandi officio præsumunt, sed etiam Theologi nostri, qui solent ab eis, cum res poscit, in consilium adhiberi, magnoperè iuuari queant. Cuius rei causa mihi librum eundem non negligenter iterum & sæpius legendum puto. Quæ tua scripta cum meis mihi conferenti, tum alijs rebus, tum propterea meliore conditione esse visa sunt, quam mea, quod tu nullos habes aduersarios, qui eisdem de rebus aliter scripserint, mihi nescio qua mea fortè raro defunt obrectatores, & æmuli, quorum quidam mihi negotium exhibuerunt ob id ipsum, ut probè nosti, quod aliqua, non equidem (sic me Deus amet) contentioni, aut ambitioni seruiens, sed veritatis inuestigandæ gratia diligenter pro rei magnitudine conscripseram, sententiam secutus ab eo diuersam, quod ipsi, vel ipsorum amici scriptis, aut sermone docuerant. Quibus molestijs quod ipse vaces, & liber tuus doctis & catholicis acceptus, in nullius præterquam hæreticorum offensionem cadere possit, vobis etiam atque etiam gratulandum puto. Hæc ad te scripsi, ut tantisper tecum per literas, quod libenter facio, colloquerer, teque simul prouocarem, ut ad nos rescribas. Erit enim pergratum, ut maximè quidem de valetudine, cæterisque tuis rebus, sed simul etiam si quid noui istuc ab aula Imperatoria, vel Regia fuerit allatum, nos certiores facias. Quamquam enim Franciscus Symanchius frater tuus vir optimus & grauissimus, Canonicus quidem & Archidiaconus Cordubensis, sed episcopatu dignissimus, qui à te frequenter fit certior, nobis exquirentibus læta de te & quæ volumus respondere solet, tamen eadem ex tuis literis intelligere, nobis erit gratissimum. Vale Corduba.

## ARGVMENTVM.

*Purgat se Gulielmo Malinæo, quod tam sero ad eum scripserit, propter incommodam valetudinem, cuius causam itineris Hispanici difficultati: us adscribit eumque certiore reddi de recuperata valetudine, post quam statim Io. Sleidani commentarios à Lud. Aui la ad se missos, perlegit, de quibus suum iudicium subiungit.*

I. Genesius Sepulveda Gulielmo Malinæo suo

S. P. D.

## EPISTOLA XCIX.

NOEIM



**N**OLIM optime, & doctissime Guilielme, vlla mea vel obliuio-  
 ne tui, vel negligentia factum fuisse putes, vt ad te tam serò scri-  
 berem, deq; meis rebus certiorē facerē: quod me primo quoq;  
 tempore facturum receperam. Nā me tua vel singularis virtus, vel per-  
 spectā humanitas ita nuper cepit, officijsq; demeruit, vt tui, & tuorum  
 in me meritorū obliuisci sine crimine nō possim. Accedit studiorū cō-  
 munitas, magna beneuolentiæ inter viros probos conciliatrix. Non i-  
 gitur obliuio, aut alia mea culpa, sed incommoda valetudo literarum  
 officium tardauit: quam inualetudinem tum ex longi, & (vt opinor) to-  
 tius Hispaniæ difficillimi itineris labore, tum ex temporis inusitatē lē-  
 nientis iniuria contraxi. Nam ex Bæturia mense Martio multorum die-  
 rum serenitate subinuitante, & falsam diuturnioris trāquillitatis spē  
 iniiciente profecti, Orospedam montem intrauimus, diuq; frequenti-  
 bus collibus magna molestia, & multis fluminibus, atq; torrētibus, quī  
 propter pluuias statim cōsecutas plenis alueis defluebāt traiectis, pro-  
 cessimus, & per Guadalupum oppidum in agrum Placētinum venimus,  
 vt Carolum Cæsarem longo quatuordecim annorum interuallo vife-  
 rem (tādiu enim abruerat ab Hispania) & venerabundus ad eum seces-  
 sum salutarem, quem ipse sibi ad radices eiusdem Orospedæ, quā Meri-  
 diem, & Occidentē solem spectat, opportuno loco, amoeno, & salubri  
 ad vitam priuatam peragendam delegerat: vbi tibi quoq; magna fuerit  
 studiorum occasio, cū te occupationibus, & officio, quod eidē Caro-  
 lo familiarissimē tribuis, relaxaueris. Sed redeo ad itineris ærumnas,  
 quo repetito, cū a vobis Cæsare salutato discelsissem, proximum iu-  
 gum arduum (vt nosti) per frequentissimos ad iter molliendum inge-  
 niosē ductos, & reductos anfractus ingenti labore conscendimus: vt  
 est ea viæ pars præmio quidem longē dispar, sed difficultate illi non  
 absimilis, de qua meminit Hesiodus, quæ ad virtutem in celsissimo po-  
 sitam, & felicitatem ducit, *Μακρὸς δὲ (inquit) ἡ ὁδὸς ὁμοῦ ἐστὶν ἀνὴρ,*  
*ἡ τε γὰρ ὁδὸς τὸ πρῶτον.* Atque vtinam conscensus tantū fuisset la-  
 boriosus, & non maiore etiam molestia descendētib; fuisset la-  
 boratum, & per medium summūq; montem trepidatum. Est enim  
 iugum illud, vt initio in sublime directum, sic postremò præceps,  
 nec, vt ad virtutis sublimem sedem difficili, & multi sudoris  
 via cū procefferis, sic cū pari labore in Orospedæ iugum euase-  
 ris, *Ῥῆδῃ δ' ἐπιταπείλῃ χαλεπὴν περὶ ἔσχα.* Sed semita magis quā  
 via inæqualis excipit, & salebrosa, molliter illa quidem per glacia-  
 lia cacumina decliuis, lubrica tamen, vt pote latioribus petris strā-  
 ta, & quæ diu per capita & marginem magnorum præcipitiū  
 ducit, vnde in ima fluentia per celsissimas crepidines, & abru-  
 pta saxa despectus ipse horrorem nobis incutiebat. Ad summam



ea locorum facies obijciebatur, in ijs itineris angustijs, & iniquitate  
 versabamur, vt omisis iumentis, octo circiter millium spatium pedi-  
 tes conficere præoptaremus. Accedebant imbres, niuesque decedentes,  
 quibus subinde laceſſebamur. Itaque asperrimis saltibus ingenti labo-  
 re transmissis fatigati, & malè accepti, vix Albam, deinde Salmaticam  
 processimus, vbi paucis diebus apud Iacobum Neylam canonicum  
 Salmanticensem veterem amicum quieti datis, ab eoque magnificè, &  
 indulgenter habiti, Bletisam presbyteratus mandati mihi sacerdotij  
 sedem peruenimus. Nihil dum temporis sæuitia sese remittente, quæ  
 has citra Orospedam regiones ab ineunte mense Martio ad hunc vsque  
 diem, qui non procul abest à solstitio, pluuijs, & frigoribus tam perti-  
 naciter præter naturæ morem infestauit, vt ne vno quidem die hoc to-  
 to tempore serenum, ac ludum cœlum homines viderint. Tot igitur,  
 tantisque incommodis homo idætatis, septimum annum agens &  
 sexagesimum, cum par esse non possem, incidi paulatim in morbum,  
 non acutum illum quidem, ne tam vehementem, vt me proſterneret,  
 & in lecto contineret, molestissimum tamen, & qui me dies & noctes  
 infestaret, humore, qui fuerat in caput contractus, in fances, interdum  
 etiam ad interiora continenter distillante, vnde aspernatio ciborum  
 consecuta me vehementer debilitauit. Hæc apud te pluribus fortasse  
 quam oportuit, commemorauit non inuitus, tum vt tecum diutius lo-  
 querer, quod libentissimè facio, tum quia sedata tempeſtate, iucunda  
 esse solet in portum deuictis haustorum laborum recordatio. Cate-  
 rum cum emergens morbo conualeſcere cœpi, me ad pristina studia, in  
 quibus solis adquiesco, retuli, sed timidè & parcè. Ac primum omnium  
 Io. Sleidani commentarios lectione percurrere placuit, quos Ludoui-  
 cus Auila noster, religiosorum equitum ex Alcantara præfectus, vt te  
 præſente receperat, nuper ad me misit ea conditione, vt perlectos sta-  
 tim remitterem, quos mihi vsui esse posse ambo mihi verè confirma-  
 ſtis, ad ea recognoscenda, quæ ipse de rebus Germanicis conscripse-  
 ram. Itaque in huius commētarijs, dum per valetudinem licet, lectitā-  
 dis, etiam nunc libenter verſor. Non quod mentem eius probem (nam  
 qui possum impio nouarum rerum studio deprauatam?) vel stylo dele-  
 cter parum cultus, & à veterum & probatorum scriptorum nitore, &  
 puritate procul abhorrente, sed quia in commemoratione rerum hac  
 ætate ad illas regiones gestarum, quarum quædam mihi longissimè re-  
 moto non satis erant exploratæ, diligentissimus fuisse videtur, nisi  
 quod in ijs collocandis, ac digerendis nimiam quandam & ineptam  
 atque molestam suam cuique particule tempus reddendi, & annotan-  
 di diligentiam affectauit. Nam sæpè quæ vno loco tradi & poterant &  
 debebant, hæc ipse minutatim concidit, & longis interuallis disper-  
 git, quo fieri necesse est, vt lectoris animus ad exitum, vt fert natura,  
 properan-



properantis, anxius reliquarum partium desiderio pendeat. Itaq; longum est, & laboriosum singula negotia ex his commentarijs perdiscere. Idem in contentionibus perturbatae religionis, & eorum consilijs, ac machinis commemorandis: qui pios Caroli Caesaris de ecclesiastica concordia, & publica Christianorum pace concilianda conatus impedire, ac frustrari per summum scelus nitebantur, multus est, atq; adeo nimius, in cæteris verò partibus parum operæ consumit. Certè Tero-uennæ dirutæ, Hesdiniq; recepti historiam, cuius prætermittæ culpam vos mihi vt crimen, & insignem negligentiam obijciebatis, ille quinque aut sex versiculis absoluit. Quo magis nobis enitendum est, vt res tanta quantam vos fuisse dicitis, scriptis nostris pro dignitate, si qua facultas erit, celebretur. Quo tuum de illius belli commentario promissum atque receptum cupidius expecto. Hæc cum scriberem, Valdolitum propediem cogitabam, quo cum peruenero, te certiore faciam, Vale ex Ledesma, quam veteribus Romanis Bletisam fuisse repertorum lapidum inscriptiones declarant, Calend. Iunij. Anno Christi nati. 1557.

## ARGUMENTVM.

*Iacobum Neylam I. Pont. Doct. rogat, vt librum epistolarum accuratè excudendum curret.*

Io. Genesius Sepulveda Iacobo Neylæ. Iur. Pont. Doctori, Canonico Salmanticensi

S. P. D.

## EPISTOLA C.

**E**PISTOLARVM librum, cuius editionem alijs quoque doctis & grauibz amicis efflagitantibus, sed te maximè, cuius iudicio id tribuo quod paucissimis, adhortante, maturandam statui, tibi mitto, vt Salmanticæ, quemadmodum conuenerat, excudendum mandes. Tuum igitur erit curare, vt bonis characteribus quàm emendatissimus exeat. Quod ita demum fiet, si in tuis magnis occupationibus (scio enim quanto onere rerum tibi pro tua magna doctrina, prudentia, & grauitate in ista Salmanticensi Ecclesia iniunctarum premi soleas) tamen aliquid temporis impertiri huic negotio non grauaberis. Quod vt suscipias oro, vt Romæ in dirigenda & emendanda impressione eius libri fecisti, qui clericorum consuetudine Breviarium Romanum appellatur, propterea quòd formulas Deum Christum Romano more precandi continet, quem librum Quignonius Cardinalis Patronus noster te potissimùm administro & adiutore καὶ συμπράττοντος Clementis septimi Pontificis Maximi voluntate confecerat, itaque non rudis eius artificij ad negotium accedes. Intelligo me tibi onus im-

Nn

ponere



ponere molestum & negotiosum, nec satis auctoritate tua dignum, & ipsum per se suisque momentis & ponderibus existimetur: sed multa munia (quod ipse non ignoras, & maximi Philolophi testantur) per se magnorum virorum consuetudine & dignitate aliena sunt, quæ tamè honestè, & cum egregia sua laudè ab eisdem, vel Reipub. vel amicitiae causa temporibus suscipiuntur. Quod officium ut spontè subire sæpe laudi datur, sic ab amicis petere necessitate aliqua inductum, ingenui animi est, & hominis amicissimi, qui quod amico ipse non grauati præstaret, id ab eodem pro mutua voluntate poscere non dubitet. Quamquam amicorum non indoctorum scripta emendare, quod ego tibi libenter in meis permisi, & excudendi munus scitè & prudenter, (quod paucis datum est) dirigere, non est vulgaris facultatis, sed egregiæ doctrinæ & singularis industriæ. Vale.

## ARGVMENTVM.

*Conatur Artheage persuadere, ut Fortunio Garfia consulat, ne in Hispaniam recedat, ob varia quibus cariturus esset si Garfia careret, quem laudat propter plurima in Iure præclare præstita confertque sub finem Cantabros cum Cordubensium conatibus in Iosagagoque.*

Ioannes Genesius Sepulueda Jacobo de Artheaga  
Collegæ suo, iuris vtriusque Professo-  
ri Doctissimo,  
S. P. D.

## EPISTOLA CI.

**A**UDIO FORTVNIVM nostrum in Hispaniam velle proficisci, iamque sarcinulas, quod aiunt, colligere: & acerbè fero. Acerbè autem, & quidem (nisi dolori nimis indulgeo) causatissime, videor enim mihi facturus grauem iacturam, si eius viri consuetudine fructuq; orbatus fuero, quæ mihi & morû, & studiorû sanctissimû velut exemplar proposuerâ, atq; ita proposuerâ, ut tanquã vitæ meæ magistrû moderatoremque reuererer. Ideoq; metuo, crede mihi, ne hoc absente viua negligentius. FORTVNIVM, me Hercle Iacobe, ante etiam, quam ipsum viderem, ex nomine tantum diligebam, animoque obseruabam. Diligo enim studiosos, eruditos etiam obseruo. Nunc autem cum penitus, ac familiariter intro pexi, diligo, obseruo, & admiror. Tunc enim audieram, id quod esset, hominem esse literarum studijs addictissimum, consecratumque, acri, flexibili, multiplici ingenio præditum, quam acriter, quam subtiliter, ad summam, quantacum sua, Hispaniæque gloria mille quingentas Conclusiones lubricæ & ancipitis difficultatis plenas, Bononiæ primum, deinde Senis, postremo



mo in vrbe disputasset, hæc, inquam, constanti omnium ore acceperã. Nam quid homines eo tempore, quo ego in Italiam aduentaui, nisi de FORTVNIO loquebantur. Videbam præterea commentarios illos *de pactis*, eruditionis remotissimæ, qui iam in manus hominum exierant, Bononiæ circumferri, & apud doctissimum quemque in precio esse, nunc verò cum Cæcilio dicere possum: *Magna FORTVNIVM fama præcesserat maior inuentus est.* Dispercam, si scio quid in eo potissimum admirer. Etenim quæ esse potest, aut in illo vnquam fuit humanitas, cuius in FORTVNIO proprium exemplum non reperias? si ad mores spectes, nihil est hoc homine compositius, nihil cultius, nihil denique sui similis. Ita est grauis, vt minimè sit austerus. Ita est comis, hætenus cum suis familiaritati expositus, vt tamen ipsius autoritas, grauitasque cõstet. Et, vt semel dicam, ita omni in re modicus, vt in eo nihil emineat, nihil tamen desideretur. Hæc quidem perquam magna sunt, & quæ præter sapientem integerrimumque cadunt in neminem. Illud certè Socraticum, quod cum sit innatum ferè Cantabris (nec enim vobis blandiri est animus) indomitum nescio quid, si quando FORTVNIVS est à quoquam, vt sit, vehementer prouocatus, ac Cantabricos animos concipit, mirum est vt nihil sibi indulgeat, vt potius imperet, repugnet, moderetur, potestne magis barbari illius magistri temperantiam effingere? Iam verò in consultationibus quid grauius, quid consultius, quid denique eo circumspectius? cuius auctoritas, quod ad me attinet, in rebus dubijs satis mihi pro ratione est. Nam quod ad literaturam attinet, solet mihi esse admirationi, quòd cum ad eum tanquam ad oraculum Pythium scolastici iuuenes magna turba quotidie ventitent, nodosas abstrusasque quæstiones sciscitabundi, nihil est quod ignoret, nihil tamen temere ac sine cunctatione respondet, diuersitate rationum distractus, vt plane intelligatur illud Thucydidis esse quam verissimum:

*ἀμαδία μὲν ἔσται, λογισμὸς δὲ ὀκνός.*

Nihil enim se scire arbitratur, quod non à causis vsque, & origine ipsa repetat, dispiciat, perpendat. Nec satis habet inter Iuris auctores prudentissimos quosque tractare, excutit Philosophos, Theologos non prætermittit. Sed non rectè, inquires, Theologiæ Iure consultum, idemque parum doctum sapientissimè perspicere potest: ita est, non tamen verebor, meum ferre iudicium, si quando cum doctissimorum virorum sententia congruit. Congruit autem si vnquam alias, maximè in admiranda FORTVNII sapientia, cuius testes spero fore sempiternos Commentarios illos omnigena eruditione scatentes, quos proxima fetura natos, iam illum emittere velle audio: illos dico de vltimo fine vtriusque iuris, doctis-



simis etiam euitata materia, & de lege illa, Gallus, vel ipsis Vlpiano, Modestoque formidabili, vt ceteros præteream, sapientia non minus refertos, quos tu, ceterique viri doctissimi, eidemque amicissimi, quibus suarum lucubrationum, etiam ante maturitatem, solet copiam facere, vt emittere incipiat olim efflagitatis. Eat nunc Iuuenalis, quæratque *Cantaber vnde Stoicus*. Quanquam quis fore vnquam speraret, vt apud Cantabriam illam horridam olim, ac intractabilem, inter armorum strepitus, Martiosque furores literarum studijs locus relinqueretur? Atqui nostra tempestate bonas disciplinas hæc gens tam religiose colit, vt de Cantabriæ principatu Minerva cum Marte vt quondam cum Neptuno Athenarum. Quæ admonitione succurrit admirari peruerterem illam querelam, sed quæ quotidie magis inualefcit, reputantium effœtam iam & exhaustam naturam, nihil tam laudabile nihil tam magnum parturire. Effœtam quisque dicit naturam, quæ in Martia Vulcaniaque regione tales viros generat, qualis est, (vt te præteream, qui minimè gloriosus es, aliosque viros literatissimos conteraneos tuos) FORTVNIVS noster? ignosce fatenti, Iacobe, nec enim possum dissimulare. Sæpe mihi hæc animo recolenti, venit in mentem, cum sim Cordubensis, tuæ Cantabriæ subinuidere, certè ad nonitus sum, (nec sine magno dolore) vecordia Cordubensium: inter quos iam pridem nullos Senecas, nullos Lucanos, nullos Auerroes cernimus, nullum denique Menam, nam cur hunc quoque inter maximos non numeremus? licet sint qui ita excusent, non posse Cordubam literarum simul & armorum studia colere, Granatenses debellare, Africam Hispaniæ imperio continuare, toties de Gallia triumphare, pariterque imbræ, & otij, togæ denique munera obire. Ad summam quæ olim magnos philosophos procreasset, satis esse his temporibus magnos duces produxisse, parentem Romam vel in hoc maxime imitatam. Quæ excusatio etsi cæteris satis magna videtur, mihi tamen nullam militiam literis anteferenti non eo usque satisfacit, vt Cordubenses nullius desidia teneri putem. Sed, vt aliquando redeat epistola vnde profecta est, vides quantum sit in Italia FORTVNIVS nomen, quanto cum honore Bononiæ sit publicè Ius pontificium professus, vt honestissima conditione fuerit a senatu Florentino in Pisanam academiam inuitatus atque adeò summoperè flagitatus. Nemo est quin speret eum breui facultatibus atque honoribus etiam atque etiam auctum iri, si, quem cepit, velit tenere cursum. Ipse verò in Reip. gubernationem propensus, haud tanti illa omnia putat, huc dirigit omnes animi sui conmentationes vt Regi inquit *meo deseruiam* hoc esse affirmat optimo cuique cunctis votis expetendum, Platonicum scilicet dictitans elogium



ἡμεῖς οὐχ αὐτῷ μόνον γέγονεν, ἀλλὰ τῆς γενέσεως ἡμεῶν τὸ μέν  
 ἢ ἡ πατρίδος μετέβη. Quasi vero non secus possit patriæ suæ quid-  
 quam impartiri. Hæc eo tendunt, ut si mecum sentis, FORTVNI O  
 suadeas supersedeat hoc laborioso itinere. Sin aliter, id ipsum rescri-  
 bas, subiectis causis, ut FORTVNI I absentiam æquiori animo feram.  
 Sed ultra modum epistolæ prouexit me dulcedo tecum loquēdi. Qua-  
 re iam benè vale.

# INDEX EPISTOLARVM

QVIS, CUI, QVOTIES SCRIBAT,  
 COMMONSTRANS.

## A.

Alberto Pio	Epist. 12. Propediem	fol. 138
Alphonso Valdesio	Epist. 10. Erasmi	136
eidem	Epist. 11. Accepi	137
eidem	Epist. 18. Accepi	145
Alphonfus Valdesius Sepulveda	Epist. 17. Literas	145
Alphonso Porticello	Epist. 41. Epistolam	175
Alphonso Guzmanno	Epist. 42. Chirographum	176
Alphonso Guaiardo	Epist. 54. Accepi	197
eidem	Epist. 55. Inuidere	197
eidem	Epist. 56. Gratissima	200
eidem	Epist. 57. Quod	200
eidem	Epist. 58. Miraris	201
eidem	Epist. 60. Pergratum	204
Alphonfus Guaiardus Sepulveda	Epist. 59. Cum	203
Alphonso Stunica Gibræleonis Marchioni	Epist. 79. Ex literis	236
Antonio Augustino	Epist. 69. Iure	224
Ant. Augustinus Sepulveda	Epist. 70. Summam	225
Antonio Honcala	Epist. 71. Epistolam	223
Antonio Corduba	Epist. 77. Gratulor	231

## D.

DES. E. Roterodamo	Epist. 1. Antapologiam	123
NH 3	DES.	



# INDEX.

DES. E. Roterodamo

eidem

eidem

eidem

Epist. 2. Accepi

124

Epist. 3. Iam pridem

125

Epist. 4. Miror

127

Epist. 5. Quam

129

## F.

Fernando Pinciano

eidem

eidem

eidem

eidem

Epist. 43. Periucunda

176

Epist. 44. Libentissime

177

Epist. 45. Pliniana

179

Epist. 46. Ego te

183

Epist. 47. Quoniam

185

Fernando Valdesio Archiepiscopo Hispalensi

Epist. 87. Nulla

249

Francisco Florido

Epist. 21. Accepi

150

Francisco Tolet

Epist. 23. Literas

152

Francisco Argoti

Epist. 81. Epistola

240

eidem

Epist. 82. Pergrata

241

eidem

Epist. 83. Patriam

242

## G.

Gaspari Villalpando

Epist. 78. Improbare

133

Gaspari Castro

Epist. 97. Magnas

276

Gaspari Contareno Card.

Epist. 24. Cum

153

eidem

Epist. 27. Quod

158

eidem

Epist. 28. Scripseram

161

Gaspar Contarenius Sepulveda

Epist. 25. Accepi

155

idem

Epist. 26. Nullo

157

Gonsalo Peresio

Epist. 80. Gratiissima

238

Guilielmo Malinao

Epist. 99. Nolim

278

## H.

Honorato Ioanni

Epist. 33. Dederam

167

## I.

Ioanni Valdesio

Epist. 19. Ego

147

Ioanni Mart. Siliceo

Epist. 37. Tu me

172

Ioanni Quignonio

Epist. 48. Vidisti

188

Io. Matthaeo Giberto Episcopo Veronensi

Epist. 6. Epistola

132

eidem

Epist. 7. Binus

133

eidem

Epist. 8. Quod tam

134

Ioannes Matthaeus Gibertus Sepulveda

Epist. 9. Etsi

135

Anacho Mendoza Episcopo Burgenfi

Epist. 13. Grauisimus

139

eidem



# INDEX.

<i>eidem</i>	Epist. 14. Incolumem	142
<i>eidem</i>	Epist. 15. Nemeum	141
Ioanni Toletō Episcopo Cordubensi	Epist. 22. Ingentes	151
Ioanni Taueræ Episcopo Toletano, Cardin.	Epist. 51. Suauissimas	192
<i>eidem</i>	Epist. 52. Cum	193
Iacobo Fernando	Epist. 88. Quæ meus	251
Iacobo Neylæ	Epist. 89. Περὶ ὧν δὲ	251
<i>eidem</i>	Epist. 100. Epistolarum	281
Ioanni Cordubæ	Epist. 95. Nuper	272
Ioannes Cordubæ Sepuluedæ	Epist. 96. Literas	273
Iacobo Symanchio	Epist. 98. Librum	278
Iacobo ab Artheaga	Epist. 101. Audio	282

## L.

Laurentio Caruaiali	Epist. 74. Ex literis	229
Leopoldo Austria Episc. Cordubensi	Epist. 84. Agellum	244
<i>eidem</i>	Epist. 85. Paucis	246
Ludoico Auilæ	Epist. 6. Commentarios	144
Ludoico Caruaiali Prouinciali	Epist. 61. Pergratum	206
Ludoico Lucenæ	Epist. 72. Quotidie	226
Ludoicus Lucenæ Sepuluedæ	Epist. 73. Pergratum	226

## M.

Marchesia Zeneti	Epist. 29. Aue	163
Maiō Vicecancellario Arragoniæ	Epist. 31. Vereor	165
Michaeli Metinæ	Epist. 93. Nihil	266
<i>eidem</i>	Epist. 94. Magna	269
Martino Oliuano Inquisitori	Epist. 63. Commentarium	209
<i>eidem</i>	Epist. 64. Scribis	211
<i>eidem</i>	Epist. 65. Postea	215
<i>eidem</i>	Epist. 66. Pergrata	217
<i>eidem</i>	Epist. 67. Epistola	219
<i>eidem iam Abbati</i>	Epist. 68. Incolumem	222
Manrico Lara Duci Naiarensi	Epist. 62. Volebam	207

## P.

Petro Messia	Epist. 30. Epistola	164
Petrus Auila Nauar. Marchio Sepuluedæ	Epist. 35. Vetusiss.	170
Petro Auila	Epist. 36. Accepi	171
Petro Fernando Velasco Friarum Duci	Epist. 53. Columnarum	194
	Pedrosæ	



# I N D E X.

Pedrosa	Epist. 40. Pergrata	174
Petro Sepulveda	Epist. 86. Scripseram	248
Petro Serrano	Epist. 91. Commentarium	256
eidem	Epist. 92. Scribis	263
Philippo Hispaniarum Principi	Epist. 34. Quoniam	168
R.		
Roderico Manrico	Epist. 20. Ex literis	149
Rodulpho Pio Cardin.	Epist. 32. Quod	166
Reginaldo Polo Cardin.	Epist. 90. Post	254
Ramiro Nugno	Epist. 49. Ioannes	199
Ramirus Nugnus Sepulveda	Epist. 50. Magno	191
S.		
Simoni Colinao	Epist. 38. Scripsi	173
Sebastiano Leoni	Epist. 39. Pergratum	174
V.		
Vascosano Librario Parisiensi	Epist. 75. Opus	230
eidem	Epist. 76. Chartam	230



IOANNIS



IOANNIS  
**GENESII SEPVL-**  
**VEDÆ CORDVBENSIS**  
 DE CORRECTIONE ANNI  
 MENSIVMQVE ROMA-  
 NORVM,  
 COMMENTATIO.

Ad Amplissimum Patrem, præfulemque grauissi-  
 mum, doctrina omnique virtutum ge-  
 nere præstantem

GASPAREM CONTARENVM  
 ECCLE. ROMA. CARD.

P R A E F A T I O.



*M*agnam spem melioris ecclesiasticarum rerum con-  
 ditionis mihi nuper in hac temporum iniquitate  
 libellus attulit, quo tu aliq, grauissimi & pruden-  
 tiss. viri voluntatem Pauliterij Pontificis Maxi-  
 mi, iussuq, secuti, cuncta sacerdotum vitia, &  
 quasi morbos collegisti, quibus coacto sacerdotum  
 concilio vniuersali, medendum imprimis existima-  
 retis. Nec enim arbitror id vos egisse, vt crimina

clericorum, & sacrilegia predicaretis duntaxat ceteris hominibus, vt dome-  
 sticis testimonijs ac nostræ potius confessione damnati & conuicti maiori in-  
 stiori, odio essemus popularibus, quasi desint ex his obrectatores, qui proborum  
 etiam sacerdotum mores sua sponte calumniantur. Cum hoc igitur incō-  
 modum sapientissimo Pontifici, vobisq, optimis & prudentissimis viris esset et-  
 iam atq, etiam cauendum, dubitari non debet, quin libellus ab eo animo pro-  
 fectus sit, qui totus in eam curam incumbat, vt ea vitia, quæ clara voce  
 scriptoq, damnastis, è vita Clericorum tollantur, atq, ita tollantur, vt omnis  
 virtutis ac pietatis clara & illustria exempla ceteris hominibus Clerici præ-  
 beant, fiatq, quod nobis Christus præcepit illis Euangelij verbis. Sic luceat *Matth. 5.*  
 O O (inquit)



Math. 23.

(inquit) lux vestra coram hominibus, ut videant opera vestra bona, & glorificent patrem vestrum, qui in cœlis est. Quare cum haberem pro explorato fore, ut auctoritate Pontificis Maximi vestraque opera concilium sacerdotum ad maximas Ecclesiae commoditates primo quoque tempore conveniat, (quid enim nobis serio agentibus obstat?) haud mihi putavi in tanta vestra, & ceterorum boni publici studiosorum sacerdotum cura & festinatione, cessandum atque torpendum. Ne cum ceteri suae quisque fidei commissi talenta, iuxta Evangelicam parabolam duplicaverint industriae suae, ipse talentum vel drachmam potius mihi traditam per vecordiam & negligentiam defodisse viderer. Sed aliquid conandum, ut dum vos in vinea Christi maiores & utiliores operas praestatis, colendo, repastinando, ac vites propagando, inutiliaque, aut etiam pernitiola sarmenta vicissim amputando: ego in adminiculorum saltem ordinibus dirigendis non inutiliter esse occupatus. Dum vos igitur maiora curatis, moribus ac religioni consulentes, ego qui huic quoque parti siquid inservire possem, editis in hereticos & turbulentos homines libellis, dum fuit otium, tentavi superioribus diebus, in meis magnis occupationibus aliquid tamen scribere de ratione anni multifariam depravata, atque eius correctione constitui, & libellum, quem ad te mitto confeci, ut si coacto concilio patribus, quem admodum spero, visum fuerit in hanc quoque curam descendere, habeant unde possint nostris lucubrationibus aliqua ex parte iuvare. Nec enim adduci possum doctissimos, gravissimos, & antiquitatis praesertim Ecclesiasticae peritissimos viros, in hanc curam descendere gravaturos, ut ratio temporum non modo religionem, propter plurimorum festorum dierum celebrationem, sed omnem propemodum humanam vitam partem attingens, corrigatur, multiplici errore sublato, qui magna incuria & negligentia superiorum sacerdotum irrepserit, cum veteres illi singulari pietate ac religione patres in sanctissimo ac omnium celeberrimo concilio Niceno hoc vel imprimis ad suum officium & Ecclesiae dignitatem commodumque pertinere existimaverunt, ut in die festo resurrectionis Christi, & paschate celebrando, sic anni tempus observaretur, ut constaret ratio mensis atque dierum, & solis ac lunae progressionum in signifero: quae curae tantopere neglecta est à posterioribus, errore in dies augescente, ut celebratio Paschatis interdum plusquam mense discrepet ab illo vetere sanctorum patrum instituto: ut interim taceam, quod natale Christi, quod erat in ipsa brama (quo die Christum natum esse constat, cum Sol à nobis quam longissime potuit digressus, quod tanquam seminum eius dicitur, remeare incipit, rursusque novus appellatur) celebrandum, iam quartodecimo circiter post die celebratur, ac ceteri omnes festi dies eodem modo: & veterum medicinae, reiisque rusticae auctorum praecepta, & mortalibus utilissima, ac potius necessaria



ria doctrina, qua rerum tempestiuitates prudentissime tradita sunt, multam abhorreat ab hac temporum peruersa computatione. Vnde magnus error in vitam hominum inductus, nisi cohibeatur, infinite crescat necesse est. Sed cum huius erroris emendandi duplex sit ratio, neutram intactam relinquere consilium fuit: sed alteram, quae ad cæli astrorumque motum pertinet, idcirco leuiter & summatim perstrinxi, quoniam de hac video quosdam astrologos diligenter & docte ac iustis voluminibus differuisse: alteram, quae ciuilem institutione & iura vetustatis attingit, accuratius explicuimus. Quae cum sit velut caput huius questionis, & quasi fundamentum, quo niti debeat tota correctionis ratio, miror equidem eam tam negligenter à prioribus fuisse tractatam. Vale.

IOANNIS

G E N E S I I S E P V L

V E D A E C O R D V B E N S I S

D E C O R R E C T I O N E A N N I

M E N S I V M Q V E R O

M A N O R V M,

C O M M E N T A T I O.



Vm cælestium corporum rati, constantesque motus magna cura & longissimi temporis Mathematicorum obseruatione notati sint, ac mirabiliter deprehensi, tamen cæterorum astrorum cursus mens humana, vt natura est sciendi cupida, curiosa magis diligentia inuestigasse videri potest: Solis autem, qui contra cæli ambitum cuncta secum diurna vertigine trahentis, orbem signiferum peruagatur, vt cognosceret homines,

& obseruarent, magna quadam commoditate atque adeo necessitate inductos fuisse putare conuenit: quippe omnem virtutem eorum, quæ oriuntur & occidunt, omnemque rerum naturalium vicissitudinem motu solis eiusque accessu & recessu gubernari, vt à magnis philosophis traditum, sic vsu atque rerum argumentis cognitum est & exploratum. Itaque motu Solis ignorato, vitam in hominum magno errore versari necesse est. Arandi enim excolendique terram, frumenta & cæteras fruges seminandi, ferendi arbores & inferendi, & aliarum plurimarum ad vitam degendam necessariarum rerum tempora scire nemo possit, cui non sit motus solis eiusque discrimina cognita. Iam verò fa-



storum ratio, qua bona pars religionis continetur, cognosci qui potest ratione temporis ignorata? Nam qui motum solis ignorat, huic esse tempus ignotum testis locupletissimus est Plato: qui tempus hoc esse definit, quod motum solis: attestante Aristotele, qui tempus dicit esse *mensuram motus*, non cuiusvis, sed *lacionis orbicularis*, hoc est caelestis circumactus: quod ad solis maximè motum refertur satis ex ijs, quæ supra diximus, intelligitur. Sed quoniam exacta solis ambeuntis ratio non potest nisi paucis, hoc est doctis hominibus & mathematicis esse cognita, commodissimam rationem inierunt veterum mortaliū, qui omnium prudētissimè temporis partes distinxerunt: ut res cunctis hominibus necessaria, à nullo quāvis rudi & indocto posset ignorari constituto anno, qui cum solis motu signiferum peruagantis congrueret, & mensibus, quibus singulis motus lunæ, aut mora solis in quoque signo, aut utrunque paruo discrimine notaretur.

*Anni apud  
priscos vari-  
is spatijs  
claudebatur:*

*Gen. 8.*

*Lib. 1. c. 3.*

Quamquā enim nonnullæ nationes breuioribus olim spatijs suos annos concludebāt: ut Cares Acarnanēsque semestri, Arcades trimestri, Aegyptij primū vnius, deinde quatuor mensiū spatio, Albani decē: omnibus tamen, vtrauctor est Censorinus, cura fuit, diebus aut mensibus intercalandis suū ciuile annum ad naturalē, qui solis ambitu perficitur, dirigere. Sed eā rationē metiendi annum, solis circūactu duodecimque mensibus distinguendi, ut est optima & maximè naturalis sic omnium antiquissimam esse declarant sacrarum literarum vetustissima monumēta, quæ in alluionis vniuersalis cōmemoratione de vndecimo mense dieque mēsis vigesima septima mentionē faciūt. quo planē intelligitur, iā ante Mosē, qui spiritu Dei afflatus scriptorū vetustissimus illa memoriā mandauit, (fuit. n. ante bellū Troianū, ut colligit Eusebius Cæsariēsis, annos circiter trecētos quinquaginta) similē rationē anni mensiumque, & horū parem numerum fuisse humanioribus, ferè gentibus, atque post eū Hebræis ad hanc vsque memoriā annum ad solis, menses & lunæ progressum accommodantibus: ut colligit Augustinus in lib. 15. de ciuitate Dei: qui mos idē propemodū fuit Atheniensibus, nisi quod Hebræi ab æquinoctio verno vitiū faciunt sui anni, Atheniēses ab æstiuo solstitio. Hāc igitur naturalē cōmodissimamque rationē Romani ut sequerentur, iā inde ab vrbe cōdita sibi proposuerāt, sed ignoratione motuū caelestium nō statim assequi potuerūt, quod perebāt. Nā Romulus decē dūtaxat mensiū annū cōstituit, Albanos, vnde Romani orti erāt, imitatus: quorū mensiū quatuor vocati pleni, Martius, Maius, Quintilis, October, tricenos singulos dies habebāt. Reliqui caui nūcupati, Aprilis, Iunius, Sextilis, Septēber, Nouēber, Decēber, tricenos. Itaque totus annus diebus trecētis & quatuor explebatur, nec poterat nisi magnis, & incōmodissimis intercalationibus ad solis cursū, & naturalē annū reuocari. Quā animaduertēs Numa Pōpius, duos mēses adiecit: Ianuariū, quē primū anni, fecit, à bicipite Iano nōminatum,



nominatum, quod altera fronte superioris anni finem, altera sequentis principium respiciat: & Februarium à Februo, qui deus lustrationibus præesse putabatur. hoc enim mense ut dijs manibus iusta soluerentur, idem Numa veteris Romanorum religionis auctor constituit: atque ita facti sunt menses duodecim, quorum Ianuario, Aprili, Iunio, Sextili, Septembri, Nouembri, Decembri, dies vicos novenos attribuit: Martio, Maio, Quintili, & Octobri tricenos singulos, eam superstitionem, quod impar numerus faustus haberetur, secutus: vni Februario dies octo & *Numerus impar* viginti dati sunt numero pari, quod imminutio & par numerus inferis *par Rom.* convenire videretur, simulque ut totus annus impari faustoque numero dierum 355. clauderetur. cæterum cum ne is quidem numerus cum solis motu congrueret, coacti sunt postea Romani, hoc quod deerat, varijs intercalationibus sarcire, dato negotio sacerdotibus civilem annum per intercalationes adæquandi naturali, qui trecentis sexaginta quinque diebus & ferè quadrante conficitur. Sed sacerdotes partim avaritia corrupti à publicorum vectigalium redemptoribus, partim amore vel odio quorundam, quo tardius aut citius abirent magistratur, rationem anni adeo confusam & depravatam reddiderunt, ut ad libidinem magis, & temeritatem ipsorum, quam ad motum solis aut lunæ Romanis annus ageretur, usque ad Cæsaris Dictatoris pontificatum, atque tertium consulatum.

Cæsar enim pontifex maximus, ut erat magno animo, & acerrimo ingenio ad res gerendas, & explicandas, illam indignitatem & confusionem non ferens, turbam omnem & inconstantiam sibi tollendā, & annum ad solis cursum, quam aptissime fieri posset dirigendum, & coequandum recentiores Aegyptios æmulatus statuit. Itemque suo tertio, & M. Aemilij Lepidi consularu adhibitus cum alijs Mathematicis, tum imprimis Soligene, qui Astrologiæ peritissimus id temporis habebatur, cum dies vigintitres Februario mense intercalasset, Nouembri atque Decembri præterea sexaginta quatuor interiecit: Itaque annus ille ad quadraginta duos dies productus est, dum scilicet expectatur bruma, ut is dies sole circiter primam partem Capricorni subeunte initium esset anni Romani, more ac instituto maiorum. Sic igitur sublata confusione constitutum est, ut deinde annus Romanus trecentis sexaginta quinque diebus, quemadmodum solis cursus, terminaretur, adiectis videlicet ad annum Numæ diebus decem: quos ita distribuit Cæsar, ut ex ijs mensibus, quos undetricos dies sortitos esse memorauimus, Ianuario, Sextili, atque Decembri, bini dies accrescerent: Aprili, Iunio, Septembri, Nouembri, singuli. ut cæterorum omnium cuiusque præter Februarium, qui suum numerum retinuit, triceni singuli dies numerarentur, horum quatuor triceni. Nec enim Cæsar, homo minimè superstitiosus, numerorum religionem commodati rationis anteponen-



Anni deprauationis causa.

dā putauit. Porro ne quadrās diei, quē sol vltra trecētos sexaginta quinque dies suo motu ferē cōsumit, diu ac sepe multiplicatus pareret multorū dierū errorē, placuit expletis quatuor annis .i. quinto quoq; anno diē vnū Februario mense intercalari: quod cū triginta sex annos sacerdotum, quarto pro quinto quoq; anno intercalantiū, inscitia fuisset perperam factum, Augustus Cæsar omīssa duodecim continuis annis intercalatione incommodum, quod erat acceptum, sustulit, annumq; redegit in eādē formam, qua fuerat à Iulio constitutus: quæ ratio & forma tū anni, tum etiam mensium quamuis magno consensu recepta fuerit à posteritate ecclesiāq; Romana, & ad hunc vsq; diem retenta, vt omniu commodissima & ad solis cursum accommodatissima: dupliciter tamen ita deprauata est, vt annus, quo nunc vtimur viginti ferē dierum differentia discrepet ab illa naturali, & incorrupta forma, quam tradere posteris Cæsar sibi proposuerat. Deprauandi verò notissima est plerisq; omnibus altera causa, quod solis cursus anno non totum illum diei, de quo diximus, quadrantē cum anno consumit, sed supersunt eius aliquot momenta, quæ græci tū λεωτὰ tū ἐξικοστὰ minuta siue minutias & sexagesimas particulas nomināt, quæ à Cæsare, vt res parui momenti neglecta, diutissimeq; multiplicata, dierū iam tredecim errorē pepererunt, vt solent à paruis initijs errores in immensū augescere progrediēdo, & nisi prouideatur, totius anni eiusq; temporū & festorū ordo tantopere confundetur, vt sit hyems mensib. olim æstiuis, æstas hybernis: tum Christi feruente canicula, Ioannis Baptistæ natale in frigoribus celebretur. Altera deprauationis causa est, quā hucusq; ab omnibus corrigendi anni auctoribus prætermittam esse demiror, quod, principiū primi mensis seiunctū est ab anni naturalis initio. i. calendæ Ianuarij ab hyberno solstitio. Nam vt ea, quā diximus, cōmodissima ratio tradita posteris est, à Cæsare dictatore per nouā institutionē: sic nūquam ei propositū fuit quidquam præter veterē Romanorū consuetudinē innouare de principio anni, quippe quod eis erat optima & cōmodissima ratione constitutum: vt scilicet à nouo sole, hoc est ab hyberno solstitio, quæ bruma quoq; dicitur, sumeretur: quanquā hinc fuerit ab eodem Cæsare primi mensis initium in octauū post diem, ob causam à nobis explicandā translatum. cuius veterū Romanorū instituti, si quis de hoc quærēdū putauerit, fidē faciūt tū certissimæ rationes, tum grauissima optimorū auctorū testimonia.

Constat enim omnes cuiusque nationis mortales, quibus quidem propositum fuit suum annū ad solis alteriusue astri ambitum accommodare, non casu temeritateue ductos ipsius initium constituisse, sed auctoritatem doctorum hominum secutos, aliquā cæli astrique motus insignē partem obseruasse, quæ sibi videretur esse commodissima, vnde principium anni duceretur. Itaq; nonnullis, vt ait Cælorinus, à nouo sole, id est à bruma, alijs ab æstiuo solstitio, plerisq; ab æquinoctio verno, partim ab







huius absurditatis & discrepantiæ causam fuisse errorem & negligentiam mathematicorum, quorum opera usus est Cæsar in hoc negotio conficiendo: qui perperam fortasse diem Brumæ, hoc est hybernum Solstitium, obseruassent: ut illis temporibus non tam nota erat hominibus astrologiæ ratio, quàm post Claudium Ptolemæum, cuius & posterorum diligentia obseruationeq; magna accessio huic doctrinæ facta est. Quæ erroris suspicionem mouerunt mihi verba Plinij secundi, qui in commemoratione huius institutionis anni præfatus eam auctore Sosigene factam esse à Dictatore Cæsare, & postea errore intercalandi comperto ab Augusto correctam, illud quod ad ipsius institutionis errorem pertinet, adiecit: Et Sosigenes (inquit) ipse tribus commentationibus, quanquam diligentior esset ceteris, non cessauit tamen addubitare, ipse semet corrigendo: sed hanc suspicionem minuit solstitiorum & æquinoctiorum inueniendorum ratio: quæ licet ad exactam, & scrupulosam obseruationem difficilis sit, tamen facilius est, quam ut tot dierum error in mediocriter eruditum & diligentem hominem cadere posse videatur, non modo per Astrologica instrumenta, sed etiam per figuram planam orbicularem, in loco ad regulam & libellam ex æquato descriptam. Nam ducta per circulum diametro, quæ sit linea meridiana, cuius inueniendi optima ratio traditur à Vitruuio libro de Architectura primo: tunc si diametrum alteram per cætrū ducas, quæ secet meridianam ad angulos rectos, hæc tibi ortum & occasum æquinoctialem ostendit in quouis climate & regione. Itaque si in centro gnomem aptaueris, umbra quæ oriente occidenteue sole per hanc lineam iacietur, diem æquinoctialem obseruanti monstrabit: hyeme verò si diebus breuissimis umbram notaueris, quæ oriente sole cuncta maximè proximeq; accedit ad caput lineæ meridianæ, qua vergit in septentrionem, diem brumæ siue hyberni solstitij designabit, & per hanc ducta diameter ex hac parte occasum æstiuum, ex altera ostendet orbem brumalem: atque eodem modo in æstante umbra quæ oriente sole maxime vergit in austrum, diem solstitij æstiu signat, & ducta per ipsam diameter ortum æstiuum, & occasum brumalem oppositis partibus demonstrat. Quidam igitur viri perdocti nihil errore commissum hac in parte fuisse existimantes, illam potius discrepantiæ causam afferebant. Quod vetere Romanorum instituto, ut anni principium erat capiendum à nouo sole, sic primi mensis à noua luna, à quo instituto cum Cæsar non sibi ipse cedendum esse statuisset, & eo anno interlunium incidisset in octauum diem post hybernum solstitium, factum scilicet esse idcirco putabant, ut dierum interuallum inter anni & primi mensis initium interponeretur, aut certe ut anni principium à sua legitima & naturali sede in octauum post diem transferretur. Sed horum sententiæ protinus illud occurrit, quod cum Cæsar priorum consuetudine mentes ad motum lunæ dirigendi damnata ut importuna & operosa, frequentesq; ac longas in-

Lib. 18.

cap. 25.



gas intercalationes postulâte, eosdem ad solis duntaxat per singula Zo-  
 diaci signa progressum inita noua & commodissima ratione, vti suprà  
 dictum est, reuocauerit, non conuenit eundem ob eandem causam, sci-  
 licet vt mensis cum luna congrueret, ad statuendum primi mensis initi-  
 um interlunium post hybernũ solstitium, & anni naturalis initium  
 expectasse, præsertim cum id, quod petebat multis annis, plusquam se-  
 mel in vnoquoq; mense non contingat. Nā totis decem & nouē annis v-  
 nius modo mensis initium semel duntaxat cōgruere necesse est cū noua  
 luna. Sic igitur existimo hoc potissimum spectasse Cæsarem, dum illud  
 incōmodum inuitus scilicet susciperet, quod ad fastorum sibi pontifici  
 maximo conficiendam rationem & sacrificiorum inueteratam consue-  
 tudinem conuenientius visum est, Ianuarium mensẽ inchoari à noua  
 luna saltem eo anno, vnde fastorũ & annorum decē & nouem circuli ab  
 ipso traditi principium erat capiendum, ac deinceps repetendum fasto-  
 rum ratione, qua interlunia totius anni, pleniluniaque, & aliorum a-  
 strorum ac siderum ortus & occasus notabantur, horum enim tempo-  
 rum articulos ad ferias quasdam, & dies festos indicendos ac celebra-  
 dos, & sacrificia publica sacerdotes obseruabant. Quam sententiam vt  
 cæteris omnib. præferendam putarem, ea me ratio potissimum induxit,  
 quod non ignorarem quantopere soleant aliarum etiam rerũ auctores  
 inueteratæ sacrorum consuetudini, ac religiosa opinioni in vulgus re-  
 ceptæ seruire. Cuius rei testis est Columella grauissimus auctor, qui li-  
 bro de Re rustica nono cū Hipparchi sententiã & Solstitia & AEquino-  
 ctia, in primis signorũ partib. confici asseuerantis probaret, se tamē pro-  
 fitetur idcirco fastus sequi Eudoxi atq; Metonis, vetustiorũ Astrologonũ  
 in octauis tradentium, quod ij publicis sacrificijs essent aptati, & noti-  
 or esset illa vetus agricolis cōcepta opinio. Quod si Columella auctor  
 rusticæ disciplinæ non dubitauit veriore & certiore sententia relicta,  
 alteri, quā minus probabat, sua præcepta accommodare, ne à consuetis sa-  
 crificiorũ temporib. discederet, quanto iustior esset Cæsaris in simili fa-  
 cto ob eandem causam excusatio, cū esset Pontifex maximus, & religio-  
 ni procurandorumq; sacrificiorum muneri summa cū auctoritate præ-  
 fectus? cui vel maxime fuit optandum vt lunæ solisq; coitus compete-  
 ret eo anno in solstitium hybernũ, ne quæ natura indiscreta sunt, di-  
 straherentur, sed annus naturalis atq; ciuilis eiulque primus mensis ab  
 eodem principio repeterentur. Cæterum cum res aliter caderet, non si-  
 bi putauit prorsus à recepta opinione & à fastorũ sacrificiorumq; con-  
 suetudine recedendum. His rebus explicatis, satis intelligitur id, quod  
 suprà docuimus, sinceram illam & incorruptam rationem, quam Ro-  
 mani & Cæsar ipse tota mēte petebat, ac vt posteris traderet elaborabat,  
 dupliciter iam pridem esse vitiatam: primum, propter dies illos brunnæ  
 & initio Ianuarij mensis interiecto: deinde propter momēta illa pauca,  
 Pp quæ



*Christianor.  
à Iudæis dif-  
ferentia in  
celebrando  
Pasche.*

*Solebant Rō.  
pontifices  
Aegyptios cō-  
sulere de ce-  
lebratione  
paschatis.*

quæ initio neglecta, multorū annorum processu multiplicata, iam tredecim ferè dierum errorem induxerunt: quod malum vtrumq; vt est pari ratione tollendum, sic eadem opera potest & debet sanari. Non enim si Cæsar cōmentitiorum deorum pontifex maximus, vt vanæ religioni & receptæ fastorum cōsuetudini seruiret, sibi vel inuito faciendum putauit, vt primi mensis initium ab anni naturali principio diuelleret, idcirco Christianæ veræq; pietatis sacerdotib. committendum est, vt volentes prudentesq; in anni correctione peccatum alienum nulla tali necessitate inducti, sed inuiolata potius ratione, ipsaq; natura reclamante tueantur. Non igitur audiendi sunt, qui sic annum corrigere censent, vt ad eam formam redigatur, qua erat cum Christus nasceretur: eos verò multo etiam minus, quibus referri placet ad tempus concilij Niceni, cū fuit dies celebrandi pascha constitutus, dies Solis siue Dominicus proximus post plenilunium, in primo mense Iudæorum, id est, Dominicus dies, qui proximè sequeretur obiectum Solis ac lunæ primum post hybernum æquinoctium, vnde Iudæis initium anni sumitur. neq; enim placuit ipso die plenilunij celebrari, ne Christiani in paschate celebrando cū Iudæis congruerent, cum ante id cōcilium magna fuisset Christianorum de celebratione paschatis controuersia, & variæ consuetudines, quibusdam ipsa quartadecima luna celebrantibus. † propterea quatuordecim annis dictis, quorum fuit in eo concilio damnata sententia & consuetudo reprobata.

Post id autem Nicenum decretum diu mansit consuetudo, vt pōtiffices Romani Aegyptios Alexandrinosq; sacerdotes, qui ceteris Christianis nationibus præstantiores scientia cælestium motuum habebantur, quotānis per literas de tempore illo, ac die celebrandi paschatis consulerent, & illorum responsa per omnes ecclesias prouinciasq; dimitterent, donec Dionysius abbas astrologiæ peritus, fastorum libellum edidit, quo æquinoctia & solstitia, & lunæ ac solis coitus & obiectus omnibus annis & mensibus inuestigandi rationem complexus est, commodā illam quidem ac diligenter initam, sed huiusmodi, vt ei dumtaxat sæculo recte posset accommodari. Quo in loco mirari licet supinam, ne quid grauius dicam, negligentiam posterorum sacerdotum: qui, cum notum sit omnibus quanto in errore in dies augescente ecclesiastica consuetudo, hac quidem in parte iam plus mille annis versetur, dum normam sequitur Dionysij, quasi constantem & perpetuam, nunquam tamen eis curæ fuit emendare fastos & aliā rationē inire paschatis suo tēpore celebrandi: qua de re veteres illi sancti grauiissimiq; sacerdotes, maiores nostri, tātō opere laborabāt: quo errore & negligētia fit, vt multis annis celebratio paschatis plus solido mēse diserepet à Niceno decreto suaq; tēpestate, cū magna culpa & sacerdotū infamia: qui si annū corrigere, & ad formā incorruptam reuocare animū, vt fas erat, inducerēt, inita (quod facile



facile factu est) vt docebimus, constante ratione & sæculis omnib. duratura, cum multas alias commoditates assequerentur, & vitarent incommoda, de quibus diximus & dicemus, tum se turpi nota, & fastos insigni errore & inconstantia liberarent.

Nam sic anno correcto, cū quadamq; nobis paulo post explicanda cautione, & in posterū perpetuumq; prouisioni constituto, nō esset difficile peritis Astrologis fastorum rationē conficere, quæ huic nostræ anni mensiumq; stabili & constanti normæ in perpetuū accommodetur, ad celi cardines, astrorumq; motus & aspectus inuestigandos, & pascha ac cætera mobilia festa rite suo tēpore celebranda. Quod cū ita sit, tamē tanta est hebetudo & inertia quorundā, vt nō defuerint qui sic annū corrigere cēserent, vt ad tēpus Dionysij abbatis reuocaretur, nō ob aliam causā, nisi vt ille fastorum de quo memorauimus libellus utilis, nobis redderetur, quorū hoc est magis ridenda tarditas, quosunt nostra tēpora hoc quidē nomine feliciora, quod multi florent Dionysij, atq; adeo Dionysio peritiores astrologi, quibus facile sit vel doctiores de fastis libros cōficere rectissimæ cuiq; rationi anni in perpetuum accommodandos. Non igitur ad aliquod ex ijs quæ diximus tempus, reuocari debet annus (nā eis omnib. antiquior est vtraq; anni deprauatio) sed ad eam perfectam & incorruptam rationem dirigendus, quam Romani Cæsarq; dictator animo gerebant, ac mente formauerant. Nam illud esse scientes volentesque, nec impeditos vlla necessitate non tollere, sed minuere malum, & tanquam morbum pari negotio penitus sanabilem; cum nobis liceat viginti diebus intercalandis integram illam & inuiolatam anni formā ab omni vitio asserere, & annum mensesq; ad legitimum idemq; naturale initium ac caput reuocare, quod si factum fuerit, Solstitium hybernum, & natale Christi, & calendæ Ianuariæ cōpetent in eundem diē vnde faustū sumatur & conuenientissimū anni principium sublata illa cōfusione, quā dies interiecti natali Christi & calendis Ianuarij erga publicas scripturas quotānis afferunt, in illa temporis intercapedine confectas, quib. scilicet scripturis annus adscribitur à nato Christo numeratis. Nā septem postremos dies Decēbris anni superioris scribē solent cōsequenti præter cōmunem cæterorū cōsuetudinē annumerare, quod nō sine magna confusione molestiaq; legentiū efficitur. Cuius incommodi tollendi gratia, vt paucis iam explicem quod sentio, si principiū cōmunis Romanique anni sua sponte & vetere instituto discreparet à natali Christi, vnde ferē Christiani tum publicè, tum priuatim scribētes principiū anni ducunt, paucis scripturis exceptis, quibus annus adscribitur expletus ab incarnatione: tamen mutandum mihi esse videretur, & publico Christianorum decreto ad natalem Christi diem reuocandum, vt omnis perturbatio & confusio ex anni computatione tolleretur. Ergo cum ipsa ratio veteris instituti & incorruptæ formæ anni ab ijs, quos



*Quomodo an-  
nus corrigi  
possit.*

audtores sequimur tradita, nos ad eam mutationem & exactam correctionem cohortetur, veluti reclamans, se violata & reluctante, hæc incommoda quæ latius quotidie serpunt obrepisse, non dubitauimus notissimis erroribus summouendis, & annum, tanquam sua sede pulsum & errantem in domum & viam reducendo, tot & tantas, quæ sese ostendunt & offerunt commoditates amplecti, & vitam hominum, præsertim sacerdotum propter festorum celebrationes, à magna temporū atque rerum confusione, & cæcitate in dies augescere liberare: quod nec operosum est, nec multorum annorum negotiū, adsit modo concilij sacerdotū rite coacti, vel Pōtificis & Principum Christianorū cōsensus, vno anno, atque adeo mense, res tota cōfici potest, si publico ipsorum decreto mensis December eius anni diebus vndecim absoluator, & qui futurus erat duodecimus, quo nunc incidit bruma, sic sit primus Ianuarij, idemque Natalis Christi, principiumque communis anni.

*Utilitates  
quæ sequun-  
tur ex hac  
anni corre-  
ctione.*

Ad vitandum porrò futuri temporis omnem errorem, id quoque cōstituendum esset, vt quinto quoque anno mense Februario dies vnus, quemadmodum solet intercalaretur, præterquam circa centesimum & vigesimum tertium quemque annū. Nam cū hoc temporis spatio horarum illæ minutia, quæ neglectæ tredecim dierum errorem à Christo nato hucusque pepererunt, vnū ferè diem conficiant, necesse est totidem annorū interuallo communē intercalationem prætermittere, sic enim fiet vt nunquā, vel si omnino adamulsi quique, prouideri non potest, certè vt in aliquot annorum millia ne vnus quidem diei error interueniat. Nec verò solum commoditates, quas diximus, tot & tantæ nobis per hanc anni correctionem contingent, & magnus error tollitur ex vita, sed redibit etiam lumen, quod anni ac mensium inconstantia & confusio consecuta veteribus scripturis, tum latinorum tum etiam græcorum ademit. Quam enim partem anni, mensem exempli causa Iunij, Celsus, Varro, Plinius, Columella, cæteri que medicinæ, ac rei rusticæ grauissimi, ac utilissimi auctores antiquitus vocauerunt, hæc nunc à nobis Maius potius nuncupatur, eademque olim Aprilis, & item Martius appellabitur, quo pereat necesse est maxima & vtilissima pars illorum librorum, qua rerum tempestiuitates continentur, ab hominibus damnata tanquam inutilis, nec consecutis temporibus conueniens: aut quasi pernitiōsa humana vitæ, si simpliciter intellecta, nec diligenter collatis temporibus ad rerum vsum assumatur. Cui similis est apud nos ratio & difficultas græcorum id genus scriptorum monumenta latine conuertendi, quippe qua in re magni etiam viri ob eā temporis cæcitatem hallucinātur. Multa enim sunt ab Aristotele, Theophrasto, Hippocrate, Galenoque de animalium & stirpium natura, deque herbarum & medicamentorum virtute & tempestiuitate adscriptis anni temporibus atque mensibus tradita, quæ si quis ad antiquam & incorruptam Romanorum consuetudinem



dinem latine conuerterit, veteres auctores latinos, vt eos quos modo memorauimus Celsum & Plinium, multa ab illis græcis mutuos, & interpretatos secutus, poterit is quidem suam interpretationem his magnis auctoribus & forsitan ipsis etiam græcis testibus, qui se interdum latinis interpretantur excusare, quo facilius sit errati venia, à sensu tamen vtrorumq; longe abhorrebit. Græci enim vnum duntaxat tempus vno mensis vocabulo declarant. Romani vt varia tempora vno nomine vocarent, erroris necessitate sunt inducti, quod exemplo fiet manifestius. Mensem tertium ab æstiuo solstitio Atheniënsibus *βελδομιῶνα* dictum, veteribus Romanis Septembrem fuisse Galenus est auctor, at his temporibus non dubium est, quin idem Augusti magis nomine vocetur: mensem qui principium capiebat à bruma siue hyberno solstitio Atheniënsibus *ποσειδεῶνα* fuisse dictum, eundemque Romanis antiquitus Ianuarium Plutarchus testatur in Cæsare dictatore, nunc certum est eundem, Decembrem potius appellari. Ad summam nisi error coerceatur, necesse fuerit singulas anni mensuras partes omnium mensium latinis nominibus longissimi quidem temporis progressu nuncupari, quæ maiorem in dies latinorum scripturis confusionem, summam denique cæcitatem pariant.

Qua confusione & inconstantia Theodorus Gaza vir alioquin Græcorum & Latinorum ætatis suæ, mea quidem sententia, doctissimus, hallucinatus, in eo libro quem scripsit *περὶ τῶν μηνῶν*, miserandum in modum laborauit in reddenda causa, cur veteres scriptores summa doctrina viri nomina græca mensium interpretantes ab ea ratione, quam ipse traderet, certissimamque putaret, dissentirent. Theodorus enim, qui fuit æqualis Nicolai quinti Pontificis maximi, libellum edidit, quæ modo memorauimus græcè scriptum de mensibus, qui magno plausu fuit ab omnibus græcarum simul & Latinarum literarum studiosis receptus, in quo singulari ingenio, & pari diligentia atque doctrina mensium Atheniensium numerum, nomina, ordinem & latina vocabula est persecutus, ex magnisq; tenebris & ignoratione hominum in apertam lucem atque notitiam reuocauit. Vt enim Romanis, item Atheniensibus duodecim fuisse menses ostendit, quos ipsi à solstitio æstiuo annum inchoantes his nominibus atque ordine nominarent, *Ἐκατομβαιῶν, μεταγερνῶν, βελδομιῶν, μεμακτιριῶν, περῶν, ἀνθεστηριῶν, ποσειδεῶν, γαμηλιῶν, ἐρφαρβολιῶν, μουνιχιῶν, θαργυιῶν, σκироφοριῶν.*

Porro animaduertens facile in expeditoque fore, vt singulis redderentur sua nomina latina, si vel de vno quouis constaret, ad eum inuestigandum ingeniosam hanc, commodissimamque rationem inuinit, vt primum constitueret, qui mensis congrueret cum æstiuo solstitio, essetque primus Atheniensibus, qui ab eo temporis articulo suum annum



*Gaza error  
in conuertendis  
latinè  
græcorum  
mensibus.*

(quemadmodū diximus) inchoabant, deinde in mensibus Romanis hoc idē consideraret: quo facto nō dubitat quin idē mensis esset, qui utroq; nomine græco & latino vocaretur: ita cum inuenisset ἑκατομβαιῶνα Atheniēlib. Romanis Iunium incidere in solstitiū æstiuū, ἑκατομβαιῶνα putauit Iuniū à Rom. appellari, & sic esse latinè interpretandum, μεταγινῶνα Iulium βοηδρομιῶνα Augustum, & cæteros deinceps eodem modo, & sic ipse interpretatus est (vt supra dixi) Aristotelem & Theophrastum. Sed quoniam huic ingeniosæ & ipsius Theodori nostrisq; temporib. magis conuenienti rationi, veterum & grauium auctorum Galeni & Plinij mensiū collationes & expositiones ab ea discrepantes obesse videbantur, illorū hac in parte testimonia magna (vt equidem arbitror) & sollicitudine refellere conatus est, & auctoritatē imminuere, Galenus enim in mentione seminis abietis eo mense tempestiuum id esse tradit, quo mystica sacra faciebāt Athenienses, hoc est βοηδρομιῶνι, & idem hunc mensem à Romanis Septembrē appellari testatur, quem Theodorus Augustum potius conuertendū putauit. Plinius autem, dum Aristotelem sequitur prodentem pisces magna ex parte tribus mensibus parere, quod ille μουνιχιῶνι, δαργηλιῶνι, σκιροφοριῶνι scripserat, ipse Aprili, Maio, Iunio conuertit, quos Theodorus Martium, Aprilē, Maiū interpretatur. Sic igitur reiecit illorū testimonia, vt Galenum diceret parum scrupulose tempus ac mensiū illorū conuenientiā considerasse: quippe cuius parui interesset, tempestiuitatem illius seminis Augusto tribueret an Septembri eiuldē ferē naturæ mense. Plinium verò non Aristotelē interpretando & ex eius sententia, sed ex sua contendit illud conscripsisse, propter locorum videlicet diuersam naturam: cum tamen Galenus tēpora & menses diligentissimè contulerit, & Plinius Aristotelem & quidem pro illis tēporib. commo dissimè fuerit interpretatus, vt declarat Plutarchus testis locupletissimus, & cui Theodorus in eodem libro summā auctoritatē tribuere nō dubitauit, is enim sic in eo, quem diximus, loco traiectum Cæsaris in Macedoniam conscribit, χειμῶνος ἐν τροπαῖς οὗτος ἰσημένου ἰαννουαρίου μηνός: οὗτος δ' ἂν εἴη ποσειδεῶν ἀθηναίοις, ἀφῆκεν ἐν τῷ πέλαγος, quæ si Theodorus legisset, aut lecta cū id proderet meminisset, magna sollicitudine fuisset liberatus vnū illū mensem eiusq; græcū & latinū nomē inuestigādi, nec induxisset animū, vt quidq;, quod horū triū magnæ auctoritatis virorū cōsensui, & apertissimæ sententiæ cōtrariū esset cōstitueret: cū eodē in loco Plutarchus simul testetur brumā incidere in mensem ποσειδεῶνα, simul hūc esse quē Romani vocant Ianuariū. quo cognito & quasi fundamēto iacto, mēsi busq; ordine collocatis, cōfēctares erat, nec poterat de singulorū latinis nominib. dubitari. Itaq; aut horū rationē fuisset lectus tēporib. illis cōuenientē, cū res ab incorrupto & com-



& commodissimo instituto parū deflexerat: aut quæstione diligentius  
 & perquisitius discussa & dijudicata, non posse in tanto errore tantaq;  
 temporū inconstantia, certā aliquā perpetuamq; normā tradi perspic- *Excusatur*  
 xisset. Cæterū Theodorus, vt eius errorē quatenus licet subleuemus, haec *error Gaze.*  
 bita suæ memoriæ (quæ eadem fuit patrum nostrorū) ratione, non incō-  
 modè mensibus Atheniensium reddidit latina nomina, quo tēpore sol-  
 stitiū in mensē Iuniū, Bruma in Decembrē incidebat: errauit tamen du-  
 pliciter, primū quod existimauit Pliniū, qui Aristotelē secutus, & rectē  
 suæq; memoriæ cōuenienter fuerat interpretatus, ab eodē discrepasse,  
 suamq; sententiā alijs locis, & quorū esset alia natura accōmodasse: Ga-  
 lenum verò incuria quadā fuisse lapsū, propterea scilicet quod neu-  
 ter illorū eam, quam ipse traderet rationē secutus fuisset. Deinde quod  
 hanc putauit omnib. temporibus, tū in præteritum aptari posse, tū etiā  
 in futurum. Sic enim, quæ obesse videntur, reiectis, suā sententiā tuetur  
 & tradit, vt ad eam velit vetusta quoq; tēpora reuocare: nec quidquā in  
 futurū præcipit, aut admonet de mutatione ac diuersitate temporum,  
 quib. omnib. (vt quidē nunc est errore in dies augescēte) nulla cōstās  
 atq; eadem interpretatio possit in perpetuum cōuenire. Vt. n. Theodo-  
 ri interpretatio, Plinij, Galeni, atq; Plutarchi temporibus nō conuenit,  
 sic olim erit inepta cum totidem ab hinc anni defluerint. Nā vt veteres  
*ἐκ τῆς μαιῆς* rectius Iulium, nos Iuniū interpretamur, licet hoc i-  
 pso Atheniensium mense Iulij plus tertia parte etiā nunc contineatur,  
 tātundemq; Iunij sumatur extra. Sic erit tempus cū posteri Maiū ac de-  
 inde Aprilē conuētere debeant ad summā eius mensis Romani, in quē  
 solstitiū inciderit nomine declarare, nisi hoc infinito errore sublato,  
 res ad incorruptum initiū reuocetur, & perpetua ratio quemadmodū  
 exposuimus fanciatur, vt semper bruma & solstitium in eosdem mēses  
 Ianuariū atq; Iulium ipsorumq; initia reuertantur, quod si factū fue-  
 rit, redibit illa veterum in perpetuum duratura interpretatio, ad quā  
 facile fuerit cætera, quæ Theodorus doctissime tradidit, reuocare. Et  
 Romani atq; cōmunis anni principiū congruet, vti diximus, cū Christi  
 natali die, quē ferē Christiani faciunt caput, vt inde initium anni ducāt  
 temporūq; rationem, abolita iam pridem consuetudine tempora no-  
 tandi à quorundā imperatorum siue regū ineūte principatu, qualis fuit  
 Hispanorum consuetudo annos ab Augusto Cæsare repetendi, quā reti-  
 nuerunt vsq; ad Ioannem Regem, huius nominis primum, legemq; ab *Ioannes Rex*  
 eo latam Anno Christi nati 1372. qua cautum est, vt anni deinceps atque *span. rex edi-*  
 tempora à Christi Natali die ducta ratione, non ab Aera Cæsaris com- *cto sanxit vt*  
 putarentur. *à natali*

De qua æra quoniam multa à multis tum veteribus, tum etiā recē- *Christi ra-*  
 tioribus temerē tradita sunt, quorum haud dubiè nemo, quem quidem *tionem an-*  
 vel legerim, vel audierim quæstioni satisfecit, vt pauca quædam *ni computa-*  
 feram,



*De era Hi-  
spanorum  
disceptation-  
cula.*

*Lac. 2.*

feram, me res ipsa adhortari videtur: nam licet hæc annorum adscribendorum ratio quam pridem diximus fuerit antiquata, durat tamen in omnibus ferè scripturis, quæ extant mille circiter quadringentorū annorum interuallo ab Hispanis hominib. adscripto tempore confectæ in historijs, legibus, priuilegijs, pactorum, conuentorumq; monumentis, testamentisq;: quin etiam in libro conciliorum, quæ noster Isidorus digessit nusquam ferè alia ratione tempus ab ipso adnotatum esse videmus, vt non solum meis hominibus, hoc est Hispanis, sed multis etiam alijs, quibus ea legere cordi fuerit, non ingrata, nec inutilis fore nostra hæc cura videatur: rem scitu dignam, ac propemodum necessariam, diutissimeque ignoratam explicandi, præsertim post tam multum à prioribus frustra susceptum laborem. In quo illud inprimis demirari soleo, quid venerit in mentem Isidoro, magno alioquin & graui auctori, tradere id, quod posteris ferè persuasit, æram vt nomen, sic initium accepisse ab ære, hoc est à tributo, quod Augustus Cæsar tunc mortalibus cunctis, qui Romano imperio parebant, imperauerit, cum edixit vt vniuersus orbis, quemadmodum est in Euangelio describeretur, quod planè fictitium esse, vel ex eo declaratur, quod census ille, vt idem Euangelista testatur, incidit in eūdem annum, quo Christus natus est, à quo trigesimo octauo altius æram deduci ex plerisque scripturis, quibus est vtrumque tempus adscriptum, non potest dubitari. Sed hanc discrepantiam quidam nostrorum animaduertentes, quum ab Isidori sententia prorsus dissentire, præsertim nihil commodius excogitare valentibus, instar sceleris videretur, cōmentū aliud induxerūt, ac posteris tradiderūt: illā descriptionē trigesimo octauo anno ante Christū natum primū habitam, eandemque singulis annis haberi solitam fuisse, vt anno quo Christus natus est, census orbis more superiorum annorum habitus esse intelligatur, cui figmento planè refragatur Euangelij indubitata veritas, qua orbis descriptio eodem anno quo Christus natus est, Syriā procurante Cyrino facta, primum fuisse memoratur. Nam illud puerile est, affirmare multas orbis descriptiones, quarū illa fuerit prima, factas esse Cyrino procurante Syriam, cuius enim leuitatis est credere, eodem hunc annum vel duorum annorum magistratum gerente, sæpe orbem fuisse censum, cum Romana ciuitas semel dūtaxat quinquennio cēferetur, præsertim Iosepho authore grauissimo in Iudaicis antiquitatibus huic leuitati apertissime refragante? Fuerunt & alię nostrorum hominum de hac annorum ratione sententiæ, quas tum propter auctorum obscuritatem missas facio, tum quia tam sine fundamento (ne quid grauius dicam) sunt fabricatæ, vt ipsæ per se corruāt, si quis modo paulo intentius ipsarum ruditatem, & inconstantiam intueatur. Quod verò superiores illi aiunt æram à tributo, quacunque id ratione auerant, initium



initium sumpsisse, quis qui modo literas attigerit, tã cæcus est, & omnis doctrinæ ac humanitatis expers vt hoc esse præter omnem & fidem & morem hominum non videat? viros graues & ingeniosos, (qualis natio Hispana semper est habita) publico consilio statuisse, vt ab initio molesto grauiq; & cuius recordatio sit ingratisima, quale tributum est ijs quibus imperatur, annorum ratio quotidiana & frequentissima consuetudine repeteretur? præsertim illis temporibus cum res Hispana nõ solum indigenum, sed multo etiam magis Romanorum humanissimæ nationis, qui plurimi deductis colonijs Hispaniam incolebant, consilio & auctoritate administraretur? Rẽ enim gratissimam & populis felicẽ, & cuius memoria & recordatio iucundissima sit, homines annorũ temporumq; caput ac initium constituere solent, vt Romani conditã urbẽ, Iudæi libertatem cũ se ab Aegyptiorũ seruitute vindicarũt, Christiani Christi vel conceptionẽ (quam incarnationem quoq; vulgari consuetudine dicimus) vel Natalẽ diem: rẽ verò grauẽ, & molestã, quæq; infauita videri possit, nulla vnquã natio initiũ vnde tẽporis ratio duceretur constituit. quid aut aut grauius aut molestius solet hominib. accidere, quã tributũ quod multarum sæpe ciuitatũ atq; etiã nationum magnũ odiũ in reges ac princeps suos, nonnullarum etiam defectionem cõcitauit?

Age verò vt ab his, qui tributũ illud velut rem indubitata ponunt, & pro suæ sententiæ fundamento iaciunt, paulò seuerius rationem repolcamus, quem tandem auctorem habent edictum illud de censendo terrarum orbe ad tributũ imperandum pertinuisse, ac eodẽ tempore fuisse in orbe Romano vniuersale tributum imperatum? hoc enim veterũ scriptorum nemo (vt equidẽ arbitror) memoriæ tradidit: ego verò testem habeo locupletiss. Iosephum, nullum id temporis imperatum fuisse tributum: qui Iudaicarum antiquitatũ lib. 18. Iudæos quosdã tradit, qui se vindices libertatis esse profitebantur, propter suspitionẽ imperandi tributi ex eo censu temerẽ conceptam tumultuari cõpisse, atq; eum motum causam fuisse multorum malorum, itaq; censum hũc, quo de mortalium Romano imperio subiectorum numero, & cuiusq; patrimonio & ordine constaret, ob alias causas factum fuisse pro cõperito habeo. Quemadmodum in vrbe Roma quinto quoq; anno capita & patrimonia ciuium Romanorum, etiam cum nulla esse tributi nec metio nec suspicio censebatur. Non solũ igitur opinionem afferunt futilem, & nihil habentem probabilitatis, sed quod sumunt pro cõperito, dubium est, atq; adeo commentitium. Non enim tributi causa factus est ille census, sed ob alias, vt dixi, causas: nec si quis nulla necessitate, sed curiosa quadam diligentia factum suspicari se diceret, sententiam affert improbabilem, vel ab Augusti Cæsaris ingenio & morib. abhorrentem, docti ac omnis humanitatis studiosi principis, cui & cordi, & curæ fuisse scimus, adhibito etiam Agrippã, vt opus & tabulæ de situ



orbis cum exactissima mundi partium, regionum, urbium, fluuiorum, atque montium ratione ad hominum studiosorum cognitionem conficerentur, quam rationem Plinius secundus interdum in geographia secutum se fuisse testatur. Quid igitur mirum si eadem curiositate in magna & altissima pace, ut de ciuium Rom. sic de sibi subiectorum mortalium numero & opibus, princeps curiosus & eruditus, per censum vniuersalem constare voluit? quibus planè intelligitur, esse mera somnia quaecunque de æra tradita sunt ab ijs, qui temporis eam rationem ad tributum imperatorum ab Augusto quacunque via referri volunt. Illud quoque non parum obest istorum figmentis, quod Romani non aurum, aliudue metallum victis gentibus imperare solebant in tributis, sed argentum semper, ut Plinius est auctor.

lib. 33. c. 2.

628. æra.

Hermolaus Barbarus, vir alioquin doctissimus, in eo lib. cui titulum fecit castigationes Plinianæ, æram apud veteres idè signare tradit, quod numerum, auctore Lucilio, cuius hæc verba citantur à Nonio Marcello: *hæc (inquit) est peruersa ratio æra summa, & subdacta improbe*: atque in eo intellectu Hermolaus id vocabulū ab Astrologis tum latinis, tum etiā græcis usurpari solitum esse falso confirmat, ignarus videlicet hunc barbarum morem ad cæteros astrologos non pridem ab Hispanis, quorum multi in ea doctrina claruerunt emanasse. Nam postquam huius vocis, æra, qua ratio temporis ab Augusti principatu ducta notabatur, vis coepit ignorari, eadem (ut solent ex vno multi errores interdum existere) ad quamuis annorum rationem vndecunque duceretur, à nostris Astrologis est translata, ut in Alphonsi regis tabulis (nam hic est titulus libelli) factum esse videmus, vnde potissimum in cæteros libros astrologicos manauit error, cum nec Ptolemæus, ut Barbarus falso putauit, nec alius ut arbitror, græcorum quisquā ea voce ad annorum rationem declarandam sit usus: sed nec veterum quidem latinorum aliquis, cuius quidem locus extet, præter Lucilium, qui tamen non proprie sed figuratè, atq; plurali numero, æra, id est, numos, qui accepti aut expensi referantur, pro numerorum ratione siue numero dixit, nec eo verbo ad veterem morem & intelligentiam Hispanorum est usus. Nec si vel maxime fuisset, grauioribus hominibus probari posset, vetustos illos & prudentissimos viros Hispanos, tunc cum Romanam linguam incorruptam retinerent, ac sincerè loquerentur, æram usurpasse pro numero & pro rei vulgarissimæ nota insolens & obsoletum verbum, omisso proprio & notis. in quotidianam consuetudinem reuocasse præter morem Romanorum, qui poterant eodem modo temporis rationem ab vrbe condita ductam æram, quod est inauditum, nominare. Cæterū Hermolaus cum æram ad omnem temporis rationem huiusmodi rectè posse accommodari falso putaret, de initio tamē & capite eius nihil disseruit. Pri-



rum igitur commenta & opiniones in hac quaestione refellere nec difficile est, nec magni ingenij aut eruditionis. Sed rectam veramq; rationem tum rei, tum etiam vocis inuenire difficillimum, constat enim concessu omnium, primum hanc temporis rationem, quam æram nostri dicunt, ab Augusto Cæsare deduci, in cuius seculi gratiam fuit hoc à veteribus Hispanis constitutum: vt sic Augusti nomen sibi gratissimum esse ostenderent, cuius memoriam vellent in omnib. suis scripturis in perpetuum quotidiana mentione celebrari, quemadmodum vrbes non paucas Hispaniæ ab eodem nominarunt, vt Cæsar Augustam, Emeritam Augustam, Pacem Augustam, & Augustobrigam, & si quæ sunt aliæ: & item quemadmodum Romani sextile mensem ob eandem causam Augustum vocauerunt, deinde ratione eandem ab anno ante Christum natum Trigesimo octauo cepisse initium atq; idem repeti solere: sed nec illud dubitatur, Christum natum esse anno principatus Augusti Cæsaris quadragesimo primo peracto, quæ adnotare magis placuit Tertuliano: & cum quadragesimus secundus ageretur, quæ Eusebius cæteri q; tradunt & obseruant. Quorum annorum ratio cum non congruat cum ea, de qua loquimur æra siue ipsius initio, sed intersint quatuor anni, non sine magna ratione dubitatum à plerisq; quaesitumq; est de huius æræ capite, & quomodo id referri possit ad ineuntem Augusti principatum, siue initium spectes triumviratus, vt solent auctores annos eius imperij sex & quinquaginta numerantes: siue temporis huius rationem habeas, cum denicto ad Actium Antonio summa totius imperij ad Augustum est delata, post annum scilicet quartumdecimum, quæ maior esset discrepantia. Hanc igitur difficultatem quidam expedire conantes (nam huc omnes incurrisse necesse est) cum nullum exitum inuenirent, rei per se obscuræ per vana cõmentà (vti memorauimus) maiores tenebras obfuderunt. Quas ego (difficultatibus eisdem affectus) discutere cupiens, cum veterum scriptorum de temporibus illis monumenta reuoluerem, tandem cõmodissimam ratione inuestigasse mihi visus sum, qua negotiū expediri, totaq; res illustrari posse videretur: quā paucis verbis explicabo. Sic enim existimo, & res ipsa docet, veteres Hispanos in hac ratione constituenda eiusque principio iaciendo, non ipsum Triumviratus initium spectasse, cum Augustus, Antonius, & Lepidus communi cõsilio & auctoritate aut alia facta diuisione cœperunt rem Romanam administrare, sed initium ab eo tempore sumpsisse, cum orbe partito Hispania & Italia. & reliquæ occidentæ citra Ionium mare regiones in Augusti solius imperium concessere, vt reliquus orbis ad orientem Antonio permissus est, Africa verò attributa Lepido, quam partitione post bellum Perusinum statim post L. Antonij consulatum, hoc est quarto triumviratus anno Cn. Domitio, & C. Asinio Conf. factam esse Plutarchus in Antonio testificatur, & Dion in Augusto. Nā prius illud tri-

*Vera origo  
Æræ apud  
Hisp.*



umuirorum foedus initum fuisse anno, qui fuit Hircio & Pansa confu-  
libus, & tertio post anno cum Publio Seruilio Lucium Antonium fu-  
isse consulem, quarto verò Cn. Domicium Caluicium & C. Asiniū Pol-  
lionem Aurelius Cassiodorus est auctor. Placuit igitur veteribus illis  
Hispanis, & quidem rectissimè, vt temporibus notandis nomen Augu-  
sti celebraturi, rationem ab eo potissimum anno, velut à capite, suæ  
nationi felice & salutarì repeterent, cum Hispaniarum imperium ad  
Augustum nominatim solumque delatum fuerat, quemadmodum Ae-  
gyptij (vt auctor est Censorinus) rationem temporum ab anno, quo  
venerant in potestatem ac ditionem populi Romani & Augusti Cæsa-  
ris repetebant, qui fuit eiusdem principatus, vt docet Eusebius, deci-  
mus quartus. Diximus de initio & capite supputationis huius, quæ bar-  
bare, vt mox docebimus, æra per quorundam hominum ignorantiam  
vocari coepit, sequitur vt vim eiusdem vocis explicemus, qua ignorata  
nemine propè dixerim nostrorum æram aliunde quam ab ære dictam  
suspicante, multis (vt memorauimus) occasionem præbuit errandi. Qui  
tamen, si rem diligentius aduertissent, ex ipsa veterum temporis adscri-  
bendi consuetudine, quiddam aliud in ea voce latere admoneri pote-  
rāt. veteres enim, vt ex eorum libris apparet, cum rem gestam actamue  
cōmemorassent, sic scripturā claudentes tēpus adscribebant: Aera cc.  
exempli gratia, vel ccl. nulla alia nec anni nec Augusti facta mentione,  
vt sit necesse vtrumque in literis æra contineri. nam licet in priuatis epi-  
stolis, quas saepe nullo adscripto tēpore olim missas videmus, quædā in-  
terdū à recentiorib. religiosius in epistolis quoque temporis adnotandi  
more tenētib. supprimātur, tamē stultū esse putare more publico & in  
publice cōfectis scripturis annū ab aliquo insigni principio ductū ad-  
scribi, nulla nec anni nec ipsi capitis vnde repetatur mētiōe facta: præ-  
sertim ab ijs, qui vellēt in omnib. scripturis principis cuiuspiā nomē at-  
que memoriā, ducta ab ei⁹ ineūte principatu tēporis ratione, celebrari.

*Vnde ductū  
nomen Aera:* Hanc igitur necessariam propè dixerim rationē secutus ita mihi per-  
suasi, æra non simplex esse vocabulum, sed tria, quæ prius abbreviata: &  
pūctis (vt solet) more veterum distincta, per tabellionum librariorū  
que negligentia & temeritatem confusa in vnam vocem coaluerint, ve-  
teres scilicet gestarum actarumue rerum tēpus sic initio in scripturis  
adscribebant, *acta sunt hæc Cordubæ (exempli gratia) pridie calendarum  
Aprilis. Annus erat Augusti septuagesimus,* vt Romani tum annum ab vr-  
be condita, tum annum vrbis dicere solebant. Plinius qui fuit  
inquit, *vrbis Romæ annus CXLII.* Aegyptij annos, quos ab eo  
tempore, vti diximus, cum venerant in populi Romani & Augusti  
Cæsaris ditionem deducebant, annos Augusti siue Augustanos nomi-  
nabant, vt alios Nabon nagarij, quos à primo regni eius anno repe-  
tebant, alios Philippi eodem modo. Primum igitur Hispani quemad-  
modum



modum dictum est, annum adnotabant. Deinde breuitatis gratia principia duntaxat trium verborum scribebant, sed punctis seiuncta in hunc modum A. E. R. A. L X X. quemadmodum in cetera verba, quæ frequenter usurpabantur, factitatum à veteribus fuisse in tabulis æneis ac lapidibus inscriptis notamus. In quibus A. pro *anno* & E. pro *erat* seu *erit* vel *erunt*, & item A. pro *Augusto* interdum posita esse videre licet: & Valerius Probus, qui libellum de huiusmodi notis conscripsit testificatur. Adiuvat coniecturam sententiamq; nostram, quod hæc temporum ratio non æra Augusti dici solet, sed æra Cæsaris. Qui autem Cæsarem duntaxat dicit, non adiuncto Tiberij exempli gratia, vel Traiani nomine, nec eius mentione facta, hunc velle constat Iulium Cæsarem, à quo ceteri principes id nomen acceperunt, intelligi. cum igitur cum æra Cæsaris dicimus, non alium, quam Augustum intelligimus, nisi quoniam Augusti nomen in æra continetur, scilicet qua tempus interdum hoc modo notabatur, A. E. R. A. C A E S. quod est *annus erat Augusti Cæsaris*: frequentius tamen breuitatis gratia sic. A. E. R. A. Sed posteriorum (vti diximus) socordia & temeritate factum est, vt omisissis punctis eadem literæ velut in vnum verbum, cuius prima syllaba A. E. diphthongus esset, confusæ conscriberentur, non aliter, quam cum æra scribentes eo vocabulo volumus numos æreos intelligi, vnde nata est errorum, de quibus memorauimus, occasio.

F I N I S.

Qq 3 IO. GENESII



IO. GENESII

## SEPVLVEDÆ S. T. D.

*De appetenda gloria Dialogus, qui inscribitur*

G O N S A L V S

Ad Illustrissimos Principes

LVDOICVM CORDVBAM eiusque coniugem

ELVIRAM Principes Suesanos

P R A E F A T I O.



Vm nuper inducias, dum se calores aestiui remittunt, cum studijs seuerioribus pactus ( quæ conuertendis à Græco in Latinum exponendisq; Arist. quibusdam, de naturali philosophia scriptis impendebam ) inquietem animum, ac nihil agere nescium ad aliquid leuioris, hoc est iocundioris opera meditandum traduxissem, cœpi mecum sermonem de gloria altius repetere, quem ferè multis in ore esse animaduertēram, & in quo paucis antè diebus à quibusdam meis familiaribus neq; imprudentibus neque ineruditis hominibus nonnunquam dissenseram, Dum admoniti Hispanorum ingenio, qui præ cæteris mortalibus, ut sunt, sic esse gloria studiosissimi creduntur, eam mentionem frequenter usurparemus. qua quæstione in Dialogi formam redacta, libellum non sine iocunda Hispanorum gloria recordatione, quem Ludouice dux magnanime, ac Elvira sexus fœminei decus, ad vos mitterem confeci. Nam cui dignius iustusq; liber de gloria dicari posset, quàm vobis, qui gloriam in suo quisque ordine, studiosissime colitis, & maiorum vestrorum præclara & gloriosissima gesta per summas virtutes imitamini? A me præsertim eiusdem vrbs, quæ vobis cuius merito gloriatur, alumno, quiq; semper vestrarum & virtutum admirator, & laudum fui indefessus prædicator. Quare cum genus hoc sermonum, quod Cicero doctissime, ut cætera, dixit, positum in hominum veterum authoritate, & eorum illustrium, plus nescio quo pacto habeat gravitatis tres summos & clarissimos viros, ex vestra potissimum familia quasi loquentes induxi, Gonsalum magnum, Iacobumq; Cordubam, vestros patres atque soceros,



foceros, & Petrum vtriusq; gentilem & propinquum. non modo quia de gloria  
 commodissime loqui videri possunt, qui gloria duce ad summam clarita-  
 tem peruenerunt, sed etiam ut eos, & eorum occasione alios nonnullos nostrae  
 nationis summos viros, quantum esset in me, commemorandis exemplis illu-  
 strarem. Quod officium si maioribus nostris in singulis aetatibus cura fuisset,  
 parum fortasse in explicandis virtutibus externa exempla requireremus.  
 Nunc enim praecleara à nostris olim edita facinora tanta obliuione obruta  
 sunt scriptorum inopia, ut tanquam nulla fuerint, ignorata sileantur: praeter  
 admodum pauca, quae vix cum fide ad nostram notitiam transmissa sunt. quod  
 non facile dixerim, scriptorumne incuria factum sit, an principum culpa, qui  
 gloriam bellicam affectantes, literas literarumq; studiosos negligebant. At ve-  
 rò id quam longè abhorreat à summorum imperatorum institutis, nemo  
 valeat dubitare, qui meminerit Alexander Macedo, cum in Sigaum venisset,  
 ad Achillis sepulchrū, quibus verbis honorem habuerit Homero, Pyrrhus Epire-  
 tarum Rex Cyneam, Scipio Africanus Polybium suorum gestorum scriptorem  
 quantae familiaritate coluerit, Iulius Caesar, quanto studio ipse sua gesta in ele-  
 gantissimos commentarios digesserit. Sed ne longior sim in re apertissima, non-  
 ne per deum immortalem furor est, & insignis inconstantia, ut bonam quisp-  
 am existimationem inter homines indipiscatur, nullum laborem recusare, nul-  
 li sumptui parcere, ancipitia discrimina ultro etiam adire, eundem quomodo  
 sua gloria quam maxime dilatetur, & ad posteritatem perueniat negligere?  
 Quae à me non idcirco dicta sunt, ut obiter mei ordinis communem causam a-  
 gerem, quam alioquin tibi Laodouice probare non esset factum difficile, qui sic  
 armorum studium colis, ut literarum minime spernas, prorsus ut vtriusq; glo-  
 riam simul expetere videaris. Sed ut iam nunc illorum reprehensionibus occur-  
 ram: Si quibus in hoc opere visus fuero, pauciora per singulas virtutes Hispa-  
 norum virorum exempla conuulisse, quam serino ab his, quos loquentes  
 induxi susceptus desiderabat. Sed iam sermo vnde habuerit  
 initium attendite.



## DIALOGVS DE APPETENDA GLORIA

10. Gen. Sepuluede.



Onfecto bello Neapolitano, cum Cordubam Urbem patriā, duplicē de Gallis triumphū reportans Gonfalus Fernandus repetisset, is, qui vt dux magnus vsurparetur, clarissimis gestis adeptus est, & summo cum gaudio, ac ingenti gratulatione ab vniuersa ciuitate fuisset exceptus, cum alij viri Principes hunc, salutandi gratia priuatim adibant, tum Iacobus Corduba, Aegabrientis comes, huiusq; & gentilis & propinquus Petrus Marchio Priegenfis, idemque Gonfali fratris filius, ad ipsum cōsuetudinis gratia ventitabant. qui cum aliquando congressi in sermonem incidissent bellorum, quæ illa memoria ab Hispanis gesta essent, & in Granatensis mentionem fuissent delapsi, foelicia (inquit Iacobus) tempora nostra, & nos ipsi fortunati, quibus ea videre contingit, quæ maiores nostri vt viderent summis votis expetiuere, & sæpe coactis viribus frustra tentauerunt. effugimus tandem probrum illud, quod nobis, id est Hispanis, à cæteris nationibus obijciebatur, quod nos gloria bellica nullis mortalium secundos esse iactare soliti, hostem tamen non modo nostrum, sed cōmunem etiā Christiani nominis, nostris quotidie ceruicib. imminente in optima Hispaniæ parte regnare pateremur. *Gonf.* Est vt ais Iacobe, nam & nos foelicē hoc nomine atate sortiti sumus, & illud nostris merito dabatur probro. Sed vt tam tarde hostis ab Hispania prorsus repelleretur, non superioris memoriæ nostrorum hominum ignauia, sed principum discordia factum est. Quiduis enim potius nostris, quàm gloriam bellicam adimam, quam si Hispani, vt modo dicebas, iactare soliti sunt, suo id iure faciunt, modo id modice faciant, neq; cæteros contemnant, neue magnis verbis deprimant: id enim arrogans est, & inuidiosum. Equidem nostrorum virtutem si quis alius, ego in primis sæpe demiratus & multis prælijs expertus sum. Sed nunquam Gallos contempsim: nunquam Italos paruifeci: Germanorum virtutem semper probaui. Nam Granatenses (etsi Mahumetæos) quod spernam?, nihil est, nisi velimus Hispanos contemnere, præsertim tam egregia vfos virtute, cum alias sæpe, tum maxime in bello postremo propullando, cum tandem sunt a nobis subiugati, quod contra vniuersas vires nostras in decennium extraxere. quare cum bella gererem cum horum quibuspiam, ita eram animatus vt nobis nostra industria & virtute, non hostium ignauia vincendum putarem. Ita si qua nostra culpa est, hostem tam diu in Hispaniæ parte regnasse, seditio (vt ante dixi) principum fuit in causa. Ab illo enim tempore quo Petrus, qui ex factis crudelis est cognomina-



gnominatus, patri Alphonso Regi optimo dissimillimus successit, cū ille victo Almohaceno Bellamarini Rege, qui Maurorū infinitū exercitū in Beticam traiecerat, & receptis Algeziris vrbibus, Gibraltare obsides obijisset, tot intestinis Principum seditionibus penē continenter Castellā iactata est, vt externis bellis gerendis nullus longo tempore locus fuerit. Nam cum est ab his discordijs vacatum, arma nostri in hunc hostem conuertebant, vt regnante Ioanne secundo, cum coacto exercitu octoginta milliū armatorū, quod est à Menaciue nostro carmine proditum, bellum fuit Granatensibus illatum. Sed quid nostros re infecta ab illa expeditione reuocauerit, non ignoratis. Iac. Aluarum Lunam ferūt cuius consilio Rex maxima quæq; administrabat, tantis conatibus obstitisse. Sed ille suæ perfidiæ tandem meritas pœnas capite luit. G. Ferrunt & alia, sed ista fuit constantior hominum opinio, hostibus ingenti pecuniarum vi bellum deprecantibus Aluarum fuisse sufragatum. Sed vt memoria illa vnius improbitas Regem Io. à magnis inceptis reuocauit: sic nostra Fernandum fortissimum, & alta mente præditum, & virginem illam exemplumq; pudicitiae Isabellam reginā, in cuius foemineo corpore virilē animum, prudentiam propē diuinam, & plusquam regiam grauitatē amici venerati sunt, hostes mire reformidarūt, totus orbis est demiratus, multorum fides, magnitudoque animi ad lacratissimum bellum persequendum inuitasse, videri possunt. Sic enim mihi persuadeo, nulla post hominum memoriam ætate, tot simul principes viros fortissimos, strenuos & ad bella gerenda natos, Hispaniam viro- rum alioquin feracissimam protulisse. Etenim Roderici Gaditani Marchionis (qui Alhamam in medio hostium expugnauit) virtus, quem nō fuit ad bellum persequendum incitaturus? quem non Io. Metinæ Sidoniæ dux, qui capitalium odiorum oblitus, hunc laborantem maximi exercitus obsidione soluit, non sui animi magnitudine, & fide prouocasset? quid de Emanuele dicam huius Roderici fratre, cui si Gracia patria contigisset, id erat & maximo animo, & fidem non capientibus ausis, factisque affecutus, vt facile decantatum Herculem gloria fuisset prouocaturus. Adeo ille non homines tantum, sed immanes feras edomabat. Qui non satis habuit eximiam sæpe laudem de hostibus Granatensibus retulisse. Nec ea gloria contentus fuit, quod immanissimi leones suæ virtuti cessissent, cum nobilem virginem, sed temere imperiosam incusso colapho, quomodo viris nullum discrimen recusaturis imperandum esset admonuit. Reddita videlicet chiroteca, quam elapsam illa è manibus in leonum caueam, non esse qui sibi restitueret audiente ipso Emanuele & alijs summo loco natis iuuenibus, quasi exprobrans illis ignauiam ficto gemitu cōquesta erat, sed traiecto mari nouum hostem sibi querendum, alias magnarum rerum occasiones captandas putauit. Vnde inter cætera inuictæ suæ virtutis documenta septem fortis-



simorū Maurorū capita, quos sigillatim praelio deuictos interfecerat, reportauit: quæ nobis Hispali admirando spectaculo fuere. Nam Bernardini Velaschi Castellanos, & Petri Manrhici Ducis Naiarensis Principum oppositarum Cantabrie factionū: tanta fuit eo bello in praelijs ciēdis industria, & animi promptitudo, vt dū alter alteri virtutem æmulatur, multas vterq; de hoste victorias reportauerit, quorum Bernardinus in cæteris certaminibus hostem, in illo vero seipsum vicisse mihi visus est, cum in obsidione Loxæ commisso equestri praelio lancea validissime ab hoste contorta, secundum femur confossus telum ipse sua manu eduxit. nec solum nō defecit animo largius manāte sanguine, sed accensus ira, ipsum à quo vulnus acceperat eadem ipse lancea retorta trucidauit. Longum esset Iacobi Luppi Paciechi Villenæ Marchionis documenta fidei ac virtutis, & ante illud bellum in seditionibus Principalibus, & in ipso edita commemorare. Vbi tam grauius est vulneratus, vt brachium dextrum, quo vulnus accepit, ne nunc quidem satis officio suo fungi queat. quod ei accidit dum laboranti militi inter cōsertos hostes securus periculi subueniret. Quid patres vestros viros optimos, & inuictos referam Iacobū Cordubæ Alfonsoq; quorum alter Granatensium regem in praelio parua manu victum cepit captiuumq; cū 21. militaribus signis in triumphum duxit, alter præclaris editis facinorib. in bello Granatensi honestissimā vitā gloriosissima morte pro patria oppetēs obsignauit. Aut consanguineū & gentile nostrum Iacobum Comariensem Marchionē? qui non contentus gloria sibi clarissimis gestis in hoc bello parta, & quod eius victoriæ particeps fuerat, qua Rex Granatensis victus captusq; fuit, ultra mare regnū nostrū propagauit, expugnata arce Portus magni, cuius occasione vtentes Mauri, nostrum pelagus oramq; maritimam piraticis reddebant infestam. quorum latrocinia non solum repressit, sed tantum ipsis timorem incussit, vt finitimi populi pacem oratum ad Regem miserint annua tributa paciscentes. Arcem nāq; illam sibi ereptā esse Mauri, nō aliter quā se armis nostris expositos, & omni iniuriæ opportunos factos fuisse interpretati sunt. vt multos alios omittam, qui cū hoc hoste pugnātes, propriam virtutem clavis facinoribus ostentarunt. De vobis enim, qui paternam gloriam magnis virtutibus æmulamini, dicam absens libentius. Quanquā tua ætas Petre cum bellum Granatense gerebatur, infirmior erat, quā vt arma ferre posses, annum enim circiter vigesimū agebas, cū in eo praelio, quod patri tuo fuit vltimum mortaliū secundū femur scō. prone ictus es, & ore vulnus honestum accepisti, anno post receptam Granatā, nisi memoria fallor, decimo. Sed quid Petre charissime hoc rei est? im dudum enim manifesta in te moeroris signa videor animaduertere, altum silentium tibi in familiaribus congressib. inusitatum, demissum præter naturā tuā vultū, postremo quod modo suspirium



spiritum ab imo pectore traxisti? *Pet.* Silentij patruæ sanctissime consiliū fuit, non moeror in causa. putavi enim vos viros gravissimos, & multo me maiores natu, de summis rebus colloquentes interpellare contra officium modestiamq; fore. Cætera verò, quæ dicis moeroris indicia dolor expressit, quem mihi afferre solet, paternæ mortis recordatio, quam modo mihi tuo sermone suggestisti. Vix enim queo à lachrymis temperare, cum mihi illius funestissimæ noctis in mentem venit, quæ nos montem subeuntes, qui occupatus magnam facultatem ad bellum gerendū facturus videbatur, in latere ipsius oppressit, & ingentibus tenebris ostudit, quarum occasione hostes vsi sunt, nostrorum despecta paucitate. Pauci enim uti scis, hoc est sui tantum patrem fueramus secuti, cæteris pertinaciter sub ipsas radices residentibus. Cum ille subire pergentem reuocantibus clara voce respondit, nunquam suos maiores commisisse, ut pedem timore referrent. Itaque nunc ipsum videre videor telis hostium cōfixum, suos hortantem, & tela fortissime in hostes non peruentura retorquentem. Illi enim quibus monserat familiaris, nos locorum & viarum ignaros, iaculis & saxis partim iactatis, partim euolutis, eminus incessabant. Itaque nos conscendentes contra tela temere tela iaciebamus. Ergo cum omnia præsentem mortem intentarent, nunquam tamen vir constantissimus & inuicti animi vlla ratione adduci potuit, ut (quod satis licebat) se ad inferiora castra reciperet. Sed memor credo posteritatis, me qui iam foemore sagitta cōfosso, duobusq; dentibus amissis, ore nō mediocri vulnus acceperam, ter aut quater prælio excedere iubet, pertinaciter recusantem, eundemque prælijeuentum experiri cupientem tribus militibus inuitum subtrahere imperat. *Con.* Ego verò Petre pro ista te in patrem tam insigni pietate & laudo, & amplector, tu tamen vide ne non satis æque agere cum ipso videaris, qui eius gloriosissimam mortem dolore, & non potius beneuolentia prosequaris. Multa extant patris tui domi militiaeque sapienter, atque fortiter facta ab ipso edita, cum sua magna laude, nescio tamen an vllum sit, quod æque inuictissimi eius animi perpetuam gloriam immortalitatēq; meruerit, atq; mors illa gloriosissima, quam cū hoste patriæ & religionis Christianæ fortissime dimicās oppetiuit. *Pet.* Intellico venerande patruæ, quæ dicis esse verissima, sed cum memini illum non fato id est, ea morte quam naturæ necessitas affert, nobis fuisse sublatum, non item æquo Marte dimicantem, trucidatum, sed rebus propemodum desperatis quasi voluntariam mortem, cum seruari posset oppetisse, non possum non vehementer illa recordatione commoueri. *Con.* Ergo tu Romanorum historias non euoluisti, quæ Paulum Aemilium immortalibus laudibus efferendi nullum finem faciunt, quod in Cannēsi pugna cum se posset fuga subtrahere, pro patria pugnans pulcherrimam mortem oppetere maluit, quā suorum ig-



nominis superesse. *Pet.* Imò verò legi patrue, & quæ dicis sæpe animo  
 reuolui. Cæterum cum Varro consul alter, qui se desperata victoria ex  
 prælio in tutum recepit, laude non caruerit, quasi de patriæ salute nō  
 desperasset, etiam si potioŕem Aemilij causam semper reputauerim,  
 mihi tamen, qui tali patre adolescens orbatum sum, optabilius nescio  
 quo pacto videbatur, vt Varronis ille laudibus fuisset contentus. *Iac.* Pe-  
 trus (yti mihi videtur Gonsale) sententia tibi suffragatur, sed eximio a-  
 more, quo in patrem erat affectus, eò reuocatur, vt aliquid de illa tan-  
 ta gloria fuerit remissurus, vt patrem virum clarissimum ab immatura  
 morte vendicaret. Quo cum suo magno incommodo in ea præsertim  
 annorum infirmitate sese orbatum fuisse, non potest sine dolore memi-  
 nisse. *Pet.* Est vt ais Iacobe. Nam cum me ab hoc affectu recepi, soleo illa  
 gloria paterna non mediocriter delectari. *Gons.* Neq; me tuus Petre fal-  
 lebat animus. Sed pulcherrimam illam mortem cum dolore meminisse  
 etiam atque etiam vide, ne non patrem, sed seipsum amantis esse vi-  
 deatur. Siquid enim dolendum est, nostra causa dolendum est, quòd  
 virum maximis præditum virtutibus familiæ nostræ Principem amisi-  
 mus: non illius, quem ad vitam cum beatis degendam credimus euolas-  
 se, quique inter homines illa morte immortalẽ gloriam est consecu-  
 tus, qua gloria nihil potius, nihil optabilius esse debet homini libera-  
 liter instituto. Nam quod ais, Varronem post fugam fuisse à Romanis  
 laudatum, Deus faxit, ne mihi vnquam eiusmodi laudatio contingat.  
 Non quòd Varro non potuerit iure laudari, si recta ratione consilium  
 moderante salutis præsidium in fuga posuisset: quæ ratio etiam in sum-  
 ma rerum iniquitate despondere animum vetat, sed rei bene gerendæ  
 sublata facultate, se potius iubet meliori fortunæ seruare. Sed vereor  
 ne quemadmodum temere certamen instituit Varro, sic cætera præter  
 rationem administrauerit. Itaque illas Romanorum voces non virtu-  
 tis testificationem, sed fugæ potius turpis excusationem semper iudi-  
 caui. Nisi fortè Demosthenem maximum illum quidem oratorem Græ-  
 ciæ, sed nihil minus quàm ad bella natum, laudibus effèrendum puta-  
 mus, qui cum ei quidam in iurgio fugæ turpitudinem obieciſſet, respõ-  
 disse fertur: Vir fugiens iterum pugnabit: quam vocem, qui laudant,  
 quid ij aliud, quàm ignauix latebram querere videri debent? *Iac.* Itane  
 censes Gonsale, gloriam, excelsò, magnoque animo viris ante cætera  
 mortalia bona, & vitam ipsam esse ponendam? *G.* Ego verò cur non ita  
 existimem, nihil video, cum mihi quoquo me vertam, nullum præcla-  
 rum facinus occurrat, quod non sit ab eo animo profectum, qui gloria  
 potissimum duceretur. *Iac.* En nobis Petre occasio, quam diu captauim⁹  
 oblata est, audiendi de glòria differentem eum, qui sibi non solum &  
 patriæ, sed vniuersæ Hispaniæ eam gloriam summis virtutibus pepe-  
 rit, qua nemo vnquam maiorem. Tu verò Gonsale, quoniam in hac mē-



tionem incidimus, & ab alijs negotijs vacamus, rem gratissimam nobis (pro hoc enim, qui minor me natus est, meo iure loqui videor,) effeceris, si gloria sit ne, & quatenus magnis viris appetenda hodierno die nobis explicueris. *Gen.* Noli obsecro Iacobe me tantis laudibus onerare. Nam neque ego quicquam in me agnosco ista tanta opinione dignum, neque si gloriam in primis esse appetendam profiteor, protinus tam immoderate eius cupidus videri volo, ut non malim, si quid gessi laude dignum id tacitis hominum mentibus probari, quam eius prædicationem, falsam præsertim audire. Quod verò me de gloria disputantem audire cupitis, & à me huiusmodi operam postulatis, iniquum sane onus, & insuetum meis humeris paratis imponere. Id enim munus eorum est, qui literarum ac philosophiæ studia profitentur: non eius, qui vitam in castris transegerit, à me si vos ordinandæ aciei, aut alicuius urbis oppugnandæ rationem audire cuperetis, iure fortasse vestro id mihi negotium iniungere videremini: & ego vobis rationem si non satis commode, ut cunque tamen explicarem. Ab illis ergo ista petatis censeo, qui sunt in philosophiæ scholis exercitati, non à me cui castra magis, & sanguis nota sunt. Ego vos hortari tantum habeo, ut in administranda hac civitate cuius ambo estis Senatores, & in quocunque publico munere fungendo bellico, vel urbane, nihil vobis gloria sit antiquius, nihil magis in rebus humanis putetis expetendum. *P.* A te potius patre sapientissime hæc audire cupimus, quem tum naturæ præstantia, tum multarum rerum usu quid optimum sit rectè statuissè credimus, quàm à philosophis, qui talia solent ancipiti oratione versare, & in utramque partem disputare, verborum tanta subtilitate, ut non liceat, quid verum sit, dignoscere. *G.* Ego verò meæ tarditatis conscius, negotium deprecabar. Sed si utriusque vestrum tam gratum, quàm dicitis futurum est, rem aggrediar. Non quidem ea fiducia, posse me ex ijs, quæ vel usu rerum, qui mihi parce suppetit, vel ingenio meo, quod intelligo quàm sit exiguum, fuerim consecutus, vestro desiderio satisfacere. Sed quoniam sæpe interfui eruditissimis, eisdemque prudentissimis viris, cum alia, tum hæc ipsam quæstionem prudentissime disputantibus: quorum plerasque sententias memoriæ mandavi, & eas in primis, quæ à communi prudentiū sensu, & ipso (quem dicitis) usu rerum, non videbantur alienæ, quas ut studio vestro satisfaciam, in mentem reuocare, & vobis explicare tentabo. Vestrum autem erit, si sermonem militare, & planè castrensem audietis, æquo animo esse contentos, bonique consulere, agam enim mea, id est rudi & inculta minerua. Quanquam res ita mihi sæpe clara visa est, ut parum egeat disputatione. Qui cum præsentia, & præterita tempora animo complector, optima quæque regna, & clarissimas res, non aliorum opera vel initio conditas, vel deinde auctas esse video, quàm illorum, qui sibi suorum laborum præmium solam gloriam pro-



ponebant. contra verò ab ijs labefactatas, & funditus euerfas, quibus odiū, vel cupiditas, aliāne libido, quā gloria & existimatio fuit antiquior. Lacedæmoniorū resp. legibus institutisq; Licurgi condita atque formata, tunc maximè floruit, cum à Leonidæ similibus, qui nulla præterquam gloriæ cupiditate ducti pro patria sese morti obtulere, administrabatur. tunc rursus funditus corruit, cum homines successere, qui pecuniā, opesq; ante gloriam posuerunt. Vt verè fuerit, quod ferunt, ab Apolline Pythio prædictum, Spartam avaritia periturā, quod idem licet de Atheniensium rep. verissime dicere. quæ Codri, Aristidis, Themistoclisq; & cæterorum, qui gloriam sequebantur, virtute stetit: eadem labefactata est eorum improbitate, qui Philippi, atque Alexandri Macedonum munera, famæ suæ, ac existimationis obliti, patriæ libertati prætulere. Quid Romanorum, vt cæteros taceam, resp. an non Bruti fundata gloria, tuac Imperium suum paucis viribus maximè dilatabat, cū Fabritij, Curijq; administrabatur virtutibus: vt Decios præteream, Metellos, Scipiones, cæterosq; quorum animus solam gloriam in publicis muneribus fungendis spectabat. eadem cum Sylla primum, & Marius, deinde Cæsar gloriæ, quā ducere res præclaras effecerant, sua odia & cupiditates prætulerunt, quibus tempestatibus iactata fuerit, quod demū naufragium fecerit, notum vobis est, qui temporum illorum monumenta perlegistis. Sed quid externa querimus exempla? si Iulianus, Orpasq; nobilis Hispaniæ proditores yllam existimationis rationem habuissent, nec magis apud alterum ira, apud alterum avaritia, quam gloria valuisset, nunquam Hispania in illas calamitates & luctus incidisset, quos inuexere Mauri, cum euocati horum scelere, cum infinitis copijs ipsam inuaserunt, & penè totam occuparunt. Vix enim nostri cæteris amissis, Asturiam retinuerunt, cum proximis montanis locis, quo se qui stragibus superfuerant recipere, Meministis enim vt opinor, quæ à nostris scriptoribus de temporibus illis memoriæ prodita sunt. *Iac.* An nos earum calamitatum obliuisci possumus? præsertim cum in illis malis, nostræ ciuitatis iactura singularis fuerit, & præ cæteris maximè deploranda. Cuius ne vnum quidem ciuem ex ijs, qui arma ferre possent, stragi superfuisse constat. Quanquam pauci admodum illi triplici prælio superfuerant, quo pro legitimis regni hæredibus fortissime constantissimeq; depugnarant aduersus tyrannidem Roderici, cuius libido euerfione regni fuit expiata. Cum ille ciuitatem nostrā turpibus conatibus obsistentem, cum maximo exercitu obsidione cinxisset. *G.* Rectè admones Iacobè. Nā & domesticis exemplis confirmare possumus, amorem gloriæ maximum esse incitamentum ad res præclaras gerendas. Sed prius illud bellum à te modo commemoratum omittamus quod nostri maiores summa cum virtute gessere. Id enim magis pro fide, & libertate regni, quam pro gloria, quanquam ea virtutis est comes

susce-



susceptum esse videri potest. nempe ut regios pueros suæ fidei commisso conseruarent, nec paterno regno fraudari paterentur. Cum autem post victo Roderico, rebusq; desperatis, Mauri nullo prohibente, omnia flammâ ferroque vastantes interiorem Hispaniam inuaderent, pauci illi superstites cum patriam tutari, aut cum ipsa vitam amittere statuissent, quid eos sibi, nisi gloriam tantæ virtutis præmium proposuisse putamus? Nam fortissimi viri turpe putantes captæ patriæ superesse, quib. honestissima morte cū ipsa occidere licuisset, foemineum sexum & ineuntis, atq; defectæ ætatis viros Toletum urbem manu, & natura munitissimam misere, ut superessent, qui paternæ virtutis memores, gloriaque excitati amissam patriam, regnumq; reciperent. Ita viri magnanimi cum impetū multorū, pauci per muros dispersi ferre non potuissent, in templum se quoddam recipiunt: ubi coactis viribus tam diu auxilium (sicunde fortasse submitteretur) expectantes resistere, donec commeatus prorsus defecerunt. Tunc vei ò nullas pacis condiciones satis honestas patria cedentibus existimantes, & sibi ut opinor, immortalē ex certa morte gloriam pollicentes, eruptione facta hostem adoriuntur, nec ante generosos spiritus emiserunt, quā magna strage edita sese egregie vlciscerentur, quæ licet vobis ex Hispanis historijs notissima sunt, iuuat tamen vobiscum commemorare, non solum, ut magno documento, quod quærimus appareat, sed etiam ut recordatione tantæ maiorū nostrorū gloriæ obiter perfruamur, simulq; ad æmulandā illā virtutē excitemur. Nam cum alijs ignavis esse non licet, tum illis est turpissimū, quos maiorū suorum virtus, gloriaq; ad res magnas cohortatur. Quamobrem noli Iacobe posthac cōmittere, ut illorum pulcherrimam mortē, deplorandā calamitatē appelles. Calamitosam tu mortem appellas, quæ a maximis miserijs, quæ mox totam Hispaniā occuparunt, eripuit, & gloriam peperit immortalem ijs, quibus nisi tūc mortui forent, paulo post erat moriendū? nec enim erant immortales. Hac tu ratione Numantinorum, Saguntinorumque exitum gloriosissimum, & propter gloriam susceptum, qui per totū orbem cum maxima Hispaniæ nostræ gloria decantatur, deplorare poteris. Hac Enricū Guzmanum, Comitem Nieblæ, cuius pulcherrima mors carmine ciuis nostri Io. Menæ celebrata est, calamitosum vocabis. Miserum dices Iacobum Ribarium, Bæticæ præfectum, qui in obsidione Aloræ scorpione ictus obiit. Nec saltem Rodericū Gyronem magistrum militum Cisterciensium ab hac calamitate vëdicabis, qui & ipse sagitta vitalib. adacta cū maximo totius exercitus dolore in obsidione Loxæ desideratus est: multosq; in clarissimis Cerdarum, Guzmanorum, Manrhicorū, Velascoorū, Mendoziorumq; familijs pari dānabis infœlicitate, nec pauciores ex Albornotijs, Toletanis, Cabreris, Carrilis, Patiechis, Caruaialibus, Astugnigis, Porticarreris, cæterisq; Hispaniæ illustribus familijs, quas



in Catone  
Maiori.

quas sigillatim commemorare longum esset, qui pro patria oppetentes genti nostræ vel salutem vel dignitatem pepererunt, sibi suisque immortalē claritatem, Quem errorem si quis Romanis persuasisset, nunquā duo Decij ad consequendam honestam mortē immortalem gloriā cursum (vt ait Cicero) equorum incitassent. Nunquam (vt cæteros taceam) Marcus Marcellus, qui hanc urbem à se conditam electis è patritia Romanorum gente viris habitandam initio tradidit, & ob id Patritiam coloniam appellauit, se ferocissimi eiusdemque callidissimi hostis viribus & insidijs exposuisset, cum ei liceret post quintum consulatum in otio securam nec inhonoratam vitam agere. At illi omnes, viri præstantissimi magno excelsoque animo præditi, tantum abfuit vt eiusmodi mortem calamitosam putarent, vt felicissimam potius iudicauerint, quippe quam ante vitam cunctasque res humanas libenti constantique animo posuerunt, idque (ne à proposito discedamus) nihil sibi aliud, nisi gloriā aucupantes. *Iac.* Faciam verò quod præcipis Gonsale, & diuinos illos viros posthac gratulatione prosequar, non misericordia, quam ego cum deplorandam calamitatem dixi, multitudinis vocem secutus sum: quæ videlicet affectu magis, quam ratione ducta, illiusmodi mortem solet miserandam appellare, non quod à sententia tua discreparem, in qua semper fui, & nunc auctoritate tua gaudeo confirmari. *Gons.* Neque verò in castris tantum & re militari solet appetitus gloriæ res maximas victis difficultatibus conficere, sed in omni virtutis studio, quod cum laude ingenuos animos exercere solet. Nunquam ego eos qui in studio literarum maximè floruerunt. Homerum, Socratem, Platonem, Aristotelem, Demosthenem, ex Græcis ad eam claritatem peruenturos fuisse crediderim, non magis quam ex Romanis Mar. Varronem, Ciceronem, Vergilium, Plinium, aut nostræ nationis Quintilianum, Martialem, Melam, Silium, ciuesque nostros Galleones, Senecas, Lucanum, Auer. nisi summos labores, continua peruigilia, spe non perituræ gloriæ leniuissent. Quod multi scriptores testati sunt, & ille in primis, qui ita cecinit:

Ouid lib. 3.  
de arte a-  
mandi.

*Quid petitur sacris nisi tantum fama poetis?*

*Hoc votum nostri summa laboris habet.*

Quod de poetis dictum ad omne scriptorum genus transferri verissime potest. Aristotelem ferunt cum librum artis Rhetoricæ à le lucubratum Theodecti discipulo, vt is tanquam suum emitteret, dono dedisset, laudis cupiditate victum reproditum munus reuocasse, qui alio in opere dum summam de quibusdam disseruisset, *Sed de ijs* (inquit) *accuratius in libris Theodectis scripsi* Factum quidem nec tato philosopho dignum, nec à magnitudine animi profectum, sed quod maximè declarat, qui huiusmodi gloria carere non potuerit, eum vt veram & solidam gloriā



riam consequeretur, nihil non fuisse conaturum. Empedocles enim maximus & philosophus & poeta, ut diuinos honores assequeretur, sese in Aetnae voragines precipitasse fertur, ut nusquam inuentus, ad coelum raptus fuisse crederetur. Nam Cicero Latinorum maximus orator adeo cunctis in rebus gloriam affectauit, vix ut ab eo vitio valeat vindicari, ne gloriosus fuisse videatur. Iam qui iustitiam sanctissime coluisse memorantur, quid aliud quam gloriam secuti sunt? nisi forte Iunium Brutum gloriam contempsisse putamus, cum filios virgis ad mortem caedi iuberet, quod Tarquinius reducere tentassent: aut Iorquatum, cum filium victorem securi percuti imperaret, quod is contra legem cum hoste pugnasset. Aut denique Zaleucum Locrensem, cum filium in adulterio deprehensum altero oculo orbaret, sibi alterum effoderet, ut legi satisfaceret, quae adulterium vtriusque oculi caecitate vindicabat: quos qui gloria ductos tam pulchra facinora patrasse inficiatur, solem quoque meridie lucere negare poterit, & Aristidem affirmare nulla nominis habita ratione Themistoclis consilio restitisse, qui Lacedaemoniorum classem incendendam putabat, referentem Atheniensibus Themistoclis consilium vtile quidem videri, sed minime iustum esse: cui contio Atheniensium gloriae magis, quam utilitatis cupida, quod iniquum esset, id ne expedire quidem acclamauit. Quid fides, quae iustitiae fundamentum, ut est, sic esse videtur, nonne in ijs semper maxime enituit, qui tendentibus sibi ad gloriam nullum laborem recusandum, nullos cruciatus deprecandos censuerunt? quae fides tanta, tamque constans in vltimo vnquam fuit, quae Marci Reguli fidei vlla ex parte praeferriqueat? qui cum in senatu sententiam de non permutandis captiuis dixisset, nullis amicorum precibus reuocari, nullis suorum lachrymis retineri potuit, quo minus ad certos cruciatus, paratamque mortem reuerteretur: dum nullas calamitates, nullam tam arduam mortem fore putat, quae comparata illi turpitudini, si fidem vel hosti datam fefellisset, non possint videri leuiiores, vel optanda potius, praestitae fidei ea gloria proposita, quae non prius ex hominum animis exolebit, quam Romani nominis memoria funditus deleatur. Tolle ab animo Reguli turpis auditionis impatientiam, tolle gloriae cupiditatem, sententiam vltro mutabit: aut si reuocare minus licet, nullis certe iam ut permaneat, indigebit amicorum precibus, siccis suorum oculis ipse causas non redeundi haud optimas quidem, aliquas tamen excogitabit, aliquam stropham inueniet, & se ad respondendum, si quis hosti etiam datam fidem praestandam esse dictauerit, multo ante comparabit. Idem ex nostris censeo de Garfia Gometio Carrillo, qui Rege Alfonso decimo, cum Xerecium oppidum a Granatensibus est expugnatum, eius arcem praeses custodiebat, cuius fides cum Marci Reguli fide non sit comparanda, nihil video. Qui cum interempto omni arcis praesidio, solus superesset, eas hostium strages edebat,



adeoq; vnus instar cohortis propugnabat, vt rex hostis in admiratione ipsius conuersus, parcere eius vitæ diligentissime imperauerit. Ille vero cum ferreis vncis traheretur, statuissetq; suæ fidei esse non antè arcem, quam vitam amittere, quasi sensum amisisset, laniari se, ac discerpi patiebatur, ne in hostium manus perueniret. Sed cum vir vnus magni exercitus coactis viribus obsistere non potuisset, cum maximo vitæ radio confectus vulneribus captus est. Et à Rege Granatenfi non modo impunitatem, sed eximiam laudem commeruit, & recepta per medicorum regionum summam diligentiam valetudine ad suum regem cū tantæ fidei, ac magnitudinis animi præcipua commendatione remissus est. Nec temperantiæ dubitari posse video, quin clarissima exempla ediderit appetitus gloriæ. Pu. Scipio commemoratur cum capta noua Carthagine, multos obsides à Carthaginensibus ibidem inclusos, in suam potestatem redegisset, inter quos virgo erat singularis pulchritudinis Celtribero Indibili desponsata, non solum illius pudicitiae in sua quatuor & viginti annorum lubrica ætate pepercisse, verum etiam inuiolatam accersitis parentibus, & sponso illius gētis nobilissimis sine pretio tradidisse. Quid tunc nisi gloriam sperabat Scipio? an eum religionis superstitio continebat? qui si vel libido, vel auaritia plus apud eum, quàm fama valuisset, poterat suo facto ius belli, quod penes alios sacra etiam plerūq; profanauit, prætere. Quo in genere multa vobis poterā Christianorum Imperatorum non minora exempla referre. Iac. Cuius, quàm tua potius? quem scimus non semel aut iterum, sed sæpe tali occasione oblata, oculos etiam à libidinoso aspectu in ea ætate, quæ facile solet huiusmodi voluptatibus sollicitari cōtinuisse. G. Poterat fortasse quicquam (vt ais) de me quoq; non ab simile commemorari, sed quia nobis sacratissimæ nostræ religionis, quæ talia fieri arctissimè prohibet, in primis est habenda ratio, eorum libentius facta hoc in loco refero, qui parum aut nihil religione tangebantur. Quanquam de me tantum affirmare queo, sic me semper fuisse affectum, vt vel nulla religione, quæ certe apud me plurimum semper valuit, valebitque, præcipiente: ipsa tamen nominis honestate facile fuerim ad edendum pulchrum facinus alliciendus. Nam quod de Xenocrate scriptum est, cuius nepoti quidem temperantiam Phryne nobile Athenarum scortum vllis illecebris in peruigilio valuit corrumpere, quam nec tactu ille aspernatus, nec sermone, irritam tamen incepti dimisit, vnde nisi ab eo animo profectum fuisse credimus, qui abstinentis opinione in primis delectabatur. Nisi fortè putamus dictam meretriculæ non minus verum fuisse, quam facetū: quæ deridentib. se iuuenibus, cum quibus pignus posuerat, quod tam venusta, & elegans, vino exhilaratū senē sollicitare nequiuisset, & pactū victoriæ pretiū postulantib. nō se de statua, sed de homine cōtēdisse respōdit. Neq; de liberalitate dubitari posse video,

CUM



cum constet neminem hac virtute excelluisse, qui non idem gloria maximè duceretur. ut ab Alexandro Marcedone, Pyrrho, Scipione, Cæsare exemplum peti potest. Cum interim videri liceat eos, qui in officio vel colendo vel negligendo, de se quid homines sentiant, non laborant, commodis tantum suis seruire: auaritia, & sordibus squallere, ac in eos solum beneficia conferre, à quibus plurimum sperant, & multa præter suā dignitatē tū facere, tum etiā pati. Cuius turpitudinis exēpla à me expectare nolite. Nā mihi alienas laudes efferre, quā peccata insectari, & iocundius, & vsitatus est, scilicet ut hac indulgentia mitiores habeam vituperatores. *Iac.* Facis tu quidē Gonsale, pro cetera tui animi magnitudine, ut libentius aliorū bene, quā malefacta cōmemores. Non quidē ut isto modo vituperationē effugias, qua quid magis est à virtutibus tuis alienū? Sed quoniā, ut sibi conscij, aliena peccata minima quaq; occasione vituperāt, ut pessimorū cōparatione boni esse videātur. Sic vicissim quorum extant præclara in singulis virtutibus gesta, ijs grata est illustrium virorum, quorū se similes esse cognoscūt, virtutum cōmemoratio quos cū laudant, seipsos videntur laudare. Atq; equidem vellem huiusmodi sermo ab alio potius fuisset susceptus: nemo enim foret clarorū virorū nec ex nostra, neque ex priorum memoria, qui te frequentius iustiusq; in singularum virtutum exempla vocatus veniret. Nā neq; magnitudine animi, neq; magnificentia & liberalitate vllus vnquam te fuit præstantior, nec fide, iustitia, temperantiaue maior. Quæ tuæ virtutes non tuorum tantum, & voce & animis comprobatae sunt, sed hostis etiam regis potentissimi, eiusdemque prudentissimi testimonio. Qui te cum rege Fernando in Hispaniam remeantem non tam grauium incommodorum ex te acceptorum, & bis erepti regni Neapolitani memor, quā tuarum excellentium virtutum admirator cum ipsarum clarissima testificatione Sauonæ regio apparatu accepit, & suis triclinarijs vasis aureis argenteisque summæ æstimationis donauit. Quæ tu vicissim ne ab eo, quem armis viceras, magnificentia saltem superatus fuisse videri posses, vno vasculo in memoriam honorificētissimi muneris tibi reseruato, reliqua seruis asseclisque illius distribuisti. Quo die cum omnes qui aderant Galli, Hispanique nihil nisi de tuis virtutibus loquerentur, dici non potest, quanta cum admiratione omnium, & oculos & animos in te vnum conuerteris, accedente ad regiam corporis tui dignitatem torque illo aureo, quo feras à Neapolitanis publicè donatus, in quo quattuor præcipua de Gallis trophæa faberrimè ex auro cum huiusmodi titulo expressa erant, s. p. q. Neapolitanus Gallis deuictis. Quod gestamen eo quoque die tibi apud Reges cœnatura induendum putasti, prudentissimo, & à magnitudine animi profecto consilio. Ne quis putare posset in inuidioso conuiuio, cum maximis & clarissimis Regibus te non tam tuis meritis, quā ipsorum indulgentia discūbere. Simul ne si id



deposuisses assentatione, quæ semper à magnis animis longe fuit aliena, eorum de quibus triumphaueras, gratiam captasse videri posses. Nā cum illorum Imperatorum, qui maxime laudantur Alexandri, Annibalis, Cæsaris virtutes insignium vitiorum labe fuerint obfuscatæ, tu cū magnitudine animi prudentiam, fidem, magnificentiam, temperantiam, iustitiamq; ita coniunxisti, vt in singulis excellere puteris. Prorsus vt hominibus probare velle videaris, id quod est à clarissimis philosophis proditum, omnes virtutes colligatas, adeoque implicitas esse, vt qui vna careat, cunctis omnino sit cariturus. Quod si te cupiditas gloriæ ad tantam excellentiam perduxit, nihil est, quod vel rationes, vel externa exempla requiramus. Sed non capit huius temporis angustia amplissimas tuas laudes, neq; est hic locus eas cōmemorandi. Quanquā non id timeo, ne dū sic loquor, auribus hæc tuis dedisse videar. Maiora sunt tua merita quā vt adulationem patiantur. *Cons.* Ego vero Iacobe quæcunque bello vel pace gessi, quæ qualiacunque sunt, certe longè inferiora istis laudibus esse cognosco, ita equidem gessi, vt præter honestam & gloriam nihil ex rebus humanis mihi vel quærendum, vel optandum putarem. Opes enim, & honores, diuitiæq; non sunt illa quidem, si sequatur, admodum repudianda, quippe quibus adiuti optimi viri res clarissimas gessere. At vbi vel honestas, vel gloria præponderabit, magnis erectisq; animis pro nihilo erunt habenda. *Iac.* Ego vero Gonsale, quid in hac quæstione verum sit, iam nihil ambigo. Nam tua mihi autoritas pro summa ratione est. Qui tecum me hercule vel errare malim hoc in loco, quā cum alijs multis rectè sentire. Nam si error est, qui tales, tantosq; fructus afferre solet, præcandum esset, summisque votis optandum ab immortali deo, vt hoc in primis errore omnes homines, præsertim qui publico aliquo funguntur munere, imbuerentur. Sed quoniam plerique sunt, qui dissentiant, adeo, vt ne authores quidem defuerint, qui libros scripserint de contēnenda gloria: pergratū esset mihi, credo, & huic Petro, qui cū sæpe antè de hac re sum collocut<sup>9</sup>, ex te audire, quid ijs respondeas, quæ cōtra dici solent. Aiunt enim gloriā appetere ambitiosi hominis esse, ambitionē aut inter vita numerari, nō esse igitur gloriā appetendam. Deinde gloriosum hominē appellare in probris esse, nō in laudibus: quid autem esse gloriosum hominem, nisi gloriæ appetentē? Gloriam igitur potius esse contemnendam. Tum appetitione gloriæ bella omni peste humano generi perniciosiora exorta sæpe fuisse contendūt. Ad hæc multos commemorant, qui dum ne minimam quidem gloriæ iacturam facere voluissent, florentes resp. euertēre. Et Lacedæmoniorū ducem Callicratidem non caruisse iusta reprehensione, qui consulentibus, vt classē ab Arginusis remoueret, nec cum Atheniensibus prælio decerneret, respondit, Lacedæmonios classe illa amissa, aliam parare posse, se fugere sine suo dedecore non posse. Sed hoc vulnus Lacedæmonijs.

*Argumentū  
quib. probatur  
gloriā esse  
se contēnen-  
dam.*



monijs haud ita magnum fuisse, illud pestiferum, quo cum Cleombrotus inuidiam timens, temere cum Epaminunda conflisset ipsorum o-  
pes corruerunt. Contra vero, Q. Fa. Maximum laudibus efferri, qui ni-  
hil sollicitus, quid de se homines loquerentur existimarent, remp. a-  
missam Romanis restituit. Atque hæc quidem ferè sunt, ut opinor quæ  
ijs obijci possunt, qui gloriam esse appetendam contendunt. nisi si quid  
Petro addendum esse videtur. *Pet.* Mihi verò videtur. Nam qui religio-  
nem Christianam sanctius colunt, hanc ipsam religionem in primis  
opponunt, quæ iubemur omnes res humanas contemnere, & omnia  
nostra tum dicta, tum facta ad solum deum referre. Itaque gloriam i-  
stam quam illi caducam inanemque vocant, appetere hominis esse ir-  
religiosi, & diuinorum præceptorum contemptoris. Addunt & qui  
subtilius ista rimantur, Peruersè rebus uti, qui gloriam tam intem-  
peranter appetant. Nam cum honestis factis suis gloriam quasi finem  
proponant, ipsam virtuti, quam sequi debet, anteponunt. *Gon.* Ergo vos  
instructi hodie, & quasi armati ad decertandum veneratis. At videte, ne  
parum gloriosa sit futura victoria de imparato & inermi. Quanquam  
ego ad huiusmodi pugnam paratus, aut armatus esse, qui possum? Vos e-  
quidem initio satis fore contentos putabam, si quid hac in re sentirem,  
simplici oratione, & domestico sermone declararem. Quid nunc (ma-  
lum) ad istas me subtiles philosophorum argutias reuocatis, tardum  
& hebetem hominem? *Iac.* Non ut certaremus. Gonsale ea, quæ obijci  
posse videbantur, commemorauimus, sed ut contradicentibus quid re-  
spondere possimus, ingenio, usu, sapientiaque tua edoceremur. quibus  
rebus tam egregiè munitus es, ut nemo te magis in pace ad omnes virtu-  
tes vel fungèdas, vel explicandas, quàm in bello ad dimicandum inermem,  
aut imparatum valeat offendere. Quare noli ista virium extenuatione  
tā honestum, & nobis peroptatum munus defugere. *Gon.* Faciam quia ro-  
gatis. Nefas enim duco me vobis, quorum alterum diligo ut fratrem, al-  
terum ut filium amo, quicquam negare rogantibus. Modo meminertis  
negotium à me causa vestra, non ipote mea fuisse susceptum. Ut si qua e-  
runt, (ut certe multa erunt) à me inepte, ac imprudenter dicta, eā culpam  
non meæ temeritati, sed iniquiori rogatui vestro assignetis. Neque verò  
vos illud moueat, quod quidam authores de contemnenda gloria scri-  
pserunt. nam & quoddam audio quartanæ, alios adulteræ Helenæ: face-  
tiores, muscæ laudes scripserunt. Ad summam nihil est à communi homi-  
num sensu. tatum abhorrens, quod isti suarum argutiarum præstigijs nō  
persequantur. Sed qui de contemnenda gloria libros scripserunt, ijs eò  
minime credendum est, quoniam iidem affectatione gloriæ illis ipsis li-  
bris sua nomina ascribentes, insigni inconstantia fidem sibi derogarunt.  
Nec tā interest (ut philosophos cōfirmare video) ad veritatē constituen-  
dam,



dam, quid homines loquantur, quam quid faciant. *Sed est ambitionis, qua  
vitij annumeratur, gloriam appetere.* Quæro quid ambitionem isti appellant?  
Nam si ambitio est, laudem quibuscunque artibus affectare, auram po-  
pulari captare, adulationibus delectari, honores, præfecturasq; am-  
bire, vt primo loco sed eas, vt primus dicas sententiam, ambitio viti-  
um est, & id quidem non mediocre, denique quod non potest nisi in le-  
uem, & stultum hominem cadere. Sed hoc tantum abest ab appetitu il-  
lo gloriæ, de quo loquor, vt sit ei penitus contrarium. Ego enim eā glo-  
riam appeti volo, quæ altis radicibus innitatur, quæ per solam virtutem  
contingit, imò quæ sola (vt doctissimis viris placere video) virtutis est  
præmiu. Qualem gloriam appetebant, Aristides & Themistocles in-  
ter Athenienses. qualem his similes Catones, Scipionesque inter Ro-  
manos: quorum alteri cum moribus, (vt ait Seneca) alteri cum hostibus  
bella gerebant. qualem inter nostros Cidus olim, & Fernandus Gonsa-  
lus. post ipsos Ignigus Luppus Mendocius, Rodericus Villandrundus, &  
cæteri, de quibus legistis apud Fernandum Pulgarium nostratem scri-  
ptorem. Qualem Alfonso Petrus Guzmanus, qui post semestrem Tari-  
fa obsidionem hosti Ioanni, qui cætera omnia frustra expertus fuerat,  
minitanti, nisi oppidum dederet, filium se illius comitem suum inter-  
fecturum. Se verò respondit filium patriæ, neque eum immortalem ge-  
nuisse: quo se orbari, si sors ita ferret, quam a fide discedere sibi optabi-  
lius esse. Illud enim fieri, vel cum sua gloria posse, hoc sine suo dedeco-  
re ac scelere non posse. Quin vt intelligas (inquit) quanto magis apud  
me valeat (vt valere debet) virtutis fideique amor, quam pietas paterna,  
vel meo gladio iam licebit scelus meditatū perficias, vt vno facto fi-  
lio meo veram vitam, mihi gloriam immortalem, tibi turpissimam i-  
gnominiam parias, & dum loquitur pugionem e muro deiecit, quo fili-  
us spectante patre continuo ab hoste nefario confossus ac interemptus  
est. Et Proauorum memoria Aegidius Albornotius, qui externis bellis  
æternam gloriam sibi, ac regioni nostræ comparauit. Multi memoria  
nostra. Quod si huiusmodi gloriam affectare ambitio est, nihil ego re-  
cusem, quominus ambitiosus & habear, & appeller. Et si quis me repre-  
hendat philosophorum, hanc culpam excusabo omnium exemplo, qui  
tum in bellis gerendis, tum in rebus pub. administrandis præstantissimi  
fuerunt. Quibus ego nunquam committam, vt philosophorum, quos e-  
quidem magnifacio, quemquam antepōnam. Ego enim quod viris præ-  
stantissimis, natisq; ad iuuandam mortalitatem, & ad ciuitates coetusq;  
hominum conseruandos in omni memoria placuit, id legem esse natu-  
ræ certum habeo. non si quid ingeniosi homines, sed parum valentes v-  
su rerum in scholis & otio contra communem hominum opinionem  
excogitarunt. An me magis moueant Socratis aut Platonis artificiose,  
& subtiliter dicta, quam Fabricij, aut Scipionis, Marcellius fortiter &  
sapienter



sapienter facta: qua præsumpta opinione, dum bella gererem, haud fa-  
teri erubescam, ita eram affectus, ut ex ciuibus nostris patrum vestro-  
rum sub quibus tyrocinium deposui, & consanguinei nostri Iacobi,  
Comariensis Marchionis, & aliorum præstantissimorum virorum præ-  
clara gesta potius, quam Senecæ præcepta essem æmulaturus. Nec mihi  
magnarum virtutum spem illa indoles dabit, quæ non gloria excite-  
tur, quæ vinci se opinione ab æqualibus æquo animo patiatur. Malim  
(inquit Cæsar, cum esset in Celtiberiæ ignobili vico) hic esse primus,  
quam Romæ secundus. Qui spiritus inuictusq; animus, dum illam glo-  
riam sequitur, videtis ad quantam rerum claritatem ipsum euexerat,  
nisi ad extremum illato patriæ bello cuncta fœdasset. Sed quantum in  
maximis rebus gloriæ valeat appetitus, tum magis intelligetis, si idem  
in paruis contemplari libuerit. Fingendi pingendique arte maximè  
mortalium Græci quondam valuerunt, iidem vocum fidiumque cantu  
cæteris longe præstiterunt. cur tandem? nempe quoniam his artibus ex-  
cellere gloriosum inter ipsos putabatur: adeo ut principes Græciæ, qui  
ista ignorarent paulo rusticiores (ut Cicero testatur) habiti fuerint. Ut  
merito illud eruditissimi viri elogium laudetur, honos alit artes, om-  
nesque incenduntur ad studia gloria. Sed ne vetera repetamus, videre  
licet nostra tempestate in maximis ciuitatibus, in quibus mercatura, &  
cura rei familiaris in primis curatur, militia & cura armorum negli-  
gitur, plurimos diuitijs affluere, & amplissima patrimonia possidere,  
ac vicissim viros fortes, & strenuos adeo desiderari, ut bellum nisi ex-  
terno, mercenarioque milite, nec inferre possint, nec illarum propul-  
sare. Quod contra fit cum in plerisque alijs Hispaniæ populis, tum vel  
in primis in nostra ciuitate. In qua mercatura negligitur, armis excel-  
lere pulcherrimum putatur. itaque non alia est maior, tuende rei fami-  
liaris cura, quàm agricultura honestissimum studium, & maximè natu-  
rale, quodque solet hominum & animos & corpora ad labores, bella-  
que durare. Denique quod antiquitas adeo omni mercaturæ præfere-  
bat, ut Romani consules plerunque dictatoresque ab aratris excirent.  
Thebani legibus interdixerint, ne quis ad publicum officium ascisce-  
retur, qui decem annos antè mercaturam exercuisset. Ne nos interim  
pigeat in nostra ciuitate fortiores ciues habere, quam opulentiores.  
Dixi de nostra ciuitate, ut domesticis exemplis, & nobis notioribus  
vterer. Idem licet de tota ferè Hispania dicere. in qua cum viri fortes  
in maximo sæper honore fuerint, sæper viri fortissimi extitere, magna  
copia: inter quos cum est ad bella peruentum, nulla est maior contentio,  
quam quis primus murum cōscendat: quis plures interficiat hostium:  
quis mai⁹ periculū spōte subeat: quis impetū hostiū fortissimè sustine-  
at. Vidi ego militē, qui vexillū ferebat in eo prælio quo ad Lirim amnē  
cum



cū Gallis cōflicimus amisso brachio, qui signū sustinebat, sinistra manu, ne pede quidē relato, signum recepisse, dum turpe ducit loco cedere, quem semel occuparat. qui paulō post ingruentibus hostibus qui signū maximē petebant, sinistram quoque manum amisit. tunc vero gloria videlicet accendente animum, cum statuisset non ante signum, quam vitam amittere, id truncis brachijs complectitur, tandiuque loco immotus consistit, donec hostis nostrorum virtute repulsus terga dedit. qui cum parva victoria, ad me vocatus venisset, egoque ipsum pro tanto facinore collaudassem, & esse maxime virtute iussissem, visus est mihi præ gaudio tantæ gloriæ parvæ maximorum vulnerum dolorem non sentire, nec membrorum orbitatem meminisse: quem ego vicissim non verbis tantum, sed etiam munere cōsolatus sum, & ad regem cum testimonio & commendatione tantæ virtutis quasi rude donata emeritum misi. A quo & laudatus est, & non indigno præmio donatus. Atq; hos quidem & similes partus edere solet appetitus gloriæ semel animo conceptus. Cum interim videre liceat mercenarios milites, quorum animus prædam tantum & mercedem, non etiam gloriā sequitur, minimo quoque oblato periculo signa delerere, detrectare prælium: aut commisso, de fuga magis, quam de victoria cogitare. quæ vobis notiora sunt, quam ut debeant à me exemplis confirmari. Quid ergo? *Gloriosus ne milites optabimus, & de ijs summæ virtutis spem concipiemus?* nam & hoc aitis quosdam sententiam nostram oppugnare. Minime verò. Sed qui huiusmodi gloriā appetit, nūquam erit gloriosus. Nam quid aliud est gloriosum esse, nisi iactabundum esse, inanes gloriolas flare, & quæ non fecit, sibi verbis arrogare: aut si qua fecit, sæpe accersita etiam occasione in maius extollere. quæ dementia tantum abest, ut quisquam gloriā assequatur, ut siquid egerit laude non indignum, id totum importuna iactatione perdat: dum ab odientibus partim invidiam, partim etiam cōtemptum meretur, initq;. Fit enim nescio quo pacto, ut homines aliena vitia libenter audiant, laudes utcunque non æquis auribus accipiant: de se verò importunè prædicantem ferre neutiquam possint. Neque enim ibo inficias, incidere nonnunquam tempora, cum sua facta citra reprehensionem citraque invidiam liceat prædicare. Et tunc maxime (ut mihi quidem videtur) cum tibi vitium id obijcitur, cuius oppositæ virtutis conscius es, & potes aliqua documenta producere. ut Turnus ille Vergilianus:

*Haud ita me experti Bitias & Pandarus ingens,  
Et quos mille die victor sub tartara misi.*

Inter ignotos quoque concessum est, qui se iusta ratione ignorari non vult, suas virtutes citra arrogantiam commemorare: quod Ulyxem & Aeneam divinos viros fecisse maximi authores tradidere. Licet & ma-



gno nati viris, suis exemplis commemorandis iuuenes ad virtutem cohortari. quam licentiam Nestorem, nemine refragante, sibi olim permisisse accepimus. Denique nisi res ipsa tempusque poscere videatur, seipsum laudare summæ dementiæ, & inuidiosæ inanitatis esse semper putavi. Ita qui gloriosos homines damnant, magnum illi quidem vitium insectantur, sed quantum hoc ab illa animi generositate abhorreat, quam appetitionem gloriæ nuncupamus, satis arbitror explicatum. Quanquam vitiū illud constat plerumque causam fuisse virtutis. Pudet enim modo magna professos, si res officium poscat, factis non aliqua ex parte dictis respondere. *At bella illata, sepe initium habent ab appetitione gloriæ.* Credo si iusta sunt si legitima ratione inferuntur. Qualia multa maiores nostri Mauris intulere. Qualia plura quam quisquā memoria nostra, Rex optimus Fernādus foelicibus auspicijs gessit. Mortalium Romani plurima, præsertim cum Carthaginensibus, ob imperij æmulationem. Quæ verò per iniuriam inferuntur, vetera nouaque exempla animo complectimini, & veras causas inuestigate, nulla reperietis, quæ non fuerint ab auaritia profecta: nisi si quos furor, iraque ad arma concitauit. Ninus Assyriorum Rex primus bellum mouisse memoriæ proditus est. Cuius causam qui reddunt, omnes ad auaritiam, cupiditatemque regnandi referunt. Quæ cupiditas quantum distet à gloriæ cupiditate, hinc licet existimare, quod multi maximis populis dominantes, non modo inglorij vixerunt, sed turpissimam etiam ignominiam pleni. Vt inter Assyrios Sardana- palus, Nero inter Romanos. Nam quod quidem scripsere, multos bella sæpe quæsisse propter gloriæ cupiditatem, idque magnis animis, ingenijque contingere, non est de iniustis bellis accipiendum. Hæc enim gerentibus seu victis, seu victoribus ignominiam potius, quam gloriā parere solent, sed de ijs quæ iustis de causis suscepta sunt. vt pro religione contra impios, pro patria, pro Imperio, contra violentos: vt denique pro dignitate contra contumeliosos, huiusmodi enim bella quærere, hoc est sponte suscipere, nec expectare, dum se vel principes, vel magistratus ad id munus inuitum destinauerint, summæ indolis est, & spe maxima plenæ. Nam quid hoc aliud est, quam optimam occasionem amplecti magnitudinem animi, cæterasque virtutes suas cum bono publico declarandi? Sæpe enim magnarum virtutum indoles latuit, priuata rerum gerendarum facultate. Virtutum nanque igniculi, quos hominibus à natura datos philosophi docent, non modo non lucent, nisi excitentur, exerceanturque, sed etiā languescunt, & interdum extinguuntur. quæ causa facit, vt mihi nonnunquam veniat in mentem subdubitare, an optabilius fuerit nostris, Granatense imperium stare: quam penitus corruisse. Nam etsi regnum nostrum propagauimus, hostem ultra mare submouimus, magna tamen nostrorum virtutis exercitamenta sustulimus, yberem triumphorum materiam deleuimus. Itaque subuereor, ne in tā



to otio & securitate multorum virtus languescat. quod metuēs Romanis olim vir spectatissimus Scipio Nasica, ne Carthago prorsus excinderetur, aduersus Catonis seueritatem persuadebat. Non igitur gloriæ cupiditas iniusta bella excitare solet, sed iuste suscepta, victis difficultatibus, fortissimè ac strenuè conficere. An putamus Alexandrum Macedonem, cuius post hominum memoriā in gerendis bellis excepto Cæsare prima sine controuersia laus est, ad illam claritatem fuisse peruenturum, nisi gloriæ inexplibili cupiditate ductus fuisset? qui cum in oppidi Sadracarum oppugnatione, edito incredibili militari facinore, anceps vulnus accepisset, à suis admonitus uti suæ magis saluti cōsuleret, nec tã securus mortis in ea particula irrueret, quid respōdeat attendite: Ego (inquit) me metior non ætatis spatio, sed gloriæ: Eicuit paternis opibus contento intra Macedonia terminos per otium corporis expectare obscuram, & ignobilem senectutem. Quinquamne pigri quidem sibi fata disponunt, sed vnicum bonum diurnā vitam æstimantes sepe acerba mors occupat. Verum ego, qui non annos meos, sed victorias numero, si munera fortune bene computo, diu vixi. Orsus à Macedonia imperium, Græciam teneo: Thraciam, & Llyricos subegi: Triballis, Medisq; imperito: Asiam quæ Helle ponto, quæ rubro mari abluitur possideo. Iamq; haud procul absum à fine mundi. Quem egressus aliam naturam, alium orbem, aperire mihi statui. Ex Asia in Europæ terminos momento vnus horæ transiui, victor vtriusq; regionis. Post nonum Regni mei, post vigesimum æq; octauum ætatis annum: videor ne vobis in excolenda gloria, cui me vni deuoti, posse cessare? Ego verò non deero. Et vbi cunq; pugnaero, in theatro terrarum orbis esse me credam, dabo nobilitatem ignobilibus locis, aperiam cunctis gentibus terras, quas natura longe submouerat. In his operibus extinguere mihi (si fors ita feret) pulchrum est. Ea stirpe sum genitus, ut multa prius, quàm longam vitam debeam optare. Obsecro vos cogitate, nos peruenisse in terras, quibus ob scemine virtutum celeberrimum nomen est: quas vrbes Semiramis condidit: quas gentes redegit in potestatem? quanta opera molita est? Nondum sceminam æquauimus gloria, & iam nos laudis satietas cepit. Diu faueant, maiora adhuc restant. Sed ita nostra erunt, quæ nondum attingimus, si nihil paruum duxerimus, in quo magnæ gloriæ locus est. Et cætera quæ Curtius author egregius elegantissimè persequitur, & ita persequitur, ut planè ostendat, virtutis documēta, quæ maximè in Alexandro posteritas demiratur, ex gloriæ tantū incredibili eius appetitu fuisse nata. Nā quod isti de Callicratida, & Cleombroto addunt, nō ego sic gloriā appeti volo, ut temerè incerta pericula irruamus. Præsertim si in eius pugnæ discrimine salus reip. vertitur. Recte enim præcipiunt, qui docet prōptiores nos esse debere ad nostra pericula, quàm ad cōmunia. Ad summā ne ambiguitate sermonis erremus, cum gloriæ intellectus latissimè patere videatur, ad omnemq; laudem pertinere, illā gloriā magnis viris experendam esse dico, quæ virtutem sequitur, & rectè factorum est comes. Ea vero est, ut doctissimi viri definierunt cōsentiēs laus bonorum, incorrupta vox benè iudicantium de eccellente virtute. Res videlicet solida & expressa, non adumbrata, non inanis, & quæ nec ab stultorum errore pendet, nec

Definitio gloriæ appetenda.



per temeritatem, aut simile aliud vitium exquiritur. modo nequis eā, qui fortis sit, temerarium dicat: aut prodigum, qui liberalis. Hæ nanque timidis auarisque familiares suorum vitiorum reiectiones, prætextusque sunt, & aliorum similes. Nam cum in omni opere iudicio opus est, tum in ijs maximè, quæ ad honestatem, aut turpitudinem referuntur. Multi enim dū vitia imprudenter vitarent, inciderunt in cōtraria. vt de Pausania memoriæ proditum est. qui cū nomen suum celebre fieri affectaret, Philippum Regem Macedonum virum illustrem interemit, respōsum Hermoclis stultè interpretatus. Qui roganti quomodo posset claritatem celeriter adipisci, respondit si virum aliquem præclarum occidisset: fore nanq; vt illius gloria ad ipsum redundaret. Ita dum nominis obscuritatem effugere temere cupit, parricidæ turpissimam nobilitatem adeptus est: dementia haud illi dissimilis, qui pulcherrimum Dianæ Ephesæ templum incendit. Non igitur per vitia ad claritatē peruenitur, virtutis via est, quæ ad veram gloriam perducit. Hanc igitur qui cupiunt, virtutem in primis amplectantur, necesse est, & sæpe sinistros vulgi rumores, sed vanos contemnant. Neque enim Fabius Maximus, de quo paulò ante mentionem Iacobe fecisti, dum rumores eorum sperneret, qui se timidum & cunctatorem vocitabant, gloriam non appetebat. Sed vir prudens & magnanimus præsentem vulgaris auræ reflectum vincens, cunctando ad veram gloriam properabat. Nam illud excelsi, magnique animi est, vt Aristoteli quoque magno in primis philosopho audio placuisse, res magnas gerere parum laborantem, quid de se vulgus interim opinetur, cum tamen idem huius virtutis præmium maximè proprium gloriam esse, & hanc in primis à magnanimis viris peti dictitauerit. Sed hic locus anceps est, & lubricus. Nam vt hi qui paulò antè commemorati sunt, Callicratidas & Cleombrotus, timètes inuidiā metuentis animi, temerè præliū commisere, dū indecore vitæ pulchram mortem præponendam esse iactarent, sic plerosque videas, qui cum timore periculi hosti parum decore cesserint, ita excusant ignauiam suam, vt prudenter se, non timidè fecisse contendunt: non illud audendi fuisse tempus, expectandam fuisse aliam rei bene gerendæ occasionem. Indubitata pericula effugere prudentis non solum, sed fortis etiam animi esse. Et cunctationem Fabij Maximi laudant, Cleombroti inuidiam commemorant. Sunt in vtrunque partem rationes, quæ cum verè citantur, magnum debent habere pondus. Sed cauendum est, ne illa oratio non explicatio prudentis consilij, sed vitij prætextus sit, per speciosam vanitatem. Cæterum quoniam in huiusmodi rebus plerunque non sponte peccatur, sed fallente specie recti, is mihi semper potiore sui dabit spem, qui ad audendum promptior erit quàm ad cedendum. Cedendo enim pauci magnā laudem meruere, audendo multi res clarissimas gesserunt. Erit autem



ad audendum promptior, vt quisque gloriæ cupiditate maximè duce-  
tur. Ad eundem modum licet de cæteris virtutibus iudicare. Nam quod  
Petre multis videri dixisti, religionem Christianam obesse, quominus  
pietatem, deumq; colentibus fas sit studiosè huiusmodi gloriam affe-  
ctare, vos sic habetote. Religionem ipsam tanti esse, semperq; fuisse a-  
pud me, vt si mihi vnquam persuasum fuerit, hanc cum appetitu gloriæ  
non posse cohærere, protinus sim de sententia discessurus. Nā quid stul-  
tius esse potest, quàm mediocre bonum summo & extremo anteferre?  
Gloria enim de qua tam multa dico, est illa quidem cunctis rebus hu-  
manis longo interuallo antepōnda: sed illi præmio comparata, quod  
religio Christiana, se colentibus pollicetur, res est caduca, brevis, &  
pro nihilo habenda. Cæterum tantum abest, vt cum religione nostra e-  
ius appetitus pugnare mihi videatur, vt qui religionem contēnat, hunc  
veram gloriam assequi non posse, certum habeam. Et quidem constat,  
vt quisq; optimus præstātissimūq; fuerit in omni memoria, ita suæ re-  
ligionis obseruātissimum extitisse. In cuius rei exemplum quid vobis  
Marculum Regulum afferam, qui ne iusiurandum falleret, ad certam  
mortem redire (vt paulo antè dicebā) nihil est cūctatus? Aut L. Metellū  
qui vt Palladiū eriperet ex fano Vestæ conflagranti, non modo se am-  
buri passus est, sed etiam luminib. orbari? cū sint veterū monumēta eo-  
rum exemplis referta, qui tā studiosè religionē deosq; colebant, vt nul-  
lā rem neq; bellicā, neq; vrbānā nisi dijs consultis, captatis auspicijs, se-  
pe etiam conceptis votis nec publicè, nec priuatim inchoarent. Quod  
si illi, qui tanto in deorum errore versabantur, tam diligentes se deorū  
cultores exhibebant, quanto nobis Christianis pietas est studiosius co-  
lenda? quibus omni tali errore explicitis, munere diuino vnus diei  
cultus, ac vera religio à Christo Deo tradita est? Sic igitur gloriam ex-  
petamus oportet, vt prima sit cura religionis. Sed si vera gloria, (vt sæ-  
pe dico) per virtutes exquiratur, & religio Christiana per virtutes ma-  
ximè colitur, quid obsecro potest obesse, quominus religionem simul  
colere, & gloriam appetere honestè valeamus? At omnia nostra & con-  
silia & facta ad solum Deum referre pietatis, ac religionis est. Certe vt  
ad finem vltimū vt ad summū bonum. Sed quid vetat alia diligere, cu-  
pere, desiderare, quæ si non vltimi finis, certe mediocris boni, honestiq;  
rationem habeant? Cum bonarum rerum (vt docent philosophi) bonus  
sit appetitus seu desiderium. Age verò qui sapientia & sanctitate clari  
præcepta nobis pietatis tradidere, ij si virtutes ipsas per se & propter  
se expeti minimè vetant, cur nobis appetitum solidæ gloriæ interdi-  
xisse putari debent? qui cum sola virtutum via ingrediatur, vix, imò  
ne vix quidem ab amore virtutis seiungitur. quam ab ijs qui gloriæ ac  
honoris cupiditate maximè ducuntur, his quoque rebus (vt debet) vir-  
tutē antepōni, hoc argumēto audio à philosophis concludi, quod ijdē  
non à



Non à quibusvis hominib. nec quascunq; ob causas honorem atque laudem quærunt, sed à prudentibus, & ijs quibus cogniti sunt, atque virtutis causa, post summum igitur bonum, quo referri debent cetera bona, prima dignitas virtutis est, sed proxima honoris & gloriæ. Quæ idcirco est a nobis in primis expetenda, vt hoc quasi inuitamento excitati promptiores simus ad virtutes citra laboris sensum colendas. Et sic via, quæ breuissima est ingressi, gradum ad summum bonum faciamus. Quid igitur sibi vult religiosorum hominum & eorum prudentiū censura, qui tam constanter appetitionem gloriæ insectantur? An hos volumus leuitatis, & stultitiæ damnare? Minime verò, sed quid illi accusent, est etiam atque etiam considerandum, Nam cum nullus sit animi motus tam honestus, tam sua sponte laudandus, quin nisi cōsilio & recta ratione regatur, possit in turpitudinem dilabi, appetitionem gloriæ præposteram, stultum & nihil habentem cum virtute commune, merito viri sapientissimi consecretantur. Etenim videre licet plerosque tam peruersè rebus vti, vt dum ab hominibus parum rectè iudicantibus aliquā laudem mereantur, quid contrà Christiana religio iubeat, parum laborent. Sic affecti, vt nihil dignum putent, in quod vel mediocriter studium, aut operam conferant, ex quo velut mercedem laboris certam laudem non expectent, petantque, & quæ virtutes aliàs videri possent, ijs non ob ipsarum honestatem funguntur, sed ob hoc tantum vt inde laudem indipiscantur, dum scilicet boni videri, quam esse malunt. Quo errore stulto simul & pernicioso imbuti, dici vix potest, in quos flagitiorū velut scopulos interdum impingant. Vidi ego nonnullos qui dum stultè fortis, & maximi animi laudem affectarent, vim inferre non lacessiti gauderent: rapinas exercerent, nihil indigentes: homicidia frequenter, nulla, vel minima offensa irritati patrarent. Ad summam omnia fana & profana ita violarent, vt sibi gloriosum putarent, si nomen consequerentur non hominum modo, sed dei etiam contemptorum. Nec mirum. Huic enim tanto sceleri laudatores, & ij quidem non pauci, contingūt. Ex turba videlicet flagitiosorum, & eorum qui factionibus seruientes tyrannidem exercere intenuiores, id demum foelicitatem esse putant. Longum esset singula vitia commemorare, ex quibus stulti, ac perditii homines laudem nonnunquam aucupantur, & quod est indignissimum, applausores inueniunt. um non desint, qui adulteria, stupra, fraudes & dolos velut victorias, de forti hoste commemorent. Quam gloriæ appetitionem, si gloria est appellanda, & non potius detestanda peruerfitas, non dico viri Christiani, & religiosi, sed omnes mortales, qui modo aliqua modestiæ prudentiæq; particula valent, odisse in primis debent, & cunctis execrationibus detestari. quæ re vera stulta est, turpis est, flagitiosa est, & falsa persuasionem corruptis moribus appetitur. Est & alia, quæ gloria à nonnullis appellatur, de qua paulo antè mentionem feci



honoribus fungi, magistratum gerere, & cætera, in quibus versatur ambitio, quæ sæpe indignis nullo suo merito, aut præstantia, sed largitione vel fauore principum, aut aliquo non laudabili artificio, nonnunquam etiam fortuna contingunt. Quorum appetitus in quibusdam ad tyrannidem spectat, qui per eos ad regnum gradum facere moluntur. Et quo alij patriæ saluti prospiciunt, hoc ipsi, libertati eiusdem infidiatur. In alijs ab arrogantia & superbia initium habet: qui tunc sibi maxime placet, & beati esse videtur, cum alijs imperitant, & facienda præscribunt, eaq; gloria (si gloria vocari debet) turgēt & pueriliter intumescunt. Huiusmodi gloriæ appetitum damnat Christiana religio, hanc caducam, & merito inanem appellat. quæ ignavis interdum, sed ambiosis non minus, quàm optimis viris patere solet: non illam quæ cum virtutibus implicita habet societatem. Nā qui honores bonis artib. hac mente petunt, ut reip. consulant, miseris iniuriam inferri ne patiantur, patriæ suam præstant officium, & ex tantis virtutibus gloriam petunt, ij quidē in maximis & diuinis viris habendi sunt, tantum abest, ut tanquam irreligiosi vituperari debeant. Quanquam gloria non cunctis vna, eademque via quærenda est. Neq; enim omnibus eadem vel turpia vel honesta sunt. Ergo quam sibi quibusq; personam induerit, hanc cum honestate & constantia sustineat, sic veram gloriam adipiscetur: sic diuinis simul, ac humanis legibus seruiet. Aliud enim militem decet, aliud monachum, perferet hic ignominias patientissimè, iniuriam sibi facientes ne verbo quidem vlciscetur: vulnera intentantem fugiet solum, non armis contra pugnabit: hoc monacho honestum erit, hoc gloriosum, hoc laudabile. Idem in milite forti, quis bonus laudet imperator? Imò verò quis non vituperet & contra militis officium, & decus esse proclamet? At piū est & euangelicum, non resistere malo. fateor atq; id optimū esse dico, & perfectæ pietatis. sed hæc perfectio in nullo minus desiderari videtur, quàm in milite; in quo ferox in primis, excelsus, inuictusque contra omnem violentiam animus exposcitur. Itaq; boni consulendum est, si communibus legib. Christianæ religioni satisfaciat. Certe Ioānes Baptista, rogantib. militib. quid sibi ad recte viuendum esset opus facto, nihil aliud respondit, aut præcepit, quàm ne cui vim aut calumniā inferret essentq; contenti suis stipendijs. Ioannem Belalcazaris comitem virum præclarum, & cuius sanctimonia merito celebratur, postquàm imperio se ultro abdicauit, & magnis opibus fastiditis, se totum religioni deuouit, sancti Hieronymi prius, deinde Francisci sacris institutis initiatus, quam multa credimus in eo squallore, & spontanea vilitate fuisse perpeßum, quæ dum personam Principis sustinebat, perferre idem turpe sibi, & ignominiosum putasset? Ut intelligatur id demum esse veram gloriam, pietatem, & virtutes colere. Has porro tunc maxime coli, cum officia colimus, quæ suo cuiusq; ordini, & dignitati maxime conueniunt. Ne quis

eos tan-



eos tantū religionē colere putet, qui beatorum Francisci, Dominici, Benedicti, & cæterorum, quorū sanctitas est nobilitata, vestigijs insistant, facta & vitam velut ad præscriptum æmulantur. qui etiam si iure laudantur, & merito vocantur religiosi: nescio tamē, an melius de Christiana religionē mereantur, quā qui liberiore in vita remp. sapienter, ac iuste moderantur. Aut qui iusta bella pro patria, pro regno, proque ipsa religionē gerunt strenuē. Nisi forte Moses, David, Machabei, & cæteri, qui Iudæorum regnum propagabant, libertatem stabiliebant, minus religionē & pietatē colebant, quā aut Samuel, aut Helias, ac cæteri sacerdotes vel prophetæ, qui tēplo, & sacris olim inserviebant. Quorsum hæc tā multa? Nempe ut appareat, religionis cultum non angustijs quibusdam iniquioribus contineri, à quibus qui latum (ut aiūt) vnguem discesserit, continuo violet religionem, aut se obstringat crimine. Sed patēre latissime, & aliam alijs colendi Deum honestam viam ostendere, & multa huic concedere, quæ illi fortasse negantur. Nam quod alterum non deest forsitā, id in altero iure laudatur. Itaq; appetitus gloriæ si quis monachorum, & omnino eorū ordini, qui se huic sæculo ut ipsi loquuntur, renunciaſſe profitentur, parum cōuenire contendat, haud equidem penam in magno discrimine: quanquam solidam gloriam, quæ (ut exposuimus) virtute nititur appetere nulli bono viro non permittitur. Illis autem qui se ad literarum studia excolenda, vel ad remp. pace aut bello administrandam contulere, qui non solum cæterarum rerū cupiditatem adimit, sed etiam sine spe gloriæ & appetitione res præclaras agere præcipit, is mihi iubere videtur, onerariam nauim remis tantū impellere, & in alto sine ventis nauigare. Præceptum me hercule durū, imperiosum atq; difficile. At gloria sequi debet virtutem, non appeti. Quasi vero nos gloriam ante virtutem ponamus, & virtutes propter gloriam colendas esse præciamus. Nihil est Petre, quod nobis ista peruersitas obijciatur, quibus hoc primum est, ut iustitiam, ut pietatē, ut ceteras virtutes studiose colamus. Illud tamen proximum, ut gloriam ante vitam ipsam, ne dum ante cætera omnia & corporis, & externa bona completamur, amemus, cupiamus. quæ gloria adeo cum virtute coniuncta mihi esse videtur, ut qui virtutem amet, is gloriam amare: & qui gloriam cupit, virtutem idem cupere videatur. Quod si res sua sponte coniunctissimas distrahere, & cogitatione ac mente contentionem inter ipsas excitare libeat, gloria sit potius vel me iudice deferenda, quā virtus. Atque eo magis, quod vera gloria nulla potest existere, quæ ab ipsa virtute non proficiſcatur. Ut enim ad scelus patrandum nulla occultandi opinione, nulla celandi spe adduci debemus, non si nobis vel Gygis illius annulus cōcedatur: sic ad virtutes colendas nunquam nos is timor retardare debeat, ne optimū, & sua spōte laudabile factū gloria nō sequatur. At hoc ipsū optare, ut gloria sequatur honestatē, id est qui bonus vir sit,



*Athenienses  
primò statu-  
as publice e-  
rexerunt.*

vir sit, vt bonus idem haberi velit vituperare, nōne ambitiosa cuius-  
dā seueritatis est, & imperiosa morositatis? An illum ego reprehendē-  
dum putem, & non potius summa laude dignum, & spe maxima plenū,  
qui iustus & esse & haberi vult, qui fortis, qui tēperans, qui liberalis? E-  
go verò, si detur optio, virtutum cultor esse, quā haberi malim. Sed si  
vtrunque possim, & esse velim, & haberi cupiam. Nam quæ tam iniquæ  
possunt esse angustia, quam quibus nos intercludere moliantur, qui vir-  
tutem appetere permittunt, gloriam vetant, quæ virtutis est indiscreta  
comes? Simile facientes, vt si quis esurientibus cibos salubres appetere  
cōcedat, palato etiam iocundos neget. Quod quid aliud est, quā pugnam  
nobis indicare cum natura? Ego cibo iocundi saporis in gulæ irritamen-  
tum non exquiram, sed ad satisfaciendum naturæ, & salubres, & gratos  
mihi dari peruelim. Isti officiorum tetrici magistri, pietatis ac virtutū  
seueri doctores, qui tam ieiunos, & aridos fines appetitioni nostræ præ-  
scribunt, quid cupiant ignoro. Age verò si licet ex omnium gentium fa-  
ctis, institutisque commune hominum iudicium aucupari, qua in re ma-  
gis omnium mortalium sententiæ consensere, quam in proponendo ho-  
nore qui à nobis ponitur in parte gloriæ, pro honestissimo præmio ijs,  
qui magnæ cuiuspiam virtutis aliquod exemplum edidissent? Constat  
enim, nihil vnquam à toto orbe cum maiore consensu receptum fuisse,  
quā illustribus viris, qui patriam magno aliquo beneficio demeruis-  
sent, statuas publicè cum titulis recte factorum erigere. Quod Atheni-  
ensium sapientissimæ ciuitatis, vt ferè constat, inuentum fuit. Hi nanque  
primi omnium Armodio, & Aristogitoni tyrannicidis statuas publicè  
posuerunt. Cuius rei, si veram causam quærimus, non ea tantum fuit, vt  
bene merentibus maximo munere gratiam referrent, sed multo etiam  
magis, vt immortalis gloriæ proposito præmio, quo nullum, neque ma-  
ius, neque honestius, excogitare mortalitas potuit, ingenuos & excel-  
sos animos ad res magnas excitarent, cohortarentur, allicerent. Et qui-  
dem constat plerosque conspectis illustrium virorum imaginibus, re-  
cte factorum admonitos studiose captasse maximarum rerum occasio-  
nes Vt. C. Cæsarem conspecta Gadibus Alexandri Macedonis effigie, ad  
quam intuens fertur ingemuisse, quasi pertæsus ignauiam suam, quod  
nihil tum à se memorabile actum esset in ea ætate, qua totum penè or-  
bem Alexander subiecisset. Fuerunt & alia per gentes non dissimilia ad  
colendum virtutem irritamenta, cuncta pro recte factis solam gloriam  
promittentia. Vt apud Charthaginenses annulorum ornatus. Nam pro  
expeditionum numero, in quibus quisque militasset, annulos gestabant.  
Et in nostra regione tot obeliscos ante cuiusque sepulchrum erigere  
mos erat, quot hostium occidisset. A quo non longe abhorrebat Lacedæ-  
moniorum Scytharumque institutum. Nam qui nullum hostium inte-  
remisset apud illos capistro cingi lege cogebatur, apud hos in solenni-  
bus e-



bus epulis pateram circumlatam prohibebatur accipere. Nunc ego libenter ab istis perquirerem, qui gloriam appetere fas esse negant, quid ad hæc mortalium instituta respōdeant. An velint omne genus humanū inanitatis, ac stultitiæ damnare, quod tam varijs inuitamentis concordientia erectos hominum animos ad quærendam gloriam incitant. Quæ si res est inanis, si futulis, si pro nihilo habenda, & excelsis animis spernenda, quid hoc esset aliud, quam homines fallere, & obtentata falsa honestatis specie, per magnum errorem deludere? quod facere cum nemini bono viro licet, tum ijs est turpissimum, qui ferendi leges & optimis institutis ciuitates informandi munus susceperunt, an potius illorum prudentiâ admiratione dignissimam esse credant, & cunctis laudibus efferendam, qui optimis quibusq; ac ingenuis animis appetitū gloriæ insitū innatumq; esse intelligentes, honestissimorū, ac illustriū factorū id præmium proposuerūt, q̃ maximè honestū esset, & sua pulchritudinē huiusmodi animos in primis alliceret. Quo fit, vt in bello optimi ac prudentissimi quiq; Imperatores dū instāte pugna milites ad foriter, & strenuè dimicandum oratione cohortantur, non ignari animos pro cuiusq; natura esse tractandos, cupidis spem lucri, si vicerint: timidis maius victi fuerint, fugientibus periculū proponant: deliciosis, quod ipsorū fert libido, ex victoria polliceantur: honestis autem & liberaliter educatis ignominiā & indignitatē, si victi fuerint, ostendent: gloriam, decus, honestatē, si victores euaserint. Quippe quibus non est factu difficile persuadere, satius esse honestam mortem oppetere, quàm pugnæ vel cum leui nota superesse: & gloria ipsa tāti est, vt pro hac nullum sit periculum recusandū, nullus deprecandus labor. Quo in loco plurimum valet maiorū si qua extat virtus, & gloria cōmemorata. Mirū est enim, qua mortaliū animi alacritate sic admoniti ad æmulandam maiorum suorum gloriam incendantur. Nōne videtis in bello cū huius regni singularum ciuitatum vexilla conueniunt, quos animos, quos spiritus, quā ad dimicandū alacritatē sumāt nostri ciues, cū vexillū Xerecensis ciuitatis nostro velut assurgere ac se subijcere conspiciunt? Memores videlicet illius gloriosæ victoriæ, quam olim maiores nostri retulerunt, fuso fugatoq; ingenti Maurorum exercitu, qui ciuitatem illam longa obsidione afflictam & armis, & inedia eò necessitatis compulerat, vt iam oppidani, viri alioquin fortissimi, & bellica gloria nullis (vt scitis) nostræ nationis secundi, præsertim si res agitur equitatu, de se dedendo cogitarent. Quod factum esset, nisi nostra ciuitas, cuius fidem implorarunt, his propere ac libenter auxilium tulisset, suscepta ea prouincia, quam (vt accepimus) aliæ non minus opulenta, vt nimis difficilem recusarant. Cuius præstiti beneficij gratiam immortalem, qua ratione videtis, viri gratissimi referre statuerunt. Neque verò populi tantum & vniuersę ciuitates huiusmodi exhortatione, ac commemoratione com-



mouentur, incitanturque, sed singulorum animi multo etiam magis. Hoc enim ferè claris parentibus orri, ijs qui humili loco nati sunt, propiores existunt ad virtutes capessendas, quod illi (nisi planè degeneri, & abiecto animo sunt) non se sua familia, suoque nomine dignos arbitrantur, nisi paternam claritatem, quam maximè possint, paribus virtutibus sustineant, vel si possint, etiam adaugeant. Hi verò nullo tali ad res magnas irritamento excitati, iacent plerumque, non sibi turpe putantes in paterna obscuritate delitescere. Nisi si quis, quæ extra se sunt ad se nihil pertinere ratus, ita fuerit affectus, ut nobilitatem in sola virtute positam esse putet: seque ita comparauerit, ut claritatem, quam à maioribus non acceperit, sibi parere, posterisque tradere summa sit ope cōaturus. Cōstat enim huiusmodi animis nihil esse generosi, nihil excelsius, nihil ad præclara in omni virtute facinora patranda, neque propius neque accommodatius. Citantur in huius rei testimoniū Tullus Hostilius, Tarquinius Priscus, Tullius Seruius, quos ex humili conditione ad fastigiū Romani regni magnæ suæ virtutes euehere. Caro item maior, qui Tusculi natus ignobilis, summis virtutibus optimi Oratoris, optimi Senatoris, optimi Imperatoris nomen est inter Romanos assecutus. Nec duo illi Arpinates silentio prætereuntur, C. Marius, & M. Cicero. Atque hos quidem & alios Romani hoc in loco commemorant, Græci suos, Galli suos, Germani, suos natio quæque solet fama celebrare. Verum nescio an vlla tot possit, quot nostra in testimonium adducere. quos sigillatim referre nihil est necesse; cum constet, ferè clarissimam quamque familiam, quæ maxima in regno copia est, ab huiusmodi fonte dimanasse. Quæ à me idcirco dicta sunt, ne quis vestrum putet, cum appetitione gloriæ ingenuis animis insitam esse dico, hos me tantum intelligere, qui claro aut summo loco nati sunt. Nam licet hi magna ex parte, id magno studio contendant (ut modo dixi) nequid maioribus suis indignum efficiant, tamen plerique videas adeo dissolutos, ignauos, degeneres, ut nobilitatem, licentiam peccandi esse putent, quique opes maiorum virtutibus partas, & quæ debent esse ad fungendas virtutes instrumenta, in luxu, ganea, cæterisque libidinibus Sardanapali more profundant: denique in socordia, & ignauia, & turpi otio vitam omnem tradunt. Et quod est odio maiore dignum, hi sunt qui claritatem nobilitatemque maiorum, quam ipsi suis flagitijs obscurant, scèdantque, maxime omnium iactare solent. Vnde manauit tritū illud vetustate prouerbum, quis patrem laudabit, nisi mali filij? Hos ego animos nunquā committam, ut ingenuos & nobiles appellem. Nam quis me ferat prudentiū virorū, si animū illū sustineam generosum appellare. qui nonnullis hominibus, ut de poreis est in prouerbio, pro sale datus est? Ergo generosos appello optima indole præditos, liberaliter institutos, turpia, & indignitatē respuentes, & qui ad officiū omne propi sunt, ad omne virtu-

tempa



tem parati. Si ergo, ut redeat eò, vnde deflexit oratio, communi mortali iudicio, atque testimonio ingenui, & generosi animi nutu quodam naturali ad gloriam in primis feruntur, quis dubitare queat, quin gloriæ appetitus, maxime naturalis, sit pulcher, honestus, & cum ipsius virtutis, atq; honestatis amore suapte natura coniunctus, & colligatus? prorsus ut si virtutes amare, amplecti, desiderare, ut est, sic honestum, pium, & ex officio esse dicatur, gloriam, quæ virtutum est conlectrix appetere, contra vel religionem, vel officium esse dicere irreligiosum, & contra officium esse videatur. Habui hæc de gloria quæ dicerem, quam vos hortor, sic cum virtute colatis, sicq; ad eam liberos vestros optimis clarissimæ nonnulla tamen maiorum nostrorū virtutib. claritatis accessio institutis formatos incitetis, ut hæc ciuitas, cui per se facta est, aliquo familiæ nostræ lumine semper illustretur.

IOANNIS

## GENESII SEPVLVEDÆ

DEMOCRATES PRIMVS SIVE

*De honestate disciplina militaris**Libri tres.*

Ad optimum et clarissimum virum

D. Fernandum Toletum Albanorum ducem,

PRAEFATIO.



Um Bononiam venissem Clementem Pontificem maximum secutus, quo tempore hic Roma profectus, & Carolus Caesar ex Pannonico bello reuersus de summis videlicet rebus colloquendi gratia in eam urbem conuenerūt, grauissimum mihi fuit post longam meā decem & octo annorū in Italia peregrinationē multos ex Hispana nobilitate summa spei adolescentes videre, & aliquorū iocundissima consuetudine, colloquioq; frui. Sed me omniū maxime delectauit, quod

ipsoꝝ quosdā animaduerti, non ad arma solū, sed ad literas etiā præter morē nostræ getis factos esse procliuiores. Prius. n. rarissimū erat Hispanū hominē illustri loco natū videre, qui vel literas Latinas didicisset. Credo propter bella,



quæ iam olim à nostris intra Hispaniam ipsam cum Christiana religionis ho-  
 stibus penè continenter gerebantur, Nam studia doctrinarum pacis otia ferè  
 persequuntur. sed postquam hæc optimorum, religiosorumq; principum Fernan-  
 di & Isabella virtute & sapietia data nobis est, & confirmata, hostibus partim  
 subiugatis, partim etiam deletis, in dies, ut video, frequentiores adolescètes ex  
 nobilitate existunt, qui conètur bellicam maiorum gloriã, laude quoq; doctri-  
 na more veterum Romanorum cumulare. Sed illud fuit permolestum, quod ipsorum  
 non paucos perspexi scrupulis quibusdam religionem attingentibus sollicitari,  
 quos mihi traxisse videbantur ex quorundam commercio, qui studio rerum novarum  
 inflammati magnos hac memoria tumultus in dei Ecclesia concitarent, cõuer-  
 si (ut Paulus ait) ad vaniloquiũ & volentes esse legis doctores, nectamè  
 intelligètes, quæ loquuntur, neq; de quibus affirmat. sed nulla e-  
 rat maior illorum iuuenum sollicitudo, quàm quod se vereri profitebantur, ne non  
 posset miles generosus simul officio militari, simul præceptis Christiana religio-  
 nis satisfacere. quàm opinionem, vel errorem potius, ut minuerem, præsens voce, qua-  
 tenus licuit, in familiaribus congressibus elaboravi. postquàm verò in urbem reuersi  
 sumus, quæstionem scripto accuratius differere cõstitui, ac de bellorum iustitia &  
 honestate, de fortitudine, de magnitudine animi, ceterisque rebus, quæ proprius  
 hanc quæstionem attingunt, disputare. quàm pro ipsius multiplicitate, & varietate  
 paulo latius explicatam, hoc libello cõplexus sum. quæ ut ad te potissimum mitte-  
 rem, Fernandæ Toletæ, dux Albanorum inclite, adduxerunt me tuæ singulares,  
 & excellentes virtutes, atq; eadem hereditaria. Ut enim Albanum principatũ,  
 sic eas tanquàm iure hereditario à maioribus tuis traditas accepisti, ac diligen-  
 tissime tueris. Dum in hostes fortem & magnũ animum, in tuos humanitatẽ  
 & iustitiam præstas, in omnes præsertim egenos ac tenuiores liberalitatem &  
 magnificentiam. Et quod est omnium virtutum fundamentum, deum singulari  
 quadam pietate veneraris. Itaq; virtutem bellicam, & simul Christianam reli-  
 gionem tam strenuè, sanctèq; colis, ut ad errorem, quæ hic libellus insectatur,  
 convincendũ, claritas exempli tui per se satis fore videatur. Ceterum ut ser-  
 mo velut disceptando commodius explicaretur, placuit nobis ipsum more So-  
 craticorum in dialogi formam redigere, verisq; parum commode suppetenti-  
 bus, tres fictas à nobis personas, quasi Romæ loquentes inducere. Leopoldum  
 Germanum hominem, nonnihil de Lutherò referentem, Alfonsum Guevaram  
 nostræ gentis, veteranum militem, & Democratem Græcum, cui primas in di-  
 sputatione partes, ut iam legens ipse cognosces, attribuimus. Oritur autem ser-  
 mo à Leopoldo Alfonsum alloquente, quem solum offendit ad montem Vatica-  
 num in cœnaculo palacii pontificis deambulantem.



*Leopoldus.*

VIDE meditaris Alfonse? nunquid noui ab Hispania? Nam publicum vobis tabellarium peruenisse, indubitato argumento sunt frequentes epistolarum indices ad fores argentariorum propositi, & magnus Hispanorum concursus ad fasciculos redimendos. A L. Ab Hispania Leopoldus nihil noui, quod quidem tibi scire sit cordi: omnes qua solent tranquilla pace fruuntur. Nisi quod prudentiorum animos ea cura sollicitari conscribunt, quis euentus sit futurus huius periculosissimi belli, quod princeps Turcarum Solimanus Pannonijs, atq; Germanis infert. Ad quod propulsandum Carolus Cæsar rex noster satis firmum exercitum comparasse dicitur. Nemo enim paulò modo peritior rerum ignorat, discrimine belli huius maxima rerum verti momenta, deq; summa propemodum agi reip. Christianæ. Quanquam si vera sunt, quæ nunciantur, pedum centum millia, equitum verò triginta in armis esse, sapietia & auctoritate Caroli Cæsaris, curaq; & diligentia Fernandi fratris eius Pannoniæ regis coacta, magna me spes habet, victoriam, si dimicatum fuerit, penes nostros fore, quanuis hostium exercitum asseuerent quingentorum millium armatorum numerum excedere. Nā licet nostri sint impares numero, tamen genere militum, virtute, peritia bellicgerendi, armorumq; apparatu sunt longè superiores. L. E. An ista te modo sollicitudo fatigabat, iam dudum in hoc pontificio coenaculo solum obstipito capite cornicum more deambulātem? A L. Ea certè potissimum. Homini enim ciuili, & liberaliter educato nulla (vt opinor) cura potior esse debet, quam earum rerum, quæ rep. attingunt. Sed hanc ipsam sollicitudinem auget meæ profectio in hoc bellum cogitatio, quam profectio id solum moratur, quod tres equi, quos electos Neapoli reliquerā, antequam in morbum incidissem, à quo vixdum satis conualui, nondum mihi sunt adducti. Neq; enim statui, fortis atq; officiosi militis esse, ei bello, quod Imperator præsens administret, non interesse, si per valetudinem ei liceat, aliasq; magnas, aut necessarias occupationes. Præsertim si quis illius absentis legatis, ac ducibus suam operam non ignauè multis in bellis præstiterit: quod mihi arbitror accidisse, qui sub Gonsalo Magno tyrocinium deposui, nec ab eo tempore bellum vllum ab Hispanis est in Italia gestum, cui ego non interfuerim, & meā virile operam nauauerim. L. E. Istum equidem animum Alfonse & laudo, & amplector, qui nullam officij sustineat intermissione facere, sed te ista cura, sollicitudineq; libero. Heri enim vesperi à Pannonia Hippolyti Medicis legati literæ sunt pontifici redditæ, quibus hostis nuntiatur, non expectato prælio perterritus aufugisse. A L. Miranda narras, & nullis ante facu-



lis audita, tā ingētem exercitum, qui vel orbi vniuerso formidāus esse videbatur, nullo praelio fortunā expertū, longē paucioribus cedentem confugisse. Cæterū quis tibi huius nuntij author est? Vereor .n. ne quis aulicorum, ut sunt eorum pleriq; nasuti, tibi homini Germano, auidius fortasse de reb. nouis perquirēti, quod magnopere te cupere intelligebat, id pro certo ludens affirmauerit. L E. Nosti Democratē, græcū hominem, sed à pueritia educatū in Italia? propinquū (ut audio) Demetrii eius, qui Peloponneso dominabatur. A L. Ego verò ipsius consuetudine diu sum militiæ, per libenterq; vsus. Est enim non solū philosophia, ac literis græcis, latinisq; perpolitus, sed etiā rei militaris, quā longo vsu didicit pitissim⁹. L E. Is mihi modo in pōtificis, vnde egrediebatur, cōclauī, rei sūmā exposuit. Nā & nobis olim, ex quo vnā in gymnasio Patuino adolescētes philosophabamur, familiaritas nec ea vulgaris intercedit. A L. An Democrates nobis adolauit à Pānonia? quò nuper ipsū ex Cisalpina Gallia puenisse Hispanorū exercitū veteranū secutū, his paucis dieb, factus sū literis amicorū certior. L E. Adolauit scilicet, per equos. n. dispositos, cū eo, qui, quas modo dixi, literas attulit celerrimo cursu delatus peruenit, Clementē pōtificē maximū adhortaturus, ut opē qua in hoc apparatu Cæsarianū exercitū liberaliter iuuabat, transferat in bellū Pelopōnesiacū. Illuc enim properat Democrates, si quam opem vel industria vel autoritate sua possit nostris afferre, qui fugata turcarū maxima classe, & corone oppido Peloponnesi maritimo expugnato duce Andrea Doria multo maiora moliūtur. quin ipsū Democratē aspice ad nos venientē, à quo poteris exactius cūcta perdiscere. A L. Ipse haud dubiē Democrates est, ô salue Democrates? incolumē te à Pānonico bello rediisse gratulor. D E M. Tu quoq; Alfonso saluus sis. A L. Est ne verū quod modo mihi referebat Leopold⁹, Turcarū exercitū nōdum tuba nostrorū audita, se fugæ mandasse? D E. est vero verius. A L. Agnosco Caroli Cæsaris fortunā, D E. Agnosce & industriam. Ea namq; prudentia exciuerat magnas Germanorum copias, quorum discordiæ propter Luteranos tumultus maximē fidebat hostis, eaq; diligentia militem vestræ gentis veteranū ex Insubria, nouamq; Italorum manum ex reliqua Italia hostium aduentu nunciato, deducendam ad se in Pannoniam curauerat, ut quem & infirmum, & imparatū offensurum se crediderat Solimanus, hunc tam instructū inuenerit, ut sibi vires eius non esset tolerandas intelligens, ne experiendā quidē praelio periculosissimō fortunam constituerit. A L. Quid igitur nostri? nōne fugientē hostem insequuntur? D E. Nō viliū est oportunum, nam multorū dierū itinere à castris nostris aberat, cum fugere cognitus est, quem ad munitiora loca, & bello extrahendo magis idonea se recipere putabamus. Ut consequi esset perquam difficilē. & alioquin nostri ad propullandū bellum, quā ad hostem extra Germaniæ Pannoniæq; fines persequendū



dū paratiores erant, præsertim hyeme appropinquāte, & quo futurū erat iter, cunctis per hostium maleficiū atque iniuriā, fer. o & igne deuastatis: vt nihil reliqui facerent, vnde comitatus possent properantibus nostris suppeditari. Te verò Alfonso veteraniū militem etiam atque etiam demiror, quæ tam magna causā distinuerit in Italia, vt à tam necessario honestoq; bello, cui Carolus Cæsar ipse præfesset, sustineres abesse. te namq; & fortem virum, & ad munera bellica obcunda, si quenquam alium, promptum & impigrum perspexi: quo nomine tunc te magis, ac magis puderet, si scires ex Hispana nobilitate quot viros fortes, & quā frequentem iuuentutem fama belli huius exciuerit, qui nec vocati, nec vllum præmium præter officium, & gloriam secuti ex cunctis Hispaniæ finibus certatim ad prælium, quo nemo dubitabat, quin esset decernendum accurrebant. quorum principes fuere Fernandus Toletus, & Franciscus Soto maior & tunica Albanorum Beïarensumque duces. quorum ille paternæ virtutis æmulus (est enim vt scis Garfæ Toleti filius, eius qui in Africa impetu hostium appetitus fortissime dimicans, ac egregiè sese vltus occubuit) factus modo hæres auiti principatus nihil habuit potius, quā vt cum frequenti electoque comitatu ad regem suum proficisceretur, & nihil suis opibus parcens, se quoque pro Christianorum publica causa discrimini belli huius exponeret. Hic verò magna vi pecuniarum ad militē conducendum præmissa, ipse cum paucis per dispositos equos magno tamen equitum comitatu subsequente, ne certamini non interesset, magno constantiq; animo properauit. qui vt claro documēto doceret, sibi nullam aliā causam fuisse peregrinationē illam suscipiendi, quā vt pro Christiana libertate pugnando Cæsari suum præstaret officium, sublata per hostium fugā pugnandi facultate, missione impetrata statim domum, quemadmodum venerat est reuersus. A L. An me aliud putas, quā de illuc proficiscendo iā dudum cogitasse? sed aduersa valetudine prohibitus sum, à qua ne nunc quidem satis vires pristinas recepi. Neq; enim ignoro, quantus nobilium, & summæ indolis adolescentium, fortiumque virorum vltro ab Hispania ad istud bellum factus fuerit concursus, & illorum quos nominasti principum aduentus officij magnitudinisque animi plenus, multorum nobis literis est per scriptus, & aliorū præterea principū virorum, nec enim ipsos attinet nominatim recensere, quos pari animi magnitudine, eadem in regem suum, remq; publicā Christianam pietas ad bellum sacrosanctum concitauit. est enim si nescis, hominum nostrorum animis insitus quidā egregius religionis respectus. D E Ego vero id habeo multis exemplis exploratum. Nam cū rara sit pietas ijs, q. i castra sequuntur, ne poëtæ prorsus anticipulemur, qui nullā eis neq; fidē, neq; pietatē esse prodidit: animaduerti tamē post vrbs Romæ direptionē in ea peste, quæ ingens paulo post exercitū Cæsarianum.

Lucan. lib. 6



num ex varijs gentibus conflatum inuasit, plerosq; milites Hispanos, cum in morbum incidissent, prædam percupidè partam, ne vos videar ab omni crimine vindicare, religione tamen ductos spoliatis ciuib; restituisse: quod aliarum nationum cuiuspiam fortasse militi accidit, ego tamen (qui toto eo tempore in castris fui, multaq; diligenter obseruari) neminem nec vidi, nec ab alijs audiui, qui hoc officium Christianæ religioni tribuisset. quam de vobis existimationem auxit mihi vel plurimum in Pannonia superioribus diebus, honestissima eademq; iucundissima eorū iuuenum ex Hispana nobilitate, quos modo memorabā, consuetudo, qui cū prōpti & alacres essent ad pugnam (vt omnes opinabamur) impudentem ineundam, & mortē pro Christiana religione, si fortuna tulisset, oppetendam, illud se modo subuereri dictabant, ne iustissima ira Dei propter Lutheranam impietate Germaniā affligere, & hoste vindice, hostem vlcisci statuisset. Itaq; plurimus eis erat sermo de religione, & item de officio nobilis & christiani militis: cuius conditionem cōplures ipsorum non sine dolore accusabāt, in quibusdā dictitantes, nobilis militis (quē ipsi equitē, sed patrio vocabulo nūcupabāt) professionem cum præceptis Christianæ philosophiæ parū cohærere. A L. Vetus scilicet querela, sed quæ dudum nescio quo pacto cœperit inter Hispanam nobilitatem, magis ac magis inualefcere. L E. Quid mirum? cum ne illud quidem satis constet, num bellum cum quouis hoste gerere, quod est militis officiū, liceat per religionem homini Christiano. D E. Scio Leopoldē tuorū Germanorū quosdā non obscuri nominis id ipsum nuper disserere cœpisse. Atq; equidē metuo, ne illa, de qua modo dicebamus, querela ex istorū cōmercio nata sit, aut aliunde fortasse pertenui capite orta, hinc vires etiā atq; etiā adquisuerit. A L. Tu verō Democrates quid sentis, nū fortis nobilisq; militis professionē à Christiana doctrina putas abhorrere? Nā & mihi accidit, quorundā meorū cōtubernalium huiusmodi querelis interesse, & in eā opinionē sum (vt verum fatear) iam pridē delapsus, non quod putē Christianis bella suscipere habendū esse religioni, tā sepe iustis, aut etiā necessarijs, vt mihi quidē videtur, suscipiendi causis incidentib; sed quoniam multa accidunt in vita, quib; interueniētib; viro forti sit necesse, aut famā, cuius ipsi decet esse maxima cura deferere, aut præcepta religionis negligere. L E. Mihi quidē & ob istas, & ob alias causas sic prorsus videtur, nolo tamen quidquam temerē asseuerare, sed tu quid Democrates arrides? & non potius rationem contrā, si quam habes, exponis? D E. Gaudeo te Leopoldē cautiorem, quam solebas esse factum, qui cum planē tuā sententiā a dogmatis Lutheranis non alienā, paucis protulisses, memor tamen te non Saxonix, sed Romæ, & in ædib; pontificijs verba facere, dictū notissima cautione, & tuorum quibusdā familiari, temperasti. L E. Omitte Democrates mētionem facere Lutheri, & culpā eius, si qua est, nobis



nobis exprobrare, qui vim rationum in omni quæstione, aut sacrarum literarum testimonia, nō cuiusquam hominis auctoritatem sequimur, D E. præclare verò nobiscum actum est, si nō licet, ut quisquam vir fortis sit, & idem Christianus, sed hæc quæstio maior, ut video, facta est, quorundam ingenijs, quàm ut paucis queat explicari. A L. Obsecro te Democrates quando in hunc sermonem incidimus, & mihi videris nō imparatus aut immeditatus, his de rebus disserturus, ut nobis explices tuam sententiam, & Leopoldo viro in philosophia, & sacris literis exercitato, quem ad contradicendum paratum video satisfacias: sic enim mihi satisfactum fuerit, homini indocto, & vix qui Latinas literas didicerim, sed tua & doctrina, & rerum peritia, quid res hæc habeat veritatis edoceri percupido. L E. Mihi verò Democrates rem feceris perinde gratam, qui huic opinioni non tam pertinaciter adhæsi, ut ratione conuictus non sim libenter ipsam deponiturus, te præsertim authore, qui ad studia doctrinæ, rei quoque militaris peritiam, diuinum illum Socratem imitatus, sic adiunxisti, ut mihi videaris inter huius memorie magnos viros excellere. D E. Opus quidem erat maiore otio & animo vacuo: ceterum difficile est, studio veterum amicorum abnuere, præsertim colloquium postulantium ad indagandam in re controuersa & ad plurimos pertinente veritatem, cuius inquisitioni nullum negotiū esse præferendum principes philosophorum putauerunt.

Age igitur Leopolde, ut morem disputandi Platonicum teneamus, causam expone, cur tibi militia cum religione Christiana tantopere pugnare videatur. Ego quæ mihi contra videbuntur, nam te in magno errore versari certum habeo, iam conabor explicare. L E. Primum omnium quia (ut paulo ante dicebam) bellum omnino gerere, Christianis institutis, iureque diuino vetamur. D E. Contra ius ergo diuinum gessit bellum Iosue, & præter legem diuinam bello persecutus est tot reges, & ciuitates, dum nouas sedes populo Israelitico pararet. At raro, atque haud icio, an nunquam prælium iniuit iniussu Dei, à quo etiam, ut solē, lunamq; sisteret, dum suos hostes vlcisceretur pugnans cum Amorreis *Iosue. 10.* impetrauit: ut pleraq; alia bella, quæ à Davide, quæ à Machabæis, quæ à cæteris electi populi præfectis, iussu & ope Dei gesta sunt, taceantur. L E. Quem Iosue, quem Dauidem, quos tu mihi Machabæos narras? Iudæos homines, & memorie peruetustæ de christianis quarimus, & lege videntibus euangelica, non de Hebræis, quos scimus sanguinolentos fuisse, & quibus cum Christianis nihil est in hac parte commune. D E. Christianorum igitur Deus alter est ac Iudæorum. L E. Deum quidem vnum esse, atque eundem omnium gentium, rerumque omnium conditorem, & gubernatorem profiteamur, nam *idem dominus omnium*, ut inquit *Ad Ro 10.* Paulus, & *dixit in omnes, qui inuocant illum*: sed præcepta, & leges alias alijs datas esse nemo ignorat. Itaque Iudæis per legem belligerare licebat,



Matth. 5.

Matth. 26.

ad Gal. 2.

2 ad Cor. 13.

Matth. 5.

Exod. 20.

Aug. vet.

n. test. q. 44.

Hic. 2. li. cō.

pra Pelagi.

Christianis non item licet. Quid est enim quamobrem pugnare debeat, qui violento nō resistere, sed dextera genae colapho accepto, alteram cædendā exponere: & tunicā spoliare conanti pallium etiam dedere, ab ipso Christo iubetur? a quo cum Petrus reprehensus sit, quod aduersus impios & sceleratos pro innocentissimo domino strinxit ferrum, quæ poterit esse causa posthac, ut homo Christianus iniuriam iniuria repellat: qui ne pluribus agam suos hostes etiam diligere præcipitur? D E. Christus igitur veterē Iudæorum legem aboleuisse, & præcepta illis data penitus antiquasse tibi videtur? L E. Non mihi quidem solū, sed cum alijs plerisq; tum etiā Paulo, qui in epistola, quæ est ad Galatas, nihil aliud propemodum agit, quā ut veteris legis obseruationem perniciosam etiam, non solum inutilem esse doceat Christiano. Ex operibus (inquit) legis non iustificatur omnis caro. & paulo post, Si per legem iustitia, ergo gratis Christus mortuus est. & item, Quicumq; ex operibus legis sunt, sub maledicto sunt. Tota deniq; epistola huc pertinet, ut lex illa, qua utebatur populus Iudæorum abolita esse intelligatur. D E. Tu verò Leopoldo utriusque potius credendum censes, Christi ipsius Euangelicæ professioni, an Pauli (si quidquam ab eo discrepare videatur) epistolari doctrinæ? L E. Christi potius verbis, Deus enim est, in quem nec error potest, nec vanitas cadere, si Paulus à Christo dissentiat, sed dissentire non potest, idem est enim Spiritus Sanctus, qui loquitur in utroq; imò & ipse Paulus Christum in se loqui profitemur his verbis, an experimentum queritis eius qui in me loquitur Christus? D E. At Christus in Euangelio, Non veni, inquit, legem ferre aut prophetas, sed adimplere. L E. At ista professio Christi non tantum non discrepat à doctrina Pauli, sed cum ipsa congruit etiam ad amissim. In veteri. n. testamēto, quod legem & prophetas appellamus, pleraque omnia erant velut imagines, & figuræ seu vaticinia rerum futurarū, quibus rebus per Christum perfectis, ac in ipso euenientibus, datoq; nouo testamento, vetus cum suis legibus antiquitatum esse non potest dubitari. Nam rebus ipsis præsentibus, quis potest vmbri, ac imaginibus esse locus? D E. Certè nullus. sed in veteri testamento nullam rē expressam & solidā, sed adumbrata cuncta, & meras imagines, aut prædictiones esse puras? L E. Fortasse cūcta. D E M. Etiamne leges illas, de quibus est in Exodo, Non occides, non adulteraberis, non furtum facies, & cetera id genus præcepta, quibus tamen obseruandis, parari vitam æternam, nō vno loco, docet Christus in Euangelio. L E. Præcepta decalogi omnino sunt excipienda, vigent enim in utroq; testamento. D E M. Nō igitur omnia in veteri figura sunt, aut vaticinia. L E. Quasi verò simpliciter ipse fuerim locutus, & omnia dixerim, non pleraq; omnia, & cūcta fortasse. D E M. Laudo cautionem, ac vnde didiceris intelligo, sed cur ea potissimum vigent, cæteris abrogatis? An quia pertinent ad mores instituendos, & sunt ab ipsa natura profecta? Hoc enim & Augustino placet & Hieronymo.



onymo, ut ceteros taceam doctissimos theologos. L. II. Certè, non quòd Hieronymus ita senserit, aut Augustinus, qui homines fuerunt & potuerunt errare, sed quoniam id cum ratione congruit, & Evangelica doctrina. D. E. Non postulo Leopoldè cum Hieronymi vtor, vel Augustini testimonijs, ut ipsorum scripta pari fide, ac libros, qui canonici nominantur prosequaris, idem facere, vel ipso in primis Augustino authore in epistola, quæ est ad Hier. vetamur sed magnorum virorù, quorum cum sanctitate doctrina, & sacrarum literarù peritia nobilitata est, & ecclesiæ autoritate probata dictis absque summa & manifesta ratione refragari, vide ne non sit hominis non modo peruicacis, sed etiam impudentis. verùm hæc aliàs, redeo ad præcepta decalogi, quæ si vim suam idcirco in lege quoque euangelica retinere fateris, quoniam ut sunt, sic etiã habentur leges naturæ, si qua lex alia à iure itidem naturæ profecta esse reperiatur, qua sanctos patres vsq; fuisse constet in veteri testamento, hanc à Christo abrogatam esse nõne per te nefas erit existimare? leges enim naturæ ad omnes homines, omneq; tempus pertinere, eruditissimorù est consensus. certe Paulus, ut turpe viris esse doceret, comam gestare, nihil aliud, quàm naturæ legem ad Corinthios scribens allegauit: & in epistola, quæ est ad Romanos, tantum tribuit naturæ legibus, ut in eis ad bene sancteque viuendum gentibus lege vacantibus, satis dicat esse præsidij, ut appareat, naturæ leges absque temporis discrimine diuinis esse annumerandas. leges enim naturæ tanquam ab immortali capite, fonteque perenni, manare cõstat, ab æterna lege, quã Augustinus Dei voluntatem esse definit, quæ ordinem naturalem conseruari iubeat, contraque vetet perturbari. L. E. Naturæ leges Democrites nullis neque diuinis, neque humanis institutis abrogari posse, satis est à te, me nihil refragante declaratù, sed video nos à proposito iã dudù aberrare, utrù bellũ gerere, quod mihi nõ videtur, christianis sit permissũ, quærebamus, tu nescio quo pacto sermonẽ ad naturæ leges auertisti.

1. ad Cor. II.

Ad Ro. 2.

Li. I. de libe-  
ro arb.

D. E. Age igitur Leopoldè, explica nobis vtrum bellum aliquod duce natura suscipi putes, an secus: & iam videbis, nihil nos à scopo declinasse. si enim illud dederis, & constare nobis voluerimus, qua ratione iudeis, eadem etiam Christianis bellare permissum esse confitebimur: sin aliter, aliqua tamẽ fundamenta superiore sermone iacta fuerint, ad propositam quæstionem dijudicandam. L. E. Mihi verò longe aliter videtur, bella initio, præter naturam ab immanib. hominibus, & certe ab ijs, qui naturam optimam, regnandi habendi que cupiditate & ambitione corrupissent, orta esse: sic enim traditum est nobis à maioribus, eademque post non alia ratione suscipi, Egone, quod est humanæ vitæ maxime perniciosum, & præclaras sæpe ciuitates ac optime institutas, regnaq; euerxit, hoc putem duce natura administrari? id ad summam, in quo vincimur beluarum immanitatem? Quando enim leones cum leonibus bella



gessere? quādo cum tigribus tigres? D E. Bellum igitur ad alterius iniuriam  
 suscipere, contra naturæ legem esse dicis, ob eam opinor causam,  
 quod est iniustum natura. L E. Sic prorsus existimo. D E. Bella ergo na-  
 tura iusta, nonne iure naturæ suscipi confitebimur? L E. Certè, si iusta sit  
 ego tamen nullum bellum natura iustum esse contendo. nam quod à le-  
 ge diuina dissentit, id quomodo potest cum lege naturæ cōsentire? D E.  
 Quāam vere, mox videro, certe constanter respondes. Sed iam quid sit  
 natura iustum constituamus, & quid vicissim iniustum: ut hæc in bello  
 considerantibus, planius quod quærimus appareat: & si placet Aristo-  
 telem summum philosophum authorem adhibeamus, qui *iustum natura*  
*id esse definit, quod ubique habet eandem vim, non quia sic placuerit, aut secus.* vides  
 ut verba illius ex quinto Ethicorum Nicomachiorum libro, ad verbū  
 expresserim. ne quod authore Cicerone in quibusdam reprehendo,  
 verba græca, dum latine loquor, inculcarem. Id porrò ubiq; vim eandē  
 habere, docti viri interpretantur, quod est tale sponte sua, non quia sic  
 placuerit legislatori cuiquam, aut alicui ciuitati. exempli causa, lega-  
 tos comiter tractare, iustum est sponte sua: eosdem pulsare, vicis-  
 sim iniustum. reddere & negare depositum eodem modo. quod  
 quia hominum consensu & vltu dijudicatur, idcirco ius gentium à iu-  
 re peritis appellatur eodem philosopho authore, qui alio in loco  
 legem ciuilem vocat propriam, utpote vnius gentis aut ciuitatis: na-  
 turæ verò, communem, qua scilicet vtantur omnes nationes. id commu-  
 ne iustum, aut vicissim iniustum esse declarās, quod esse tale omnes ho-  
 mines velut diuinatione quadam naturali interpretantur. Nunquid ti-  
 bi videor rectè quid iustum natura, quid iniustum sit statuisse? L E. Non  
 habeo, quid contra dicam. Nam quod omnibus videtur, hoc verum esse  
 facile philosophis assentior, idque iudicium esse naturæ, certum ha-  
 beo. sed isto modo, vereor, ne nihil nobis iustum natura relinquatur.  
 Quid enim tam iustum est, de quo in iudiciorum tam infinita varietate,  
 idem omnes homines non dico mundi, sed vnius ciuitatis eodē mo-  
 do iudicent, cum etiam in rebus, quarum iudicium est in sensu, inter-  
 dum sit magna dissensio, eundem cibum alio dulcem, alio diuersum iu-  
 dicante. D E. Esto bono animo Leopoldo, nam te isto scrupulo facile i-  
 dem Aristoteles explicabit, ut enim res dulcis, vel calida sit, an secus,  
 credimus sensui rectè valentium, nec mouemur, siquid contra videatur  
 ærotantibus: sic (inquit ille) in bonis malisque rebus discernendis, hoc  
 est in virtutibus statuendis ac vitijs, bonorum iudicio standum est: quo-  
 rum mens sana & animus habetur: non improborum, in quibus ægro-  
 tat vtrunque. virtus enim & virtute præditus rectè iudicat singula, est  
 enim quasi mensura, & expetendarum, fugiendarumque rerum certis-  
 sima norma. Cum aliquid igitur hominum communi sententia hone-  
 stum vel turpe, iustum aut vicissim iniustum esse dicimus, prudenti-  
 um,

*Re ad The.*  
*lib. 1.*

*Ethi. 10.*

*Ethi. 3.*

*Ethi. 10.*



um, studioforumque iudicia volumus intelligi, non etiam perditorum & prauis tum opinionibus tum etiam moribus corruptorum: nec si quægens est adeo barbara, & inhumana, ut à sensu communi hominum abhorreat. quamobrem iure consulti in definitione iuris gentium non id simpliciter esse aiunt quo gètes oēs utuntur, sed addunt etiā, humanæ.

His igitur explicatis, ut quod quærimus appareat, iam mihi respōde vtrum iniuriam in alios inferre non laceffitum, sed suis cupiditatibus feruentem, atque alios bonis suis spoliare, iniustum putes sponte sua.

L E. Certe si quid aliud: & quoniam id scelus bellis potissimum patrat, idcirco bella contra naturæ legem esse dico. D E. Quid iniuriā propulsare, & immerito laborantibus opem ferre? nonne eadem ratione sponte sua, hoc est natura iustum esse confitebimur? ut enim magnus orator, & idem philosophus egregius scriptum reliquit, & postea est à diuo Ambrosio repetitum in eo libro, quem ipse quoque de officijs in-

scripsit: *Qui non defendit, nec obsistit, si potest iniuriæ. vā est in vitio, quam si pariter aut amicos, aut patriam deserat.* vnde duorum magnorum imperatorum populi Romani in bello ciuili voces plurimorum sermone & approbatione celebratæ proruperunt, quorum, qui patriæ libertatem cum senatu cōtra sceleratos ciues tutabatur, verba quibus utitur in euangelio Christus, usurpasse traditur, *qui non est mecum contra me est*: alter, qui eidem patriæ feruitutem flagitiosissime moliebatur, sui sceleris cōscius vicissim dictitasse fertur, pro se esse, qui non esset contra se. iniuriam igitur, vel in socios, vel in nos, quibus nihil ipsis charius esse potest, illatam propulsare, eodem modo iustum esse dicemus sponte sua. L E. Mea quidem sententia. D E. Cum igitur bello legem naturæ violari, si ad alterius iniuriam susceptum fuerit, fateamur: nonne idem iustum esse naturæ lege confiteri necesse est, si ad violentorum iniuriam propulsandam, & innocentes defendendum suscipiatur? L E. Ista quidem ratione sic videtur, ego tamen quid præceperit Christus, & euāgelicæ doctrinæ, de qua initio dixi meminero: nec Pauli monita huc pertinentia contempsero qui non dico bella, sed lites, quæ sunt multo tolerabiliora mala, Christianis ad Corinthios scribens, his verbis interdicit: *Tam (inquit) omnino delictum est in vobis, quod iudicia habetis inter vos, quare non magis iniuriam accipitis*

Cic. 1. offe.

Matt. 12.

*quare non magis fraudem patimini?* Christus & Paulus iniurias inimicis nos condonare iubet, tum nos hortaris ad iniurias persequendas? quæ vera sunt, non possunt dissidere. Aut igitur doce, hæc cum illis non pugnare aut cum Christi, & Pauli dictis refragari nefas sit, desine me tuis argutijs, ad istas naturæ leges reuocare. D E. Aequissima verò conditio, & quam sanè lubens accipio, ut summa igitur paulò altius repetatur, utar (si tibi videtur) paulisper oratione perpetua. tu interim, si quid displicuerit, memoriæ mandabis, & postea tuo iure, & arbitrato contradices. L E. Mihi vero videtur, nec te quoad voles, interpellabo.

1. ad. Cor. 6.



lib. 18

1. 10. ethic.

Peripateticorum de summo bono sententia.

Ex. 10. ethic.

10. 17.

1. ad Cor. 13.

10. Ethic.

DE. Non te latet Leopolde multas maximasque fuisse inter philosophorum principes de finibus bonorum, & malorum dissensiones, alijs alio summum bonum summumque malum metientibus: legisti enim opinor, quinque illos libros, quibus hanc questionem Cicero, nescio doctius an elegatius, est complexus. Et quid scripserit eius æqualis Marcus Varro doctissimus Romanorum, & quo processerit huius ratio veterum sententiarum enumerando non ignoras. Quanquam enim omnes huius de Philosophia libri, iniuria temporum interciderint, multas tamen eius sententias, & eas in primis, quæ hunc locum attingunt, diligenter persequitur Augustinus in libris, qui sunt de ciuitate Dei. Sed cæteris opinionibus magno doctorum hominum consensu olim explosis, nemo fere iam pridem est, quin Peripateticorum, & Aristotelis ab Stoicis & veteri Academia vocabulis magis, quam rebus, dissentientium disciplinam, ut in reliqua philosophia, sic in hac questione, cæteris philosophis anteponat. Peripateticorum porro de summo bono sententia notissima tibi est, & cunctis, qui Aristotelis libros de moribus legerunt, in usu virtutis positum esse finem bonorum, quem ipse iam summum bonum, interdum felicitatem appellat. à quo virtutis usu, quoniam interdum aduersa valetudine, aliàs excludimur egestate, idcirco & corporis, & externa bona, suppetere aiunt oportere, quibus utimur, partim ut instrumentis ad fungendas virtutes, partim ut rebus necessarijs ad vitam liberaliter degendam. Sed cum sit duplex virtus, altera διανοητική, altera ἠθική, græce nuncupata, latine autem (ut video) intellectualis, & moralis consuevit appellari: in alterutrius usu satis esse præsidij, putant Peripatetici ad bene beateque viuendum: sed eos tamen beatiores esse, qui cognitioni veritatis vacant, & optimarum rerum contemplationi, quanto scilicet intellectus cæteris animi partibus, ac res diuinæ humanis habetur præstantiores. Differit autem Aristoteles de ea felicitate, quæ potest in hominem mortalem cadere, non de illa, quæ ut est, sic vocatur à theologis æterna vita, quam efficit clara apertaque Dei contemplatio: sic enim Christus patrem alloquitur: *Hæc est vita æterna, ut cognoscant te solum Deum verum.* quod nemini datum esse constat in corpore mortali, præter Christum, de Mose & Paulo querentibus eruditus. *Nunc enim videmus, ut testatur Paulus, per speculum in enigmate, tunc autem facie ad faciem: cumque apparuerit, similes ei erimus, & videbimus eum sicuti est.* quanquam ne hanc quidem felicitatem philosophus intactam reliquit, nisi quod ipsam non hominibus tribuit, sed dijs immortalibus, quos semper tradit esse beatos. ut igitur summorum philosophorum ratio vitam sapientium, qui Dei vitam, quatenus mortalibus est datum æmulantur, cunctis præfert longo interuallo, eos tamen qui in reipublicæ aut eius partium administratione cum virtute sunt occupati, à felicitate non excludit: sic christianis intelligere oportet, duplicem esse viuendi rationem, utramque honestam & religioni consentaneam, sed

quorum



quarum altera longe alteri præferatur. Hanc duplicem vitam, ne longius abieris, Christus ipse non obscure in duabus sororibus Martha & Maria significavit, cuiusque discrimen aperuit. In Martha enim, quæ hospitem Christum liberaliter excepit, & sedula in eam curam incumbebat, ut benignè ipsum, ac ciuilitè tractaret, quid aliud intelligimus, quam eorum vitam, qui colendis morum virtutibus se dedunt, & rebus agendis accommodantur. Nam in Maria, quæ sedens ad pedes Christi, verbis eius erat intenta, philosophantium, contemplantiumque vita, haud dubiè significatur. Cui quoniam Martha multorum errorem secuta, vitam ciuilem præferebat, dum sororis otium apud Christum incusaret, sic eius exhortationi, Christus occurrit, ut utramque vitam honestam esse doceret, sed contemplantium multo præstantiorem. Nam Martha Martha (inquit) sollicita es, & turbaris erga plurima. Porro vnum est necessarium, Maria optimam partem elegit, quæ non auferetur ab ea. quasi diceret, qui in regenda versantur, ac student honestarum rerum administrationi, ut Martha, hos, quanquam ipsorum vita laudanda est (nam cum virtute humanis tum necessitatibus seruit, tum etiam commodis) tamen multis sepe sollicitudinibus implicari, & turbulentis curis anginecessè est. Qui vero Mariam imitantes inuestigandæ veritati, & diuinarum rerum contemplationi vacant, horum vita tranquilla, & serena est, atque longe perfectior. quippe cum eam, quoad licet, æmuletur, quæ iustos & amicos Dei vere beatos, cum ex hac vita migrauerint efficiet. Sed vnum est (inquit) necessarium, alterutrum enim, virtutem morum, aut intellectus colere necessè est, ut recte viuatur. Nam qui utraque neglecta, vecordie se ac turpitudini dederit, is non dico à Christianorum, sed ab hominum consortio repellitur, exterminarique debet. Nam si quis forte tam stupidus est, ut putet Marthæ officium, ac liberale opus à Christo fuisse improbatum, legat Augustini libellum, quem scripsit de verbis domini, ubi hunc euangelij locum enarrat, & quantum sententia fallatur intelliget. Quid ergo (inquit) putemus, reprehensum esse ministerium Martha? quam cura hospitalitatis occupauerat, quæ tanto hospite letabatur? Hoc si verum est, omittant homines egentibus ministrare, vacent vel occupentur circa scientiam salutarem, nihil eis sit curæ, qui peregrinus in vico sit, quis egeat pane, valeant opera misericordie, instent vni scientie. Non ergo dominus opus reprehendit, sed munus distinxit. sequitur enim, Maria optimam partem elegit, quæ non auferetur ab ea. non tu malam sed illa meliorem. hæc Augustinus, Sed apertius etiā Gregorius sese huius sententiæ grauissimū authorē exhibuit, cuius verba ea sunt in moraliū sexto libro: Per Mariam, inquit, quæ verba residens audiebat, contemplatiua vita exprimitur. Per Martham exterioribus obsequijs occupatam actiua vita significatur. sed Marthæ cura non reprehenditur, Mariæ verò laudatur: quia magna sunt actiue vite merita, sed contemplatiua potiora. Utraque igitur vita, non modo doctissimorum hominum sed Christi Dei iudicio probanda est & homine Christiano digna.



gna. Contemplatio tamen longe anteponitur actioni. Neque verò solū  
 probanda ea vita est, quæ in rebus agendis versatur, sed ad hominum  
 naturalem societatem tuendam necessaria. & hic fortasse commodissi-  
 mus, & germanus est intellectus verborum Christi dicentis; *porro vnum  
 est necessarium*. Nam cum duas inter se viuendi rationes compararet; vnū  
 id est earum alteram vitam, quæ rei gerendæ accommodatur, necessari-  
 um esse dicit, ad vitam degendam. Nam si vt Maria, item Martha rerum  
 ad conuiuium necessariarū omīssa cura, nihil aliud, quā audiendo Chri-  
 sto, eiusque doctrinæ vacasset, quis famulis & ancillis non suppetentib;  
 cibos coxisset? quis mensam intruxisset? quis cætera ad cœnam necessa-  
 ria parasset, Christoque & apostolis recumbentibus ministrasset? Vt hæc  
 igitur munia, quibus nobis tota rerum agendarum ratio significatur,  
 necessaria sunt ad priuatos, & paucorum vsus; sic ad mortalium cœtus,  
 hoc est ciuitates conseruandum, plurimos esse necesse est, qui reip. præ-  
 sint: Reges, Consules, Prætores, Senatores, Aediles, & cæteros pro cuius-  
 que reip. forma magistratus: adde bellorum, sic extiterint Imperatores,  
 Legatos, Tribunos militū, Centuriones, & reliquos præfectos. sed quan-  
 quam hæc vita honesta est, & maximè necessaria: illa tamen quam ele-  
 gerat Maria, dum vacaret contemplationi perfectior est, & præstantior.  
 Nam & artium ac disciplinarum, non vt quæque maximè necessaria est  
 ad vitam degendam, sic habetur præstantior. isto enim modo pistorum,  
 coquorum, textorum, sutorumque artes primum sibi locum iure neces-  
 sitatis vendicarent, sed contrā sese res habet, & quanto minus doctrina  
 quæque necessitatibus, aut commodis humanis seruit, tanto cæteris, do-  
 ctissimorum hominum iudicio præstat. Prima enim philosophia, quæ  
 eadem Theologia nuncupatur, idcirco habetur omnium scientiarum  
 nobilissima, quoniam non in rebus necessarijs, aut vtilibus humano ge-  
 neri versatur, sed maius quiddam & sublimius spectat in cognitione  
 veritatis, & contemplatione diuinarum rerum occupata. quapropter  
 philosophus hanc esse nobilissimam scientiam præfatus, *omnes igitur  
 (inquit) sunt hac magis necessarie, præstabilior verò nulli*. Cum ergo neutra vi-  
 uendi ratio sit per leges Christianas interdicta, vtriusque præce-  
 pta: & à Christo in euangelio, & ab Apostolis tradita sunt in epi-  
 stolis, partim necessaria, eademque sufficientia ad rectè & ex  
 Christiana religione viuendum, hæc autem sunt decalogi præce-  
 pta, ad quæ naturæ leges omnes referuntur, & quibus vita ciuilis con-  
 tenta est, partim commodissima ad vitam alteram perfectiorem degē-  
 dam, ad quæ Christus, & apostoli non verbis solum, sed multo etiam  
 magi opere, ac exemplo nos adhortabantur. eius generis ea sunt, quæ  
 in Leopoldo paulo antè ex euangelio, & Pauli epistolis obijciebas, de  
 contumeliarum, & rapinarum tolerantia, & item de vniuersa substan-  
 tia distrahenda, & pauperibus largienda, de coelibatu, de virginitate,  
 quam

2. Metaphy.



quam præceptorum vim, & discrimen, ne sine authore locuti esse videamur, Christus ipse nobis, ut est in Euāgelio, apertissimè declarauit. Qui cum in monte sedens his potissimum, & talibus monitis discipulos ad se, deumq; quatenus licet, imitandum, adhortatus esset, ut se doceret non leges dare, quibus prætermisissis, rectè viuere non liceat: sed viam monstrare ad eam, de qua diximus, vitam perfectissimam, illud adiunxit, *estote ergo perfecti, sicut & pater vester celestis perfectus est.* idemque rogatus à quodam, quid boni faciens, vitam æternam consequeretur, respondit, *si vis ad vitam ingredi, serua mandata.* rursus de præceptis inquirenti, & num quid noui decalogo adderet, addubitanti: illis connumeratis, *non homicidiū facies, nō adulteraberis, nō facies furtū, nō falsum testimoniū dices, honora patrem tuum & matrem tuam,* præceptum charitatis adiecit, *Diliges proximum tuum, sicut te ipsum, in quo sermone omnis lex* (ut Paulus ait) *impletur & in quo omnia* (ut idem alibi ait) *instauratur.* Cum hæc ergo necessaria & in eis satis virium esse, ad æternam vitam obtinendam docuisset: *si vis autem* (inquit) *perfectus esse, vade, & vende omnia quæ habes, & da pauperibus, & sequere me.* Porutne Christus necessaria præcepta, quæ in decalogo continentur, apertius distinguere ab alijs, quæ quia non habent vim legis obligantis, sed exhortationis ad meliorem, perfectioremque vitam, idcirco consilia magis, quàm præcepta vulgo solent à Theologis nuncupari, late patentem præcepti notionem ad legis diutaxat intellectum angustius docendi causa reuocantibus. itaq; male merentem male accipere iustitiæ est, iniuriam non repugnanter ferre perfectionis. Nam percussus dextra maxilla idcirco iubetur à Christo sinistram præbere (teste Augustino) ut dum vicem non reddit malo, perfectus sit. *quoniam reddere vicem, iustum est* inquit, *sed nō plenū* Si verò dissimulet ab iniuria, plena iustitia est, et ab dās. Ut igitur in pauca conferamus: quæ paulo latius, quo minus in re dubitationis relinqueretur explicuimus, vides ut bellum non modo non sit contra legem diuinam, cum à fonte iustitiæ (ut sæpe accidit) exoritur, sed authore Deo suscipiatur. quod enim duce fit, ac magistra natura, id authore Deo fieri satis (ut arbitror) est declaratum. Deus enim, ut prima causa est vniuersæ naturæ, sic ordinem viuendi à natura præscriptum semper, in primisque teneri, & obseruari vult: tantum abest, ut quicquam statuatur naturæ legibus aduersum. Nullum est autem decretum nec iustius, nec quod natura magis velit esse ratum, quam ut primum sese, ac sua quisque: deinde socios, sociorumque libertatem & commoda tueatur. *Nam qui suorum,* ut Paulus ait, *curam non habet, fidem negauit, & est infideli deterior.* ad quod præstandum & improborū iniurias propulsandas, quæ bella suscipiuntur, hæc magistra natura, deoq; duce suscepta esse non putare, vide ne hominis esse videatur, abiecto, maximeque demisso animo, & prorsus in vi rerum cognoscenda caligantis.

Matth. 5.

Matth. 19.

Ibid.

Ad Gal. 5.

Ad Rom. 13.

Matth. 5.

Aug. vet. &amp; no. test. q. 68.

1. Tim. 5.



Contra Ma-  
nicheos.

Nam culpae bella propterea quod quidam in eis immatura morte delentur, dum pacem querunt, qui certe aliquando erant morituri, timidum est, inquit Augustinus, non religiosorum nocendi cupiditas, vlciscendi crudelitas, implacatus animus, feritas rebel-landi, libido dominandi, & si qua similia, haec sunt inquit, quae in bellis iure culpantur. Ad quae iure punienda aduersus violentias resistentium, siue Deo, siue aliquo legitimo imperio iubente, gerenda ipsa bella plerumque à bonis suscipiuntur. vnde Gregorius in epistola ad milites Neapolitanos, Summa, inquit, militiae laus inter alia bona merita, haec est, obedientiam reip. vtilitati- bus exhibere, quid quid sibi vtiliter imperatum fuerit obtemperare. Ergo qua ratio- ne Abrahamo, qui legibus naturae vivebat, & Iudaeis accepta lege fas iu- stumque fuit belligerare, eadem Christianis bellum gerere fas est. Noli

Ad Bonif.

(ait idem Augustinus) existimare, neminem Deo placere posse, qui in armis bellicis ministrat, in his erat Sanctus David, cui dominus tam magnum perhibuit testimonium, in his etiam plurimi illius temporis iusti, in his erat Sanctus ille Centurio, qui domino dixit, Non sum dignus ut intres sub testum meum, pacem, inquit, habere voluntatis est, bellum autem esse debet necessitatis, ut liberet Deus à necessitate, & conseruet in pace. subesse igitur debet iusta causa: quod ita demum fiet, si bello nihil aliud quaesitum fuerit, quam pax, maxima ciuitatum, ac societatis humanae conseruatrici, & in qua tuenda vita civilis, tota propemodum est occu- pata, nimirum in rep. recte, ac sapienter instituta.

Matth. 2.

Explicatur  
rationes, qui  
bus Leopoldus  
probare  
volebat om-  
ne bellum esse  
fugiendum.  
Matth. 26.

Quod verò in castigatione Petri iniuriam à Christo armis propul- sare conantis argumentum esse putas, non licere Christianis aduersus impiorum violentiam armis se defendere, & vim vi repellere, videris mihi illum Euangelij locum, aut oblitus esse, aut non perlegisse. Casti- gato enim Petro, castigandi causa subiungitur, an putas, inquit, quia non possum rogare patrem meum, & exhibebit mihi modo plusquam duodecim legiones an- gelorum: quomodo ergo implebuntur scripturae, quia sic oportet fieri? Itaque non le- gem in eo sanxit, omni naturae repugnantem, ne liceat improborum in- iuriam vi, si aliter non datur, propulsare: sed imprudentiam eius casti- gat, qui Christum putaret, inuitum ad necem trahi, à qua esset humana ope, qui angelis imperare poterat, eripiendus, & non potius sponte sua, ut praedictum erat prophetarum vaticinijs ex decreto trinitatis. si enim Christiana disciplina, ut ait Augustinus, omnia bella culparet, hoc potius mili- tibus consilium salutis petentibus diceretur, ut abicerent arma, seque militiae omnino subtraherent: nunc autem dictum est eis à Baptista Ioanne, neminem concusseritis, nemini calumniam feceritis, sufficiat vobis stipendium vestrum. Nam quod bellum tibi contra naturae legem videri dicebas, propterea quod nullae bestiae, cum sui generis animantibus bellum gerere videantur, primum erras in eo, si putas nullum esse ius naturae, quod non sit idem hominibus cum ceteris animantibus commune. Quanquam enim ius naturale id esse, quod natura docuit animalia cuncta, iure consultus definierit, est ta- men ius alterum, quod quia rationis hominum generi, seu speciem ma-

In epist. ad  
Marcellinum  
Luc. 3.

uis ap



uis appellari, peculiariter tributæ vim & iudicium affectatur, idcirco ius naturæ humanæ scilicet, & idem ius gentium, de quo paulò antè differebamus nuncupatur. Deinde animalia cætera non protinus à bellis auersa videri debent, si raro quæ sunt in eodem genere, aut nūquam pugnant inter se. Habent enim pleraq; omnia suos hostes, sed in specie diuersa. Non gerunt bellum tigres cum tigris, at gerunt canes cum lupis, his pecori iniuriam & necem hostiliter molientibus, illis innata quadam amicitia, & quasi iustitia depellentibus. Quid vacce? quid equæ & mulæ? quid sues? ut cæteras taceam id genus animantes, nōne lutorum ipsæ, aliorumq; maleficorum animalium cateruas adesse sentientes, sese duce natura, in orbem velut infestam aciem instruentes colligunt, & paratæ ad pugnam in excubijs nonnunquam pernoctant, & irruentibus hostibus validissimè repugnant, se suosque foetus, cornibus, dentibus, calcibus, prout quæque armata est à natura, quoad vires suppetunt, commisso certamine defendunt? Itaq; non solum ratio, ac prudentium hominum cōsensus, mosq; cōtaneus hominū memoriæ, bello iniurias à se, & ijs qui suæ cuiusq; curæ, fideiq; commissi sunt, propulsare iustum natura esse docet, sed etiam vis innata, quæ cæteras animantes ad se suaq; tuendū, ac defendendum impellit. ut nō incommodè homines iniustos cædibus & rapinis statum reipub. perturbantes, pacem bonorum sollicitantes, tanquam lupos esse dicas, & malefica animalia: ciuitates & populos, quasi pecus & armenta: reges & principes, velut pastores: præsidia militū, ceu canes pecuarios. Quam similitudinem priscis etiam poëtis, & philosophis placuisse in primis animaduerti. Homerus enim, qui solet pater omniū doctrinarū appellari, non aliter ferè principes vocat, quàm pastores populorum: & in veteribus sacrarum literarū monumentis Esaias, Hieremias, ceteriq; vates, ad eas res significandas, vix alijs nominibus vtuntur. sed quid profana, aut prisca testimonia commemoro? cum Euangelicam doctrinam, & Christum ipsum authorem habeamus? qui se bonum pastorem, homines, pro quibus animam posuit, oues & gregem, fraudulentos porro & nocentes, lupos rapaces passim appellat in Euangelio. ut igitur pastoris est officium gregem prudenter pascere, & cū res poscit, lupis, cæterisq; feris insidiantibus, aut officientibus pecori, sese atq; canes opponere: sic principis partes sunt, non solum ciuitatis otio consulere, & populos suos in officio sine aliorum iniuria æquabili iure continere, sed etiā improborum hominum iniurijs, quæ sæpe existunt, vi & armis, si aliter nō datur, resistere: siue priuatim inter ciues legib. neglectis, siue publicè ab externis hostibus inferantur. Nam qui hostibus ingruentib. per ignauiam cedit, nec strenuè manu coacta cunctis opib; atq; viribus, vel cū vitæ suæ discrimine repugnat, nec res iniuste ablatas repetit, poenâq; sumit de fontib. legitimas (hæc enim ferè sūt iustissimæ causæ belli gerendi) is non

*Causæ iusti  
belli.*



Ioan. 10.

Ad III. r.

2. ad cor. 10.

Iwepist. ad  
Marcellinū.

Gen. 14.

di)is non principis officio fungitur, sed populos suæ fidei cōmissos sceleratissimè prodens, simillimus est mercenario, quem Christus maximè damnat in Euangelio. Nam mercenarius (inquit) qui non est pastor, cuius non sunt oves proprie, videt lupum venientem, & dimittit oves, & fugit, & lupus rapit ac dispergit oves ego (inquit) sum pastor bonus, & animam meam pono pro ouibus meis. Episcopus ergo, qui Christum optimum & summum pastorem, ac eius Apostolos, hac in parte poscente officio voluerit (vt velle debet) imitari, quoniam eius præfectura, & quasi regnum spiritale est, contra improborum peccata, & hæreticorum impietates sese primum: deinde suos quasi legatos, & centuriones telis Apostolicis armabit, innocentia, modestia, temperantia, sanctitate: vt exemplo, item egregia quadam doctrina, vt oratione possit crimina castigare, & praua dogmata redarguere. Arma enim nostræ (id est apostolicæ) militiæ non carnalia sunt (inquit Paulus) sed potentia Deo ad destructionem munitionum, consilia destruentes, & omnem altitudinem extollentem se aduersus scientiam Dei, & in captiuitatē redigentes omnem intellectum in obsequium Christi, & in promptu habentes vlcisci omnem inobedientiam. quæ arma si à pertinacibus negligentur, coercebit eos etiam vinculis, desperata porrò sanitate, vltima præsidia petet à legibus Ecclesiasticis, & ciuilibus, quibus iustissimè hæreticorum pertinacia vindicatur. quorum scelus tanto est reip. perniciosius & acrius vindicandū, quàm prædonum & grassatorum, quanto pietas & religio externis bonis antefertur. Princeps aut, (quē maximè vellē nō minus virtutib. quā honoribus & dignitate cæteros excellere) primū dabit operā, vt ciues æquabili iure contineat, & secundum religionem, ciuilesq; leges; deinde turbulentos & flagitiosos meritis poenis prosequetur, ne status reipub. detrimentum patiatur. Hunc enim quasi scopum, spectat doctrina ciuilis, vt ciuitas salua sit, ac dignitate & commodis augeatur. Deinde si qua vis ab hostibus in suam ciuitatem parabitur, aut inferetur, hanc vt sine armis depellat, omni ratione conabitur, sed si hostes nec honesti respectus retardauerit, nec iustæ dehorationes ac denuntiationes, quæ feciali Romanorum iure continebantur ab iniuria deterrebunt authore Deo duceq; natura, coacta fortium virorum manu, sumptisque armis ab iniustorum hominum immanitate & maleficio libertatem asseret, commodisque suis & suæ ciuitatis, ac sociorum prospiciet (vt iliter enim vincitur is, teste Augustino, cui licentia iniquitatis eripitur) nec res ablatas armis repetere aut fontes punire, turpe aut religioni habendum esse putabit. nō denique pigebit eum, Abrahamum virum iustum, & amicum Dei nuncupatum æmulari, qui legem naturæ secutus, multis sæculis antè scriptas leges Hebræorum, bellum aduersus quatuor reges exultantes victoria suscepit: & præda onustos fudit ad Damascū & spoliauit. à quo bello redeunti benedixit Melchisedech? sacerdos Dei altissimi, eundēq; Deo benedictū appellauit, quippe cum



pe, cū munere functus esset, quod Deo sciebat esse pergratū. Qui ergo bella cupit à mentib. hominū adolori, rē cupit optimam, & omniū maximē humano generi salutarē, sed tunc iubeat bonos, iustosque viros, arma in alios vsus vitæ humanæ necessarios cōflare, cū iniustitiā & scelus penitus à facinorosorū animis extirpauerit. Nisi. n. lupos sustuleris & malefica animalia, nūquā pastori persuadebis, ne vtatur p̄sidiō canū. Hoc. n. esse principis officiū, & ciuili vitæ rationi cōuenire, Christi euangelica verba declarant apertissimē, qui licet ipse perfectiorē, spiritalēq; vitam delegisset, & propterea rogatus, an rex esset, suum regnum non esse huius mundi respondisset, illud tamen adiecit, *sed ex hoc mundo esset regnum meum, ministri mei vtiq; decertarent.* Nisi forte tam stupidi, & in rerum intelligentia tam plumbei sumus, vt putemus à Christo damnata fuisse regna & principatus ciuiles, ab hominibus ducenatura, vel à deo potius constitutos. *Non est enim potestas, vt testificatur Paulus, nisi à deo, & quæ sunt, à deo ordinatæ sunt:* at Christus deo, quæ dei, Cæsari, hoc est regibus & principibus, quæ Cæsaris sunt, reddi iussit. nec iussit tantum, sed etiam tributum, statere dato, pro se soluit atque Petro, quamuis ipse liber esset, ac immunis. Ne si tribuere postulatus recusasset, cæteris exemplo noceret: qui factum Christi (quem fas est quoad licet imitari) lecuti nihilo fortasse magis sibi, quàm ei pendendum esse tributum stulte existimassent. Cur porro principibus tributa penduntur? Num vt mare prædonibus infestantibus aut dum hostes agros rapinis, & maleficio deuastant, ipsi desides in vmbra fruantur voluptatibus, & otia pacis percunte repub. supini & ignaui specie religionis prætexta conlectentur? Iudebat igitur Paulus cum principem negaret sine causa portare gladium, hoc est armatorum habere præsidia, quem tamen Dei ministrū appellat, & vindicem iræ ad malorum conatus, non magis opinor intra quam extraciuitatem reprimendos. Nam ideo (ait) *tributa præstatis, ministri enim Dei sunt in hoc ipsum seruientes.* quibus cum nos parere, ipsorumque dicto, tum ad Romanos tum etiam ad Titum scribens audientes esse præceperit: putabimusne, qui nos ad omne officium principibus præstandū abhortatur, hunc operam militarem, sæpe necessariam, & pro libertate patriæ, pro liberis & vxoribus, pro aris demum & focus suscipiendam exclusisse? aut aliter sensisse, quàm Petrum apostolorum principem, qui nos *super duos esse iubet omni creaturæ propter Deum, siue regi quasi præcellenti, siue du-* *I. Petr. 2.*  
*cibus tanquam ab eo missis, ad vindictam malefactorum, laudem vero bonorum, quia sic est voluntas Dei.*

Nec enim bellum iustum esse putatur, quod non sit principū aut magistratuū autoritate susceptum, nec si quod fuerit causis neq; necessarijs, neque honestissimis, quales supra memorauimus quæsitum. Itaq; non sine magno crimine bellum geri puto ab ijs, qui contra Christiā-



Aug. in Io-  
sue. q. 10.  
Gen. 2.

Iosue. 8.

nos operam suam militarem locant principibus externis, cum quibus nullam habent societatem: eoque magis, si de causae ipsorum honestate (quod plerumque accidit) ambigatur. tales enim tantum abest, ut bellum gerant pacem spectantes (qui animus adesse debet iuste bellantibus) ut hanc exosi cupiant etiam gentium dissensiones & turbas: quod est omnino contra virtutem, & religionem. Bello autem legitime suscepto ad gloriam fortitudinis aliquid, ad iustitiam (teste Augustino) nihil interest, aperte pugnetur, an ex insidijs. ut enim ait poeta, *dolus, an virtus, quis in hoste requirat*: quando id non modo ab optimis etiam viris omni memoria factitatum esse constat, cum approbatione gentium, sed in sacrarum literarum monumentis legimus, fuisse à Deo imperatum Iosue bellum gerenti cum ciuitate Hai, ut insidias tenderet oppidanis. Itaque licet hostes fallere, insidiari, stratagematis circumuenire. loquor enim de his artificijs, quæ more hominum, ac iure gentium permittuntur, non de perfidia, & dolo malo. Nam fides data, etiam hostibus est seruanda, & pactis ac pollicitis standum. Neque verò solum cum externis, legitimisque hostibus iusta bella gerere conceditur christianis, sed etiam cum scelere improborum hominum tyrannidem affectantium, aut aliud reipub. magnum malum vel perniciem molientium, bella ciuilia existunt, optimi & religiosi ciuis est, sumptis armis, si aliter non datur, impijs sceleratorum ciuium conatibus obsistere. Inertis enim atq; adeo vix hominis esset, domestico malo reip. laboranti, non cunctis opibus subuenire, sed cæteris de statu rerum dimicantibus socordem esse & otio languere, cynico vetulo concedentem, ut plusquam ipse pudoris habere videatur. Nam cum Philippus Macedonum rex Corinthum hostili manu appropinquare nuntiatus esset, & Corinthij oēs pro periculi magnitudine commoti, alij arma pararent, alij collabentes muros reficerēt, aut lapides reficientibus ministrarent, alij alijs rebus parandis incumberent ad propugnandum necessarijs, Diogenes traditur, cum illius opera nullus vteretur, dolium quod inhabitabat, cœpisse in Cranio urbis eiusdem nobili loco diligenter sursum deorsumq; volutare. interrogatus porro, quæ causa esset illius inusitati laboris, respondisse, ne cæteris operantibus ipse solus otio torpere videretur. Neq; verò solum Diogenis hoc ridiculè factum nos potest officij seuerioris haud mediocriter admonere, sed summi etiam viri & grauissimi Stoici Porcij Catonis, qui virtutē magistra natura studiose percoluit, consiliū, quo est usus in bellis ciuilibus Põpeianis, quid talibus reip. reponibus bonū ciuē facere oporteat declarauit: qui cū à principibus factionū multis in reb. causa reip. dissentiret, & neutrius mentē plane probaret, bello tamen exorto non sibi quiescendū existimauit, sed eas partes fouendū, quæ plus iustitiæ atq; honestatis habere videbatur, Bruto etiam dehortate: ad quem extat prudentissimum de hac re Catonis responsum.

Summum



*Summum Brute nefas ciuilia bella fatemur,  
Sed quò fata vocant, virtus secuta sequetur,*

lib. 2.

& cætera, quæ carmine vobis noto persecutus est Lucanus. Nec mirū est Catonē integris viribus arma pro rep. contra impiorum conatus sum-  
psisse, cum Sestius ætate decrepita, cui alterum crus fuerat ī Macedonia mutilatū, deferri se iusserit in castra Pompeiana, cui cæteris ridentibus Pōpeius assurrexisse, occurrisseque traditur, magnū testimoniū & utilis-  
simum exemplum ratus, si viri ætate atq; viribus exhaustis secum pro li-  
bertate publica commune periculum subire cernerentur. Qua de re So-  
lonē Atheniensīū legislatorem cauisse refert Aristoteles, vt qui exorta  
seditione populari, & scissa in duas partes ciuitate, neutri se adiūxisset,  
hic bonis omnib. publicatis, mitteretur etiā in exilium: cuius legis hanc  
causam reddebat Fauorinus philosophus, vt bonorum virorum semper  
ad pacem spectantium authoritas, quæ initio non suffecisset, ad nascentem  
seditionem coercendam, valeret sedatis animis ad dirimendam.  
cum in consilijs capiendis multo magis credatur socijs de re communi  
consulentibus, quam alienis, quorum fides plerunq; oratioq; suspecta  
est, sed huiusmodi leges & præcepta in eas potissimū ciuitates cōueniūt  
quæ suis legibus viuunt, & populari aut optimatum consilio gubernan-  
tur. In regia verò rep. optimus & prudentissimus quisque principis au-  
thoritatem semper sequetur contra seditiosos populos, ac ciues poten-  
tiores & turbulentos. Reges enim ac principes si boni sunt, sūma pietate  
coli debent, quasi præexcellētes à deoq; missi, vt Petrus ait, *ad vindictam*  
*malorum, laudem verò bonorum:* sin mali, omni patientia tolerari, nisi forte  
ipsum peruersitas, & prauitas tanta sit, vt in apertam, ac indubitatam  
regni, aut religionis perniciem & euersionem spectet. tunc enim publi-  
ca salus, & verus Dei cultus vnus hominis furori, ac impietati, præfer-  
ri debet, potiorq; & sanctior haberi. *obedire enim oportet* (vt Petrus aiebat)  
*Deo magis, quàm hominibus:* cætera verò principum, ac regum peccata pati-  
enter ferenda sunt, & ad Dei iudiciū reiicienda: cui placet interdum  
populos ob ipsorum crimina iniquitate principum affligi. *nulla est enim*  
*potesas nisi à Deo.* vt Paulus testatur, qui nos principibus obedire iubet. Pe-  
tro apostolo discolis etiam dominis parere præcipiente, hoc est diffici-  
libus & iniquis: cuius rei clarissimum habemus exemplum Dauidis. qui  
cum esset rex Hebræorum diuina authoritate designatus, tamen Saulem  
genti eidem præter legem diuinam, qua iam erat iure regni priuatus im-  
peritantem, sibiq; infensum semper est regia veneratione prosecutus,  
tantū abest vt vi, aut dolo tentauerit ipsum de regno deicere: & potuit  
paruo negotio eundem cum speluncam, in qua ipse latebat, successisset,  
solum & securum adortus obtruncare.

1. Petr. 2.

Act. apo. 5.

Ad Ro 13.

Ad Tit 3.

1. Petr. 2.

1. Reg. 4.

Nū tibi videor Leopoldo difficultates, quib. impediēbaris, commode  
satis



satis esse demolitus? an adhuc haeres in salebra, & superest etiam num, quod tibi velis expediri? longioremque orationem desideras: ad quorundam bellorum honestatem asserendam? L. E. Ego verò Democrates profiteor, me oratione tua non mediocriter fuisse delectatum. habet enim tanquam nervos, nec sine lepore adhibet quasi tormenta quaedam ad extorquendam veritatem. Itaque tibi prorsus assentior. iuste sulcipi nonnulla bella, eademque à legibus Evangelicis non abhorrire: nisi si quid contra videtur Alfonso. A. L. Mihi verò nunquam fuit dubitabile: quin multa bella iussissime, & Christianae religioni conuenienter gererentur: non solum ad repellendas iniurias, aut res ablatas repetendas sumendasque de fontibus poenas, sed ad subiugandos impios, qui pacem nostram sollicitant, & Christianae religionis hostes, qui pijs excidium, aut s. ritutem moluntur debellandos: qualia multa gessisse memorantur optimi, & in primis religiosi principes, Constantinus, & Theodosius Romanorum Imperatores, & cum alijs multi reges Hispaniae, tum in primis Fernandus, & Alfonso: quorum alter bonus, alter sanctus ex argumento fuerunt cognominati. ac vt ceteros principes viros omittam, Rodericus Cidus, cuius nescio gloria bellica, an sanctimonia magis sit nostrarum historiarum monumentis nobilitata: quibus traditum est, his cum impijs Saracenis depugnatis, multa etiam edita fuisse miracula, piam honestatem talium bellorum significantia. sed tu mihi Democrates, quae nunquam dubitaueram, magnis rationibus confirmasti, vt Leopoldo bellum omne studiose (vt videri poterat) Christianis interdicens, aut in hoc certe nimis scrupulose differenti satisfaceres, quod scire cupiebam de rebus priuatim interuenientibus, quae militarem viuendi rationem, à Christiana disciplina videntur excludere, nihil haecenus cum iam deambulando defessi simus explicasti. D. E. M. Quæstio hæc Alfonse, quam de consensu militiae cum Christiana religione tuo rogatu differendam suscepimus, tam multiplex est, & varia, vt nec paucis verbis possit, nec vno colloquio definiri. Hodie igitur de bello, quae pars primum erat expedienda, disputauius, cras hic, aut in hortis pontificijs cætera, si videbitur & otium erit, persequemur.

## DE MILITARIS DISCIPLINAE

## HONESTATE LIB. II.



Postera igitur die, quam illa fuerant disputata, mane cum pontifex maximus, vt sæpe solebat, in eos hortos, quibus est nomen ab amœno conspectu, secessisset, primus omnium Democrates venit, vt quemadmodum pridie conuenerat, sermonem repeteret, cum pontifici de rebus bellicis nuntiatum, nec multo post Leopoldus adest. Alfonso enim postremus omnium aduenit, simul vt valetudine nondum confirmata, vitaret matutinam



entinam Vaticani aeris intemperiem, simul ut comitatum angeret Maij  
 oratoris Cæsarei, quo interueniente Democratis cum pontifice collo-  
 quium est solutum. Cum igitur illi à turba recessissent, seque amicè de  
 more consalutassent, breui primum de rebus nouis sermone collato,  
 iam enim rumor increbescebat, pontificem, ac Cæsarem, colloquendi  
 gratia Bononiam iterum conuenturos, missa, inquit Alfonsus, ista facia-  
 mus, redeamusq; ad hesternam disputationē, sedentes tamen (si videtur)  
 in his, quæ opportune adsunt, subsellijs, sic enim sermo facilius explica-  
 bitur & audietur comodius, à me præsertim, cui nondum satis in pristi-  
 nam valetudinem restituto obfuit nimia hesterni colloquij deambulatio:  
 tuq; Democrates, qui heri Leopoldū pernicioso errore liberaſti, ne gra-  
 ueris hodie tua sapientia, scrupulū mihi, quo subinde iam pridem solli-  
 citor, eximere. D E. Sedeam? Alfonsē, quoniam sicut bi commodum est,  
 & omnino ad colloquēdum magis (ut ais) opportunum. sed quo tandem  
 scrupulo te dicis sollicitari? A L. Virtus, & gloria militaris sæpe in reb.  
 extra bellum publica auctoritate susceptum incidentibus, non posse  
 mihi videntur angustijs christianarū legum contineri. D E. Quæ te (ma-  
 lum) ratio, aut quis potius error detruſit in tam vanam persuasionē? A L.  
 Lex Christiana iubet, iniurias patiētissimè ferre, & humanā gloriā pro  
 nihilo ducere, militaris animus tunc maxime probari videtur, cum ne  
 minimæ quidem contumeliæ patiens, inimicorū iniurias cōstantissime  
 persequitur, ac mortem ignominia præferens, nullum recusat periculū,  
 ne quam gloriæ, laudisue iacturā patiatur. Hec mihi non videntur inter  
 sese cohærrere, nec mihi solum, sed plerisque etiam alijs, ut video. Hoc  
 est enim (nisi fallor) caput illius querelæ militaris, de qua hesterno  
 sermone meministi, qua sollicitudine si meū animum explicueris, ma-  
 gnas tibi, immortalesq; habebo gratias, credo item & Leopoldo rem fo-  
 re pergratā, qui mihi heri videbatur his quoq; reb. non nihil cōmoueri.  
 L E. Mihi verò gratius nihil posset contingere. D E M. Dabo equidem o-  
 peram, ut nobis morem geram. Sed antequam ad argumenta per vos al-  
 lata respondeo, ut via & ratione philosophemur, necessarium esse puto,  
 aliqua de virtutibus eis differere, quibus potissimū miles prudentiū iu-  
 dicio commendatur: ut his, contrarijsq; vitijs perspectis, quod sit offici-  
 um boni militis, quid ab eo discrepet, intelligatur. Laus enim virtutis  
 est, & quo efficitur res quæq; bona, id virtus à philosophis nuncupatur,  
 in hominibus quidem suo nomine, in cæteris reb<sup>9</sup> per similitudinem, ac  
 translationem. Nam bonus magnes dicitur, & bonus equus: cum hic be-  
 ne currit, ille ferrum bene allicit, & hæ virtutes ipsorum appellantur.  
 bene nanque sua virtute, ut tradidit Aristoteles, res quæque perficitur. *Axi. 1. Ethic.*  
 Cum igitur bonum gubernatorem dicamus, si quis bene & ex arte diri-  
 gat nauigium, bonum patrem familias, qui recte curam gerit rei famili-  
 aris, & cæteros eodem modo, quam demum virtutem ab eo postulat abim<sup>9</sup>,  
 qui se



qui se velit & esse, & bonum militem appellari? A L. Homines prudentissimi, qui rei militaris præcepta literarum monumentis tradidere, multa præcipiunt obseruari in milite deligendo. Qua enim regione ortus quisque sit, interesse putant, temperatas cæteris omnibus anteferentes, quales esse aiunt, quæ quarto, & quinto climate continentur. Nā quæ ad septentrionem propius accedunt, in his robustiores quidem animos, & magis intrepidus, sed tardiora ingenia prouenire: ad meridem contra intelligentia præstantes homines sed infirmiores animis ad subeunda pericula generari: ad medium autem homines nasci, vtraque re quantum satis est valentes: qui nec in consilijs capiendis intelligentia, nec in subeundis periculis animo deficiant: quorum alter sine altero planè infirmus est ad bella gerenda. Præterea in corporis habitudine magna esse momenta conscribunt. Nam staturæ proceritatem, latitudinem pectoris, membrorum agilitatem plurimum spei dare, roboris & virtutis confirmant. D E. Ista Alfonse signa sunt hominis bellicis muneribus accommodati, & quidem nec vana, nec contemnenda. Nam quæ ciuitates rerum potitæ sunt, has ferè uti cælo temperato nemo ignorat. ut Athenas, ac Lacedæmonem in Græcia: & in Italia Romam, quæ omnium maxime longe lateque terrarum imperium tenuit. Item quorum virorum bellica virtus maxime nobilitata est, horum plerique & procero corpore, & lato pectore fuisse traduntur. ut Homero authore, cum alij proceres in bello Troiano, tum maxime Aeneas & Hector ex Troianis, ex Græcis Telamoni⁹ Ajax & Achilles: quales ex Romanorum principibus Iulius Cæsar, & Traianus Latinis historijs fuisse memorantur. A L F. His ego addam non vetera, nec aliena, sed meæ memoriæ meæque gentis exempla clarissimorum virorum, qui bellis Italicis claruere. Tales enim fuere Gonsalus Magnus, Iacobus Mendoza, Ioannes Urbinas, ac ut cæteros taceam, Iacobus Garfias cognomento Paredes. cui si corporis & animi robori, par ingenium & mentis valetudo contigisset, nemo sub Gonsalo Magno meruit stipendium (quanquam ex ea militia multi præstantissimi viri velut ex equo Troiano prodierunt) qui iustius hominum consensu tali imperatori successisset, nunc autem, ut audio, penè miles sequitur Carolum Cæsarem, ab ipso in militiam ex Hispania reuocatus, nec senex desinit magna documenta vigentis adhuc virtutis, cum admiratione omnium exhibere. D E. Opportunè tu quidem, & merito tales tantosque & duces & milites in exemplum attulisti, poteras & summos viros ex Italis, gentibusque alijs commemorare, quorum bellica virtus his quoque & bellis & temporibus enituit. Sed quanquam tales regiones & viri aptiores esse putentur ad bella gerenda, tamen extra illam etiā, de qua loquimur, quæque maxime probatur, locorum temperatūā, populos esse certū est, fortes simul, & in obeundis administrandisque bellicis muneribus prudentes. Carthagenenses enim tertio climate continentur. Astures & Cantabri sexto: constat tamē, minus nego.



nus negotij fuisse Romanis in cætero orbe subiugando, quã in his populis pacãdis, quippe à quib. multa maximaq; damna retulerũt, iniquis subinde fœderib. adacti, sæpe de summa rerum periclitãtes. & à Germanis videmus bella magno non solũ animo, sed etiã consilio geri. Nec secus de singulis hominibus censeo brevis staturæ, multos & esse & fuisse præstanti animi magnitudine, qualis Tydeus heroicis tẽporib. fuit, carmine quoq; Homericò celebratus. Et quoniam tibi exẽpla nostrę memorię placet, Bartholomæus Albanus, Petrus Pacius, Vgo Moncada, & ne singulos memorem, Fernandus Aualus, Marchio Piscarius, in quo duce præstanti magnã nuper iacturam fecit exercitus Cæsarianus. Non enim tauri robur, aut elephantis ad obeũda facinora desideratur, sed virtute animi res præclarę geruntur, adsint modo vires ingenuæ, quibus brevis staturæ homines pleriq; non destituũtur. Loquor aut de militarib<sup>9</sup> muneribus, quæ manu & armis obeũtur, non de officio imperatoris, quod nullas interdũ vires corporis requirere, ne longi<sup>9</sup> abieris, testis est hac ætate locupletissimus Antonius Leiva. quo duce tenui, ac nulla potius valetudine inclitas victorias in Cisalpina Gallia propter animi eius, & consilij magnitudinem, Hispanorum parua manus de multo maioribus copijs reportauit.

Cæterum aliud est de indole, & bellicosi viri signis, quæ à regione, & corporis habitudine sumuntur, aliud de virtute differere, qua censeatur bonus miles, quæ cum habitus quidem animi sit, non in spe quadam posita est, sed ex multis studiosis actionibus ingeneratur. Hanc ego quã demum esse putares interrogabam, tu de indicijs militaris animi respõdisti. A L. De virtute nemo dubitat. Nam quem fortẽ, & magnanimum putant, hunc bonũ militẽ & dicere omnes, & sentire solent. D E. Fortitudo igitur, & magnitudo animi est, qua bon<sup>9</sup> miles efficitur. A L. Haud dubie. D E. Qui negat ergo, bonum militem posse Christianorum legib. satisfacere, is fortitudinem, & magnitudinẽ animi à christiana religione dicit abhorrere. A L. Mihi quidẽ ita videtur, sed mallem te ista cũ Leopoldo disputare, ne ipse vel inepte respondendo retardem orationem tuam, vel bona causa videar ob insitiã cecidisse. Age igitur Leopoldo, iam tu pro utroq; responde. nõne tibi sic videtur? L E O. Qui potest nõ videri? cum priore dato, posterius sit necesse confiteri. D E M. O miseram igitur conditionem Christianorum, si quatenus religioni seruiunt, nullum est eis cum virtutibus commercium. L E. Commercium est vel maximũ cum iustitia, prudentia, liberalitate, continentia, & cæteris omnibus virtutibus, quæ homines inter ipsos beneuolentia quadam, & humanitate conciliant: fortitudinem verò, & magnitudinem animi, vt tumidiore scilicet, & intractabiliore virtutes refugiũt. D E. Qualia officia ducãtur à fortitudine, & magnanimitate postea (si videbitur) differemus, nunc aut positi sit, nec .n. arbitror inficiaberis, has & esse, & in



Ethi. 4.

Ethi. 6.

Lib. 1. Adher-  
sus. Peta.

Ethi. 6.

moralium virtutum numero à philosophis reponi, praesertim ab Aristotele, qui animi magnitudinem ceteris omnibus anteposit. L. E. Quid tū postea hoc enim nemo est, qui inficias eat. D. E. Philosophorum consensus est, & idem christianorum, sic omnes virtutes esse inter se cōnexas, & consociatas, ut una sublata, omnes tolli sit necesse, quam veterum philosophorum sententiam Hieronymus in primis, & Augustinus principes theologorum confirmarunt. quorum alterius ea verba sunt in Esaię expositione: *Omnes (inquit) vi tutes sibi coherent, ut qui una caret, omnibus careat:* alter in libro de Trinitate sic scriptum reliquit, *Virtutes ait, quę sunt in animo humano, quamvis alio & alio modo singulę intelligantur, nullo tamen modo separantur ab invicem.* Qua ratione igitur Christianis nec fortibus esse licet nec magno animo, eadem ceteras virtutes negatas eis esse, oportet confiteri. L. E. Scimus Democrates, ab eruditis sic solere de connexionē virtutum pronunciari, nec tamen ea vox, quam vim habeat ignoramus. Nemo enim hoc sentit, non posse esse quēquam liberalem, ut non sit idem fortitudine pręditus. Cum passim videre liceat quosdam multis benigne factis, virtutem quę liberalitas dicitur, esse consecutos: quibus tamen citra ipsorum vllam culpam nunquam vsu venit, ut pericula subirent, quibus adeundis fortitudo ingeneratur. Quę ratio eadem est in ceteris virtutibus. Non enim vel natura, vel nostra voluntate solum virtutes morum contingunt, sed assuetudine quadam officiorum ingignuntur. Ceterum quoniam qui rite, & ex pręceptis philosophiæ ipsarum aliquam colit, hoc est propter honestatem, & ut rationi pareat recte pręcipienti, huic persuasum, & insitum sit necesse est, nullo loco sibi ab officio esse discedendum, idcirco quas re nondū nactus est, sed electione tantum, ac voluntate pręcepit, eas nihilo secius habere dicitur, participatione videlicet, ut Hieronymus ait, nō proprietate. si quis enim non sic animatus est, ut quocunq; natura rectaq; ratio, virtutum optima magistra duxerit, eò sit haud inuitus secuturus, hic ad umbratam quandam virtutis imaginem ostentare potest, veram & expressam effigiem habere omnino nullam potest. Non enim honestatē is sequitur, & rationis pręcepta, in cuius animo hæc non idem ponderis habent, & ubique paria momenta. Ad hūc igitur modū philosophis placet indiscretas esse virtutes, & quoniam sunt in re agendis ratę quędā sententię (gręci axiomata dicunt) omnib. virtutibus communes, quę ad fringendam vñā virtutem cognita, ad ceteras accommodantur eodem modo, continenturq; prudentia, sine qua nulla morū virtus consistit, & quę vñā si adsit, omnes simul adesse Aristoteles est author. At vñā virtutem non quidem omnibus suis numeris absolutam, sed tamen iam adultā per se posse consistere, ceteris adhuc in illis quasi seminibus residentibus negare, nec rationi congruit, & vsui manifestarum rerum aduersatur. Non igitur Christianis, si fortis, & magni animi officia negligit, ut pręceptis seruiat



seruiat religionis, protinus aliarum virtutum inops & expertus videri debet.

D. E. Rectè tu quidem L. opolde, philosophorum sententiam de con-  
nexionem virtutum explicasti, sed videne forte eisdem etiam nunc an-  
gustijs vrgeamur. Cur enim Christianus ceteras virtutes colit? nonne  
propter honestatem ipsarum, ac vt imperio rectæ rationis obtempe-  
ret? L. E. Non ob id tantum, sed multo etiam magis, vt Dei longè graui-  
oribus præceptis obsequatur. Cuncta enim Christianorum officia in De-  
um debent quasi in summum bonum, atq; vltimum finem contendere.

D. E. An id proprium esse putas Christianæ doctrinæ, vt virtutes referat  
ad vltimum finem? quis hoc non facit philosophorum? quibus summa  
dissensio est de finibus bonorum & malorum, de his enim qui dissenti-  
unt, eos in tota philosophia dissentire, idcirco necesse est, quoniam cū-  
cta præcepta, omniaque officia debent extremum finem, quasi scopum  
intueri. Contra verò quibus de summo bono conuenit, horum discipli-  
na parum potest in tradendis officijs, hoc est morum præceptis discre-  
pare. Quo fit, vt Christianorum præcepta, quæ mores attingunt, aut ni-  
hil, aut minimum differat à dogmatis Peripateticorum, quemadmodum  
heri differebamus. Nam idem propemodum est vtrisque summum bo-  
num, eadem proposita felicitas. vt enim Peripatetici, sic & Christiani  
felicitatem sibi in summæ virtutis vsu erga rem perfectissimam statu-  
unt. summam autem virtutem, & rem perfectissimam intellectum, &  
Deum (vt necesse est) interpretantur, vt in contemplatione Dei felicitatem  
esse positam, dogma sit vtrisque commune, nisi quod Peripatetici  
naturam ducem, eiudemque tenue, ac subobscurum lumen sequentes,  
& confusam quandam, ac subobicuram huius rei cognitionem nacti vt  
solent *inuisibilia Dei à creatura mundi, per ea, quæ facta sunt intellecta conspici*, satis  
habebant, seque felices fore arbitrabantur, si modo Deū sibi, vel in æ-  
nigmate, & quasi speculo videre, ac contemplari contigisset. Christiani  
autem beneficio religionis, ac summa præsentis Dei in humana for-  
ma benignitate, & oraculis edocti, clarissimoque lumine collustrati:  
quoniam in longè maiorem, clarioremq; notitiam rerum diuinarum  
prouecti sunt: in vitæ mortalis peregrinatione felicitatem nullam a-  
gnoscent, exclamante Paulo: *si in hac vita tantum in Christo sperantes simus: mi-*  
*serabiles sumus omnibus hominibus*, sed eos tantum felices, ac verè beatos &  
credunt & vocant, qui coram præsentem Deum intuentur in patria, sic  
enim ipsi beatorum vitam alteram appellant, & ipsum vident sicuti est.  
Quanquam enim felicitatem illam, quam iustis, & sapientibus homi-  
nibus philosophi tribuunt, non aspernentur, & beatos appellent, qui-  
cunque virtutum aliarum muneribus funguntur, eos tamen non re fe-  
lices putant, sed spe futuræ beatitudinis. *Beati mundo corde dixit Chri-*  
*stus, sed quomodo beati? quoniam inquit, ipsi Deum videbunt: & beati pacifici,*

Ad Rom. 1.

I. ad Cor. 13.

Matth 5.



quoniam filij Dei vocabuntur. Vides quàm valde Peripateticorum ratio cum Christianorum doctrina in moribus dirigendis conueniat? Vtrifq; Deum contemplari summum bonum esse placet, vtrique virtutis via ad felicitatem gradiuntur. Quibus illud itidem est commune, vt non solum virtutes, sed omnia facta & cogitata, res denique omnes, quæ in actionem humanam cadunt, ad extremum finem referri dicant oportere.

1. ad Cor. 10. re. Nam vt clamat Paulus, *Sive manducatis, sive bibitis, vel aliud quid facitis, 1. & 10. Eth. omnia in gloriam Dei facite.* sic Aristoteles, *Omnia, inquit, sunt propter felicitatem appetenda* quod cum ita sit, aliqua nimirum esse debet prærogatiua virtutum, præter vltimi finis respectum: aliquid insigne, quo præstent,

& à cæteris humanis actionibus discernantur: de quo nisi conuenerit inter nos, de militaribus virtutibus, & ipsarum cum alijs conuenientia, vel dissensione disputâtes, in incerto necesse est vagetur oratio nostra, nec de his licebit nobis quidquam certi definire. L E. Cõsiliū laudo, & hoc in primis statuendum censeo. D E. Responde igitur ad interrogata, sublato finis vltimi respectu, qui communis est (vt docuim⁹) cunctis actionibus humanis, quid tandem est præcipuū in virtutib. quo à cæteris reb. discernatur? An quia (quemadmodum idē Aristoteles testatur) etiam si nihil esset præterea, quo virtutes referrentur, ipsæ tamē per se, propter suamq; honestatē essent expetendæ? L E. Sic videtur. D E.

Ratio igitur interna colendi expetendiq; virtutes posita est in ipsarum honestate, qua sublata, perit virtutis & nomen & natura. L E. Meo quidem iudicio. D E. Qui honestatem ergo contēnit in vna neglecto rectæ rationis imperio, a quo viro studioso nunquam est discedendum, is eādem in cæteris virtutibus nōne videbitur eodē modo aspernaturus?

L E. Videbitur omnino. D E. At Christianus, si te audiet, in fortitudine, ac animi magnitudine honestatem spernet: per te igitur eadē ratione aspernabitur in omnibus. ita fraudatus vna. cunctis virtutibus spoliabitur. si enim cui insitum est, honestatē ubiq; sequi, & imperio parere rectæ rationis, is omnes virtutes habere putatur: qui honestatem vno in loco, ac propterea ubiq; negligit, & rectæ rationis imperiū, in hoc quis tandem locus potest virtuti cuiuspiam esse relictus? Nisi fortē tam cæci sumus, & pertinaces, vt non simus recusaturi, quo minus cum fortitudine magnitudinem quoq; animi, quæ summa maximaq; officia in omni virtute persequitur, longē à virtutum choro submoueamus, reclamantibus non modo philosophis, sed theologis etiam religiosissimis: quorum nemo est hactenus repertus, qui has vel esse virtutes inficiaretur, vel à Christianorum consortio submoueret. scilicet quia nemo ignorat, complures hoc nomine in sacris literis commendari. Scribo, inquit

1. Ioan. 2.

Ad Hebr. 2.

Cap. 6.

Ioannes, *vobis adolescentes, quoniam fortes estis: & Paulus, Per fidem ait, fortes facti sunt in bello. & ne singulos persequar, de Stephano legimus in actis Apostolorum, quod plenus gratia & fortitudine faciebat prodigia, & signa magna in populo.*



*populo.* L E. Non ego Democrates fortitudinem ac magnanimitatem virtutes esse nego, neque quod eas dixerim à Christianis institutis abhor-  
rere, velim sic mea verba interpreteris, quasi nullam nobis societatem  
cum illis virtutibus relinquam, non istuc valet oratio mea, sed vt intel-  
ligatur alia ratione fortes, & magnanimos à Christianis, alia cæteris  
gentib. ac philosophis & probari, & definiri. *Iustorum*, inquit Gregori<sup>9</sup>, *6. Mora.*  
*fortitudo est, carnem vincere, proprijs voluptatibus contraire, delectationem vite præ-*  
*sentis extinguere.* philosophi virtutem hanc in bellicis maximè periculis  
cerni atq; versari docent, nec secus de magnitudine animi, quæ appeti-  
tum honoris & gloriæ moderatur, videntur mihi dissentire. philoso-  
phi enim de honore & gloria differunt, quæ ab hominibus contingit:  
Christianis *gloriar* non licet, *nisi in cruce domini nostri Iesu Christi.* Nam qui *glo-* *Ad Gal. 6.*  
*riatur* (idem Paulus ait) *in domino gloriatur*, à quo gloria, & honor, & p. x omni *1. ad Cor. 1.*  
*operanti bonum* citra delectum personarum. *Ad Rom. 2.*

Non igitur probō istam rationem disputandi, vt cum agitur de legi-  
bus ac institutis Christianis, & quæstio est sacrarum literarum testimo-  
nijs dijudicanda. tu locum vrgeas decretis philosophorum, Aristotelis  
passim, tanquam Pauli nomen inculcando. Cui philosopho tantum tri-  
buis in omni sermone, vt dicta eius nō hominis cuiusdam decreta ef-  
se, sed Dei alicuius oracula, cui refragari nefas sit, statuere videaris: &  
quod maximè indignum est homine Christiano, præcepta quoque re-  
ligionis nostræ conaris ad Aristotelis normam dirigere: cuius tamen  
doctrinam constat cum plerisque articulorum, quibus quasi fundamen-  
tis nostra fides religioque nititur, pugnare. Hoc est illud, quod multi-  
am ferre non possunt in Aquinate Thoma, viro alioquin egregiæ do-  
ctrinæ & sanctitatis, qui Christianum vbiq; nititur Aristotelem effi-  
cere, Christianas leges Peripateticorum dogmatis confirmans, præter-  
more & sententiam veterum rheologorum: ex quibus Hieronymus cla-  
manti cuidam, ignoras hanc philosophorum esse sententiam? respōdit:  
*sed non apostolorum.* Neq; enim (inquit) *mibi curæ est quid Aristoteles, sed quid Paulus*  
*doceat.* & alio in loco, pūchrè philosophos à quibusdam Patriarchas  
hæreticorum appellatos asseuerat, qui Ecclesiæ puritatem peruersa do-  
ctrina maculauerint. Sed quid ego Hieronymi sententiam dicta que  
memoro? cum Paulus ipse nos hortetur moneatque, ne temerè philo-  
sophorum decretis assentiamus: *videtè* inquit, *ne quis vos decipiat per philoso-* *Ad col. 2.*  
*phiam, & inanem fallaciam:* & *Maras* clamet, *perdam sapientiam sapientum, & pru-* *Esa. 29.*  
*dentiam prudentium reprobabo.* Vnde idem Paulus *sapientia* (inquit) *huius mundi,* *1. ad Cor. 3.*  
*stultitia est apud Deum:* quod est haud dubiè de philosophis dictum: *qui di-* *Rom. 1.*  
*centes se esse sapientes, stulti facti sunt.*

D E. Inuitus facio, vt à quæstione initio nobis proposita digrediar: sed  
quoniam tu me quasi de via ad impedita diuerticula detrudis, quæ nisi  
expedian-



expediantur, difficillima sit futura ratio de virtutibus disputandi, reiecta  
 parte philosophorum autoritate: quid hac in parte verissimum esse  
 putemus, iam paucis explicabo. Pronunciata illa Leopoldo, quæ articulos  
 fidei propterea nuncupamus, quod his velut artibus fidei Catholicæ  
 membra distincta, in corpus vnum constringantur, non modo sensum  
 nostrum excedunt, sed captum etiam, & intelligentiam humanæ men-  
 tis. Quo factum est, ut neque indagari potuerint cuiuspiam hominis in-  
 genio, nec humano intellectu inuestigari, ad summam nullaratione a-  
 lia, in aliquam mortalium notitiam, quam diuinis oraculis peruenire.  
 Quamobrem qui quorundam articulorum ut altissimam, sic mortalibus  
 inaccessam, & soli Deo exploratam veritatem, volunt ratione naturali  
 metiri, ac ipsorum mysteria, ad dogmata philosophorum reuocare, ho-  
 rum stulta sapientia est, & prudentia non probanda: hanc philosophiā  
 Hieronymus contemnit, hanc damnat ubique Paulus, hanc vocat huius  
 mundi sapientiam, stultam videlicet, & veritatis inanem. In his enim  
 rebus, quæ rationem naturalem excedunt, non est liberè cæca mentis  
 agitatione vagandum, sed intellectum oportet *in captiuitatem redigere in*  
*obsequium Christi* eius doctrine, & sacrarum literarum testimonijs, quem-  
 admodum cæteris in rebus fidem adhibentes, sic in his etiam incunctā-  
 ter, ad quas intenta acies ingenij nostri caligat, quæque normam exclu-  
 dunt humanarum doctrinarum. Cum verò de moribus agitur, deq; vir-  
 tutibus, & contrarijs rebus differitur, prima est scripturæ sacræ, proxi-  
 ma tamen philosophorum autoritas, non quidem omnium, sed maxi-  
 mè probatorum: quales Platonici sunt, & Peripatetici, qui summum  
 bonum virtutis actione metiuntur. Licet Augustinus Platone in cæteris  
 omnibus anteponat, quia non solum rectè sentit de bonorum & malo-  
 rum finibus, sed etiam mundo tribuit initium, à quo asserit ipsum Ari-  
 stoteles, & humanos animos ab interitu, & mortalitate fortiter & per-  
 spicue vendicat, in quo ille alter balbutire nutasseque videtur, modo  
 huc, modo illuc inclinans, prout rationibus à sensu ductis impelleba-  
 tur. sed quanquam Platone idem Augustinus verissimè tradat proxi-  
 mè omnium philosophorum ad Christianos accedere propter aliqua,  
 quæ non tam ratione naturali inuestigasse, quam in Aegyptiaca pere-  
 grinatione ex sacris Hebræorum libris sumpsisse creditur, tamen poste-  
 riores tum philosophi, tum theologi, ut suprà testatus sum, nō dubita-  
 uere principatum Aristoteli in omni philosophia dare, siue quærat  
 de natura earum rerum, quarum cognitio parari potest ratione natura-  
 li, siue de moribus, & recte viuendi præceptis differatur: cum propter  
 diuinum eius ingenium, & incredibilem doctrinam mirabili solertia  
 ab eo multis libris explicatam, tum vel maximè quoniam Socrates &  
 Plato, qui poterant in contentionem venire, nihil tam certum esse rati,  
 quod non posset in diuersum paribus penè rationum momentis incli-  
 nari,

1. ad Cor. 10.

In li. de reli.

De ciuit. Dei  
lib. 8 c. 9.



nari, omnia propemodum in medio reliquere, in vtramque partem disputantes. Aristoteles autem ut arbiter honorarius à natura datus, tam scienter diremit priorum philosophorum controuersias, tamque prudenter statuit de vi rerum naturalium, & bene ac beate viuendi ratione, ut eius dicta, non præcepta philosophi, sed naturæ leges, atque decreta rectæ rationis esse, doctorum fere consensu videntur.

Neque enim alios video (pace tua Leopoldo dixerim) nimis ut ipsi garriunt, authoritati philosophi huius obinurmurare, nisi eos, quibus ille paulo notior est, quam Empedocles, aut Anaxagoras, quos olim fuisse nobiles philosophos audierunt. Quales sunt hoc tempore impietatis Lutharanæ magistri, qui omnis philosophiæ, ac theologiæ reconditoris expertes, inani quadam garrulitate, quam solam græcarum latinarumque literarum studio sunt consecuti, intumescunt de maximis viris, quos vix de facie (ut dicitur) nouerunt: stultè & arrogatissimè iudicant: Aristotelem ut profanum & ab omni parte religionis auersum reiicientes, & cum aliis scholasticis theologos damnantes, ut valde Peripateticos, tum in primis Thomam Aquinatè: cui (me iudice) si rerum diuinarum & humanarum scientiæ par facultas orationis contigisset ad ea disponenda & illustranda, quæ summo ingenio & incredibili doctrina fuerat consecutus: erat fortasse aliquis ex veteribus Theologis, qui cum ipso conferri posset: quem autem anteferremus eidem, haberemus certè neminem. Quoniam igitur isti nugari paulo ornatiùs didicere, idcirco his neglectis, veteribus illis Hieronymo & Augustino, aut ex græcis Origeni vel Clementi se similes esse, ac (si placet Deo) pares etiam videri volunt: quos non modo eloquentia, & altissima cognitione præstitisse constat sacrarum literarum, sed etià in studio philosophiæ multum ætatis consumpsisse. Quis enim, qui modo præstans illud Augustini opus legerit de ciuitate Dei, potest ipsum Platonis fuisse studiosissimum ignorare? Nam Hieronymum (quem tu mihi paulo ante obieciebas) cum alijs philosophis græcè & latinè multam operam præbuisse, tum in primis Aristoteli, & eius græcè enarratori Alexandro, non solum Rufinus Aquilegiensis testatur, sed ipse quoque de se non vno loco proficitur: nec illud tacet, se Aristotelicos Alexandri commentarios è græco in latinum vertisse, nisi vertere dicit frequenter lectitare. Quid, ut ad Græcos trāseam? Aristidē, quid Iustinum Christianos philosophos commemorē? quorum ille Adriano principi apologeticum pro Christianis librum misit, sententijs philosophorum conflatum, hic Antonino Pio doctissimum contra gentes volumen ex media philosophia deproutum. Nam Clementē presbyterum Ecclesiæ Alexandrinæ omnium, ut Hieronymus testatur, eruditissimum multosque libros conscripsisse certum est, altissima doctrina refertos, quam hauserat magna ex parte ex fontibus philosophorum. Quem æmulatus

Epist. 43.

Ad magnam  
oratore  
verbum Ro-  
mae.

Aaa

Origenes



Origenes eius auditor, decem stromatum scripsit libros omnem religionis nostrae doctrinam dogmatis philosophorum confirmans. Non igitur recentiorum Theologorum (quos scholasticos appellant) inuentum est, decretis uti philosophorum: idem veteres summa authoritate & grauitate viri factitarunt, non modo ad Christianorum mores instituendos (in quo vel plurimum valet quid naturae aptum sit, quid diuersum dignoscere) sed etiam dum aliqua tractarent, quae pertinerent ad fundamenta Christianae fidei, & possent ex parte ingenijs hominum, & natura duce inuestigari: ut de natura Dei, de virtute eius & simplicitate, de infinita tum potestate tum etiam scientia, de rerum omnium supernarum & infernarum procuracione atque iustitia, & siquid aliud de Deo per ea quae facta sunt cōspicit humanus intellectus, cui sic indagati *sempiterna* quoque Dei virtus & diuinitas (ut Paulus testatur) innotescit. Sed quoniam infinito rerum diuinarum splendore perstringitur, caligatque acies humanae mentis, non secus ac vespertilionum oculi (ut ait Aristoteles) ad lumen solis, idcirco hac in parte ponderis haud multum habet authoritas philosophorum. Nec admodum ea utendum est Christianis, praeterquam in eos qui sibi familiarium & probatorum hominum testimonijs adducendi sunt, ut ex quibusdam vel demonstratis, vel persuasis rebus, ceteris (quarum est fides difficilior) assentiri paulatim assuescant. Cum autem de moribus agitur, quos ita demum optimè institui ac honestissimè putamus, si ad naturae regulam adformentur, tunc prudentium & doctissimorum virorum, quos philosophos appellamus, authoritas non modo aspernanda non est, sed plurimum debet habere ponderis ad controuersias, quae incidunt de virtutibus & vitijs dijudicandas. Philosophi enim munus id maxime proprium est, quid ad seisciat natura, quid vicissim aspernetur commodè ac scienter explicare. In quo praestando quoniam doctorum hominum consensu primae (ut video) Aristoteli suo iure referuntur, cum huius nomen usurpo, non id debes Leopoldi vel suspectum habere, vel inuidiosum, sed putare potius, tunc me quasi naturae legem, cuius ille optimus fuit interpres allegare.

*Ad Rom. 1.*

*Metaphys. 2.*

*In lib. de motu animalium.*

L. E. Scitè tu quidem, & per commodè reminter Christianos & philosophos cōpoluisse in vniuersum videri poteras, ceterum sermones de toto genere habitos veros non putat idem tuus Aristoteles, nisi cōgruant in partibus, & singulis rebus accommodentur. Redeamus igitur unde digressi sumus, & iam doce, si potes, de fortitudine, cuius pars à quibusdā magnanimitas esse dicitur, Christianos ipsam suo quodammodo definientes, à philosophis non dissentire. D. E. Tergiversari istud quidem est, non causam ratione defendere. Ceterum res est in expedito. Non enim quaerimus de fortitudinis, ac magnanimitatis definitione, quā qui aliam asserunt, hos aliam quoque rem sentire necesse est, cum rei vnius vna

duntaxat



duntaxat sit definitio. Sed de habitu animi, qui timores & audacias in periculis præsertim capitalibus ratione moderatur, qui cum sit perspicue virtus, vt indicat virtutis definitio, si à Christianis institutis abhor-  
 rere statuatur, quæ ratio hanc excludit à Christianorum consuetudine, eadem siquid superiore disputatione confectum est, ceteras omnes virtutes submouebit: eodemq; modo de magnitudine animi iudico, quæ temperat magnorum honorum appetentias. Erras igitur, & quidē toto (vt dicitur) cælo Leopoldæ, si puras, Christianam philosophiam has virtutes repudiare, vel in ipsarum definitionibus à peripateticis dissidere Christianos, qui in sanctis martyribus præter virtutes theologicas dictas, nil eque vel admirantur vel laudant ac fortitudinem, & ingens inuictissimorum animorum robur: qui ne à fidei veritate, & pio religionis cultu discederent, cruciatus ac mortem subire nec metuerunt nec recusarunt. vnde martyres cum ab alijs tunc in primis à sanctissimis, doctissimisq; viris Maximo & Cypriano milites fortissimi nuncupantur. Nam quod Gregorius ait: *fortitudinem esse carnem vincere, ac proprijs voluptatibus obsistere, & extinguere huius vitæ delectationem*, abusus in eo est fortitudinis vocabulo. Animi enim constantiam, quæ latissimè patet, serpitque ad omne genus officij, alieno nomine fortitudinem appellauit. propterea quod ex omnibus virtutibus firmitas animi in hac potissimum elucescat. Quod mihi videtur Gregorius, ne nouum inuētum esse putes, vt pleraque alia in quæstione morum à Cicerone mutuatus. Cuius ea verba sunt in primo de officijs volumine: *Omnino fortis animus & magnus, duabus rebus maxime cernitur: quarum vna in rerum externarum despicientia ponitur, cum persuasum sit, nihil homini nisi quod honestum decorumq; sit, aut optare, aut expetere oportere: nulli neque homini, neque perturbationi, neque fortune succumbere.* Quam deinde partem ita persequitur Cicero, vt eum dicas non de vna quadam parte, sed de toto genere virtutis differere.

¶ Nam quod pertinet ad gloriā humanā, de cuius despicientia Christiani multa præcipiunt, si rem altius & diligentius inspicias, eadē profecto reperiās, aut quam minimum discrepantia præcepta philosophorū, cum de magnitudine animi differunt, quæ appetitum gloriæ, ac honorum moderatur. Nefas enim puto, eo nomine Christianorum disciplinam infamare, vt quicquam in moribus natura honestum, iustumq; viderit aliorum hominum solertia, quod ipsi non perspiciant, aut perspectum per stultitiam, aut superstitionem repellant. Maneat igitur, constitutumq; sit, theologis etiam consentientib. Christianos in tractandis morū virtutibus, & vitijs, quæ ratione naturali dijudicantur, à Peripateticis non dissidere, crimen vtrisque existimantibus in vita, ab statu naturæ rectæque ratione discedere. L. E. Sit ita sanè, & iā ad reliqua pergamus. A. L. Audite vero Democrates, & Leopoldæ, ego si me hodie-



na disputatione vestra delectatum esse negem, sanè mentiar: nam de natura virtutum? deq; ipsarum & confociatione & distinctione, tū de summo bono, ac philosophorum autoritate, & Aristotelis præstantia, deq; Peripateticorum cū Christianis in morum virtutumq; doctrina cōuenientia, multa scite, vt mihi videntur, & copiosè sunt à vobis disputata. Sed quod mihi à vobis expèdiri maximè cupiebam, id hætenus penè intactum reliquistis, quomodo inuicta vis animi, quocunq; nomine virtutis licet eam appellare, quæ in milite probatur, cum iniurias constantissimè persequitur, aut gloriam bellicam auidissimè consecratur, à Christiana religione non dissentiat, hac enim virtute per religionem Christianā repudiata, efficitur planè, vt bon⁹ miles esse nemo possit, & idē bonus Christianus, quod erat caput institutæ disputationis, & proinde vobis tā longè producto sermone non negligendum. D E. Quasi verò quæ hætenus dicta sunt, ad hanc rem non maximè pertineant, cum declaratum sit, multisq; rationibus effectum, nullam esse omnino virtutem, quam religio Christiana non amplectatur. Sic igitur existimare debes Alfonse, nihil neque in re militari, neque in aliqua vitæ parte, à Christiana doctrina repudiari, quod virtutis nomine censeatur, nihil quod non sit etiam philosophorum, non modo religiosorum iudicio vitiosum.

¶ A L. Iniuriam igitur persequi, & hostes pertinaciter vlcisci, auidiusq; gloriam appetere vitiosum putas? D E. Ego verò certū habeo, sic enim iudicant viri sapientes. A L. At non viri fortes, quorum famæ & gloriæ prima est, & maxima cura. Quis enim mediocris miles iniuria paulo grauiore lacessitus, non vitam putat sibi esse peracerbam, quam diu nō datur inimicum pœnis meritis vlcisci? Itaq; multos videas, desperata vendictæ tutioris occasione, vel iræ ac moræ impatientes, ad certamen singulare suum quemque inimicum prouocare, vt eo vel sublato, vel impulso ad deditionem, gloria deleant ignominiam: aut si fortuna tulerit, fortiter occumbendo doceant, sese turpitudini ac dedecori longe mortem anteferre. Nec alios videas ore pleniorē à plerisque omnibus laudari, quam qui inimicorum superbam petulantiam ad hunc modum represserunt: quod vtique non fieret, si iniurias aut inimicos vlcisci haberetur vitiosum. D E. Si sic statuis Alfonse, nunquā hominum vitijs approbationes, & plausus imperitæ multitudinis, sed virtutibus semper excitari, legem inducis, in vitam mortalium omni peste, mihi crede perniciosiorem. Quod enim venenū vel ad veritatis splendorem obfuscandum, vel ad deturpandam morum honestatem tetrius excogitari possit, quam si fuerit hominibus persuasum, vt spreto iudicio sapientium prauas stultorum opiniones, & vulgi errores consecrarentur? A L. Non ego vel opificum sententiæ, vel agricolarum iudicio statum esse dico, cum de virtute militari disputatur, sed de fortitudine &



titudine & magnitudine animi fortes viros, & magnanimos optime iudicare certum habeo. D E. Recte tu quidē existimas, modo virtutes has à prudentia ne disiungas, quæ omnium virtutum est quasi magistra. Sed tu quos tandem fortes viros, & magnanimos appellas? A L. Haud equidem eos, qui ætatem in ocio, & umbra transegerunt, qui quæ tubam nunquam, nisi in ludorum spectaculis audierunt. D E. Philosophos mihi videris à fortium virorum consortio seiungere. A L. Non eos tantum, sed omnes etiam alios philosophorum similes, quibus nunquam, aut vix accidit hostē videre, aut in castris pernoctare. Non enim sine causa dictum Annibalis celebratur, qui ut est apud M. Tullium, cum Phormionem philosophum aliquot horas Ephesi de imperatoris officio, de quæ omni re militari ambitiose cum cæterorum admiratione differentem audisset, quæsitūq; fuisset ab eo, quidnā ipse de illo philosopho iudicaret, respondisse fertur, *multos se deliros senes sæpe vidisse, sed qui magis, quā Phormio deliraret, vidisse neminē.* Non tulit videlicet Annibal arrogantiam vetuli philosophi, qui cū castra ipse nunquā vidisset, tanto imperatori sustineret, de re militari præcepta dare. D E. Te igitur authore milites duntaxat fortes, & magnanimos viros appellabimus? & eos putabim⁹ optime omnium de his virtutibus iudicare? A L. Mihi quidem sic prius videtur. D E. Qui vero rebus urbanis obeundis robustum animum præstiterint, & tum publicas, tum etiam priuatas importunorum ciuium iniurias constanter repulerint, & Reipub. præsidentes impotentium audaciam nullo timore retardati cohibuerint, ne hos quidem per te nobis licebit fortes viros appellare? A L. Ego vero tales, tantosque viros fortes & magnanimos esse dico, & in numerum militum reponendos. Neque enim abhorret à militia, turbulentorum ciuium conatibus etiam sine armis obsistere, & nocentiū crimina meritis legitimisque poenis vindicare. D E. Quid philosophos? si qui virtutes has non solum scholis, & meditatione, sed rebus publicis administrandis, & bellicis muneribus obeundis coluere, qualis fuisse memoratur apud Athenienses Socrates in primis, à quo velut fonte doctrina morum emanauit, & Timotheus Iſocratis discipulus. Ex Romanis P. Africanus, L. Lucullus, & qui libros etiam de philosophia scripserunt Varro, Cicero, Brutus, & plerique alij, hos inquam metuemus propterea quod fuerint philosophi, fortibus viris aggregare? aut in causa fortitudinis, tanquam ineptos iudices reiciemus? iudicioque stabimus turbæ militaris quæ magna ex parte robustis quidem & ad pugnandum manu accommodatis, temerarijs tamen & hebetibus hominibus consistit? An hoc ponderis & autoritatis plus habere debet talium philosophorum sententia, quod ad rerum vsum, obseruandi diligentiam ingenij perspicacitatem, & doctrinæ cognitionem adhibuerunt? ut robustus agricola melius & fodiet, & arabit, quā vir consularis, aut senatorius delicatus: prudentius tamen de agricultu-

de orat. lib. 2



ra & singulis eius partibus edifferant, certioraq; praecepta dabunt Marcus Cato, Plinius secundus, vel Columella, & his etate superior Theophrastus, qui hanc philosophiae partem coluere, & elegantissimis libris sunt complexi, quam quivis rusticus arator, cuius pedes & manus colendo terram diuturnis laboribus obcalluerint.

¶ Vt enim ceterae disciplinae prudentium & ingeniosorum hominum diligenti variarum rerum observatione factae sunt, non aliter debes hominibus existimare morum philosophiam contigisse. Ars enim bene dicendi, quae facultas oratoria nominatur, ex multorum orationibus collecta est, qui natura fuerunt eloquentes, nemo enim tanta ingenij felicitate donatus est à natura, ut cum multa recte diceret, non interdum in aliquod orationis viciū laberetur, sed multorum praestantibus ingenijs collatis, quae magna ex parte natura ducuntur ad potiora facile fuit prudentibus hominibus virtutes sermonis atque vicia dijudicare. nec secus tum de virtutum aliarum, tum de fortitudinis & magnitudinis animi praeceptis accidisse putare convenit. Non enim quidquid unus, aut alter vir fortis, & magnanimus factitauerit, id pro lege & quasi regula habendum est, ut recte de his virtutibus statuatur, *[nam vitij nemo sine nascitur,]* ut inquit poeta. ceterum ex multorum talium virorum factis & consilijs eadem ratione facta est disciplina, qua de fortis & magni animi virtutibus, & contrarijs rebus optimae iudicetur: quam quia philosophi partim etiam observatione, & usu rerum, ut Socrates, & ceteri, qui bellicis quoque muneribus functi sunt, partim ratione, prudentiaque pepererunt & retinent, efficitur ut philosophorum prudentia, non vulgi militaris temeritate harum virtutum causa sit dijudicanda. Nam quod ais Phormionem ab Annibale contumeliose fuisse dimissum, quod de re militari, quam nunquam ipse expertus erat, coram se magno imperatore arroganter disputasset, poteram dictum Annibalis, & iure fortasse, nec sine bonis authoribus reiicere, ut inhumanum & plane barbarum: sed faciamus eum iuste senis damnassee levitatem, num eadem causa fuerit eius, qui artem quam ipse nunquam sit expertus, velit summum artificem edocere, quod fieri nisi stultissime non potest: & eorum, qui de virtutibus iudicant, quarum scientiam profitentur, ab ijs acceptam, qui eam, & usu rerum, & summis ingenijs pepererunt, & à quibus ipsi non abhorrent. Nam qui mortem perhorrescit, & res externas longe virtute inferiores pluris facit, quam pro ipsarum dignitate, is non re tantum sed etiam nomine philosophi indignus est, in quarum rerum despicientia fortitudo & magnitudo animi nitescit. A L. Quid igitur causa philosophi afferunt, cur iniurias persequi, gloriam expetere vitiosum putent, quando aperte nobis non licet ab ipsorum tribunali prouocare? quod mihi non magis rationibus, quam auctoritate tua persuasisti, cum te & strenuum militem, & virum eruditissimum tam magnifice videam

Horat. lib. 1.  
sat. 3.



deam de philosophis sentire. D E. Quid aliud esse causæ putas, nisi quòd id lōge abhorret ab ea, quā toties nominamus, magnitudine animi A L. Quid ais Democrates? nōne hoc inauditū est, & præter omniū hominū sententiam? D E. Imperitorū fortasse, & qui rerū veritatē vulgi errorib. metiuntur. Nā qui sapientiū philosophorum præcepta didicerit, & magnanimorum virorum facta & instituta meminerit, is multo secus existimabit. Ne temere igitur, aut arroganter causā sine authoribus, & testibus agere videamur, operæ pretium fuerit, si tibi videtur, quid maximi viri de fortitudine, ac magnitudine animi præceperint, paucis verbis explicare. A L. Mihi verò commodissimum videtur.

¶ D E. Ut summam igitur rei paulo altius repetamus, fortitudinem Alphonse & magnitudinē animi multi non duas virtutes esse putauerunt, sed vnā duntaxat duobus nominibus appellatam, quæ latissime pateat, pertineatq; non solū ad malorum perpersionem, & ad mortis propter honestatem oppetendæ contemptum, sed ad omnium rerum externarū despicientiam, quorum sententia neq; improbanda est, nec si rationis summam spectes, multum dissidet à Peripateticis: nos tamen sequemur Aristotelem, qui fortitudinē à magnanimitate distinguens, vtrinq; præcepta dat separatim, ac prudentissime, ut cætera, diligenterq; persequitur, hoc igitur autore fortitudinem intelligimus virtutem, audacias & timores in adeundis sustinendisq; honestatis gratia mortis periculis ratione moderantem. licet enim timor, & audacia latissime pateant (cuncta enim mala metuantur, ut paupertas, infamia, morbus) non tamen in harum rerum timoribus temperandis fortitudo cernitur: nam quædam mala timere non modo non turpe, sed honestum etiam habetur, infamiam namque metuere probitatis est & verecundiæ: non timere, vicissim impudentiæ, alia verò ut paupertas & morbus, timeri quidem non debent, nihil enim metuere oportet, quod non sit à culpa nostra profectum: qui tamen harum rerum timore non frangitur, hunc liberalem, & tolerantem, aut talem quendam non sine laude nuncupamus: fortē certe nec dicere solemus, nec sentire, præterquàm per translationem, & tolerantia similitudinem, fortis enim tolerantissimus est malorum, quæ crimine vacant, quorum quia mors est terribilissima, efficitur, ut qui in mortis honestæ periculis infractum, interritumque animum præbet, hic solus nomine suo vir fortis consuetudine consensuque prudentium hominum appelletur, est aut mors honesta, quæ propter honestatē & iustitiam oppetitur, ut in bellis iusta de causa susceptis, ubi virib. est locus, licetq; fortiter & viriliter agere. quanquā enim in morbo, aut naufragio, vel ruentib. fulminib. vir fortis non succumbit timori, (nā paulo vehementius non cōmoueri maius est humana similitate) in huius tamē generis mortib. talibusq; periculis fortitudinis splendor parū elucescit. Ac fortitudinē quæ talē quādā virtutē intelligim⁹ qua cognita  
haud



haud sanè fuerit difficile, de contrarijs vitijs constituere. quæ duplici genere excessus, & defectus, vt pleraque omnia, continentur. excedendo porro duobus omnino modis peccatur, aut enim confidendo quis in adeundis periculis exuperat, audaxque vocatur: aut sustinendis nihil timet, ne ea quidè, quæ vires humanas excedūt, vt terræ motus & maris tēpestates, & fulmina, quod vitiū neq; apud Græcos neq; apud latinos nomen inuenit, credo quia raro cadit in homines paulo modo humaniores: sed quia parū abesse vidētur à demētia, idcirco in quē cadit, hunc modo dementem, interdum appellare solemus stupidum. At qui infirmo animo est ad pericula subeunda, timidus is, atque ignauus appellatur, siue plus metuat, seu minus cōfidat, quàm oportet. sic enim dupliciter hoc quoque in extremo delinquitur. In quibus omnibus discernendis, vna est certissima regula à sapientibus tradita, & à nobis tenenda, diligēterque adh. b. enda, vt qui in ijs quæ supra diximus, mortis periculis sustinet atque audet, aut vicissim metuit quæ & gratia cuius oportet, & quemadmodum oportet, & quo tempore, quarum rerum iudicium est à prudentia petendum, hunc fortiter facere dicamus: cui autem horum quidquam abest, eum in alterutro vitio esse putemus. Hæc est enim natura virtutis, vt nisi teneat omnes suas partes, statim sit honestatis nomen amissura. sed ratio finis plurimum habet & virium, & autoritatis in re. b. agendis, vt efficiens causa in operibus naturæ, cum vtrunque sit suo modo principium, quod principium veteri græcorum prouerbio, dimidium totius esse dicitur. finis autem cuiusque virtutis proximus, est ipsius honestas.

*Eth. I. &  
Dionisi de  
diui. no cap.  
4.*

*Arist. 1. eth.*

¶ Sublato igitur honestatis respectu, tota corrui substantia fortitudinis, licet interdum species quædam cōmentitia relinquatur, quod quinque modis accidere notauit Aristoteles: quidam enim facta virorum fortium imitantes, honores duntaxat, & gloriam sequūtur, aut increpationes fugiunt, & ignominiam, quæ ciuilis fortitudo nuncupatur, quæque idcirco proxime ad veram fortitudinem accedere dicitur, quoniam qui gloriam sequitur & honorem, quod est præmium virtutis maxime proprium, is virtutem ipsam & honestatem secutus esse videri potest. His quoque annumerantur, qui necessitate aut timore præsentis poenæ à magistratibus propositæ, bellorum pericula subeunt: hoc tamen prioribus deteriores, quod non pudore continētur in officio, sed metu, quo solent etiam mancipia contineri. Alij propter rei militaris scientiam, & armorum peritiam, cum non sint, fortes interdum esse videntur. quoniam specie vana periculorum quæ plerunque tyronibus in bello metum ob imperitiam incutiunt, ipsi minime deterrentur, vel quia vanitatem dignoscunt, cæteros fallentem, vel quoniam armorum vsu tutius hostem offēdere, seseque tutari valentes, quasi armati cum inermibus, vel athletæ exercitati cum infirmis, aut rudioribus pugnaturi sibi esse videntur.



videntur. quæ fortitudo militaris idcirco vocatur, quoniam mercenarii milites hac potissimum valent, qui cognito certo periculo primi sæpe fugam capeſſunt, ciuilibus copiis mortem turpi fugæ præferentibus. Ad hæc ira concitati multi pericula ſubeunt interriti, quos idcirco fortes interdum appellamus, quoniam & ipsis fortibus ira res videlicet impetuosiſſima vires, vt ait Homerus, ſubminiſtrat. quo fit, vt in concionibus militariſus, quibus acie inſtructa imperatores ad pugnam milites adhortari ſolent, illud vel in primis uſurpetur, ſiquid contumeliolè factum commemorari valet, quo militum animi poſſint ad indignationē concitari. intereſt tamen, quod fortes honeſtatem ſequuntur, ira ſpiritus ſuggerente, iſti ſtudio vindictæ agitante dolore præcipites in pericula feruntur, more ferarum, quæ niſi irritentur, etiam in ſyluis fugiunt potius hominem quam inuadant, ſed accepto vulnere in percuſſores irruunt nullo periculo aut timore retar data. Sed ne eorum quidē vera fortitudo putari debet, qui quod sæpe multosque vicerint, ea ſpe confirmati, res formidabiles confidenter aggrediuntur. fortes enim honeſtatis, quam sæpe dico, cauſa, res periculolas ſuſcipiunt, iſti ob alias cauſas, dum ſe ſuperiores eſſe confidunt, quod iſs ferè ſolet uſu venire, qui sæpe hoſtes non tam ſua virtute ſuperauerint, quam illorum ignauia, qui ex multis victorijs, quemadmodum ebrij ex multo vino magnos ſpiritus & fiduciam ſumunt. Nam hoſte mutato, ſi fortuna reſſare cœperit, perſpecto periculo vbi timor fiduciæ ſucceſſerit, non perſiſtunt: à quib. non multum abhorrent, qui propter periculorum ignorationem facta fortium virorum aliquatenus imitantur, hoc tamen deteriores, quod illi res periculolas, ſed quaſi explorata victoria prudentes aggrediuntur, quod habet aliquid dignitatis: hi verò dum putant nihil in re ſubefſe periculi, quod procul abeſt ab omni laude. Vnde factum eſt, vt quidam vtile fore exiſtimarent, militibus de quorum virtute dubitaretur, aut occultare pericula, aut verbis, quoad fieri poſſet extenuare. quorum error pernicioſus primum aperta ratione conuincitur: quoniam ad prouiſa pericula complures ſe cogitatione, meditationeque muniunt, qui repentinis deterrentur, in quibus inſita virtus & inueteratus habitus plurimum eluceſcit: deinde magnis exemplis, & ſummorum imperatorum autoritate refellitur, ac in primis Iulij Cæſaris, quem ſolitum eſſe conſtat, timentibus ſuis periculi magnitudinem, ac hoſtium numerum exaggerare: vt in Iubæ aduentus terribili expectatione conuocatis ad concionem militibus, ſcitore (inquit) paucis his diebus regem affuturum, cum decem legionibus, equitum triginta, leuis armaturæ centum millibus, elephanſque ccc.

¶ A L. O factu igitur difficile. Democrates, virum fortem inuenire, ſi in tot hominum generibus, nihil ſolidæ virtutis habetur, ſed inanis duntaxat ſpecies fortitudinis vicio cuidam obſtenta: nec tamen dubito,



quin ista verissime tradantur, non solum ob tanti philosophi auctoritatem, sed quia te differente, multa mihi exempla in mentē venerūt hominū mihi notissimorum, quæ cum ista doctrina valde mihi congruere videntur. Sed non oportet quenquam nominatim in invidiam vocare. Reliqua igitur oratione tua non mediocriter sum delectatus, sed illud mihi fuit submolestum, quod nostri ordinis, hoc est militarem fortitudinem ad inanem quandam virtutis speciem retulisti, oblitus fortasse, te militē esse, dum partes agis philosophorum. Ego enim sic statuo, aut nūllū omnino iure posse virum fortē appellari, aut hunc esse de militū ordine petendum. Nam si ut ceteræ virtutes, quod heri cū Leopoldo diserebas, sic fortitudo non inest à natura, sed consuetudine periculorū ingeneratur, quis pluribus quotidie, aut maioribus periculis exercetur, quàm miles? quis æstus, frigus, famem, sitim, vigiliaeque tolerando, pars tum corpori, tum etiam animo ad laboriosa discrimina subeunda callos obduxit? D. E. Nemo certe, neque vnquam ego committam, ut more quorundam iudicum stulte ambitiosorum, iniuste faciam in meos, ne iniuste fecisse videar, verā igitur fortitudinē in multis militib. & fuisse, & esse dico, nec aliter vnquam existimaui: sed neque in milites tantum fortitudinem cadere, ut quidam ipsorum leuissime iactant, & complures eorum videri magis, quàm esse tales certum habeo. Nec verò mirari debes, quòd nec facile, nec valde multis vera fortitudo contingat, nam virtus omnis in re difficili versatur, & cum ad vitium innumeris vijs aberretur, vna duntaxat via est, quæ ducit ad virtutem, & ea quidem, ut Hesiodus ait, longa, & ardua, asperisq̃ue difficultatibus impedita. Sed ratione fortitudinis explicata, parumper (si videtur) de magnitudine animi differamus, ut his virtutibus cognitis, quas optimo militi tribuimus, propositæ quæstioni finem aliquando faciamus.

¶ Intelligendum est igitur, ut pecunijs collocandis duplex virtus accommodatur, liberalitas, qua paruorum ac mediocrium sumptuum magnificentia, qua magnorum moderamentum & quasi mensura continetur, sic honorū appetentias duab. virtutibus temperari: quarum quæ in paruis honoribus aut mediocribus cernitur, vocabulo quidem, ut multi affectus animi vacat, sed interdum nomen ab extremis mutuatur: quorum alterum ambitio dicitur, cum parui honores plusquàm communiter solent, expetuntur: quòd est magnæ leuitatis, & qui hoc malo laborat ambitiosus: alterum nec græce nec latine nomen inuenit, sed qui hoc vitio deficit, ἀφιλότιμος dicitur à græcis, quasi negligens in honore, nam hoc quoque vitiosum est, ut sit necesse, medium ipsorum à virtute quadam possideri, qua qui præditus est, tunc ambitiosi vocabulum sumit, cum alterius extremi comparatione laudatur: tunc in honore negligentis, id est, τὸ ἀφιλότιμος, cum in ambitiosi invidiam cōmēdatur, extremis de medio innominato, quasi de regione nondū occupata de-

1 magn. mo  
n. 1.



ta decernentibus. quæ verò virtus magnorum honorum cupiditates moderatur, magnitudo animi & magnanimitas appellatur, magnanimus enim intelligitur, qui ut est, sic magnis atque adeo maximis rebus sibi dignus esse videtur. quo fit, ut magnitudine quidem extremus sit magnanimus, ratione verò medius, non enim plus, nec rursus minus appetit, quàm pro ipsius dignitate, quæ cum maxima sit, rebus maximis est muneranda. quo in genere in primis est honor, quem bonorum externorum maximum esse declarat religiosorum, ac prudentium hominum vetustissima consuetudo, Deum immortalem honorandi, & hac potissimum ratione colendi, atque honore præclara facinora munerandi, summis viris id præmium omnium maxime cupientibus. hinc enim statuarum usus emanavit, quas primi mortaliū Athenienses Harmodio & Aristogitoni tyrannicidis publice posuisse creduntur. hinc coronarum multa genera, ciuicæ, murales, vallares, & obsidionales nuncupatæ, quibus Romani donabatur, si quis ciuem seruasset, murū primus aut vallū conscendisset, obsidionem uē a suis depulisset, hinc deniq; triumphus natus est, qui Romanis eisdem immortalitatis instar erat. ne Carthaginēsiū, tuorumq; Hispanorum Alfonse morem vetustissimum referam. quorum illi, ut testatur Aristoteles, tot annulorum ornatum cuiq; permittebant, quot expeditionibus miles interfuisset: Hispani verò tot obeliscos circa sepulturam erigere, quot quisq; hostes in bello sustulisset, cum igitur honor in rebus externis haud dubie principatum teneat, efficitur, ut magnanimus honore & quidem magno sit dignus, & eo sese dignum existimet, utque in hoc sibi sumendo maxime cernatur.

Poli 7.

¶ Qua in re dupliciter, ut ferè assolet peccatur. quidam enim, cum honoribus digni sint, ipsi tamen sibi tales esse non videntur, & oblatos non admittunt, tanquàm sua dignitate superiores, pusillanimitate nūcupati: quod nomen licet pateat latius, ad omnesq; pertineat, qui se minoris faciāt, quàm sint, siue parua mereantur, siue magni: ijs tamen propriè tribuitur, qui magnam suam dignitatem non agnoscunt: quo vitio spes infrigitur res præclaras efficiendi, & industria languescit. Alij sunt in cōtrario vicio, seque magnis honoribus cum sint indigni, dignos tamen arbitrantur, qui græce quidem *ἄνομοι*, latine verò nisi fallor, arrogantes, & iidem superbi nūcupantur, non multum à stolidis abhorrentes. Nā ignoratione sui res magnas aggrediūtur irrita opera, & interdū laudem petūt, vnde ferūt etiā vituperiū, optime namq; præcipitur, ut qui ad rem gerendā accedit, caueat, ne id modo cōsideret, quā sit illa res honesta, sed etiā ut habeat efficiendi facultatē, itaq; arrogantes vestitū quoq; vultū, gestum, cæterumq; corporis ornatum studiose quærunt, atq; cōponunt, & quidquid inest opis paucim ostētantes, de se quoq; multa iactat impertune, dū temere honorē hoc magis fugiētē insequūtur, quib. vitijs (scilicet) verius errores dicēdi sunt, nec enim his homines mali esse, sed aberrare



2. Corint. 6.

potius existimantur) inter se cōparatis. pulsi illanimitas magis vituperatur. Nā primū repellit, & tollit ea bona, in quib. magna sunt illustriū rerū gerendarū adiūmēta, deinde pigros homines cūctioresq; reddit ad praelara facinora, viciū vel in primis dānatū à Paulo. ab hoc enim nos in Corint. dehortatur, cū ait, *adiuantes exhortamur, ne in vacuū gratiā Dei recipiatis.* vna igitur, & pēbreuis cautio tradita est, qua cōmōde vtrunq; viciū euitabimus, si in eo genere, neq; temere desperabimus propter ignitiā, nec rursus nimis cōfidemus propter cupiditatem. Est igitur magnanimus, vt diximus, qui magnis rebus & dignus est, & se ipse dignatur. Nā qui parua meretur, & paruis sese dignum cēset, non caret is quidem virtute, sed quasi modestiē nomine laudabitur, non magnanimitatis, quē sine magnitudine non consistit, vt pulchritudo corporis nulla est sine proceritate, quanquā interdum in breui statura corporis habitudo mēbris veluti ad mensuram congruentib. commendetur. quo fit, vt sine cumulata omnis generis virtute magnanimus esse non possit. Nam cū honor pramiū sit virtutis maximē proprium, & quo quisq; melior est, hoc maiores honores mereatur, satis intelligitur, qui maximis honorib. est dignus, eū oportere in omni genere virtutis excellere, vt merito quidā à viris prudentibus rideantur, qui cū absint ab omni virtute, & sint monstra prauitatis, tamen ob generis nobilitatē, & opes, quibus ad magnas tenuiorū iniurias abutuntur, se in magnanimis viris, & honore dignissimis haberi volunt. quod eis accidit, dum timores imbecilliorū, & leuissimorum assentationes, sic interpretantur, vt eas putent ad suam laudem, & suorum meritorum testimonium pertinere. qui tunc se etiā atque etiam errare cum suo magno malo cognoscunt, cum eos cogit grauis aliquis casus, de se vera iudicia hominum experiri. honor enim virtutibus emerendus est, non vi aut timoribus extorquendus.

¶ Itaque non facile virum inuenias, qui iure magnanimus appellatur. A. L. Mihi verò factu difficillimū videtur, consideranti sic te de magnitudine animi differere, quasi nominis huius intellectus nō vna quādam, sed prorsus omnes virtutes contineantur: quēadmodū de iustitia video à nonnullis disputari, eius vocabulo virtutes omnes complectentibus. D. E. Non est ita. Alphonse, nec animi magnitudo eodē atq; iustitia modo in cæteris virtutibus spectatur. Nam cū sit duplex iustitia: altera quē proprie intelligitur, quæq; constans & perpetua voluntas ius suum cuique tribuens definitur, altera quæ legitima dicitur, patetq; latissime: in hac omnem virtutem idcirco intelligimus, quoniam sic iustum vocamus eum, qui nihil agit contra legum præscripta, quibus legibus omnium virtutum præcepta continentur, & contraria vicia vindicantur, vt si quis signa deferat in acie, quod timidi est, aut se polluat adulterio furtoque constringat, quod est contra temperantiā & liberalitatē. Itaq; quocunq; officio fugaris finib. id iustitiæ cōtinetur, vt legitima iustitia, hoc esse re



esse re intelligatur, quod virtus in vniversum, licet sit ratione diuersa, nimirum quatenus iustitia ad alterum refertur, bonumque publicum spectat, cum virtus simpliciter talis habitus intelligatur. Magnanimitatis longe alia ratio est. quanquam enim hæc choro virtutum omnium stipata esse debet, non tamen virtus omnis potest vt iustitia, sic magnanimitas appellari. Cæterum illud est præclarum huius virtutis, admirandumque munus, quod cæteras omnes reddit multo angustiores, cum maxima quæque & ardua officia in omni genere persequatur. exempli causa, fortitudinis est fortiter facere, magnanimitatis verò, id ipsum excellenter præstare, quale factum accepimus Horatij Coclitis Romani, qui cæteris etiam fortibus viris cedentibus, in ponte sublicio hostium aciem vnus tam diu sustinuit, donec à tergo pons interrumpere-  
tur. quo facto se armatus in Tyberim deiecit, ad suosque tranauit. Ad hunc itaque modum magnanimus, in virtute quaque magna semper spectat, quæ ratio ipsum à cæteris virtutibus secernit, species enim virtutem viciorumque vicissim finibus potissimum suis discernuntur. Sed quanquam animi magnitudo in honoribus, vt diximus, & rebus contrarijs veretur, magnanimus tamen honores etiam magnos, sibi à probis viris delatos non magni facit, sed ipsis moderate delectatur: intelligit enim maiora etiam præmia suis virtutibus deberi, cum virtus cumulata nullis honoribus possit pro dignitate munerari, sed boni consulit, quoniam maiora præstari nequeunt. eos enim honores, qui à vulgo ob res paruas tribuuntur, vt se indignos penitus contemnit, nec popularibus sinistris rumoribus, vel repulsis commouetur, virtutis & meritorum suorum conscientia aduersus leuitatem & iniustitiam hominum confirmatus. itaque Porcium Catonem repulsis, tanquam honoribus gaudere solitum Plinius secundus est autor. cum igitur præter virtutem nihil magni pendat, efficitur vt neque pericula fugiat propter timorem, nec iniuriam in alterum inferre inducat animum. Qui enim parua ducit, quæ cæteri demirantur, & in maximis rebus habent, cuius demum rei gratia hunc turpiter facere conueniet. licet autem in honoribus potissimum magnitudo animi cernatur, persequitur tamen omnes partes. vtriusque fortuna. ita quidquid in diuitias, aut potestates prospere aut secus acciderit, feret moderate, nec gestiet in his secundo fortunæ statu, nec frangetur aduerso: cum in honore, quod multo maius bonum est, constantem se atque superiorem exhibeat. diuitiæ nanque, & potestates ob honorem expetuntur. quo fit vt magnanimi contemptores esse videantur, cum neque opes, nec imperia, nec magistratus, ac ne ipsum quidem honorem magnifaciant. videtur tamen fortunæ fauore ipsa quoque magnanimitas augescere. pauperes enim, ac ignobiles à plerisque contemnuntur, & in his malis oppressa virtus manca interdum est ad officia fungenda. itaque nonnunquam vel frustra nititur instrumē-



Iuven. sat. 5.

Ouid. lib. 13.  
metam. f. 1.

tis destituta, vel ne conatur quidē, ne cum autoritas absit opera nequid-  
 quam suscipiatur. *plurima enim sunt, ut inquit poëta, quae non audent homines*  
*peritosa dicere lena* contra verò nobiles, & qui cum imperio sunt, ac opu-  
 lenti, honore digni existimantur ob excellentiam, quidquid enim bo-  
 no aliquo praestet, honoratius habetur. Itaq; talib. etiam bonis magna-  
 nimitas innalescit. Nam licet viris duntaxat probis honor iure debeat-  
 tur, idem tamen externis bonis à quibuidam exhibetur, ut dubium non  
 sit, quin virtus his cumulata tanto magis honore digna censeatur. At si-  
 ne virtute nulla neque nobilitas, nec opulentia magnitudinem animi  
 praestabit, nec rebus magnis dignū quēquam efficiet. talis enim fructus  
 maximē proprius est virtutis exacta. Quo minùs ferenda est quorundā  
 importuna superbia, qui rebus duntaxat externis intumescences, sibi  
 magno pere placent, & prae se ceteros etiam virtute superiores spernē-  
 dos putant, contemptu solum magnanimos imitantes, quippe suis bonis  
 dignitas cuique metienda est, non alienis, scitum est enim illud poëtae,  
*Nam genus & proavos, & quae non fecimus ipsi Vix ea nostra voco.* At externa quae  
 dicuntur bona, cuncta esse aliena, hoc ipsum nomen declarat, & quod  
 eadem fortunae bona nuncupantur. Magnanimus igitur merito cōtem-  
 nit virtute inferiores, quoniam suis bonis, hoc est virtutibus excellit,  
 & rectē iudicat. unde fit, ut raro se periculis exponat, praesertim ob le-  
 ves causas & res exiguas. pericula enim non suscipiuntur nisi ab ijs, qui-  
 bus proposita praemia videntur esse magna: cum nemo nisi stultus, ha-  
 mo aureo (quod usurpasse traditur Augustus Caesar) piscetur, praesertim  
 pisces, quos parui facit. magnanimus autem, per pauca sunt quae magni  
 pendat. ut merito rideantur à prudentibus leuiculi quidam homines,  
 qui laudem fortis & magni animi stulte in primis aucupantes, occasio-  
 nes periculorum pro leuissimis etiam causis arripiunt, quos saepe vide-  
 as, aut mortem oppetere cum rectē iudicantium vituperatione, aut pla-  
 gas turpissimas & damnosissimas accipere pro rebus vel turpibus, vel  
 eiusmodi, ut eas vir magno animo ne disceptatione quidem dignas esse  
 duceret, quod est non solum stulti, sed angusti etiam animi documen-  
 tum, qui rumores imperitae multitudinis tanti faciat, ut eos vel cum di-  
 scrimine vitae colligendos esse putet. Nam cum dignitas, magnitudoq;  
 rei officium polcit, ut si patriae laboranti subueniendum sit, aut pro te-  
 nuorum tutela contra impotentium iniurias decertandum, vel pro  
 religione aduersus impios contendendum, nemo nec libentius, nec pa-  
 ri constantia, vel capitis adit pericula, vel iustitiae ac omnis virtutis pa-  
 trocinium exequitur, nemo suae vitae minus parcat. Mori enim huic po-  
 tius est, quam ut à talibus officijs per socordiam, aut ignauiam discedat.  
 Illud quoque magni animi est, beneficijs alios libenter demereri: se ve-  
 rò eis adstringi, non æquo animo, nec sine pudore ferre. Nam beneficia  
 conferre praestantis est, accipere vicissim inferioris, quam obrem ma-  
 gnani-



gnanimus, si quando fuerit benignitate prouocatus, gratiam refert maioribus officijs muneribusve cumulata, ut hac ratione qui prior tribuerat, liberalitate superetur. quæ res facit, ut quos beneficijs affecerit, hos magis, quam bene de se meritos meminisse videatur. Nam qui patitur, quatenus patitur minor est efficiente, magnanimus autem ceteris præstare vult. Itaque sua in alios, quam aliorum in se merita libentius audit. unde mihi consuetudo, quæ apud Hispanos plurimum inualluit, nata esse videri solet, quibus dum principes viros aliquid de se bene meritos alloquuntur, ipsorum que captant beneuolentiam, illud in promptu est, & quasi legitimum, ut se profiteantur, illis esse obligatos, & ab eisdem maiora etiam sperare. Est itidem magnanimi, aut nullo modo, aut grauate precari quenquam, rogatum verò facile honestis precibus adquiescere. Ad hæc cum illustribus, & opulentis viris suam dignitatem retinere velle, mediocribus comem se, & per humanum exhibere, & quod Vergilius scite, vereque cecinit de populo Romano: *Aen. lib. 6.*  
*Parcere subiectis, & debellare superbos.* hos enim superare magni negotij est, & gloriosum, illos insole ter tractare ac inhumanè, leuitatis & importunum. Obseruatum quoque est, magnanimum otij esse lectatorem, nec in negotijs properare, præterquam cum res adhortatur, in qua versantur magna momenta, aut de maximis honoribus agitur. Itidem paucis negotijs implicari, & his magnis & illustribus, & siquid detrimenti in re familiari, aut in paruis rebus alijs acceptum fuerit, vel imminuat, ne querulum esse, nec ad deprecandum procliuem. id enim hominis est talibus rebus studentis. Ac ut tenuiora signa, sed quæ ne Aristoteles quidem prætermisit, persequamur, res quæ sola pulchritudine commendantur, quam vtilis sibi & fructuosas magis querere. hoc enim hominis est opulenti. ad hæc incessum eius esse tardum, vocem grauem, orationem non concitatam, nec enim properat, cui pauca sunt curæ, nec vehemens est, qui nihil magnum putat, ac perinde nihil magnoperè demiratur. Illud verè necessarium est adesse magnanimo, ut palàm & oderit, & amet. occultare namque timoris est, qui non cadit in magnanimum, ac ut rem longe antiquiorem habeat, quam opinionem, magno exemplo Quinti Fabij maximi, qui non ponebat *rumores ante salutem*, ut ait Ennius. Item ut aperte & loquatur, & agat, quod est confidentiæ, libertatem illi contemptu rerum suggerente. Itaque & liber est & veritatis amator, nisi cum ad vulgus utendum esse putat ironia, hoc est suarum virtutum extenuatione, item ut viuere nequeat ad alterius voluntatem, præterquam amicorum, illud enim est seruilis. Itaque omnes adulatores seruili animo sunt, & abiecti homines assentatores habentur. ac ne malorum quidè meminisse, magnanimi est, sed conuiuere potius in commissis aliorum, & ipsorum obliuisci. Nam cū sua  
in alios



de offic.

in alios officiosè facta memorare alienum est ab hac summa virtute, tum aliorum in se commissa exprobrare, multo etiam magis. *nihil enim laudabilius, ut Cicero testatur, nihil magno & præclaro viro dignius placabilitate, atq; clementia, in quo genere Iulium Cæsarem excelluisse legimus in Romanorum monumentis.* Ad extremum magnanimo perquam rarus sermo est de hominibus tum in laudem, tum etiam in vituperium. Nam cum aliorum de se laudationes parui faciat, multo minus ipse sua facta prædicare gaudet, hoc enim leuitatis est, & deforme. nec rursus aliorum vituperationibus delectatur, suis enim magnis virtutibus princeps esse vult & superior, non aliorum infirmitate vel ignavia. prorsus ut ne de inimicis quidem male loquatur, nisi forte prouocatus, ut referat male merenti contumeliam. Atque hæc quidem præcepta de fortitudine magnitudineque animi à maximis philosophis præsertim ab Aristotele tradita sunt, sic à viris prudentibus de vtraque virtute differitur. A quibus virtutibus tantum abest ut religio Christiana dissideat, ut his potissimum fundata & latissime propagata mihi fuisse videatur per sanctissimos heroes, quos quia in testimonium veræ religionis, mortem forti magnoque animo pertulerunt, latini quoque græco vocabulo martyres solent appellare. Nam quis vnquam periculis adeundis, contemnendisque rebus, quas cæteri demirantur, fortiolem aut maiorem animum præstitit, quam apostoli? quis Græcorum aut Romanorum ob salutem patriæ seu libertatem aut humanam gloriam tam intrepide mortem subiuit, quam ipsi, cæteri que martyres Ipretis impiorum minis, tyrannorumque sauitia propter Christi religionem? quam non tam loquendo, quam fortiter moriendo cæteris hominibus probauerunt.

¶ L. E. De his quidem virtutibus Democrates rectè mihi videris, & ex præceptis philosophiæ, Peripateticorumque decretis differuisse. Cæterum siquid habet certi signa ista magnanimitatis, & quæ supra de notis boni militis referebat Alfonsus, vereor ne fortitudo magnitudoque animi, & proinde cæteræ morum virtutes, non in nostra voluntate, & meditatione positæ sint, sed à natura petendæ & exoptandæ. Nam quæ natura vel contingunt hominibus, vel negantur, ut proceritas corporis, latitudo pectoris, vocis grauitas, tarditas incessus, & his opposita, hæc ego non video, quomodo possint voluntarios habitus significare, cum opera naturæ auferri meditando semel ædita non possint, voluntarijs virtutum ac victorum actionibus nostro arbitratu moderemur. D. E. Næ istud Leopoldo non sine magna ratione suspicaris. Nam quæ nobis nec cupientibus adsunt, nec aspernantibus discedunt, hæc non possunt esse certa signa eorum, quæ sunt in cuiusque voluntate. cum ne effectus quidem naturales semper euadant, suauiter antegressa vel præterita signa consequantur. sed meminisse debes, id quod te legisse arbitror in theorematibus philosophorum, duplex esse morum virtutis genus: alterum



rerum naturale, rationis alterum. Est autem virtus naturalis (nam de priore genere iam satis multa differuimus) innata quædam pronitas absque ratione ad fortitudinis, exempli gratia, munera vel liberalitatis obeunda. Itaque nobiscum nascitur, & paulatim, nisi contraria consuetudine cohibeatur adolescit. ut in pueris licet contemplari. hos enim videas varijs à natura præditos habitibus, aliosque ad alias virtutes, aut vicissim ad contraria vitia proclives, qui habitus nec laudandi materiam præbent, nec vituperandi, non magis quam velocitas, aut bona latera, vel his oppositæ debilitates. Tales enim virtutes cum intellectu velut oculo careant, sæpe notantur homines in magna sua, vel etiam aliorum incommoda transuersos agere. similesque sunt validis cæcorum animalium corporibus. quæ temerè concitata vehementer impingunt. cæterum si ad naturalē accedat cum recta ratione, ea quæ propriè virtus intelligitur, tunc verò studiosus habitus facile paritur, altius excipitur, pertinaci⁹ inhærescit, existitque virtus perfectissima magnos viros efficiens, & summa laude dignissimos. Nam cum virtus naturalis abest vel opposito malo est natura deprauata, quod utinam in paucis eueniret, difficile factum est, veram virtutem ingenerari. nec ea ferè nisi tenuis, & per summam curam assiduamque exercitationem contingit, quæ exercitatio diu permolesta est, repugnante natura: & si curam remittas virtus ægre parta, paulatim effluit, sensimque dilabitur. ut recte hominum naturas agrorum ingenio per similes esse dicas: qui agri si feraces sunt, & vberes, coli tamen debent & exerceri, & sic fruges large ferent, atque fructus commodissimos: aliter enim fructificare solent inutiliter, ac spinas, & herbas quandoque mortiferas procreare. si steriles & sabulosi, cura ingenti opus est, assiduoque labore, ut aliquid inde proueniat, quod satis sit ad usum aliquem humanæ vitæ necessarium. Tunc igitur optimus, & firmissimus virtutis habitus generatur, cum ratio & studium cum natura congruit, & officium ab eo manans, constantius editur & perfectius, non solum ob adiumenta naturæ, quæ ad aliquas virtutes sic natis hominibus plerumque suppetunt, sed etiam propter maiorem voluptatem, quam suggerit rationis cum natura consensus, voluptas enim ut philosophis placet, actionem reddit perfectiorem. itaque, similis est ratio virtutis naturalis, si cum vera in eodem genere conferatur, atque solertiæ (nam sic interpretor quam græci *δυσωτηλα* vocant) cum prudentia collatæ. Est enim solertia vis quædam mentis valens tum ad indagandum, tum ad agendum ea, quæ ducunt ad finem, qualiscunque is fuerit propositus. qui si honestus sit, ea vis laudabilis habetur: si turpis, calliditas & versutia nuncupatur. Prudentia vero habitus esse definitur cum ratione verus eorum, quæ homini bona sunt efficiens. quia tamen sine solertia prudentia non consistit, efficitur, ut prudentes tum solertes, alias versutos

Ethic. 10.

Ethic. 6.



seu callidos appellemus, & contrà. Itaq; solers homo, & bonus esse potest & malus: prudens vt quisquam sit, qui non sit idem vir bonus. non licet. eodemq; modo virtute naturali & bene possumus & male vti, & rebus contrarijs accommodare. vera virtute, vt quisquam abutatur fieri non potest, quemadmodum Augustinus & Aristoteles testatur, qui ipso abusu vim amittit nomenq; virtutis. Non est igitur mirandum, si philosophi, atq; viri sapientes notas quasdam naturæ persequantur, quæ virtutes indicent innatas. tales enim commode signis naturalibus indicantur propter magnam quam corpus habet cum animo societatem. Nam præter intellectiōem, nullam in nobis actionem edi putat Aristoteles, quæ nō sit corpori cum animo cōmunis. itaq; virtutes morales, quæ propriè dicuntur, quoniam cum affectibus connexæ sunt, non hominis parti, sed toti composito tribuendas esse docet, atq; omnes, etiā iustitiam in ea parte animæ generari & inesse, quæ rationis est expers, apta tamen parère rationi, quanquam sine hac & intellectu, qui prudētia perficitur, nec generari queant, nec suis muneribus generatæ fungi. Aliud est enim studiosum esse, aliud studiosè facere. Nā hoc est fortem esse, temperantemq; & iustū, sic appetitum habere domitum, & affectū virtutis habitu, vt in periculis obeundis, in capiendis voluptatibus, in cōmercijs & distributionibus paratus sit, velitq; parère rectæ rationi. Nā licet voluntas propriè cum ratione intelligatur, velle tamen interdū quocunque appetitu dicimur peruulgata translatione: vt velle coenare, velle dormire. qua translatione vsus mihi esse videtur Aristoteles cum iustitię disputationem exordiens diceret iustitiam esse, qua qui affectus est, iuste agit, & iusta vult, nisi forte verbum retulit ad rationem cūctis virtutibus moderantē, & cuius appetitus, quæ voluntas dicitur, cōgruit cum appetitu sensus in actionibus cuiusq; virtutis morum, præter continentia, quæ videtur esse in alio genere. Sic igitur affectus appetitus rationi obtemperat non grauatē. nimirum haud aliter, quā equus tractabilis effectus, & scienter assuefactus prudenti aurigæ, seu vectori paret. qui equus etiam in stabulo eadem quasi virtute censetur. Sed vt hic tractari, flectiq; sine rectoris scientia, & virtute, quæ potior est, nō potest, sic appetitus ratione vacans, quanuis magnis virtutibus sit munitus, tamen sine voluntate, & prudentia principe virtute, quæ pertinet ad partem rationis, nec fortiter agere, nec temperatē, nec iuste deniq; potest. quæ ratio eadem est cæterarum studiosarum actionum. quibus actionibus consistit actiua vita. hæc autem idcirco parti rationis compoti prudentia præditę tribuitur, quoniam recta ratio velut quidam architectus est in actionibus humanis, & ciuili vitæ moderatur. habitus autem studiosi haud dubiè retinentur in ea parte animæ, quæ concitatur affectibus, quorum mediocritates vocant virtutes hoc est in rationis experte, cui cum corpore plurimum constat esse commercij, quanquam prudentia, vt



tia, vt tradit Aristoteles, cum virtute morum copulata sit, & hæc vicif- *Ethic. 10.*  
 sim cum prudentia. Ad naturales igitur virtutes quantum faciat corpo-  
 ris constitutio, & habitudo, vel ex eo licet intelligere, quod in genera-  
 tione traduntur, & fiunt plerumq; vt in cæteris animatibus, perinde in  
 hominibus hæreditariæ. quo fit vt qui bonis cuiusq; ordinis parentibus  
 orti sunt: de ijs bonam spem concipiamus: volente natura filios paren-  
 tibus similes generari, interdum etiam maioribus, vt de Aethiope Sici- *De natu. an-  
 mal. lib. 7.  
 cap. 6.*  
 liens refert Aristoteles. ex cuius adulterio natam filiam colorem ma-  
 tris albæ imitatam esse, sed qui natus est ex ea puerum, Aethiopis aui co-  
 lorem retulisse memorat, quæ ratio cum similis sit in naturæ cæteris o-  
 peribus, dubitari non debet, quin ad spem virtutum naturalium inter-  
 fit, non solum qualib. quisq; parentibus sit ortus, sed etiam qualibus ma-  
 ioribus: spe tamen quandoq; fallente. Quanquàm enim vt ex homini-  
 bus homo, ex beluis belua, sic ex bonis viris nasci boni viri censeantur  
 eisdem philosophis authoribus, sæpe tamen natura hoc, cum velit, ef-  
 ficere non potest: ita sit nonnunquam, vt ex præstantibus, & optimis vi-  
 ris filij degeneres, & mali procreentur. quemadmodum contrà ex ma-  
 lis, & ignauis præter spem boni strenuiq; nascuntur, ac virtute præstan-  
 tes. de quibus scitum est illud satyrici:

*Malopater tibi sit Thersites, dummodo tu sis  
 Aeacida similis vulcaniaq; arma capeffas:  
 Quàm te Thersita similem producat Achilles.*

*Iuuen. sat. 8*

Neq; verò si naturâ tanta sunt ad virtutem, quanta diximus adiumenta,  
 protinus vera virtus cuiquâ natura vel cōtingit, vel est funditus negata,  
 adsit modo rationis vsus. Nemo. n. aut nascitur, aut volens efficitur tam  
 vitiosus, vt penitus lumen rationis, & quod theologi vocant liberū ar-  
 bitrium, amittat: cuius ea vis est, vt cogere possit appetitū quālibet per-  
 tinaciter repugnantē, & habitum oppositum multis officijs obeundis,  
 ac repetendis ingenerare. magno illustrium philosophorū exēplo Stil-  
 ponis Megarij, & Socratis Atheniensis. qui studio, & honestarū rerū ex-  
 ercitatione viciosā naturā nō solum domuisse, sed magnis etiam virtu-  
 tibus affecisse, & tanquam inseruisse memorantur. Cæterū nihil tā effi-  
 cax est ad vitia naturalia corrigenda, quam bonorū prudentiumq; pa-  
 rentū cura teneros filios sic educandi, vt amare honesta, turpia vicissim *Plat. in 1. de  
 leg. 2.*  
 odio habere assuescant. Nā cum virtutes omnes morales, vt supra dixi-  
 mus, in voluptatib. & dolorib. versentur, magni refert, quib. quisq; reb.  
 oblectetur à puero, aut vicissim doleat. Itaq; seruiliterne pueri, vt ferè  
 egenorum, an liberaliter, vt filij locupletū nobiliumq; solent, educen-  
 tur, multum interest ad fortitudinem, ac magnanimitatem, de quibus  
 (vt arbitror) satis iam multa differuimus. Audistis autem non à no-  
 bis excogitata, aut ingeniosa vanitate ficta, sed quæ summi tum veteres,



tum etiam iuniores & Christiani philosophi magno consensu tradidere. quibus virtutibus cognitis, quoniam his potissimum constat, optimum non modo militem, sed ducem etiam censerem, facilis (ut arbitror) erit propositae quaestionis definitio, & argumentorum, si quibus occurratur, confutatio: sed hanc partem, quoniam dies iam multum processit, in postmeridianum, si vobis videtur, differamus. pontifex enim in his hortis meridiabitur, ac nobis licebit sumpto cibo, in hunc ipsum locum, qui commodissimus est ad congregiendum conuenire. id cum omnibus placuisset discesserunt.

## DE MILITARIS DISCIPLINAE.

## HONESTATE LIB. III.

**N**ON A igitur diei hora omnibus, ut placuerat, reuersis, non statim licuit in locum eundem conuenire, quippe in quo pontifex valetudinis vel animi causa inambulabat, donec cum Francisco Quignonio, & Inacho Mendoza cardinalibus Hispani generis, & illustrium familiarum viris, qui forte interuenerunt in conclaue praetorii recessit. tunc vero cum in eum locum succedentes consedissent, conuersus ad Alphonsum Leopoldus, cur inquit Alphonse Genesium (si forte in comitatu adest Quignonij Cardinalis) non vocamus? ut intersit nostrae disputationi, & quid de his rebus sentiat intelligamus? ut enim nosti, nec abhorret ab his studiis, & solet talia munera libenter obire. A. L. Ille vero libentissime. quapropter heri cum a vobis discessissem, hominem adiui (nec enim a me longe in campo Martio diuersatur) ut ei colloquium hoc, disputationemque vestram denunciarem: molesteque tuli, quod ipsum offendi paulo grauius agrotantem. qui tamen audita ex me propositae quaestionis summa, praefatus se vehementer dolere, quod sibi per valetudinem huic disputationi adesse non liceret, breui sermone usus est, sed quo facile indicaret, se Democrati si adest, etiam atque etiam fuisse assensum. D. E. Gratum erit, si nostra sententia hominum doctorum, eorumque non imprudentium iudicio probabitur. L. E. Redeamus igitur Democrates ad sermonem hodie nobis de militaribus virtutibus institutum, quo recte tu quidem, & copiose visus es mihi tum de fortitudine, tum de magnitudine animi disseruisse. sed si haec virtus, in qua laudanda tam multus fuisti, & merito (me iudice) fuisti, homines facit sibi magnopere placentes (magnanimum enim magnis sibi rebus dignum videri confirmasti, & item aliorum hominum contemptores), eademque virtus diuitijs & externis bonis augefcit, qui potest haec cum disciplina Christiana cohaerere, humilitatem in primis, & paupertatem commendante? sibi namque placere, & alios vicissim despiciere, superbi hominis esse videtur, & arrogantis. hoc autem vitium idcirco maxime omnium detestatur Christiana philosophia, quoniam



quoniam humilitati contrariū habetur, virtuti à Christo maxime omnium nobis ad imitandum proposita: non solum verbis, cum ait, *Discite à me, qui mitis sum & humilis corde*: sed opere multo etiam magis. nam primū, cum Deus esset, homo factus est, infirmaque & contemptibilia mundi elegit: deinde, cum omni virtute ceteros omnes homines excelleret, eodem tamen se demisit, ut pedes etiam suorum discipulorū lauaret, ac ne persequar singula, tota vita Christi, in terris per hominem, quem suscipere dignatus est, disciplina morum fuit, humilitatem præcipue commendans, ut ait Augustinus, qui alio in loco ad capeffendam & obtinendam veritatem primam viam humilitatem esse testatur, & secundam, & item tertiam: ut inter partes eloquentiæ de pronuntiatione traditur respondisse Demosthenes. Et Paulus Collessensibus scribens, *Induite inquit vos, sancti & dilecti, benignitatem & humilitatem*. itidem ad Ephesios, *Obsecro vos, ut digne ambuletis vocatione qua vocati estis, cum omni humilitate & mansuetudine, cum patientia supportantes inuicem in charitate* Romanos autē, quos efferri sciebat, ex imperij magnitudine, atque gloria rerū gestarum, velut exprobrans eis hoc, quod ipse tribuis magnis animis, magna cogitare atque efferri vetat: *Ne sitis (inquit) alta sapientes, sed humilibus consentientes*. De paupertate verò quid dicam? cum Christū cōstet ex paupere virgine viro pauperi desponsata natum, damnatis ubique diuitijs pauperem vitam perduxisse, eundemque apostolos nullos nisi pauperes habuisse? ad hæc euangelium epistolæque Pauli paupertatem in primis commendare, insectari diuitias, tanquam maxima virtutis & religionis impedimenta? *beati pauperes* aiebat Christus, *quoniam vestrum est regnum Dei*. idem, *Facilius est, inquit, camelum per foramen acus transire, quam diuitem intrare in regnum Dei* & alio loco: *Omnis ex vobis, qui nō renunciat omnib. quæ possidet, nō potest meus esse discipulus*. quam doctrinam Christi explicans Paulus in ea, quæ est ad Timotheum epistola clamat, *Habentes salimēta & quibus tegamur, his contenti simus, nam qui volūt diuites fieri, incidunt in tentationē, & laqueū diaboli, & desideria multa stultia & notitia, quæ mergunt hominem in interitum, & perditionem*. Radix enim omnium malorum est opum cupiditas. Cum igitur tota penē Christiana disciplina (ut testatur etiam Augustinus) sit humilitas, & perinde paupertas, haud equidem video quomodo recte possit ei cum ista elatione animi, quæ magnanimitas dicitur, & diuitijs tantopere gaudet, conuenire.

¶ DE DE diuitiarum Leopoldē, paupertatisque ratione dicemus paulō post, nunc (si videtur) de humilitate differamus: cuius me peropportune admonuisti. Nam de magnitudine animi disputantes, nullam facere mentionem humilitatis, vitiosum fortasse videatur, ytique si res agatur inter homines Christianos, à quibus maxime virtutem hanc nominatā, in primisque celebratam esse certum est, vocabulo veteribus philosophis tum græcis tum etiam latinis propemodum ignoto. Hebræos enim video neque vim huius virtutis, neque nomen ignorasse. Itaque ceteri



his modo rebus proprie tribuebant humilitatem, græcè ταπεινότης  
 ὑποτάξις nuncupatā, quæ depressa humi parum sese in sublime  
 tolleret, ut myricas, arbuta quæ cætera, & pastorum casus humiles so-  
 lent latini poetæ nuncupare. tum per translationem homines eos voca-  
 bant humiles, qui essent vel animo vel fortuna deiecti. quod ad vitupe-  
 rium potius & infirmitatem quàm ad laudem & virtutem referebant.  
 Christiani verò diuinis sacrarum scriptarum oraculis edocti grauissi-  
 mum peccatorum esse superbiam, atque hoc scelere & luciferum cum  
 suis angelis corruisse, & primum hominem se suamque posteritatem  
 corrupisse, nullam æque virtutem demirati, amplexique sunt, ac eam,  
 quæ maxime cū hoc crimine pugnaret: & quā in Christo ac eius aposto-  
 lis clarissimo lumine fulsisse intelligebant, humilitatem idcirco voca-  
 tam, quoniam ut superbi, quidquid in ipsis est facultatis tū verbis & osten-  
 tatione, tum etiā opinione exaggerantes efferuntur, non homines tantū,  
 sed diuinis sapientie leges contemnentes: sic humiles appellati suarum im-  
 becillitatum magis, quàm virium memores cohibent animi tumores,  
 Deumque primum summa pietate colunt, reuerenturque, ut omnis vir-  
 tutis, & cunctorum bonorum authorem: deinde angelos & ciues cælestis  
 Ierosolymæ, tū homines cæteros, quod se putant virtute, munereque Dei  
 præstantiores, hoc sibi præferunt maiore interuallo, humilitas enim quā-  
 uis serpat etiam ad humanā societatem, primū tamen ac præcipue ver-  
 satur in diuino cultu: & ea reuerentia, qua supplices Deum veneramur,  
 exiguitatem nostram, & illius maiestatem agnoscunt. quo factum est  
 (ut modo dicebam) ne tam præclara virtus fuerit à veteribus philoso-  
 phis celebrata. Præter Platonem, cuius ea verba sunt in opere de legibus:  
 Deum (inquit) semper affectatur iudicium vindicæ eorum, qui à lege diuina desciscunt:  
 cui iudicio adherens, qui beatus esse debet, eundem sequitur, humilis atque modestus: qui  
 verò superbia effertur, vel opibus aut honoribus formæ corporis intumescit, inuenili &  
 stulto flagrans animo, quasi nullo præfecto ducere indigeat, sed ipse potius valeat aliorum  
 esse dux & moderator, hic deseritur à Deo, relictusque & alios sui similes nactus, exul-  
 tat, nec sine vulgi laude conturbat omnia. Atque hæc quidem Plato de humili-  
 tate & superbia diuinitus, ut pleraque, memorauit, cæteri autem an-  
 tiqui philosophi de virtutibus morum differentes: eas potissimum  
 & penè solas persecuti sunt, quæ communitatem hominum: vitam-  
 que ciuilem attingunt, humilitas enim pars est, & quidem præcipua  
 religionis, quæ ut à iunioribus theologis definitur: homines facit  
 supplices esse deo: & propter Deum cæteris hominibus conce-  
 dentes: hortante nos Petro apostolo, ac dicente, Subiecti estote omni  
 humane creature propter Deum. quanquam si placet priscorum theologo-  
 rum, qui philosophiam in uolucris fabularum tradiderunt, præcepta  
 repetere, ab illis quoque humilitatem vel in primis commendatam esse  
 haud dubie reperiemus. Quid enim aliud egerunt Homerus & Hesiodus,  
 quos

Lib. 4.

1. Pet. 2.



Quos veteres theologos Aristoteles appellat, gygantū cum dijs pugnam-  
 casumque memorantes, nisi homines admonuerunt, ut Deum supplices  
 colerent, cuius potentiae hominum vel robustissimorum vires compa-  
 ratae vmbra quaedam inanis, gygantum exemplo videri possunt. aut cer-  
 te simia, quemadmodum testatur Plato, de homine etiam sapientissimo  
 verba faciens, quae recordatio propria est humilitatis? Sophocles quoque  
 prudentissimus poeta, Aiace facit per superbiam perire, cum viribus hu-  
 manis fretus opem diuinam contempsisset, spreto patris consilio qui pro-  
 ficiscenti ad bellum nihil aliud quam Dei reuerentiam, hoc est humilita-  
 tem, commendasset. Sed quoniam humilitati in humana etiam comuni-  
 tate suum esse locū paulo ante dicebam, erras Leopoldes, si hanc fortē  
 putas, ut nomine, re itidem fuisse ab antiquis philosophis ignoratam.  
 Non igitur fuit humilitas ab illis ex moralium virtutum choro reiecta  
 sed potius in honoratissimo loco collocata, est enim (nisi prorsus ego  
 caecutio) pars eius virtutis, quam tu videris ipsi contrariam esse existima-  
 re, magnanimitatem dico, tantopere à nobis paulo ante veterum testi-  
 monio laudatam.

*Plat. in Hip-  
 pia maiore.*

**L E.** Quid ais Democrates? humilitatem putas partem esse magnani-  
 mitatis? quid hoc aliud est, quam ignem cum aqua copulare? Nonne ma-  
 gnanimittatis est animum attollere, & quasi inflammare ad res magnas  
 concipiendas? humilitatis contra deicere, & velut extinguere ardorem  
 concitatum? Atqui contrarios esse habitus, quorum actus sunt oppositi,  
 ipse tuus Aristoteles est auctor. **D E.** Speciosum argumentum, sed ener-  
 ue. nam tu mihi vicissim responde, Animum impellere ad magna peri-  
 cula subeunda, eundemque à magnis periculis ratione detertere, nonne  
 opera contraria esse, eodem modo confitebimur? **L E.** Fortasse. **D E.** At  
 utrunque opus esse fortitudinis, consensus est philosophorum, nimi-  
 rum, quoniam quae inter se se pugnare videntur in rebus agendis, haec  
 in eundem finem relata, societatem quandam habere existimantur. In-  
 telligendum est igitur in rerum difficilium, & arduarum cogitatio-  
 ne, ancipitem esse, & quasi lubricum motum animorum. nam quo vo-  
 luptas ob rei praestantiam impellit, honestasque vocat, inde dolor retra-  
 hit propter laborem, difficultasque deterret, in quorum utroque saepe mo-  
 dus exceditur, diuersaque ratione peccatur. his autem vicijs ut occurra-  
 tur, non duabus virtutibus est opus, ut quidam falso putauere, sed una sa-  
 tis est, quae medium extremorum tenens, ratione, velut calcaribus, &  
 freno motus animi à dolore, & voluptate profectos, quatenus licet, im-  
 pellendo, vicissimque reuocando moderetur. ut igitur liberalitas una virtus  
 motus animi temperat in pecunijs dandis & accipiendis, fortitudo in  
 timore & audacia: sic magnanimitas in magnis honoribus petendis, aut  
 vicissim fugiendis. & quemadmodum liberalitas ut oportet dando, quā  
 accipiendo: fortitudo, audendo, quā timendo magis cernitur: sic  
 magna-

*Eth. 5.*



magnanimitas in egregio magnarum rerum conatu, & honorum appetitu, suum & splendorem, & nomen magis ostendit, quàm in talium rerum modesta fuga, quæ cum pars magnanimitatis sit, tamen humilitatis nomine plurimum est à religiosis hominibus celebrata. Nam ut in periculis capitalibus una ratio impellendi, & reuocandi unam efficit virtutem: sic item in magnis honoribus, quoniam veròbique hoc agitur, ut motus animi rationi pareat, ne ultra quam decet illecebra rei progrediatur, neque rursus officium deserat difficultate deterritus. quod moderamentum in periculis fortitudo, in honoribus magnanimitas, veteri vocabulo nuncupatur. sed quemadmodum virum fortem, quatenus pericula ratione vitat, cautum possis appellare, sic magnanimus vocatur humilis quatenus ratione cohibet magnorum honorum appetentias. Non igitur audiendi sunt, qui humilitatem docent ad temperantiam esse referendam, Aristotelis testimonium parum videlicet apposite doctrinæ suæ prætendentes, propterea quod Aristoteles temperatum eum appellet, qui ut est, sic se parvis honoribus dignum esse censet. quos miror non aduertisse temperantiæ nomine non humilitatem illo in loco, sed aliam longe diuersam virtutem fuisse à philosopho nuncupatam. humilitas enim non tenui virtute hominibus suam exiguitatem agnoscantibus tribuitur, sed ijs duntaxat, qui cum sint magna virtutis dignitate, conuementes tamen cogitationem ad ea, quibus deficiunt, inferioresque sunt his, cum quibus conferuntur, cohibent animi tumores, & non solum Deum, spiritalesque substantias reuerentur, sed hominibus etiam, quacunque ratione præstantioribus concedunt. qualis Christus fuit, Virgoque mater, quales item apostoli, viri omni genere virtutis decorati. non igitur humilitati, sed ei virtuti nomen tribuit temperantiæ, quam paulo ante nomine vacare, sed ab extremis modo ambitionis: tunc contrarij vitij vocabulum mutuari dixerat: hac enim censetur, qui rationi temperant, paruorum, & ordini, virtuti que suæ conuenientium honorum appetentiam. quo intelligitur haud dubiè, eadem non suo, sed alieno nomine temperantia per similitudinem, ut pleraque, & translationem nuncupari, de qua tamen virtute idem Aristoteles in libris Eudemij de moribus ad hunc modum edisserit: *Tali inquit habitu præditus videtur quidem, non tamen est magnanimo contrarius, neque enim opponitur ei in hoc, quod sit vituperandus cum sese habeat, quemadmodum ratio iubet, & est natura idem. atque magnanimus: nam uterque quo dignus est, hoc sese dignatur honore, & hic fieret dignitate suppetente magnanimus, nam se pro meritis honore dignaretur.* Ad hæc temperantia eodem auctore in eis modo voluptatibus temperandis haud dubiè versatur, quæ sensibus, nec his omnibus, sed tactu & gustatu capiuntur, honoris iocunditate nullo tali corporis sensu fruimur, sed mente potius, ut docet Aristoteles tertio Ethicorum. Cæterum nulla virtus est, ex ijs quidem, quæ temperant humanos affectus, quin commodè valeat per similitudinem, ac tran-

Ethi. 4.

Lib. 3.

Ethi. 3.



ac translationem temperantia nuncupari, quatenus ut temperantia in corporeis voluptatibus, sic ceteræ virtutes in sua quæque materia, concitato animo præscribit & modum imponit, ne ultra quam decet, illecebra voluptatis progrediatur. sic fortè sic etiã liberalem temperanter agere sæpe dicimus: in quo ille sprete morte, ab audacia: hic pecunias contemnens, temperat tamẽ à prodigalitate, ergo cum latissime pateat voluptas; pertinet enim ad omnẽ illecebram, qua capitur animus vel concitatur: & prudens voluptatis moderatio cunctis moralibus virtutibus sit communis: nihil mirum est, si earum quæque continentia & temperantia receptissima translatione interdum nuucupatur, teste Aristotele, qui continentiam testatus, in eodem genere rerum versari, quo temperantiam, tamen intemperantes iræ, honoris, & lucri eos appellari tradit, qui sunt, harum rerum studiosiores. quas nemo dubitat, velut materiam esse fortitudinis: magnitudinis animi ac liberalitatis, contrariorumque viciorum. Qua ratione haud equidem inficior, humilitatem posse temperantiam appellari, alieno tamen vocabulo, proprio enim & suo, magnitudo animi nuncupatur.

Ethi. 7.

¶ Non enim si magnanimus, quem (ut diximus) omni virtute præditum esse oportet, & dignus est, & dignum se iuste putat honoribus, qui maxime conveniunt ordini suo, protinus quoscunque honores suo iure postulabit. Achilles enim apud Homerum, exceptis Atridis, procerum graecorum sine controuersia erat honoratissimus, sed cum se voluit Agamemnoni æquare, nec putauit regi concedendum, Nestoris sapientissimi senis oratione taxatus est, & omnium prudentium iudicio superbiæ crimine damnatus. Romanorum vero Q. Fabius Maximus, Marcus Marcellus, ut ceteros taceam viros magnanimos, consulares honores, qui maximi erant in sua rep. poterant sibi iure delatos esse putare: eosdem quis tulisset, si quis eorum in sua ciuitate honores regios affectasset? Certe Africanus Scipio ad urbem Hispaniæ Betulam Asdrubale deuicto, cum circumfusa omnis multitudo Hispanorum & ante deditorum, & pridie captorum, ac sine pretio dimissorum ingenti consensu regem eum appellasset, silentio per præconem facto, sibi maximum esse nomen imperatoris dixisse traditur, quo se milites sui appellassent, regium nomen alibi magnum, Romæ intolerabile esse. Itaque vir summus per vnam magnanimitatis partem honores imperatorios suis virtutibus convenientes adscinit: per alteram, quæ humilitas vocatur, regios velut superbos, & inuidiosos repudiavit. Age vero fingamus aliquem choro virtutum omnium stipatum, eundemque in rerum fastigio positum, facesse Romanorum principem, multo etiam Traiano meliorem, vniuerso quoque orbi dominantem, permittemus ne huic, ut arroget sibi diuinos honores? quibus stulti quidam reges, ac imperatores affectatis, magnam ridendi materiam prudentibus viris præbuere, nullus igitur homo tantus

D d d

est, aut



Ethi. 4.

Magnorum  
moral. 1.

Ad gal. 2.

1. Cor. 7.

1. Cor. 4. &amp;

11.

Phi. 3.

1. Cor. 15.

est, aut tantopere præstans meritorum magnitudine, in quo non sit humilitati locus, dum vel se cum potioribus, vel tenuitatem humanam comparat cum infinitate diuina. Vt magnanimus is esse intelligatur, qui magnis quidem honoribus est dignus, & his sese dignum existimat, non tamen sua dignitate maioribus. hoc est enim quod Aristoteles ait, magnanimum esse quidem magnitudine extremum, medium tamen tenere, si rationem spectes. quod idem alio in loco, apertissime docet magnanimum definiens: qui se honore dignatur, nec minore suis meritis, nec maiore. Itaque eiudem virtutis est, summis viris, à quibus virtute, quæ Dei munus est (ut omne datum optimum & donum perfectum) non superatur, se parem ducere sua merita Dei quæ munera existimatione recta metientem, & qua inferior est, potioribus concedere, magno & illustri Aristidis exemplo. qui in bello Marathonio, cum inter Atheniensium imperatores, quos ea ciuitas more suo complures cum æqua potestate eidem bello præfecerat, excepto Milciade dignitate, gloria, potentia primus haberetur, Milciadi tamen, cuius prudentiam in bello gerendo anteponebat suæ, concessit ut solus imperaret. Nam cum inter ipsos duces conuenisset, ut vicissim per dies singuli, summam rei administrarent: Aristides suæ diei ius imperandi transtulit in Milciadem. quam modestiam, animique magnitudinem cum nemo collegarum sustinuisset non imitari, summa auctoritas imperandi ducum omnium consensu delata est vni Milciadi: atque id consilium constat, sublatis contentionibus gloriosissimam de Medis victoriam Atheniensibus peperisse. Poteram hoc in loco illustria magnanimorum Romanorum referre: sed commodius eadem à monumentis sacris mutuabimur: Paulum quæ autorem adhibebimus: virum diuinum, & re vera magnanimum: qui cum gratiâ perpendit, qua fuerat donatus à Deo, ceteris apostolis nihilo se inferiorem proficitur: de primis enim loquebatur, cum diceret: *Mihi enim qui videbantur esse aliquid, nihil contulerunt: sed contra cum vidissent, quod creditum est mihi euangelium præputij, sicut & Petro circumcisionis (qui enim operatus est Petro in apostolorum circumcisionis: operatus est mihi inter gentes) & cum cognouissent gratiam, que data est mihi, Iacobus, & Cephas, & Ioannes (qui videbantur columnæ esse) dexteras dederunt mihi & Barnabæ societatis & paulò post Petro se Antiochiæ in faciem restitisse proficitur, propterea quod reprehensibilis esset, nec dubitat multis in locis ceteros homines, ut suas virtutes emulentur adhortari.* *Nolo* (inquit ad Corinthios scribens) *vos omnes esse, sicut me ipsum* & alio in loco: *Imitatores (ait) effote mei, sicut & ego Christi.* sed & Philippenses eisdem propemodum verbis abhortatur. idem contra cum sua delicta recordatur, humi se deiicit, nec Apostolorum ordine dignatur. *Ego (inquit) sum minimus apostolorum, qui non sum dignus vocari apostolus quia persecutus sum ecclesiam Dei.* quo in loco ubi se per humilitatem depreffit, protinus per alteram magnanimitatis partem extollit. *Nam gratia (inquit,) Dei sum, id quod sum:*



& gratia eius in me vacua non fuit, sed abundantius illis omnibus laboravi. ut alio  
 in loco, Non sum liber: non sum apostolus: nonne Christum vidi: nonne opus meum vos  
 estis in domino: Vides, ut humilitas non modo à magnanimitate non diffi- *I. ad. Cor. 9.*  
 det: sed maximam etiam habet cum ipsa societatem, est enim virtus ea-  
 dem, quæ motus animi in magnis honoribus moderatur. Nec te moue-  
 at, quòd Christus præter suam dignitatem pedes lauit apostolorum.  
 neque enim turpiter aliquid deliquit ignavia vel ignoratione suæ  
 dignitatis: quod pusillanimis accidit: sed auctore Paulo quæ stulta sunt *Io. 13.*  
 mundi elegit, ut confundat sapientes: & infirma mundi, ut confundat fortia; & igno- *I. Cor. 1.*  
 bilia mundi & contemptibilia, & ea quæ non sunt, ut ea quæ sunt destrueret: ut non  
 gloriatur omnis caro in conspectu eius. cæterum qui apostolorum pedes tum  
 lauit, ut exemplo damnaret leuitatem ambitiosorum, ac superbiorum:  
 hic eisdem paulò post dixit: Vos me vocatis magister ac domine, & bene dicitis, *Ioan. 13.*  
 sum etenim. Itaque id officium optime poterat humilitate salua præteri-  
 re, sed cuique licet à suo iure decedere, quod sine alterius iniuria fiat,  
 præsertim Christo, qui sponte sua criminum alienorum pœnas dare vo-  
 luit innocentissimus supplicij affectus & morte cum ignominia. ac ut  
 verbis utar Pauli, Humiliauit semetipsum factus obediens usque ad mortem, mortem *Ad Phi. 2.*  
 autem crucis. Itaque à Christo & apostolis perfectissimis hominibus mul-  
 ta facta sunt, quæ possunt à nobis sine crimine præteriri. nam mediocri-  
 bus hominibus, si morum teneant & affectuum mediocritatem, etiam  
 citra apostolicam perfectionem licebit iustitiam, virtutes omnes am-  
 plectentem colere, in qua qui seruit Christo, ut ait Paulus, placet Deo & probatus *Ad Ro. 14.*  
 est hominibus. hunc igitur recte humilem simul atque magnanimum, &  
 dicemus & sentiemus. qui primum supplici pietate deum colet, deinde  
 recto iudicio sua, cæterorumque hominum merita, virtute potissimum  
 metitus, alijs se vel postponet, vel quemadmodum ratio postulabit an-  
 teferet. Deum enim colit, qui virtutem, opus, atque donum eius colit,  
 virtus autem non in alijs modo pro sua magnitudine colenda est, sed v-  
 bilibet etiam in se ipso cuique nihilo secius pro merito tum tacita exi-  
 stimatione, tum etiam verbis veneranda, scitum est enim illud Augusti-  
 ni, Cum humilitatis causa mentiris, si non eras peccator antequam mentireris, mentiendo  
 efficeris quod vitaras. & alio in loco, Nō ita caueatur inquit arrogantia, ut veritas re-  
 linquatur. Quæ omnia huc pertinent, ut de se quisque etiam humilis non  
 secus, ac res est, vel sentiat vel loquatur. nec enim aliter sentiendum  
 est, aliter loquendum. Nam quomodo, inquit, est humilitas, ubi regnat falsitas?  
 Et profecto dissimulatio, quæ græce dicitur ironia, vitiū est nō solum à  
 religiosi viris, sed à philosophis etiā dānatū. Cauendū est tamē, ne no-  
 bis imponat amor studiumque nostri, ut sæpe accidit in iudicando. quan-  
 quā non ignoro à quibusdā sanctis eisdemque perdoctis viris humilitatē  
 intelligi, cū sua quisque peccata cum aliorum virtutibus conferens, ea



Phi. 2.

ratione se cunctis inferiorē arbitratur. quo pertinere videtur illud Pauli praeceptum Philippenses in hunc modum adhortantis, *Nihil per contentionem, aut inanem gloriam, sed in humilitate, superiores sibi invicem arbitantes, non quae sua sunt singuli considerantes, sed ea quae aliorum.* cuius sententiae atque praecepti summa est, ut qualemcunque virtutem alterius, & recte factum laudemus & veneremur, viciū & turpitudinem etiam in nobis aspernemur & contemnamus. quod nihil abhorret à magnitudine animi, quae virtutem ubique cunctis rebus anteponit.

¶ L E. De humilitate Democrates nulla nobis erit amplius concertatio, nam tibi equidem assentior ipsam neque cum militia, neque cum magnitudine animi pugnare, sed probè potius eisdem convenire. Ceterum diuitiae vereor, ut dixi, quibus animi magnitudinem augescere confirmasti, ne vehementer praeceptis evangelicis aduersentur.

¶ D E. Magnarum virtutum, & egregiae sanctitatis exempla Leopoldi, si verū quærimus, & libeat temporum memoriam à vetustate repetere, multo frequentiora, & plerumq; maiora in omni aetate à tenui fortuna viris edita, quàm ab opulentis, & locupletibus reperiemus. pauper erat Aristides, pauperior Phocio: cuius filiae post mortem patris, qui munus Alexandri centū auri talentorū magno animo repudiaverat, nubiles tandem propter egestatem maritis caruere, donec publica pecunia dotata collocarentur, sed ut Atheniensium nemo his pauperior remp. attigit, sic nullus iustitia, frugalitate, magnitudine animi maior fuit, pares verò quā rarissimi. quorū Aristidem constat nō ob aliā causam in exiliū scelere invidiorū fuisse missum, nisi quod nimis iust⁹ esse videretur, ut Damō Periclis praeceptor, quod nimis sapere. Romanorū resp. nē singulos referam, tunc beatissima fuit, & omni virtute praestans, cū consules & dictatores, ab aratro accersebantur: tunc corruit in omne flagitium delapsa, cū suas opes & diuitias ferre non potuit. ergo quae Fabricij, Reguli, Attilij, Cincinnati, ac Cn. Scipionis summorū virorū frugali, & modesta paupertate creuerat cum maxima gloria, eadē Crassi, Pompeij, ac Caesaris ambitiosis opibus turpiter est labefacta. L E. quin tu Democrates profanas resp. omittis, & quod huius loci propriū est ecclesiastica initia, progressū, & hoc velut senitū commemoras? Nū tibi par sanctitas & religio sacerdotū esse videur, postquam opes ecclesiasticae tā immensē creverunt, & Episcopatus non modo Romanus, sed plerique etiam alij velut regna esse coeperunt, & tunc cum Petrus, ceterique apostoli stipere religiosorum hominum alebantur? & Paulus dum praedicaret evangelium, nec dies nec noctes operi parcens victum suis manibus querebat: aut cum Clemens, Ignatius, Marcellus, Polycarpus, Athanasius, & ceteri sanctissimi pontifices & episcopi paruo contenti sic sacerdotium suscipiebant, ut id non opulentiam, sed omnis virtutis exercitamentum, & occasionem martyrij esse existimarent. D E. ista quidem Leopoldi



non abhorrent à vero, nec dubium est, quin inter initia nascentis Ecclesiae, & quandiu Christianum nomen principibus erat vel inuisum, vel suspectum, cum ceteri Christiani sanctius viuerent, & religiosius, tum in primis sacerdotes, qui ceterorum quasi duces erant in certamine fidei, eorundemque liberalitate in diem, aut tenui admodum censu vivebant, quam post Ecclesiae assertam libertatem, auctoritatemque confirmatam, opibusque munitam. sed huius mali culpa, si æqui iudices esse volumus, in moribus est, non in diuitijs: nec enim vnquam vicio datum est cupiam: quod diues esset: at multis quod diuitias malis artibus quærent, vel vtrunque partis ad turpes voluptates, aut iniuriam & superbiam abuterentur: quod pertinet ad morum corruptelam. L. E. quid si morum ista corruptela ex ipsis nascitur diuitijs? videmus enim non quidem omnes: sed tamen magna ex parte diuites superbos esse, & iniuriosos in tenuiores, aut turpibus etiam voluptatibus seruientes: pauperes contra modestos, sine alterius iniuria in officio contineri. D. E. At hoc ipsum argumentum est, neutrius causam esse vel diuitias vel paupertatem, quod neque omnes diuites mali sunt, nec omnes pauperes boni. quod tamen oportuit, si aut in diuitijs inesset viciū, aut in paupertate virtus. nec igitur diuitiæ malum sunt sponte sua, nec paupertas bonum: sed ut verissime tradidit Paulus, *omnia munda mundo sunt, coinquinatis autem & infidelibus nihil est mundum, sed coinquinatae sunt eorum & mens, & conscientia* L. E. Cur igitur diuitum, quam egenorum plures proportionem in vicio sunt, & maiore iniquitate? D. E. Nempe quia omnes homines proclives sunt ad malum, & diuites maiorem habent tum licentiam, tum etiam occasionem peccandi, quorum vtrunque pauperibus abest. sed si propterea diuitiæ vituperandæ sunt & paupertas laudanda, nimirum eadem ratione perspicacia, & solertia, robur, venustas dabitur vitio: inscitia, tarditas, infirmitas, foeditas erit in laudibus. ingeniosi enim intelligentes, robusti, ac pulchri plus fallere, atque nocere possunt, quam hebetes imperiti, imbecilli, & deformes. Morum igitur corruptio & prauitas, quibus malis Christus & Paulus ut mederentur omnem licentiam, peccati que occasionem subtraham esse volebant facit, ut diuitiæ plerisque noceant, paupertas profit, laboribus & rerum inopia viam ad voluptates & maiores iniurias intercludens. quæ tamen interdum ad rapinas nonnullos, & fraudes, ac periuria transuersos agit. nec enim sine causa Romanæ leges, egenorum testimonia, quam locupletum minus ponderis habere iusserunt. Certè Plato nec opulentiam, nec paupertatem vendicat à magnis incommodis, vtriusque tradens comitem esse studium rerum nouarum. præterea ab illa turpes voluptates, segnitiamque pari, hanc homines efficere maleficos & avaros. Sic Salomon prouerb. 30. *Mendicantem (inquit) & diuitis ne dederis mihi, sed tantum tribue victui meo necessaria, ne forte & cæt.* ut mediocritatem quandam vir ille diuinus, quemad-

Ad Tit. 1.

Li. 4. de rep.



quemadmodum cæteris in rebus, sic etiam in opibus maxime probare videatur.

*Polit. 2.*

*De off. li. 1.*

*Lib. 1.*

**C**L E. Obsecro te Democrates, quoniam opportunè Platonem nominasti, citato loco, ex eo libro, ubi sic ille reip. constituit, ut nihil in ea suum quisque habeat, sed sint omnia omnibus communia, putabimus ne Christo talem reip. rationē placuisse? hoc. n. mihi sæpe venit in mētem existimare recolēti, & Christum maximè homines adhortari solitum, ut sua quisque bona relinqueret, & hoc initio à plerisque Christianis fuisse factitatum, qui possessionib. distractis pretium apostolis in commune conferebant. **D** E. Noli hunc lapidem mouere Leopólde, non sunt omnia ubique differenda. Cæterum Platonica resp. non solum ab Aristotele summis rationib. confutata est in eis libris, quos de republica conscripsit, unde sumere poteris quæ ad hunc locum pertinebunt, sed hominum etiam vita, magnoque consensu reiecta. quod est indubitato argumento, Christum nullam talem reip. formam voluisse in hominum vitam inducere. Nefas est enim existimare Christum irrito conatu id egisse, atque in vniuersum præcepisse, quod nulli ciuitati, nulli populo per suaserit. nec sic Paulus, cæteri que apostoli docebant, sed quemadmodum nuptijs cælibatum, sic diuitijs paupertatem præferebant propter vitam, quam ipsi elegerant perfectionem, non ignari & nuptias, & diuitias esse ad humanam, ciuilemque vitam necessarias. Est igitur magni & religiosi animi diuitias in paupertate contemnere, in secundiore fortuna, eisdem prudenter uti ad beneficentiam & liberalitatem, & in vtraque conditione virtutem colere & libertatem retinere, cupiditatibus imperantem. his enim longè turpius, quam hominibus seruitur. quam alteri, ut Cicero ait, *se adipisci posse arbitrantur. si opes magnas habeant, alteri si contenti sint, & suo & paruo.* quorum neutrum abhorret ab ea, de qua tam multa diximus animi magnitudine. nec diuitias igitur, ut de gloria diximus, vel optare vel habere turpe ducendum est, nec rursus paupertatem fugere vitiosum. nā qualiacumque siue bona expetere, quatenus modo bona sunt: siue mala vitare, qua talia sunt nulla lege prohibemur. diuitias autem nemo ignorat, bonis fortunæ annumerari, paupertatem malis. cæterum fortunæ non ea vis est, ut quenquam possit vel bonum secundo flatu, vel malum efficere, si refluauerit: qua ratione ducti Stoici nihil in bonis habebant aut malis, præter virtutes & vitia, quibus homines boni & vicissim mali censentur, præposita & reiectanea nuncupantes ea, quæ ab Aristotele cæterisque Platonis alumnis corporis vel externa bona & mala nominantur: bonum esse statuentibus, quidquid adsciscit natura: malum, quidquid vicissim aspernatur. Illud tamen dubiū non est, quin virtus ad officiosa munera fungenda sæpe bonis non solum corporis (quod est animi velut instrumentum) sed externis etiam iunetur. fieri enim non potest (inquit Aristoteles) aut non facile fit, ut is agat



agat res præclaras, cui defunt facultates, Nam liberalitatem exercere  
 vel eodem tacente constat sine diuitijs posse neminem, magnificentiam  
 verò multo etiam minus. vtraque enim virtus in pecunijs rectè collo-  
 candis maximè cernitur: sed illa in paruis aut mediocribus, hæc in sum-  
 ptibus magnis intelligitur. Transi ad iustitiam, quæ tanquã lucifer dici-  
 tur inter cæteras virtutes elucere, nõne opes illa quasi neruos deside-  
 rat? quibus non suppetentibus, ne otium quidem suppetit ad gerendã rem  
 publicam, magistratibus & principibus necessarium, nec vires ad impo-  
 tentium cupiditates coercendas, ipsosq; cum tenuioribus pari iure cõ-  
 tinendos. Age verò ciuilem vitam omittamus, quæ haud dubiè sine opib.  
 non consistit, egone philosophantium quidem contemplantiumq; vi-  
 tæ locum relinqui dico, si rem familiarem omnino subtraxeris? Nam vt  
 intellectus in homine sine vita & sensu, quæ res nobis sunt altera cum  
 stirpibus, alter cum beluis cõmunes, inesse non potest: sic in magna esu-  
 ritione, & nuditate, vel grauiori morbo corporis, animus à pulcherri-  
 marum, diuinarumq; rerum contemplatione ad quærendas res vitæ, ac  
 valetudini necessarias sollicitè reuocatur. L E. Tu igitur eorum confi-  
 lium damnas, qui suis facultatibus, si quas habebant, reiectis, viuunt in  
 ocio aliorum liberalitate, tanquam horum vita violenta sit, & contem-  
 plationi, ac naturæ legibus inimica. I nunc & Lutherum lacera maledi-  
 ctis, qui ob hoc ipsum monachorum instituta non probat, quia volunt  
 inuitissimo Paulo *nõ laborâtes ex alieno viuere*. D E. Lutherum Leopoldo iu-  
 be cum sua inscitia, vel nefaria potius impietate valere, ceteros mona-  
 chos ex se ipso metientem, ego enim vitam apostolicam omni viuendi  
 rationi præfero. in qua Christum ipsum imitantur, qui opere & sancti-  
 tatis exemplo iuuantes plurimos, religioni vacant, & optimarum re-  
 rum, doctrinarumq; contemplationi. neq; enim refert, ad otium con-  
 templationis ex suo, an ex alieno necessaria ad vitam suggerantur. quã-  
 quam non ex alieno, sed ex sibi debita mercede viuere dicendi sunt, qui  
 eorum *carnalibus*, vt inquit Paulus, aluntur, quos ipsi *spiritualium suorum par-*  
*ticipes* effecerunt, docendo, admonendo, Deumq; peccatis populi succē-  
 sentem precibus sacrificijsq; placando. Non igitur vituperandum, sed  
 summa laude horum institutum dignum esse dico: illud tamen conten-  
 do, ne horum quidem vitam sine opibus constare posse suis, vel alienis.  
 fac enim esse omnes Christianos egenos, quis alimenta esurientib. sub-  
 ministrabit? quis nudos vestiet? agrotantes curabit? quod si egenis Chri-  
 stianis licet in otio literarum aut contemplatione alienis opibus viue-  
 re, cur non diuitibus, suis? honestis artibus sine alterius iniuria partis?  
 & cum labore, quemadmodum Paulus præcipiebat. Nam qui furabatur in  
 quit, *iã non furetur, magis autem laboret operando manibus suis, quod bonum est, vt*  
*babeat vnde tribuat necessitati eius patienti.*



¶ **L E**. Rectè Democrates mihi quidem videris, & ingeniosè diuitiarū causam perorasse, sed dicat fortasse quispiam, neque ad liberalitatem, nec ad magnificentiam, ceterasque virtutes colendas opus esse diuitijs. primum quia natura, cuius legibus ipse tā opere patrocinaris, paruo & parabili contenta est: deinde, quia ratio virtutem efficiens non in opere posita est, sed in animo, & voluntate. si quis enim sic animatus affectusque sit in summa paupertate, ut si diuitiæ sibi contingant, eis sit ad liberalitatem, ac magnificentiam perlibenter vsurus, hūc credo nemo negabit, liberalem esse atque magnificum, eadem ac in criminibus ratione, quorum aliqua cogitata duntaxat, ciuilibus quoque legibus capitali supplicio vindicantur. Nam quod ait Aristoteles, virtutes operibus indicari, cum voluntates lateant, & iniusti quandoque iustè agendi voluntatem mentiantur, hoc ad virtutis declarationem pertinet, hominumque notitiam, non ad rem aut eiuldem rationem, cuius efficiens voluntas homines fallere potest, Deum non potest, corda humana perscrutantem, & apud quem gloria cuiusque est suæ conscientiae testimonium. hominibus enim suademus, Deo autē manifesti sumus, ut ait Paulus. Et Christus, *quicumque mulierem viderit ad concupiscendum, iam mæchatus* (inquit) *est eam in corde suo*, quod de libidine & adulterio dictum ad omnia peccata & contrarias virtutes consensu doctissimorum commodissimè transfertur. Nam viduam pauperulam, quæ misit æra duo minuta in gazophylacium, plusquam diuites omnes misisse idem Christus testatus est, propter maiorem videlicet animi eius liberalitatem. *Si enim voluntas prompta est* (ut inquit Paulus) *secundum id quod habet, accepta est; non secundum id, quod non habet*. Quid quod actiones externæ per se nec honestæ censentur esse, nec turpes, ut internis accedentes ipsas honestiores reddant, aut turpiores. Nam cum ab inuitis eduntur, aut per ignorantiam, breuiter cum voluntas abest, nec laudi tribuuntur, nec vituperio, & minima sunt insitæ virtutis aut vitij documenta. Adde quod si quando videntur obiri voluntariè, tamen tunc necessitate quadam naturali parent imperio constantis, accertæ voluntatis: ut hac quoque ratione nec apud Deum, nec apud homines laudem & gloriam, aut res contrarias mereantur.

¶ **D E**. Non ego Leopoldæ cum diuitias à ieiuna quorundam, & si verū fari licet, ambitiosa leueritate assero, Cræsi, aut Midæ thesauros ad vitam ducendam præsertim priuatam desiderari dico. Nam ut ceteris in rebus, sic in diuitijs modus est optimo cuique tenendus, tantumque rei familiaris auctore philosopho desiderandum, quantum satis sit, ad sumptus & necessarios & liberales. non solum nobis pro cuiusque conditione, sed etiam ijs quibus tenemur ex nominis facultatibus impartiri, præsertim domesticis, qui nostræ fidei sūt lege naturæ, atq; diuina cōmissi. Nam qui suorum, & maxime domesticorum (ut Paulus testatur) curam non habet, is

fidem



*idem negauit, & est infideli deterior.* Itaq; homo ciuilis (vt docet Aristoteles)  
 & qui se rebus agendis tradidit, vt multis alijs rebus, sic opibus indiget  
 ad res gerendas: & quo maiores & clariores, hoc etiam pluribus. hono-  
 rati enim nobilesque ciues pluribus indigent, quàm obscuri, & ignoti.  
 Nam Reges & principes sine magnis opibus infirmi sunt, ab hostibusq;  
 despiciuntur. qui verò philosophiæ se, contemplationiq; dedunt, hi di-  
 uitijs parum indigent, quæ ipsis potius impedimento sunt ad contem-  
 plationem. paruo igitur contenti esse debent, præsertim suo, studia enim  
 literarum otium in primis requirunt, & animi tranquillitatem. quorum  
 vtrumque egestas excludit, nisi adsint necessaria ad victum, reliquum-  
 que cultum. si ne quibus negat Aristoteles naturam sufficere ad contem- *Ethic. 10.*  
 plandum. Est tamen genus quoddam philosophandi, quod non tam in  
 doctrinis versatur, & studio literarum, quàm in commentatione mor-  
 tis, & cohibitione humanæ cupiditatis, superbæ ac peruicaciæ. hæc e-  
 nim nisi cunctis rationibus coerceantur, nos ducunt (vt Paulus ait) in *1. Tim. 3.*  
 interitum & in laqueum diaboli, quibus malis vt occurrant, qui ad hunc  
 modum philosophantur, homines egregia in Deum pietate, ac religio-  
 ne per omnem laborem, curam, sollicitudinem, affligere sibi proposue-  
 runt, & quasi domare corpora sua, & affectus, omnesque carnis quæ mi-  
 litat aduersus spiritum, prauas appetentias refrœnare. qui omnes pau-  
 pertatem in primis suscipiunt, & profitentur, sed ita vt ipsorum quidā  
 diuitias vniuersi habeant in commune, vnde alantur, singuli nihil om-  
 nino suum: alij tam publicè, quàm priuatim egeni viuant in diem stipe  
 ab hominibus religiosis, ac liberalibus emendicata: vtriq; sanctitatem  
 egregiè, pietatemque colentes vtrique ex parte vitam Apostolorum i-  
 mitantes. Horum igitur instituto paupertas, aut etiam mendicitas vel  
 accersita conuenit, nuditasque, ac omnis vitæ difficultas. hi sunt in pri-  
 mis de quibus ait Christus, *Beati pauperes, beati qui lugent, beati qui esuriunt.* *Matth. 5.*  
 ad talem quandam, aut huic non multum absimilem vitam & Chri-  
 stus, & Paulus homines adhortabantur, quos diuitias vt abijcerent cō-  
 monebant. sed quanquam hæc perfectissima, proximaq; via est, & qua-  
 si compendiaria ad vitam æternam, non tamen sola, nec prorsus neces-  
 saria putari debet. Nam in domo Dei patris, mansiones multe sunt, ad quas (vt *Io 14.*  
 Paulus ait) non omnes vna, sed alius alia via progreditur. diuisiones enim *1. Cor. 7.*  
 gratiarum & operationum sunt, idem verò Deus, qui operatur omnia in omnibus sicut e- *1. Cor. 12.*  
 nim in vno corpore multa membra habemus omnia autem membra non eundem adum  
 habent: ita multi vnum corpus sumus in Christo, singuli autem alter alterius membra, *Ad Rom. 12.*  
 habentes donationes, secundum gratiam, quæ data est nobis, differentes. in quarum  
 donationum commemoratione non prætermisit Paulus liberalitatis  
 opus, quod est fructus diuitiarum, cum ait, *Qui tribuit in simplicitate.* Porro *Rom. 12.*  
 Christus cum Apostolos mitteret ad prædicandum Euangelium, apud  
 optimum quemque vires ingressos diuersari, eiusque liberalitate, quæ  
 Ece  
 sine



Matth. 10.

sine opibus non præstatur, vti præcipiebat: illud adiiciens, *Qui recipit vos, me recipit: & qui me recipit, recipit eum, qui me misit. Qui recipit prophetam in nomine prophetae, mercedem prophetae accipiet, & qui recipit iustum in nomine iusti, mercedem iusti accipiet. Et quicumque dederit uni ex minimis istis calicem aquae frigidae tantum in nomine discipuli, amen dico vobis, non perdet mercedem suam.* Non igitur pauperibus tantum aditus est ad regnum cælorum, sed ijs etiã nihilo minus, qui pauperes & iustos suis opibus liberaliter fouent, vti enim illos, sic hos fore

Matth. 25.

ipso summo iudice *Venite benedicti patris mei, possidete paratum vobis regnũ à constitutione mundi: esuriui enim & dedistis mihi mādūcare, sitiui & dedistis mihi bibere, nudus eram, & cooperuistis me quidquid enim fecistis uni ex istis fratribus minimis, mihi fecistis.* Itaq; Paulus Timotheũ iubet, vti diuitibus huius sæculi præcipiat,

Ti. 6.

non diuitias abijcere (sciebat enim, vti Chrysostomus interpretatur, diuitias non esse prohibitas) sed non efferrì, non sperare in incerto diuitiarum,

Aug. in serm.  
de ver. euang.

*bene agere, facile tribuere, & cōmunicare.* Neq; enim diuitias expauit Paulus, vti inquit Augustinus, sed morbum diuitiarum, hoc est superbiam. Diuitiæ igitur bonis & Christianis hominibus tantum abest, vti noceant, vti præbeant etiam multas ad virtutem & religionem colendam & exornandam commoditates. sunt enim quasi caput & fons beneficentiae & liberalitatis, quae pauperes subleuantur, & magistri morum, ac religionis sacrorumq; præfecti aluntur, tēpla surgunt, & exornantur, ea magnificentia quaedam dotata, vti census non modo procurandis faciendisq; sacris, & ipsorum ministris alendis sufficiat, sed etiã ad multorum pauperum indigentiam alleuandam. Qui census si ab episcopis quibusdã, alijsve sacerdotibus malè administrantur, qui non domini, sed quasi quæsttores & dispensatores sunt Ecclesiasticarum opum, hæc culpa morum (vti ante dicebã) est, non diuitiarum. Iusti enim ac religiosi episcopi, & sacerdotes, quo ditiores, hoc sanctiores sunt, & reip. magis vtilis, plurimis hominibus pupillis, & viduis, egenisq; cæteris ecclesiastica bona sedulo pro sibi cōmisso munere impariantes. Et profecto Leopoldo si æqui esse volumus, nec studiosè (vti quidam) sacerdotibus obrectare, quanquã ipsorum quidã bonis ecclesiasticis abutantur, illud tamē cōfiteri necesse est, eorum bonorum maximam partem à sacerdotibus in usus pauperum distribui. ceteros enim ciues etiam diuitijs affluentes, timidè & cū pudore quisquã sanguine proximorum rogare sustinet, vti aliquid sibi inopia laboranti impartiat de magnis opibus ad filiam exēpli gratia collocandã, aut alias vitæ necessitates tolerandas, ne quasi filijs, aut nepotibus quorum est ius hereditarium, iniuriã facientes repellantur: à sacerdotibus aut non solũ fratres & sorores, sed horum etiã filij, cæteri q; consanguinei tam incunctanter iuuari se petunt, vti non precari, sed optimo suo iure postulare videantur. itaq; velis nolis, dandũ est, opportunè, importunè flagitantibus. & rationem plerumq; si tuã indigentiam excuses, accepti & expensi reposcentibus. ita fit vti maxima pars census ad pauperes præsertim consanguineos perueniat, saluo iure charitatis, quæ



tis, quæ rationem sequitur necessitudinum naturalium.

¶ Quod verò aiebas, virtutem etiam sine opere cōstare, propterea quod virtutis ratio, quemadmodum vitiorum tota in animo, & volūtate posita sit, tibi vehementer assentior, si hoc dicis, hætenus quodq; crimini verti, aut virtuti tribui, quatenus est voluntarium. aliter enim nullius factum neque vi, neque ignorantia excusaretur. sed voluntatis est, non solū agenda velle, sed vt fiant, cæteris potentijs imperare, quod plerumq; simul fit, atque eodem motu, quē philosophi iuniores, donec animo & voluntate continetur, actum elicited appellat. nam si voluntatis imperio cæteræ potentiæ pāreant, & munus exequatur, harum quoq; opus ad volūtatem refertur, quasi ad fontem & autorē, vocatur q; actus voluntatis imperatus, & vterq; vno nomine dicitur humanus actus. propterea quod homo quatenus homo est, particepsq; rationis, per liberū arbitriū, quod voluntatem cōsueuimus appellare, vtriusq; principium existit. Cæterū talis actio nō solū habet per se quidquā honestatis vel turpitudinis, sed vtraq; re vincit etiā electionem. Vt enim velle, sic etiā agere hominis esse finis statuitur. Cū finis cuiusq; rei, sit propria ipsius operatio. vt finis equi est currere, pecuarij canis, pecus à maleficis animalib. custodire, & quot operationes tot fines habeantur, quorū philosopho teste, eo quisq; potior est, quo perfectior: est autem perfectior ex duobus is, qui si contingat, alter non desideretur: imperfectior contra, post quem alterū præterea requirimus. Vt si adsit iustitia (vtar enim eiusdē Aristotelis exemplo) alia tamē desideramus, si felicitas, hac vna contēti sumus. quo perspicuē intelligitur felicitas iustitiæ, cuius nomine virtutes omnes continentur præstare. Cum igitur duæ sint propriæ hominis actiones & fines citrà vltimū, bene velle, & bene agere, & bona voluntate suppetente, actio quoq; desideretur, post bonam actionē, non item bona voluntas requiratur, quippe quæ bona actione continetur, vt in felicitate iustitia, dubitari non debet, quin bene agere, quā bene velle perfectior finis, ac proinde præstantior, & honestior habeatur, quæ ratio eadē est in peccatis. Age verò, vt rem accuratius perquiramus, si finis cuiusq; rei est, quo fertur eadem ac intuetur, nōne actio, quo fungi vult quisq;, voluntatis eius proximus erit finis? Nam verū & falsum, quæ spectat intellectus, vt philosophi docent, in mente sunt, bonum & malum, quæ voluntas intuetur in rebus habetur. finem porrò in rebus agendis principem esse, non est philosophi dubitare. Itaq; si verū quærimus, idcirco voluntas bona est, & honesta. quoniam opus ipsum quod molitur, est bonū & honestum. Huc enim valet, quod tradidit Aristoteles, honestarum rerum cupiditates laudandas esse, turpium vituperandas. vt dubium non sit, quin actiones voluntati præferantur. Nam propter quod vnumquodq; tale est, id magis esse tale, rata sententia est philosophorum. L E. Voluntatem igitur bonam esse dicis, quoniam o-



3. *Ethic.*3. *de an.*5. *Ethic.*3. *Ethic.*

Ethic. 10.

Matth. 15.

pus, quod editur est bonum? D. E. Num miraris, si ut ceterarum rerū, sic animi honestatem ex ipsius sine metior autore philosopho, qui suo re quamq; sine decerni testatur? L. E. Actus externus, si voluntas absit, quæ est appetitus cum ratione, nec honestus habetur nec turpis. Nam idem Aristoteles negat, ullam esse vel bonam, vel malam actionem sine intelligentia & more, quod pertinet ad electionem. Itaque nec turpia vituperanda esse tradit, nec honesta laudanda, nisi fuerint voluntaria: scilicet quia talia nomine tenus, non etiam re vel turpia, vel honesta esse intelliguntur. D. E. Ego Leopoldo cum hominem appello non statuum dico marmoream, aut cadauer, sed corpus anima rationis particeps formatum. sic cum actum externum cum interiore conféro, voluntariū actum intelligi volo, non vi expressum, aut ignorantia naturæ editum, quo in genere fateor nec turpitudinem inesse, nec honestatem. Nemo enim nisi volens (ut testatur philosophus) vel iuste agit vel iniuste. nec est iniuste, timidè ve agere, cum uxore aliena cōcumbere, aut proiectis armis terga dare, & similia facere, sed sic se habentē facere, hoc est scientē & volentem, præterquā ex accidenti. Est igitur voluntas actionis quasi forma, & in iudicio morū magis spectatur, quā opus. qualis enim quisq; morib. est, tales solet facere electiones, & in actiones similes voluntas eius est procliuvis. At opera interdum venditationes sunt, & fictio etiā vultu, non solum verbis ostentantur. Itaque voluntas quo largior est, & promptior, eo magis vel sine opere, si facultas abest cum ab hominibus laudatur, tum Deo grata est, & maiore charitate gratiaq; suffunditur. sed par voluntas cum opere sanctior habetur, & maiore premio nescio an essentiali (ut theologi loquuntur) at certē accidentario remuneratur. Neque vero noua quæstio est, in virtute vtrā potior habeatur, electio, qua volūtas intelligitur, an actio, sed à Socraticis vsq; temporibus inter philosophos agitata: quam sic Aristoteles expediuit, ut perfectionem in utroq; simul constituerit, hoc est in actione voluntaria, & ab electione profecta. Nam quod ais posita volūtate certa & cōstanti, siue ut nunc loquuntur, efficaci, necessitate naturali, si facultas adfit, actionem existere, leuissimum argumentum est: cum eadem prope modum ratione affirmare liceat, ipsum velle non liberum esse, sed necessarium. propterea quod posito voluntatis motu, ipsam velle necesse est. quidquid enim est, quando est, necesse est esse, ut docent philosophi. nō est igitur ita, sed cum homo voluntate operatur, tam actio externa voluntaria est, quā ipsum velle. voluntarium enim atq; liberū esse intelligitur, quidquid à principio libere agente, hoc est à volūtate proficiscitur. quod nihilo minùs actioni externa conuenit, quā electioni: vel Christi ipsius testimonio, cuius ea verba sunt in Euāgelio: *De corde exeunt* (inquit) *cogitationes male, homicidia, adulteria, fornicationes, furta, falsa testimonia, blasphemie.* Neq; verò solū tales actiones liberę sunt, & volūtarię, sed si quis



si quis habitus ab ipsis fuerit ingeneratus, actiones etiam ab hoc iam natura prodeuntes pro voluntarijs, & liberis à philosophis habentur propter libertatem voluntatis, unde quasi à fonte ipsorum initia per habitum & priores actiones ducuntur. Nam quorum principium est, in ipso (vt tradit Aristoteles) hæc & agere, & non agere in eiusdem est potestate. Quinquam igitur virtutum, vitiorumque ratio in voluntate, siue electione potissimum intelligatur, perfectio tamen in actione voluntaria consistit. Nam si ratione, scienterque gubernator nautis, vt explicet vela: dux militibus imperet, vt ineant in hostes pugnam: rudentibus tamen, & armis non suppetentibus, aut re alia impediante neutrius imperio pareatur, constabit quidem officij ratio ducis, & gubernatoris, qui quod in ipsis erat præstiterunt, sed irritus conatus officium inchoatum faciet, ac imperfectum, sic boni consulendum est, si quis beneficia, quæ inopia rei familiaris exclusus, opere conferre nequit, præstare sit animo & voluntate paratus, huiusmodi tamen officium nemo dicet esse perfectum, nec enim pauperum indigentia bona cuiusquam voluntate, si res absit, subleuatur, qui finis est liberalitatis. Nefas est autem existimare, in Christiana rep. cum cætera sint perfectissima, & vberissima, plena gratiæ, ac libertatis, locum non relinquiquarundam virtutum perfectioni. Perfectum igitur officium, & Deo maxime gratum, auctore Paulo est, quod à fide profectum per charitatem operatur, quæ charitas non modo Deum spectat, sed etiam proximum. Eodemque modo de criminibus statuendum est, non solum in voluntate peccatum esse, sed in operibus etiam à voluntate profectis plerumque maius, cum præsertim aliqua sint ipso genere mala, vt testatur Aristoteles, & quæ nomine ipso turpitudinem præferunt, vt furtum, & adulterium, & in decalogo non cupiditates tantum, sed praua etiam opera lege diuina prohibeantur. Vides vt diuitiæ pro cuiusque conditione moderatæ partim necessariae sint ad vitam degendam, & aliquas virtutes perfecte colendas, tuendamque societatem hominum, & libertatem: partim vtilis ad cultum diuinum & templorum ornamentum: tantum abest, vt à Christo vel apostolis damnatae fuisse putari debeant, cum diuitum auaritiam, & inextinguibilem habendi cupiditatem magna cum seueritate castigarent, & eas docerent: minimum apostolicæ vitæ conuenire.

¶ A. L. Satis iam mihi superque Democrates & Leopold de magnitudine animi, eiusque partibus, & vitijs contrarijs differuisse, & meo quidem iudicio prudentissime videmini, sed quanquam vestra disputatione sum equidem vehementer delectatus, cupio tamen audire, expectoque Democrates, quid ad ea respondeas, quibus me tanquam scrupulis quibusdam sollicitari, explicarique velle, & initio, & si meministi, iam læpe sum professus. DE. Scio quos scrupulos dicas, memoriaque teneo, ego vero de fortitudine & magnanimitate paulo accuratius edifferens.



nihil aliud egi, quàm ut altioribus iactis fundamentis, quærelis ista militari-  
 bus satis facerem. ut igitur quæstio commodius explicetur, ne te  
 pigeat obsecro, sæpe ut ais testata breui nunc oratione referre. A L. Fa-  
 ciam verò per lubens. Miles mihi non videtur posse religioni Christia-  
 nae simul, & officio militari quibusdam in locis satis facere. D E. At Io-  
 anni Baptistæ videbatur. qui rogatus à militibus, quid se facere oportere  
 respondit, *neminem concutiat, nec calumniam faciat, & contenti estote vestris  
 stipendiis.* Sed quibus tandem in locis id tibi non posse videtur? A L. Pri-  
 mum ubi certamen est de fama. quia gloriam mundanam appetere cri-  
 minosum est hominibus Christianis, eandem cunctis rationibus quære-  
 re, ad laudem militarem pertinere putatur, deinde in causa iniuriarum.  
 quoniam iniurias persequi, & inimicos fortiter vlcisci, quod ab optimo  
 milite expectatur, alienum est legibus Christianis. Itaque iniuria paulo  
 grauiore laceffitum in singulare certamen inimicum prouocare opti-  
 mi, & generosi militis esse dicunt, Christiani & religiosi negāt: eodem-  
 que modo prouocatum pugnam non detrectare, quod pertinet ad lau-  
 dem fortitudinis. D E. Recte tu quidem Alphonse paucisq; veterem quæ-  
 rimoniā explicasti, respondebo igitur ordine, si prius tamen expli-  
 cueris, quid gloriam mundanam appelles. A L. Haud equidem eam, qua  
 frui creduntur iusti, cum ex hac vita migrauerint, eandem enim iā glo-  
 riam, iam beatitudinem, tum vitam æternam à viris religiosis appellari  
 video. sed gloriam mundanam appello, quæ homines virtute præstantes  
 nobilitat in hoc mundo, & illustri nomine decorat, quæ à nonnullis bo-  
 na fama, ab alijs honor etiam appellatur, propterea quod sit pars hono-  
 ris potissima. Nam cum eius, qui honoratur excellenti testimonium ho-  
 nor esse intelligatur, hoc nulla re tam locuples hominib. contingit, quā  
 honorū consentiente laude, & iudicio de præstante virtute, hoc est glo-  
 ria, sic enim hæc à philosophis definitur. D E. Rem dicis pulcherrimam,  
 & quam ego non dubitem, cæteris omnib. externis bonis anteferre, sed  
 tu quam obrem existimas huiusmodi gloriæ appetentiam esse Christia-  
 nis hominibus interdictam? A L. Quoniam video inanem gloriam ma-  
 gno consensu à nostris philosophis damnari. D E. Quasi verò à Christia-  
 nis tantum improbetur inanis gloria, & non ab omni philosophia docto-  
 rum omnium, prudentiumque iudicio reiiciatur, sed tu quam gloriam  
 appellas inanem? A L. Quam quidam, ut video, viri doctissimi, qui tri-  
 plici ratione docent inanitatē gloriæ deprehendi, primum, si non re  
 ac virtute solida, sed si *simulatione & inani ostentatione*, & ut Cicero ait, *si non  
 modo sermone, sed etiam vultu quæsit* sit: deinde, si à quibus non oportet peti-  
 tur: postremo, si referatur aliò, quàm in Dei laudem, vel aliorum homi-  
 num commoditatem. Peti autem affirmant, à quibus non oportet, quæ  
 ab hominibus quæritur, auctore Paulo, qui ait: *Non quærentes ab hominibus  
 gloriam, cū sit humanū iudiciū incertū, & fallax.* D E. Scio quosdā viros a-  
 lioquin

Luce 3.

Impedimen-

ta bellorū mi-

nus iustè à

Christianis

stipendiis.

scripiuntur.

Responsio ad

impedim.

Inanis glo-

ria triplex.

off 2.

1. Thes. 2.



Alioquin eruditissimos sic de gloria differuisse, quibus cætera quidem as-  
 sentior, sed profecto, qui hominum etiã optimorũ, & prudentiũ iudiciũ  
 reiicit, eiusque tollit certitudinem, & auctoritatẽ, is ego non video quẽ  
 locum prudentiæ, quẽ humanis virtutib; relinquat. Nã quem alium pru-  
 dentem dicere solemus, vel intelligere, nisi eum, qui recte potest de pe-  
 tendis reb; aut vicissim fugiendis iudicare? vt indicat definitio moralis  
 virtutis, quæ habit<sup>9</sup> electius esse definitur, posita in mediocritate quo *Ethi. 2.*  
 ad nos, quemadmodum prudens definiret, hoc est statueret & iudicaret.  
 Age verò si bonorum hominum, & prudentium incertum est iudicium,  
 cur ab his recte, non à malis, & stultis honesta à turpibus rebus dijudica-  
 ri, magno consensu philosophi tradiderunt? Non est igitur ita, neq; ina-  
 nitas gloriæ satis arguitur eo quòd ab hominibus petatur, modo boni  
 sint, & prudentes, quorum iudicio probari volumus. Alioquin Paulus  
 præfatus, qui *institum colit, hunc Deo placere, perperã addidisset & probatum es-*  
*se hominibus.* in quam sententiã illud etiam dictũ est ab eodẽ, *providentes bo-* *Ro. 14.*  
*na non tantũ corã Deo sed etiã corã hominibus.* quib; verbis declaratur, quæ Dei *Ad. Ro. 12.*  
 iudicio bona, malaque iudicantur, eadem à bonis & prudentibus homi-  
 nibus recte magna ex parte probari, vicissimque damnari. Nam quod  
 scriptum est in psal. 52. *Qui hominibus placent confesi sunt, quia dominus spernit eos.*  
 & quod Paulus ait, *Si adhuc hominibus placerem, Christi servus non essem,* de malis Gal. 1.  
 hominibus intelligendum est, vt cum idem dicit, *Nõne homines estis?* non *1. Cor. 3.*  
 de bonis, quorum est haud dubie rectum iudicium. Gloria igitur ab ho-  
 minibus non semper adumbrata, & inanis est: sed expressa interdum ab  
 ipsis & solida maximis & spectatis viris contingit. quæ ab Ambrosio  
 clara cum laude notitia esse decernitur: sed expressius & magnificen-  
 tius à Cicerone definitur: *consentiens laus bonorum: incorrupta vox bene iudicanti-*  
*um de eccellente virtute.* quid tu Leopoldo censes? an tibi videtur talis quo- *2. Tus. quest.*  
 que gloriã inanis esse? L. E. Minime verò, sed solida & vera. Itaque hac  
 quoque in parte tibi prorsus assentior. tu tamen vide, ne in huius eti-  
 am gloriæ (qualiscunque sit) appetitu, peccatum insit. Nam idem Ci-  
 cero (quem de virtutibus, & officijs optime disputasse constat) cauē- *lib. 1. offic.*  
 dam esse ait vel in primis gloriæ cupiditatem, & Augustinus noster, sa-  
 nius videre dicit eum, qui amorem laudis, vitium esse recognoscit. D. E. *De ciui. dei. l.*  
 Nihil est in rebus humanis Leopoldo tam honestum, & bonum, cui *5. cap. 13.*  
 non plurimum gratiæ vel totum potius, bonitatisque decedat: si quis de-  
 core ipsius ad rem turpem abutatur. quid enim honestius, quàm pec-  
 nias egentibus liberalitatem impartiri? at hoc ipsum turpe redditur,  
 & liberalitatis nomen amittit, si quis ea virtutis specie ad tyrannidem  
 spectans, patriæ libertati infidietur, aliudue turpe moliatur. quòd si  
 hoc potest in virtutẽ cadere, vt crimen fiat abutẽdo: quãto magis in glo-  
 riam, quæ bonis externis annumeratur? cuius appetitũ bonũ sponte sua  
 ho. 6.



Eth. 10.

1. mag. moral.

Ethi. 4.

Cap. 22.

Eccles. 7.

Cap. 41.

Ad Ro. 12.

1. Cor. 9.

1. ad Timo. 3.

Matth. 6.

honestumque esse, vno mihi versiculo confici posse videtur in hunc modum: Cuiusque rei bonæ, appetitus bonus est (vt testatur Aristoteles) gloria autem est bonum, gloriam igitur appetere bonum est. Huiusmodi enim facultates (nam sic à philosophis & corporis & externa bona vocantur) propter virtutem rem optimam bona nominari non ignoramus. scilicet vt medicamentum & cibus sani dicuntur, qui possunt ad sanitatem efficiendam accommodari. Quanquam enim talibus rebus probi homines bene, vitiosi possint male vti, vnde facultates (vt dixi) nuncupantur, tamen à proborum vsu ob virtutis prærogatiuam, vt docet Aristoteles, merito bonorum vocabulum eadem acceperunt: vt dubitari non debeat, quin à bonis viris sine vilo crimine possint non solum expeti, sed etiam diligenter comparari: gloriam autem qui negat talibus bonis esse annumerandam, quid hic relinquat in bonis externis, non intelligo. cum horum maximum esse honorem, qui gloriæ comes est atque cognatus, non Aristoteles tantum in libris morum, sed Plato etiam in opere de rep. testis sit locupletissimus. Salomon quoque in prouerbijs, *Melius est (inquit) nomen bonum, quam diuitie multe.* & alio in loco *Melius est nomen bonum, quam vnguenta preciosa.* Non igitur appetitus gloriæ à viris prudentibus atque religiosis damnatur, sapientis enim præceptum est *Curam habe de bono nomine.* & Paulus nos in eandem curam adhortatur, dū ait, *Providentes bona non solum coram Deo, sed etiam coram hominibus.* qui & alio in loco mortem sibi potiore esse profitetur, quam vt ab aliquo gloria sua euacuetur. & ad Timotheum scribens, oportet ait *Episcopum, bonum habere testimonium ab ijs, qui foris sunt:* quod maxime gloriam attingit, sed appetitus gloriæ præposterus, aut prauus, merito in vitijs, & quidē maximis, habetur: hunc Augustinus, hunc Cicero damnat, & libertatem auferre dicit, hunc oēs boni & sapientes detestantur, est aut prauus gloriæ appetitus, cū is nō ad Deum, summūque bonū refertur, sed ad explendas turpes, aut leues appetētijs, vt ad iniusta imperia, & potestates, vel quod est leuiculorum hominū, ad inanē iactantiā, aut quæstū, quod hypocritæ faciunt, quos taxat Christus in euangelio tuba vocantes ad eleemosynam, & in platearum angulis & synagogis orantes, vt videantur & laudentur ab hominibus. tales enim suam, vt Christus testatur, mercedem tulerunt, utique laudem imperitæ multitudinis: à Deo autem, & bonis ac prudentibus viris neque præmium, neque gloriā, sed pœnam potius, & vituperium, præposterus appetitus est, qui virtuti gloriam, quæ comes illius esse debet anteposit. Nam vtrumque vitium cupiditatis obscurat splendorem gloriæ, & soliditatem exhaurit, inanemque reddit. Si de recto igitur gloriæ, honestoque appetitu sollicitus es, primum hic non est magis contra religionem, quam valetudinis, quam scientiæ, quam diuitiarum moderata cupiditas: deinde gloriam ratione petere, non est proprium boni, nobilitque militis, sed communis ei cum omnibus probis, honestis, ac libe-



ac liberaliter institutis hominibus, siue quis in pace rep. administranda iustitiam colat, seu vitam priuatam cum egregia virtute & bonorum approbatione degat. Itaq; Augustinus, cuius tu mihi testimonium obieciebas, amorē laudis peccatū esse statuentis, idem crudelē esse dicit, si quis recte facti conscientia fretus famā suam contēnat. i. pro nihilo ducat quid homines de se vel loquantur vel sentiāt, vt intelligatur, ab ipso non omnis laudis appetitus damnari, sed preposterus, vel à veritate dissentiens. Quid est enim gloriam rōne petere, nisi virtutem maxime colere? quod bonis omnibus est propositum. Nā qui vult excellētem suam virtutem cognitam esse, & bonorum ac prudentium hominum iudicio probari, & ob eam honorari quod est recte gloriā appetere, nō is virtutem prepostere colit propter gloriam, aut honorē, vt falso quidā existimant, sed gloriā & honorē amat propter virtutē, quemadmodū Aristoteles de felicitate differens interpretatur, quod est ad Deū appetitum gloriæ referre. Deū enim colit, qui virtuti dat operā. Itaq; Socrates hanc viā proximā ad gloriā, & quasi cōpendiariam dicebat esse. si quis id ageret, vt qualis haberi vellet, talis esset: sin aliū dicis appetitū gloriæ, à via virtutis abhorretē, facile tibi assentior, eū esse Christianis hominib. interdīctū, sed qui talē putat generosis, bonisq; militib. conuenire, vehementer errat, nimirū si quid nobis superiore disputatione confectū est, ac bonū & generosum militem intelligere oportet, fortem & magnanimum. Nam qui legitimum etiam honorem, & suis virtutibus debitam gloriam nō magni facit, quod magnanimi proprium esse docuimus, is quomodo potest accersitam, & inanē gloriam ex aliorū errore per mendacium aut fictionem, res itidem magna nimitati inimicas affectare?

¶ Nunc venio ad eam partem querelæ militaris, in qua se plurimū quidam, & nimis ambitiose iactant, inferius esse dictantes generosi militis dignitatē, acceptas iniurias grauiore non pertinacissime persequi, aut ab inimicis pœnas communibus legibus, & non armis potius exigere, præsertim certamine singulari, & hanc esse maximā causam, cur non licet bonum militem esse & eundem bonū Christianū, propter religionis præceptū de iniurijs condonandis, scriptum est enim: *Mihi vindictam, & ego retribuam.* & Christi verba illa sunt ex Euāgelio: *Ego dico vobis, diligite inimicos vestros, benefacite ijs, qui oderunt vos. nec verò solum verbis hoc præceptū dedit Christus, sed exemplo etiam confirmauit, pro eis à quibus morti tradebatur patrem deprecatus. Et Paulus, Benedicite (inquit) persequentibus vos, benedicite, & nolite maledicere.* hoc enim negant generosum militem decere. nōne Alfonso, hæc summa est alterius partis militaris querelæ?

A L. Maxime. D E Cur autem decere negant, nobilem militem iniurias condonare? A L. Nimirū quoniā id militari virtuti cōtrariū esse putatur, & laudi inimicum, nam hoc quoque (vt video) ad gloriam referri solet.

D E. Quid ita? nōne militaris virtus fortitudinis, & magnanimitatis

Fff

ratio-

Aug in ser.  
de vita &  
meritis cle  
ricorum.

Ethi lib. x.

Responsio ad  
secundū im-  
pedimentū.

Deu. 32.

Matth. 5.

Luce. 23.

Ad Ro. 12.



ratione definitur? A L. Certe, si recte vos ante, ut mihi quidē videmini, de militis virtute statuistis. D E. At magnanimi propriū esse docuimus, facile, si quid in se cōmissum fuerit, remittere, & ex omnib; minime maiorū meminisse: id igitur præstare, nō est cōtra militis officiū. A L. Argutiae sunt istae philosophorū, quæ dissentientib; silētiū fortassis imponere valeāt, persuadere certe nihil possint contra receptā fortīū hominū, ac inueteratā opinionē. D E. An potest imperitorū hominū existimatio, ut nebulā quādā effundere veritati, sic eius vim tollere, & splendore penitus extinguere? A L. Nō audeo id quidē dicere, sed cū agitur de gloria, plurimū valet hominū opinio. Tolle hominū existimationē, quomodo poterit gloria, de qua quæritur contingere? quæ per te quoq; in iudicio, vocibusq; hominū posita est. D E. De stabili & solida gloria disputam⁹, nō de fluxa & inani, illius aut fundamentū res solida est, præstantq; virtus, qua sublata, siquid secus homines existimēt, error id appellari debet, nō opinio. Tūc igitur gloria recte nuncupabitur, cū expressa excellensq; virtus, iudicio, & voce bonorū & prudētīū virorū approbabitur. qui de virtute iudicantes rē ipsā spectant, non quid vani, & imperiti homines loquātur. Et alioquin magnanimi est, rē spectare ac veritatē colere, cōscientia recte facti contentū, rumores populares vanos quidē pro nihilo ducere, veros & laudes non magni facere. *Mihi enim* (dicebat magnanimus Paulus) *pro minimo est, ut à vobis iudicer, aut ab humano die.* Cōdonare igitur iniurias, ut est, sic esse magnanimi opus, boni, & sapientes existimāt. Itaq; harū condonatio nihil obstat, quo minus liceat & bonū militē esse, & religiosum Christianū. A L. Cur igitur obsecro tantopere inualuit ista inter milites opinio, quorū multi & boni viri & prudentes habētur, ut timori detur ac ignauiæ, si quis iniurias equo animo ferat, impunitasq; relinquat? quoniā tam inueteratam, tamq; insitā militibus opinionem penitus vanā esse dicere nihil habet probabilitatis. D E. magna videlicet rōne, qui enim à multis criminib; & plerunq; maximis, quæ sine difficultate perpetrātur, nec respectu religionis, nec amore virtutis cohibetur, hic cur officio aut religione credatur à periculosis & difficilib; peccatis abstinere? & non timore potius, & ignauiā? Iniurias igitur persequi tū religioni Christianæ, tū etiā virtuti, quæ magnanimitas dicitur, contrarium est, sed stulta vulgi militaris opinione factum est, ut id vulgo putetur ad laudem militarem pertinere, bonis, & prudentibus longe aliter iudicantibus. Sed cum adulterari, hominē innocentem per occasionē occidere, spoliare tenuiores, & cætera id genus flagitia perspicuē sint contra virtutem & religionem, in eaque cernantur plerique milites ferri præcipites, nullo nec virtutis freno, nec religionis retardati, cur talium quisquam virtuti ac pietati seruire putetur, cum laceffitus fert iniurias dissimulāter? & nō potius ultionis difficultatibus & ignauiā deterreri? Fingamus enim animo bonū aliquē perfectumq; militē (nam talem inuenire rarissimum est) qui planē fortis sit, & re vera magna-

B. Cor. 4.



nimus nullo se scelere cōtaminātē sed studiose seruientem virtuti & religioni, solidamq; gloriā cōsectantem, qui præbuerit magna & clara ut militaris, sic aliarū virtutū documēta, & hūc faciamus iniuriā fortē acceptā male de le merito virtutis, ac pietatis causā remittere, quis tot tātarumq; virtutū memor, huius optimē, magnoq; animo factū in diuersā partē interpretabitur? A L. Multi fortasse milites. D E. Credo, quia multi stulti sunt, & rectū iudiciū prauis & morib. & opinionib. corrumpere: nemo tamē bonus. nemo prudens recte factū nō probabit. quanquā magnanimus (ut sæpe diximus) dum ipse recte faciat, quid homines loquātur, parū laborat, stultorū iudiciū penitus contemnens. A L. isto igitur modo quid obstat, quo min⁹ miles aliquis: cui⁹ ante acta vita latrocinij, adulterij, homicidijque fuerit fœdata, possit ad breue recepta sanitate, pœnitētiāq; ductus iniuriā causā pietatis inimico cōdonare, & sic officio fungi boni militis, & Christiani? D E. nihil omnino prohibet. Nā & mēdacissimū quēq; licet aliquādo verū dicere, sed quēadmodū huic vera dicēti ab ijs nō creditur, quib. reliqua ipsi⁹ vanitas est nota: sic illi⁹ animum nemo probat, ne in recte quidē facto, qui prauā illius mētem fuerit cæteris in rebus expertus. ¶ Si verū ergo quærimus Alfonse, militaris ista querela plus habet ambitionis, quā grauitatis & iustitiæ: ut illa altera quorūdā huic nō prorsus absimilis querimonia plus impietatis, quā intelligenti, qui religionē Christianā in eo sustinent vanissime dānare, quod homines reddat ignauos, & ad imperandū ineptos, & quo planius suā ignorantia cū impietate prodāt, haud alio nomine religionis iniquitatē accusant, quā quod dolis, mēdacijs, insidijs, sceleribusq; vafro- & improborū hominū ad tyrannidē tuendā non suffragetur, quo quid potest esse dictū vel indoctius, vel sceleratius? iusti enim ac legitimi imperij diuturnitatis optim⁹ custos est subditorū populorū amor, hic aut nō dolis, nec prauis artibus, sed pietate in Deū, iustitia, humanitate, magnitudine animi, ac ut semel dicā, omnium virtutū opere multo magis, quā ut istis placet, opinione simulationēque alitur, vana siquidē existimatio celeriter excidit, ac in diuersū mutata pro beneuolētia odiū affert certissimā tyrannorū pernitiō. caput igitur harum querimoniarū est ignorantia. huc enim summorū philosophorum adhortationes spectāt, hoc omnes bene institutarū ciuitatū leges petunt, ut ex virtute sine alterius iniuria viuatur, & hæc summa est præceptorū Christianæ pietatis. nec aliter Paul⁹ vim illius oraculi interpretatur, *Diliges proximū tuum, sicut te ipsū:* quod isti non intelligentes philosophorū leges, ciuilesq; probant, religionis sanctitati, qua nihil potest æqui⁹ excogitari succēsent. Sed redeo ad militarem iactationem, quæ quidem tolerabilior videatur in ijs militibus, si qui excepta causa laudis, & iniuriarum, cæteris in rebus egregie pietatē Christianā colūt, ac religiose præceptis eius obtēperāt. at eorum vanitatē, & arrogantia quis ferat (qui cū nullā non partem religio-



lib. 1 sat. 3.

nis violent, & hac contempta, omnibus se quotidie sceleribus obstrin-  
gant, sustinent tamen propter id quod rarissime, fortibus quidem viris  
accidit, seueritatem religionis in eo accusare, quod sibi per eam forti-  
ter agere non liceat, & simul officio boni militis & Christiani satisfacere:  
cum ab utroque toto, ut aiunt, coelo, ceteris vitae partibus abhorreant.  
Itaque videre licet, milites quosdam multis alioquin criminibus infames,  
in vlciscendis iniurijs, aut æmulationis gratia præposteram laudem cum  
suo magno periculo per summam incōstantiam affectare, inimicos interdum,  
aut æmulos ad certantē singulare prouocantes. vbi sæpe volente Deo me-  
ritas luunt suorum flagitiorum poenas. A L. At enim scimus viros multos il-  
lustres, & probos, ut probos solemus appellare, qui minimis vitijs im-  
plicantur, hæc enim non sunt ad viuū rescanda, *nam vitijs nemo sine nascitur*  
(ut ait Horatius) aliquos igitur tales iam accepimus, & vidimus, non di-  
co iniuriæ obliterandæ gratia, sed solo laudis amore præter istam philo-  
sophorum normam maxima pericula, & quæ poterant ab ipsis sine crimine,  
aut nota præteriri, suscepisse. Ut enim taceam Atheniensem, Lacedæmo-  
norum, Romanorumque vetera exempla, quæ sunt scriptis disertorum ho-  
minum græce & latine celebrata, memorare possem Hispanorum complu-  
res huius rei locupletissimos testes memoriæ recentioris, in primisque  
illustrium familiarum viros Emanuelē Leonē, & Suerum Quignonium.  
quorum (ut accepimus) Emanuel, patrū, vel nostra potius memoria in Afri-  
cā traiecit ad querēdas laudis occasiones, ac de more indicto bello, per  
vniuersam Mauritaniā fortissimū quemque ad singulare certamen prouo-  
cauit, quæ fama & æmulatio cum ex tota penè Africa multos fortissimos  
viros in locū pugnae destinatum euocasset, sepe deuictis & obtruncatis  
(ceteros enim periculi mortisque certitudo à pugna deterruit) in Hispa-  
niā cum summa laude occisorum capita, quæ nos pueri spectauimus Hi-  
spali, in triumphum ducens remeauit. Suerus autem Quignonius eadē cu-  
piditate ingens & animi & corporis robur ostentandi, auctorū memoria  
ineunte anno, quo erat Compostellæ Iubileus de more celebrandus, qua  
via Compostellam est peregrinis exterarum nationum, quos religio  
solet frequentes excire, pontem Urbici amnis ad Asturiā custodire sta-  
tuit, hac lege viatoribus proposita, ut quisquis vellet transire pontē, vel se  
quasi victū & virtute inferiorem dato munusculo profiteretur, puta cal-  
cari, seu chirotheca: vel si hoc alienum duceret sua gloria & dignitate,  
non aliter, quam victo custode transiturus. singulari se pedestri, seu mal-  
let equestri certamini compararet, ad quod ille arma generis omnis, &  
equos utriusque paratos habebat quo bello publicè per nobilissimas Gallie,  
Germaniæ, Britanniæque ciuitates indicto, multi fortissimi viri cōfluxere.  
quorum nemo pontē transire tentauit, quē non Suerus aut deuicerit (qui-  
busdam etiam interemptis) aut deditionem facere ex legis præscripto  
coegerit. D E. Tales quosdam ex illustribus viris extitisse, qui ad egregias  
corporis,



corporis, animiq; vires ostentandas, affectata populari laude, quasi tempestatem in tranquillo, sic pericula in pace quærent, nemo dubitat quod scio multis præterea Hispanis ex mihi notis accidisse, voluti *Virbina*, *Didaco Garfiæ*, ducibus spectatæ virtutis & magni nominis, qui non semel, sed sæpius causis nō tam necessarijs, quàm ambitiosis inimicos, aut amulos, ad certamen singulare prouocarunt, & vicisse gloriosum putauerunt. Sed vt ipse dicebas, nemo viuit sine crimine, nemoq; constans est in virtute, vt non interdum ab ipsa dilabatur: & vt alij sunt ad alia, sic fateor magnos animos, cū à recta via discesserint, in hæc duo vitia procliuius esse, vt laudē affectent immoderate, à fortitudine in audaciam dilapsi, sintq; iniuriarum plusquā oportet impatiētes. quæ vitia quanquā minus vituperantur quā ea quib. ignaui solēt implicari, vitia tamen sunt, nec animi magnitudini cōuenientia, vt bonum virum acescit potius, quàm vapescat, vt viciū tamen vitio gratiā & bonitatem amittit. & bonus ensis impactus cōminuitur magis, quā hebetetur, vtrunque tamen est detrimentū. Quod verò pertinet ad singulare certamen, quoniā in frequenti corona, & quasi theatro decernere pulcherrimum hoc tēpore plerisq; & magnorum virorū opus esse videtur, nollē quēquā ignorare, hanc consuetudinē commilitonū inter se pugna singulari decernēdi plurimū abesse à veteri tū Græcorum, tū Romanorum militari disciplina, apud quos qui in tale certamen descendissent infamia notabantur. id enim munus seruorum erat, & vilissimorum hominum, qui sanguinem venalē habebāt, gladiatores nuncupati. nā horum paria in theatris spectandi gratia, & iustis exequiarū magnorum virorū edebantur. quāuis hæc ipsa spectacula, optimi ac prudentissimi principis *Cōstantini* lege, vt crudelia, & inhumana, sublata sunt. Itaq; Hispanos tuos miror, gentem non modo bellacem, sed etiā humanā & grauem, hunc apud eos morem inueterasse, longe videlicet ex veteri memoria repetitum, vt non solū ingenui homines, sed clari etiā & illustres sapientæ emulationes & controuersias, quas disceptando vel finire non potuissent, vel noluisent, armis & singulari certamine decernerent. quam operam gratuitam *Africano Scipioni* patris, patruiq; mortis causa multū ad nouam *Carthaginē* præstitisse memorantur, quidam à regulis missi ad specimen insitæ genti virtutis ostendendum, alij æmulatione ducti, *Corbis* autē & *Orsua* patrueles fratres, viri illustres de principatu *Ibis* ciuitatis ambigentes. Nam cum verbis disceptare *Scipio* vellet, ac federe iras, negauerunt ambo, aliū se Deorū hominūve, quàm Martem iudicem habituros. Itaq; ab Hispanis ad Italos & Græcos hæc pugnandi consuetudo videri poterat post labefactatum imperium reip. Romanæ permāsisse, nisi *Carolus Pipini* filius Francorū rex, & idē Romanorū imperator, lege Longobarda nuncupata, & item *Otho* imperator, ac rex Italia tam longo post *Scipionem* tempore sanxissent, vt quædam causæ



hoc genere pugnae testibus non suppetentibus dijudicarentur. quibus tamen legibus antiquatis iure pontificio tanquam immanibus. & iuri diuino contrariis, consuetudo omni philosophia & recta ratione dānata perseuerat inter milites praesertim Italos, Hispanos, & Graecos, aemulationis vel iniuriarum causa decernēdi. quae rationis & humanitatis minimum, ambitiosae feritatis plurimū habet. Inter Gallos enim, Pannonios, Britānos, Germanos, ceterasq; Septentrioni adiacentes nationes, rarissimum est talia certamina spectare, quanquam sint alioquin gētes ferocissimae, & facile mortem contemnentes, scilicet quonia his naturalis inimicitiarum irarumq; modum imponit: nos qui ceteris mortalibus humaniores esse gloriamur, easdem saepe prauis opinionibus alimus, à leuitate, si verum quaerimus, ambitioneq; profectis. Saepe namq; sum<sup>o</sup> ad nostras contumelias ingeniosi, quam peruersitatem damnans Gonsalus ille magnus (quem ego parem summis cuiusq; memoriae viris semper existimaui) dicere solebat, stamen honoris generoso militi crassius esse nendum, docens videlicet paulò duriuscula translatione, si quid in nos dictum fuerit, aut factum paulo liberius vel cōtumeliosius, id esse non amarè querimonia ingeniosa, sed crasso, ut dicitur Minerua, humanè, & quantum res patitur, dissimulanter interpretandum. ne leuibus ex causis temerè ad capitalia dissidia, & talia certamina progrediamur, quae facilè, nec sine principum magna culpa his temporibus, in Italia praesertim permittuntur, praeter veterem, ut dixi, Graecorum & Romanorum disciplinam militarem, per quam olim prouocare licebat ex hostibus aliquem ad singularem pugnam, & utroq; exercitu spectante superare, pulcherrimum gloriosumq; habebatur. sic in bello Troiano Paris pugnauit cum Menelao, Hector cum Aiace, in Thebano Eteocles cum Polynice: sic ex Romanis, ne singulos referam, Manlius cum Gallo, à quo deuicto propter torquem eidem detractum, Torquati cognomen tulit, & ante hunc eodem ferè modo tres Horatii cum tribus Curiatis de summa rerum, publica auctoritate dimicarunt, quos imitati nostra memoria vndecim Hispani permittente Gōsalo magno cum totidem Gallis de gloria duntaxat, exercitibus spectantibus, equestri pugna decertarunt, dubiaq; victoria interuentu noctis, cū maiore tamen Gallorum detrimento discessere. eodemq; genere pugnae paulò post tredecim Itali ex eodem exercitu parem quoq; Gallorum numerum deuicere. Nec vero solum militibus tunc illud fuit concessum, sed ineunte bello dux ipse Gonsalus, dum se Barileta cum Hispanorum parua manu contineret, Gallorum ducem foederis percussū violatorem dirimendarum controuersiarum gratia ad singulare certamen prouocauit. Nec mirum est, Gallū pugnae detrectasse, qui datas acceptasq; in regni Neapolitani diuisione leges, fretus suorum multitudine cōtemplerat. Cōstat igitur tales cum hostibus pugnas, ut his temporibus, sic olim inter claros



claros etiam viros non modo per leges concessas fuisse, sed etiam vstitas: commilitones autem inter se, ut nunc fit, gladiatorum more dimicasse, nullos antiquitus video neque consuetudine illarum, quas dixi gentium, neque legibus fuisse permisos. A L. Alia est gladiatorum abiectissimorum hominum causa, qui vel empti pretio, vel mercede conducti in ludis theatralibus dimicabant: alia honestorum, & fortium virorum, qui laudis studio, aut dirimendæ controuersię causa inspectante exercitu, aut in corona militari depugnant. D E. longe quidē alia, sed vtraque in milite non modo contra religionem Christianam, sed etiam præter veterem militarem disciplinam.

¶ A L. Nunquāne igitur licebit Christiano militi singulari pugna decernere? D E. Licebit, quoties multis fuerit simul pugnare permillum. Quibus enim turmatim, legionatimve dimicare per Christianas leges permittitur, hos quid prohibet pro eadem causa, & cū eodem hoste cōfigere singulariter? An minus licuisse arbitremur, Dauidi Philistæum I. Reg. 17. Goliathū pugna singulari prosternere, quā si hoc idē confecto multorum prælio peregisset? Nā cum hoste legitimo, ut cūq; in bello depugnare, non est tentare Deū, quod lege diuina vetatur, sed officio fungi boni militis: nec hostem tollere, est homicidium patrare, naturæ quoque lege prohibitum, quod fit, cum innocens homo, & indemnatus iniussu principis, aut magistratus occiditur, sed victoriam quærere hostium numero diminuto. commilitonum inter se, aut ciuium dissidentium longe alia ratio est. Turpissimū est enim belli socios, quos oportet ope mutua causam cōmunem defendere, stulta, ut sæpe fit, ac perniciofa ambitione inter se pugnare, aut velle suas priuatas controuersias ferro potius dirimi velut fortibus impijs, quā cōmunibus legibus dijudicari. A L. Quid si non detur alia facultas dijudicandi, ut posset vñ venire? D E. Quo tandem id pacto? A L. Faciamus aliquem audacia furentē hominem, falso detulisse ad imperatorem, ne cogitatis insidijs lænisse maiestatem, se vno frustra magnis pollicitationibus in sceleris societatem adscito, qui me facinus inficientem, armis se, cum aliter non detur, profiteatur ad acturum imperatore credulo institutū eius pertinaciter approbante, ut mihi armis crimen intentum repellere sit necesse, vel certamine detrectato, causa cadere cum certo periculo non solum infamiae, sed necis etiā, aut exilij, adde etiam bonorum publicationem. hoc igitur si mihi forte accadat, quod omen auertat Deus immortalis, ne tūc quidem mihi liceat per Christianæ religionis seueritatem pro meis fortunis, pro mea fama, pro mea salute depugnare? D E. Tot rebus congruentibus Alfonse, si quis miles certamen recusaret, hunc ego nō fortiter prudentēve agere, nec religiosē credere, sed ignaue & stultē se, suaque prodere iudicāre. nec enim tale certamen suscipere esset turpiter agere (quēadmodū quidā existimant) ut honestū aliquid contingat, quod facere Paulo auctore

vera



Rom. 3.

vetamur, sed arctissimis angustiis sine sua culpa interclusum magnam & intolerabilem iniuriam inferenti, ea ratione, qua sola datur obistere. quod est honestissimum iure naturæ magno tamen scelere prouocatis, & singulari principis iniustitia. Sed quid attinet huc afferre, quæ cogitatione finguntur, nec multis sæculis vsu veniunt, vbi quæritur de ijs, quæ quotidie patrantur, & legibus tum pontificijs, tum etiã diuinis prohibentur? Hoc igitur dico, non licere Christiano cuiquam pugna singulari, nisi cum hoste legitimo decernere, si aliter detur, pacem sine maximis incommodis, ac impendente graui iniuria retinere, vel se legibus tueri, suamq; dignitatem. nunquam tamen, vt euentu pugnae anceps controuersia velut Marte iudice dirimatur. Non est enim committendum, vt tentare Deum eiusq; iustitiam experiri velle videamur. At si grauissima iniuria, intolerabiliaq; danina impendeant, cæteris nobis legum, principisq; subsidijs ademptis, qualem causam fingere me paulò ante iubebas, haud equidem verear, Deum nobis iratum fore, si vltima præsidia petemus à lege naturæ, quæ nulli vnquam interdixit, vim vi repellere, aut iniurias quàm honestissime posset, vel necessaria ratione propulsare.

¶ A L. Aequissima verò sententia, & cui nemo non videatur etiam atq; etiã assensurus. Sed obsecro te Democrates, quando nos huc sermo deduxit, ne graueris illã huic finitimam quæstionẽ nobis expedire, de qua nuper me audiẽte magna fuit inter egregios milites altercatio, propter recẽtẽ memoriã pertinacissimi certaminis duorũ robustissimorũ meæ gentis militũ Spinosa, & Gusmani, quibusdam in cœlũ efferentib. laude, alijs contrã vituperantib. Gusmani consiliũ, qui prostratus, ac omni spe victoriæ deiectus pernecri maluit, quã facienda deditio se victũ confiteri. cui simile quiddã contigerat Sancticrucio, qui Ferrariẽ in nobili ac frequenti corona victus est ab Azeuedo. Quid igitur ipse statuas scire velim, si commisso certamine, talib. ex causis suscepto, generosus miles amisso telo, vel quacunq; ratione, tam miseraliter laboret, vt nulla super sit amplius spes neq; victoriæ omnino, neq; vite, nisi cedat, vtrũ huic honesti? putes, mortẽ oppetere inuictõ animo, an facere deditio nẽ, si qua ex parte, si quãve ratione, sibi valeat in extremis malis consulere. Nam si mori honestius est, ac fortius, vt fert multorũ militum opinio, hic erit alius locus, in quo ratio militaris videri possit cum disciplina Christiana dissentire. Illud quoq; à te perlibenter discerem, facta deditio ab eo, qui turpem causam fouebat, quiq; l. taliter cõfossus paulò post efflauit animam, quale Dei iudicium fore de hoc licebit sperare, si ritẽ confessus fuerit peccata sua: vel si hoc non detur, saltem poenitenti animo Dei misericordiam implorauit, cum illud cõster, sic peremptis hominibus Ecclesiasticam sepulturam iure pontificio negari.

D E. Dicã equidẽ quod sentio, nec me rigida quorũdã ambitiosaq; oratio (ne-



rio (neque enim quid sibi velit ignoramus) obstabit, quo minus explicem liberè, quæ tum à prudentissimis, eisdemque fortissimis viris didici, tum certa ratione sum edoctus. Sic igitur censeo, quod attinet ad priorem quæstionem, fortem militem, si quando acciderit, ut in tale certamen descendat, hoc animo accedere oportere, nihil ut minus cogitet, quàm de facienda deditione, sed sibi statuatur, vel vincendū esse, vel moriendū. Sic enim fiet, ut periculi mortisq; securus strenue acriter q; vrgeat inimicū, nec quidquam reliqui faciat ad egregiam virtutem. Ergo commisso certamine, qui hostem viriliter obtruncat, vel cogit ad deditionem, hunc esse suo iure in strenuis, & spectatis militibus habendum dico: ac vicissim in timidis, & ignavis, qui non tam virtute hostis, quàm sua ignavia vincitur, facitve deditionem, antequàm spes victoriæ, & quoquo modo repugnandi facultas fuerit omnino sublata. Qui verò præsentī animo cuncta præstiterit, quæ à forti milite desiderantur, maiore tamen hostis aut robore, aut armorum peritia, aut fortuna denique succubuerit, ne hunc quidem sua quadam laude fraudandū puto. qui quod in ipso erat præstiterit inuictō animo: quæ vna & magna ratio est virtutis colēdæ. quod si victus utcūq; superetur effugere nō potest quandā in vulgus infamiā, tamen certū habeo maioris animi esse, nō solū prudentiæ, in tantis rerū angustiis deditionē facere, quàm mortē iā voluntariam nihil proficientem oppetere. Cuius rei dubitatio nō solū indigna est homine Christiano, sed abhorret etiam ab humanitate, & ipsa, de qua quæritur fortitudo. Quid est enim talibus in certaminibus deditionē facere, nisi victum se ab hoste cōfiteri? loquor enim de his pugnis ambitiosis, quæ iniuriarum causa, vel hac prætexta, de gloria & æmulationis gratia, ut nunc ferè assolet suscipiuntur. Quod igitur non in tenebris aut solitudine, sed in media luce, & populo vel exercitu tanquam in theatro spectante gestum est, id ne coram ipsis testibus fatearis, mortem præoptare, nonne furoris est, & extremæ demētiæ? A L. At enim mors est ignominia præferēda. D E. Nō eo inficias, si inest in ignominia, facti vel animi turpitudine. Mors enim potius oppetēda est viro forti, quā turpiter aut ignave faciendum. hic autem nulla est alia ignominia post certamen institutū, nisi fuisse victum, quod nec vitari iā potest, nec iure vituperari, cū vacet culpa, quæ potissima ratio est veræ ignominia. A L. Quid si victus honestā causam tuebatur, & crimē falso sibi obiectū repellebat? etiāne huic cōsiliū dabimus. ut faciat tali tēpore deditionē, & crimē intentū fateatur? D E. Moriendū potius est, quā falsum crimen confitendū. Nam cum mentiri ipsum per se turpe est tum cum sua vel alterius infamia turpissimum. Sed victor more huius temporis cum abolita lege Longobarda de gloria ferè, ut dixi, vel iniuriarū causa decertatur, non postulat à victo, ut in se quidquam fateatur, tantum petit, ut se dedat. Hoc autem non est confiteri crimen, sed



Cap. signifi-  
cantibus de  
purgatione  
vulg.

sed se victum esse fateri: tunc esset, si semper & indubitato peior causa vinceretur, quod nunc abest. Vt declarât cum alia quotidiana exempla, tum nobile illud Spoletanorum fratrum, de quibus extat Innocentij tertij Pont. max. rescriptum. qui fratres cum furtum sibi obiectum certando expellerent, quod est postea apud alium repertum, victi tamen sunt, Deo propter alia ipsorum peccata permittente. Ergo victor imperitaq; multitudo, vtcunq; velit interpretetur, deditiois tamen non est alia vis, quam quod se victus victori tradit: nec aliud in his malis dedecus est, quam succubuisse, quod ipsum totum est opinabile. qui verè recteq; iudicant, vbi non est culpa, nullam ignominiam agnoscantibus. Nam victum necessitate cedentem se victori dedere, hoc est in ipsius se potestatem permittere, in qua iam est, nihil addit noni dedecoris, quod sit tanta iactura redimendum. Nisi fortè putamus, qui iam superatus est hunc moriendo posse, quominus fuerit victus recusare. Sed faciamus ignominiam iam acceptam, cum vitari nullo modo possit, posse tamen moriendo non nihil subleuari, quæ dementia est? quis furor per Deum immortalem, vt leuius reddat tolerabile incommodum opinabilis duntaxat infamiae, vtpote sine culpa contractæ, extremum malum sponte subire præter omnem rationem? A. L. Hæc Democrates, vt video, non ratione gubernatur, sed opinione geruntur, atq; more militari. D. E. Quousq; tandem non pudebit nos, vulgarem & inanem persuasionem solidæ virtuti præferre? aut quid leuitate hac potest magis contrarium excogitari magnanimitati? quæ cum cæteras res humanas paruas putet, tum pro nihilo ducit rumores populares. Age verò, qui tam excors est, vt multorum errorem asserat certæ rationi præferendum, hic quem tandem locum relinquit inquirendæ veritatis, aut de quibusvis rebus disputandi? Quid enim ratione fiat, quæri solet à sanæ mentis hominibus non quid stulte vel furiose, nisi forte vt hoc vitetur cognitum, illud sine cunctatione petatur. quanquam id perspicuum est, qui vt seruiat multorum errori, se rationem sequi negat, hunc apertè profiteri, se neq; fortem esse, nec magnanimum, nulla denique virtute præditum, nec virtutis aliud, quam vmbra fortassis quandam consecrari. Nam quod ais, morem quoque militarem suffragari huic errori, negligenter mihi videris, quid maxima ex parte fiat à fortibus etiam militibus obseruasse. A. L. Nonne plerique omnes milites sic loquuntur, moriendum esse potius, quam faciendam, etiam tali tempore, deditioem? D. E. Nonne plerique omnes milites se dedunt potius tali tempore, quam oppetant mortem voluntariam? Neque enim tam interest, quid homines loquantur, quam quid faciant. Veritas enim in rebus agendis, vt philosophorum sapientissimi testantur, non ex verbis, sed ex factis, vitaq; hominum iudicatur. Nam vt quidam encomium, vt dicitur, leuissime canunt ante victoriam, sic multi multa iactant ambitiose præter animi sen-



sententiam, temereque magna, ut sibi videntur, loquuntur, & de se tacite pollicentur, ad rumores populares colligendos, qui in tales angustias detrussi bonitate naturæ rationem præferunt pristinae suæ, & reliquorum stultæ iactationi. Nunquam igitur ego committam, ut huic militi qui cum fortiter, ac strenuè depugnasset, iniquitate tamen fortunæ, quæ in præliis maxime dominatur, non sua ignavia victus est, & extrema necessitate compulsus deditioem fecit, quenquam eorum anteferam qui cum nullum ipsi præbuerint egregiæ virtutis documentum, sustinent tamen stulte magnificis verbis illius prudenter ac fortiter factum vituperare. Huius enim virtus & animus iam re mihi notus est, & certam spem dedit, si æquiore fortuna fuerit usus, egregiam se laudem per occasionem meriturum. illorum audio quidem magna verba, certum indicium fortitudinis nullum fortasse vidi, nec habeo quidquam exploratum, quo possim, quid ipsi tali tempore præstituri sint, tam certa cōiectura polliceri. Ut igitur nihil mouearis religionis respectu, quod ipsum est summum malum, & extrema infamia in homine Christiano, tamen si putas non iam repugnando, amissa videlicet facultate, sed præbendo iugulum nihil proficientem, non tibi, non patriæ, non reipublicæ consulentem, mortem oppetere, quam potes solo verbo, sine culpa vel nouo dedecore vitare pulchrum esse, & fortitudinis opus, vehemēter erras. Illud enim iam non est, ut quidam iactant, fortiter facere, sed stultissime pati. Huc itaque valet tritum illud inter milites verbum, vincendum esse aut moriendum viro forti, ut nec mortis timor, nec periculum obfit, quo minus fortiter ac intrepide inimicum oppugnemus non ut viribus exhaustis, ac utcumque repugnandi facultate sublata, ultro mortem accersamus. quod est hominis planè stupidi, vel perfractio animo. Quanto illud sanioris mentis est, & integrioris animi in extremis malis bene sperare? & qui lataliter est vulneratus desperata corporis, animæ salutis consulere, cui vero spes aliqua vitæ superest, reseruare se meliori fortunæ? Multi enim quorum exemplorum plena vita est, cum infelicitate aliquando pugnassent, non solum maiore virtutis laude ignominiam deleuere, sed etiam optime de patria, vel reipublica merendo summam gloriam sunt consecuti. Quod si quis mortem præoptat, ne viuus infamia, & infelicitis casus recordatione conficiatur: similiter omnino facit, ut qui mortem sibi consciscit, quo effugiat calamitates. quod timidi esse & prostrati animi, testis est non modo Augustinus, sed Plato etiam, & Aristoteles. Nec tamen fuisse miror, qui Gufmani imprudenter, ne dicam stulte & impie factum laudibus efferrent & fortassis ore pleno laudarent, non solum quoniam à solertibus hominibus sæpe infamia inter insaniētes non inutiliter simulatur, ne quos animi forsitan robore, intelligentiaque excellunt, ab ijs magnitudine verborum, cum aliqua popularis existimationis iactura superari vide-



antur, sed etiam quia multi milites tanta cupiditate laudis indomiti ac feri animi flagrant, ut beluis immanibus, quam prudentibus & præstantibus hominibus similes & esse, & haberi malint, ut si vel leonis feritatem virtutibus humanis præferentes. Quæ perniciosa peruersa; ambitio quantum absit ab ea, quam sæpe dico, magnitudine animi, satis est, ut arbitror, à nobis supra declaratum. Alia est enim Sancti crucij causa: qui licet succiso femore in genu concidisset, non tamen nec gladium amiserat, nec spem posse se inimicum male accipere, si ille ut relato pede largius manente sanguine ad victoriam utebatur, sic cominus pugnare perrexisset. Quem porro exitum certamen habuerit non ignoratis. Sancti crucij. n. non fecit ille quidem deditioem, nec tamen se passus est iugulari. quanquam victus fuerit Alfonsi ducis iudicio. qui victo consulens paulatim deficienti, & iam penè quasso sanguine pugnam diremit. Quod autem quæris de spe divini iudicii in eum, qui turpem causam defendens occiditur, quæstio non habet difficiles explicatus. Nam qui delicto pertinaciter indulgens obierit, peccati tenetur in spiritum sanctum: quod nec in hoc seculo remittitur, nec in futuro. Qui verò malorum poenitentia tactus vel puncto temporis ante emissum spiritum, Dei misericordiam implorauerit, de hoc nihil est quod desperemus. Nam testibus Iohanne & Paulo, quicumque Dei nomen invocauerit, saluus erit. nec Deus vult mortem peccatoris, sed ut convertatur, & vivat, vitam scilicet æternam. Nam quod sepultura in loco sacro sic interemptis ab ecclesia negatur, hoc non tam pertinet ad animæ efflatæ præiudicium, quam ad infamiam: qua vivi solent multo magis interdum quam peccato deterreri. Ceterum ut Christiani, sic viri fortis est, ac magnanimi (ut sæpe dico) talia certamina, quoad fieri potest evitare, & nunquam ambitionis, aut ultionis gratia: denique nisi ob honestissimam, eandemque necessariam causam, qualem supra exposuimus suscipere. A. L. Obistere igitur iniuriæ venienti Christianis decernis esse concessum, illatas persequi negatur? D. E. Sic equidem statuo. A. L. Nullane ergo relinquetur male meritos vlciscendi ratio? sed magna impunitas erit pravis hominibus in bonos, & magnanimos debacchandi patientia fortium virorum abutentibus? quid hoc aliud est quam dare improbis & iniustis peccandi licentiam, & optimos quosque reddere iniurijs opportunos? D. E. Nonne leges sunt, quibus crimina pro merito vindicantur? non magistratus? qui ministri Dei sunt (ut Paulus ait) & vindices in iram ei qui malum agit? A. L. Imbecillius & ignavorum hominum est, accepta iniuria magistratus fidem ad ultionem implorare. D. E. At fortium & magnanimorum, cum infertur, robusto animo repellere, illatam porro penitentibus, quod ad se pertinet condonare. Nec tamen si nostræ nobis iniuriæ exemplo Christi, ut docet Chrysostomus, magno animo ferendæ sunt, protinus reipublicæ contumeliæ, aut damna negligenda. Interest autem reipublicæ quam Deus in primis saluam & tranquillam esse vult, ne crimina maneant impunita. Quæ maiorem sæpe civitatibus exemplo,

Matt. 12.

Ioh. 2.

Rom. 10.

Ezech. 18.

Rom. 13.



quàm præfenti malo pernitiẽ afferũt, nisi legitimis pœnis vindicentur. Vindicta enim pars est, & quidem magna iustitiæ, si tamen nõ ad explẽdum priuatum odium sumatur, sed ad correctionẽ malorum spectet, & bonorum tranquillitatem. Quod munus regibus ac magistratibus, bel-  
liq; ducibus commissum est, ne priuatis ciuium, aut militum contentio-  
nibus, & certaminib. status reipublicæ perturbetur, cuiº optimus quis-  
que debet esse colens, & studiosissimus. Quo fit, vt magistratibus, & qui-  
cunq; personam gerunt reipublicæ per diuinas leges, humanasq; liceat,  
iniurias in se illatas rite vindicare, non iræ priuatæ, odiove indulgenti-  
bus, sed ne quid detrimẽti res, aut dignitas publica patiatur. Nam quod  
vereris, ne vir optimus & magnanimus iniuriæ fiat per has leges oppor-  
tunus, nequidquam sollicitaris. Multa enim sunt, quæ tales viros ab in-  
iurijs contumelijsq; tutentur. Est enim (vt diximus) fortis & magnani-  
mi, neminem lædere nisi lacessitum, nullius dictis, aut factis obmurm-  
rare, nullius neque laudi, neque commodis inuidere, aut obrectare.  
res quas alij demirantur, præter virtutem pro minimo ducere. multos  
iuuare, ac beneficijs, & gratuita, liberaliq; opera demereri. cunctis de-  
mum officijs, & virtutibus, omnĩ in se animos cum laude, ac benenolẽ-  
tia cõuertere. Nihil est enim amabilius, nihĩ plausibilius virtute. Talẽ  
igitur virũ, quis lædere inducet animum? aut quis potius non colet, ac  
demirabitur? Quod si quis tam peruersæ mentis, tamque deprauatorum  
morum fuerit, vt virtutem oderit studiose, quod in fortem & robu-  
stum animum cadere non potest, hunc tamen vt pessima quæque manci-  
pia timor pœnæ ab inferenda in fortem, & optimum virum iniuria  
deterrebit. Timebit enim leges, quibus talis mentis, factique peruersi-  
tas, & turpitudine dignis supplicijs vindicatur. timebit, & multo fortas-  
se magis, ne iniuria, quam inferre molitur, fortiter propulsata (propul-  
sare enim optimo, & sanctissimo cuique licet) recadat in suum magnum  
malum. Quod si quis per insidias, & captatam occasionem se iniuriam  
sine præfenti pœna inferre posse confidat, metuet tamen, ne id quod in-  
terdum accidit, vir alioquin optimus, & patientissimus, iniquius ferat  
rei indignitatem, & ira, quæ res est in primis violenta depulsus, paulũ-  
que virtutis ac religionis angustias egressus fortitudinem in audaciam  
conuertat: ac iniuriam turpiter & cum infamia auctoris illatam, seueri-  
us multis approbantibus vlciscatur. Hæc mihi in mentem venerunt,  
quæ de militaris disciplinæ & Christianæ religionis conuenientia pro  
temporis angustia differerẽ, conueniẽter (vt arbitror) piorũ & catholi-  
corum sententiæ, à qua statui nunquam discedere. Cætera (si quæ præ-  
terea desiderabitis) à doctioribus petetis, & magis otiosis. L E. Tu verò  
quæ huius erant loci, cuncta mihi videris acri ingenio, exquisitaque  
doctrina copiosissime collegisse, meque tali tuo sermoni interfuisse ve-  
hementer delectauit. A L. Ego verò profiteor nullas iam pridem horas



nec vtilius, nec iocundius, quam hoc biduo, dum vos audirem traduxisse; tibiq; Democrates ingentem habeo gratiam, quod mihi diuturnam, eandemque difficilem dubitationem exemisti. DE. Si vobis satis feci, tui nostri colloquij fructum, quem maximum optabam. Sit igitur disputationi modus. Iam enim ad vesperas cit, & pontifex ad palatium regreditur.

FINIS.

ARNOLDVS MYLIVS ARN. F.

Birckmannus.

LECTORI.



**C**RIPSIT Genesius Sepulveda dialogum alterum de iustis belli causis, quē inscripsit Democrates secundus, in quo istam questionem potissimum explicauit: An liceat bello Indos prosequi, auferendo ab eis dominia possessionesque, & bona temporalia, & occidendo eos si resistantiam apposuerint, vt sic spoliati & subiecti, facilius per prædicatores suadeatur eis fides. De qua controuersia quia tunc grauissima erant doctorum disputationes, latuit ad tempus liber inter priuatos, donec vicit eorū sententia qui publicandum existimabant. Editus igitur est Romæ curante Antonio Augustino sacri Palatii auditore, sed cum inter Italos maximè & Hispanos ista controuersia ageretur, & pauca admodum exemplaria excusa essent, ad exteros non peruenit, adeoque in ipsis Hispanorum manibus intercidit. Damus ergo istius libri apologiam, qua libellum suum contra oppugnantium rationes defendit. Fruere Lector, & si per te editi libelli exemplum habere licuerit, deuincas nos tibi memoria beneficij sempiterna.

Colonia Vbiorum.

Aluarus



Aluarus Gomecius libro octauo de rebus gestis  
Francisci Ximenij.

**A**NNO quadragesimo Ferdinando Barriouero rectore, cum noni orbis per Hispanos patefacti indigenæ, duro & acerbo seruitio à militibus nostris premerentur, seruos eos esse contendenti- bus, quasi Barbari homines & contumaces, palamque religionem auer- santes, iure belli iustissimè capti essent: Genesius Sepulveda vir nostra tempestate doctrina & eloquentia illustris, illorum causam libello e- legantissimo, alijs contra asserentibus, defendit. Huius rei cognitio no- stræ academix commissa est: quæ post longam cum Genesio disputatio- nem, hisce verbis ad regium senatum scripsit. Doctrina huius libri ac- curate probat quod assumit: sed quoniam non est satis tuta, librum huc imprimi aut euulgari æquum non est. Atque ita iuxta Complutensis a- cademiæ decretum factum esse, in hunc diem videmus.

APOLOGIA  
IOANNIS GENESII SE-  
PULVEDAE PRO LIBRO DE IV-  
STIS BELLICAVSIS.

*Ad Amplissimum, & Doctissimum presulem, D.  
ANTONIUM RAMIRVM Episco-  
pum Segouiensem.*



COMMENTATIONEM tuam Præsul Amplissime, quam de bello Barbarico aduersus meum de iustis belli causis libellū elucubrasti, & mihi misisti, Cor- dubæ acceptam non sine quadam consilij tui dem- ratione perlegi. Mirabar enim, quæ te causa impulisset, vt elucubrato libello meam huius generis senten- tiam, oppugnare animum induceres, hominis primū tui, tuarumque virtutum, & dignitatis studiosi & cupidi, deinde publi- cam & honestissimam, nostræ nationis & principis, cui tu plurima de- bes, causam aduersus quorundam pertinaciam apertissimis, & grauissi- mis diuinarum scripturarum, & sacrorum doctorum testimonijs, & firmissimo rationum præsidio, & ecclesiæ auctoritate defendentis. Nā te virum prudentem & antistitem grauissimum ambitioni seruisse, vt inge-



ingeniū tā alieno loco, & doctrinam ostentares adduci non poteram. Præsertim cum parum, aut nihil de tuo afferas, sed pleraq; omnia aliena, nec satis tua singulari eruditione digna, & ab his sumpta, qui calumnijs, & strophis, parum vel prudenter, vel modeste, ne quid grauius dicam, in mea sentētia honestissimam Reipublicæ, ac Regum nostrorum causam oppugnant. Sed cum omnia sollicito animo & vaga cogitatione perlustrassem, in eam potissimum opinionem adductus sum, ut te virum optimum, & perhumanum, nihil aliud secutum fuisse, quam officium existimarem, & libello, quo rationum, quibus maxime nituntur aduersarij, momenta complexus es conficiendo, ad meq; mittendo, id egisse, ut vel me errantem & rationibus cedentem, in viam reduceres, aut si peristerem in sententia, quomodo obiecta diluerem, me respondente planius intelligeres. Faciam igitur quod tacitus iubes, imo vero plusquam iubes, proponam enim non tua solum argumenta, sed etiam omnia, quæ mihi vel Compluti, vel Salamanticæ fuerunt obiecta, & interiectis more scholastico mearum rationum fundamentis, & confirmationibus, ad singula respondebo, refellamq; calumnias non tuas (nouī enim animi tui candorem, ac simplicitatem) sed quorundam, ambitione aut etiam grauioribus animi morbis laborantium hominum, quos certum habeo, omni ope elaborasse, quo te, ut multos alios eisdem præstigijs ludificarentur. Sed primum omnium deponenda tibi est falsa persuasio, si forte putas Salmanticensem aut Complutensem academiam contra meum libellum iudicasse, non enim vniuersitatis illud iudicium fuit, sed paucorum corruptorum hominum artificium, non communis sententia, sed duorum aut trium utrobique præstigiæ quorum cæteri auctoritatem propter doctrinæ maiorem opinionem suo iudicio prætulerunt. Sic igitur disputationem ordiris *Quæstio est, inquis, an liceat bello indos prosequi auferendo ab eis dominia, possessionesque, & bona temporalia, & occidendo eos, si resistentiā apposuerint, ut sic spoliati, & subiecti facilius per prædicatores suadeatur eis fides.* Quæstionem autem, ut de mea sententia differatur, ad hunc modum proponere quid aliud est, quam in limine ut aiunt offendere? & ipso statim disputationis principio artes eorum prodere, unde ista sumpsi? Qui cæterarum machinationem, quibus meum librum oppugnant, infirmitati diffidentes præsidium petunt à falsis criminibus, & quas iniurias, & impia latrocinia acerrime meus libellus infectatur, harum me patrocinium suscepisse mentiuntur, ut mihi faciant inuidiam, sibi verò concilient fauorem popularem, nisi forte meum librum vel non legerunt, vel lectum propter characteris paulo cultioris insolentiam non intellexerunt. Quod multis accidisse sensi ex his, quorum suffragio res permixta est, ut scias ipsum à plerisq; indicta causa fuisse damnatum, iure diuino & naturali repugnante. Ego igitur ne te mea sentētia, de qua quæredum est lateat, hos barbaros non

*Salmant. neq;  
Complut.  
academia iudicauit  
contra libellū  
Se puluerat.*



non possessionibus & facultatibus spoliandos esse dico, nec in seruitutem redigendos, sed Christianorum imperio subiiciendos, ne fidem, aut eius propagationem impediunt, prædicatoribus obsistendo, & Deum per idololatriam blasphemando, & ob alias ipsorum utilitates. Aliter igitur quæstio proponenda est ad hunc modum.

*Quæritur, utrum barbari, quos Indos vocamus Christianorum Hispanorum imperio iure ab Ant. Ramiro male subiiciantur, ut barbaris moribus, & cultu idolorum ac impijs ritibus sublati ad accipiendam Christianam religionem ipsorum animi præparentur, qui negant his rationibus dicuntur.*

*Quæstione ab Ant. Ramiro male posita corrigi.*

Primum ita differunt bellum, quo isti barbari in Christianorum ditionem rediguntur 1. non est iustum, non igitur iure debellatur. Illud probatur: iusta bella definiri solent (ut inquit Augustinus. 23. q. 2. c. dominus) quæ vlciscuntur iniurias, isti autem barbari nulla iniuria Christianos affecerunt, non igitur iure his bellum inferitur.

*Argumenta quibus ducuntur qui negant bellum hoc iustum.*

Secundo, bellum quod ad tradendam religionem pertinet, non potest esse iustum, religionis igitur prætextu bellum barbaris iuste inferri non potest, Namq; ad fidem neminem esse cogendum testis est Augustinus in epistola Petiliani, & habetur. 23. q. 5. ad fidem, & concilij Toletani. 4. decretum est ad credendum nemini esse vim faciendum, de quo est in c. de iudæis. dist. 45. & c. maiores de bapt. & eius effectu. Idem testatur Gregor. in epistola ad Pascas. de qua est in eadem dist. c. qui Syncera.

2.

Tertio hoc bellum sit contra Christi & Apostolorum exemplum qui persuasionibus tantum, nulla omnino vi adhibita religionem tradiderunt, non igitur iuste inferitur. Cum omnis Christi actio debeat esse nostra instructio auctore Paulo Ro. 15.

Quarto finis huic bello propositus s. barbarorum conuersio ad fidem, alia ratione, & sine armis commodius obtineri posset. s. per Euangelij prædicationem missis Apostolis, seu prædicatoribus, ut in primitiua Ecclesia factum est, non igitur est bellum inferendum. Nam bellum necessitatis esse debet, id est cum nulla alia ratione belli finem pacemq; consequi datur ut testatur Augustin. 23. q. 1. c. noli.

Quinto. Nulli genti bellum est inferendum, nisi antecedente monitione, & cognita per tinacia, nam obtemperantibus iniustissime vis adhibetur. Quamuis igitur idolorum cultum deponere, & prædicatoribus admittere nolentibus, iure possit bellum inferri, prius tamen ut hæc facerent, essent admonendi, ut non aliter, quam prædicta admonitione pertinacibus bellum inferretur. Hoc autem nunquam factum est ab Hispanis in hoc bello, nunquam igitur iuste hoc bellum intulerunt.

5.

Sexto, fieri non potest, aut certe difficillimum est, ut bellum hoc sine peccatis, multisque malis geratur, ut res ipsa docuit, nunquam enim gestum est sine iniuria & maleficio magnisque incommodis, & iacturis barbarorum. Non est igitur gerendum ne spe quidem boni quamlibet magni, quod eueniatur esse videatur, non enim facienda mala sunt, ut eueniant bona auctore Paulo ad Rom. c. 3.

6.

Septimo. Non est iuris, aut pot. stat. Ecclesie siue Pōificis de infidelibus indicare, Pa. 7. pa ergo nec per se, nec per alium potest infideles ad cuiusvis legis observationem compellere. Nō enim fuit talis potestas Apostolis cōcessa, ut Paulus testatur. 1. Cor. 5. dicens quid enim pertinet ad me de ijs qui foris sunt indicare, ergo nec Ecclesie.

H h h

Contra



Contra hæc faciūt sanctorum patrum apertissima testimonia & Ecclesiæ decretum factum, atq; declaratio.

Responsio  
probat  
primo.

Respondetur. optimo iure isti barbari à Christianis in ditionem rediguntur.

Primum, quia sunt, aut erant certè, antequam in Christianorum ditionem venirent omnes moribus, plerique etiam natura barbari, sine literis, sine prudentia, & multis barbaricis vitijs contaminati, ut testatur historia generalis de ipsis scripta, & auctoritate Indici consilij probata lib. 3. c. 6. Barbari enim, ut ait Thomas, possunt primo, lectione prima, simpliciter nominantur, qui ratione deficiunt, vel propter regionem cæli, ex qua hebetes magnæ ex parte inveniuntur, vel propter aliquam malam consuetudinem, qua homines fiunt quasi brutales. huiusmodi autem gentes, iure naturæ, debent humanioribus, prudentioribus, & præstantioribus parere ut melioribus moribus & institutis gubernentur, sed si admoniti imperium recusent, possunt armis cogi, & id bellum erit iustum iure naturæ, ut auctor est Arist. primo Politicorum. c. 3. & 5. & Thomas ibidem, quo factum est, ut imperium Romanorum in alias gentes fuerit iustum. & voluntate Dei quæsitum, ut testatur Augustinus lib. 5. de ciuitate Dei. c. 12 & deinde Romanis, inquit, concessit Deus maximum, & illustrissimum imperium ad domandum grauiora mala multarum gentium, qui Romani propter gloriam multa vitia comprimebant, id est, virtutes colebant. Ergo eadem potior reque ratione Hispani possunt Indos in suam ditionem redigere. Hoc idem asserit Sanctus Thomas de Reg. prin. lib. 3. c. 4. & deinde allegans Augustin.

2. Secundo isti barbari implicati erant grauissimis peccatis contra legem naturæ, cuius ignoratio, nemini suffragatur, propter quæ Deus deleuit gentes peccatrices, quæ terram promissionis incolebant, cuncti enim idolorum cultores erant & plerique omnes immolabant victimas humanas. Nā quod Deus non occulto iudicio, sed propter huiusmodi idololatriam deleuit eas gentes, testatur scriptura diuina non obscure sed verbis apertissimis. Sic enim scriptum est. ne dicas, cum deleuerit eos dominus in conspectu tuo, propter iniustitiam meam in. re. duxit me Deus, ut possiderem terram hanc, cum propter impietates suas istæ deletæ sint nationes, & ibidem. omnes abominationes, quas auersatur dominus fecerunt dijs suis, offerentes filios & filias, & comburentes igni & explicans scriptura impietates propter quas deletæ sunt gentes: sic ait. Quando ingressus fueris terram, quam dominus Deus tuus dabit tibi, caue ne imitari velis abominationes illarum gentium, nec inueniatur in te, qui lustrat filium suum, aut filium ducens per ignem, aut qui arolos sciscitur, & obseruet omnia, atque auguria, nec sit maleficus, nec incantator, nec qui Pythones consulat, nec diuinus & querat à mortuis veritatē, omnia enim hæc abominantur dominus, & propter istiusmodi scelera deleuit eos in introitu tuo. Quibus redimonijs aperte declaratur has gentes propter idolorum cultum fuisse deletas. omnia enim peccata, quæ hic memorantur Theologorum consensu ad idolorum cultum referuntur, aut impiam superstitionem. Idem prope traditum est Leuit. 18. & 20. Item ob eadem peccata populum Israeliticum magna ex parte fuisse deletum, &

Deut. 9.

c. 12.

cap. 18.



tum, & in seruitutem & captiuitatem abstractum, testatum est in psal-  
 mis *Commixti sunt, inquit, inter gentes, & didicerunt opera eorum, immolauerunt fili-* *Psal. 105.*  
*os suos, & filias suas demonijs, & iratus est furor domini in populum suum, & tradi-*  
*dit eos in manus gentium.* Aduuat quod est sapientiæ. 12. & Exod. 32. quibus  
 rebus declaratur eis peccatis lex naturæ violari, cum ob eadem, vtriq;  
 fideles & infideles puniti fuerint. Quare eisdem de reb. memorans Cy-  
 prianus in exhortatione ad martyrium addit, *quod si ante aduentum Christi*  
*circa Deum colendum, & idola spernenda hæc præcepta seruata sunt, quanto magis post*  
*aduentum Christi seruanda, quæ verba habentur. 23. q. 5. c. si audieris.* Cui planè  
 astipulatur Ambrosius vt est. 23. q. 5. c. *remitantur.* His testimonijs cum i-  
 dolorum cultu modo per se, modo accedentibus humanarum victima-  
 rum sacrificijs, causa iusti belli ac internecionis fuisse memoretur, aper-  
 te declaratur idololatriam per se satis magnam & iustam causam præ-  
 bere fidelibus ad bellum idololatriæ inferendum, vt Nicolao Lyra vi-  
 sum est. Numerorum. c. 31. Illud præcipuè citanti, *subuertite omnia loca in* *Deut. 12.*  
*quibus gentes, quas possessuri estis, coluerunt Deos suos.* Quod etiam Diui Thomæ  
 doctrina, & testimonio comprobatur, qui cum secunda secundæ. q. 10.  
 ar. 8. scripisset, infideles posse bello à fidelibus compelli, non vt credât  
 sed vt fidem non impedian, blasphemijs, vel malis persuasionibus, aut  
 persecutionibus; post hæc. q. 94. ar. 3. idololatria magnam blasphemi-  
 am cōtineri, & opere fidem impugnari testatur. Quam doctrinam secu-  
 tus Lyra, quo loco diximus, *vna inquit iusti belli causa est, contra terrā, in qua*  
*Deus per idololatriā blasphematur, itaq; Augustin⁹ in Epist. 50. quæ est ad Bonif.*  
*docens pios reges seruire Deo idolorum cultū oppugnando sic* *(inquit)* *4. Reg. 18.*  
*Ezechias seruiuit domino locos & templa idolorum, & excelsa quæ contra præceptum*  
*Dei fuerant constructa destruendo & Iosias eadem faciendo. sicut Rex Niniuitarum* *4. Reg. 23.*  
*ad placandum dominum vniuersam ciuitatem compellendo: sicut seruiuit Darius idolum* *Ios. 3.*  
*frangendum in potestatem Danieli dādo sicut seruiuit Nabuchodonosor &c Nam quod* *Dan. 14.*  
 Caietanus infideles negat iure posse à Christianis ob infidelitatem de-  
 bellari, intelligendum est ob solam infidelitatem, puniendi gratia,  
 non autem si fuerint simul idolorum cultores, aut alia ratione nō ser-  
 uent legem naturæ.

Item alia ratione probatur concessum esse Christianis bello persequi  
 idolorum cultores *authoritate publica, & pontificia.* Christo enim secundū hu- *Probatur ra-*  
 manitatem *data est omnis potestas in cælo & in terra.* Vt est Matthæi ultimo, *inferri iuste*  
 hanc autem potestatem Christus Petro vicario suo & successoribus cō- *idololatriæ.*  
 municauit, vt docet Thomas quæ potestas & si propriè versatur in ijs *de Reg. Prin.*  
 quæ pertinet ad salutē animæ & bonis spiritualib. tamē à temporalib. *lib. 3 c. 10. 12.*  
 quatenus ordinantur ad spiritualia non excluditur. vt est in eodem li-  
 bro. c. 13. Habet igitur Papa potestatem vbiq; gentiū, non solum ad præ-



dicandum Euangelium, sed etiam ut gentes si facultas adsit cogat, legē naturę, cui omnes homines subiecti sunt, seruare. ut Innoc. & Hostiens. grauissimi Auctores tradiderunt, in c. quod super his de voto quibus Ioan. Andreas & Panor. suffragantur.

Nam Christus qui sic precepit Apostolis Matthæi ultimo *docete omnes gentes, quęcunq; mandauit vobis*. Idem naturę leges, quę decalogo, & dilectione proximi continentur, in primis seruari iussit. Ut autem infideles Euangelicam prædicationem audire & legem naturę seruare cogantur, necesse est ut Christianorum imperio subijciatur, causaliter igitur ut utar verbo pontificio hoc quoque pertinet ad potestatem Papę, quod magnopere dirigitur ad spiritalia quę sunt eiusdem potestatis. c. per venerabilem. §. rationibus qui filii sint legit. Qui autem idola colunt ij maximè violant legem naturę. Iure igitur Idololatrę bello possunt à Christianis coerceri, ut ipsorum imperio subiecti ex lege naturę viuere cogantur, neue per idolorum cultum ab ipsis Deus blasphemetur, & offendatur. Legem autem naturę ab idolorum cultorib. minimè seruari dubitari non poterit, si legē naturę ab aliqua gente non seruari, quid sit intelligatur. Quamuisq; enim omnia peccata mortalia sint cōtra legem naturę, ut esse docet Augustinus, non tamen si qua in gente peccata mortalia patrantur, protinus hi dicendi sunt legem naturę nō seruare, ut iuniores quidam theologi falso putarunt. Nam eo quidē modo nūquam gentium lex naturę seruaretur. Causa enim publica publicis moribus & institutis dijudicanda est, ut docet Aristoteles non singulorum rectè, aut perperam factis. Sed ea demum gens legē naturę non seruare intelligenda est, apud quam peccatum aliquod mortale in reb. turpib. non habetur, sed publicè probatur, ut apud hos barbaros homicidium innocentium, qui multis in regionibus immolabantur, & vbiq; apud eosdem idololatria, quod est peccatorū grauissimū. Quib. rationib. planè intelligitur non peculiari Dei voluntate & occulto iudicio, sed cōmuni lege naturę, propter memorata flagitia, quę pertinent omnia ad idolorum cultum, illas gentes fuisse deletas. Itaque his diuinę historie & sacrorum doctorum testimonijs colligitur hos barbaros propter suas impietates, si iure summo agendum esset, potuisse & vita, & terris ac bonis omnibus mulctari ad iustam punitionem, quanto igitur magis iure possunt Christianorum imperio subijci, nō ut talia patiantur (nam possessionibus eos aut libertate priuare vetitum est lege Regum Hispanorum) sed ut Christianorum imperio subiecti à talibus flagitijs, quibus maximè Deus offenditur abstinere cogantur, & meliorum rerum consuetudine & piorum commercio ad veri Dei cultum & religionem accipiendam præparentur.

Huc

*Cōtra Faust.  
lib. 22.*

*Polit. 3.*



Huc quoque pertinet, quod est Deut. 20. *si quando, inquit, accesseris ad expugnandam ciuitatem, offeres ei primum pacem si receperit & aperuerit tibi portas, cunctus populus, qui in ea est, saluabitur, & seruiet tibi sub tributo, sin autem & c. deinde sic* (inquit) *facies cunctis ciuitatibus, quæ à te procul valde sunt. i. quæ sunt diuersæ religionis, vt glossa interlinearis exponit, quod in idololâtras maxime conuenit, itaq; idolorum cultores designat, quamuis eorum iniquitates non essent completæ vt Amorrhæorum, vt melioribus & pijs hominib. parentes ad veri Dei cultum ipsorum vel doctrina, vel exemplo dirigerentur.*

Tertio, *innocentes homines, ne indigna morte trucidentur, seruare omnes homines iubet. 3. ter lege diuina & naturali, si facere id possint sine magno suo incommodo. Cum igitur isti barbari singulis annis multa innocentium hominum millia ad impias dæmoniorum aras mactarent (constat enim in sola noua Hispani singulis annis, amplius viginti millia immolari solita) idque prohiberi hac vna ratione posset, si proborum, & à talibus, & tam immanibus flagitijs abhorrentium hominum, quales sunt Hispani, imperio subijcerentur. Quis dubitet, vel hac vna ratione, iustissime barbaros potuisse & posse à Christianis in ditionem redigi.*

Quarto, *homines periculosissime errantes, & ad suam certam perniciem contendentes, seu 4. ignorantes id, seu scientes faciant, reuocare atque etiam inuitos ad salutem retrahere. iuris est diuini & naturalis, & officium quod sibi etiam inuitis præstari omnes homines sane mentis vellent. Omnes autem homines qui extra Christianam religionem vagantur æterna morte perire, si quis dubitat, non est Christianus. Iure igitur barbari salutis suæ causa ad iustitiam compelluntur. Hoc autem officium dupliciter præstari potest, vno modo per doctrinam tantum & exhortationem, altero vi quadam adhibita, & poenarum metu, vt credere cogantur, sed vt tollantur impedimenta, quæ obesse possent fidei prædicati-  
plex.  
oni, & propagationi. Priore modo vsus est Christus, & Apostoli, secundo vsa est Ecclesia postquam Regum & Principum Christianorum potentia, & præsidio munita est, & vtrumque factum, vt docet August. diuino & euangelico præcepto, quod conuiuij similitudine continetur. Nam, cum primi inuitati venire noluerint, Secundi permonitu & doctrina fuerint ad epulas diuinas introducti, Postremi, vt intrent compelli iubentur. Qua de re Augustinus epistola vltima, & habetur. c. disti-  
Luc. 14.  
ret. 13. q. 4. cum ipsi primorum temporum ratio ab hæretico Donato obijceretur Non attendis, inquit, quod tunc Ecclesia nouo germine pullulabat, nondum cõ-  
Psal. 71.  
pleta fuerat illa prophetia, & adorabunt eum omnes Reges terræ, omnes gentes seruient ei. Quod vtiq; quanto magis impletur, tanto maiore Ecclesia viuitur potestate, vt non solum inuite, sed etiam cogat ad bonum, ad cuius confirmationem subijcit Paralolam euangelicam, de qua dixi. Nam quod est in concilio Toletano, & c. maiores de bapt. & eius effectu neminem ad credendum cogi debere, planum & apertum habet intellectum, neminem nec vi, aut bello,*



nec minis compellendum esse ut Christianus fiat, baptismumque suscipiat inuitus. Cuius ratio est, quoniā ea vis esset inutilis, nemo enim voluntate, quæ cogi nō potest repugnante, potest effici fidelis. Itaque doctrina & persuasionibus utendum est. Cæterum, ut quisquā deponat omnia impedimenta ut superbiā licentiamque peccandi, quæ obesse possent tradendæ doctrinæ, minis, & poenarum metu iustissime cogitur auctoribus August. Amb. & Gregorio: nam quod est in concilio I o letano. idem August. qui vim probat, multo ante dixerat *ad fidem*, inquit, *nemo cogendus est, ut dicitis.* alloquitur autem hæreticum Petilianum. 23. q. 5. *ad fidem, sed vos imperatoria lege non benefacere cogimini, sed malefacere prohibemini.* Nā benefacere nemo potest, nisi elegerit quod est in libera voluntate cū aliquid ergo aduersus vos leges constituunt, admoneri vos credite, ut cogitetis, quare ista patiamini. Ad idem in Epistola ad Vincenti. ut habetur, 23. q. 6. c. vides sic scribit. *Vides inquit nō esse considerandum quod quisquam cogitur, sed quale sit illud ad quod cogitur, utrum bonum an malum, non quod quisquam bonus possit esse inuitus, sed timendo quod non vult pati, vel reliquit impediētem animositatem, vel ignoratam compellitur agnoscere veritatem, ut timens vel respuat falsum de quo contendebat, vel querat verum, quod nesciebat, ut volens iam teneat, quod nolebat.* Nam licet contra hæreticos hæc dissenserat Augusti. tamen rationes ipsius contra paganos similiter valere idē ipse August. docet in eadem epistola ad Vinc. ubi de legib. contra utrosque latis memorat declarans, neutris vim factam fuisse à Christo, vel Apostolis, postea verò utrisque illatam ab ecclesia potentia & legib. imperatorū Christianorum munita, ut habetur. 23. q. 4. c. *non inuenitur* in qua epistola docet eisdem rationibus iustam esse legem latam, aduersus sacrificia paganorum, & ab omnibus Christianis laudatam quæ habetur in. c. de paganis & eo. um sacrificijs l. i. ibi enim constituta est poena capitalis & bonorum publicatio. si quis amplius sacris & ritibus paganis uteretur: quam legem primum à Constantino, ut Eusebius in historia ecclesiastica & Hieroni. in chronicis testantur latam, & post à Constantio filio & alijs imperatoribus confirmatam ut piā & iustissimā pugnantissime defendit Ambro. apud Imperatorem Valentinianum. Gregorius autem in epistola ad Aldibertum Britanorum Regem, quæ est nom. lib. 60. hæc de rebus eisdem tradit. *Sic enim Constantinus quondam piissimus Imperator Romanam Remp. à peruersis idolorum cultoribus reuocans, omnipotenti Deo Domino nostro Iesu Christo secum subdidit &c.* nec interest subiecti sint Pagani imperio Christianorum an secus, quibus vis salutifera est inferenda. Nam si

epist. 30 31.

Sibutus rex  
Hispanie Iu  
deos ad fidē  
Christianam  
coegit.

Sibutus Rex Hispaniæ, qui Iudæos ut Christiani fierent coegit, in sibi subiectos vim intulit, tamen factum eius non perinde probatur quia talis vis simpliciter, siue directe ad Christianitatem compellens, inutilis habetur, quia voluntatem cogere nequit, & pertinaciores facit. Prohibere autem à malo, quod fit lege Constantini, quæ eadem est Cōstati, magnum beneficium est, & quod, si absque incommodo nostro possu-

mus, o-



mus, omnibus hominibus, ut proximis impendere iubemur, lege diuina & naturali. *Mandauit deus unicuique de proximo suo* Hæc igitur est ratio ex Euangelica parabola, & August. Ambrosij & Gregorij doctrina, paganos ut ad Christi epulas intrent compellendi. Ut primum Christianorum imperio, si fieri sine magno incommodo nostro possit, qui non sunt subiecti, subijciantur. Deinde ut lege Constantini conuenienter, Idolorum cultu & omnibus Ethnicis ritibus prohibeantur, tollanturque omnia impedimenta, quæ obesse possent euangelicæ prædicationi. Quibus rationibus, & testimonijs edoctus diuus Thomas. Ritus infidelium præterquam Iudæorum negat esse villo modo tolerandos, si facultas adsit, *quamuis aliquando, inquit, fuerint ab Ecclesiâ tolerati, cū Scilicet erant magni infidelium multitudo* nantequam essent Principes Christiani, qui cogere possent. His autem rebus confectis, nulla præterea vis, nullus metus, quo Christiani fiant, est adhibendus. Sed ita præparati doceri debent, & fidei prædicationi, ut Christianismum volentes suscipiant, induci, ut sapientissimi ac sanctissimi Pontificis Gregorij decreto seu testimonio declaratur, quod habetur. 23. q. 4. *si nō*. quo in loco Gennadiū virum optimum & Christianissimum laudat & ab omnibus laudari testatur, quod gentes paganas haud dubie non subiectas in Christianorum ditionem bello redigendas curaret, non ob aliā causam, nisi ut cum essent debellatæ facili⁹ in Christianam religionem per liberam fidei prædicationem, inducerentur. Nam Gennadium scribit vbiq̃ laudari, quod bella frequenter appeteret, *non, inquit, desiderio fundendi sanguinis. sed tantum dilatandæ causæ Reip. in qua deum coli conspiciamus, quatenus Christi nomen per subditas gentes fidei prædicatione circumquaque discurrat.* Loquitur autem non ut quidam somniarunt de Sarcenis siue Mahumetanis, qui eo tempore nulli dum erant, nec ut alij, de Vandalis, qui iam fuerant à Bellisario deleti, nec ut alij de hæreticis, qui puniendi erant, non debellandi, nec gentium alieno nomine vocandi, sed de gentibus in Africa interiore Romano Imperio finitimis, ut declaratur in extremo eiusdem Epistolæ, quæ primi libri est 73. nec denique quod Christianos infestarent, ut falso quidam causantur. hoc enim exclusum est à Gregorio per verbum *tantum*, sed ut à Christianis debellati fidei prædicationem, & propagationem non impedirent. Hoc est. quod Thomas ait frequenter, inquit, *Christi fideles contra infideles bellū mouent, non quidem ut eos ad credendum cogant, sed ut compellant, ne fidem impendant* explicans videlicet causam cur Gennadius, pium bellum infidelibus frequenter inferret. Nam gentes, quæ non sunt Christianorum imperio subiectæ multifariam fidem eiusque propagationem si quis eam inducere velit impediunt. Primum quia publicam eius prædicationem non admittunt, ut constat etiam auctore Thoma libro 3. de Reg. prin. capite 16. nunquam ante Constantini tempus sine mortis periculo publice fidem prædicare licuisse. deinde quia prædicatores etiam occultos

Eccl. 17.

2.2. q. 101

art. 11.

2.2. q. 101

art. 8.

Gentes multi

fariam si lei

propagatio-

nem impedi-

unt.



cultos occidunt, & ne qui suorum conuertantur obsistunt & conuersos  
 persuasionibus, aut etiam persecutionibus auertere conantur. vt sæpe &  
 à multis ante Constantini principatum factum est, & passim initio Ec-  
 clesiæ fiebat. Accedit quod infideles Christianis subiecti facilius addu-  
 cuntur, vt nostros mores & religionem sequantur. Non igitur sola præ-  
 dicatione & disputatione vtendum est, nec in paganos, nec in hereticos,  
 vt in primitiua Ecclesia cum nullus principum crediderat, sed cum fa-  
 cultas adit, vis utilis & permixta quemadmodum exposuimus, adhiben-  
 da. Hæc enim expeditissima ratio est gentes ad Christi fidem conuertendi,  
 vt omni seculo res ipsa & exempla docuerunt. quæ exempla vim ha-  
 bent demonstrationis teste eodem August. in eadem ad Vincentiū episto-  
 la. Cuius verba translata sunt. 23. q. 6. *vides mea primitus inquit sententia erat,*  
*neminem ad Christi & Ecclesiæ unitatem esse cogendum, verbis esse agendum, disputatio-*  
*ne pugnandum, ratione vincendum. Sed hæc mea opinio non contradicentium verbis, sed*  
*demonstrantium superabatur exemplis. Nam primum opponebatur mihi, mea ciuitas, quæ cū*  
*tota fuisset in parte Donati, ad unitatem catholicam legum imperialium timore cōuersa est.*  
*Quā nūc videmus ita animositatis vestræ perniciē detestari, vt in ea nūquā fuisse credatur.*  
*Et item aliæ multæ. Thomas quoque quo anno, inquit, Constantinus conuersus*  
*est ad fidem, baptizata sunt circa partes Romanas plusquam centum millia hominum.*  
 Quod euenire constat eodem modo in hac Indorum conuersione, qui  
 cum fuerint in ditionem redacti, & impijs sacrorum ritibus prohibiti  
 vix euangelica prædicatione audita, agminatim confluunt baptismum  
 postulantes, sic enim ferè hominum more ac natura comparatum est, vt  
 victi facile in morem victorum & imperantium transeant, & facta, di-  
 ctaque eorum libenter imitentur. Itaque hac ratione paucis diebus plu-  
 res & tutius ad Christi fidem conuertuntur, quam fortasse trecentis an-  
 nis, sola prædicatione conuerteretur. *Fieri enim non potest, vt Philosophus*  
*ait, aut non facile sit, vt ea verbis mutantur, & extrudantur, quæ impressa sunt moribus,*  
*temporeque diuturno retenta, Itaque vi op<sup>o</sup> esse ait, Vnde natæ sint leges, quæ vim*  
*cogentem habent. Cui naturali dogmati maxime conuenit, August. Am-*  
*brōsijque doctrina, & Ecclesiæ atque Gregorij sapientissimi Papæ de-*  
*cretum in memorato cap. Si non. Quod solum per se potest omnem con-*  
*trouersiam in hac causa cōmuni lege rationeque dirimire. Congruit e-*  
*tiam Ioan. Scoti doctrina, qui maiorem etiam vim in tradenda religio-*  
*ne infidelibus & filiis infidelium adhiberi censet. 4. sententiarum dist.*  
*4. q. vltima & Ioan. Maioris. 4. sententiarum dist. 44. q. 3. qui hanc in barba-*  
 ros expeditionem nominatim probat.  
 Quas rationes atque decreta secutus Alexander Sex. Papa anno Christi  
 1493. Fernando & Isabellæ Regibus nostris, ab eximia religione Catho-  
 licis cognominatis oraculum & sententiam sedis Apostolicæ iuxta tra-  
 dita deut. 17. & c. per venerabilem, qui filij sunt legitimi. sciscitantibus volenti-  
 busque

de Regni  
 prin lib. 3.  
 c. 16.

Aristot.  
 Ethic. 10.

Alexander  
 V lfern. hisp.  
 regē hortat<sup>o</sup>  
 est vt barba-  
 ros lro impe-  
 rio subijce-  
 ret.



busque, & suo iure petentibus rescribens negotium dedit, & magno-  
pere hortatus est, ut hos barbaros imperio suo subijceret, & ad Christi  
fidem reducendos curaret, his verbis, quæ ex bulla plumbata descripta  
sunt, unde omnibus diligenter, & præsertim fidei catholice exaltatione & dilata-  
(prout decet Catholicos Reges & principes) consideratis, more progenitorum vestrorum  
claræ memoriæ Regum terras firmas & Insulas prædictas, illarumque incolæ & habita-  
tores, vobis diuina fauente clementia subijcere & ad fidem catholicam reducere propo-  
suistis. Nos igitur huiusmodi vestrum sanctum ac laudabile propositum, plurimum in do-  
mino commendantes, ac cupientes, ut illud ad debitum finem perducatur, hortamur vos  
quamplurimum in domino & per sacri lauacri susceptionem, qua mandatis Apostolicis  
obligati estis & viscera misericordie domini nostri Iesu Christi attente requirimus, ut  
cum expeditionem huiusmodi omnino prosequi & assumere prona mente orthodoxæ fi-  
dei zelo intendatis. populos in eiusmodi insulis & terris degentes ad Christianam reli-  
gionem suscipiendam inducere velitis & debeatis, nec pericula, nec labores ullo unquam  
tempore vos deterreant, firma spe, fiduciaque conceptis, quod Deus omnipotens conatus  
vestros feliciter prosequetur. Hæc Alexander Pontifex. Cui & similibus de-  
cretis non solum stare Christiani homines eo decreto iubentur, sed  
si quis non paruerit, aut contradixerit ipso iure per dictum c. per venerabile  
excommunicatur, & alioquin Christi Vicarium, ut in libro de dispen-  
satione testatur Bernardus, tanquam ipsum Christum, in ijs quæ non  
sunt aperte contra Deum audire debemus. Cuius decreta & rescripta  
in ijs, quæ fidem, aut mores attingunt, contemnere, hæreticum esse, ma-  
gni Theologi tradiderunt. Quo igitur iure Christi Vicarius potest gen-  
tes omnes ab idolorum cultu, si facultas adsit, prohibere, & ad prædi-  
cationem Euangelicam audiendam compellere. Eodem valet ipsas  
imperio Christianorum per se, aut Principes Christianos subijcere.  
Cum hæc via expeditissima sit & commodissima ad ea perficienda &  
salutem animarum comparandam.

*Hanc episto-  
lā huic apo-  
logiæ post  
finem subie-  
cimus.*

*v. Syluini  
verb. Cano-  
nizatio.*

Cæterum quidam docti quidem homines, sed non perinde usu rerum  
periti oportere tradiderunt, ut antequam bellum pararetur, missis le-  
gatis admonerentur barbari ut ab idolorum cultu desisterent, &  
Christianæ religionis prædicatores publice admitterent, ut si postu-  
latis adquiescerent, ipsorum animarum saluti citra bellum consu-  
leretur, sin autem hæc ab ipsis impetrari non possint, tunc iustis armis  
debellati imperata facere compellerentur quæ admonitio, fateor, si abs-  
que magnis difficultatibus, & utiliter fieri posset, non erat repu-  
dianda, nec omittenda. Est enim similis ei, quam Christus fieri iubet  
in fraterna correctione, priusquam ad denunciationem proceda-  
tur.

*Antequā ge-  
tes bello sub-  
igantur per  
legatos admo-  
nendi sunt,  
si prodesse  
possit.*

Cæterum quemadmodum in fraterna correptione, inutilis admonitio  
omittenda est Theologorum consensu, & ad denunciationem, si res  
præsertim publica postulet, procedendum, sic est de huiusmodi ad-



monitione in hoc bello barbarico statuendum, ut omittatur omnino, si prudenter existimantibus inutilis fore videatur.

*Admonitio-  
ne hanc qui  
gētes sunt in  
struēdi inuti-  
lem esse pro-  
batur.*

*Nā debet qui arat, arare, in spe fructus percipiēdi auctore Paulo 1. Cor. 9 & qd est inutile pro nullo habetur, ut dederat caput inter corporalia de trāslatione Episcopi, hanc autem admonitionem esse inutilem in tali causa, ac ideo nunquam factam fuisse, multifariam declaratur. Primum quia est factu difficilis, & erat difficillima initio belli, tot enim nationes tam barbaras, immenso Oceani & terrarum interuallo distantes, nullo linguæ commercio adire & admonere, nec solum quid responderent, sed etiam quid facerent expectare, res esset tam difficilis, tanti sumptus, tam longi temporis, ut facile principes omnes Christianos à tali conatu deterreret. itaq; hanc admonitionē, ut necessariam inducere, nihil aliud erat, quam expeditionem piam & barbaris salutiferam, ac proinde ipsorum conuersionem, quæ finis belli est penitus impedire. Est igitur inutilis & proinde omittenda. Nam quæ ordinantur ad finem, hæc rationem boni, ex ordine ad finem sortiuntur, quare quæ finem impediunt non habent rationem boni. Ut Thomas, secunda. 2. q. 33. ar. 6. ad. 3. tradidit. Deinde hæc admonitio, & si superatis difficultatibus fieret, nihil tamen, aut parum proficerent, esset igitur inutilis & omittenda, non. n. est probabile, neq; vero simile, gentem aliquam per solam admonitionem & externæ nationis exhortationem adduci posse, ut infitam & à maioribus acceptam religionem relinquat. Nam ut est in epistola August. ad Vincen. si docerentur infideles, & non terrentur, vetustate consuetudinis obdurati ad capeffendum viam salutis, pigrius mouerentur. Si quis autem dicat non verbis solum admonendos esse barbaros, sed etiam metu admoti exercitus terrendos, ut metu saltem imperata faciant, iam hoc esset difficultatem admonitionis plurimum augere, & vim facere, propter quam vitandam ipsi admonitionem inducunt, quæ vis si facienda est, non est omittenda vtilissima, quæ imperium Christianorum accipere cogat. Præterea quamuis barbari metu impulsī prædicatores admitterent, & cultum idolorum ad tempus deponerent vel potius deponere simularent, tamen non dubium est, quin timore sublato essent ad pristinos mores reuersuri & prædicatores eiekturi, aut ipsos etiam & ab ipsis conuersos nisi ad pristinam impietatem redirent occisuri, ut initio nascentis Ecclesiæ fiebat. Quæ omnia incommoda & difficultates debellatis barbaris facillime tolluntur, & sic plus vno mense in ipsorum conuersione proficitur quam centum annis per solam prædicationem, non pacatis barbaris proficeretur. Non enim, arbitror, nostri temporis prædicatores sine miraculis plus efficerent, quam quondam Apostoli, domino cooperante & sermonem confirmante sequentibus signis. Quæ signa iam non sunt à Deo postulanda, cum nobis liceat præceptum*

*Marc. 16.*



ptum eius sequentes prudenti consilio barbaros ad conuiuium euangelicum, qua diximus tatione compellere. Accedit quod barbarorum subiectio causa est magni Christianorum concursus quorum illi commercio, & consuetudine facilius conuertuntur, & conuersi commodius edocentur, constantius in accepta fide persistunt nec in hæreses labi permittuntur, & facilius barbariem exuunt, humanioribus & Christianis moribus induuntur. Cum igitur duæ viæ sint, quibus ad barbarorum conuersionem procedi posse videatur, altera per monitionem solum, doctrinamque & prædicationem, difficilis, longa, & multis periculis, & laboribus impedita, altera per subiectionem barbarorum, facilis, brevis, & cum multis barbarorum commoditatibus expedita, vtra progrediendum sit, non est prudentis hominis dubitare, præsertim cum Augustinum auctorem habeamus, qui expeditiore progrediendum esse, aperte verbis illis, quæ ex Paulo ante citauimus declarat. *Si docerentur, inquit, & non terrentur vetustate consuetudinis obdurati ad capeffendam viam salutis pigrius mouerentur*, quibus plane docet August. non doctrina modo agendum esse, sed vim etiam salutiferam, quæ viam doctrinæ muniat adhibendam. His rebus explicatis superest, vt ad obiecta respondeamus.

*Ad primum igitur respondeo.* bello quod idololatriæ inferitur, non tam hominū quam dei iniurias, quæ multo grauiores sunt, vindicari, & alioquin iniuriam infert postulanti, qui iusta postulata non facit, & qui parere alteri debet, is si admonitus imperium recuset, iniuriosus est, vt appareat hoc bello, humanas quoque, non solum diuinas iniurias vindicari, nam nec iniustum bellum inferre, nec iustum illatum, si rite fuerit indictum propulsare licet sine iniuria, non enim solum contumeliam inferre, sed vtcunq; iniuste in quenquam facere iniuria est.

*Respondetur ad argumēta quibus probant bellum esse iniustum.*

*Ad secundum fateor,* neminem esse ad fidem cogendum, vt inuitus credat, inuitus baptizetur, vt poenis, aut metu Christianus fieri compellatur, quæ summa est decretorum & testimoniorum obiectorum. Effer enim vis inutilis, & irrita opera, nam credere voluntatis est, quæ cogere non potest. Idolorum autem cultores Christianorum imperio subiicere, vt impijs ritibus abstinere, & legem naturæ seruare, euāgelicos prædicatores sublati impedimentis audire cogantur, iustum est ac pium, & ab ecclesia comprobatum & factum eorundem sacrorum Doctorū testimonio August. 23. q. 4. c. *non inuenitur* Gregor. in Epistola ad Aldibertum, quæ est lib. 9. Sexagesima.

*Ad tertium* Christi facta, siue actiones, si possumus imitari fas est & pium, sed ita, nisi Christus aliter statuatur. quanquam igitur Christus



stus nullum, nec paganum, nec hæreticum ad epulas euangelicas, hoc est ad fidem compulit, nec ipse, nec Apostoli, idem tamen, cum Regum ac principum Christianorum facultas esset, ut utrosque, qua ratione diximus, compelleremus. præcepit in euangelica parabola. ut August. Ambros. Gregoriusq; exponunt, & ita factum est ab Ecclesia tempore Constantini, item Gennadij, cuius bella Grego. maxime laudat, ut supra memorauimus. Hanc tertiam obiectionem accuratissime confutat Augustinus in Epistola 50. quæ est ad Bonifacium. *Non considerant, inquit, aliud tunc fuisse tempus & omnia suis temporibus agi. Quis enim tunc in Christum crediderat Imperatorem.* &c. Quod ergo quidam cauillantur euangelicam illam compulsionem, ad exemplorum & miraculorum vim esse referendam, commentitium est, & strophæ hæreticorum ab Augustino in eadem ad Bonifacium epistola confutata.

4. *Ad quartum* nego commodius barbaros per solam prædicationem ad fidem induci, quam si prius fuerint debellati, quin potius nisi debellantur, multæ & magnæ difficultates obsunt prædicationi, & conuersioni, de quibus supra diximus. Quæ omnia impedimenta tolluntur, si prius gentes fuerint in Christianorum ditionem redactæ. Itaque bellum est necessarium ad prædicationem & conuersionem, non quidem simpliciter, sed quia recte, hoc est, sine magnis difficultatibus, res fieri non potest, nisi gentibus debellatis. Nam cum necessarium quinque modis dicatur auctore Aristotele, vno modo necessarium id esse intelligitur, sine quo res, aut omnino, aut recte fieri non potest. Bellum igitur necessarium est, nisi forte barbari voluntate, & sine armis in ditionem redigerentur. Nam via prædicationis sine vlla vi longa est, & multis difficultatibus impedita.

Metaph. 5.

5. *Ad quintum.* Duplex hoc in bello intelligi potest admonitio, vna qua pax offertur, si fecerint imperata, ut præcipitur in Deuteronomio his verbis. *Si quando accesseris ad expugnandum ciuitatem, offeres ei primum pacem, si receperit, & aperuerit portas, cunctus populus qui in ea est saluabitur, & seruiet tibi sub tributo.* Quæ admonitio non in hoc solum, sed in omni bello iuste inferendo necessaria est, si forte ratione, aut denunciatione periculi, sine sanguine hostes ad ditionem compellere, & quod petimus assequi detur. Alia esset admonitio, de qua supra memorauimus, & quam inutilem fore, ac proinde omissam, & omittendam esse demonstraui-  
mus.

620.

6. *Ad sextum respondeo,* istam rationem, nihil magis contra hoc bellum facere, quam contra cætera, quacunque ratione fuerint illata, vix enim vnquam bellum gestum est sine magnis incommoditatibus, & iacturis, sine aliqua iniuria & maleficio. Cæterum non si difficile est bellum & ex causa iusta gerentem, iniurias & maleficia cauere protinus,



tinus, est impossibile, nec principi, cuius iusta, vel iniusta causa, bellum iustum facit, aut vicissim iniustum assignanda sunt crimina a militibus præter eius voluntatem admissa, nec ea ex causa iusta, iniusti faciunt siue damnandam. Quod si pericula etiam & peccandi occasiones Christianis legibus vitare iubemur, non tamen cum maius alterum malum vitare eodem tempore necessitas adhortatur, aut si aliorum vocet publica & magna commoditas. Nam licet nemo possit in eas angustias compelli, ut peccare sit illi necesse, si tamen duo præcepta simul urgeant, quæ simul adimpleri nequeunt, qui grauiori paret, altero prætermisso non peccat. Ut concilij Toletani decreto & Gregorij testimonio docemur dist. 13. c. *duo mala* & c. *nerui*, & Gersonis regula morali & Aristot. doctrina Ethic. tertio. quæ ratio in bellis potissimum est ineunda, ut docet idem Ioan. Gerson auctor grauissimus ibidem, Sic enim differit. c. *de auaritia* in bellis faciendis, quæ malis innumeris plena sunt, nunc ad istos innocentes, nunc ad illos sola utilitas Reipub. excusat à mortali, aut euitatio damni publici, notabiliter peioris, quam sit damnum priuatum ex bello proueniens. Ex hoc igitur præcepto si mala & bona, quæ hoc bellum barbaris importat, ad calculos reuocemus, haud dubiè mala bonorum multitudine & grauitate prorsus obruantur. Summa enim malorum est, quod principes mutare coguntur, nec eos omnes, sed quos oportere visum est, & bonis mobilibus magna ex parte priuantur, auro scilicet, & argento, quæ metalla apud ipsos in paruo pretio erant, quippe qui, nec aureis, nec argenteis nummis utebantur, & pro his ab Hispanis ferri metallum, quod ad vitæ plurimos vsus longe commodius est, accipiunt, præterea triticum, hordeum, legumina, frugiferarum arborum, & oleorum multa genera, equos, mulas, asinos, oues, boues, capras, & alia multa barbaris nunquam visa, quæ hinc allata felicissime proueniunt in illis regionibus. Quarum rerum singularum commoditate, utilitas, quam barbari ex auro & argento accipiebant, longe superatur. Adde nunc literas, quarum barbari fuditus erant expertes legendi, & scribendi prorsus ignari, adde humanitatem, optimas leges, & instituta, & quæ sola vincit omnes omnium cæterarum rerum commoditates, veri Dei cognitionem, & religionem Christianam, quibus rebus cognitis, & animaduersis. qui hanc expeditionem impedire conantur, ne barbari veniant in Christianorum ditionem, hos ego non barbaris humane fauere ut ipsi videri volunt, sed eisdem plurima & maxima bona crudeliter inuidere contendam. Quæ bona ignaua & importuna ipsorum sententia, vel tolluntur omnino, vel plurimum retardantur. Neque tamen negauerim posse tempus incidere, cum sit à subiectione barbarorum licet cogendi facultas adsit, temperandum, ut si quis Princeps cum sua ciuitate aut gente, non metu, & simulatione, sed sua sponte bona fide



spiritu Dei afflatus, magistros Christianæ religionis à nostris postularet, si quo ue alio casu recta ratio in maxima rerum humanarum varietate, quam vna regula metiri non possumus, barbarorum saluti aliter consulere adhortaretur, legibus enim atq; præceptis, quid in quoque genere magna ex parte fieri oporteat cōstituitur. Cætera quæ extra ordinem accidunt, iustorum Principum & proborum virorum qui rebus gerendis præfuerint prudentiæ, prout ratio boni publici postulabit, administranda relinquuntur. Vt Philosoph. Polit. 3. & ethic. lib. 5. declarat.

2. Cor. 5.

7. *Ad septimum, quod Paulus ad se pertinere negat, de eis qui foris sunt iudicare, hunc habet intellectum, non esse muneris Apostolici, vt à Christianis sic ab eis qui extra fidem sunt, vitæ rationem pōscere, & vt Christiane viuant postulare. Cæterum dare operam, vt iidem ad Christi fidem conuertantur, ac eis euangelium prædicare & omnia quæ ad hoc commodè præstandum conducunt pro facultate conari, proprium esse muneris Apostolici non solum eiusdem Pauli, sed omnis omnium Apostolorum vita & ob id appetita mors testificatur.*

Quod vero pertinet ad editionem libri, in quo belli faciendi, Iustitia & ratio, & quod iure, quid iniuria fiat, declaratur & crudeliter, atque auare facta vituperantur, si quis miles aut præfectus per occasionem libri se peccasse dixerit, is per ignorantiam affectatam, & malitiam, seu per scandalum Phariseorum deliquisse facile conuincetur. Contra vero ex editione libri, hæc maxima commoda consequuntur. Tolleitur magnum scandalum & infamia Regum nostrorum & nationis, qui vulgo propter falsam, aut male intellectam quorundam Theologorum doctrinam iniuste & tyrannice hos barbaros in suam ditionem rede gisse putantur, vt quidam nuper impudentissime prodidit. Deinde qui ex hac expeditione aurum, vel argentum retulerunt, quid iuste, quid iniuste parauerint, quid iure retinere possint, quid restituere debeant facile & ab ipsis, & à sacerdotibus, quibus peccata confitentur, intelligetur. Nunc enim vtriq; in magna iuris ignorance versantur.

*Vtrū si rex perstet in sententia & confessio sit in contraria iuste possit rex ab ipso absolui.*

*Postremo, quæstione perorata, si Rex perstet in sententia, confessor contrariam probet, num recte pieque ab eo possit absolui, respondes statuisque posse, propterea quod vtraque opinio probabilis sit, seque pari doctorum numero tueatur, quod si ita est obsecro te Præsul grauissime, quid tibi & istis meis areopagitis in mentem venit in causa dubia regem vestrum, vestramque nationem iudicio vestro condemnare infamiaque notare, & cum magno totius orbis scandalo summi sacerdotis Ecclesiæque iudicium atque decretum tam sine causa reiicere, vt contemnere videamini.*



mini. hoc igitur dicerem, si causa, ut vobis videtur, esset dubia, nunc autem meis rationibus expositis, si verum quærimus nihil habet ambiguitatis. Istorum enim opinio, nec vera est nec probabilis. Nam quod memoras de doctorum seu iudicum numero vide ne parum diligenter rationem suffragiorum inieris pro ista enim opinione de scriptoribus solus Thomas Caietanus facit, nec id aperte, ex cæteris autem nemo, qui meæ sententiæ fundamenta ex me vel meis scriptis plane cognouerit, præter admodum paucos ambitione corruptos, qui veritatem scienter & pertinaciter oppugnant, ne ab eo quod voce, aut commentariolis ipsi vel adiurati amici prædicauerant, cum aliqua existimationis iactura discedere videantur. Nostra vero sententia auctores habet ex Philosophis Principem ipsorum Aristotelem Pol. i. c. tertio & quinto. Ex iuris Pontificij peritis nobiscum faciunt consultissimi quique in .c. *quod super his voto*. Ex Theologis vero August. Ambro. Gregorius & Thomas, viri sanctitate & doctrina clari, qui omnes vim apertissime probant, ut in hæreticos, sic etiam in paganos ut demonstraui. Item Ioan. Scotus, qui. 4. sententiarum dist. 4. q. vltima, maiorem etiam vim infidelibus horumque filiis adhibendam censet. Nicolaus Lyra numer. 31. Mag. Roa. explicans art. Poli. i. Io. Maioris qui. 4. sentent. dist. 44. q. 3. hanc in barbaros expeditionem nominatim probat. Alfon. Castrus lib. 2. de iusta hæreticorum punitione, qui & ipse nuper Salmanticæ summā quæstionis, quam ipse cōfeceram diligenter, ut idem chirographo quod penes me est proficitur perlecta & considerata, libellum meamque sententiam sine vlla exceptione probauit. Ad summam meum librum antequam versutus & inimicus homo zizania figmentis disseminasset, nemo legit, & intellexit, quin magnopere probaret, in primisque quatuor doctissimi, & grauissimi viri Fernandus Guevara, & Franciscus Montaluis regij consiliarij, Aluarus Moscosus, Didacus Victoria monachus Dominicanus, quibus singulis libri mei examen à regio consilio fuit commissum, quorum theologorum iudicium, quod vterque sua manu operi subscripsit, subieci.

*Perlegi hoc opus, in quo nihil inueni à veritate alienum, sed plura quæ legantur di-* Indiciū do-  
*gna, adeoque opus cum auctore non modo commendo, sed admiror.* Fr. Didacus Anr. virorū  
 de Victoria. Quam sententiam nunquam ille contra communem suo- de opere Se-  
 rum persuasionem tam libere & incunctanter pronunciaffet, nisi Fran- puluede de  
 cisci fratris Germani doctissimi & animo ingenuo liberoque viri, qui iustis belli  
 bidui aberat auctoritate fuisset confirmatus, cum quo librum meum causis  
 quem diu causis illatis retinuit & consilium communicasse claris Victoria.  
 coniecturis pro certo mihi persuasi. Moscosus autem ita sub-  
 scripsit.



Moscosi iudicium.

Iudiciū Fer.  
Valdesij

Petrus Orti-  
sius.

Petrus Sot<sup>9</sup>.

Io. Aegidius

Honcala.

Alfonsi Her-  
rera iudiciū.

Hispalenses  
Theologi.

Lud. Car-  
uaialus.

August. Sba-  
roia.

Michael Ar-  
cus.

Martinus  
Mendoza.

Et ego legi hoc opus doctē elaboratum, & nihil inueni quod meo iudicio probabilitate careat, immo ea quæ ex sacris literis & sacris doctoribus hic adducuntur, ita suadent huius doctoris intentum, ut nullus quamvis proteruus oppositum audeat affirmare. Moscosus. Nec est silentio prætereundum grauiſſimum ampliffimi & doctiffimi viri Fernandi Valdesij Hispalensis Archiepiscopi & Inquisitoris generalis testimonium, qui cum meum librum & summam quæstionis, de qua dixi, semel & iterum legisset, nuper post præclarum illud iudicium in doctiffimorum grauiſſimorumque virorum confessu, cum de his rebus quæ tunc erant in ore omnium, cui enim non scandalo fuit, restam insperata? pauca differuisset. Dicam, inquit, quod sentio, qui hunc librum impediendi auctores initio fuerunt, hi multo magis ex officio facerent, si sedulo darent operam, ut idem grandioribus literis excusus ex pulpitis per omnem Hispaniam prædicaretur. Idem sæpe professus est Petrus Ortisius, præstanti doctrina Theologus, in cuius immatura morte magnam nuper iacturam studia theologica fecerunt.

Petrus Sotus monachus Dominicanus Caroli Cæsaris sacræ confessionis administer, in epistola quam ad me misit, negat se vllō modo de iustitia belli huius dubitare, sed ne libri editionem properarem me in eadem epistola sollicitè semel & iterum, nescio qua ratione ductus, adhortatur. Idem palam asserunt Ioannes Aegidius, qui Salmanticæ ex cathedra theologiam docet, & Honcala canonicus Aulensis primarij theologi, quorum hic non voce tantum sed etiam scripto sententiam suam testatus est. Et Alfonsus Herrera monachus Dominicanus concionator regius vir doctiffimus animo candido & ingenuo, qui cum mea scripta legisset, meque differentem audisset ex me, inquit, *Genesi coniecturam facio, nec puto à te quenquam dissentire, nisi qui te tuaque scripta, vel non audierit, vel non intellexerit.* Item nobis suffragantur magno consensu Hispalenses theologi, qui nuper summam quæstionis diligenter perlegerunt, in primisque duo viri doctiffimi Ludovicus Caruaialus Franciscanorum præfectus & Augustinus Sbaroia monachus Dominicanus, qui theologiam ex cathedra in suorum collegio docet. Præterea vir, ut auctoritate, sic doctrina præstans Michael Arcus Dominicani ordinis in Batica præfectus Prouincialis, qui nuper in Cordubensi cœnobio re diligenter ex meis scriptis, meque differente perspecta, & cum doctis monachis non paucis collata, non solum meam sententiam cæteris, quos dixi, & inprimis Martino Mendoza, eiusdem cœnobij præfecto grauiſſima & egregia doctrina viro consentientibus palam probauit, sed etiam mirari sese professus est, quæ causa impressionem libri huius moraretur, qui ad multorum errorem tollendum, & mentes scrupulis, & aculeis conscientia perperam fortassis iniectis explicandas magnopere pertineret, à cuius sensu non abhorreere virum ei doctrina



doctrina & auctoritate similem Dominicum cognomento sanctæ Cru-  
cis eiusdem ordinis ad Castellam præfectum Prouincialium, nuper mi-  
hi retulit Dominicus à Cruce cognominatus ad nouam Hispaniam Præ-  
fectus & ipse Prouincialis, qui cum alijs perspectæ probitatis & religio-  
nis monachis ex illo altero orbe missus fuit, vt Carolum Cæsarem co-  
ram quid boni publici, & iustitiæ ratio postulare edocerent, peterent-  
que (id quod impetrarunt) vt pro sua prudentia, & æquitate tumultibus  
illarum regionum incolarum Hispanorum, & seditionibus leges temperan-  
do prospiceret. & pro sua sapiëntia modum imponeret tantis malis, quæ ma-  
la, si verum quærimus, ex vnius hominis vel errore nostræ huic senten-  
tiæ contrario, vel etiam temeritate & rerum nouarum studio primam  
originem habuerunt, pro quibus malis, & quietis impatiente animo, qui  
nos quoque hic exercet homini malum cupere, vel imprecari alienum  
est meæ naturæ, & instituto, quin magis precor, vt deus illi meliorem  
mentem præbeat, quo discat aliquando quietas cogitationes turbu-  
lenti consilij anteferre. Ad summam, vt vnde sumus digressi reuertamur,  
a nobis sunt omnes eruditi, quibuscunque meam sententiam, & ra-  
tiones exposui, præter paucos quos dixi, ambitione, aut alio grauiore  
morbo corruptum, & repugnantem animum gerentes, quos ipsos tamen  
tergiuerfantes, & laborantes disputatione coegi, vt ad leuissima & pla-  
ne indocta commenta, nolo enim dicere puerilia, miserabiliter confu-  
gerent more factiosorum hominum, qui in ciuilibus contentionibus,  
& magnis rerum angustiis ergastula soluunt. Longe igitur dispar no-  
stra, & aduersariorum causa est. A quibus si ceteris in rebus tantopere  
vinceremur, quanto sumus superiores. Vna tamen summi Sacerdotis, &  
Ecclesiæ Sacrosanctæ, qua ipsi nitimur auctoritas in hac mores, & reli-  
gionem publice attingente causa, omnes omnium aliorum iudicium  
sententias pondere, & maiestate apud pios omnes longe superaret, nec  
superaret modo, sed etiam pertinaciter obistentes, hæreticos esse con-  
uinceret. Vt igitur dicam quod sentio, & aliquando perorem, haud e-  
quidem video, quomodo istorum opinio defendi queat quæ fundamen-  
tis, & strophis hæreticorum nititur, euangelio, & sacrorum doctorum  
consentientibus declarationibus, & testimonijs aduersatur, à vetere iu-  
ditio Ecclesiæ dissentit, & nouum eiusdem grauissimum decretum, &  
rescriptum nostris principibus Apostolicum oraculum ex diuino præ-  
cepto (de quo est Deut. 17. & c. *peruenerabilem*, qui filij sint legit) consulenti-  
bus datum contemnit, aut quomodo non sit hæretica, si rebus, & ratio-  
nibus cognitis, cum pertinacia defendatur.

F I N I S

Kkk

DECRE-



# DECRETVM ET INDVLTVM ALEXANDRI SEXTI.

*Super expeditione in barbaros noui orbis  
quos Indos vocant*

**I**N NOMINE DOMINI Amen. Nouerint vniuersi hoc præsens publicum transumptum inspecturi quod nos Iacobus Conchillos Dei & apostolicæ sedis gratia Episcopus Cathaniensis habuimus, vidimus, & diligenter inspectimus infrascriptas litteras felicitis recordationis Alexandri Papæ sexti eius vera bulla plumbea cum cordulis sericeis, croceique coloris more Romanæ curiæ impendentis bullatas sanas siquidem & integras ac cunctimoda suspitione carentes huiusmodi sub tenore.

ALEXANDER Episcopus seruus seruorum Dei carissimo in Christo filio Fernando Regi & carissimæ in Christo filiæ Elisabeth Regine Castellæ Legionis, Aragonum, Siciliæ & Granatæ illustribus salutem & apostolicam benedictionem. Inter cetera diuinæ maiestati beneplacita opera & cordis nostri desiderabilia, illud profecto potissimum existit, ut fides catholica & Christiana religio nostris præsertim temporibus exaltetur ac vbi libet amplietur & dilatetur, animarumque salus procuretur, ac barbaræ nationes deprimantur & ad fidem ipsam reducantur. Vnde cum ad hanc sacram Petri sedem diuinæ fauente clementiæ (meritis licet imparibus) euocati fuerimus, cognoscentes vos tanquam veros catholicos Reges & principes, quales semper fuisse nouimus & à vobis præclare gestæ toti pene iam orbi notissima demonstrant: ne dum id exoptare sed omni conatu, studio & diligentia, nullis laboribus, nullis impensis, nullisque parcendo periculis etiam proprium sanguinem effundendo efficere, ac omnem animum vestrum omnesque conatus ad hoc iam dudum dedicasse, quemadmodum recuperatio regni Granatæ à tyrannide Saracenorum hodiernis temporibus per vos cum tanta diuini nominis gloria facta testatur. Digne ducimur non immerito, & debemus illa vobis etiam sponte & fauorabiliter concedere, per quæ huiusmodi sanctum & laudabile ac immortalis Deo acceptum propositum in dies feruentiori animo ad ipsius Dei honorem & imperij Christiani propagationem prosequi valeatis. Sane accepimus quod vos qui dudum animum proposueratis aliquas insulas & terras firmas remotas & incognitas ac per alios hætenus non repertas querere & inuenire, ut illarum incolas & habitatores ad colendum redemptorem nostrum & fidem catholicam profitendum reduceretis: hætenus in expugnatione & recuperatione ipsius regni Granatæ plurimum occupati, huiusmodi sanctum & laudabile propositum vestrum ad optatum finem perducere nequiuistis, sed tandem sicut domino placuit regno prædicto recuperato, volentes desiderium adimplere vestrum dilectum filium Christophorum Colōvrum utique dignum & plurimum commendandum, ac tanto negotio aptum cum nauigijs & hominibus ad similia instructis, non sine maximis laboribus & periculis ac expensis destinastis, ut terras firmas & insulas remotas & incognitas huiusmodi, per mare ubi hætenus navigatum non fuerat diligenter inquireret. Qui tandem (diuino auxilio facta  
extre-



extrema diligentia in mari Oceano nauigantes certas insulas remotissimas & etiam terras firmas, quæ per alios hætenus repertæ non fuerant) inuenerunt, in quibus quam plurimæ gentes pacifice viuentes, & vt asseritur nudi incedentes, nec carnibus vescentes inhabitant, & vt præfati Nuncij vestri possunt opinari, gentes ipsæ in Insulis & terris prædictis habitantes, credunt vnum Deum creatorem in cælis esse, ac ad fidem catholicam amplexandum & bonis moribus imbuendum satis apti videntur, spesque habetur quod si erudirentur, nomen saluatoris domini nostri Iesu Christi in terris & insulis prædictis facile induceretur. Ac præfatus Christophorus in vna ex principalibus Insulis prædictis iam vnā turrē satis munitā, in qua certos Christianos qui secum iuerant in custodiam, & vt alias Insulas ac terras firmas remotas & incognitas inquirerent, posuit, construi & edificare fecit. In quibus quidem Insulis & terris iam repertis aurum, aromata, & alia quam plurimæ res pretiosæ diuersi generis & diuersæ qualitatis reperiuntur. Vnde omnibus, diligenter & præsertim fidei catholicæ exaltatione & dilatatione (prout decet catholicos Reges & principes) consideratis: more progenitorum vestrorum, claræ memoriæ Regum, terras firmas & Insulas prædictas illarumque incolas & habitatores vobis, diuina fauente clementia, subijcere & ad fidem catholicam reducere proposuistis. Nos igitur huiusmodi vestrum sanctum & laudabile propositum plurimum in domino commendantes, ac cupientes, vt illud ad debitum finem perducatur, & ipsum nomen saluatoris nostri in partibus illis inducatur: Hortamur vos quam plurimum in domino, & per sacri lanacri susceptionem, qua mandatis apostolicis obligati estis, & viscera misericordiæ domini nostri Iesu Christi attente requirimus, vt cum expeditionem huiusmodi omnino prosequi & assumere prona mente orthodoxæ fidei zelo intendatis, populos in eiusmodi insulis & terris degentes ad Christianam religionem suscipiendam inducere velitis & debeatis, nec pericula, nec labores vllō vnquam tempore vos deterreant, firma spe fiduciaque conceptis, quod Deus omnipotens conatus vestros feliciter prosequetur. Et vt tanti negotij prouinciam apostolicæ gratiæ largitate donati liberius & audacius assumatis: Motu proprio, non ad vestram vel alterius pro vobis super hoc nobis oblata petitionis instantiam, sed de nostra mera liberalitate & ex certa scientia, ac de apostolicæ potestatis plenitudine, omnes insulas & terras firmas inuentas & inueniendas, detectas & detegendas versus occidentem & meridiem, fabricando & construendo vnā lineam à polo arctico scilicet septentrione, ad polum antarcticum scilicet meridiem, siue terræ firmæ & insulæ inuentæ & inueniendæ sint: versus Indiam aut versus aliam quamcunque partem, quæ linea distet à qualibet insularum, quæ vulgariter nuncupantur de los Azores & Cabo verde centum leucis versus occidentem & meridiem. Itaque omnes insulæ & terræ firmæ repertæ & reperiendæ, detectæ & detegendæ à præfata linea versus occidentem & meridiem, per alium regem aut principem Christianum non fuerint actualiter possessæ, vsque ad diem natiuitatis domini nostri Iesu Christi proximè præteritum à quo incipit Annus præsens millesimus quadringentesimus nonagesimus tertius, quando fuerint per Nuncios & Capitaneos vestros inuentæ aliquæ prædictarum insularum. Auctoritate omnipotentis Dei nobis in beato Petro concessa, ac vicariatus IESU CHRISTI qua fungimur in terris, cum omnibus illarum dominijs, ciuitatibus castris, locis & villis, iuribusque & iurisdictionibus ac pertinentijs, vniuersis vobis hæredibusque & successoribus vestris, Castellæ & Legionis Regibus, in perpetuum, te-



nore presentium donamus concedimus & assignamus, vosque & heredes ac successores prefatos illarum dominos cum plena libera & omnimoda potestate auctoritate & iurisdictione facimus, constituimus & deputamus. Decernentes nihilominus per huiusmodi donationem concessionem & assignationem nostram nulli Christiano principi qui actualiter prefatas insulas & terras firmas possederit, usque ad predictum diem Natiuitatis domini nostri Iesu Christi, ius quæsitum sublatum intelligi posse aut auferri debere. Et insuper mandamus vobis in virtute sancte obedientie (ut sicut etiam pollicemini & non dubitamus pro vestra maxima deuotione & regia magnanimitate vos esse facturos) ad terras firmas & insulas predictas viros probos & Deum timentes doctos peritos & expertos ad instruendum incolas & habitatores prefatos in fide catholica & bonis moribus imbuendum destinare debeat, omnem debitam diligentiam in præmissis adhibentes. Ac quibuscunque personis cuiuscunque dignitatis etiam imperialis & regalis status, gradus, ordinis vel conditionis sub excommunicationis late sententiæ pena, quam eo ipso si contraxerint incurrant, districtius inhibemus, ne ad insulas & terras firmas inuentas & inueniendas, detectas & detegendas versus occidentem & meridiem, fabricando & construendo lineam à polo arctico ad polum antarcticum siue & terre firmæ & insule inuentæ & inueniendæ sint: versus Indiã aut aliam quamcunque portem: quæ linea distet à qualibet insularum quæ vulgariter nuncupantur de los Azores & Cabo verde: centum leucis versus occidentem & meridiem; ut præfertur pro mercibus habendis vel quauis alia de causa accedere præsumant, absque vestra ac heredum & successorum vestrorum prædictorum licentia speciali. Non obstantibus constitutionibus & ordinationibus apostolicis ceterisque contrariis quibuscunque: in illo à quo imperia & dominationes ac bona cuncta procedunt confidentes: quod dirigente domino actus vestros si huiusmodi sanctum & laudabile propositum prosequamini breui tempore cum felicitate & gloria totius populi Christiani vestri labores & conatus exitum felicissimum consequentur. Verum quia difficile foret presentes litteras ad singula quæque loca in quibus expediens fuerit deferri: volumus ac motu & scientia similibus decernimus: quod illarum transumptis manu publici Notarij inde rogati subscriptis & sigillo alicuius personæ in ecclesiastica dignitate constitutæ seu curiæ ecclesiasticæ munitis ea prorsus fides in iudicio & extra ac alias vbilibet adhibeatur, quæ presentibus adhiberetur si essent exhibitæ vel ostensæ. Nulli ergo omnino hominũ liceat hanc paginam nostræ commendationis hortationis, requisitionis, donationis, concessionis, assignationis, constitutionis, deputacionis, decreti, mandati, inhibitionis, & voluntatis, infringere vel ei ausu temerario contraire, Si quis autem hoc attentare præsumpserit indignationem omnipotentis Dei ac beatorum Petri & Pauli apostolorum eius se noverit incursurum. Datis Romæ apud sanctum Petrum, Anno incarnationis dominicæ, millesimo quadringentesimo nonagesimo tertio, quarto nonas Maij pontificatus nostri anno primo.

**H**ÆC declaratio decretum atque concessio Sacrorum canonum sententiæ consentit quæ, habetur cap. per venerabilem. §. rationibus qui filij sunt legitimi & cap. si nō. 23. q. 4. in quo inquit Gregorius iustum sanctumque esse bellum quod infidelibus à Christianis infertur ut eis imperio subditis prædicari possit Christi euangelium, ne si imperio subditi non sint, prædicationi & conuersioni eorum qui crederint impedimento esse possint. Idemq; decretum atq; cōcessio potestati Christi initur qui cū ei secundū humanitatē, ut Hieronymus & Augustinus exponunt data fuisset omnis potestas in cælo & in terra, hanc potestatem



tem communicavit vicario suo, quæ quamvis ordinetur ad salutem animarum & bona spiritalia, non tamē excluditur à temporalibus quatenus hæc ordinantur ad spiritalia vt Tho. testatur. Subiecto autem barbarorum ad Euangelij prædicationem ordinatur, ad quam Papa non solum potestatem habet à Deo, sed etiam præceptum Euangelicum. Non quod Paulus ad se pertinere negat *de ijs qui foris sunt iudicare*, hunc habet intellectum non esse muneris apostolici vt à Christianis, sic ab ijs, qui extra fidem sunt vitæ rationem poscere, vel ab eis vt Christianè viuant postulare. Cæterum dare operam vt iidem ad Christi fidem conuertantur proprium esse muneris apostolici, non solum ipsius Pauli, sed omnis omnium apostolorum vita, & ob id appetita mors testificatur. Vide Augustini Epistolas. 48. & 50. & 204. quæ sunt ad Vincentium ad Bonifacium ad Donatum, & citantur in decretis. 23. q. 4. *c. non inuenitur. c. si Ecclesia c. displicet. q. 6. c. vides*: item Epistolas Gregorij 73. primi libri & 60. noni & Ambrosij Epistolas 30. & 31. Nam licet in hæreticos disputat Augusti. in eisdem rationibus à Charitate profectis concludit iustè paganos compelli vt desistant idololatria dicto cap. *non inuenitur*. Thomas secunda secundæ. q. 10. art. 8. *infideles inquit compellendi sunt*. si facultas adfit ne fidem impediunt blasphemijs, vel alia ratione & ideo frequenter bellū in eos fideliter mouent, idē. q. 94. art. 3. testatur idololatria magnā blasphemiam contineri & fidem opere impugnari. Vnde Lyra super Numer. c. 31. iustum esse bellum dicit contra idololatrias, ne Deum blasphement per idololatriam. Sed omnium maximè facit. *c. si non*. 23. q. 4. vide etiam Innocentium & Hostiensē & Panormitanum in c. quod super his de voto. Itaq; vis prohibita. *c. de Iudeis* dist. 45. est ne quis inuitus baptizetur aut Christianus esse cogatur. Nam deponere idololatriam & Christianorum imperio parere iustissimè compelluntur infideles, ne fidei prædicationem & propagationem impediunt, & facilius conuertantur non tamen sunt, nec possessionibus spoliandi, nec in seruitutem redigendi.



IOANNIS  
 GENESII SEPTULVE.  
 DAE CORDVBENSIS  
 COHORTATIO.

*Ad CAROLVM. V. Imperatorem inuictissimum, ut  
 facta cum Christianis Pace, Bellum  
 suscipiat in Turcas.*



VAN QVAM omnis consultatio, quæ de rebus maximis suscipitur, ab eo præsertim qui velit Regi, aut Imperatori consilium dare, difficillima mihi semper est visa Cæsar inuictissime, eoque periculosior, quid si res successerit è sententia? non qui consilium dederit, sed qui rem gesserit laudatur, si par euentus consilio quâlibet recta ratione inito defuerit, hunc venia plerumque cum miseratione consequitur, culpa vero & inuidia omnis in consultorẽ transfertur; tamen in ea tempora reipub, incidimus Christiani, vt si cui quid in mentem venerit, quid ad bonum publicum pertinere putet, id vlllo tali metu aut periculo retardatum in tanta rerum difficultate tacere, contra fas & pietatem mihi esse videatur. Neque verò ignoro tibi in maximis difficultatibus neque consilium vnquam, neque animum defuisse, qui tuorum hostium consilia tam prudenter frustratus es, & conatus tam fortiter repressisti, vt nemo te hætenus ad bellum vel simultatem sine suo maximo incommodo, & tua summa gloria prouocauerit. Sed quia nec tua fortuna debet tuorum in te, remque publicam pietatem excludere, & bellum impendet maximum, atque omnibus, quæ nostra memoria gesta sunt Christianis periculosius, quippe cuius discrimine maiora quam vnquam, rerum momenta versantur, explicare tibi constitui, quæ mihi nuper, cum esset nunciatum Turcas capta Buda Vrbe ad Viennæ obsidionem properare, sollicitè de Christianorum Repub. & imminenti periculo commentati, non inutilia visa sunt, quæ tibi in Italia, quo nuper optimis, vt spero, & Christiano populo salutaribus auspicijs aduenisti, de summa rerum consultanti suggerantur. Tuæ vero sapientiæ, atque humanitatis fuerit, non dicentis perquam tenuem fortunam, sed pium in te, Remque pub. animum, & momenta rationum spectare,



spectare. Dicam enim de genere belli, & de Turcarum nostrisque vi-  
 ribus & facultatibus, atque ita dicam, ut appareat, neque contemnen-  
 dum esse hostem, cui, nisi maturæ fuerit obuiatum, nostra salus, & li-  
 bertas, summum discrimen, atque periculum sit aditura, neque rursus  
 tam magnum, ut pertimiscendus sit, aut maior habendus, quam ut que-  
 at tuis armis superari. Nam bellum, Carole Cæsar, multis sæpe de cau-  
 sis solet à mortalibus iniri. Iustè quidem ad res ablatas, cum iure ne-  
 queunt, armis repetendas, vel ad iniurias propulsandas, & vim illatam  
 repellendam. Iniuria verò quosdam, ut bellum inferrent, ambitio  
 regnandi quæ cupiditas coegit. alios habendi libido concitavit ad ar-  
 ma. fuerunt, quos auaritia simul, & ambitio sollicitauerit. Sed cum  
 bellum omne iniustè susceptum detestandum sit, atque mortalibus o-  
 mni peste & alluione nocentius, cætera tamen ludus quidam, & se-  
 uissima videri possunt, si ad genus Belli huius spectetur, quo nostri hoc  
 est Christiani homines, à barbara Turcarum immanitate infestantur.  
 non enim de Gloria certamen est, in qua vinci sit indecorum, non de  
 Imperio, & facultatibus, quibus expoliati solam inopiam, nec eam  
 turpem, aut seruilem incurrant, sed pro patria, pro liberis, pro aris &  
 focus, ad summam pro salute & libertate, proque ipsa religione pu-  
 gnandum est. Resipiscant igitur aliquando, & suam cæcitatem, ac mi-  
 serandum furorem agnoscant, qui cum principis cuiuspiam Chri-  
 stiani paulo seuius imperium patiuntur, satius esse clamitant, perpeti  
 Turcarum dominatum. O vox cæcorum hominum turpissima, &  
 ab omni religione, atque ingenuitate aliena, si quidem ex animi sen-  
 tentiâ prolata sit, non vi præsentis doloris expressa! Nam quæ tan-  
 ta esse potest Christiani principis in Christianos importunitas, quæ  
 non sit longo interuallo præferenda, vel mitissimo Turcarum domi-  
 natui? Si quis enim Christianus populus ab aliquo Christiani nomi-  
 nis, qui se pro principe tyrannum gerat, quamlibet auare atque cru-  
 deliter vexetur, aliqua tamen habet, quibus præsentium malorum  
 leuius dolorem ferre possit. Primum quod retinet non modo Chri-  
 stianam, sed ciuilem etiam libertatem, oppressam illam quidem, sed  
 quæ facile valeat emergere, & plurifariam excitari, utitur enim suis  
 legibus magna ex parte, ex suis habet magistratus, formam demum  
 retinet Regiæ, ac liberorum hominum Reipub. quamquam Principi,  
 aut ipsius præfectorum libidini aliqua ex parte pareatur. Dein-  
 de quod spes est, posse aliqua ratione eam calamitatem in mi-  
 tiorem conditionem commutari. Sæpè namque iniquus sæuusque  
 princeps ad sanitatem rediit, vel ætatis medicina, vel obiurgatione  
 amicorum,

*Christiani  
 principis  
 summa impor-  
 tunitas, mi-  
 tissimo Tur-  
 carum domi-  
 natui præfe-  
 renda.*



amicorum: aut certe metu & temporibus adductus. quid si minus contingat: certior spes est in fortunæ inconstantia: quæ Reges: & regna pro sua libidine variat: vel certè in communi hominum fragilitate: quos natura non perpetuos nec immortales: sed brevis vitæ & mille mortis generibus obnoxios effinxit: cum sæpe improbo, & parum pio Principi dissimillimus successerit: qui iustitia & religione subiectos sibi mortales sanctissimè moderarent: & vexatas ciuitates, legesq; in pristinam dignitatem restitueret. At qui semel Turcarum grauissimo seruitutis iugo colla subiecerint: ijs rogo, quid tandem solatium superest tantorum malorum? qua spe valeant præsentem calamitatem sine summo dolore tolerare: non modo libertate, sed spe quoque libertatis amissa? Qualis enim sit Christianorum conditio: quos premit Turcarum dominatus: ex eorum seruitute licet intelligere: quibus cum tyranno suo natio & religio communis est: libertasque, vt inter ipsos maxima. Quibus primum omnium ad tollendas omnes veræ libertatis occasiones: litterarum studium penitus est interdictum: & ingenuarum doctrinarum cognitio prohibita: quæ solet in primis mortalium animos ad veram religionem: & libertatem excitare. Itaque nulli sunt apud ipsos Philosophi, nulli Oratores, Theologi nulli. Ad summam ipsa Græcia ingeniorum feracissima, & omnis quondam Philosophiæ, ac bonarum disciplinarum magistra: & quæ cæteris mortalibus omnis humanitatis notitiam & cunctarum scientiarum cognitionem, quamdiu libera fuit, diffundebat: postquam Principium Christianorum discordia facta est ditionis Turcarum: tam obruta est omnis generis litterarum ignorantia: vt vix vnum in tota ipsa reperiatur, qui vel semiplenam notitiam habeat eius sermonis: quo veteres illi sapientiæ ac doctrinarum magistri: quorum nunc scripta demiramur vsi sunt. Deinde cum omnis Respub. siue popularis, aut quæ paucorum consilio gubernatur: siue Regia, quam cæteris præfert schola Peripateticorum, legibus sapientium virorum fundata sit, nec sine legibus valeat suam dignitatem, aut nomen saltem retinere, Turcarum populi tam dura seruitute depressi sunt, vt nullas habeant leges, nullis institutis gubernentur paucis, quibusdam exceptis tyrannorum libidini ex amulsi commoditatis, quorum vnum execrandum in primis, ipsis tamen sanctissimum, ex quo facilis fuerit de reliquis coniectura, non fuerit alienum commemorare. Caustum est inter Turcas, vt non solum intestato sine liberis decedentium bona regio fisco adiudicentur, sed in omni hæreditate Rex tanquam vnus ex inde mortui filijs pari cæteris portionem succedat. O nouum genus tyrannidis, & prioribus sæculis apud humaniores gentes inauditum. O auaritiam intolerabilem. Parum ne visum fuit, omnium municipium ac subiectorum fortunas, & patrimonia ludibrio, quoties collibuisse, more veterum tyrannorum habere, nisi de nefanda rapina & de-

*Turcarum  
miserrimus  
status.*

*Rex turcarum  
in omni hæ-  
reditate  
tanquam vnus  
ex filijs pari  
porcione suc-  
cedit.*



& detestando latrocinio inuiolabili lege caueretur : vt mirari defina-  
 mus, inter Turcas nullos esse Satrapas, nullos Tetrarchas, nullos deni-  
 que ea potestate, ac dignitate, qua sunt apud nos Comites, Marchiones  
 aut Duces appellati. qui sibi eam dignitatem initio per clara facinora  
 pepererunt, iustis, ac benignis Regibus egregiā virtutem pari præmio  
 remunerantibus. Atq; talis quidem est Turcarum conditio, huiusmodi  
 legibus & institutis eorum Resp. gubernatur. quod si tam dura est eo-  
 rum seruitus, qui bello nostram libertatem laceflunt, & religionem op-  
 pugnant, quid tandem vos sperare oportet, si (quod abominor) essemus  
 eorum armis subiugati? aut quid aliud essemus futuri, quam miserè ser-  
 uientium mancipia, & abiectorum seruorum infelicissimi vicarij? ad  
 summam misellis his *Iudeis* abiectiores, qui inter nos peregrinantur, &  
 quo, um est (vt inquit Poëta) *Cophinæ fenumq; supellex*. Sed quid agimus con- *Iuuen. Lib. 2.*  
 iecturis? Græcos ipsos percontemur, quorum gemitus ad nos quotidie, *sat. 3.*  
 atque lachrymæ deferuntur tacite nostram fidem, atque opem implo-  
 rantium, illorum seruitutem multo etiam grauiorem opinione nostra  
 reperiemus. A quibus non ea modo tributa exiguntur, ad quæ pensitan-  
 da vix sudores continui, & ærumnosi miserorum labores sufficiunt, sed  
 filiorum dignitate oris, corporis habitudine, ac virtutis indole præstā-  
 tissimi, quique ab infelicissimis parentibus, quibus ne dolere quidem  
 aperte licet, abstrahuntur: vt religioni Christianæ in pueritia renuncia-  
 re compulsi, & in errore Mahumetæo enutriti, cum ad ætatem militiæ  
 peruenerint satellites fiant, Regiæq; tyrannidis ministri: ab ipsis Geni-  
 zari nuncupati: & cum bello laceflimur, præcipui Christianorum op-  
 pugnatores. Horum igitur durissimam sine spæ libertatis seruitutem,  
 horum ærumnosos labores vix ad vitæ necessaria & miserum spiritum  
 ducendum, cum est tributis satisfactum, sufficientes, horum pro charis-  
 simorum liberorum diuulsione gemitus tristissimos, horum omnis ge-  
 neris calamitatem, etiam hostibus miserandam, & morte ipsa intolera-  
 biliorem contemplantur Christiani, qui tyrannide cuiuspiam suorum  
 vexatur, & conditionem suam malis illorum comparatam, libertatem  
 summam putabunt. Quod cum ita sit, & bellum atrox nobis impende-  
 at, impendeat autem, immo verò iam vrgeat illatum ab hoste superbis-  
 simo, qui Buda vrbe magna nuper & opulenta capta, Viennam premit  
 obsidione, ac ex illo successu magnis spiritibus & audacia sumpta, reli-  
 quo Christiano orbi turpissimam seruitutem, aut si hanc recuset, crude-  
 lem mortē minitatur, te Carole Cæsar omnes Christiani, te pij omnes,  
 omnes Catholici, quorum salus atq; libertas tibi potissimum tuæque fi-  
 dei commissa in summum periculum atq; discrimen adducitur, te in-  
 quam orant, obsecrant, & obtestantur, id quod tua te sponte agere certe  
 scio, & ipse, hoc te animo in Italiam nauigasse, soles clara voce profite-  
 ri, vt publicam Christianorum causam sulcipias, & pace composita, in-



itoq; foedere cum cæteris principibus, ac populis Christianis periculofissimum bellū, & impium hostem à nostris ceruicib. depellas, libertatem, & religionem Christianam ab immanium barbarorum crudeli dominatu, & impietate defendas, ad quæ maturandum, & primo quoq; tempore cunctis opibus annitendū, quamquā satis impelli debebas vel optimi, ac fortissimi Pannoniæ Regis Fernādi fratris tui necessarijs precib. fidē tuā in magno periculo & summis difficultatib. implorātis, vel auiti imperij discrimine, q̄ in proximo periclitatur, multo tamē magis totius Christianæ reip. ratio, & religionis respect⁹ apud te optimū pijs-  
simūq; Principē valere debet, quib. tali suo tempore aduersus crude-  
lissimi tyrāni scelus, & impietate nisi suppetias opēq; tuleris, vide ne  
quas nō defendis, cū possis, easdē prodere, ac deferere videaris. Scio. n. ti-  
bi nō suspectos modo impietatis nomine, sed inuisos etiā nefarios ho-  
mines: quos audio sacrilegas voces spargere falso Christianismi colo-  
re prætexas, nō esse Christianæ tolerantiæ Turcarū violētiæ, quā Dei fla-  
gellū esse iactāt, ferro & armis repugnare, Christianis. n. non vi, sed pa-  
tientia superandū esse, quorum hominū vocem nō vt cæterorum hære-  
ticorū placita, à mentis errore, non ab ambitione, & opinionis prauita-  
te manasse certum habeo, sed ab auctoris scelere, & insidioso sacrile-  
gio, qui muneribus ac pollicitis Turcarum corruptus, nefandas insidias  
tendit libertati Christianorum, quibus insitū est, & maiorum sapiētia,  
ac religione traditum, vt cætera bella, quæ inter pios geruntur, ciuilia  
& domestica, quæ verò cum Turcis & cæteris impijs, iustissima & plena  
pietatis esse putēt. Nec. n. (quia nunquā Christus Deus, & idē homo: no-  
stræ religionis auctor, neq; eius Apostoli, quorū doctrina & miraculis  
eadem est amplificata, cū ijs bellum non gesserunt, ad quos à veteribus  
cæremonijs, aut vano commentitiorū Deorū cultu reuocandos, & vera  
Christianaq; religione imbuēdos, quod non vi sed persuasionibus fieri  
debet mittebantur) protinus ipsam sacrosanctā religionē nostramq; li-  
bertatē posteri Christiani quacunq; ratione detur, etiā armis tueri, ac  
propugnare dubitabimus: aduersus eorum avaritiam, & crudelem im-  
pietatem, qui nos opibus, & imperio expoliare, & in durissimam serui-  
tutem redactos, à veri Dei cultu in liuos nefandos errores traducere cū-  
ctis rationibus moliantur, atq; conātur. Si enim quoniam neq; Christus  
neq; Apostoli bellauerunt, ne nobis quidem vlla ratione bellum geren-  
dum est, propterea quod illorum vita, & actiones debent esse nostra do-  
ctrina, nōne eadem rationē quia Christus adulteram ream non con-  
demnauit, idcirco adulteria Christianis permissa esse putabuntur, & vi-  
cisiū negata coniugia, quoniam neq; Christus, neq; Apostoli, postquā  
adhæserē magistro, vxores duxisse memorantur? Si non est ijs obsten-  
dum, qui nos plusquam hostiliter insectātur, ne Dei flagello resistamus,  
cur latrones, sicarios, & homicidas non patienter perferimus? cur ve-  
neficos



neficos iusta morte mulctamus? Cur parricidas conijcimus in euleum? quorum omnium flagitijs & sceleribus tanquam durissimis flagellis, Deo permittente quotidie torquemur. Nam istorum pulcherrimo decreto religionem violare videri debent, qui sceleratos, & impios legitimis poenis prosequuntur: quod ipsum putare, impium est, & scelertum. At enim Christus vetat violentis reluctari, qui tunicam auferenti, pallium quoq; iubet relinquere: & vnam maxillam percutienti alteram feriendam exhibere. At Paulus Apostolus, idemq; doctor gentium appellatus, neq; ea Christi verba oblitus, nec quam vim habeant ignarus, cum ei esset iussu Pontificis Ananix colaphus incussus, tantum abfuit, vt genam alteram ministro feriendam præbuerit, vt Pontificis insolentiam, qua ratione licuit vlciscēs dixerit, *percutiet te Deus paries dealbate.* quod Apolloli factum, declarat illa verba Christi non esse simpliciter accipienda, nec in homines cunctos, aut omnia tempora conuenire. Sed hæc & pleraq; alia Christum docuisse, non quod homines vellet, ipsis tanquam legibus obligari, sed partim vt viam ostenderet ad summam perfectionem ijs, qui ceteris morum & religionis magistri futuri essent nō solum doctrina, sed etiam cōtemptu rerum humanarum, partim vt insolentium hominum peruiaciam atq; superbiam summæ tolerantix, & abiectionis voluntarię commendatione coerceret. Tolerantia enim virtus est, & quidem maxima, nam sic interdum magnitudo animi vocatur, sed cum ciues inter se priuatas offensiones patienter ferunt, & iniurias quas vlisci poterant inimicis suis condonant, cum verò Resp. ab hostibus appetitur, aut religio ab impijs oppugnatur, qui non resistit hostili violentiæ, cum potest, is non tolerantis laudem feret, sed timidi & desertoris inuidiam apud sapientes & religiosos mortales incurret. Non obstitit Christus Iudæorum violentiæ, sed abiectorum hominum contumelias per summam indignitatem pertulit, nec genus mortis ignominiosum recusauit, quid ni perferret? qui de cælo descendit in hoc à patre missus, vt Deus homo factus, indignissimam mortem pro mortalibus oppeteret. Sed idem Christus rogatus num Rex esset respondit, *Regnū meum non est de hoc mundo, alioquin ministri mei utiq; decertarēt,* apertissime innuens duplex esse Regnū, alterū animarū, quod spiritale non incommode voces, quod est propriè sacerdotū, & quod tunc Christus exercebat, alterum ciuile, quod legibus humanæ prudētiæ, quæ data est nobis à Deo, ad rectè beateq; viuendum, gubernatur, quale tuum est & cæterorum Regum & Principum, ac illius admiſtratoribus non ferro & armis pugnandum esse, sed precibus & lachrymis, ac iniuriarum tolerantia, nisi cui sit vniūſque regni commiſſa admiſtratio. ciuiliū autem Regum lōge aliam esse rationem. His namq;

Luc. 6.

Mat. 23.

Quomodo intelligenda  
Christi verba  
Luc. 6. si  
percusserit  
maxillam  
etc.

Ioan. 18.



& ipsorum ministris, hoc est ciuibus & clientibus cum iniurijs & violentis hostibus gnauiter esse dimicandum. & profecto principum officium leges diuinæ iuxta & humanæ id potissimum esse voluerunt, ut si iustitia prudentissimè moderentur, alienos ab iniurijs inferendis fortissimè prohibeant. Constat enim Reges initio rerum, penes quos tunc gentium, & nationum imperium erat, non vi, non dolo, non ambitione populari sibi regna peperisse, sed iustitiæ ac virtutis opinione, & spectata inter bonos moderatione, consentientibus populis ad fastigium eius Maiestatis fuisse prouectos, ut esset, qui potentiorum iniurias à tenuioribus iustè, ac sanctè propulsaret, coetusq; & concilia hominum, hoc est ciuitates, in pace & libertate æquabiliter conseruaret, Rēq; pub. non solum ab impugnantibus defenderet, sed opibus augeret, ac dignitate, quæ qui rectè præstiterint, hos sapientes optimosq; Reges, & Principes omnes mortales, omni memoria, & cunctis in regionibus putare. quorum mortalium consentientem vocem & opinionem placet sapientibus legem esse naturæ, à qua diuina nunquā dissensit. quoniam natura quid aliud est, nisi causarum constans ordo: quarum prima, & ceterarum moderatrix Deus est. Ita qui naturam optimam ducem incorruptus ipse moribus, ac opinione sequitur, Deum ipsum sequitur, & vicissim qui ei repugnat: cum dijs immortalibus more Gigantum, ut magnus Orator, & idē Philosophus ait *Bellum gerit*. quid porro magis est cōtra naturam, quam iniuria laceffitum, ubi nō modo imperium & dignitas, sed libertas & salus in discrimen vocatur non repugnare? quid magis contra religionem, quā religionis hostibus, quacunq; ratione datur, non obistere? An licet brutis animantibus ab inimicorum maleficio, suā & ex legentorū vitam, & libertatē defendere, ad quod nonnullis cornua, quibusdā dentes aut ungues acutiores, alijs alia arma natura tribuit: Christianis hominibus non licebit? Age verò Abraham vir iustus in lege naturæ, & Dei voluntati obsequentiissimus, non ne pugnavit cum Chodorlaomor Elamitarum, & ceteris Regibus belli socijs, qui Sodomorum, & Amorreorū Reges in valle syluestri superauerant, & maximam prædam abigebāt cū plerisq; captiuis, in quib; erat Loth filius fratris Abraham, eosdemq; in fugā verios vsq; Sobā, & Phenicē stragē magnā edēdo persecutus est? cui ex victoria reuertēti obuiā processit Melchisedech Rex Salē, & idē Sacerdos Dei altissimi, proferēsq; panē & vinū, ei (ut legitur in scriptura sacra) benedixit. Quid Iudæi populus elect⁹ à Deo, & quorū Resp. nō humano cōsilio, sed peculiari Dei prouidentia administrabatur, & in quorum locum Christianus populus successit, lege per Christum non soluta, sed mutatis caerimonijs completa & declarata, nonne sacris literis sapissimè traduntur, non modo propulsasse, sed bellū etiā intulisse? Iustissimā arbitantes expeditionē, quæcunq; in impios, & à verò Dei cultu abhorrētes susciperetur. Hinc. n. clarus virtute, ac

Cicero in  
Catonē Maiori.

Gen. 14.



te, ac sanctitate Iosue, hinc complures, qui iudices vocati sunt, hinc Regum optimi quique nobilitati: quorum Saul tamdiu Rex optimus, Deoque acceptissimus est habitus, quamdiu cum impijs Iudæorum hostibus acerrime pugnavit, tunc vero regno pulsus iubente Deo, cum parum seuerè tractasset Agag Regem Amalech, cui ciuitati, quod excedētib. Aegypto iudeis obstitisset in via, crimini dabatur. quamquam populum vniuersum ad internecionem celsisset, & Regem captiuum duxisset. Nam David maximū, & Regem, & Prophetam, nemo est, qui nesciat ob egregiam virtutem, quam aduersus Philistæos, & cæteros veræ religionis hostes dimicans ostentauit, è pastore factum esse Regem, & in Saulis loco subrogatum, tantoque cæteris & sanctiorem, & clariorem habitum, quāto plures victorias de hostibus retulisset. vt Iudam Machabæum, Ionatā, & Eleazarum cæterosq; Israelitici populi sanctissimos, ac nobilissimos duces omittam. quos tradit scriptura diuina, nullam vnquam Deo magis acceptam mactasse victimam, quam cum hostes suæ religionis quā plurimos occidissent, duce Deo. qui quod suo populo iuste bellanti vindex semper adiutorq; adsit, *Deus exercituum* in sacris monumentis vocatur. Porro principum imperio, vt cæteris in rebus, sic vel in primis in bello iuste gerendo christianos obtemperare fas esse, auctor est Petrus apostolorum princeps, qui Regi parere præcepit *quasi præexcellenti: Ducibus* *epist. 1. c. 2.* *tanquam à Deo missis ad vindictam malefactorum & bonorum laudem* & Paulus doctor gentium. *Omnis inquit anima potestatibus sublimioribus subdita sit. Non ad Rom. c. 13.* *est enim potestas nisi à Deo & admonet illos principibus. & potestatibus subditos esse, di-* *ad Tit. c. 3.* *cto obedire, paratos esse ad omnem bonum opus.* Neque enim minus officium militare Regibus præstari debet à suis. quam tributum, quod Christus & Paulus eis suppeditari iubet. quod tamen officium sic obeundum est, vt ab iniurijs & maleficio in socios & peccatos abstineatur, præcepto Ioannis Baptistæ: qui, vt est in euangelio, militum ordini, quid se facere oporteret consulenti, militiam ciuilem legitimamque probans, sic respondit: *Neminem conculcatis: neque calumniam faciatis, & contenti estote stipendijs vestris.* Hæc cum ita sint Sapientissime Imperator potes ne dubitare, quin auctor eius scelestissimæ vocis, quæ Christianis bellum iustum et necessarium in suæ religionis inimicis interdicit, infensor sit, & capitalior hostis christianæ religionis. quam non dico omnes heretici qui fuere vel sunt, sed ipsi etiam quibus tantopere fauet Turca, & cum quibus in eandem & libertatem nostram cōspirauit: in cuius monstri fraudibus & insidijs detegendis scio longius meam orationem prouectam esset tanti sceleris indignatione, quam tua sapientia, et animus maximarum & pulcherrimarum rerum amore flagrans, atque huius expeditionis sua sponte cupidissimus postulabat, sed non fortasse quam opus erat, ad plane conuincendam insidiosam istius vanitatem. De genere igitur belli satis, quod eiusmodi esse intelligis, vt cum libertas & po-



puli Christiani filius agatur, & in magnū discrimē summa religionis vocetur, non solum tuum, sed omnium christianorum animos excitare, atque inflammare debeat. Iā mihi de huius belli gerendi facultate plane, ac verissime differenti parumper te animum intēdere peruelim, ut me suggerente hostium infirmitatem intelligas, & vires tuas recognoscas. Nec animi tui reprimat magnitudinem alacritatēve minuat error quorundam, qui non genere ac virtute militum, sed copia & numero robur exercitus metientes, timide iudicant de tuis hostiumque tuorum viribus. qui si Græcorum latinorumque monumenta litterarum perlegissent, quibus res ac bella continentur, quæ ab hominibus orbis nostri hoc est ab ijs, qui hanc mundi partem incolunt, quam Europam appellamus, cum illis Asiaticis nationibus gesta sunt, ex quibus ferē confusus commistusque est Turcarum exercitus, scirent utique maximas sæpe istorum copias parua nostrorum manu fusas fugatasque fuisse, nec ignavorum hominum quālibet magnā multitudinem fortium virorum iusto modo exercitui parem, nedum pertimescendam putarent. Vt enim omittamus Troiana tempora cum Ilienses ac Teucri, quos nunc Turcas paulum immutato vocabulo quidam putant appellari, cum infinitis propemodum auxiliaribus copijs, ex Asia reliqua, & finitimis regionibus, ab exercitu Græcorum, si ad illorum numerum spectes, exiguo victi esse referuntur, incensa Troia vrbe tunc Asiæ opulentissima, ne videamur Poetarum figmenta conlectari, legimus in veterum probatæ fidei monumentis Xerxem Persarum Regem, quorum imperio maioris Asiæ magna pars usque ad Aegyptum, & Pontum parebat, exercitum quinquēnio comparatum septingentorum millium de Regno, de auxiliaribus trecentorum millium armatorum, ex ijs videlicet gentibus, ex quibus plurimum constat nunc Turcarum exercitus, in Græciam traiecisse, quæ non immerito vix tantum mortalium numerum flumina ipsa siccantem capere potuisse fertur. Cuius Regis tanta fuerit ibiti o superbia, virumque fiducia, ut quasi naturæ dominus montes altissimos in planum deduxerit, vallium conuexa vicissim æquaerit, et fretum Hellesponti ad copias traiciendas ponte commiserit. Sed quam terribilis ingressus eius in Græciam fuerit, tam turpem & foedum fuisse discessum. Duobus enim magnis vulneribus terrestri pugna à Leonida Lacedæmoniorum Rege, qui cum paucis Thermopylas occuparat acceptis, cum maris fortunam, quod innumeris nauibus repleuerat, tentare placuisset, prælo nauali à paucis Græcis victus fuisse traditur ad angustias Salamini freti, & maxima clade percutus, Mardonio Duce cum trecentis hominum milibus relicto, in regnum se suum turpissima fuga recepisse. quem paulo post idem Mardonius, à paucioribus Græcis terrestri certamine superatus, tantoque amisso exercitu imitatus est, cum paucisque profugit. Ex quorum hominum ignavia quanquam facile fuerit cæterorum Asianorum mollitiem vel

*Altera oratio*

*n's pars de fa*

*cu tatib. gerē*

*di belli.*

*Pugna Xerxis ad Thermopylas.*

*Probatur veterū Asiaticorum exemplum eorum exercitum à minori septisime suum.*



nostris mulieribus spernendam existimare, magis tamen eos contemnas, si scias, Darium huius Xerxis patrem, paulo ante in Campis Marathonis cum sex centum millibus Asianorum à decem millibus Atheniensium, & Platenfibus auxiliaribus mille, duce Milciade fulum, et suorum ducentum millibus amissis ad naues confugisse. Ne quis autem tam turpis ignaviae culpam ad tempora fortasse transferat, vel ad regum, aut ducum inertiam, quasi posterorum mutatis Ducibus egregia aliquando virtus eluxerit, iam si placet quam strenue multo post tempore bellum propulsauerint, sibi à Macedonibus illatum dispiciamus. Tringenta duo peditum, equitum quattuor millia, naues centum octoginta fuisse traduntur, quas Alexander Macedo cognomento Magnus in Asiam intulit, plenus fiducia & alacritate, nec tam parvam manum copiis Darij Asiam latissime usque ad Indos imperio tenentis, cui nec animus, nec rei militaris scientia traditur abfuisse, & tot gentium coactis viribus opponere dubitavit. Sed nec tantis ausis par abfuit euentus. Primo enim congressu in campis Adrasteis sexcenta Persarum Asianorumque millia cum rege ipso superasse, & maxima strage edita in fugam vertisse memoratur, suorum non plus nouem peditibus, & centum viginti equitibus desideratis. Quod si libet ad ea tempora descendere, quibus Romani cum Asianis nationibus bellum gessere, nihil fortiter, nihil strenue, nil denique sine turpi ignavia eos fecisse reperiemus. Cum enim Atilius Romanus Consul aduersus Antiochum Syriae & minoris Asiae Regem missus est, in prima belli congressione hostes fugisse castraque ditia victoribus reliquisse memorantur, ipseque Rex fugientibus sese Ducem praebuisse. qui redintegrato in Asia bello iterum ab AEmilio Scipione paruo negotio superatur, caesis hostium quinquaginta millibus, captis vndecim. Nam Iulium Caesarem, quis ignorat cum in Syriam & inde Pontum ferocientis Pharnacis magni Mithridatis filij nuncio commotus transiisset, intra quintum quam affuerat diem, quatuor quibus in conspectum venit horis, hostem cum exercitu acie vna profligasse. Vnde titulus ille in Pontico triumpho. *Veni. vidi. vici.* Itaque crebro Pompeij felicitatem commemorabat, cui praecipua militiae laus de tam imbelli genere hostium contigisset. usque adeo Asianos homines, cum in aciem ac praedium aduersus orbis nostrae viros educuntur, non ea cura sollicitat, qua ratione strenue pugnando, ac hostem feriendo victoria potiantur, sed qua via fugientes nostrorum victrices manus euadant. quod altero, & tertio praedio (totiens namque bellum à Darius per latissimum regnum fugitans redintegravit) constantissime declarant. In utroque enim vix primo impetu Macedonum tolerato, se fugae mandarunt, & impia trepidatione abiectis armis usque ad victorum lassitudinem more pecudum trucidabantur, ut non ab re Alexandri Molossi celebretur eulogium, qui comparans hoc Alexandri bellum cum illo, quod ipse Romanis illaturus in Italiam venerat, se dictabat ad virorum, illum ad foeminarum coclaue processisse. Ex his gentibus Caesar inuictissime sunt copiae, quibus ingentia



*Cæsaris potē-  
tiā recenſet.*

*Laus Italorū  
in bellis ge-  
rendis.*

*Hispanorū  
laus.*

*Germanorū  
laus.*

Turcarum castra distenduntur, quæque sua multitudine nonnullis tam profligatam ignauiam ignorantibus terribiles esse videntur. Cum sit re vera omnis Turcarum exercitus, vel maiore numero contēendus, præter milites Prætorianos Genizaros appellatos, in quibus totum exercitus robur consistit. quos ex Thracia & Græcia Christianis, ut paulo ante dixi abstractos habent, non ignauos illos quidem, sed numero tamen per paucos, ac ne mediocribus quidem nostrorum æquiparandos. Cum tanta igitur exercitus quam libet magni infirmitate, ac militum fugacitate, compara Cæsar potentissime tuorum gloriam bellicam & virtutē militarem, hostium multitudinem magnum pecudum gregem existimabis, nec Græcorum & Thracum parua manus, quam tibi tuisque spernenda sit ignorabis. Habes enim ex Italia viros ingenij animique viribus præstantes, de cuius regionis gloria quid ego loquar? cum eius virtuti non solum eam Asiæ partem, quæ Turcarum imperio continetur, quam Romanis ludus propemodum fuit debellare, & Græciam, Thraciamque, quas iidem prouincias paruo negotio subiugarūt, sed Africam etiam & Europam reliquam paruissē constat omnibus mortalibus. Habes Hispanos, quorum summa in bellis ciendis virtus, atque solertia notior est, non solum tibi, sed cunctis hominibus, quam ut oratione debeat, & verbis meis explicari. Neque enim oportet rerum fortiter ac strenue ab ipsis passim gestarum testimonia ex veteribus historiis peti, nec opus est belli Saguntini laudem referre, aut Numantini gloriam commemorare. in quo quatuor Hispanorum millia, quatuordecim annos exercitum sustinuisse traduntur quadraginta millium, non Medorum aut Persarum, non imbellium Asianorum, sed fortium militum Romani nominis: nec sustinuisse modo, sed repulsum non semel & victum pudendis fœderibus affecisse. cuius rei testes sunt locupletissimi veteres historici, nō Hispanorum, sed ipsorum qui vincebantur Romanorum, non est igitur opus vetera recensere, abunde suppetunt recentissima memoriæ nostræ documenta. quibus, cum Heluetijs, cæterisque Gallis, atque Italis gentibus pugnacissimis bellantes, summam virtutem ostenderunt, continuatis longo tempore victorijs, quas pauci semper à longe maioribus copijs reportarunt. Habes Germanos viros robore corporis & vi animi excellentes: hosti cedere nescios, nec ante locum quem semel occupauerint quam vitam amittere solitos, prodigos animæ atque sanguinis, interritos ad omnia pericula, ad summam, tam inuictos, ut non abs re de Sueuis Germanorum late patentibus populis dictum esse videatur, quod est apud Cæsarem in Gallici belli cōmentarijs, ne Deos quidem immortales ipsis pares esse posse. Neque tantū militū genere longissime Turcas anteimus, sed omni etiā armōrū apparatu, præsertim bombardarū, quas factas nuper singulis hominibus habiles archibufos appellamus, & grauis armaturæ, qua nostri equites instructi facile parua turma magnum



gnum hostium equitatum prosteruat. Agnosce igitur Imperator maxime vires tuas, & tuorum virtutem, robur & inuictos animos ante oculos ponens, hostium vecordia, imbecillitatis, atque ignauia recordare, nec dubitare poteris, quam sit indignum te Germanie principem, Hispaniarum ac tot prouinciarum rege, simulque Romanorum Imperatore, vel infinitam Turcarum multitudinem non contemnere, cum in eos iustas tuorum copias eduxeris, quas tibi haud difficile profecto fuerit comparare, immo iam propemodum habes in Italia comparatas. paruo enim supplemento ex his fiant duo iusti atque legitimi exercitus electorum virorum, quos fortiter opponas, quamuis innumera fortium gentium, nedum imbellium multitudini, ut veteres Romani viri summa rei militaris & doctrina, & experientia facitabant. qui orbis terrarum victores cum infinita multitudo ex gentibus pugnacissimis rebellasset, nimia necessitate cogente, duos Duces cum duobus iustis exercitibus mittebant, iustum exercitum peditum viginti, equitum quatuor millia definientes, maiorem namque multitudinem & inutilem pugnam, & facile comectus inopia laborare reperiabant. cuius rei Flavius quoque Vegetius in eo libro meminit, quem de re militari ad Valentinianum Caesarem diligentissime ac eruditissime conscripsit. Nisi forte quoniam auro ceterisque diuitijs affluentior est Turcarum exercitus, idcirco a nostris, qui armati ferro, non torquibus ornati ad praelium procedunt, eundem inuictum esse putamus, cum longe aliter sese res habeat: auro namque onusti milites, cur expolientur habent, non cur metuantur. In quam sententiam Annibal respondisse fertur Antiocho milites suos preciose armatos & auro fulgentes ostentanti. Rogatus enim ab eo utrum satis ei virium in tali exercitu ad superandos Romanos esse videretur, plane inquit haec satis fore puto Romanis, quamquam auarissimi sint. Quare noli Caesar sollicitus esse, quibus opibus bellum ducas, quibus facultatibus tuas copias diutius alas, incepto tantum opus est, cetera res ipsa expediet. Si enim hostem semel praelio deuiceris (quam victoriam tua tibi tuorumque virtus, & fortuna, & Christus ipse, pro cuius populi libertate atque salute pugnabis, indubitata pollicentur) praeda ipsa, & hostium exuuiarum abundantia in longum tempus sufficient, ad copias tuas nutriendum. Sed quid ego parua loquor? & de castrorum militumque exuuijs mentionem facio? Nolo te Caesar de militari, aut castrensi praeda, quamuis ingenti & tuos milites ditatura cogitare, sed iam nunc in plurima eademque opulentissima regna animum intendere. Non iam de vnius ciuitatis imperio exercitus tuus depugnabit, non de regno Neapolitano, aut Ducatu Mediolanensi, Italiae atque Galliae Cisalpinae partibus certamen erit, ad quas tutandas minime sufficiunt ipsorum vectigalia, & pro quibus iam pridem inter principes christianos tanta contentione dimicatur, ut attritis mutua perniciem nostrorum viribus, & exhaustis opibus, affectum bellum com-

*Exercitus in  
flus, quis a-  
pud Romanos.*



Statius lib. 1  
Thebaid.

Conclusio

muni hosti, nisi reditum fuerit ad sanitatem, tradituri videamur: cui ex nostra discordia magis, quam ex suis viribus audacia creuit. Quod si in hunc & ceteros nostræ religionis hostes arma eadem nostri ex mutua cede collatis viribus conuertissent, facile nimirum erat, sanguine christianorum his paucis annis in Italia & Insubria mutuis vulneribus effuso, Africæ atque Asiæ imperium ditioni Christianorum adiecisse. Non igitur posthac *de paupere* (ut ille ait) *regno* pugna erit, sed præmium tibi huius sanctissimi ac sacratissimi belli victori multorum regnorum, & maximæ ac opulentissimæ partis orbis imperium proponitur. Te namque Græcia, Thessalia, Macedonia, Thracia Christianorum nuper regiones: sed post ob nostrorum discordiam imperio Turcarum submissæ, ad huc tamen integras Christianorum ciuitates retinentes, cum maxima expectatione desiderant, ut se afferas in libertatem à crudeli dominatu barbarorum, quibus populus non modo nihil repugnantibus, sed gnaui, ter etiam vindici suæ libertatis opitulantibus, quâti demum negotij fuerit, transmisso breuissimo freto Pontum, Phrygiam, Bithyniam, Capadociam, Lyciam, Ciliciam, & ceteras Asiæ minoris Prouincias, cumque Arabia vniuersam Syriam, cuius pars Iudæa est, & vrbs sacra Hierusalē, vsque ad Aegyptum subiugare, gentes ut ditissimas, sic molles & imbelles, ac ne repugnaturas quidem tibi, si semel à te victum regem suum intellexerint, qui vniuersas regni vires cōtulerit ad difficillimum bellum profecturus, quib. prouincijs cum fueris potitus, quod regnum, quæ natio possit tuis viribus obsistere, quo minus hunc orbem tripartitum cum eo, (quem antichthones tenere putantur) Fernandi aui tui tuisque auspicijs Hispanorum ditioni & religioni Christianæ nuper addito imperio valeas continuare? facultatibus abunde tibi suppetentibus ad copias tuas vel multo maiores numero, quâ diximus, liberaliter alendas. Ut enim Aegypti, & Assyriæ, Arabiæque foelicis diuitias & vbertatem fileamus, Asia minor, qua multæ gentes modo memoratæ continentur, tam opima est, & omnium fructuum, pactionisque, ac rerum exportandarum ferox, ut ex hac vna populo Romano maiora vectigalia, quam ex tota Europa fuisse, veterum testimonijs acceperimus. atque hoc tempore constat, hanc regi Turcarum tam inuidiosas opes velut perennem inexhaustumque fontem subministrare. Quin igitur Cæsar expergisceris? & impiger viam hanc ingrederis, quam tibi fata Deusque ad res maximas, & orbis terrarum imperium commonstrant. An vero tu solus tuam fortunam ignorabis? de qua sic omnes mortales opinantur, cum videant foelicissimos ubique successus tuos, & præter omnium opinionem mirabiles, ac vicissim miserandos eorum casus, quicumque te ad inimicitias, siue bellum prouocauerint, ut res tuas non viribus hominum geri putet, aut humano consilio, sed superum prouidentia, et proprio Dei cura gubernari. & te tacita Dei voce ad rerum fastigium euocari. Age igitur Impe-



Imperator foelicissime, & omnes cunctandi mores abrumpe, ommissq;  
his bellis, quæ si verum quærimus, parum habent & emolumentum, & di-  
gnitatis, optatissimaque pace Christianis reddita, ad hæc propera, in  
hæc toto animo & cunctis opibus incumbe, ad quæ officium te impera-  
toris vocat, pietas hortatur tum in patriam, tum in Deum & reli-  
gionem, quæ cum libertate, & salute reipublicæ Christianæ (hæc  
enim cuncta implicita inter se sunt atque coherent) in summum  
discrimen adducitur. succurre pio fratri, fer opem cæteris Christianis la-  
borantibus, qui tuam fidem cum gemitu & lachrymis implorant, aduer-  
sus sæuissimum hostem, qui orbi christiano, si durissimam seruitutem  
recusauerit, supplicia & excidium minitatur. In quem sic animatus esse  
debes, sic tota mente ad hoc bellum incumbere, non vt satis habeas i-  
gnauam multitudinem, nostræ discordiæ fidentem, & se paruo successu  
iactantem à nostris ceruicibus repellere, sed vt hostes ipsos vel à te tuif-  
que victos, vel (quem nuncium in horas expecto) antequam tu illuc cum  
exercitu possis peruenire, virtute Germanorum repulso, constanter  
vsque in intimum regnum plenus fiducia & alacritate persequaris. Ne  
viribus resumptis quod ea via non processerit, alia expeditiore aggre-  
diatur, & semper illius aduentus sit Christianis cum perpetua sollicitu-  
dine pertimescendus. vt miseram Græciam & finitimas Christianorum  
regiones cum Byzatio regia iampridem Romanorum Imperatorum in  
libertatem afferas, & minoris Asiæ opulentissimæ regionis, & finitima-  
rum gentium vsque Mesopotamiam, & Aegyptum imperio potitus, in  
sancta vrbe Hierusalem teste nostræ redemptionis oculata, & primo  
atque præcipuo Christianæ religionis sacrario victor Deum adores, &  
debitis sacrificijs pro tanta victoria cum summa pietate veneris, simul-  
que iustis precib. exores, vt qui coepta secundauerit, idem Dux sit &  
que auctor, vt te Imperatore, & bellum administrante re-  
liquus terrarum orbis ditioni Christianorum, &  
sanctissimæ religioni adij-  
ciatur.



IOANNIS  
 GENESII SEPTULVE.  
 DAE CORDVBENSIS,

*De ratione dicendi testimonium in causis occultorum  
 criminum, dialogus qui inscribitur.*

THEOPHILVS.

Ad generosum Dominum

FERNANDVM SYLVAM, comitem Centifon-  
 tanum, Cæsar. Maiest. Legatum &c.

PRAEFATIO.



Trum boni viri sit magnis commodis, adhortatibus, quid-  
 quàm facere præter honestatem, quam susceptam constet  
 non mediocre damnum allaturam, sæpe & à multis dubi-  
 tatum est. Fernande Sylva comes inclite Centifontane.  
 Importuna videlicet quæstio, & excelsis, ac magnis ani-  
 mis indigna deliberatio. tu verò, cui propositum est, sem-  
 per quæ fuit, virtutem colere, constanterque gloriam maio-  
 rum tuorum amulari, ut nulla sollicitari soles id genus consultatione, sed om-  
 ni loco virtutis laudem quamlibet magnis commodis anteferre: sic eas quæstio-  
 nes in primis odisti, quæ utilitatis afferunt cum officio & honestate contentio-  
 nē: contra verò hīs delectaris maxime, cum ab hominib. doctis disputantur, quæ  
 declarant, duarum rerum honestarum vtra honestior, ac bonis viris suscipien-  
 da potius esse videatur. Neque verò solum tales philosophorum disputationes  
 libenter audis, cum cœcum sumis à reip. muneribus, quæ Cæsaris legatus Roma cū  
 egregia tua laude geris: sed te quoque iuuat interdū pro tua singulari prudentia,  
 & acerrimo ingenio philosophari: & cum viris eruditis res in hoc genere con-  
 trouersas, & scitu dignas differere. qualis nuper quæstio à te fuit, & prudēter  
 proposita, & magno ingenio disputata. Cū sermo incidisset de ratione occulta  
 crimina celādi. Aderat enim quidā præstati doctrina theologus, qui rogatus à  
 te, num



te, nūquādo liceat bono viro, ne socium ladat roganti se iudici veritatem quavis arte verborum occultare inficiando: cum suam sententiam exposuisset, quorundam iuniorum theologorum decretis consentaneam, magna fuit vobis & dissentiens altercatio, dum ille charitatis iura, atque humanitatis vrgeret, tu religionem opponeres, & sacramentum veritatis. qua de re cum parum vobis conuenisset, & controuersiam ipse cuperes accuratius excussam certa ratione definiri, me qui tunc Romae agebam, post paucos dies, quid esset mei iudicii rogasti, ac tibi ex animi sententia suffragantem rationibus aduersarij doctissimi (qui forte aderat) respondere iussisti. instituta igitur hortatu tuo, in longumque protracta disputatione, dum uterque suam sententiam diligenter tueretur, nihil tamen certi definitum est, tum propter varios, & difficiles questionis explicatus, tum quia sit nescio quo pacto, ut quam quisque sententiam rogatus dixerit, hanc licet in commune consultetur, non modo velit esse potiore, sed interdum etiam minus probabilibus rationibus, quam quibus niti videat dissentientem sibi propemodum persuadeat, nec praeter officium putet, omnes animi ingenijque vires in defensionem eius intendere. Ita fit saepe, ut ingeniosorum hominum contentionibus veritatis lumen offusis tenebris delitescat. Sed eam questionem mihi postea recolenti & utriusque partis momenta rationum accuratius perpendenti, res visa est in primis digna, quae non vocet tantum, sed scripto etiam tibi, ac ceteris prudentibus & pijs hominibus explicaretur. Nec enim parum pertinet ad moderandam religionem, & saepe potest, nisi fuerit iudicata, bonorum ac religiosorum animos ancipiti consilio distractos perturbare. Itaque dialogum more veterum theologorum, & quorum est magna in primis auctoritas, confeci duarum fictarum à me personarum, quarum Philletus contradicentium, Theophilus nostram sententiam, & sentiendi rationes explicabit. Quem librum ad te mitto, hoc equidem libentius, quoniam video quam tu sententiam pro singulari prudentia tua probabas, ingenio, & tuelaris, hanc veteribus, & primarijs theologis placuisse. De quo edendo libello quo minus dubitarem ea res effecit, quod cum in Hispaniam post continentem viginti duorum annorum italicam peregrinationem Carolus Caesar eiusque voluntatem secutus redisset, offendit praeter spem, illum veterum ac summorum theologorum consensu damnatam opinionem, quorundam doctissimorum alioquin & primae classis theologorum publice docentium animis penitus inhaerentem, & fere studiosorum auribus & mentibus inculcatam, ut si veritas in hac controuersia recte (quemadmodum spero) fuerit nostra vel industria vel diligentia, asserta & patefacta, verendum non sit, ne temere aut parum utiliter hanc scribendi curam & laborem suscepisse videamur. Ut igitur res quasi agendo, non velut enarrando proponatur, sic enim commodius



disputantium rationes explicari videntur: dabimus hoc differentibus exordium.

Personæ dialogi, Philetus, & Theophilus.

Summarium.

1. Crimen occultum proximi celare tenemur lege naturali & diuina.
2. Crimen occultum proximi licet indicare in alterius vel reip. periculo.
3. Vtrum sit parendum iudici inquirenti de manifesto crimine, sed occulte admissio.
4. Homo non est iudex occultorum criminum, sed solus Deus.
5. Crimina occulta non sunt credenda, nisi certis indicijis comprobantur.

CAPUT I.

PHIL.

Proverb. 11.



Vide Th. 2. 2.  
q. 33. ar. 7. &  
4. senten. di.  
q. 2. ar. 7. ad  
secundum ar-  
gumentū, q.  
1. & gabr. in  
can. lect. 74.

1. I. R. bonus semper celabit occultum cuiusque crimen, scriptum est enim in libro proverborum, qui ambulat fraudulenter reuelat arcana: qui autem fidelis est, celat amici commissum. T. H. Etiamne in reipublicæ discrimine tacebit, vel si crimen spectet in perniciem ciuitatis? P. H. Nequaquam, sed tali Reipublicæ tempore diligenter conabitur scelestum illum hominem à cogitato scelere detertere, si tamen dehortando nihil profecerit, nec alia honesta ratione obuiam iri posse videat venientibus malis, non dico reip. sed vnius innocentis hominis salute poscente, cogitatum illud crimen deferret ad eos (Augustino auctore) qui magis prodesse possint, quam obesse, vel ad magistratus, si rei magnitudo postulabit, vel ipsum, cui malum paratur admonebit, & hæc omnia pro ratione Christianæ charitatis prudenter moderabitur. T. H. Rectè tu quidem, & ex præceptis Christianæ philosophiæ, boni prudentisque viri officium in tali causa ac difficultate expedienda mihi videris, atque paucis explicasse. Non igitur semper occultum crimen alterius est celandum. P. H. Semper quidem, sed nisi ex celando exiturum esse constet maius aliquod alterius damnum, quamquod auctor criminis, si proditus esset incurreret. Nunquam est enim committendum, ut quidquam faciamus contra legem naturæ, & diuinam, quam violari constat, si quis indicet alterius occulta peccata. Nam si quisque recta ratione velit, suum occultum crimen ab altero non prodi, omnes tenemur alterius occulta crimina celare lege naturæ, quam Christus in Euangelio confirmavit his verbis: Omnia quaecunque vultis, ut faciant vobis homines, ita & vos facite illis: hæc est enim lex & propheta. Item quia rectè nemo vellet, suam famam ab altero deturpari (quod maximè fit occultis criminibus prodendis) hac quoque ratione iuris est & diuini, & naturalis, occulta crimina celare. T. H. Rectè tu quidem docuisse mihi videris, scelus esse temerè sociorum occulta crimina deferre, & ipsos peccatis prodendis infamare nec id mihi fuit vnquam dubitabile, sed si homicidium  
(exem

Matth. 7.



(exempli causa) te vno vidente fuerit patratum, & cadauere propè domum tuam reperto, prætor authorem sceleris inquirens, te vocet, ac de homicida percontetur, quid iuratus huius iudici respondebis? P. H. si me vocauerit non parebo. T. H. Quid si te venire coegerit? P. H. Iurare ac respondere quatenus potero recusabo. T. H. Resistes igitur, quātum erit in te, potestati sublimiori, ac proinde ordinationi Dei, cui qui resistit, sibi *Rom. 13.* damnationem acquirit authore Paulo. P. H. Non resistit potestati, qui non paret iniquis eius imperatis. nam præfectis potestatem in ædificationem esse *2. Cor. 13.* datam, non in destructionem, idem Paulus testatur. T. H. E. An tibi videntur iniqua imperata, quæ huc pertinent, vt fontes pro sceleribus commissis plectantur, ab eo qui Dei minister est, vindex in i. an ei, qui malū agit? P. H. Quod *Rom. 10.* iustum est, id Deus iubet, vt iuste exequamur: prætor autem vindex est, *Deut. 16.* & iudex criminum manifestorum, occulta peccata Dei iudicio referuntur: siquidem homo ea tantum videt, quæ apparent, Deus autem intruetur cor, vt est in libro regum: ac vt Paulus testatur, Deus in die iudicii *1 Reg. 16.* occulta hominum indicabit. Qua de re Sixtus secundus Papa & martyr in epistola, quæ est ad Episcopos Hispaniarum, hæc sanctissime, ac prudentissime scripta reliquit: Eorum (inquit) quæ homini sunt incognita, solus Deus iudex *Rom. 2.* est iustus. Et paulo post: Nullus ergo potest ex humano condemnari examine, quem Deus suo iudicio reseruauit. In quam sententiam Urbanus secundus in quodam rescripto taxans quorundam clericorum peccata: De manifestis erubescant, (inquit) loquimur, secretorum autem Deus cognitor est, & iudex: prætori ergo male rempublicam administranti, ac præter leges & officium suum, inquirenti in occulta crimina, qui paret, hic nō sequitur Dei ordinationem, sed comes efficitur peccantis. T. H. E. Illa quidem oracula sunt scripturæ sacræ, & nemini Christiano dubitanda: nec est qui refragetur his Sixti Urbaniq; pontificum decretis, quibus declaratur, vnius esse Dei hominum cogitationes perspicere. & nullum crimen, quamlibet occultum posse diuinum iudicium effugere, huc enim pertinere dicta pontificum, declarant proxima verba Sixti in eodem loco, quæ tamen fuit à Zeferino mutuatus. Nam de occultis (inquit) cordis alieni temerè iudicare peccatum est: & cuius non videntur opera nisi bona, iniquum est ex suspitione reprehendere. Item quamuis vera sint (inquit) non tamen credenda sunt, nisi quæ certis indicijis comprobantur: nisi quæ manifesto iudicio conuincuntur: nisi quæ iudiciario ordine publicantur. Quo fit vt etiam si qui testes iurati, dum inquiretur in aliquem, se videtibus confirmet, crimē aliquod ab eodē admissum, non tamē liceat per leges pontificias in ipsū animaduertere, si crimen nulla nec popularis querela, nec fama præcesserit. Ad summā ne talia testimonia iudices admittāt, neve propter famosos libellos elā summissos in quenquā de criminib. occultis inquirent, cautū lege est Innocētij tertij pōtificis maximi. His tamē nō efficitur, vt præses præter officiū suū faciat, cū admonit<sup>o</sup> homicidij manifesti quidē, tamē occultē cōmissi, authorē ei<sup>o</sup> cunctis rationi-

Cap. inquisitionis de accusa Et inquis. §. 3.



rationibus inquirat: nisi forte volumus damnare ius gentium & leges, tum civiles, tum etiam pontificias: quibus cauetur, ut praesides ac iudices quorundam etiam occulte commissorum criminum auctores, diligenter per coniecturas quoque, & indicia perquirant, & his magnis suppetentibus tormenta etiam suspectis adhibeant.

### Summarium.

1. In crimina occulta, sed non penitus, iudici licet inquirere.
2. Parendum est iudici non solum cum constat ipsum imperare iusta: sed etiam cum de iustitia imperata rei dubitatur.
3. Si crimen est manifestum: licet iudici occultum autorem inquirere: etiam si nulla antegressa fama aut suspitione quicquam grauetur.

### C A P V T II.

- I. **N**on est ergo ius omnia crimina occulta inuestigare: sed multa patrantur occulte, quae clamoribus popularibus ad praetorem deferuntur, in quae iudices inquirere solent: & iure solent (ut Innocentius tertius scripsit in concilio generali) & auctores inuestigare: & quoniam huiusmodi est homicidium, de quo est nobis suscepta disputatio: idcirco diligenter inquirere: & quos visum fuerit adactos iureiurando de homicida illo percontari. Neque verò solum extra dubium bonus & religiosus cuius praefecto Reip. obtemperabit: sed etiam si ambigat, iure an secus ab inquirente iudice interrogetur, parere debet, & si quid sciat indicare. Nam rebus dubijs fas est de magistratuum consilio & iudicio recte sentire, & ipsorum iussa facere, quippe quorum voluntas & auctoritas pro ratione debet esse dubitantibus. ut ipsa ratio docet, & viri prudentissimi tradidere. quo planè intelligitur contra iustitiam esse praetori officium suum ad hunc quem dicebamus modum ob-eunti, & quae iusta esse ducit praecipienti non parere. Atque eo magis quod talis reticentia posset esse in causa, ut innocens quisquam propter suspiciones non contemnendas illas quidem, sed tamen vanas in discrimen, ut saepe accidit, non modo famae, sed etiam vitae tormentis adhibitis vocaretur. P. H. Ista quidem ratione non nihil moueri poteram, sed me confirmat theologorum ille consensus, testimonium ferri de occultis criminibus non deberi. T. H. Theologorum consensui, nunquam (si me audies) refragaberis: sed vide ne nullus theologorum exceptionem illam non admittat: dummodo occulta crimina fama sinistra non praecesserit. P. H. Scio istam exceptionem plerisque omnibus theologis placuisse: sed auctor eius, de quo quaeritur homicidij nulla criminis eius antegressa fama grauetur, talem enim causam confingimus. T. H. Est ut ais: atque ideo praeter officium iudicis est, in eum priuatim, ac nominatim inquirere, sed quoniam homicidium patratum esse constat

Cap. qualiter  
de accusa. el.  
a.

Palud. 4.  
sent. di 19.  
q. vltima

Vide Io. Ger-  
sonē parte  
2. alph. 34.



constat, populo fortassis ipsum, & certe bonis viris detestantibus, prætor non potest auctoris inuestigationem sine magna culpa negligere. cū autem de crimine non dubitatur quo pertinet inquirendi sollicitudo, nisi ut auctor eius occultus patefiat inuestigatus? P H. Hoc ergo crimen manifestum esse dicis non occultum, quāuis auctor ignoretur: ac proinde ius esse, ut prætor autorem inquireat, & inquirenti pareatur: si hoc igitur asseueras, nihil pugno. T H. At pugnabas paulo ante: & te iudici negabas vlla ratione obtemperaturum. P H. Scilicet quia non animaduvertebam, crimen illud ex parte manifestum esse: ac huiusmodi, ut more ac iure possit in ipsum prætor inquirere.

### Summarium.

1. Quid faciendum, si iudex inquireat in penitus occulta crimina, propositis censuris & excommunicatione.
2. Celare verum sæpe licet, inficiari nunquam, nec pro salute hominis.
3. De visitatis collegiorum & cœnobiorum inquisitionibus seu visitationibus: & formula iurandi rogatos testes.
4. Incommoda quæ sequuntur si formula prætermittatur.
5. Quam diuersa ratio sit sacerdotis nota per confessionem crimina negantis: & eius qui aliter nouit.
6. Inficiatio criminis occulti quomodo interpretanda.

### CAPVT III.

**S**ed faciamus non modo autorem, verum etiam crimē ab omnibus, præterquam à me & eo qui commisit ignorari, exempli causa: faciamus ignotum quendam & peregrinum hominem à Titio ruri suo fuisse, me vno conscio, interemptum, & humatum, quem nemo vnquā postea in vrbe requisierit: omnibus Titium virum esse bonum existimantibus, & abhorrentem à talibus criminibus: at seuerum, ac potius importunum iudicē edictis monere populares, ut ad se omnia cuiusq; generis homicidia in vrbe patrata deferāt: magnis poenis propositis, si quis conscius non indicauerit: tūc me profiteor, nec iudici paritum, nec (ut res habet) si me testificari coegerit responsurum, ne socium infamem, & perdam occulto crimine prodendo. T H. Etiamne proposito sacrorum interdicto (quod si placet vocetur etiam à nobis ut vulgo solet excommunicatio) imperium detrectabis? Affingamus enim rem geri Bononiæ, vbi præses habet vtrumque iustitiæ quasi gladium. P H. Ego verò nihilo minus. Nam in quo mihi iudex imperare iure nequit, in hoc meum nullum erit peccatum, si temere imperioso non paruero: interdicere autem, siue (ut nunc loquimur) excommunicare, neminem licet nisi propter capitale peccatum: quale illud hominis Corinthij, 1. Cor. 5. de quo Paulus in epistola. T H. Quo tempore, & quatenus minæ iudicis,



Vide. Th. 2. 2.  
q. 33. ar. 7.  
ad. 5. arg.

in. 5. art. 2.  
habetur. 2. 2.  
q. 2. nequis.

De accusati-  
ca. qualiter  
ei primo.

Ro. 4.

dicis, & imperata negligenda esse videantur, post si tibi videbitur dis-  
feremus: nec erit fortasse nobis hac de parte controuersia: nam tibi fa-  
cile equidem assentiar, talia iudicum edicta & imperata sic esse acci-  
pienda: ut putemus aut ipsos nolle de criminibus occultis inquirere:  
aut si velint, non tamen esse parendum iniustis eorum imperatis. Nunc  
illud videamus, quod ais, te si coactus fueris dicere testimonium, ne  
tunc quidem, ut res est indicaturum: ista enim oratio, quam vim habe-  
at, non satis intelligo. Aliud est enim celare verum quod bono viro  
multis in causis permittitur: aliud falsum dicere mentiendo: quod au-  
tore Augustino non datur, vel pro vita hominis, sine crimine, iuratus  
ergo quid tunc iudici respondebis? PH. Crimen diligenter celabo: &  
me dicam nihil scire, nec notam verebor, si quis mihi mendacium obie-  
cerit, quoniam cum sic loquor, ea dico, quæ planè iudex intelligat, &  
vere ad mentem non modo meam, sed etiam ipsius respondeo. Nam  
cum ille me de ijs criminibus roget, in quæ iure potest inquirere, hoc  
est de non occultis, sic enim interpretor, & iure interpretor ipsius ani-  
mum: ego itidem respondeo, me nihil scire eorum videlicet de quibus  
ille me rogat, & rectè atque vere respondeo. Nam si quis me roget ho-  
die: viderim ne Titium, quem ipse quæritat, cum heri ambo fuerint a-  
pud me cœnati, vere negem, si non viderim hodie, quippe rectè intelli-  
go, de hodierno me die interrogari. Nec aliter video in vñtatis, & an-  
niuersarijs inquisitionibus collegiorum, & cœnobiorum vel iudices,  
vel sodales scholasticos, & monachos, tum edicta, tum rogata, & re-  
sponsa interpretari. TH. Ingeniosum commentum & speciosum, sed  
nihil habens aut parum veritatis: non quid rectè, & vere sic respon-  
deat, si quis exploratum habeat, iudicem sua verba in eum sensum ac-  
cepturum, sed quia in ijs quas dicis & similibus inquisitionibus, non  
indocti nec imprudentes iudices formulam testium rogandorum ab  
Innocentio tertio institutam non prætermittunt, qua in primis excep-  
tio criminum occultorum explicatur, nec equidem video, quomodo  
possint eam citra grauem culpā præterire. sic enim episcopo Vercellen.  
rescripsit *Formam vero iuramenti, quam à clericis Nonariensibus super inquisitione  
facienda in hoc negotio recepistis, in similibus volumus observari: ut videlicet iurent cle-  
rici, quod super ijs, quæ sciunt vel credunt esse in sua ecclesia reformanda, tam in capite,  
quàm in membris, exceptis occultis criminibus, meram, & plenam dicant inquisitionibus  
veritatem.* Hac enim formula contra legem prætermissa, indocti homi-  
nes, ac istius subtilis interpretationis ignari, putantes se de cunctis o-  
mnino criminibus interrogari, vel socium prodeunt occultum crimen  
indicando, vel (contrà quam ipsi fieri putant oportere) peccatum alie-  
num per humanitatem celantes, ipsi se obstringent suo, propter erran-  
tem conscientiam, quæ ubi nullum est, ibi solet interdum peccatum pa-  
rere, ut testatur Paulus. Doctiores autem scrupulosa, vel prudenti po-  
tius



eius cogitatione rogantis verba perpendentes, quomodo possunt non  
 magnopere dubitare: num sibi liceat, in eum sensum verba iudicis sim-  
 pliciter loquentis interpretari? ad cuius intelligentiam debent suum  
 responsum accommodare, cum animis non perspectis, ius sit à verbis *Despō. cap.*  
 non discedere: & iudices interdum de occultis etiam criminibus iurē *ex literis.*  
 & iniuria videamus inquirere? PH. Vir doctus, nec superstitiosus ver-  
 ba iudicis perinde ac lege cauetur interpretabitur: nec erit sollicitus,  
 ne quid lateat in iudicis animo iuri atque legibus aduersum. Vt sacer-  
 dotes solent, cum se scire negant peccata, quæ per sacram confessionem  
 nouerunt. TH. Sacerdotis longe alia ratio est. Deus enim & Ecclesia,  
 ipsaq; ratio naturalis arcanum sacræ cōfessionis, quod multis scriptis  
 legibus nominatim est sancitum, tam sanctum esse voluerunt, vt in nul-  
 la, prudenti modo & coacta, sic cognitorum peccatorum inficiatione  
 possit esse, vel periurium, vel mendacium propter sacramenti huius  
 maiestatem, & maximam publicamque religionis christianæ pertur-  
 bationem: quam existere necesse esset si quo tempore, si qua ve ratione  
 religiose confessum proderet liceret. Tunc enim quis non timide, atq;  
 cunctanter ad hoc sacramentum accederet? immo verò quis non vehe-  
 menter à sacra confessione deterreretur, qui modo sibi conscius esset  
 criminis alicuius, quo patefacto, posset infamix, & fortasse salutis e-  
 tiam periculum adire? itaque Thomas peccatorum in confessione co-  
 gnitorum occultationem esse dicit de substantia sacramenti: quod ne-  
 mo tribuit alteri cognitioni: si quis secus nouerit quamlibet occulta  
 crimina: quippe quæ multifariam licet interdum indicare. Præterea sa-  
 cerdos aliam personam induit, dum sacramentum administrat, aliam  
 dum testis producit inuitus. Hic enim priuatam magistratibusque  
 subiectam: illic Christi personam gerit, cuius est administer, nullo  
 ne pontifice quidem maximo inferiorem. Vt autem quæ vel iuratus  
 quisque promiserit, vt publica persona, ea priuatus cum abierit magi-  
 stratu præstare non tenetur: nec propterea quod non fecerit, periurus  
 habebitur: sic qui negat se scire priuatus, quæ nouit vt minister dei ac  
 sacramenti, non mentitur, nec periurium incurrit. quæ personarum di-  
 uersitas nulla est in teste, qui rogatur de criminibus occultis. Vt enim  
 priuatus nouit, sic priuatus producit, vt dicat testimonium. Atq; hac  
 quidē à magnis theologis traduntur, vt sacerdotis illa inficiationē vin-  
 dicent à periurio, & vanitate quæ palam est, vt dixi minime in eum cō-  
 uenire, qui de peccatis occultis testimonium dicit. Ceterū nescio, hac  
 in causa an nihil magis sacerdoti suffragetur, q̃ publica christianorum  
 doctorum iuxta, & indoctorum interpretatio: quæ declarat, hunc intel-  
 lectum habere simplicē sacerdotis inficiationem se nihil scire præter-  
 quam vt deum vel administrum dei, & sacramenti. vt si quis aliter  
 verba inficiantis acceperit, sacerdos tamen sit extra culpam & menda-



cium propter publicam & receptam interpretationem. quemadmodum si quis iuret pratori, vera se ad omnia rogata responsum, nihil opus est, ut addat illud: dummodo fuero, quæ iusta sunt & honesta rogatus: nam ipso tacente lex communis & mos hominum interpretatur. P H. Si mos iste, & consensus christianorum facit, ut sacerdoti liceat eorum, quæ nouit, notitiâ inficiari, fuit profecto tempus, cum id non liceret, nimirum ante, quam de hoc inter christianos conuenisset, aut hic mos inualuisset: quod nemo tradit theologorum. T H. Fateor, si quod tempus tale fuit: nullum tamen fuisse reor: sed instituta confessione protinus apostolos (ut tutius esset eius arcanum à tyrannorum violentiâ: ne uel quis eo timore à confessione deterreretur) hanc interpretationem instituisse: magnoque consensu christianorum comprobata posteris quasi per manus voce tenus tradidisse. Quod si contendas aliquod tempus institutioni confessioni, & huic interpretationi interfuisse: quo per me non liceret sacerdotibus peccatorum cognitorum per confessionem notitiam simpliciter inficiari, haud equidem ponam in magno discrimine: modo ne idcirco putes, fuisse minus sanctum arcanum confessionis. Faciamus enim fuisse, quæris quid tunc faceret sacerdos rogatus à pratore: cui dedisset iusiurandum? prudenter responderet, si se negaret scire quidquam eorum, de quibus testimoniū ferre posset aut deberet: aut alia non dissimili verborum cautione citra mendacium vteretur. Ego vero his quoque temporibus talem quandam cautionem adhibere censeo sacerdotes: ut non solum mendacium vitent, sed etiā speciem mendacij: quemadmodum doctissimis quibusdam theologis placere video: præterquam si magna necessitas cogat, præsidium petere ab hac, quam dicimus, communi christianorum interpretatione: qua nondum instituta, fortis ac religiosi sacerdotis fuisset, mortem potius oppetere, quam vel falsum respondere, vel arcanum confessionis violare: cum neutrum fieri possit sine crimine. Alia ratio est occulta crimina secus cognita celandi: quæ interdum non modo citra crimen indicantur sed etiam officiose: & quorum notitiam inficiari nulla talis legitima interpretatio suffragatur. P H. Ego vero & legitimā euangelicā interpretationē afferō. Christus enim à discipulis se de iudicij extremi tempore rogantibus sic respondisse traditur in euangelio: *de die illo & hora nemo scit nec angeli in celo, neque filius, nisi pater*. Nam cum dubium non sit, quin filius perinde sciat atque pater: filius nescire dicitur, ita videlicet, ut expediret de hoc homines ab ipso doceri: quemadmodum Hieronymus exponit: vel nescire dicitur, id est non facere homines scire: ut Augustinus interpretatur. Cur enim mihi non liceat inficiationem notitiæ criminis occulti eodem modo interpretari? ut cum se quisquam id nescire dixerit, ad indicandum nescire intelligatur. T H. Res dubias & ignotas certis & exploratis confirmare solent, qui via & ratione philosophantur: tu quæ obscu

Vide gabrie-  
le. 4. sen. di-  
21. q. ultima

Marc. 13.

Hieronymus  
in Mat. b.

Aug. nihil.

23. q.

6.



obscura sunt, & incerta obscurioribus & ambiguis declarare niteris & confirmare. Quid enim magis anceps & dubium est, quàm intellectus eius loci, quē citasti ex euangelio? Nam vt missam faciam Arrianorum expositionem impietati ipsorum accommodatā: qui verba simpliciter accipiūt, vt filium faciat minorem patre, nōne vides, quāta sit diuersitas explicandi inter catholicos doctores? Hieronymus quemadmodū dicis enarrat, & item Augustinus qui in opere de Trinitate aliter locum his scilicet verbis declarat, *In omnibus* (inquit) *quæ deus ignorare se loquitur, ignoratio non detinetur: sed aut tempus est non loquendi, aut dispensatio non agendi.* & paulo post, *Si itaque* (dicit) *filius nescit, sacramentum est, vt taceat.* Origenes nescire accipit pro non experiri: & filium pro ecclesia, quippe cuius corporis caput est Christus. Quidam filium dei non vnigenitum, sed adoptiuum intelligi volunt: vt tradit Basilus. Nec desunt, qui affirmant illis verbis negari Christum scire quatenus homo est, ac (vt ait Petrus Paludes) *per scientiam acquisitam, sed per infusā.* Nec illa est incommoda interpretatio (à qua Augustinus non abhorret) vt filius nescire dicatur à se videlicet, sed à patre: scientiam enim & quæcunque filius habet, habet à patre, cum se ipsum, hoc est suam essentiam, à qua non differunt re, quæcunque in ipsa sunt habeat à patre, non à se. Sic igitur nōnulli, & alij aliter interpretantur. Quod ergo dubium est, quomodo intelligi & accipi debeat in magna sententiarum & enarrationum varietate fundamentum faciemus, quo fulciatur ea sententia, quam tueri moliamur contra veterum & summorum theologorum auctoritatem? Et scripturæ sacræ ac responsionis Christi mysterium, vel (quemadmodū Augustinus ait) sacramentum, in cuius intelligentia tanto opere viri doctissimi laborant varijs modis interpretantes, sustinebimus in vitam communem ad cuiuspiam quamlibet magni viri enarrationem transferre: eoque nitentes quidquam contra non modo veterum & grauissimorum doctorum, sed communem hominum sensum quasi legem inducere?

4. sent. d. 21.  
q. 3.

In li. de ver-  
bis domi.

### Summarium.

*Explicantur rationes cur sacerdoti simpliciter inficiari liceat quæ nouit per cōfessionem non autem si quis aliter occulta crimina nouerit.*

### CAPVT IIII.

**P**H I. Et quid prohibet occulti criminis extra confessionem cogniti simplicem inficiationem, tali christianorum consensu, similem habere intelligentiam? vt negari quasi pluribus cognitum intelligatur: & tanquam respondisset conscius, se nihil scire, quod quidem indicare debeat? T H. Nihil certe, si de hoc perinde consentiant Christiani:



cap. quali-  
ter de accu-  
sa. el. 1.

stiani: sed non consentiunt, nec par est consentiendi ratio. P. H. Satis cō-  
sentiunt, cum lex omnibus probata sic iudicis simpliciter rogantis ani-  
mum interpretatur, ut de non occultis videri debet interrogare: quæ  
interpretatio eodē iure simpliciter respōdentis inficiationi accōmoda-  
tur. T. H. Et quæ tandem lex iudicis animū, aut talē eius orationē inter-  
pretatur? P. H. Illa videlicet, quæ præscripta formula rogādi testes, iudi-  
cibus interdicit: ne temere de criminibus occultis inquirent. T. H. Vide  
quantū opinione fallaris: lex illa docet potius verba iudicis, quibus te-  
stes rogātur, non esse subtiliter interpretāda, sed perinde ut sonāt: & se-  
cundū cōmunem intelligentiā accipienda: dū sic formulam præscribit  
rogandi testes, ut explicet occultorū criminum exceptionē: quæ super-  
uacanea videri poterat, si legitima esset talis interpretatio. Ista igitur  
lex tibi nihil suffragatur: ac obstat potius, nisi si quam aliam habes, quā  
nullam esse reor: cuius auctoritate iustius interpretationem istam con-  
trariam cōmuni hominum intelligentiæ tuearis. Quid igitur iudex vel-  
le debeat, iure & legibus facile est peritis hominibus explicare: quid  
autem velit ex verbis ipsius simpliciter acceptis est indicandum. Cum  
igitur iudex testes absque exceptione de cunctis criminibus interrogat  
in magna culpa est propter rationes, quas supra memorauimus. Quo  
circa a doctis & religiosis testibus, antequam respondeant, admonen-  
dus est, ut verbis aperiat animum suum: ne velle videatur, de occultis  
etiam criminibus præter leges inquirere: tunc si de non occultis roga-  
re se dixerit, licebit testi occulti dumtaxat criminis conscio, se nihil  
scire respondere: sin aliter, quid hic vir bonus facere debeat, iam (si pla-  
cet) consideremus.

### Summarium.

1. Interrogantis & respondentis verba accipienda sunt secundum communem intel-  
ligentiam.
2. Quam vim habeat illa expositio mentiri est contra mentem ire.

### CAPVT V.

1. **T**V igitur productus quid consilij caperes, si se iudex indicaret, vel-  
letque sibi de occultis etiam criminibus responderi? Exempli  
gratia: si manifestis homicidijs, sed occulte patratīs, vehemen-  
ter commotus, & putans tali tempore legem illam iure posse præteri-  
ri, quæ inquire vetat in occulta crimina: aut malitia & pertinacia te co-  
gat etiam de quālibet occultis homicidijs respōdere: quid iuratus huic  
iudici respondebis? P. H. Nunquā me iudicis vel temeritas, vel stulti-  
tia sic transuersum aget, ut præter legem naturæ sociū prodam, & infamem.  
Nam quod mihi sponte facere non licet, id nō potest per alterius  
iniuriam coacto licere. T. H. Quid ergo iudici responsionem flagitan-  
tū re-



ti respondebis? PH. Non ego quidquàm narrabo falsi, nec fictam narrationem prætexam speciosis mendacijs, sed me de occulto illo crimine percunctanti nihil aliud etiam tunc vel iuratus, quàm me nihil scire respondebo, hoc autem prolatis verbis, nam illud in mente mea subiungam, quod quidem debeam indicare, nihil sollicitus quomodo iudex iniquus sit meam orationem accepturus. TH. Te igitur dicis (scio quibus autoribus) nō longa oratione, sed paucis verbis peieraturum. PH. Non peierat, qui non mentitur: nec mentitur, qui nō dicit contra mentem. Nam mentiri id demum esse interpretantur, contra mentē ire: qui sic ergo mēte cōcepit, nihil se in ea causa scire, quod euulgare debeat, is non dicit cōtra mentē, si se neget, quidquā in ea causa scire: etsi voce prætermittat illud, quod quidem indicare debeam, cum sit satis id mente excipere, & tacita cogitatione loqui. TH. Quis te docuit tam belle nugari? Qui tibi periuriorum tam pulchram latebram indicauit? Nam isto quidem modo nec ego mētīar, si me dicā, nunquā Hispaniā vidisse: modo illud cogitatione adiciā: his quidā viginti duobus annis, postquam ab ea sum in Italiā Bononiamq; profectus: qua mendacij excusatione si uti vellē, quis me ferret grauiū prudentiumque virorum? Si quid igitur veri habet vulgaris ista interpretatio contra mentem ire: hoc declarat, mentiri esse aliud animo sentire, aliud fallēdi gratia significare: seu verbis id fiat, seu gestibus aut factis. Nam recte Augustinus mendacium esse definit, falsam significationem cum intentione fallendi. Verborum autem significatio seu proferantur ea singulatim, seu in orationis complexu, non dicentis arbitrātu temperanda est: sed ad communem loquendi consuetudinem, & intelligētiam: sic enim iurare cauetur accipienda & accōmodanda. Ergo si dicas, te nihil in ea causa scire, haud dubie mentiaris: falsa est enim orationis significatio, & ab eo quod occultas animo dissentiens: quia te nihil omnino scire, & tū dicis, & quicumque te audit intelligit: tu tamen tibi conscius es, te aliquid scire, quamuis id non putes enunciandum.

In li. contra  
mendacium

De spōsa cap.  
ex literis.

### Summarium.

1. Interpretatio verborum Gregorij dicentis: oportere non verba, sed animum dicentis considerare.
2. De puerili amphibologia, qua quidam vtuntur ad rationem mendacij tollendam.

### CAPVT VI.

**P**H. I. Tu igitur nugari putas Gregorium in libro moralium, cum nos docet, oportere non verba, sed dicentis animum considerare.

TH. Ego vero & grauiissimam, & sanctissimam esse istam Gregorij doctrinam, certum habeo: quæ declarat, non esse malitiose interpretanda verba eius, qui plane loquitur & sine fraude: quod boni



Habetur 2.2  
q. v. cap. hu-  
mane.

Cap. ex lib.  
desponsata.

Glo in cap.  
humane. 2.2  
q. 5.

Glo. in cap.  
qui peierat,  
2.2. q. 5

Habetur 2.2  
q. 5. cap. qua-  
cunque.

Et habetur  
2.2 q. 5. cap  
ecce dico.

boni & æqui homines intelligant etiam si quod verbum exciderit lo-  
quenti, siue utcumque prolatum fuerit, quod possit in calumniam ra-  
pi malitiosa interpretatione. Hæc enim sunt, si recte memini, verba  
Gregorij ex moralium libro xxvj. *Humane aures talia verba nostra iudi-  
cant, qualia foris sonant: divina vero iudicia talia foris audiunt, qualia ex intimis profe-  
runtur.* Certe nouerit ille, qui intentionem ac voluntatem alterius varijs explicat ver-  
bis: quia non debet aliquis verba considerare, sed voluntatem & intentionem, quia non  
debet intentio verbis deferuire, sed verba intentioni, quam orationem Gregorij  
quis non videat ad calumniam dumtaxat refellendam pertinere?  
Calumniatur enim, qui intentionem & voluntatem alterius (vt ipse ait) va-  
rijs explicat verbis. Nam licet in dubijs non sit à verbis discedendum, vt  
Alexander tertius Archiepiscopo Cantuariensi rescripsit, vt modo  
dicebamus: tamen cum de intellectu constat, animus potius loquen-  
tis considerari debet, quam verba. Sic enim locum viri doctissimi in-  
terpretantur qui docent, cum calliditas adhibetur ab alterutro dicen-  
te, vel accipiente, tum deum orationem accipere ad mentem eius, qui  
simpliciter intelligit: quemadmodum igitur Gregorius calumniam eo-  
rum taxat, qui contra loquentis indubitata mentem verba malitiose  
interpretantur, sic Augustinus & Isidorus stultitiam eorum damnant,  
qui se per dolos & astutias putant, posse mendacium, aut periurium ef-  
fugere. Isidorus enim sic scripsit in libro sententiarum secundo:  
*Quacunque arte quis iuret, deus tamen, qui conscientie testis est, ita hoc accipit sicut ille,  
cui iuratur intelligit.* Augustinus autem in quodam sermone, *Multi falluntur*  
(inquit) *in hoc, & putant, quia nihil est, per quod iurant: ideo non se crimine periurij te-  
neri. Prorsus periurus es, quia per id, quod sanctum non putas, falsum iuras: si tu illum  
sanctum non putas, sanctum putat, cui iuras: non enim quando iuras, tibi aut lapidi, sed pro-  
ximo tuo iuras.* Quibus Isidori & Augustini verbis satis intelligitur, nec  
dicentis astutia mendacium, aut periurium vitari, & de verborum ve-  
ritate ad mentem audientis, & verba secundum communem intelle-  
ctum accipientis esse iudicandum, siquidem (vt Gratianus vir do-  
ctissimus, & idem grauissimus ait) *deus dupliciter aspernator simplicem in-  
tentionem vtriusque considerat: & tam ex parte recipientis, quam ex parte  
præstantis verborum artem aspernatur, & odit.* Vt igitur redeamus ad  
illam tuam responsionem, si crimen occultum, cuius conscius es, te sci-  
re neges, tibi fortasse non nihil dicas, certe roganti iudici mentiaris.  
2. Nā ad eius intelligentiā verba tua falsa sunt, quo planè cōuincitur leue  
illud (ne puerile dicā, & ioculare) cōmentū quorundā, qui se posse pu-  
tāt ingeniose iudicū diligentia frustrari, citra mendacij crimē: si quauis  
amphibologia etiā inusitata, & alijs incognita, pūctantō eludāt. Sic e-  
nim docēt exēpli causa: si prætor Titium, quē tu fugientē domo tua recepe-  
ris, nominatī vestigans, ei insequēs ex interuallo, te roget, vel iuratū in  
hūc modū: vidisti huc ingrediētē Titium? nō peierabis ac ne mētieris qui  
dem,



dem, si sic responderis : haud equidem vidi huc ingredientem Titium, dummodo manu latenter admota sinui tibi partem tuæ tunicæ demonstrares. Negant enim huc pro nomine domum magis, quam sinum tuum significari. Itaq; satis esse in alterutro intellectu ancipitem inficiationem esse veram. Nam simili verborum dubiorum artificio cū alios de quibus est in scriptura sacra, tum in primis Abraham & Iacob mendacium effugisse, cum ille Saram filiam fratris, sororem suam esse diceret, hic primogenitum se esse cæco patri affirmaret, cum esset posterior Esau, propterea quod sororis nomine etiam cognatam, fratrisq; filiam mos esset Hebræis significare, & primogenit' intelligi possit vt primum fratrum genitura, sic item si quis tali iure censeatur cuiusmodi erat Iacob, cum emisset ab Esau ius primæ genituræ. Quasi verò similis aut par ratio sit veræ legitimæq; amphibologie, & eius quam sibi quisq; temerè fingat, nec præterea valeat quisquam hominum diuinare. Quæ velle sibi in mendacio patrocinari (nisi ego magis fallor) hominis est haud leuiter errantis, aut certè paucum piè ludentis in rebus maximè serijs, & religionem attingentibus. Nam vir grauis, aut misericordia ductus & indulgens humanitati simpliciter mentietur officiosum mendacium, vel cum volet (semper autem velle debet) omninò non peccare, tacebit, aut si minus id dabitur, verum fatebitur nullis adhibitis verborum technis, authore Augustino, qui sic scripsit in libro de conflictu vitiorum, & virtutum: *Nec artificioso mendacio, nec simplici verbo oportet* 2.2. q. 2. nec artificioso.  
*quenquam decipere, quia quomodolibet mentitur, occidit animam.* & alio in loco : *Si quis (inquit) ad te confugerit, qui de mendacio tuo possit à morte liberari, non es mentiturus: os enim quod mentitur, occidit animam, nec ut præstes, mentiri studeas, nec qualibet fallacia vitam alicuius defendas* 2.2. q. 2. ca. si quis.  
 Quamquam quod pertinet ad illa sanctorum patrum exempla, longe rectius & commodius Abraham & Iacob de mendacio purgari contenderim, si (quemadmodum credi par est) sic eos locutos esse dicamus latenter admonitos à iubente Deo, cuius voluntati qui paret, is recte pieq; facit, licet interdum nescientibus hominibus peccare videatur: ac eodem modo iudicio de lenocinijs & blanditijs, quibus illectus est à Iudith Olofernes, & quibusdam alijs, in veteri testamento memoratis. Qui si talia fecissent iniussu Dei, vix, aut ne vix quidem possent à peccato vendicari. Talia verò exempla si quis dubitat, rectè ne possint ad communem Christianorum vitam transferri, Gregorium adhibeat authorem, cuius illa est grauissima sententia: *Si quis per vetus testamentum, suum vult tueri mendacium, quia minus illic quibusdam fortasse nocuerit, dicat necesse est, rerum alienarum raptum, retributionem iniuriæ, quæ infirmis illic concessa sunt, sibi nocere non posse, quæ omnia cunctis liquet, quanta animaduersione veritas insequitur, quæ nobis iam significationis suæ vmbra postposita, in vera carne declaratur.* Habetur 2.2. q. 2. si quis.



## Summarium.

1. Confutatur eorum ratio, qui mendacium falsum respondentis excusant: quasi absit inficianti fallendi voluntas.
2. Quedam quæ involuntaria esse videntur, probantur esse voluntaria Arist. & Augustini autoritate.
3. Quid sit fallere in definitione mendacij, & quod deceptiones quædam sunt ijs qui falluntur, salutare.

## CAPVT VII.

1. *Aug. in li. cōtra mendaciū.* **P**HIL. Quoniam me vrges inuidia vocabuli (est enim mendacij nomen vehementer odiosum) iam illud cōfitebor & contendā, quod esse arbitror Augustini verbis consentaneum, me tunc falsum fortasse dicere, sed mendacio non implicari. Vt enim si quis quod non est, id esse putans affirmet, falsum quidem dicat, sed non mentiatur, quoniam id errore facit, non animo fallendi, sic nec is mentiri putandus est, qui falsum iudici respondet, non vt eum fallat, vel falsam dicat, sed ne socium perdat & infamet. in ipsa enim mendacij definitione Augustinus, quem authorem citasti, ad falsam significationem adiecit animum fallendi, hoc est dicendi falsum. T H. Non satis intelligo quid dicas, nisi forte huiusmodi est, præter huius boni viri voluntatē esse falsum dicere (quoniam fallere sic ipse interpretaris) sed eò ferri totā volūtate, quæ intentionis nomine ab Augustino nuncupatur, nō vt falsum dicat, sed vt socij seruiat commoditati. An rectē interpretor orationem tuā? P H. Tu verò rectissime. Nam volūtatem finis esse, vt electionem eorū, quæ ducunt ad finem, consentiens est philosophorū doctrina. T H. Hūc igitur contendis, non voluntate, sed inuitum significare falsum. Ac proinde non mentiri, cum absit animus fallendi, falsūve dicēdi. P H. Id ipsum. Nam quid magis alienum est à bono viro, quā volentem, & nulla vi coactum enūtiare falsum? T H. Isto igitur modo cum suas quicquam merces, aut pretiosam supellectilem in mare iactat, vt vim fluctuum, & tempestatis effugiat, id factum inuiti hominis esse dices, atq; coacti. P H. Sic prorsus existimo, nec id opus voluntarium mihi esse videtur. quis enim velit suum magnum malum, & grauissimam iacturam? T H. At Aristoteli videtur prudentissimo naturæ interpreti, & morum grauissimo magistro, qui sic scripsit in tertio libro Ethic. Nicomachi: Nemo (inquit) simpliciter iacturam facit in tempestate volens. Id tamen vt se ceterosq; conseruent, faciunt omnes sane mentis, ita cum mixtæ sint huiusmodi actiones, voluntariæ tamen magis esse videntur. tunc enim cum fiunt, expetendæ sunt, finem verò actionis ratio temporis moderatur. quāobrem cum quisque agit, tunc actio voluntaria vel se-  
cus appellari debet. tunc autem volens agit. Nam principium mouendi parres instrumentarias in talibus actionibus in ipso est, quorum autem principium est in ipso, hæc agāt an-  
secus, in eiusdem est potestate, quo sit, vt tales actiones sint voluntariæ. Hanc Aristote-  
lis de

Eth. 3.



lis de naualibus iacturis sententiam transfer ad illius boni viri pronunciatum, iam intelliges ipsum volentem dicere falsum, ac proinde mentiri, licet non dicturum, si posset alia ratione malis impendentibus occurrere. Itaque dum cupit humanè facere socij causa, facit contra legem Dei mentiendo. Ne vero putes philosophorum præcepta à sanctorum patrum decretis abhorre, audi quid scripserit Augustinus, cum vellet hanc ipsam controuersiam dijudicare. Merito (inquit) *quæ-ritur, quæ sunt peccata nolentium, utrum quæ à nescientibus committuntur, an etiam* *In lib. quæst. 15. q. 1. c. merito.* rectè dici posset peccatum esse nolentis, quod facere compellitur, nam & hoc contra voluntatem dici solet sed utique vult id, propter quod facit: tanquam si peierare nolit, quod tamen facit cum vult viuere, si quisquam, nisi fecerit, mortem minetur, vult ergo facere, quia vult viuere, & ideo non per se ipsum appetit, ut falsum iuret, sed ut falsum iurando viuat. Quod si ita est, nescio utrum possint ista dici peccata nolentium, qualiter hic dicuntur peccata expianda. Nam si diligenter inspicatur, forte ipsum peccare nemo velit, sed propter aliud quod vult peccat, omnes quippe homines, qui scientes faciunt, quod non licet, vellēt licere facere, vsque adeo ipsum peccare nemo appetit propter hoc ipsum, sed propter illud, quod ex ipso consequitur. hæc si ita se habent, non sunt peccata nolentium nisi nescientium, quæ discernuntur à peccatis volentium. vides Aristoteles, & Augustinus consentientes, quàm valde sententiæ tuæ refragentur? contra tantos igitur & tam graues authores sustinebis etiam nunc aperto errori patrocinari? Age verò si sic statuis qui fallit falsumve dicit temporibus adductus, non dicturus, si posset aliter vitare malum, huic abesse fallendi, falsumve dicendi animum & voluntatem, & propterea non mentiri, non vides eos, qui perniciosissime mentiuntur, te authore sese posse à mendacio vindicare? etiam si quis Christianus cum sit, ac rectæ fidei, Christum neget esse Deum, ut necem sibi ab hæreticis aut impiis intentatam effugiat, quo quid magis potest Basilidis errori, aut Elcesaitarum suffragari? hic enim non fallendi libidine falsum dicit, sed ob id duntaxat, ut mortis periculum euadat, cuius mendacium perniciosum esse constat, atque mortiferum: *Corde enim creditur ad iustitiam, ore autem confessio fit ad salutem, ut testatur Paulus. Et Christus, qui me negauerit (inquit) coram hominibus, negabitur coram Angelis Dei.* ex quo planè intelligitur, non satis esse, veritatem animo concipere, nisi eandem cum res poscit confiteatur. Res autem poscit, quotiescunque est aliquid pronunciandum. Nam Christum negare, qui negat veritatem, Christus ipse docet, cum ait: *Ego sum via & veritas.* Ad summam, si tibi constare velis, confitendum est, in tanta hominum vanitate, tot mendaciorum technis atque fraudibus (octo enim genera mendaciorum *In li. de mendacio & habetur 2.2 q. 2. primum.* enumerat Augustinus) mentiri neminem præter eos si qui mentiuntur libidine dumtaxat mentiendi, nullum inde præterea commodum expetentes, quod rarissimum est, nec tam malorum sine iniustorum, quàm leuiculorum hominum vitium, vel potius insania:



quocirca Augustinus mirum mendacium id esse tradit, quam sententiam non video, quomodo possis contra eundem Augustinum, theologorumq; consensum tueri. Nam quod philosophis placere dicebas voluntatem esse finis, ut electionem eorum, quæ ducunt ad fidem, vide ne hoc aliter ab eisdem philosophis tradatur, non enim (si rectè memini) voluntatem finis esse dicunt, sed ipsam magis esse finis, quam eorum scilicet, quæ ducunt ad finem, in quibus versatur electio, non inficientes, hæc quoq; ad voluntatem pertinere. Nā qui possint? cū electio absq; voluntate nulla sit, ut interim taceā, quod finis ab eisdem philosophis vocatur, quocumq; animus voluntasq; fertur, fertur aut interdū in ea, quæ prorsus aspernaretur, nisi angustiis iniquioribus interclusus, illa tunc temporis putaret expetenda, cum minus malum eisdem philosophis authoribus bonum quodāmodo esse videatur. quod ijs accidit, qui metiri malunt, aut iacturam facere rei familiaris, quam mortem oppetere. sed finis alius alio potior est, & in quoq; genere vel actione licet alia sint, quæ rectè possint appellari fines, hoc tamen nomen id sibi vendicat potissimū, cuius gratia cætera fiunt, & qui agit ab hoc potissimū nominatur. Nā qui lucri quæstusq; causa adulteratur, & quasi mercedem capit ab adultera, hic non tam intemperans adulterq; vocandus est, si philosophis credimus, quā iniustus & avarus. Vtrumq; tamen rectè nominari posse, nemo dubitat: eodem modo qui falsum dicit, ut periculum euadat, timidi potius nomen feret, quā vani & mendacis, tamen fuisse mentitū nemo debet dubitare, quæ eadem ratio est eius qui falsum respondet iudici, ut suis alteriusve incommodis occurrat, quippe volēs iudicē fallit, quæ summa ratio est, ut sæpè diximus, mentiēdi. P. H. Ergo tu iudicem ab eo falli existimas, qui hæc ipsum celat, de quibus ille iustius ageret, si nō inquireret. T. H. Ego verò certum habeo, si celat respondendo falsum. An tu neminem falli, sine sua quantulacumq; iactura vel damno putas? P. H. An ego non putem? vel me falli existimem, si quis vir bonus præcipitem in aliquod meum magnum malū falsa me oratione, sed tamen salutariter reuocet à consilio pernicioso? T. H. Imò vero te fallat authore Augustino, fallacia tamen non sibi, leuiter quidem, attamen peccanti, sed tibi salutariter (fallit enim, qui falsum quaecumq; alteri pro vero persuadet) & mentiatur, sed mendacium officiosum, quod genus peccati leuissimum, si non est committendum, authore Augustino, non dico ut alterius hominis saluti & famæ consulatur, sed nec ut suæ quisq; perspiciat (non sunt enim faciendā mala, ut eueniant bona, ut Paulus docebat Romanos) quanto turpius erit in qualicunque causa, ut vitet quis alterius cuiuspiam damna, falsum iudici iureiurando confirmare, quod efficitur etiam turpius & grauius, si quam iudex habeat probabilem causam crimen inuestigandi rumore aut suspicionibus antegressis, tunc enim vel citra iusiurandum turpiter ac perniciosè mentiatur, qui iudicis iure susceptam

Eth. 1.

Eth. 5.

Eth. 1.

Eth. 5.

In expof.  
pres. 5.

Rom. 3.



susceptā operā frustretur sua vanitate. P H. Quid igitur vir bonus faciet, si in tale tempus inciderit? quem video per te ijs augustijs interclusum, vt quocunque se vertat, sit magnam plagam accepturus? aut enim se obstringet mendacio, ac potius periurio, vel socium prodet, & infamabit, quorū vtrumq; est impium atque nefarium, & contra leges diuinas & naturales. Quid consilij dabis his difficultatibus implicato?

### Summarium.

1. Non potest tempus incidere, quo sit necesse cuiuspiam turpiter agere.
2. Omnium legum interpret est & quasi moderatrix recta ratio.

### CAPVT VIII.

**T**H E. Dicam equidem quod sentio, & quod me ratio docuit, præceptisque magnorum virorum, arbitror esse consentaneum, Primum omnium meminisse debes, id in quo omnes, qui via & ratione philosophantur, omnesque theologi consentiunt, nullum tempus incidere posse, quo sit necesse cuiuspiam turpiter agere, seu obstringere peccato. Nam quod vitare quis, aut vicissim præstare non potest, hoc vt vitet aut præstet, nemo potest lege diuina obligari, qui autem contra legem Dei non facit, dicit, aut cogitat, vt totam peccati definitionem complectamur, hunc certum est non teneri nec peccati, nec turpitudinis. Ex quo intelligitur haud dubie, nullas diuinas leges, vel etiam naturales (omnes enim naturales diuinæ sunt, licet non reciprocentur) esse inter se penitus contrarias, quamuis interdum tales esse videantur, non dico simpliciter, vt altera in vniuersum iubeat, altera vetet, exempli gratia, mentiri vel furari, in quo esset aperta legum dissensio, & latoris inconstantia, sed ne tum quidem, cum tempus incidit, quemadmodum sepe in magna rerum agendarum varietate solet, vt altera suscipi aliquid, vel omit-  
ti iubere, altera vetare videatur. Intelligendum, est enim, omnium cuiusque generis legum, quibus humana vita dirigitur, moderatricem, hoc est interpretem, esse rectam rationem, quæ Dei legem æternam affectatur. à qua lege æterna omnis lex iusta proficiscitur, est enim lex æterna summa ratio, cui semper est obtemperandum, quemadmodum tradit Augustinus simul affirmans eiusdem legis notionem scriptam esse in mentibus nostris. Cur enim qui fame conficitur, extremaque inopia laborat, si rem alienam ad cibum vitæ necessarium auferat inuito domino, is non tenetur diuina lege, qua furta seuerè vindicantur? nempe quia recta ratio sic illud Dei præceptum interpretando in tali causa moderatur, quasi necessitas omnia faciat omnibus communia, furti quoque rationem excludat, melius est enim vt copiosus suppellectile vna priuetur, quam vt egenus fame pereat, & quia sic iudicat, & interpretatur recta ratio, idcirco sic Deo placere dicimus, qui est omnium & rerum dominus, & legum summus moderator.

De lib. arbit.  
lib. 1.



## Summarium.

1. Summa omnium legum est, ut semper fiat quod iustum & æquum sit: pro rerum & temporum ratione & facultate.
2. Præcepta decalogi non admittunt nouam interpretationem.
3. Comparatio cæterarum legum naturalium cum præceptis decalogi.

## CAPVT. IX.

1. **H**æc igitur summa est omnium iustarum legum de rebus agendis, hoc potissimum iuris est tum diuini, tum etiam naturalis, ut semper vitentur grauiora mala, semper fiat quod iustum & æquum sit, semper rectæ rationi pareatur. Hanc enim normam esse virtutum & vitiorum, docent non modo theologi, sed etiam philosophi, qui cum res quæ optime fieri potest, efficitur pro rerum videlicet facultate, tunc eadē natura duce & authore fieri cōfirmant, quāuis scriptū & formula cuiuspiā legis aliorum vocare videatur, omnis .n. lex etiam naturalis, sic est accipienda & interpretanda ut si quid acciderit in tāta rerum varietate & incōstantia, quā aliter fieri, quā lege cauetur, melius esse monstret recta ratio, non putemus eā legem aliter faciendo violari. forsitan enim natura non patitur rerum agendarum, ut lex aliqua simplex, & vniuersalis à quocumque etiam ab ipsa natura, vel Deo feratur, quæ singulis euentis & actionibus semper sic accomodetur, ut nihil accidere possit, in quo eadē desideret aliquod rectæ rationis moderamen seu interpretationē; nec id latoris culpæ tribuendū est, aut ignorantiæ. sed ipsi naturæ rerum, quæ talis est, ut modo dicebam, & docent philosophorum maximi. Quæ cum ita sint, religio tamen Christiana quasdam leges diuinas tam ratas, & sanctas esse voluit, ut nullo vnquā tempore Christiano liceat ab ipsarum scripto discedere, præterquam in ijs, quæ rectæ rationis interpretatio ab ecclesia publicè iam recepta, & prudentium, ac piorum consensus excepit, non si vel maxima commoda aut incommoda priuata vel publica adhortari videantur, seu vicissim dehortari, aut si quis locus etiam nūc esse potest nouæ interpretationi, rei genere ac magnitudine postulante, eam non singulis quamlibet doctis viris permittitur, sed vniuersæ ecclesiæ eiusque præfecto pontifici maximo reseruatur, hæc vero leges sunt præcepta ipsa decalogi in eo intellectu, quo sunt ab ecclesia declarata, à quibus velut fontibus manant reliquæ omnes iustæ leges, quæ mores attingunt, tum pontificiæ, vel ciuiles, tum etiam naturales, quas ut prudentium hominum naturalis ratio deriuauit, sic eadem sæpe in varietate rerum existentium exponendo moderatur. harum igitur posteriorum legum etiam naturalium, non ea vis & autoritas est, ut possint, aut debeant cum illis suis quasi capitibus comparari. quamobrem si venerint in contentionem, nullo vnquā

Ethi. 1.

Plato in ciuili  
li. Arist.  
Ethi. 5.



vnquam tempore est à principe lege discedendum. Sed si quando duæ te posterioris ordinis leges sic in diuersa distraxerint, vt simul vtrique satisfacere non posse videaris: nunquam errabis, si quo te cunque duxerit recta ratio, huc sequeris, quamuis scriptum alterius legis videatur in diuersum reuocare. quod facit qui celat potius occultum socij crimen, quam pareat iudicis imperio iniuste suum munus exequentis, quamuis simplici lege sit cautum, vt præfectis pareamus.

Ro. 13. etiam  
1 pe. 2.

### Summarium.

1. Rectæ rationis iudicium, est iudicium bonorum ac prudentium virorum.
2. In duarum legum contentione, prætereunda est quæ minore vinculo, aut paucioribus nexibus obligat: nec in eo peccatur.

### CAPVT X.

**P**H I. Optimam tu quidē, & pulchram rationem cōstituiſti dirimen- di cōtrouersias, si quādo leges venerint in cōtentionē, vt omni scri- pto legis semper iudiciū rectæ rationis præferatur, sed mihi nego- ciū nihilo magis expediti. adhuc enim hæreo ad eandē salebrā, & quod sit iudiciū rectæ rationis, ignoro, eoq; magis, quod sæpe eandē causā alij aliter dijudicant penitus cōtraria decernentes, quorū quisq; suum iudi- cium à recta ratione profectū esse contendit. T H. Tibi videlicet arbitra- bar theoremata philosophorum non excidisse, quo bonum & rectū id esse docent, & vicissim malum & prauum, quod tale iudicatur esse, à bonis & prudētib. hominib. quo perspicue intelligitur, rectā esse rationē qua viri probi & sapientes diriguntur. Hæc est enim ratio manāns ab ea, quā legē æternā appellamus. Itaque philosophi tum priores, tum etiam qui Christianè philosophantur, excessuum, & defectuū mediocritates, quæ virtutes nominantur, tunc recte constitui docent, cum sic à prudentibus viris definiuntur. vt autem nos ratio docet, vtq; sancti patres definierūt in octauo concilio Toletano, viri prudentis est, in tali legum discrepā- tia, quæ quamque prætermisſam legem incommoda, ac turpitudines se- qui videantur, diligenter considerare, & his inter se collatis, in qua lege prætermittenda minus perspexerit esse mali, hanc tali tempore præter- mittere turpe non esse constituere. Nam minus malum (vt supra dictum est docentque philosophi) vicem habet boni. Itaque hoc placet Deo, & pro- batum est hominibus, vt verbis vtar Pauli, hoc maxime naturæ consentaneū est: quæ vellent illa quidem semper opus absolutum conficere, sed cum id non datur, materia, quam tractat, aut alia re quāpiam impediēte, satis habet, suum munus strenue pro facultate, & ratione rerum sup- petentium obire, nec id esse putat præter suam dignitatem. Quan- quā huiusmodi quoque legum interpretatio sæpe prudentium hominum

1.

Ethi. 2.  
cap. 2.

2.

Ethi. 5.  
Roma. 14.



hominum sententia non contenta auctoritatem etiam requirit Pontificis maximi.

### Summarium.

1. Comparatio legis iubentis celare occulta crimina, & vetantis peierare vel mentiri.
2. Quædam sponte facere non licet, quæ recte fiunt propter malum vitandum.
3. Quo in genere peccatum tollat iustus metus certi periculi.
4. Ratio & tempus celandi ac vicissim indicandi crimen occultum.

### CAP. V. T. XI.

1. **R** Edeamus igitur ad eas leges, quæ huius boni viri, cui consulere volumus, animum distrahant in varia consilia, & utriusque vim, & auctoritatem consideremus. Altera dicit, *occultum socij crimen diligenter occultabis*. Iusta lex est honesta, & à natura profecta, sed quam prætere licet aliquando, si spectet in alterius malum, & multo magis in tuum, ac maxime omnium in periculo religionis, vel reipublicæ. Altera lex dicit, *non feres testimonium falsum*, legem audio sacram diuinam & naturalem, non cuiusvis ordinis, sed ex ijs, quæ continentur in decalogo, breuiter à cuius scripto nemini vlllo vnquam tempore licet discedere, non si necesse fuerit millies mortem oppetere, & tota ciuitas periclitetur. Quibus legibus comparatis, crimen est profecto crimen, dubitare, vtra sit alteri in contentione præferenda. P. H. Iusiurandum ergo, quod dedi, præbet mihi ius respondendi. T. H. Minime verò, sed necessitas, qua cogeris, tibi permittit respondere, cum prius non liceret: veritas porro, & iusiurandum, ne falsum iudici præsertim referas interdicunt. Non igitur verum est, quod tibi paulo ante sumebas, si quid sponte facere non licet, id nunquam ne coacto quidem licere cuipiam, vt effugiat aliquod malum. P. H. Si qua vis allata potest non modo subleuare, sed tollere etiam omnino peccatum, eodem modo non delinquet, si quis temporib. adductus peierabit, aut urgente necessitate adulterabitur. Hoc autem nec patitur religio, nec philosophiæ ratio, quibus qui parere velit (omnes autem vel le debebunt) is morietur potius, quam turpiter faciat, facit autem turpiter, qui crimen occultum patefacit. T. H. Longe alia causa est peierantis vel adulterantis, & eius qui inuitus prodit occultum alterius crimine. Vt enim quis iureiurando falsum confirmet, vel adulteretur, recte fieri nunquam potest, pertinet enim ad præcepta vetantia, quæ nullam patiuntur temporis exceptionem. Itaque mori potius est, vt modo dicebam, quam se talibus criminibus obstringere, nec potest vlla necessitas delinquentem à peccato vindicare, cum sint ex eorum genere, quibus etiam Aristoteles mortem præferri oportere docet: occultum autem crimine celare, quod refertur ad præceptum charitatis, ex eorum numero, quæ affirmatiua nuncupantur à theologis, & temporis intermissionem admittunt,

Vide Caiet.  
ta. in. 2. 2. q.  
lxx. ar. 1. &  
2. ad finem.

Etibi.



mittunt, tantum abest, ut semper sit honestum, ut interdum turpe etiam habeatur, nimirum cum crimen spectat in alterius perniciem, vel saltē mediocre malum, in periculo reipublicæ, qua religio quoque continetur, multo etiam magis, nisi aliter, quàm indicando obsisti possit impendentibus malis. Ergo si crimen occultum indicare iam licet, iam secus, considerata est ratio huius diuersitatis, & eam semper tenere iustitiæ fuerit, atque prudentiæ, est autem utrobique ratio charitatis in socium, quæ te iubet, ut consulas ipsius commoditatibus. Celas occultum socii crimen, recte facis, quia te charitas adhortatur, ne sociū lædas. Enūcias crimen in alterius periculo, ut euites maius malū, rectius facis, quàm si taceas. Hoc enim exigit ratio charitatis, ut si utrumque fieri non potest, innocenti potius de maiore vel pari malo periclitanti prospicias, quàm fontis & male cogitantis impunitati. Si tibi ergo charitas præcipit socii crimen enunciare in alterius periculo, cur eadē tibi id ipsum nō permittat in tuo pari discrimine? Num Christiana charitas probat ordinem præposterum dilectionis? ut quis alterum magis diligat, quam se ipsum repugnante naturā? Si quis igitur tyrannus, perspectæ sæuitiæ, id tibi malum, nisi crimen indicaueris, intentet, propter quod malum in altero vitandum licet indicare, nihil peccabis indicando, sed fungeris potius officio religiosæ charitatis, quæ semper est naturali consentanea, & facit etiam, ut quædam permittantur in sua causa, quæ in aliena sunt criminosa. Nam ciuem indemnatum iniussu magistratus interimere, crimen est, & quidem magnum: sed si hoc facias coactus, iniuriam videlicet repellēdo cum moderamine inculpatae tutelæ, iuste facias, licet lex quædam naturalis & diuina iubeat, ut vitæ hominis parcas, etiam male de te merentis. Quid ita? nimirum quoniam si leges in contentionem venerint, illa tibi sanctior esse debet, quæ te tuam vitam tueri iubet, quod præstare scilicet, ut fingimus, non potes, nisi aggressorem occidas.

### Summarium.

1. *Quando vir bonus ultro, quando rogatus aut iussus accedere vel secus debeat, ad ferendum testimonium.*

### CAPVT XII.

**Q**Uod autem dicebas theologorum consensu nulla lege quenquam obligari, ut de occultis criminibus testimoniū dicat, theologī (si diligenter inspicias) quæstionem hanc non simpliciter definiunt, sed interesse docent, ultro ne crimen deferas, an rogatus ab altero vel iussu legitimi iudicis ad dicendum testimonium accedas. Nam his autoribus ultro crimen socii deferre, nec boni viri est, nec religiosi, præter quàm (ut modo dicebam) si vergat in cuiuspiam incommodum vel rei



de here. in  
sexto. ca. no  
lentes. in hō.  
de pmi. c.  
habetur 24.  
q. 7. plerun-  
que.  
Offi. 1.

Psal. 81.  
64. 14.

de accus. c. q.  
valiter. cf. 1.

publicæ iacturam, quibus malis occurrere non aliter valeas, aut ante-  
gressa fraterna corruptione (sic enim vt scis, vocant amicam & piam  
admonitionem) si ratio postulat peccati, nam tunc imminentis mali  
eum, cuius scire interest admonere, & male cogitantem nominatim,  
si rei magnitudo poscet indicare, non delatoris inhumani opus, sed iu-  
sti, & boni viri officiū esse decernitur: modo id facere possit sine suo pe-  
riculo. Nā quæ delatio aliā utilis & honesta fraudi esse potest deferen-  
ti, nisi crimen probauerit, hanc probationibus minus suppetentib. præ-  
terire prudentis est autore Augustino, & legibus cauetur. Sin autem ro-  
geris, vt testimonium dicas, tunc causæ genus est considerādū, nā iniuria  
laboranti, præsertim in capitis aut famæ discrimine, qui cum valet, non  
opitulatur, perinde peccat, sceleri cōsentiens, ac si reum calūnijs oppu-  
gnaret, recte viris doctissimis interpretantibus consentire eum, qui ta-  
cet, cum possit refellere. Nā qui à socio iniuria n (vt testatur Ambrosi⁹)  
si potest nō repellit, tam est in vitio, quā qui facit. nec caret scrupulo  
societatis occultæ, qui manifesto facinori definit obuiare, vt Anastasius  
& item Damasus Pontifices scripsere. Vir igitur bonus innocentē re-  
um iuuare suo testimonio non grauabitur. scriptum est enim in psalmo,  
*Eripe pauperem, & egenum de manu peccatoris libera.* & in libro prouerio-  
rum *Erue eos qui ducuntur ad mortem* ergo vt innocentem vendices à calum-  
nia, non dico rogatus testimonium ferre debes non grauātē, sed si te  
nemo roget, prudenter curare, vt reus innocens testimonio tuo suble-  
uetur. Alia ratio est, si te roget accusator, vt testimonium dicas in son-  
tem reum, quo ille conuictus poenas luat commissi criminis. non enim  
delinquens, si nec vltro nec accusatoris rogatu ad oppugnandum reum  
properabis: sed si te iudex vocet, iubeatque ferre testimonium, parēre  
debes modo iure præcipiat, hoc est nisi crimen fuerit penitus occultum,  
& huiusmodi, vt celatum nulli officiat. nam in occulta & talia crimina  
ius non est inquiri, nec eadem à conscijs indicari.

### Summarium.

1. Quid faciendum si iudex propositis cum alijs pœnis, tum etiam excommunicatione, in-  
quirat, de crimine prorsus occulto.
2. Id quod imprudens iure iurando sumus polliciti si turpe esse rescuerimus, præstare  
non tenemur.
3. Decl. ratur temeritas sententiæ dissentientium ab authoris opinione.

### CAPVT. XIII.

**V**T igitur quæ plurib. verbis, ac diffuse à nobis exposita sunt, in pau-  
ca cōferamus, si manifesti criminis latētē autōrē iudex legitim⁹  
vestigans iusiurādū à te petat, ac testimoniū veritatis, parēre debes suū  
officium



officiū more ac iure etiā gentiū obcunti, sed si nec fama criminis, nec rumor ullus increbuerit, & autor in nullā venerit ne mediocrē quidē suspicionem, non est iudici obtemperandum, si quo errore, si quāte temeritate compulsus inquirat in talia crimina, quæ proprie vocantur occulta. Itaque si iubeat edicto publico, vt ad se crimen autoremque deferat, quicumque sit conscius (exempli causa) cuiuspiam homicidij magnis poenis propositis, etiam excommunicatione, si quis edicto non paruerit, vir bonus homicidij prorsus occulti cōsciū, putabit edictum ad se nihil pertinere. Nam aut iudicem fortasse nolle contra legis præscriptum homicidia talia inuestigare: aut si velit, tamen in hoc ei non esse parendū, & minas ipsius parui pendet, confirmatus dogmate de quo (vt ante dicebas) oēs theologi consentiūt. Atq; eodem modo iudico de præceptis, minis, & perquisitionibus, quibus præfecti & iudices vtuntur in monachos, & sodales scholasticos, & talibus. Si porro vir ille bonus nominatim vocatus, adactusque fuerit iure iurando, verum se ad omnia rogata respōsurum, recte negotium ad hunc maxime modum expediet: simpliciter interrogatus, sit ne conscius alicuius homicidij, se negabit scire quidquā eorum, de quibus debet testimonium perhibere, vrgēte porro iudice, vt simpliciter respondeat, ipsum admonebit officij sui, vt iuris formulam teneat rogandi testes occulta crimina excipiente, ne quis putet ipsū de arcanis etiā cōtra ius & fas interrogare. Quod si iudex indicet suam temeritatem, ab eodemq; petat, sit ne conscius homicidij cuiuspiam quamlibet occulti, tunc multo minus respondebit: sed ipsum obsecrabit, vt se contineat in officio suo, nec præter leges inquirat in occulta crimina. Nam licet iurauerit, ad omnia se rogata responsurum, tamen iusiurandum de permissis duntaxat, & iustis reb. datum esse, leges interpretantur: prorsus vt si quid imprudens aut temere fueris iure iurando pollicitus, id si turpe esse rescueris, præstare nō tenearis. Est enim contra officium nonnunquā (vt testatur Ambrosius) promissum soluere sacramentum. Nam cum temere iurasset Dauid se occisurum Nabal, non tamen impleuit iurationem (vt ait Aug.) maiore pietate ductus, sin autem fuerit allata vis, aut intentatum par vel maius damnum: quā quod ille proditus incurreret, iniecto timore non vano, nec contemnendo, cum iam impune tacere non liceat, crimen simpliciter indicabit, seruatō iure atque ordine charitatis, vt cum spectat in magnū alterius vel reipublicæ malum, faciendum esse docent theologi, discentes de fraterna admonitione. At cum tacere permittūt leges, nec vlla vis extrinsecus adhibetur, quæ temeritas est per Deum immortalem, vt quisquā inficiando se scire aliquid, respondeat vel falsum, vt ego dico, vel vt ipse confiteris, suspectum, & ancipitis veritatis, cui tacendo licet celandi legi atque officio iactare facere? Hæc est enim tua & eorum, quos tueris non ferenda culpa, quod sine vlla necessitate falsum di-

offi 1 & habetur 2.2. q. 3 est etiam. 1 Reg. 25. In ser. de ior. decol. & habetur 2.2. q. 3 iuravit.



1. *Theff. 5.*

cere suadetis, aut certe quod tale plerisque, nec sine magna ratione videri possit, reclamante Paulo, qui nos monet, ut non tantum a malo abstinemus, sed etiā ab eo, quidquid speciē mali præ se fert. Sed nec ea ratio contemni debet, quæ istam sententiam periculi plenam esse declarat: fieri enim potest, & sæpe vltu venit, ut quod penitus occultum crimen quisquam esse putet, nec eius ullam famam præcessisse, id ab alijs sciatur, aut venerit in suspicionem legitimam. Quod si accadat, & conscius id se scire neget, non solum peccabit peierando, sed fortasse conuictus periurij poenas legibus dabit: quod periculum nullum est in eo, qui tali tempore tacendo ac responsionem differendo tam diu crimen occultat, donec iure respondere compellatur.

### Summarium.

1. *Vir bonus alterius peccati conscius, tanquam nesciret, dissimulat.*
2. *Si lata sententia sacris aliquem nominatim interdixerit nisi respondeat, sub pœna excommunicationis tenetur respondere.*

### CAPVT XIV.

**P**HIL. Si virum bonum respondere veritas ne socium prodar, & infamet, permittas eidem censeo planè crimen indicare, tunc saltem cum de crimine cuiuspiam nominatim inquiritur. tacendo enim, qui rogatur, perinde testimonium dicit, ac si crimen indicaret. quis enim tam obfus est, ut non intelligat conscientiam esse causam talis reticentiæ?

**T**H. Vir grauis & prudens, dum rationem sequitur honestam in huiusmodi causis, parum laborat, quo modo ceteri factum suum interpretentur, ut docet illud peruulgatum sacerdotis exemplum, quem theologi facientem cum latronibus necem illi meditati inferendā in proximo nemore, quod ipse per confessionem vnius latronis rite, ceteris videntibus factam rescuerit. Huic enim theologi consulunt, ut ad oppidum ante nemus in via situm diuertat, nec calumniam metuat arcani violati, si ceteris latronibus magnam suspicionem indicati sceleris iniecerit. cum diuertendi alia possit esse causa, quàm cognitio criminis cogitati: cui similis est ratio, eius de qua quæritur reticentiæ. Nam si quis ea referat, ad occulti criminis conscientiam, præsto erit æquior interpret, qui consilium id esse dicat prudenter cauentis, ne forte si de vno innocenter rogatus semel responderit, dum licet tacere, de altero, & itē de tertio rogetur, donec ad fontē veniatur, quē reticendo, cū de alijs respondisset, grauaret maiore suspitione. Age verò quanti refert, nō dico ad multā, qua nemo nisi planè cōuictus citra iniuriā afficitur, sed ad famā, utrū in suspitionē quæ sæpe vana est, socium adducas, an aperte dānes tuo testimonio? Nō respōdebit igitur vir bon⁹ in tali causa, ne vel

socium



socium prodat contra officium, vel dum id humanè cauet, iusiurandum violet, ac mentiatur. P. H. Proponat ei seuerus iudex, nisi planè responderit, interdictum, siue excommunicationem, suadebis, vt contemnat etiam tunc Ecclesiasticas poenas? T. H. Minimè verò, si lata sententia sacris ipsum nominatim interdixerit. prius enim quàm iudex ipsum nomine vocaret, & suum animum exponeret, minas eius, quasi nihil ad se pertinentes iure non solum, sed etiam impunè negligebat. Ita nec ipse peccabat, nec iudex cum poterat innocentem excommunicare, nunc scandalum poneret popularibus, si visus fuerit imperium iudicis contemnere, cui parère magis debet ciuis priuatus, quàm quid ei<sup>9</sup> officij sit præscribere, præsertim si admonitus ille persistat, & se contendat iure age e scripto legis pro rerum ac temporis ratione, bonum æquū præferendo. lādere igitur rempublicam, videri poterit, & ob eam contumaciam iure fortassis iam excommunicari, excommunicatus porrò nominatim, etiam si fuisset iniuste lata sententia, incurreret tamen grauia damna prohibitus sacris, & consuetudine piorum, atque infamiam impietatis bono & Christiano viro non ferendam, quibus malis impendentibus sua cuique commoditas, & fama charior esse debet iure naturæ & charitatis, quàm eius, qui crimen patrauerit: quod ipse dum impunè licuit diligenter celauit. Ille verò celabit etiam nunc, si quam rationem inire poterit. Nam urgente iudice, vt simpliciter quemadmodum est interrogatus respondeat, superiorem iudicem appellabit, quo vim huius, ac temeritatem effugiat. si tamen nihil profecerit, nec locus deprecationi apud alterutrum iudicem relinquetur, planè crimē indicabit, ne se periurio obstringat negata veritate.

### Summarium.

1. *Iudex quamuis te iniuste cogat, vt respondeas, tamen vt falsum respondeas, ne iubet quidem.*
2. *Augustini, Thomæ, Scoti ac ceterorum veterum theologorum sententia.*

### C A P V T XV.

**P**HIL. Dum parer igitur præfidi, diuinam legem, de celando socij crimen contemnet, fas autem erat, parère potius Deo, quàm hominibus, vt Petrus nos docet in actis Apostolorum. T. H. Non parer hominibus, qui coactus facit ipsorum imperata, tunc pareret, si faceret valens imperium detrectare. Cæterum iudex respondere cogit testem, falsum respondere non cogit, qui coactus igitur respondere, responderet falsum: nec parer Deo, cui odio sunt omnes qui loquuntur mendaciam, nec hominibus rectè iubentibus. Iudex enim non modo respondere iubet, in quo potest eius esse aliqua culpa, sed etiam verum respondere. quæ parte iustum est eius imperatum. P. H. Coactus responderet falsum, qui

*Actuum ca. 5*

*1.*

*Psalm. 5.*



non aliter potest saluti & famæ socij consulere. THE. Ad ineptias redi. non est id cogi, sed imprudenter errare, si quis satius esse putet veritatem, & iniurandum violare, idq; in iudicio, quam socij commoditatibus non pertinaciter seruire, inuito Augustino, qui sic scripsit, in  
 2. quinti Psalmi expositione, *si quis (inquit) fortè non velit ad istam visibilem mortem hominem prodere, paratus esse debet verum occultare, non falsum dicere, ut neque prodat, neque mentitur, ne occidat animam suam pro corpore alterius.* sic igitur docet Augustinus, dum mordicus tenet sæpe à nobis memoratam doctrinam Pauli, quò autore nullum vnquam facies malum: ut vel magnum bonum assequaris. ergo vir bonus rem quemadmodum exposuimus expediet, nec reprehensionem verebitur, si quis se recentiorum theologorum arguerit. Nam se facilè tuebitur veterum & optimorum doctrina & autoritate. Veteres autè appello, nostra & patrū memoria superiores, qualis est Aquinas Thomas, qui hanc sententiā planè & gravissimè tuetur. PH. At non Ioannes Scotus primarius theologus, cuius in similibus causis sententia magnum in primis pondus & habere debet, & solet. hic enim peccare negat, si quis in iudicio intentatum sibi crimen etiam verum: modo sit penitus occultum, inficietur: *intendens tamen* (ut ipsius verbis utar) *negare illud, ut propositum, scilicet ut publicum, quemadmodum sacerdos facit de confesso.* TH. Agnosco verba Scoti, quem ego secundum Thomam, ut est equum, magnifico, & totum locum memoria teneo, sed Scotus illic nostræ sententiæ non refragatur. PH. Si mihi licet in mea causa crimen occultum inficiari, ut meæ saluti prospiciam atque famæ, cur propter similes, & pares rationes non liceat in aliena? TH. Primum tibi non licet per Scotum absque omni culpa verum crimen tibi intentum inficiari, deinde etiam si maximè liceat, ratio tamen longè dispar est, & dissimilis tuæ causæ & alienæ. PH. Quomodo tibi videtur per Scotum non licere? TH. Quoniam ipse dubius est sententiæ, nec pro certo quidquam asseuerat. sic enim quæstione proposita respondet, *Bonarum mentium est, culpam agnoscere, ubi culpa non est. & ideo multo magis, ubi dubitatur, an sit culpa, & qualis culpa, bonæ mentis est culpam agnoscere, & ideo in tali casu (inquit) tutum est, post talem negationem pertinere indistincte, de hoc tanquam de tali, quale est, & pote sub tali distinctione, si mortale, tanquam de mortali si veniale, tanquam de veniali.* Quibus verbis Scotus perspicuè declarat, se non modo ambigere, an sit peccatum sui criminis occulti inficiatio, sed etiam mortiferum sit, an dignum venia dubitare. Intelligebat enim sacerdotis, qui per confessionem nouit alterius peccata, longè aliam esse causam, atque eius, qui sibi conscius est criminis occulti. Cuius rationis diuersitatem animaduertens Io. Gerson celeberrimus theologus, cum de sacerdote nihil hæsitans asseuerasset, de cæteris se planè professus est dubitare. ut enim supra diximus, sacerdoti notitiam inficianti religionis Christianæ ratio, & sacramenti maiestas patrocinator, eundem.

2.2 q. 29. ar.  
1 & 2.

4. senten. di.  
15. q. vltima.

4. senten. di.  
15. q. vltima.

2. parte. ar. 3.



eundemque publicæ Ecclesiæ interpretatio, magno piorum sancita consensu vindicata crimine & vanitate. reus autem nihil potest in mendacij excusationem præter rationem suæ salutis, & commodorum allegare: quibus si fuerit priuatus, nihil secus, atque meritis est perpetratur. loquitur autem Scotus de simplici inficiatione, quæ potest esse mendacium officiosum, non de ea quæ sit iureiurando confirmata, talis enim nunquam dubitasset Scotus, quale peccatum sit, cum mendacium alioquin officiosum, perniciosum reddatur, si quis Deum testatus mentiatur præter Dei reuerentiâ, à qua nullo tempore sine mortifero peccato disceditur.

### Summarium.

1. Quanti referat crimen quis suum occultum inficietur vel indicet, an alienum.
2. Declaratur præceptum illud; diliges proximum tuum, sicut te ipsum.

### CAPUT XVI.

**S**ed faciamus id, quod nec Scotus affirmat, & priores theologi negant, licere reo sine peccato sibi vere intentum crimen inficiari, statim ne testi in aliena causa id ipsum permittetur? P. H. Quidni permittatur eodem modo? cum socij salus, & fama perinde, ac nostra chara nobis esse debeat? scriptum est enim non solum in Leuitico, sed etiam in Evangelio, *Diliges proximum tuum sicut te ipsum*, quod præceptum cætera omnia complecti, Paulus scripsit ad Romanos. T. H. Fateor socium vel (si tibi theologorum vocabulum magis placeat, quàm Ciceronis) fratrem aut proximum esse nobis sicut nos ipsos diligendum, ut qualia nobis bona volumus, talia, & taliratione proximo velimus, & vterque amor ad Deum, quasi ad vltimum finem referatur. sed neque natura, nec ordo charitatis poscit ut ego proximum meum æque diligam, ac me ipsum: proximior enim sum, ut ille ait, egomet mihi. Nam cum omnes homines inter se societate quadam teneantur, omnes omnium socij esse intelliguntur, & proximi, ut non modo Cicero, sed Augustinus etiam interpretatur. cæterum cum sint societatis hominum complures gradus, eadem optime ex præceptisq; tum philosophorum, tum etiam theologorum conseruabitur, si ut quisq; erit cõiunctissimus, ita in eum charitatis plurimum conferetur. vnde nos Paulus ad Galatas scribens adhortatur, *ut bona in omnes homines operemur, sed maxime* (inquit) *in domesticos fidei*. & in epistola, quæ est ad Timotheum, perinde probans delectum in gradibus societatis, & necessitudinis, *Si quis* (inquit) *horum, & maxime domesticorum curam non habet, fidem negauit, & est infideli deterior*. si nemo igitur tam coniunctus mihi est, quam egomet mihi, nemo vtique tam charus mihi esse debet, quàm ego lege diuina

Leuit. 19.

Matth 22.

Marc. 12.

Rom. 13.

2.

Offic. r.

De doct.

Chri. 1.

Gal. 6.

C. p. 5.

&amp; na.



Offic. 1.  
Quest. 2. in  
Exod.

& naturali. Quo fit ut si qui dum à se iniuriam mortemque repellit cu-  
moderamine inculpatæ tutelæ aggressorem occidat, aut sibi sumat alie-  
na ad extremam inopiam tolerandam, hunc leges theologiæque forti-  
ter & magno consensu vindicent à crimine. qui autem dum vim pro-  
pullat à socio cum pari moderamine inuasorem peremerit, aut ex alie-  
no subuenerit æque laboranti, huius factum timidius atque cunctanti-  
us tueantur. certe in quo Ambrosius virtutem Moysi commendauit, qui  
Aegyptium, ut Hebræum tueretur occidisse, id ab Augustino vitio da-  
tum esse video. ita tamen, ut in eo eximia virtutis indolem apparuisse  
confiteatur. accedit quod hic testis reo non tantum discriminis, vel ia-  
cturæ affert suo testimonio, quam reus ipse sibi confessione sua. Nam  
confitentem reum infamia protinus consequitur, & legis mulcta, vnius  
hominis testimonium non satis crimen alterius vel iudici probat ad  
poenam legibus expetendam, vel cæteris grauibz hominibus, ut male  
de reo loquantur, vel sentiant. Quam ob rem si reus ipse suum crimen  
vel iuratus inficietur, etiam si postea fuerit legitime conuictus, nullas  
aut leuissimas legibus humanis dabit poenas inficiationis, diuina pu-  
nietur quidem, sed leuius, quam si in alieno periculo peierasset.

### Summarium.

1. *Occasio erroris Adriani, & cæterorum iuniorum nata ex verbis antiquorum per-  
peram expositis, quasi non confiteri veritatem hoc sit quod veritatem inficia-  
ri.*

### CAPVT XVII.

**P**HIL. Quid igitur venit in mentem Adriano viro docto & graui,  
in quodam loco suorum scriptorum testari, talem reum aut te-  
stem posse citra peccatum crimen verum occultum, aut eius noti-  
tiam inficiari, idque adeo incunctanter, quasi non suum & paucorum  
nouum decretum induceret, sed veterem sententiam referret, docto-  
rumque consensum, si nemini (ut ipse contendit) ex theologis prima-  
rijs sine peccato id fieri posse placuit. T. H. Suspicio, quia perperam inter-  
pretatus est dogma, de quo valde theologi ac iuris periti cōsentiūt, qui-  
bus omnibus placet neque reum in sua, nec testem in aliena causa de  
occulto crimine rogatum teneri, ut veritatem confiteatur, aut testifice-  
tur, ne si dederit quidem iusiurandum, se vera responsurum, præter-  
quam si probatio semiplena, aut talis fama vel iudicia præcesserint, ut  
iure possit prætor ipsum de occulto illo crimine interrogare, tunc e-  
nim ut iure rogatur, sic contra ius faciat, nisi respondeat, & cōfiteatur,  
seu testificetur, & ob eam rem grauius peccet, consensu doctorum o-  
mnium. hoc igitur dogma sic interpretari videtur Adrianus, ut non cō-  
fiteri, hoc esse putet, quod inficiari, magno videlicet errore. Nam iura-  
to etiam



to etiam reo licet non confiteri crimen, hoc est non respondere, quando iniuste petitur ab eo talis confessio, seu testificatio: petitur autē iniuste, si nihil eorum quæ diximus præcesserit, itaq; urgēte iudice, ut neget, aut confiteatur, sine culpa vlla potest superiorem iudicem appellare, & vim alia quacunq; ratione, modo sit honesta defugere, nulla adhibita fraude, nullo dolo, qui vim obtinet mendacij. licere autem crimē vere intentum simplici voce inficiari, etiā si reus aut testis ex industria aliud præter ea mente loquatur, quod iudex dum vocē illius interpretatur, aut accipit secundum communem intelligentiā, non intelligat, nemo veterum & nobilium theologorum, quod equidem sciam affirmavit.

### Summarium.

1. *Sententia Henrici de Gandauo ad verbum refertur, & item Thomæ: sed Augustinus ante omnes author esse huius opinionis ostenditur.*

### CAPVT XVIII.

**P**HIL. Non legisti videlicet Henricum Gandauum doctissimum virum, & magnæ in primis authoritatis, quem nominatim nō modo Adrianus, sed quidam etiam alij iuniorum theologorum, quasi authorem citant huius opinionis. TH. Ego vero legi, & totum locū ab istis citatum accuratissime consideravi. Sed Henricus hoc dicit, quod omnes Theologi consentiunt *Quando peccatum (inquit) est ita occultum (vtat enim ipsius verbis) vt non sit contra subditum super facto suo infamia vel suspicio talis, vt contra ipsum per inquisitionem opus sit procedere, prælati non debet petere à subdito, vt suum peccatum occultum confiteatur in capitulo, imò ipse grauiter peccat per hoc subditum suum de crimine suspectum faciendo, & ipse subditus in casu isto non tenetur ei obedire, ideo & si prælati petat iuramentum suum super hoc expressum, vt dicat de quo veritatem, quam nouit, non debet in hoc ei obedire, nec se ad iuramentum tale astringere, vltius si astringat ipsum generali iuramento ad dicendā veritatē super interrogatis, & postmodū petat specialiter sibi dici veritatē casus prædicti, dico quod nō tenetur ei respondere.* Audisti Henrici verba, quorum summa est, grauiter peccare iudicē, qui nec fama, nec legitima suspicione ductus, hominem sibi subiectum rogat de crimine occulto, nec rogatum teneri crimen suum confiteri, nec iurare, nec si adactus fuerit generali Sacramento, iniquē interrogati respondere. licet igitur per Henricum, & fas est, crimen occultū non confiteri, licet non iurare, imperio iniqui iudicis neglecto, licet iurato nō respondere: crimen autē inficiari, falsum respondere, arte verborū mētiri, negare veritatē, per Henricum non licet, per Thomam verò multo etiam minus, cuius verba haud equidem grauabor recitare: Si iudex (inquit) hoc exquirat, quod non potest secundum ordinem iuris, non tenetur ei accusatus respondere, sed potest vel per appellationem, vel aliter licet subterfugere, mendacium tamē dicere non licet. Et paulò post in eadem quæstione. Accusatus (inquit) non

*Ang. in summa.  
Col. 1. q. 33.*

*2. 2. q. 69.  
ar. 1.*

*Ar. 2.*



tenetur veritatem confiteri, sed illam solum, quam ab eo potest, & debet requirere iudex, secundum ordinem iuris, puta cum præcessit infamia super aliquo crimine, nisi aliqua expressa indicia apparuerint, vel etiam cum præcessit probatio semiplena. Hæc autem præfatus Thomas, ne quis se putaret posse crimen verum inficiari, quæ ratio esset expeditissima, subiicit, *Falsitatem tamen proponere in nullo casu licet alicui*. item ut omnem verborum artem ad crimen inficiandum excluderet, hoc etiam ascripsit: *Non licet ei falsitatem dicere, neq; etiam aliquem dolus, vel fraudem adhibere: quia fraus & dolus vim mendacij habet, & hoc est se calumniosè defendere*. Potuit ne Thomas apertius istorum damnare sententiam, qui docent fas esse reo crimen verum sibi intentum arte verborum inficiari? quanquam huius sententiæ, si verum quærimus, non tam Aquinas Thomas quam Aurelius Augustinus author esse dicendus est, ut indicat eius verba, quæ supra ex quinti Psalmi expositione retulimus, idem penè quod Thomas ait, declarantia.

Cap. 16.

## Summarium.

1. Innocentij & Panormitani & aliorum iure peritorum sententiæ de secreto commissi: quæ conuenit cum veteribus theologis.
2. Eandem esse rationem argui de peccato commissi: ac criminis occulti aliter cogniti.
3. Ante Gabrielem Vilem, qui planè tuctur authoris sententiam, nemo nobilis theologus oppositum asseruit.

## CAPVT XIX.

Ser. 2. parte  
alp. 34. p.Inno. c. qua-  
liter de accu-  
sationi. el. pri-  
mo.Panor. cap.  
dilectus de  
exc. sp. e.In epist. ad  
Senerum &  
habet. 2. q.  
4. in c. celi.

**V**bi est igitur doctorum iste consensus? quomodo communis omniū sententia videri potest? quā propositā Io. Gerson non asserit, Scotus autē multo etiam minus, Henricus nō probat cuius isti auctoritate nituntur, Thomas verò perspicuè damnat, qui omnes facile principes suæ ac inferioris ætatis theologorū habentur, & quam Augustinus his non ætate solum, sed etiam autoritate superior multis in locis improbanit? & à qua discedunt cum alij iure pontificio periti, tū in primis Innocentius, & Nicolaus Panormitanus, qui si quis iusiurandum focio dederit, nulli se arcanum ab eo sibi commissum indicaturū, huic licere negant, ut iuratus se nihil scire respondeat. de quo (si quæris) eadem mihi præcipienda esse videntur, atque in causa criminis occulti aliter cogniti. standum est enim promissis, præsertim dato iureiurando, & commissum arcanum, si recte id fieri potest, diligenter occultandū. Sed si arcanum commissum ab aliquo spectet in alterius aut reip. malum: Fraternalis corruptio cuius Christum habemus auctorē, adhiberi debet, & male cogitantis pertinaciæ criminis delatione, uti diximus obfisti, atque eodem modo, si conscius ad dicendum testimonium iure vocetur. Nam moribus aut legibus officium suum obeunti iudici parendum est. nec iusiurandum vinculum esse debet iniquitatis (ut ait Augustinus) ad fraudem

dem



dem aut iniustitiam, nec obesse quo minus fontes, in quos iure inquiri-  
tur veritate cognita plectantur, quod interest reip. quæ longe præferen-  
da est priuatæ. alia ratio est, si arcanum de crimine penitus occulto fue-  
rit commissum, tunc enim cum ad rationem criminis occulti accedat fi-  
des data, & iusiurandum, multo diligentius occultandum est arcanum  
commissum, & iniqui iudicis temeritati, quemadmodum diximus ob-  
sistendum. Vt igitur ad id, unde sumus digressi redeamus, quantum pon-  
deris huic Adriani, Ioannis Maioris, & aliorum recentium minorum  
theologorum sententiæ tribuere oporteat, qui cum cæterorum antiquo-  
rum, tum in primis Henrici Gandavi authoritate nitentes, tuentur hanc  
doctrinam, à qua tum alij theologi veteres abhorrent, tum in primis  
Henricus, ipse pro tua prudentia considera. vt autem intelligas quā du-  
dum coeperit inualefcere commentum istud theologorum ad excusan-  
dum mendacium falsi testimonij in aliena causa, nullū vt arbitror theo-  
logorū inuenies, qui ausus sit hoc palā asseuerare ante Gabrielem theo- 3.  
logum doctissimum, æqualem pontificatus Alexandri sexti, qui & ipse  
explicita Scoti sententia de reo suum crimē occultum simpliciter, sed  
artificio illo mentis inficiante, negat illum posse mendacium effugere,  
saltem officiosum, ac proinde peccatum: cuius causam reddens paulò  
post: *quia verba* (inquit) *eius accipiuntur vt sonant & secundum communē intelligen-*  
*tiam, secundum quam non sunt vera.* quod si verum est etiam tunc, cum crimen  
reus inficiatur non iuratus, nullam enim vel hic, vel Scotus mentionem  
facit iurisiurandi, dubitari non debet, quin hoc authore, si quis crimen  
sibi vere intentum iuratus neget, is peccatum mortiferum incur-  
rat, cum mendacium officiosum addito iureiurando perniciosum  
fiat, propter Dei, qui testis efficitur falsi, neglectam reuerentiam,  
quod mendacij genus mortiferis peccatis cōsensu omni annumeratur,  
est enim periurium & contra præceptum decalogi. Aut igitur dicendū  
est, mendacia officiosa non esse peccata, quod nec Augustino, nec cui-  
quam nobili theologo post Augustinum placet, ac ne his quidem, quo-  
rum tu sententiam explicasti. aut qui suum crimen ad hunc modum, da-  
to iureiurando inficiatur, se obstringit mortifero peccato. quanto igitur  
ille magis, qui in aliena causa mentitur, de quo nobis fuit susce-  
pta disputatio. P. H. A tot, tamq; grauium, & illustrium authorum sententia  
difficile factu est sine iusta reprehensione dissentire. Quare sit iam mo-  
dus hic disputationi, nam tibi equidem assentior, his maximis autho-  
ribus contra religionem esse, scienter verum quacunq; ar-  
te verborum iudici præsertim inficiari,  
etiam in suo, non tantum in  
alieno periculo.



IOANNIS  
GENESII SEPVLVE  
D AE CORDVBENSIS,

*De ritu nuptiarum & dispensatione  
Libri tres.*

AD REVERENDISS. ET ILLVSTRISS.  
Dominum Franciscum Quignonium S. R. Ecclesiæ  
Presb. Cardinalem, tt. S. Crucis in Hierusalem,  
Episcopum Caurien.

P R A E F A T I O.



MAGNA questio est (pater amplissime) ab ipsis vsq;  
Christi temporibus inter viros eruditos agitata, et  
in qua non parua vel reip. vel religionis momenta  
vertuntur, quibus ex causis quæve ratione liceat  
homini Christiano vxorem repudiare. Quanquam  
enim Christus hac questione sibi à Phariseis occa-  
sionem captantibus calumniandi proposita, omnes  
causas præter adulterium exclusisse videatur, viri  
tamen sapientia & sanctitate clari, sic sunt verba eius interpretati, vt locum  
reliquerint plerisque rebus: quæ partim diuino aut natura, partim pontificio  
iure matrimonium infirmant: atque ita infirmant, vt his neglectis aut igno-  
ratis, si nuptiæ fuerint contractæ, non liceat solum viro repudium vxori  
dare, aut huic ab illo diuertere, sed interdum etiam sit Ecclesiæ cogente ne-  
cessarium, nisi summi sacerdotis auctoritas per dispensationem appellatam  
intercesserit. Quam questionem cum hoc temporis viderem magno studio  
magnaq; contentione doctorum virorum disputari, haud equidem ex of-  
ficio me facturum putavi, si qui vel alijs silentibus quiescentibusq; loqui  
ac stylum mouere soleo, in tantis clamoribus conticerem, te præsertim ad  
scribendum (qui iubere tuo iure poteras) adhortante. dum quæ tua est pu-  
blica priorum concordia religionisq; cura, ea cunctis hominibus, ad quos  
pertinere possunt, explorata esse & cupis, & quantum licet elaboras, quæ  
maxime conducant ad Christianorum controuersias dirimendas. Quod  
munus cum te auctore grauisimo cogitatione præcepissem, plus etiam  
oncris,



oneris, quàm mihi imponebatur sponte suscepi. nec placuit orationem meam causa vnius augustij intercludi, sed vagari latius, & totam de ritu nuptiarum disputationem (quatenus res matrimonium impediens attingit) paulò accuratius, sed strictim tamen obire: simulq; haud paulò impeditiorem questionem de dispensatione differere. Cuius velut fonte ac viribus indicatis, legumq; generibus expositis, quantum per oracula diuina, ipsamq; naturam & decreta sanctorum patrum cum in alias leges temperandas, tum in singula nuptiarum impedimenta pontificis dispensationi licere mihi videretur, hoc quem ad te mittimus libello explicare curauimus. Nec enim dogmata modo Theologorum his de rebus recognoscere, sed placita etiam iurisperitorum conquirere tentauimus: & si quæ partes fuere philosophorum, ne has quidem intactas relinquere consilium nobis fuit. Ita demum rati, posse aliquid recte constitui, si cum sacris literis sanctorum sapientiumq; virorum responsa, & cum vtriusq; natura in eandem sententiam congruere videretur. Sed iã de definitione, institutione, fine, impedimentisq; nuptiarum differere incipiamus. his enim rebus explicatis, reliqua instituti nostri expeditius persequemur.

IOANNIS

GENESII SEPTVLVE

DAE CORDVBENSIS,

*De ritu nuptiarum & dispensatione,  
Liber primus.*



Matrimonium quod maioribus nostris tum nuptias tum matrimonium appellare libuit recte ut arbitror, definietur, si viri atq; foeminae societas indiuidua esse dicatur, libere ac legitime cõtracta, causa proli generandæ. Quo, si Originẽ repetas, si finem, si auctorem spectes, nullum ex vocatis sacramentis nec antiquius, nec honestioribus ex causis, nec deniq; maiore

re institutũ auctoritate reperias. Constat enim cum cætera post peccatũ, & propter peccatũ inducta sint, hoc vnum initio post ipsam statim primorum hominum creationẽ, antequã peccarẽt ab ipso Deo fuisse in paradiso deliciarum institutum: cum numine plenus dixit Adam, hoc nunc  
Gen. 2.  
 os ex ossibus meis, & caro de carne mea propter hoc relinquet homo patrem & matrem  
 & adhaerebit uxori suæ, & erunt duo in carnem vnã. Neque verò solum tunc à



1042. 2.

2. ad Cor. 7.

Aug. de bo-  
no cōiugali  
& habetur.  
32. q. 2. c.  
folet quæri.  
Et. 4. sent.  
di. 32.

Deo institutum est matrimonium, sed etiam à Christo confirmatū Mat-  
thæi 19. Cap. Vbi ut propriè sacramentum esset nouæ legis, non solū (ut  
ante) officium naturæ ac reip. præstandum, Christus idem instituit: illis  
potissimum (ut pleriq; putant) verbis, *quod Deus coniunxit, homo non separet*.  
Qui & nuptiis interfuerat in Cana Galilææ nec modo sua præsentia  
auctoritatem fecerat, verum etiam edito miraculo (& quidem omniū  
primo) mirifice commendans nobilitarat. Cum hoc igitur sacramentū  
(quo Christi & Ecclesiæ sacra copula significatur) bis institutum esse  
tradatur, ante & post peccatum: primum officij gratia datum est, quini-  
mò & imperatum hominibus: ut in magna ipsorum raritate ineunte  
mundo, & pari ratione statim post diluuium, legitima prole genus hu-  
manum propagaretur, postea viro etiam in remedium contra adulte-  
ria & non permisos concubitus: cum sit homo ut ad multa vitia, sic in  
primis ad libidinem pronus suæ naturæ salacitate, qua omnia prope-  
modum animalia vincit. Paulus enim apostolus sic ad Corinthios scri-  
psit *Bonum est homini mulierem non tangere, sed propter fornicationē vnusquisq; suam  
uxorem habeat, & vnaqueq; suū virum.* Quorū verborū praua interpretatio  
quosdam hæreticos Tatianos dictos in id erroris induxit, ut nuptias o-  
mnino dānarent: putantes apostolum, qui se per indulgentiam ea dixis-  
se profiteretur, nuptias ré turpē, ut maius malū vitaretur permisisse. Quo-  
rū error tā longe abest à recta sentētia & Christiana veritate, ut naturæ  
quoq; bellum indixisse videatur. Quid est enim tam naturale, quàm ma-  
ris & foeminæ coniunctio causa prolis generandæ, non solum homini-  
bus, sed cunctis etiā perfectis animantibus? Tolle hanc maris & foemi-  
næ coniunctionem, omne genus non dico hominum, sed animantium  
sustuleris. Cum sola igitur vīri & foeminæ commixtio generis humani  
perpetuitatem tueatur, aut nulla prorsus damnari debet, aut ea pro-  
banda est, quæ per legitimum coniugium efficitur: & in rebus optimis,  
ac humano generi commodissimis & necessarijs numeranda. Nō igitur  
est Paulus in eam sententiam locutus, ut matrimonium lege diuina &  
naturali olim constitutū, & nullo tēpore intermissū, atq; in euangelio  
à Christo confirmatū, multifariamq; commendatum ipse improbaret;  
sed ut intēperantes & libidinosos peccati sui remedium positū esse do-  
ceret in matrimonio: quod ob aliam multo & iustiore & honestiorē  
causam institutum, & suscipiendum, hanc quoq; sed accidentariam cō-  
moditatem habet, ut concubitus aliàs illicitos vendicet à peccato &  
turpitudine. Nam si quis non generationis, sed explendæ libidinis gra-  
tia uxorem ducat, poterit fortassis coniunctio illa connubium appella-  
ri (sic enim placet Augustino, dummodo seruetur vtriq; thori fides, nec  
partus ex industria impediatur) iste tamen abutetur sanctissimo sacra-  
mento, nec præstantiā matrimonij suo fine metietur. Nā qui veneficijs  
aut medicamētis sterilitatē quærit, adulteri sunt nō cōiuges appellādi.

Quod



Quod si ab initio tales ambo fuerunt (inquit) non isti per connubium, sed per stuprum potius conuenerunt, si ambo tales non sunt, audeo dicere, aut illa quodam modo est mariti meretrix, aut ille adulter uxoris. Hæc Augustinus. Non igitur inficiamur, quin virginitas in primis, quæ ab istis miris, ut debet, laudib. effertur, castusque cælibatus in bonis habeantur. *huc enim spectat oratio Pauli, & infirmitas incontinentiæ* (ut verbis utar eiusdem Augustini) *quæ est in carne per peccatum mortua, ne cadat in ruinam flagitiorum, excipiat honestate nuptiarum*: non tamen si illa diuiniora sunt & sanctiora, protinus non erit res optima, & per sancta matrimonium. quod non modo quasi portus est incontinentia laborantium, sed sacrosanctum à Deoque institutum sacramentum, idemque honestissimum officium: sine quo nec ciuitas potest, nec religio constare, cum vtriusque tanquam seminarium habeatur: quoniam domus, ut docent philosophi, quam efficit viri mulierisque generationis gratia cōfunctio, principium est vici, vicus ciuitatis. Cum autem officium, quod singulis hominibus confertur, bonum sit ac laudabile, illud tamen teste Aristotele longe melius est & diuinus, quod reip. præstatur. quod in genere vel in primis esse officium eorum, qui liberos legitime procrearint, declarant leges & instituta optime institutarum ciuitatum, ac rerum publicarum: in quibus præmia publice cum laude proposita erant multorum liberorum parentibus, ut inter Romanos ius trium liberorum, & cōtrā ignominia ijs, qui nullum procreassent: ut in populo Iudæorum maledicta erat & infamis sterilis, quæ nullum foetum posteritati relinqueret. Quin etiā apud Romanos (ut auctor est Socrates in sua historia Ecclesiastica) qui natus quintum & vigesimum annum uxorem non duxisset, is hæreditatem adire verabatur, veteri quidem lege. Sed quæ fuerit à Constantino principe in virginitatis honore temperata.

De nupt. & concupis.

Ari. 1 poli.

Ethi. 1.

Sed quanquam viri & mulieris generandi gratia qualiscunque prope modum coniunctio olim matrimonium efficeret, & inter initia generis humani nihil prætereā requireretur (cum etiam fratribus suas sorores ducere non licuit modo, verum etiam fuit necesse, ipsa necessitate delectum personarum auferente) postea tamē genere humano multiplicato, cū in veteri, tū in nouo testamento, partim diuina, partim pōtificia lege cautum est, ne temere matrimonium inter quascunque personas coiret, sed certis cōditionibus seruatis: quæ si fuerint neglectæ vel ignoratæ, matrimonium non consistet. Nam sunt res nonnullæ, quæ obstant quidem matrimonio, quominus sine crimine contrahatur, tamen contractum non distrahunt. quæ ferè sunt: si quis sacerdotem sustulerit, uxorem suam necauerit, raptor fuerit sponsæ alienæ, aut incestus, filium suum in fraudem matrimonij baptizauerit, aut ex fonte baptisimatis receperit, si poenitentiam solennem subierit. sunt tamen alia complures, quæ non modo contrahi vetant, sed etiam si post fuerit contra-

De pe. & re qui præbyt. 27. q. 2. statutum 32. q. 7. si quis viduam 30. q. 1. de eo. 33. q. 2. de his anti-

contra-



contractum, disiungunt. Multa enim huiusmodi impedimenta reperias, si sacras scripturas diligenter, & decreta patrum legesque pontificias excusseris.

*Amb. in lib.  
de virginib.  
& habetur.  
27. q. 2. cum  
iniuriatur. &  
4. senten. di  
27. Chrys. su  
per matth.  
eadem q. matri  
monium.  
Isid. eth. li. 9.  
cap. 7. & ha  
betur eadem  
q. coniugis.  
& 4. sen. di.  
27.*

*4. sent. di. 29  
31. q. 2. De  
nuptis. De ijs  
quæ vi metus  
ne causa.*

*4. sen. di. 30.  
29. q. 1. cir  
ca principia.  
29. q. 1. quod  
autem.*

*super gen.  
& habetur.  
4. sen. di. 31.*

Ac primum omnium, si quis per vim sibi illatam aut timorem incussu, qui cadat in virum constantem, uxorem quam nolle ducere, aut mulier cui viro nolle nubere cogatur. Quod idcirco primo loco numerandum putavi, quia fundamentum & quasi formam matrimonij esse liberu consensu, constat non solum sanctoru patrum, Ambrosij, Chrysostomi, & Idiori, iurisque pontificij testimonio, sed etiam ciuilis: quo traditum est nuptias non concubitu fieri sed consensu. cui consensui cum nihil magis aduersetur, quam vis aut metus, intelligitur haud dubie nulla re magis impediri matrimoniu, quam vi aut metu, quæ libertatem tollunt dissentendi. Non quo voluntas hominis ut velit quicquam aut nolit (qui à philosophis iunioribus actus elicitu nuncupantur) cogi possit, præsertim externa vi (hoc enim esset voluntatem de voluntate tollere, quæ libertate potissimum consistit) sed quoniam quem vis aut metus impellit, ut occurrens maiori malo, quicquam & velit & efficiat, hunc nolentem efficere & coactum dicere solemus: ut qui ne faciat naufragium, iacturam facit: quem tamen volentem facere certum est. huius enim optio est mortem subire malit, an iacturam facere: & perinde illius, ducat uxore quampiam an plagas, vel seruitutem suscipiat, seu etiam mortem, aut si virgo sit, stuprum, eadem namque ratio est utriusque. Qui ergo ut ea mala vitaret, quæ si intententur constanti etiam viro metum incutiant, hanc duxerit, quam tali metu sublato reiecisset, is nolens & dissentiens duxisse dicitur: atque foemina eodem modo nupsisse. Ita quicumque contractus ex alterutra parte ab huiusmodi causis fuerit profectus, non solum re, sed nomine etiam matrimonij indignus ac irritus erit lege naturæ. Nisi forte post id tempus, quo vis illata fuit, aut timor iniectus, non inuiti conuixere. qui enim cum liceret reclamare, conticuit, is tacite videtur consensisse: eoq; consensu matrimoniu prius irritu confirmatur.

Post vim & metum proximus est error in impedimentis matrimonij: quippe cuius causa ab eodem fonte eodemq; velut capite repetitur, hoc est ab eo, quod libet consensus defuisse videatur. Quanquam non omnis error matrimoniu infirmat, sed is tantum, qui pertinet ad substantiam vel ad ea quæ ut sunt, sic bona matrimonij nuncupantur. Siquis enim pauperem pro diuite, malam pro bona, mulierem, aut etiam meretricem pro virgine duxerit, non protinus matrimonium non constabit. his nanque qualitatibus nec substantia matrimonij mutatur (quæ vir est & foemina) nec bonum eius impeditur. quod ab Augustino triplex esse traditur, fides thori, hoc est adulterij vitatio, proles, id est, liberorum procreatio, & sacramentum, hoc est vita indiuidua. At si fuerit error in persona (ut si mulier aliqua pro altera supponatur) matrimonium



monium non erit, mutata enim substantia, consensus esse qui potest in eius errore? Quoniam qui paratus erat in Iuliam verbi causa consentire, is si in Corneliam simulantem se Iuliam esse deceptus consentire se professus fuerit, aut verba consentientis protulerit, non continuo censi debet consensisse, in Iuliam enim si adesset, paratus erat consentire non in Corneliam, quæ ratio eadem est foeminarum in viros. Cui sententiæ si occurratur exemplo Iacob, de quo est in libro Geneseos (huic enim post diuturnam septem annorum servitutem, quam pactus servierat pro Rachele, supposita fuit loco eius Lia) responsum est in promptu, non prius Liam factam esse uxorem Iacob, quam cum ipse dolo cognito acquieuit Laban exhortanti se, ut cum ipsa hebdomadam dierum copulæ adimpleret, & iterum nuptias Rachelis, si totidem servisset annos paciscenti, ut enim iam sæpe diximus, matrimonium quod nullum fuerit defectu prioris consensus, incipit esse, ratumque fit, si postea liber assensus consequatur. Similis propemodum ratio est, si fuerit error in conditione: hoc est, si persona contrahentis ingenua credita, reperta fuerit servire. si quis enim cum suus non sit, alteri se tentet addicere, contractus sponte sua vacillabit, nisi alter haud ignarus conditionis quantulacumque illius usura, sit æquo animo contentus. Quidam addunt nobilitatis errorem, qui tamen non aliter obstat, nisi recidat in errorē personæ. Nam quæ fortè parata erat in nuptias senatorij adolescentis, quæ nunquam viderat, consentire: hæc si decepta fuerit plebeio pro senatorio supposito, matrimonium non erit propter errorem: qui dicitur quidem esse nobilitatis, sed si verum quærimus, est potius personæ. Nam si eadem adolescentem de facie nosset, & nobilem rata in eius coniugium consensisset, tali errore non magis infirmaretur matrimonium, quam si in fortuna aut in moribus fuisset erratum. quod nihil officit contractui: cum tamen error in persona matrimonium impediatur lege naturæ. tollit enim liberum consensum in eo quod est velut substantia nuptiarum.

Ad hæc, ineptitudo ad operam conjugalem ignorata, eadem lege matrimonium infirmat. Nec refert natura id malum, an casu, veneficiove fuerit contractum. Et quidem optima ratione. nam quo sublato neuter nuptiarum finis contingat, hoc si abesse ab eo, cui paria non referuntur ignoretur, nutabit haud dubie, aut corruet potius matrimonium, commutationis iniquitate non cognita. Est autem naturalis ineptitudo in viro perpetua membri genitalis deiectio: quæ frigiditas appellatur, aut virilitatis orbitas: in foemina naturæ coarctatio, vel ad omnes viros vel ad eum de cuius matrimonio agitur relata. in utroque infirmior ætas: quæ finitur pubertate. Accidentaria vero, quæ per veneficia vel artes Magicas quæsitæ, virum tum ad omnium foeminarum concubitus, aliàs ad eius amplexus de qua quæritur, inutilem fecerit. Quibus



ex causis facto diuortio, compoti ad alterius nuptias transire licet: impoti non licet, nisi frigeat huic iniuria veneficij, qui cæteris mulieribus virilem operam dare non impediatur. Nam quæ mulier ob naturalium angustias hunc virum non admittebat, ea si alium experta priori fuerit habilis facta, ad ipsum pristinum maritum (si similis sit vtriusque conditio) lege reuocatur.

Præterea sacri ordinis initiatio perinde obstat matrimonio. Ita cum alijs clericis sint permessa coniugia, sacerdotibus, diaconis & subdiaconis penitus sunt interdicta: & si fuerint contracta, dirimuntur: non solum quia statuto Ecclesiæ talium matrimonia sunt illegitima, sed ea quoque de causa, quod qui sacris ordinibus initiatur, Ecclesiæ velut vinculo indissolubili copulatur, astringiq; videtur solemnī voto castitatis quæ castitas cum liberorum procreatione constare non potest lege naturæ. procreatio enim (vt sæpe diximus) finis proprius est matrimonij. Nam licet inter Mariam & Ioseph, qui castitatem vouisse creduntur, verū fuerit coniugiū, alia tamen ratio fuit illarum nuptiarum, in quibus sine virili opera proles contigit diuinitus: & cætera quæ bona vocantur matrimonij affuerunt. Itaque merito impedimentis huiusmodi, castitatis aut religionis votum annumeratur, modo fuerit nuncupatum solenniter. quod efficitur: vel sacri ordinis initiatione, vt quibusdā placet, vel religionis autoritate Ecclesiæ cōprobatæ professione. simplex enim votum quanquam obstat matrimonio, quominus sine peccato contrahi possit, tamen contractum non distrahit. cæterum peccabit letaliter, qui post talem voti nuncupationem ductam sollicitauerit ad operā liberorum: & sollicitatus ipse, ne votum fallat, tenetur ad aliquam religionem commigrare: quoniam ipsius culpa factum est, ne possit aliter castitatem seruare.

Item dispar religio irritum facit matrimonium: est enim contra vetus Dei præceptum, cuius illa verba sunt: *Filias vestras ne detis filiis alienigenarum & filios eorum ne accipiat filijs vestris.* Quod præceptum secutus Esdras huiusmodi coniugia, quæ filij Israel cum externis contraxerant separauit. Neque verò solum in testamento veteri hoc fuit obseruandum, sed in lege Evangelica multo etiam magis authoribus Ambrosio & Augustino. quorum alter in libro de patriarchis, alter ad Polentū scribens, talia connubia vitanda prorsus, & nefanda esse confirmat. Quibus Urbanensis concilij decretum vel in primis assipulatur. quo cautū est, vt quicumque tantum ne fas admisisse cognoscitur (vtar enim verbis ipsius) à Christiano cœtu atque conuiuiō & à communione Ecclesiæ protinus segetetur. Quod sic tamen accipi debet authore Augustino: si quis cū Christianus esset, externæ religionis aut sectæ coniugem duxisset. nam qui erant ante Christianismū coniuges, horum alterutri accepto baptismo vxorē vel maritū in pristina secta perseuere autē vel retinere licebat olim, si spes esset futur-



futurae pietatis. authore Paulo: vel si secus, repellere.

1. ad Cor. 7.

Iam illud perspicuum est non licere cuiquam uxorem habenti alteram ducere, aut quae uni marito est nupta alteri nubere. Quod si factum fuerit, adulterium vocari debet, non coniugium. Christi enim sunt illa verba in Euangelio: *Quicumque dimiserit uxorem suam, nisi ob fornicationem, & aliam* Matt. 19.

*duxerit, mæchatur.* Nam si uxore repudiata aliam ducere non licet, profecto retenta multo etiam minus. neque enim si uxorem repudiare peccatum est, protinus alteram ducere adulterium fuerit, si plures simul habere permittatur. & item Deus in constitutione huius sacramenti,

Gen. 2.

*Propter hoc, inquit, relinquet homo patrem & matrem, & adheret uxori suae. Quo in loco quoniam uxori dixit, non vxorib. & addit, & erunt duo in carne una.*

Tho. 4. sen.  
di. 33. art. 1.

complurium vxorum connubia vetuisse videri potest. Itaque non opinione aut hominum instituto multarum simul vxorum coniugium prohibetur, sed lege diuina & ea quadantenus naturali: ut viri doctissimi

tradidere. qui si quid contra à sanctis patribus factum traditur in veteri testamento, id eis quadam indulgentia Dei ac priuilegio contigisse, sed

tamen tacito contendunt: quoniam ut lex ipsa publica de vxoris unitate, nunquam aperte in veteri quidem testamento data esse reperitur, sed cor

De diuor.  
cap. gaude-  
mus.

dibus hominum naturaliter creditur impressa: ita nec priuilegium in eam seu dispensatio scripto aut verbo data esse legitur: sed (ut ipsorum

verbis utar) per inspirationem internam, quae primū facta sanctis patribus, per eorum exemplum ad alios est deriuata. quo tempore oportebat hoc

naturae praeceptum praetermitti, ut maior esset multiplicatio prolis ad Dei cultum educandam. Sed nequis putet hanc legem iuris esse naturae quod

proprie intelligatur, Augustini librum legat cui titulus est de bono coniugali: in quo multa praclare, & illud in primis scriptum reperiet:

*Antiquis iustis non fuit peccatum quod pluribus feminis utebantur, neque contra naturam hoc faciebant: cum non lasciuendi causa, sed gignendi hoc facerent. neque contra morem: quoniam eo tempore ea fiebant. neque contra praeceptum: quia nulla lege erat prohibitum.*

Sunt praeterea nonnulla crimina quae perinde ac res supradictae matrimonium impediunt. In primisque si vxoris adulterae flagitio maritus

fuerit de medio sublatus, ut domum vacuum relinquat adultero, nefas esse scelestae mulieri post viri necem adultero nubere, decretum est concilij Triburientis. Neque verò solum in hunc modum patrato scelere,

31. q. 1. si quis  
viuente ma-  
rito.

coniugium adulterorum sacra synodus detestatur: sed etiam si adulter marito viuente fidem nuptiarum vxori dederit, si marito ipsa super

31. q. 1. rela-  
tum.

fuerit, licet enim maritus absque adulterorum culpa discesserit, quia tamen data est occasio vitae coniugis insidiandi, merito est adulteris post perniciofa pollicita matrimonium interdictum. Ad haec si quis viuae vxoris

De eo qui  
dux ca. cum  
haberet, &  
ca. ex liter.  
& c. si quis  
uxorem.

pellicem solutam duxerit, non solum tunc nuptiae non erunt, sed ne mortua quidem vxore si rursus pellicem ducere tentauerit: dummodo

fuerit utrique exploratum impedimentum. Nam si quae facta est pellex haec bona fide ignaraque doli consensit, matrimonium constabit, nisi ea-



dem cognita fraude reclamauerit: quæ omnia retro agere licet. Eadem est enim ratio viri in vxorem, quæ vxoris in virum.

*Consanguini-  
tas defini-  
tur.*

*35. q. 5. ca. ad  
sedem.*

*35. quest. 5.  
de parentela.*

*De consang.  
& affin. vir  
qui & ibi  
gloss.*

**R**eliquum est vt de consanguinitate & affinitate instituto nostro differamus. his enim rebus intercedentibus, partim naturali & diuino, partim pontificio iure impediuntur, nullaque sunt matrimonia. Est autem consanguinitas (vt de hac prius disputemus) hominum ab eadem stirpe propinqua genus suum repetentium societas naturalis. hic est enim intellectus vulgatæ theologorum definitionis: qui consanguinitatem vinculum esse aiunt personarum ab eodem stirpe descendendum carnali propagatione contractum. Quo plus autem minusue quique ab ea quam diximus stirpe discedunt, hoc plus aut minus inter se consanguinitate contingunt. quæ interualla gradus solent à iuris interpretibus nuncupari: propterea quod genus ab authore sui per quosdam velut gradus ad posteritatem descendat. Sed quoniam non omnes eodem inter se modo spectant, sed alij recta, vt pater filius & nepos: alij tanquam ex obliquo, vt fratres & consobrini vel patruelæ, & qui sequuntur, idcirco alteri in recta linea descendere ascendereue, alteri ex latere venire dicuntur. Cæterum quoto quique gradu inter se cōtingant aut distent, in descendentibus quidem aut ascendentibus non est dissensio. constat enim filium à patre primo gradu distare, nepotem secundo, pronepotem tertio, & cæteros eodem modo, nec refert ascendatne an descendat connumerandi ratio. quo enim gradu filius à patre, hoc pater à filio haud dubie distat. Qui autem inter se velut obliqua consanguinitate ex latere coniunguntur, horum propinquitatis gradus aliter ab alijs computantur. nam iure ciuili fratres in secundo gradu collocantur, filij fratrum in quarto, & cæteri eodem modo. his enim computatio fit per lineam incuruam: quæ verbi gratia à filio profecta ascendit ad patrem, & ab hoc rursus descendit ad alterum filium: & sic tot gradus existunt quot sunt personæ hac ratione connumeratæ vna excepta. iure verò pontificio fratres habent primum gradum inter se, filij fratrum secundum: & pari ratione cæteri. Ita fit vt quot quique gradibus à communi principio distant, si pari interuallo descendant, tot inter se abesse dicantur. Nam si alter altero longius abierit, eius non propioris habendam esse rationem viri eruditissimi censuerunt, quorum veterem velut formulam Gregorius nonus legifanciuit.

Quibus rebus constitutis, iam in quibus consanguinitatis gradibus & quo iure connubia sint prohibita dispiciamus. Iure igitur naturali non solum filijs atq; parentibus mutua connubia sunt interdicta (cæteris quoque animantibus, nedum hominibus, tales coitus duce natura vitantibus vt de equo traditum est à veteribus) sed cunctis etiam qui re-

ctali.



Et a linea descendendo aut ascendendo collocantur. Naturalis enim re- *Ari. 1. poli.*  
nerentia & obseruantia filiorum in parentes & maiores (quæ ipsorum  
connubia respuit, propterea quod coniuges pares esse debent lege na-  
turæ) maior est in auios: & quo altius ascenditur, hoc etiam magis auge- *ff. de ritu*  
fcit. Quamobrem Paulus prudentissimus iurisconsultus, iure inquit *nup. le. iure.*  
gentium incestum committit, qui ex gradu ascendentium vel descen- *gentium.*  
dentium uxorem duxerit: quod in infinitum procedere Gaius est au- *lege nup.*  
thor. Inter eos autem qui aliqua consanguinitate in quocunque gra-  
du iunguntur, coniugia fieri non vetantur lege naturæ: nisi legem di-  
nam veterem, naturæ quoque legem velis appellare, ut quidam abuten-  
tes vocabulo.

Matrimonia igitur consanguineorum ex latere venientium non sunt  
natura prohibita (cōstat enim olim cum homines nullis nisi naturæ le-  
gibus tenebantur, fratres etiā; cū sororibus in matrimoniū conuenisse) *Leuit. 18.*  
sed partim priscis legib. diuinis vetita sunt, partim pōtificijs: ut de iure  
ciuili taceam: quod multum in hac parte cum pontificio conuenire nō  
poterit dubitare, qui titulum eius De ritu nuptiarum perlegere non  
grauabitur. Deus enim per Moysen populo Iudæorum (cui successerunt  
Christiani) legem dedit, ne quis ad proximam sui sanguinis accederet  
turpitudinem eius reuelaturus. sed in huius præcepti explicatione ex  
consanguineis à latere sorores tantum ex pari gradu venientibus exclu- *35. q. 3. pro*  
sit à matrimonio: ex alijs materteram & amitam, præterea neminem. *geniem.*  
Iure verò pontificio, veteri lege Gregorij & Nicolai pontificum, & Lu- *35. q. 3. ca. de*  
gdunensis concilij vsque ad septimum gradum pertinebat prohibitio. *co 26. c. nul-*  
pōst autem ab Innocentio tertio in generali concilio ad quartum gra- *li De cōsan.*  
dum est reuocata, non sine erudita præfatione, qua huius mutationis *cap. non de-*  
causa strictim prudenterque redditur. *bet.*

Cur autem matrimonia consanguineis inter ipsos olim permissa, pōst  
fuerint iure diuino atque pontificio prohibita, prudentissime (ut cætera)  
& accuratius explicat Augustinus in eo libro cui titulum fecit, de ciui- *li. 15 c. 16.*  
tate Dei. Ut enim fratres cum sororibus connubio iungerentur, necessi-  
tate fecisse tradit & hominum paucitatem: quæ cum summa esset initio  
rerum & statim post diluuium, cui pauci admodum superfuere, genus  
humanum per connubia utcumque dabatur tunc fas erat multiplicare.  
pōst verò tali necessitate causaque sublata, habitare esse rationem dila-  
tandæ charitatis: ut plura essent necessitudinis amorisque vincula quibus  
homines astringerentur, si inter alios cognatio, inter alios affinitas be-  
neuolentiam conciliaret.

Diximus de consanguinitate, quæ non solum obstat contrahendo  
matrimonio, sed dirimit etiam contractum, iam de affinitate quæ huic  
finitima est, differamus.



*Affinitas  
definitur.*

**A**ffinitas est vinculum necessitudinis cum externis, quod ex coitu naturali consanguineorum existit. Licet enim aliquando per vetitum concubitum, aut per matrimonium pontificis indulgentia privilegioq; contractum congruat, ut qui consanguineus erat idem affinis efficiatur, hoc tamen ex accidenti præterque rationem affinitatis contingit. Nam ex illicito etiam concubitu affinitatem contrahi, declarat id quod Innocentius tertius ad Archiepiscopum Strigonensem rescripsit: *affinitas inquit post matrimonium inique contracta, illi nocere non debet, qui iniquitatis particeps non existit.* loquitur enim de affinitate ex turpissimo coitu cum vxoris sorore nata.

*Affinitatis*

*genera expli  
catur in glos  
sa ca. nō de  
bet. De cons  
aff.*

Affinitatis porrò genera veteres tria esse statuebant, quæ matrimonia infirmarent. Primi generis affinitas ex coitu siue matrimonio consanguinei cum externa nascebatur: ut inter leuirum & glotem, inter Esau (exempli gratia) & Rachel vxorem Iacob fratris eius. secūdi porrò ex primi generis affinis cū exteriori: qualis esset (ne à proposito exemplo discedamus) inter Elau & eū qui mortuo Iacob Rachel vxorem duxisset. porrò tertium genus eodem modo per matrimonium siue concubitum secundi generis affinis efficiebatur. Sed cum tam longe lateque pateret affinitas, & olim matrimonia in nullo non genere impediret, concilio tamen Lateranensi (cui præfuit Innocentius tertius) antiquatę sunt leges pontificiæ, in secundo & tertio genere matrimonia interdicentes; & affinitas quæ connubijs non secus ac consanguinitas obstarat, ad primū tantum genus iustissimis de causis reuocata contractaque est: atq; ita contracta, ut prohibitio, quæ veteri lege in omni genere ad septimum vsq; gradū ut in consanguinitate serpebat, deinceps quarti gradus primi generis angustijs intercluderetur.

*Eodē tit. ca.  
non debet.*

*35. q. 5. por  
ro de.*

Gradus autem in affinitate numerandi eadem propemodum, quæ in consanguinitate ratio est. Nam ut in recta linea pater & filius primū gradum efficiunt consanguinitatis, sic nouerca & priuignus, aut nurus & focer affinitatis primum gradum constituunt. Item ut ex obliquo fratres sunt in primo gradu consanguinei, sic leuir & glos affines maritus enim & vxor cū caro vna efficiantur, non gradum facere sed quasi stirps & caput esse statuuntur, vnde velut rami hinc inde affines enascantur. Ita quo quisq; propinquitatis gradu attingit eum, qui est tanquam caput affinitatis, hoc cum ipsius vxore per affinitatem coniungitur, quę ratio eadem est cum marito consanguineis vxoris. Cæterum licet affinitas, cognationis (cuius est quasi propago) rationem ad amissim prope dixerim æmuletur, atq; adeo à quibusdā cognationis nomine nuncupetur, interest tamen, quod cū propinquitas longe vltius progrediatur, affinitas vna persona externę cognationis est cōtenta: ut exēplo potest cōmodius explicari. cognatione non fratres solū, sed filij quoq; fratrum aut sororum, patruī, auunculi, patruelēs, ac perinde cōsobrini inter se propin-



propinqui sunt. in affinitate verò omnibus mariti consanguineis cum ipsius vxore intercedit necessitudo: iidem cū eiusdem mulieris cognatis filijsve ex altero viro nullo tali vinculo constringuntur. Ac affinitas quidē quid sit, & quib. ex causis oriatur, eiusq; gradus exposuimus. quibus rebus explicatis superest, vt quo iure & quatenus matrimonia affinitatibus impediuntur, differamus.

Inter affines igitur, qui in recta linea quibusuis interuallis collocantur matrimonia, iure naturæ quibusdam videntur esse nulla: velut infinitum sit hominibus (qui modo naturam non corruptis moribus deprauauerint) vt patrum vxores proxima matribus ad quarum vicem propè videntur accedere obseruantia ac reuerentia prosequantur. auorum porrò atq; proauorum, & qui deinceps sequuntur, hoc etiam magis, quo in illorum quemq; maiorem reuerentiam coniugali æqualitati inimicam natura nobis ingenerauit. In obliqua verò linea matrimonia nullo gradu affinitatis per naturam excludi, declarant cum alia heroici temporis exempla, tum in primis Iacob: qui etiam Lia priore coniuge viuentē Rachel sororem eius primo sibi affinitatis gradu cōiunctam vxorem duxit. vt in cæteris obliquæ affinitatis gradibus quam vim habeat natura, non possit dubitari: cum hanc ne in primo quidem gradu matrimonijs obflare constet. At iure veteri diuino non solum noueræ & priuignæ atq; nurus (quæ in recta linea collocantur) matrimonia prohibebantur, sed etiam ex obliqua vxorem patrui sine vlla exceptione, fratris verò nisi absque liberis decessisset, matrimonio sibi collocare nefas erat.

Intelligendum est tamen de impedimentis nuptiarum, quæ à consanguinitate aut affinitate proficiuntur confirmandis, nullam omnino mentionem à Christo vel apostolis factam in nouo testamento reperiri: quo factum est vt omnes huiusmodi leges euangelicis temporibus ad Ecclesiastica decreta, nō ad ius diuinū aut naturale referēdas esse ab acutissimis theologis censeatur, præterquā de consanguineis descendē-  
bus aut ascendētib; quibus inter se matrimonia iure naturæ interdici, tradit Scotus. Thomas enim patris duntaxat & matris cum liberis cōnubia lege naturæ vetita esse censet: cæterarum personarū diuinis aut humanis legibus prohiberi. Cuius sententiam explicans Thomas Vius Caietanus, maximus hac memoria theologus, & Cardinalis religiosissimus, cum docuisset leges diuinas veteres cæterarum personarum cōnubia prohibentes iudiciales esse, nō morales (nisi fortè ex accidenti) ac proinde euangelica lege abrogatas, & ideo inquit hodie nō ligant, nisi quatenus ab Ecclesia sunt assumptæ: ac propterea Papa dispensare potest cum omnibus personis, nisi cum matre & patre vt matrimonium contrahant. In affinitate enim nullam exceptionem faciunt, præter admodum paucos de quibus modo dicebamus: qui ascendētiū descen-

Scotus 4.  
sent di. 40.

Th. 41.  
Th. 2. 2. 4.  
54. art 9.

den-



dentiumq; in recta linea affinitatem excipiunt, prohibitionem eius ad ius naturæ speciosa magis quā vera ratione referentes. Nam cum rarissima sint priuignorum in nouercas obseruantia ac pietatis documenta, plena vita est tragicis exemplis, quibus nouercarum in priuignos mutuum odium infamat: vt appareat legibus potius quā naturali necessitudine tales nuptias prohiberi. In affinitate igitur religiosorum hominum prudentia eam rationem secuta, quam supra de varijs legibus consanguineorum nuptias vetantibus authore Augustino retulimus, statuit iure pōtificio, vt perinde ipsa matrimonium ac consanguinitas totidemque gradibus excluderet. Itaque olim ad septimum vsque necessitudinis vtriusque gradum prohibitio patebat: Innocentio autem tertio pontifice, vt supra diximus in Lateranensi concilio ad quartum gradum est reuocata.

35 q. 3. cap.  
nullum.

De cōf. & af  
fi c nō debet.

4 sen. di. 30.  
q. 1. de eo  
quid.

Per leg. titu.  
lū de cogna  
tione spirita  
li & 30. q. 1.  
De spons. ad  
audientiam.

27 q. 2. ca. si  
quis.

Matth. 19.

**C**onsanguinitatem & affinitatem duæ necessitudines æmulantur, quibus antecedentibus nihilo magis nuptiæ consistunt: cognatio spiritalis, & quæ publicæ honestatis iustitia dicitur. Illius (quæ tū ex baptismo tum ex confirmatione sacramentis existit) tria genera faciunt: vt primo contineatur ea, quæ renato velut filio cum patrinis matrinisque vocatis intercedit: hoc est cum eo, qui ipsum baptizauerit, confirmauerit, vel in baptismo aut cōfirmatione tenuerit, & alterutrius cōiuge. Nec refert de viris, an de mulierib. loquamur. Altero quæ his cum renascentis naturalibus parentibus existit. qui compadres inter se & cōmatres appellantur. Tertio qua renatus cum patrinorum matrinarumque liberis cōiungitur. Sed quocunque genere cognatio spiritalis habeatur, pari ratione iure pontificio matrimonium infirmat.

Atque illa eodem modo, quam publicæ honestatis iustitiam diximus appellari: inde sumpto vocabulo quod in hoc impedimento sanciendo maiores nostri non vt in consanguinitate & affinitate rationem secuti sunt dilatandæ inter homines charitatis (quæ tenuis admodū est in huiusmodi necessitudine) sed quod inter personas, quibus hæc interest, nuptiæ parum ex publica Christianorum honestate conuenturæ videbantur. Oritur autem vt affinitas ex matrimonio, sic & in eisdem gradibus obstans publicæ honestatis iustitia ex sponsalibus etiam illegitime contractis, nisi si constet haud dubie cōsensum abfuisse: vt in infantib. & furiosis ac mēte captis intelligitur. Atq; hæc quidē sunt res quib. præcedētib. nuptiæ (vt supra exposuimus) impediuntur, quibusq; neglectis si fuerint contractæ dirimuntur. Nam si semel legitime constiterint, nulla ratio, qua distrahi possint incidere valet, nisi quod adulteram cōiugem licet marito dimittere, Christo ipso authore: qui rogatus à Phariseis, num liceat homini vxorem suam quacunque ex causa dimittere, quod Deus inquit coniunxit, homo non separet: dico autem vobis, quicumque dimiserit vxorem suam



suam nisi obfornicationem, & aliam duxerit, mæchatur: & qui dimissam duxerit, mæcha-  
tur. Quæ verba sic sunt cum aliorum sanctorum patrum consentienti-  
sententia, tum in primis Hieron. & Augustini scriptis declarata, non ut  
propter adulterium cuiquam liceat coniugio dissoluto ad secundas nu-  
ptias migrare (hoc enim ut fiat nulla ratione potest contingere ijs, qui  
semel in Christo fuerint legitimo matrimonio coniuncti) sed ut casto  
marito permissum esse intelligatur ab adultera vxore thoro & domo se-  
parari, & perinde vxori pudicæ à viro qui se tali crimine complicaue-  
rit, Nec enim ut testatur Hieronymus, adultera vxor dimittenda est &  
vir mœchus retinendus, sed apud nos inquit quod non licet foeminis,  
æque non licet viris, & eadem seruitus pari conditione censetur. Quam  
sententiam Augustinus quoque in opere de bono coniugali confirma-  
uit, & ite in libro de adulterinis coniugijs. licet enim vxor adultera gra-  
uiori se crimine, quàm mœchus maritus obstringat (quatenus hic ex ma-  
trimonij bonis appellatis thoro, & sacramento: illa etiã proli, quæ con-  
iugij proprius est finis, iniuriam facit incertitudinem afferendo) tamen  
in utroque satis magna causa est ad diuortium faciendum.

Neque verò semper maritus adulteræ vxori repudium dare legibus  
permittitur, sed dantur exceptiones, quibus maritus adulterij crimen  
in vxorem intendens repellitur, quibusque cogitur eandem vel inuitus  
retinere. quæ septem omnino à sanctis ac eruditissimis viris numeran-  
tur. quarum vna est de qua modo differebam, si ipse quoque vir adulterij te-  
neatur. nihil est enim iniquius authore eodem Augustino, quam causa  
fornicationis vxorem dimittere, si & ipse conuincitur fornicari. Alte-  
ra est, si vxor à viro fuerit cuiquam alteri prostituta. exceptio enim le-  
nocinij accusantem maritum etiam iure ciuili repellit. quarum exce-  
ptionum utriusque ius facit mariti par vel etiam maius crimē. paria enim  
delicta mutua compensatione tolluntur. Tertia exceptio datur, si repu-  
diata ante utriusque baptismum suo iure nupserit alteri. post enim ean-  
dem recipere Innocentij tertij decreto tenetur: scilicet quia huius adul-  
terij culpa non vxori pudicæ assignari debet, sed viro qui talem repu-  
diando adulterio facit occasionem. Quarta si post diuturnam absentiam  
mortuum maritum probabili coniectura credens alteri nupserit: ut si  
captus ab hostibus quinquēnium à tempore captiuitatis excessisset. tunc  
enim mulier ad alias transire nuptias iure ciuili permittebatur. Quinta  
si ab eo qui se maritum in tenebris simulauerit, per dolum fuerit viola-  
ta, ignorantia enim excusatur. cui similis est ratio si fuerit violenter op-  
pressa: quæ sexta exceptio est. vis enim allata non leuat modo, sed tol-  
lit etiam omnino peccatum, authore Augustino, qui eius dictum vehe-  
menter laudat, qui in crimine violatæ à Collatino Lucretiæ duos fuisse  
dixit, sed vnum adulterium commisisse. Septima exceptio datur indul-  
gentia mariti, si post vxoris adulterium operam liberis dando cum ea

Hic de mor-  
te Fabie. &  
habetur 4.  
sen. di. 35.  
& cau 32. q.  
5 præcepit,  
& proximo.  
Aug. super e-  
pistolā Pau-  
li ad Cor &  
habetur 32.  
q 7. c. aposto-  
lus. Ex cō. 10.  
le. 12 & ha-  
betur 32. q 5.  
cap. præceptū  
dñi ad ocea-  
nū habetur.  
32. q. 7. inter  
ueniente  
& proximo  
Tho. lib. 4.  
sent. di. 35.  
Artic. pri. &  
alij do. in ea.  
di. In lib. de  
ser. domini,  
& vide. 32.  
q. 6. per totū.  
De eo qui co-  
nstat vxor.  
sua discre-  
tionem ff. so-  
lu. matrimo-  
nio. l. cū mu-  
lier. De di-  
uor. gaude-  
mus.  
34. q. 1. cum  
per bellicam.  
ff. de diuor. l.  
vxoris 34. q.  
2. in lectum.  
32. q 5. pro-  
posuo.  
De ciui. Dei  
li. 2.



redierit in gratiam.

4. sen. d. 39.

De ser. domi  
ni & habe-  
tur 18. q. 1.  
per idolola-  
triam.

De adulte. cō  
iugijs li. 2. &  
habetur 28.

q. 1 nō solū.  
Vbi supra de  
ser. domini.

Sed quamquam fornicatione, quæ adulterium appellatur, proprie ad-  
ulterorum coitus significetur, sunt tamen alia crimina, vt hæresis, aut  
impius deorum cultus, quæ per translationem & similitudinem adulte-  
ria, spiritalia tamen, & vocentur & intelligantur: quæque diuertendi li-  
centiam perinde præbeant atque ea quæ proprie adulteria intelligun-  
tur. Itaque Augustinus idololatria (inquit) quam sequuntur infideles, & quælibet no-  
xia superstitio fornicatio est. Et alio in loco non solum (inquit) mæchatio est illius qui  
carnem suam coinquinat, sed etiam qui simulachrum facit, mæchatur: quod si in his factis  
perseuerat, & pœnitentiam non agit, recede ab illa, & noli viuere cum illa. Ad summā,  
fornicationis appellatio tam late patet authore Augustino, vt quodcū-  
que flagitium coniugis alterutrius alteri vehementer ac pertinaciter  
obsit, quominus valeat religionem colere, eandem notionem & vim ac  
adulterium ad diuertendum habere intelligatur. Nam licet mariti cri-  
mina maxima turpissimaque sint, nisi tamen vxorem à religione, atque  
Dei cultu deterreant, non licebit vxori à marito facinoroso diuertere:  
nec è diuerso marito ob similes causas vxorem repudiare.

Sed quod ratas nuptias adulterio tantum aut simili flagitio dirimi  
posse diximus, id sic accipi oportet, dum vtrique maneat ea vita, in qua  
fuerit matrimonium contractum. Nam morte alterutrius interuenien-  
te, soluta est vinculo iugali persona superstes: nec alias nuptias ascisce-  
re authore Paulo vetatur. Mortem porro duplicem esse, viri religiosi  
tradidere: naturalem, quæ est animæ atq; corporis discessus: spiritalem,  
cum religioni deuotus quispiam ex communi & mundana in spiritalem  
vitam migrat, & Deo quasi nascitur. ergo factum est vt professione quo-  
que religionis matrimonium dissolui placuerit patribus sanctis. Vt au-  
tem post nuptias alterutri liceat religioni se deuouere, tribus omnino  
modis accidere potest: primo, si coniux adulterij conuincatur. secundo,  
si consentiat idem, siue perinde se religioni mancipauerit, siue in vita  
quæ dicitur secularis, citra suspicionem tamen incontinentiæ perseue-  
ret. tertio, quamdiu virili opera non fuerit matrimonium consum-

De conuer.  
con. constitu-  
tus c. cum sis  
eodem tit.

ca. verū post  
eodem tit.

matum. Atque hoc quidem vltimo modo licet in seculari  
vita perseueranti ad alias transire nuptias: secus  
nulla ratione datur.

LIBRI PRIMIFINIS.

IOANNIS



IOANNIS

# GENESII SEPTUAGINTAE DAECORDVBENSIS,

*De ritu nuptiarum & dispensatione,  
Liber Secundus.*



ACTENVS de impedimentis nuptiarum, hoc est, de  
ijs reb. quibus antecedentib. matrimoniū nō consistit,  
& quo res quæq; iure impediret, explicauimus, dein-  
ceps quatenus in singulis locus sit pontificis maximi  
dispensationi differem<sup>9</sup>. priuilegia enim iuniores, ac  
indulgētias principū, dispēsationes: & ipsum indulge-

re dispensare dicunt: nouis quidem vocabulis, sed quæ necesse fuerit in  
hac quæstione passim à nobis vsurpari. Dispensatio igitur (vt à viris do-  
ctissimis definitur) est iuris communis ob necessariam aut vtilem causā  
prudens relaxatio. quam, si volumus eius considerare principium, à na-  
tura profectam, nec vtiliter modo ad rēp. administrādam, moderandam  
que religionem, sed etiam necessario summi & rationibus inductā ef-  
se intelligemus. Quanquā enim dispensatio legibus & institutis, aduer-  
sa esse videatur, si tamen eius vim perquisitius atque diligentius inquī-  
ras, nihil aliud eam esse reperiās, quā legē quandam non libris cōscri-  
ptā in æneisue aut marmoreis tabulis incisā, sed quæ ab æterna lege de-  
riuata, & in principum iustorum sapientumq; animis impressa, cum res  
poscit, ea singulis ciuib. pro cuiusque merito dispensat, hoc est distri-  
buit, ac impartitur, quæ scriptarū legū seueritate negata esse videri pos-  
sunt. hominū siquidē, vt Plato tradit, ac humanarū actiōnū inēqualitates

*Dispensatio  
definitur.*

faciunt, vt nulla lex queat, q̄ cūctis simul cōmodissimū sit atq; iustissimū  
adamussim complecti, & quod semper optime cadat præcipere, nec rerū  
humanarum ingens inconstantia permittit, simplicem quāpiā artem

*Plato in lib.  
qui civilis in-  
scribitur.*

de rebus omnibus, & in omne tempus constitui. Porro legem similem  
esse ait homini pertinaci & imperito, præterq; suum præscriptum nihil  
fieri permittenti. qui ne interpellari quidem se patitur, etiam si qua inci-  
dat extra ordinem causa, in qua commodissimum sit, aliter fieri, quam  
pro ratione, quam ipse semel instituerit. Itaque licet leges condere  
munus sit regiæ facultatis, negat tamen oportere, vt leges magis,  
quam vir regius prudentia instructus in administranda republica va-  
leant. nimirum vt siquid inciderit, vt incidere persæpe solet, quod se-  
cus fieri ac lege cauetur, honestū ac iustū esse pro sua sapiētia iudicaue-



Tho. 1. 2. q.  
97 ar. 4.

rit, nihil veritus rigidam legis seueritatem, ipse quod factu optimū honestissimūq; fore putauerit, pro conditione temporum, negotiorum ac personarum statuatur. Vel abroganda penitus lege, quam temporū vicissitudo reip. inutilem reddiderit, alijsq; , si res poscet ratioq; suaferit, denuo condendis, vel quod longe sapius fieri oportet, aliquid in priuata quapiā causa prater legē publicā statuendo, per eam, quā à veteribus diximus principis indulgentiam, à iunioribus dispensationem appellari, illis ad principis liberalitatē spectantibus, quā contra scriptas leges, aut mores pro cuiusq; dignitate aut meritis, iustis denique de causis impartitur, his factum intuentibus, quo iura priuata singulis ob easdē causas prater communes leges quodam velut pōdere ac mensura distribuuntur. Nam cum lege quod plerisq; , magnāq; ex parte conducit, caueri possit: quod singulis exacte ac omni tempore, non possit: necesse est, non solum vtile, ad iustitiam colendam, & vitam hominū moderandā, vt princeps rexq; prudens legibus dominetur, atq; ita dominetur, vt non valde sollicitus, quid leges contra iubeant, id semper sequatur in tanta rerum varietate, quod rectissimum, ac commodissimum sit primum reip. deinde singulis ciuib. citra reip. detrimentum. Nam & illa Platonis, qui nobis erit propter summā eius sapientiam, & auctoritatem saepe citandus, praeclara prudentissimaque oratio est, sapientem bonumque principem debere, non secus ciuiū, reipublicaeq; salutē, quam gubernatorē nautarum, nauisq; incolumitatē spectare. vt enim ille non scripta quaedam, sed artem pro lege adhibens suos nautas conseruat, sic (inquit) eorum administratio quam optima fuerit, qui talem imperādi facultatem nacti vim artis legibus multo potiorē sequuntur. Nam quicquid agunt prudentes principes, peccatum abest, modo id, quod quidem permagnū est, tanquam scopum quendam intueantur, vt ciuib. suis arte atque ratione iustissima quaeque distribuunt, eosdemque in officio contineant, conseruentque, aut meliores, quoad fieri possit efficiant, quae ratio (vt ad summi philosophi auctoritatem, gentium quoque testimonium accedat) tanti fuit nonnullis nationibus, vt leges omnes prater pauca quaedā instituta à suis ciuitatibus sumouerint, easq; morib. principūq; & magistratū prudentia maluerint gubernari. quod in Africa & in Asia plerisq; populis accidit, & in orbe nostro reip. Venetorū. quid ita? nepe quia videbāt, si leges seper essent ad amissum seruandē, saepe in summo iure summā iniuriam inesse: sin temporū ac personarum habita ratione, priuilegijs & indulgentia principum aut magistratū, hoc est dispensationib. remittēde, id toties esse in tanta rerū inaequalitate ac varietate faciendū, vt id satius esse videretur, cuncta iudicia fidei, atque prudentiae magistratuum committere. quarum gentium consilium quanquam non omni ex parte sapientissimorū iudicio probetur, declarat tamen, qui legibus vtuntur, ijs legum relaxationes saepe & multum esse non solū vtilis, sed etiam



etiam iustissimas & necessarias.

Quibus rebus expositis, quoniam leges condere, easdemque cum res-  
poscit, dispensationibus remittere, munus esse diximus, principum ac  
regum dignitatis, huius rei causam operæ precium fuerit paulò accu-  
ratius explicare. hæc enim facultas quanquam sapientium virorum pru-  
dentia contineri videatur, merito tamen principibus ac regibus, sum-  
misque magistratibus iure gētium delata est, breuiter ijs, quorum sum-  
ma authoritate resp. administratur. Cuius mihi rei quoque versus in-  
tuenti quatuor omnino causæ fuisse videri solent. Vna, quia principis  
regisve prudentia in bene instituta rep. non vnius, aut paucorum, sed  
multorum hominum vsu rerum, atque doctrina præstantium consilio,  
vt in condendis, sic in interpretandis, ac temperandis legibus iuuari &  
debet, & solet, authore Platone, cuius ea verba sunt: *Quoniam* (inquit) *non*  
*nascitur rex in ciuitatibus, qualis in apum examinibus, qui ab ipso statim principio corpe-*  
*ris, animique habitu ceteros vnus antecellat, necesse est conueniant, qui leges instituta-*  
*que conscribant, vestigia verissime reip. vt par est obseruantes.* Altera causa est, quo-  
niam cum legum quo magis quæque bonum publicum attingit, hoc iu-  
stior habeatur, optima ratione ipsas condendi vel interpretandi, aut  
etiã abrogandi potestas penes eū collocatur, cuius omnium maximè in-  
terest, remp. cui præest, saluam esse, atq; dignitatē & cōmoda sua reti-  
nere. q. cōdendis moderantifq; legib. potissimū efficitur. Tertia ratio  
est, atque haud scio, an omnium maxima, quod iustorum regum atque  
principum animos in omni rep. condenda vel administranda, diuino  
sape impulsu magis, quam humano consilio ferri, ac vicissim re-  
uocari, eorundemque Deum, quam priuatorum hominum, longe  
maiores curam gerere prudentissimi homines omni memoria velut  
duce natura crediderunt. vt Homerici Nestoris de somnio maximi re-  
gis oratio declarat. quam hominibus insitam opinionem non solum  
magnorum philosophorum authoritas auxit, sed etiam oraculum il-  
lud diuinum confirmauit *cor regis in manu Dei: & illud, per me reges regnant,* *Proverb. 21.*  
*& legum conditores iusta decernunt per me principes imperant, & potentes decernunt* *Proverb. 8.*  
*institiam.* vnde August. *rex inquit adoratur in terris tanquam vicarius Dei qui alio* *Aug. vet. &*  
*quoque in loco, rex (inquit) Dei habet imaginem sicut Episcopus Christi.* Accedit *no. test. q. 91.*  
quarta causa, quoniam iura legesque dare, eorum potissimum dignita-  
ti conuenit, quorum imperio velis nolis parendum est. Cum ergo prin-  
cipes ac reges, ea potestate sint, vt siue iusta præcipiant, siue imperent  
iniusta, nulli subiectorum sit tutum recusare: dubitari non dubet, quin  
leges condere, easdemq; cum oportebit intendere, ac vicissim remitte-  
re, ad ipsos maximè pertineat.

Quo intelligitur hæc facultas ad eam potissimum scientiam doctri-  
namque referri, quæ ab Aristotele atque Platone ciuilis scientia nun-  
cupatur, cui cæteras omnes disciplinas subiectas esse tradunt, à cuius

*Ari. 1. ethic.*  
*Pla. in ciuil.*



dignitate tā procul abest, doctrina illa iudiciaria, quæ prætores instru-  
 cti populis iura dicūt, causasq; iuxta legum à regib. conditarū præscri-  
 pta dijudicant, quàm prætores à regibus, vt obiter errorem multorū re-  
 fellamus, qui putantes iudiciariam facultatem, à ciuili non differre, le-  
 gum ciuiliū cognitionem cæteris cunctis artibus, & facultatib. sum-  
 morum philosophorum iudicio prælatā esse falso contendūt. cum hæc  
 in foro duntaxat iudiciorumq; angustijs contineatur, ciuilis illa in fo-  
 ro, in castris, in senatu, in scholis philosophorū, ad summam in nulla  
 non parte reip. versetur, vt enim est facultas quædā domū & rem fami-  
 liarem gubernandi, quæ Græco vocabulo dicitur œconomica, quædam  
 belli gerendi, quæ res militaris, item rectè dicendi, quæ oratoria, sic a-  
 lia reip. administrandæ ac ciuitates optimis institutis, ac legibus in pa-  
 ce & in bello conseruandi, quæ cæteris omnibus facultatib. præest, atq;  
 legibus ipsis dominatur, regia facultas, eademq; ciuilis nuncupata. cu-  
 ius quasi ancillam & ministram esse iudiciariam illam, cui hæc custodi-  
 endarum legū à se latarum curam delegauerit, Plato testatur. Quod si  
 regum atq; principum tantā esse ferendarum, atq; moderandarum le-  
 gum potestatem non solū homines esse voluerūt, sed Deus etiā, qui per  
 Apostolū Paulū subditos nos esse iubet magistratib. & dicto audientes:  
 ac per Petrum regi parēre tanquā præexcellenti, ducib. tanquā à Deo  
 missis, qua tandem potentia eum esse credi par est, cui Christus claues  
 dedit regni cælorum, & summam contulit authoritatem verbis illis;  
*quicquid solueris super terram, erit solutum & in cælis: & quicquid ligaueris, ligatum*  
*ad summā quem terris excedens Ecclesiæ suæ ac reip. Christianæ cum*  
*summa potestate præfecit, suiq; loco inter homines esse voluit.* Hanc i-  
 gitur potestatem cum in Petro Apostolorum principe datā esse cōstet,  
 summis sacerdotibus eius successoribus, nefas est dubitare, quin ponti-  
 fici maximo, quem Papam appellamus, ferendi, abrogandi, intendēdi,  
 remittendiq; leges, potestas longe maior, quàm cunctis regibus & prin-  
 cipibus à Deo tributa sit, quid est enim ligare & soluere, nisi leges con-  
 dere eademq; pro sua prudentia & arbitratu moderari, vel etiam si res  
 poscet abrogare? Aut quid aliud verba illa significant, *quicquid ligaueris*  
*super terram, nisi illud, quamcunq; legem hominibus dederis, hæc autho-*  
*ritate Dei confirmabitur, eritq; rata: quancunq; legem abrogaueris, vel*  
*ex parte remiseris, in tribunali Dei relaxabitur, quidquid demum ius-*  
*ta de causa siue in vniuersos, siue in singulos statueris, ratum erit.* Sic e-  
 nim loquuntur omnes, vt qui legi subiectus est, hunc lege teneri, lege  
 constringi, lege obligari, aut è diuerso lege solutum esse dicant: vt non  
 temerè quibusdam viris doctissimis à ligando lex dicta fuisse videat-  
 tur.

Tho. 1. 2. q.  
90 ar. 1.

Cæterum quia leges non vno genere continentur, sed quædam est  
 naturæ, quædam ciuilis, diuina alia, alia pontificia: cuiusmodi harum  
 quæque



quæq; sit, & quatenus in quoq; genere pontificia potestas progrediatur, deinceps disseremus, ut cū de matrimonij legib. ac ipsarū dispensatione, cui<sup>9</sup> rei gratia totā hāc suscepim<sup>9</sup> disputationē, priuatim agetur, expeditior nobis sit ratio de singulis disceptandi. *Est igitur lex naturæ* (ut Cicero prudētissime definiuit) *quam non opinio, sed innata vis inseruit.* porro cū ea vis partim vniuerso generi animantium sit innata, partim per species quibusdā infusa, efficitur, ut lex siue ius naturæ (nihil enim refert vtro modo nominetur) bipartitum esse statuatur, quasdam enim leges hominibus natura tribuit, quæ nobis sunt cū cæteris animantibus communes: ut propulsionem iniuriarum, filiorum & procreationem & educationem, quod genus definiens iureconsultus, *Ius*, inquit, *naturale est, quod natura omnia animalia docuit* alias peculiare, quæ idcirco sunt cæteris animantibus incognitæ, quoniam eas nō sensus nobis, sed ratio potius duce sociæque natura ingenerauit, huius exempla sunt, seruare pacta, legatos non pulsare, religionem colere, patriam & parentes piè venerari, quibus legibus constat ius gentium appellatum, quod inde nomen inuenit, quoniam ipso gentes omnes vtantur, quæ modo non sint tā barbaræ & efferatæ, ut humanitatem prorsus exuisse videantur. A quo velut fonte singularum rectè institutarum ciuitatum seu regnorum iura, quæ ciuilia nuncupantur emanarunt. Est enim ius ciuile, quod singulæ ciuitates moribus ac legibus à iure naturali atq; gentium aliquid addendo vel detrahendo deductis sibi constituunt, quoniam lex, quæ neque naturæ consentanea sit, neque rationi, fatua est, aut tyrannica, breuiter, indigna quæ nomine legis appelletur.

Ius porro diuinum id potissimum intelligimus, quod præceptis sacrarum scripturarum continetur. Sed quoniam Deus idem est naturæ moderator & opifex, idem diuinarum scripturarum author, sit, ut diuinæ lex ius quoque naturæ à nonnullis appelletur. præter quā, quod interdum congruit, ut aliquid sit natura iustum, quod Dei quoque præcepto sanciat, quod quanquam vere, nec incommodè dici possit, nos tamen magis receptam, & inueteratam doctissimorum hominum loquendi sentiendiq; cōsuetudinē sequentes, in hac quæstione differenda quæritur inen mox expositum obseruabimus. Ius pontificium est, quod pontificum rescriptis, conciliorum sanctorumq; patrum decretis à iure diuino & naturali derivatum, in ijs potissimum reb. versatur, quæ Sacramenta, cærimonias, reliquumque Dei cultum ac religionem attingunt. Sed iuris genera & varietatem explicuimus, iam in singulis quantum possit pontificia maiestas consideremus.

In qua disputatione vnū quasi fundamentū iustissimū ac certissimū, & ijs quæ natura duce ac religione authore, simulque sapientissimorum

2. li. de inuentione.

l. i. ff. de iure nat. gentium.

Isidor. lib. 5. eth. & habetur d. i. ca. 2.



rum virorum auctoritate suprà constitutum, consentaneum, iaciendū est. In ijs omnibus non solum humanæ prudentiæ, sed etiam naturæ vel diuinis legibus moderationi pontificiæ locum esse, quarum rectitudo ob hominum humanorumque actuum inæquabilitatem, inconstantiam, ac temporum vicissitudines, aut locorum discrimina huiusmodi est, ut varietas, in eam vel omnino possit, vel ex parte cadere. Nam cum rerum ab hominibus agendarum instabilis ac varia natura nullam legem de se ferri patiatur, quæ omnibus hominibus conueniat, omni loco atque tempori seruiat: necesse est in omni sapienter instituta repub. aliquem (ut supra indicauimus) esse, qui huiusmodi legibus imperet & pro nascentium rerum diuersitate, & singulorum hominum conditione sanctè atque prudenter moderetur. Quod si in alijs rebus publicis hominum sapientia fundatis, diligentissimè cautum est à legislatorib. qui hanc potestatem in omnes leges, quibus utitur respub. regibus siue summis magistratibus tribuerunt, nonne stultum esset, ne dicam nefarium & impium putare, id à Christo Deo optimo maximo, in sua rep. & Ecclesia fuisse prætermisum? aut ipsum parcius legum quasi habenas, quam cæteros legumlatores, auariiusque potestatem illam vicarijs suis reliquisse? Multo igitur aliter sese res habet, nec vllus vnquam legislator, nulla ciuitas, aut regnum, plenam cuiuspiam legum moderationem & imperium tam large, ac liberaliter, vel dedit, vel dare potuit, quàm Christus Petro Apostolorum principi, eiusque successoribus pontificibus, cum soluendi atque ligandi potestatem his dedit, & clauis regni cælorum attribuit, quod alta mente prospiciens Leo Papa:

24. q. 1. *ma. net.* *Minet ergo (inquit) privilegium Petri, ubicunque ex ipsius equitate fertur iudicium.* Hoc igitur alte, ut quidem speramus, iactò fundamento, in promptu erit ad hunc velut scopum intuentibus, omnes dubitationes ac difficultates expedire. Quæris num summi sacerdotis potestas non modo legibus humana prudentia conditis dominetur, sed ad leges etiam naturæ serpat, & eas quæ diuino iure continentur. Primum dico, quas leges neque natura, neque diuina sapientia, sed hominum voluntas ob aliquas commoditates prudenter sanxerit, has pontificem posse pro suo arbitratu ex non ita magna causa, ac forsitan sola voluntate relaxare. aut si res poscet, abolita (ut in talibus fieri potest) rectitudinis causa, prorsus abrogare. deinde quod ad naturæ, diuinæque leges attinet, nolo quicquam temerè adieuerare: fieri enim potest ut fallar, homo cæteris nec oculatior, nec ingeniosior: tamen si vera sunt, quæ suprà differuimus (ut esse omnino videntur) equidem non intelligo, cur de omnibus, quarum est eadem ratio, non sit eodem modo statuendum: putandumque nullam esse omnino legem, qua de rebus homini agendis, quidquam non communissimo seu primo principio lanciatur, siue ea naturæ sit, siue iuris diuini: de cæteris enim nihil, ut video, dubitatur, quin ca-



quin cadat aliquo modo in summi pontificis potestatem. Sed occurrer aliquis vim scilicet rerum ignorans, ambitiosave more hominum naturæ, Deoq; patrociniū parans exclamet, quam tu nobis immensam, & incredibilem pontificis potestatem narras? An est homo quisquā cui liceat, quod vix Deo immortalī datum est, ut naturæ vim afferat eius legibus inuertendis: vel si liceat, fas etiam sit omnium parentis sagacissimæ iussis ac præceptis obmurmurare? Aut quis furor est, quæ tam impia temeritas, mortalem hominem, hoc vel sibi arrogare, vel alteri tribuere, ut maiorem diuinæ sapientia in ferendis legibus perspicacitatē habere possit? Quasi verò nos, cum licere aliquid pontifici in leges naturales, aut diuinas asserimus, bellum indicamus naturæ, aut cū gigantib. ut est in fabulis, contra superos conspiremus, quod tantum abest à nostris institutis, ut ita demum leges iustissimas, & ad salutem hominum religionisq; maiestatem accommodatissimas fore profiteamur, si eis vel condendis, vel temperandis, ut cæteri principes, sic pontifex, integram naturam velut ducem optimam sequatur, & magistrā solertissimā, diuināq; leges intueatur, credendum est enim Augustino, qui negat in temporali lege quidquam esse iustum, quod non ex æterna homines sibi deriuauerint. Sed quoniam (ut primum dignitati naturæ satisfaciamus) interdum efficitur, ut quidam corruptis moribus prauisq; opinionibus obruentes naturæ lumen, & quid ipsa ferat, non recta ratione, sed sua libidine metientes, legibus eius abutantur, ac suis deinde scelerib. falsam summæ honestatis speciem prætendant: pōtificiæ potestatis, regiæq; facultatis est, ad stultorum iudicia praua corrigenda, coercendāque improborum malitiā, si quid tale acciderit, vel accidere posse suspicio sit, huiusmodi naturæ leges, non abrogare, aut inuertere (hoc enim furor esset experiri, vel saltem fieri posse putare) sed prudētī quāpiam interpretatione temperando aliquid in eas, pro sua prudētia publicè vel in singulorum causis constituere, hoc tamen non fuerit repugnare naturæ, sed ipsam potius à cæcarum mentium stultitia, aut versutarum calumnijs vindicare. Nam (ut fiat quod dicimus exemplo manifestius) quæ lex potest esse magis naturalis, quàm ut vi vis allata propulsetur, cū ipsa natura mutas etiam animantes quasdam cornibus, alias vnguibus, non nullas dentibus ad hoc munus armauerit? Sed quoniam pleriq; cum possent per leuiorem repugnantiam vim se impetentium depellere, tamen vel errantes opinione, vel vltionis libidini, seu forsitan odio inueterato indulgentes, ad magnas iniurias processere, qui facti rei patrociniū ab hac lege naturali petebant: prudens legislator, ut malitiæ istorum occurreret, temperandam legem prudenti interpretatione pro sua potestate putauit, ac adiecit, modo id fiat cum moderate inculpatæ tutelæ: quod si huiusmodi additamento sic perfici posset lex naturalis, ut æquè omnibus semper conueniret, multo profecto

*Li. 1. de libero arbi.*



minus negotij esset in legibus temperandis. Sed ecce alia non minores difficultates existunt: nam si licuit haud dubiè fugatale periculum evitare, alia nimirum causa fuerit fortissimi & bello inclyti militis, si quis eum fuerit adortus, alia hominis ignavi & à bellica laude abhorrentis: interfecto enim aggressore longe secus de Thersite, quàm de Aiace fuerit iudicandum non in foro tantum, sed etiam in scholis theologorum. Ille namque sine iactura sui nominis fugere poterat, huic vel pedè referre turpissimū esset, ac mortis instar, quod exēplū in vna lege positum per plurimas potest facillimè transferri. Tāta est enim rerum humanarum varietas, vt verissime dictum sit, plura esse negotia, quàm non modo leges, sed etiam vocabula. Si ergo legem naturæ temperare iuriconsulto, aut ei cuius autoritate ipse leges ferebat, licuit cunctis hominibus approbantibus: quanto magis permissum esse debet pontifici, qui omnibus principibus, ac regibus dignitate autoritateque præstat?

Age verò ne temerè & indoctè blandiri naturæ videamur, num eius vim, eiusq; constantiam tantam esse putamus, vt nulla re cursus eius impediri possit, aut aliorum, ac semel intenderit deflecti: nunquam demum eadem peccare valeat, vt ipsius leges semper ratas, firmas, constantes, atq; sempiternæ rectitudinis esse credamus? At cum sit maxime naturale, vt ex homine homo, ex equo generetur equus: interdum tamen videmus, ex ipsis monstra quædam nasci à figura humana & equi forma procul abhorrentia, & cum ex tritico triticum, ordeum ex ordeo procreari natura velit: multis tamen in locis, hoc in auenā, illud in typhā degenerare notatur, quæ merito à philosophis naturæ peccata nuncupantur: qui naturale non id duntaxat intelligi volunt, quod semper sit perpetua quadam constantia (hoc enim citra Deū & cælestes substantias non ita multis naturis est datum), sed quod efficitur magna ex parte, quod vsque adeo verum est in in ijs quæ natura dicuntur esse iusta, vt ob hoc ipsum quidam veterum philosophorū, nihil esse natura iustum putauerint, quoniam ex ijs, quæ talia esse dicuntur, nihil viderent, quod non aliquādo iniustum esse reperiretur. Quorum sententiam Aristoteles rerum sagacissimus interpretes ita refellit, vt naturā iustum id esse doceat, non quod semper, sed quod vbiq; sua sponte, non autem opinione hominum eandem habet vim, magnaq; ex parte iustū est: quod item aperta ratione declaratur. Reddere namque depositum natura iustum esse constat, tamen incidunt tempora, cum id facere contra officium maxime sit, vt si quis deposito gladio exire de potestate coeperit, depositumque repetat, iniuste profecto agat, qui arma furēti ministraverit: & pari ratione, qui thesaurum apud se depositum reddiderit paranti eo ad patriam oppugnandā abuti. quia tamen id efficere maxime ex parte iustum est, & hominibus vbiq; gentium insitū

non



non lege voluntaria sancitum, idcirco depositum reddere, ut est, sic esse dicitur natura iustum. Cum igitur quarundam legum naturalium ea conditio sit, ut non omnibus temporibus hominibusque conueniant, nihil mirum est, si eis quoque, cum talia tempora incidunt, potestas pontificia dominetur. non ut agat in diuersum contrariam legem statuendo, aut illarum quampiam abrogando (hoc enim esset naturam, quod fieri non potest, inuertere) sed ut temporibus, qualia diximus, incidentibus quem oportuerit à lege naturæ publica, interpretatione, quam dispensationem vocamus excipiat. Ac ut mirari desinas, naturæ leges, quæ versatiles hominum mores attingunt, posse lima humanæ prudentiæ aliquatenus expoliri ac temperari. verte animum ad eas artes, quæ græcè à machinis, quas aduersus naturæ conatus adhibent, mechanicæ nuncupantur, & multis in rebus inuenies id, quod longe mirabilius est, naturam ingenio artibusque hominum superari. quæ natura cum sæpe, ut te *In mechanicis* statur Aristoteles, contra quam nobis est opus efficiat, arte tamen cogitur nostris commodis inferuire *ca.*

Sed intelligere oportet, id quod est à viris prudētissimis animaduersum, ut sunt in mathematis pronunciata quædam à græcis axiomata, hoc est communes rataque sententiæ nuncupata, quale illud: quæ sunt eidem æqualia, ea inter se quoque æqualia sunt. & item: si ab æqualibus æqualia demas, quæ supersunt, sunt æqualia: sic esse in rebus agendis quasdam naturæ certissimas notissimasque leges, quæ nullā neque dubitationem neque correctionem admittant. cuiusmodi est illa, omne bonum est petendum, omne malum fugiendum: & quæ ad hanc proximè accedit, virtus colenda est, vitium contrà repudiandum. Utque axiomata principia reliquorum illius generis theorematum, hoc est præceptorum, sic leges huiusmodi quasi fontes & capita esse, vnde cæteræ naturæ leges deriuantur. Sed interest, quòd in mathematis ut principia, sic cætera quæ ab ipsis emanarunt, sempiterna sunt & necessaria, leges naturæ non omnes habent eam firmitatē. Illud tamē est persimile, quòd utrobique principia certissima sunt & perspicua, & ob eam rem ponenda in ratiocinationibus, non etiam confirmanda, cætera verò minus habent vel perspicuitatis, vel etiam certitudinis & constantiæ, quo fit, ut in has secundas naturæ leges aliquid pontificibus, quemadmodum exposuimus liceat, primas quæ ne mutari quidem possunt vlllo modo, attingere nefas esse putetur. Sed de lege naturali satis, iam ad diuinam transeamus.

Diuinum ius esse diximus, quod legibus ac præceptis sacrarum scripturarum authore Deo continetur, quod licet verissimum sit (nam ut leges Solonis, leges Lycurgi dicuntur, quas hic Lacedæmonijs, ille dedit Atheniensibus, sic leges diuinæ, quæ à Deo latæ sunt: & unaquæque nomen à suo latore mutuatur) tamen non omnes diuinæ leges vno genere



nere continentur, quædam enim sunt, quæ licet non fuissent sacris literis traditæ, ab ipsa tamen natura dictarentur hominibus: aliæ quas ex his mortalium quoque prudentia deduxisset ad reipublicæque salutem excogitasset, homo enim natura civilis est, atque hominum communio, quæ ciuitas appellatur, non tam voluntate, quam necessitate naturæ cōstitit. Necessitate enim homines, cum rebus plurimis indigeant, quas singuli sibi præstare nequeant, in locū unū cōueniunt, ut mutuis operis atque officijs adiuti res ad vitam degendam & necessarias & commodas habeant, ut apes ad fauum conficiendum, & communi opera communem cibū, qui singulis nulla ratione contingeret, comparandum. Quoniam igitur in tanta morum corruptela post peccatum primorum hominū, nisi leges adsint vindices malorum, ciuitatem labefactari necesse sit, quæ tanquam equus habenis, nauis clauo, sic ipsa legibus gubernatur, idcirco hominum solertia, ad eam conseruandam iustas æquasque leges inquirentes, plenæque inuenerunt, quæ in sacra scriptura traditæ sunt, ut de furtis, de homicidijs, de adulterijs, de falsis testibus, de periurijs: nam hæc omnia crimina iure quoque civili Romanorum vindicantur. quo itidem omnes ferè leges de ritu nuptiarum continentur, quæ iure diuino fuerant sancitæ. Hæ autem & supradictæ leges, quæ primum civile temporariumque bonum, deinde æternam beatitudinem intuentur, partim naturales, partim civiles, aut pōtificiæ vocari potius debet, quam diuinæ. Sed aliæ leges atque doctrinæ in libris sacris habentur, quæ non ad hominum inter ipsos societatem tuendam datæ sunt, sed ad humanas mentes religione imbuendas, & æternæ veritatis occultam lucem hominibus detegendam, oraculisque reuelandam: cuiusmodi sunt, quæ mysteria fidei, atque Sacramentorum virtutum attingunt, quæ leges præceptæque idcirco iustius propriusque cæteris diuinæ nuncupantur, quia non modo ad Deum authorem referuntur, sed etiam sola Dei sapientia & oraculis peruestigari & tradi poterant, & protinus æternum diuinumque bonum spectant. Quæris igitur quatenus leges diuinæ moderationem pontificis siue dispensationem admittant? Rursus ad illam quasi formulam, quam supra exposuimus respondeo, quatenus cuiusque rectitudo loco, tempore, aut personis, aliæque ratione mutari potest. Cuiusmodi esse videntur omnes quæ res hominibus agendas attingunt: siue ad caerimonias, siue ad iudicia, siue ad mores hominum pertineant. Paucis quibusdam exceptis, ex earum genere, quæ in iure naturæ velut axiomata diximus esse, quæ licet versentur in rebus agendis, sunt tamen à singulis in tam latam vniuersitatem abstracta, ut nihil accidere posse videatur quod ipsarum honestatem variet. Itaque præter eas, quibus de fide & Sacramentorum virtute, rebusque diuinis aliquid sancitur, quæ res nullo modo in hominum inter ipsos actiones cadunt, paucae admodum leges sunt in scriptura sacra, quæ vicarij Christi dispensatione non admissuræ videantur.



Sic enim accepimus à maioribus, quod pontifex maximus iustis ex causis prudenterque decernit, id non hominem, sed Deum potius definire. quas rationes, ut credibile est, secuti viri sapientissimi, & summæ in iure pontificio interpretando, authoritatis, Innocentius papa quartus, Henricus cardinalis Hostiensis, Vincentius. lo. Andreas, & Ancharranus, negarunt extra fidei articulos ullas esse leges diuinas, in quas pontificis (cuius idem ac Dei tribunal esse tradunt) dispensatio cadere non possit. in quorum sententiam manibus, ut aiunt, & pedibus iuit Nicolaus abbas Panhormitanus author ingenti & doctrina & grauitate. Sed ut cæteri, qui multi sunt in hac sententia, taceantur, non est tacendus vir memoria nostra doctissimus, & cognitione iuris pontificij clarus Philippus Decius, qui cum iudicio suo incorruptus, non ad alterius voluntatem commentaretur, sic scripsit quodam in loco: Tu (inquit) adde, quod Papa in omnibus dispensare potest præterquam in articulis fidei. Nec spernenda est iure ciuili consultorum authoritas, doctissimorum videlicet, & Christianorum: qui ut à Principe ius diuinum abrogari posse negant, sic distinguunt, limitari, restringi quæ, in aliquo casu valere aiunt. Nam quod quidam addendum putant, nisi immineat peccatum lege diuina mortale, hoc ita intelligere oportet, nisi causa tam levis sit, ut id facere & permittere sit peccatum mortale. hoc est enim, quod ex iure cōsultis iuniorum doctissimus Bartholus tradidit. Nam quando causa (inquit) legis peccatum excludit, valet etiam contra ius diuinum dispositio, secus autem minime. nam si aliter additamentum accipias, quomodo contra legem Dei fieri aut permitri quidquam possit, in quo non immineat peccatum mortale? cum id ipsum protinus sit peccatū mortale, aliquid cōtra legē diuinā facere. Nō erit igitur dispensatio in legib. Dei, sed ne naturæ quidē, nisi cū res ipsa æquitasque docet id facere, quanquā sit contra legis scriptum, nō tamen esse contra mentem legislatoris cū autē legislatorem dico, nō modo principem, qui eam tulerit, sed Deum etiam aut naturam intelligi volo. qui legislator quoniam quod factū iustum æquumque sit, hoc semper fieri voluit, sed de omnibus & singulis quæ in eo genere accidere possent, non potuit simplici lege cauere, idcirco hac deficiente, satius est per dispensationē contra, quam secundum ipsam, licet sit naturalis, agere. qua de re Thomas Aquinas in hunc maxime modum edisserit: Quoniam actiones humanas pro temporum ac personarum rerumque aliarum rationibus variare necesse est, ideo præcepta secunda, quæ sunt velut conclusiones primarum naturæ legum, ita procedunt, non ut semper, sed ut magna ex parte efficaciam obtineant, nam talis est (inquit) tota materia moralis. quare ubi ipsarum efficaciam deficit, licite possunt præteriri. Sed hæc cum prudentissime & sanctissime eisdem propemodum verbis differuisset, quæ nostræ sententiæ punctis omnibus suffragantur, tamen quasi metuens ne, si paulo ipse largior in dispensationibus visus esset, licentiæ, qua cum

Iano. de i re  
iu. c. quanto  
Host. c.

quanto.  
de transfl.  
pr. el.

Vincē. e pro  
posuit d. con-  
cus. pr. el.

Abbas ibidē  
Io. ancha. cō.

374.

Super c. que  
in ecclesiis  
de constitu-  
tionibus.

Leg. v. cō. si  
contra. ius.

Leg. omnes  
populi. ff. de  
iure iurand.

Tho. 4. sent.  
d. 33. ar. 4.  
Vide eūdem  
12. q. 97. ar.  
6.



non mediocri animarum periculo interdum quidam abutuntur, auctoritatem facere videretur adiecit: *Sed quia non est facile huiusmodi varietates definire, idcirco Deo auctoritatem naturæ, ex cuius auctoritate efficaciam habent reservantur, ut legem præteriri permittat, in illis casibus, ad quos legis efficacia se non extendere debet: & talis licentia, dispensatio nuncupatur.*

Quam sententiam haud equidem aliter (pace magistri dixerim) probari posse crediderim, quam si tunc Deum dispensare velit intelligi, cum per rectam rationem piorum mentibus, eorum præsertim qui religioni Christianæ præfunt, iudicium sit ab æterna lege, quæ mutari nequit, proficiscens, sic tunc fieri commodius esse quam pro legis naturæ præscripto, cuius rectitudo, ut tolli prorsus nulla ratione potest, sic temporibus incidentibus nonnunquam interpellatur. quod rectum iudicium, aut fallor, aut non longe abhorret ab ea, quam ipse internam inspirationem appellat, & olim iustis hominibus pro dispensatione fuisse tradit, ut multis viris sine crimine iungerentur. Nam licet raro fiat, ut singulæ naturæ leges deficient, in omnibus tamen ob ipsarum multitudinem defectus frequenter accidunt. quibus interuenientibus, si semper essent oracula diuina consulenda, nonne Christianos necesse esset inextricabilibus sæpe difficultatibus implicari, cum nobis non datum sit, quod olim Moysi amico Dei, veras audiendo reddendoque voces ipsum sciscitari legum igitur siue naturalium, siue diuinarum defectus & moderamina solius Dei iudicio & potestati reservari verissime dicas, si quod Christi vicarij iudicio & auctoritate decernitur, id iudice authoreque Deo intelligas definiri. quam sententiam iam pridem sanctorum patrum & ecclesiæ testimonio probatam esse declarat, id quod Innocentius tertius ecclesiæ Andeg. rescripsit, qui præfatus Deum suo tantum iudicio coniugij ut carnalis, item spiritalis dissolutionem reservasse, non humana inquit, sed potius diuina potestate coniugium spiritale dissolvitur, cum per translationem, depositionem, aut cessionem auctoritate Romani pontificis, quem constat esse vicarium Iesu Christi, episcopus ab ecclesia remouetur. Sed alio in loco idem pontifex in eandem sententiam episcopo Maguntino hæc verba rescripsit: *Potestatem transferendi pontificis i- ta sibi retinuit dominus & magister, quod soli beato Petro vicario suo, & per ipsum successoribus suis speciali privilegio tribuit, & concessit, sicut testatur antiquitas, cui decreta patrum sanxerunt reuerentiam exhibendam. Non enim homo, sed Deus separat, quos Romanus pontifex, qui non puri hominis, sed veri Dei vicem gerit in terris ecclesiarum necessitate vel utilitate pensata, non humana, sed diuina potius auctoritate dissolvit.*

Si res igitur quæ venerit in controuersiam talis sit, ut eam legislator si adsit permissurus fuisse sapienti pontifici videatur. hanc neque facere permissu pontificis, nec ipsum dispensatione permittere peccatum erit. neuter enim faciet contra legem æternam, hoc est contra rectam rationem. est enim lex æterna, ut testatur Augustinus, ratio diuina vel voluntas Dei ordinem naturalem conseruari iubens, perturbari vetas. quæ nõ scripto

*De transf. epi  
scop. inter  
corporalia.*

*Eodem tit.  
ca. quanto.*

*Aug. de lib.  
arbitrio.*



scripto, sed diuina sapientia continetur: quam ab eo potius violari, qui cum res poscit, non dispensat, docet scholium quoddam; siue glossa vocari debet, cuius verba subieci: *Patet (inquit) dispensationem quandoque esse de bitam, & quod episcopus peccat si non dispensat, ubi est euidentis ratio dispensandi, ha- ctenus glossa. nam cum res secus atque diximus habet, & facere, & di- spensando permittere crimen est, nec dispensatio consistit. Nam ut te- statur scholium alterum: non est tutus apud Deum, is cum quo papa dispensat, nisi subsit causa dispensandi.* his igitur quos supra memorauimus authoribus ni- hil est, quod ex iure pontificio consultis aliorum præterea, qui plurimi consentiunt, testimonium requiramus. Cum quibus theologi quâquam verbis nonnulli dissentiant, re tamen ferè omnes consentiunt: qui ubi ventum est in eam disputationem, num in præcepta decalogi, quæ con- stat Dei simul & naturæ leges esse, dispensatio cadere possit, duplicem faciunt dispensationem: vnam qua lex prorsus abrogatur, in quo dispe- sationis nomine abutuntur: alteram, quæ legem interpretatione mode- ratur. & cum priori locum esse negent in præceptis secundæ tabulæ, po- steriorem non excludunt. quod nihil est aliud quàm in legibus illis di- spensationem, quæ propriè intelligitur admittere, abrogationem repu- diare. antiquatio enim siue mutatio legis, abrogatio eiusdem est, non di- spensatio, quæ dispensatio nihil aliud est, quam temporum, locorum personarumque ratione habita, cum necessitas vel utilitas pro rei con- ditione poscit legis duritiem sic interpretatione mollire, ut aliquis tunc ea lege non teneri, cū authoritate declaretur. Sed ut ad sapientū virorū authoritatem, ac testimonia, momenta quoque rationum accedant, que- ro ab istis diuinarum legum patronis ambiciosi, si in leges diuinas di- spensatio cadere non potest, quomodo licuit David cum suis comitibus propositionis panibus famem depellere contra legem Dei Achimelech pontifice dispensante, & factum Christo tam longe post in euangelio comprobante? cur ab optimis pontificibus in sponsis votis est tam sæpe dispensatum? *Illa enim vobis & reddite & vota tua noli tardare,* utrum in Scæ- uolæ aut Seruij Sulpitij responsis habentur, an in sacrarum scripturarum oraculis? Age verò quid turpius sponte sua, aut magis contra Dei præ- ceptum, quàm foenerari? crimen philolophis ut naturæ aduersum, ma- gno consensu damnatum, & sacræ scripturæ multis locis interdictum: at cum pignoris fructus in sortem non computare, sit haud dubie peccatū foenerantis, tamen Innocentius tertius sic legem interpretatione molli- uit, ut ea non tenere, si cui pro dotali pecunia fundus pignori datus es- set, decreto publico declarauerit.

Transeamus ad ipsa decalogi præcepta, si præceptum de iurisiurandi obseruatione remitti nullo pacto potest, quomodo pontificum decretis toties legimus esse relaxatum? si lex quæ furta vetat, non patitur di- spensationem, cur in summa necessitate impune furari licet? aut quo- modo

*Glo. in c. dño  
sancto di. l.*

*Glo. in cano  
est deuoto.*

*3 sen di. 37.*

*1 reg. 21.*

*Marci. 2.*

*Vide tit. de  
voto.*

*Psal. 75.*

*Eccle. 5.*

*Ari. 1. polli.*

*Ca. salubri*

*ter de usuris*

*Vide tit. de  
iureiu.*



Exod. cap. 3.

modo Dens Iudæis excedentibus Aegypto furari non permisit solum, sed etiam est adhortatus? si patres absque exceptione pie colendi sunt,

Luce. 19.

eisque parendum præcepto Dei, cur ipse dixit, *si quis venit ad me & non odit patrem suum & matrem, non potest meus esse discipulus* ac ne singula persequar, si præceptum homicidij dispensatione temperari non potest, cur Christia-  
nis licet cum hostibus legitimis pugnare? cur de facinorosis poenas ca-  
pitis sumere? quod Deus præcepit Mosi, *ne patiari* (inquit) *maleficos vivere.*

Exo. 22.

Cur Sasoni permisit Deus, ut se tēpli ruina cū tot hominib. inuolueret? sed isti de votis minus solliciti, in illis aiunt nō sine iusta causa dispen-  
sari, vel eadem in meliora cōmutari, cū videlicet secus fieri honestius, ac  
commodi⁹ esse videtur: in præceptis decalogi, quæ simul naturæ simul  
diuinæ leges sunt, haud satis illi quidem fortassis acute, sed quoquo mo-  
do possunt, tergiuersantur. & præcepta (inquiunt) decalogi non simpliciter indi-  
spensabilia sunt, utar enim ipsorum verbis, sed ad mentem præcipientis accepta. Nam  
qui iura i vetat, volebat præceptum suum in summa necessitate (quæ alioquin res facit  
communes) observari neque cum ab impotentibus debitoribus aliter debita exigere non pos-  
sunt, nam id factum ne debet quidem furtum appellari, præsertim cum fiat non inuito rerū  
omnium domino. Et pari ratione Deus (inquiunt) cum prohibuit homicidium, non iusto-  
rum hostium, aut flagitiosorum hominum necesse vetare volebat: idcirco enim Samsoni per-  
misit, ut improbos homines occideret. Nam quod ei licuerit sibi mortem consciscere, non  
defuit causa, quidem (ut credi par est) iusta, sed nobis non explorata. Atque eodem modo  
parentes coli iussos esse respondent, sed nisi filios à vera religione atque Dei cultu conen-  
sur seducere cuius orationis summa (si verum quærimus) nō alia est, quàm  
ea præcepta semper esse observanda, nisi cum accidit, ut id quod præ-  
cipitur, contrā fieri necessitas cogat, aut magna commoditas adhortetur,  
id nimirum quod in votorum quoque dispensationibus observatur.Responsio ad  
superiora,  
quomodo di-  
spensatio fiat  
in Decalogo.At isto quidem modo nulla lex naturæ consentanea dispensationem pa-  
ti queat, ne illa quidem quæ reddere iubet depositum, de qua supra dixi-  
mus. Mens enim præcipientis, hoc est ratio naturalis, quæ legem illam  
mentibus hominum impressit, semper voluit observari, præterquam cū  
ipsum reddere constet in magna repetentis aut etiam reip. iacturam re-  
cidere, aut quiddam huic simile accidat, ac eodem modo licet de cate-  
ris statuere.Istorum igitur ratio quanquam sit (ut est) verissima, tamen tantum a-  
best, ut omnia præcepta decalogi vendicet à dispensatione, ut maxime  
confirmet, eorum quædam dispensationibus esse opportuna. quoniam  
hoc ipsum est genus quoddam, & quidem maxime omnium necessarium  
dispensandi, quæ fuerit mens præcipientis seu legislatoris in causis con-  
tingentibus cum autoritate, ut sæpe diximus, declarare. neq; enim cu-  
iusvis est legem interpretari, sed cuius est condere, aut cui data sit ab il-  
lo plena legum moderandarum potestas. nam qui præcepta secundæ ta-  
bulæ ab interpretatione quoq; vendicare conantur, tanquam satis fue-  
rint



runt ab ipso legislatore declarata, hi mihi videntur in quo legibus huiusmodi fauere maxime cupiunt, in hoc maxime easdem oppugnare. æquitatem tollentes legum omnium velut animam & moderatricem. quod eis accidit, dum parum animaduenterent præcepta secundæ tabulæ in hominum societate mutuisque officiis & contrariis rebus versari: aut obliti essent versatilem rerum agendarum inæquabilemque naturam, nullam cuiusvis generis constantem stabilemque normam admittere.

Simile namque videtur esse, à Deo vel natura legem aliquam de rebus hominibus inter ipsos agendis sempiternæ rectitudinis poscere: atque ab artifice solertissimo, vt securim adamantinæ duritiæ ex plumbo aut auro conficiat postulare. Nam vt hic securim absoluta forma (quod positum est in ipsius artificio) fabricare potest, quæ scindenda durior materia non retundatur, non potest (hoc enim ne Deus ipse qui dem præstare valeat salua illorum metallorum natura) sic Deus atque natura dabit quidem de rebus agendis rectissimas leges, & quoad licet per materiam stabilissimas, sed vt cunctis temporibus causisque nunquam interpellata rectitudine seruiant, non patitur rerum agendarum varietas & inconstantia.

Sed urgent isti argumento nõ tam recto, quàm specioso, quod in hunc *Argumentum* modum concludunt: *quod ex antecedente necessario in bona & necessaria argumen-* quo probare *tatione colligitur, id quoque necessarium est: decalogi autem præcepta sunt huiusmodi, volunt, cum* deducuntur enim ex illis principiis ratisque sententiis, quæ in rebus agendis fallere non decalogo nõ possunt sunt igitur necessarie, & sempiternæ rectitudinis. ex illa enim rata sententia, o- deberi dispe- *mnne malum est fugiendum, concluditur oportere homicidia vitare in hunc modum: omne* sari. *malum est fugiendum, homicidium autem malum est, fugiendum igitur.* argumentatio *est necessaria, propositio illa, malum est fugiendum, quæ antecedit, est principium indubi-* tatum, & perinde necessarium, lex igitur quæ vetat homicidia, necessaria est, hoc est sem- *piternæ rectitudinis, ac proinde non magis interpretationem dispensationemque admittens* quàm illud vnde ipsa deducitur axioma: & pari ratione de adulteriis, & furtis, *periuriis, cæterisque id genus edisserunt, cuius argumentationis pro-* gressus quam vim habeat, est etiam atque etiam considerandum. tam fu- *catus est enim specie quadam veritatis, vt nullos egregie doctos viros* fefellerit. Et primum nolo procax aut litigiosus esse videri, poteram e- *nim dicere id quod quidam verissimum esse putauerunt, nullum esse* tam ratum, tamque perpetuæ rectitudinis axioma in rebus agendis, quod *propter harum incertitudinem ac varietatem ex parte non deficiat ali-* quando, nã quæ lex natura potest in hoc genere magis esse rata, quàm *hæc ipsa quæ in argumentatione posita est, omne malum est fugiendum?* at incidunt tempora, cum in eas angustias coniecti sumus, vt leuius ali- *quod malum grauius vitantes, iustissima ratione sequamur: quod facere* & ratio cogit, & magni philosophi cõsuerunt. nisi fortè putamus, quod *Ari eth. 2.*



leuius est malum, id protinus malum non esse. At malum (inquis) leuius in tantis angustijs boni rationem habet. at istud patrocinium tam infirmum est, vt causam prodere videatur. hoc est enim quod nostra oratio efficere conatur, quod natura malum est, id temporibus effici tale. vt tanquam bonum eligatur. sed non est opus litibus. dabo tibi legem illam, per quam ratam esse, & sempiternæ veritatis, ac rectitudinis: non tamen protinus quod petis assequeris. argumentatio (inquis) recta est, ac necessaria. hoc ego non ibo inficias, antecedens autem propositio, omne malum est fugiendum, certissima est & sempiternæ veritatis: hoc quoque tibi largimur. quid igitur obstat, quominus res tota confecta sit? nihil profecto, si hac sola propositione constaret antecedens. nunc illa quoque pars est antecedentis, homicidium est malum, quæ neque tam certa est, nec tam necessaria, quam prior: quippe cuius rectitudo cum magna ex parte adsit, quandoque tamen desideratur. & illa certissima est dialecticorum regula, ex antecedente, quod vna propositione necessaria, altera contingente consistit, in argumentatione etiam necessaria, contingens concludi, non necessarium. vt in rebus naturalibus ex causis necessaria & contingente, qui affectus existit, causam infirmiore æmulatur. Nam hominem occidere quandoque non esse malum, docent non modo leges ciuiles, quibus capitalia crimina iustissime vindicantur, sed etiam historia sacra, qua constat iussu Dei populos esse armis Iudæorum ad internecionem occisos.

Quid (vt cætera præteream, quorum est eadem ratio) in præcepto de cultu & pietate in parentes, negabimusne posse dubitationes existere, quæ nequeant absque interpretatione præcepti huius explicari? qualis illa esset, agatne contra præceptum filius, qui patris rempublicam prodere molientis flagitium cum certo periculo capitis eius indicauerit, si summo patriæ discrimini nulla alia ratione possit occurrere. nam si salus reipublicæ patris etiam vitæ præferenda est lege naturæ, quæ bonum publicum cuiunque priuato bono iubet præuerti: qui tali tempore patrem deferit, vt reipublicæ subueniat, is faciet profecto contra scriptum præcepti huius, fortassis tamen legem æternam rectamque rationem non violabit. quod verum esse non potest, si nullam id patiatur interpretationem, quæ dispensatio à theologis nuncupatur, quorum alioqui complures, & in primis vir accerrimo ingenio Scotus, negant, præcepta secundæ tabulæ leges esse naturæ, quæ propriè intelligantur: cadit igitur in ea dispensatio. sed vrgent etiam nunc speciosius: vt lex aliqua feratur, quæ non omnibus personis & temporibus conueniat, non potest nisi legislatoris vel imprudentia vel malitia contingere, has autem dicere in Deum & naturam cadere nefas est. nulla est igitur lex naturalis, & diuina, quæ exceptionem



ptionem, ac proinde dispensationem patiatur. hoc argumentum in eo fallit, quod pro vero sumit id quod est haud dubie falsum, accidere non posse, nisi culpa legislatoris, ne lex cunctis personis & temporibus seruiat. nam licet interdum culpa legislatoris fiat, ut in lege iniquitas aliqua notetur, complures tamen leges sunt, & iustissimæ & summa legislatoris sapientia conditæ, quarum rectitudo interdum desideratur, ob rerum, in quibus versatur conditionem variam & inconstantem. quo in loco Aristoteles est magister adhibendus, cuius verba ex quinto Ethicorum libro non grauabor apponere, sunt enim ad hanc questionem accommodatissima.

Nam cum lex (inquit) omnis vniuersalis sit, tamen fieri non potest, ut de quibusdam recte in vniuersum statuatur. quibus igitur in rebus in vniuersum statuere necesse est, nec fieri potest, ut recte sic statuatur. in iis quod plerumque fit, lege cauetur, peccatum non ignorate, & nihilo secius recta est. nam peccatum nec in lege est, nec in legislatore, sed in ipsa rei natura: protinus enim talis est rerum agendarum materia. quæ cum summus philosophus dixisset, ac diuinitus disseruisset, ne quid in hac questione dubitationis relinqueret, quomodo & quando dispensatio fieri debeat edocens, ait: Cum igitur lex vniuersaliter loquitur in rebus agendis, & aliquid in eis accidit præter vniuersale tunc recte fit, si qua parte legislator vniuersaliter loquendo defecit, defectus emendetur quod ipse quoque legislator dicat, si adsit: & si sciat, lege constituat. Atque hæc (inquit) est boni & æqui natura, emendatio nimirum legis, qua parte deficit ob vniuersale. potuitne summus philosophus dispensationis tempora, rectitudinem, necessitatem, & ipsam quasi naturam apertius explicare? Dispensatio enim nihil aliud est, quam boni & æqui cum autoritate declaratio. quod bonum & æquum necessarium esse tradit, ad temperandas leges etiam naturæ quæ in rebus agendis versantur, ob earum incertitudinem. Itaque decreto, inquit, est opus (hoc est dispensatione, sic enim necesse est interpretari) quoniam indefinita rei indefinita est. quæ Christus non (ut arbitror) ignorans, nec immemor, complures esse leges hominibus à se de rebus agendis, hoc est incertis & indefinitis datas: quæ nisi prudentia cuiuspiam, qui præsto sit temperentur, necesse fuerit ecclesiam suam sæpe difficultates inextricabiles incurrere, summum sacerdotem in terris loco sui cum summa ligandi & absoluendi potestate reliquit: qui rei publicæ Christianæ eiusque legibus præfesset, ac de rebus singulis extra ordinem incidentibus præsens pro bonitate & æquitate, quod in tanta rerum huiusmodi varietate iustius, hominibusque commodius censeret, etiam præter legem decerneret, quod in legibus dispensare dicimus. leges namque etiam diuinas commodis salutis hominum seruire debere, non hæc esse propter leges deferenda, Christus haud dubie author est in euangelio, ubi sabbatum factum (hoc est legem de observatione sabbati datam esse) propter hominem, non hominem propter sabbatum clara voce profitetur.

Dispensatio  
quid.

Marc. 2.



quo in loco David consilium, qui cum suis necessitate famis adhortante propositionis panes solis sacerdotibus in cibum lege diuina permisos, dispensante pontifice comedit, tantū abest, vt dānaret, vt tanquam recta ratione initum in discipulorum suorum excusationē allegauerit.

*Ad hæc (inquis) interpretatio legum est, quam à præceptis secundæ tabulæ pleriq; theologi & in his Scotus non excludunt, nos autem de dispensationibus disputamus: leges porro interpretari prudentiæ atq; doctrinæ sapientium virorum munus est, non pontificiæ maiestatis officium. scio quod supra testatus sum nonnullos esse theologos qui cum re dispensationem naturalium diuinarumque legum admittant, verbis excludant, & inuidiam verbi fugientes in eas interpretationem cadere posse dicant, dispensationem negent: quasi vero dispensare quiddam aliud sit, quam legem prudenti interpretatione pro nascentium rerum necessitate commoditateq; in vnius pluriumve causa mollire & relaxare. quæ interpretatio quanquam interdum scripto legis aliquatenus aduersetur, tamen quoniam hoc iustius esse commodiusque recta ratio & res ipsa docet, legem huic non obstare decreto quodam declaratur: quod siue interpretationem seu legis exceptionē, aut priuilegium, siue indulgentiam principis appelles, haud equidem admodum repugnabo; modo constet id esse quam summis theologis Thomas Scotoq; authoribus dispensationem nuncupamus. neq; enim ea vis dispensationis, vt quæ mala per se sunt, hoc est natura iniusta, hæc ipsa bona efficiat, atque iusta. hoc enim in legitimis duntaxat iustis vsu venit, sed vt declaret cum authoritate, sic fieri tunc iustius esse, quam vt scripto legis naturalis est præceptum. ad quod munus obeundum quamquam viros bonos ac sapientes pontifex adhibere & debeat & soleat. ipsorum tamen officij est. quod rectum esse videatur consulere, pontificis decernere, & decreto authoritatem suam interponere, cum ob eas causas, quas supra communes ipsi cum cæteris principibus memorauimus, tum quia cum locum Dei teneat in terris, & pro Christo rempub. Christianam moderetur, fas est credere sæpe consilia iudiciaque eius, quam cæterorum hominum ac principum, proprius & efficacius Dei sapientia gubernari: cuius rei magnum habemus in euangelio & præclarum documentum, quo pontifex Caiphas homo neque probus, nec bonis artibus (Iosepho authore) sacerdotium indeptus prophetasse traditur à Ioanne, qui hoc (vt Augustinus ait) diuino sacramento propterea quod pontifex, id est summus sacerdos esset attribuens adiecit, hoc autem à semetipso non dixit, sed cum esset pōtifex anni illius, prophetauit. quem locum exponens Chrysostomus, vide (inquit) quanta sit pontificiæ potestatis virtus: pontifex enim effectus, quanquam indignus esset, prophetauit: tamen nesciens quid diceret.*

*Itaque optima ratione viri sanctitate & doctrina clari scriptum reliquerunt, maiorem fidem adhibendam esse vni pontifici aliquid in ecclesia*

Tho. 1.2. q1

97. ar. 4.

Scot. 4. sent.

di. 33. q. 1.

Io. 11.

Tho. quodlibet

10. ar. 13.

De præcepto

et dispensatio.



clesia decernenti, aut interpretanti, quàm multis simul sapientibus. à quo enim potius (vt Bernardus ait) diuina consilia requiruntur, quàm ab illo cui credita est dispensatio mysteriorum Dei: ipsum proinde, quem pro Deo habemus, tanquam Deum, in ijs quæ aperte non sunt contra Deum audire debemus.

At huic sententiæ nonnulla quoque decreta sanctorum patrum videtur aduersari. In primis illud Vrbanipapæ: Nam vbi aperte (inquit) do-  
minus vel eius apostoli, & eos sequentes sancti patres sententialiter aliquid definierunt, ibi non nouam legem Rom. pont. dare potest. & item illud Zosimi papæ: Contra statu-  
ta (inquit) patrū condere aliquid vel mutare, ne huius quidem sedis potest authoritas. 25. q. 1. sunt  
ne singula decreta referamus, si quæ in eandem sententiam reperiuntur quidam.  
quid igitur ad talia decreta, ad horum sententias quid respōdebimus? 25. q. 1. cōtra  
Illud nimirum quod in promptu est, si decreta hæc simpliciter accipi-  
antur, non solum à diuinis omnibus legibus, sed à pontificijs etiam, pa-  
pæ dispensationem excludent. quomodo igitur intelligenda sint hæc,  
& his similia, apposita his summæ authoritatis scholia seu glossæ vo-  
cari debent, exponunt, quorum summa est, ea dicta esse de ijs quæ perti-  
nent ad fidem intelligenda. Nam Papam non modo contra apostolum  
dispensare, vt Martinum cum bigamo, sed etiam contra ipsius Christi  
præceptum, vt in iuramento Vrbanum cum quibusdam militibus, ac in  
voto Innocentium tertium cum clericis quibusdam, & item in euange-  
lio dispensare interpretando ipsum, vt Alexandrum in numero testiū.  
itaque verbum illud non potest, glossa interpretatur de facto, id est sine  
iusta causa: vt dubium non sit, illud quoq; Innocentij tertij negantis in  
in gradibus consanguinitatis diuina lege prohibitis dispensare posse,  
eodem modo esse accipiendum: nam & ipse sic est locutus, non potest  
nec solet, quasi exponens verbum potest. si enim simpliciter non potest  
quid oportuit addere non solet? ergo non potest sine iusta videlicet  
causa, sine qua in huiusmodi rebus dispensare non solet. Ac ne quis mi-  
retur, illud non potest, dictum esse pro eo, non facile potest, nec sine ma-  
gna & periusta causa, nolo hic Aristotelem citare, qui non fieri posse ea  
quoque interdum dici tradit, quæ fieri quidem possunt, non tamen re-  
cte. Sed qui glossematis, quæ modo citauimus parum habet fidei, legat  
Hieronymi epistolam ad Eustochium, in qua sic scriptum est: Audacter  
dicam: cum omnia possit Deus, suscitare virginem non potest post ruinam: valet quidem  
liberare de pœna, sed non valet coronare corruptam: quo in loco, qui illud non valet  
simpliciter accipit, aut Hieronymum falsum facit, aut diuinam minuit  
potestatem. licet enim corruptis coronam virginum ne post pœniten-  
tiam quidem tribuat Deus, quid tamen obstat, quominus si velit tribue-  
re præter ipsarum merita possit? Quamobrem aliud glossema, non va-  
lere, id est non congruere potentia eius interpretatur. In supradictis  
ergo locis, & si quibus in alijs Papa in rerum agendarum legibus dispē-

di. 24.

1. q. 6. iura-  
tos.

De vot. &amp;

vo. rede. non

est &amp; de in-

ceps de tes.

licet.

De restitu-

tione spolia-

torum. c. li-

teras.

Meta. l. 5.

32. q. 5. si

Paulus.



*vide petr.  
de pal. l. 3.  
d. 40  
Io de Turr.  
in summa de  
eccl. c. 107*

fare posse negatur, intelligendum est, nisi necessitas aut maxima commoditas adhortetur: talis deniq; subest causa, ut sic fieri, quam ex prescripto legis æquius esse recta ratio iudicaret. quod quia perquam raro accidit, raro licet in talibus legibus dispensare. siquidem pro conditione rerum & legis autoritate maior minorve causa subesse debet ad dispensandum. Quæ quanquam vera sint ac (ut spero) magnis rationibus à nobis confirmata, mihi tamen subuereri in mentem venit, ne tetricorū theologorum aliquis à nobis consilij nostri rationem paulò seuerius poscens, officium etiam requirat. quasi parum officiose agere videamur si cum grauissimi theologi hanc quæstionem sic tractauerint, ut quidā rem acutius perspicientes, suum iudicium dissimulasse, nec planè quid sentirent enunciandum duxisse videantur, ne si ad leges diuinas & naturales pontificijs dispensationibus aditum quamlibet angustum patefacerent, easdem prodere, ac licentiæ, quæ nonnunquam cum non paruo detrimento religionis usurpatur, indulgere viderentur, nos eas quoq; sacrosanctas leges pontificiæ dispensationi obnoxias esse profiteamur, sed vtina tam facile esset, eos qui paruis occasionibus inuitati diligenter errāt, ab ea culpa per veram doctrinam reuocare, quam recte potest institutum nostrum, à tali criminatione & calumnia vendicari. Nos enim leges à natura profectas à Deo quæ latas, quæ res modo attingant hominibus agendas, pontificis dispensationem admittere posse docemus, sed ita docemus, ut clara voce profiteamur, dispensationem non esse, cui non suppetat ea causa, quæ faciat recta ratione diiudicante, ut commodius æquiusq; sit tali tempore, aut tali casu sic statui, quam pro scripto publicæ legis, quæ venerit in controuersiam, dispensationem nihil aliud appellantes, quam prudentem ac religiosam & grauissimo consilio faciendam in causis extra ordinem incidentibus interpretationem. non in his tantum legibus, quæ ad sempiternas illas rataq; nature leges, de quibus suprā memorauimus, proximè accedunt (quanquam hæc quo sanctiores constantioresq; sunt, hoc rarius constantiusque sunt interpretandæ) sed in eis etiam, quæ longius ab eo velut fonte deriuatæ discessere, & sanctorum patrum conciliorumq; decretis sancitæ & confirmatæ sunt, nam quæ precibus, aut (quod longe turpius est) precio, breuiter alia ratione quam exposuimus impetrata quæsitane fit, hæc si verum quærimus quiduis potius aliud, quam dispensatio rectè nuncupabitur. nisi fortè ludere putamus Bernardum, à quo in eo libro, quem de cōsideratione ad Eugenium Papam misit, & alia præclare, & illud in primis scriptum est: *vbi necessitas vrget, excusabilis est dispensatio. vbi utilitas prouocat, dispensatio laudabilis: utilitas dico communis, non propria, nam cum nihil horum est, non planè fidelis dispensatio, sed crudelis dissipatio est. qui paulò ante dixerat præsides ut præsides ut fidelis seruus, & prudens, quem constituit Deus super familiam suam, ad quid? ut des illis escam in tempore, hoc est, ut dispenses, non ut imperes.* quæ ne quis putet



de legibus tantum naturæ vel diuinis esse dicta, Damasi Papæ decretū  
mente perpendat, cuius illa verba sunt: *Blasphemare (inquit) spiritum san-*  
*ctum non incongruè videntur, qui sacros canones non necessitate compulsi, sed libenter a-*  
*liquid, aut proterve agunt, aut loqui presumunt, aut facere volentibus sponte contentiunt.*  
*talis enim præsumptio manifeste vnum genus est blasphemiarum in spiritum sanctum.*  
*Hæc igitur scelera vitare qui volet, velle autem cum omnes Christiani, tum ij maxime de-*  
*bebunt, quibus est commissæ religionis moderatio, hic nobis authoribus nunquam argue-*  
*tur, in eam licentiam, quæ iure vituperatur deflexisse; & munus sibi iniunctum à Deo, tra-*  
*ditamq; potestatem sanctè ac religiosè moderabitur. At si quis non quod optimum factu sit*  
*querat, sed studiosè capiet occasiones errandi, cuius erit æquitalis non potius eius pernicio-*  
*sam malitiam insectari, quàm nobis succensere, si quod verum credimus, non distulā-*  
*ter explicamus? Sed quanquam ad omnem dispensationem necessitas vel*  
*utilitas desideretur, vt ipsius definitio, quam explicuimus supra decla-*  
*rat, non tamen ubique paria necessitatis commoditatisve momenta re-*  
*quiruntur: sed quo lex quæque plus habet rectitudinis & authoritatis,*  
*hoc maiorem causam in dispensatione requirit. quæ igitur leges neque*  
*natura iustæ sunt, nec instituto diuino, sed legislatoris voluntate, cuius-*  
*modi est, ne sceminæ aliquod sacellum ingrediantur, & quæ huius ge-*  
*neris sunt, has parua causa suppetente, aut etiam sola pontificis volun-*  
*tate licebit dispensando relaxare, cum possint etiam sine mediocri vel*  
*morum vel religionis discrimine penitus abrogari. leges verò diuinæ*  
*longe his maiorem causam poscunt, naturales porro his etiam vehe-*  
*mentiore, & quo propius ab illis primis principijs, de quibus supra*  
*diximus absunt, hoc etiam efficacior. omnis enim lex naturæ est e-*  
*tiam diuina, non item omnis diuina naturalis est. quæ igitur simul natu-*  
*ræ lex est, simul authoritate diuina firmata, in hac sine summa & mani-*  
*festa necessitatis aut commoditatis causa dispensatio non erit. quo e-*  
*nim pluribus maioribusque vinculis res quæq; constringitur, hoc plu-*  
*res maioresq; vires ad sui relaxationem requirit. Ac dispensatio quidē*  
*quid sit, & quam necessaria ad leges, quibus humana societas & religio*  
*conseruatur moderandas exposuimus. legum quoque genera, quæ &*  
*qualia habeantur, & quibus datum sit eas vel condere vel interpretari,*  
*aut in ipsis quoquo modo dispensare docuimus. ad hæc in legum quō-*  
*cunque genere dispensationem boni & æqui interpretationem esse de-*  
*clarauimus. quibus rebus in hunc modum constitutis constituta sunt o-*  
*mnia, in promptuque fuerit, omnes in hac quæstione difficultates*  
*expedire. redeamus igitur ad impedimenta matrimonij, &*  
*quatenus in singulis dispensationi locus sit*  
*consideremus.*



IOANNIS  
GENESII SEPTU-  
DAECORDVBENSIS,

*De ritu nuptiarum & dispensatione,  
Liber Tertius.*



PRIMUM impedimentū matrimonij vim  
& metum esse diximus, quibus libertas cō-  
sentiendi submouetur, in quo dispēlationi  
pōtificis idcirco nullus est loc⁹, quia quod  
sua natura nullū est, id consistere nullius  
hominis decreto potest. liberū autē consen-  
sum velut formam esse, atq; substantiam in  
contrahendo matrimonio, suo loco decla-  
rauimus. quæ ratio eadem est, eodemq; mo-  
do valet in secundo impedimento, quod in  
errore consistit personarum, quæ sunt quasi materia matrimonij, in qua  
qui errat, hūc nuptijs cōsensisse nemo prudēs affirmauerit. quōd si error  
in conditione fuerit, pro ingenua serua summissa vel existimata, matri-  
monij quidē nō constabit, vt indicauimus: sed quia error est extra sub-  
stantiā matrimonij, & hoc impedimentū iure pontificio dūtaxat est fan-  
citū, idcirco potestatem pontificiā non excludit. Sacri ordinis initiatio  
vt obstaret matrimonio, iure pontificio inductū est. nam sacerdotib. nō  
erat negatū in pristino connubio permanere, vt ne nūc qui dē in Græco-  
rū regionibus. Nec nunc quidquam magis obest nostris, quā in quæ ab i-  
psis in sui initiatione vtcunq; vouetur castitas. Nā votis stare lege diui-  
na iubemur, & castitas pugnat cum liberorū procreatione, quæ summa  
cōmoditas est, & tanquā finis matrimonij. Ita neq; sacerdotib. neq; mo-  
nachis, qui castitatē solēni voto sunt professi, absq; permagna causa di-  
spensare licet. qualis ea fuit, quā quisquis ille fuit Papa secutus Ramiro  
regi Aragonū quinto, de quo est in ipsorū historia, qui monasticā sancti  
Benedicti religionē fuerat professus dispensatione permisit, vt regnū  
capefferet à fratre Petro sine legitimo successore relictū, vxoremq; sa-  
cerdos etiā ad liberos in successionē regni procreandos duceret, ne re-  
gnū ambitione principū nouis imperijs studentū in magnas belli cala-  
mitates, ciuilesq; discordias incurreret. qualis itē causa fuit, vt Cælesti-  
nus tertius Constantiā Rogerij Neapolitani regis filiā à monasterio Pā-  
hormitano post solēne votū educatā, Henrico sexto imperatori matri-  
monio collocaret. nec aliter statuere oportet de impedimēto religio-  
nis diuersē. nā & hoc iure diuino vetere, nō naturali olim nitebatur, nūc  
pon-



pontificio duntaxat quæ verò impedimenta in publicæ honestatis iustitia & consanguinitate spiritali, & iis criminibus consistunt, quæ suprâ memorauimus, ea quoniam iure pontificio inducta sunt, minus causæ requirere certum est.

Complures eodem tempore vxores habere, quanquam nullo vetere diuinarum legum scripto aperte prohibeatur, sed contrâ constet ex historia sacra multis hoc viris sanctissimis quondâ fuisse permissû, nec vetetur iure naturali, quod proprie intelligitur, cum apud multas nationes id nunc passim vsurpetur: tamen quoniam lege euangelica interdictum est à Christo, idcirco in hac dispensatio non esset, quæ sine summa & vehementi causa fieret. denique quanta erat illa, propter quam Deus in magna fidelium aut omnino hominum paucitate binas, & ternas aut eo amplius vxores viris sanctis permittebat? Nam si bello, si quouë alio malo necessitas eadem, aut similis rediret, *credo* (inquit Scotus) *Deus ecclesiæ* *reuelaret, ut hoc rursus dispensando permetteret.* rem scilicet videbat vir perspicacissimus, nec huic sententiæ refragabatur, sed quoniam res illi erat, cū harum rerum auaris, parcus quidem est locutus. sed ita, ut aperte quid sentiret innueret. cuius enim prudentiæ fuerit negare, tali tempore ad permittendum id, quod in eisdem aut similibus rerum angustiis, Deum ut permisisset constat, sic permissurum esse credi oportet vicario Dei potestatem abesse, cui ligandi & soluendi plenissima potestas data est, clauelque regni cælorum concessæ. Neque enim si Innocentius tertius papa quibusdam à paganismo ad Christianam religionem conuersis cum quædam iure pontificio prohibita permisisset, complures vxores, quoniam iure diuino vetantur, non suppetente satis magna causa negauit, protin⁹ ne in vrgentissima necessitate permittere posset, potestate priuatus videri debuit.

4. Ien. di. 33.

De diuor. ca. gaudemus.

Leges diuinæ consanguineorum inter se, vel affinium inter ipsos matrimonia prohibentes, cum res agendas atque hominum societatem attingant, non prorsus illæ quidem pontificis moderationem respuere videntur, sed quoniam haud dubie iure diuino vetere cōtinentur, & sunt partim ipsi naturæ consentaneæ, sine summa causa dispensationem non paterentur, paterentur tamen fortassis, si summa necessitas postularet, qualis cum à Deo est in ipsis dispensatum. fac enim alluione maxima, qualis Noe temporibus accidit, genus humanum præter fratres & sorores pontificis periisse, negabisne tunc licere pontifici, ut matrimonium fratribus cum sororib. dispensando permetteret? ego verò haud scio an tunc vel patri cū filia, vel quod grauius est filio cū matre matrimoniū per-  
mitteri posset, si non aliter posset genus humanum reparari. At hoc malū esset, & humanæ naturæ contrarium. malum quidem, si non esset illud multo peius, & naturæ perniciosius, totam ipsam naturam humanam perire pati, inciuiliores in eo rebus etiam inanimatis : ex quibus gra-

Huius sententia fuit Martinus de magistris, in que. de incestu.

Xxx

ues, qua-



ues, quarum est propria natura descendere ad vacuum replendum, ascendere notamus, & suam obliuisci, ut communi naturæ seruiant. quod magno argumento est, bonum in rebus cunctis, quo magis pertinet ad summam Reipub. hoc longius vnius aut paucorum commoditatibus esse præferendum lege naturæ. Nam qui factum damnant filiarum Loth, quæ generis humani, quod periisse putabant, reparandi gratia patris concubitus per eius ebrietatem quæsiuerunt, hi credulitatem primum leuitatemque ipsarum accusant, quod parua regionis gente deleta, omnes homines se exceptis absumptos putauerint. deinde quia licet verum esset, quod putabant, tamen non inconsulto patre ipsoque Deo procedere debebant, quo naturæ simul & diuina lege verabatur. cæterum quis neget Loth virum sanctissimum & prudentissimum in tantis angustiis generi humano pereunti, ut cunque datur consultum, & ut liberos citra peccatum ex filiabus procrearet secum dispensaturum, id est non id contra, sed ad naturæ Dei que legem fore interpretaturum? præsertim cum Ambrosium authorem habeamus, cuius ea verba sunt in libro de patriarchis. *denique & Loth sancti filie hanc causam querendæ posteritatis habuerunt, ne genus deficeret humanum, & ideo publici muneris gratia priuatâ culpâ prætexuit.* Ita quod in hoc statu rerum vel appetere flagitiosissimum est, & contra naturam, id in tantis rerum difficultatibus honestum esset & naturale, si non propria priuataque, certe publica natura: ut grauia contra suam, sed ad communem naturam, quæ plurius est, ascendunt, ut mox diximus, nequid existat inane, quod respuit vniuersa natura.

*Hæc est s.  
Th. sent. li.  
4. senten. di.  
41. ar. 2.*

Porro si consanguinitatis impedimenta, quo minus obstant matrimonijs pontificia dispensatione remitti possunt, quanto magis huic locus erit in affinitate? quæ cum ex illa pariatur laxioribus haud dubie necessitudinis vinculis homines constringit. sed ut sunt consanguinitatis & affinitatis gradus lege olim diuina nunc pontificia matrimonium impediens, quorum alius alio maioribus viribus eidem obstitit, sic ad dispensandum alius alio maiorem causam requirit. sed primum illud constat, difficilius pari gradu in consanguinitate, quam in affinitate dispensari: ob causam statim explicatam, deinde in recta linea, quam in obliqua. & in hac quo quisque gradus ad principium propius accedit. causarum porro dispensandi, quæ maxima potest contingere, est humani generis in summa hominum paucitate reparatio; proximum locum tenet religionis in magnis eius angustiis dilatatio, tum prout quæque bonum reip. magis attingit. primi generis causa fecit, ut fratribus suas sorores ducere licuerit: secundi, ut singuli complures haberent uxores Iudaicis temporibus & ante. quæ duæ siue necessitates urgentissimæ, quoniam post Christianorum memoriam nunquam aut ipsæ aut aliæ similes contingere, ac ne vnquam contingant, faxit Deus optimus maximus, idcirco hæc in



nec in talibus consanguinitatis gradibus, nec in vxorum multitudine à pontificibus dispensatū est, sed ne dispensari quidē potuit, nulla tali tātaque causa suppetente. quo factum est, vt quidam pontificem nulla omnino ex causa in his posse dispensare falso putauerint. posset enim, si (quod abominor) in similes angustias genus humanum aut Christiani conijcerentur. hic enim non quid factum sit, fiatūe quærimus, sed omnino quid fieri possit in tam varia, tamque incōstante rerum humanarum natura, & tam plena vicarij Dei potestate. In affinitate vero, quæ non tā vehementem causam poscit, præsertim eorum, qui ex obliquo pari descensus gradu coniunguntur, dispensari potest etiam in primo gradu contra legis veteris diuinum præceptum, reip. causa poscente.

Nam cum de legibus complures vxores & consanguineorum matrimonia verantibus inter iuris pontificij consultos sit nonnulla controuerfia, de affinitatis, præsertim obliquæ, legibus magnus est omnium propemodum consensus. qui enim seuerissime pōtificiæ potestati resistunt, quorum princeps est Speculator, cum omnia colligant, in quibus pontificiæ dispensationi locum esse negent, de affinitate nullam omnino mentionem faciunt. Sed theologus (inquis) eorum potissimum rationem auctoritatemque sequeris, qui in studio iuris pontificij versantur: metui ne eorum diceres, qui argentariam faciunt. quasi verò non optime illi de sacramentis edisserant, aut de his theologus recte possit disputare, qui sanctorum patrum conciliorumque decreta ex intima quidem theologia deprōpta, sed iam à iure pontificio petenda ignorauerit. nam doctrina quæ theologia dicitur, iurisque pontificij cognitio hanc inter se societatem habent, vt non natura seiunctæ, sed vi potius per hominum negligentiam diuulsæ videantur. quanquam ego hac in parte complures theologorum fautores habeo, in primisque totam Scoti familiam, quæ huic sententiæ suffragatur. sed licet apud me non tam illorum, horumue, aut cuiusque hominis auctoritas, quam (vt par est) rationum momenta à sacris literis, ipsaque natura ducta valent, tamen cum ad hæc doctissimorum quoque virorum auctoritas accedit, liberius audeo sententiam meam explicare: in legibus ergo cuiusuis gradus affinium matrimonia prohibentibus, locum esse pontificiæ dispensationi, si modo ad sit nec leuis, nec iniusta causa, hoc minus est dubitandum, quo magis congruunt non modo virorum doctissimorum testimonia, sed etiā exempla maiorum cum naturali eademque legitima ratione supra à nobis accuratissime multisque verbis explicata: quæ si vlla in alia veteris iuris diuini lege, in hac plurimum valere debet. cum affinitas saltem obliqua, lege tantum, non etiam natura impediatur matrimonium, vt Iacob & duarum sororum, quas eodem tempore vxores habuit exemplo declarauimus.



Cap. 18.

Deut. 25.

Gen. 38.

¶ 61.

Nam quæ fuerit absque sobole vidua relicta, hanc vxorē à fratre duci demortui mariti, tantum abest vt fuerit vnquā lege diuina vetitum, vt præceptū etiā fuerit in vetere testamento, magna infamia proposita; si quis minus huic præcepto diuino paruisset, quanquā enim in Leuitico fratris vxor duci diuinis illis verbis prohiberi videatur, *turpitudinem vxoris fratris tui non reuelabis*, lex tamen in hāc sententiā est accipienda, vt viuentē fratre nuptias eius, quæ ab ipso Iudeorum more diuerterit, prohibitas esse intelligamus: vel etiā mortuo, eius ex qua liberos procreauerit. Alio enim loco quæ absq; liberis vidua fuerit relicta, duci iubetur, & hoc lege posterius scripta, ne quis forte calūnietur, præceptū hoc lege illa fuisse reuocatū, cū longe aliter sese res habeat, & lex illa hoc præcepto fuerit per exceptionē declarata. posteriorib. n. legib. priores vel abrogari solēt, vel declarari, nō edicto. hoc aut præceptū cū habeatur in Deuteronomio, posterius esse certū est, nisi forte vim græci vocabuli nescimus, & Deuteronomio significari secundā legē ignoramus. Quanquā hoc ipsum præceptū, si temporū memoriā replicare libeat, multo etiam ante datā illā legē obseruatum à pijs atq; sanctis viris fuisse reperiemus. legimus enim in sacrarū literarū monumētis mortuo Her primogenito Iudæ, præcepisse hunc Onæ filio alteri, vt Thamar, quam ille sine liberis reliquerat associaret sibi, semenq; fratri ex ea suscitaret. Vt credere fas sit, institutum hoc quod ē longissima vetustate ante legem Leuiticā repetitū, postea fuit in Deuteronomio scriptura confirmatū, nullo non tēpore ante legem euangelicā viguisse. Sed neque illum quem paulō antē exposui Leuiticæ legis intellectum maxime proprium esse, ac interpretationem conuenientissimam volo nobis fidem adhiberi quantacunque ratione asseuerantib. nisi Augustinum, cui nemo potest cum pudore (ne dicam, sine crimine) refragari, authorem habeamus, vtramq; legem his verbis, quæ ex ipsius super Leuiticum commentarijs descriptimus interpretantem: *Si fratre (inquit) mortuo intellexerimus prohibitum esse ducere fratris vxorem, occurrit illud quod excitandi seminis causa, si ille sine filiis defunctus esset, iubet scriptura esse faciendum, ac per hoc collata ista prohibitione cum illa iussione, ne adinuicē aduersetur intelligenda est exceptio: id est nō licere cuiquam defuncti fratris ducere vxorē, si defunctus posteros reliquit aut etiam illud esse prohibitum, ne liceret ducere fratris vxorem etiam si à fratre viuo per repudium recessisset. quo in loco quāquā superuacaneū fortasse videatur in re aperta testib. vti nō necessarijs, citare tamē possē synagogæ Iudeorum testimonium, quæ præceptum illud hætenus obseruat religiose, vt nuper Romæ à Iudaorū legis peritissimis perquirendo didicimus. qui hoc ipso anno in eadē vrbe, testati sunt vsu venisse, vt ipsorū quidā dimissam à fratre sine sobole vxorem duceret, quod utique ab ipsis non vsurparetur, si lex illa inter ipsos fuisset vnquam abrogata. nam qui legibus euangelicis, hanc dixerit esse sublatā, is de ceteris omni-*



omnibus matrimonij legibus idem statuatur necesse est, de quibus vel abrogandis vel confirmandis nulla omnino mentio est in nouo testamento facta. Sed quamobrem (dicit aliquis) cum ceteræ matrimonij leges hoc quoque tempore suam habeant vim, præceptum de vxore fratris, qui liberis orbus decesserit, ducenda Christianis non obseruatur? Ad hoc theologi alij aliter respondent. Scotus enim, vir acerrimo ingenio & idem doctissimus, eiusque familia videntes has leges neque naturales esse, nec vnquam (vt prædiximus) à Christo aut Apostolis aperte confirmatas, eas nunc Ecclesiæ decreto vim habere, iureque pontificio inniti asserunt, eoque referunt omnes leges consanguineorum affinium matrimonia prohibentes, præterquam consanguineorum descendentiū duntaxat vel ascendentium in linea: quippe qui iure nature matrimonio coniungi nequeunt. Thomas autem non doctrina solum, sed etiam sanctitate vir clarus, quod pertinet ad præceptum de viduam à fratre sine sobole dimissam ducendo respondens ait: *Tunc* (inquit) *illud requirebatur, cum per carnis propagationem cultus religionis multiplicabatur, quod nunc locū non habet.* quæ sententia si vera est, Dei que præceptum idcirco est seruari desitum, quoniam ipsius potissima ratio iam pridem abest: si qua nunc magna causa incidat, vt id ab aliquo seruari, melius commodiusque sit, quam secus, quis furor est per Deum immortalem, id permissum esse negare Dei vicario dispensante. nam si Scotum eiusque familiares audiamus, res est in expedito, quoniā quæ leges iure pontificio nituntur, in his pontificis dispensationi locum esse non est controuersia. Ad hæc accedit iure pontificio consultorum sententia supra nobis explicata, quorum quidam, qui nimis alioqui parè de pontificia potestate iudicant, vt eam inquit vxorem quis ducat, quam eius frater absque sobole dimiserit, pontifex dispensare potest: nam tale matrimonium permissum erat iure diuino, sed quid opus est, iuris interpretum testimonia colligere, cum id ipso iure pontificio & fieri posse & factum esse apertissime doceamur? in quo pro lege receptum est Innocentij 3. decretum, qui Lioueniensibus quibusdam, vt quas vxores sine liberis à mortuis fratribus dimissas pagani duxerant, eas facti Christiani retinerent dispensatione permisit, ne tamen deinceps tales nuptiæ fierent, interdixit, quo intelligitur hoc, quod iure diuino licebat olim temporis causa, Christianis temporibus vetitum esse, præterquam pontifice iusta ex causa dispensante. Quo magis est consilium eorum improbandum, qui nuper in hæc differere cœperunt, vt Henrico Britannorum regi optimo & religiosissimo, scrupulum inijcerent, ne contra religionem facere videretur, si Catharinam reginam pudicitia rarum, ac omnis virtutis exemplum, quā à fratre arcturo dimissam duxit, retineret. quāquam ille moriens non modo sine liberis ipsam, sed etiam inuiolatam reliquisset. quod regina semper est professa, & rex ipse Henricus qui

4. sen. d. 40  
& 41.

4. sen. d. 41.  
ar. 2.

Antonius Ro  
sellus in lib.  
de potestate  
Pape & im  
peratoris.

De diuor. ca.  
ultimo.



*De diuor. ca.  
ultimo.*

verum non potest ignorare, vt audio, non inficiatur. isti enim contendunt & iactant, non fuisse pontificiæ potestatis in illis nuptijs dispensare. quasi verò quod Innocentio licuit, tota Ecclesia cõprobante, id fuerit. Iulio põtificij negatũ, vtriq; iusta causa, & huic forsitan maiore suppetente. Ille nanq; vt Liuonienfũ quidam, pauci videlicet (vt est probabile, rara est enim talium nuptiarũ occasio) iidemq; obscuri homines, in Christianismo, ad quẽ conuersi fuerant, hac indulgentia confirmarentur, legem ad id temporis relaxauit, quo Christiana religio lögè lateq; diffusa erat: hic autem, vt inter reges maximos & præpotentes beneuolentia confirmaretur, repetito affinitatis vinculo, quod vel sublatũ omninò, vel certe nimis erat remissum, nullis liberis ex priore affinitate quæ sitis qui pignora essent communia firmioris necessitudinis, vtq; tolleretur causæ, quæ inter ipsorum Christiana regna mari terraq; aliquãdo magna bella concitarant. Quid igitur obfuit huc disputationi, quod si affuisset, merito erat approbandũ in his licet citra controuersiam dispensare, quæ nõ sunt iure diuino, neq; naturali sancita, hic neutrum istorum obest. facilius in affinitatis, quã in consanguinitatis impedimẽto dispensatur: horum affinitas est, non consanguinitas. In causa principum clarorumq; virorum, quam si priuati sint aut obscuri: hi reges sunt magnorum regnorum, & regum filij, quiq; genus suum à regibus & imperatoribus, serie non interpellata longissimè repetunt. Iustæ causæ subesse debent & ad reip. bonum pertinentes: quæ iustior esse potest, aut magis è rep. quam principum Christianorum concordia, & pax inter magna regna: si enim vt consanguineorum, sic affinium matrimonia, beneuolentiæ inter homines conciliandæ ac dilatandæ gratia (quemadmodum testatur Augustinus) legibus prohibentur, qua iustius quã amicitiæ & necessitudinis causa præter leges rep. poscente dispensando permitti possunt, cum vtroq; modo eadem commoditas contingat?

*De ciuit. Dei  
lib. 15. c. 16.*

*Hic. 2. li. cõ-  
tra Pelagi.  
Aug. vet. cõ-  
no. test. q. 44*

Quòd si quis pertinaciter contendat legem fuisse diuinã, quæ in causa regia fuerit relaxata (quod tamẽ perperã dici suprã docuimus) haud equidem ponam in magno discrimine, modo constet id, quod est haud dubiè verum, non item esse naturalem. leges enim diuinas, quæ non etiam iure naturali nituntur, ceremoniales esse vel iudiciales, easdemq; à Christo per sacerdotij mutationẽ antiquatas abrogatasq; esse, cõsensus est theologorũ, ac iure pontificio peritorũ cõmunis, Hieronymo Augustinoq; authoribus, quo in genere leges omnes affinium, præsertim ex obliquo, matrimonia vetates haberi certum est. nec eis alio iure Christianos, quam pontificio constringi, vt dubitari nõ debeat, quin eas, qui relaxat, is Ecclesiæ decretum remittat, non legem diuinam, vel naturæ. quod si verũ est in cæteris, quanto in ea lege magis ita esse putari debet, quæ prohibet à fratre sine lobole relictam ducere? cuius nõ modo nulla mentio facta est in Euangelio, sed oppositum in veteri iuebatur. nã  
si non



si non tantū absq; sobole sit relicta, sed etiam incorrupta, iam hic quis neget, non tam affinitatem, quā publicæ honestatis iustitiam iure dūtaxat pontificio inductam obesse videri? Qui eā igitur legitimam atque iustissimam, & nulla non parte probandam dispensationem infirmare, ac labefactare quærunt, hi si verum fateri licet, quid aliud dicēdi sunt, quā Christianis principibus concordiam, ipsi regi summam etiam gloriam inuidere, quam sibi nuper pepererat suscepta, & prudētissimē defensa publica religionis causa aduersus hæreticorum impietatē. Neque enim ignoramus, quas isti machinas admouerint, quod tempus obseruauerint, ad animum optimi & clarissimi regis oppugnandum: cui hoc vnum obijci posse videtur, quod istorum dōlis ac perniciosis conatibus non satis pro maiestate regia, cæteraq; sua prudētia restiterit. qui si religionem ac pietatē, & non potius malitiam publicē Christianorū quieti perniciosam sequebantur, cur inter initia nemo ipforum acclamauit? cur tot annos passi sunt, mutua charitate, summa concordia religiosissimos coniuges permanere? & liberos ad regni successiōē & spē posteritatis quærere? An inter ignobiles obscurasq; personas res acta illa est? aut ignorare quisquam potuit, Catharinam reginam clarissimorum Hispaniæ regum Fernandi ac Isabellæ filiam, quam rex Britanno-rum Henricus duceret, nuptam fuisse earundem gentium regi Arcturo, qui sine liberis decessisset? præsertim cum eam causam, siquid habuit ambiguitatis frequentissimo doctissimorum virorum theologiæ iuris-que pontificij cognitione præstantium conuentu Romę iussu pontificis agitaram, & accuratissime disputatam fuisse necesse sit. quibus consul-toribus, vt in cæteris vel mediocribus causis, si quid modo dubitetur, facere solet, sic in hac regia causa pontifex maximus auctorē spiritus Sancto dispensauit. qui vbicunq; homines duo vel tres, nedum complures in nomine eius cōgregantur, præsto adest. Sed cur isti monita sua tā diu distulerint, modo quærebam: nunc illud mihi responderi velim, *Matth. 18.* cur tempus obseruauerint, cum subortis quibusdam simultatum causis, regis animus in principes reginæ consanguineos esset exacerbatus. Ego igitur neminē damno, difficile est enim hominem mortalem de occultis hominū consilijs iudicare: si quid tamen cōiectura valet, ista magna sunt argumenta animorū, quos non ea cura sollicitat, ne quid contra religionem Christianam vel fiat, vel factū inualescat, sed quā aliud nimirum agant, longē aliud moliantur: cuius si facti fuerint coimpotes, vix audeo dicere, quas turbas, quos tumultus inter principes Christianos sint concitaturi, quæ femina odij sempiterni inter magnos Christianorū populos sparsuri. Ego verò, vt huic quæstioni finem aliquando faciam, cū ad hæc maxima mala, si quid nouatum fuerit impendentia, temporis diuturnitatē, quo regina in matrimonio regis bona vtriusq; fide fuit, & liberos in eo quæsitos accedere videam, quæ ratio apud sapientes *Ex le. in pro- uincia de ri- tu nuptiarū ff.*



tes principes vel plurimum valere solet, illud ausim fortiter asseuera-  
re, etiam si initio non satis magna causa fuisset pontifici, quam vel ma-  
ximam fuisse probauimus, in hac regia causa dispensandi, nunc sum-  
mam esse non solum ad matrimonium confirmandum, sed etiam poenis  
Ecclesiasticis, quæ maxime proponi solent, interdicens, nequis am-  
plius huius causæ agitatione, aut hac quæstione differenda publicam  
Christianorum pacem sollicitaret.

IOANNIS  
GENESII SEPVLVE  
DAE CORDVBENSIS.

*De fato & libero arbitrio,*

*Libri tres.*

AD REVERENDISSIMUM ET IL-  
lustrissimum Principem Ioannem Toletum  
Episcopum Cordubensem.

LIBER PRIMVS.



VANQVAM plena est mortalium vita pluri-  
marum rerum ignorantia, ipsaq; philosophia  
complures habet quæstiones nondum satis ex-  
plicatas, nullam tamen esse puto, quæ tum vete-  
rum, tum recentiorum ingenia æquè torserit,  
& tam miserabiliter exercuerit, ac quæstio de  
fato, & eo, quod est in nostra potestate, quod  
græci Τὸ ἐφ' ἡμῖν, nostrorum iuniores libe-  
rum arbitrium appellant. Nam licet nullam re-  
perias aliam, quæ plus ad morum institutionem pertineat, quæve ad  
moderandam religionem sit magis necessaria, difficile tamē dictu est,  
quanta de ipsa fuerit tum doctorum, tum etiam indoctorum dissensio.  
Itaque non modo physici, qui dogmata sua rationibus à natura ductis,  
& contentienti sensu confirmant dignissimam putauerunt in qua vel  
in primis elaborarent, sed hi multo etiam magis, qui diuinas literas  
tractant, & ob eam rem theologi nuncupantur. Sed cum multæ veterum  
philosophorum controuersię diuinis oraculis & Christianę religionis  
beneficio



beneficio diremptæ fuissent, quid in quaque verissimum sit constituto, abunde doctissimorum & egregia pietate virorum consentiente decreto effectum esse videbatur, ut nemo iam magis posset de voluntate & arbitrij libertate, quàm de mundi primordio vel animorum immortalitate dubitare, nisi hoc temporis, *author omnis impietatis, & infamia nostri seculi* Martinus Lutherus extitisset, qui dum è mentibus hominum religionem Christianam omnemq; Dei cultum nititur cunctis rationibus abolere, certissimam rem & principium tum philosophorum, tum theologorum autoritate confirmatam in dubium reuocare tentaret, tanto studio & cõtentione, ut de seruo arbitrio librum, qui ipsa statim inscriptionis insolentia simul authoris temeritatem præferat, simul impiam arrogantiam, in Erasmus Roterodamum ediderit, cum hic de libero arbitrio librum docte & eleganter, ac perinde religiose conscripisset, quo Lutheranus hunc errorem, ac potius fraudem & malitiosam impietatem scienter ille quidem & peracutè, sed iusto tamen modestius, ne dicam parcius & timidius insectatur. Qui si totam causam fuisset complexus, nec bonam partem intactam reliquisset, consulisset vir eloquens & eruditus labori meo, meq; graui hoc scribendi munere liberasset. Nunc cum sententiam suam testimonio duntaxat sacrarum literarum confirmare contentus, dum satis religioni sic factum iri putaret, quid natura rerum humanaq; ratio poscat omiserit, officij esse duxi, quæstionem cuius discrimine maxima & morum & religionis momenta versantur, paulò altius repetitam, latius etiam explicare, ut Lutherano furori, qui noua monstra nullo non tempore comminiscitur, nec cessat religioni perniciosiores insidias machinari, hac in quaestione, quæ non minus philosophos, quam theologos attingit, cunctis rationibus, quantum studio & labore consequi possimus occurramus. Simul ne cum cætera eius impia & nefaria dogmata viri singulari tum doctrina, tum etiam grauitate multi singula libris editis cohibuerint, hoc quod non solum Christianæ religioni, sed omni diuino cultui, libertati hominum, cunctis legibus humanis iuxta & diuinis latenter insidiatur, campo liberiore debacchetur, si minus multorum testimonio, & scriptis refellatur. Quod opus, ut ad te Ioannes Tolete mitterem, me complures eademq; iustissima causæ compulerunt: primum quia fas est me Cordubæ yrbs alumnum tibi pontifici Cordubensi, ut cæterarum frugum, sic huius generis lucubrationum primitias libare, deinde quoniam cum tu philosophiæ ac theologiæ studio non sine tua magna laude fueris à pueritia deditus, tibi potissimum, qui hanc quaestionem sumptam ex media vtraque philosophia optimè valebis dijudicare, huiusmodi munusculum conuenire videbatur, tum quia idem in priuatarum publicarumq; rerum administratione, perinde ac in omni virtute, pietateque, & religione colenda te ita geris, ut more tuæ clarissimæ



familiæ non vi fati, sed prudentia, industria, studioque rerum honestarum, sic videlicet Deo naturaque volente res humanas recte & pulchre administrari & putes, & doceas, magnumque testimonium dicas aduersus fatalem necessitatem. Sed antequam de ijs rebus dico, quæ propriæ causæ huius esse videntur, non erit alienum, qui fons tantorum malorum, & quasi caput extiterit aperire, & de moribus & flagitiosis artibus Lutheri pauca breuiter commemorare. vt à quibus initijs profecta nefaria scelestissimi hominis molitio vires paulatim sumendo processerit, intelligatur. Quo in loco illud pro comperto dicere audeo & constanter affirmare, quod mirum cuiquam fortasse videbitur, studium eloquentiæ humaniorumque literarum Germanis hanc perniciosissimam pestem inuexisse. Quod ipsum Alberto Pio principi Carpenfi placere in primis animaduerti, cui viro, si mihi credes, neminem huius ætatis non dico principum, sed hominum, vel diuinæ & humanæ philosophiæ cognitione, vel omnis humanitatis prudentia, & vsu plurimarum rerum antepones. Quamdiu enim Germania more patrio grauioribus disciplinis intenta, rebus rerumque solidæ cognitioni, non verborum inani garrulitati, ac sermonis lenocinijs studebat, proueniebant in ea acutissimi mathematici, perspicaces philosophi, theologi grauissimi, honestissimi, religiosissimi. vt non modo vana doctrina, sed etiam optimis morib. ac exēplis ad homines instituendos, & vera religione imbuendos essent instructi. Postea verò quam his optimis disciplinis relictis ceptum est à leuiculis quibusdam hominibus Latini Græci que sermonis cognitioni, ac dicendi facultati accuratius indulgeri, prouenire malo prauoque ingenio quidam, qui maledicorum impiorumque scriptorum commercio facile omnem impietatem caninamque maledicentiam imbiberent, seque ad morum pessima quæque vitia multo etiam magis, quam ad eloquentiæ virtutes dociles exhiberent. Itaque non hominum tantum, sed etiam Dei contemptores effecti, quantulamcunque dicendi facultatem comparauerant, hac ad omnem religionem tollendam abuti cœperunt. quorum partim iactatæ voces, partim scripta sic Germaniæ iuuentuti latitans venenum infundebant, vt paulatim corruptos animos, ad scelus impietatis concipiendum commodissime preparauerint. Atque hoc quidem caput fuit, hæc origo cūctorum malorum: scelus videlicet & arrogantia impiorum quorundam, & audacissimorum hominum, quos non mediocris eloquentiæ ac eruditionis opinio Germaniæ iuuentuti cōmendarat. Hinc enim Lutherò nouarum rerum occasiones studiosè, ac cupidissime captanti, data facultas est ad omnes dolos fraudesque secundo successu connectendas. Vt merito fuerit à prudentissimis viris dubitatum, boni ne, an mali plus hominibus attulerit vis eloquentiæ. Vt enim animalium teste Aristotele perniciosissimus est homo, si iustitia vacet, propterea quòd ratione omnibus armis, si



armis, si fuerit hac virtute destituta, ad nocendum accommodatiore, solus est præditus: sic hominum eos constat, esse nocentissimos, quibus data est eloquentia, si hac in peiorem partem abutantur. Nimirum quoniam facultatum, quæ à ratione profiscuntur, hæc ad hominum animos tractandos, & quocunque libeat ut in optimam, sic in pessimam partem impellendos plurimum potest. At cum florentes Respub. maximasque ciuitates sæpè eloquentium, sed improborum hominum facundia corruisse constet, & harum rerum exempla passim, si quis memoriam temporum replicauerit, occurrant, nescio tamen, an vllum sit quod cum hac perniciæ, & Germanica calamitate comparatum non leuissimum esse videatur. Illud est igitur etiam atque etiam dolendum, Germanis eloquentiam post longum tempus in suam regionem per tam importuna atque leuia ingenia penetrasse, quibus longe optabilius, commodiusque fuisset, ingenuas artes more maiorum, rudi ac simplici sermone tractare, quàm sibi cum tanta perniciæ omnia omnium Latinorum Græcorumque ornamenta orationis peperisse. Ab his enim velut malorum fatoribus venenata semina partim scelere, partim leuitate, ac imprudentia iactata, cum ea Lutheranus animus, quasi pestilens ager excepisset, tam mortiferas herbas, tamque venenosos serpentes, quàm videmus procrearunt. Martinus enim Lutherus homo natus ad seditionem, naturaque impius & factiosus, cum videret Germanam iuuentutem sic ad impietatem imbuendam præparatam, non putauit tam præsentem occasionem sibi esse prætermittendam. Hanc vnam viam commodissimam esse ratus, qua se ex arctiore, & monastica vita, cui se initio nullo sano consilio, nulla religione ductus, sed partim leuitate, partim dum vitam sequitur otiosam & rebus fultam necessarijs addixerat, velut ex molestissima seruitute in laxiorem nequitie campum, & omnis luxurie licentiam vendicaret. si qua ratione posset per falsam religionis speciem, veram religionem euertere, & prætextu pietatis sanctissima quæque Christianorum instituta labefactare. Itaque homo versutus, & callidus, & ad dolos connectendos mirus artifex, non putauit è re fore, primo congressu ipsam velut arcem religionis inuadere. Sed ex quibusdam rebus, quæ tenuiores esse, minusque præsidij habere videntur, paulatim ad summa procedere.

Sumpta igitur occasione ex quorundam circulatorum sordibus, qui tunc forte indulgentias nuncupatas, à pontifice maximo iustissimis de causis concedi solitas, velut merces quasdam importunè venditantes, magnam in se plebis inuidiam concitarant, cepit in potestatem Papæ impudentissimè disputare, affirmans Papæ nullam esse potestatem, nullum ius in eorum animas, qui cum morte iam vitam commutassent. qua re cum indulgentiarum illarum authoritas plurimum imminuere-



tur, facile fuit concitato vulgo, & ministrorum auaritiam pertæso mendacium falsa veritatis specie prætextum probare. Tali porro artificio illius populi patientia tentata, cum res ad votum successisset, timidi esse putauit, tam foelices successus non urgere, & ad omnem Pontificis maximi auctoritatem infringendam nõ gnauiter procedere. Ergo quasi summa pontificia potestas absque summa sanctitate, perfectissimisq; moribus nullo tempore possit consistere, huc cœpit omnes loquacitatis nervos contendere, vt in maximorum pontificum & cardinalium vitam, quàm maxime posset inuidiam concitaret. Neq; enim abhorret ab artificiosa dicendi præcacitate: qua fretus sæpe bonorum aliorum hominum eorundemque doctissimorum rudiorum orationem contempsit, sæpe imperitorum mentes elusit, atque dolosis mendacijs fascinauit. Pergit igitur summi pontificis & antistitis Romanorum mores iam scommatis, & dicterijs ex intima comicorum, epigrammatariorumq; officina depromptis vellicare, modo tetricis verbis, & grauib; sententijs acrius incessere: luxum ipsorum, inuidiosas opes, habendi regnandique cupiditatem per callidum artificium exaggerans. Qua in re facile fuit homini maledico, & dicendi artibus intructo sibi audientiam facere. Non solum quia primores vulgo & tenuioribus odio esse solent, sed etiam quia fit nescio quo pacto, vt homines cum bonorum laudationes iniquis auribus accipiant, aliorum vituperijs maxime delectentur. Credo quoniam multi aliorum virtutibus laudandis sua sibi vitia exprobrari putant. qui si de vitijs commemorantes gaudent, quasi eis quos vituperas, ipsi iudicio tuo præferantur. Quam criminationem hoc suscepit audacius, quia multos applausores præsto fore sciebat ex grege illo studiosorum eloquentiæ, de quo supra mentionem feci. Eos præsertim, qui cum Romam aliquando non religionis causa, sed sacerdotiorum cupiditate confluxissent, re parum foeliciter gesta, in Germaniam remigrarant, ignauia ineptitudinisque suæ culpam ad pontificum cardinaliumque sinistros mores transferentes, iactantesque Romæ, neque honestis artibus locum esse, neque ingenuis disciplinis, quos non pudet apertissimo mendacio sui sibi que similium exemplo fidem facere tentare. Vbi enim virtutis omnis, atque doctrinæ plenior mercedem maioraque præmia, quàm Romæ licet sperare? Vti quotidie probitas, atque egregia doctrina plures, quàm in reliquo terrarum orbe, ex infimo gradu ad magna fastigia rerum extollit? Neque enim si Romæ fortunæ temeritate & diuersis artibus magis, quàm virtutum meritis quidam interdum efferuntur, protinus frigere virtus, & suis præmijs fraudari censenda est: cui maior ibi, certiorque merces prope semper parata fuit. Caterum Roma doctrinam egregiam recto iudicio metitur, non vana quorundam persuasionem, qui cū paulò ultra primas literas processere, sibi (sed solis plerumque)



runque) magnopere placent, ac doctissimi esse videntur, & in magnis viris numerandi. cum ipsis vel doctiorum ignota turba nullus prope modum in vrbe vicus non scateat. Adde quod doctrina per se quamlibet excellens, nullis aliarum virtutum adminiculis fulta, infirma res est, nec digna vllis sæculis magno aliquo honore existimata. In quibusdā enim partim prauis moribus, partim imprudentia, & ineptitudine, tam funditus obruitur, vt lumen eius nusquam appareat. Isti tamē cum se digna patiantur, pontificum, & cardinalium iniquitatem, & non suam (vt par esset) ignauiam, & turpitudinem accusant. Nam qui ad non vulgarem eruditionem prudentiam, & mores humaniores, atque vitæ honestatem adiunxerint, hos si non cunctos, certe multos Romana liberalitas sine nationum discrimine complectitur, fouet, & exornat. In illorum igitur hominum importunitate cum magnum sibi præsidium paratū esse Martinus intelligeret, criminationem vrgebat confidentius. Quam causam cum homo scilicet innocentissimus, & ab omni suspitione criminis alienus cum magno vulgi ac imperitorum assensu, & istorum applausu perorasset, parū negotij sibi superesse putauit ad potestatem auctoritatemque Papæ funditus euertendam. quæ sublata, ius pontificium, & ab ipso profectas leges sanctissimaque instituta corruere intelligebat. quibus dissolutis necesse esset, non solum vincula relaxari, quibus monachorum cuiusque ordinis, vota atque vitæ institutiones astringuntur, quod ipse primum petebat, sed omnium Christianorum mentes in magnis multisque religionis erroribus versari. Quod si opera ipsius accidisset, in tanta rerum perturbatione sibi ad maiora molienda neque auctoritatem, neque occasiones defuturum.

Quo in loco nollem quisquam sic orationem meam interpretetur, quasi studiose nitatur istius reprehensionibus, si quæ à vero non prorsus abhorrent obistere, vt à quopiam per talem indulgentiam, maiorem aliquam gratiam incamius. Quid enim magis ab institutis meis abhorret, quam vt vitiorū pati ocinatio cuiuspiam gratiam turpiter captare sustineam? Non sum tam paruo, tamque deiecto animo, per me verò qui Romanæ ecclesiæ (vt fas est) maiestatem semper sum religiose veneratus, non modo conuiuentem, sed etiam approbantem. satyras quamlibet longas conficiat, & prauos sacerdotum Romanorum mores infectetur licebit. Quis enim me vel liberior, vel libentius solet hoc munus usurpare? Sed illud maledici est, & aliud quam peccatorum correctionem moliētis, quorundam criminibus vitam omnium condemnare. Multos enim habet, semperque habuit ecclesia Romana Cardinales Pontificesq; Maximi. religiosissimos, sapientissimos, ac omnis virtutis colentissimos, quos enumerare longum esset: ac præsentibus nominatim referre, partim inuidiosum, partim nomine captatæ gratiæ suspectum. Sunt & alij probabiles quidem, nec ab officijs cultuque virtutum auersi, sed qui rerum



humanarum cupiditatibus minus interdum reluctantur. Quorum mediocritatem si Martinus Lutherus, vir summus, ferre non potest, reddat nobis aurea sæcula, quæ (si poetis credimus) innocentissimos mortales, ad summam usque senectam, ac ipsam mortem perducebat, nullis huiusmodi cupiditatibus sollicitatos, aut aliud genus hominum è lapidibus instar Deucalionis exsuscitet, qui talibus affectibus non tangerentur. Nunc enim ea tempora successerunt, ut præclare iam pridem cum hominibus actum esse videatur, qui parvis criminibus vrgeantur.

Nam cum ex hominibus Pontifices Maximi atque Cardinales cooptentur, hominum mores prius emendare debet, qui paratus est in his perfectissimos mores postulare. Nisi forte velit (ut est apud Matthæum) vel de spinis uvas, vel ficus de tribulis colligere. Quæ ne tacitus meam constantiam requiras, à me non idcirco dicuntur, ut dissolutorum, si qui sint, turpitudine oratione mea subleuetur. Tales enim sanctissimo illo collegio indignissimos esse dico, nec verbis solum castigandos, verum acrius etiam puniendos. Sed ut desinat Martinus aliquando omnes Romanos sacerdotes ad veterem disciplinam, quæ multum iam pridem ex mortalium mentibus aboleuit, atque Petri sanctitatem innocentiamque tam imperioso supercilio tamque seuerè reuocare. Quod quam optimum esset, cunctisque votis expetendum, boni tamen consulendum est, si in tanta hominum peruersitate sacerdotes quosdam probos sanctosque, nonnullos nec impios nec ab honestate, & virtutibus abhorrentes habeamus. Sed Martinus Lutherus, vir scilicet integerrimus, sanctissimus, & ab omni etiam suspitione criminis alienus, sacerdotem, qui non sit omnibus virtutum numeris absolutus, ferre non potest, morositate planè Rosciana. Roscium enim pantomimum dicere solitum accepimus, nunquam se discipulum, quem quidem probaret inuenisse, non quod non essent quidam probabiles, sed quoniam si quid modo vitij esset, ferre ipse non posset. Quamquam prohi Dei atque hominum fidem, quæ est ista tam insignis impudentia, & peruersa hominis inconstantia, ut qui tam morosus est in Romanorum moribus castigandis, ut ne mediocritatem quidem ferat, & minimis quibusque labibus offendatur, idem perditorum hominum commercio maxime delectetur, & horum consuetudine gaudeat? Quis enim Martino familiaris est, quis dogmata eius amplectitur, fouet, voce ac stylo dilatat, præter homines dissolutos, factiosos, & scelerum conscientia profligatos? Ut enim quondam Catilina patriæ tyrannidem affectante, scelerati omnes, & qui republica, legibusque stantibus salutis suæ diffidebant, ad illius amicitiam cupidissime conuolabant, & ad Mahumetem peccandi licentia homines allicientem cuncti eius ætatis hæretici, cuncti ecclesiæ catholicæ hostes, cuncti luxuriosi & dissoluti confugebant.



bant, sic nunc quo quisque salua ecclesia catholica, & præsenti rerum statu, vel poenam criminum effugere, vel suarum libidinū cupiditatumque compos fieri minus sperat, hoc cupidius iurat in verba fraudesque Lutheranas, eiusque partibus non præsentia solum, & applausu, sed oratione, & scriptis opitulatur. De ijs enim loquor qui in studio literarum versati, sibi & vulgo imperitorum aliquid esse videntur & ea opinione intumescunt indignatique (vt dixi) quod vltro à pontificibus ad magna sacerdotia non vocentur inanem garrulitatem, quam solam studijs compararunt, arrogantissime in ecclesiae contumeliam effutiunt, seque in Lutheranis non è grege quosdam, sed antesignanos, signiferosque, & esse & haberi percipiunt, sperantes si coniunctio Lutherana processerit, magnum aliquid se in noua & præclara republica futuros. Quorum principatum affectasse constat Vlricum Huttenum audacia furem hominem, & alendis factionibus accommodatissimum: qui cum cæteris flagitijs homicidium ad thermas Viterbien. addidisset, Italicis finibus excedere, ac in Germaniam confugere coactus quasi non scelerum suorum poenam euitans, sed mores sacerdotum Romanorum pertæsus aufugisset, ad partes Martini Lutheri, cum primum licuit aduolauit, à quo lumina cum lætitia exceptus, (neque enim turbulentissimi hominis ingenium Martinus ignorabat) & cepti facinoris curam habere iussus, se tam gnaviter ac strenue gerebat, vt nemo vehementius in Pontifices Maximos, & Cardinales inueheretur, nemo in ecclesiam Romanam furiosius debaccharetur, nemo Lutheranas partes tueretur pertinacius. Prorsus vt quorundam inconstantiam scripto etiam laceffuerit, quod à Lutheranis dogmatis, quibus antefauisse viderentur, desciuisent.

Quod si Martinus in omnes pariter sacerdotes præfulesque Hispanos, Gallos, Germanos, atque Italos inueheretur, qui omnes sunt propemodum in eadem causa, cunctorumque communiter vitam acrius etiam & vehementius, quam pro merito laceraret, concedendum esset hominis indignationi, qui turpitudinis, ac peccatorum odio paulò liberius indulgisse videri posset. Nunc cum Romanorum duntaxat moribus offendatur, hos ferre nequeat, hos minime ferendos appellitet, quid capter, quid moliatur, cui rei tendat insidias, ne patitur quidē nos dubitare. Non odit prauos mores Lutherus, qui ipse mortalium omnium est flagitiosissimus, non ducitur religione, quæ sanctissime iuratur, non magis Deum esse credere, aut non aliter, quam Diagoram vel Epicurū, quæ debeat extimescere, ne vindex adsit aliquando, tanti sui sceleris ac impietatis, sed opibus, auctoritati, imperioque potentiorum inuidet. His vt par fiat, vel superior, si fieri possit, elaborat, hoc agit, hoc machinatur. Quomodo duntaxat via ingredi sibi posse videtur, si auctoritas ecclesiae Ro-



manæ suis fraudibus fuerit abrogata. Ad quod facinus perficiendum, cū omnium in florentissima quaque repub. turbulentorum ciuium artes, ac insidias, ex veterum monumentis conquisisset, & multis sæpe seruitia spe libertatis, atque prædæ concitata magno fuisse vsui ad seditiones cōcitandas reperisset, vtilissimum videlicet exemplum, quatenus licuit imitatus, vt illi seruos, sic ipse plebem, operasque Germaniæ coepit specie religionis ad libertatē vocare, aduersus antistites, & principes: quorum opes, conatibus suis, & quam moliebatur tyrannidi, obesse posse intelligebat, atque eos in primis asserere, quibus, monachorum religio, cui se aliquando consecrassent grauis esset atque molesta, sanctiorē vitam, turpem seruitutem appellans, ipsaque monasteria, hoc est sacra, & sanctissima loca, non aliter, quā prostibula, & lupanaria vocans. Non solum vt multorum scelere suæ apostasis ac defectionis flagitium vt leuius videretur efficeret, neque enim ignorabat, eam conditionem pessimam quenque monachorum accepturum, sed etiam vt ex tam egregia futura Phalāge facultas esset Primipilos, & Antesignanos educere: quos cæteris tardioris, ineptiorisque turbæ cohortibus, legionibusque præficeret. Quæ vox cum latius per Germaniam emanasset, scelerati omnes, omnes damnati legibus, seditiosi, turbulenti, nouarum rerū studio si vndique certatim accurrerunt. Qui hominem cupidissime complectentes, & adorantes, vt pergeret audacter, currentem adhortarentur, ac religiosum eius animum, sanctimoniamque apud vulgus miris laudibus efferētes, à coelo demissum esse Lutherum clamitarent vindicem tenuiorum aduersus grauem Pontificum Romanorum, atque principum tyrannidem, & impotentiam. Omnes enim principes vno excepto (quem maxime videlicet metuebant) tyrannos esse confirmabant. Vnde quanta seditio exorta sit in Germania, quanta calamitas, quot urbium direptiones, quot cædes, quot strages consecuta, quis valeat sine magno dolore commemorare?

Ad hunc ergo modum, sumptis spiritibus, & maiore auctoritate Lutherus, cum nouam tyrannidem, quam sibi prætextu religionis pepere-  
rat, eo fore firmiorem existimaret, quo plurium ipse rerum auctor fuisset videretur, & statim religionem Christianam aperto conflictu totam demoliri difficile factu reputaret, nouam rationem commentus est ad eam paulatim, sed funditus euertendam, vt omnes Ecclesiasticas ceremonias e medio tolleret, omnia sacrificia commutaret, peccatorum confessionem aboleret, omnes maiorum mores atque instituta conciliorū sanctorumque patrum antiquaret. Itaque tot sceleribus patratīs tot fabricatis dolis, cum præclaræ tyrannidi suæ fundamenta iecisse arbitraretur, omnia monachorum monacharumque cœnobia demoliri, nullum iam imperium recusantibus imperat. Et cum vtrumque sexum ab omni votorum, & sanctarum institutionum vinculo solutum esse iussisset, con-



set, contrahendi matrimonium facultate permiffa. nec enim dubitauit, nefarium incestum fancto nomine, vt cætera flagitia folet appellare: ipse sibi pulcherriam adolescentulam ex facris virginibus, si tamen virgo erat, & non ab ipso iã ante quatuor annos, vt quosdam Germanos dicere audio, polluta, sanctissimo cõnubio copulauit. Et miror si non est vsus Christi verbis ex euangelio, quod toties impio ore contaminat, exemplũ meũ do vobis, & quæ sequuntur. Quo in loco profiteor me Martini imprudentiã etiã atq; etiã demirari, & in Luthero Lutherũ magnopere requirere: de cuius moribus, & animo quid sentirẽ satis supra, nec aliter, quã res habet explicauĩ. hominẽ esse factiosum, audacissimũ, rerũ nouarum cupidissimũ, natura impiũ, & intemperantem: sic tamen sēper de ipsius ingenio existimaueram, vt ei magnum acumen, astutiam singularem, calliditatem egregiam attribuerem. Ita cum eius insidias, atque fraudes probe nouissem, subuerebar tamen, ne versutus homo, vt dolos, sic mores turpissimos diligenter occultans, honestatis specie, nõ modo religionis, parũ perspicacibus imponeret. Nunc ipsum video nõ solum esse sceleratum & impiũ, sed planẽ bardũ, ac stultissimũ. Nã te hoc in loco, te inquã interrogo Martine, es ne adeo mentis inops, tanta scabie libidinis obcæcatus, vt te non videas, vel hoc vno facto, tuas artes, tuasque insidias prodidisse? & quod nihil aliud, nisi peccandi licentiam, & luxuriosam tyrannidem, per tot fraudes affectaueris declarasse? Salax vetule & cunctis scortatoribus impurior. Qui si omnes bonarum sectarum auctores nõ dissimulanter odisti, ipsum saltem Epicurum, cuius dogmata incertũ doctrina, an moribus magis referre gaudes, fuisses imitatus. Qui cũ voluptatem cunctis rebus anteferebat, ipse tamen à voluptatibus abstinebat. Aut si fructu, quem tantis laboribus petieras, æquo animo carere non poteras, secretis saltẽ, & domesticis libidinib. fuisses cõtentus, & quas posses verbotenus inficiari. Neque vero solum mores, & instituta maiorum Lutherus arrogantissime contemnit, sed præter vetũ & nouum testamentum, quicquid viri sanctissimi, doctrina, & auctoritate præstantes, quod literas sacras seu religionẽ attingat, conscripserint, meras nugas, atq; ineptias esse cõtendit. Nõ ignarus, videlicet, salua horũ auctoritate, dogmata sua nefaria, grauissimis testimonijs, scriptisque prudentissimis in prõptu esse refutari. Sed cũ voce diuinas literas se tue ri profiteatur, tã falsis interpretationib. ipsas contaminat, vt si fidẽ illis simpliciter derogasset, multo minus fuerit pijs mortalib. nociturus. Nũc enim sacrarũ literarũ peruerse interpretata verba, nouis monstris, quæ nullo tẽpore cessat parturire prætendens, facilius animos imperitorum eludit, & securos interdũ ad omnis impietatis præcipitiũ inducit, quod mea quidẽ sententia, nulla re alia manifestius apertiusq; tentauit efficere, quã illo impudentissimo libello & omniũ maxime pernicioso, quem proxime de seruo arbitrio inscriptum emisit. Nam cum cæteris dogma-



tis Christianam religionem per partes adortus, velut machinis impu-  
 gnauerit, hoc vno de arbitrij seruitute, & omnium rerum, atque actio-  
 num necessitate, omni prorsus religioni diuinoque cultui bellum mihi  
 videtur indixisse; vt iam quoniam Lutheranas insidias satis quodam ve-  
 lut præludio videmur aperuisse, in quo me partim miseratio quorun-  
 dam cæcitatibus, partim iustissima tanti sceleris indignatio longius pro-  
 uexit, quam putaram, ad propositam, de fato & libero arbitrio quæstio-  
 nem veniamus. Quam sic ego tractare constitui, vt non solum quid ratio  
 Christianæ religionis poscat explicetur, sed etiam vt remota religio-  
 ne, veterum philosophorum argumenta quantum valeant intelligatur.  
 Quod neque ab re, nec præter causæ necessitatem mihi videor esse factu-  
 rus, tum quoniam qui fati necessitatem inducunt, ijs consentaneum est,  
 vt tollant omnem religionem: tum etiam, quia nonnullos videas tam  
 præpostere in studio literarum ambitiosos, vt in philosophia, mathe-  
 maticisque disciplinis eo se doctiores esse intelligi velint, quo minus  
 scripturæ sacræ testimonijs moueantur. Quorum cum quidam hoc Lu-  
 theri mendacium, quasi naturæ, astrorumque rationi consentaneum per  
 summam stultitiam tueantur, sic cum vtrisque agendum esse videtur, vt  
 etiam si religionis auctoritatem aspernentur, manifestis tamen, & à  
 natura ductis argumentis, ipsorum error conuincatur, & hos appareat  
 qua in re philosophiæ doctiores haberi cupiunt, in ea maxime prodere  
 suam ignorantiam, & quantum à philosophiæ institutis abhorreant de-  
 monstrare. Neque enim hæc proprie in Lutherum scribimus, cuius furor,  
 & pertinacia eò processit, vt sit sanitas desperanda: sed cõmuniter in o-  
 mnes, qui volūt quacūq; ratione, sententiam olim damnatam reuocare.  
 Qua in parte, Aristotelem sequemur, eiusq; diligentissimum, & grauif-  
 simū interpretē Aphrodisiensem Alexandrum, Græcos philosophos, &  
 in eruenda ex naturæ abditis veritate, & arcanis eius perscrutandis, vt est  
 captus hominū, perspicacissimos. Nō quidē vt interpretes, sed vt illo-  
 rum ex fontibus haurientes, nostrum & iudicium, & ordinem, exem-  
 plo doctissimorum hominum adhibeamus. Sic enim fiet vt Lutheri  
 menti impietate ac flagitijs obcæcata nihilominus, quam verborum  
 captionibus occurratur. Errat enim si quis Lutherum sacrarum litera-  
 rum testimonijs perperam intellectis, in hunc errorem putat incidisse  
 qui, moriar, si non tacitus eodem loco habet vtrumque testamentum,  
 quo decreta conciliorum, sanctorumque patrum, quæ meras esse nu-  
 gas profitetur. Sed cum priscorum quorundam philosophorum aucto-  
 ritatem, & momenta rationum secutus, ratum haberet quicquid ab  
 illis de rerum necessitate fuisset iudicatum, ne tamen à specie religio-  
 nis prætenta suis fraudibus discederet, artificiosum consilium iniuit, vt  
 ad tollendā religionem, religionis potissimū scripturis abuteretur. Qui  
 certū habet, fuitiles & cõmentitias eorum esse opiniones, qui proui-  
 dentia

*Arist. sequi-  
 tur et Alex.  
 Aphro.*

*Qua ratione  
 ductus Luth.  
 fati necessit.  
 asserit.*



dentia, & consilio, & non potius fatali necessitate res humanas administrari existimarent, nec ullam vim diuinā præter legem naturalem agnoscit. Non ignarus videlicet, si hoc semel hominibus persuaferit, omnem religionem, quam pio Dei cultu contineri certum est, funditus esse perituram. Quis enim votis, quis precibus, quis sacrificijs locus relinquitur, si homines cuncta ineuitabili necessitate, nihilo secius futura esse crediderint? ut accuratius suo loco differemus.

Neq; vero mirū, aut præter hominū cōsuetudinē cuiuspiā videri debet, Martinū Lutherū, tot patris sceleribus, in hanc sententiā sibi & humano generi perniciosissimā processisse. Hoc enim ferè ab hominibus scelerum conscientia profligatis videmus factitari, ut postquam in profundū peccatorū deiectione, ceperint salutis suæ desperare: & regressum ad sanitatem, sine ingentibus laboribus sibi negatum viderint: in solatium tantæ calamitatis prauis opinionibus perniciosa remedia quærant. Videas igitur alios cum luxu atque turpitudine, viribus corporis, & iudicio animi corruptis viā honestatis arduam, & difficillimam intelligāt, virtutes, vana nomina commentaq; philosophorum esse, ad summam nihil aliud quā venditionē & ostentationē quandam esse iactare, dum felicitatem summamque bonum, sola voluptate metiuntur: alios ne scelerum poena sibi sit post mortem extimescenda, animorum ætatem eisdem, atque corporum angustiis definire. Quosdam ut Martinum Lutherum suorum flagitiorū culpam, quam neq; sibi, neque cæteris hominibus paulo modo oculatioribus excusare queunt, ad fati necessitatem transferre. Sed profecto opiniones huiusmodi hoc sunt reipublicæ nocentiores, quo maior est eius in quem inciderit audacia dicendi viribus non destituta. Quo magis est Lutheri audacissimi & loquacissimi hominis temeritati vijs cunctis occurrendum, sententiam iam pridem mortalium consensu damnatam, atque explosam reuocanti.

Primum igitur in hac quæstione, tum philosophorum, tum theologorum rationibus causam nostram confirmabimus. Deinde aduersariorum philosophorum argumenta secundo libro proponemus, eademq; ut philosophi refutabimus, tum in tertio incōmodis, quæ eiusmodi errorē cōmuniter consequuntur explicatis, Martini captiones priuatim, ut ratio poscit Christianæ religionis, refellemus. Quāquā profecto si hac in causa dijudicanda auctoritas quoq; prudentiū, & eruditissimorum virorum spectari debet, cum fati necessitas ex philosophis, Democritum, & Heraclitum atq; Empedoclem, & si Plutarcho credimus, Parmenidē, priscorum atque rudium temporum homines auctores habere feratur, nos Socratem habemus, qui habitus est mortalium sapientissimus, Platonem, Aristotelem, Xenocratem, Speusippum. Et (ne singulos persequar) universam Academicorum, Peripateticorumque familiam, qui omnes libertati mortalium patrocinati, cunctos animorum motus, qui quidem

*Dogma fatalis necessit. conscientie Luth. conueniens.*

*Distributio totius operis.*

*Qui philosophi fatalem necessitatem asseruerunt, qui secus.*



à ratione proficiscantur, à fatali necessitate constantissime vendicarunt. Iam vero (ut ad eos veniamus, qui sacrarum literarum testimonia secuti, sententiam suam hac in causa pronunciarunt) stant pro libertate voluntatis omnes Theologi Græci Latiniq̃ue, quicunque post Christianorum memoriam, hanc quæstionem attingere, præter Manichæum, Ioannem Vviclefum hereticos, & his longe detestabiliorem Lutherum, qui hoc solo causam suam probabilem efficere posse videtur, quod homo semissis, flagitiosus, atque nugator, & nulla ex parte cum aliquo memoratorum comparandus, sic quorundam hominum mentes potuerit infatuare, cæcæque reddere, ut apertas ipsius tectinas, nec admodum latentes insidias non percipiant, & meritis poenis prosequantur. Sed cum tot tantorumque virorum sententijs damnatum errorem argumentis persequi superuacaneum esse videatur, nolo tamen cuiuspiam auctoritas nobis quidquam in hac causa prosit, nisi rationum momentis simus superiores, & apertis argumentis errorem istius hæretici, & quos sequitur, philosophorum conuincamus.

*Confirmatio  
auctoris sen-  
tentia.*

Illud igitur ante omnia positum sit in huiusmodi rationum examine, quod est sine controuersia verum, omnium prudentium, ac eruditissimorum hominum consensu, & auctoritate confirmatum, quidquid homines in omni ætate in omni regione, in omni ciuitate, docti pariter, & indocti communiter opinantur, id legem esse naturæ. Vtitur Aristoteles idēdem hoc principio, utuntur omnes qui ratione, atque via philosophantur. Est enim hominibus multarum rerum insita cognitio, quam nullo præceptore, nullo humano instituto, sed ipsa natura duce, atque magistra didicere. Nihil est autē maiore consensu omnium mortalium iudicatum, quā esse multa in potestate hominum, quæ ut agendi, sic omittendi liberam atque integram habeant facultatem, ut leges & instituta declarant: quibus quāquam alijs alios, omnes tamen coetus hominum, omnes nationes, omnes ciuitates, cunctos denique mortales semper usos fuisse constat. Quæ profecto nunquam tam solerti hominum diligentia condita fuissent, si actiones nostras, non humano consilio atque voluntate libera, sed fatali quadā necessitate geri, atque administrari mortales credidissent. Quod si ita est, ut esse palam est atque res ipsa demonstrat, liberā esse nostram voluntatem, multaq; hominum arbitratu, sine vlla necessitate fieri teste ipsa natura concluditur & confirmatur. Præterea si quæ sensibus atque usu rerum nobis cognita sunt, ea vera esse statuendum est, quid est visu frequentiore nobis exploratum, quā quod multa quotidie pro nostro arbitrio facimus, omittimus, reuocamus, nulla prorsus externa necessitate nostrā impellente voluntatem, aut vicissim retrahente. Sed quoniam ad fatalis necessitatis constitutionē, eadem ab istis via procedi posse videtur, qua nos mortalium consensu arbitrij voluntatisq; libertatem confirmauimus, quādoquidem in omni sæculo multorum hominum sermone, fati nomen usurpa-



usurpatum fuisse constat, ut eam vocem vanam omnino dicere constā-  
 ter à nobis dici non posse videatur, occurrendum est huic loco & hæc  
 fati vulgaris usurpatio, quam vim habeat explicandum. Neq; enim ibi  
 inficias res pleraq; fato fieri, multa q; fato hominibus euenire, & recte  
 quosdam fato peremptos esse dici, fato diuitias consecutos, fato in mi-  
 seria, & omnium rerū inopia versari: modo fatum quid sit, & quibus in  
 rebus versetur, intelligatur: quod factum vel facillimum fuerit, si quis i-  
 psam hominum loquēdi consuetudinem, qua fato quidpiā fieri dicunt,  
 paulò diligentius animaduertat. Nam cum fato aliquis in aqua perisse  
 dicatur, alius ferro sublatus esse, quidā laqueo strāgulatus, nemo tamē  
 sic vnquam loquitur, ut fato se dicat lyram temperare, fato librū scri-  
 bere, fato scabellum fabricare, iā illud multo etiam minūs, fato se vir-  
 tutes colere, & officijs fungi boni viri. Nisi si quis prædictā sententiā tā  
 pertinaciter tuendā suscepit, ut non sit reculaturus, quominus vel his  
 absurdiora confiteatur. Ex quo intelligitur, fatum consensu hominum  
 in rebus, quæ naturam consequuntur versari, non in artificiosis, & in ijs,  
 quæ à ratione proficiuntur. Prorsus vñ fatum, nihil aliud sit, quàm ipsa  
 natura, & quod natura sit, id fato fieri dicatur. Neq; enim homo ex ho-  
 mine, elephāntus ex elephāto natura procreatur, fato nō item, sed cū  
 re fatum, & natura consentiant, solo vocabulo distrahuntur, quæ nihil  
 aliud sunt, quàm primæ causæ generationis naturalis singulorum effi-  
 cientes: hoc est, corpora cælestia, & ipsorum rata, cōstantq; vertigo. Om-  
 nis enim generationis initium est habitudo quædam diuinorum cor-  
 porum per motum ad hæc nostratia mundi circumterranei. Quæ si effe-  
 ctus habeat in rebus caducis necessarios, dubitari non debet, quin si ta-  
 lis quoq; necessitas in rebus etiam mortalibus versetur, sin opera natu-  
 ralia nō ex necessitate procedunt, sed interdum quo minus fiant impe-  
 diuntur, simili modo de fato, rebusq; fatalibus statuendū est: non pro-  
 cedunt autē ex necessitate, quanquam fiant magna ex parte, cum inter-  
 dum naturæ, causa quepiam externa, quominus opus suum perficere va-  
 leat, obsistat. ut cum ex homine non homo, sed monstrum aliquod ge-  
 neratur: quæ igitur fato fiunt, non fiunt necessitate. Itaq; ut in quib. reb.  
 natura versatur, in his aliquid efficitur præter naturam: sic in quib. fa-  
 tum, cuius eadē est vis aliquid præter fatum existit, ut merito dicas suā  
 cuiq; naturam, suumq; fatum principium & causam esse ordinis earum  
 rerum, quæ in ipso natura fiunt. Cū videre liceat homines pro sua quæ-  
 que natura & viuere, & interire. Sed ut hæc magna ex parte fieri notan-  
 tur, sic nō ex necessitate fieri certum est. Huic enim naturali ordini, cu-  
 ra sæpe, aërisq; mutatione, occurritur, & præceptis medicorum. De vo-  
 luntarijs autem animorum motibus atque actionibus longè aliter sta-  
 tuendum est. Neq; enim animi voluntas, vllō vinculo, cœlestibus cor-  
 poribus, ac ipsorum motibus alligata tenetur, sed libera est & absoluta

*Quid fatum  
 sit, et quibus  
 in rebus ver-  
 setur.*

*Fatum idem  
 quod natura*

*Voluntas nō  
 est cœlestib.  
 motibus ob-  
 nexa.*



contra omnem pronitatem. Cum tamen homo ex corpore & animo consistat, & corpus, quemadmodum diximus, naturam suam affectetur, plerumque animum allicit ad suas appetentias: qui propter societatem, quam habet cum corpore, raro naturalibus affectibus reluctatur. Ita fit ut qui natura pronus est ad luxuriam, is vitam in libidinibus & ganeis traducere gaudeat, & talibus vitijs consentientem mortem occumbat, ex magna parte. Hoc enim genus hominum cruditate cum qua bellum continens gerunt, ad extremum solet aboleri, cum calor naturalis libidinibus exhaustus facile copia ciborum, qui neque famem, neque sitim expectauerint obrutur. Iam qui natura iracundus est, & animosus, is ita ferè vivit, ut iniuria quamplurimos afficiat, vulneret aliquos, nonnullos interficiat, quæ perraro quisquam commisit, ut non vi allata fuerit e medio sublatus. Sic quos natura pronos ad rapacitatem effinxit, horum vita in latrocinijs plurimum, atque rapinis veritur, postremo gulâ strangulante laqueo, sic legibus crimine vindicantibus finitur. Ad eundem modum de ceteris vivendi moriendique generibus differendum est. Quas vitas & mortes merito fatales nuncupamus, quod affectus naturales consequatur, & consentaneæ sint pronitati naturali. Non igitur quod ita necessario eveniat, sed quia sic efficitur magna ex parte. Vitijs. n. naturalibus si proclivitas ad vitium debet vitium appellari, ratio sic interdum occurrit, ut cura & consuetudine, mutet ea in contrarios habitus. In cuius rei testimonium Stylpo & Socrates nobilissimi philosophi commodissime citantur. de quibus notum est, quid Socratis & Cicero memoria mandauerit, sic enim scripsit lib. de fato: Stylponem Megaricum philosophum, acutum sanè hominem, & probatum, temporibus illis accepimus, hunc scribunt illius familiares, & ebriosum & mulierosum fuisse, neque hoc scribunt vituperantes sed potius ad laudem. Vitiosam enim naturam ab eo sic edomitam, & copresam esse doctrina, ut nemo unquam vinolentum illum, nemo in eo libidinis vestigium viderit. Quid? Socratem nonne legimus quemadmodum notavit Zopyrus physiognomus, qui se profitebatur hominum mores, naturasque ex corpore, oculis, vultu, fronte pernoscere, stupidum dixit esse Socratem & bardum, quod iugula concava non haberet, obstructas eas partes, & obtusas esse dicebat? Addidit etiam mulierosum, in quo Alcibiades cachinnum sustulisse dicitur. Sed hæc ex naturalibus causis vitia nasci possunt, extirpari autem, & funditus tolli, ut is ipse qui ad ea propensus fuerit à tantis vitijs auocetur, non est id positum in naturalibus causis, sed in voluntate, studio, disciplina. Nam & illud quoque traditur, cum Zopyrus risum altantibus excussisset, quod de Socrate tam aliena vitæ ipsius instituto iudicaret, affirmasse Socratem, nihil esse mentitum Zopyrum. Nam Socratem talem esse natura, sed philosophiæ consuetudine meliorem fuisse factum. Sed quid veterum exempla repetimus, cum uti liceat quotidianis, & hoc ipsum ferè usu veniat in hominibus liberaliter educatis? Quos à vitijs in quæ proclivis erat ipsorum natura, sæpè cura parietum & magistrorum disciplina revocavit, atque ita revocavit, ut oppositis virtutibus præditos effecerit. Atque hæc quidem est præstantissimorum philosophorum de fato & libero

Socratis &  
Stylponis ex  
emplum.



bero arbitrio paucis collecta sententia: quam, quia Lutherus auctoritatem nobis opponit veterum poetarum, quos fatum necessitatem rebus afferre sensisse contendit (in quo viderit ipse quam constanter faciat, ut qui philosophos reijcit velut profanos, idem poetarum commenta cum mysterijs sacrarum literarum commisceat) ne pigeat nos cum ipso differentes, poetarum testimonijs confirmare, simul ut veteres mortales multa prater fatum fieri credidisse demonstremus, simul ut Martinum suos poetas intelligere aliquando doceamus. Erimus autem duorum Homeri, atque Vergilij, Græcorum, Latinorumque facile principum auctoritate contenti: quorum Homerus omnium poetarum antiquissimus, & idem sapientissimus, in Odyssæa libro primo Iouem hominum, atque Deorum patrem ceteros superos sic alloquentem facit, dicam enim si potero latine.

*Quam temere incusant mortales numina, nosque*

*Auctores faciunt si quid sensere malorum:*

*Cum prater fatum his pariat mens stulta dolores.*

*Homerum Odyssæa. 1.*

Poterat ne apertius Homerus fati tollere necessitatem? Qui non hominulorum quempiam, qui sapere solent de fato sententiam cum fortuna commutare, non aliquem vulgarium Deorum, qui forte posset quid sit verum ignorare, sed Iouem ipsum optimum & maximum Deorum, cui par sit in propatulo esse quicquid alijs arcanum esse videri possit, inducit, qui sic de fato sententiam pronunciet, ut immunes prorsus ab omni fatali necessitate, mentes humanas constituat. Virgilius autem non ex alicuius infirmioris Dei, aut laborantis hominis persona, cui dum feruiunt poetae, saepe aliter loquuntur, quam sentiant, sed ex animi sui iudicio totam de fato sententiam vno illo versiculo, de Didonis morte locutus complexus est:

*Nam quia nec fato, merita nec morte peribat.* Manifestissime docēs & fatum nihil *Verg Aen. 4.*

esse aliud quam naturam, & quendam prater fatum praterque naturam fieri. Quid enim aliud est non fato perire, nisi quod ipse exponens ait, non merita morte. i. non ea quæ naturæ præsertim muliebri debebatur, sed accersita & prater naturam non peribat autem fato, aliquid ergo prater fatum efficitur, non igitur omnia fatali necessitate sunt. Atque hæc quidem ferè sunt rationes, hæc argumenta certissima ab usu rerum ipsaque natura profecta, quibus apertissime fatalis necessitas refellitur. Quibus cum sacrarum literarum testimonia quadrat ex amissum, ac plenissime consentiant, efficitur, ut vna sit eademque constantissima sententia in hac causa dijudicanda philosophorum, & theologorum, quotquot hactenus, siue sub lege, siue sub gratia recte senserunt de vera religione. Loquor autem de rebus, quæ moraliter, ut ipsi loquuntur, vel bonæ vel malæ sunt. Nam de ijs, in quibus gratia desideratur dicam in argumentorum Lutheri confutatione. Sunt enim testimonia sacrarum literarum, non ancipitia, non dubia, non obscura, sed.

*Eandem sententiam theologiae philosophorum.*



Ecc. 15.

Deut. 30.

sed quæ luce clarius humane voluntatis liberam esse facultatem contestantur, & quidem tam multa, ut ea molestum sit annumerare. Cuiusmodi est illud Ecclesiastici: *Deus ab initio constituit hominem, & reliquit illum in manu consilij sui, adiecit mandata, & præcepta: Si volueris mandata conservare, conservabunt te, & in perpetuum fidem placitam servare. Apposuit tibi aquam & ignem, ad quod volueris porrige manum tuam. Ante hominem vita & mors, bonum & malum, quod placuerit ei dabitur illi.* Qui locus tam aperte, tam sine circuitione, tam simpliciter, arbitrij libertatem explicat, constituit, atque tuctur, ut si quis nostrum sibi velit testimonium ex industria confingere, non tamen aperti<sup>9</sup> aliud excogitare posse videatur. Simile huic est illud Deuteronom. *Considera, quod hodie posuerim in conspectu tuo vitam & bonum, & e contrario mortem & malum, ut diligas Dominum Deum tuum, & ambules in vijs eius, & custodias mandata, illius, & ceremonias, atque iudicia: & vivas atque multiplices te, benedicatque tibi in terra ad quam ingredieris possidendam. Si autem aversum fuerit cor tuum, & audire nolueris, atque deceptus adoraveris Deos alienos, & servieris eis, prædico tibi quod pereras, & parvo tempore morieris in terra, ad quam Iordane transmissio ingredieris possidendam. Testes invooco hodie cælum & terram, quod proposuerim vobis vitam & mortem, benedictionem & maledictionem. Elige ergo vitam ut & tu vivas, & servet te.* Quæ verba, si motus animorum in alteram partem ferrentur necessario, non solum essent superuacanea, sed etiam ridicula, & indigna prorsus homine sano, nedum eo in quo spiritus Dei eloqueretur. Sed ne singula referamus, quæ sunt propemodum infinita, his adde præcepta & exhortationes, quibus refertum est vetus & novum testamentum. Quæ proculdubio si nihil sit in nostra potestate, omnia non dico essent inutilia, sed stultissimè traderentur. Ac altissima quidem (ut spero) fundamenta iecimus causæ nostræ, eandemque gravissimorum testimonium auctoritate, & magnis argumentis confirmavimus. Nunc quia satis huius libri creuisse videtur magnitudo, ne continens lectio possit intentionem tui animi longitudinis tædio defatigare, reliqua in altero volumine persequemur.

## DE FATO ET LIBERO ARBITRIO,

## LIBER SECUNDVS.

De Aristo.  
sententia

AT ALIS necessitas præsul gravissime, quantopere non solum cum religione Christiana sed etiam cum sensibus, atque usu rerum, omniq[ue] ratione naturali pugnet, abunde, ut videmur, superiore libro demonstravimus. Sed quoniam veritas in quæstione quaque tunc maximè dignoscitur, si argumenta cum argumētis conferantur, in hoc volumine explicabimus primum, deinde refellemus rationes, quibus ducti prisca quidam philosophi,



phi, omnium euentorum necessitatem induxerunt, Nam qui Aristotelem in hac sententia fuisse tradunt, maximo ij quidem in errore versantur: nihil enim magis à dogmatis Aristotelicis, quam fatalis necessitas abhorret. Cum ipse libro *περί ἐπὶ μὲν* de futuris contingentibus accuratissime disputer, funditus tollens ipforum certitudinem, & in locis propè dixerim infinitis de possibili & contingente, mentionem faciat, ubique constantissime naturam ipforum asserens, quæ funditus tollitur omnium actionum necessitate. Ad summam cum ipse in sexto libro eius operis, quod est de prima philosophia, non obscure, aut paucis verbis, sed palam & accuratè testimonium dicat in talem agendarum efficiendarumque rerum necessitatem, atque eam pronunciet sententiam, quam nos in hac quæstione, ut verissimam, & tum sensibus, atque usu rerum, tum cum religione Christiana, ex amissim congruentem latinus explicantes tuebimur, ut facile appareat, qui de Aristotele talia memoria prodidere, hos Aristotelica prorsus ignorasse, aut certe per quæ leuiter attigisse. Veteres igitur isti philosophi, ut ipforum opinionem, quatenus ad hanc quæstionem pertinet, explicemus, velut certum, & in dubitatum assumunt, mundum hunc, qui vnus esse intelligitur, & cuncta in se à natura, ratione, ac intellectu vigente gubernatus complectitur, omnium rerum dispositionem, & gubernationem sempiternā obtinere, consensu quodam certoque ordine ita procedentem, ut priora sequentibus, ut efficiantur, sint causæ. cunctis rebus tam arctè mutuo cōnexu colligatis, ut nulla effici queat, quam velut causam non alia statim consequatur, atque eidem adhærescat, nec rursus aliqua dissolui, ut non secum quampiam ex posterioribus trahat, velut sibi colligatam, ad summam ut sit necesse, quicquid fiat, post hoc aliud, quod ab ipso velut à causa pendeat, consequatur. Nihil enim eorum quæ in mundo sunt nec esse, nec effici sine causâ posse, utpote in quo nihil à cunctis prioribus absolutum, & seiunctum habeatur. Fore namque ut mundus distrahatur, nec in vnitatem, quam propter vnum ordinem, vnamque gubernationem habet, persistat, si quis motus citra causam inducatur. Induci autem nisi omnia quæ sunt, quæque fiunt, causam habeant antecedentem, quam necessario consequantur. Itaque non magis fieri posse, ut quicquid sine causa, quam ut ex nihilo efficiatur. Deinde omnia quæ in mundo extra intraque lunarem globum fiunt, virtute quadam coelesti gubernari: multarum rerum, atque ipforum sensuum argumento nituntur confirmare. Constat enim æstus maris reciprocantis constanti vicissitudine lunarem motum affectari. solis verò accessu arbores frondescere, campos floribus, herbisq; vestiri, eodem regrediente, cuncta in diuersum cōmuni, notaque causa commutari: cū alia sint, quæ peculiari, & ignotiore sed proculdubio coelesti moueantur: ut pulegium, quod ipso die brumæ florescere grauissimi auctores prodidere. Quod ipsum in animalibus

*Ciceronem  
designat.*

*Veterum  
philosopho-  
rū opinio de  
fati necessi-  
tate.*



*Argumentū  
ab astrologo-  
rum prædi-  
ctionibus.*

*Arg. à deo-  
rum oraculis.*

nihilo fecius exploratum esse contendunt. cum pleraque omnia ad ve-  
nerem, ad pugnam garritus, locorum mutationes, tempora causis præ-  
scripta coelestibus obseruent. Iam homines quosdam iracundos nasci,  
alios ingenio mitiore, nonnullos in libidinem pronos: & alios ad alia  
natura procliuiores, sed oēs ea conditione vel felici, vel aduersa pro-  
creari, quam cuique astra, ipsaq; natura vel mater, vel nouerca nascenti  
tribuerit. Quæ cum sint haud dubiè vera, & vñ rerum explorata, ad e-  
undē modū de cæteris rebus esse statuendū, quarū causæ sunt nobis oc-  
cultiores. Cuncta enim velut catenatis causis, à coelestibus proficisci,  
atque inde velut à fonte perenni latenti fluxu dimanare. Ita cum causæ  
primæ sint necessariae, (sunt. n. cælestia quæq; necessaria) fieri vt quæcū-  
que opera, quæcūq; actiones, etiā in caducis reb. edantur, ineuitabili ne-  
cessitate procedant. Prorsus vt ipse quoq; rationis siue expers, siue cō-  
pos appetitus quicquid velit, huc impulsu quodam, necessario feratur.  
Nam appetitum ab intellectu verbi causa moueri, hunc à viso, siue ima-  
ginatione, visum à sensu, porro sensum à rebus quibusdam externis, i-  
psas ab alijs, donec sit ad cælestes causas peruentum: quæ cū necessariæ  
sint, & æternæ, vt cæteris rebus, sic & appetitui necessitatem impartia-  
tur. Eadē ratio est si appetitū ab ipso protinus sensu, vel à viso moueri  
facias, cū semper initiū à cælesti quasi capite repetatur. Nec. n. fieri pos-  
se, vt causa omni ex parte eodē modo sese habente, res iā sic, iā aliter e-  
ueniat, futuro alioquin motu quopiā sine causa. Item fatū ipsum natu-  
rāq; & rationē qua vniuersum gubernatur, Deū esse aiūt, qui cūctis in  
rebus insit, quæ sunt, quæq; efficiuntur. Ita res singulas ad normā, guber-  
nationemq; vniuersi propria natura, suoq; fato fungi: ex huiusmodi e-  
nim rerū obseruatione natam esse aiūt Chaldæorū doctrinā, quæ astro-  
nomia nuncupatur, qui ex cuiusq; genitura mores hominū, ingeniumq;  
mirabiliter identidem prædicant. Quod si Chaldæorū prædictiones  
contrario rerum euentu nonnunquā refelluntur, tribuendū id esse par-  
tim ipforū, qui prædixerint, artis ignorantia, partim cōmuni hominū  
imbecillitati, cui non datur ad rerum coelestium cognitionem præter-  
quā tenuissimā, quālibet magno studio, atque diligentia peruenire. quæ  
si mortalium cuiuspiam perfecta contingeret, dubiū non esse, quin is o-  
mnia, quæ sint cuique hominum euentura, prædictione certissima esset  
vaticinaturus: cum omnia conserta contextaq; sint naturali causarum  
colligatione. Quam sententiam deorum oraculis atque vaticinijs vel  
in primis cōfirmant. Nam ne deos quidem quorum sint certissima præ-  
dictiones, futura posse cognoscere, nisi ad ea spectaret, quorum sic cau-  
sæ natura contineantur, vt ipsa fieri sit necesse. Itaque vidisse Apollinē  
necessarijs causis contineri, vt ab Oedipo Laius pater necaretur, & Io-  
casta mater duceretur vxor, ac idcirco futurum id multo antè prædix-  
isse: quod si posset aliter euenire, certum esse Deos sæpe mentituros, &  
falsa



falsa fore ipsorum vaticinia. Atque hæc quidem sunt rationes quibus nonnulli philosophorum, ut fati necessitatem assererent, ducti esse videntur, & quas Lutherum secutum fuisse certum habeo. Ipse tamen ne parum religiosus appareat, ac ut lupo rapacissimus, vestimento ovium indutus, securiores christianorum animas inuadat, nulla philosophorum facta mentione, simulat se sacrarum literarum auctoritatem, ac testimonia sequi, quas suis dolis & portentis ut seruire cogat, cunctis rationibus elaborat. Sed cum hoc in tertio libro, quo eius argumenta, ipsorumque refutationem referuamus, complura. Nunc ad Stoicos venio, quos nihil nisi paradoxon & præter hominum fidem loqui solitos esse, testatur veterum scriptorum monumenta, Plutarchi in primis, cuius extat opusculum, cui titulum fecit, quod incredibilia Stoici tradunt, quam poetæ. Quorum Stoicorum rationibus dum sic plane & aperte respondeo, ut nihil dissimulatum, nihil inexcussum relinquatur, te pater amplissime, & in te omnes prudentes, atque pios, quibus hæc nostra legere libuerit attento animo (neque enim opus est dicere non repugnante) adesse peruelim. Quamquam profecto falsa istorum & incredibilis opinio eiusmodi est, ut ad refellendum nullis rationibus extrinsecus allatis indigere videatur, cum ipsa se proculdubio conficiat, secum pugnet, ab omni rerum usu dissentiat: *Nam quod primo loco aiunt, res omnes posteritibus esse causas, quæ mutuis quasi vinculis sic inter se connexæ sint, ut à primis pendeant secundæ, & proximæ quæque cū precedentibus coherescant, atque id fati tanquam substantiam esse interpretantur, hoc quis non videat, quam longe ab usu rerum & sensibus nostris abhorreat? Nam cum patres filiorum causæ sint (oportet enim ut causæ per proprietatem repetantur, ut hominis homo, equus equi sit in causa) qui liberis nunquam operam dedere, sunt tamen cuiuspiam filij, aut anteprocreandi ætatem decessere, eos quorum tandem posterorum causas esse dici convenit? Multi enim debilitantur, aut penitus abolentur, antequam vires indepti fuerint procreandi, quos profecto non video cuius rei causas esse dici oporteat. Age verò excrementa, quæ per nonnullas corporis partes egeruntur, item monstra quæ præter naturam eveniunt, & sæpe adolescere nequeunt, sed protinus abolentur, quarum tandem rerum causas esse putamus? quod si cortex in amygdalis, exempli causa, testæ gratia generatur, testa rursus propter nucleum, & stirpes idcirco irrigantur, ut crescant, & fructum ferant, plurima tamen in eisdem inuenias, quæ nullam huiusmodi rationem habeant, ut corrupti fructus, siue nuclei, vel qui prorsus exaruerunt. quos profecto nullius rei posterioris causas esse dici potest. ut si verum quærimus, facile appareat, quemadmodum non omnia possunt efficere, sic non quidquid sit, causam habere, nisi forte ex accidenti, neque esse vel fore rei cuiuspiam alterius causam. Nam quod isti talibus victi rationibus ad causarum effectuumque ignorationem confugiunt, quid aliud agunt, quam rebus difficillimis*



*Nihil fieri  
sine causa;  
nō est argu-  
mentum ne-  
cessitatis.*

mis facilitatem pretendunt, latebram mendacio fabricantes. Hac enim ratione, vel absurdissima quæque liceat defendere, & specie commentitia prætexere, velut causas quasdam, easque probabiles, sed nobis ignotas obtineant. Quæ si vera sunt, multa nimirum citra causam efficiētur, quanquam ne oratio quidem illa, vel si maxime veram esse condonemus, magnopere vrget, alienum videri quidquam effici, quin causam habeat antegressam, nec id sententiam nostram labefactat. Nam & nobis ommissa huiusmodi resolutione, & consequentium causarum necessitate, constanter tamen hoc ipsum tueri licet. Atque adeo si proprie rerum efficiendarum causas libeat inuestigare, nihil vnquam sine causa effici reperiatur. At non protinus quicquid futurum est, id omnino fatali necessitate procedet. Neque enim si Philippus sit, statim ut Carolū aut Fernandum, aliumve filium generet, sitque posterorum causa necesse est. At si Carolus fuerit genitus, ut à patre tanquā à causa genitus sit oportebit. Nam ut iacto fundamento, dum fieri non est necessitas, sed domo edificata, iactum fuisse fundamentum, est necessarium: sic de causarum necessitate in operibus naturalibus opinari conuenit, ut non prioribus posteriora necessario succedant, sed posterius effecta, aliquam ex necessitate causam antecedentem obtineant, tametsi quædam huiusmodi sunt, ut habeant illa quidem causam, non tamen propriam, atque huc dum ageret spectantem, sed quam accidentariam nuncupamus. Thesaurus enim si cui ferendi gratia fodienti repertus est, causam, ut reperiretur, fossionem habuit, non tamen propriam, nec hoc ipsum agentem, ut thesaurum inueniret. Nam causæ quæ propriæ intelliguntur, necessario, & semper, vel certe magna ex parte, quod petunt assequuntur: accidentariæ vicissim raro. Atque hac quidem ratione simul absque causa nihil fieri confirmare licet, simul calum, & fortunam, possibile itē, atque contingens tueri, quarum rerum istis solum vocabulum retinetur. Iam quod esse potest apertius mendaciū, quam quicquid aliud sequitur, hoc ab illo existendi causam mutuari: & quicquid antecedit, causam esse consequenti? cū in plerisque rebus, etiam quæ nullo temporis intervallo inter se consequuntur, constet prius non esse causam posterioris. Nisi forte putamus, incessus statum esse causam, noctis diem auctore, quod profecto non magis verum est, quā si quis tempestatem causam esse malaciæ dicat, aut æstatis effectricem hyemem. Ut merito de miremur istorum seu inscitiam, seu pertinaciam oportet appellare, qui ut de tempestate, & malaciā diximus, sic rerum naturalium causas efficiendi tradunt nimirum ut prius semper posterioris causam esse contendat: ad hunc enim modū quandam velut catenam, & perpetuum causarum ordinem connectunt, quominus quidquā sine causa efficiatur, non intelligentes, videlicet cō pluribus in reb. priora, ut statim dicebamus, nihilo magis esse causas posteriorū, quā statū incedēdi. Cōstat. n. nec statū incessui, neque



neq; hunc illi vicissim esse causam, sed utriq; stantis, ac incedentis voluntatem. Dierum autem atq; noctium quibus status est ordo, atq; constans vicissitudo, vnam eandemq; causam esse, cui potest esse dubitabile. Exploratum est enim ipsarum, & succedentiū anni tēporum causam esse solis circumactum, qui per obliquum circulū, quem signiferū nuncupamus, accedendo & recedendo vagatur, & auctor est plurimarum rerum vicissitudinū. Non igitur nox & dies, hyems & æstas, inter se carentæ, confertæq; sunt, ut alterum alterius causam esse concludatur. Nec ob eam rem periculum est, ne mundus, & rerū quæ in mundo sunt, vel efficiuntur, vnitas dehiscat, & in partes diducatur, cum satis valeat solis huiusmodi motus, continuitatem harum rerum conseruare. Neq; nisi incedendi, status fuerit in causa, protinus temere, & citra causam fuerit incessus. Ex quo licet intelligere huiusmodi causarum cōnexionē ab istis excogitata, non rectē causam esse redditam, cur nihil temere efficiatur. Nam ut motus, & tempora a quibusdam causis proficiscuntur, non tamen motus a motu, neq; tempus a proximē antecedenti tempore, velut a causa dicitur emanare, sic de rebus statuendum est, quæ in tempore & per motum efficiuntur. *At est (inquiunt) rerum efficiendarum aliqua causa, propter quā mundus vnus est, atq; sempiternus, & semper eodē modo gubernatur.* Est omnino, & hanc quærere, & quānam sit statuere philosophi vel in primis partes sunt, non tamen sic est accipienda, ut recentius a seniore generetur more nascentium animalium. Adde quod non cuius ordinis excessus dissipat ordinem vniuersum, nec res ordinatas labefactat. Sed quemadmodum non quæcunq; principis imperij trāsgressio regnū affligit statūve ipsius euertit, ita si quid tale in ipso mundo committatur, perstat tamen vniuersi foelicitas, neque idcirco machina eius dissoluitur. Nam si res haberet quemadmodum isti arbitrantur, quid esset mortalium vita, nisi ludus quidam naturæ tragicorum aut comicorum fabulis simillimus? personas singulis hominibus quas nascētes induissent, sic agentibus ad naturæ præscriptum in vita, ut histriones in *Quid Democritus stulte* scæna solent ad dictata poëtarum. Et profecto non aliam causam fuisse *videret. Herer, nisi quia cū vterq; versaretur (ut diximus) in hoc errore, vitā nostrā ra. ploraret.* ludum esse putabant, quod alteri ridiculū, alteri videbatur miserandū: cum esset magis stultitia ipsorum ridenda & miserabilis, qui putarent hominem tam perfectum animal, & diuinitatis particeps, ad ludibriū, & iocum Deo naturæq; fuisse procreatum.

*Quod verò aiunt de cælestibus corporibus, ipsorum virtute res nativas, atq; mortales gubernari, id in nostræ sententiæ confirmatione satis, quā vim habeat, arbitror esse declaratum, gubernari quidem mortalia corpora vel plurimum cælestib. motibus, non tamen idcirco fieri cuncta necessario. At sunt causæ cœlestes necessariae. sunt nimirum, nec istud nos inficia-*



*Quomodo  
celestes cau-  
se sint neces-  
sarie.*

*Magnum mo-  
mentum in  
materia.*

*Stoicorum  
argumentum  
quid conclu-  
dat.*

mur, si tamē hoc dicis, corpora coelestia ipsorumq; motus, quæ sunt no-  
stratib. causæ, sempiternæ ac immortalis esse naturæ, sed hinc nō effici-  
tur, vt ipsorum cuncta opera necessario procedant. tunc fieret, si neces-  
sarias diceres, quasi suum opus necessario perficientes. Sed quod sumi-  
tur falsū est in eo sensu, corpora coelestia causas esse necessarias, præter-  
quam in quibusdam rebus, certe in caducarum rerum indiuiduis nihil  
habet veritatis. Et si enim sol & Sophroniscus causæ fuerunt Socratis  
procreandi, tamē sole atq; Sophronisco existentib. fieri poterat, ne So-  
crates generaretur. Nā quod causa eodem omnino sede habente modo  
fieri posse negant, vt res tum sic, iam secus efficiatur, hoc quoniā de cau-  
sa duntaxat efficiēte (qualis est coelestis) loquūtur, probari minimē po-  
test, cū sit in ipsa materia momentū vel maximū, atq; p̄ eius discrimine  
magna plerūq; varietas operū ab eodē efficiente sine vlla ipsius muta-  
tione manet. Quando ignis eodem tempore ceram laquefaciat, quo lu-  
tum concernit, aridum lignū comburat, quo virens & madidū ne cale-  
facit quidē. Cui similis est astrorū atq; motuū celestium ratio in res no-  
strates atq; caducas. Neq; enim semper Arcturus exoriens tempestatem  
facit. quid ita? quia tempestatis materia non semper, aut in omni tractu  
est quanto, vel quali ad vim coelestem excipiendam accommodata. Quod  
si à rebus naturalibus fatalis necessitas manifestis rationibus excludi-  
tur, quid tandem existimare conuenit de humanis actionibus & moti-  
bus animi voluntarijs? Quanquam mirum est profectō, quæ isti porten-  
ta confingant, dum humanis actibus eandem, quam rebus naturalibus  
necessitatem imponere machinantur. Sic enim differunt, cum plurimæ re-  
rum atq; eadem inter se distantissimæ naturæ habeantur, si quidem non solum inter ani-  
mata & animæ expertia naturæ discrimen existit, verum etiam animantium, inter ipsa,  
pro sua rem quamque natura officio sibi delegato fungi atque proprium munus obire, vt  
quæ fiunt à terra, natura terræ efficiantur, ignis quæ ab igni, animalium, quæ ab anima-  
libus. Quod autem pro sua natura cuique rei efficiatur, id vt aliter fiat, fieri nullo modo  
posse contendunt, fieri igitur necessitate. Nam hoc esse fieri necessitate, non vi allata fieri,  
sed aliter effici non posse, vt lapis si demittatur nulla incussa vi descendit, sed sponte sua  
& pronitate naturali simili modo ignis nullius violentia conscendit, ne tamen sua sponte  
efferatur, fieri nequaquam potest. quod cum argumento (vt ipsis videtur) inuictō,  
collegerunt, se nescire profitetur, cur in animalib. quisquā his animad-  
uersis aliter putet euenire. quippe quibus suus propriusq; motus sit ab  
ipsa natura tributus, quem naturalem impetū siue appetitū esse tradūt.  
Quandoquidem omne animal, in eo quod est animal, per appetitū mo-  
ueri aiunt, sic fato per animal illū motum obeunte. Ita cū motus oēs, &  
omnia mundi opera partim per terram exempli causa, partim per  
aerem, quædam per ignem, alia denique aliorum ministerio à fato per-  
ficiantur, quædam effici per animalia, quæ tamen nihilo minus, quàm  
cætera fatali necessitate fiant, quanquam quæ per animalia fiunt hæc in  
animalibus esse ac ipsorum potestate dicantur, cum hoc solo discrepēt  
ab alijs



ab alijs motibus, quod hi per impetū siue appetitū, ceteri per grauitatē leuitatē, frigus, calorem, aliāve causas edantur. Ex qua sentētia iam error ille manifestissimus cōsequitur, nulla ratione tolerandus, vt neq; inanimatis animalia bruta, neq; his homines vlla ex parte perfectiores habeantur. Quid enim refert, grauitate an appetitu seu voluntate res moueantur, si tam hæc quā illa ministra duntaxat est, & merum instrumentum fati? Nisi fortē (quod nemo sanus diceret) inter fabrorum instrumenta malleum incude, vel hanc forcipibus nobiliorem, aut perfectiorem esse putamus. At sentiūt animalia, cū cetera sint huius facultatis expertia, intelligit homo, quod alijs animantibus non datur. Et quid tandem hoc est prærogatiua? si cum multa & varia intellexeris, in oppositum fati conari nihilo magis queas, quā lapis in sublime conscendere. Atq; adeo nostra conditio hoc esset, quam non intelligentium deterior, quo sumus in rebus dignoscendis perspicaciores. Cum cetera ea tātum via ingrediantur, quæ ab ipsis sola cognoscitur, nos cū multas & diuersas cognoscamus. vna tamen, & ea pessima plerūq; ingredi fatali necessitate compellamur. Neq; enim refert, qua nos ratione fatū cogat, volentes an inuitos, cogit certe, vt nihil interest blanditijs imperiosis quisquam, an minis ad præcipitium deducatur. Cōstat autem hoc esse falsum, & animalia muta inanimatis esse potiora, hominē vtriusq; non igitur fiunt omnia necessitate, scilicet quoniā multa sunt in potestate animalium, non hominum tantum, sed etiam brutorum, quanquā nō proprie nec ita, vt in ipsis liberum arbitrium intelligamus. Errat. n. si quis putat canem verbi causa, cum ad biuiū peruenierit necessitate naturali, qualis est in motibus inanimatorū alterutra via procedere, quin sit quodammodo in ipsius potestate, consistat an pergat, hanc an illam viam ingrediat, nisi quod quemadmodum homo rationis, sic prope modum ille iudicio sensus obsequitur, vt indicat sæpe ipsis in talibus locis cunctatio, & vagi nonnunquā discursus recursusq; inuestigantis. Atq; hoc quidem mihi potissimū animalia à non animatis differre, & ipsis præstantiora esse videtur. Quandoquidē lapidē ita semper moueri notamus, vt nisi re quapiam externa cum descendit excludatur, cursum teneat ad perpendiculum, nec ante consistat, quā sit nactus locum sibi naturalem, cui similis est ratio ceterorū inanimatorū, humana verò voluntas hoc plus habet, quā impetus animalium, libertatis: quod licet voluntas ab intellectu, sensu, aut viso, bonum vel boni speciem ostentante moueatur, nihil tamen horum est causa, quæ ipsam cogere sic valeat, ne integrum ipsi reseruetur, rem propositam reiiciat, an amplectatur. Nam etsi voluntas semper spectet ad bonum, identidem tamen intellectus in eadem re duplex & diuersum bonum ostendit: exēpli causa vtile si petatur, si fugiatur honestum, quod cum accidit, in potestate voluntatis est, vtrum bonum prosequi malit, vtile asciscendo, an honestum

*Sequitur hominem nihilo præstare brutis.*

*Deterior esset hominis, quā brutorū conditio.*

*Voluntas cogi nō potest.*



stum reiiciendo: ut dubium esse non possit, quin facultatem habeat oppositorum. Ad summam tam vaga est atque libera voluntas (ne quis eam trahi semper maiore bono, aut ipsius specie cauilletur) ut in re quam utilem simul & honestam, adde etiam, si placet, iocundam intellectus iudicauerit, possit, ut edere volendo, sic actionem suam non volendo continere. Si non valet rem etiam auersari, omni bono fastidito, ut dicat iuxta poetam, *video meliora proboque deteriora sequor*. cuius rei, si quis confirmationem requirit, experiatur in se ipso, nullum argumentum præterea desiderabit.

*Prudentiores  
Stoici, quam  
Lutherus.*

Sed isti cum rerum omnium fatalem necessitatem inducerent, tamē velut metuentes inuidiam, ne si incredibilia & cum hominum consensu pugnancia præciperent, in eam impudentiam inciderent, quam Martinus, ut est mortalium impudentissimus, neminum quidem reformidauit, liberum arbitrium tueri, quacunque poterant ratione conabantur. In quo illud constanter in primis adiciebant (est enim huic opinioni maxime consentaneum) liberum arbitrium nō magis hominum, quā cæterorum animalium naturam attingere. Eos igitur motus in potestate animalium esse dicebant, quibus fatum per animaliaungeretur. & cum ab ipsis quæritur, qui fieri possit, ne sit liberum arbitrium sublatum, si res omnes fatali necessitate fiant, tergiuersantur, & incommoda, utcunque possunt, effugere tentant. Sed nihil proficiunt, nam præter nomen arbitrii nihil animalibus præcipui relinquitur. Aiunt enim liberum arbitrium positum esse in appetitu & assensione, atque id demum esse animalia libero arbitrio fungi, non citra sensum in sublime vel deorsum ferri prouitate naturali, ut ignem aut terram, sed appetitū & assensum, quocunque is vel ducat, vel reuocet affectari. quod est haud dubie falsum. Neque enim libero arbitrio tunc animal utitur, cum speciem seu visum obiectum insequitur, & in id quod videtur impetit, sed hoc esset fortasse munus libenter obire. At non si quid est libens, id protinus à libero arbitrio proficiscitur: Est enim libens quod ex assensione non violenta procedit, in nobis autem nostroque arbitrio id esse dicitur, quod cum ratione & consilio administratur. Ita quanquam sit libens quicquid est in potestate nostra, non tamen licet reciprocare, ut vicissim omne libens sit in nostra potestate. Nam quicquid animalia rationis expertia impetu & assensione faciunt, libenter faciunt: liberum verò arbitrium homini peculiariter est à natura tributum. Quid est enim hominem esse rationis participem, nisi rationem in se obtinere iudicem, & obiectas rerum agendarum, fugiendarumque species discernentem atque eligentem? Ita cum animalia rationis expertia, qualiscunque rerum facies obijcitur, his obsequantur, & easdem causas assensionum, atque impetus habeant, homo ratione præditus est, qua rerum agendarum visa extrinsecus

*Nō est idem  
libenter.  
quod libere  
agere.*

*Quid sit ho-  
minem esse  
rationis par-  
ticipem.*



secus allata dijudicat, talia ne sint, qualia esse videntur, ut falsis imaginibus reiectis veritatem rerum complectatur: quo fit, ut sæpe à reb. iocundâ speciem præferētib. cohibens, quo in ipsas agitur, appetitū abstineat, ratione videlicet huiusmodi viso refragāte, & multa perinde, quæ videntur utilia rejiciat. Ut planè intelligatur, liberū arbitrium in assensione rationabili consistere, quæ à consultatione proficiscitur, magno istorum errore, quib. esse placet in assensione atq; impetu animali. Nam quid aliud est esse rationis particeps, quàm esse principium suarū actionum? Quemadmodū ergo esse animalis in eo consistit, ut impetum habeat animalē, ignis ut calidus sit & calefaciat (si recte hoc à quibusdā traditur.) Sic hominis esse in hoc, ut rationabilis sit, id est, in eo quod tā agendi, quàm non agendi principium obtineat, prorsus ut qui liberum arbitrium ex nobis tollunt, eos hominem ex homine tollere, non possit dubitari.

*Hominē tollit, qui liberum arbitriū tollit.*

Nam quod aiunt quæ per hominē fiunt, ea nō posse aliter quā per consultationē fieri, propterea quod homo cōsultandi facultate cēseatur, id quidē probari non potest, quia non quæ facimus, omnia consulto facimus. Sed plerumq; instante gerendæ rei occasione, consultationem omitterentes ad munus obeundum properamus. Sepe etiam negligentia aliave causa quapiam consultare prætermittimus. quod si quædam consulto, alia secus per homines fiunt, per absurdum dictu est, hæc esse in hominum potestate, quæ cōsulto efficiuntur, propterea quod nihil per ipsum aliter fieri, quàm per consultationem possit. Porro si quædā consulto facimus, quædam inconsulto, nimirum quæ per nos fiunt, ea falsū est (quod isti tradunt) sic fieri simpliciter, ut quæ per alias naturas efficiuntur, quod si nobis per naturam licet quidpiā inconsulto facere, eisdē haud dubiè aliud per consultationem efficere licebit, non id tantum quod citra consultationem facimus. Sed neq; illud verum est, idcirco ab hominibus obiri diuersa munera, quod externæ causæ eadē genere tum sic, iā aliter impellant, ut homo nequeat oppositum eius, quod agit efficere. Neq; enim quæ per causam fiunt, ea semper ab externa efficiente causa proficiscuntur, cum aliquid in nobis nostraq; potestate ob eam rem esse dicatur, quia nos ipsi in hæc, quæ sic efficiuntur liberam facultatem habemus, atq; eorū velut arbitri & domini sumus, nō causa quæpiam quæ necessitatē extrinsecus afferat. Quapropter tales motus absque causa facti esse dici solent, scilicet quia præter nostrum arbitriū à nulla externa causa proficiscuntur, homo enim principium est & causa suarum actionum. Et profecto esse hominem, nihil est aliud, quàm agē-

*Homo principium est & causa suarū actionum.*



que causam obtineat suarum actionum, & ne prorsus causas extrinsecus præscribentes affectetur. quod ni ita esset, profecto semper in unum scopum intuentes ferremur, & semper eodem modo iudicaretur. quod falsum in primis esse magno argumento est, quod rem iam propter sui honestatem petimus, tum propter iocunditatem; nonnunquam quia commoda nobis est & fructuosa, ut non relinquatur dubitatio, nullas causas externas esse huiusmodi actionum auctores & effectrices. Quare ut qui novit terram pondere suo descendere, animalia per impetum agere, quod talis sit ipsorum natura, is nullam causam præterea requirit; sic nulla causa inuestiganda est cur quæ fiat in hominis potestate, varijs modis efficiantur, animadvertentibus id demum intelligi hominem esse, principium esse & causam liberam suarum actionum. Sed neque illud verum est, homines inito consilio, ei quod ipsis videtur assentire, ac perinde rerum visum non secus atque cæteras animantes consecrari. Neque enim quicquid videtur, est visum, cum visum simpliciter & citra rationem a rebus externis suggeratur. quo fit ut in animalibus rationis expertibus plurimum dominetur. *At quedam* (inquiunt) *per rationem esse talia videntur*. certe sed cum causam, ut huiusmodi esse videantur a ratione mutuentur, nemo recte visa hæc, faciesque rerum nuncupaverit. Nam qui perpenſa examinataque re per consultationem, ipsi assipulatur, is sibi causa existit assentiendi. Ac liberum quidem arbitrium rerum necessitate deleri, & qui liberum arbitrium tollit, hunc hominem omnino tollere, satis est a nobis explicatum.

Fundamen-  
tum 2. Stoi-  
corum de  
deorum  
vaticinijs.

Venio ad illud argumentum de deorum vaticinijs & præcognitione rerum futurarum, quo isti philosophi, putabant causam suam vel in primis confirmari, & cui confidit maxime omnium Lutherus. Sed hic locus aliter tractandus erit, cum huius hæretici captiones separatim refellemus, aliter nunc, dum phisicos ratione naturali deorum præsciencia, & Chaldaeorum prædictiones, quibus similiter occurritur, allegantes refutamus. Deos enim futura præscire non solum esse probabile confirmant, sed dictum etiam nefas ab ipsis horum quidquam ignorari, hoc si verum sit, effici proculdubio, ut cuncta fiant necessitate, & fato quodam inevitabili procedant. Quicquid enim futurum esse præcognoscant, nisi necessario ut ipsi præcognoverint eveniat, sed fieri aliter possit, consequens esse, ut sæpe dii opinione fallantur, vanaque sit ipsorum præcognitio; rebus in diversum atque ipsi præviderint recidentibus, huius porro præcognitionis caput ad cognitionem referunt fatalis causarum connexionis. Neque enim potuisse Apollinem Laium ab Oedipo filio obtruncandum, & matrem Iocastam uxorem ducendam esse prævidere, nisi prospexisset connexionem causarum necessariam contineri, ut Laius Oedipum procrearet primum, deinde seruo exponendam daret, tum hic a teri pastori, & sic regi Corinthiorum Polybo traditus apud ipsum ignoratis parentibus ad multam ætatem educeretur, & cætera quæ poëta tradiderunt, nota est enim fabula quam Sophocles in Oedipo tyranno accuratius exequitur, ut rediens ille ab oraculo Pythio ignotum patrem iratus in via conficeret, & postremo Thebis Iocastam duceret.



duceret. Sed hac difficultate, quæ maxime omnium quibusdam videtur inexplicabilis, se Alexander Aphrodisiensis superstitiose minime patitur implicari, sed negans talem Deorum præcognitionem, inextricabilem nodum abscondit magis, quam dissoluat, ut Macedo illum Gordianum. Nam si hoc (inquit) rerum natura patiatur, & fieri posse permittat, utique futura à dijs potissimum præcognosci dictu fas est, & maxime rationi consentaneum. Sin autem huiusmodi præcognitio, ut impossibilis à natura renuitur, profecto ne dijs quidem futura præscire datum esse putare conuenit. Nam quæ sua natura fieri nequeunt, ea nihilo secius apud Deos suam naturam retinere, cum diameter lateri fieri commensurabilis, ne à dijs quidem immortalibus possit, nec ut bis duo sint quinque, aut præteritorum quidquam non sit elapsum. Sed ne velle quidem Deos, quæ natura fieri nequeunt efficere. Itaque res, quarum est ea natura, ut fieri perinde, atq; non fieri possint, Deos omnino futuras, aut vicissim non futuras præscire non posse. quoniam talis facultas huiusmodi præcognitione tolleretur. quare qui velit (inquit) eā potestatem retinere, is deorum certam præcognitionem negabit, quod ipsum aduersariorum sermone confirmat, qui Deos idcirco futura prospicere dicunt, quod ita sint futura necessario, non præcognituros, si res sese aliter haberet, ut appareat dijs eandem imbecillitatem ipsorum sententia conferri, si facere impossibilia non posse, debet imbecillitas, ac impotentia nuncupari, per hanc enim prædictionem nihilo maiorem vim numinibus attribuunt, sed hoc præsumpto, talem rerum naturam inducunt, neque sensibus consentanea dicentes, neque vsui rerum consentientia. Siquidem eadem via liceret, multa impossibilia fieri posse concludere, ut si quis ad hunc modum colligeret. Absurdum est dictu deos ignorare, quot mensuras, exempli gratia quot vlnas pateat infinitum, infinitum igitur certis, atq; definitis vlnis absoluitur, dijs aliter ignoraturis, quot vlnis illud mēsuretur. sed quoniam futura præcognoscere datur, & talia qualia sint præcognoscere, dubium esse non debet, quin contingentia qui præcognoscit, hic ea ut contingentia præcognoscat. Neq; n. præcognitio facit ut contingēs necessario sit euēturū, quod ipsū licet ex diuinis prædictionib; intelligere. Nā qui ita prædicūt, ut simul consulāt, & exhortentur ad electionem actionemq; rerum opportunarū, ij profecto res non quasi futuras necessario prædicunt. Ad summam (inquit) si dijs isti cuncta possibilia esse dicant, sintq; etiam impossibilia dijs possibilia, nunquā tamē demonstrabitur, propter futurorum præcognitionē, ut quæcūq; sūt, necessitate efficiātur: sin aut impossibilia dijs quoq; talia esse concesserint, primū eorū partes sunt, huiusmodi præcognitionē haberi posse docere, deinde cōpotes deos illius esse demonstrare. quoniā neq; manifestum est, neq; rerū vsui consentaneū, deos ad hunc modum res futuras præuidere. Neque enim se diuinationem tollere,

*Responsio  
Alex. Aph.  
ad deorum  
præcognitionem.*



neq; futura à dijs præcognosci inficiari, sed ita præcognosci contendere, atq; hominibus per vaticinia prædici, vt sese habet rerū ipsa natura, ne mortales ea commoditate fraudentur, quæ maxima ex diuinatione contingit, vt aliqua incōmoda caueamus, in quæ nisi Deus consulisset, incidissemus. Sed Alexandrū cum sua de præcognitione Deorum sententia dimittamus. Cæterum de veri Dei præcognitione, cum priuati Martinum refellemus, accuratius disputabimus.

*Qualia erant  
deorum re-  
sponſa.*

*De astrologo  
rū responſis.*

Nunc ad Apollinis & cæterorū dæmonū, qui falso dii esse putabātur, vaticinia, quib; mentes mortaliū eludebant, id quod verissimum est respondeamus: ignorasse illos res futuras, & vt vera quædā, sic multa falsa prædixisse, sed partim ipsorum dolis, partim hominum leuitate, factum esse ne illorum mendacia contrarijs rerum euentis apertissimè deprehenderentur. Illi enim responsis flexiloquis, ambiguis, obscuris, oracula reddebant: homines verò quicquid euenissent, sic interpretabantur, vt ipsum oraculo prædictū esse videretur. At nonnulla vere, atque adeo multa Pythius Apollo, quæ rei certissimus euentus confirmaret prædicebat, nisi libeat mendacij omnes propemodū veterū historiarū scriptores cōdēnare. Certè multa, sed quæ tum casu euenirent, tū ordine naturali quidē, minimè tamē necessario. Dæmones enim quid causæ coelestes ipsaq; natura vel efficiant, vel moliantur, multo exactius, quā sapientissimus quisq; Chaldæorū cognoscunt. Cum igitur constet naturæ conatus magna ex parte procedere, quod signa naturalia portendere intelligerēt, id fore prædicebāt. Sed (quod est nostræ sententiæ sanè magnū argumentum) non ignari cepta naturæ nonnunquam causis externis, atq; casibus impediri, præsertim vbi locus sit humanæ voluntati, omnib; responsis noctem, quā maximè poterant offundentes, latèbrā obscuritatis adhibebant. Eadem ferè cadunt in Chaldæorū prædictiones. Neq; enim dubium est, quin Mathematici non dico casu (quāquā id sæpius efficiatur) sed ex arte quæ plurimorum & hominū & annorū obseruatione confecta est, quid natura moliatur cognoscētes, vera prædicāt, sed plerumq; falsa, non solū ob artis ignorantiam, qua ipsi cæcutiunt, aut eiusdē imperfectionem, quam isti causantur, verum quia non semper naturæ molimina, neq; pariter vbiq; procedunt. Vnde fit, vt sæpe cū pluuiam fore certissimis signis portendentib; ex arte sua prædixerint, tamen pro ratione materiæ, hoc est vaporum exhalantiū, qui solent in aquam concrecere hic abunde pluat, vbi copiosi sunt & idonei; illic materia parce suppetente guttæ cadant rariores. Alio in loco vbi hæc penitus defecerit, ne nubila quidem appareant, quod profectò Mathematicis non deberet esse fraudi, qui pluuiam non quasi necessario in illo tractu futuram esse prædixerint, sed ita demum, nisi causis coelestibus obstiterint impedimenta, quominus quod petunt assequantur. Porro vt in huiusmodi rebus materia & aliæ quædam externæ causæ natura



se naturæ fatique conatibus interdum obstitunt, sic in rebus agendis hominis vaga & libera voluntas pronitati naturali, quam solam Mathematicus ex motibus astrorum potest prædicere. Hanc enim si quis natus parum foelicibus astris, velit euincere, potest rebus oppositis assuescendo in tantum superare, ut in oppositum confirmatum habitum, hoc est alteram naturam illi, qua fuit in lucem editus contrariam nanciscatur.

Nam quemadmodum aleatori, ut diuinus Plato dicebat, optimus quisque iactus exoptandus est, sed quicquid ceciderit, eo quam commodissime fieri possit utendum: quorum alterum, hoc est foeliciter iacere, non est in lusore positum, alterum est in ipsius industria, ut dexter iactus aptissime ad vincendum accommodetur, sinister ut quam minime possit officere: sic expetendum cuique homini est, ut optimam habitudinem à natura fortiatur, quod est supra ipsius facultatem. ut autem rectam confirmet ac augeat, vel prauam vicissim emendet, & corrigat, non est votis aliunde petendum, sed à prudentia cuique sua (modo velit) per consuetudinem & studium suppeditabitur, quod Socrati & Stilponi accidisse supra memorauimus. Quos si Martinus Lutherus fuisset imitatus, profecto nunquam eò malorum processisset, neque se tot tantisque flagitijs sibi, & Germaniæ perniciosissimis obligasset. Nunc cum pronitati naturali, quæ pessima huic monstro nascenti contigerat, non modo non restiterit, sed etiam sacrilego, & deprauato animo per summum studium indulserit, quali sua ruina multos homines inuoluerit, difficile est sine magno dolore meminisse. Natus est enim Martinus (ut ab hominibus fide dignis accepimus) astris tam incommodis & importunis, ut ex ipsius *Genitura Lutheri.* genitura natalitijsque sideribus, siquid veri ratio habet mathematicorum, facile appareat, ipsum ad talia scelera patranda maxime fore propensum, & accommodatum. Habuit enim Horoscopum capricornum, qui nisi aliorum astrorum benigniore aspectu temperetur, falsa religione solet nascentium animos imbueri, & homines facit simulatores, mendaces, inconstantes, loquaces, infidos, libidinosos. Oppositio Martis & Mercurij vanitatem rursus, & mendacitatem Martini confirmat, quatuor planetae in nona coeli regione magnas eum turbas falsa specie religionis concitaturum esse portendebant. quam vitiosissimam procliuuitatem ratione corrigere, usque adeo nunquam tentauit, ut omni studio & opera alere, & augere contenderit, & cunctis animi viribus fouere perseveret.

Sed redeamus ad fati patronos Stoicos, & eorum pertinaciam quia cepimus, proprijs suisque dictis refellamus. Nam licet res in fabulis, quas illi sequuntur more veterum agatur, ratio tamen nihilo minus valebit in Martinianos. Illi enim cum multi sint in laudanda diuinatione,



quam se solis auctoribus stare profitentur, & hanc in fidē adducant fatalis necessitatis, non solum à vero longissime abhorrent, sed prodigia quædam, & prorsus aliena de dijs comminiscuntur. Rogati enim cur si necessitate fatali res omnes eueniunt, responsa deorum sciscitantibus oracula in consilij exhortationisq; morem reddantur, quasi accepto responso, quædam homines & cauere valeant, & efficere: vt responsum, quod in testimonium adduci solet Laio Pythium consulenti redditum declarat. Cui Apollo *ne committas, inquit, vt filium quempiã progeneres: si procreaueris obtruncaberis ab ipso, & tota domus tua cruentabitur.* ad hunc igitur modum interrogati respondent, idcirco Deum sic respondisse Laio, vt quæ fato futura erant adimplerentur. Nam quæ de Laio atque Oedipo cōmemorantur, nō fuisse euentura, nisi Apollo eo modo respōdisset. Neq; enim Laius filiū quem ebrius genuerat exposuisset, nec ille à pastore traditus Polybo Corinthio adulta ætate patrē cui ignoto ignotus obuiam factus est, interemisset, neq; parentes domi educat<sup>9</sup> ignorasset, vt propter ignoratiōē alterū in via occideret, alteram vxorem duceret. Vt hæc igitur adimplerentur, totaq; fatalis fabula perageretur, Deū tradunt per huiusmodi responsū speciem Laio præbuisse, quasi quæ portenderentur effugere, atque euitare posset. Ita procreatū per ebrietatē filiū exposuisse, dū putat se venientibus malis ad hunc modū occurrere, quidē expositio Oedipi, caput fuit & fons, vnde scelera omnia, oēs impietates, & incest<sup>9</sup> tragici manarunt. Quæ qui ad hunc modū edisserunt, quo pacto diuinationem eiusq; cōmoditates, ac deorū in homines pietatem tueantur, ipsi viderint: mihi certe tali sententia cuncta hæc enerti, atque corruere videntur. Nam diuinatio quid esse aliud intelligitur quam futurorum prænunciatio? At isti non præmonitorem Apollinē, sed eorum quæ prædicat, causam & auctorem faciunt. Nam quæ non aliter futura erant, quæ si Deus eo modo respondisset, imò quæ vt perficerentur Deus ita respondit, ea profecto à Deo non prænunciata prædictaque fuisse, sed confecta ab eodem peractaque fateri conuenit. Quòd si deos cæteris vatibus aliquo præstare par est, vt certe est, in eo profecto præstant vel in primis, quod mortalib. vt fiant etiam votorum compotes opitulētur, non quòd eos in ærumnas & calamitates inducant. Cum istorum interim sermone tantum absit, vt Pythius Laio fuerit opitulatus, vt omne studium omnēque conatum eò contulerit, vt nullum esset scelus, nulla tanta impietas, qua ipse ipsiusque domus non pollueretur. Quæ si vera sint, haud equidē video, quomodo sententia Epicuri, qui deorū tollit prouidentia, nō plus habeat pietatis, aut cur omnis temeritas tali prouidentia non lōge debeat anteferri. Sed istos iam cum suis figmentis omisso faciamus, quorum studio vincendi eò processit pertinacia, vt si quam aliam fabulam nacti fuerint ex tragicis portentis poetarū, nihil sint recusaturi, quominus & fidē adhibeant, & inde fatalē necessitatē confirmare conētur. Nō  
vel si



vel si Medea narretur alienis filiis consuluisse, suos propter pellicatum obtruncasse. aut Thyestes quidam pro cibo, filiorum carnib. usus, tā lautitas epulas fratre Atreo ministrante. Quos æquius erat, & philosophi grauitate dignius, hæc fabularum argumenta vt commentitia propter incommoditates, quæ consequuntur refellere, quam propter argumenta tot difficultatib. atq; incommodis implicari. quò sit magis istorum peruersitas insignis, qui nō modo absurdissimis quibuscq; fidem habent, sed causas etiā, cur ratione fiant reddere conantur. Sed de his hæcenus, satis est enim sententiæ absurditatem, in quaestione quaque demonstrare.

Restat vt aliud argumentum, quod isti ad tollendam liberam hominis facultatem excogitarunt, quam vim habeat explicemus, & quā nihil procedat exponamus. Nam si ea (inquiunt) in nobis sunt, quorum perinde opposita efficere possumus in nostra potestate, & hæc sunt laudationum, vituperationumq; materia, in quæ homines adhortari solemus, & à quibus deterrere, deniq; pro quibus mortales tum supplicijs, tum vicissim honoribus afficiuntur, nimirum neque prudentia valere, neque cæteris virtutibus præditos esse. situm erit in hominum potestate: quoniam qui virtutem habet, non valet idem simul oppositum vitium excipere, non magis quam virtutem contrariam admittere, qui iam vitio aliquo teneatur, nec qui vitiosus est, huic iam licet nō esse vitioso. Atqui absurdum dictum est, neque virtutes neque vitia esse in nostra potestate, ac proinde nec in ipsis laudationes, & vituperationes versari. Non igitur liberum arbitrium eiusmodi esse, vt vulgo homines opinantur, sed virtutes & vitia aliter esse in hominum potestate, scilicet quia quamuis effugi vel declinari nequeāt, per ipsos tamē obeuntur. Quod argumentum refellere atque eius imbecillitatem aperire in promptu est paruique negotij, si habitus huiusmodi, quomodo sint in nostra potestate explicauerimus. Habitus enim non ob id dicuntur esse in nobis postquam fuerint ingenerati, quia & non habere æque sit in nostra potestate. Sed quoniam antequam ingenerentur virtutum aut vitiorum habitus, optio nostra est, hunc an oppositum habitum induamur. quæ ratio perinde valet in artibus & disciplinis, quibus cum fuerint artifices instructi, non est iam in ipsorum potestate earum habitibus non esse præditos, ante tamen quam edocerentur haberent ipsos, an non haberent, integrum eis erat, atque permissum, vt intelligatur, longe dissimilem in futuris, atque in presentibus & præteritis esse rationem. Nā quæ sunt, quæque fuerunt, hæc non esse vel non fuisse minime licet, quod verò futurum est, non esse idem potest. Quoniam igitur ante virtutem obtinendam verum fuit dictum posse hunc, qui obtinuit, non obtinere, idcirco virtutem obtinere in potestate ipsius esse dicitur: quod si prudenti virtus, qua censetur, in ipso protinus fortunatura contigisset, neque eius opera fuisset diligentiaque parta, nimirum prudentem esse, non esset positum in prudentis potestate non magis quā bipedē esse, rationisue participem, nec vllam laudem, quod talis esset mereretur. Sed homines fortasse in admirationē sui conuerteret, quod a natura fuisset tā præstanti munere donatus. Eos enim laudib. prosequi cōsueuimus, qui cū essent

tenui

*Fundamentū  
tertium Stoi-  
corū refutat.*

*quomodo ha-  
bitus sint in  
nostra pote-  
state.*



*Quod natura  
contingit, nō  
est materia  
laudis.*

*Iliad. i.*

tenui valetudine & imbecilli natura, vt valentes ac firmi essent cura & exercitatione fuerunt consecuti, studium videlicet, ac prouidentia cōmendantes. Nam si, quos nullo suo labore, ac sollicitudine, sed sponte naturæ firma & robusta valetudine conspexerimus, foelices eos & fortunatos appellamus, quod sponte his citraque laborem suppetat, quod alij boni consulunt, si per magnos labores, atque curas consequantur. Hoc enim tantum abest, vt materia sit legitimæ laudis, vt sæpe ad imminuendam gloriam vsurpetur, si quo excellere quispiam existimatur. hoc ei beneficio naturæ contigisse, non cura industriaque ipsius comparatum fuisse dici possit, quemadmodum carmen illud Homericum docet, quo Agamemnon Achillis insolentiam superbiamque coercet.

*Robore si præstas, dedit indulgentia diuū.* Quod perinde, ac multo etiā magis in virtutibus, si cui natura contigissent eueniret. Vt Deum immortalem nō laudamus propter partas virtutes, quæ in eo nullæ sunt, sed propter insitas & cōuās ac (vt theologi loquuntur) consubstantiales ipsiusque præstantem naturam, admiratione prosequimur. quod cum nequeat hominibus suppetere, ne postulandum quidem est a natura. At cum virtus propriæ cuiusque naturæ perfectio sit, nec fieri possit, vt quod imperfectum est, ad perfectionem peruenerit, ne fieri quidem valet, vt homines qui (vt cætera) nascentes imperfecti sunt, cum virtutibus procreentur. Neque tamen inficias eo, naturam hominibus ad virtutem obtinendam opitulari. quibus constat quædam velut semina virtutum cum mente ipsarum capaci naturæ beneficio suppeditari, quæ si studiose curentur, & accuratius excolantur, more frugum adulescunt, & fructum vberimum ferunt: eadem neglecta iacent, interdum etiam funditus extirpantur. Quæ vis cæteris animantibus negata facit, vt homo licet corporis viribus a plerisque animalibus superetur, natura tamen præstantior cæteris omnibus habeatur. Nam si homines cum virtutibus nascerentur, aut virtutum illa semina crescentibus hominibus, & ad perfectionem tendentibus vltro augescerent, suæque sponte prouenirent, vt ingrediendi robur, vt dentes, vt barba, & cætera, quæ nulla nostra cura, suo tempore per naturam contingunt, profecto virtutes non magis in nobis essent, quam singula quæ modo memorauimus. ita prudentia, fortitudo, cæterisque id genus virtutibus mortales omnes omnino, vel certe magna ex parte præditi essent: nec laudibus, vituperijs, præceptis adhortationibus locus relinqueretur: nec superesset aliud, quam vt virtutum diuinitatem admiraremur, & has sortitos foelices esse diceremus. Sed quia res longe aliter habet, neque mortales cuncti, vel magna ex parte (quod signum esse solet rerum per naturam suppetentium) virtutibus instructos esse cernimus, sed boni consulimus, si vnum aliquem natum finis, qui præsidium a meditatione disciplinaque petens, dum ferret de-



ret deficienti naturæ suppetias, id consecutus fuerit, ut quantum belluis homines antecellant, possit esse documento, satis intelligitur virtutes comparare, situm esse in nostra potestate, nec immerito laudari bonos, aut vitiosos iniuste vituperari, nec exhortationes esse superuacaneas, aut nequicquā leges adhiberi, quas ad recte beateque viuendū duces habeamus. Neque vero virtutes & vitia ob id tantum sunt in nostra potestate, quod antequam nobis ingenerarētur, hoc ipsum erat optionis studijque nostri, verum etiam quia huiusmodi habitibus ingeneratis, super est etiānum facultas in nobis eosdem abijciendi, & in oppositos per oppositam consuetudinem cōmutandi. Quamuis enim qui fortis est, istimidus simul esse non possit, potest tamen fortitudinem, quā sibi subeundis periculis assuescendo pepererat, consuetudine rerū oppositarū amittere. Eadem ratio liberalitatis & auaritiæ, cæterarumque virtutū, & vitiorum, quæ mores attingunt reperietur. Nam quod natura cuiuspiam adest, id nulla cura nulla consuetudine in diuersum agas: ut saxum quod naturali atque insita grauitate defertur, nemo quālibet sæpe in sublime iacendo sic afficiat, ut assuetum aliquādo ipsum sua spōte superiora capefat, cum interim mores hominū alij & alij pro discrimine consuetudinis efficiantur. Ad hæc in rebus naturalibus primum habitus à natura mutuamur, deinde officijs per ipsos muneribusque fungimur, ut videndi habitum non nobis ipsi peperimus, sed cum nobis sponte naturæ suppetat, videndi fungimur officio. In ijs autem quæ non natura proueniūt, ex operibus, & actionibus habitus nobis comparamus, neque enim secus artifex quisquam efficitur, quā si artis munera sæpe ad præscriptum docentis obierit. cum igitur virtutes per curam nobis ac meditationē contingant, sæpe enim à voluptatibus temperando tēperantes efficimur, ut fortes, pericula identidem subeūtes, dubitari non potest, quin virtutes nobis studio curaque nostra, non sponte naturæ contingant.

Age verò qui virtutes vitiaque mortalium referunt ad fatalem necessitatem, nec libertati nostræ permittunt, virtutum ne via, an vitiorū ingredi malimus, quomodo ijs sibi cōstare velint, hominem propter quem cæteræ animantes gignūtur, & ad cuius salutē conseruationemque pertinent, ab eo ut queant vendicare, ne omnium animalium pessimus fuerit à natura productus? Quoniam excepta virtute istorum sententia nihil est in bonis, in malis nihil, si vitium excludas. At cum in cæterorum animantium nullum neque virtus cadat neque vitium, homines plerique omnes mali sunt, atque adeo post hominum memoriam vnus aut alter bonus fuisse ab istis commemoratur, ut admirandū quoddā ac inusitatum animal, ipsaque phœnice rarius. Quod si peccata cuncta paria sunt, nec malus alter altero peior est, ut istorum dogmate constituitur, & qui non sunt sapientes, omnes pariter insaniunt, qui fieri potest, ut homo non sit miserimus animantium, cui vitium est insitum, & insania hæreditaria? Sed

Cccc

quia

*Homo pessimus esset animalium per Stoicos.*



quia veterum philosophorum fundamenta nec alte, nec constante<sup>r</sup> iacta esse, satis (vt quidem videmur) ostendimus ac ipsorum rationes<sup>s</sup> refutauimus, quæ sequuntur in tertio libro differemus.

DE FATO ET LIBERO ARBITRIO,

LIBER TERTIVS.



N libro superiore, præful illustrissime, ad argumenta Stoicorum qui se fati necessitatis pertinacissimos patronos exhibuerunt respondimus, ipsorumque decreta mutua pugna concidere, aperte (nisi nos opinio fallit) exposuimus. Deinceps incommoda persequemur quæ cōmuniter omnes consequuntur, qui fatalem necessitatē tueri quacunque ratione conantur, siue fatū ap-

pellent connexarum cōsertarumque causarū ordinē, vt Stoicis placet: siue Dei voluntatē aut præcognitionē, quemadmodum Lutherus dicere videtur. Illud enim quærere omitto (quāquā id bonorum omnium, atque prudentium vel plurimi debet interesse.) Siquis vtramque partem ex æquo dubiam, atque incertam esse statuatur, nec esse magis exploratum multa in arbitratu hominis esse posita, vt ipsi censemus, & rerum natura testatur, quā omnia fatali necessitate fieri, vtri opinioni assentiri suffragarique, tutius, honestius, commodiusque debeat existimari. constat enim ad religionem moderandam, ad cœtus hominum conseruandos, & resp. administrandas, ac (vt semel dicam) ad omnia officia, omnesque virtutes colendas longe tutiorem esse sententiam, multoque opportunior, quæ pleraque hominibus ac ipsorum arbitratui permittit. Nam si cuncta necessitate fieri hominibus fuerit persuasum, cuius animus vel ad Deum colendum, vel ad homines virtute demerendos, & officiū suū reip. præstandum erectus esse poterit, aut cuius conatus ad res præclaras gerendas non frigebunt, ac debilitabuntur reputatis, nihilo secius quiescente se, quā cunctis viribus, & operibus adnitente, rem pro fati necessitate processuram, vt facile appareat, si neutra sententia altera esset exploratior, indignum esset tamen eorum grauitate, qui se magistros morum esse profitentur, sententiam de necessitate tueri, & alios in eam inducere conari, quæ plena periculi est, peccandi que affert auctoritatem, & in omnium virtutum, ac totius humanæ vitæ perniciem cum maximis incommodis, quæ iam explicabimus spectat. Quorum illud est absurdissimum & proculdubio falsum, sed necessitati fatali maxime consentaneum, homines frustra de rebus agendis consultare. Nam si consilia frustra nobis incuntur, nimirū superuacanea est ipsa cōsultandi facultas, qua

Sequuntur  
incommoda,  
quæ ex fati  
li necessitate  
eueniunt.  
Superuaca-  
nea esset con-  
sultatio.



qua homines natura præditos effecit, quod verum non esse, quis potest dubitare? cum vt Deum, sic naturam ex rebus quas sibi proposuerit, frustra nullam efficere & superuacaneam, cōsensus sit philosophorū, theologorumq; communis, simulq; constet, tali facultate hominē à Deo ipsa quæ natura nō fortuito, vel ex accidenti, sed consulto & ex industria donatum & instructum esse. Cunctis autem rebus necessario euenientibus superuacaneam esse consultationem, perspicuum fuerit, deliberandi v-  
sus, quis demum sit considerantibus. constat enim inter omnes mortales, hoc homini præcipui præter cæteras animantes à Deo & natura esse tributum, ne rerum visa temere bestiarum more consecetur, sed ratione præditus sit, qua visa, hoc est rerum species oblatas dijudicet, atq; discernat, vt facto iudicio, si res qualem speciem præbuerint, tales esse comprobeatur, visis si bona sint assentiatur, & sic ad obcunda munera procedat: si aliter, cæteris reiectis, eligat, sequaturq; quod omniū maxime visum fuerit expetendum. Sæpe namq; & plurimis in rebus consilia cōmutamus, ratione priorem opinionem redarguente, & quæ incō-  
sulto fecissemus, hæc efficere propter consultationem omittimus: quid ita? nempe quia nos ipsi deliberationis, ac electionis, in quibus reb. consultatio versatur, domini sumus. Cur enim neq; de sempiternis consultamus, neq; de ijs quæ sunt haud dubie necessaria? nisi quia talem cōsultationem superuacaneam nobis & inutilem esse natura demonstrat. Sed neque de rebus agendis, quæ non sunt in nostra potestate, consilium capimus, deliberationem eiusmodi nullum nobis fructum allaturam esse intelligentes. Qui enim de re aliqua consilium capit, is vtrum agenda sibi ea sit an secus consultat, & simili modo si quis ad propositum bonū & quasi finem pertinentia conquirat. Qui si forte in rem inciderit, quā vel fieri omnino, vel à se fieri non posse cognoscat, ab ea protinus desistit, sed alia inquirat, hætenusq; consultare perseverat, donec id inuenerit, quod efficere positū sit in ipsius potestate. hoc enim simulatque nactus fuerit, finem facit consultandi, velut inquisitionem ad initiū rei gerē deduxerit, & rem propositam, atq; deliberatā exorditur. Sic aut inquirat, quasi edoctus à natura sit, esse in ipsius arbitrio, hæc an opposita persequatur. Quæ causa facit, vt prudentes amicos adhibeamus, ne opinionis errore labamur, & post factum male initi consilij pœnitētia lubeat, quæ & ipsa magno argumento est, fuisse nobis facultatem oppositum atque fecimus efficiendi. Ad summam, ne de ijs quidem consilium capimus, quæ à nobis aguntur: si præterita sint, quoniā inutilis esset huiusmodi deliberatio, sed in hoc genere de ijs duntaxat, quæ futura sunt cōsultamus. Sperantes videlicet ad electionem, & actionem ipsorū, fructū nobis quæpiam huiusmodi consultationem allaturam. Nam si de ijs reb. consilium capere omittimus, ex quorum deliberatione nullū cōmodū præter ipsam consultationē capimus, dubiū esse non debet, quin de quibus

*Quib. in reb.  
versatur co-  
sultatio.*



bus consultamus, ex ijs aliquod præterea nobis emolumentum pariamus. Quod quid aliud esse censemus, quam ut pro ea facultate, quam nobis Deus & natura tribuit, quicquid velimus in huiusmodi rebus eligendi, ea consecremur, quæ ratio nobis commodiora esse demonstrarit, & res ipsas, veritatemque falsis rerum visis præferamus. Quod citra consultationem non contingit. At si quæcunque agimus, hæc ne agamus, non est in nostra potestate, sed agimus omnia ad superioris causæ præscriptum, qua necessitate ignis calore afficit, lapis descendit, si fuerit è sublimi demissus, globus per declivem volutatur, quæ tandem est utilitas, quod emolumentum, cur tam solícite de rebus agendis consultemus? Si quod inconsulto egissemus, hoc inito consilio agamus est necesse, ac præter deliberandi sollicitudinem nullum est operæ pretium deliberandi. Superuacanea est igitur, & prorsus inutilis consultatio, ex quo cum fiat, (quemadmodum diximus) ut frustra Deus ipsaque natura vim tribuerit hominibus consultandi, quod dictum nefas est, & magnum in utraq; philosophia peccatum, furor est, profecto furor, non solum impietas, facultatem oppositorum hominibus in rebus agendis abrogare, & necessitatem rebus omnibus inducere. Quid enim dictum absurdius esse potest, quam à Deo naturaque mortales cunctos eludi studio inani, ac inutili opera consultandi?

*Omnes leges  
essent inuti-  
les.*

Sequitur præterea ex hoc admirando decreto, id quod omnem societatem hominum pervertit, omnem civitatem labefactat, leges tum divinas, tum humanas esse prorsus inutiles, nedum minime necessarias. Quoniam si res omnes ad præscriptum causæ superioris, quam isti fatum appellant, necessario fiunt, nec hominis appetitus siue voluntas niti potest in oppositum, non magis quam lapis demissus se à descensu continere, quid tandem causæ fuerit, cur leges desideremus? aut quem fructum possumus ex ipsis expectare? Nam quemadmodum lapidem, si deferri non debere dicas, nulla tamen lege, nulla dehortatione descensum eius cohibeas, naturam suam necessario consequentis, sic conditores civitatum nihil omnino ferendis legibus profecerint, si homines in sui quemque fati oppositum inducere, aut ab ipso reuocare tentauerint. Nulla est igitur legum, ac institutorum utilitas, cum leges agenda præcipiant, rursumque vetent non agenda, & nos sæpe in diuersum fatali necessitate reuocemur, aut trahamur eodem, nihilo seci<sup>9</sup> effecturi, si nihil lege caueretur. Sublata porro legum utilitate, leges stare qui possunt? his autem sublati, perit nimirum omne officium, nec debet quidpiam vel dici vel haberi peccatum, ut neque laudibus præmijsque, neque vituperijs, ac poenis locus ullus relinquatur. Nam qui probari potest, ut si quis ignorantia, aut vi aliqua coactus deliquerit, hunc venia dignum esse dicamus, eos negemus, qui scienter quidem peccauerint, causis tamen se cogentibus obistere non potuerint, cum sic nati, & ab ipsa natura affecti sint, ut non magis



gis queant, quæ agunt non efficere, quàm saxum ex alto demissum per se in descensu cōsistere. Quos si quis eo nomine reos faciat, haud equidem video, cur a sino exprobrare non inducant animum, quod non sit elephātus, aut porco quod animam, quæ illi propter inertiam pro sale data esse dicitur, potior non fuerit sortitus, obijcere. Quis autē Dionysius aut Phalaris huc furoris, ac immanitatis processit, ut propter huiusmodi facta in quempiā animaduverteret? Longe igitur aliter sese res habet. Et cum alij plectantur iuste, quidā iniuria puniantur, in eos modo iuste putant mortales omnes animaduerti, qui consulto nulla cogēte necessitate, sed suo scelere atq; nequitia sese criminibus obstrinxere. Quib. à Deo naturaq; optione data, factaq; copia, vtra via mallent, virtutis, an vitiorum ingrediēdi, commoda & voluptates, officio atq; honesto prætulerūt: cæteris, qui è recta via propter alias causas deflexere, facile veniā per leges, & homines impetrātibus. At isti morum pergraves magistri, & præclarus religionis auctor Lutherus, quid aliud egregio suo dogmate, quam peccatorum omnium & occasionem præbent, & latebram. Quo in loco eos philosophos admiror, quorum sunt nec turpes, nec improbandi mores, sed virtutis studio ac honestatis amore ducuntur, quod nō videāt, tali suo decreto flagitiosis, & sceleratis hominibus magnam scelerum excusationem suppeditari. Qui profecto sibi veniam nihilo minus deberi, possunt magistros convincere, quā ijs, qui nolentes & inuiti in re quapiā deliquēre. Nam si suā causam, huiusmodi necessitatem allegātes, ne ipsis quidē præceptoribus assertoribusque fati probare valent, dubium esse non potest, quin & ipsis & cæteris omnibus mortalib. insitum sit, ac persuasum, nobis esse rerum agendarum, & secus, liberū arbitriū à deo ipsaq; natura tributum, quos tamē minus miraremur, si saltem ipsorum vita, factaq;, cum dictis & præceptis aliqua ex parte consentirent. Nam qui persuasum habeant, hominibus diversa quā agunt, agere per fatū non licere, his consentaneum erat neminem accusare, laudare neminem, nemini consulere, ad summā nullum officium obire, quod iudiciū sit liberæ in rebus agendis facultatis. Nūc cum cæteros ad quædam peragenda nō modo præceptis, sed etiam obiurgationibus adhortentur, nōne taciti cōsistentur, posse illos, nisi admoniti fuerint, opposita atq; ipsis præcipiuntur, efficere? Quin & libros conscribunt ad animos adolescentum institutis atq; doctrina informādos, quod opus non à fati necessitate, sed ab humanitate & benevolentia profectum esse intelligi volentes, sic gloriam pro mercede laboris petunt, quasi dum scriberent officium lubentes, & liberi secuti sint, nō coacti fatalem necessitatem. Martino Luthero nihil sanè est, quod hanc imprudentiam, aut inconstantiam obijciamus. qui hoc ipsum agit, hoc elaborat, ut homines à religione, à virtute in omnem impietatem, scelusq; traducat, quo multorum in flagitijs societate, ipsius scelera minus

*Nemo iuste  
plecteretur.*

*Factis suis  
redarguntur  
Stoici.*

*Constantior  
in crimine  
Lutherus.*



Quos fratres  
vocat Luth-  
er.

turpitudinis habere videantur, nec per summum studium aliam viam commodiorem hac, nec magis compendiarium excogitare potuit, ad excusandum sacrilegia, & incestus, vel suos, vel eorum, quos habet satellites impietatis, & quos legitime solet fratres suos nuncupare. Vt enim Paulus sui similes, hoc est viros sanctissimos, & qui pro Christo, & Evangelica veritate occumbentes, honestissimum pulcherrimumq; testimonium præbuerunt, & miraculis claruere, sic Martinus suos ut græcè dicam *συναποστόλους*, compotores, collenones, sacrarum virginum constupratores, breuiter quos fraudum, incestus, sacrilegij, ac omnis sceleris socios habet, fratres suos, dum Paulum imitatur appellat. Quibus cum Paulinis hæc est præclara similitudo, quod illi continentia, castitate, humilitate, sanctimonia, cæteros ad Christi Dei religionem adhortabantur, & auctores non solum doctrina, sed etiam exemplo sui fuerunt, ut multi bona cuncta distraherent, & pijs pauperibus impartirentur, postremo appetita morte pro fide idem, quod vita, testificati sunt, Lutherus autem cum suis fratribus homines, libidine, incestu, superbia, sacrilegijs ad omnem impietatem inuitant, seq; ad vrbes, oppida, fana, obsidendum, vastandum, diripiendum duces, & antesignanos præbent. Nequis interim miracula à ficarijs & sacrilegis expectet, aut miretur, quod nemo ipsorum vel claudum equum (quod pulchrè testatur testis locupletissimus Erasmus) sanare potuerit.

Prudentia  
perit fatali  
necessitate.

Sed redeo ad absurda & incommoda, quæ tam dura necessitas cogit homines, si fides errori huic habeatur incurrere, quorū & illud esse constat, quod hominum prudentia fatali tyrannide funditus excluditur, & pereunt omnes fructus, quos maximos ab ea nos capere putamus. Est enim prudentia rerum hominibus agendarum fugendarumq; cognitio, Et hoc à scientia differre dicitur, quod scientia est de rebus necessarijs, & quæ aliter habere nequeunt: prudentia de ijs, quæ aliter & aliter effici, aut vicissim non effici possunt. quæ si nulla sunt, ut certè non sunt, si cuncta necessitate fiant, prudentia nimirum non potest non esse sublata. Ad hæc si iniussu fati, hoc est præter eius præscriptum, nihil neq; agere neq; omittere possumus, quid obsecro talis cognitio potest habere utilitatis? Ad summam (ne singula persequar) qua ratione leges cum necessitate fati stare non posse docuimus, hac tollitur prudentia, & quicquid à prudentia proficiscitur, hoc est virtutes omnes pereunt, omnia officia, laudes, præmia, gloria, & his opposita tolluntur: religio item & pietas, & quicquid cœtus hominum conseruat, & solet ciuitates, regna, resque publicas in cultu Dei, atque officio continere.

Incipit in Lu-  
therum pri-  
uam dispu-  
tationem.

Nunc ad te venio Luthere, hoc est ad nefarias tuas calumnias, & sophisticas ineptias propalandū. Sed illud prius videamus (quod est morū ac ingenij tui clarissimum speculū) quid ad sacrarum literarū testimo-  
nia cont-



nia commemorata, quæ tibi obijciuntur respondeas, quomodo cum apertissime libertatem arbitrij constituent, possint cum necessitate omnium rerum agendarum coherere, quomodo non pugnantissime dissentire, hoc fac ut doceas, & præter eos, qui in tua verba iurarunt, cuius paulo modo doctiori, & cordato persuadeas, iam manus dabimus. Iam te plus effecisse fatebimur, quàm si nō dico claudū equū sanasses, quod te tuosq; negat (ut modo dicebā) Erasmus facere unquā potuisse, sed mortuum hominem ad vitam post quadriduū restituisse. Quo in loco Martine memento causæ nobis susceptæ in quo versetur status, ne mihi respondeas, quāsi hoc in præsentia quærat (quod tamen obiter perstringere erit fortasse necessarium) utrū homo per liberum arbitrium absq; proprio Dei gratia præstare possit officia, quibus dignū, aut congruū sit, ut pro præmio sempiterna, beataq; vitā tribuatur, aut saltem ad eā conari quod tu dum pernegas Erasmo, omnem prorsus volūtatē humanæ tollis facultatem, hæc enim ciuilis quæstio esset, & quæ sine discrimine totius religionis inter pios, & catholicæ fidei assertores posset agitari, mihi autem est tecum Luthere, id est, cum homine impio & sacrilego (quid enim dicam hæreticorum & Christianæ religionis hostē?) non pro fortunis (ut aiunt) & leuibus præmijs certamen, sed pro aris & focis, pro summa religionis, deniq; pro cunctorum mortaliū libertate, quos ab indignissima seruitute, quam generi humano imponere moliris, asserere constitui, & ope diuina me asserturum esse confido. Respondebis igitur mihi, prout ratio causæ nobis susceptæ postulat, ut actionum cunectarum necessitatem, quā tuo de seruo arbitrio toto ferme libello inducere laboras, tuearis. Et primum ad illud, quomodo Deus reliquit hominem in manu consilij sui, hoc est in libera sua facultate, si nulla est hominis libera facultas, sed quicquid facit necessario facit: *Per manum inquit consilij intelligitur non liberum arbitrium, sed id quod habetur.* Genes. 1. & 2. homo constitutus est dominus rerum, ut libere illis dominaretur. Ibi enim homo potuit in rebus suo arbitratu agere. Rogo te Luthere intelligis quæ dicis? aut tam cæcus es, ac furens, ut tuorum verborum non videas repugnantiam? qui simul negas, arbitrij hominis libertatem, simul affirmas, datum esse homini, ut libere reb. dominetur, & in ipsis agat arbitrio suo: *Verborum Lutheri repugnantia.* Quid est enim aliud rebus libere dominari, quam eisdem pro suo arbitratu uti, non uti, asciscere, dimittere, & posse utcumque, in quamlibet partem vocare, & vicissim reuocare? quod ipse paulo post vel apertius confiteris, cum duo regna diuersa facis: vnum quo fertur homo suo arbitrio, & consilio, alterum in quo nō relinquitur in manu consilij sui, sed arbitrio, & consilio Dei fertur. Quo priore regno quid magis potest cū rerum omnium agendarum necessitate pugnare? At illa parua sunt dices, & in quibus non admodum versetur summa rerum. Parua quidem, sed eiusmodi, ut sint maximorum certissimum argumentum.



mentum. Qua enim ratione positum est in hominis potestate, atque op-  
 prione, equo inuectus rus inuisat, an non: hac ut pauperi amico munu-  
 scula summittat, & laboranti opituletur, an non. At hoc officio nisi ad-  
 sit gratia, non proficitur ad vitam æternam. Neque id ego nunc laboro,  
 quantum hoc valeat ad foelicitatem, satis est ad susceptam causam, vtrūq;  
 esse in hominis potestate, quod tu hoc in loco cōcedis, dum homini da-  
 tum esse dicis, ut in rebus suo agat arbitratu. Nam ut tibi largiamur, ex  
 se arbitrium sine gratia, præterquā ad peccādum, nullam habere facul-  
 tatem, non protinus effeceris, ut ipsius non sit oppositorum æqua pote-  
 stas. Si enim quicquid efficitur sine gratia, peccatū est, haud dubiè mul-  
 ta peccata sunt ex diametro inter sese opposita, ut in ludæo nunc vel  
 Sarraceno suggerere, non suggerere necessaria pauperi: temperare, nō  
 temperare à libidine, est autem arbitrij æqua ad peccatum omne pote-  
 stas. nam cur hoc magis, quā illud vetetur efficere, cum vtrumq; ma-  
 lum sit? est igitur arbitrio par facultas oppositorum. Sed videamus, si  
 placet, perpetuam Ecclesiastici orationem, quam apte & cōmode Mar-  
 tinus interpretetur, verba sunt hæc: *Deus ab initio constituit hominem & reliquit*  
*illum in manu consilij sui, adiecit mandata & præcepta, si volueris mandata conseruare,*  
*conseruabunt te,* quorum intellectus simplex est & apertissimus, sic homi-  
 nem à Deo relictum in arbitrio suo fuisse, ut si mandata seruare vellet,  
 hoc præmium reciperet, ut ab ipsis conseruaretur, hæc est enim Augu-  
 stini aptissima verissimaq; expositio. Martinus autem more suo inuer-  
 tens & sensum, & cohærentia verba dilacerans ad hunc modum expo-  
 nit: *Reliquit hominem in manu consilij sui,* id est, *fecit ipsum rerum dominum.* Opul-  
 cherrima & quadrantissima interpretatio. *Adiecit (inquit) mandata,* non ea, in  
 quibus consilium, & voluntas humana versatur, sed ea in quibus homo absque suo arbi-  
 trio alterius præscriptum, & voluntatem sequitur. Si hæc expositio proba est (inquit) &  
 clara, euicimus. Ista expositio si proba est Martine atque clara, nox est il-  
 lustrior meridie: sin minus (inquit) clara, locus redditur ambiguus, ut in neutram  
 partem magis valere debeat. Specta perditissimam hominis impudentiam,  
 cuiusmodi expositionibus velit soli tenebras offundere, ne ignorare  
 possis, qua mente, qua rectitudine cætera sacrarum literarum loca ad-  
 uersus receptam doctissimorum, & sanctissimorum virorum sententi-  
 am interpreteretur. Sed ad proxima verba procedamus, peiora, & longe  
 turpiora reperiemus. Cum à Martino quaeritur, si seruare mandata,  
 non est in hominis potestate, qui possint non esse superuacanea illa ver-  
 ba, si volueris mandata seruare, quæ aperte potestatem seruandi in  
 eo, cui dicuntur significant, respondet: *Si volueris verbum est subiunctiui mo-*  
*di, quod nihil asserit, sicut dialectici dicunt, conditionalem indicatini nihil asse-*  
*re: ut si diabolus est Deus, merito adorat: si asinus volat, asinus habet alas: Alpi-*  
*ce rursus quo veterator æstuans confugiat, & quibus tricis impli-*  
*cetur.*

Eccl. 15.

Ridicula Lu-  
 theri respon-  
 sio.

Puerilis re-  
 sponso Mar-  
 tini.



cetur. Ergo ne Martinus in rebus grauiſſimis, vbi vertitur ſumma reli-  
gionis, à ſophiſtarum captiunculis præſidium petit, & ſuſtinet. homo  
vaniſſimus, theologos & philoſophos, graues & ſapientes viros, ſophi-  
ſtas paſſim in contumeliam appellare. Hoc cine eſt ſpiritu Dei ſacras li-  
teras interpretari, fallentium ſophiſtarum præſtigijs, aut ludentium  
hominum iocis ſimiles efficere? Nam huiusmodi (ait) ſermone vtuntur parentes  
quando cum ſuis filioliſ ludunt. Ergo ſimile eſt (inquit) ſi volueris conſeruare mandata,  
conſeruabunt te: & ſi aſinus volat, aſinus habet alas. quàm feriatuſ eſſe debebat  
ſpirituſ ſanctuſ, cum ad hoſ iocos, ad haſ nugæſ deſcendebat, quàm ob-  
lituſ diuinæ maieltatiſ. Nam quiſ vnquam ſic eſt ſerio locutuſ ad cæcū  
(ne ab exemplo conuenientiſſimo diſcedamus) ſi volueriſ videre, rem  
tibi gratiſſimam indicabo? Ad ſumam conſtat in illo ſenſu nunquam e-  
iuſmodi orationem extra ludum, niſi in rebus, quæ fieri nequeunt, te-  
mere ad illum modum vſurpari. vt cum ita loquimur, ſi probatuſ fue-  
rit, meridiæ non lucere, quanquam ue hæc quidem oratio à ioco pror-  
ſuſ abhorret. Niſi ſtulte Solon Athenienſiſ à viriſ prudentiſſimiſ lauda-  
tur, qui cum ſuiſ ciuibuſ per ſumam ſapientiam leges condidiſſet, in-  
terrogatuſ cur non lege cauiffet, qua pœna mulctanduſ eſſet, ſi quiſ pa-  
trem occidiſſet? reſpondiſſe fertur, quia neminem eò ſcleriſ putaffet  
proceſſurum. Cuiuſ vel facti vel dicti, quæ poteſt alia eſſe cauſa laudan-  
di, niſi quia quod lege cauetur, id fieri homineſ non ſolum poſſe putāt,  
ſed etiam ſolere. Valeant igitur aliquid iſtæ nugæ in ludo literario, &  
quæſtiunculiſ, & progymnaſmatiſ, quibuſ ingenia puerorum exercen-  
tur, ab ſcriptiſ non dico ſacriſ, in quibuſ ineſt ſumma dignitaſ & graui-  
taſ, ſed omnino ſeriſ faceſſant, quæ non ad laqueoſ, & decipulaſ ſophi-  
ſtarum reuocanda ſunt, ſed ita interpretanda, vt poſtulat non improbo-  
rum hominum malitia, aut inſipientium ſtultitia, ſed ſanorum ac pru-  
dentium communis intellectuſ. A quo cum iſtius interpretationeſ tan-  
topere diſſentiant, nonne ſtultum videri poteſt, contra inſanientiſ ho-  
miniſ furorem longiore ſermone diſſerere? cum ſit ſatiſ inſana ipſiuſ  
verba, adhibita quātulacunque explicatiōe, commemorare. Sed audi  
portenta ſuperioribuſ etiamnum abſurdiora. Cum obijciuntur Luthe-  
ro tot præcepta, tot exhortationeſ, conſilia, exprobrationeſ, quibuſ ſca-  
tet vetuſ & nouuſ teſtamentuſ, quæ inutilia proriſ ſint & ſuperua-  
canea, ſi nihil poteſtati hominiſ permittatur, vna eſt ipſiuſ & ea breuiſ  
ad omnia reſpoſio. talibuſ dictiſ oſtendi homini, quid facere debeat, non præcipi quæ  
poſſit efficere, vt videat (inquit) quā nulla ſit ſua lux, & nulla voluntatiſ virtuſ, vt co-  
gnoſcat peccatuſ, non vt credat ſibi ineſſe aliquam vim efficiendi, breuiter vt tali cogni-  
tione noſtræ imbecillitatiſ humiliemur. Minuſ autem & promiſſioneſ huc pertinere, vt  
homineſ erudiantur, moueantur, excitentur, atque terreantur. Hic ego quid dicam?  
aut quid inſecter tam proſtigatam hominiſ impudentiam? qui iniuriā  
profecto mihi videor eſſe facturuſ prudentibuſ hominibuſ, ſi tam cun-

Solonis di-  
ctum,

Lutheri in-  
pta reſpoſio  
quare tot  
ſint adhor-  
tationeſ in  
S.S.



ad Rom. c. 3.

etis aperta mendacia stultissimæ interpretationis nitar ipsis accuratius explicare. At Paulus per legem dicit cognosci peccatum. Quid ni dicatur cum sit hoc legis maximè proprium, nō solum diuinæ, sed etiam humanæ, ut agenda simul doceat, simul agere præcipiat. per legem igitur cognoscitur peccatum, quoniam nisi lex sit, ignorari necesse est, quid sit peccatum, quid virtus, quid officium, quod in eadem epistola docet Paulus his verbis, *concupiscentiam nesciebam esse peccatum, nisi lex diceret, non concupisces*. Imò verò nisi lex sit, peccatum esse non potest. est enim peccatum legis transgressio, in quo eundem Paulum habemus auctorem

Cap. 7.

Eadē epistola cap. 4.

qui ubi non est lex (inquit) *ne prauaricatio quidem*. Sed quoniam isti tuo Lutheri tam impudenti mendacio sumis occasionem ex verbis illis Pauli, per legem cognitio peccati, quæ reuera pugnantissimè dissident à tua sententia, non grauabor hoc in loco verba illa Pauli, quam breuissime poterō, quo pertineant, plane & aperte, & quam vim habeāt explicare, ut te Pauli sensum vel ignorantem doceam intelligere, vel ex industria (quod magis credo) peruertentem, manifesta veritate redarguam. Dico igitur Paulum illic longiore orationis, perpetuoq; tractu id agere, ut Christi aduentus quam fuerit ad cunctorum hominum salutem necessarius edoceat: hoc autem ostendit, dum pluribus verbis peccata hominum acerrime, neglectumq; Dei cultum infectatur. Homines enim clamat repletos esse omni iniquitate, malitia, fornicatione, auaritia, nequitia, & cæteris omnibus peccatis, quæ nominatim persequitur. Ne quis autem verba sua sic acciperet, quasi ingentes duntaxat dicta, & eos qui legem ignorarēt, non etiam in Iudæos, quibus per Moysen & prophetas lex data esset, & voluntas Dei manifestata, prorsus ut illis Christi aduentus esset necessarius, Iudæi cum legem haberent, tali beneficio nihil indigerent, testatur Iudæos pluribus etiamnum, & maioribus flagitijs obligari, qui cum legem haberent, quid rectum, & vicissim peccatum sit ostendentem, & recte agere præcipientem, inutiliter tamen eam atq; adeo cum suo detrimento retinerent. Nimirum quia lex tum demum est hominibus fructuosa, cum quæ lege facere iubentur, exequuntur. Contra verò qui per legem peccatum cognoscit, & quæ in cæteris accusat, hæc ipse patrat non inscianter, is eo g. auius delinquit, quo minus potest ignorantiam excusare, hoc est enim quod ipse ait: *Propter quod inexcusabilis est homo omnis, qui iudicatur in quo enim alteri iudicatur, te ipsum condemnas*. Et illud, *Lex subiungitur ut abundaret delictum*. lex igitur (inquit Paulus) Iudæis inutilis est, quoniam lege abutuntur, & scienter ea facere omittunt, quæ per legem iubentur efficere. cognitio enim legis rectum à peccato discernētis prorsus est non recte agentibus inutilis, quod eiusdem proxima verba declarant, dicentis *Gloria, honor, & pax omni operanti bonum, Iudæo primum & Græco; nō n. est acceptio personarum apud Deum. quicumq; enim sine lege peccauerunt, sine lege peribunt: & quicumque in lege peccauerunt, per legem iudicabuntur*. Non enim audio-

Cap. 2.

Cap. 5.

Cap. 2.



res legis iusti sunt apud Deum, sed factores legis iustificabuntur. Potuit ne apertius suam mentem Paulus explicare? Non, inquit, auditores legis iusti sunt, sed factores legis iustificabuntur, hoc est cognitio legis absque operibus nullius est prorsus emolumentum, sed hic est legis fructus, ut ipsam edocti legitima faciamus. Ut sit multo satius qui legem ignorat, hunc recte agere sponte naturæ, quàm si quis cum legis cognitione à recte agendo cessaret, quod Iudæis accidebat, in quos ad hunc modum inuehitur: Si autem tu Iudæum cognominaris, & requiescis in lege, & gloriaris in Deo, & nosti voluntatem eius, & probas utiliora, instructus per legem, confidis te ipsum esse ducem cecorum, lumen eorum, qui in tenebris sunt, eruditorem insipientium, magistrum infantium habentem formam scientiæ, & veritatis in lege. qui ergo alium doces, te ipsum non doces: qui prædicas non furandum, furaris: qui dicis non mæchandum, mæcharis: qui abominaris idola, sacrilegium facis. Quæ omnia huc spectare, ut lex inutilis & superuacanea esse intelligatur sine operibus, nec ad cognitionem, sed actionem legem pertinere, vel apertius subiectis statim verbis declarat. Circumcisio quidem prodest (inquit) si legem obserues, si autem præuaricator legis sis, circumcisio tua præputium facta est. quorum est sensus apertissimus, lex prodest legis præcepta seruantibus, præuaricatoribus autem perinde est inutilis, ac si nulla sit. Iudæorum igitur peccata multis verbis insectatus, testatusq; omnes homines in peccato versari, non quod nunquàm recte agerent, sed quia perquam raro: non quod non possent recte agere, & præcepta legis seruare, assistente videlicet gratia Dei, quam frustra nemo vnquam implorauit (hoc enim pugnaret, cum eo quod diceretur: Gloria & honor omni operanti bonum, Iudæo primùm & Græco, & factores legis iustificabuntur,) sed quia seruare negligerent. Partim ob pronitatem ad malum quàm per peccatum primi parentis læso & imminuto, non sublato libero arbitrio contraxerant, partim sua ipsorum nequitia. hoc igitur testatus, ut cōcluderet, nihilo minus Iudæis, quàm gentib. opus esse reparatore Christo, ait: Ex operib. legis non iustificabitur omnis caro coram illo, per legem. n. cognitio peccati Cap. 3. Quasi dicat, præcepta legis prauis hominibus nihil profunt, quia quæ facere iubentur non exequuntur: si enim facerent iustificarentur, & si qui faciunt, iustificantur: dixerat enim paulo ante, factores legis iustificabuntur: cum autem præpostere agant, & sola cognitione peccati quæ inutilis est, contenti legem frustrentur, legis præcepta obseruare negligentes, non iustificabuntur ex operibus legis, quippe quibus non funguntur. concludit igitur, dicens. Nunc autem sine lege iustitia Dei manifestata est, testificata à lege, & prophetis. iustitia autem Dei per fidem Iesu Christi in omnes & super omnes. qui credunt in eum. non enim est distinctio, omnes enim peccauerunt & egent gloria Dei. Atque hic quidem intellectus est verborum Pauli facilis, aper- tus, dilucidus, quem si quis paulo intentiore animo perpendere non grauabitur, malitiosam Lutheri simul, & stultam interpretationem luce clarius deprehendet.



*Cur Christi  
aduentus ne  
cessarius.*

Sed clamat hoc in loco versutia Lutheri, Christo, quem corde & opere crucifigit, verbo tenus patrocinantis, si possunt homines praecepta legis obseruare, quid est opus Christo crucifixo? hoc opus est Luthere, ut ipsa facilius seruare possimus, quod prius sine magna difficultate non dabatur, ut ipsius meritorum magnitudine genus humanum, quod peccatis obrutum erat, subleuetur: ut qui recte egerint, sempiterna foelicitate fruantur. prius enim iusti etiam sanctique patres in limbo quasi in custodia Christum expectantes tenebantur, ante quem obtrusa erat ianua vitae beatæ, quam ipse omnibus iustis etiam superioris temporis referauit, hoc est, cunctis hominibus qui virtutes & praecepta legis ante ipsum coluissent, vel in posterum essent obseruaturi. legem autem appello vel naturalem vel Mosaicam vel euangelicam. Opus est Christo, ut eius beneficio non solum ratio minus a concupiscentia superetur, sed etiam homines praeceptis seruandis magis proficiant, & praesentius praemium assequantur. Ut quæ prius data erant in ænigmate, iam clara luce teneamus, & pleraque alia compleantur, quæ generi humano deus fuerat per prophetas pollicitus.

*Ari. eth. 2.*

*Per Luth.  
efficitur ut  
praeceptum non  
sit praeceptum*

Sed redeamus ad præciaram Lutheri responsionem. *Præcepta* (inquit) *& exhortationes non ad actionem pertinent eorum, quæ præcipiuntur, sed ad peccati cognitionem.* Stultus es Martine, an stultos putas summos philosophos, qui praecepta virtutum esse prorsus inutilia clamant, si propter cognitionem petantur, non ob actionem: dementes omnes mortales, qui ne praeceptum quidem esse putant, quod non pertineat ad actionem: & tu solus exististi post hominum memoriâ, quæ sapias qui recte sacras literas interpreteris? Nonne vides tali tua interpretatione pro veris affirmari, quæ respuit hominum intellectus, quæ non solum natura, sed ne deus quidem ipse potest efficere, ut praecepta non sint praecepta, exhortationes non sint exhortationes. Quid enim aliud est praeceptum, nisi oratio, qua quid sit agendum aut secus præcipitur, & imperatur? quid exhortatio, nisi sermo, qui aliquid agere suadeat? quæ cum Martinus abesse dicat praeceptis & exhortationibus, perinde facit, ac si neget hominem animal esse rationis particeps, hoc est dicat hominem non esse hominem. Sed hæc (inquit) rationis humane sunt argumenta, & hæc hominibus videntur absurda, spiritui autem diuino longe aliter videtur. Maeste virtute Luthere ista, ista ratio commoda est, & conueniens soluendorum argumentorum, non quam mortalium tarditas excogitauit. Perge cum isto tam præclaro admirandoque inuento securus ad exploratam victoriam in omni disputatione, siue res fuerit cum doctissimis theologis vel philosophis, siue cum acutissimis mathematicis: nec verearis ratas illas sententias, si ab æqualib. æqualia demas: quæ sunt vni & eidem, nosti cætera. Sed cum tibi hæc axiomata obijciuntur, responde, sic homines arbitrantur, sed longe aliter videtur spiritui sancto. Quis enim cum hæc audierit, non obmutescet? quis non succumbet?



bet? quis non manus dabit? nisi si quis eò furoris processerit, ut cum Deo  
 pugnare audeat more gigantum, & spiritus sancti decretis obmurm-  
 rare. Sed tamen quia nos homunculi sumus Martine, & pro intellectus  
 humani tarditate, quæ audimus quæq; legimus interpretamur, permitte  
 nos in nostra cæcitate spiritum istum, qui talia tibi oracula siue ex ca-  
 do, siue ex cænophoro sumministrat, quod scire cupimus sciscitari, si hu-  
 miliatio nec est in hominis potestate, nec si sit, quidquam faciat ad vir-  
 tutem colendam, vel peccatum fugiendum, quid prodest cognitio, quæ  
 sola præceptis ac exhortationibus suppeditatur, & sola per legem peti-  
 tur? Si commonendo, erudiendo, excitando, deterrendo nihilo magis  
 homines vel capeffunt virtutes & officia, vel ab oppositis vitijs conti-  
 nentur, quid iuuant minæ, ac exprobrationes, quibus hæc tantum præ-  
 stari dicis? Nonne fatius erat, hæc tacite ab ipso Deo perfici, quam tot in-  
 ania verba profundi, & furdo tam longam fabulam, ut aiunt, narrari?  
 Audite responsum admirandum, oraculum diuinum auscultate. *Deus*  
*(inquit) præceptis, exhortationibus, exprobrationibus, minis repleuit sacras scripturas, nō*  
*quod excepta cognitione peccati, ac humane imbecillitatis, quidpiam ad pietatem, & vir-*  
*tutes fungendas, peccataq; vicissim evitanda hæc hominibus opitulentur, sed quoniam sic*  
*placitū est Deo, satis est (inquit) nosse, quod Deus ita velit.* O nefariā impudentiā  
 Lutheri, o cæcas quorundam Germanorum mentes. Hæc quisquā legit,  
 & dubitat, qua mente, quo animo, quo spiritu detestanda ista bestia sa-  
 cras literas contaminet? aut se patitur tam fatuis mendacijs tam turpi-  
 ter eludi, apertisque dolis & manifestis insidijs ab homine furioso cir-  
 cumueniri? Nam qui tam monstrosis orationibus adquiescit, quo modo  
 is Luthero refragabitur, si forte dixerit, quosdam homines asinorum a-  
 nimis informari, porcorum elephantos, sic enim videri spiritui sancto,  
 licet aliter humana ratione iudicetur. Rogato enim cur tali figura mē-  
 tiatur hominem, qui reuera sit asinus, in promptu erit illa responsio, sic  
 Deo placitū esse, satis esse scire sic Deum voluisse: satis aut scire, qui sic  
 audiat Lutherum affirmare. Sed huius perditissimi nebulonis arrogan-  
 tia cum nullo non loco sese prodat stultissime, nescio tamē, an nusquā  
 fiat manifestior, quam vbi nō tam exponere, quam pervertere molitur  
 illud ex Deuter. cap. 30. *Mandatum quod præcipio tibi hodie, non supra te est, nec*  
*proculpositū, nec in cælo sitū, ut possis dicere, quis nostrū valet in cælū ascendere, ut defe-*  
*rat illud ad nos, ut audiamus & opere cōpleamus: sed iuxta te est valde sermo in ore tuo,*  
*et cor detuo, ut facias illū* quorum verborum hic est sensus simplex & luci-  
 dissimus: Mandatum quod tibi præcipio non est supra te, id est, supra vi-  
 res tuas, sed iuxta, id est in tua potestate, in ore videlicet tuo, & corde  
 tuo, si tuam in Deum pietatem profiteberis, eundemque psalmis &  
 hymnis prosequeris, & item toto corde dilexeris, & adoraueris. Sed  
 Lutherus locum in hunc modum peruertit. *Quid (inquit) Moses vult istis locū Deu. 30*  
*verbis apertissimis & clarissimis, nisi se suo officio ceu fidelem legislatorem esse persua-*

*Confutatur  
 Luth. respo-  
 sio.*

*Quomodo  
 exponit Lu.*



Etum egregie, ut per quem non stet, quominus omnia sciant, & habeant coramposita præcepta, nec locum eis relictum excusandi, quod ignorent, vel non habeant præcepta, aut aliunde petenda eis sint, ut si non servauerint ea, culpa nec sit legis, nec legislatoris, sed ipsorum, cum lex adsit, legislator docuerit, ut nulla ignorantie excusatio reliqua sit, sed sola accusatio negligentiae, & inobedientiae. Non est (inquit) necesse leges è cælo aut è sinibus ultramarinis, aut procul afferre, nec potes prætexere, te illas nec audivisse, nec habere prope habes eas, ut quas præcipiente Deo, & me auctore audivisti, corde percipisti, & ore assiduo per Levitas in medio tui tractandas accepisti, teste hoc ipso meo verbo & libro hoc tantum reliquum est, ut facias illas. Haftenus Martinus qui hoc loco exponendo tantum sibi placet, ut vel hoc unum satis esse iactet argumenti, plurima priores ignorasse, quæ ipse unus patefecerit & elucubraverit. Atque in hac controuersia se contra omnes dissentientes vel puero iudice certissimam victoriam expectare. Nam quid est (inquit) supra te, quid procul? grammatica. n. nos. & istis vocabulis non qualitatem aut quantitatem virium humanarum, sed distantiam locorum significat. O præceptum nouum & admirabile, & nos scilicet rudes grammaticam nesciebamus, & vim vocabulorum ignorabamus. Putas ne vulpecula nugatrix, quemquã fuisse vel esse, tam obtusum & tardum, qui modo literas Latinas attigerit, ut nesciat, audubitet, quin supra, & procul notæ sint locorum discriminis, ut ubique, sic in hoc ipso loco? Sed cum hoc omnes sciât, ne illud quidē quilibet ignorat, passim huiusmodi particulas ad vires & facultatem transferri, ut cum dicimus, supra captum est humani intellectus, supra conditionem humanam. Et Cicero qui credo non pessime Latine sciebat, quæ sunt in nostra potestate, ea in nobis esse dicit: quæ vires nostras excellunt, ea supra nos. ut cum ait: *Quæ supra hominem putanda est. Deoque tribuenda.* loquitur autem de recta & constanti ratione. Age verò qui sic est Cain allocutus, *sub te erit appetitus eius, & tu dominaberis illius*, is utrum sciebat illud sub, notam esse loci, an Deus, quod pueris est notissimum ignorabat? verba tamen sua sic intelligi voluit, non ut sub pedibus stantis, aut sedentis cathedra, cubantisve lecto interpretemur, sed sub volentis imperio & potestate. Ita cū Moses dicit, non est supra te, non est in cælo, locorum ipsum interualla loqui, nemo vnquam dubitauit, sed cum loci discrimina dicit, more loquendi in omni sermone frequentissimo, viriū & facultatis excessum proculdubio significare, omnes qui sani sunt arbitrantur. ut cum aliquis longo interuallo alteri præstare dicitur, non is intelligitur, ut verba simpliciter sonant, ante alterum esse multorū stadiorū interuallo, sed esse multo excellentior. Sed quid verbis opus est, aut quid agimus rationib. humanis cum testimoniū producere possim⁹ spiritus sancti, qui hunc locum ore Pauli scribentis ad Romanos aperitissime interpretatur, his verbis: *Prope (inquit) verbum est in ore tuo, & in corde tuo, quia si confitearis in ore tuo dominum Iesum, & credideris in corde tuo, quod Deus ipsum suscitauit à mortuis, saluus eris. Corde enim creditur ad iustitiam, ore verò confessio fit ad salutem.* Etsi enim Paulus verba Moysis ad Christum relata interpre-

Lib. 2. de  
nat. Deor.  
Gen. 4.

ad Rom. c.  
10.



terpretatur, ita tamē interpretatur, ut apertissime doceat, supra & iuxta  
 quæ locorum alioquin præpositiones sunt, facultatem significare, quæ  
 in ore hominis atq; corde consistit. Quam expositionem Pauli si Luthe-  
 rus aspernatur, nihil est quod miremur cæterorum doctrinam ab eodē  
 contemni, aut Hieronymum & Originem tam nihil scire videri, ut ni-  
 hil aliud eos facere dicat, quā ore sacrilego scripturas deprauare, qui  
 nugis totum orbem repleuerint. *Nam nemo est (inquit) qui ineptius & absurdi-  
 us diuinas literas tractauerit, quā Origines & Hieronymus.* O luciferi profligatam  
 impudentiam, o nebulonis audaciam inauditam, tu ne de viris eloquen-  
 tissimis, omnis disciplinæ doctissimis, sanctimonia præstantissimis, quæ  
 vix in sophistam aliquem semissem conuenirent, tam fricata fronte ia-  
 ctare sustines? qua fretus facultate? homo ut de libidine perditissimisq;  
 moribus, & impietate taceam, sola ineptā loquacitate potens, & præter  
 nonnullam sacrarum literarum corruptā, & præposterā cognitionem,  
 qua vel maior, cuius paulo modo diligentiori, nec tardo trib. aut qua-  
 tuor annis facile contingat, omnis philosophiæ ac bonarū artiū expers  
 nisi nugas dialectorum imputes, quæ nihil graue, nihil Aristotelicum  
 sapiat, qua tantum supellectile te instructum, sed cū maiore quā cæte-  
 ros arrogantia & loquacitate ad sacras literas contaminādas accessisse  
 constat. In quem illud epigrammatarij cōmodissime transferri posset:

*Dispeream si tu Origini præstare matellam*

*Dignus es, aut porcos pascere Hieronymi,*

Sed quanquam nefarium dogma Lutheri de cunctarum actionū neces-  
 sitate, in quo status causæ nostræ versatur vel hoc ipso statim corrumpit, si ad  
 oppositas actiones, etiā malas, & vitiosas homo habeat ex æquo potesta-  
 tē, quod ipse in reb. homini subiectis immemor sui, secūq; pugnans cō-  
 fitetur, tamē antequā eius argumēta refello, de libero arbitrio quid af-  
 firmare sacrarū literarum testimonijs cōsentaneum mihi esse videatur,  
 iam paucis explicabo. simul ne nostra in incerto vagetur oratio, si quo  
 feratur, & spectet hac in parte nō habeat, simul ne Lutherus putet, quid  
 quā se tā stulta garrulitate profecisse. Neq; enim dubitabo multo plus  
 etiā libero arbitrio, quā Erasmus, quem ipse ferre non potest, attribu-  
 ere. Dico igitur liberum arbitrium absq; Dei peculiari gratia non so-  
 lum conari in bonum posse, sed etiam efficere bonum. Ne tu interim  
 Martine illud nobis opponas, quo toties Erasmū eludere, ipsiusq; argu-  
 menta frustrari malitiosa in primis cauillatione conaris, dū loca sacra-  
 rū literarū, quæ ille citauerit, ut conari in bonum, positū esse concludat  
 in nostra potestate, aut nihil arbitrio nostro tribuere calumniaris, aut  
 plus etiā quā conatū. Quasi verò qui plus effecerit, is non minus etiā ef-  
 fecisse censeatur. Ulla igitur sacrarum literarum loca libero arbitrio nō  
 conandi solum, sed etiam faciendi potestatem largiuntur. Illud .n. furor  
 est af-

Iudicium  
 Luthe. de  
 Hieron. &  
 Origine.



*Liberū ar-  
bitriū potest  
sine gratia  
percepta ef-  
ficere, sed  
nō mereri.*

est affirmare, præcepta, adhortationes, præmiū, poenā, cuiuspiam proponi  
cui facultas absit efficiēdi. Quid ergo volumus ne Pelagianis suffragari  
qui liberum arbitrium per se quicquid velit efficere posse cōtendebāt?  
Nihil profecto minus, neq; enim ipsum per se absq; Dei peculiari gra-  
tia valeat hominem ad foelicitatem perducere. sed eam sententiā pro-  
bamus, in qua plerique fuerunt viri ingeniosissimi, & in sacris literis  
perspicacissimi, posse homines per liberum arbitrium non solum velle  
& nolle, sed etiā efficere & nō efficere, quæ diuinis præceptis imperan-  
tur, licet vt perficiant, & sic præmio æternæ vitæ potiātur ipsis à se non  
suppetat, sed à diuina liberalitate, quā gratiā peculiare nūcupam? pos-  
se deniq; fortiter, liberaliter, temperanter agere & secus, hoc est mune-  
ribus fungi, quæ moraliter bona vel mala nuncupātur. Nunquā ego cō-  
mittam vt Socratē vel Aristidem Athenienses, Curium aut Catonē Ro-  
manos, Senecamve Cordubensem, cū vitia hominū insectabantur, cum  
à voluptatibus abstinēbant, cū iustitiam, & cæteras virtutes studiose co-  
lebāt, non rectē fecisse iactem, qui tamen neq; Iudæi fuerunt, neq; Chri-  
stiani, sed naturæ legem sequebantur. Cum autem homines dico per li-  
berum arbitrium quidquā vel posse, vel efficere, non excludo vniuersa-  
lem Dei efficientiam, qua cum singulis posterioribus causis velut pri-  
ma causa concurrat: hac enim cessante, homo ne aget quidem omnino,  
nedū rectē aget. Sed ne momento quidē temporis conseruabitur, nec i-  
gnis calefaciet, nec refrigerabit glacies. Cum igitur de singularum re-  
rum natura deq; secundarū causarum efficientia dicimus, vniuersales,  
& priores nō excludimus. Nā si solis actiones sustuleris, nunquā homo  
valeat ex se hominem generare, nec arbor terre suum fructū, ne ex Ele-  
phanto procreabitur elephante. Illud addo, quoties homo per liberū  
arbitrium efficit quod est in ipso, toties suffundi ea gratia, cum qua va-  
leat Dei mandata perficere, & ad foelicitatem peruenire, hoc est enim  
quod testantur tot loca sacrarum literarū, ex quibus tu Luthere aut ni-  
hil concludi iactas, aut plus effici, quam petat Erasmus, qui conatum  
asserit. Quale est illud *Si quis audierit vocē meā & aperuerit mihi ianuā, intrabo ad  
illū & cenabo cum illo, & ipse mecum*. Quid est enim aperire domino ianuam  
nisi hominem facere, quod est in ipso, ad Deum & Dei gratiam admit-  
tendam? Et *Conuertimini ad me, & ego conuertar ad vos, Et, Appropinquate  
Deo, & appropinquabit vobis*, quorum intellectus simplex, & clarus hic  
est: facite quod est in vestra potestate erga me, & ego vicissim vobis  
meam gratiam condonabo. quibus dictis tot alia scripturæ sacræ  
loca consentiunt, vt ea molestum sit annumerare. Quoties igitur ho-  
mo per Christi aduentum reparatus, etiam cum peccauerit, velit præ-  
cepta seruare, toties seruare potest. Nam velle, quod ipsa præstat vo-  
luntas, cum sit per se remissum & tenue, vires acquirit ex gratia,  
quam vocat Augustinus operantem: & quod homo viribus natura-  
libus



libus imperfecte, & frustra ad potiundum summo bono efficeret, hoc per gratiā cooperantem perfecte facit, & cū lucro foelicitatis. sed quia in utroq; longe maior est gratiæ diuinę quā virium nostrarum efficien-  
tia, & vires præterea naturales donum quoq; Dei sunt, idcirco scriptu-  
ra sacra, quæ nonnullis in locis, certe quoties præcepta dat vel exhorta-  
tur, facultatem liberi arbitrij, qualis & quantulacunq; ea est, haud du-  
bis testatur, in alijs cuncta diuinæ gratiæ refert accepta, & ipsius opera  
facit, & merito facit. quoniam vt homo sit, vt liberum arbitriū habeat,  
vt aliquid possit efficere, beneficiū est à diuina liberalitate proficiscēs.

Nam siue viuimus, siue morimur, domini sumus, vt scribit Paulus ad Rom. & ad Co  
rinth. Nemo gloriatur in hominibus, omnia vestra sunt, vos Christi, Christus Dei Item  
quid habes quod non accepisti. Et, omnia possum in eo qui me roborat. Si ad hunc enim  
modum talia scripturæ loca interpretabimur, omnia inter se cohæren-  
tia, & ex amissim quadrantia reperiemus, & communem prudentium  
hominum intellectum, ipsamq; rerū vsum retinebimus: sin aliter, diffi-  
dium necesse fuerit in diuinis literis excitare, & contra sensum argu-  
menta, & cunctorum hominū iudicium multa paradoxa confiteri. Qui-  
bus explicatis in promptu est & expedito ad argumenta Lutheri respō-  
dere, eademq; refutare, quæ omnia ferè ab Augustino, & Hieronymo,  
vbi errorem Pelagij nimium arbitrio tribuentis refellerunt, est mutua  
tus. Nequis forte putet Lutherum vel ingenio vel doctrina priores phi-  
losophos aut theologos superasse. Non est ingeniosior Martinus, sed fu-  
riosior: non doctior, sed impudentior, qui dubia pro certis citra cūcta-  
tionem asseuerat, falsa pro veris fricatissima fronte pronuntiat, tenuis-  
simam eis, & adumbratā speciem veritatis prætendens. Fit enim nescio  
quo pacto, vt nihil propemodum tā falsum sit, quod nequeant importu-  
na ingenia malitiosis interpretationib. inficere falso colore veritatis.

Quid enim hætenus excogitauit Lutherus, quod ante ipsum à plerisq;  
non fuerit animaduersum primū, deinde magno consensu damnatum?  
Vergilium ferūt cū Ennij carmina leclitaret, interrogatus quid ageret,  
respondisse, aurum sese ex stercore Ennij colligere. Martinus Lutherus  
è diuerso cum Augustini, vel Hieronymi aut cæterorū doctrina & san-  
ctitate præstantiū virorum scripta legit, si quid agat rogatus verum re-  
spondeat, commodissimè dicat, sterco se colligere ex auro Hieronymi  
vel August. Qui prauo animo, peruersoq; ingenio maiorum scripta ver-  
sat, vt dānatas opiniones excitet, & quæ alij excogitata velut veris ob-  
strepentia, vt fieri solet, sibi obiecerint ac deinde refutauerint, hæc ipse  
cogat in diuersum, eisdemq; ad impia dogmata, quasi nouis inuentis as-  
ferendum impudenter abutatur. Non igitur ignorabant ea loca Hiero-  
nymus & Augustinus, non legerant oscitanter, non negligenter dispe-  
xerant: sed omni cura & diligentia accuratissimè trutinabant: viri ta-  
men sanctissimi, ingeniosissimi, in sacris literis eruditissimi etiam in

Rom. 14.

Cor. 3.

Cor. 4.

Phil. 4.

Quidquid  
Martinus  
dicit verum  
est et à vete-  
rib. damna-  
tum.



*Efficacissima  
liberi arbitrii  
confirmatio.*

eo loco, ubi vel studiosè in liberum arbitrium disputarèt, nefas esse putauerunt, & contra omnem tum religionem, tum philosophiã arbitrio in totum, libertatem abrogare. Qui mihi ad liberum arbitrium, etiam in ijs rebus, quæ summum bonum attingunt, asserendum huiusmodi rationem secuti esse videntur. Homo per vim suæ volûntatis, cum est effusus gratia, recte & vicissim prave agere potest, habet igitur liberum arbitrium, quæ argumentatio quam probe concludat, tunc magis intelligemus, si hoc idem in mortalib. virtutibus velut philosophi cõsiderabimus. Nam quemadmodũ nostrum animum gratia, quæ qualitas est supernaturalis, informare, non est in nostra potestate sitũ, sed in Dei munificentia: sic ne illud quidẽ vt virtute, exempli causa, temperantia quandocunq; libuerit afficiamur, nimirum quia repente nemo fit temperans, nec sine longa consuetudine temperandi. fac igitur neminem, cui absit hæc virtus, posse agere temperanter: quod fortasse verum est, si exactũ officiũ requiras, tũc igitur à te petam, vtrũ temperantẽ hominẽ priuatũ esse putes temperandi potestate & vicissim nõ temperandi, & certe negabis. Nã posse temperanter agere, certũ est & positũ: intemperanter autem, & sensus, & ratio testificatur. Neq; enim aliter quisquã ex temperante intemperans efficeretur. Si tũc ergo in petendis & fugiẽdis voluptatibus liberum arbitriũ habere dicitur, cur negetur in cæteris reb. si gratia affectus rectẽ agere potest & secus? Nam licet homo gratia suffultus, nequeat tunc peccare, & in gratia simul persistere, tamẽ est in eius potestate peccet, & gratiã amittat, & sic animæ mortem incurrat: an retenta gratia, recte agat, & summũ bonum commereatur. Quæ ratio tam efficax mihi esse videtur, vt nõ satis intelligã, qua possit calumnia Martinus eam ludificari, vt liberum arbitriũ inane nomen, atq; nullã vim, nullam naturam esse tueatur.

*Primum capitulum  
argu.  
Luth. soluitur.*

Sententia nostra ad hunc modum explicata, superest, vt argumenta captionelque Lutheri, quas homo leuissimus & idem gloriosus inuictas copias, & inexpugnabiles phalanges appellat, refellamus, ac insidias, & eas nec admodum occultas & infirmas esse doceamus. Nõ quod ipsas putem parum acutẽ ab Erasino, vel non satis eleganter in libro, quem de libero arbitrio scripsit, fuisse refutatas. aut quas postea Lutherus edidit, posse paruo negotio refutari: sed quia sic ratio suscepti nobis operis deposcit, nec est præter morem veterum, aut recentiorum consuetudinem, vt eandem causam complures interdum patroni aduersus vnus accusatoris calumnias tueantur. Sed huiusmodi argumenta & sacrarum literarum testimonia, quanquam homo loquacissimus Lutherus per inanem garrulitatem sine fine multiplicet, atque dilatat, omnia tamen in pauca velut capita referuntur. Quorum est vnum eorum, quæ omnes homines in tenebris & peccatis versari concludunt, omnes iniustos, omnes esse malos, sed per



per gratiam Dei iustificari, huc enim pertinet illud Pauli ad Romanos:  
*Reuelatur ira Dei super omnem impietatem & iniustitiam hominum. & illud: Non est* Cap. 1.  
*iustus quisquam, non est intelligens. & paulò post, Iustificati gratis per gratiam ipsius,* Cap. 3.  
*& cætera, quæ in hanc sententiam à Luthero congeruntur. In quod ca-* Ibidem.  
*put illud, quod in promptu est, & apertum respondebimus, omnes ho-*  
*mines ignaros esse, & cæcos, nisi doctrina & luce Euangelica docean-*  
*tur, & illustrentur: sed edoctos & illuminatos ad cognita bona ni-*  
*ti, eademq; per liberum arbitrium, quemadmodum exposuimus, posse*  
*capeffere. Nam quid stultius dici potest, quam quod affirmat Lutherus,*  
*qui rem quampiam ignorat, hunc ipsam efficiendi priuatum esse facul-*  
*tate: & quia voluntas nihil appetit incognitum, idcirco ad appetendum*  
*nullam vim esse voluntatis. Quasi vero milites, qui sæpe sua cõsilia im-*  
*peratore illis occultante, num sibi sit cum hostibus cõfigendum igno-*  
*rant, vires amiserint cū hoste dimicandi. Non colit quisquã Deum, qui*  
*Dẽum prorsus ignorat, at cum cognouerit colet, si velit & adorabit. Iu-*  
*xta illud Dauidicum: Docebo iniquos vias tuas, & impij ad te conuertentur. Non est* Psal. 50.  
*quisquam malus, & rectè agit: at fiet bonus, si velit, & recta operabitur,*  
*declinabit (vt psalmo præcipitur) à malo, & faciet bonum. Dabimus igitur omnes* Psal. 36.  
*homines esse malos, quia sunt omnes ad malum proclives, quia diuina*  
*gratia destituti, nihil ex se perfectioris officij præstare possunt, vt vitam*  
*æternam promereantur: quia bona hominis, vt hominis, tam imperfe-*  
*cta sunt, vt peccata esse videantur, & sic interdum appellentur, nec*  
*quidquam ad salutem sine gratia proficiant. Ita cum in gratia multo*  
*maius momētum sit, quam in nostro vel conatu, vel opere, fit vt qui re-*  
*ctè operando conseruantur, hos quoque gratis Paulus dicat iustificari,*  
*cum ait: Iustificati gratis per gratiam ipsius, non quod opera nostra nihil faciant*  
*ad summum bonum assequendum, sed quoniam hoc ipsum vt faciant,*  
*Dei est liberalitatis, qui volentes adiuvat, recte agentes præmio meri-*  
*tis infinito maiore prosequitur, quæ ne merita quidem forent, nisi Dei*  
*munificentia præmium eis proposuisset. Ad summam quia nemo viuit*  
*sine crimine. Nam si dixerimus quod peccatum non habemus, ipsi nos seducimus, &* I. Ioan.  
*veritas non est in nobis* cap. 1.  
*Sed qui dicit omnem hominem esse malum, is non*  
*affirmat omnem hominem esse omnis bonitatis expertem, sicut nec o-*  
*mnis improbitatis, qui bonum. Sed quia nemo est vndiq; perfectus, bo-*  
*num appellamus, qui licet paucis interdum aut paruis criminibus ob-*  
*ligetur, cætera tamen studiosus est, atque probus. Malum, qui vt re-*  
*cte nonnunquam agat, magna tamen ex parte versatur in peccatis: &*  
*hoc est, ne videar sine auctore loqui, quod Hieronymus ait in libro cõ-* Lib. 1.  
*tra Pelag. hæresim, cuius hæc verba sunt: Possibilia præcipit Deus, sed hæc pos-*  
*sibilia cuncti simul habere non possumus, non imbecillitate naturæ, sed animi lasi-*  
*tudine, qui cunctas simul & semper non possit habere vi. tutes. Sed redibit ad*  
*ineptias Martinus, & hanc loquendi consuetudinem hominum esse*  

Eeee 2

dictabit,



Deus homi-  
nes humano  
more allo-  
quitur.

dictabit, in sacris literis qui loquitur, Deum esse, nō hominem. Scimus  
Luthere diuinas scripturas non esse hominum voces, aut mortalium in-  
uenta: at illud quoq; scimus, quod tu non debes ignorare, licet impu-  
dentissime soleas tergiuersari, Deum mortales, vt mortales, non vt De-  
os, alloqui solitum: & cum hominibus nō nisi humano more differere,  
qui cum mundum posset solo verbo conseruare, non est tamē dedigna-  
tus sibi hominem induere, vt homines, qui Deum Diuina forma, ne in-  
telligere quidem satis possunt, nedum corpore sentire, non solum ver-  
bis & more hominum, sed etiam factus homo ipse doceret Euangeliū  
& praecepta daret, quod prius per Mosem & prophetas, hoc est per ho-  
mines effecerat. Vt pudeat aliquando Martinum suis nos praestigijs elu-  
dere tentare, vetantem sacras scripturas siue praecepta dent, siue adhor-  
tentur homines, seu minis & exprobrationibus cōterreant, pro sancto-  
rum & prudentium hominum sensu ac intellectu interpretari, & nos  
ad sua somnia, quae Bacchus suggerit vigilati reuocare. Cum igitur ho-  
mines docti pariter & indocti sic loquantur, vt malos & impios dicant  
eos, non qui nunquam, sed qui raro virtutes colunt, & pietatem, & fre-  
quentes in peccatis, impietate, sceleribusq; versantur, nimirum sacra-  
rum literarum verba, non sunt aliter interpretanda. Qui autem bene  
raro agit, sed agit, hunc nemo recte agendi facultate priuatum esse di-  
xerit.

Secundum  
caput argu-  
mentorum  
Eu. soluitur.  
Ioan. 15.

Alterum caput est testimoniorum, quibus homo sine Deo quasi ex se  
nihil efficere posse cōcluditur quale illud est Ioan. 1. *Sine ipso factum est  
nihil.* apud quem alio in loco Christus *sine me* (inquit) *nihil potestis facere.*  
Sed huiusmodi dictis, quibus est scriptura diuina referta, abunde puto  
explicando nostram sententiam respondimus, & quid valeant exposui-  
mus. Est autem summa, quia sine Deo (qui rerum omnium est auctor, pri-  
maq; causa) nullus, ne minimus quidem motus existit. At non si causa  
inferior nihil efficit absq; superiore, statim nulla est inferioris facul-  
tas, aut hac agit necessario. Neq; enim quia Philippus sine sole non ge-  
nuit, nec potuit Carolum, idcirco Philippus nihil effecit, aut necessa-  
rio Carolum procreauit. Ad hac quia perfectum officium nullum esse  
potest, quin ab animo suffuso gratia Dei peculiari proficiatur, postre-  
mo quoniam homines Dei beneficio & sunt & viuūt, idcirco quicquid  
agunt suis viribus, id totum tribuitur virtuti eius, à quo vires, & esse i-  
plum acceperunt. Huc enim spectabat Paulus, cum dicet: *Non sumus suf-  
ficientes cogitare aliquid à nobis, quasi ex nobis, sed omnis nostra sufficientia ex Deo est.*  
quasi dicat, si quid efficimus, aut possumus efficere, non est quod nobis

2. Cor. 3.

Tertium ca-  
put argumen-  
ti Luth. sol-  
uitur.

magnopere tribuamus, cuncta enim referre accepta debemus munifi-  
centiae diuinæ, quæ nobis eam facultatem liberaliter impartitur.  
Tertium caput versatur in Pharaonis obstinatione & Esau seruitu-  
te, & eo q̄ regis cor in manu domini scripturis diuinis esse traditur.

Si Deus



Si Deus (inquit) cor Pharaonis indurauit, quis locus est libero arbitrio relictus? aut quid est in nostra voluntate, si cor Regis, ac proinde cuiusvis hominis est in manu domini? si Iacob Esau nullo alterutrius merito praefertur? Respondeo: Deus cor Pharaonis indurauit, ut Moses ostenta omnia perficeret coram Pharaone, quæ dominus posuerat in manu eius, & poenas darent Aegyptij, & populus crederet, quod uisitasset dominus Israel, & respexisset afflictionem illorum, & proni adorarent, *Exod. 4.* Mosemque ducem à Deo missum sequerentur. Potest enim deus hominis non solum cogitationi, sed quod multo maius est, vim afferre voluntati, & eam quocunque velit impellere, ac vicissim reuocare: quod in ijs potissimum usurpat, quorum imperio, & auctoritati parent regna & ciuitates. Hoc est enim quod testatur scriptura, sicut diuisiones aquarum, ita cor Regis in manu domini, quocunque voluerit inclinabit illud. Nimirum quoniam his ministris, & tanquam instrumentis utitur prouidentia diuina ad hominum coetus, & ciuitates gubernandas. Sed qui Regis voluntatem aliquando cogit, dum grande aliquid parat, & res maximas molitur, is non protinus videri debet liberum arbitrium in reliquum tempus, aut cæteris in rebus huic, & in vniuersum hominibus sustulisse. Age verò si vnus aut paucorum exemplum, si Pharaonis induratio debet ad cæteros omnes mortales transferri, cur Mosi itidem miracula ad cæteros omnes homines non transferantur? Cur non Ioannis in utero sanctificatio? Non est acceptor personarum Deus, ut quod in hoc afficit præmio, id in illo vindicet atrociori poena: sed neque est vlla lege tam arcte constrictus, ut nequeat suam benignitatem quibus visum fuerit largius impartiri, cum hominibus nihil, nisi ex pacto voluntario debere possit, quod quasi æ alienum persoluat, sed omnia gratis, ut exposuimus, largiatur. Pharaonis igitur cor superiora peccata grauiore crimine (ut interdum solet) ulciscens indurauerit, fateor, Mosem scientiæ, & miraculorum claritate voluit esse commendatum, Mariam virginem antequam in lucem ederetur gratia imbutam, ne peccare posset confirmavit, Ioannem baptistam sanctificauit in utero matris, Paulum tunc cum Christi discipulos grauissime, ac seuerissime insectaretur, spiritu sancto perculit, ac illustrauit. *Ad Rom. 9.* Ad summam, ut idem Paulus testatur, cuius vult miseretur, quem vult indurat, quia nihil ex debito agit, nec ad alterius præscriptum, & quasi coactus. At priuilegium vel quorundam prærogatiua non tollit legem vniuersalem, quæ officia cuiusque præmijs remuneratur, scelera poenis ulciscitur, & animaduersione. Nisi forte, quod regibus, ac principibus permitimus, ut quosdam sola sua beneuolentia sine ipsorum merito liberaliter habeant, & honoris auctos esse velint, nonnullorum interdum crimina ad cæteros exemplo deterrendos acrius etiam puniant, quam lege vniuersali caueatur, id Deo optimo maximo tam seuerè negatum volumus, ut faciendi priuilegium, nullam ei prorsus facultatem relinquamus. Indignaturi eodem modo si pater familias operas, quæ serius ad



vineam colendam peruenerint, liberaliter tractet, nec eas ad legem falcidiam reuocet horarum calculis. At ipse respondet in euangelio maledicorum calumnijs, se suo id iure, & sine cuiuspiam iniuria facere, qui cum neminem fraudet mercede pacta, quos velit liberalitate prosequatur. De Iacob & Esau post paulo respondebimus.

*Luth. Argumentum de præcognitione Dei.*

Nunc ad argumentum venio ductum à Dei futurorum præcognitione, quod propius nostram de fato & libero arbitrio causam attingit. Neque enim iam huc spectat, ut opem Dei, peculiaremque gratiam recte agendo necessariam esse demonstret, quod pudoris nimirum plus haberet, plus etiã pietatis, sed ut rerum omnium necessitatē inducat, cuncta vi quadam ineuitabili fieri concludens, ac fatali necessitate, quod quia Lutherus opere toto id maxime, & (si mihi creditur) solum petit, ut artificio machinæ huius omnem religionem euertat, idcirco idem argumentum opportunis in locis, in principio, & medio, calceq; libelli disponit, dum sibi tam occultas insidias in eo collocasse, tam inextricabiles plagas tendisse videtur, ut nemo non possit incidere, nemo cum inciderit sine magno negotio sese valeat explicare. In quo argumento tanta se leuitate iactat, quasi à nemine prius id fuisset vnquam animaduersum, sed coelitus ipsi diuino quodam oraculo demissum. Cum tamen in ludo literario inter prima dialecticorum exercitamenta, hoc vel in primis puero-

rum auribus inculcetur. Ergo si Deus (inquit) futura præcognoscit, nimirum futura necessario eueniunt, alioquin Deus sua præcognitione, (quod nefas est dictu) falleretur, Deus autem præcognoscit futura: igitur, ex necessitate res omnes eueniunt. Respondeo, Lutheri mendose colligis. Nam & Deus futura præcognoscit, & pleraque futura, contingenter eueniunt, nec protinus error sequitur in cognitione Dei. Ut autem intelligas, quam recte conclusio ista procedat iam aperte docebo meram esse decipulam, & captionem ex intimo sophistarum artificio depromptam, dum manifesto sophismate idem eodem modo, ac per Dei præcognitionem concludo. Non minus mihi certum est post factum, rem fuisse futuram, quam ipsi Deo, antequam fieret: talis autem mea cognitio neque probat, neq; inducit necessitatem, ergo ne præcognitio quidem Dei. Fac enim nullam esse Dei præcognitionem, ut vis argumentationis intelligatur, nunc cū certo scimus exempli causa regem Fernandum Granatam à Mauris recepisse, quæro à te, utrū antequam reciperet, hæc enunciatio, recipiet Fernandus Granatam, fuerit contingens, an necessaria? Si quoniam sic futurum erat, etiam Deo nesciente erat necessaria, perinde utiq; fuerit ad futurū necessitatem, præcognoscat Deus, an non præcognoscat: si contingens, potest nimirum aliter euenire. fac ita esse, nunquā igitur recipiet, & tamē recipiet: alioquin nos, qui nunc recepturum fuisse certo scimus falleremur, recipiet igitur & non recipiet, quod fieri nō potest: erat ergo necessaria. Hūc qui est haud dubie Paralogismus, & eadem viā eademque ratione idem quod ille de præco

*Eodem argumento contrarium probatur.*



præcognitione Dei concludit, fac Luthere, quod tibi erit & cuius dialectico per facile, ut mihi refellas, & tuis ego verbis, istud quod in præscientia Dei initur sophisma refutabo, ut dubium esse non possit, quin uterque manifestus sit paralogismus, & præcognitio futurorum diuina, nullam in rebus nec inducat, neque arguat necessitatem. Nam profecto nihilo coacti<sup>o</sup> cōcluditur illo modo, De<sup>o</sup> re fore præcognoscit, res ergo necessario erit, quam sic, res erit, ergo necessario erit. quare si nescis Martine, præcognitio Dei non magis est causa, ut res cōtingens eueniat, quam mathematicorum, ut luna verbi causa deficiat. Nam quæadmodum nullius vel affirmatio vel negatio rebus affert mutationem, sic nulla cuiuspiam cognitio vel ignoratio rerum peruertit ipsarum naturam, ut eas reddat ex contingentibus necessarias, aut ediuerso. Res enim præcognitæ eodem prorsus modo, quo si non præcognoscantur, eueniunt, siue contingenter fiant, ut nostrates: siue necessario, ut motus cœlestes. Nec potest esse necessitatis futurorum, aliter præcognitio Dei argumentum, quam si Deus idcirco futura præcognoscat, quod sic ordine constanti, & necessaria connexarum causarum consecutione, ita contineri, ac præfinitum esse cognoscat ut Stoici diserebant, quorum auctoritatem & doctrinam apud te longe plus valere certum habeo Luthere, quam sacrarum literarum decreta. Sed istius & cæterorum Stoicorum error superiore libro palam & aperte est a nobis refutatus. Itaque propter Dei præcognitionem velle futurorum necessitatem inducere, quasi Deus aliter ea scire non possit, quam si necessario sint futura, hominum est vim diuinam ignorantium: & intellectui diuino paulo plus, quam magno cuidam astrologo tribuentium. Nobis autem, qui Christiani sumus non Stoici, Dei optimi maximi cognitionem non placet ex consertarum causarum necessaria consecutione pendere, sed Deum futura præcognoscere fatemur, quia immensa est diuina potentia, infinita vis eius intellectus, ut nihil apud ipsum sit præteritum, nihil futurum, sed cuncta in æternitate præsentia, sitque ipsius præcognitio, quadam velut præsentium rerum cōsideratio, qua res quæque pro sua natura contingenter vel necessario proprium munus obire, nisi forte cum vis extrinsecus affertur, ut multis in rebus interdum fieri notamus, tanquam oculo diuino perspiciatur, quæ cōsideratio (nisi Deus, cuius nutui vniuersus mundus, & eius singulae partes obtèperant, quicquid priuatim in naturam, seu rem aliquam statuatur) non magis motibus siue naturalibus, siue voluntarijs vim facit, quam gestibus histrionum spectatorum in theatro contemplatio. Quo fit, ut Deus neminem absque sua culpa damnare, neminem sine aliquo suo merito (qualecumque id esse potest) conseruare exemplo Esau & Iacob argui possit, excepto quorundam gratuito priuilegio, de quo supra memorauimus. Qui ut Esau Iacob minori natu seruiret ob eam rem statuisse videri potest, quoniam Esau peccata, & officia Iacob tam præsentia erant ipsi Deo ex æternitate post factum, quam antequam uterque nasceretur. Nam

Guin



cum homo pro libera sua voluntate hoc velit, illud nolit, hoc efficiat, illud omittat, Deus motibus eius cunctis simul in æternitate spectator, adest, & pro suis quemque operibus vel damnat in supplicia sempiterna vel pacta & promissa foelicitate liberaliter prosequitur: quanquam male agere totum sit improbitatis nostræ, honesta perficere gratiæ Dei peculiari plurima ex parte tribuatur, non nihil studio nostro, quod & ipsū tamen Deo referimus acceptum, qui nobis est ut ad vicium, sic ad virtutem liberam largitus voluntatem. Atque ad hunc quidem modum paralogismum, cui præcognitio Dei occasionem suppeditavit, abunde & aperte arbitror esse refutatum. Quanquam Deus immortalis, est ne quisquam tam stupidus, à communi hominum intellectu tam alienus, ut etiam si captiones huiusmodi confutare nesciat, ob eas tamen manifestissimo rerum usus inducat animum refragari? & maiorem fidem sophistarum præstigijs, quam communi sensui hominum adhibere? quorundam, de quibus est apud Aristotelem, stultitiam imitatus: qui cum argumenta Zenonis accerrime in motum disputantis solvere nescirent, motū, quē cunctis ferē sensibus percipiebant rationibus victi nullum esse confitebantur. In quo Diogenis philosophi factum à prudentissimis viris merita laude vehementer commendatur, qui cum in frequenti confessu talia Zenone disputante, se multi victos esse confiterentur, assurgens coepit coram cunctis inambulare, & quid ageret à Zenone interrogatus respondisse fertur, an non intelligis Zeno, me argumenta tua deambulando refutare? hoc enim vno responso simul Zenoni impudentiam, simul cæteris stultitiam sapienter exprobrauit: illi quod sustineret captiosis ratiunculis quicquam in usu manifestissima constituere, his quod ingeniosorum hominum commentis temere se in eam opinionem induci paterentur, cui sensus omnis repugnaret. Quod Diogenis prudentissime factum omnes homines diligenter in primis imitari censeo. Qui modo veritatis non adumbratam imaginem, sed solidam, & expressam effigiem in omni quæstione naturali siue mores vel religionem attingente conquirunt, ne vasorum hominum captionibus, & præstigatorum fraudibus imprudenter capiantur. Sed hæc prudentia cum sedulo sit nobis cunctis in rebus adhibenda, nescio tamen, an nusquam utilior esse possit, aut magis necessaria, quam ubi de fato & libero arbitrio differitur, siue res inter Philosophos agatur, siue inter Christianos Theologos, qui simul solent de vocata prædestinatione disputare. Quamobrem Martine huc & illuc te versa, tende omnes versutiae calliditatisque nervos, nec te dolos, fraudes para, congere Pauli vel Ioannis quamlibet acute, sed malitiose interpretata loca, ut hominis neque operam, nec studium quidquam facere concludas ad consequendam foelicitatem, ut hæc persuasione lentos pigrosque nos reddas ad virtutes capeffendas, & ab honestis studiosisque laboribus ad locordiam voluptate que traducas, & sic quam plurimos

*Diogenis  
prudentissi-  
me factum.*

*Concludit li-  
bros de libe-  
ro arbitrio.*



rimos habeas socios tuorum flagitiorum, efficies fortasse, ut tardiores & minus eruditi nesciant laqueos & decipulas tui sermonis explicare, nec pari orationis acumine refellere, nunquam tamen homini cuiquam prudenti, & cauto persuadebis, ut magis credat tuis dolis, quam simplicibus, planis, apertisque sacrarum literarum testimonijs, quæ homini libertatem opinionemque tribuunt recte ne, an secus agere velit, vitam an mortem, præmium an poenam malit, qualia multa supra memorauimus, ut illud Ecclesiastici (neque enim me quædam repetere pigebit) capite 15. *Deus ab initio constituit hominem & reliquit illum in manu consilij sui, adiecit mandata, & cætera.* Et Deuter. cap. 30. *Testes inuoco hodie cælum & terram, quod proposuerim vobis vitam & mortem, benedictionem & maledictionem. Elige ergo vitam ut viuas.* Et Zach. 1. *Conuertimini ad me ait dominus exercituum, & cōuertar ad vos.* Et illa ex nouo testamento, *Si vis ad vitam ingredi serua mandata.* Et alibi: *dedit eis potestatem filios Dei fieri,* ut cætera non minus aperta loca præteream quibus est scriptura diuina referta. Adde tot præcepta, tot adhortationes dehortationesque, quibus, ut docuimus, nunquam Deus sacras literas (quas ad hominum institutionem constat esse à spiritu sancto exaratas) repleuisset, nisi recte, an secus homines agant, in ipsorum esset potestate. Pari ratione si sophisma, quod à Dei præcognitione cunctarum rerum necessitatem colligere molitur, refellere, quanquam supra est à nobis planè & aperte refutatum, & iam pridem consensu doctissimorum hominum reiectum, si tamen ignorantia forte, aut ingenij tarditate huic verbis occurrere, & oratione refutare nescirem, sic tibi Martine responderem: Quomodo Deus futura præcognoscat nescio, ipsius præcognitio quam vim habeat ignoro, hoc certo scio, pleraque fieri contingenter, liberam esse hominum voluntatem, & in quibuscumque rebus versatur, æque se in vtramque partem flectere posse. Rerum videlicet usu, ac indubitatis experimentis edoctus, cunctorum sensuum adductus argumento, omnium hominum doctorum & indoctorum iudicio, hoc est lege naturæ in eadem sententia confirmatus, quia video, si non sit vaga liberaque nostra voluntas, esse cunctas leges superuacaneas, quæ petenda, iustaque præscribunt, ab oppositis deterrent, ac dehortantur: ludum esse mortalium vitam, & perfectissimum animalium hominem ad ludibrium esse natum, prudentiæ nullum locum relinqui, perire virtutes omnes, & secum laudes interimere, nullum quam libet turpe facinus crimen esse, nihil quod iure valeat vituperari, consultationem hominum esse prorsus inutilem. Postremo Deum & naturam à quibus frustra nihil effici constat, nequicquam hominibus tribuisse vim consultandi, quam si quis à natura mortalium auferat, is ego non video, quomodo possit humanitatem in hominibus relinquere. Hæc ferè mihi pater grauiissime in mentem venerunt, quæ de fato & libero arbitrio conscriberè. In qua quæstione differenda si tibi forte vel longior aliquanto, vel ta-

Matth. 19.

Ioan. 3.

Naturalis  
caussa libe.  
ri arbitrij.



xando Luthero concitator visus fuero, illud tribues difficultati, quæ cum maxima sit, iudicio omnium in vtraque philosophia, sermonis angustias non patitur, hoc intolerabili procacitati Lutheri, quo nemo unquam hæreticus furiosius contumeliosiusque in catholicos Christianos est debacchatus, nemo sacras literas æque imprudenter peruertere, nec tam aperte Christianam religionem labefactare tentauit.

IOANNIS  
GENESII SEPVLE  
DAE CORDVBENSIS,  
in ANTAPOLOGIAM

*Pro Alberto Pio principe Carpenſi, in Erasmum  
Roterodamum.*

Ad Grauiſſimum Præſulem Rodulſum Pium,  
Episcopum Fauentinum

P R A E F A T I O.



Vnquam putaram Rodulſe Pie præſul grauiſſime, poſt Alberti Pij principis Carpenſis patruſ tui, meiꝫ patroni obitum, qui nuper nobis, id eſt ſuis, iuſtiſſimū maximumꝫ dolorem atulit, illi verò ingentium laborum, & moleſtiarum finem impaſuiſſe videbatur, quidquam euenire poſſe, quod vel noſtrum maerorem augetet, vel eius quoquo modo quietem, & tranquillitatem ſollicitaret. vir enim vt ſapientia & doctrina, omni denique humanitate præditus, & animi magnitudine, ceterisꝫ virtutibus præſtans, ſic rebus geſtis præclarus, obiit procul à patria, paterna ditione, atque opibus, iniquitate fortuna deiectus, quæ plerunque ſolet inuidere ſummæ virtuti, & viris optimis ac ſapientibus bellum indicere, eoſdemꝫ velut ſtudioſe & pertinaciter inſectari, quam calamitatem vehementer augebat diuturnus morbus articularis, quo atrociter idem, & frequentiffime vexabatur. Tantiſ igitur moleſtijs, & calamitatibus exhaustus, quis non putaret, illum ſeuitiæ ſuæ fortune, dum ex hac vita, ſuo quidem optabili, ſed ſuo-  
rum



rum in commodissimo tempore migraret satisfecisse? At ecce iterum fortuna eadem renouat bella pristina post mortem, nec illius manes sunt in optata pace, hoc est nomen eius in mentibus hominum cum dignitate quiescere, quasi volens claro documento docere, verum esse quod Aristoteles tradidit, etiam in mortuos licere quidquam fortunae temeritati. Neque enim defuerunt importuno, prauoque homines ingenio, qui techris, & calumnijs eius famam insidiantes, Erasimum virum alioquin (vt de egregia eius eloquentia, doctrinaque taceam) & probum, & moderatum eò compulerint falsis & calumniosis delationibus, vt librum ediderit in Albertum Pium vtroque ipsorum indignissimum, quo virum praestantissimum, quantum quidem in ipso fuit, infamaret, & sui oblitus, maledictis, atque conuicijs prater omne decorum incesset. Quorum conatibus vt occurrerem, officij mei, ac pietatis potius erga illum esse multis iustisque de causis existimaui. Istorum igitur calumnijs respondere, ac Erasmi querimonis satisfacere constitui, hoc libello, quem ad te mitto, qui patri gloriam atque praestantiam, honestissimis sed felicioribus (vt spero & precor) studijs, ingentibusque virtutibus emularis, & es ipsius, vt ceterarum rerum, sic familiaritatum, & clientelarum legitimus heres. ne cum eius in me meritorum, & beneuolentiae optimus ipse sis testis, ingrati animi vitium, à quo semper abhorruì, iure mihi posses obiectare, si minus aduersus istorum, à quibus summa iniuria fama illius in discrimen vocatur, criminationes patrono cliens (quando sic tulit praepostera fortuna) quantum ingenio & industria consequi possem patrocinarer, in causa praesertim ipsius tam honesta & expedita, vt commoda oratio neminem quamlibet indiseritum deficere posse videatur.



IOANNIS  
 GENESII SEPTU-  
 DAE CORDVBENSIS,  
*Pro Alberto Pio principe Carpenſi*  
 ANTAPOLOGIA  
 In Erasmus Roterodamum.



Pologeticum librum Erasme proxime editū à te in Albertū Piū principem Carpenſe, inuitiſſimus perlegi, ac certamē, quod cū ipſius manib. inſtituiſti, cū meo magno dolore ſpectaui. dolui enim, & quidē vehemēter, vtriuſq; veſtrū nomine: tuo, cuius ſēper fui ſtudioſus, propter elegans ingeniū, & preſtantē doctrinā tuā, quod oblitus theologiſti decori, non ſatis ē tua modestia, & quæ tibi frequens in ore eſt, Chriſtiana charitate, acerbitate animi tui vtrūq; illatā temperaueris: Illius, quod princeps ſingulari pietate, gratiſſim⁹, & doctiſſimus, ijs cō- uicijs, & contumelijs inceſſitur, quæ vix cadant in ſemiſe, ac diſſolutum hominē, leuiculū & ab omni literatura abhorrentem. Hiſtrio enim à te fit, & quidē ineptus, dū ipſum facis aliena perſona indutū fabulā frigide ſaltare: extrema leuitate notatur, dum alieno nō labore tantū, ſed etiam ingenio inanē, ac puerilē gloriā eundē captare iactas. Iam verò literarū quid ei relinquis, cui theologiæ, ac philoſophiæ cognitionem demis, & politioris literature, omnemq; ingenuarū artiū notitiā detrahis, cū conſtet ipſum cæteris ſtudijs non inſeruiſſe? Quæ conuiciorum importuna iactatio, quanquam apud eos, qui huius ſummi viri ingentes virtutes, ac omnis doctrinæ præſtantiam perſpexerunt, non plus habeat ponderis, nec minore cachinno excipiat, quā vana quondā pronuntiatio Zo- pyri in Socratem virum diuinum, multa vitia ex eius forma colligentis, apud Alcibiadem, & cæteros Socratis familiares, talium in eo vitiorum ne veſtigium quidem agnoſcentes: tamen apud cæteros, quantus eſſet Albertus Pius ignorantes, ipſamq; poſteritatem, tam dirum habet ſponte ſua venenum, tam gloriæ, & exiſtimationi illius pernicioſum, vt ab ijs quibus Alberti nomen debet eſſe curæ, memoriaque clara, ſine ſcelere & impietate negligi non poſſe videatur. Scio igitur multos fore, qui velint, & poſſint maledicta tua refellendo, famā eius patro- cinari, hoc tamen officiū magis à me video, & potiorē quodam iure, quā à cæteris expectari. Primum, quia nemo me familiarius Albertū Pium coluit, nemini maior fuit occaſio, mores illius, & doctrinā cogno- ſcendi,



scendi. Deinde, quoniam cum illi Principi multi multa debeant, ego nihil me non debere profiteor, qui me Bononia ex collegio Hispanorum, propter nonnullam fortasse, quam de studijs meis habebat opinionem ad se sponte sua vocatum (vt vir doctissimus hominum non indoctorum familiari cōsuetudine delectabatur) tā humanē semper, tamq; amanter multos annos tractauit, vt nihil vel honoris, vel benignitatis, nil denique fauoris cuiquam suorum tribuerit, quod mihi non fuerit sanē lubens impartitus: quorum beneficiorum immemorem agere: hominis esset non solum ingrati, sed etiam inhumani. Postremo, quod caput est, quoniam vbi tu conaris ingenij eius, atque doctrinae laudem ad alios detorquere, aliquot te nominare posse nimis artificiosē dixisti, sed me vnum nominasti, cuius ille abuteretur opera, ad fabulam istam peragendam, quam tu, vel (quod magis credo) homines aliqui calumniosi, qui ad te tam impudens mendacium detulerunt, vt à te gratiam aliquam inirent, stultē admodum commenti sunt. Quam de me praedicationem falsam inprimis si dissimulanter, & silentio praterissem: an nō merito argui possem, arrogare mihi alienam gloriā, & per summū flagitium istorum artificum technis obsecundare? Provinciam igitur, quam recusare sine scelere non poteram, sponte suscepi, sed eo animo, nō vt Erasmi famā laderē, cuius ingenio faueo acuto inprimis & eleganti, & doctrinā magni facio, sed vt me istorum conatib. opponerem, qui mei dum viueret amantem patronum, & optime de me meritum infamare tentarūt: nec paterer ab importunis ingenijs, viro optimo, illustri, atque doctissimo turpissimā notam inuri, & eius nominis splendorem tenebris commenticijs obfuscari. quod si absque animi tui offensione aliqua praestari non poterit, tibi assignabis Erasme, qui nos libello tuo in tam iniquas angustias coniecisti, vt inde aliter exire non liceat, nisi facta eruptione per eas copias, quas acie infesta, sed parum firmā in Albertum collocasti, dum partim indulgeres stomacho tuo, partim vanissimorum hominum figmentis acquiesceres. Neque enim adduci possum (vt paulo antē dicebam) Erasmus virum probum, & piū, eō cæci furoris processisse, vt quæ falso iactat de Alberto Pio, ipse sit per malitiosam calumniam commentus: sed ab alijs ad se vanissime, & flagitiose delata referre. In quo tamen ea culpa tua est. Primum, quod delatione, non dico vera, sed ne probabili quidem omnino, temerē credita animum induxeris, ea literis mandare, quæ vt vanissima esse omnes sciunt, qui Albertum Pium nouerunt, sic nec probare valeas vllō modo, nec cordato cuiquam homini de tanto viro persuadere. Deinde, quod tuo malueris stomacho indulgere, quā iudicio obtemperare: qui cum scires turpe, atque impium haberi, veteri etiam prouerbio vetante, mortuis maledicere, leuissima tamē excusatione vltus, quod mortui in te scribant, Alberti Pij manes impropere & conuicijs exagitare.



decreueris. Non est turpe Erasme in mortuos scribere, si parcas famæ, falso dicta vel acriter, si libeat, insecteris. Hoc enim non veteres tantum philosophi, verum etiam Christiani, & egregia pietate viri (quod ipse non ignoras) factitarunt. Sed mortuos incesse maledictis, & nomini ipsorum insidiari, turpe habetur & nefarium. At responsurum te carptim citra Alberti nominis contumeliam, in ipsa libri præfatione polliceris, idque tum in epistola, tum in responsione abunde à te præstitum profiteris. Quid promissum, verbaque audiam, cum facta videam? rudè theologiæ illum fuisse cõtendis, Philosophastrum vocas nugatorè, mendacè, turdam aspidem, senem delirum, impudentem, calumniatorem appellas, & dicis te à cõtumelijs temperare? An postulas haberi, agique modestiæ tuæ gratias, quod virum innocentissimum, re nō minus quā cognomine pium, sicariū, parricidam, proditorem patriæ, aut hæreticū, & impium non appellaueris? Nam quod ais te in epistola & responsione citra contumeliam egisse cum Alberto, nihilo meliorem facis causam tuam. videri enim potes, autoritate viuentis deterritus, nō voluntate & consilio tunc à maledictis abstinuisse, qui vix elatum tantis improprijs laceraueris. Sed percussus inquis referio, & factum (si Deo placet) excusas exemplo Christi, qui non tacite passus est eorum malitiam, à quibus habere dæmonium, & rursus in Beelzebub eijcere dæmonia infimulabatur. Ita credo par scelus est, aut simile flagitium affirmantium Erasmus quidquam perperam vel locutum esse vel sensisse, & eorū qui Christum habere dæmonium calumniabantur, & tam vere tamque moderate obtrectauit Erasmus, maledixitque Pio, quā Christus castigauit Iudæorū calumniatores. Facile est, & dicta, & facta Christi commemorare, at imitari longe difficillimum. Quanquam igitur qui Christū audit, is malum pro malo non reddit, sed tolerando vincit aduersarium, non tamē à te requirimus Erasme eam patientiam, quæ à Christo in Euangelio commendatur, vt percussus vna maxilla præbeas alteram feriendam: sed maxime vellemus, ne leuiter ictus, mortiferā (quantum in te fuit) plagam incussisses, nec te ad conuicia iactanda, sed ad prudenter respondendum, & quæ obijciebantur modeste refutandum comparasses. Sed clamabis, fat scio, te non leuiter ictum à Pio, sed grauissimè, quantum quidem in ipso fuerit, vulneratum: qui si te non mendacem dixerit, non nugatorem, non calumniosum, non hæreticum, ea tamen de te scripserit, quæ si vera sint, vix huiusmodi criminum turpem notam effugere valeas. Quam vera sint, quæ in te Pius scripserit, postea videro, neque enim ab re fuerit, aliqua summatim, & strictim attingere, vt probata in parte viris prudentibus Alberti causa, qualis in toto fuerit, non possit dubitari. Illud certe confirmare possum, te perhumaniter ab ipso fuisse tractatum, & nullis apertis conuicijs, nisi perquam leuibus lacesitum. notare autem quædam in tuis scriptis, quæ falso, aut non satis vel grauiter,

vel

Matth. 12.

Matth. 5.



vel cōstanter, quæ vè minus catholicè dicta esse videantur, non est con-  
uicia in te iactare, nec famam tuam studiose lādere, sed inferuire veri-  
tati, maiestatiq; Christianæ religionis adesse. Iam verò quanti refert,  
quibus verbis res quæque significetur? Ablatum à te quidquam audias;  
an furto surreptum? parum religiose dictum, an impie? mentiris respō-  
deas, an non feci? erras, an calumniaris? Sed quoniā ipse, quòd acriore,  
quam velles censura scripta tua vexarentur, semel dolore incitatus co-  
hiberi non potuisti, quo minus sæue in Albertum Pium inuehereris, iā  
(si placet) qualia sint, quæ illi obijcis consideremus.

Initio præfariis, ipsum non suo iudicio, sed quorundam hortatu operam in te scriben-  
di suscepisse. Hoc si tuum est inuentum, iniustè facis, & parum Euangelicè,  
qui viro, quo nihil grauius fingi potest, summam leuitatis notam inu-  
rere moliris: Si ab alijs ad te delatum, temere admodum credidisti.  
Quid enim habet probabilitatis, hominem afflicta valetudine, & mo-  
le atque cura rerum maximarum pressum, non reip. vel religionis cau-  
sa, sed vt libidini nescio quorum inferuieret, rem suscepisse difficilem  
atque laboriosam, & parum laudis habituram? Aur quis esset tam im-  
pudenter audax, vt viro principi, ac (vt dixi) impeditissimo, ab articu-  
lariq; morbo vix pauca interualla quietis impetranti, tantum mole-  
sti oneris tentaret imponere? ad summā, quo præmio veræ laudis addu-  
ci poterat vir eo splendore, doctrina & grauitate? *Gloriosum* inquis *for-*  
*tasse putauit in Erasmus scribere.* Quàm vanè tibi blandiebatur Erasme, quif-  
quis te in istam persuasionem detrudere curauit. Quàm longe abhor-  
rent ista ab ijs, quæ in Epistola tua Albertum Pium de te prædicare so-  
litum esse conquestus es, Erasmus nec philosophum esse, nec theolo-  
gum, nec vlliùs solidæ doctrinæ. Quisquāne talia sentit de Erasmo, &  
gloriosum putat in Erasmus scribere? *At falsa fuit inquires delatio,* vt idē  
affirmat in Epistola sua, *talia vnquam ipsum iactasse de Erasmo.* Ita equidem exi-  
stimo, tanta enim erat illius viri modestia, tanta humanitas, in eos præ-  
fertim, quos vel mediocris eruditio commendaret, vt eorum lapsus, si  
qui essent, excusare ingeniose, & quidquid esset laudabile, in maius et-  
iam extollere libenter soleret: tantum abest, vt de viris egregijs, male  
præter meritum loqueretur. At ipse vrges in tua responsione & libel-  
lo testesq; producere paratus es, quibus eum, quæ dixisse negat, iactare  
solutum esse conuincas. Sed credamus Albertum de tua doctrina bene  
& loqui solitum, & sentire, statimne gloriosum putaret in te scribere  
vir tantus, tam illustris, tam non ambitiosus, & quod in primis memi-  
nisse debebas, in Italia natus, nec ignarus, qualis esset cæterorum  
Italorum de te opinio? Quos non perinde solitos esse demirari scripta  
ua, ac Germanos tuos, & meorum Hispanorum plerosque, miror si tibi  
non est abunde exploratum. Nam quod ad te de Alberti vocibus  
vanè

Obiectiones  
in Albertum  
Pium.  
Prima.



vanè (vt opinor) delatum est, id de multis Italorum non parui nominis, nec vulgaris doctrinæ, citra mendacium deferri potuisse, certo scio. cū quibus profecto mihi, vt possem magnos viros citare testes, ingens pro te sepe concertatio fuit, cum ferre non possem, quorundam fastum, tuique contemptum, qui te philosophiæ expertem esse dicerent, Luciani magis, quàm Aristotelis familiarem, duplici vtentes argumento. Primum, quòd homo Græca interpretandi studio deditus, Luciani fabellas, quarum cognitione Latini, & theologi, & philosophi, sine vlla religionis aut morum iactura carere poterant, Latine exprefferis diligenter: Aristotelis ne verbū quid ecōuerteris, cū essent nō pauca illius viri diuini opera de philosophia, quæ partim perperam, partim barbare conuersa, latinam orationem desiderabant. Deinde, quòd cum innumeros propemodum libellos edere nunquam desistas, nullum tamen vnquam physicum argumentum tractaueris. In theologicis porrò ita te versatum esse dicunt, vt multa in tuis libris sint, quæ doctissimorum theologorum consensu reijciantur. Cum verò ad humaniores literas ventum est, quod demere non possunt, magnam tibi lectionē concedunt, ingenij promptitudinem, & argutias, orationisquæ copiam tribuunt: sed dicendi characterem, licet interdum exurgas, humilem esse contendunt, & parum habentem grauitatis: ad summam, minimè Ciceronianum, ita te foecundum esse magis, quàm facundum: diſtictiſ po tius, & argutijs quàm sententijs, orationisquæ virtutibus lectorem allicientem. *Sed ista inquis maleuolorum figmenta sunt.* Quis negat ileuique fundamento fabricata, non eo inficias: nec ex iudicio, sed à quorundam Italorum inuidia profecta, qui volentes suos in omni genere literarum excellere, indignari videntur, si quis vltra montes (vt ipsi loquuntur) natus, ad rerum doctrinam, orationis quoque ornamenta adieciſſe putetur. Hoc quoq; tibi facile affētiar, qui simili oratione vti soleo, ad conatus te sic impetentium reprimendos, atque equidem vellem id quam plurimis esset persuasum, vti quid in meis scriptis, quæ non pauca, partim ex Aristotele, alijsquæ Græcis philosophis in Latinum conuersa, partim meo labore lucubrata, in manus hominum exierunt, nasuti homines improbarent, possem cum aliquorum fide culpam à mea tarditate, ad illorum inuidiam transferre. nam & ego, licet iam sextumdecimum annum agam in Italia, trans alpes tamen natus sum: in Beticā, non in Lusitania, vt ipse cum iterum Ciceronianum scriberes, putasti: deceptus fortasse prouinciarum confinio, quæ in Hispāniā vltiore, fluuiō duntaxat Ana interfluente dirimuntur, licet Bētis, qui prouinciæ nomen dedit, Cordubam alluat, vnde nos esse legeras videlicet in meo de fato & libero arbitrio aduersus Lutherum libello. Hunc enim à te designatum puto, cum me edito Romæ libello, præclaram spem de me præbuisse, in eodem Ciceroniano scriberes, quem cum anno superiore



riore legissem, te per literas huius perleuis lapsus admonui, & egi gratias pro tam honorifico testimonio. Nam licet non ignorarem, quam vim habeat oratio, spem duntaxat in homine iam propemodum quadragenario laudantis, ut solet adolescentium indoles, cum facta nequeunt commendari. Illud tamen me tibi debere intelligebam, quod fecisses perhumaniter, ut malles de spe futurae virtutis, quam de praesentibus vitijs, quae illi aetati condonare videbaris, meminisse. Sed ad Italorum de te iudicium, vel inuidum potius (ut ipsi interpretamur) sermonem redeo. Qui probari potest, qui talia de te (licet falsa sint) praedicare solent, horum quempiam doctrina non vulgari in te scribere gloriosum putare? Nedum Albertum Pium, virum illa doctrina, & auctoritate, cui hoc ipsum à plerisque Italorum obijcitur, quod oblitus suae dignitatis, in certamen descendere sustinuerit, cuius etiam victoria parum esse habitura laudis.

Quid igitur causae fuit, cur Albertus Pius in Erasmi scriberet? quid? nisi quod ipse in suis libris testatum reliquit? Primum quia prouocatum ipsum epistola tua, nec urbanitas tacere, nec suae dignitatis ratio permittebat: ne vel superbi, si te responso non dignari: vel indoctae tarditatis conscij notam incurreret, si tibi ad obiecta respondere non ausus fuisse videretur. Quanquam igitur epistolae tuae multo paucioribus responderi potuit, tamen quia tu conquestus eras in ea, quod ille scripta tua seminaria faceret Lutherani furoris, hac admonitione semel emissus, cohiberi non potuit, quo minus in eo campo paulo latius diuagaretur. Deinde emissio epistolari libello, cum tu paulo concitatus respondisses, & pleraque, quae ille affirmabat, magna voce negasses, comentitia esse iactans multa, quae à te dicta citabat, non putauit sibi iam integrum esse, salua dignitate tacere, qui silentio causam optimam proditurus videbatur. Scripsit igitur opus illud elegans, & doctissimum, tibi tamen summopere ingratum, magno suo & labore, & ingenio: tum ut quae prius dixerat, confirmaret: tum ut quae in Epistolari libro strictim perstrinxerat, dilataret.

*Causae prae-  
pter quas  
Albertus Pi-  
us in Eras-  
mum scri-  
psit.*

Obijcis deinde Alberto Pio, quod libros in te nullo suo ingenio, nulla sua doctrina, sed quorundam nescio quorum opera confectos, parum prudenter ediderit. quosdam enim contendis testimonia scripturarum ei suppeditasse, alios loca, quae carperet ex tuis libris perperam magna ex parte decerpta suggessisse, alios expoliuisse dictionem, & verba latina subministrasse, ad summam in libris Alberti Pij, nihil ipsius esse, praeter nomen, & carpendi libidinem, ac gloriolae cuiusdam cupiditatem. Quo in loco, crede mihi Erasme, acumen ingenij tui magnopere desideravi, qui cum talem criminationem à falsis delatoribus deceptus adornares, non videris, te rem moliri, non dico falsam, sed incredibilem prorsus, & omnium qui legissent iudicio, statim reiiciendam. Nam cum duo potissimum sint, quae falsis criminationibus locum faciunt, & fruendae calumniae praebent occasionem: alterum, si quod obijcitur, ab eius, qui accusatur facultate, natura, &



tura, & moribus non abhorreere constet: alterum si eadem qualia in eodem sint, ob eius obscuritatem ignorentur: vtrumque profecto magno pere defuit istorum calumniæ. Quis est enim aliquo numero & honore? quis paulo modo doctior, non solum in Italia, sed etiam in Gallia, Germaniaq; omni, & Hispania, qui Albertum Pium ignoret? Quis porro Albertum Pium nouit, cui non sit audita, notaque sapientia eius, doctrina, & eloquentia? qui ab ineunte ætate literarum studio deditus, hortante ad id Ioanne Pico Mirandula ipsius auunculo, qui eius indolem florentissimam non ignorauit, tantum assidua cura, & ingenij fecunditate profecit, ut iam inde ab adolescentia, inter philosophiæ, ac ingenuarum artium eruditos excellere putaretur, quod Aldus Manutius, quo præceptore humaniorum literarum fuerat usus, in multis librorum, quos ei nuncupauit præfationibus, testatus est. Aggressus deinde sacrarum literarum, theologiæq; studium (ut erat ille vir natura perquam pius) non se ita comparauit, ut studiorum amœnitates, quemadmodum pigri, tardi q; solent, sequeretur: sed quanto spinosius quodque esse, ac plus habere difficultatis intelligebat, tanto cupidius, in hoc studiisq; incumberebat, itaq; in scholastica theologia, cum cæterorum quoq; theologorum doctrinam perdiscendam sibi statuisset, Scoti tamen ænigmata ante omnia peruestiganda sibi proposuit: putans videlicet id, quod euenit, hac velut Sphinge superata, nihil tam difficile fore, quod non suo ingenio, ac diligentia concessurum esse videretur, cuius victoriæ compos factus, quem non ille legit scholasticorum theologorum? quam non quæstionem, vel publice vel priuatim cum viris doctissimis disputauit? quod munus & libentissimè, & cum admiratione omnium usurpabat, nihil enim illius ingenio acrius, nihil præsentius, nil denique perspicacius, ut sermonis leporem, ac vocis moderationem omittam, quibus dici non potest, quantum sibi audientium animos conciliaret.

Nec mirum ingeniosum, & diligentem hominem in eam doctrinæ magnitudine nauasse, qui semper habuit domi viros Italiæ in omni genere literarum doctissimos, quibus partim præceptoribus, partim socijs studiorum ad literarias exercitationes vteretur, quorum fuere Aldus Manutius, Tryphon Bizantijs, Marcus Musurus, viri vtriusque linguæ cognitione præstantes. Petrus Pomponatius præceptor meus, Ioannes Mondocus Hispalensis, summi viri in doctrina peripatetica, quorum ille Bononiæ, hic theologiæ quoque cognitione præstans, Pisis atque Patauij maximis præmijs propositis, philosophiam docuerunt: Andreas Barrus magnus item philosophas, adhuc Gratianns Brixienis, cuius extant in Scotum commentaria, monachus Franciscanus, Valerius heremita, viri theologiæ sacrarumque literarum peritissimi, ut multos alios præteream egregia doctrina viros, cum quibus, quicquid otij ac tem-



actemporis à publicis negotijs dabatur, disputando, ac de studio literarum, rebusque honestissimis colloquendo, libentissimè consume-  
 bat, vir non institutione tantum, sed natura quoque ab omni voluptate, libidineque alienissimus, quod enim otium adolēscen-  
 tes ea fortuna iuuenesque alij ludo, canibus, aut veneri dare solent,  
 id Albertus Pius literis, ac honestissimarum rerum cognitioni tri-  
 buebat, & erat forma, orisque dignitate, ac reliqua proceri corporis  
 habitudine, & suauiloquentia, cum quo vel nullus posset in Italia, vel  
 pauci admodum comparari. Ne quis fortè putet præter opes, & generis  
 claritatem, reliquas illi voluptatum occasiones defuisse. Sed cum ro-  
 bustiores annos in studiorum quasi palestra & scholasticis disceptatio-  
 nibus consumpsisset, ætate ingrauescente, studium transfert ad mitio-  
 rem, magisque & iocundam, & fructuosam Augustini, Hieronymique &  
 aliorum veterum, & grauissimorum theologorum lectionē. quos cum  
 eorum monumenta noctu, dieque versaret, sic admirabatur, ut Thomam  
 tamen, ac Scotum spernendos non putaret, reliquosque scholasticos  
 theologos, qui theologiam munire armis philosophiæ, quibus oppu-  
 gnari solebat docuerunt. Iam verò sacras literas tam familiares sibi fe-  
 cerat lectitando, ut nemini magis domus sua nota esset (ut inquit ille  
 poeta) quam ipsi historia utriusque testamenti. Quanquam igitur Al-  
 bertus Pius reip. administrationi multorum annorum præcipuam cu-  
 ram impenderit legationibus à maximis principibus, apud Iulium,  
 Leonem, & Clementem Pontifices maximos functus, qui & ipsi pru-  
 dentia eius, & consilio in summis rebus utebantur: quidquid tamen  
 temporis reipublicæ supererat in ea, de quibus modo dixi literarum  
 studia conferebat. His itaque puer delectatus est, in his adolēscens, &  
 florentibus annis, summo ingenio, ac diligentia versatus, in his denique  
 consenuit. Quæ cum notissima sint non pontifici solum, & cunctis cardi-  
 nalibus, quos mendacij testes citare nefas sit, verum etiā omni propè di-  
 xerim orbi terrarum, miror cuius pudoris, aut prudentiæ fuerit in vi-  
 rum, cuius facundia, summaque eruditio, cunctis hominibus erat perspe-  
 cta, istam struere calumniam, quæ nisi in hominem infantissimum, & o-  
 mnis doctrinæ rōm, probari cuiquā non poterat. Quis enim dictionis  
 adhibet expolitorem, nisi qui barbarus ipse est, & à politiore literatu-  
 ra alienus? Quis suggestores, cōmonstratoresque scripturarum, argu-  
 mentorum, dogmatumque theologorum, nisi qui sacras literas, vel nunquā,  
 vel perquā leuiter attigerit, ac theologiā prorsus ignorat? in quibus stu-  
 dijs Albertum Piū à puero suam, quæ iam ingrauescebat ætatē consum-  
 psisse, ignorare nemo potest. Quam igitur anſam, quā demum occasio-  
 nem calumniatores nacti sunt, tam insigne mendacium, quod deferrēt  
 ad Erasum comminiscendi? Accidit enim ferè per malitiam delato-  
 ribus, mente, animoque agrotis hominibus, quod per errorem febrienti-



bus vfu venire Aristoteles testatur, vt enim hi perexigua quadā linearu in pariete descriptarum similitudine decepti, animalia quædā videre videntur, & affirmant: sic calūniatores & malitiosi homines quidquid vident, quod pati possit quoquo modo sinistri cuiuspiā vel leuissimam suspicionē, maligna interpretatione ad calumniā rapiūt: & quod temere, leuiterq; suspicantur, ac ne suspicantur quidem, sed propter suspicandi tenuissimā ansam cōfingunt, pro vero affirmant, & ad alios flagitiosissimē deferunt. Mihi ergo quoquo versus spectanti, & omnes huius impudentissimi mēdacijs ansas animo perlustrāti, hæc vna potuit in mentē venire, q̄ calūniæ qualēcunq; locū facere potuisse videretur. Albertus Pius (vt supra dixi) tā faue, tā pertinaciter articulari morbo, in quem annū agens circiter quadragesimum inciderat vexabatur, vt sepe totos tres, quatuorq; menses in lecto iaceret, tā prostratus, vt neq; pes, neq; manus officio suo fungi possent. In ea igitur calamitate, si quādo à morbi sequitiā dierū aliquot inducias impetrasset, vna illi requies erat, qua ægrum animum solaretur, audire aliquem legentem, aut cū aliquo viro docto disputare, vel cum solus esset, commentari aliquid in studio literarum. Sed cum nec ipse scribere posset, nec libros euoluere, opus illi erat librario, opus lectore: ac si cuius authoris sententiā dictūve, aut etiam verbum recognoscere oportebat, & illi locus (vt nemini nō identidem vfu venire solet) excidisset, cum inuestigare per se nō posset, vt per alterum faceret necesse erat. quib. in rebus cū aliorum vteretur opera, non industria: manibus, & lingua, non ingenio: labore, non doctrina: video tamen non defuisse peruersos homines, sed tui studiosos, qui hoc animaduerso, dum Albertus Pius ægrotās in te scriberet, vana, & maligna interpretatione, dum tali mendaciō tibi nō ingrato futuro, aliquam tuam gratiam promereri posse sperarent, amanuensium operam in calumniam detorquerent, ad nomen Alberti Pij, & quā te maxime grauaturam esse constabat authoritatem, summāq; eruditionis opinionem imminuendam. Si quos ægrotans Albertus Pius oculorum, manuumq; vicarios, ad opus lucubrandum habuisset, horum ingenio atque doctrina opus confectum esse, aliquibus posset confecto mendacio persuaderi. Cæterum nihil aliud (crede mihi) tali consilio profecerunt, quā vt te falsis delationibus nimis credulum esse, magno argumento declararent. Tu tamen plurimos nouisse affirmas, quibus copijs vſus sit Albertus Pius, aliquot te posse, si res postulet nominare. An tibi, cum virum grauissimum summx leuitatis reum faceres, & quem omnes sciunt doctissimum fuisse, & elegātem; ipse rudem literarum & infantissimum contenderes, non videbatur res poscere, vt testes vel quā plurimos produceres, consciosq; proderes omnes, ne non apertē calumniari, sed verū crimen obijcere credereris? Sed quis tam rudis est, vt non agnoscat artificiū, cum neminem vere posses, aliquot te nomi-



nare posse, si res poscat scripsisti, me vnum nominasti, si res poscebat, cur ceteros tacuisti? Si non poscebat, cur me nominasti? Subijcis enim, *Sepulveda nemo non nouit, virum eruditum, & bene latinum.* quod cum legissem, tibi equidem Erasme magnam habui gratiam, quod vir tantus me aliquid didicisse testat<sup>9</sup> sis, & latine nō ignorare, sed multo maiore habiturus, si testimonium istud minus alieno loco mihi contigisset, nec me in eius inuidiam laudasses, cui ego, quanquam in eisdem, atque illē studijs multos annos non negligenter fuerim versatus, semper tamen longe maiorem eruditionem, & Latinæ linguæ peritiam concessi. vel me igitur tacere debebas cum reliquis, vel omnes mecum nominare. Nam cur me potissimum nominandum putasti? An quia de me magis constare, & me quam ceteros notiozem esse credidisti? negas enim me a quoquam ignorari. Non equidem inficior, nomen meum ob aliquos meos labores in studio literarum, non quidem tam multis, quam tu ais, sed certe non admodum paucis innotuisse. Ceterum quo me plures nouerunt, hoc plurimum testimonio, vanitas istius criminationis haud dubie conuincitur, nemo enim me nouit, qui nesciat toto eo tempore, quo Lutetiæ in te scribebat Albertus, me Romæ, aut certe in Italia fuisse. quod te magno pere miror non animaduertisse, cum talia prodere inducebas animum, nam non ignorasse certum habeo. Memini enim Placentiæ, cum eò peruenisset Franciscus Quignonius sanctæ crucis Cardinalis, quem literarum, ac omnis virtutis fautorem egregium, Stunica, & ego sequebamur, in legatione illa, qua cum duobus collegis ex more, à Clemente pontifice Maximo obuiam Carolo Cæsari mittebatur, literas quasdam tuas vidisse, quib. viro erudito, cuique studiosissimo Alfonso Valdesio Cæsaris à secretis, ad eam epistolam respondebas, in qua ipse ad te paulo antè scripserat in mentione doctorum hominum, Stunicam, & Genesium se Placentiæ conuenisse. quibus literis iam tunc vanum istum rumorem spargere incipiebas, nam tale quiddam in eis me legere commemini, *Albertum Pium nescio quid in Erasmus parare, domique habere conductitium hominem, qui pro se scriberet.* de quo cum me Valdesius percunctaretur, ego nihil doli suspicatus, necesse est inquam, vt qui scribere ipse morbo implicitus nō potest, librarium habeat, qui dictata excipiat, ac pro se scribat, quo vt principes ferè solent, semper vsus est Albertus Pius, etiam in valetudine firmiore. Sed tu videlicet hominem intelligebas, cuius doctrina & ingenio conficeretur opus, aut certe qui dictionem ipsius expoliret. Cū hoc igitur tempore, me Placentiæ fuisse scires, & ante, ac post perseuerasse Romæ, credibile sit te non ignorasse, quid tibi venit in mentem, vt mea opera vsus esse Albertum Pium, in opere illo conficiendo, aut expolienda dictione asseuerares? Neque enim hoc ad epistolarem librum, quem ille Romæ ante vrbs direptionem elucubrauerat, de quo mox dicam referre potes, qui sic scribis in calce libelli: *Recte facit, quod agit gratias*



Deo, cuius ope tam mirificum opus absoluerit, sed ingratus facit, qui non agat gratias Hispano dictionis expolitori, operis collectioni praefectis, &c. Quo in loco de opere Lutetiae confecto te locutum esse certum est, in eo enim extremo, quas dicis gratias Albertus egit Deo. Nec dubitari potest, quin Hispani nomine eundem Sepuluedam, de quo vno nominatim memineras, designaueris. Constat enim Albertum Pium, multos annos antequam decederet, Hispanum, qui literas didicisset, domi suae habuisse neminem, praeter Genesium Sepuluedam, quem ad te suspicor, appellatione varia delatum esse, quin etiam corrupto vocabulo. nam pro sepuluedo, sepuluelum habet tuus libellus, nisi forte culpa librarii vna litera mutata fuit. Ex quo factum est fortasse, ut eundem per obliuionem duos esse homines credideris. Ita cum non ignorares Genesium Romae agere, Sepuluedam putasti eodem tempore Lutetiae cum Alberto Pio in te scribente fuisse: qui cum neque ineruditus, neque Latinae linguae ignarus (ut ipse scribis) haberetur, eundemque constaret in Alberti Pii domesticis fuisse, maxime idoneus visus est istis Sycophantibus, qui ex confectis operis vnus potissimum nominaretur: quorum ipse calumnijs inconsulte creditis, scripsisti agendas esse gratias Hispano, qui libri Lutetiae lucubrati dictionem expoliuisset: cum neque ego, quem eo loco designas, nec quisquam alter Hispanus, non expertus literarum, eo tempore cum Alberto fuerit. cuius rei testes appello, quotquot Lutetiae Albertum Pium, eiusque domesticos cognouerunt, omnibus enim notissimum est, Alberto Pio Lutetiae commoranti neminem prorsus affuisse, cuius opera iuuaretur, praeter vnum amanuensem Italum adolescentulum, qui vnus multorum ministerioungebatur: idem namque in Alberti morbo propemodum continenti libros euoluerebat, idem loca suo labore, Alberti ingenio, memoria, vel reminiscencia inuestigata legebat, idem excipiebat dictata. quod mihi ex alijs etiam exploratum, ipsemet adolescentulus his paucis diebus exposuit Romae, dum suos ingentes labores in quorundam inuidiam commemoraret. Quid igitur de ceteris, quos nullos potuisti nominare, credi par est, cum me, quem vnus isti putauerunt non improbabiliiter posse ad suae calumniae fidem faciendam nominari, constet ne potuisse quidem, etiam si maxime illi opus fuisset, & vterque cuperemus, quam isti constringunt operam nauare. cum ille Lutetiae, ego Romae commorarer, nec mihi (quod maxime doleo) post urbis direptionem ipsum videre contingerit, ut illud interim taceam, quam diuersus sit meorum scriptorum stilus a librorum Alberti charactere.

Nam illud ne fingi quidem potest, librum de quo agitur, Romae iam lucubratum, post editum fuisse Lutetiae: cum tuus apologeticus, ad quod refellendum ille rescripsit, editus a te fuerit, postquam Albertus Lutetiam peruenit, ubi librum epistolarem Romae factum honestissimorum quorundam theologorum impulsu, euulgari passus est. De quo si quaeris, an eum viderim, dum ab ipso scribebatur, dica equidem (calumniā nihil



nihil veritus) vt res est, aliqua vidi dum esset in ipsius manibus, confectum perlegi totum, sed ita perlegi, vt non indocti homines, doctissimorum virorum, quos amant & colunt, scripta solent, vt fructum aliquem, vel doctrinae vel iocunditatis legendo capere, non vt in viri eloquentis, summaq; eruditione libro, homo cunctis in rebus inferior, quidquam vel sensus, vel dictionis emendarem. quanquam ille, cum librum daret, mihi non interdixerat, quominus se, si quid in eo parum probassem admonerem: ille verò me ad hoc pro sua humanitate adhortatus erat, idem ipse pollicitus se facturum, in meo libello de fato, & libero arbitrio, quem aduersus Lutheri furiosum de seruo arbitrio librum, eodem tempore à me scriptum, quo Albertus ad tuam epistolam responderebat, vt ipse vicissim legeret, quæ admodum mea solebat, facile impetraui, & quidquid displicuisset, annotaret orauit: quod nec imprudenter, nec præter doctissimorum hominum morem, ab utroq; factum esse crediderim. neq; si vel maxime cõstaret, illum mea, aut me illius admonitione, iudiciove ductum, aliquo loco, aut etiam locis paucis verba quædã, vel fortassis etiã sensa adiecisse, detraxisse, vel commutasse, protinus vereretur, ne apud doctos, prudentesq; viros, quidquã alterutrius famæ, ac eruditionis opinioni decederet. Hoc enim veteres factitasse certum est, quorum nunc ingenia, & scripta demiramur. nisi fortè pudit Plinium Secundum, virum eloquentissimum, eam in primis epistolam euulgare, quæ rogat virum doctissimum Arrium, vt librum, quem edere cogitabat, & illi miserat accuratè lectum & relectum emendaret. qui ad Scaurum quoque scribens, sic ait: *Recitaturus oratiunculam, quam publicare cõgito, aduocavi aliquos, vt vereretur paucos, vt verum audirem. Nam mihi duplex ratio recitandi: vna, vt sollicitudine incendar: altera, vt admonear, siquid fortè me vt in eum fallit, tuli quod petebam, inueni qui mihi copiam consilij sui faceret.* Neque verò solum Plinius vir sapientissimus, id officium ab alijs sui similib. poscebat, sed alios ab ipso idẽ postulasse, cū alię eiusdem epistolę declarant, tū ea in primis, quæ Maximo viro doctissimo, quid de libris suis sentiret, exponit: ac ne singulos memorem, Brutum virum doctissimum, & eloquentissimum orationes suas, etiam in senatu cum omnium admiratione habitas, ad Ciceronem, qui eius ingenio hoc eruditionis, & facundię tribuebat, quod paucissimis suorum æqualium, antequam ederentur, huius rei gratia mittere solitum, eiusdẽ Ciceronis epistolæ testatur. quin etiã ipse Cicerone, ne ceteros miremur, scripta sua emendandi gratia mittebat Põpo. Attico, & quidẽ eo animo, vt ceras eius miniatulas, quibus ille quæ nõ probasset annotabat, vt idẽ nõ vno loco ad ipsum scribēs profiteretur, extimesceret. huc. n. pertinet illud Horatianum præceptum,

*si quid tamen olim*

*Scripseris, in Metu descendat iudicis aures.*

*in arte poet.*

quorum cautam diligentiam si tu Erasme fuisses imitatus, nec indulgere mal-



re malles ingenio tuo, quàm imperare, magnam tibi laudem peperisti, sed multo maiorem fuisses consecutus, non modo eruditionis, sed etiam eloquentiæ.

Perlegi ergo epistolarem librum Romæ, fateor, & illum fortassis aliquid admonui, quod mihi minus arrideret, ut ipse fecit in meo libello. Statimne igitur librum aliena opera, non suo Marte (ut aiunt) confecisse argui debet Albertus Pius? Nam à quopiam alio præter librarium, ne lectum quidem fuisse librum, antequam perficeretur, si mihi affirmanti non credis homini nō vano, & testi oculato, quem latere nihil poterat, crede iurato, nam testem appello Deū immortalem, me nō mentiri. Sed redeo ad librum Luteriæ inceptū, & peractum, qui te plus offendit, & quem ipse acrius accusas. Quid habes argumenti, quando testem nullū habes illum fuisse multorum opera confectum. *Ex varietate* (inquis) *characteris* apparet. Vbi est acumen tuum Erasme? An non vides te dictionis varietatem allegando, tibi non constare, criminationisque vanitatem prodere? Quomodo enim vera esse possunt, quæ pugnāt? Aut qui cōuenit Albertum Pium dictionis expolitorem habuisse, & characterem esse diuersum? Nisi forte id munus affingatur per summam stultitiam compluribus fuisse per partes iniunctum, ut dolus omnino latere nequiret. Sed si vnus erat expolitor, ut etiam sycophantæ detulerunt ad te, qui vnum Hispanum expolitorem memoras, expolitor iste tam præclarus, quomodo vnus potuit, nisi fortè ex industria, diuersis characteribus dictionem expolire. An commortuum illum videri vis Alberto Pio? ut si quid superesset expoliendum, perficere non potuerit. Non est igitur opus extrinsecus allatis argumentis, ad criminationis malitiam conuincendam, ipsa per se, suaque inconstantia ruit. Quòd si vrgeas, rogesque, quomodo tam diuersus stylus potest esse vnius Alberti Pij? ego te vicissim, & verius percunctabor, quomodo potest diuersorum esse character, qui tam sui similis est? Nam quòd pauca quædam verbula, quibusdam in locis annotaueris, quæ magis theologicam simplicitatem præferant, quàm cultum Ciceronianum, candidius erat, id festinationi mortis interuentu non recognita tribuere: quàm ex leuissima coniectura, cum cætera simillima sint, operarum diuersitatem velut argumento certissimo colligere, in vulgusque prodere. Albertus enim Pius quāquā elegans esset, & latinæ linguæ doctissimus, cui studio, ætate ingrauescente multo etiam magis, quàm in adolescentia se dediderat, ita se tamen à puero cōparauerat, ut semper rerum maiorem haberet curam, quàm verborum, quod fiebat, ut sepe cum questionem aliquam physicam, aut theologicam disputaret, mallet idem ad nodum quempiam explicandū, minus latina, sed nota verba, à Thoma vel Scotò, Alexandroue interdum mutuari, ut clarius, significantiusque loqueretur, quàm Ciceronianis uti, si orationis insolentia philosophis, aut theologis, ad quos verba faceret, obscuritatem pari-



paritura videretur. quod in aliquo eius libri loco, quem mortis iniuria polire non potuit, ipsi de sensu magis, quam de oratione sollicito usu venisse, non debuit esse tam criminofum, vt ob id quasi de possessione totius libri deijceretur.

Quod porrò quasi probrosum iactas, *Albertum Pium scripta tua non legisse, Obiectio* sed ad decerpenda loca, quæ carperet, monachorum quorundam, aliorumque laboribus usum fuisse, id quidem fortasse non male coniectas. sic enim existimo, dū ex meo instituto metior illius animum, ipsum antequam necessitate duceretur, non nihil de scriptis tuis animi causa legisse, nihil enim est eis argutius, nihil festiuus: sed horas seueriores sacris literis, Hieronymoque, & Augustino, & his similibus, interdum etiam Aristoteli, vel Ciceroni libentius impendisse. Non quòd non sint multa in tuis libris, quæ horis etiam matutinis legi possint, & legentium operæ pretium absolute. Sed quòd eorum authorum, qui Erasmus quantus est effecerunt, quàm Erasmi monumentis lectitandis vberiore fructum capere se posse, non stulte (vt opinor) existimaret. Postea verò quàm, nescio quo fato, in eam necessitatem adactus est, vt consulere famæ suæ non posset, nisi quæ audita de tuis scriptis damnabat, scribendo refelleret, haud equidem credo ipsum tam hebetem fuisse, vt non intelligeret, nisi perlectis tuis libris non posse sparsas in eis sententias cognosci, nec incognitas refutari, putasse tamen parui interesse, ipse ne per summum laborem inuestigasset, an ab alijs accepisset, qui huius rei gratia diligentissime libros tuos sponte sua perlustrassent. Sed locis indicatis, dum singula examinaret, certum habeo, omnia, quæ ad cuiusque intellectum facere possent, perlegisse virum prudentissimum, nec ignarum non aliter posse de ipsis, sine summa cæcitate iudicari. quod mihi non solum certa cōiectura, ab altissima viri prudētia ducta persuasit, sed illius etiam adolescentuli, quo lectore utebatur, testimonium indubitatum, cui maiore hac in causa fidem habendam cenfeo, quàm tibi, qui dum acrioris censure dolorem equo animo ferre non posses, ipsum credidisse modo aliorum relationi, ijs verbis cauillaris, quæ me referre suppudet. Nam non erat (inquis) viri prudentis, cacatis schedis fratrum, ac famulorum, tam virulenter in proximum debacchari. Quod tibi verbum excidit Erasme? Quove theologi- ci decori respectus abierat? vt vir grauis, religionis, morumque magister in eo libro, quo de religione agitur, de Christo ipso, deque Triade differitur, sustineres tuam orationem ijs verbis fœdare, quæ vix Epigrammatariorum licentiæ permittuntur, nec vnquam à Comoediarum liberrimis authoribus vsurpantur, nisi fortè cum personæ cuiusdam illiberali seruiunt, mancipij simillimæ. Quanto melius consuluiſſes nomini tuo, si conuicijs, tam fœdisque vocibus vitatis, modeste, ac cum maximo pudore respondiſſes. ne dares ansam liberis hominibus cauillandi, te dum causa laboras (vt miseri quidam solent) ad maledicta confugere. Quid

H h h h



re. Quid enim conuitia iuuant, si obiectis non satisfacias? Quid prodest comminisci præter omnem fidem, nedum veritatem, librum non Alberti Pij doctrina, sed aliorum ingenio, & labore confectum fuisse, si quæ magnis ille argumentis in te colligit, refelli nisi debilissimè non possunt? Quo tamen in loco (vt dicam quod sentio) non equidem miror tibi tam velociter commentanti aliqua non satis fuisse animaduersa. Maius est enim humano captu, vt quisquam velocissimo, nec reperi-  
to cursu delatus, obuia quæque perinde notet, perspiciatq; ac si quis lē-  
to gradu procedat, & regrediatur, eadē sæpe obiens, oculisq; retractās.  
Cū igitur ipse libros tanta celeritate conficias, vt vni dare solidum mē-  
sem longum tibi videatur, tantumq; absit, vt velis eos ante editionem  
amicorū iudicio more veterū perpendi, vt sæpe ne ipse quidem satis re-  
petita lectione recognoscas, nihil mirum est, nec tu debes indignari, a-  
liqua in tuis scriptis doctissimorum virorū lento iudicio examinata re-  
felli, quæ ipse si nondū emissā, interiecto tēpore, velut aliena relegisses,  
aut ab amicis fuisses admonitus, haud dubie mutasses in melius, aut ex-  
punxisses omnino: cum sit illud multo mirabilius, te tāta festinatione,  
tam multa, quæ iure laudentur prodidisse. Nam nec illud patitur natu-  
ra rerum, vt magnæ res, ac per diu duraturæ celeriter adolescant, vt in  
stirpium genere diuturniores, ac firmiores, longissimo tēpore perfici-  
untur. & animalium viuacissima, eademq; perfectissima homo & elephā-  
tus, tardissime omnium ad iustam magnitudinem perueniunt: cætera  
verò, quò festinatio est cuiusque maturitas, hoc celerius abolētur. Cu-  
ius rei non ignari viri prudentissimi, in perficiendis, edendisq; libris  
magistrā naturam adhibere censuerunt, vt quos diu velimus appro-  
batione hominum durare, his tempus addamus, & sæpius recognoscē-  
di diligentiam: dum probe scirent, non quā multos quisque libros fa-  
ciat, ad laudem interesse, sed quā bonos: nō quā cito scribat, sed quā  
docte, & eleganter. Plurima scripsit Marſus poëta, Persius quā paucissi-  
ma, sed notum est carmen doctissimi poëtæ de vtroque. Iam illud quis  
nescit? Luciliū itidem poëtam tanta celeritate versus facere solitum fu-  
isse, vt stans pede in vno (quēadmodū Horatius ait) ducentos dictaret:  
Vergiliū contrā (quē paucissimos versus die cōposuisse scripsit Va-  
rus) tam tarde perficere, vt tanquā vrsa catulos suos lambendo, sic ipse  
sua carmina sæpe retractando formasse memoretur. At hic sua diligen-  
tia principatum inter Latinos poëtas sine controuersia consecutus est,  
ille sua facilitate, quā videlicet cū retractare pigebat, hoc tulit nōmi-  
nīs, vt lutulentus cum fluere, esse diceretur. Sed ne poëtarum solū exē-  
plis agamus, nōne Sallustium, cuius prima laus est in historia Latina,  
veterum monumenta restantur, nihil scripsisse, quod nō diu, ac diligen-  
tissime retractauerit? Platonem quoque illum doctrina, & eloquentia  
diuinum, quē Cicero cum multis facile principem philosophorum  
appel-



appellabat, constat scripta sua tam accurate recognouisse, ut ipsa peccare diceretur. Eadem namq; rescribebat sæpe, addendoq; & subtrahendo mutabat. Itaque post obitum eius, exordium librorum, quos scripsit de rep. repertum esse iterum, atq; ter ab eodem scriptum Laërtius Diogenes est author. Quando igitur periculum est, ne rei bene gerendæ per moram elabatur occasio, festinatio in cunctis actionibus laudatur. cum verò res & postulat, & patitur lenta consilia, & diuturnam considerationem, sine causa properare, quis non videt, neque grauitatis esse, neque prudentiæ? Nec enim si exercitatissimos quosdam oratores, ut ex tempore dicerent causarum necessitas coëgit, protinus id philosophum, aut theologum decere putandum est, ut in librorum confectio- ne, quos ad vitam hominum instituendam, de moribus, ac religione scribunt, quibus summa grauitas, summumque iudicium adhiberi debet, celerrimi stili laudem affectasse videantur. Sed ista præcepta, dicit aliquis, rudibus fortasse, ac tardioribus data sunt, Erasmus homo doctissimus, ac disertissimus, eam facilitatem exercitatione consecutus est, ut multi per summum laborem, quod ipse quasi ludens facit, equare non valeant: fateor quamplurimos longo tempore, magna diligentia, minus efficere posse, quam paucis diebus Erasmus: at si quis neque doctrina, neque ingenio, nec denique exercitatione cedens Erasmo, diligentiam adhibeat, negabimus ne hunc meliora, quam Erasmus præstiturum? Ad summam, si Erasmus ipse imperet ingenio suo, ut accuratius scribat, & scripta sua diligenter recognoscat, nonne ipsemet maiora, doctiora, elegantiora, & quæ minus incurrant doctorum reprehensionem efficiet? Age verò, si ipse, quæ iam in vulgus festinanter edidit, hactenus integra sibi reseruasset, & nunc iterum, ac sæpius relegeret, ac ut diligentiores, lentioresque facere solent, accuratè retractaret, nihilne illū nunc damnaturū putamus, quod initio placuisset? nihil quod tūc eū latuisset, inuenturum? Hæc igitur cum ita sint, miror Erasme, qui sit iste tam impatiens animus tuus, ut cum eius æquitate ferre non possis, multorum eruditissimorum accuratam diligentiam, quibusdam in locis oculatiorem esse, tua vnus in perpendendis, ac recognoscendis, quæ incredibili velocitate scribis negligentia. At erat prudentiæ, modestiæque tuæ, quando longioris examinis, recognitionisq; tædium ferre non potes, saltem aliorum admonitiones patienter ferre: & si quid probi, ac eruditi viri, in tuis libris minus se probare profiterentur, in bonam partem accipere, non odio vertere, aut calumniæ, tum si qua recte in te notata essent (ut aliqua esse necesse est) in his nō pertinaciter repugnare, si qua secus, ea moderate & sine stomacho refellere. Nā hoc in primis Christianum decet, hoc virū graue, hoc philosophum. Nunquam enim philosophia tanto in honore habita fuisset in Græcia, nisi doctissimorum cōtentionib. dissensionibusq; viguisset, ut grauissim⁹ author Cicero testatur. itaq; de philosophia scribēs, tantū (inquit) abest, ut scribi cōtra nos nolim⁹

Tusc. quest.

vi. lib. 2.



ut id etiam maxime optemus. cuius summi viri institutum, si tibi (ut par erat) imitari placuisset, magnis te tuosque concertatores molestijs, & sollicitudinibus liberaasses, dum æquo animo te redargui patereris, & cæteros sine pertinacia, sine iracundia, sine contumelia refelleres. Nunc enim quisquis in te scribit, statim invidus est, indoctus est, nugator est: ac si paulo acrius urgeat, ut Albertus Pius, mendax etiam, & impudens calumniator. Quod si talem videri vis, quicumque damnat quidquam in libris Erasmi, ipse quoque Erasmus in primis invidus erit tui, atque calumniator. Nemo enim plura damnauit in Erasmo, quam Erasmus, qui nullum propemodum scripsit librum, quem non semel emissum, iterum & tertio emendatum ediderit, quosdam etiam sæpius, ut librum adagiorum, & conuersionem noui testamenti, & adnotationes in idem, quas à te iam quarto editas esse, mihi primus Stunica retulit. In quo nuper iacturam non mediocrem fecerunt literæ, virtutesque omnes, mortuus est enim Neapoli, quam urbem ut inuideret, paulo ante profectus erat Roma, dehortantibus amicis, ne alieno, & periculoso tempore cælum mutaret: moriensque nobis, id est amicis, magnum sui desiderium reliquit, homo, ut reliquam eius insignem græce latineque doctrinam taceam, sacrarum, ecclesiasticarumque historiarum, quæ studia potissimum æmulatus fuerat peritissimus, ingenij candidi, & supra quam credi potest, urbane: & quod his multo maius erat, innocentissimæ vitæ, summæ non morum tantum, sed etiam verborum honestatis, veri (si quis unquam) amantiissimus, & perquam egregius pietatis cultor, qui quo animo scripsisset in te, moriens non obscure declarauit: nam cum non pauca collegisset, quæ ne in quarta quidem editione tua noui testamenti probaret, mandauit hæredibus, ne commentarium, quod nondum postrema manu recognouerat, euulgarent, sed ad te mitterent, ut illis suis laboribus admonitus posses, si velles, libros tuos emendare: nihil tale haud dubie mandaturus, si ambitione ductus, non studio veritatis, eam provinciam suscepisset. Cur enim, si sibi conscius erat, parum, aut nihil in chartis illis contineri, præter ambiciofas calumnias, quas tu libenter in te scribentibus obijcere soles, opus nondum editioni maturum dare flammis non potius mandasset? Sed ad rem. Cum ipse scripta tua toties emendando, restiteris aliqua in eis esse, quæ limæ, & censuram patiantur, non debebas tam obstinate negare alijs, quod ipse tibi passim permittis, nec tam pugnaciter semel dicta tueri in aliorum admonitiones, ut te nihil unquam errasse concedas. At erat fortasse non solum theologo, ac omnino Christiano homine dignius, sed etiam ad humanioris ingenij, maiorisque doctrinæ fidem faciendam accommodatius, ut cum à multis multa peccasse arguaris, culpam aliquam agnosceres, ut manifestissima quæque confitendo, cætera de quibus magis ambigitur, te non superba pertinacia, sed recto iudicio tueri, quamplurimis probares.

Sed

Stunica  
mors.



Sed quoniam satis ad calumnias, quas isti sycophantæ in tuam gratiam impudentissime cōmenti sunt, respondimus, & dolos, quibus Alberti dignitati, famæque insidiabantur deteximus, simulque conuicia, quibus eius manes insectaris, temere, ac præter omne meritum iactata esse docuimus: superest, ut obiecta in te ab Alberto Pio cum tuis refutationib. aliqua ex parte conferamus. Nam singula persequi, nimis esset longum, & putidum fortassis, cantilenam (ut ipse ais) toties cantatam recinere, eoque magis quod iam non id agitur, ut quæ tu asseris, falsa esse, vel etiam hæretica conuincantur, sic enim ad obiecta respondes, ut ubique te id sensisse profitearis, quod neque religioni Christianæ sit contrarium, neque sanctorum patrum, aut conciliorum decretis aduersetur. in quo iam illud est, quod Alberto Pio, & cæteris, qui in te scripserunt, gratiam habeant catholici Christiani, quod quanquam te non adegerint, ut te perperam scripsisse confitereris aperte, tamen illud perfecerunt, ut anticipia, suspectaque tuorum librorum loca, & quæ poterant ab hæreticis Lutheranis in suam sententiam, haud sanè improbabili detorqueri, sic interpretationibus temperaueris, ut si quid sit, quod temere, aut minus catholice dictum fuisse videri possit, pœnitentiam præ te feras, & errorem tuum si non aperte, utcumque tamen testificeris. ut ipsa (qualiscunque est) tua confessione, veniam ab æquis, nec nimis feueris iudicib. merearis. Non igitur iam de tua mente differitur, quam te optimam semper habuisse, vel si scripta tua maxime reclamarent, tibi tamen credendum esset, ubique id asseueranti, sed de constantia dictorum tuorum, & acumine, non nihil etiam de prudentia tua disputatur. de quo tamen Albertus Pius, quæ erat grauitate, & sapientia (crede mihi) nunquam fuisset sollicitus, nisi eam tuam culpam putasset (qualiscunque est) posse ad multorum nocumentum redundare, qui dum libros tuos simplici animo legunt, te cui omnia tribuunt, longe aliter multa sentire putant, quàm ipse factus reus (dum pro te dicis) ingeniose interpretaris. quos etiam atque etiam admonendos putauit vir publicæ pietatis studiosissimus, quo cautiore essent, nec libros tuos oscitanter lectitaret. Cæterum quia tu factum institutumque illius longe aliter interpretaris, quasi studiose vexauerit scripta tua, nec habuerit satis magnam causam, ad ea loca, quæ commemorat ex tuis libris, velut lubrica, & suspecta denotandum, res ipsa postulare videtur, ut rationibus vtriusque vestrum collatis, aliquot eorum discutiamus. nec enim erit difficile, ex parua velut indicatura, rem totam citra magnum errorem æstimare.

Conferuntur  
Erasmi respō  
siones ad ob-  
iectiones Al-  
berti Pij.

Primum omnium cum obijcitur tibi Moria, in qua non solum cætera omnia omnium hominum studia, etiam honestissima derides, verum & sacerdotum, monachorumque institutis, viuendi que rationi, ad summam ipsi religioni Christianæ videris illudere, caput tuæ responsionis est, *scriptionem fuisse iocularem, non seriam, seruatumque fuisse personæ Morie, à qua nihil*

Obiectio pri  
ma cum re  
sponsione.



sani postulari debet, nihil non stultum & ineptum expectari. Quod est maxime contra te, affers in tuam excusationem: An potest esse quidquam magis criminofum, quam (vt cætera omittam) rebus iocularibus religionē Christianam, eiusq; ministros, & cum diuis, deiparaq; virgine Christum ipsum admiscere? Nam qui, dum de vanis hominum studijs stultisq; opinionibus agitur, mentionem facit de indulgentijs, anathemate, ceremonijs, de diuorū ac beatæ virginis cultu, de Christi vita, ad summam de omni parte religionis Christianæ, quid hic aliud videri potest, quàm hæc omnia eodem loco habere, quo cætera, quæ sine controuersia sunt vana & deridenda? præsertim post illa verba, *Vsq; adeo Christianorum vita istiusmodi delirationibus vndique scatet, quas ipsi tamen sacrifici non grauatim admittunt & alunt, non ignari quantum hinc lucelli soleat accrescere.* quæ verba cum latissime in Moria pateant, tu tamen in responsione laborans, ad superstiosum cultum diuorum, & magicas preculas, aliaq; id genus nœnias contrahere conaris. An tibi videris obiectis satisfacere, si quæ in vniuersum dicta sunt, ad paucos, paucaq; referri debere, sine vlla ratione contendas? Omnem vndique Christianorum vitam dicis, & vis à Pio paucos religionis causa peregrinantes, & deliras quasdam anus intelligi? Gessisset tibi forsitan morem, nisi illud ex eodem ore prodijisset, *videtur omnis Christiana religio, quandam habere cum stultitia cognationem.* qua voce quid hostilius religioni nostræ ab ipso theomastige Luciano, vel Auerroï, quem ipse merito blasphemum appellas, expectari posset? Ad quod nihil respondes Alberto Pio nec profecto quid respondere valeas intelligo, nisi fortè ad illam inanem & perquam frigidam excusationem confugas, non esse dandum crimini stultitiæ, si stultissimè garruletur, quæ excusatio poterit haud dubiè culpam stultitiæ nonnihil, atque adeo plurimum subleuare: at qui tam effrenatam bestiam talibus verbis subornatam, non contentus profanis omnibus locis, etiam honestissimis, in templa itidem, & sacraria produxerit, vt in sacerdotes, ac monachos, sacrorumque ritum procaciter debacchetur, ac ipsam religionem Christianam sibi cognatam, hoc est stultitia, & erroribus plenam esse iactet, hunc quis valeat vel à crimine vel ab imprudentia saltem vindicare? A cuius rei conscientia, ipse videlicet non abhorrens, inextricabilibusq; difficultatibus implicitus, cogeris homo sapiens, & grauis, deliranti stultitiæ præter omne decorum patrocinari, vt tibi nō liceat constanter in sententia permanere, qui præfatus stultitiam stultissime locutam, rursus eandem quæ omnium stultissimè dixit, ea sapienter dixisse probare niteris, vt fieri posse doceas, quod naturam non pati, veteres crediderunt, vt cum ratione quisquam insaniat. Itaque mirabilem latebram excogitasti, quo confugeres accusatus, *quod Christum dixeris, delectatum fuisse pueris & morionibus.* Nam te de stultis huius mundi locutum esse videri vis, non de stultis apud Deum. Ingeniosam inuētum, sed nihil ad rem.

1. Cor. I.

Nam



Nam quos Paulus stultos huius mundi vocat, nemo vnquam moriones vocauit, imò nulli magis sunt à morionib. diuersi, sunt enim stulti mūdo, quæ diuitias, gloriā, voluptates, ac cætera, quæ mundus admiratur, pro nihilo habentes, virtutem, & religionē colunt, viri scilicet pietate in Deum, magnitudine animi, prudentiaq; præstātes, & quibus certè cū fatuis, quos moriones vocamus, nihil est commune, imò nihil non diuersum. Sed faciamus à viris doctis, & sacrarū literarū peritis, hos quoque posse ratione aliqua nomine morionū intelligi, statimne sine magna culpa dictum putabimus, Christum morionib. fuisse delectatum? in eo præsertim libro, qui non doctis theologis scribebatur, sed imperitæ multitudini, quæ ficus (vt aiunt) ficus, & ligonem ligonē appellare solita, tale verò stultorum discrimen ne suspicata quidem, cum moriones audit, homines intelligit, quos natura fatuos finxit, & à pecude parum rationis vsu discrepantes, quibus lauti leuesq; homines delectantur, risum captantes ex eorum stupore, & miseranda calamitate. Cū hāc igitur leuitatem Christo Deo tribuere Moria videatur, nōne stultissimè facit, & præter omnem reuerentiam, ac pietatem, quæ filio Dei optimo, & maximo, debetur? Sed dices fortasse : *Iam non moriones loquitur Moria, sed pro his piscatores vsurpat.* agnosco clara indicia pœnitentis animi, atq; vtinā sic in cæteris Moria resipiscat, præsens tamen pœnitentia nō tollit, sed augit potius peccati prioris argumentū. quāquam nō est opus iudicijs, cum ipse peccatum agnoscas, vel in eo, quod fueris sacre scripturæ verbis parum reuerenter iocatus, nisi quod factū excusas aliorum exemplo, à multis enim id fieri dicis. quasi verò qui latrocinantur, non possint isto modo, longe plurium exemplo culpā sui sceleris excusare. Multo igitur magis è tua dignitate fuisset in ea respōsione perstare, stultitiam stultissime res sacras, & religionē, atq; Christum attigisse (de reliquis enim nihil laboro) & in eo tuā culpam ingenuè confiteri, quam temere factum, non sine maioris pertinaciæ suspicionem quāpiam, frigidissime, ac debilissime tueri.

Sed iam moriam suo quodā modo, iure insanientem dimittamus, ne si graui, iustaq; Alberti Pij censura taxatam, nec resipiscētē diutius vengeamus, ipsi quoq; operam ludentes stultè facere existimemur, & monachorū causam, qui se ab Erasmo, tum ioco, tum etiā serio passim lædi, summaq; iniuria affici cōqueruntur, parumper differamus, pro quibus cum tibi Pius obtrectat, quod varijs in locis totum ipsorum ordinem, ac instituta damnes, summa tuæ responsionis est, *te non monachos ac contra Eras-  
cusare, sed prauos, ac supersticiosos monachos, non ipsorum instituta damnare, sed vitia muni cum e-*  
quod si vere affirmas, non solum iniuria negotium tibi facessit Pius, iusdem resp.  
verum, est quod omnes monachi tibi gratias etiam atque etiam agant, teq; summa beneuolentia prosequantur. Nulli namq; homines tam se-  
uere vel castigant, vel puniunt malos monachos, quā boni mo-  
nachi:



nachi: nulli sunt acriores omnium vitiorum, ac flagitiorum censores. Cur igitur omnes, propè dixerim, monachi vno nomine oderunt Eras-  
 mum? & quo quisq; sanctior est, ac pietatis amantior, hoc etiam magis  
 ad nomen Erasmi commouetur: ac vicissim nulli ipsorum sunt, qui mi-  
 nus de te male loquantur, quam qui à monachatu defecerunt, aut defe-  
 ctionem (si qua ratione detur) moliuntur. quod contra fieri oportebat,  
 si vitia, prauosque ipsorum mores, non etiam ordinem, ac statum im-  
 probares. *Sed tardi sunt* (inquis,) *aut malitiosi monachi, & qui monachis patrocinantur,*  
*in verbis meis interpretandis.* Quib. verbis? Miror enim quenquā ingeniosū  
 esse in suam contumeliam. *Monachi ais viuunt in otio, & aliena liberalitate saginā-*  
*tur, possidentes quod citra sudorem illis obuenit, nihil interim dicam de vitiosis.* Quid  
 est, quod monachi, ipsorumve patroni in ista oratione non intelligunt,  
 aut malitiosè interpretantur? Nam te de bonis monachis hoc in loco  
 fuisse locutū, ipse (quod negare non potes) cōfiteris. *Non vident* (inquis)  
*aut se videre dissimulant, me non accusare monachos, sed ipsorum probos cum probis ciui-*  
*bus comparare.* imo verò quoniam istud maximè vident, idcirco tibi non  
 iniuria etiam atque etiam irascuntur. *At consero* (inquis) *non æquo, neque di-*  
*co nihil interesse, sed non adeo multum.* Iam hic quoque gratiam debemus Pio,  
 quòd Erasmus adegit, vt monachatum, quem improbare passim puta-  
 tur, vita ciuili potiolem esse confiteretur. Sed an isthæc professio cum  
 verbis modo recitatis conueniat, videamus. *Omisit* (inquis) *malitiose Pius*  
*verba illa coherentia, isti id est ciues, quod sua pepererunt industria, pro suis quisque fa-*  
*cultatibus impertiunt egentibus.* quasi verò hoc, quod studens breuitati Pius  
 tacuit, non in primis augeat monachorum iniuriam. At conferre alte-  
 ros cum alteris, non est iniuriam facere monachatu, & tu nihil aliud,  
 quàm confers. Confers, quis non videt? sed ita confers, vt nihil aliud a-  
 gere videaris, quàm vt in monachos etiam probos, omnium laicorum,  
 ac ciuium inuidiam, & odium quam maxime concites. *Non dixi* (inquis)  
*lasciunt, inguini & veneri indulgēt. sed viuunt in otio, & aliena liberalitate saginātur*  
 O pulchra excusatio, & quæ facile possit optimorum monachorum cō-  
 tumeliosa plagæ mederi, si constet, eos à te non scortatores appellari,  
 sed fieri duntaxat fucis, altilibusque porcis simillimos. Est igitur vero  
 verius, quod ais, te ipsos conferre, non æquare. comparas enim, & mo-  
 nachorum vitam, statui ciuium longo interuallo postponis: postponis  
 dico, imò verò ciues laudas in monachorum inuidiam, velut mutue  
 charitati, & reip. seruientes, & quidquid in eis vitij est, omnino taces:  
 monachos vituperas, quòd otio torpeant, ciuiumque benignitate, si nō  
 & veneri, certe gulæ, atque ventri indulgentes abutantur, de monacho-  
 rum ieiunijs, vigilijs, lucubrationibus, patientia, irrequietis, dum sacra,  
 remque diuinam peragunt, laboribus, ne verbum quidem facis. An  
 quia non arant, vel metunt, otiosi esse, & nihil agere tibi videntur? qui-  
 bus (vt euangelicarum concionum, confessionumque magnos & fru-  
 ctuo-



Et uos labores omittam) mane euigilandum est, intempesta nocte surgendum. Ad summam, qui noctes & dies in faciendis rebus diuinis, canendis hymnis, fundendisque precibus sunt occupati. Aut putas, officia quæ pie religioni, quam quæ reip. ciuilitè impenduntur, minus vel fructus habere, vel dignitatis? Hæc igitur cum taceas, & otium monachis, faginamque obijcias, iubes Pium meridie caligare, ut te non cernat, aut quam maxime suspicetur, odisse monachorum ordinem, ac studio se vitam ipsorum inculcare? Quid, si nesciret, qualia de ipsis scripseris in funere, & quam multa fueris commentus, ut omnibus cum risu persuadeas, monachos auaros, & sordidos esse, procaces, petulantes, & impudentes. Aut ignoraret, te eosdem solitum esse histriones appellare, ad quos pharisæi collati, simplices videantur, atque synceri? Quorum tamē verborum inuidiā sic putas depelli posse, si te non monachos omnes histriones, & fictæ sanctimonie ostentatores vocasse, obiurganti Pio respondeas, sed hypocritas duntaxat. in quo quis est tā hebes, aut tardus, ut tibi repugnet eandē rem varijs nominibus, sed eiusdem intellectus appellanti? Aut quis nescit hypocritam græce, hoc esse, quod histrionē aut simulatorem latine? intelligebat igitur, te hypocritas tantū monachorum histriones, & fictæ sanctitatis simulatores dicere: sed illud non ignorabat, te passim eā opinionem præ te ferre, ut omnes vel perditos, & dissolutos esse, vel certe simulatores, & hypocritas existimare pueris. quod cum aliās, tum eo loco aperte declaras, ubi sic scribis: *Quod vigiliæ, quod ieiunia, quod silentia, quod preculas, quod reliquas id genus obseruationes non prætereunt, nihil moror: in spiritu tamen non credam eos ambulare, nisi videro fructus spiritus.* Quorum verborum inuidia pressus, ad hūc modū respondes Pio: *Quid illis verbis indico? non statim eos ambulare in spiritu, qui ieiunant, aut preculas præscriptas absolunt, si absint fructus spiritus.* Istud te dicere nemo dubitat, sed quorsū tandē? percūctabitur Pius, utrū id agis eo loco, ut nos dialecticā doceas, & quid rē quamq; sequatur, aut secus, ostendas? An quemadmodum omnes, qui ea legunt interpretantur, aperte significas te de monachis tam male lentire, ut etiam optimus ipsorum quisque suspectus tibi sit, ne quam præfert sanctitatem, hypocrisis sit, atque pietas simulata: nec aliter te monachos timere, etiam ad monachatus præscriptum viuentes, quā Laocoon ille Vergilianus Danaos, & donaferentes metuebat, *Aeneid. 2.* nequis. n. dubitare posset, te de optimis loqui, illud addis paulò post: *Non ego nunc loquor de his monachis, quorum mores etiam mundus detestatur, sed de ijs, quos vulgus miratur, non ut homines, sed ut angelos.* Ad hæc ne fortè erraremus, putantes à te homines solum, non instituta etiam taxari, in eorum morem, qui fraudem quampiam, aut occultum facinus detegere volunt, exordiens ais: *Ceterum verū fateri fas est, nonne videmus artificissimū quod quæ monachorum genus, religionis fastigium, aut in ceremonijs, aut in certa lege psalmodum, aut labore corporum ponere? quorum vita laboriosa Iudaicis superstitionibus est ple-*



na nec ab ullis laicorum vitijs immunis, imò in nonnullis magis contaminata. quo in loco, quis non suspicetur, te damnare monachatum? cum etiam in ijs, qui arctissime, hoc est maxime omnium ad normam ipsius viuunt, monachatum nil aliud esse significes, quam vitam laboriosam ( licet parum constanter eadem otiosa dicatur & laboriosa ) plenam Iudaicis superstitionibus, nullius criminis ceterorum hominum expertem, quibusdā etiam peccatis laicos omnes superantem? Qua oratione monachis atrociter laceratis accurris idem oleo frigidissimo, quo linas ipsorum contrita capita. præfatus enim te non de perditis ac dissolutis agere, sed de his, quos vulgus miratur, ut angelos, subiicis, quos ip'os tamen offendi nō oportet hoc sermone, qui vitia notat, non homines. quod perinde est, ac si quis egregio cuipiā, & innocēti viro, sed cuius autoritatē intelligat conatibus suis obistere, periculosū ex industria vulnus infligat, deinde postulet ab eodē, ne se putet offensum; nam eo telo non ipsum, sed alios de quorū crimine constaret, fuisse petitos. Tu tamē calumniatorē vocas Pium, quod plagæ meminerit, & tā salutiferā medicinā fuerit oblitus, & illud nō absimile tacuerit: *Nec clam me est, inter eos esse plurimos, qui literis, ingenio adiuti spiritus mysteria degustarunt.* Quibus verbis ipse putas omnē reliquæ orationis inuidiam declinari, cum ea tamen constet, nihil ad monachatus commendationem pertinere, sed ad ingenij laudem, & fauorem literarum: quibus qui fuerit præditus, etiam in monachatu probari posse significas. ut si qd laudis tulerint huiusmodi monachi, doctrinæ referatur acceptum, non monachatui: quem tu negare soles pietatem esse, sed vitæ genus, pro sui cuique ingenij, corporisq̃ue habitu, vel utile, vel inutile. Cæterum hoc quanquam sit (ut est) contra monachatus dignitatem, tolerabilius tamen fuerit, quā quod eundem appellas *nassā*. velut perinde sit adolescentē ad monachatū allicere, atq; pisces ad *nassā*. si hoc enim est monachatus adolescentibus, quod piscibus, *nassā*, certe *nassā* nemo ignorat decipulam esse piscibus mortiferam & insidias perniciosas. Quorum dictorum non immemori Pio, te monachatū magnopere sublatum velle suspicionem addidit, hoc quod scribis idem in principe Christiano, *Et forsitan expediret reip. monasteriorum esse modū.* Nam quem semel, & repente tolli non posse intelligebas, sensim paulatimq̃ue decrescendo, penitus aboleri posse, forsità illic videbaris sperare. Sed tu dictū exculas Deus immortalis, quā negligenter. nam primum sic ais, *qui dicit fortasse, non assenerat.* quod verum esse facile tibi dedisset Pius, qui vim (puto) talium verborum non ignorabat. Sed quid prodest adverbium fortasse non adhiberi testimonijs, quibus quæ viderint iurati homines testātur, nec cum aliquid asseritur, de quo dubitare nemini liceat, quales sunt articuli fidei, & mathematicorum axiomata, si constet id passim ab eis vsurpari, qui in re controuersa suam proferunt sententiam, & quid maxime probent, enunciant? quod ab Aristotele summo phi-



mo philosopho fuisse inprimis factitatum, cum alij eius cuiusque generis libri testantur, tum ij maxime, quos de moribus scripsit, quorum doctrina non proxime abest, à certitudine mathematica. vbi nulla ab eo frequentius vsurpantur vocabula, quàm fortassis, & videtur. Quæ quoniam non tam cunctationis, quàm modestiæ notæ sunt, idcirco vulgo ab eruditis téperamenta philosophica nuncupantur. Deinde negas te simpliciter dixisse *expedire*: vt sit monasteriorum modus, sed *expedire reip.* Addis quæ te *principi scribere, non episcopo* quasi verò reip. possit quidquam expedire, quod sit contra religionem, eiusque quoquo modo maiestatem, vel authoritatem minuat, aut principis Christiani religionis cura, non debeat esse prima, atque omnium longe maxima. Sed de monasteriorum modo haud equidem credo, Albertum Pium fuisse tecum magnopere depugnaturum. Nemo est enim tam monachorum studiosus, qui velit omnes vel plerumque ciues esse monachos, aut tot esse in vrbe monasteria, vt ciuium domibus numero atque opibus adæquantur. Sed cū à te videret monachos iam histriones, ac hypocritas, iam velut fucos, tum quasi porcos faginae deditos appellari, interdum etiam pediculosos, velut ex probrante ipsis paupertatem à Christo inprimis commendatā: Ad hæc monachatum asfirmari non esse pietatem, sed vitæ genus, & hanc vitam etiam in arctissime viuentibus plenam esse Iudaicis superstitionibus, & nullis non vitijs laicorum implicatam: Item ad monachatum non aliter adulescentes rerum imperitos allici improbissimis hortamentis, quàm pisces ad mortiferam nasam: ad summam, cum animaduerneret te passim in monachos inuehi velut perditos, dissolutos, auaros, & impudentes, aut certe simulatores, & quasi phariseos, vel proxime accedentes ad Iudeorum superstitiones, nihil mirum est, si te cum monasteriorum modum præcipere audiebat, aliquid præterea grauius, & monachatus abolitionem moliri suspicabatur.

Tertia de  
cultu Diuorum.

Sed à monachorum causa ipsa nos res admonere videtur, vt ad questionem de culto diuorum transeamus, Nec enim desunt homines nō inurbani, qui tuis colloquijs perlectis, te cauillentur in eis potissimum Lucianum magistrum, non solum scribendi, sed argumenti etiam genere imitari voluisse. Lucianus enim (quod tu maxime nosti) homo natura festiuissimus, sed philosophis magnopere infensus, & à cultu deorum, quos nullos esse putabat (si quis vnquam) alienus, dialogorum seueritatē quibus ante ipsum res duntaxat ad naturam, aut mores pertinentes tractabantur, ita remisit, vt eos coegerit lusibus, & iocis comoediarum inferuire, & dialogum cum comoedia primus omnium (quod ipse gloriatur) copulauit. Quo genere scribendi in nullos magis per risum, & iocum inuehitur, quàm in Deos & philosophos. Te igitur videri dicunt, certare voluisse cum Luciano, ne ille festiuus græce Deos & philosophos, quàm tu Latine, eodem scribendi genere, diuos & monachos,



res quæ videri possunt non penitus absimiles, exagitare existimetur. à qua suspicione haud longe videlicet abhorrens Pius, non temere rationem à te poscit, cur qui pium te, & maxime Christianum esse profiteris, ea cum aliàs, tum maxime in colloquijs scribas, quæ cultum diuorum beatæque virginis superuacaneum esse significare videantur. Quæ tu primum sic excusas, colloquia, opus esse in hoc comparatum, vt illecebra voluptatis pueri veluti per lulum discant Latine, nimirum vt hac ratione doceas, iniqui esse, & morosi iudicis, exacte in ludo puerili rationem dictorum, ac seuerè postulare. Nemo à te petit Erasme, vt quādo ex fastigio theologiæ, & sacrarum literarū enarratione in istam curam, vt pueros Latine doceas, te demittere non grauaris, ea porrigas legēda pueris, quæ ipsos, vel seueritate orationis, vel materiæ obscuritate à legendo deterreant. Sed illud quis probet, talibus fabulis informes puerorū animos imbuere velle, vt ab ineunte ætate discant religionē si non contēnere, certe minus reuerēter colere, nec diuos venerari, ad quorū imitanda exēpla, cunctis rationib. accēdi, prouocariq; debebāt. Nec enim ignoramus, quid Aristoteles & ceteri philosophi, magniq; viri præcipiant de puerorū educatione, & quanti referat ad virtutes, & pietatē, ac his opposita, quib. rebus homines vel delectari, vel dolere, à teneris assuescant. Ducuntur maxime fabulis, & lufibus pueri, quis ignorat? sed nullus ne iocus, aut statim frigidus erit, in quo monachi, sacerdotes, diui, Christi mater, ipsa deniq; religio Christiana materiæ non bonam partem suppeditauerit? Aut minus habebitur blasphemus, qui res diuinas, & sacras riserit, quam qui iratus maledixerit? in quarum rerum cultu, siue administratione, si quid esse putabas, quod propter simplicium hominum ineptias, & superstitionem, aut fortassis sacerdotum quorundam cupiditatem, merito taxari posset, parcius erat agendum, & serio, nec vspiam minus, quā in iocosis libellis, quos puero dicatos, pueris etiam scribebas, nequid ei simile faceres, quod de Lucilio tradit Horatius,

lib. 1. sat. 4.

*Dummodo risum (inquit)*

*Excutiat sibi, non hic cuiquam parcat amico.*

*Et quacumq; semel chartis illeuerit, omnes*

*Gestiet à furno redeuntē scire lacuq;*

*Et pueros, & anus.*

Sed quanquam cerebroso appelles eos, qui huiusmodi iocorum rationē à te seuerius reposcunt, pergistamen illud tuum admirandū, plerumq; pietatis naufragiū ab omni culpa defendere. Nam pingūtur illic (ais) *varij vulgariū hominum affectus, quorum suos quisque prodere solet in tali discrimine.* Sed priusquam dico de naufragij dialogo, quid sentiam, indicabo tibi Erasme meam negligentiam, profiteor enim me ad id vsq; tempus, quo hanc scribendi curam suscepi, reliquorū scriptorū tuorū perpauca, & carptim, colloquiorū aut ne verbum quidem legisse. eadē nimirū ratio-



ratione, quā de Alberto Pio memoravi, quod theologiā ex sacris & literis, & doctorib. philosophiā ex Aristotele, eloquentiam ex Cicerone, quā ex libris Erasmi, licet sint (vt sunt) eloquentes, & eruditi, vberius mihi contingere posse existimabam. Sed hoc labore suscepto, ne mihi vere obijcere posses, q̄ de Alberto Pio leui sanē ex causa suspicaris, voluisse me de tuis libris antequam legerē, iudiciū facere, & alia vidi, quā opus esse putavi, & aliquot colloquia perlegi, sed illa in primis, in quibus de funere agitur, de naufragio, de peregrinatione religionis causa suscepta. Quā cum legerem, Deus immortalis, quantum ego risi, quā mihi prae te visus est ipse quoque facetiarum pater Lucianus frigere: sed illa iocorum, atque salium iocunditate (quā sepe mentem obcaecat, quo minus videat, si quid mali sub ea latitat) refrigerata, rem paulo seuerius intentiorique animo recolere cepi, vbi cum ea quā de affectibus ab animo pio profectis edisseris, sine risu perpendissem, da veniam Erasme, non potui non magnopere in eam suspicionem venire, in qua erat Albertus Pius, te cum ea scriberes, longe aliam mentem habuisse, quā ipse nunc affirmas dum improperantibus satisfacere laboras. in quo si forte falsus sum opinione mea, difficile est enim Erasmo maximo viro, de animi sui sententia in causa pietatis testificanti non credere: illud certē confirmare possum, te maximam occasionem dedisse, vt quicumque ea tua colloquia legerit, putet, te de monachatu in funere, de cultu diuorum in peregrinatione, de hoc ipso, & vocali confessione, ac de votis nuncupatis, non rectē sensisse in naufragio. Nam (vt redeamus vnde fueramus digressi) quod ipsum excusas, quasi in eo nihil aliud, quā varios vulgariū hominum affectus descripseris, nihil affers, pios enim religionis affectus sic depingis, vt ipsos planē irridere videaris. *At non statim* (inquis) *probo, quidquid ibi gestum est, vt rursus nec improbo si probo omnia, commemoratur illic confessio sacramentalis: si improbo omnia, damnata est inuocatio Dei.* Non erat opus tibi tam pulchro dilemmate, vt nobis fidem faceres, te non omnia improbare, quā gesta narrantur in naufragio, de hoc enim neminem ambegisse puto. Illud tamen nullis vnquam argumentis persuadebis, te non Adolphi personam probare, qui functus periculo totam fabulam enarrat. Hunc enim facis prudentem hominem, & ab omnibus ineptijs, ac superstitione alienum. At hic nec confessus rite est, vt alij, cum esset copia sacerdotum, nec in summo discrimine de voto nuncupando, vt ceteri cogitauit, nec denique diuorum quenquam, quod alios inepte facere putabat, sed solum Deum inuocauit, licet qua ratione inuocandi sint diui, nimirum vt apud Deum pro nobis intercedant, se nouisse apertissime declaret. Erras igitur Erasme, si te nullam putas in eo naufragio iacturam opinionis, quā de tua singulari pietate habebatur fecisse, apud viros graues, & egregiē pios, quorum sententiam semper est secutus Albertus Pius.



*Examinatur  
Erasmii dia-  
log. de pere-  
grinatione.*

Nā quid ego de peregrinationis dialogo dicam? quo si quis (nō prorsus obesus, & tardus) accuratius perlecto, te non putauerit diuorū cultum deridere, velut planē superstitosum, & inanem, nullisq; nisi sacrificis fructuosum, qui per huiusmodi figmenta plebeculæ Christianæ, simplici ruditate ad suum quæstum abutantur, nihil recusato, quo minus ipse per me viceris, & Albertus Pius mendax, & calumniator habeatur. in quo de ceteris diuis nihil est quod conqueramur, cum ipsi beatissimæ virginis Christi matri tuus ille dialogus videatur insultare, conficta Epistola ipsius ad Glaucoplutum, qua facis eandem primum Glaucopluto, ac potius Luthero gratias agentem, quod superuacaneum esse docuerit, diuos innocare, deinde omnia propemodum pia, & impia vota mortalium dampnantē. Quid enim habet vel impietatis vel ineptitudinis, si clamet gruida, da mihi facile partū: nauta, da prosperos cursus: agricola, da tempestiuā pluuiam? Aut quantum abhorrent ista, à quotidiano pane, quem Christo authore, pie petimus à patre cælesti? Cuncta enim hæc ex eorum genere sunt, quæ vt (Augustinus ait) non appetuntur propter se, sed propter salutem corporis, & congruentem habitum personæ hominis, quo habitu non sit inconueniens eis, cum quibus honeste viuendum est. Quam orationem sic concludit Augustinus: *ista ergo cū habentur, vt teneantur: cum non habentur, vt habeantur orandum est.* Iam ea petitione quid potest esse honestius? aut magis pium? si clamet Aulicus, da vere confiteri in mortis articulo? Et Episcopus, serua meam Ecclesiam? At hæc omnia virginem Dei matrem facis velut inepta, & inania fastidientem. Sed tu rursus, vt Epistolam excuses, ad iocorum latebram recurris, velut ioci, & lusus nulla sit reddenda ratio. quod perfugium, quā parum habeat præsidij in sacris diuinisq; rebus, abunde (vt arbitror) dū de Moria stulte dictis ageretur edocuimus. Sed cum tu Moria dicta, quibus piorum aures offenduntur excuses, quod personæ stultitiæ in ea maxime fuerit inseruitum, quo modo vel crimina vel ineptias excusabis eius Epistolæ, quā idē tribuis virginis matri? cuius personæ nihilo secius erat seruiendum. An cum decoro laudabit Christi mater hereticorum impietatem, quæ tollit diuorum cultum? sacris doctoribus (vt docet Pius, neq; enim hic actum agere oportet) reclamantibus? Cum decoro dampnabit mortalium vota, etiam quæ Christus probaret? Cum decoro ambitiosam leuitatem præ se feret, & conqueretur, quod solita gemmis, & auro vestiri, mutatorijs, aureisq; & argenteis donarijs abundare, iam vix tegatur dimidiato pallio, eoq; à muribus corroso? Non probat inquis virgo, quod Lutherus damnavit inuocationem sanctorum, at tu cogis ipsam, vt Epistola sua se probare fateatur. Cui magis quā ipsi de sua sententia credendum est? quæ velut cauens, ne posset ignorari, quo tempore Christianorum vita beneficio Lutheri fuerit ea superstitione liberata, diem adscripsit calend. Augusti, anno filij sui passi 1524. Quo in loco



loco cum talem tuorum dictorum excusationem nemini probari posse  
 perspiceres, eam orationem vsurpasti, qua multi significare solent, quæ  
 aduersarij, vt verissima, & indubitata opposuerint, ea se pro falsis du-  
 cere, vel admodum incertis. Exclamas enim, *ô blasphemiam*, & mox addis,  
*inuocatio sanctorum non est articalus fidei*. At ne peccata quidem confiteri inter ar-  
 ticulos fidei cōmemoratur, si quis tamen peccatorum confessionem ab  
 Ecclesia, sacrisque doctoribus receptam tollere velit, an non is pro-  
 tinus & erit, & habebitur hæreticus? Sed pergis. Quid sequitur?  
*commemoratur intolerabilis superstitio hominum omnia expostulantium à virgine, quasi*  
*possit imperare filio cum patre regnanti, nec illi fas sit, quidquam negare præcipienti, cum*  
*nondum sit emancipatus*. Quisquamne tam tardus est, & à communi sensu  
 hominum alienus, vt hoc animo accedat ad virginem matrem exoran-  
 dam? Aut si cui fortè deliræ anui, quæ prorsus iam desipuerit, tale quid-  
 quam posset accidere, propterea cæterorum preces, quæ piam inter-  
 pretationem habent calumniabimur? quales hæ sunt, quas paulo ante  
 memorauimus, & nautarum acclamationes, quas rides in naufragio,  
*Salue regina, stella maris, regina celi, domina mundi, porta salutis*, quas cum  
 Pius optimam, & commodissimam interpretationem habere doceat,  
 ipse vrget, & periculum esse ais, ne istæ commodæ interpretationes,  
 inducant nobis pro religione superstitionem. Sed tibi Pius vicissim,  
 & verius fortasse dicat, periculum esse, ne istæ iocosa cauillationes,  
 pro risu pariant nobis impietatem, præsertim cum eo licentiæ pro-  
 cesserit iocus, vt ausus sit, virginem Christi matrem Veneri in maris  
 præfectura sufficere. Quâquam ego non video, cur tantopere acclama-  
 tionibus illis nautarum virginem matrem inuocantium Erasmus of-  
 fendatur, cum Chrysostomus vir sanctissimus, & idem doctissimus,  
 multo pluribus, maioribusque titulis crucem prosequatur, cunctis  
 Christianis, etiam eruditissimis, & maximè pijs approbantibus.  
*Crux inquit spes Christianorum, crux dux cæcorum, crux nauigantium gubernatrix,*  
*crux perichlantium portus, crux debellatio diaboli, crux lumen in tenebris sedentium,*  
 & item centies crucem in eadem homilia talibus vocibus appellat.  
 Sed ad Epistolam redeo, qua fit tibi bellum videbatur, hæc quoque in  
 parte Lucianum imitari, qui Saturnum facit simili Epistola sibi Lucia-  
 no pro pauperibus respondere, saltem illius diligentiam, atque curam  
 non neglexisses. Saturnus enim Lucianicus, nec gratias agit Diagoræ,  
 aut Atheo cui piam alteri, quod sui, cæterorumque deorum cultum  
 submouisset, & ea solum vota pauperum reiicit, quæ nemo non  
 videt esse ridenda: quale illud, vt omnes homines pares opibus fierent,  
 & facultatibus: at Erasmica virgo primum gratias agit tollentibus  
 sui, ac cæterorum diuorum cultum: deinde pleraque vota hominum  
 inculat, quæ honestissimè à diuis, tanquam apud Deum intercessoribus  
 petuntur. Postremò suam ambitionem, & auaritiam fassa, haud obscure

doceat



docet diuorum cultum sine vlla alia, quam sacrificiorum quæstus iactura posse ab hominum mentibus aboleri. Quæ cum talia sint, & tam scâdali plena, tu tamen ferre non potes, quòd tibi obijciantur à Pio, & satisfactum putas si dicas: *Sunt hæc ludicra, fateor, sed non minus ludicra sunt, quæ docet Beda.* Ego quid doceat Beda nescio, neq; n. mihi cupienti, dum hæc proderem, contigit ipsius scripta videre: illud scio, ista Epistola vt matri virgini, & cæteris diuis contumeliosa, omnia, non dico egregiè piorum, sed honestissimorum grauiumq; virorum aures animosq; vehementer offendi.

*Quarta de  
nuncupatio  
ne votorum.*

Sed quoniam quibus in colloquijs visus es Alberto Pio de cultu, & inuocatione diuorum non satis religiose sentire, in his de votis, ac votorum nuncupatione, suspectam eidem mentionem non semel facis, haud erit alienum post diuorum cultum, aliquid de votorum nuncupatione dicere, & qualis sit hac in parte illius censura, parumper disputare, qui cum proferat multa loca ex varijs tuis scriptis decerpta, quibus votorum nuncupationem videri potes improbare, respondes primum, *te non improbare vota, sed vota non necessaria, vel inutilia.* Rogatus autem à Pio, quæ sint vota inutilia vel non necessaria, ire inquis *Hierosolymam, nulli necesse est, qui non vouit, cum possit Christi vestigia melius in Euangelicis literis visere, est etiam inutile, si domi relinquit uxorem, & liberos, quibus ipso presente est opus, nec fortassis inutile tantum, verum etiam perniciosum.* Plus respondes interroganti, quàm ipse cupiat à te doceri. Quærit à te quod sit votum non necessarium, & inutile, ipse pro exemplo subijs, quod est non modo inutile, sed etiam perniciosum. talia enim vota nemo non videt stultissime suscipi, si præstari sine magno crimine non possunt. quod his accidit, qui naturæ atque diuinis legibus neglectis, quibus adesse vxori, eandemque & liberos alere nostris laboribus, si non detur aliunde, iubemur, voluntarijs votis in suorum perniciem obligantur. Non igitur quærit Pius, quæ sint etiam damnosa vota, sed quæ solum non necessaria vel inutilia; non quòd nulla putet esse inutilia duntaxat vota, multa enim à theologis gratia exempli memorantur, vt si quis voueret, se panem gladio nunquam diuisurum, aut caput nunquam die veneris loturum, quæ nec opere, nec exemplo pietatis, sint cuiquam profutura. Sed quia tu quoties in hanc mentionem incidisti, sic scribis de votorum nuncupatione, vt omnia vota velut inutilia, & superuacanea, si non etiam stulta & perniciosa, damnare videaris, quod aperte facis in naufragio, & in colloquio peregrinationis. Sed agedum responde mihi pro Pio, si à votis non necessarijs, aut etiam inutilibus abstinendum censes omnibus Christianis, quæ tandem putas esse suscipienda? Aut illud potius responde, à quibus votis vt abstineant admonendos esse censes omnes Christianos, ea vtrum suscipere bonum esse putas, an tæcus? & cerpè negabis. Nam cur si suscipere malum nō sit, ab ipsis iubeas abstinere?

At per



At per te abstinendum est ab omnibus, per te igitur quodcunque votum suscipere malum est. *Non ab omnibus inquis abstinendum dico, sed à non necessarijs, vel inutilibus, & hæc temere suscipi à Christianis affirmo.* Audio, sed quod tandem putas esse votum, quin sit vel inutile, vel certè non necessarium? An potest esse quidquam magis cōtra voti rationē, quā si necessitate aliqua nūcupatio eius extorqueatur, cū votū à theologis definiatur, testificatio quædā promissionis spontaneæ, quæ Deo, & de ijs quæ Dei sunt fieri debet. Nec enim puto eam in te leuitatem cadere posse, vt vota necessaria dicas, quæ de rebus ad æternam salutem necessarijs susciperentur, quæ res præceptis contentæ aut nullo modo votis quasi materiam subministrant, aut certè nimis improprie, & hoc quatenus eadem sunt voluntariæ. Ire Hierosolymam nulli, qui non vouit, necessarium esse dicis, & recte dicis. Nam neque omnino est necessarium, nec ad bene, beateque viuendum: citra hoc enim potest foelicitas cōtingere, sed eadem ratione, nec virginitatem, aut quoquo modo castitatem seruare, alioquin nuptiæ, damnarentur, atque cætera eodem modo. Omnia igitur vota temere suscipiuntur. porrò temerè suscepta idem pro nullis ducenda esse confirmas, ex quo fit, vt nullo voto possit quisquam obligari, quod est dogma Lutheranum, & à pessimis quibusque monachis, & presbyteris maximo plausu receptum. Cur ergo Pium incusas, quod talibus tuis dictis, offendatur? *Sed loquor inquis, de vulgaribus votis.* At multa vulgaria vota sanctè, & pie suscipiuntur, & hoc ipsum in primis, quod pro exemplo posuisti. Si quis incensus desiderio ea loca videndi, & adorandi, vbi Christus natus, educatus, atque mortuus est, vt genus humanum redimeret, voueat ire Hierosolymam, nullo officio, quod præstare cuiquam debeat, tali voto refragante: quod votum tam sanctum esse voluerunt maiores nostri, sanctique patres, vt eius cum paucissimis relaxationem soli Pontifici Maximo, Ecclesiæ decreto detulerint. Si hoc igitur votum, nihil veritus auctoritatem Ecclesiæ, temerè suscipi constituis, propterea quod non sit necessarium, ac proinde habendum esse pro nullo: quid de alijs putandum est, quæ quanquam sint pia, & sancta, minus tamen grauitatis habent? *Sed melius inquis vestigia Christi in literis Euangelicis visuntur,* fateor. Sed cur his piam diligentiam inuideamus, qui lectis & fortasse relectis Euangelijs, loca visere cupiunt, vbi quæ legerint, gesta sunt? *Sed morem gerat inquis animo suo, si cui cordi est Hierosolymam, aut Compostellam visere, votum interponere non est necesse.* Audit verba Pius, sed quorsum spectes, attendit. Nam primum sentire videris opus pietatis melius libere agi, quàm ex voto, reclamantibus theologis. Deinde pergis, & talia vota temerè suscipi dicis, tum addis, *temerè suscepta pro nullis esse habenda,* quod nihil est aliud, quàm omnium talium votorum obligationem tollere. Age verò si à vulgaribus tantum, & non necessarijs votis abstinendum esse, & ea temere suscipi putas: de reliquis, quid

k k k k

tandem



tandem censes? de continentia inquam, religionisque votis, quæ nihilo magis sunt necessaria? hæc enim potissimum à votorum vulgari turba videris eximere. *Plurimum* (inquis) *conduceret ad expediendam causam matrimonij, si statuerit Ecclesia, votum castitatis irritum esse, nisi cum autoritate præsulis suscipiatur, quem oporteret in hac re esse difficillimum: deinde inter simplex votum, & solenne non esset tantum discrimen.* Iam hic quis non videat, tibi non magnoperè placere, ut suscipiatur votum castitatis? nam de religionis seu monachatus voto quid sentires, abundè quæ supra diximus declarant. *Cæterum quid hic* (inquis) *aliud agitur, quam ne coniugati voueant continentiam sine autoritate præsulis, quem in suscipiendis talibus votis nolo esse facilem?* & tamen addo, si statuerit Ecclesia. Agnosco Erasmi responsum, qui ut in multis alijs, sic hoc loco ad partem reuocat accusatus, quod ante dixerat in vniuersum. sine exceptione scripseras votum castitatis, nunc de tali coniugatorum voto, te vis intelligi locutum, propterea quod agitur de matrimonio: diceres aliquid, si vota castitatis ante nuptias suscepta nihil obessent matrimonio: nunc cum simplex libertatem impediatur sollicitandi coniugem sine peccato ad liberorum operam, solenne distrahat etiam secutas nuptias Ecclesiæ decreto, cur te putaret Pius de coniugatorum, non de quorumcunque talibus votis locutum? *Nec tamen* (inquis) *damno decretum Ecclesiæ, sed plurimum dico conducturum, si sic statuerit Ecclesia, hoc enim potest Ecclesia.* Potest, quis ignorat? si satius esse iudicauerit. Potest enim & longe maiora. Nunc cum summa ratione, atque duce Spiritu Sancto, qui legibus Ecclesiæ sapientissimè pro temporibus moderatur, aliter Ecclesiæ visum sit: non potest æquo animo ferre Pius, quod tibi non satisfaciatur, & cupias discrimen tolli, inter simplex & solenne votum: quo sublato, quid ob erit monachis, aut presbyteris, quo minus ducere possint vxores, quod non facile summoveatur? cum matrimonium non dirimatur simplici voto, nec secuto, nec antegresso. Ante te non vides maximam anam præbuisse Luthero, ut cum alia, tum in primis votum continentia damna- ret, & monachos, ac presbyteros ad nuptias inuitaret? qui nec illud proderet dubitasti, eos malo afflari spiritu, qui clam, aut inuitis parentibus sese dedunt in monasterium, unde se extricare non valeant, propter votum videlicet solenne. quo loco recitato, velut cuncta sint cum summa pietate dicta, quæris, quid in his non probet Pius? An impiè dictum putet, eos malo afflari spiritu, qui inscijs, aut inuitis parentibus dedunt sese in monasterium? An ille non putaret opus pietatis, cuius si non semper, certe plerunque Sanctus Spiritus est author, malo spiritui acceptum sine exceptione impiè referri? quam contumeliam constat minime omnium tulisse Christum. *Sed illud* inquis *à me dictum non est.* Quid igitur? verisimilius esse multos malo afflari spiritu. Recita totum locum: *Atqui palam est, quod multos affluit spiritus stultitiæ, temeritatis, phrenseseos, ambitionis, auaritiæ, libidinis, & luxus ceteros, qui clam aut inuitis parentibus, quibus lex diuina iubet obediri, dedunt se in id vi-*  
te genus.



te genus, unde nō queant sese in posterum extricare, verisimilius est, malo afflari spiritu. Hic verbum multos non video additum esse in parte orationis posteriore, sed absolute dictum, certe eos, quod planē significat consuetudine sermonis latini, exceptionem statim in vniuerso factam, in ea parte nullam esse, tu tamen verbum multos quod statim præcesserat, subaudiendum esse contendis. Hoc si cuiquam mediocriter perito sermonis latini persuaseris, falso (vt ipse vis) & calunniosē collegit Pius. Sin aliter, quod certum habeo, ne tergiuersemur Erasme, sed cōfiteamur summo nos iure ab Alberto Pio, quod neque grauitè hæc, neque satis piē locuti fuerimus incusari: præsertim memores quid doceat Christus in Euangelio. *Nam qui amat (inquit) patrem aut matrem plusquam me, nō est me dignus.* *Matth. 10.* quæ verba planē sententiam istam redarguunt, qua factum horum condemnas, ea potissimum ratione, quod patris aut matris voluntatē, pietati in Christum non anteponant. merito igitur increparis, quod ea de votis prodideris, quibus omnia vota videris improbasse. Aut certe (quæ non leuis est culpa) publico de ipsis Ecclesiæ, & Christianorum decretis obmurmurare. quasi plus videat vnus Erasmus in rep. Christiana, quàm tot oculatissimi, grauiissimi, sapientissimiq; viri: quorum lententia, & autoritate, suggerente Spiritu Sancto, hoc statuit Ecclesia, quod Erasmus vellet emendari, non de votis solum, sed etiam de plerisq; rebus alijs: vt in negotio matrimonij, de quo item scribis, tibi videri multo minus perplexum fore, si quæ de cognatione spiritali cōstituta sunt, exhortationis vim habeant, non præcepti.

Nec longè aliter differis de cæremonijs, quarum encomium satis impudenter suo more Pium assumpsisse, non satis ipse modestè cauillaris, quem locum, qui nobis erit vltimus in hac causa, vbi Pius alio tamē ordine vrget, respondes, te de hac re iam sæpe, atq; multis respondisse: quod quid habet argumenti, nisi te sæpe, & multis non satis fecisse? *Non damna* inquis *ceremonias ab Ecclesia constitutas, sed hominum superstitiones tantum, aut homines his fidentes, & in his conquiescentes.* Hoc si verum est, miror tot, tamq; oculatos viros in re non obscura hallucinasse. Recita igitur loca, in quibus cum Pio tam multi cæcutiunt. *In methodo* inquis *scripsi, euolue testamentum omne nouum, nihil vnquam inuenies præceptum, quod ad ceremonias pertineat.* Hic cum te Pius citatis locis apertissime redarguat, recipis te ad notissimum, sed debile in primis perfugium, vt angustè reuoces ad partem, quod latissimè dixeras & in vniuersum. Nam te de cibis duntaxat, & vestibus ac inedia, & talibus locutum esse videri vis, non de alijs, de quibus docet Pius factam esse mentionem in nouo testamento. Ingeniosa nimirum responsio, & quæ ad plurimos nodos explicandos facilè possit accommodari. Si quis igitur Aristoteli omne animal pulmone præditum esse præfatus pilcium & insectorum exemplo redarguatur, quibus negat idem philosophus eam partem à natura datam, strenuè expediet Erasmo.

*Quinta de ceremonijs Ecclesiasticis.*



authore difficultatem, si non de aquaticis, sed de terrestribus duntaxat animalibus, eisq; spirantibus dictum suum intelligi se velle reclamet. Ita cum te urgeat tua definitio, qui ceremoniam esse definis, quid quid externe geritur, ad cultum diuinum, vel religionem pertinens, ut per te sacramenta quoque sint ceremonijs annumeranda, de quibus plurima mentio est in Euangelio. cum igitur te Pius tuis armis ad hunc modum oppugnet, confugis idem ad Aristotelis doctrinam, qui verba interpretari iubet secundum materiam subiectam: quasi huic præcepto sit locus, ubi interuenit definitio. quam idem philosophus nullam esse docet, si vel tantillam exceptionem patiatur. Nā quod ais, *te de sacramentis non ambigere, & ea in multis tuorum operum locis probare*: hoc Pius dicat non erratum tolli, sed indicari potius tuorum dictorum inconstantiam. ut Marcus Tullius de Epicuro tradidit. qui cum summum bonum voluptate metiretur, interdum tamen continentiam, & ceteras virtutes haud quaquam sibi constans laudabat, & sine his negabat foelicitatem posse contingere. Sed demus, Erasmus mente sacramenta, quæ oratione complectitur, exclusisse, & de ceremonijs, quæ ab Apostolis, sanctisque patribus ad nos quasi per manus traditæ peruenierunt, non fieri apertam mentionem in nouo testamento, & verba Methodi quo pertineant videamus. *Non statim inquis damnatur, quod in Euangelio non præscribitur.* Istud (opinor) non ignorabat Pius, sed spectabat, quo caneres nobis istam cantilenam. Nam paulò post scribis, *& nos ad hæc omnia penè surdi plus quàm Iudaicis constitutionibus oneramus Christi sanguine liberos.* qua oratione significas ceremonias inductas esse contra libertatem Euangelicam. quæ cum ducta sint in vniuersum de ceremonijs, rursus dictum contra his ad quorundam peculiarem superstitionem, qui ob escam carniū, aut ieiunium, adigunt fratrem ad capitis periculum, homines periculose superstitiosi, nam de constitutionibus publica cum auctoritate traditis, negas fieri mentionem. Sed rogo te Erasme, si ceremonias dicis, heque inter has, & illas distinguas, cur alterutras alteris minus à te daminari existimemus? præsertim cum alijs in locis, haud dubiè de ceremonijs Ecclesiasticis simillima conscripseris: ut in Epistola ad Episcopum Basiliensem, ubi & alia, quibus delectum ciborum vehementer accusas: & sine delectu, & illud in primis habetur: *Paulatim irrepsit consuetudo, quæ diem veneris pisculentum nobis reddidit: deinde ubi hoc successit, adiunctus est & sabbati dies: nunc & mercurij periclitatur, ob idque genus obseruationum videmus homines affligi, & denique mori, sibi que Christianos videri, cum sint Iudæi.* In ciborum enim delectu, & ieiunijs, nostrum onus durius videtur, quàm illorum, & tamen Iesus dominus dixit, quod intrat in os non coinquinat hominem. Quis enim nō videat, hic te de institutis Ecclesiasticis loqui, ubi nō solū de sabbatho, sed & veneris die, quo Ecclesiæ præcepto ab esu carniū abstinemus, cōquereris? An nos hic quoq; iubebis imperiose, ut de Carthusianorū, aut aliorū peculiaribus

Matth. 15.



liarib. constitutionib<sup>9</sup> hæc dicta esse intelligamus? Quo in loco aperte redarguit obliuionē tuā Pius, qui cū scriberes, paulatim irrepsit consuetudo, quæ diem veneris pisculentum nobis reddidit. & c. non memineris Augustini etiā tempore quarta, & sexta feria ac sabbato ieiunare solitam esse plebem Romanam, vt ipse Augustinus scribit ad Cassulanum. nisi forte ieiunantes carnibus tum vesci solitos (quod temere & sine ratione dixeris) contendas. Vbi cum scribas, onus nostrum, dubitari non potest, quin de Christianis vniuersis, & communibus ecclesiæ decretis verba facias: ac perinde cum ais in eadem epistola: *quod si pietas non periclitatur ex ceremoniis, cur Paulus tanto ardore pugnat aduersus ceremonias Mosaicæ legis?* Quo in loco te Pius apertissime conuincit, male colligere ceremonias in vniuersum à Paulo damnari, propter eā quod Mosaicæ damnet obfistentes euangelicæ liberalitati: tu tamen ridendo te posse putas hanc inuidiam declinare: sic enim cauillaris, *hic docet nos Pius dialecticam, male ex particulari colligi vniuersalem*. & mox addis, *Non dico vir acutissime, quod dānarit ceremonias, sed quod aduersus illas contra Christi gratiam inualescentes pugnarit*. Imò verò dicat Pius, quod Mosaicæ damnauerit Paulus, argumentum ipse facis, ceremonias quascunque obesse pietati, ac proinde has, quibus nunc vtūtur Christiani. Sed quæris quomodo damnet Paulus has nostras ceremonias, quas non nouerat? difficilis quæstio. tu tamen vicissim responde, Quomodo cum nostri temporis simoniam taxamus, hanc dicimus à Petro damnatam? Viderātne Petrus, huius temporis peccata? An quod in genere damnatur, id non magis in præsens, quàm in futurum damnatum oportet intelligi? in eundem sensum dictum est, quod Pius improbat, ex epistola ad Vuolzum: *Si mediocris (ais) religionis pestis latreret in ceremoniis, Paulus non tam acriter in omnib. ius epistolis, in eas destomacharetur*. Quæ verba sic nunc interpretaris, *latet in illis pestis non ex ipsarum natura, sed ex hominum vel superstitione, vel hypocrisi*. Quod si ita est, superstitio, & hypocrisis accusanda erat, nō taxandæ ceremoniæ: sine quibus aut vix, aut nullo modo religio cōsistit. sacrificia enim qualiacunque, atque piæ obseruationes, quæ magna pars est religionis, quid aliud sunt, quàm ceremoniæ. Certe nulla natio paulo modo humanior vnquā fuisse legitur, quæ religionem absque ceremoniis coleret: licet quidam, vt Mahumetæi, paucissimis sint contenti. quo planè intelligitur, ceremonias natura comites esse religionis. *At non offendor (inquis) ceremoniis, sed multitudine ceremoniarum indies gliscentium: nec dico eas abolendas, sed contrahendas*. Acquisissima profecto sentētia, si quid nimium esset in ecclesiasticis ceremoniis, in cunctis enim rebus extrema esse vitiosa, mediocritatem laudari, rata sententia est philosophorū: qui & illud præcipiunt, vt cum vnum extremum nimis inualuerit, declinemus ad alterum, vt hac ratione medio gaudere, eoque contenti esse incipiamus. quod præceptum non solum in ceremoniis, sed in plerisque alijs rebus taxandis Erasmus fuisse



se secutum, cum tibi contra tuos obrectatores adesse nitimur, affirmare solemus. Nihil enim video, quo possit honestius tuum institutum excusari. Sed laboramus, cum nobis occurritur magnis documentis, quibus argueris, in hoc præstando tam valide modum excessisse, ut quantum in te fuerit ipsum velut lignum fregeris, quod Aristotele authore in diuersum flectendo, dirigere cupiebas: quibus documentis plenus est liber Alberti Pij. quod igitur immodicas ceremonias tibi placere negas, non tibi succenset Pius, sed quod immodicas facias, quæ ab ecclesia sunt optima ratione constitutæ, tibi fortiter aduersatur. Sed tu illius epistolæ ad episcopum Basiliensem, qua toties vexare ceremonias incusaris, pharmacum esse putas in illis verbis: *Non probo contumaciam istorum, qui palam & insultantes velut in ludibrium publicæ consuetudinis carnes edunt: sed haec genus damno, ut docendos, admonendos, & si res poscat, etiam increpandos existimem, non ut parricidij reos deferendos apud magistratus.* Nam hæc te scripsisse profiteris in eos, qui tum Basileæ coeperant palam vesci ouis, & carnibus, in Quadragesima. Quam periculosum debet esse malum, cui cogeris mederi, tam ancipiti remedio? Aut enim ego, quid dicas, prorsus non intelligo: aut ista oratio, quam minimum fauet ecclesiasticis ceremonijs. *non (inquis) eorum factum, qui carnibus in Quadragesima.* Isto sermone nihil honestius. Sed quorum tandem id factum te non probare dicis; An omnium, qui carnes edunt in quadragesima? Nihil minus, sed eorum, qui palam id faciunt, & insultantes, velut in ludibrium publicæ consuetudinis. Propter scandalum igitur, & contumaciam, tibi displicere ais istorum consilium, non quia faciant contra ceremonias, & mores ecclesiæ, aut legem potius firmissimam. Nam si præcepta maiorum in singulis prouincijs (ut Hieronymus ad Licinium scribens est author) pro legibus apostolicis habenda sunt, & in omnibus, in quibus nihil certi definit sacra scriptura (ut Augustinus ad Cassulanum scribit) mos populi Dei, atque instituta maiorum pro lege tenenda sunt: quanto firmioris legis vim, consuetudo habere debet, quæ maximo totius orbis Christiani, ecclesiæque in concilio Laodicensi consensu recepta, confirmataque est, & (ut ferè constat Hieronymo & Ignatio, Ioan. Evangelistæ discipulo, authoribus) ab ipsis usque Christi vel apostolorum temporibus repetita, ad nostram usque manauit ætatem? Qui ergo moderate idem, in occultoque, etiam sine necessitate fecerint, horum institutum, quis non putet à te haud admodum improbari? Præsertim cum in eos ipsos, qui palam faciunt, & in ludibrium ceremoniarum, & vetustissimæ consuetudinis ecclesiæ, non aliter animaduertendum esse censeas, quam ut admoneantur, vel cum seuerissime, etiam increpentur, cum tamen constet eos pro hæreticis habendos, qui peruicaciter, & insultantes contemnunt huiusmodi sanctas, & ecclesiasticas consuetudines, & sanctiones. Sed iam finem huic quæstioni faciamus. Nam de festis, de can-

tu, de



tu, de cereis, de ornatu templorū, & alijs id genus ceremonijs, cæterisq;  
 rebus longum esset, & ineptum fortasse, singulatim, quæ tu scripseris, &  
 quid summa in eis ratione reprehendat Pius cōmemorare. cum facilis  
 sit de cæteris omnibus cōiectura ex his ipsis paucis, quæ inuitate mate-  
 ria pluribus verbis, quàm institueram differui, summam tamē. neq;  
 nim mihi propositū fuit (quēadmodū supra dixi) vt sentētias Pij magno  
 ipsius ingenio atq; doctrina accuratissime cōfirmatas, nouis ipse argu-  
 mentis per inanē operā corroborarē, cū nullā sit inter vos de reb<sup>9</sup> ipsis  
 controuersia. Sed vt dilutis calumnijs, & criminationibus, quæ in Pium  
 intendebantur, excusationes, responsionesq; tuas, quibus illius cen-  
 suram velut iniquam excludere conaris, parum esse validas, quam bre-  
 uissime possem edocerem. Summa igitur culpa, quam tibi Pius cū mul-  
 tis assignat, non in eo est, quod quæ recte vereq; sunt à maioribus vel  
 instituta vel tradita, ea te dicant aperte clarisq; vocibus improbare:  
 sed quod de nonnullis ita disserueris periculosis scrupulis ferendis, vt  
 nunquam hæresis Lutherana exoritura fuisse videatur, nisi Erasmi vel  
 ioci, vel morosæ quærimoniæ præcessissent: aut si fuisset exorta, non tā  
 facile præparatis hominum animis excipienda, nec tam late manatura.  
 Sic enim nonnulli aiunt, quod ioco dictum fuerit ab Erasmo, hoc paulo  
 post serio Lutherum asseuerasse: quod ille dubitauerit, hunc sine cūcta-  
 tione asseruisse. Ad summā (inquiūt) quicquid ille innuit, hic strenue, ac  
 diligenter exequitur. Offenditur multitudo monasteriorum Eras-  
 mus, Lutherus omnia monasteria demolitur. Mussat ille, nescio quid,  
 de cultu diuorum, Lutherus cultum diuorum execratur. Alter vult ce-  
 remonijs, cantibus, festis modum imponi, alter summouet hæc omnia.  
 De primatu Petri, & ecclesiæ Romanæ, nescio quid, querit Erasmus, Lu-  
 therus Petrum redigit in ordinē, & omnes apostolos pares facit, eccle-  
 siamq; & episcopum Romanum, nihilo cæteris dignitate præfert. Vi-  
 det aliquid Erasmus, quo decreta quædam ecclesiæ possent in melius  
 emendari, Lutherus ecclesiæ, & conciliorum decretis omnem adimit  
 auctoritatem: & ad hunc modum de plerisque alijs Lutheri dogmatis  
 loquūtur. *Sed cur (inqu s) impia Lutheri malitia fraudi sit Erasmo, qui bonā, & pia-  
 mente de his omnibus differuit?* Hic metuo, ne non desint increduli, iidemq;  
 liberi homines, qui se de tali tua mente nō nihil dubitare dicant, pœ-  
 nitentiæ magis, quàm animi constantiæ tribuentes, quod postea scri-  
 pseris in Lutherum: tamen Albertus Pius nunquam te cum impijs,  
 aut hæreticis consensisse putauit: sed hoc egit toto libro, vt te aliqua  
 nec consulte, nec grauitè scripsisse doceret, quæ Luthero homini  
 turbulento, ac impie factioso occasionem præbuerint, tam magnos tu-  
 multus in Dei ecclesiā concitandi, dū interuires partim ambitioni, quo  
 singulārē quandā doctrinā ostentares: partim studio rerū nouarū, quas  
 non:



non tam longe processuras in ipsarum exordio putasses, sed nimiam, & praposteram multorum, vel superstitionem, vel morum corruptelam in diuersum agendo temperaturas. Quam prouinciam si (vt supra docui) non ambitione suscepit Albertus Pius, vt cum Erasmo contenderet, quem magnum licet, & prastantem virum, tamen ne vincere quidem vir princeps, & singulari doctrina, acerrimoq; ingenio, & maioribus rebus assuetus, ad summam, ab huiusmodi ambitione alienus, putasset ad suam gloriam magnopere pertinere: si non item odio tui, quem amabat potius propter eximiam eruditionem, & eloquentiam: sed vt a te prouocatus, inculcatusque, quod temere de tuis scriptis talem opinionem concepisset, simul suam famam tueretur, simul simplices Christianos, suspectorum in tuis scriptis, lubricorumque locorum admoneret, haud debebas illi tantopere succensere, vt non solum crederes impudentissimæ calumniæ de conductijs, aut precarijs operis: sed etiam virum doctrina, genere rebusque gestis clarissimum, conuicijs, & ipso, & te iudicio cunctorum prudentium indignissimis mortuum etiam lacerares, qui te vel nullo, vel leui admodum maledicto, idque prouocatus laceffuerat. Quanto esset humanius, digniusque homine & christiano, & religioso, vt quando vides, multa loca tuorum scriptorum a plerisque omnibus theologis, non solum a Pio, tum scholis, tum libris improbari, partim vt suspecta, & ancipitia, partim vt quiddam grauius præferentia, pareres amicis, sanctisque monitis Pij, ac omnis contentio nis oblitus cuncta scripta tua, sed tanquam aliena sedato animo, & de veritate solum, publicoque Christianorum doctorum iuxta & indorum commodo sollicitus, accuratissime recognosceres, omnia lubrica, sinuosa, vel quoquo modo impedita loca, quibus aliquos non temere offendi posse existimares, sic in optimum sensum confirmares, explicares, ac expedires, vt nemo posset talium tuorum dictorum sinistra interpretatione, vel labi in minus pias opiniones, vel quæ bona mente scripseris, quasi malitiose tradita criminari. Nam licet *omnia munda* essent, tamen auctore Paulo *malum est homini, qui per offendiculum manducat*. Labet Deus per apostolum, a cibis etiam haud dubie mundis abstinere, si periculum sit, nequis fratrum scandalizetur, nos ab ijs, quæ plerisque videntur immunda, ne complures offendamus, non abstinemus? quâquam enim hoc varijs Apologijs iam bona ex parte præstiteris, quibus obiecta loca ingeniosè interpretando, a te nihil non bona mente scriptum esse profiteris, ac probare contendis, difficile tamen factum est, nimisque longum, tuas Apologias multas, & dispersas perlegere. & alioquin ab homine Christiano, cui publica sincera pietatis ratio, longe antiquior esse debet, quàm omnis mūdāna gloria, simplicius quiddam desideratur, & illi simile, quod Augustinus pia simplicitate præstitit in suo libro retractationum. qui maluit cum aliquo suæ laudis dispendio,

veritati

ad Rom. 14.



Veritati non satis prius animaduersa, & Christianæ pietati inferuire,  
 quam publicam religionis causam, ne quam humanæ gloriolæ iacturâ  
 faceret, deferere. cuius sanctissimi, eiusdemque sapientissimi viri exem-  
 plum, ut imiteris, illud te etiam atque etiam adhortari debet, quod iam  
 tibi per seueram, grauissimamque Parisiensis academix censuram, fa-  
 miliare præsidium ablatum est, quo in singulos tuos obtrectato-  
 res, cum applausu nonnullorum utebaris, dum eos vel ambitione du-  
 ctos, qui cum Erasmo contendere ad suam laudem pertinere putarent,  
 vel ira, & odio censuræ tuæ concitados, in te scribere asseuerares. Quis  
 enim credat, si tibi forte hoc veniat in mentem affirmare, tot, tantosque  
 viros, tam doctos, tam pietatis publicæ studiosos, non tumultuario cō-  
 sensu, sed longo tempore, & diligenti consideratione adhibita, dicatis  
 in hoc opus diebus, in Erasmus vel odio, vel ambitione conspirasse, ut  
 temere tam multa loca improbarent in tuis scriptis, aut sine summa  
 ratione, libro paulo post Alberti operis editionem publicato damna-  
 rent? Quorum cum multa sint eadem, & quæ Pius annotauit, cæteraque  
 simillima: tuæ prudentiæ, æquitatisque fuerit, ut illorum, sic & huius ad-  
 monitiones in bonam partem accipere, & à bono, pioque animo, non ab  
 ambitione, aut maleuolentia profectas fuisse putare. quod si feceris, mul-  
 to profecto commodius, tutiusque (nisi me sententia fallit) tuo nomi-  
 ni apud omnes bonos, & pios atque conscientiæ animæque tuæ prospicies.  
 Præsertim cum iam ea ætate sis, ad quam cum peruenimus, nihil magis  
 vel decet, vel expedit, quam spretis rumoribus popularibus, qui ambi-  
 tiosis contentionibus interdum colliguntur, ea cunctis viribus, atque opi-  
 bus curare, quibus paulò post nostram causam summo iudici probemur,  
 cui nihil magis inuisum est peruiacaci, aut sui amante: nihil gratius mo-  
 desto animo, & errata sua, utcumque fuerit admonitus, agnoscente. Nec  
 illam curam negligere debet vir prudens, & posteritati seruiens, qui-  
 que minime velles, tuarum vigiliarum lectionem cuiquam interdici:  
 ne si hac ratione, quæ vel sola in id, vel potissima tibi patere videtur,  
 tuorum obtrectatorum conatibus, dum licet, non occurreris, quod illi  
 te viuente, qui tuos libros gratia, & authoritate tueris, assequi nequi-  
 uerint, id mortuo perficiant: scis enim quos crabrones, & quam inter-  
 dum propositi sui tenaces irritaueris. Quod vero ad me attinet, qui cau-  
 sam honestissimam summi viri, & de me optimè meriti patroni, aduer-  
 sus iniustas tuas criminationes, & querimonias, quam sine magno meo  
 crimine negligere mihi non licebat, egi quàm potui modestissimè, in-  
 iuste profecto ages, si meum officium, aut pietatem potius in demortui  
 memoriæ, ambitionem quampiam, tuius maleuolentiam interpretabe-  
 ris. Nam si quid esset in me vel ingenij, vel eruditionis, quod scribendo  
 vellem ostentare, non deerant vberiora, & minus inuidiosa argumēta.  
 hic enim quid habet gloriæ aliena inuenta confirmare? Odij porrò aut



maleuolentiæ nulla nobis intercessit causa: amoris, & beneuolentiæ duplex, & magna. Primum quoniam tu quoties de me in tuis scriptis mentionem facis, hoc, quod ego neque posulo, neque agnosco, mihi laudis impartiris: quæ quo maior est tenuitate ingenij mei, hoc pl<sup>o</sup> me debere intelligo singulari tuæ in me liberalitati. Deinde quoniam cū studiiorum communio, non parum aut soleat, aut debeat ingenuos animos conciliare, nos eadem via ingressi simus literarum, nisi quod tu superato monte iam tenes cacumen, ego adhuc in radicibus hæreo. Neq; enim si assentior Alberto Pio, quædam in tuis libris improbanti, protinus te non summum esse virum existimo. Nam sis licet quamlibet magnus, homo tamen es, vt neque te quisquam mirari debeat alicubi fuisse lapsum, nec ipse magnopere molestè ferre, si tot à te, tamq; varijs libris editis, aliqua tuæ incuriæ aliorū accurata diligentia redarguatur.

F I N I S.

INDEX

R E R V M M A X I M E  
MEMORABILIVM, QVAE IN HIS  
IOAN. GENESII SEPVLEDAE  
OPERIBVS CON-  
TINENTVR.

A.

*Aegidius Albornotius**Actio*

**B**ona vel mala nisi voluntaria sit non est laudanda vel vituperanda 404. actiones hominum voluntariæ sunt 474. agere liberè non est idè quod libenter agere 560.

*Admonitio*

Qua barbari sunt instruendi inutilis est 434.

*Adulterium*

Est causa repudij 492. 504. adulteram vxorè maritus quibusdam ex causis retinere tenetur 505. adulteriū spiritale 506. adulterium quid 499.

*Aduocati.*

Aduocatorū & procuratorū fraudes. 87.

Bononiæ collegium Hispaniense cōdidit. i. eius gen<sup>o</sup> & natales. 4. in Tholosanū gymnasium mittitur. 4. Alphonso Castellano Regi fuit à secretis 5. donatur archiepiscopatu Toletano 5. Auenionē ad Clemēt. VI. P. M. proficiscitur 5. Card. creatur 6. pōtificij exercitus dūx eligitur 6. Mediolani Archiepiscopi Ioannis Matth. F. opem implorat 7. quinis denis castris Florētiā peruchit 9. Senā cōtēdit cuius primores tumultuabant 9. Meuaniam & Montem Faliscorū praesidijs munivit 9. Germanos, qui Mōtē Regalē & Comitē Ladinū duces sequebātur, conatur à Ioanne



# INDEX

à Ioanne Vico ad exercitū Ecclesia-  
sticū auertere 10. Perusiæ tumultū  
sedat 10. legatos mittit ad Ioannē  
vicum 9. in mōtem Faliscorū hyc-  
mandi caussa contendit 11. Episco-  
pum Pacensem ad Pontif. ablegat  
vt pecuniā suppeditet 12. templum  
S. Laurētij prope vrbe veterem ex-  
pugnat 13. Corfidium vi capit 14.  
Toscanellam capit 14. Cornetum  
oppugnat 16. per legatos Almeria-  
nos ad se adduxit 18. legatos mittit  
ad grassantes Germanos 18. Sutriū  
cum arce recipit 23. Interamnā  
recipit 23. Veientanā vrbe oblidet  
& expugnat 23. apud Pōtif. falso in-  
simulatur, quod cū Malatestis foe-  
dus percussisset 25. Carolo Cæsari  
obuiā profectus, ducentos equites  
auxiliares obtinuit 30. Romā voca-  
tur vt imponat coronā Carolo IV.  
Imperatori 29. eius oratio ad mili-  
tes in agro Ariminēsi 31. Galeotū à  
militib. suis emit 34. mittit literas  
ad Barnabouē ne auxilia ferat Or-  
delaphio 42. Auenionē cōtēdit ad  
Pōtificē 44. in Hispaniā cogitat, vt  
cognatos dissidētes cōponat 46. e-  
ius laudes 46. denuo belli curā su-  
scipit 46. Neapolim proficiscitur  
vt fraticellos cōprimat 48. Ioannā  
Reginā cū principib. conciliat 48.  
à Bononiensib. lēre excipitur 51. Bo-  
noniensib. mittit subsidiū 53. febrī  
laborat 55. Bononiēse legationem  
deferit 58. leges statuit, quę cōstitu-  
tiones Aegidianæ appellātur 59. si-  
bi mortuo, monumētū cōdit Assi-  
si 61. ipsi iusta persoluūtur in singu-  
los annos Assisi & Bononiæ 61. in-  
uisit corp⁹ S. Frāciscei 61. collegiū Bo-  
noniēse testamēto condi iubet 62.  
Viterbij testamentum cōdit 62. 63.  
moritur 62. eius ossa ex Assisio To-  
letum deportantur 62.

## Aegyptij

Rationē tēporū repetebant ab anno,  
quo venerunt in ditionē pop. Rō.

anno principatus Augusti. 14. 307.

## Aequitas.

Est summo iuri anteponenda. 88.

## Aera.

Numerum non significat cōtra Her-  
molaum Barbarum 306. eius initium  
304. apud Hispanos origo 307. no-  
men vnde ductum. 308.

## Affinitas.

Definitur 502. eius genera quæ olim  
matrimonium infirmabant 502. quę  
iā impediūt 503. in affinitate Pōti-  
fex dispēfare pōtest 530. in affinita-  
te facilior dispēratio quam consan-  
guinitate. 531.

## Albertus Pius Princeps Carpensis

Propter quas causas scripserit in E-  
rasmū 601. eius præceptores & stu-  
diorū socij 602. legat⁹ ad tres pōtifi-  
ces 603. eius studiū 603. ei⁹ obiectio-  
nes cōferuntur ad responsiones E-  
rasmi 613. & seq.

## Albornotius Richasulo.

Cum præsidio in vrbe veteri relin-  
quitur. 19.

## Aldus Manutius

Præceptor Alberti Pij in humaniori-  
bus. 602.

## Alexander Magnus.

Illius studium gloriæ 330.

## Alexander VI

Fernādū & Isabellā Hisp. reges anno.  
14 93. hortatus est, vt barbaros suo  
imperio subijcerent 432. eius decre-  
tum super expeditione in barbaros  
noui orbis 442.

## Alphonsus

Rex Castellanorum moritur. 5.

## Alphonsus Toletanus, Pacensis Episcopus.

Aegidij belli socius 7. maiori exercit⁹  
Pōtificij parti præfectus, Ariminēse  
agrū populatur 31. fines Cæsentiū  
vastat 37. recipit Sanctum Angelū  
& Sauignanū 38. pugnat prope Fa-  
uentiam cū Ioanne Manfredō. 40.  
Fauentiā oppugnat & occupat 41.

## Ambitio.

LIII 2

Varia



# INDEX

Varia Reipub. genera excogitavit 92.  
quid 326.

*Ambrosius Vicecomes.*

Dux latronum exercitus 593.

*Amor.*

Gloriæ, maximum incitamentum ad  
res præclare gerendas 318.

*Anchinus Bongarbus.*

Exercitus Barnabouis dux tria oppi-  
da agri Piceni occupat 53. oppidis re-  
lictis fugit 53. pacem impetrat 60.

*Andreas Salamoncellus.*

Cum Ioanne Vico congregatur 14.

Arcē Abbatis obsidet & capit 15.

*Androinus Abbas Cluniacensis.*

Custos Cæsenæ relinquitur 43. in Ac-  
gidij Albornotij locū ab ipso suffi-  
citur, 44. Cardin. factus, mittitur à  
Pontifice ad Barnabouem, vt cedat  
iure Bononiæ 58.

*Animal.*

Quomodo vtatur libero arbitrio 560.

*Animus.*

Eius facultas duplex 84. vis animi ma-  
ior in paruis corporibus. 107.

*Annus.*

Eius initium 156. & seq. dupliciter vi-  
tutus 297. quomodo corrigi possit  
300. deprauati incōmoda 290. emē-  
dādi duplex ratio 291. apud præseos  
varijs spacijs claudabatur 292. Ro-  
manus 365. diebus cōstituitur 293.  
deprauationis causæ 294. ex anni  
correctione secuturæ utilitates 300.

*Antonius Philaretus.*

Urbium occupat 6.

*Antonius Nebrissenfis.*

Grammaticus 66.

*Antonius de Burgis.*

I. C. professor Bononiæ 66.

*Antonius Augustinus.*

Approbat libellum Genesij Sepuluc-  
dæ de iustis belli causis 225.

*Appetitus.*

Gloriæ, ingenuos animos in omni  
virtutum studio exercet 320.

*Aqua*

Aquarum commoditas salubris 115.

*Arbitrium*

Eius libertas 387. arbitrio hominum  
ex æquo & bono multa dijudican-  
da 86. arbitrium liberum consistit  
in assensione rationabili 561. arbi-  
trij libertas per peccatum primo-  
rum parētum læsa est & imminu-  
ta, non sublata 579. arbitrium li-  
berum nō solum potest conari bo-  
num sed etiam efficere 583. arbitrij  
liberi efficacissima probatio 586.  
arbitrij liberi causa naturalis 593.

*Arbor.*

Arbores quæ glandem ferunt non o-  
mnes gallam proferunt, contra Pli-  
nium. 180.

*Aristides*

Eius animi magnitudo. 394.

*Aristoteles*

Eius laus 71. 261. etica politicis præfe-  
renda 132. princeps philosophorū  
368. à Pythagorica *παλιγγενεσία* ab-  
horruit 234. quod saluatus sit pro-  
batur 260. multos inuidos habuit  
261. eius patria 273.

*Arx.*

Arces præsidij muniendæ 112.

*Asiani.*

Ingenio excellent 114. eorum in bel-  
lo ignauia 454.

*Assisium*

Se tradit Aegidio Albornotio 23. ibi  
est corpus S. Francisci 61. quid ipsi  
legatum ab Aegidio 63.

*Astrologi.*

Non semper de futuris vere iudicare  
possunt 564.

*Athenienses*

Eorum Imperatores 94. primi statu-  
as publicè erexerunt 336. 379. an-  
num incipiebāt post solstitium æ-  
stiuum 160.

*Augustus Caesar.*

Quo anno orbem descripsit 304. Au-  
gustus



# INDEX.

gustas tabulas confici iussit de situ orbis 305.

*Aula.*

Aulicorum incommoda 204.

*B.*

*Batis fluuius*

Duobus ostijs emittitur in Oceanum Atlanticum 189.

*Barbari*

Armis cogendi 73. definiuntur 426. antequam bellum ipsis inferatur, necessario nō sunt per legatos admonendi vt resipiscant 433.

*Barnabos*

Ioannis Archiepiscopi Mediolanensis successor 38. Ordclaphio auxilia mittit 42. Ioannis Archiepiscopi Mediolanensis ex fratre nepos 42. literas mittit ad Aegidiū pro Ordclaphio 43. queritur apud Aegidium de Bononia occupata 50. bellū mouet contra Aegidium 53. cum exercitu Bononiensem agrum infestat 53. bellum instaurat 56.

*Bellum*

Bella ciuilia Romæ 96. belli finis pax 108. eius iustæ causæ 108. 112. 268. 329. 349. 353. 425. 447. contra Barbaros 109. an à Rege an à Ducibus gerendum 110. extra fines melius ab alijs geritur 111. bellum gerere non est contra instituta Christiana, nequius diuinum 345. 353. 354. 450. bella iniusta quæ 357. 447. bello legitime suscepto nihil interest aperte pugnetur, an ex insidijs 358. contra Indos iuste suscipitur 240. argumenta eorum, qui negant contra Indos bellum iuste suscipi 425. eorum qui probant esse iustū 426.

*Bernardinus Poletanus*

Rauennæ tyrannus 38.

*Blasius Fernandus*

Aegydiij belli socius 7. præficitur posteriori exercitus parti 28. Phalatonē oppidum expugnat 29. Aesim vr-

bem expugnat 34. cum vna parte exercitus contra Gentilem mittitur 37. Firmum capit 37. cum exercitu in Aprucium properat 38. occiditur & Bononiæ sepelitur 55.

*Bona*

Ab Hispanis in Indiam allata 73. 437. bonum publicum priuato anteponendum 522. summum bonum in quo consistit 365.

*Bonifacius Vrbeuetanus*

Tertiæ parti exercitus Ecclesiastici præficitur 37.

*Bononia*

Aegidij opem implorat 48. qua ratione ad Mediolanenses deuenit 49. de recipienda deliberatio 49. 12. Cal. Iulias Bononiæ equorum pernecitate certatur, in memoriam partæ victoriæ 55. collegium Bononiæ testamento condi iubet Aegidius 62. Bononiæ præses habet vtrumq; iustitiæ gladium 465.

*Britannæ*

Et Pānones in agrum Camerinatē debacchantur 59. eorum perfidum consilium 60.

*C.*

*Cesena*

Expugnatur 43.

*Calor*

Nimius corpora debilitat 115.

*Carolus*

Aduadula, præfectus præsidij montis Faliscorum 13. IV. regis Vngariæ filius, à Pontif. Imperator creatur 30. V. Tunetum expugnauit 111. eius decimatio 103.

*Cerimonie*

Ecclesiasticæ probantur contra Erasmus 627.

*Certamen*

Singulare apud antiquos infame 413. apud varias gentes nunc est in vsu 414. quando Christiano militi permittitur 415.

LIII. 3

*Christo.*



# INDEX.

*Christophorus Colon*  
Primus nouas insulas inuenit 442.

*Christus & Christiani.*  
Christianis bello nō est interdictum  
112. à ludæis differunt in celebra-  
do paschate 298. Christus natus est  
initio anni Augusti XLII, 307.  
Christiani hominis perfectio 393.  
Christiani principis summa im-  
portunitas mitissimo Turcarū do-  
minatui præferenda 447. Chri-  
sti aduentus cur fuerit necessari-  
us. 580.

*Ciuis.*  
Ciuum diuisio 74. ciuis, quæ propriè  
74. bonus, virtute præditus 75. ci-  
uis iudici, si ab ipso interrogetur  
de crimine manifesto, indicare  
debet quid sciat 464. 482. ciuilibus  
facultas quantum differt à iudicia-  
ria 510.

*Ciuitas*  
Ciuitates plerq; quæ tyrānis serui-  
bant, per legatos se tradunt Ponti-  
ficis potestati 15. ciuitatibus impe-  
rium est necessarium 74. earum o-  
rigo 74. finis 74. definitio 75. ciui-  
tatis felicitas versatur in optimis  
legibus 82. ciuitas necessitate natu-  
ræ consistit 516.

*Clementia*  
Clementiæ principum exempla 24.

*Cælibatus*  
Confertur cum matrimonio 198.

*Cognatio*  
Spiritalis impedit matrimoniū 504.  
triplex est 504.

*Collegium*  
Bononiense testamento cōdi iubet Ae-  
gidius 62. heres ex asse Aegidij 64.  
describitur 64. quo tempore con-  
ditum 66. eius priuilegium 69. cō-  
stitutiones 69. Societas Iesu Cordu-  
bæ ædificauit Ioannes Corduba  
Decanus 272.

*Columba*

Columbas educare licet, quæ sese ipse  
pascunt agrestibus seminibus 237.

*Comes Landinus*  
Italiam infestat. 9.

*Cometa*  
Romæ visi 147. cometa quid sit 148.

*Complutum*  
Complutensæ academici iudicium de  
Sepuluedæ Democrate secundo  
423. non condemnauit Democra-  
tem secundum 424.

*Concilium generale*  
Optima ratio hæreticos conuincen-  
di 162.

*Consanguinitas*  
Definitur 500. quibus consanguinita-  
tis gradib. connubia prohibentur  
500. 501. quare matrimonia inter  
cōsanguineos olim permessa, post  
sunt prohibita 501. cum consangui-  
nitate pontifex dispensare potest  
529.

*Consiliarij*  
Sunt regi adhibendi 104.

*Constantinus*  
Lege prohibuit idololatriam sub pœ-  
na capitis 430.

*Consultatio*  
In quibus reb. versatur 571. si fati ne-  
cessitas admittatur, est superflua &  
inutilis 570.

*Consuetudo*  
Habitum ingenerat 85.

*Conuiuium*  
Quale esse debeat 208.

*Corban Marci 7.*  
Quid significet 131.

*Corduba*  
Cordubæ situs & soli bonitas 116.  
Cordubensium ingenia 117. Cordu-  
bæ conditor 243. Cordubensium  
res bello præclare gestæ 284.

*Cornetum*  
Ab Aegidio oppugnatur 16.

*Corfidium*  
Vī capitur ab Aegidio Albornotio  
14. *Crimen*



# INDEX.

## Crimen

*Occultum* proximi celare tenetur lege diuina & naturali 462. celare licet, non autem inficiari 466 licet indicare in alterius periculo 462. non est credendum nisi certis indicijs comprobetur 463. celandi & vicissim indicandi ratio 481. quæ crimina matrimonium impediunt 499.

## Crudelitas

Regi fugienda 103.

## D.

## Defendere

Defendens turpem causam, si in pugna occidatur, peccat in Spiritum S. 420. in tali pugna mortuus non sepelitur in loco sacro 420.

## Deus

Maiorem habet curam regum & principum quam priuatorum 509. homines humano more alloquitur 588. vtitur regibus tanquam instrumentis ad gubernandos homines 589. Dei futurorum præcognitio nullam inducit in rebus necessitatem 590.

## Dij

Deorum apud Ethnicos præcognitio qualis 563. dij ignorabant futura 564. eorum responsa qualia 564.

## Dispensatio

Definitur 507. 523. eius necessitas 508. 518. dispensandi facultas quare penes illos tantum, quorum est summa reip. administratio 509. dispensatio duplex 519. vtrum cadat in præcepta decalogi 519. & seqq. decreta Sanctorum patrum contra dispensationem quomodo interpretanda 525. dispensatio quæ precibus aut precio impetratur irrita est 526. dispensandi præcipuæ causæ 530.

## Dives & Diuitia

Diuites cur plures vitiosi quam pauperes 397. Diuitiæ per se non sunt malæ 397. nimia non sunt expendæ 400. non sunt abiiciendæ 402 diuitiarum non est culpa sed morum quod male expendantur 402.

## Dominus

Quis sit 72.

## E.

## Ecclesiastici

Quomodo census suos debeant expendere 402.

## Educatio

Liberorum qualis 107.

## Egestas

Excludit otium & animi tranquillitatem 401.

## Electio

Regi, quare iuri hæreditario sit posthabenda 99. an actio præstet in virtute 404.

## Epigramma

In obitum Stunicae 140.

## Episcopus

Episcopi sunt administratores Põtificis 92. eorum officium 356.

## Epistola

Põtificis ad Aegidium de ineunda pace cum Malatestis 36. earum varia genera 120.

## Erasmus Roterodamus

Reprehenditur in Ciceroniano suo 137. eius obiectiones in Albertum Pium 599 in Italia non fuit tantæ authoritatis quam in Germania 599. eius in scribendis libris velocitas 610. non vult ab alijs iudicium ferri de suis scriptis 611. eius moria reprehenditur 613. cõferrur Luciano 619. eius dialogus de peregrinatione examinatur 622.

## Error

In bonis matrimonij impedit matrimonium 496 cum errore in bonis matrimonio



# INDEX.

matrimonij pontifex dispensare  
non potest 528.

*Eugubium*

Se se dedit Aegidio 19.

*Exercitus*

Pontificius famē laborat 11. in tres par-  
tes diuiditur 37. *iustus*, quis apud  
Romanos 457.

*F.*

*Fatum.*

Quid 549. de fati necessitate argu-  
menta Stoicorum 558. & seqq. ex  
fati necessitate quæ sequantur in-  
commoda 570 & seqq.

*Februarius*

A Februo dictus 293.

*Felicitas*

Quam Peripatetici statuunt, quantum  
differat à doctrina Christianorum  
365.

*Ferdinandus Toletus*

Garfiæ Toleti filius 343.

*Fernandus Pincianus*

Corrigit Pomponium Melam 177.  
Plinium castigauit 179. in Plinij ob-  
seruationibus reprehenditur 183.

*Fides*

A rege data seruanda 104. data hosti-  
bus, seruanda 358. quæ necessaria  
ad salutem 259. ad fidem nemo co-  
gi debet 430. 435.

*Firmum*

Capitur à Blasco 57.

*Fœnerari*

Quando permissum 519.

*Fortis & Fortitudo*

Fortitudo Christiana quæ 367. quæ  
militi necessaria est, qualis 371. &  
magnanimitas, non sunt contrarię  
Christianę philosophiæ 371 fortes  
viri qui censendi 373. fortitudo vir-  
tus, quid 375. fortitudini vitia con-  
traria 376. eius species commenti-  
tia, quinque modis accidit 376. for-  
tes honestatis causa, pericula su-  
beunt 377. forti viro mors potius

expetenda quam turpiter faciendū  
417. fortis viri officium 421. vitia  
fortitudini contraria 376.

*Fortunius Garfias.*

I. C. professor Bononiæ 66. eius laus  
282.

*Forum Linij*

Se dedit Aegidio 43.

*S. Franciscus*

Eius corpus Assisij 61.

*Franciscus Ordellaphius.*

Faurentiæ tyrannus 38. agros popula-  
tur 39. à Quilianensibus irruptio-  
ne facta fugatur 39. pugna victus  
42. Foroliui expulsum, Mediolanū  
ad Barnabouem confugit 43.

*Franciscus Estensis.*

Dux exercitus Barnabouis 55. viuus  
capitur. 55.

*Fraticelli.*

Fraticellorum hæresis in Italia 47. pu-  
blice punitur 48.

*Furtum.*

Non est, si quis in extrema inopia a-  
lienam rem auferat ad sustentatio-  
nem 477.

*G.*

*Galeotus Malatesta.*

Orationem habet ad milites in agro  
Ariminensi 32. in prælio capitur  
34. Ariminensibus in subsidiū mit-  
titur 31. ab Aegidio veniam & pacē  
petit 35.

*Garfias Albornotius.*

Aegidij belli socius 7. Aegidij ex fra-  
tre nepos, interficitur. 57.

*Gaspar Contarenus.*

Eius iudiciū de libello Sepulcedæ  
de correctione anni. 156.

*Genizari.*

Qui sunt apud Turcas 449.

*Gennadius.*

Laudatur quod gentes bello redege-  
rit in Christianorum ditionem vt  
facilius inducerentur ad fidem 431.

*Gentes.*

Perle.



# INDEX.

Per legem naturę saluari possunt 347  
multifariam fidem impediunt  
431.

*Gentilis Molianus*

Omnia sua reddit pontifici & cū Aegidio paciscitur 26. eius ad tyrannos defectio 30. Blascum, Firmum admittit 28. ipsi finibus Ecclesiasticis interdicitur 37. Picenum agrū infestat 41. moritur 41.

*Germani*

Germanorum societas in Italia prædatur 18. vastant agrum Picenum 38. cum Aegidio fœdus percutiunt 40. eorum laus ingerendis bellis 456.

*Gloria*

Definitur 76. 407. glorię studiosi optima regna & respublicas considerunt 317. gloriā non esse appetendam probatur 324. gloriosum esse & gloriā appetere, quid differunt 328. glorię appetendę definitio 330. religioni Christianę non est contraria 332. quę sit fugienda 333. 408. gloria est præmium virtutis 336. gloria mundana 406. inanis triplex 406. gloria est appetenda 408. gloriā cum ratione petere, est virtutem colere. 409. argumenta de contemnenda gloriā refutantur 325.

*Gometius Albornothus Carillus,*

*Conchenfis.*

Ecclesię thesaurarius 3. ad Bononienses habet orationem 54. vulneratus Petrum Farnesium substituit 55. ipsi discedenti donum à Bononiensibus offertur 58. eius ad Britannos legatio 59. Anichinum & Ambrosium tyrannos bello persequitur 60. fugat & vincit Britannos 61. Romam mittitur ad Urbanum ut antiquam sedem repetat 62.

*Græci*

Græcarum literarum defensio cōtra

zoilos 211.

*Guarëlinus*

Latro famosissimus 41.

*Gubernare*

Gubernandi forma optima 75.

*H.*

*Habitus*

Quomodo sint in nostra potestate 567.

*Hæres & Hæreditas*

Hæreditarium ius regni melius ac tutius 99. hæreditarij reges tyranni non sunt, licet ad tyrannidem proclives 78.

*Hæretici*

Hæretici etiam occultissimi, sunt excommunicati 210.

*Hebræi*

Annum incipiebant post æquinodium vernum 160.

*Henricus VIII.*

Rex Anglię, dispensante Pōtifice duxit vxorem fratris Catharinę, Fernandi & Isabellę Hisp. regum filiam 533. propter quas causas iusta fuerit ista dispensatio 534.

*Hidalgi.*

Apud Hispanos unde orti 169.

*Hispani & Hispania.*

Hispanorum reges occisi 100. hispania quare Italia salubrior 115. hispani ab anno 1372. annum à Christi natali computarunt, non ab Augusti imperio 303. hispanorum præclare in bello gesta 314. 456. hispani quę bona in Indiam adferant 73. 437. in Hispania prætores sine prouocatione 106. in Hispania pueri à regibus hæredes relictii 98.

*Hispellum.*

Aegidio se dedit 23.

*Historia.*

Historiæ scribendę difficultas 254. historias olim procures scripsere 170.

*Homo.*

Mmmmm

Homi-



# INDEX.

Hominū tria genera 72. hominis Chri-  
stiani pfectio 353. homo quo hono-  
rator hoc sit dītor 401. hominis  
duæ propriæ actiones 403. de ho-  
micidio licet iudici inquirere, &  
testes examinare 464. pernicio-  
sissim⁹ animalīū est homo si iusti-  
tia vacet 538. hominis status deteri-  
or quā brutorū, si omnia necessita-  
te fati fiāt, 559. 569. quid sit esse ho-  
minem rationis participē 560. ho-  
minē tollit qui liberū arbitriū tol-  
lit 561. homo principiū est & caus-  
sa suarū actionū 561. homo cæteris  
animantib. natura præstātor 568.

## Honor.

Est virtutis præmium 1.

## Humilitas.

Quæ 390. pars magnanimitatis 391.  
395. non est referenda ad tēperan-  
tiam 392.

## I.

### Iacobus Pontinus de Leon.

Rector collegij Hispanorum Bononi-  
ensis 3.

### Iacobus Stunica.

Eius mors 139. 612. eius laudes 612.

### Ianuarius.

A Iano nominatus 292.

### Idololatria.

Idololatriam grauissimē punit Deus  
426 satis iusta causa est ad bellū i-  
dololatriæ inferendum 427.

### Imperium & Imperator.

Imperandi duo genera 72. imperiū  
ciuile 72. herile 72. imperatores A-  
theniensīū 94. imperator Turcarū  
in omni hæreditate tanquā vnus  
ex filiis succedit 448.

### India & Indi.

India iure debellatur 73. indorū bar-  
baries 73. indi quæ bona ab Hispa-  
nis acceperint 437.

### Indulgentia.

Indulgentiæ datæ ijs qui lecticā Aegi-  
dij portabant 62. indulgentia im-

probos inuitat ad peccatum 268.

### Ineptitudo.

Ad copulā coniugalē irritū facit ma-  
trimonium 497. duplex est, natu-  
ralis & accidentaria 497.

### Ingenium.

Ingenij liberi officium 2. 3.

### Iniuria.

Iniurias vlcisci nō obstat Christiano-  
rum institutis 267. cōdonare bono  
militi & simul Christiano licet  
410. iniuriæ legib. vindicadæ 420.  
iniuriam propulsare licet 421. iniu-  
riam à socio cū nō repellit qui po-  
test, tā est in vitio quā qui facit 482.

### Innocentius VI.

Pontifex, succedit clemēti VI. 6. eius  
ad Aegidium epistola de pace cū  
Malatestis ineunda 36. moritur 56.

### Interamna.

Sē dedit Aegidio 23.

### Ioannes Alerianus.

Ameriæ tyrannus 17.

### Ioannes Cancutius.

Præfectus Eugubij 19.

### Ioannes Manfredus.

Foroliuij & Cesenæ tyrannus 38. Fa-  
uentia cum familia eiectus, pacem  
ab Aegidio impetrat 41.

### Ioannes Genesius Sepulveda.

Alumnus collegij Saguntini 68. com-  
pluti operā dedit philosophiæ sub  
Xantho 69. Caroli V. historicus 71.  
134. 161. 193. Romæ pontificis, & in  
Hispania regis aulicus 71. natus Se-  
pulvedæ 115. quare suas epistolas e-  
diderit 120. 121. familiaris fuit do-  
mui Mendoziorum 121. mittit E-  
rasmo antapologiam pro Alberto  
Pio 123. hortatur Erasmus vt scri-  
pta sua purget 124. promittit com-  
mentarios in eticā Aristotelis 132.  
alumnus collegij Bononiensis 134.  
meteorologica à se conuersa Ca-  
rolo V. dicauit 138. non vt obtre-  
ctator scripsit antapologiam in E-  
rasmum.



# INDEX.

Erasmum 146. mittit Parisios commentaria Aphrodisei in Aristotelis metaphysicam à se conuersa 150. qua ratione ductus scripserit libellum de correctione anni 190. Democratem secundum defendit 219. epitaphium sibi statuit 248. sibi sepulturam designat 248. eius laudes 275. viuendi ratio 276. iudicium de Sleidani commentarijs rerum Germanicarum 280. eius Marianum describitur 244. quare defendat Albertum Pium contra Erasmum 596.

*Ioannes Luppus de Mitina.*

Collegium statuit in suburbano Saguntiae 68.

*Ioannes Matth. F.*

Archiepiscopus Mediolanensis, Pontifici opem suam addicit 8. Aegidio auxilia mittit 14.

*Ioannes Montedoca.*

Philosophiae professor Patauij 66. & Pisis 602.

*Ioannes Olegius.*

Bononiae praefectus 48. Bononiā tradit Aegidio 50.

*Ioannes Vicus.*

Viterbium occupat 6. Ioannis Vici exercitus in praelio inferior 14. eius insidiae ad montem Faliscum non cesserunt optato 16. Aegidij conatus prope Viterbium reprimit 17. vnam ex filiabus suis Anibaldo Montis regalis fratri cum dote spondit 18. legatos mittit ad Aegidium de se dedendo 20. Ioanni Vico cum tota familia Viterbio 12. annis interdicitur 22. Corneti vicarius creatur 24. Vrbeuetanos expugnat 12. eius equites 500. ad Aegidium deficiunt 13. cum parte exercitus Aquampendentem proficiscitur 14. in itinere multis suis amissis fugatur 14. 15.

*Irre.*

Noctu Romae apparuit 147. quod nocte fieri possit, contra Plinium probatur 148.

*Italia.*

Italiae pars, quae Ecclesiasticae ditionis erat, opprimitur à Tyrannis 6. Italia pacata 62. Italoium laus in bel-  
lis gerendis 456.

*Iudex.*

Iudicare qui dicuntur 74. iudex occultorum criminum solus Deus 463. iudici licet occultum crimen inquirere, si crimen sit manifestum, aut aliqua indicia praecesserint 465. 486. iudici responderi debet isto sensu quo iudex accipit, non quo interrogatus intelligit 467. iudex si testes interrogat absque exceptione, animus suus explicare debet 470.

*Iudicium.*

Iudicia doctorum virorum de libello Sepuluedae de iustis belli causis 439. iudicium rectae rationis, si inter duas leges contentio sit, litem dirimet 479. quod sit 479.

*Iulius Caesar.*

Calendas Ianuarij reiecit in diem octauum post Brumam 295.

*Ius.*

Gentium vel naturae quid 82. 349. 354. 511. naturae, duplex 511. ius ciuile quid 511. diuinum 511. pontificium 511.

*Ius Iurandum.*

Accipiendum eo animo, quo proponit ille cui iuratur 472. iuramenti in visitatione clericorum formula 466. datum de permissis tantum & iustis reb. leges interpretantur 483. si turpe quid iureiurando pollicetur fueris, praestare non teneris 483.

*Iustitia.*

Iustum & iniustum natura quid 348. 514. iustitia duplex 380.

*Mamm.* 2

*Latro*



# INDEX.

*E.*

*Latro.*

Latrones Flaminia depopulantur 59.

*Ledesma.*

Romanis Bletisa fuit 281.

*Leges.*

Legū utilitas 82. 87. leges duplices 82.  
legū lator quæ consideranda 82. le-  
ges quando ferenda 85. de reb. sin-  
gulis statui nō possunt 86. 508. 517.  
litiū eaussa non submouenda 87. le-  
gū verbis non semper inharendū  
86. 88. leges pro ratione temporū  
moderari possunt 114. 507. legū fi-  
nis 205. legib. sancitū est, vt quædā  
causse testib. non suppetentib. sin-  
gulari certamine dijudicetur 414.  
lex vetus Iudæorū abolita est 346.  
lex naturæ quæ 452. 511. 548. duplex  
511. legū omniū interpret, est recta  
ratio & moderatio 477. legū sum-  
ma est, vt semper fiat quod iustū &  
equū est 478. si inter duas leges vna  
sit transgredienda, prætermittenda  
est illa, quæ minus habet mali 479.  
lex dicitur à ligādo 510. eius varia  
genera 510. leges sunt malorū vin-  
dices 516. leges diuinæ quæ 516. lex  
æterna quid 518. leges semper & in  
omnib. causis seruire non possunt  
521. leges diuinæ, quæ non itē sunt  
naturales, mutari & moderari pos-  
sūt 534. leges omnes si admittatur  
fati necessitas sunt inutiles 572. le-  
gis cognitio absq. operibus nulli-  
us est emolumenti 579.

*Leuca.*

Cōstat quatuor millib. passuum 169.

*Liberalitas.*

Est fructus diuitiarum 401.

*Ligerius Androinus.*

Viterbij prætor loco Ioannis Vici 20.

Viterbiensib. conuocatis ipsos ad  
pacem hortatur 20.

*Lites.*

Litiū prorogatio ex culpa legislato-  
ris 88.

*Ludoicus Anila Stunica.*

Commentarios scripsit rerū à Caro-  
lo V. in Africa gestarū 144. scripsit  
commentarios de reb. Caroli Cæ-  
sar in Germania gestis contra fi-  
dei desertores 171.

*Ludoicus Bauarus.*

Imperator, hostis Ecclesiæ 6. in Italiā  
irruit 29. Antipapā creat Romæ 31.

*Lupus de Luna.*

Archiepiscopus Cæsaraugustus Aegi-  
dio belli socius 7. auunculus Aegi-  
dij 56. præficitur exercitui contra  
Barnabouem 57.

*Lusitani.*

An rectè Aethiopes in seruitutem re-  
digant 109.

*Lutherani.*

Lutheranorum superbia 369.

*Lycurgus.*

Lycurgi error in scribendis legibus  
85.

*M.*

*Magistratus.*

De legibus & rebus singulis decerne-  
re potest 86. gestæ Reip. rationem  
reddere debet 106. sortiri magistra-  
tum reip. popularis est 105.

*Magnanimus & Magnanimitas.*

Magnanimus quis 379. 380. 394. 421.  
magnanimitati cōtraria vitia 379.  
magnanimitas reddit cæteras vir-  
tutes augustiores 381. magnanimi-  
tatis exēpla 393. magnanimus po-  
test esse aliquis & simul humilis  
395. magnanimitas aliquando to-  
lerantia appellatur 451.

*Malatesta de Malatestis.*

Fanum occupat 6. eius legati occur-  
runt Aegidio Albornotio ad Fur-  
num nouum 9. pacem cupit cum  
Aegidio 26. conatur Molianum  
ab Aegidio abducere 27.

*Manlius Torquatus.*

A torque ablato ita appellat⁹ est 414.

*Marapetinus.*

*Nummus.*



# INDEX

nummus Castellæ 63.

*Martinus Garfias.*

Barcinonensis episcopus 66.

*Martinus Lutherus.*

Scripsit librum de seruo arbitrio contra Erasmi Roterodami 537. monachus religionē abiecit 539. Germanorū animos alienos reddit. Pōtifice 540. Germanos ad libertatē suscitāt 544. quomodo progressus in noua religione inducēda 537 & seqq. monialē ex monasterio sibi copulauit 545. qua ratione ducti fati necessitatē asseruit 546. eius genitura 565. quales habuerit cōmilitones 574. quomodo explicet locos S. S. de libertate arbitrij 575. & seq. arrogans eius iudiciū de Hieronymo & Origine 583. nihil excogitauit quod a veterib. non fuerit damnatū 585. argumenta eius contra liberū arbitrium 586 & seq. cal. Aug. 1524. abrogauit cultum diuorum 622.

*Matrimonium.*

Definitur 493. eius dignitas antiquitas & finis 493. & seq. est sacramentum 493. 495. matrimonij impedimenta 495. & seq. eius forma est liber consensus 496. eius bonū triplex 496. matrimonij quod propter vim initur, ratū fit, si postea liber assensus cōsequatur 496. 497.

*Mediolanum.*

Mediolanensis principatus, nullo iure successionis datur Luchino à Benedicto XII. 42.

*Mentiri & mendacium.*

Non licet vel pro vita hominis 466. 473. 486. est contra mentē ire 471. mendaciū est, falsa significatio cū intentione fallendi 471. officiosū addito iuramento fit perniciosū 491.

*Mercator.*

Mercatores magistratū ne gerāt 105.

*Miles.*

Qualis esse oporteat 362. militis boni virtutes 363. miles fortis in certami-

ne propter gloriam suscepto, antequā se dedat mortem eliget 416.

*Mille passus.*

Millia passuum Romani per colūnas distinxerunt 168. columnæ in miliarari positæ inscriptio 170.

*Moderatio.*

Est adhibenda post victoriam 113.

*Modus.*

Habendus in omnibus rebus 400.

*Monachi.*

Monachorū vita omnibus vitæ generib. præstat 399. monachi ex suo viuūt non alieno 399. defenduntur cōtra Erasmi 615. eorū labores 616.

*Monarchia.*

Monarchiā Romani retinuerunt 97.

*Mors.*

Quando pro alijs subeunda 270. honesta 375. viro forti potius expetenda quā turpiter faciendū 417. in certamine, quādo vitari potest, non est expetenda 419. mors gloriose appetenda 319. duplex est, naturalis & spiritalis 506.

*Morus.*

Oppidum eiecto præsidio se dedit Blasco 29.

*Muse.*

Solitudinem amant. 135.

*N.*

*Narnienses.*

Et Spoletani se dedunt 23.

*Natura.*

Paruo contenta 199. natura humana similis agro 385. natura contingēs, non est materia laudis 568.

*Necessarium.*

Esse aliquid, quinque modis dicitur 436. necessariæ quomodo sint causæ coelestes 558.

*Nicolaus Acciaolus.*

Conatur inter Aegidium & Malatestas bellum dirimere 31. legatus Cesaris contendit apud Aegidiū Albornotium vt cum Malatestis foedus cū conditione feriat 35.

*Mmmm. 3.*

*Nobilitas.*



# INDEX.

*Nobilitas*  
Nobilitatis quatuor genera 74. nobi-  
les sæpe à maiorum virtutibus de-  
generant 339.

*Nucerini*  
Se dedunt 23.

*Numerus*  
Impar, Romanis faustus 293.

*Numantia*  
Eius situs 195. O.

*Officium*  
Officia omnia extremū finē spectare  
debent 365. officiū quo ad salutis vi-  
am barbari ducuntur, duplex 429.  
435. officium perfectū quod 405.

*Optimates*  
Optimatum status quid 75. 80. quare  
melior videatur alijs reip. formis  
89. optimatū status & paucorū po-  
tentia in quo differunt 80.

*Ordo sacramentum*  
Impedit matrimonium 498. in ordi-  
nis sacramento dispensari potest  
quātum ad matrimonium, si sublit  
gravis causa 528.

*Orosius*  
D. Augustini auditor 195.

*Orospea*  
Orospea montis situs 188.  
P.

*Parcere*  
Parcendo male fit bonis iniuria 103.

*Patriarchia Aquilegensis*  
Rauennam & Cerasiam recipit 38.

*Paucorum potentia*  
Et status optimatum conferuntur 80.  
paucorū potētia quid 81. ei respub-  
lica popularis contraria 81.

*Pax*  
Pacis fœdera ab Aegidio inita cū Ma-  
latestis 36.

*Pax Augusta*  
Bætica colonia Romanorū 169. iam  
Badaioz appellatur 169.

*Peccare*  
Peccandi nulla vnquā est necessitas  
477. peccatū est legis trāsgressio 578.

*Pelagius*

Primus Hisp. rex deuictis Gothis 99.  
*Peregrinari*

Peregrinantium incommoda 198.

*Peripatetici*  
Peripateticorum de summo bono scē-  
tentia 350.

*Perse*  
Quatuor viros eligebant qui regis hæ-  
redem instituerent 108.

*Perusini*  
Aegidio Albornotio ducentos equi-  
tes mittunt 11.

*Petrus Arueus*  
Qui & magister Epillæ, theologus 67.  
Martyr ibid.

*Petrus Corbariensis*  
Franciscanus, antipapa contra Ioan-  
nem XXII. 30. moritur 30. 47.

*Petrus Crudelis*  
Moritur 79. 100.

*Petrus Farnesius*  
Vulneratur 55.

*Petrus Frius*  
In collegiū Bononiense beneficus 68.

*Petrus Pomponatius*  
Præceptor Sepulvedæ 602. Bononiæ  
philosophiam docuit 602.

*Petrus Solus*  
Dominicanus, Caroli V. cōfessari⁹ 440.

*Petrus Vicus*  
Veientanā urbem vendidit Lucæ Sa-  
bellio 23 Viterbij præfectus 13.

*Philippus 11.*  
Quadragesim⁹ quartus rex Hispaniæ  
post Gothos 99. nuptias parat cū Ma-  
ria filia Ioānis Portugalliæ regis 168.

*Philosophia & philosophi*  
Philosophia docet timere mortē 77  
quid sit 213. philosophis solitudo  
cōmodissima 202. philosophi qua-  
les reijciend⁹ 367. & seq. philosopho-  
rū libris vsū antiqui Ecclesiæ patres  
369. philosophi diuitijs non egent  
401. philosophi qui fati necessitatē  
asseruerunt 547. philosophi Ethni-  
ci salutem consecuti sunt 257

*Pisaurus*  
Occupat Ariminum.



# INDEX

## Plebs

Plebis diuifio 74. cū trecentis equitib.

Aegidio pecuniam sub mittit. 14.

## Pontifex

Aegidium Abornotium literis con-  
solatur ob mortem Garfæ nepotis  
57. Romam redijt 62. habet potesta-  
tem cogendi gentes ad feruandā  
legem naturæ 428. pontificem, in  
ijs quæ non sunt apertè contra De-  
um, tanquā ipsum Christū audire  
debemus 433. pōtifex dispēfare po-  
test cum omnib. personis in matri-  
monio, exceptis, patre & matre 503.  
eius potestas 510. 512. dignitas 518.  
523. & seq. pontifex facultatē habet  
oēs leges moderandi 512 quomodo  
moderari possit leges naturæ 513.  
quomodo dispensare possit in legi-  
bus diuinis 516. quod pontifex de-  
cernit, Deus decernit 517. 518.

## Præcepta

Ad actionē pertinent non cognitio-  
nē 580. præceptum est oratio qua  
quid sit agendū aut secus præcipi-  
tur 580. secundū Lutherū præcepta,  
non sunt præcepta 580.

## Primogenitura

Primogenituræ ius Bononiæ & in Hi-  
spania 90.

## Princeps

Principis boni officium 356. principi  
necessariæ virtutes 101.

## Prudentia

Imperatoris virtus 75. definitur 385.  
574. à scientia quomodo differat  
574. cōcessa fatali necessitate, perit.  
574.

## Pugna

Committitur inter Ecclesiasticū exer-  
citū & Ioannē Vicū 14. cum latroni-  
bus temeraria 39. pugna commissā cū  
Ioanne Manfredo prope Fauentiā  
40. prope Bononiā 55. ad Salatolū 57.

## Q.

## Quintilianus orator

De Quintiliani patria cōtrouersia 272.

## R.

## Ratio

Duplex 85. omnium legum inter-  
pres est 477. rationis rectæ iudiciū  
quod sit 479. ratio recta quid 479.

## Rauenna

Per vim se dedit Aegidio Albornotio  
38.

## Regnum

Quid 75. regnōrū duo genera præci-  
pua 76. regnū probatur esse cæteris  
reip. formis præstantius 89 90. cū a-  
lijs rebusp. cōparatur 92. regni felici-  
tas 101. regnū duplex. spiritale & ci-  
uile 451. obiectiones propositæ cōtra  
regnum diluuntur 92.

## Religio & religiosi

Religiosorū vitæ gen<sup>9</sup> 401. religio di-  
spar impedit matrimoniū 498. reli-  
gioni se deuouere licet trib. modis  
506.

## Reipublica

Reipublicæ formæ duæ 74. reip. rectæ  
tria genera 75. resp. vel Timocratia  
quid 75. reip. deprauatæ genera ibid.  
popularis quæ 81. vnus an pluriū ar-  
bitrio melius regatur 89. cōtinetur  
præmio & poena 101. reip. bene ge-  
rendæ modus 205.

## Rex

Propriè dictus 76. regis & Tyranni di-  
scrimē 76. reges hæreditarij tyrāni  
nō sūt, licet ad tyrānidē proclues-  
78. reges cōstituēdi varia ratio 90.  
91. regis definitio 91. reges duplici-  
tèr creatur 97. rex natus an electus  
præstet 98. regi qui finis propositus  
101. regis exēplū tota resp. imitatur  
101. rex nō debet esse nimis libera-  
lis 101. regi superbia fugienda 102.  
rex si persistet in sententia probabi-  
li & cōfessor contrariā probet, an  
rectè ab eo possit absolui 438. regi-  
ducenda procera vxor 107.

## Robur arbor

Roboris natura 180.

## Rodulphus Camerinas

Obuiā procedēs Blasco ipsi se dedit 28.

## Romani



# INDEX.

- Romani*  
Quare Romanis nomē regis inuisum 78. Romanorū reges occisi 99. ro-  
mani an orbē iure subegerint 109.  
apud Romanos quod fuerit anni  
initiū 295. Romani victis gentib. ar-  
gentū in tributis imperabāt, nō au-  
rū aut aliud metallū 306. Romani  
excldebāt ab hāreditate qui nat⁹  
25 annos vxorem nō duxisset. 495.
- S.*  
*Sacerdos*  
Sacerdotes prius vitā suā emendēt  
antequā alios reprehendant 154. sa-  
cerdoti interrogato licet negare  
quæ in cōfessione audiuit 467.
- Salmantica*  
Salmāticēsis academia nō cōdēnauit  
Genesij Democratē secundū 424.
- Sancti*  
Sanctorum cultus defenditur contra  
Erasmum 619.
- Scientia*  
Ciuilis, præst reliquis omnibus di-  
sciplinis 509.
- Seditio*  
In castris Aegidij Albornotij 16. inte-  
ritum adfert reipubl. 94. seditiones  
in regno facilius extinguuntur 95.
- Segobriga*  
Olim, iam Sepulueda dicitur 169.
- Septentrio*  
Septentrionis incolæ ceteris nationi-  
bus animo præstant 114.
- Sepulueda*  
Oppidum, olim Segobriga dictū 115.  
169. eius descriptio 116.
- Seruus*  
Quis sit 72.
- Sibutus*  
Rex Hispaniæ Iudæos ad Christianā  
dem coegit 430.
- Sol*  
Istitium brumale quando incidat  
159. sol vmbras parallelas iacit 238.  
solis motu ignorato quæ sequan-  
t incommoda 291.
- Solertia*  
Quid 385.
- Solimannus*  
In bello Panonico fugit adueniente  
Caroli V. exercitu 342.
- Stoici*  
Argumēta stoicorū de fati necessitate  
558. & seqq. stoici factis proprijs re-  
darguunt fati necessitatem 573.
- Stulti*  
Hui⁹ mūdi qui apud Paulū 1. Cor. 1. 615.
- Superbia*  
Regi fugienda 102.
- Supplicare*  
Supplicandum non est nisi pro bonis  
103.
- Sylla*  
Syllæ crudelitas omnium aliorū cru-  
delitate maior 97.
- T.*  
*Tarquinius*  
Romæ tyrannus 94.
- Tatiani*  
Tatianorum hāresis 494.
- Tempus.*  
Est motus solis 292.
- Testis*  
Si testis à iudice interrogetur de cri-  
mine prorsus occulto, non tenetur  
respondere etsi iuratus, inficiari ta-  
men non licet 483. 489.
- Timocratia*  
Quæ 81. triplex 81.
- Theodorus Gaza*  
Libellum edidit de mensibus Græco-  
rū 301. errauit in cōuertendis latine  
græcorum mensibus 302.
- Theologia*  
Omnium scientiarū nobilissima 352.
- Toletum*  
Puteis caret 16. regia sedes Hispaniæ  
116.
- Tribunus plebis*  
Tribuni plebis quare creati 95. ali-  
quot propter seditionē Romę cæsi  
sunt 95.
- Tribunum*



# INDEX.

## Tributum.

Imperatum non est, cum orbis ab Augusto describeretur 305. tributa principibus cur pendantur 37.

## Tudertini.

Se dedunt Aegidio Albornotio, ipsique ducentos milites subsidio mittunt 28.

## Turca.

Turcarum miserissimus status 448. Turcarum imperator in omni hereditate tanquam virus ex filiis succedit 448.

## Tusculani.

Se dedunt Aegidio Albornotio 17.

## Tyrannis.

Regno contraria 76. eius cum rege collatio 76. tyrannus quare ciues extenuet 77. tyrannicida apud Gracos laudati 78. tyrannus quousque tolerandus 78. eorum infelix exitus 79. tyranni quidam facti humaniores 79. tyrannus in regem quomodo transeat. 80.

## V.

## Veientana vrbs.

Venditur Sabellio 23.

## Venetie.

Venetorum cum respublica non legibus, sed principis prudentia gubernatur 508.

## Veritas.

In rebus agendis non ex verbis, sed factis iudicatur 418.

## Vincentius Laudensis.

In praelio obtruncatur. 55.

## Vindicta.

Pars est iustitiae 421.

## Viri.

Viri probi euadunt tribus rebus 114.

## Virtus.

Duplex 82. 350. virtutes principum necessariae 101. virtutes acquirere situm est in potestate hominis 367. & seq. virtutes ita sunt inter se connexae, ut sublata una omnes tolli sit necesse 364. virtutes sunt expetendae

propter se 366. virtus moralis duplex 384. naturalis quid 385. virtus ad officiosa munera fungenda externis bonis iuari debet 398. & seq. virtutis ratio non in opere posita est, sed animo & voluntate 400. virtus definitur 407. vitium sit abutendo 407.

## Vis.

Si per vim cogitur aliquis ad matrimonium, matrimonium dissolui potest 496. cum vi qua homo cogitur ad matrimonium papa dispensare non potest 528. vim vi quomodo repellere licet 513.

## Vita.

Actiua vtilior contemplatiua, sed non dignior 83. actiua & contemplatiua comparantur 331. 351. actiua necessaria est ad vitam degendam 352. contemplatiua praestantior actiua 352.

## Viterbium.

Viterbii tumultus excitatur 13. testamentum condit Aegidius Albornotius & moritur 62. 63.

## Vitium.

Vitia possunt mutari in contrarios habitus cura & consuetudine 5, 6.

## Vlricus Huttenus.

Cum propter homicidium Italia cederet, fugit ad partes Lutheri in Germaniam 543.

## Voluntas.

Est actionis forma 404. cogi non potest 435. 559. libera est 549.

## Voluntas.

Actionem reddit perfectiorem 385.

## Votum.

Simplex non dissoluit matrimonium 498. votorum nuncupatio asseritur contra Erasmus 624.

## Vrbani V.

Succedit Innocentio VI. pontifici, dictus primo Guilielmus Chrysaureus 56.

N n n n

Vrbana



# INDEX.

*Urbevetani*  
Se tradunt Aegidio Albornotio 17.  
*Urbs*

Urbium condendarum situs & ratio  
114. locus aptus urbi condendæ  
deligendus 115, urbium maritima-  
rum commoditas 117.

*Xor.*

Quādo ducenda 107. procera regi du-  
cenda 107.

X.

*Xanthus Miranda.*

Compluti Sepulchræ præceptor 69.


*Xerxes.*

Xerxis pugna ad Thermopylas 454.

## FINIS










07140

[illegible]







10  
 11  
 12  
 13  
 14  
 15  
 16  
 17  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32  
 33  
 34  
 35  
 36  
 37  
 38  
 39  
 40  
 41  
 42  
 43  
 44  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100  
 101  
 102  
 103  
 104  
 105  
 106  
 107  
 108  
 109  
 110  
 111  
 112  
 113  
 114  
 115  
 116  
 117  
 118  
 119  
 120  
 121  
 122  
 123  
 124  
 125  
 126  
 127  
 128  
 129  
 130  
 131  
 132  
 133  
 134  
 135  
 136  
 137  
 138  
 139  
 140  
 141  
 142  
 143  
 144  
 145  
 146  
 147  
 148  
 149  
 150  
 151  
 152  
 153  
 154  
 155  
 156  
 157  
 158  
 159  
 160  
 161  
 162  
 163  
 164  
 165  
 166  
 167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200  
 201  
 202  
 203  
 204  
 205  
 206  
 207  
 208  
 209  
 210  
 211  
 212  
 213  
 214  
 215  
 216  
 217  
 218  
 219  
 220  
 221  
 222  
 223  
 224  
 225  
 226  
 227  
 228  
 229  
 230  
 231  
 232  
 233  
 234  
 235  
 236  
 237  
 238  
 239  
 240  
 241  
 242  
 243  
 244  
 245  
 246  
 247  
 248  
 249  
 250  
 251  
 252  
 253  
 254  
 255  
 256  
 257  
 258  
 259  
 260  
 261  
 262  
 263  
 264  
 265  
 266  
 267  
 268  
 269  
 270  
 271  
 272  
 273  
 274  
 275  
 276  
 277  
 278  
 279  
 280  
 281  
 282  
 283  
 284  
 285  
 286  
 287  
 288  
 289  
 290  
 291  
 292  
 293  
 294  
 295  
 296  
 297  
 298  
 299  
 300  
 301  
 302  
 303  
 304  
 305  
 306  
 307  
 308  
 309  
 310  
 311  
 312  
 313  
 314  
 315  
 316  
 317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400  
 401  
 402  
 403  
 404  
 405  
 406  
 407  
 408  
 409  
 410  
 411  
 412  
 413  
 414  
 415  
 416  
 417  
 418  
 419  
 420  
 421  
 422  
 423  
 424  
 425  
 426  
 427  
 428  
 429  
 430  
 431  
 432  
 433  
 434  
 435  
 436  
 437  
 438  
 439  
 440  
 441  
 442  
 443  
 444  
 445  
 446  
 447  
 448  
 449  
 450  
 451  
 452  
 453  
 454  
 455  
 456  
 457  
 458  
 459  
 460  
 461  
 462  
 463  
 464  
 465  
 466  
 467  
 468  
 469  
 470  
 471  
 472  
 473  
 474  
 475  
 476  
 477  
 478  
 479  
 480  
 481  
 482  
 483  
 484  
 485  
 486  
 487  
 488  
 489  
 490  
 491  
 492  
 493  
 494  
 495  
 496  
 497  
 498  
 499  
 500  
 501  
 502  
 503  
 504  
 505  
 506  
 507  
 508  
 509  
 510  
 511  
 512  
 513  
 514  
 515  
 516  
 517  
 518  
 519  
 520  
 521  
 522  
 523  
 524  
 525  
 526  
 527  
 528  
 529  
 530  
 531  
 532



BA 602  
S 4790

c











